





MAG 321

T  
8  
15







BELLUM  
LUSITANUM.

DELLUM

INSTITUTUM

BELLUM  
LUSITANUM,  
EJUSQUE REGNI  
SEPARATIO  
A REGNO CASTELLENSI  
CUM ABROGATIONE  
SUPERADJECTA  
ALFONSI  
REGIS LUSITANI.

AUTHORE R. P. D. CAJETANO PASSARELLO  
Catanfariensi, Clerico Regulari, è concionibus CAROLI II. Hispaniarum  
Regis, & in sacro Hispaniæ Inquisitionis Senatu Censore.



LUGDUNI,  
Apud ANISSONIOS, JOAN. POSUEL, & CLAUD. RIGAUD:

M. DC. LXXXIV.

CUM PRIVILEGIO CHRISTIANISSIMI REGIS.

THE

LIBRARY OF THE

UNIVERSITY OF

CHICAGO

1850

1851

1852

1853

1854

1855

1856

1857

1858

1859

1860

1861

1862

1863



SERENISSIMO ET POTENTISSIMO  
CAROLO SECUNDO  
HISPANIARUM,  
ET INDIARUM REGI.

**D**UPLICI tibi vinculo adstrictus, Augustissime Rex, & naturalis clientela, & aulici famulatus, officii tributum quod variis negotiis, ac studiis implicitus in sacro sacello tibi lingua persolvere minimè potui, stylo rependo. Est enim historia lux veritatis, magistra vita, cujus velut stylo depictis exemplis instruimur prava corrigere, fugere turpia, vitium odisse, virtutem amplecti, à malis secernere bona, & quod aurea virtutis lutulenta inter exposita vitia resulget, tanquam à scoria purgamento sejunctum eligere. Quis enim vetera monumenta legendo non indignatur crudelitati Neronis? quem non delectat clementia Caesaris? cui admirabilis non videtur pudicitia Lucretia? cui non execrabilis impudicitia Livia? Hoc quoque modo Alexander Ulixis, atque Achilles ab Homero luculenter expressas imagines intuens, exemplar exemplo pulchrius in semetipso delineavit; & Caesar ab Alexandro historicè plauso, & eloquentia coloribus picto, lumina sumpsit quibus mirificè claruit, & Scipio major hujusmodi imitamento, Scipionem minorem edidit, atque in rigida Catonis minoris vita Cato major descriptus est. Ita in suggestu sedet Historia, Orbisque terrarum ejus doctrina imbuendus auditor assistit; meque per illam decet eius explere muneris partes, quod mihi honorifice imposuisti. Habent etiam Historici templum, & aram, & tutelarem veluti Deum, & thura optimi odoris, & holocausta fidei, ubi, & votis causâ stylus velut appensus memoria hominum consecratur, & inde præterea, ne veritas ipsa, & qui nudam eam representat per livorè aliquando ledatur patrociniè validius assumit, quam quod à phantastica Musa Poëta suscipiebant. Hic porro quasi Deus tutelaris, & ille, qui ex veteri adagio homo homini Deus appellatur quem ad præsidium simul, ac lucem in fronte operis sui collocare rerum gestarum scriptores solent, Rex est, sive Princeps, cujus eò securior patet asylus, eò

nobilior cum luce, ac decore permista distenditur umbra, quò excellentior est Princeps, cui lucubratio sacratur. Ego te Rex inter homines omnes, qui jure, & imperio temperant Orbem, & leges immenso populo dicunt elegi fautorem, & tanquam astrum propitium volumini meo, quò ipsum radiis majestatis illustres, calore potentia foveas, ac velut Numini consecratum nemo violare audeat. Si enim divitiæ, strepitusque potentia hominem ornant, quis te potentior? Si amplitudo, si splendor, ac dignitas nominis, quis te amplior? quis te sublimior? Si fortuna, si virtus, te quis augustior? Laudent te alii, quò soboles, stirpesque sobolis es tot Regum, tot Romanorum Imperatorum. Extollant, quò duplex tibi curvatur mundus, solisque prope modum cursum dominatione metiris. Celebrent te, quò inter intestinas discordias, ac domestica turbamenta jactatum ne omninò periret, cum infans esses, Imperium, tua felicitate, & auspicio paratum est, ac deinde pene puer, cum regnum ingressus esses, fluctus, quos infantia excitaverat, senili prudentiâ usus composuisti. Mibi inter omnia maximè placet continentia, temperies, moderatio animi tui qua tibi imperas, te ipse vincere scis, ac planè superior humanis affectibus es: simul pietas, religio, fides, morum omnium concentus, plusque equidem venerari, mirarique delector, quò per acquisitas virtutes, & egregia potentia, atque animi pignora moderamine culta mereris, quàm id, quò fortunade te quanquam hac sese effuderit tibi, merita est. Hæc est ara, hoc virtutis sacrarium, in quo vel ritè dicatur, vel ad custodiam, reponitur opus. Hic est receptus quò veritas stylo & cum melle, & aculeis expressa, ut aliis grata, aliis ingrata stylis fortassè repungenda confugit. Nec in mediocrem profectò laudem, & gloriam tuam cesserit, quò vel in hoc aurea Trajani, ac Nervæ secula revocaveris, cum unicuique, regnante te, Carole, liceat liberè dicere, ac scribere, & longè plus tibi metuas ab assentante, quàm arguente. Proinde accipe donum majestatis tuæ, ac sacerdotio meo dignum, scilicet integrum, & incorruptum, & ab omni adulatione, aurium aucupio, & vanitatis illecebra castum, quale Historiam esse oportet virgini similem nobili, ac verecunda, sine cincinnis, & calamisistris, sine artis colore, sine fallacia fūco, sua naturali specie, suisque duntaxat prædita dotibus, quas ei libertas ingenii, & veritatis candor apposuit. Huic si gratia tua fulgor accesserit melior fiet. Proprium est enim altiorum Principum gratia lucum in aurum, vapores in stellas convertere, & quò visu pulcherrimum est, pulchritudinem etiam addere. Vale, & in Catholica Ecclesia subsidium felicissimè regna. Datum Mantua Carpetanorum Prædie Kalendas Octobris anno 1682.

Majestatis Tuæ,

Addictissimus Clienſ, atque famulus,  
CAJETANUS PASSARELLUS,  
Cler. Regularis.



## AUCTOR LECTORI.



UM triginta circiter annos Mantuæ Carpetano-  
rum apud Catholicam aulam moratus essem, me-  
ibi religionis officio, & externorum quoque Prin-  
cipum à Regis clientela pendentium servitio, &  
commodis mancipatus; creptum occupationibus  
tempus ad Lusitanam scribendam Historiam con-  
tuli, quàm illud, quod tunc propè aures ad Ca-  
stellæ confinia cum tumultu, ac strepitu confluentium belli classi-  
cum obstrepbat, in animum excitavit. Primùm quia perutile est,  
res militiæ, domique gestas integra fide ad posteros mittere, qua-  
propter homo quanquam, & ipse senex, qui nihil scit præter id  
quod tractavit, aut vidit, aut perfunctoriè percepit parum à pue-  
ro distat; caligatque profectò illa intellectus acies, quæ intuitu præ-  
terita non complexa, & alibi interfluentia minimè curans, ex bre-  
vi curriculo vitæ, arctiorique humani sensus mensura, objectuque,  
electionem in opere statuit, & prudentiæ præcepta colligit. Dein-  
de cum summa Hispanorum prudentia, arcano, quod imprimis sa-  
cratum est, negotiorum auctoritatem sustineat, aut exitum quærat,  
aut simul opinioni vulgari studeat, ac vires suppleat ingenio, re-  
rum notitias alias obstruit, alias colore corruptas spargit; adeò ut,  
cum eorum facta, & consulta inexplorata pleræque jaceant, atque  
ignorantiæ caligine tecta, nec sapientia Hispanorum, quæ summa in ex-  
tricando negotio est, nec veritas rerum, in qua vivendi disciplina consi-  
stit, citra corruptelam, aut fucum, inter Historiæ volumina pateat, at-  
que ideo à republica erit tot rerum vicissitudines, tot fortunæ ludi-  
bria, tot militares, & Politicas artes, tot exempla, atque lumina  
rerum excidere oblivione, aut falsitate labefactari minimè pati. Huc  
etiam accedit, hanc nostram bellicæ Historiæ narrationem propter  
aulæ Hispanæ propinquitatem, unde belli conversiones, & motus,  
& propiora consilia erant, & utilitas bello, ea tempestate, quæ sita  
in

## Auctor Lectori.

in aula incrementa refundebatur, cum ejusdem aulae vertigine, ac joco connexionem habere maximam; Quocirca sæpè videbis cum Pallade Martem ludere, & Leones à vulpibus vinci, & qui speciem stultorum præ se ferebant, per depressam jaçantiam, ingeniique vim clam intentam sapientiorum acumina obtundere, & ad calculos verti consilia, & arma è manibus propè fluere, quos propria utilitas revocabat: ac tandem inter militarium, & aulicarum artium confusionem id agi, id potissimè quæri, ut felicior quis in aula venator, quàm consultor, aut miles in bello esset, atque tunc respublica staret, cum privatae non offecisset. Hujusmodi, & aliæ potiores fortassè causæ, quas silentio transire libet, ad hanc contexendam Historiam quemdam animo meo instinctam, torpentisque propè calamo impulsim dedere. Cæterum hoc mihi difficile iter ingrediendi primò se scopulus offert, quò plures temerè impacti, aut fidei, cum falsæ; aut rerum suarum naufragio, cum vera dixissent, afflicti sunt. Quippe, ne dum recentis memoriæ hominum, quorum & lubrica quoque narratio est, sed etiam præsentium, & in apice, ac specula positorum acta, & consilia scribere aggredior. Hic autem, si viventibus assentabor, veritatem; si minus personas offendam; si suspensio vestigio, ac trepido propè calamo inter vitia, ac virtutes incesse, servile, & historico indignum munus exerceo; si cursim res aliquas tangam, aut tacitè præteribo, mutilatur Historia, & idèò inutilis, atque deformis publicæ scenæ apparebit. Quid ergo exterminanda est Historia, & omnino excicandus artis Politicæ fons, & prudentiæ thesaurus exhaustiendus? An tunc res gestæ tradendæ posteris sunt, cum per interposita secula expungit, aut minuit, aut mutat, illas oblivio? Cum rerum notitiæ velut situ ex longo tempore ducto marcent? Cum famæ, qua nihil mendacius, aut vulgari traditioni, qua nihil incertius, ac volubilius, credendum est, atque idèò inter cadavera, & cineres, & graveolentium fragmenta ossium, ut ita viventibus mos geratur, voluntanda semper erit Historia, & insuper ipsa ambigua, implicita, obscura, nisi plena erroribus, plena mendaciis? Satiùs igitur erit malè doctos homines dedocere, ut intelligant, quod si quis immunis à labe, & extra lapsum relique jactum humanæ miseriæ vivit, Deus est, aut Deo similis, aut faciliùs bellua est, ac minimè decet, inter tot foveas, & laqueos, & humanarum vortices rerum, quibus unoquoque penè vestigio mortalium natura periclitatur, labi malle, quàm erudiri; aut erubescere dicta, quàm facta. Præterea, si vera est, qua contumelia jactaris, cur non emendas? si falsæ, cum delinquere nemo alieno peccato possit, cur non irrides? si forte superbus



## Auctor Lectori.

perbus , & auribus insolens potestatem opumque pro te subsidium, & ornamentum appellas , quando ista displicent tibi , scias , quod pejora de te posteri audient , cum mortuus aculeos non senseris , ac tunc temperantia nostra cum illorum libertate collata mores tuos excusare potius , quam accusare videbitur. Inter mortuos , & vivos illud , quod oblivio appellatur Lethe flumen interfluit ; hoc si nimis inflari excursu temporis sinimus , cum stylo quærimus mortuos , nec vana quidem inveniemus : sic media inter vivos , recentisque vita defunctos cum versetur Historia , nihil atrum antiquis ab umbris , nihil vanum oblivionis à flumine haustum , ad publicam lucem referet. Exue igitur hoc aurium fastidium , & arrogantiam animi non ferendam , teque tractabilem , atque mitem vel erudiendum , vel admonendum , vel expurgandum bono Historico trade. Providendum est enim , ne propter paucorum indociles aures , & aliorum pavida ingenia , ea segete rudimentorum , ea fructus ubertate , atque copia , quam ex Historia respublica suscipit , defraudetur : & me quoque non mediocriter juvit , domesticis curis , laboribusque quibus me redundantes in aula fluctus aliquantulum asperserunt , quasdam succisas animo meo inducias per hæc otia litterarum applicuisse , diuturnamque in Hispana Provincia moram prorsus inutilem non fecisse.





# SUMMA TOTIUS OPERIS.

## LIBER PRIMUS.



**L**USITANIÆ descriptio. Hanc Regionem, olim incultam, ac propè desertam, Henricus Lotaringius restaurat, incolâsq; ad civiliorē vivendī formam redigit. Ei Castella Rex filiam collocat, dat a pro dote Portu urbe, cum Portugallie Comitis titulo. Alensius Henrici filius, ob prostratos praelio Mauros, Rex proclamatur. Sebastiano in Africa cæso, succedit Henricus Cardinalis. Is moriens absque liberis, multos relinquit regni competitors. Philippus II. Hispaniæ Rex, Antonio Portugallio devicto, rei Lusitanæ potitur. Dux Bregantii, regni amissi dolore perculsus, simul & metu Philippi, occumbit. Theodosius Ducis filius, desperatâ regni cupidine, phreneticus moritur. Galliæ Rex Ludovicus XIII. Hispaniæ Philippus IV. totum regiminis pondus, ille in Cardinalem Richelium, hic in Comitem Ducemque Olivarium, devolvit. Olivarius dissidia in Gallia suscitât. Richelius Suecum, Danum, & Hollandum in Austriacam familiam commovet. Catal. unia desicet à Catholico Rege. Mutationis imperii in Lusitania variæ causæ. Sub ministris regni Suario & Vasconcello omnia venialia. Richelius, ad suscipiendum avitum regnum hortatur Bregantium, qui operâ Pinti ad explorandas & flectendas civium mentes utitur. In colloquio Ulsipponē habito, diversæ sententiæ de Lusitano imperio mutando. Locustarum prodigio prænunciatur imperii conversio. Variis dolis circumvenire Bregantium conatur Olivarius, qui ipse suis dolis capitur. Contra cum Ministrorum querelâ apud Regem. Lusitanorum affectus erga Bregantium. Ad ipsum Almada oratio. Iussu Regis vocatus ad Aulam, ire recusât. Cunctantem tandem ipsius animum Antistes Elvensis expugnat. Occultum uxori consilium aperit, quæ virum jampridem spe, metuq; pendente ad Regni rapinam impellit. Rei agendæ tempus & ordo statuitur. Fortunæ casus, parvique momenti res, conjurationem penè duxit. Audax Georgii Meli facinus. Philippa Villiena defectionis die constitutâ, filios accendit & armat, exempliq; suo alias nobiles Lusitanas peracuit & illustrat. Conjurati Regiam occupant. Vasconcellus in armario latens ab Antonio Sotenlio conficitur, cadaver ejus pecudum alimento relictum, à Sodalibus Misericordiæ sepelitur. Ejus virtutes & vitia. Diripitur domus Decani Bracarenfis. Margaritæ Principis constantia. Antonii Silvæ fides resurgit. Antistes Ulsipponensis solemnem instituit processionem, in qua verum aut fictum miraculum vulgus maxime movet. Is in speciem invitus usque ad Bregantii accessum, novæ gubernationis arbitrium subit. A Legatis Regni nomine missis, Bregantius Rex salutatur. Ulsipponem ingreditur magnâ pompâ, ibique coronam suscipit. Margaritam Principem ad Carnobium extra urbem transferri jubet. Ad Iulianam arcem occupandam

to conatu incumbit. Ioannes Cueva ad defectionem inducitur, spe premii. Ad exhaustum grarium locupletandum, argenti usurarii accervos conferunt Crives, quin et mulieres in milia ultrò offerunt. Variis arummis afflictaur Margarita, insignante Francisco Lusena. Quis aule Catholice motus et habitus fuerit, cum deservit Lusitania, et Olivarius in primis. Rex ea de re belli, statúsque Senatuum consulturus accersit. Ognatus censet omíssa Catalaunia Lusitaniam sine mora urgendam. Eius argumenta. Contra Olivarius dissertit, cuius sententia vincit. Comparantur copie pro Castella munimine, quibus praefitur Dux Sidonius Medine. Lusitanie defeclio, reliquas regiones que antiquae suae ditionis et juris erant, attraxit.

## LIBER SECUNDUS.

**A** Nnus 1641. Legationibus ad externos Principes, vario illarum eventu, et intermis, externisque discordiis insignis. Publica iudicia regni Comititia. Elvensis Antistes, et qui obsecrant, et qui assumpserrat regnum, collaudat. Deleta tributa, quae post Philippi II. Imperium introducta fuerant. Legationes ad Reges decernuntur, in quibus Imperator silentio praeteritus. Odoardus Bregantii frater, Catholici Regis opera, et Caesaris iussu, apud Germanos custodià detinetur. Ad Regem Galliarum missus Legatus à Lusitano, ita auctas honoribus est, ut reliquos Aule Oratores emulatione perculerit. Apud Hizam regis insignibus exceptus Lusitanus Legatus, meundam cum Hollanda Republica amicitiam, proponit. Dux Sidonius in Baetica, regnum sibi parare constituit. Hollandos, dum unà cum Lusitania, terrarum marique Catholicum Regem oppugnare intendunt, major tenebat sollicitudo, quoniam modo apud Indos, Lusitanas opes everterent. Illorum mandato, Comes Nassaus Angolam diripit, urbem Divi Thomae flammis absumit. Complures Nobiles Lusitani etiam in Regis Catholici fide persistunt. Terretur Bregantius contra se machinantium, multitudine. Suarii dumum odio publico devovet. Praclarum pudicitiae exemplum edit Suarii filia. Antonius Menzicus, classem Indicam quam à Philippo moderantem susceperat, in eundem hostiliter sumpsit. Ad Tertias Insulas expeditio. Hollandorum perfidia. Civium pecunias et opes censet Bregantius. Regis Catholici exercitus praefest Monregius Comes, cuius inertia Elvi per prodicionem recipiendi, dilapsus est occasio. Circa Elvum prelium confertur, in quo superior Castellensis. Memorabilis quarundam oppidanorum in Bregantium fides. Toralti Marchionis occisio. Impetum facit in Olivençam Ioannes Garaius, sed Monregii segnitie vacuus miles revertitur. Ulsipponi graves in Bregantii caput inita insidiae autore Brarenfi Antistite, qui supremum fidei questitorem, Cruciate Praesidem, primoresque multos ad suas partes trahit. Edocetur Olivarius de struclis insidiis, sed conjuratorum littera ab Ajamuntio intercepta ad Bregantium deferuntur. Is statim, Bellique Senatum cogit, quò Antistes et alii conjurati temerè ingressi, capti et custodie traditi sunt. Omnes crimen confessi, nullo discrepante suffragio, capite condemnantur. Ville regalis Marchio, Camigna Dux, ceterique plebuntur, evitato in sacras Personis supplicio, ne Pontifex offenderetur. Nicolaus Velascus Minorita, à Sidonio immixtus ut conjurationis negotia traheret. Franciscus Sancius Castellensis, expresso per artes à monacho, secreto; per speciem querenti Sidonium, ad Regem Catholicum iter instituit, ac saedus inter Bregantium, et Medine Duceem, initum exposuit. Olivarius manifestum cognati scelus, omnino aut ex parte deluere conatur. Subdolis ejus sermo ad Regem, qui Sidonii causam illius iudicio relinquit. Se ad Aulam confere Sidonius, Conjuratonis ordinem facetur, et delicti

delecti quo tenebatur causam ab Ajamontii Marchione ducit. In bonis multatus, & reliqua a viâ vallisoletæ ducere jubetur. Ajamontius in urbē Segovia, elisis in carcere finibus perductionis supplicium dedit. Margarita Princeps Ussipponē discedit. Eam Olivarius a congressu, aspersione Regis arceat. Monnigio, è belli præstatura dejecto successit Ioannes Caraius, qui per artes militum animum, & Civium fidem explorat. Dum Valverdem impetu capere intendit Franciscus Rabellus, Urbem jam ingressus Lusitanus, ac pene victor, in fugam vertitur. Romanam Legationem apud Urbanum Ollavum agendam, Lameci præsul mandato Bregantis suscipit. Ioannes Cinmazerus, qui Hispani Oratoris munus obibat Rome, canit & sedulo Lusitani conatibus it, obvium. Urbanus rem Cardinalium suffragis excusandam respondet. Cardinalis Sachetius Lusitanum Legatum regni insignibus esse admittendum existimat. Hic dissuadet Cardinalis Pamphilus, cuius sententia probatur. Ne dum a Pontificis adiuv. procul, sed urbis etiam Romanæ Lusitanus habeatur. Dolum componit Cardinalis Antonius Barbrinus, quo captus Pontifex jubet ad Curiam accedere Legatum Lusitanum, quem Gallus Orator cum magno apparatu in diem suam hospitium excipit.

## LIBER TERTIUS.

Fortuna, parvâque res Lusitanos & Castellenses, celerius quàm antea soliti erant, ad erranda a-ma commovet. Alfonso Melus captivos Castellæ milites, velut mancipia turpiter exercet. Ludovicus Lancastrus commilitonum injurias ultum mittitur. Campomajoris, dolo per Hispanos tentata receptio, fallaci exploratoris fide, corumpitur. Valverdam diripit & incendit Lusitanus. Occupat Tellius oppidum Elca, cujus arcem ad primum tormenti bellici iactum prodit Gubernator. Dux Alba amissam arcem frustra recipere tentat. Sancti Martini obsidionem irritam Tellius tollit, inde Elcam urit, & arcem exscindit. Vexeris & Burzius quàm plura Lusitanæ oppida incendunt, & diripiunt. Memoria posterorum digna quarundam mulierum Lusitanarum virtus. Isabella Borbonia Regis Catholici uxor frequentes exercet cum Olivario contumeliones. Urget per se, clientesque suos, Regis profectionem ad Aragoniam. Ne illis difficultates Olivarius, Regemque voluptatis blandimentis, à belli curis abstrahere conatur. Invito ac paulim repugnante Olivario, secundum Marchionis Granensis sententiam Cesar angustam Rex sese confert. Bellum Lusitanum elanguescit. Vicine agunt Hispani cum Cesare, ut ex Germania, Odoardus Mediolanum traducatur. Olivarii genus, cultus, viæque institutum. Indivus, à patre Salernitanam mittitur, ad iurisperdentiam addiscendam doctrinam. Morte fratris ad Regiam translatus, servitio sese addicit Hispaniarum Principis, quo ad regnum evellō, Imperii regendam molim suscepit. Deficiente Catalaunia, Regis in ipsum minui cepit benevolentia. Regina presentiens labare jam Olivarium, extrema illius ruine ministram eligit Margaritam Sabaudam. Secretum Margarite cum Rege colloquium. Comes Castrillius, insinuat Regine detegit Regi, quæ ipsum lenebant, reipublicæ vulnera. Olivarius, quo liberior imperaret, inter Cesarem & Philippum dissensionem, ac dissidentie semina jacebat. Hinc Regina, Marchionem Granensem monet, ut contra Olivarium insurgat. Anna Guevara nutrix olim Philippi tyrannicæ Olivarii Gubernationem Regi exponit. Rex & Regina gerè patiuntur, Balihassarum Hispaniarum Principem, statim annum quintum decimum ægrem, Olivarii artibus male educatum, ac pejor edoctum, inter mulieres

mulieres adoleſcere. Henricum filium uothum ſannitio Principis præficere cupit Olivarius. Manu Regis conſcriptos codicillos accipit, ut Loecium pergat. Olivaria lacrimis, Regis Reginaque animum miſtigare nequit. Ludovicus Arus, ut tri- duo in palatio maneret Olivarius, impetrat à Rege. Incredibilis lætitia, & publica gratulatio omnes afficit, ob lapſum Olivarii, qui impendens à furore populi periculum arte ſubterfugiens, Loecium petit.

## LIBER QUARTUS.

**F**RANCISCUS Luzena Bregantii adminiſter, egregiè munus ſuum obit. Ei ab Olivario tenduntur inſidia. Proditionis accerſitur. Inſons exiremo, nimisque feſtinaſto ſupplicio tollitur. Bregantius acriora belli tractare conſilia caput. Arma hoſtium nedum expectat domi, ſed ultro quoque in Caſtillam inſert. Galli mi- lites terrâ marique frequentes Uliſſipponem appellant. Luſitanie vires. Armo- rum imperium Vaſco Maſcaregno traditur. Anceps Caſtelle rerum conditio. Sancti Stephani Comes copiis Caſtellensibus præſt. Exercitus Luſitanus ducitur ad oppu- gnandum Valverdis oppidum, ab iſſdem aliàs incenſum, & ab Hiſpanis reſtaura- tum. Captum oppidum funditus diruitur. Badajocium obſidere aggreditur Maſcare- gnus. Ratus fore obſidionem diuturnam, retrò copias abducit. Exauſtoratur à Bre- gantio, & in ejus locum ſublegitur Mathias Albuquerque. Novi Dueis initia. Alconcellum primo impetu invadit. Arcem caput, firmoque præſidio munis. Villa- novam petit, & occupat. Geldrius arcis gubernator, eam per honeſtas conditio- nes Luſitanis concedit. Eodem tempore, eodẽque eſtu res Luſitana in ora Gal- laciæ promovetur. Caſſelmellorii Comes, jubente Bregantio, inſeſtus Gallacium in- trat. Salvaterram ſurtim invadit, & expugnat. Rex Catholicus, ſummo oio Na- varra Priore, Cardinali Spinula armorum regimen deſert. Amiſſi nãpr oppidi re- ceptionem illi commendat. Cardinalis inglorius, & inanis Compoſtellam repetit. Braccavensis Antiſtes conjurationis in Bregantium inite auctor, diem obit in Lu- ſitania. Marchio Turrecuſius, à Rege Catholico, ad Luſitanicæ fines cum armo- rum imperio tranſfertur. Propè collapſam militum diſciplinam reſtituit. Dux Lu- ſitanus urbem Albuquerqueium adoriri decernit. Sed re inſeſta diſcedit. Turrecuſio certam in hoſtem expeditionem præcipienti, petulanter obſiſtit miles. Antiſtes Bada- jocii Turrecuſium ſuribundum, & ad Aulam iter parantem, artiſicio cludit. Monti- tium vaſti Albuquerqueius. Molingenius Belga, urgente Turrecuſio, conſerit cum hoſte pugnam, evaditque viſtor. Fractus Albuquerqueius redit in Luſitaniam, & ſalvò ſeſe viſtorem proficetur. Santalexium caput Molingenius. Luſitani cuſuſdam militis fu- ror. Rex Catholicus Turrecuſium, ire Elvum ad oppugnandum jubet. Franciſcus Melus Luſitanus magiſter equitum ſuperatur à Molingenio. Ad urbem Elvum cum omni obſidionali apparatu movet Turrecuſius. Terretur initio ſerali omine. Locus, tempus, fortuna, exlum ipſum illius incæptis obſtant. Famâ ſandem, ac viribus diminutus Badajocium redit. Se Magnatum Hiſpanorum quos Grandes appellant, numero adſcribi poſcit. Rex ea de re præter morem Senatuum conſulit. Moſeſt fere Turrecuſius hanc dignitatem non fuiſſe ſibi attributam jure ſobolis perpetuò propagan- dam. Militia miſſionem petit, & impetrat.

## LIBER QUINTUS.

**T**urrecusum, ad armorum imperium in Lusitania sequitur Marchio Leganesius. Prævalidum propugnaculum, pontenque inter Elvum & Olivenſam, expugnat & excindit. Lusitanorum duo peditum millia, ac totidem ferme equites, partim cadit, partim fugat. Monroium Iuruncniam mittit, sed prædâ inſeſatus miles frangitur ab oppidanis, & præceptis abſcedit. Leganesius ad prædâ agrorum, exuſtiones villarum, & vicorum excidia convertitur. Villaviſioſam capit ac diripit. Alburquerque in fugam vertit. Orta Roma contentio inter Oratorem Hiſpanum Zirole Comitum, & Zedofreite Priorem, Luſitana cauſam Eccleſiæ agentem, univerſam propemodum Curiam permifcet. Invadunt Hiſpani milites Priorem, à ſamulâ unum conſodiunt, alium lethaliter vulnerant. Innocentius, urbanum Prætozem jubet viâ juriâ de crimine inquirere. Ex ſententia Purpuratorum, manet Orator congreſſu Pontificiâ intercâſſus donec Sicariis traderet. In Aula Catholica Apoſtolicus Nuncius petit ut avocetur Comes Zirolenſis, quem Rex Legati munere exutum Româ diſcedere jubet. Mediolori, auro corruptæ Germanorum cuſtodie, Odoardum Breganii fratrem ab arce dimittere promittunt. Crimini datur Odoardo, quod fratri, Regi nomen impoſuiſſet. Iudices delegantur à Rege Catholico qui in ea cauſa ex Majeſtatis lege procedant. Maxiori ſuccumbens Odoardus lethali morbo corripitur, & judicium ſententiam antevertit. Molingenius, ob præclarè geſta, Marchioniſ titulo inſignitus, militiâ præſecturam adminiſtrat. Telene propugnaculum à Leganeſio extruſum, per turpem deditionem Alburquerque traditur. Molingenius hanc inſamiam dilaturus, Luſitanum ad Anc tranſitum cedit, propugnaculumque reſtaurat. Reſiſſi, aut intermiſſi potiùs in Luſitania belli, multiplex cauſa. Carolus Padillia in Regera conjurat. Per inſidias & dolos captat Ari benevolentiam. Lutetiam mittitur ut pacis inter Gallos, & Hiſpanos negotium urgeat. Rodericus Sylva Dux Ixarenſis, ac ſcum Aro gerit ſimulacra. Per venenum, Bregantium de medio tollendum, Regi proponit Dux. Facinus averſatur Rex. Padillia, ſuum de conjuratione conſilium aperit Ixarenſi. Hic fidem Carolo obſtringit, ſequè conjurationis principem fore proſcribitur. In partes adſciſcitur Petrus Sylva Vegenſis. Series conjurationis. Ioannes Padillia Caroli frater, Vercellenſis civitatis Præſectus renunciatur. Carolus fratrem in ſceleris ſocietatem adduſturus, ſcribit ei litteras, quæ ad Arum Mantuam Carpetanam remittuntur. Compinguntur in vincula Conjurati. In eos ut reos Majeſtatis capitale ſupplicium ſancitur. Animo interritus jugulatur Carolus. Regi Catholici pietas. Ixara Ducis cauſa à ludicibus verſatur. Decernitur, ut veritas, per cruciatum exquiratur. Dux ad tormenta ſuſtinenda mirè compoſitus pergit. Prætoris & tormentorum ſevitia, & Ducis conſtantia. Lex, vetuſque Caſtelle uſus, ut reus inconfeſſus pro vita indemnitas præſtetur. Ixarenſis perpetuò carceri mancipatur, & in arce Legionis ocluſus, multo ibi poſt tempore ſenio, ac valetudine reſolutus, interiit. Ioannes Padillia, dum Mediolorano, Mantuam Carpetanam adducitur, voluntaria per iter inedia, judicium prævertit.

## LIBER SEXTUS.

**B**Regantius lethali morbo correptus, administratos, regnique Principes convocatos, deque fide servanda monet, vi apoplectica tortus occumbit. Ejus mores, Imperii juri, opibusque paternis, Alfonso maximus natus filius, regnique tutela ex vi testamenti succedit Aloisia Gufmana, Bregantii uxor. Hæc Laurentianum Comitum qui regni confinio cum milite præerat, Barcarota arcem petere jubet. Franciscus Tuttavilla Sangermanensis Dux, armorum pro Castella Præfectus. Quibus moliebatur insidias Lusitanus capere, capitur. Rex Catholicus, ad acrius quam antè, Lusitania bellum redintegrandum permovetur. Status Senatu coactò, Dux Medina censet, non incumbendum receptioni Lusitani regni, nisi post stabilitam cum Gallo pacem. Ejus Oratio. Contra sentit Belvasius Spinula. Ejus argumenta. Ardet Arus cladum quas Olivarii insolentia pepererat, restaurator dici. Sangermanensis milites contra Olivencam ducit. Laurentianus Badajocium contendit, ut ab Olivencæ obsidione Castellenses abstrahat. Ibi accepta clade ab urbe obsidenda deterretur. Valentiam irritò conatu aggreditur. Olivencæ honestis conditionibus Castellensi traditur. Saldanius quòd nec pro fide, nec pro viribus Olivencam deffendisset, perpetuo exilio multatur. Aloisia, sedare cum Gallis & Anglis sancto, ultra fines Castella arma translatura exercitum cogit, cui præficitur Ioannes Mendus Vasconcellus. Is ad Badajocii obsidionem se applicat. Frangitur primus Lusitanorum impetus ad propugnaculum Sancti Christophori. Castellensium equitum duo millia caduntur. Pugna memorabilis inter Venti, & Maja colles. Civitatis obfesse nuncio perturbatur Aula Catholica, & belli expeditionem suscipere cogitur Arus. Lusitanus Badajocii solvit obsidionem. Triumphantis in modum urbem Arus ingreditur. Vil' abum diripit. Elvum obsidet. Subsidia magno strepitu Ulisipponæ comparantur. Cantagueda Comes summus exercitus Lusitani Dux, Elvum liberaturus pergit. Prænuntiatur Aro per litteras, qua ipse die, qua hora, quibus copiis, qua parte subsidii socii venturus sit. Iusto certamine, Sangermanensis in capite sauciatur, unde prostrernitur Castellensium acies. Elvus obsidioni eximitur. Arus ad Aulam revocatus, in eodem gratia loco, quo antèa retinetur. Studiosius cum Gallo pacem tractat, ut universas imperii vires in Lusitaniam converteriat. Consultitur quisnam ex Europæ Principibus inter utrumque Regem, discordiarum arbiter, melior æstimare ur. Summus Pontifex, Cæsar, Veneti suspecti. Maturandæ pacis negotia Marino & Aro commendantur. Congressus inter eos apud Irunem utrumque regni confinium, condicitur. Anglus Legatus, Galli, Hispanique auxilia pro reduciendo suo Rege, implorat. Summa utriusque partis contentione, Lusitanie articulus agitur. Caput summa inter Hispanum, Gallumque ad Pyrenæos compositæ pacis. Qua Maria Theresie cum Gallo, nuptiis firmatur.

## LIBER SEPTIMUS.

**R**ex Catholicus in Lusitanum parandum bellum intendit. Acerriore tractatur de summi Ducis electione. Ioannè Austriaco Philippi filio notbo arma commendantur. Gubernator armorum secundo loco Sangermanensis renunciatur. Milicium

numerus. Exercitus Campomajorem initio petere visus, averso itinere Origuelam repente invadit, arcemque adjacentem delet. Arronci oppidum Ioanni se addicit. Sexdecim Lusitanorum equitum turma, vim hostium lacerare ausa, partim ceduntur, partim fugâ dilabuntur. Alconcellum recuperat Austriacus. Aeria per otium, inter Italos, Hispanosque, de ordine & loco, oritur dissidia. Ioannes, Duces Italos asperimis verbis increpat. Emanuel Carasa pro Italica natione respondens, ob libertatem in custodiam conjicitur. Dirimitur per regem, nationum litigium. Vere appetente, Austriacus in proximi belli conatum incumbit. Non minor agitatio sollicitos habet Lusitanos, unde severius invehuntur tributa. Catharina Portugallia Bregantii soror Regi Britanno d'sponsatur. Ei Tingi, situm in Africa oppidum pro cumulo dotis accedit. Religionis causâ Rex Catholicus municipium intercipere instituit. Ejus promissa aversatur Ludovicus Almeida, & oppidum in Anglieditionem concedit. Villabum funditus diruit Austriacus. Multas equitum Lusitanorum turbas fugat Alexander Cortera. Morba per iter invaditur. Iurumeniam versus dum tendit Ioannes, novus repente de cælo, nubili nocte, conspicitur fulgor. In Lusitania que circum oppidum erant propugnacula, Castellenses irrumpunt. Intestinus oritur in urbe tumultus, qui Pinti Præsidis prudentiâ extinguitur. Menesius Lusitani exercitus Dux, expeditionem quamprimum parare milites jubet, ad succurrendum Iurumenia. Urbis tuende spe prorsus afflētâ, palam inde re insectâ discedit. Iurumenia post arctam integri mensis obsidionem, Austriaci virtute atque auspiciis evictâ, Regique Catholico restituta. Ad villamvitiiosam ducit exercitum Ioannes, Lusitanumque nititur elicere ad pugnam. Aveirum recipit, dimissisque cum vita & opibus oppidanis, ad terrorem solo equat. Monfortis deditur. Crati excidium, cuius Gubernator Austriaci jussu, sclopis in medio foro transverberatus occumbit. Adversus Oguelam victor exercitus tendit. Dum Gubernator, Ioannis colloquium petit, Castellensis miles sine imperio urbem pervadit, prædæque duntaxat avidus, à sanguine abstinet. Prædam Lusitanis restituendam jubet Austriacus, honestasque illi conditiones tribuit. Sarciranę Comitem Oguelę Præsidentem relinquit.

## LIBER OCTAVUS.

U Lisipponis petende consilio omissio, Austriaco permittitur bellum pro suo arbitratu gerere. Paratur Classis, ejusque regimini imponitur Dux Averensis. Veteres Legiones quæ Mediolani versabantur inutiles, in Castellam transvehuntur. Bregantius à matris avulsus tutela & virtutis & fortune opinionem penes indignas, & externos captare optat. Cantagnede Comitem ad se vocat, & Translaganę armorum imperium in Sancium Emanuelem Comitem Villastore transfert. Is invisens arces, & opida regni, Eboram negligit. Ioannes, diutius quàm crediderat belli expeditionem extrahit. Qua de causa. Badajocio profectus, Eboram petit. Sancius ultimam Castellensis exercitus aggressus aciem, cum aliqua cede recedit. Austriacus, per Didacum Cavallerm circumjacentia municipia, ad deditionem compellit. Ludovici Meschitz Gubernatoris Eborę, viri militia plangē imperiti, jussa recipere detestantur Duces. In subsidium urbis electi mittuntur equites, sed improspere exitu. Ludovicus de Sousa electus jam Portus Antistes, communi deditionis consilio pertinaciter obstitit. Civium confusio. Milites pugne cupidos compescit Austriacus, ne prædâ opulenti distraherentur. Nono postquam obsessa est die, Civitatis sui deditio.

Alato



Allato Uliſſipponem urbis amiſſe nuntio, populus concitatur. Irrumpit in ſedes Antiſtitis & Cantagneda, eaſque diripit. Extinguitur voce Principis tumultus; cuius auſtores aliorum obſentiu criminum, ſcelera pœna dant. Severè præcipit Rex Catholicus ut Ebore cives clementer tractarentur. Copias, Ioannes ad dimicationem inſtruit mox. Infeliciter ad Odigebeſe flumen caprà pugnâ, greſſus æviti ab hoſtibus. Sincium reſistantem ſecit ad pugnam Scomburgius. Cunalia pugna, in qua Luſitanus plenâ, optimâque potitur victoriâ. Caſtellenſium eſorum; ſauciorum, captivorum numerus. In Marchionem Pirovanum mira canis fidelitas. Uliſſipponenſis Antiſtis, populo bilariter turbulento, duo milia nummum ex ſeneſtra projicit. Amiſſa Ebora, brevi à Luſitania recipitur. Didacus Cavallerus miſſus ab Auſtriaco, ut Elrum ſurtim caperet, expectatione deſoſus revertitur. Ignis inſectus bellico pulviri funditus evolvit Arroncium. Auleorum Auſtriaco iratorum quæſus. Huic præcipit Rex, ut cum levis è ſtatu, bellique Senatûs conſiliariis, ſibi de bello melius gerendo conſular. Dux Offunenſis propugnaculum exiit præ Almeidam. Conſilius apud Iereſium, in quo Caſtellenſis primo impetu obrutus, poſtea concidit hoſtem. Accedit ad Aulam Simgrianaenſis, ut excutiat calumnias ſibi ab emulâ afflictas. Militia munere devolutus, arma in Luſitaniam reſumere vitatur. Alexander Farnexius externi equitatus Maſter renunciatur. Cantagneda Valentiam Alcantara petit, in ejuſque poſſiſſionem pro Bregantio traſcitur. Offunenſis cum exiguis copiis Caſtellum Roderici aggreditur. Obſidionem ſolvit, & deinde proſtrato exercitu ſibi ſugâ conſulit. Philippus Auſtriacum exhortatur, ipſum per miniſtrum monet, ut ultra abditiſſis militiæ curis, Conſideram continuò ſcedat. Comes Marſinus curam armorum ſubit, donec Ioanni ſuccederetur. Propugnaculum ab Offunenſi conſtructum ſolo æquat.

## LIBER NONUS.

Auſtriaco ſuſcitur Marchio Carazena. Is ſententiam expromere juſſus, cenſet Uliſſipponem rectè petendum, aut prætermiſſis munitis oppidis, omnia incidio, ferroque vaſtanda. Didacus Curra, dum inhibere prædæ impetum conatur, à Luſitanis, cum quingentis equitibus ſternitur. Comes Marſinus avidè certaminis cauſas quærit. Alexander Farnexius Valentiam intercipere tentat, ſed re vacua diſcedit. Ad primores Ducum Oratio Carazena, qui cum exercitu ad Villavitiſam dirigit iter. Oppidum capie, cuius Gubernator Britius ad arcem conſugit. Interrita Carneri Centurionis audientia. Cantagneda ſubſidia laturus obſeſſis, Carazenenſis adventus ſui certitudinem annuntiat. Montijeſis pœnis, in qua victor Cantagneda, Luſitani tandem diadema regni in Breganti capite fixit. Obſidio arcis Villavitiſe ſolvitur. Gravis Regem, ac miniſtris cura percellit, an, & quomodo bellum reparandum. Philippi Regis interpoſita mors, belli conſilia ſuſtollit. Huius interitum comes paucis ante menſibus nuntiavit. Per dolum mutato Regio codicillo, pro Medina Duce, Aitona Marchioni, Inpcrii reſidem adſcribitur. Ioannes, ultimos patris amplexus exoraturus, accedens, non admittitur. Philippi mores. Apud Eſcurralium ſepulchro conditur. Teſtamenti ejus ſeries compendiaria. Rege tumultu, prima quæ Reginam Gubernatricem poſſimum viſit cura, ſuit de Luſitano bello deliberatio. Regina cupide huic imponere bello finem deſiderat. Faver ejus conſilio Medina Dux. Ejus oratio in Status Senatu. Contra diſſerit Everardus Nitardus. Auſtriaco, Provinciæ Belgicæ demandatur Preſectura. Rex Angliæ, ni pacem amplectantur Iſpani, Luſitano ſe terrâ, marique affu-

rum jactat. *Regine consensu, cum Lusitano quasita pacis interventor assistit. Pacis conditiones. Octavo & vigesimo post dissectionem anno, Lusitania suo tandem Regi redditur.*

## LIBER DECIMUS.

**B**ello externo composito, quasi civile in Lusitania prorumpit. *Regis Alfonso vita, instituta & mores. Ode mira Comiti traditur erudiendus. Antonius Contiis subdole capiat Alfonso benevolentiam. Stolidâ fortitudinis ostentatione, in mortis discrimen bu se Rex implicat. Per Seatus Senatum publico nomine monitus, vitia mutat, non mores. Partes & factiones in Aula fovet Contiis. Inter filium & matrem contentiones exoriantur. Senatus decreto, Contiis, omnesque ejus impure factionis clientes, ad Brasiliam exules ejiciuntur. Aloisia quod diutius tenere non poterat, Imperium Alfonso dimittit. Assumpta dominationis initia. Comes Castelmeliorius, Comes Autogia, Casârque Mencseus ad Imperium sibi tenendum, Triumviratus similitudinem constituunt. Regis tandem, regnique unicus moderator remanet Castelmeliorius. Primarios regni crues exilio multat. Consilium orditur opprimenda Aloisia, qua jussu Regis à Regia discedit. Alfonso, nullo adversante ad pristina facinora redit. Marchionem Fontanum ad interitum querit. Sicarii Regis impetum faciunt in Comitem Encerensem. Ab ins Noronia lethali confectus vulnere, extinguitur. Religio in ludibrium adducta, Contiis Ulisipponem revocatus in regni fines expellitur, artibus Castelmeliorii, cujus potentia derescere capit. Pulcherrimo vita instituto, moderationis laudem sibi promeretur Petrus Alfonso frater. Regis cum Principe Nemurtia connubium. Aloisia Gusmana mors, & animi dotes. Inter Regem & Petrum ingravescunt dissidia. Regina, à viro ludibriis, à Castelmeliorio expulsionem injuriis affecta, ad Petri partes accedit. Is Castelmeliorii expulsionem à Regia, deprecatur. Senatus super ea re varia sententia. Proceres, urbisque Patricii à Petro convocati, illius se cause alacriter assuturos respondent. In ejus favorem tumultuatur Ulisippo. Castelmeliorius se ab Aula furibundus proripit. Henricus Miranda, & Antonius Sousa nocte intempesta diffugiunt. In summa rerum confusione, regni Comititia coguntur. Regina ad Franciscanarum Monialium Cœnobium divertit. Litrem de matrimonii rescissione apud Ecclesia Iudices incohat. Exutus imperio, custodia traditur Alfonso. Omnia imperii jura, prater Regias fasces & nomen, Petrus assumit. Regina, dirempto cum Rege matrimonio, ordinum consensu Petro nubit. Rex ex Insulis Tertius relictus prope Ulisipponem degit, attentissime custoditus.*

## APPROBATIONES.

**D**E mandato nostri admodum Reverendi Patris Generalis vidimus opus cui titulus est, **BELLUM LUSITANUM**, &c. nihilque in illo reperimus, quod Orthodoxæ fidei, aut temperantiæ morum oppositum sit, imò descriptionem elegantem, & cultam, & utilium documentorum refertam, quæ auctori laudem, reipublicæ emolumentum, & eruditis delectationem, & usum comparatura sit. Idcirco publica luce dignum censuimus. **Matri die sexta Septembris 1682.**

Don **ANDREAS TELERA**,  
Cleric. Regularis.

Don **LUDOVICUS ABAUNZA**,  
Cleric. Regularis.

**H**oc opus inscriptum **BELLUM LUSITANUM**, & à Rev. P. D. **CAJETANO PASSARELLO**, Præposito nostræ Domus Matri compositum, & juxta præfixam assertionem Patrum, quibus id commisimus approbatum, ut typis mandetur, quod ad nos spectat; facultatem concedimus. In quorum fidem præsentem Litteras manu propria subscripsimus, & solito nostro sigillo firmavimus. **Datum Tusculi die 11. Octobris 1682.**

**D. THOMAS SERSALIS**,  
Præpositus Generalis, C. R.

**D. ARSENIUS CAVEDONE**,  
Secretarius C. R.

**SUMMA**

\* \* \* \* \*

*SUMMA PRIVILEGII A CHRISTIANISSIMO  
Rege concessi.*

**L**UDOVICUS MAGNUS GALLIARUM ET NAVARRÆ REX  
CHRISTIANISSIMUS, Diplomate suo sanxit ne quis per univer-  
sos Regnorum suorum fines intra sex proximos annos à die publica-  
tionis exemplarium computandos, imprimat seu typis excudendum  
curet, & venale habeat opus, quod inscribitur, *Bellum Lusitanum ejusque regni  
separatio à regno Castellensi cum abrogatione superadjec̃ta Alfonsi Regis Lusitani,  
Authore D. D. CAJETANO PASSARELLO Catanfariensi Clerico Regu-  
lari*; præter ANISSONIOS Bibliopolas Lugdunenses, aut illos quibus  
ipsimet concesserint. Prohibuit insuper eadem auctoritate Regia omnibus suis  
subditis, idem opus extra Regni sui limites imprimendum curare, & impres-  
sum divendere, vel quempiam ubicumque fuerit ad id agendum impellere,  
ac instigare sine consensu dictorum ANISSONIORUM; Qui secus faxit,  
confiscatione librorum, aliâque gravi poenâ multabitur, uti latius patet in di-  
plomate regio. Dabatur Vetsaliis, die vigesima Januarii, anno Dom. 1683.

*Ex mandato Regis,*

Signatum

IUNQUIERES.

Inscriptum Registro Bibliopolarum Parisiensium, juxta Senatus Decretum, die 27.  
Februarii 1683. Signat. ANGOT.



# D E BELLO LUSITANO LIBRI PRIMI


S U M M A.

**L**USITANIÆ descriptio. Hanc Regionem, olim incultam, ac propè desertam, Henricus Lotaringius restaurat, incolisque ad civiliorē vivendi formam redigit. Ei Castelle Rex filiam collocat, data pro dote Portu urbe, cum Portugallia Comitibus titulo. Alfonsus Henrici filius, ob prostratos praelio Mauros, Rex proclamatur. Sebastiano in Africa cæso, succedit Henricus Cardinalis. Is moriens absque liberis, multos relinquit regni competitors. Philippus II. Hispania Rex, Antonio Portugallio devicto, rei Lusitana potitur. Dux Bregantia, regni amissi dolore percussus, simul & metui Philippi, occumbit. Theodosius Ducis filius, desperatâ regni cupidine, pbreneticus moritur. Gallia Rex Ludovicus XIII. Hispania Philippus IV. totum regiminis pondus, ille in Cardinalem Richelium, hic in Comitem Duceſque Olivarium, devotiss. Olivarius dissidia in Gallia suscitât. Richelius Suecum, Danum, & Hollandum in Austriacam familiam commovet. Catalaunia deficit à Catholico Rege. Mutationis imperij in Lusitania varia causa. Sub Ministris regis Suarior & Vasconcello omnia venalia, Richelius, ad suscipiendum avitum regnum hortatur Bregantium, qui operâ Pinti ad explorandas & flectendas civium mentes nititur. In colloquio Uliſſipone habito, diversa sententia de Lusitano imperio mutando. Locustarum prodigio prænunciatur imperii conversio. Variis dolis circumvenire Bregantium conatur Olivarius, qui ipse suis dolis capitur. Contra eum Ministrorum querela apud Regem. Lusitanorum affectus erga Bregantium. Ad ipsum Almada oratio. Iussu Regis vocatus ad Aulam, ire recusat. Constantem tandem ipsius animum Antistes Elvensis expugnat. Occultum uxori consilium aperit, quæ virum jam pridem spe, metuque pendente ad Regni rapinam impellit. Rei agende tempus & ordo statuitur. Fortuitus casus, parvique momenti res, conjurationem penè diijcit. Audax Georgii Meli facinus. Philippa Villena defectionis die constitutâ, filios accendit & armat, exemploque suo alias nobiles Lusitanas percutit & illustrat. Conjurati Regiam occupant. Vasconcellus in armario latens ab Antonio Sotenlio conficitur, cadaver ejus pecudum alimento relictum, à Sodalibus Misericordia sepelitur. Ejus virtutes & vitia. Diripitur domus Decani Bracarenſis. Margarita Principis constantia. Antonii Silva fides resurgit, Antistes Uliſſiponenſis solemnem instituit processionem, in qua verum aut fictum

A

miraculum

miraculum vulgus maximè movet. Is in speciem invitus usque ad Bregantii accessum, nova gubernationis arbitrium subit. A Legatis Regni nomine missis, Bregantius Rex salutatur. Ulissiponem ingreditur magnâ pompâ, ibique coronam suscipit. Margaritam Principem ad Cœnobium extra urbem transferri jubet. Ad Iulianam arcem occupandam toto conatu incumbit. Ioannes Cueva ad defectionem inducitur, spe præmii. Ad exhaustum ærarium locupletandum, argenti usuarii acervos conferunt Cives, quin & mulieres monilia ultro offerunt. Variis ærumnis affligatur Margarita, instigante Francisco Luzena. Quis aula Catholice motus & habitus fuerit, cum deseruit Lusitania, & Olisarii in primis. Rex ea de re belli statûsque Senatûm consulturus accersit. Ognatus censet omisâ Catalaunia, Lusitaniam sine mora urgendam. Ejus argumenta, Contra Olivarum dissertit, cujus sententia vincit. Comparantur copie pro Castella munimine, quibus præficitur Dux Sidonia Medina. Lusitania defectio, reliquas regiones quæ antiquæ suæ ditionis & juris erant, attraxit.



## BELLI LUSITANI

### LIBER PRIMUS.



LUSITANIA, quæ, & Portugallia parvo discrimine dicitur, ad Oceanum occidentu in extremo Hispaniæ angulo sita, fines ab Austro Anan per amnem dirempta, Bæticam habet, à Septentrione per Durium divisa, Hispaniam Tarraconensem. Hoc regnum exigua ea quoque parte comprehensum, quæ Portugallix ei nomine jungitur, tres in Provincias scissum Cistaganam habet, & Transstaganam Provincias Tago interfuso fluvio distinctas, simul etiam cum terræ tractum, qui ultra Durium præcipua soli ubertate, omnisque pabuli copia ad Minium usque fluvium extenditur. Universum autem longitudine amplectitur quadringenta millia passuum, minori multò latitudine, & ubi latius explicat se centum amplius sexaginta, ubi magis contrahitur octoginta. Insigni nobilitate continet idem urbes Cis Tagum Ulissiponem regni caput, & sedem imperii, circumsparsæ telluris amœnitate, annonæ abundantia, cæli temperie, maxiumque circuitu, Hispanarum urbium nulli secundam. Eboram ultra Tagum, quæ ob ejus

præstantiam, & incolarum frequentiam inter arcû cæteras regni urbis prænotum fortita est; & Bracaram etiam Sacrorum antiquitate, ac splendore, ac ruinarum memoria primatus auctoritatem jactantem. Regionis solum, nisi quod pleno alveo, aut ex eo lætè manantibus rivis circumfusa flumina rigant, magna ex parte sterile, incultum, atque infæcundum est; siccitate, solis aestu torretur, solitudine squalor. Id tamen incolarum adeo labore, curâque & nundinarii propè maris suppletur obsequio, ut nedum regio exuberet necessariis, sed etiam in mercibus peregrinis aliqua ad vitæ usum, plura ad omnium ferè sensuum oblectamenta extra Europæ latitudinem mittat. Hoc frequentibus antea regnum, raris nunc incolis habitatur. Id modo indigentæ tribuunt fortuitæ Martis ruinæ, belli quæ ibi nuper exarsit voracitati; nos autem, & volvi hanc provinciam censumus fato quodam totius Hispaniæ, quæ jam effræta, & valde incolis imminuta plus opinione, & consilio, quam vi, & robore externis imperiter. Gens Lusitana tamen eo loco, eo hominum numero adstricta, sed virtute, atque animo longè amplior, Africæ quondam potuit subigere partem, novas Insulas aperire, & per ignotum navigantibus iter evadere ad Indos, illisque tributum imponere; totam fere Asiam commendatione

mendatione rerum gestarum, atque  
rumque tertore complere. Motes eo-  
rum, nisi emulatio, aut contumelia  
forte tetigerit, aperti, faciles sunt, &  
mitiores, quam in fronte jactantur, cul-  
tus elegans, non sumptuosus; victus  
splendidus, & frugalis. Religionis, ju-  
stitiæ, sapientiæ, armorum nîrifico stu-  
dio tenentur. Castellenses vanitatis,  
atque superbix odio potiùs quàm ioco  
Lusitanos insimulant, unde illos tur-  
gidos vocant, sed quidam in illis ani-  
mi tumor nobis oriri magis viderur  
ex magno animo, quàm inflato. De  
hujusce gentis origine, prætermis-  
sæ veterum monumentis, temporis labe,  
aut invidia, aut negligentia scriptorum  
cum fabularum varietate corruptis, un-  
de scilicet otti, unde aucti, propagati-  
que fuerint, quàm peregre regiè obsti-  
terint Lusitani Romanæ virtuti, atque  
ejusdem quæ universa premebat impe-  
rio sublimioris potentix moli, quidve  
singulariter gesserit Vitiatus tot illatis  
Romanis cladibus celeber, & quod  
tanquam hæreditario gloriæ amorum  
incitamento, ornatùque Lusitana in-  
doles agitur; pro certo constat, hanc  
Lusitanam regionem hortentem olim,  
incultam, ac propè desertam, incolæ  
ejus asperto more, dissona lingua, rusti-  
cis fermè sedibus vagos ab Hentico  
Lotaringio restauratam primùm fuisse  
multis ex Gallia coloniis adjectis, eo-  
que horrido propè more ad civilem  
vivendi formam redactò. Hunc vi-  
rum natura sua bellicosum, & animo  
acrem, stirpis præterea claritate tamen-  
tem, & quod arma ea tempestate Gal-  
lorum latè, ac victrix, per Orbem  
obstreperent, propinquum animo in-  
quietum, prætervidumque cum me-  
tueret Alfonso hujus nominis sextus  
Castellæ Rex, sariùsque propterea du-  
ceret gratia experiri, quàm maleficio  
novum Principem velle generum sibi  
adscivir, ei collocata filia Thetesia, au-  
ctòque pro dotali stipendio Portu ur-

be, aliisque Durii ad ostium jacentibus  
oppidis cum Portugallix Comitris titu-  
lo, ex qua Portu civitate nationi, ac  
nomini Galliæ muliebrem per dotem  
adjuncta, rectè plerique sentiunt Por-  
tugalliæ appellationem constaram.

Ex Henrico, & Theresia Comitibus  
est ortus Alfonso, qui ob Mauros in  
prælio insigni cæde prostratos militari  
studio, atque plausu in illo ardore vi-  
ctorix Rex proclamatus, augustum hoc  
sibi partum virtute nomen, aliis post  
dotibus auctum, atque exinde reten-  
tum ad posteritos transtulit. Regius in-  
de stipes effusus præclara Principum  
sobole floruit usque ad Joannem pri-  
mum Regem Lusitaniæ, Petri item Re-  
gis filium nothum, qui legitima quan-  
quam succissa linea cum juri in eo gra-  
tia, aut viri meritum præpolleret for-  
tuna, & opibus potens in Lusitania  
regnavit. In hoc ipso Joanne cum nata-  
lium licet vitio servata, & propagata  
familia regia continenti Regum suc-  
cessionem multis post annis cum Cardi-  
nali Rege Henrico, qui Sebastiano in  
Africa cæso successit, & sine liberis  
obiit, tandem extincta est. Cæterum  
ne illustri familia interiret, ne sæva  
per bella orbem jam regnum hæres  
externus acciperet, jacta apud regni  
procères mentio, moxque ad summum  
Pontificem lata est; ut Cardinali Regi  
qui sacris erat initiatus, canonico im-  
pedimento remisso, fas esset pro teipu-  
blicæ bono connubium inire. Sed Phi-  
lippus Secundus Hispaniarum Rex, spe,  
opibus, votis, jurisque suffragio jam  
tunc ante alios in regnum erectus in-  
flammatùsque, id actius Romæ per suū  
Legatum interpellavit, utile sibi, &  
revera, ac solida in speciem oratione  
proposita, scilicet contumeliosum, &  
vanum futurum indultum, ac populor-  
um offensioni, decrepium & inter-  
mortuum propemodum senem in spem  
inanem habendæ potestatis, sacerdotium,  
& sacram Purpuram abjecisse. Quod

mox, & exitus comprobavit. Quippe Henricus sexdecim intra menses curis regiminis obrutus, atque ætate confectus exstinguitur. Inter hæc expectatione occidentis imperii pet legis, ambitusque subsidia competitores sublatis Principes, Rex Philippus pro regno invadendo jus repetebat à matre Isabella Emanuelis Regis filia productum, Parmæ Princeps Raynutus à Maria Portugallia ex Odoardo Regis quoque filio progenita. Duci Bregantix præter regale genus, & populare indigent nomen jus etiam uxoris, quæ erat eo tempore Catharina superstes ætata filia Odoardi, suffragabatur. His ita adhuc integro Henrico quia hærede vacuum proximo interitu regnum facturus erat, iurium altercatione commissis, & minas in medio, & ancipites quoque miscentibus stylos sese etiam intrusit Catharina Medicea Reginæ Gallix, quod genus ipsa duceret à Mathilde Bononiensi uxore Alfonsi tertii Regis Lusitani, & hæc Astrologorum utique errore, sive fallacia potius, quam iurium vigore aut legibus freta, qui feminæ ambitiosæ prædixertant liberos omnes in regio solio, ac regio diademate conspectutam fuisse, ipsa propterea quasi industria, & consilio siderum motus, affectionesque juvaret, alienaolvebat regna, quò & vaticinium impleret, & sobole quoque regia ea tempestate laborans, ac propè labans Gallicum regnum exoneraret. Cæterum cum reliquos ut longinquos, aut externos, aut enerves & viribus fluxos à quibus metuere nihil aut cupere posset, Lusitanus repudiasset, robustior, celebriorque in illo negotio pendebat inter Regem Philippum, & Catharinam Ducem Bregantix lis, alterum se ut masculum licet ortum à femina præferentem, alteram licet feminam, cujus tamen à mare manabat jus, etatque gravis, acriterque jactati huius litigii cardo, sexus an linear pro regni succes-

sione ratio potior habenda esset:

Accessit & causa Antonius Portugallius Ludovico Regis altero filio natus, & is quanquam nothus pro regni hæreditate advocabat clandestinum Ludovici cum ejus matre connubium, nullis tamen, ut vulgò dicebant, syncretis testibus roboratum. Aderat tamen Antonio concitatus populi favor in regiam familiam pronus, tobur ætatis, militare, capax imperii, avi, patrisque proposita imago, & quod eadem dilectæ, regique domus, validioris ne spes turbaret, aut regnatura, aut peritura reliqua esset; pars præterea, at ea exigua nobilitatis, quam Philippi largitio, ambitusque qui omnia in consilium verterat, incorruptam reliquerat. Ad hæc in Lusitania, in Castella, & alibi etiam interdum cum truncus legimus Regum exaruisse memorie proditum esse, haud dedignatos populos esse regios submittere fasces hominibus nothis. Tandem legibus spreis, & studio, aut cavillo singulorum elusis ad arma eventum est, quæ quidem imperia Regibus circumscribunt, ut res domesticas jura privatis. Proinde pecunia, atque copiis quas diutius spe ipse imminens regno paraverat, Philippus abundans, Albanum rerum in bello gestarum gloria cunctis suæ ætatis Ducibus parem Ulisipponem infestum movere exercitum jussit. Huic Duci, hæc copiis tumultuario propè delectu, & cum impetu magis quam vi, rudique milite occurrit Antonius, signisque collatis fractus eo prælio discessit. Altera paulò post ad Portum urbem conferta pugna idem Antonius victus, ac penitus profligatus, tandem inermis, nudus afflictus cum prægustato infelicitæ regno, tum domo exactus in Galliam profugit, armisque victor Philippus, & jure, id cohonestare quantum poterat arma, rei Lusitanæ positus est. At verò Bregantix Dux, quæ aurâ populi destitutus, quæ pro



pro Antonio plenior afflabat, quâ amuli Regis exterritus opibus, priusquam bello res cum Antonio decerneretur, monuit secretò Philippum de actione, & jure uxoris ejus in regnum, quod si eidem ipsi pro Bregantio imminuto velut inopi videretur alia nec ea iniqua saltem mercede refarciret jacturam regni, & injuriæ aliquod pignus, seu levamentum in spoliata imperio domo relinqueret. Sprevit autem Philippus, ut plerumque Principes solent, vacua viribus argumenta, auxitque ludibrium ut ex eo magis spem, animûmque Ducis infringeret, quod filium ejus Barcelli Ducem à Mauris in bello captum, auròque à Philippo redemptum, & asservatum, idem in potestate tanquam obsidem retineret. Quod Bregantius animadvertens, & quod frustra ex animo patefacto vehementem Regi suspicionem, odia & pericula sibi comparavisset, mox retractare propositum simulans, misit ad Regem, qui ei chirographum suo nomine traderet, in quo juri suo cedere, & curas de regno abjicere planè profitebatur. Tum verò Philippus artibus artes ludificans ea cautione, aut obsequio se minimè egere cum quodam fastidio, rictûque superbo respondit, codicillos tamen accepit, jussitque Simancæ in regio tabulario asservari. Post hæc fuso Antonio, fugatòque, regnûmque omnino Philippo obtinente; Bregantius licet invitus in ejus verba juravit; sed paulòpost actu agitaris invidiæ sibi interverfi ab amulo imperii, regnûque amissi dolore perculsus, simul & metu ne à Rege tam prudenti, quàm timido, & cauto, ut jure suspectus aliquando prævertetur, occubuit.

Hunc Ducem filius ejus Theodosius in jure amplissimæ domus æqualis, at spiritus cellitudine major exceperat, cujus adeò quidem affixus hætebat in animo aculeus injuriæ in communem familiam rapto ex imperio prætentæ,

ut Philippo secundo erepto, hæredem ejus Philippum tertium cum regio apparatu, atque pompa ad Ulisipponem tendentem, circa Villavitiôsam excipere, atque in arcein conjicere cogitaverit, ibique militibus custodire, donec ablatum redderet regnum, sed amicorum hortatione temerario ab hoc consilio deterritus, attentare subinde statuit Ulisipponensis animos populi, dilectæ si fortè domus, si juris, si nationis communis ratio, dum ipse repente in regnum anniteretur, offusæ de majestate, Regisqûe potentia formidini prævaleret. Cum enim prudentia, ingenio, animòque longè Rex filius à patre degener ostenderetur, ex immixta quæ id temporis vagabatur novo de Rege fama major audacia imperisqûe habendi fiducia, & cupido Theodosio Principi creverat. Is igitur ubi Ulisipponem ad salutandum Regem perrexit, suis clientibus, atque famulis quos longo ducebat ordine injunxit, ut de industria cum regibus, sed velut casu interposita rixa per eam explorarent animos populi, qui si Bregantio fortè favete, ac plaudere nomini videretur, turbis immitti & clamore, atque armis simul annisi tumultum, & vires magis extenderent, cum calore cepisset res, in tempore ipsum acriori conatu Ducem, & partium vindicem affuturum. Quo utrosque inter famulos jurgio, ut Bregantius descripserat, excitato, tunc plebis studium Bregantio propitium perspectum est, sed rixa ut in speciem fortuita, cum majori concursu nisqûe hominum statim dirempta esset, spem inde conceptam sustulit. Bregantius tamen eoûsque in se prono comperto favore populi, certaminis rursum experiri fortunam voluit; cûmque Rex extra urbem voluptatis causâ diverteret, acriorem porro contentionem voluntaria, atque levi subiecta causâ inter suos, clientisqûe Regis objecit. Hæc gladio-

rum scolorumque concursu per vulnera, & ictus utriusque profecto anceps, cruentique partibus cecidit, sed cum extra urbem loco infrequenti certamen arsisset, id iterum pro Bregantio Lusitanos animos prodidit, at majoris fomento incendii ex loco materia defuit. Tunc Philippus popularium fidei diffusis quæ Theodosio proclivior bis interluserat, ejusdemque conatus ut altiori causa, atque mole productos metuens, quem etiam alacrius, quia impune, ac licenter grassari, se sequere jactare inter gentiles noverat ab Lusitania satis idcirco munita repente discessit. Igitur Dux Theodosius cum spei vacuus, mœrore plenus, Villavitiolam reversus esset, ibi jam desperata cupidine regni anxium, inquietum, ac plane miserum ambitione contortus vitæ reliquum duxit. Ad extremum fato cessurus in phrenesim incidit, qua quidem eversa mente, lassatque curis mordacibus spiritu non nisi ama, conflictus, & acies delirantis ab ore fluebant, vi omnia morbi tunc eruen- te, quæ totius vitæ curriculo inania regni consilia decoxerat. Quanto autem ipse flagraverit regnandi ardore Theodosius, quantumque ea ipsa velut transmissa semine flamma posteros ejus afflaverit, vel extremo vitalis fabulæ actu, funeris scilicet pompa monstratum est, quod ex cinere humana quoque fumante superbia, regio more, regisque insignibus sed clam inter domesticos factum est. Theodosio Bregantiæ Duci Joannes successit à suis civibus idem postea Lusitanæ Rex acclamatus, qui ita natus, ita educatus paternisque consiliis & rudimentis imbutus, parenti consimilem mentem, non tamen eundem imperum animi, & audaciæ vigorem sumpsit; quin imò cunctator & valde cautus parum spei, parum sibi, & hominibus fidens, ita regnum desiderat, ut ad singulos casus intentus, semperque sollicitus, suo

multò plus in illo occupando uti, quam arbitrio fortunæ vellet.

Inter hæc, labentibus annis, Imperium Hispaniæ cecidit in Philippum hujus nominis quartum, Gallicum vero in Ludovicum decimum tertium, quorum vasti regiminis pondus alius omninò devolvit in Comitem Ducemque Olivarium, in Cardinalem alius Richelium, utrumque ex nimia Regum suorum facilitate, & ut primum est suspicari, ex odio & fuga laborum, quos reip. bene gerendæ impendi necesse est, supra modum fortunam, & arrogantiam augmentem. Hi ergo duorum potentiorum Europæ Regum pro ministerio publico Principes, regnorum, Regumque arbitraria ferè possessione ad summam potentiam evecti, & cum publica, tum etiam privata æmulatione discordes, seque invicem atterentes, tanquam Europæ cardines multa vi, multa artibus ordientes cuncta volvebant, commiscebantque. Vicio Olivario dabatur suscitare, atque alere fraudulenter ipsum in Gallia, ut mobili ingenio, gente, ac novitatis prona dissidia, fluctusque civilium bellorum, ea propter conspirationem Aureliani Ducis ad immutandam formam Regiminis, tumultus procerum, partium irritamenta, motusque Reginæ matris exilium, & fugam & omnia reipublicæ turbamenta, quæ Galliam satis affligerant, Olivarii fraudes, ac dolos contextuisse Richelius intelligebat. Proinde apertè illum Richelius aggressus, Suecum, Danum, Hollandum quosque in Germania & Italia obvios Principes habuit adversus Austriacam familiam, & Imperium Hispaniæ commovit, armavit, consilio, pecuniâ juvit, & quoniam Britannicus Rex, ne Gallus suo genio infectus, propinquus, ac verus amulus cresceret Hispano, ut opus erat, consentiebat, illius regni, Regisque excidium per intestinas discordias molitus est,

câque

eaque turbida sanè consilia, quæ vivens in Anglia Richelius effuderat, ipso denique mortuo, & cum tragico, & impio jugulati Regis exemplo funestum exitum habuere. In hoc habiru rerum, Catalaunia à Catholico Rege descivit. Causæ defectionis vulgares, & palàm obtendebantur, aucta nimirum tributa, violenter à populo extorta, & cum sanguine emuncta propè pecunia, vetera indulta Principatûs abolita, mores, leges, consuetudines, jura, in externa vitia delapsa, merito aut jure secluso, omnia venum, aut gratiæ dari. At verior, & minus quidem jactata femonibus causa erat, inter has communes regni querelas, & sueta quæ bellum afferre solet incommoda, tempestivum tunc accidisse Richelio per homines aptos popularium ibi fidem corrumpere. Et reverà Olivarius cum omnia dominationis consilia, pacis, bellique trahendi scilicet artes, clientelas, fœdera, Principum amicitias, negotia publica fere omnia, nec rarò nec parè transigeret auro, subditorum idcirco bonorum avidus, ararii nimis profusus suo temporario potiùs dominio, quæ Privatorum est labes, quàm Hispani Imperii diuturnitati providere apparèbat. Porro Catalauniæ contumacis exemplum Lusitanix defectionem contraxit; nam fortunæ indulgentia, & ingenii sui acumine fretus, elatùsque Richelius sagacissimas artes exacuit. Ea erat præterea Lusitani regni conditio, isque in deterius quotidie ruentis illius regiminis cursus, ut per id temporis cuncta ad imperii mutationem penderent. Inter orbis terrarum æmulas gentes, eadèmq; seu gloria, seu congenito fortè odio, seu offensionum interjecta materia certantes, vehemens, & singularis profectò est hominis Lusitani adversus quemcumque Castellæ virum malevolentia, diffidentia, quod-

dam fastidium, & animi detestatio, cujus nedum dominio, sed etiam ab habiru, moribus, societate, conjugiiis, & ipso prope nomine abhorret, atque hæc vehemens, & mutua in utròque oppositio, atque effrenata animorum affectio, quæ mirè inter se utròque populos agit, in Lusitano tamen ut adestioris, acriorisq; naturæ trascendit. Accedit, & vetus atque ita animo inharrens, & insitus Lusitanis erga Regem indigenam amor, ut vulgus exco illo impetu ductus Sebastianum Regem multis abhinc annis in Mauritano bello interfectum cum pulvis, & umbra jaceat adhuc vivum, & latitantem in Orbe jactet; quæ inveterata jam hujus affecti corporis ulcera multò magis exasperabant in adeo odioso, & fluere, labiq; viso paulatim Imperio, vitia, aut errata, quæ tunc Castellenses in Lusitani regni regimine committebant. Enimverò tot internis, externisq; cum incerta fortuna bellis Hispano Imperio convulso, & multas in partes distracto, cum ararium & miles passim exhauriretur, ad ea explenda, severius in Lusitania pecunia, annona, militaris delectus imperabatur; simul ubi ipse Philippus quartus cum regia ostentatione, luxuque in Catalauniam iter indixit, eò Lusitana quoque nobilitas ut abeuntem de mote Regem consequeretur vocata est, quod quidem non nisi post acerbis, iratasque minas ab his Olivarius tandem extorsit, dum Lusitani optimates pecunia, atque opibus Castellæ magnatibus impares, simul more, & ingenio dissimiles, & æmulationis certamine adversi, hos sibi dedignabantur in apparatus splendore præferri, quæ sanè res altiùs in Lusitanorum nobilium pectus descendit, vim inde, & contemptum, & illatam sibi publicè injuriam adversus regni leges objicientium. Adhæc Margarita Sabaudia

da Mantuana Dux Lusitaniam eo tempore administrabat, famina planè virtute, ac sanguine Princeps, sed cui virium infirmitate, temporum vitio, imperandòque natura sexus inepti, & muliebrici etiàm imperio Hispanis propè fatali minùs auctoritatis & roboris erat, cùm maximo tunc egeret, in eo fluctuantis regni-regimine; Quod duobus præterea regiis Ministris imp'icabatur, Didaco nempe Suario, & Michaële Vasconcello, utroque Lusitano, altero à secretis Consilii Scitus apud Principem Margaritam, Mantuæ Carpetanæ altero à secretis Lusitanicæ Senatus apud Regem agenti. Hi duo pro ambitione quidem potentix acrioris sibi invicem æmuli, sed pro regni eversione concordēs gratiam, quam omni studio, & industria ab Olivario latè captaverant in suorum concivium perniciem, atque nobilium præsertim oppressionem detorserant: ex eo porrò magistratuum fastigia aut fraude, aut amicorum favore, aut fædæ servitutis præmio acquisita viliores invaserant; reliqua officia, regniq; commoda, & jura quasi exposita lucto ut nundinaria venditabantur. Ideo etiàm indignus præpositus digno, & fures ærarium, & leges nefarii, & corruptores judicia custodiebant; non virtus fortunæ, non gratiæ jus, non pecuniæ meritum anteibat, omnia erant projecta, venalia, & malis artibus pervia; cùmque præterea administri privatis commodis servientes pro publico bono sibi ipsi adversi, abstractique utilitatis, honoris, pravi studii contentione alius aliò traherent, quod intererat regnum, convellebatur. Triennio etiàm antequam Lusitania deficeret, cùm Eboræ casu tumultuaretur perfidiæ, partium, turbulentorum consiliorum, quæ pro Bregantio latenter ebulliebant, manifesta quædam eruperunt indicia, quo tristi nuncio Olivarius valde perculsus, atque

commotus plures nobiles Lusitanos, sibiq; suspectos ad aulam jussu Regis accivit, neve in fide nutantes jam homines auctoritate publica armatos sineret, quod jam antea lacesitos, & contumeliaz specie perustos plus Lusitanos incendit animos, ejectis à fiduciariis regni muneribus incolis frequentes externi tunc primum sunt introducti. Has queribundas in regimine negligentias, & imperii jam declinantis initia alius & vetus error, alius novissimus cumulavit. Primus nec levis extitit lapsus, Philippum secundum Regem post Lusitaniæ sibi subiectam inibi hærentem & opibus integrum reliquissè Bregantium, regis nempe sobolis virum, tegni jus præferentem auctoritate, viribus, aura populi, turba clientium plusquam subditum in regno tam arcto deceret, circumvallatum, cum nec hominem certè magnum exiguum capere possit imperium, nec in eodem conquiescere regno tegia ibi fortè subacta sive delusa progenies sine diademate sciar. Alter nec primo fortasse minor Philippum scilicet quartum, quò Cataluniam reciperet, tegetetq; Lusitaniæ nudasse præsidii, veterano propterea subducto milite, & novo indidòque suffecto, ex quo æmulo antiquo, qui tegnum, quod ereptum sibi putabat, acriterque dolebat in tempore aggrediendi occasionem circumspiciēbat, per ita affectum, ita enervatum imperium ad iter Philippus quasi præluxit. His omnino Richelio compertis clam per epistolas docuit Bregantium qua planè via, & artificio detricto Philippo facilè posset ipso avitum suscipere regnum, simul ubera Gallix auxilia, & amicorum Principum fœdera spondet, tum ne aliorum Hispanorum clade regnorum, moris ubique ac nutantibus rebus Imperii, Lusitanicæ quoque ea tempestate suspectæ succurreret Olivar-

rius,

rius, aliam Bregantio fictitiam epistolam misit ab eodem Richelio scriptam, & obsignatam; at dissimili stylo, ac diversa negotii, quod in prima tractaverat, conficiendi ratione composita, monens præterea Bregantium, hanc fictam pro vera, & occulta Olivatio exhuberet epistolam, sicque hominem suspicacem, nimiumque sibi fidentem, per fiduciæ propositam speciem, & fidei jactantiam falleret perinde ac officium, & fidem in majori ipsæ æstimatione, atque pretio quam spontè oblatum ab hoste regium haberet. Quod illicò, ut erat à Gallo instructus Bregantius effecit, sed irritus; dum altiori in se judicio collectus & anxius reputat Olivarius, regni cupidinem nulla, aut nimis rara coëcteri virtute posse. Hujus quamvis caducam, & fragilem spem velut humanum supra fastigium, Deoque similem hominem extollentem cunctos humanos rapere affectus, & voto imminutum arbitrium, & lumine propè vacuam relinquare mentem: profundas præterea, sæpe varias, ac tortuosas voluntates humanas esse, multiplicique simulationum cortice tectas. Hic autem binos fallaciae magistros insignes ludere secum videri fraudibus velle, & per insidias tandem surripere imperium. Iisdem proinde usus artibus Olivarius tunc primum in animo fixit, Bregantium & suo, & aliorum impulsu, assilaturque Lusitaniz jam impendentem, hinc primo quoque tempore abducere.

Bregantius verò per inflatam à Gallo spem animo magis erectus ac de regno invadendo sollicitus per Joannem Pintum, qui Ulisippone negotia ejus agebat, tem lente aggreditur, fideique satis spectate antiquum famulum monet, ut eam, & per astus civium mentes exploret, occasione, temporibus serviat, casusque oblata in consilium dexterè flectat, ipsūque Bre-

gantium nedum facinoris inscium assimulet, sed etiam animo aversum, ac penitus reluctantem. Pintus, ut heri fortunæ, ac futuræ magnitudini implicitus, & suo quoque ingenio imprimis versutus, & callidus, quemadmodum ille præceperat, omnia subtiliter capit serio modò, modò lusu tractare, sollicitè quærere, circuire, rimari; Castellensium imperia injusta, superba crudelia depingere, jacere interdum tanquam fortuitos de Bregantio elevando sermones; secundum studia cujusque ætatem, mores, officia, defectionis incitamenta præbere, nihil unquam sudore & industria pro aurium illecebra, pro animorum inflexione, pro voluntatum aucupio remittere, eoque ille tandem hoc summo artificio, & labore progressus est, ut non pauci obnoxii, fideique Pinto per eos blandos, insidiososque sermones facti, tanquā de communi salute secretò simul cum illo consultum secederent. In hoc colloquio, cui & Ulisipponis Antistes præfuit variis sententiis, & longius de Lusitano imperio mutando certatum est. Durum aliquibus videbatur, sub potentissimo Rege, regno illo angusto, assilètoque in ultimo Hispaniz posito sinu, & passim hostibus circumfesso intolerabile quanquam sine majoris calamitatis periculo excutere jugum velle. Alius Regem appetentibus patrium in eo statuendo tum dissidia, atque odia, tum civiles contentiones, & fluctus intercurrerant, quæ ambitio, & invidia profectò fuissent alterius, alteri non cedentium regni Principum illatura: Tres autem in medium afferbantur è regia Lusitani prosapia, & eo culmine Principes digni, Dux Bregantiz, Averi item Dux, & Villaregalis Marchio. At Bregantiam præsertim, atque domum Aveiram per privatas simulates, atque discordias ea sæpe vetus, ac pertinax æmulatio, in eodem regno colliserat, ut nihil quandoque præter

præter fortunam abfuerit, quin se ipsas, atque respublicas simul præcipites dederint, quibus quidem inveteratis plenisque suspicionibus odiis, novo infuper acriorisque invidiæ ac potentia fomento excitatis, auctisque & partibus constitutis, omnino opportunitum Philippo Regi fuisset ita discordes scissosque factionibus Principes unâ cum regno convellere, ac penitus dissipare. His interjectis difficultatibus, incidit etiam de illa forma Regiminis quæ vulgò respublica dicitur, sermo; atque hæc novi regiminis disciplina, ut regios, & Regum satis pertæsis imperia nonnullis eo tempore probabatur. Ea namque dicebant, modestia, communi omnibus jure, & æquitate composita, suisque regulis circumscripta ita omnia æqualiter censeret, ac librat, ut nemo insolescere aut petulantius effundi, nemo plus legibus possit. Non adeo ibi eorum abruptum ac tenax quos eadem in causa reipublicæ caritas necit, optimatum certamen & odium; non vectigalium, aut fænorum gurges, non rapacitas magistratuum, non servitutis ludibria, aut tot Tyrannidis detrimenta, in communi æqualitate, & concordia precario, facili, & circumacto semper dominio. Ut ex corrupta, quassatæque malis respublica subilit sæpe Rex, ita ex Tyranno plerumque Rege respublica gignitur, cum enim homines omnes eadem materia atque forma, & sensuum usura, & membrorum compagine, & facie, vultuque natura pares ediderit, & prope phantastica ratio sit quæ alium ab alio discriminet hominem, ubi illorum custodiæ ac regimini destinatus in bona, vel terga cæperit Tyranno similis furere, suo tunc instinctu, suo jure natura contractis servitii vinculis redit in congenitam libertatem, quam si semel Lusitanus libaverit, ejus fortasse tactus amore, ac dulcedine illectus constantior, ac

firmior quam ferre levitas populi soleat, in ea retinenda, ac propugnanda futurus erit. Contra tamen disse-ruit Ulisipponis Antistes. Vel quia infantia multumque rudia Hispanorum ingenia reipublicæ commoda non percipiant, vel quia tali hæc solo, cæloque, aut ingenius affixa coalescere soleat, nusquam & nullam fore in Hispania ex tali instituto rempublicam; Turpe dictu præterea, factuque profecto nefas videri, si jurejurando sancta Catholico Regi fides, & juris etiam præsidio ac temporis curi firmata, nova repente invecita regiminis forma pro paucorum libidine frangeretur. Honestius itaque & plausibilis fore appellare ac facere Regem Joannem Bregantiz Ducem, cui porro hoc neminem lateat, quod Philippus secundus, vi potius quam jurebus usus gentilitiam Coronam, vim vi repellere non potenti, armorum cuspidē abstulerit. Ad hæc quis in dubium vocare possit, terra marique acerrimo bello premendam, & exurendam ubique esse cum defecerit, Lusitaniam? Tum verò in tanta rerum jactatione, tantoque tumultu, consilii caput, seu rerum omnium arbitrum unum desiderari, cujus sententiæ, & imperio nulla laboris, sumptusve habiti ratione, sicut necessitas cogit cuncta expedire nutuque trahere facillimum sit, quemadmodum Romana quoque respublica rebus in arduis malis vis ingens cum ingruisset, Dictatorem nominabat, & Livius ita facundus, ut judicii incorrupti auctor rei Romanæ amplitudinem tribuit, quod priusquam finitimos domuisset, & nervis, & viribus solidè succrevisset, Regum dominio subjecta fuerit. Postremo cum planè sapientibus constet plus fide, & constantia amicorum quam opibus propriis nova præcipue subsistere imperia, fore profecto ut hîc legitimo asserto Rege, & pulchrioris speciei prætextus,

prætextis, & quia planius, & brevius negotia cum uno qui potest omnia, conficiuntur, facilius per fœdera externi auxiliares copas admisceant. In hunc modum versipellis Antistes, quod summè ipse acceptus, & intus esset Bregantio, peculiare studium, & gratiam publicæ utilitatis, religionisque velo contextit. Cæterum dictu re verâ mirabile contingit, arcanum consilium, quod & paucis persæpe tam facile intercidit, tandiù inviolatum, & integrum in regno suspecto, in plurimorum notitiâ hominum constitisse. Cæli tantummodo pietas, quæ reipublicæ calamitates circuitusque præcipue regnotum prodigiis, ac signis ut plurimum prædicere solet, in tanto conjuratorum silentio minimè siluit. Nam regni propè sedem Ulisipponem visum oblongum, ac densum locustarum tetrarum agmen, quod in sublime præter morem elatum, ærisque latitudinem implens, obducto propè sole occupatâque luce triduo tenebras circumfudit, intendebantque aspicientibus metum cruoris auspicia, quæ rubro, vivoque colore respectis alis volucres ostendebant. Gelidus Aquilonis afflatus diras illas catervas impulit, quæ in Transaganam regionem effusæ, Ulisipponem subinde verterunt; in usque multa sapientes notarunt observatione, atque memoriâ digna. Primò quod quævis locusta humi fortè delapsa statim exanimis apparebat; alis nonnullæ trepidæ in alto suspensæ in aura spirum relinquabant; paucæ sublapsæ, & herbescensibus spicis innixæ primo cum haustu sublatae essent præcipites ibant: deinde quod terram initio veris circumfluentes, fructuumque semine gravidam nihil detrimenti attulerunt. Postremo illatum recessum, & fugam attentissimè speculantium penè lumina fefellerunt, perindè quasi eas omnes oculis turbo invisibilis rapuisset. Hujus rei igitur superstitione contactis, arte-

tisque mentibus hominum, & loquacius illam jactantibus narrabant tunc seniores, lucuosam, obscenâque regno sæpe fuisse hanc locustarum coluvicem, istiusque similem quondam in urbe incendiû, clademque prænunciavisse celeberrimi Xenodochii. Clariùs subinde tamen artis medicæ & astronomicæ simul peritus sive astrorû intuitu, sive quodam furoris afflatu, aut injecta divinitus mente pronuntiabat, anno eodem interlabente Imperiû Lusitanî fore conversionem, regni que Tyrannum suo sanguine aspersum sceleris penas exoluturum. Jamque effluerat propè annus cum ab aula regia deferretur Didacum Suarium in cruorem alvo solutâ graviter agrotare; ubi ergo, & Tyranni, ut ipsi credebant, nomen, & sanguinis fluxus, illoque sublato instaurandæ rei publicæ spes congruebant, sciscitantibus ipsum amicis secreti conscius an vaticinium editum esset Didaci interitus impleturus, fidenti ille animo teperebat, sanguine ruiturum sanè Tyrannum, sed gladii cuspide misso, quod mox, ut statim dicemus, Vasconcellus expressit vulneribus laceratus. Cùm ita prodigiis, & vatum oraculis extricandis Ulisipponem vulgus, occultisque nobiles augendis partibus student; Mantuæ Carpetanæ Olivarius anxius in animo volutabat, quonam pacto Bregantium sibi jamdudum invisum, tum verò cum multiplici furo, & solertia è regno exitum detrectaret, magis quotidie magisque suspectum eo loco tandem abriperet. Hâc mente illi primò Olivarius Præfecturam Mediolanensem obtulerat, Regem deinde ad Catalauniam cùm iter ornaret pro debito obsequio concomitatum acciverat, sed hic priùs valetudinis, post pecuniæ tenuitatem causatus pertinacius utrumque renuit. Hæc propter vana, & fallacia Ducis effugia, altius jam veteri incusâ Olivario suspicione, nihil porro inexpertum quod

quod suis argutiis, ac dolis persequi posset, ad eum amovendum reliquit. Statuit ergo per ætioris fiduciam speciem, quod est subtilius quidem tutiusque fallendi genus, si fieri ita posset, Bregantium incautum, & amicitiam illecebris consopitum circumvenire. Excurrebat id temporis Hispaniæ maritimas oras, latè ubique terrorem fundens, Gallica classis; cum igitur belli apparatu opus esset, ac Duce, qui Lusitani regni custodiæ, hostiumque conatibus provideret, runc è re nata Olivarius imperium annorum regni que Bregantio tutelam committit, eundem prætereà mandato Regis portuum maritima ostia curare juber, ac naves maximè invisere, si fortè classem, & copias augeri oporteret, aut munimenta sarciri. Post hæc Lopez Ossio Hispanæ classis Prætori secretò mandavit, ut navibus statim instructis ad Lusitaniam appelleret, ibique Bregantium arte, vel casu, vel ratione fortassè officii ad classem impulsus, navimque improvidè subeuntem exciperet, expansis que repente velis in Castellam, aut quò venti vis agitaasset extra Lusitaniam abduceret. Quod cum perficere vellet Ossius, fræda Britannicum supra sinum exorta tempestas classem Hispanam disjecit, & Olivarii altum, cui & alium jam primo frustratus subinde Olivarius innexuit. Multa per litteras cum Bregantio de classis infortunio conqueritur; unam inculcat Lusitani modò regni ruendi reliquam spem in præsidium, & arcibus esse sitam: denique jubet, mandatòque proposito Regis, ut præsens ipse pro munere cuncta lustraret, simul quadraginta aureorum millia ex pecunia publica accepta in militare stipendium, & reficienda munimenta persolveret. Tacitè tamen prius ab eodem junctum arcium Præsidibus fuerat, ut eò rendenrem Bregantium comprehenderent, militumque custodiâ septum properè ad aulam transmitt-

rent. Bregantius verò cum nec tantum sibi convenire fiduciam, nec naturæ Olivarii, nec cursui rerum inspiceret, rursus tentari se certus insidiis & eà officii simulatione perverti, circumspèctus, & vitabundus regni propugnacula invilit, utque fraudem in artificem verteret, pecuniæ quoque publicæ usum ad commilitonum, Ducumque fidem labefactandam impendit. Graves propterea contra Olivarium in aula Ministrorum quærelæ diffusæ & Procerum contumeliæ, quæ & regias interdum carpebant aures.

Temerè imperium, & arma Bregantio in Lusitania concessa. Homini incenso cupidine regni præter juris colorem, opes immensas, & populi studium inmodicum, arma insuper, instrumenta scilicet regni, & animo faces adjecta, quibus celebriùs concupita transigeret. Huc porro rem Lusitanam Olivarii cura, & industria provectam esse; regnum infidum, & exarmatum; Gallum hostem propinquum, & validum, Bregantium, cui omnia per arma pateant, custodem simul, & everso rem regni. Quid enim esset profectò aliud, laxare equo indomito frenos, furioso, vel ebrio tradere gladium, ad immensum incendium addere ignibus ignes, quàm dominiù anhelanti eodem in regno copias, & arma porrigere? Memorià excidisse Olivario recentes Eboræ turbas, gentis Bregantiæ turgidos spiritus, Lusitani in Castellensem odia, Galli sollicitudinem, hostium omnium insidias, tempora turbulenta; planè si civium culpà, & non suà, ut asserit Olivarius, Catalunia descivit, negare quò modo poterit, ad eandem ruinam ejusdem errore, seu veriùs torpore ac stultitià illo ordine trahi Lusitaniam.

Hæc regiis auribus rectè, aut oblique instillantium, Philippus qui in eo negotio



negotio Olivarium sciebat haud quam fide aut amore, sed astu procedere, non modò sermones in semet ipse clausus averfabatur, sed etiam, ut stolido, & fatuo plerumque in aula contingit, plus maledicto prodesset, quàm amulo obesse, existimationem & gratiam erga Olivarium augebat, quem ineptè ad invidiam amulorum moribus peti, Rex quia consilium probaverat, arguebat. Ceterùm Olivarium, ut cadenti jam regno succurreret, multa ordientem, & machinantem vel constanter propitia Bregantii fortuna lassavit, vel eo ipse suis artibus captus est, quod tam superbè arrogantèque de se, quàm abjectè, & contemptim de ceteris pro rerum intelligentia sentiret. Interea Bregantius magno strepitu & itineris pompa, re verò ipsà vacuà, nisi quod omnia interveteret, regni praesidiis excursis Almada postremò consedit prope Ulisipponem oppido, quaque ex alto stagnantibus aquis, & in leucam ferè porrectis dirimitur. Ibi ad tempus Bregantium agentem urbanitas, locique opportunitas admonerat visere Margaritam Sabaudam supremam regni administram, quod ipsum die praestituta, & salutationis antè formà composità factum est. At memoratu incredibile propè est, quo affluentis populi actu, quòve ingentis lætitiæ sensu aspectus ille Bregantii à Lusitanis exceptus, ac celebratus fuerit. Tota prorsus commota, suisque è sedibus fusa civitas amplissimam Regiæ planitiem se se ipsa collidens, premensque tumultibus Ducem visura complevit, resonòque clamore, plaususque incessum, habitum, hominis vultum ut celsiorem humanà specie mirantium interlapsæ multorum voces, quæ diadema, regniq; prospera initia Bregantio denunciabant, Praesensit errorem, & causam Populæ Marchio cubicularius Principis Margaritæ, idcirco ipsa coram increpuit, non erga

illam obsequium, & cultum hujusmodi scena, sed opum jactantiam, & auræ popularis experimentum quæsitum, & utilius quidem futurum fuisse gratum adeo spectaculum plebis oculis subtrahi, quid enim inde nili populo Lusitano erga Bregantium benevolentia, regis ministris timor, animus verò ad majora Bregantio fastusque dissentus est? sic errare Olivarium, & omnia proprio duntaxat metientem arbitrio aut fallere, aut negotiorum molem obruere. Ceterùm in tanta plebis alacritate, animorum ardore, effusaque passim lætitià nihil præter idoneum multitudinis Ducem, aut animi robur Bregantio profectò defuit, quin eodem momento tumultuosè tunc regnum arriperet. Ille verò post salutatam Margaritam, vitato de industria ad urbem ingressu Almada reversus est. Hoc etiam loco remisso jam metu Gallicæ classis paucorum morà dierum liberius querimonias, fletusque populi audire vacabat, & assentatium affectibus imbui, sed Bregantius in se retrusus, & gravis cum nihil de consueto rigore, & artificiosa taciturnitate remittere, quin callidè quoque velle aliorum animos explorare, suos intimè occulere videretur, conjurationis Principibus placuit palàm & fortius aggredi restitantem, cum Pintus hæc omnia subdole strueret, qui Bregantii voluntatis interpret aucèpsque conspiratorum, quæ heri commenta erant, suo tanquam producta Marte jactabat. Fuere hi nobiles viri Antonius Almada, Michael Almeida, & Antonius Mendoza, quibus tempus ad colloquium Bregantii petiit cum nocte intempestà concessum esset, Antonius Almada cujus ætati, ac facundię oratio à sociis permissa in hunc propè modum locutus fertur.

Catalauni nos Lusitanos, invictè Princeps, nuper erudicunt, quid afflictis, quid omninò perditis rebus

B auden

„audendum viris fortibus sit, & utrum  
 „excute jugum deceat, quod supra  
 „jūs, supra honestum & hominum vi-  
 „res mortalia corpora deprimit. Jam  
 „ipse intueris, & ita doles, cūm vides  
 „squalentem, ac scdam patriæ com-  
 „munis imaginem; nimirū patriæ  
 „leges everse, corrupta judicia, lace-  
 „ratus tributis populus, ob frequentes  
 „delectus militum solitudo usquequa-  
 „que, gemitus, vastitas; prædæ, om-  
 „niūque ludibrio expositum regnū,  
 „id sanè, inquam, malorum minimum  
 „esset, si præterea liceret vivere: An,  
 „cūm ita Lusitana modò plebs crucie-  
 „tur, nobilium fortasse splendori, ac  
 „sanguini parcitur? Atqui procures  
 „etiam graviter lesi dolent, indignati  
 „querelas fundunt, injurias, quas ul-  
 „tione prosequi, fastidium, & petu-  
 „lantiam quæ amplius sustinere non  
 „possunt, fugā declinant, quocirca in  
 „sui juris oppidis commorantes, patriā  
 „velut extorres, atque in latibula im-  
 „pulsī Castellensium Imperium, & so-  
 „cietatem effugiunt, quorum insolent-  
 „tiam, & fastum tolerantia, & mode-  
 „stia multò magis irritas, quā corri-  
 „gas: Immenſa sui fiducia atque opi-  
 „nione tumentes, præsertim, qui al-  
 „tiori notā sunt, obsequia negantes  
 „perdunt, tribuentes despiciunt; non  
 „cultu ingenuo, nec solitā humanita-  
 „te, atque officio contenti sunt; ado-  
 „rationem quamdam ambitu viden-  
 „tur, & ipsam velle per contumeliam  
 „exigere, non virtus omnino, non  
 „beneficia, non longa consuetudo  
 „non merita, vel diuturna servitus  
 „valent, ut quid pertinaci quasi insti-  
 „tuto detrahant, scilicet contemnere  
 „omnes, & modum supra hominum  
 „lineam in humana societate præferre,  
 „cūmque iidem videri plusquam ho-  
 „mines esse volunt, belluis tandem  
 „assimilantur. Nullum mancipium suā  
 „lege natura patitur, imò ejus instin-  
 „ctu ducimur, vitam potius quā li-

bertatem amittere, sponte, non vi, usu  
 non debito possidemur. Jamque Prin-  
 cipum dominatio paternæ ab initio ac  
 domesticæ curæ similis ultro à popu-  
 lis constituta, pòst in deterius sæcu-  
 lorū orbe ruente gradatim corrupta,  
 hoc tempore tandem omnino labefa-  
 ctata propè in Tyrannidem cessit, ea  
 vetò quæ modo nos Lusitanos supra  
 communes regni miseras ex Castel-  
 lensibus teneret, talis profectò est quā  
 tu nec si vis oculis vides, quā ipsi  
 cursim attingimus, quā lugere facilius  
 possumus quā narrare, & cōsequen-  
 ter ambigere, utrum magis miran-  
 dum sit, furot hic Castellensium,  
 an durities patientiæ nostræ, & quod  
 illis tantæ crudelitatis, an quod nobis  
 adhuc vivendi, tolerandique vires  
 sufficiant. Cæterum Catalauni his  
 longè minora perpessi dura jam vin-  
 cula disruperunt, atque ex truculen-  
 to minùs mutato dominio minùs  
 commodi, minùs candidæ libertatis  
 dulcedinis haurientes, cūm ibi in-  
 tet eos gentilitius Rex non occur-  
 rat, alienigenam petunt. Salubriora  
 profectò nobis, & æquiora consilia  
 fortuna suggerit, qui effrendo te  
 Regem possumus simul tibi, & no-  
 bis consulere, & patriæ, veterem  
 que tuæ ademptæ familiæ Coronæ  
 revellere injuriam, nisi turpiter ipse  
 servire, & anticipem vitam trahere,  
 quā securus, & flotens in Lusita-  
 nia regnare malis. Ad hoc planè te  
 quoque hortari res ipsa videtur,  
 quia iusta, quia amplissima est, quia  
 nedum necessaria, sed factu etiam  
 facillima est adeo, ut in hoc statu  
 terum dare tu jugulum inimicis, aut  
 diadema ab amicis cogaris accipere.  
 Quippe ad iustitiam pro jure civili  
 stat tibi dignitas sexus, videlicet  
 non per feminam uti Philippus est,  
 sed regiæ successionis per masculum  
 Odoatdum inserto; pro nostro mu-  
 nicipali prærogativa civis, quo Phi-  
 lippus

„lippus tamquam extraneus, & ad-  
 „vena exploditur: pro jure gentium  
 „faver tibi populi conclamatio, cujus  
 „ingenti quidem consensu, flagran-  
 „tibusque voris acerrimè optari tutè  
 „nudiustertius hilariter aspexisti, cum  
 „ad Margaritam salutandam accede-  
 „res; nec naturæ postremò lex his ra-  
 „tionibus refragatur quippe quæ ad  
 „arcendum impellendumque Tyran-  
 „num sapientes, stultosque simul,  
 „viros claros, ignobilisque omnis se-  
 „xus, omnis ætatis, conditionisque  
 „homines uno impetu armat, agit-  
 „que. Jura igitur omnia humano acu-  
 „mine, & usu, aut ex fonte natu-  
 „ræ orta quacumque intelligi ratio-  
 „ne, ac flecti placeat, regium tibi  
 „Lusitanæ diadema contextunt. Est  
 „elati præterea animi magnæque in-  
 „dolis argumentum recto tramite cel-  
 „sa petere; cuncta verò in humanis in-  
 „fra regiam majestatem, & orna-  
 „mentum posita jacent. Philippum  
 „tertium Hispaniæ Regem dicere so-  
 „litum narrant, quod si, curarum  
 „aculeos, & spinas quæ auro, gem-  
 „misque distinctam regalem Coro-  
 „nam sepiunt, daretur hominibus in-  
 „trospicere, ne dignam quidem exi-  
 „stimarent, quam humi jacentem at-  
 „tollerent. Contrà, Philippum secun-  
 „dum ne dum tanti Imperii tractan-  
 „dæ molis defatigatio, aut tot pos-  
 „sessorum in orbe regnorum satietas  
 „minimè ceperat, sed etiam per juris  
 „ludibrium, amorumque terrorem  
 „& vim sibi sustulit Lusitaniam; si-  
 „mul in Galliam per astus turbatis re-  
 „bus incubuit, quàmque armis vel  
 „fraude subactam auferre non potuit,  
 „eamdem convulsam membrisque dis-  
 „cissam ejusdem regni Principibus de-  
 „stinaverat, ut graviore æmulo di-  
 „minuto, aut prostrato, cum nihil  
 „amplius superesset Europæ quod ejus  
 „potentiam æquaret, Italiæ tandem  
 „reliquias absumeret. Utrum Philip-

po secundo tu, an ejus Philippo fi-  
 „lio similes animos gerere vis? num  
 „obscurioris famæ ac nominis ex-  
 „stitit pater, quàm filius, quod ille  
 „esuriret, hic fastidiret imperia? an  
 „ipsium regi, quàm regere, vel ex  
 „alieno pendere arbitrio quàm tuo  
 „satiatus est? Et si vitium ambitio, ge-  
 „nerosi non animi fervor, non inge-  
 „nii sublimis impetus sit, hujusmodi  
 „tamen est magnitudo, splendorque  
 „Regis, ut ad illud fastigium vel per at-  
 „tritas leges, calcataque sæpe jura haud  
 „pergere nefas esse, vulgari comprobe-  
 „tur adagio, si violandum est jus, re-  
 „gnandi causa violandum est, quan-  
 „tum tu porrò inertis, animique de-  
 „generis notæ, quantum ignominie  
 „subieris, si jura violes, ne regnes,  
 „totque sacra & communia patriæ pi-  
 „gnora negligas, ut otio fruaris? Cir-  
 „cumspecte, quæso magnanime Dux,  
 „ne falsa virtutis specie delusus, ita  
 „dum animo langues, ac viribus tor-  
 „pes, quod re vera segnitie est, tem-  
 „perantiam existimes, atque ita mis-  
 „cendo propinqua virtutibus vitia, pro  
 „prudencia formidine, pro pudore  
 „animi tenuitate, honesto pro otio  
 „ignavia, ac dedecore utaris, quem  
 „nisi regale genus, & jura populique  
 „plausus, & voces ad regni clavum sus-  
 „cipiendum tot inter æstus, & fluctus  
 „excitent, vel tuis virtutibus dignus  
 „es, qui & nobis, & vastiori quoque  
 „provinciæ imperites, tamque insi-  
 „gnes ingenii dotes, atque egregia  
 „decora animi tandiù otiosa, & jacentia,  
 „ac propè marcida situ hoc tem-  
 „pore minimè licet in ordinaria con-  
 „ditione sordere, nisi perperam po-  
 „tius, quàm bene tibi, amicis, & pa-  
 „trix, & tranquillè, & abjectè, quàm  
 „cum regio strepitu & gloria in luce  
 „terrarum orbis, & memoria æterna  
 „posteritatis vivere concupiscis. An  
 „hic ubi juris summique honoris, &  
 „laudis ad capeßendum imperium in-

„ citamenta movent, negorii fortasse  
 „ asperitas, & circumstantia pericula  
 „ interponuntur? Pugnaturus profe-  
 „ cto es umbraticum contra Regem,  
 „ alterius consilia natusque sectantem,  
 „ ex quo apud populos malè audit,  
 „ apud proceres laceratur, apud ex-  
 „ teros spernitur. Inter Regis torpo-  
 „ rem, ministri arrogantiam, popul-  
 „ que ludibrium Imperii calamitas ur-  
 „ get. Res tibi gerenda cum illo Rege  
 „ est contra quem premit suis opibus  
 „ Gallus, crescit quoridie, & confir-  
 „ matur Hollandus, labat Germanus,  
 „ Italus edit, diffidit Britannus, Ca-  
 „ talaunus è latere insultat, & cinis,  
 „ & fumus brevi fore videtur Troia  
 „ ubi stabat. Regem illum petiturus  
 „ accingeris, qui non minus dome-  
 „ sticis, quàm externis bellis impli-  
 „ citus, & utrisque debilitatus, &  
 „ fractus, dum novum repentè natum  
 „ in Lusitania belli ad restinguendum  
 „ ignem accurrerit, alios etiam intra  
 „ Castellam clam, palamve coeuntes  
 „ incendii globos ex perfidia suorum  
 „ accensos conspiciet, ut inæqualis  
 „ servandorum regnorum sollicitudo  
 „ unum eorum, æqualis utrumque re-  
 „ gnum in discrimen conjiciat, ex ma-  
 „ gnatibus enim Hispanis alii sunt tibi  
 „ sanguinis jure conjuncti, ambiunt-  
 „ que propterea in communi sibi fami-  
 „ lia regia stemmata propagari; plures  
 „ in eo Lusitaniæ recessu effugium de-  
 „ siderant, quò ab ira injusta, seu ju-  
 „ sta Regis; si ita res incidat, advo-  
 „ lent; nonnulli circumcidi tantam  
 „ Regis potentiam volunt, ut priscos  
 „ illos recipiant spiritus, quos sub'mi-  
 „ nutis olim Castellæ Regibus osten-  
 „ tabant: sunt, qui, & ita invident  
 „ Olivario, ut Regem ipsum, & re-  
 „ gnum cum ejusdem ruina raptari cu-  
 „ piant, cùmque ab iisdem magnati-  
 „ bus, qui ita infesti Regi, ac regimi-  
 „ ni sunt, res domi, militiæque tra-  
 „ ctentur, contra Lusitanos, Regem-

„ que recentem arma, & consilia pa-  
 „ rantium, aut fides suffragia, aut  
 „ opus consulta destituet, nisi priva-  
 „ to minus, quàm publico bono pro-  
 „ ceres serviunt, aut tam faciliè ipso-  
 „ rum deservescere potest ambirio. At-  
 „ que utinam hoc tibi certamen non  
 „ tam necessarium, quàm gloriosum,  
 „ & faciliè obversaretur. Scio equi-  
 „ dem nec te penitus fallit, nefariis,  
 „ multisque insidiis caput tuum Oli-  
 „ varium appetere, in quibus acerbè  
 „ furentem, animo anxium, cruen-  
 „ tùmque ministrum nec pecuniæ, nec  
 „ armis, nec vi ultimè parcere statuis-  
 „ se, donec ex voto confecta res erit.  
 „ Obvia, & pròpiora quæque poten-  
 „ tibus sunt, ubi plena sceleris mer-  
 „ ces; minor opportunus injuriæ est,  
 „ nisi vires suppleat ingenium; at nul-  
 „ lum omnino tibi tot miseriis, tot  
 „ periculis circumfuso, nisi in tuo re-  
 „ petendo regno, malorum patere so-  
 „ latium, aut salutis effugium potest.  
 „ Per multis eousque suo lumine irra-  
 „ dians oculorum, atque animi aciem  
 „ perstrinxit Coronæ fulgor ut ultro  
 „ sese magnis periculis obiectarent, alii  
 „ verò interirent quò illam arriperent;  
 „ tibi, ut vivas, aut extrema pericula  
 „ subterfugas, petenda est. Adeone  
 „ ingratum, vel execrabile imperium  
 „ est, ut perire, ne imperites, velis,  
 „ dulciùsque tibi fuerit, & gratius ven-  
 „ enum quod per æmulos tibi deco-  
 „ quitur, qui tibi jam textitur laqueus,  
 „ qui culter acuitur, quàm quod pla-  
 „ nè tuum sceptrum est, & quod tui  
 „ tibi cives, amici supplices porrigunt?  
 „ Sic tecum fortuna ludit, cui si nunc  
 „ præbenti se tibi terga inconsulto de-  
 „ deris, frustrà eam subinde, cùm  
 „ egeris, cùm ingemueris implores;  
 „ ut spreta, ut irata deinceps infesta  
 „ futura est. Hæc tibi candida amici  
 „ consilia damus, & consilio, quò  
 „ fraudis suspicio absit, etiam labores,  
 „ & corpora nostra subjicimus, ita ut,

„sires, ut confidimus, prosperè cesset-  
 „rit, te cum diademate solum extu-  
 „lerit, nos eadem fors, vulgarisque  
 „vitæ conditio in subditorum grege  
 „tenrura sit; sin improspere, quod  
 „Deus avertat, cum humanæ iustitiæ  
 „fulmen non summa plerumque sed  
 „infima petat, conjurationis partici-  
 „pes nos multò crudelior quàm te  
 „Principem æstus abrepturus furoris,  
 „& odii sit. Superest ergo, cum ni-  
 „hil indecorum, nihil iniustum ex-  
 „posuerimus tibi, qui Regem posci-  
 „mus pro Tyranno, nihil etiam diffi-  
 „cile, aut fortunæ casibus implicatum,  
 „verum omnia expedita, utilia, hone-  
 „sta, & tibi, & nobis, ac reipublicæ  
 „maximè necessaria, ut aura quoque  
 „caelesti afflante ampliora dictis spera-  
 „re liceat, modò tu amicorum con-  
 „siliis nequaquam surdus optima qui-  
 „dem impiger expectare, & audere,  
 „quàm deterrima quæque otiosus, ac  
 „deses pertimescere malis, & tutum  
 „imperium amplecti, quàm servitutem  
 „periculosam.

Hæc quæ fufius dixit Antonius Alma-  
 da, cæteri brevius exposuere. Bregan-  
 tius tamen cùm animo avidus, metu  
 ambiguus, & suo cunctabundus ingenio  
 esset, gratis hominibus placidè actis,  
 responsum ita composuit, quo nec alere  
 spem conceptam, nec illam prorsus ab-  
 scindere videretur. Scilicet proclivio-  
 rem animo esse ad benè merendum,  
 quàm furtim, aut palam regnum per  
 tot amicorum pericula, & civium lan-  
 guinem reposcendum. Cæterum in hu-  
 manitatem, atque leporem, & supra  
 morem ipse prolixior ea frontis illece-  
 bra, vultusque serenitate Lusitanos di-  
 misit, ut malè dissimulata, quæ per me-  
 dullas, & viscera impressa serpebat im-  
 perii cupido, oculorum quasi per rimas  
 foras erumpere videretur. His ita actis  
 Villavitiolum Dux Bregantiz statim re-  
 petiit, veterem ipsam, claràmque Breg-  
 antiz familiæ sedem delitiis imprimis

excultam, & venatu maximè insignem,  
 sed altiùs jam tacto regni dulcedine vi-  
 ro, fastidio, atque stomacho loci ele-  
 gantia & amœnitas erat, sola ac vehe-  
 menti regnandi tum curâ defixo. At  
 Mantuæ Carpetanæ vulgato populi stu-  
 dio, atque ingenti lætitiâ quâ Bregantius  
 palàm inspectus Ulisipponem attacerit,  
 simul clandestinis Almææ artibus, qui  
 casu quædam expressa altioris vestigia  
 signa reliquerant, tum fatali quodam  
 rerum novarum susurro ex incerto quasi  
 auctore & indicio rebus in magnis præ-  
 currere solito, præterea cùm nihil falla-  
 ciis, ac dolis cum Duce Bregantiz pro-  
 ficeret Olivarius, & palàm idcirco, &  
 per vim in te tanti ponderis agendum  
 esse censeret, causam ex Regis præcepto  
 ad Statum Senatum retulit. Proinde, ro-  
 gatis sententiis, Senatus frequens decer-  
 nit, iniquo vel æquo animo ad aulam  
 Bregantium sine ulla mora trahendum  
 esse, sed non nisi lenociniis nequic-  
 quam primo consumptis artibusque de-  
 lulis, vis denique adhiberetur. Secundū  
 hanc sententiā hæc iussu Philippi Re-  
 gis ad Bregantium confestim delata  
 sunt: Quamprimum veniret ad Aulam,  
 ipso ibi Regem pro sua voluntate, illu-  
 stri pro genere, & amplissimis meritis  
 ejus usurum. Tristis, attonitòque similis  
 ut improvisò, ut gravido arcanis huic  
 novo mandato Bregantius hæsit, cùm  
 animo volveret jam non amplius se per  
 ambages, ac diverticula quæri, primis-  
 que insidiis nequicquam expertis, mo-  
 dò illecebras jaci, quibus facile quoque  
 discussis fore subinde, ut minæ tandem,  
 & vis extrema retentaretur. Pavidus  
 etiam, isque anxius multipliciter erat  
 ne aliquid fortè secreti, quod bulliebat,  
 negotii malitiosè, vel imprudenter ef-  
 fusum jam diademata, & purpuras som-  
 niantem à summa spe ad extremam ca-  
 lamitatem projiceret. Non manu ita  
 ille promptus, & animo constans, ut  
 cupidine flagrans in regno parando  
 erat. Itaque diù ambiguus, & animo

æstuans fidum tandem ex famulis misit ad Regem, qui cum dicto parentem ad aulam iturum Catholico Regi profiteretur, sed moras discessus, quantum artibus posset, cavillando prætexeret, inter quas conjurati, qui moniti jam de imminente Duci periculi fuerant, susceptum facinus maturarent. Venit ad Regiam famulus, multa apud Regem, & Olivarium, ad prolatandam, ut jussus erat, profectionem obtendit; nunc rei domesticæ inopiam, & valetudinem fractam, nunc de ordine, & loco Castellæ magnatû acres cum Bregantio futuras altercationes exponit; certum, nec longum fore discessum, at omnia prius explanari, ne vir primarius offenderet, opus esse. Verumtamen Olivarius, qui minoris momenti cætera, ut inde Bregantium abduceret, reputabat, interpositas omnes excusationibus tricas explicuit, jubens præterea, nummum viginti millia ab ærario Bregantio ad itineris sumptus exolvi. Sed quia ad Bregantium rem Lusitanam supernâ ordinatione transferri jam immotum, & fixum erat; ratoque atque addito sæpe rerum ordine illudimur, quâ viâ, sive mente Olivarius Lusitanæ defectionem antevertere satagebat, eâ maximè accelerabat. Inter arcana Olivarii usûque trita consilia, & fallaces imperii artes potissima erant, plus severitate animique rigore, conceptoque ex formidine odio repeti à subditis quàm amore, seu remperato dominio, cum natura liberè, amare, necessariò timere doceat, atque illud in ruâ, ac mutabili voluntate, hoc in aliena potestate positum sit. Adhæc egestate, atque rerum propè omnium inopiâ quoquo modo clientium cohibere spiritus, ne affluentes illi fortè divitiis atque opibus saginati ex luxurie in ferociam, ex ferocia in insolentiam, & contumaciam delapsi servitutis quandoque fræna detrectent. Hispaniæ postremò universum Impe-

rium quasi in provinciam redigere, ut id scilicet regeretur Castellæ legibus, vel quas suo tantum arbitrio, ac libidine ad tempus imponere placuisset. Rationes ipsæ profectò, quæ nisi regionum ingenius, temporis, ac vicibus rerum solerter accommodantur, quamquam faciles intellectu, usu tamen contortæ, ac difficiles sunt, ac ferè semper exitu foedæ. His geminatis nunc artibus præceptum ad defectionem, & lubricum suo more posse in officio tenere regnum existimans Olivarius scripsit ad Vasconcellum; pro exercitu, pro valida classe, quæ ad Catalauniæ receptionem descripta erant, multâ pecuniâ se, multo milite egere, nec alibi esse, unde commeatus militibus præberetur. Cumularet idcirco in Lusitania tributa, iteraret delectus militum, ne metueret, neu cunctaretur, ita animatam, ita concretam esse indolem Lusitanam, ut vexationibus potiùs ad tuendum obsequium frangi, tundique oporteret, quàm illecebris deliniri. Satis, superque paucioribus quoque verbis sese Olivarius explicuisset, ut vehemens, acèrque ac peculiari nomine insensus Lusitanis minister truciora his quæ jussus fuisset, exequeretur. Deterior ex eo quotidie rei Lusitanæ status, cum eam conflistantes ministri Regis sibi in animum induxissent, quod Lusitanæ & Catalauniæ simul subvenientes hinc pro pace, hinc pro bello utrique regno consularent. Super cætera autem in regno dehonestamenta, & publica exitia ad coacervandam præcipuè pecuniam exarserat avaritia. Quocirca fortè res incidit quæ acerbis & acriùs antecedentibus causis, & suâ quoque sponte pronos ad iracundiam viros nobiles perculit. Pulchriora inter vitæ civilis, ac generis ornamenta, quibus videtur Lusitanus, floret præsertim equester Christi qui dicitur ordo habitusque, quem ad nobilem gradum donotantummodo Regis cum languinis cla-

ritate,

ritate, probato splendore stirpis, & probitate morum adscribi incolis indulgetur. Proinde in amicorum colloquio jocose quidam narrabat, ignobilem hominem, quin & Maurum origine aureâ suffusâ in pallio, ac pectore venâ, nuper Christi crucis insignia, & equitum stemma delineasse, his verbis significans, prerio, atque fraude in ordinem Christo sacrum ignobilem hominem, & genere impurum intrusum. Ira tunc excandescens alius eques, qui fortè aderat. En inquit ex urbis quicquid, plebisque sordibus surgunt, qui in gradu nobis æquiparantur. Non erit igitur amplius nobilitatis, quam circumferimus, hæc Nundinaria Crux, sed nota dedecoris, atque ignominia; hiisque dictis irarum, & animi impatiens, arreptam è pallio Crucem fremens, frendensque dissecuit, minutimque concisâ disiecit in aërem; plura post jecit probra, & contumelias in Regem, & regimen regni, sese tandem ex cætu amicorum furibundus proripuit, cum omnes admiratione, atque tristitiâ eo impetu, factique insolentiâ propè torpidos reliquisset.

Hæc, & familia partim vera, partim affecta, vel aucta per artes in majus à rerum novarum cupidis minè in nascentem, increfcentemque conspirationis ignem afflabant. Itaque Petrus Mendoza, cum Villavitiolam profectus esset, ex re oblata rursus Bregantium conjuratorum nomine convenit, ostensas illi, rationesque commemorat prius in Almæ congressu de regno usurpando propositas, postremò execrationes, & preces, & propè lachrymas adjicit. Si perire ipse vellet, cum eo peritura Lusitania profectò esset, idemque bustû & patriam, & Ducem Bregantiæ collecturum fuisset: tandem si vivere sibi nolit, vel viveret ipse patris, communique salutis se cum regno & diademate reservaret. Bregantius tunc bre-

vius, & clariùs Mendoza respondet. Ea se dura, & iniqua tunc à regis ministris per summam injuriam, ac petulantiam pati, quæ virum etiam dedecant promiscuæ cujusque sortis; & sollicitiùs quidem & fortiùs, ut tandem coactum sese rebus suis, ni rigor se ille interniserit, consulturum. Nihilominus arduam, & valdè præruptam esse regni petendi viam, eamque celerius ingredientem nonnunquam consilia, multoties amicos, sæpe fortunam fallere, solum se demum, aut præcipitium, Coronam, aut laqueum, cum pergeret, offensurum, in tam lubrico itinere esse, medium non interesse. In tanta igitur rerum confusione, ac tumultu in quæ Lusitaniam Rex Catholicus conjecisset, sibi ipsi prospicerent, dum quod è re sua fore in his fluctibus cognovisset, ipse cunctariùs deliberaret. His verbis diremptus est sermo, & Mendoza cum honore dimissus, qui metu, non fide & officio impediri in eo sermone cum explorasset, videlicet non de regno, sed de modo occupandi, sustinendique regni hætere nunc in se ipso, cunctarique Bregantium, qui in priori ad Almadam colloquio se planè alienum, & animo aversum ostentavisset, alacrior ex eo Mendoza Eluensem Antistitem, quod Bregantio carissimus esset, aggreditur, secretòque illi consilio communicato monet, Bregantium conveniat, & in rem jam proclivem, sed timore tergiversantem evincat; videri fortassè more Principum velit, quod ambitio extorsisset, religioni, sacroque pallio tribuere. Antistes, quo morem gereret Petro, simul & ipse penes amicum novo pro regno ineundo magni meriti particeps esset, adit Bregantium, multaque arte, multa dicendi copia regnum usurpaturo honores elevat, utilitates auget, pericula imminuit. Testatur præterea ipsum, ipsum Bregantiæ Ducem esse illum larvatum Regem jam dudum in



regno latentem, vulgique rumore iactatum, quem verbis ambiguis arioli, regnique vates velut oraculo missis ex longo tempore cecinissent, nuncupatisque votis Lusitana quoque plebs exoptaret. Jamque immobili sanè fato viam aperire Numen qua aliena detracta occulto Regi persona in luce terrarum, in oculis, imo in corde, & animis potiùs suorum concivium imperitaret. Postremò dixit Antistes, Eluise Alphonsum Melum habere Præsidem magnæ arcis, multosque primores urbis ejusdem Bregantii causâ atque fidei tenaciùs adstrictos, & quocùmque semel tentata fortuna inclinasset, patere ibi ipsi propugnaculum regni maximum, vel in secundis rebus munimen, vel in adversis suffugium, tutumque receptum. His dictis Antistes, quæ & viri gratia, tum ratio, & infularum auctoritas roborabat, flexit tandem Bregantii animum; Is igitur pauca primum pro se, rei que dilatione præfatus, subinde Antistiti adjecit, parum temporis sibi permetteret, firmatâ donec meliùs sententiâ, atque animi æstu composito responsum integrum redderet. Occultum interea hucusque Bregantius uxori consilium aperit, simul partium ardorem, & studia, tum amicorum turmasque clientium studiosius in rem incumbentium, idque primo quoque tempore fieri sollicitantium; deinde quæ etiam cum aliunde ab incepto avertabant, molestissimas curas subjicit.

„ Nihil anxius fœminæ, aiebat, vobis  
„ lubilius, ac fluxius favore populi, qui  
„ mariumæ spumæ similis, ea ipsa,  
„ qua refilit, promptitudine frangitur.  
„ Transversi, perturbatique regiminis  
„ notas, & querulas voces, vulgares ut  
„ plurimum, & inanes esse querelas,  
„ cùm gravia semper, quæ sunt præsentia,  
„ & odio, ac fastidio subditis  
„ sint, cùmque ingeniis, sensibus, mentibus  
„ te semper ejusdem propemodum

molis iisdem affectibus, studiis usu aut natura corruptis per immista virtutibus vitia, ac redeuntia intervalla ut antea, & nunc quoque respublica gubernetur, nec retroacta sæcula meliùs, nec ventura deterius regenda esse. Hollandiam, & Catalaniam æquo adhuc Marte constanter cum Hispano Rege configere, illam nimirum, quia à cæteris procul Hispanis dissita regnis ideo minus urgeri valeat; hanc, quia terra, marique finitima Gallix, & fide, siturque connexa, quasi unum cum illa copulet regnum, at Lusitanix undecumque Castellæ circumsæptæ dominio, omnia à loco interclusa terrestria præsidia, maritima sœpe esse, periculosa ventorum, & fluctuum incessantix commissâ. Neque usui præterea fore sibi videri de Rege Gallo nimis considerare, regii cùm moris sit ad præpotentem amulum obtinendum, alios per sæpe inanisque fiducia inflatos ad arenam vocare Principes, ubi amicum vincere, aut vinci sine ullo quidem incitantis Regis periculo, & cum ejusdem semper utilitate contingeret. Lusitani propterea mutandi imperii consilium domesticis esse potiùs quàm externis, incertisque auxiliis, priusquam aleam adiret, dimittendum. At qui si intergras sibi eo tempore partes addictas enumeraret, parum esse in se plebem natura coherentem, & stabilem, rursusque à viris nobilibus separatam nisi frustra, & cum ejusdem excidio vertere imperium aggressam; nec satis etiam per se vitos nobiles commoveri, vel ruere in incertum cupiditatis, speique susceptæ solitos, nisi prius à regni summatibus excitatos, consociatosque. Hos autem planè se oppositos, infestosque profecto existimare fortunæ suæ, qui nec sibi ullo pacto de regno concederent, nec se ipsos quidem invadiosis,



„diosi, magnisque tot opibus tutos,  
 „sub reguli arbitrio censerent, nec  
 „impenſi tandem obſequii inter pacis  
 „delicias, aut incommoda belli pa-  
 „rem illis mercedem curtum Regem  
 „perſoluturum, quàm ſecus ampliſſi-  
 „mam à Catholico Rege expectare  
 „liceret. Hæc, & talia peracutè, ac  
 „ſollicitè hominem arguentem ingentis  
 „ſpiritus mulier hac callida circuiſione  
 „perſtrinxit. Amicè miſeris te paſſim,  
 „& periculis circumventum complo-  
 „ratumque video, & alterutrum mor-  
 „tis genus ſeu decorum, ſeu ſœdum  
 „inter tot inextricabiles artus eligere  
 „dura neceſſitas cogit; Tibi enim Uli-  
 „ſſipponem aut Mantuam Carpetanam  
 „eundem ad interitum eſt, ſed turpi  
 „quidem in aula Catholica, morte,  
 „pulcherrima in patria, & diademate  
 „coronatus occumbes. Hæc tandem  
 „ſeu viſ argumenti, ſeu genii ſuperioris,  
 „ſeu muliebris imitatio virtutis jampri-  
 „dem Bregantium ſpe anxia, metûque  
 „pendentem ad regni rapinam impulit;  
 „vocatôque Antiſtici Eluenſi in hûc mo-  
 „dum reſpôdit. Nihil ſanè inter homines  
 „difficilius aut majus quàm bene im-  
 „perare, difficillimum verò in tanta re-  
 „rum jactatione virum privatum arti-  
 „pere imperium, nec ſine extrema  
 „ingredientis pernicie inter regni quo-  
 „que primordia negotiorum vortici-  
 „bus volutari, multoque ad rem plura  
 „exempla tragica duci quæ avocent  
 „abeuntem quam lata, quæ blandian-  
 „tûr, tamen ne ſuo ipſe genere indi-  
 „gnus, neu communis immemor pa-  
 „trix, neu vocibus amicorum inexora-  
 „bilis videretur, aut ferreus, tam mul-  
 „tis, tantique momenti hortamentis ac  
 „precibus fatigatum, ad occupandum  
 „denique regnum, quod jure ad ſe  
 „pertinebat, accedere ſtatuiſſe. Seriò  
 „interim ipſi viderent, expenderent-  
 „que ſibi, & partibus luſtuoſum,  
 „eventumque futurum talem conta-  
 „ctum imperii, ſi Ducem Bregantiæ

complures Regem deſiderarent, ſci-  
 „cere pauci auderent. Hoc reſponſo  
 „effuſè lætus Antiſtes, & quòd is perti-  
 „nacios in Caſtellensium nominis odio  
 „eſſet, & quod ſibi etiam cum quadam  
 „jaſtantia tribueret expugnati Breganti  
 „animi lauream, quaſi hunc non ex lon-  
 „go intervallo ſpecie averſantis regni  
 „cupiditas peruſſiſſet, eidem Bregantio  
 „tandem futuri imperii gratulatus initia  
 „receſſit.

De regno igitur quàm celeriter oc-  
 „cupando Bregantius jam animo inamo-  
 „tus, ac ſtabilis ſcripſit ad Pintum, qui  
 „Uliſſipponem ejus negotia, & hoc de  
 „regno maxime curaturus agebat Quan-  
 „tociùs Villavitiôſam accederet, ibi  
 „enim ipſe neceſſe quadam cum illo ha-  
 „bebat de Odemirana ditione conferre,  
 „quam, extrema perantiquæ familiæ  
 „ſobole jam extincta, in domum ſuam  
 „hæreditario jure delapſam eſſe cenſebat.  
 „Ancipites ſenſus, Pintôque dun-  
 „taxat arcanâ regulâ notos, ubi primùm  
 „is intellexit, ratus id quod erat, con-  
 „firmatum ſcilicet elatumque jam ani-  
 „mo dominum velle regni negotium  
 „omninò conficere, curſoris ſtatim  
 „equis aſſumptis evolat ad Bregantium.  
 „A quo admiſſus, & nedum præpara-  
 „tum, ſed ad capeſſendum etiam quam-  
 „primùm imperium vehementer incen-  
 „ſum cupidine Ducem naſtus ei latiùs  
 „conjunctionis ordinem explicat, con-  
 „ſcios homines multos enumerat, eôſ-  
 „que fortunis, genere, famâ præſtantes;  
 „addidit Elvi, atque Uliſſipponis Anti-  
 „ſtites qui auctoritate, conſilio, aſſinium  
 „clientumque copiâ, inſularum præterea  
 „decore, atque ſpecie plauſibiliùs rem  
 „promoverent. Ad hæc quò Bregantio  
 „ex negotii proceſſu facilis ſpes ampli-  
 „or accederet, ſibi que egregiæ quoque na-  
 „vatz operæ commendatio, inſolentes,  
 „ingenuôſque falſò quamplurimos vi-  
 „ros implicuit, quos tamen primâ facie  
 „turbatis putabat rebus fore partibus in-  
 „hæſuros. Docuit præterea Bregantium  
 „antiquas

antiquas, acrésque inter Principem Margaritam, & Vasconcellum contentiones, ac domesticas simultates, eò quod Olivarius in regni negotiis expediendis minùs auctoritatis, atque momenti fidei, & consilio Principis daret, quàm longè inferioris notæ ministri, quæ quotidie reficabantur, adeo nuper recruisse, ut palàm dixerit Princeps, eò brevi sanè venturam rem esse, ut ipsa, navi raptim conscensâ, præcipiti fugâ vacuum etiam Gubernatricis nomen, quod illi unum pro integro imperio deerat, adjiceret Vasconcello; atque ea præter morem calencia, & cum aliorum motuum seminibus sparsa dissidia, quæ rationes Regis, & regni per factiones, & partes debilitabant faciliorem stravisse novis conatibus viam, cùm ratâ quadam lege fati sancitum sit, quæ perturbant, quæ inficiunt, quæ delent denique Imperia, pestes Palatio primum oriri, inde exire, fundique postea, nec inrestinas extra discordias ulla unquam mutata, aut eversa regna fuisse. Incertas præterea, atque varias Ulisippone jactari voces, id per hoc tempus in aula Catholica agi, ut Regis filius Princeps Hispaniæ quàm primum in Lusitaniam cum imperio dimitteretur, quo adolescens regno assuescat, Lusitanosque suspectos, ut illi credebant, & in obsequio, atque fide labantes sustineat. Quod planè verum, aut non procul à vero esse videri, utpote Regis & Olivarii rebus maxime consentaneum, Olivarii quidem ut disparis annuli impatientem adolescentem, Regis autem, ut filium ætate adultum, ingenio expetrectum, & populatam, & qui ante capete forsan potuisset imperium honoris specie dimitteret, cujus insuper ductu Principis, si res ita accidisset, haud difficile factu videri Bregantium etiam per vim è Lusitania depelli, aut regiæ personæ fulgoribus oblectatum, ibidem abjectum, atque deformem, merùque quotidie

tabentem in regni quodam secessu consensescere pati. Strenui hanc ergo consilii molem quæ magnas spes ejus surgentes obrutura profectò fuisset, audendo, agendo, propetando præoccupare necesse erat. Audit hæc omnia Bregantius, laudat deinde prudentiam Pintique studium, ac denique adjungit, quod si ad novum efferendum se Regem semel tentata Ulisippone acclamatio secus accideret, erat animus Algarbientæ regnum cum armis irrumpere. Etenim illud obnoxium inter alia fidumque regnum, & Portugalliæ præcipuè domui propensum existimabat, quippe quod adversus Castellam olim partes Antonii constanter secutum, etiam fractas belli reliquias cum infelici Principe, summoque regni discrimine exceperit. Ad extremum posttemò desperatæ propè salutis effugium adesse Elui Alfonso Melum cum arcis urbisque præsidio ejusdem fiducie per ejus urbis Anrhistrem alligatum, eoque inter res turbulentas atrocioresque fortunæ minas, hæc si ab initio non aspirasset, tutum sibi recessum fore, nec porro vertendum in dubium esse, quòd in illo ipso fortè propugnaculo incluso, atque obfesso ante oculos omnium impendens Bregantiæ domus exitium turbarum procellas ingentes concitaturum in regno fuisset. Cæterum magnum opus aggredienti cum impossibile propè sit, casus omnes fortuitos, qui intercurrere possunt, aut consilio expedire, aut ratione complecti, postquam omnia judicio rerum momenta collegerit, aliquid opus esse in fortunæ tributum mittere. His in hunc modum Pinto probatis binas illi Bregatius epistolas alteram Petro Mendozæ, Michaëli Almeidæ alteram Ulisippone reddendas tradit, quarum exemplar hujusmodi est. Quadam præfenti se Pinto mandasse, cujus ore explicatus intellecturi subinde essent. Hæc igitur ea ipsi ratione susciperent,

ut nec fides promissis, nec prudentia consultis, nec animi vigor deesset rebus post perpetrandis. His litteris Pintus acceptis ubi veniam pro reditu postulat, intempestivo majestatis titulo Bregantiæ Duce[m] salut[em]. Risit Bregantius lætæque fronte adulationis illecebras cepit, cum per vetusto vitio Principum assentatio in sua quoque farditate cognita non displiceat. Redit deinde Ulißipponem Pintus, conjuratisque redditis litteris post collatas in amicorum cætu sententias censuit, per idoneos & alios in tanti operis societatem adscitos augendas esse vires, rei que tandem agendæ tempus, & ordinem præscribendum.

Consilium de summa rei Ulißipponem Præside, ac Duce Pinto apud antiquam Bregantii domum inter noctis caliginem hac diligentia, & industria clanculum agebatur. Huc antequam homines accessissent, in magna loci distantia curtus, & famulos seponabant, ne curruum strepitu, vel famulorum fortassis indicio aduentum vestigia deprehenderentur; Subinde vir ille pedes gradu suspensus, ac lentus abibat. Domum introeuntem excipiebat vastæ amplitudinis aula, quæ solitudine ipsa, silentio perque longum inane umbra tremula circumfusa horrorem homini incutiebat. Lucerna in ejusdem sedis angulo posita, & colloquantibus procul atdebat, ita incerta, atque dubia per artem contorta luce, ut nemo secum loquentem hominem homo nosceret. Effluentis mensura sabuli describebat sermonis, & temporum intervalla, primo egresso subibat alius, sed statutis, discretisque longe horis, ne alter alteri fortè obuius ambo invicem proderentur. Qui in magni arcani consortium primum admissi fuerant, tactis sacris, quæ audivissent, quæ ipsi dixissent, aut fortè in rem conjectassent jurejurando premere obligabantur: Idcirco, & si hominum utique

multi conjurationis participes erant, quos tamen conspiratio conjunxerat cum vis sacramenti, locique secretum à mutua notitia dissociaret, singuli eorum alii aliis occulti, tantummodò erant factionis Principibus noti; Ultima verò die frequenti confessui, & rei peragendæ articulo destinata simul omnes, & palam consultum in consuetas ades venere. Hic productis singulorum sententiis, consilium aliquibus erat, regis acclamationis, regni que incipientis auspicia ab Ehora primò peti, quippe quàm facillimè transiutam in Bregantii partes fore putabant, & quàm paucis ante annis, nullo impellente, sed impetu quodam amoris constabat illum Regem appellavisse. Priori namque sociorum impressioni consuetudineque primitiis perquam esse accuratè, ac sollicitè providendum, ne primus fortasse conarus irritus in casum, & fraudem reliqua traheret. Contra bene fluentia conspiratorum initia partes erectas confirmatura, alias etiam Bregantii amorem, alias Castellæ odium, alias cupidinem rerum novarum, & reliqua plebis in returbida oblectamenta, fluminis ritu, quibus adhaeret, cuncta volventis, certis jam partibus adjectura. Si quæ fortè præterea interposita ratio esset, quæ à susceptæ hujus rei magnitudine conjuratos abstraheret, esse profectò hominum paucitatem, cum vix millia millium sufficere hominum valeant ingentis imperii volvendæ molli. Atqui in Ehora urbe jam explorato consensu populi, conclamatione Rege Bregantio, inde continuo ex omni hominum genere tanquam militum manu contracta majori constantia, ac firmitudine posse Ulißipponem per se paratam, & melius alterius exemplo parandam incurri. Rei prosperæ initium diudividuum contrahere, neque hoc felicius initium quàm ab Ehora sumi posse. Sed contra, & ex Bregantii quidem sententia disseruit Pintus.

„ In caput periculi , & belli pacisque  
 „ sedem Ulisipponem scilicet , ne tan-  
 „ ta res fulleret , primum , eundemque  
 „ pet aëtem esse impetum faciendum.  
 „ Ut capite inciso , victa , motusque spei  
 „ teliquum nihil superest afflatu vitali,  
 „ ac diffusa inde virtute carentibus  
 „ membris , ita quoque Ulisipponem de-  
 „ victa , ibique afflicta Castellæ poten-  
 „ tia , cæteras regni urbes , & oppida  
 „ sua spontè facilius consensui capitis  
 „ accessura . Ex adverso ortæ aliunde  
 „ seditionis Ulisipponem allapsus ru-  
 „ mot , quidni impelleret Castellenses  
 „ statim ad arma præcipientes , arces in  
 „ regno , naves in partu præriperent ,  
 „ omnia protinus expedirent , quæ par-  
 „ tium elatarum objectui , popularium  
 „ confusioni , magnique facinoris tut-  
 „ bamento sufficerent ? Inter has au-  
 „ tem moras , & ubique implicatas , ac  
 „ trepidas , dum Ulisippo per hæsitatio-  
 „ nem , aut metum non assentitur , aut  
 „ fortè partibus obluclatur , si ex Castellæ  
 „ subsidia properent , ut propetare  
 „ credendum sit , quid tandem ruinæ ,  
 „ cladisque & Bregantium , & regnum ,  
 „ & sociorum præcipuè capita non ex-  
 „ ceptura ? Rei igitur summam in Uli-  
 „ sipponis victoria , & constitutam ar-  
 „ bitrio esse . Illam enim rationem opti-  
 „ mam metiendi pericula esse , ut ea fa-  
 „ cturus hostis existimetur , quæ illi ne-  
 „ gligere non conducit , secus verò in  
 „ aliorum ignavia , & malè facta socor-  
 „ dia cogitationes , & spes efferre , ut  
 „ illis utile ferè semper , his exitiabile  
 „ planè fore . Propterea neque vim in  
 „ hac causâ , neque militum copiam ,  
 „ neque armorum attendere cumulos ,  
 „ aut aperto , & ex æquo cum hostibus  
 „ opus esse contendere Marte cum his  
 „ ita exuberent Castellenses , ut indi-  
 „ gent Lusitani . At in animi alacritate ,  
 „ festinatione , solertia ex hac parte  
 „ spem omnem sitam , & ex alia , quod  
 „ hostes in re ancipiti , & improvisa ,  
 „ quæ fortiorum ut plurimum dejecit

animos in alieno , ingrato , suspecto  
 que dominantibus solo , & omnia in  
 majus augente metu deprehensit , tunc  
 ipsi intelligerent , quæ agere potuis-  
 sent , cùm jam acta res esset . Proinde  
 raptim Vascuncello confosso , &  
 Margarita Principe exauctorata , in-  
 ter horum ardorem , & impetum , &  
 illorum rororem , ac metum ex voro  
 fluere ferrique cætera velut æstu se-  
 cundo posse . Hæc sententia prævaluit .  
 Rursus ut in magni momenti rebus alia  
 ex aliis impedimenta plerumque sub-  
 neçti solent intet eos quoque quæsitum  
 est , quo animo , quoque sensu putan-  
 dum esset tantam rei novitatem , po-  
 pulum civitatis , cujus auxilio consen-  
 suque sublato ruere omnia necesse erat ,  
 accepturum fuisse . Nihil hac bellua in-  
 tractabilius , ac trucius , semperque va-  
 riam sibi que dissimilem aut inolese-  
 re nimium , aut deici , simul inquietam  
 impotentem , discordem , atque in  
 dubio deprehensam ei quod detetri-  
 mum est , sæpe acquiescere malo . Quid  
 porro sperare , aut sentire de rei exitu  
 licuisset , quæ effectu instrumenti tam  
 incerti , tam fragilis usum in limine exi-  
 geret ? Si verò placeat aliquam populi  
 partem tentare , aut irretire blanditiis ,  
 arcanum , cujus vim sustentare eximie  
 quidem virtutis , atque constantie spe-  
 cimen est , & qua carent insulsi , intet  
 plures , stultioresque simul ad rei , & con-  
 scionem etiam exitium absque dubio  
 conceptum iri . Causa itaque sedulo ex-  
 cussa , res randem convenit , ut viros  
 ex ipsis eligerent , qui ingenio versatili ,  
 & gratia cum dicendi copia conjuncta  
 onerosum Castellæ regimen execran-  
 tes , & meliora , si fortè vellent imposte-  
 rum pollicentes in aures populi sensim  
 influerent . Ad hanc rem perpetranda  
 sacra præsertim sodalitia urbis descripta  
 sunt . Illic esse conventum populi , ejus-  
 que Rectorem , ac Ducem seu amore ,  
 seu quæstu flexibilem , nec porro in-  
 suetum multitudinis Ducibus esse , ad  
 libidinem

libidinem sive lucrum, interdum sacris ut profanis abuti. Postremò si per malitiam fortassè violato, aut imprudenter elapso secreto rapi ad supplicium, aut in carcerem trudi quemquam eorum vidissent, simul omnes concurrerent, proclamatoque Rege Bregantio ab ultimo experimento fortunæ extremum sibi subsidium poscerent.

His ita decretis defectionis diem certam scilicet primam ineuntis mensis Decembris affirmant, utque statim moneretur Bregantius ut sibi curæ foret quo tempore Ulisipponè per conjuratos eodem propè momento in Trastagana provincia, aliisque urbibus sibi fidis ipse Rex acclamaretur. Cæterùm fortuita quædam parvæque dictæ res majoribus curis conjuratos obvolvitur. Ex delectis, qui arte, & illecebris captos ad desciscendum animos populi præpararent, fortè unus in virum haud ignobilem incidit, quem palam cùm sexpenumero audisset contumeliosius atque minaciùs in Castellensium dominium invecutum, faciliùs, & gratiùs idcirco ratus in rerum conscientiam, & partem venturum, planè illi conjunctionem aperuit, & promissa poposcit. Homo, ut evenire plerùmque solet, cò timidior, ac segnior quò petulantior, ubi rebus non verbis agendum, & subeunda quoque sibi pericula videt, horrore gelûque perfusus negat id temporis esse, quo talia consilia agitentur; ubi enim, aiebat, in regno miles frequenti expeditione bellica exhausto? ubi pecunia tam multis tributis eviscerato populo? quot nobilium, quot plebis, quotve magnatum tanto facinori nomina dederint? Hac certè quidem temeritate non reparare regnum intendi, sed in miserimas illud calamitates immittere, ut scilicet orta statim seditione, atque oppressa, inde excusato Castellensibus obtendatur qua in omnes deinceps velut in captos, ac proditores omnia cru-

delitatum genera exerceant. Ita insitam ille formidinem prudentiæ specie tegebat. At ille alius stricto repenti gladio, torva facie, & rutilantibus oculis, vel mecum, inquit, conspirabis, vel ego temerè data, tu minimè acceptæ fidei utriusque errorem mutuò sanguine diluemus. His ferociter dictis plus animatus, seu fortè territus Lusitanus secretum juravit, & cùm res ingnuisset, quia loquax erat, adjunxit, ad commune, quo patria flagralat extinguendum incendium, & quod ex novo subinde conflando bello exarsurum fuisset proprio cruore, & fortunarum suarum omnium ruina simul cum affecis concursurum. Attamen verène hoc ipsum ab illo mutata, an fictè metus, an casus, an pudor expresserit, cùm in utramque partem rationes ancipites ducerent, ea res ingentem conjuratis curam incussit; dubia fides, & nota loquacitas, ac levitas hominis apparebat temerando secreto pronior, accedebat, & cognitus pavor, qui ex periculi magnitudine, vel attrectato fortasse putato scelere ventosum, inertem hominè occupasset, quem nullo negotio pavorem, & cum opulenta quoque mercede exonerare statim apud regios ministros poterat. Hæc trepidè inter se consultantibus, & utrum die jam constituta exequi stabilita liceret, an longius protrahere quærentibus, cùm ratio, & auctoritas, ut sæpe in conventibus fit, capitum numero concessisset, id tunc prolatari statutum est, quod etiam accelerare idem proditoris cogebat metus, impuleruntque Pintum, qui & contra censuerat, ut Bregantiæ Duci in hunc modum rescriberet, susceptum opus tantisper remitteret, donec rursus, & tempestivius quid esset agendum commoneretur, nam res ardua contigisset. Hæc Pintus Bregantio conspiratorum sententia, ipse tamen, ne Duces, quem supra modum natura pavidum, anxiumque cognoverat, graviori, quàm in se erat, percitum cura torque-

ret, aliam, & conjuras occultam Bregantio epistolam dedit, qua primam significabat, nō sua sed amicorū scripisse sententia, impulsūque; ipse enim primo quoque tempore existimabat, se temere injectæ suspicionis scrupulum excussum. Postridie cū iterum convenissent, jam illis suppressis animi fluctibus, metūque sensim absterfo, Pintus increpare, monere, accendere socios, inconfultas moras refellere, nihil ledere magis secretum, quā tempus, cū plurimas illi rimas unde effluere possit, aperiat, nihil magis, quā nimium in causa ratiocinari, majora negotia corrumpere. Quid igitur aliud hærendo, procrastinando expectarent, quā se singulos stultè prodere Castellæ tortoribus jugulandos? Cū plures tandem ex conjuratis ad explorandam attentissimè rem circummissi nihil novi deferrent eandem ipsam conductam diem, aut proximam saltem pro initio defectionis certam, ratāq; habuere: sed alia, & nullius quidem momenti res, uti in humanis Deus, aut fortuna ut dicitur ludit, conjurationem penè dissecerat. Prædie quā à Rege Philippo descitum est, vespéralcente die, consciorum nonnulli dum aream Palatii divisim speculantū more perambulant, Vasconcellū conspiciunt, qui in triremem conscendit, & à littore in altum solvere jussit. His itaque ignaris fortè hoc an consilio accidisset, cū sibi vehementer ab adeo sagaci, rigidōque ministro metuerent, ipsiusque parifato æstimarent rem Lusitanam vertendam esse, cuncta horribilia, atque trucia ægrè affecto timore animo spargebantur. Nimirum soletem in primis, argutiorisque acuminis hominem, regni que officii, & curis penitus mersum diutius conjurationis machinam tantam fallere minime potuisse, ergo ad arces, tegniq; præsidia communicanda, sive ad aulam Catholicam properare, vel alias subnectere fraudes, & dolos velle quibus occulta partium consilia in earum perni-

ciem, interiūque converteret. Dolebant etiam terrimū hominem, quem & instrumentum Lusitanæ Tyrannidis appellabant præter expectationem elapsū, & flagella propterea, & vincula sibi, & custodias, atrociora quæque expediri supplicia, patriamque quo sublevare cogitavissent, miserius præcipitasse. Planè ea ipsa res adeo illorum animos fregit, mentēque alienavit, ut extrema nonnulli desperatione percussioportunatē Ulisipponē quærerent, qua in Angliam, vel Africam, aut aliò terrarum orbis repente trajicerent. Reliqui haud secus pavidī quā si jugulo hærentem canisicem cernerent, in consilium coeuntes, dum rem pertractarēt, trepidabant magis, quā consulebant. Qui convenerant, seniorum ut frigore corpus, metu sic animus obriguerat. Junioribus verò quibus & ratio sententiæ viget, cū vires ab animo mutuatur, ibidem, & optimè placuit rei exitum expectare, si ille fortè, ut verisimile quoque erat, tot negotiis, & curis implicitus ad animum relaxandum oram maritimam legeret. Impigros itaque juvenes ad noctis usque dimidium cum ex composito rem observassent, mox perfonantium nautico more tubicinū sonus & clamor rediisse Vasconcellum admonuit, illique præ ingenti gaudio vix compotes mentium communem sociis lætitiā impertiuntur, animosque ad proximam defectionem confirmant. Cæterum rerum hæc humanarum ludibrium, & conscius sibi met animus attulit, vanisque illusa terroribus niens; alius, & strenuus quidem obex incurrit, quem rerum duntaxat immutabilis ordo, & Bregantii fortuna discussit. Georgius Melus Ulisipponem à Duce Bregantio ad conjurationem fovendam missus, amici tunc, cognatique in suburbano utebatur hospitio, cujus nomen non proditur. Is ope, & consilio cum juvaret secretò partes amico negotium hætenus reticuerat, sed provecta jam

jam nocte, & postredie cum dies illuxisset peragenda res esset, brevique quæ intererat nox cum nullum omnino proditioi præbere locum, & ulterius diffidere amico subrusticum videretur, conjurationem illi tandem patefacit, hortaturque moneturque quod Lusitanum, quod virum nobilem deceat. Homo hæc ubi audit flexo in speciem lætitiæ vultu se fore spondit in potestate amici, nec sibi, nec patriæ in tanto periculo defuturum, frontique oratio aliisque corporis motibus congruebat. Ad multam deinde noctem sermone producto, ambo postremo cubitum secessere. At melius postea secum ipse considerans, quid tandem egisset, & recte ne hospitii aut cognationis respectus oppignorata fidei, jurisque silentii prævaluisset, quam fallacia, quam tortuosa mortalium ingenia sint, quæ amoris, quæ fidei pignora prodidisset, quas animi dotes, & præclara ornamenta virtutis proprii commodi studium labefactasset, & an adhuc illi per ea momenta vacaret magistratui prolata detegere indicia, ex eo iratus factique pœnitens inquietam, ac turbulentam agebat noctem. Inter hæc suspensa ambulantium vestigia, & colloquentium in adibus murmur cura, & vigilia auris erecta percepit. Veritus ergo Melus insidias è cubili confestim surgit, properat ad fenestram, indeque jactis in domus vestibulum oculis inter caliginem ardenti facie discussam videt stratum itineri equum, Dominum stantem, & servum qui cultum urbanum Domino ministrabat. Advolat ira præceps abeuntemque gladii cuspidè circumscribens, interrogat, quo sanè tam importunus, tam citus, tanto silentio pergeret? quid cogitaret? quid cuperet? At ille dejecto, versoque colore vultu, cum vox præ pudore, metuque mens, & propè spiritus defecisset, titubantibus verbis, trepidoque formidine gestu futiles qual-

dam se seque invicem implicantés exponit intempestivi discessus causas. Tunc admoto Georgius ejus pectori gladio torvus, & minax retractum amicum in eodem cubiculo secum consistere cogit, oculataque ejus custodiz reliquum noctis infumit. Deinde compertum est salutarem illam operam conjuratis, imperioque Brengantii propitiam fuisse, nam ille partium nomina delaturus regios eadem hora ministros petere destinaverat.

His ita peractis, defectioni tandem dies constitutus illuxit. Conjurati, sicut antea decreverant, prima luce arma simul expediunt, eo quidem consensu omnes, animique ardore compulsi, ut nobilis etiam virilis audaciz femina, tanquam ministra, adjunxque tumultus domi sese conspirantium catibus immiscuerit. Fuir hæc Philippa Villiena Autogiz Comitis uxor, quæ duobus filiis ætate, ac robore validis manu propria composuit arma laterique præcinxit, tum intrepido vultu, hisque igneis prope verbis accendit. Irent alacriter seu duro solum fer-  
“vicio patriam, seu decora pro patria  
“vulnera acceptum, inter hæc ipsam  
“provecta ætas, & pudor invitam sol-  
“licitam domi tenerent, vel egregie  
“libertatis partæ futuram, vel inclite  
“mortis consortem, nunquam se patriæ exitio superstitem fore professæ: atque idem ipse bellacis animi stimulus, suoque sexu, & officio altioris virtutis exemplum, quod in Villiena præfulsit, alias quoque peracuit, illustravitque nobiles Lusitanas. Tantus efferbuit in partibus ardor. Cæterum conjurati jam antea deliberaverant cum quatuor agminibus in Regiam irrumperet, quorum primum rectæ ad Vasconcelum ut periculi caput contenderet, ad sedem alterum Principis Margaritz, reliqua separatim Comitem Bainctum, Præfectum Principis Stabuli, & Marchionem Populensem Cubiculi eodem momento



occuparent, ut sic per aditum interclusis, circumventisque cum res ingruisset, minime posset alteri praesto esse. Statuere praeterea ut quo tempore in Regiam impetus fieret, selecti equites, peditisque & homines populares Ulisipponem obirent, Bregantiumque Regem clamarent, populumque ea novitate excitatum, inflammatumque & tummatum ex trivis, tabernisque collectum in Regis planitiem contraherent, ibidem Nobilium conatibus manu, vel aura, vel saltem vocibus profuturum. Rei porro auspicandæ mane octavam circiter horam tempore praestituto miraculo simile, & humana profectò sollicitudine majus apparuit, quo agendarum propè rerum concentu simul omnes conveniendo, nunia simul imposita persequendo, velut ad unguem loci, actionum, temporisque spatiis emensis in tanta hominum multitudine, in tanta negotii mole, & fortuitorum incurfu dicta factis consonuissent. Igitur velut in aciem omnes compositi, ditectisque magno animo, atque ferocia Palatium ingrediuntur. Praibat factionis Dux ipse hortatorque Joannes Pintus elatione animi tanta suique fiducia, contemptuque periculorum, ut cuidam amico in Palatii gradibus fortè obvio, & quid rei esset metu pallido suscitanti quasi per jocum, lusumque retulerit, Nihil aliud facturi nisi Reges mutatum pergitimus. Eo affluentem concursu, fulgore, atque strepitu armorum, qui fluvio similis inundaverat, excitati custodes milites arma capiunt, artectisque fetociter hastis in itruensium petora infestas cuspides sistant; at militum unus acrius ante ceteros utgens, ideoque mortali percussus ictu atque collapsus terroris, ac fugæ initium sociis cum armis astantibus praebuit. Recenti proinde cruore strata jam festinantibus semita, nullo adversante Regis aulam maximam occupant. Hic Lusitanus quidam, & regius Praetor, ubi eam te-

pentinam esse turbationem intelligit, compescendique causa de mote reclamat, Vivat Catholicus Rex, cadenti statim pila confixus moribundus procubuit; cumque tota modò pateret turbis futentibus Regia, unus Vasconcellus ad exitum avidè petebatur, prævias enim, & binas hominum caedes casus tantummodò attulerat. Nescius tunc ille fati, quod impendebat, cuta solutus & animo vacuus fortè sermones per otium terendo sedebat cum Lusitano quodam Centurione; ubi totam omnino domum ingenti fragore, & vocibus resonantem audivit. Interrupto per metum colloquio paulum Centurio progreditur, videt sese repente inventientium quasi militum avem, pedem itaque refert, & Vasconcellum monet, innumeram multitudinem armis, minisque infestam, citaro gradu in illam sedem consuete. Extemplo tum illi turbato vetus cecidit supercilium, & morientium extremo velut tactus afflatu respondit amico, irrute profectò homines ejus sanguinem inhiantes. Itaque metu exanguis praelidòque sudore persusus, quod unum stupido, attonitòque simili in eo terum turbine occurrit latibula petit. Centurio inter hæc pedem in limine figit, & frontem, pectusque insultantibus praebet, & eousque incurstantes undique gladios, & aggressorum multiplices ictus in tam iniquo certamine haud minus felix quàm fortis sustinuit impavidè, dum Vasconcellus abdendi se spatium habuerit: brachio denique faucibus, & ad arma tractanda inutilis terga vertit, & per fenestram elapsus distortionem membrorum tantæ tuinx superstes evasit. Subinde effusum repentè agmen, cædis, & sanguinis subundum per aditum irruit. At sola Vasconcelli reperta sedes furorem, cruentamque rabiem magis accendit. Igitur unusquisque cum clamore, atque fremitu tescindere arcas, spargere pecuniam, confundere suppellecti



supellecilem, tumultu, atque strepitu cuncta complere; furor in vultu, scelus in oculis, in ore proteruitas eminebat, atrocitatis, quæ parabatur, inditia. Tota subversa, ac permixta penitus secede, tandem Antonius Sorenius nobilis ipse vir armarium aperiens in Vasconcellum incidit, ubi illum inermem mentique propè inermortuum repetitis ictibus conficit, respersaque sanguine manu è latebra extractum in pavementum deturbat. Ita vetus ex privataque causa in Vasconcellum conflatum exhaustit odium Antonius, quo sæpius inter amicos seriò, vel joco jactare solitus erat, improbum fata caput suæ dexteræ devovisse. Manabat toto cubiculo cruor paulò ante in summo potentie culmine visi, deformis horrebat multiplici vulnere facies, discissæ pecudis potiùs, quàm imago, aut vestigium hominis apparebat, multosque per aditus inter cruentos singultus ad exitum spiritus properabat. In tanta tamen calamitate, quam in illo miserrimam faciebat fortune pristinæ recordatio, cum extremos idem anhelitus emissurus animam traheret, tunc in speciem jocosa, atque aspersa facetiis, sed re ipsa nefaria atque impia Lusitanos contentio cepit, quissimam eorum supremum lætantis animæ spiritum hausturus per ferrum esset; jamque malè dissimulata hucusque lufibus feritas ad rixam, & jurgium pene incaluerat, cum ad ea dirimenda litigia, quæ per armorum tractationem occasio jam lubrica faciebat Vasconcellum adhuc spirantem per fenestram in aream dejiciunt. Eltuabar, cum eò conflueret undique populus, & numero, & motu amplissima Regiæ planities, nam præter eos quos consultò dispositi homines traxerant, complures rei quoque novitas tanta, ac passim diffusus rumor adjecerat. Qui ubi Vasconcelli corpus exanime, ac lacerum, cræno ac sordibus involutum humique projectum vident, hunc pri-

um in eo tanquam uno stetisset, parique fato occidisset Castellensium imperium, festis instauratisque vocibus Bregantium Regem acclamant. Turbarum deinde passim sese prementium, ac fluctuantium impulsu, jactûque cum alius alium elideret, accedere contendebant ut oculos propiùs eo fixo spectaculo pascere. Et quidem infima plebs, ut etiam puerorum per id temporis erat concursatio, & tumultus, nullo privato, seu publico incitabatur in Vasconcellum odio, sed ut poterudis, & hebes ingenio, ac meliorum incurfu, atque impetu solita in casibus regi, contorta vel recta illorum vestigia sectatur. Igitur protinùs illum toto denudant corporis habitu, inde in barbaros ritus degeneres convellunt barbam, discerpunt comam, aculeis terebrant pectus, quassant caput, pedibus calcant, corpori exanimi vulnera adjiciunt, unumquemque cupiditas agit partem cædis, scelerisq; reliquias ferendi domum. Nec hætenus satis, eo loco arreptû truculentissimè corpus latè per urbem festivo plausu raptare, fixare limo, tundere saxis, viventis in speciem proscindere maledictis, donec lassata potiùs, quàm satiata crudelitate lutulentum, conscissumque cadaver, & interdiu, noctûque pecudum alimento relictum, sodales, quam suo nomine præferebant, misericordia commoti sine ullo funali cereo, aut Ecclesiæ peractò ritu raptim sepelierunt.

Hunc exitum habuit Michaël Vasconcellus, genere Lusitanus, vir sua ipse natura morosus, difficilis, asper, pecuniæ non minus, quàm honoris, & gloriæ cupidus, eoque ambiguo, volubiliq; ubi res postulabat ingenio, quo utrum alieni rapacior esset, an effusior; audacior, an timidior; civis an hostis patriæ, privato magis, an publico bono serviret haud facillè discerneres; quæ quidem aule

ita favor, & usus in illo dominii, & fortunæ

fortuna licentia provexerant, ur vividæ, erectæ ejus naturæ per occasionem tumorem, & arrogantiam, & linguæ quoque libertatem addiderint. Hæc tamen in illo vicia æquales propè virtutes æquabant, scilicet assidua in suo officio sollicitudo, magna comprehensio negotiorum, incredibile acumen ingenii, astutia, solertia, integri spiritus promptitudo, & animi elatio, qui nisi profectò in id temporis incidisset, quo aliori de causa Lusitanum volvendum erat imperium, aut mortalium opinio ex consilio, & industria, non ex eventis rerum momenta æstimaret, haud contemnendi ministri Regis exemplū, atque memoriam posteris reliquisset. Cæterum etsi adeo immanè, arque atrociter acta Vasconcelli mors funis-que fuisset, hoc tamen nedum illam animi feritatem, & rabiem, sed iras, & odia quoque Lusitano planè consumere visum est. Incruentus enim ac mitior in posterum agitavit, adeò, ut admiratione, memoratūque pariter dignum acciderit, tantam rerum mutationem, quantam inferre unius regni subversio, atque transmissio potest, unius tantum quaesita, duorum verò fortuita hominum cade confectam esse. Sed cum inter rerum novarum incitamenta inopia, & egestas præsertim, eamque tumultuarias per rapinas explendi aviditas sit, jam sine lege, sine imperio homines Lusitanos effrænes, ac dissolutos avaricia corripuit. Diripiunt igitur primo Vasconcelli ditissimam sedem, torque annorum labore, & industria, & illius muneris amplitudine parva, simulque congesta dimidia propè horæ intercurfus evertit; & plebes quidem inter viliora quæque permista rapinam sibi similem fecit; præda opulentior nobilium manus contaminavit. Hinc in Ecclesiæ Bracarensis Decani domum, qui Vasconcelli perempti frater germanus erat, irrumpunt; acuerant in illum cum fraterna homines

odia, tum quia fama erat divitem esse, fratrisque ipsū opes uberrimas conservare. Decanus autem tumultus initio Prædicatorum se Ordinis esse per ascititium habitum ementitus Castellam versus effugerat. In vacuas itaque sedes incurrunt, ibique populabundi, prædarum recentium accumulanti moles, increbuitque solida fide rumor, qua gemmarum numeratæque pecunie, qua laute suppellectilis copia supra quinquaginta aureorum millium prætia illa die Lusitanos diripiisse. Avare & crudeliter hæc conjuratorum per illam tantummodò manum transacta sunt, cui Vasconcellus cædendus, ejusque, cum simul consulerent, vastanda sedes obtigerat. Altera verò quam adversus Margaritam Principem constituerant, insolentius illa quidem ac perulantius, nisi crudelius impiegit. Nobilis mulier passim clamantium, strepentiūque improvise, & horrendo fragore perterrita ad fenestram quid rei esse ignara cucurrit. Inde minis, armisque plenas aspiciens tumultuosas concurrere turbas, & omnia in motu, ardore, atque impetu esse, vultu, gestibus, voce procul elaborabat, si quodanmodò posset furemium compescere vim. Hæc intrepidè agentem forium ærepirus interrupit, eratque infestum illud immisum conspiratorum agmen, quod Ingressum urgeret, & nisi fores spontè paterent, eas minabatur effringere. Idipsum verita Princeps fores recludi jubet. Stabat ipsa nobilibus circumfusa puellis; nec eam adhuc alterius fortunæ fiducia, nec pudor omnino Lusitanos defecerat. Jamque incondito clamore, æstūque illo se passim jaçantium, & obstrepentium illius præoccupare sermonem ceperant, cum mulier evincit, nihilque iræ, nihil timoris in vultu præferens insolentiam majestare coercet, & ore phœda, verbis ambigua Lusitanos simul objurgat, & monet. Ne Deo, Regique debite

„fidei , Ne propriæ ipsi conditionis ,  
 „ & futurorum malorum obliri in per-  
 „ fidia senescant. Possè, quæ hucusque  
 „ gessissent, infano furore plebis , aut  
 „ repentino quodam tumultu, vel sal-  
 „ tem privarò , & collecto in unum  
 „ Regis ministrum odio , recensisque  
 „ sceleris ignominiam , & culpam ali-  
 „ quo modo purgari , aut imminui , si  
 „ furere perseverent , excusationem  
 „ ablatam , & omninò consumptam  
 „ fore clementiam. Non omnia nova,  
 „ quæ fatuos maximè delectare , re-  
 „ rumque imperitos , ac rudes solent,  
 „ qua spe inchoantur, animique volup-  
 „ tate desinere ; diversos , & præter  
 „ spem ea sæpe volvere casus , & ire in  
 „ iras præcípites , regressumque sibi  
 „ intercludere in sua utique potestate ,  
 „ veniam; si serò fortè peniteat, in alie-  
 „ na fore. Pro Vasconcelli consossi par-  
 „ te fateri se quidem, minus sibi ipsi  
 „ displicuisse , quod patriæ civem exo-  
 „ sum , invidiosum Regi ministrum ,  
 „ molestumque sibi collegam utcúm-  
 „ que sustulerint. Curæ sibi de cætero  
 „ fore , cùm se retractare velint , aut  
 „ insanire desistant , præteritæ seu per-  
 „ fidie , seu licentiæ veniam , & laxa-  
 „ mentum à Catholico Rege impetra-  
 „ re. Sed jacta jam erat alea , prospere  
 „ rûsque ac declivis ad cætera versus, quæ  
 „ mites , & quietos plerúmque viros  
 „ transvertit , calcaria sua sponte curren-  
 „ tibus dederat. Igitur Principem sic al-  
 „ loquentem , & plura dicere cogitantem  
 „ hac voce interturbant. *Vivat Ioannes*  
*Rex Lusitania* , eodémque animi ardo-  
 „ re , impulsûque passim vagantes , tu-  
 „ multuantésque clamore , atque strepi-  
 „ tu totam Regiam immiscent. Inter hos  
 „ fortè accidir ut Carolum Norognam  
 „ nobilem hominem Margarita conspi-  
 „ ceret , qui Philippi Catholici Regis à  
 „ pariete pendentem imaginem mucro-  
 „ ne detractam solo insolenter affixit.  
 „ Exarsit ea coram se primo tunc visa in  
 „ Regem injuria , vilisque contemptu

Princeps Sabaudia , & præ ira celeri-  
 „ tate haud satis fortunæ conversionem,  
 „ qua ruerè omnia , volvíque necesse  
 „ erat attendens , convicio jactavit ho-  
 „ minem , illum nefarium , impurum ,  
 „ proditorem increpitans. Ea contume-  
 „ lia verborum acerbius , & acrius , quàm,  
 „ qui læsus à femina esset , ingenuum  
 „ hominem decuisset , Norogna concus-  
 „ sus , nec verecundia sexus , nec mu-  
 „ lieris dignitate retractus , ira instigan-  
 „ te , retulit Principi : Caveret mulier  
 „ profecto , ne jam regimine ejecta , at-  
 „ que inscia sortis qua verteretur , contu-  
 „ melioso aliquo actu in ludibriû abirer ,  
 „ cùmque muliebri felle , atque stomacho  
 „ incensa , ac percita Princeps adjiceret ,  
 „ quis , quoque pacto impudenter proce-  
 „ dere mecum audeat ? Urgere pericu-  
 „ lum , institit Carolus , nisi ipsa se con-  
 „ tineret , ne per fenestram deiceretur.  
 „ Rubore tunc illa suffusa , attritòque se-  
 „ mel pudore deterrima quæque sibi nisi  
 „ omninò cessaret , ab effrenato , & fu-  
 „ rialibus quasi stimulis acto populo me-  
 „ tuens , se tandem subduxit , & in se-  
 „ creto Regiæ sacello , iræ Numinis de-  
 „ precandæ , cùm nihil opis aliundè ap-  
 „ pareret , prorsus intenta , tritisque pro-  
 „ cubuit. Inrererat fortè cùm ita procaci-  
 „ us in Margaritam Norogna debac-  
 „ charetur Bracarensis Antistes, ipse quo-  
 „ que Lusitanus , sed quem à concivibus  
 „ suis ingenii , vitæ morúmque dissimili-  
 „ tudo distraxerat. Is ubi per oris proter-  
 „ viam & conrumaciam eousque Noro-  
 „ gnam provectum in Principem sensir ,  
 „ ira percussus , vultûque ferox erepto  
 „ obvio cuidam è manibus gladio Caro-  
 „ lique vestigiis insitens in armorum  
 „ se certus immisit , sanguine ulturus in-  
 „ temperantiam linguæ , qua ille fami-  
 „ nam Principem læserat. Videt hoc Mi-  
 „ chaël Almeida , veritúsque ne sacerdoti-  
 „ tis sacrísque in insulis constituti fortè  
 „ cruore sacrilegè sparso impiè sedòque  
 „ vitio regnum auspicaretur , brachiis  
 „ complexum reluctantem Præsulem su-  
 „ stinet,

stinet, ejus mox genibus advolutus ro-  
gat eum, ut desistat, jurejurando testa-  
tus, janpridem carnificina: amicorum  
omnium suffragio caput ejus addictum,  
ac velut sub hasta venale à se uno fuisse  
lachrimarum imbre redemptum. Ita se  
denique tenuit Antistes, coactûsque  
servire tempori, porro suppressam in  
animo iram tempestivius effundendam  
reposuit.

Inter hæc sicut initio conjurati con-  
venerant, reliqua armatorum homi-  
num agmina Marchionis Populensis, &  
Bainetti Comititis sedes intra ipsam Re-  
giam infesta perumpunt. Et jam Popu-  
lensem crepitus ingens, fragorque cla-  
mantium, ac discurrentiû cubili jacen-  
tem extulerant, ire inde obviam peri-  
culo statuit, tum & gladio clipeoque  
munitus, & animo confirmatus semi-  
nudus eruperat. At ubi repente occur-  
rit ejus auribus, oculisque & fulgor ar-  
morum, & torvæ furore facies, & in-  
cessentium fremitus, numerûsque sub-  
stitit ipse pavidus, erâtque eo tempore  
animus, sensim ex loco pedem referre;  
excussit tamen formidinem pavor. Pro-  
inde collectis cum animo viribus, &  
spiritu revocato, certûsque in eodem  
interire vestigio, cum sæpe in vacuum  
jactaret enslem provocabat cum verbis,  
tum vanis ictibus hostem. Ad exitium  
ita ruenti per amicum fortuna favit,  
quæ huic hominum turbæ miscuerat.  
Is namque ulterius, & solus progressus  
bona pace Populensem admonuit, ægrè  
se, atque in irritum fatigando ab insa-  
na quidem temeritate laudem virtutis  
exquirere, rem esse jam actam, ad  
gladium, vel animam ibi ponendam  
extremam necessitatem adigere. Igna-  
vi quidem hominis esse vitare peri-  
culum, fortis occurrere, projectique  
amentisque idem periculum irritare.  
Eapropter ut in cubiculû Marchio tan-  
dem regrederetur, ibique subiret custo-  
diam militum modò supplex, modò  
nunax enixius instando pervieit ami-

cus. Idipsum ferè Bainetto Comiti, Di-  
dacôque Cardenio, qui extra Regiam  
degebat, accidit, singulique post breve  
constantia, atque fidei erga Catholi-  
cum Regem editum argumentum, tot  
simul hominibus, armis, minisque in-  
cubentibus obruti sese demum permi-  
sere custodiis. Verûm Antonius Silva  
Divi Jacobi eques, magnûsque regni  
Thesaurarius clariori sanè fidei, atque  
virtutis exemplo ea tempestate refulsit.  
Qui senio, meritisque confectus, ortæ  
seditionis fama, strepitûque commo-  
tus, non vacillantes, tardosque, ut ejus  
exacta ferebat ætas, sed citos ad Re-  
giam addebat gradus, cum armatorum  
agmine circumseptus, cur ipse quove  
tam citò pergeret imperiosè ab illis in-  
terrogatur. Ad Regiam se ire impavi-  
dus refert Antonius, officium & operam  
Margaritæ Principi collaturum, addi-  
ditque: Vivit Philippus Rex, at illi con-  
tra obstrepentes réclamant: Vivit Jo-  
annes Rex Lusitanæ. Non ideo porro  
contrahitur, aut animo languet Anto-  
nius quòd consue inaudita, & absurda  
illa vox ejus aures repente percussit.  
Sed ea agitatione corporis, animique  
inter atmatos, cursûsque prementes  
versando sese à circumfusus undique tur-  
bis explicuit, ut velut strata cupidibus  
semita vectus postremò Regiam attingeret.  
Hic Margaritæ colloquium libe-  
rius, quàm tempus monebat effagi-  
tantem conjurati corripunt, locique  
termino circumscripto, ne eo limite ex-  
cedat, capitali pœna denunciant. Cæte-  
rum animo afflictus, tristisque vehe-  
menter agebat Antonius, dum animo  
volubatur, Uliipponis fortissimam ar-  
cem in fidei tutelam cervicibus urbis  
impositam in manifesta civium defe-  
ctione, & clade, ac perniciè vetusti  
labentis imperii spectatricem, quàm  
vindicem potius ut esse debebat, scele-  
ris confedisse, putabâtque id quod  
erat, prohibitam esse scilicet Margari-  
tam, quo minus Præsidii jussu, ac  
signum

signum daret, adire propterea faminam, remque secreto cum illa transigere cogitabat, ita rarus, quod initio confusus ac propè nutantibus rebus, si tota menta bellica intonassent, terrori fortasse mutabili populo, ac levamento jam metu disiectis, & fractis Philippi partibus forent. Hoc prudens Antonii Silvæ consilium jam anteverterat Lusitanus, cum ad Margaritam Principem aditum per excubantes, frequentisque milites intercluserat. Ubi ergo Antonius ad id exequendum, quod secum ipse deliberaverat, locum quem illi fixerant, transit, eoque post frustra tentatum ad Margaritam ingressum, inanis, sensuque doloris concussus acerbo revertitur, qui terminum illi præfixerant, lividos oculos circumferentes postquam eum inde digressum, & paulò post redeuntem aspiciunt ira, odioque flagrantem mortuum hominem circumstant, gladiis minantur, insultant, & revera usque ad sanguinem exatissent, nisi nobilis adolescens id generis, id ætatis misertus, reveritumque virum apud illos intercessisset, evincere tamen minime potuit quin medium senem arreptum, & magno cum impetu impulsum per altissimos gradus in infimam partem conjicerent. Sic habitu incultus, cæno sordidus, membris contusus, & sanguine spumans Antonius, sed animo infractus, & integer domum regreditur. Atque ita illorum hominum conspiratio adversus primorum Castellæ capita incaluit, promiscuæ fortis cæteros Castellenses neglectos, illufos, armis que tantummodo traditis ire solutos, ac trepidos passi sunt.

Cæterum cum tam prosperè omnia conspiciantibus fluere, & majora consilio, numero, vi, adjuvante fortuna molimina intenderent, acertima tamen adhuc Pintum angebat sollicitudo Uliſſipponis arce potiri, satis in illa virium aspicientem, quibus jam penè absolutam conjunctionis retexere telam pos-

set. Per eam enim habere potentissimum Regem intelligebat adhuc hærentem, ac fixum in urbe maxima pedem, & ulciscendæ quandoque injuriæ magni momenti pignus. Populo præter fidem suo pte ingenio caducam, & labilem, ad eam quoque plus infirmam augendumque terrorem impendere capitibus arcem. Dulcedinem ipsam terum novarum, qua modo capta Lusitana plebs lasciviret, aut fastidio, aut non prævisis ab initio periculis, & ordine tutorum, aut incertorum lassitudine tridii accescere sæpe solere, & in nova desideria mutari. Pervetustas, recentioresque tandem regnorum mutationes, & causas illarum animo colligenti frequenter occurrere, nedum propugnacula, & arces quæ quidem solidiores nervi domini sunt, sed minora, atque levia quoque alienæ dominationis in occupato imperio relicta vestigia, fortuna postea volvente totam in regno rem contraxisse. Cum igitur arx omnino obtinenda, eamdemque per vim, & arma subigere arcem non minus diuturna quàm aspera factu res videretur, eam porro intervertere conjurati simul aggrediuntur. Proinde Margaritam conveniunt precibusque minis admittis expostulant, ut libellum ipsa subscribat, quo jussus Præses continuo traderet arcem. Illa verò id primò constanter negare, nequaquam Præfidi à se, sed à Rege Catholico, referens, arcis custodiam injunctam fuisse. Nefas esse præterea inferioris hominem potestatis superioris jussa rescindere; idque profectò ea pertinacia, & insolentia quæri, id utique agi, ut ipsa iniquè imperaret quod iniquius, si obtemperasset, foret, & alius perſecuturus. Contrà Lusitani circuire, terrere Principem vultu, quate-re arma, fremitu, voce, supplexione pedum obſteperare, clamitare, jure an injuria, utcumque subſetiberet ipsa libellum, fore alioquin, ut tenebræ vincula,

cula, fortidus carcer in squalore, atque sordibus vivam, pertinacem scēminam tumularent, quot quotque tunc Castellenses in toto regno reperti fuissent ob ejusdem mulieris duritiem truculentissima cædes raperet. Hic facili exanimata mulier ostendit quantum constantiæ in lectissima quoque scēmina capere fluxus, & fragilis ineptusque regiminis sexus possit. Qui enim in rem intendebant, non plebeii, non agrestes, homines erant non furiosi sed cives nobiles prudentesque, nec ultra inanem illarum minarum strepitum in scēminam Principem sciviti, qua bene an secus de tractanda persona Principis, integrè arbitrium ad Ducem Bregantiz maximè pertinebat; Castellenses verò, quos prior ingruentis tumultus imperus non abstulerat, haud verisimile quoque erat, refrigerato jam conjurationis ardore, infontes, abjectos, & patientes omninò compertos injuriæ sine ulla utilitatis specie perditum iri, & si aliter evenisset, haud nimis gravatum fore Catholicum Regem exultimandum, cū expugnandæ, aut conservandæ arces tanto perispe constare cruoris impendio soleant, illam, qua regnum ea tempestate pendeat paucorum subditorum funere redimi. Verumtamen Margarita nequicquam ac diù reluctata, fraudulentisque conatibus victa, dedendæ denique arcis portectum sibi libellum quanquam invita subseripsit, qui ad ejus Præsidem statim delatus est. Catalauni belli expeditio, circuncisa ibidem munitione ac veterano subtracto milite, eam propè jam enervaverat arcem. His accesserat, quod Thomam Messiam insignem, ac strenuum in bello Ducem inde inconsultò subduxerat Olivarius, ejusque successerat loco temporarius quidam, obscurique nominis Præses, qui nihil cunctatus sua spontè, an coacta, injusto, an legitimo imperio deditionem Margarita præceperit, viso rescripto,

continud prodidit arcem. Igitur, qui erant in illa militibus propè cunctis simul pavore, simul stupore defixis, ac tacitis. Prævalidam scilicet arcem ad urbis munimen, ac perduellium franos magnificè structam, orta, mox aucta, inde longius conjuratione producta ne uno quidem dispolso tormenti bellici jactu per muliebre inertiam, Præsidisque socordiam, sive perfidiam in hostium potestatem tam citò, tam turpiter cecidisse, tum Cantaber unus, vetus, & ipse miles acerrimè furens, & nudum rotando gladium in medium profiluit, & pro scelus, & proh dedecus, inquit, ita nos patiemur commilitones militiæ stemma gestantes pecudum more circumretiri? hisque alacriter dictis dum ferè attonitos, torpentisque contendit erigere socios, & voce, & exemplo firmare, repente arcis foribus patefactis, irrumpentium multitudine, & impetu ipse cum aliis præfidiariis militibus obrutus ab arce præceps ejectus est.

Arce ita intercepta, novòque munita præsidio, inde confestim ad publicas ardes, quas Relationis ardes appellant; convolant Lusitani. Judices regii, qui jura tum ibi de more explicabant, eo auditu tumultu populi, occludi, firmarique præceperant fores dum illo primo refracto impetu, & quò vergeret tandem res explorato, in tempore sibi consulerent; cū armatorum globus, & frequens tum clamore, tum pulsibus ostium vehementer impellit; at potior, quam auribus fragor, timor animis obstrepebat, quo sollicitius incusso tanquam certissimè perituri vel seræ illius quasi neci interpositam moram sustinendam arbitrabantur. Inter hæc intus acriter obsistentium, & forinsecus impellentium certamen, & studium supervenit Ulisipponis Antistes, qui pacifica, & tuta fore omnia professus, se sequè ut obnoxium vadem salutis acciperent Judices rogans, ut

ea claustra reuellerentur, obtinuit. Hinc porro statim ea togatorum effusa turba, trepidi, ferè omnes enecti, colore exangues Antistitem stantem officii, cultusque specie circundant, quos ille pronò omnibus ore, quæsitæque lenitate „ complexus : Jam habemus, inquit, „ Regem nostrum Joannem generis, „ patriæ nobis, & amicitia jure conjunctum. Illum nobilitas, illum populus, illum impuberum quoque lingua concenit quodam, assensuque „ mirabili velut injecta divinitus mente, proclamavit, confirmavitque; „ sic attrita Castellensium superbia jaceret, fastusque retusus, nobisque auctiorem, amplioriæque planè censendum in posterum fore Lusitani nominis claritudinem, vel quòd ejectione Tyranno ab homine externo ad patrium, verumque Regem imperii diamena translatum sit, præterquam „ quod qui Castellensium huc usque „ mancipia, nationumque ludibria fuimus jam in honorem ac libertatem „ evasimus, nec amplius videbimus „ Castellenses dominantium, & omnia „ sibi arrogantium fiducia subnixos „ alios bona, in humeros alios, alios „ in jugula sævientes; non petulantiam oris, non factorum crudelitatem, „ non rapinarum ingluviem, non libidinum scelera, non rerum omnium „ ruinam, & cladem sustinebimus amplius. Juvat ab his denique defecisse, „ qui prius contra nos à natura, atque „ humanitate defecerant. His intellectis, Judices quamquã & ipsi non ignorabāt, verso Rege, inverti etiam debere clientium ejus fortunam, sibi que aut gravem ex verusta inimici clientela suspicionem, aut extremam esse perniciem in novo regimine subeundam, pro tempore tamen Antistiti applaudere, vicissim miscere dextras, gestibus, voce ostentare obsequium, & fidem erga novum propositum Regem; quibus verò plus erant suspecta præsentia, ideòque plus

odiosa, ut usu falsis hominibus venit, eo amplius sese gratulando, atque assentando jactabant. Togatis ita dimissis, Vexillum civitatis accipiunt solemniter urbem pompa, ac læticia circumferendum. Id sustulit Alvarus Brancius phalerato invehctus equo, & cultu, habitusque ad ætatem arridentemque modò fortunam ornato. Nobiles equites, quique erant plerique in flore, ac robore ætatis indumenti elegantia, ac splendore ad omnem luxuriam fluentes, resurgentisque ultro citroque per alas divisi longissimum agmen trahebāt. Populus pedes passim immissus equites intercusat; resonat undique clamor, plaususque quibus verborum distinguere sonitum dabat ætas, effusè tunc exultantium Regemque Bregantium vocibus repetentium.

Inter hæc Ulisipponis Antistes ad templum maximum venit. Eo statim populo convocato solemnem, ut Ecclesiæ mos est, processionem, seu pompam instituit, sacrisque suo ordine, & loco ministris emissis, ipse tandem Antistes, modesto, gravi que incessu conspicuam sinistra gerens Christi patientis imaginem, ore pacem annuncians; occurrenti certatim populo dextra more Præsulum benedicens progreditur. Illa specie, & corporis habitu Antistes postquam frequentiorum viarum flexus emensus est, grande quoddam prodigium sibi fortè videre visum quod prope attonitos omnes, intermissa repente via, ac stupentibus similes tenuit. Visa namque Christi in breve confixi dextera ex obliquo ligno resiliens, seu data opera excusso, seu per se avulso, aut fracto credito clavo in benedictis figuram extendi. Nihil utique acrius exagitat plebem, quàm per vera miracula, aut ficta illi incussus à Numine timor, vel spes; viventique propius secundum naturam, auctorem nature præ cæteris datur revereri, aut metuere. Itaque velut pignore in illo signo super-



næ dextere accepto, quo secundis auspicis, & plusquam addicentibus avibus, novum conderetur imperiū circumstrepere omnes, præ lætitia lachrimas spargere, pectora ictibus tundere, & quasi gemitibus cælum; certatim alter alteri gratulari, Deūque vindicem, & custodem libertatis asserere. Mulieres præsertim, quas quidem inreperantius in humano quocumque affectu naturalis levitas agit, domi altercantibus similes crinibus passis, scissosque cultu, & fœmineo ululatu tanquam fanaticæ discurrebant. In hunc modum affectos, inclinatosque ubi animos cernit Antistes, velut & ipse miraculo capeus paulisper suspensus, ac tacitus subleuit. Mox concionabundum in modum à rebus divinis exorsus populo declaravit. Eamdem scilicet Redemptoris è cruce pendentis effigiem Alfonso, qui primus in Lusitania regnavit, cælitus olim representatam ei victoriam contra Mauros, primique in hoc regno gloriam, & ornamentum diadematis contulisse. Eo ipso præterea die Sancto Nicolao Myrensi Episcopo consecrato, quo idem Alfonso obierat venturum in urbem Bregantium, ut idem profectò dies qui illi cœlestis initium, huic regni terrestri auspiciū foret, nec fieri utique potuisse absque altissimæ mentis consilio, & concurrentium causarum cum admirabili ordine orbe, ut tanta concordia, hominūque consensu, impulsūque ultima primis contexta essent. Iactavit etiam Antistes multos abhinc annos jam decantarum, & ab eodem Alfonso, ut fertur, illud editum vaticinium, tanquam ea ipsa, quæ interfluebat, rempescitate consumptum, scilicet quod in sexta decima generatione erat regnum attenuandum, idque multa celeritate, ac facundia, & acuminum lenociniis in Ducem Bregantiæ tunc clavi regnum suscipiensem detorsit. Ad Castellensium deinde superbiam, & arrogantiam, & toties

reprehensa in regimine vitia verborum flumine revolutus postquam horrida, acerba ac turpia omnia ut infectus subdebat animus, de præterito pinxit, ea fururi spe imperii Lusitanos implevit, ac sustulit, quam ipsam præcipue spem, imperiique salutem Christus ipse refixa mirabiliter manu in eodem stipite confixisset. Hæc & similia dixit Antistes. Hujus tamen miraculi fidem quæ Lusitanos, & Castellenses pro animi studio, affectūque diversos ac varios in illo asserendo distrahit, nobis in medio relinquere placet. Inveteravit enim à mundi propè incunabulis mos per veram aut falsam populo injectam religionem fundare, statuere, aut fluctuantia componere imperia. Ad hoc ergo genus superstitionis mirè nunc propendentibus animis, alia super alia prodigia quotidie renuntiabantur, pridiana videlicet ante tumultum nocte visum Valconcelli cubiculum diris avibus circumfusum; & Eboræ Marchioni Ferreiro, cum Lusitanæ desleret calamitates, lectæ, probatæque fidei mulierem, vitæque integerrimæ respondisse, jam ærumnarum urgere finem, quem suffixus cruci Salvator erat dextera signaturus; & Bregantio ab Almada in Regiam Principem Margaritam salutatum quondam eunti, visam effundi ex ejus capite flammam, quæ in orbem contracta rutilantis Coronæ speciem effinxerit, & alia his similia prodigia divulgabantur, nec deerant falsitatis testes; aliis ut fieri solet auditu, aliis memoriæ turbatione, aliis oculorum ludibrio falsis, aut fallere alios ex composito cupientibus. Caterum postquam ea sacra per urbem ducta cum plausu, arque strepitu pompa est, ac simul concionem ad populum habuit Ulisipponis Antistes, Palatium subinde ingressum rogant eum conjurati ut usque Bregantiæ ad Ulisipponem adventum, urbis, regnique administrationem accipiat. Munus hic dedignari callidè primò



primò simulat, imparem se tanto ditans oneri, humeros tamen se submissurum fuisse, si ad tanti modò laboris, & periculi partem Bracarenfis Antistes accederet, novam esse regiminis disciplinam, volubiles res; coortam, sedatúmque feliciter tempestatem multos adhuc concoquere, multos ejicere fluctus; principia regnorum in arduo, & maxime impetu fida populi, & contra eum qui plus opibus posset ingentem æmulum constituta. Plurimorum annorum & ipsa pertinax æmulatio utrumque Antistitem hæcenus exercuerat, nam præter ingenii morúmque dissimilitudinem, crebro unde odia, ut eorum similitudine gignitur amor, intererat etiam concursus quidam earum, quas gubernabant Ecclesiarum, cum sic Bracarenfis auctoritate, atque ordine quemadmodum Ulisipponensis utilitate, & commodo in Lusitania primas obtineat; favor præterea Catholici Regis, qui videbatur in Bracarensem proclivior adeò Ulisipponis Antistitem torserat, ut is inde potissimum acriores stimulos sumpserit novas in regno res machinandi. Hujusmodi æmulum tamen ad regiminis societatem petebat Ulisipponis Antistes, quò ut tunc credebatur, Castellæ animo dudum hærentem consortio muneris alienaret, vel ut opinionem & famam cum invidia, atque nota crescentem à se perpetræ defectionis unà cum æmulo partiretur, vel ut ita repungeret etiam Catholici Regis ministros, nam id quoque jactatum est quòd tantum fiduciæ atque gratiæ ingenio venali, ac temporibus servienti tribuerint. Quarum ambitus artium cum sagacem hominem minimè fugeret, invidiosum, & anceps, simul suspectum tanquam ab æmulo oblatum officium constantissimè respuit, unusque propterea Ulisipponis Antistes quanquam in speciem invitus, usque ad accessum Bre-

gantii novæ gubernationis arbitrium subiit.

Suscepti porrò muneris facinus in Antistite primum fuit, tres Castellenses excipere naves quæ intra portum ancora tenebantur. Mollius enim per id temporis sorte Lusitani conatibus indulgente, cum prior tumultuatum conspiratorum furor irrumperet, fortè in urbem rectores navium negotii causa diverterant, cumque idem furor, imperiisque animorum ceteros Castellenses cum navium quoque gubernatoribus sustulisset, idcirco deferre, ac prope inermes sine Ducibus naves à gregario milite proditæ sunt. Quibus tam facile captis Lusitanoque præsidio munitis, facessere statim Regia Margaritam Sabaudiam jubet Antistes, quippe quæ magnifico, ac regio cultu pro sede Bregantii paranda esset. Princeps quæ jam transverso fortunæ cursui aptare didicerat animum, nulla interposita mora, nullo aspero effuso verbo, sarcinis raptim collectis excessit. Digredientem non aulicorum, ut paulò antè fiebat, & assentantium turmæ ambitionis, libidinisque mancipia, sed rari, & perpauca quemadmodum sunt adversæ fortunæ comites prosequuntur; Ex primoribus constantia duntaxat, atque animi magnitudo in sexus regique stirpis venerationem, & cultum Bracarensem Antistitem tenuit; qui, quanquam sciebat haud quidem levia struere sibi pericula hoc palam exhibitum Principi obsequium, his tamen contemptis, promiscuo famulorum officio feminam transmigrantem secutus est. Complures etiam nobiles Lusitani, etsi interius retrusam, & incorruptam fovebant in Catholicum Regem fidem, publica tamen luce, & ad aliena, ac severa transitura suffragia prudenter abstinere, porrò clam Margaritam visentes, vitæque & fortunæ sese pro Rege paratos effundere profitentes, benevola,

& comis illa complectebatur, moderabaturque iras, & consilia flectebat, ne temerè quidquam intempestivo tempore audentes sese resque Regis, quæ cunctando, & fortuita captando reviviscere potuissent, celeritate labefactarent. Cæterum solitariam, angustam, privatam in domum ab Regiæ fastigio delapsa mulier vario ibi conflabatur incommodo. Domesticos sine civili cultu, sine ordine, sine solita disciplina tumultuaria propè miscebat sedes; mulieres cum viris, majores cum minoribus famuli implicabantur; confusa, intermixta ibi omnia, plena stomachi erant, plena laboris. Accedebat, & tenuis mensura victus, & excubantium militum fremitus, & tursicorum ludibria, & miseriarum quasi ex gurgite redundantium ab omni parte molestiæ, tum præteritæ felicitatis memoria, & consocius generis, atque amplitudinis fulgor acerbioribus stimulis languentem animum fodicbant.

Dum hæc Ulissipponē agebantur, alia mens Villavitiolæ alia & ea propè lusoria, & ad terrorem conficta machina rerum Bregantium exagitabat. Is pridie, quàm Ulissippo defecit propius periculi magnitudinem sentiens, cum alia spes, alia metus consilia subjiceret, discordibus studiis, du secum ipse luctatus, raptum animum in diversa trahcbat. Iamdudum idem ipse decreverat, si Ulissipponē fortassis intenta res fessellisset, itumpere armatus in regnum Algarbiæ, vel ad Elvi præsidium arcemque confugere, turbatarum inde rerum, & clientium conspirantium eventum expectaturus. At in puncto rei peragenda pavor ita memoriam, tandiùque rerum collectas species excussit, ut pravo se studio, insanòque amicorum consilio præcipitem datum existimans, quasi tot ex periculis evadendi facultate sibi præcisa dolore penè conficeretur, & incepta, si posset, interdicere cuperet. Hoc animi cruciatu to-

tam sollicitam dicam, & proximam noctem insomnem, ac perturbatam exegit; cùmque variis implicatisque sententiis multum hæsitans animus, multa revolvens multipliciter versaretur, vicit tandem in debili ingenio, ejusque in speciem fortuna minori formidinis vis. Iussit igitur primo ineunte mane curum velocissimis equis instructum ad ædium vestibulum præsto esse, quo tristi fortasse rei ibi improperæ accepto nuncio, subinde Castellam versus ad Regem Catholicum advolaret, tanquam facinoris ipse nescius, & alieno errore, ac perfidia sublati. Ad hucusque perplexum, ac trepidum hominem, curisque acerrimis volutatum Petrus Mendoza, & Georgius Melus Legati per Pintum urbis primariæ, regni que nomine immissi conveniunt; obvium paulisper euntis procumbunt in genua, Regemque & Dominum ipsum salutant, adorantque omnia deinde, & quo ordine gesta erant exponunt, nempe cæsum Vasconcellum, Principem Margaritam Castellæque optimates arcis custodiis inclusos, receptam confestim arcem, ipsum Regem incredibili omnium consensu, plausuque festisque vocibus proclamatum; idque tanta quidam felicitate, festinatione tanta esse captum, & absolutum, ut ne unius quidem popularis, aut socii sanguis cõmunem gratulationem, & gaudium maxore, aut macula asperferit. Porro tunc complementum omniũ votorum, cumulandæque lætitiæ summũ pro libertate recepta metropoli fore si coram fas esset aspicere Regem, & scepteriferam manum attingere; quod ille ut quàm celeriter faceret, urbem regni caput, & Ordines regni enixius expetere, ac flagitare. Hæc cùm audisset Bregantius vehementem in illo sollicitudinem, afflictique animi angorem par emergentis lætitiæ sensus æquavit. Coorti subinde Regis rumor undique circumfusos oppidanorum, agrestium quotque

que nobiles, ignobilesque cominus, eminensque habitabant in unum officii causa multitudinem cogit. Gratulationes ibi, assentationes, aurum illecebre conquestæ, fausta novi omina imperii, oscula pedum, oscula manuum, humi projectiones, & omnia adulantium & exultantium incompressa imitamenta, tumultuosa quadam lætitia ab omnibus congeruntur, aliis voluptate rerum novarum, aliis nova surgente spe plenis, tanquam mortalium daretur incitatio inter præsentia collata futuris meliora posse secernere.

Hicce obsequiis expletis Ulisipponem Bregantius hoc ordine proficiscitur. Curru superbo instructum Petrus Mendoza, & Georgius Melus qui fuerant jam Legatorum munere functi, & Marchio Ferreus suo loco, & ordine comitantur; proximè turmæ equitum circuibant. Plurimi currus famulis, aulicisque repleti, alii propemodum vacui, & ad pompam tantummodò instructi agebantur. Ex oppidis, castellisque & ruribus quoque vis magna populi effusa novum in transitu Regem veneratura cursabat. Obfessæ passim erant spectantibus viæ, tractusque camporum affluentis undique multitudinis copia ad continuæ & frequentis civitatis imaginem inundabant. Hac specie triumphi cum ad Aldeamgallegam, quæ in æstuarii margine sita est, pervenisset parato inde lembo Ulisipponem trajecit. Divi Nicolai Myrensis Episcopi die natalitio vertente, Bregantius in urbem ingressus est. Tum verò imber ingens ea copia aquarum cum turbine mistus effluxit, ut magnifica, & varia, quæ in ostentationem lætitiæ summo labore, & impendio constructa erat, eversa mole, cæteroque disiecto apparatu occultus, & celer Regiam Bregantius intraverit. Ea mox excussa procella, ubi Regem adesse dissipato rumore constitit, immensæ multitudinis, quan-

tam quidem eruerè populosa civitas poterat, fir concursus ad Regiam videre se velle Regem assidue clamantis, & obstrepentis. Bregantius, ut civibus suis populariter blandiretur è sublimi fenestra gravitate, ac suavitate simul composito vultu sese inspectandum paulisper dedit, reiteratis momento illo majori conatu, ac lætitia populi vocibus, plausibusque Nocturna deinde spectacula regio ornamento, atque jactantia digna per noctis caliginem effulserè. Erant ibi flammarum alix ingentes, & incompressæ strues, alix in Theatri figuram, & pulchritudinem scenæ mira elegantia, ut artificio dispositæ. Tonabant simul è tormentis displosis emissarum pilarum fragor, campanarum sonitus, clangor tubarum, tibiarum, nervorumque concentus, & gestientis, subsultantisque populi clamor, & voces, ut simul ardere, strepere, ac lascivire tota civitas videtur. Festivos hos inter ludos ad ancipitem formidinis, & voluptatis speciem compositos tres proximè insequentes noctes absumptæ. Regi deinde solemniter coronando condita dies intermedia Decembris est, quæ porro in aula amplissima Regiæ Bregantiæ Dux à populo traditam imperii Coronam Lusitano servato more suscepit. Reliquos inde regalis auspicii ritus persecuturi ad templum maximum pergunt. Chlamide regia amictus, habituque oris, & corporis ad præsentem fortunam exulto eques unus Bregantius ibat; Cæteri, mos enim erat sive plebeios, sive magnates cum via pedestri, tum detecto semper capite consequi Regem juramentum à subditis accepturum. Hoc summo splendore, auleque explicato magnificè luxu postea quam templum ingressi sunt, inibi ad aram maximam pro Lusitano Rege Joanne data jure jurando fides, acceptaque est. Sed eò accedentes, recedentisque sæva, ac perpetuò contorta procella ruens crebrò disjecit ordines,

vestiūque ornatum, & pompam affluxit, adeò, ut superstitionis errore, ad quam proclivior ea natio est, plerique correpti, nonnulli cælitum iras, alii ingentis effusæ lætitiæ signa ut suo quisque imbutus animo erat, in ea turbida tempestate cognoscerent, perinde quasi insolitum foret, frequentes ætherem imbres, ac tempestates excutere. Paucis post interjectis diebus, Aloisia Gufmanæ Bregantiæ Ducis uxoris in urbem adventum nocturna instaurata spectacula, acclamationesque populi clamore, & concursu maximo repetitæ celebraverunt. Ingenuæ mulieres virorum officia æmulantes ad eam velut Reginam, imò veriùs artificem regni cumulatiùs honores deserunt, eætque planè notatu dignum, regiam auctoritatem, ac supercilium, in sermone, fronte, gestūque eò propriùs uxorem, quàm virum sustinuisse, ut siccitia, & arte quæsitæ Bregantio, quorundam more Hispanorum, species illa majestatis augusta, mulieri autem ferè ingenua videretur.

Gratulationis obsequiis, festisque transactis diebus. Quæ prima Bregantii ad novum licet stabilendum imperium tot negotiis, & curis impliciti, subiit animum cogitatio de Margarita Principe fuit. Regalis ejus prolapia, & veneratio debita sexui, & morum ejus integritas, atque virtus mitius in illam suadebant agere. Ex alia parte muliebrem timebat audaciam, & intractabile ingenium, & in hac maxime dignitatem, ac celsiorem gradum feminæ Principis, & quod nisi arctiùs gratia, aut formidine teneretur, impunè ei propemodum licuisset in fluctuanti jam regno grassari. Selectis ergo ex suis famulis viris imponit, ut Margaritam conveniant, ac certiorum suo nomine faciant, ipsum sollicitè curaturum, quo tempore illi manendum in Lusitania foret, ne obsequio personæ parì, neu domestica opu-

lentia atque copia tanta Princeps defraudaretur. Inhixus enim, atque intimè præsens ejusdem hatebat animo communis, & gentilitius Austriaci, Portugalli, atque Sabaudii per affinitatem commixtus sanguinis splendor decusque, cui & illa ornamento suarum quoque virtutum mirabilem lucem addiderat; Cæterum, ut ipse pergratum, & egregiè obsequentem ejus se dignitati, ac merito fore desiderabat, ita impensius mulierem rogabat, ne clandestinos cætus iniret, nec obliquè nec rectè fereret voces, quæ nobilium offendere fidem possent, aut popularium mentem turbare. Hæc cum mulieri referrent Bregantii nomine famuli, illa tum spreto eo urbanitatis officio, in Lusitanos vehementer invecta respondit.

Hanc Lusitani imperii, mutationem, quò temerarius aggressu, & violentior ipsa exitu fuerit, eò minus ex usu rerum, & naturæ ordine duraturam censendum esse. Volubilis quoque fortunæ, atque in orbem se semper agentis circuitus, & tricas inexplicabiles esse, hoc tamen clarius exemplo constare, quo ipsa magis, magisque arridere, ac præter morem, & modum suffragari, ac blandiri insipientibus videatur, eò citius irasci, ac retro volvere consuevisse. Si verò placeat novarum rerum perpendere causas, quæ si validæ sint, valescere etiam effectus; si infirmæ, corrumpi; si deinde recurrant, res iterum immutari. Hanc quidem regni defectionem incipere paucos tantummodo ausos. Inopia, vel casu, aut amentia complures, aut vitioso pudor tractos ei temerè consensisse. Cæteros quidem, & meliores hæc turpiter petpeti, quàm cum periculoso repugnare, aut pro alieno imperio configere maluisse. Verumtamen ubi præmiis illis ingentibus quæ gratis in animo deglutierant, sese tandem

„ tandem frustratos conjurationis au-  
 „ ctiores noverint, cum neque suis, ne-  
 „ que sibi dare satis, nec solvere potens  
 „ imminutus regulus sit, brevique è ma-  
 „ nibus labi, atque arefcere spem falso  
 „ conceptam viderint, alias ex aliis res  
 „ novas, & turbamenta reipublicæ  
 „ commenturos. At verò quæ eo tem-  
 „ pore ptemerent onera tributorum,  
 „ quæque subinde impenderent, ut  
 „ prædicabant, intoleranda, ad tantum  
 „ nefas Lusitanos egisse scilicet post-  
 „ quam atrox indictum à Catholico  
 „ Rege bellum, cuius propediem inflari,  
 „ ac tristia canere classicum propè jam  
 „ exaudiri, perfido regno fuerit, mi-  
 „ nuenda, demendane tunc an augèda,  
 „ vel cumulanda tributa forent, & qua-  
 „ lem etiam, existimandum, teterrimi  
 „ belli fortunam futuram, cum duorum  
 „ regnorum commissis opibus lacertis-  
 „ que ad certamen emensis, & si duplò  
 „ major, quàm est, illa esset, Castella  
 „ prorsus Lusitaniam obrueret. Ergo  
 „ ad obsequium, & citò redirent, men-  
 „ tisque caligine excussa redirent in  
 „ viam ne sera denique poenitentia sine  
 „ dubio perituros exciperet, neve sub-  
 „ verterent regnum dum hoc reparare  
 „ stultissimè cuperent. Sceleris ipsani,  
 „ aur levitatis, aur erroris humani ve-  
 „ niam, cum penè res integra sit apud  
 „ Regem exoraturam. Cum hoc res-  
 „ ponso ad Bregantium remissis, qui ejus  
 „ pertentatum animum venerant, ille  
 „ dum libertatem, ipsamque fœminam  
 „ metuit velur rurbatis, ampliùsque tur-  
 „ bandis fortasse rebus & suo ingenio, &  
 „ prærogativa nobilitatis idoneam, mu-  
 „ tat ei statim priorum ædium custodiam,  
 „ & ad quoddam extra urbem cœno-  
 „ biū duplicatis excubis transferri jubet;  
 „ adhuc iræ plenus, & querelarum pa-  
 „ lam de Principe loquitur, quò omnes,  
 „ ut illi suspèctæ, atque invisæ Marga-  
 „ ritæ congressum, & amicitiam fuge-  
 „ rent, cariores domestici ejus domo,  
 „ regnòque exacti; crescunt custodes,

familia minuitur, linguæ libertas in  
 arctiorem vitæ usum, corporisque cu-  
 stodiam delapsa est. Sic Principe in  
 tuto posita, post Julianam ad occupan-  
 dam arcem roto conatu Bregantius in-  
 cubuit; cuius situs, & utilitas arcis ut  
 manifestius eluceat, pauca in primis  
 oportet Ulisipponis ab urbe decer-  
 pere.

Ulisippo opulencia, amplitudine, cla-  
 ritate inter omnes urbes, nedum Hispa-  
 niæ, sed torius etiam Europæ celebris,  
 septem jacer imposita montibus. Quà ad  
 Orientem vergit maris Oceani, Tagi-  
 que fluminis confluentium in unum  
 intermistis deliciis habet, nam fretum  
 mollibus stagnis effusum longè larèque  
 in continerem profluit, pleno ubi al-  
 vco Tagi occurrentis exceptum relabi-  
 tur, adjectòque flumine tumidum no-  
 vos semper æstus, novòsque gurgites  
 faciens latius in ripas projicitur. Amnis  
 deinde marisque concursu, fluctibusque  
 reciprocatis cum sæpe collisa, refracta-  
 que motibus aqua reslueret, ur fessà  
 tandem atque in palude vastissima tor-  
 pens larissimum navibus portum, ju-  
 cundam obtutibus scenam urbique mu-  
 nimen, ac decus affert. In urraque hu-  
 jus stagni patentis, quæ in virides pla-  
 nities extenditur, vel in amanos infla-  
 tur rumulos ripa, varia spectantur op-  
 pida, atque castella, villæ rusticæ ur-  
 banæ, omnia elegantia, ac pulchritu-  
 dine situs insignia. Qua maximè parte  
 Ulisippo usque ad Cascalium patet, sex  
 prominent arces, quarum ea major  
 quæ Divi Juliani dicitur atr, est in con-  
 finio Tagi æstuarii, ubi inter mariti-  
 mos amnis confunditur fluctus, ac de-  
 sinit; Ulisipponensem, ut meminimus,  
 arcem in primo conjuratorum impulsu  
 ejusdem tuina urbis oppressit: ceteras  
 porrò arces, aut futes minæ, aut obla-  
 tus armorum terror, aur Restorum  
 perfidia, sive segnities prodidit. Una,  
 & majoris profectò molis arx Juliana  
 supererat quæ marimo erat necessaria

commercio, eaque tum arte, tum natura propè invincibilis. Pelago hæc celsa imminet, atque in faucibus sita portus ubi arctius cogitur, quæ, eaque extrema ita urbi, cum velit, intercludens auxilia, ut sibi maritima firmans quæ fortè appetita cum esset fame opprimi, aut premi difficile potest. Terra quæ à tergo cingitur, vallo fossa, muto solido & humo congesticia firmato, simul septuaginta majoribus belli tormentis, multoque prædidiario milite tenebatur. Ad hæc Dux Maquedensis cum expedita, magnæque classe stationem tunc apud Gades habebat, haud infirmum, ferumve atci, si foret opus, nec spes fefellisset venturum auxilium; cumque claustra illa portus eo tempore obnoxia Castellensibus essent, parata subsidio, nec valdè remota classis. Proceres Lusitani jam dudum genete sibi, conditione, fortuna pari repente in Regem elato viro cum inviderent, ac mustirarent, occasioneque imminerent, ideoque domi res novæ, foris hostilis timebatur incursus, vehementer optabat Bregantius, quam celestrem posset arcem infestam, ac validam obtinere. Igitur Lusitani de bello Senatus consulto Antonio Saldarico vito impigro, & militari Juliana arx oppugnanda committitur. Is statim armis, & milite acceptis, & prius per secreta colloquia Ioannis Cuvæ Prædis fide nequicquam tentata, præliarem suggestum in hunc modum instituit. Arci objectus ad tormenti bellici jactum collis assurgit, qui tunc data opera fuerat vallo, atque aggere septus. Hinc candentium pilarum crebrò effundere imbrem mentia pulsandi, ac frangendi animo Antonius, sed cum vel ictus humus congesta falleret, vel durior ipsa saxorum compago veterum staret, aut levis rudis jam reflecteret, ideo lentæ, aut inanes pleræque rejectæ pilæ ruebant innoxie, simul qui ab arce pugnabant cum tanquam testudine tecti conflige-

rent, hostes verò nudato femine corpore, atque ictibus subjacentes iniquo sane Marte conferrent arma, inde alacritas, & securitas, hinc metus, & horror, cumuli que cadentium, spirantiumque stages immensa militum erat. Rei igitur difficultate, ac pernicië satis huc usque comperta; ad hoc metu ne Dux Maquedensis in longum obsessæ fortasse arci alacriret subveniret, rursus tractate deditio majori studio, ac sollicitudine caput. Forte per id tempus eadem in arce ut carceri mancipatus agebat Ferdinandus Mascaregnus Comes Turrianus. Crimen erat in causa, quod classis Præfectus cum mare Indium navigaret, quæstus turpitudine illectus onerarius pro expeditis, ac bellicis naves Hollandis opposuisset, ex quo Hispanis navibus prostigatis, multisque depressis, tandem spoliatus, victusque Comes navali prælio discesserat. Hic potè seu facti conscientia, ideoque flagitii vindictam timens, seu læscitæ innocentie ira commotus, ideoque per nefas illi malè succurrere cupiens omnium, qui aderant primus ad defectionem conversus promissis, minisque caput, ac rationum momentis iniquis hucusque incorruptum Prædis animum agitare. Constantiam videlicet, & sollicitudinem illam, Julianam ad arcem tuendam sapere jam pertinaciam, ac præcipitis animi notam, & sine ullo dubio à veræ virtutis recedere gloria, omnibus quippe urbibus, oppidis, prædiis, arcibus regni à novi Regis pendentibus nutu, & arbitrio, quid oblectari, aut hærere diutius arcem unicam posse, eamque desertam, inviam, in solo adverso, in hostico mari, undique adstrictam, & hostibus circumfessam? Navigium quod Duci Paulo ante Maquedæ ad postulandas suppetias miserat, aut vorticibus haustum, aut ab hostibus interceptum. Reliqua intentata Castellæ subsidia nulla, aut incerta,

„ aut remissa, aut tardiora urgenti ne-  
 „ cessitate, ac periculo fore. Decipere,  
 „ ac nimium effere plerumque fidu-  
 „ ciam loci: multa quæ impedita vel  
 „ ardua natura, & artificio videntur, ar-  
 „ te tandem, consilio, tempore supera-  
 „ ri, nec ullam propemodum rem tam  
 „ abruptè, tam altè naturam seposuisse,  
 „ quo nequeat tandem evadere virtus.  
 „ Brevi sanè quassata soloque disiecta  
 „ visurum ictibus mænia, quæ jam exi-  
 „ guis ruinis fatiscere inciperent. At  
 „ si ænea quidam, si adamantina  
 „ forent, quid effugii, quid levamen-  
 „ ti deinceps ab instantis, minitantisque  
 „ famis ore, & unguibus esse? Secun-  
 „ dum exactam disciplinam militiæ pa-  
 „ ri laude servire officio, qui robustam  
 „ sustinet arcem, nec officio deesse,  
 „ qui labentem, & fluxam deserit.  
 „ Cæterum cum metu minus, quàm  
 „ præmiorum cupidine tangi strenuum  
 „ militem deceat, eo quod nec vitium  
 „ ambitio, ut vulgo creditur, sit, ac si  
 „ tale profectò esset, hoc propius virtu-  
 „ ti accederet vitium, pro dedita sibi  
 „ arce offerre illi Bregantium Christi  
 „ militaris Ordinis stemma, tum octin-  
 „ gentos aureos nummos unoquoque  
 „ solvendo anno, & per hoc insuper  
 „ Regis adepta gratia quam plurima  
 „ emolumèta, & proniorem ad majora  
 „ regni munera cursum. Videret idcir-  
 „ co, ne falsa fidei, clientelæ, & obsequii  
 „ specie, vanisque nominibus captus  
 „ inexplicabili errore prolaberetur. Id  
 „ honestius, id melius mortalibus esse  
 „ quod utilius, ac tutius. Periclarare, fran-  
 „ gere fidem, as alienum non solvere,  
 „ modo, modo libidine uti, & scelere  
 „ quoque si ita quandòque utilitas fer-  
 „ ret, quæ in privatis crimina Reges ap-  
 „ pellant, eaque acerrimè vindicant,  
 „ prætextu revera non causâ reipubli-  
 „ cæ multo magis familiaria, & consue-  
 „ tudine trita esse Regibus quàm priva-  
 „ tis, hósque liquidos illis rivulos ab  
 „ illius instituti fonte manare scilicet

extra legem, & rationem per fas, pér-  
 „ que nefas ad usum cuncta dirigere,  
 „ quo tempore contra ipsi obsequium,  
 „ & fidem in Regem libris, vitæ, for-  
 „ tunisque postponere vulgò ad pro-  
 „ brum, ac dedecus extremumque laxe  
 „ supplicium vertunt. Ita ergo poten-  
 „ tiam, & opes quæ propter augenda  
 „ omnia miscere Regibus liceat, cur  
 „ nefas in cæteris illorum vestigia se-  
 „ ctantibus esse, censendum, pro ea  
 „ quam fortuna dedisset, portione cap-  
 „ tare? Ipsum maxime Ferdinandum  
 „ aulicæ fraudis, ac Principum levita-  
 „ tis triste humanarum rerum specta-  
 „ culum in se omnibus exhibere, à quo  
 „ tot pro Rege laboribus terra, mari-  
 „ que perfuncto, per idem temporis as-  
 „ sentantium, & scurrarum calumniis  
 „ oppresso præmii loco carceris, &  
 „ ignominie pœna repeteretur. Sic ma-  
 „ los malitia perdi, si boni fuerint in-  
 „ vidia, nec probò, nec improbo esse  
 „ tutum in aula locum. Quod casu, aut  
 „ industria subduxeris per dolum, aut  
 „ fugam id retineri tantummodo posse.  
 „ His verborum quasi præligiis Joannem  
 „ Cuevam genere Castellensem impul-  
 „ sum, quem arma minimè vicerant,  
 „ avaritia subegit. Proinde certa, ratâ-  
 „ que inter eos pactione perfidix Julia-  
 „ nam arcem Bregantio addixit. Et Bre-  
 „ gantius quidem, cum arcem haberet,  
 „ ne dum in fide promissi stetit, at Di-  
 „ daco etiam Suario, qui in Castellæ par-  
 „ tibus erat, succulentos ereptos hortos  
 „ eidem Joanni, jam perfidix mercede  
 „ soluta, insuper dono dedit. Proditor  
 „ autem etsi magna deinde penes Bre-  
 „ gantium floureret gratia, nunquam ta-  
 „ men ad ea evectus munera est, quæ  
 „ vel usu iustitiæ, vel secreti fiducia spe-  
 „ ctatæ integritatis hominem postulant;  
 „ cum æquè proditio placeat, ac proditi-  
 „ tionis exemplum cavere singulos do-  
 „ ceat. Arce ita dedita, & Lusitano statim  
 „ infessa præsidio; paulò post quatuor  
 „ naves in alto, quæ velis tumidis por-  
 „ tum



tum petebant, ab arcis specula inspicuntur, erantque à Duce Maqueda naves, postquam arcis periculum noverat, munitione, alimentis, & nulle plenæ in ejusdem subsidium præmissæ. Regebat has naves Sabinianus Manriquijs Frixiliani Comitjs frater. Interceptæ tutelam arcis Bregantius Josepho Meneseo commiserat. Iamque haud procul ab arce naves appropinquandi signum opperientes inflexo velo, cursuque per orbis eluso super fluctibus circuibant, cum Meneseus fraude naves circumventurus in summo arcis Catholici Regis vexillum figit. Hoc viso Manriquijs, qua ferebatur ipse navi velis majoribus prætervectus, dum arcem temere ingreditur, unà cum socijs in vestibulo capitur. Tunc manifesta Lusitani fraude comperta succensus, Ito machatusque Manriquijs. Bene congruere, inquit, Regem per dolum intrusum dolo, & fallacia cuncta conficere, alijsque congestis maledictis, & probris Lusitanos ceteros laceravit. At quærelas in irritum jecit, ac libertate oris abusus id tantum obtinuit, ut nempe diutius in carcere torqueretur. Reliquæ verò naves, ubi insidias subesse noverunt in altum statim evectæ dilapsæ sunt.

In hunc modum Bregantium cum prævalidæ arcis accessione ab omni jam intestina regni cura solutum etiam, atque etiam externæ res agitabant; subeundum profectò celerius, & acrius cum potentissimo Rege bellum, quod non imperium & gloriam cum ipso usitatum armorum haberet causam, sed ad privatam quoque erepti regni ulciscendam injuriam, & poenam à se ut à rebelli petendam decertaretur. Bellatoris itaque pristini Regis inopia, & immodico sumptu cum expilatum jam esset ærarium, ambitio, & paupertas, quæ acuire præsertim solent ingenia, novas res pro pecuniæ collatione comminiscuntur. Primus ipse Bregantius

magnam auri, argenti que molem, quam per mille artificia ductam in domesticos usus aut fingi fecerat ipse, aut ab atavis fictam acceperat, fundi per ignem cum Ducis incisio in illa stemmate jussit, & in pecuniam mutari ut simul privati deleteret memoriam, ut ærarium locupletaret. Studio, & exemplo, aut assentandi fortasse gratia cives reliqui concitati argenti usuarii certatim acervos in publicas mensas conferunt, humique projiciunt. Quin & mulieres etiam quas maxime inventa fornæ remedia, cultus scilicet ornatusque artificia, & lapilli cincinnique delectant, ultro offerebant in aures, anulos, monilia omnia instrumenta luxuriæ, & pulchritudinis adjumenta, ut in signatam pecuniam converterentur. Bregantius verò omnibus gratis amplissime actis inhibuit ardorem illum, & vim ea fidei, affectusque æmulatione certantium; adjiciens tanta se voluntate pro ætiori tempore usurum, tantumque modò in tributi rationem accepit à viris Ecclesiasticis sexcenta nummum millia à nobilibus quatuor, à populo decies centena aureorum millia, quas ultro quidem congestas opes evenit, ut sortuita quoque res cumaret, quippe navis ingens ab Indijs, inscio Rectore defectionis ad portum fidenter appulsa, ibique statim excepta quingenta nummum millia opulentas super merces ad Ulisipponis oram exposuit. Postquam in hunc modum Bregantius futuro gravique bello providit, ad Politicum inde regimen versus exauctorat confestim qui in armis, & toga Catholico Regi hæcenus ministraverant, eorumque ejectorum in locum substituit electos homines partium, eosque præsertim, qui Regi sibi contuendo actiorem operam dederant. Haud ita tamen his in muneribus conferendis virtutis præpotuit, aut meriti ratio, quo minus largitione, & ambitu turbarentur. Ærarii enim hujusmo-



di erat egestas, & egestatis sollicitudo, cum radicibus destitutum egeret, ut eam per licita, atque illicita explere necessitas cogere videretur. Magistratus & alia publica officia alibi venum, non dono aut merito dari, lege ita sancitum est. Hoc nefas est in Hispania, quæ à tali instituto per antiquam, ac veterem disciplinam vehementer abhorret. Hujus tamen vulgaris censura, opinionisque discrimen consuetudinis raro tantummodo posuit, quæ prout vertitur ipsa, & loco, ac tempori aptatur, varios colores, & facies rebus omnibus ingerit. Fuere propterea, qui necessitatis indemnitate proposita persuasum Bregantium vellent, ut abrogata veteri consuetudine per aliam à se conditam legem venalium officiorum demeret contumeliam, exin opulentos, & firmos, nulloque egenorum incommodo in regno redditus habiturus. Videndi assuetudine placere coepisse populo quod prius insolentia displicuisset. At ille famæ se primò fundentis, latiusque explicantis exordia, quibus maxime nova nituntur imperia, & quæ per virtutes, aut species virtutibus similes stabilire necesse est, tum populi offensionem timens, neve clariùs, apertiùsque pateret, qua tunc respublica laborabat, nervorum, & viciunt infirmitas, contradixit; quasi tamen connivente Bregantio, nundinatio, ambitusque furtim illata sunt, ex quo veteri palam disciplina incorrupta, arario cautè consultum est.

Inter hæc Margarita Sabaudia, clam instigante Francisco Luzena, arctiori quotidie custodia, variisque ærumnis afflictabatur. Pergratus in primis, acceptusque Bregantio Franciscus Luzena erat, è secretis Consilii Status, homo callidus, promptus, versutus ingenio, multisque artibus illi pio imperii administratione devinctus. Is Lusitania deficiente, cum Mantuæ Carpetanorum negotii causa filium habe-

ret, idemque ideo ibi detentus, & custoditus cum propitia fortuna patris affligeretur, eadem valere tunc Margaritam apud Catholicum Regem existimans, qua & ipse valebat penes Bregantium gratia, filii furripere libertatem vexatione Principis intendebat, quocirca nisi ille in speciem honestam, utilem certè jactabat causam, oportere videlicet eos cellos foeminae spiritus, animique magnitudinem frangere, ne quid fortè ob recentem memoriam ab ea suaviter acti in Lusitania regiminis carior, multisque septa clientibus mulier in regno, & contra regnum occultè strueret. Itaque fessa jam Margarita ludibriis, & propè squalore, lachrymisque confecta, per secretæ pietatis ministrum monet Bregantium. Ipsam quident non ejus subditam esse, non Lusitanam, non mulierem promiscui vulgus, non jure belli captivam teneri, & tamen consue esse sibi patientiam propter molestias, contemptus, & miseriarum fixitatem absumptam, ut ministrorum ejus sævitiam, ac rabiem sese penitus latiasse censeret. Daret igitur tandem commeatum ad Castellam petenti; si enim innoxia, natalium nota superior, & jure gentium immunis, libertatem deceret, sin autem rea ipsa erat, jam satis poenarum, quæ hucusque perpessa esset, in atroci custodia dedisset. Hæc ille Bregantio pro Margarita Principe exposuit. Bregantius conrumeliarum, quas ille protulerat insolenter esse Principi inflicta, primò non modo se planè ignarum, sed mirabundum etiam, & ex animo condolentem assimulat, deinde se impostero curaturum, adjungit, ne tanto merito injuria, ne querelarum occasio apud Principem fieret. De commeatu quem in Castellam Margarita desiderabat, quoniam magni momenti res esset, nihil integrum sibi fore inconsulto Senatu statuere. Hunc tamen propediem de re consulturum. Igitur ea statim res

ad

ad Senatum relata, ut singulorum diversa inclinationes, & studia erant, Consultores in partes traxit. Quidam gratuito & cum honore potius dimittendam esse mulierem arbitrabantur à ratione, & modestia consilia subducta probantes, non modò honestatem, ac decus, sed etiam utilitatem saepe numero mutuari; nec jus omnino apparere, aut colorem aliquem juris, quod verè implicet libertatem illi Principi infanti, genere regio, quæque suavi indole, ac moribus, temperatòque dominio de Lusitanis optimè meruisset: Alii plus in re providi, quàm honesti, gratique in permutationem urgebant, quam eo tempore transigendam per occasionem existimabant cum Principis corpore, & iis, qui improvisa Lusitanie defectione apud Castellam deprehensi in Regis Catholici potestate restiterant. Id enim forte asserabant, non injuriam inferre, aut per iram illam ulcisci, sed rependere illatam, & pari causa, atque actione redimere; ita etiam & vim repellere vi, & clavum trudere clavo dici, & injuriæ solvendæ amovendæque pignus plena, brevique tenere manu. Alioquin obnoxios, bonosque destitui cives cruentis in manibus hostium inter injurias, & contumelias, odia vetera satiantium, quæ ingenio suo truci, fastuque superbo cum ferè semper in Lusitanos contulerint Castellenses, jam crudeliùs, quis dubitet esse homines effusuros regni jactura irritatos, & canibus similes, quia manum impellentem non possunt, innoxios lapides remordentes? neque ea meliorem, aut similem tam facile, apteque posse opportunitatem incidere, quæ eripere citiùs ex rabie, & faucibus hostium miserrimos cives valeat. Et huic quidem sententiæ acrius Luzena suffragabatur, spe maxime fretus, quod si ea permutatio tandem conveniebat, nequaquam esset Bregantius filium ejus prætermisurus. Sed quibus perspicacior, & purior erat

ingenii acies, tunc in Senatu commemorabant, Odoardum Bregantii fratrem per id temporis in Germania sub Cæsareis auspiciis prima exercere rudimenta militiæ, & prudenter è re nata cavendum esse ne Cæsar rogatus, vel auro pellectus à Catholico Rege, qui agit arbitrum in Imperio illum Hispanis proderet. Igitur Margaritam in Lusitania tanquam obsidem retinendam donec solutus, incolumisque Odoardus fratris penatibus redderetur. Hæc ex consultationis excursu illapsa quasi sententia quò æquior ipsa reliquis videbatur, plaudebaturque eò minus Bregantius placebat ob veteres nempe fratrum æmulationes, & odia, & quia eorum candore & illecebra Odoardus antecellebat, ut supra militarem peritiam, spiritusque bellaces populare quoque ingenium ejus, & comitas in nondum stabilito, ac tuto regno fratri vehementer suspecta essent. Hoc tamen arcano Bregantius intra recessum mentis occulto, reque callidè omninò ad aliam, & integram consultationem rejecta Senatum dimisit. Accitum deinde secretæ pietatis Margaritæ ministrum, qui ei rem proposuerat, dubio implicatòque responso ad mulierem remittit. Ubi ergo Princeps factu difficile putat tam discordes, & multas & per diversos affectus alias aliò trahentes sententias componere posse, ac simul molestè fert quod ex die in diem res prolatata aut mora languescere posset, aut artificii eludi, unum Luzenam ad rem omnem perficiendam per hominem fidum aggreditur, tanta quippe illi viro penes Bregantium auctoritas, & tum in agendo, tum simulando dexteritas erat, ut ille solus obnoxius, judicio Principis, cæterorum circumflexis sententiis, evictòque Bregantio etiam extortam sibi tradere libertatem valeret. Proinde ultro, citroque remeantibus internuntiis, cum opportunas, & æquas pro eo negotio condiciones proponeret Princeps,

Princeps, eas quanquam plenas æquitas, plenas decoris omnes Luzena repudiabat, per hæc sagaciter circumspicens ut illa fidem oppigneraret, datam scilicet sibi Luzenæ opera libertatem, ejusdem apud Regem interposito fœminæ officio Luzenæ filio reddendam esse. Principem autem etsi minimè fugiebat, quò per ambages, & multiplices fucos Franciscus Luzena spectaret; hærebat tamen, & fluctuabat pro interponenda cum illo fide, ne se denique irritam, & falsam rerum eventus haberet. Angebatur enim ingenio, sensûque peracri vivida mulier cum animo volveret adversa sese fortuna in Lusitanæ regimine afflictam, ejusque inevitabiles vices in crimen contortas potius, aut errorem fortassè judicii, quàm egregiè à se ibi navatâ operam, ut mos Regibus est, Philippi animum affectisse. Accedebant, & odia quoque inveterata Olivarii quibus ille percussus paulatim ipsam à gratia Regis per quosdam quasi gradus evolverat, cumque prisco insito hominibus vitio alius in alium impropositi eventus transmittere culpam ministri soleant, quo etiam pacto felices vicissim interciperent laudem, & gloriam quam artem in primis Olivarius callebat, eò magis & jure timebat Princeps, ne per regni Lusitani calamitatem opportunius apud Catholicum Regem jam ita; ac dolore commotum ab adversario calumniis, & dolis oppressa esset. Recusabat idcirco Princeps pro illius filii securitate Luzenæ fidem obstringere. Præterea ut satis aulæ perita moris sciebat, esse non minus periculosum Palatinos irritos petere, quàm ab invito Principe quodcumque munus accipere, & eo tempore sibi præsertim, quo dignitate, fama, opit us imminutam sub æmuli imperio, & arbitrio omnia in se essent, & invide interpretanda, & acriter ulciscenda. Tandem Franciscus Luzena ubi diu resistentem hærentemque Principem

videt, ne spes unica sibi filium amissum recipiendi, quæ in sola Principe niteretur, efflueret; rem ita composuit scilicet, ut extemplo mitteret mulier ad Catholicum Regem famulum, qui squalorem, molestias corporis animique ægritudinem, quibus fœmina, & Princeps, & consanguinea regia in luctuosa custodia confictabatur, exponeret Regi. Verisimile quippe re illa explorata erat, nec Principis causæ, nec studio, nec propriæ existimationi Regem quodammodo defuturum; eoque negotio apud aulam non intermissio, spem ex eo fore, ut aliqua occasio porrigeretur, quam Luzena pro filio arriperet. His ita compositis, plures subinde, & alium post alium ad id muneris lectos nominat famulos Margarita, sed cum minus illos idoneos apud Bregantium gratia, & electio Principis constirueret, omnino Bregantius exclusit. Ultrò ipse tandem è primariis fœminæ famulis Petrum de Motta selegit ad iter, quod ejusdem uxorem, & filios in arcta custodia tanquam obfides retineret. Huic tamen ad Regem ituro, & quam citò discedere cupienti moras egestas necessebat, cum careret ipse pecunia, & mutuam ibidem sumere non daretur ob capitalem noxam Lusitanis publicè incussam, ne mutuum alicui liceret cum Castellense contrahere. Diù igitur Petrus de Motta cum formidine Lusitani, qui inire periculum fugiebat, & suorum contumvium luctatus inopia, postquam nihil potuit nummorum eruiere, spero planè omnem protectionis abjecerat, cum per Luzenum monetur ut Bregantii munificentia quingentos pro itinere argenteos acciperet. Rejecit ille munus, ut ab hoste suspiciosum, ut causâ Regis ingratum, locoque muneris impetrat, ut quæ usui itineri foret, oppigneratam pecuniâ sumeret. Duabus itaque acceptis à Margarita Principe epistolis alia Regi, alia Olivario reddendis Castellam versus profectus

profectus est. Jamque Petrus Badacocium primam Castellæ urbem attigerat, ubi à Frixiliano Comire illius civitatis ea tempestate Præsides in carcerem statim conjicitur. Lusitana quippe defectio cum aulæ comperta esset, sub nomine regio publica passim edicta manerant, omnibus iter, & codicillos etiam intercepti, qui ab Lusitania in Castellam Regis injussu transferant. Itaque ex Regis præscripto Comes in custodiam tradito Petro, quas habebat epistolas ad Olivarium perferri celerrimè curat. Paulo post idem Petrus custodia solutus, & Mantuam Carpetanam abire permissus ibidem per Olivarium custodiæ publicæ mancipatur; ex qua tandem vel propter dilatas æmulatorum calumnias, vel quia satis ea publicæ cura specie rumor, famæque consultum, cui nimium Olivarius studebat, arbitraretur, cum præmio, & honore Petrum dimisit.

Hic autem narrationis postulari ordo aulæ Catholicæ mentem, motus, & habitum dicere cùn descivisse Lusitaniam eò primùm allatum est. Triste hoc, & volarile propè nuncium offendit in primis Olivarii superbi aures, & si haud quidem inopinatè ob fluxam jam pridem incolarum cognitam fidem, ejusque intestinam jactationem regni, sollicitior tamen, ac mæstior in animo volutabat quod ab Imperio nuper avulsæ Catalauniz argumentum, Lusitaniz defectionem implicuisset, porro ita dum intra viscera Hispaniz, alia super alias exenapli contagio clades regnorum incidere, circumstare quoque periculum, ne ea foris effusa pestis, & maximè externum ubi dominium per se intutum, ac præceptum erat reliqua regna remota Hispani juris inficeret, si enim Hispanos Hispani quoque taderet Imperii, quid Belgas, quid Italos esse facturos alienigenæ servientes? Quod ad se unum maximè pertinebat, in ipsum videlicet seu æmulatione, seu

odio aut invidia, ut calamitatum omnium, quæ Hispaniam influerent, artificem eousque profectum, & laceratum, hac nova comperta regni defectione, acrius profectò infectionibus esse, & linguæ moribus exarsuros; cum neque ingeniis materia, neque materiæ copia, neque livor invidiæ, virisque in aulico ludo, in fugacis ambitu gloriæ deesset. Hic angustius & illud accesserat, quod paucis ante diebus novi per aliquid quasi fastidii, ac sarietatis in verbis, in fronte, in vultu Regis expressum, cum non parum à se alienari animum Regis Olivarius introspectisset, hoc graviori fortunæ quoque superaddito vulnere, jam in se lubrica, & fluxa Principis gratia, & multis insuper impellentibus ultimæ calumniæ extimescebat; nec planè sibi tum ipsi in re tam accipiti provisuro, aliud pro tempore agendum venit in mentem, quàm arctius nunc regias aures, congressus, & aditus per fidos homines obsidere, atque in aula intendere partes. Custodiro attentissimè Rege examari calumniam, & nisi furere ulterius fortuna destiterit, vel cum ea facientibus vires incidi. Turbas in aula clientium, validius quoque subsidium contra inimicos, & invidos esse. Olivarii sensus hujusmodi erant: At ex parte optimatum quosque præcipuè altioris Consilii nota subvexerat, tam de Olivarii infortunio atque tristitia lati, quàm clade publica afflicti, inter moerorem, & gaudium in quarelas, & lamentabiles voces velut impetu profluentes palam conquerebantur. Superbia Olivarii, ejus profectò vitium æquè Deo insectum, atque hominibus sit indignatam fortunam, & eam Hispaniz propitiam quondam per ea quæ urgebant, quæque impendebant reretrima mala adeo terribilem minitari, ut vel Olivarium à gratia Regis, vel ab imperio excidere Regem necesse sit; si dominationis, si potestatis, & gloriæ participem neminem fufferat. Olivarius,

rius, consilii vel quemquam sustineat, quominus solo uno, eoque etiam ventoso, ac mutilo capite innixa magna tot regna petelitentur. Illius insanum tumorem, intolerabilem fastum, & supercilium omnia ad se trahere, omnia suo arbitrio, nutuque decernere. Jam Senatus consulta otiosa, & ridicula esse, magistratus illusos vacua nomina retinere; quidquid senserit, quidquid jussit Olivarius quasi oracula essent, & superioris consilii lumina, publice amplecti colique tanquam unius iudicio, & viribus valeat, & si maiorem quam in se habeat, ille haberet ingenii vim, & rationis acumen, tam vasti circummagi moles Imperii. Profecto non habuisse adhuc, nisi figuram, & speciem Regis in Olivario Tyrannidem dominari. Populum verò quem Catalauno pro bello instaurando frequentes delectus, & pecuniarum collationes exhauserant, ubi & aliud repente è latere bellum erumpere videt, maximus dolor, animique perturbatio corripuit, ne jam consumptis penè substantiis, usque ad laceros artus, hauriendumque omnino sanguinem inopum novi belli apparatus intenderetur. Caterum fama hæc quæ totam non modò aulam, sed universam etiam Hispaniam mœrore, strepituque compleverat, aures adhuc non tetigerat Regis, & cujus maxime caput ictus illæ fortunæ perculerat, ejus ausibus parcebatur. Hæsitanti Olivario, an, & quid Regi dicturus esset querenti, volutantique, cum animo simul penè vox obtorpuerat. Cæteri cautè silebant, ne in Olivarii fortasse indignationem incurrerent, & quia vera, seu tristitia detegere Principi gravia secum discrimina involvir, ex quo nec sine ipsorum Principum culpa adulantium in aula, fallentiumque & aurium illecebris servientium multitudo coalescit. Tandem cum rem diutius celari Regem non licuisset, veritas enim quanquam diligentissime pressa ex communi mœrore,

ex suspicaci silentio, ex artificio cultus penè jam effluebat, multa quoque ad rem expediri notitia, jussuque Regis necesse erat, quæ longius fortè dilata in rerum omnium perniciem casura essent; tum Olivarius in astus suos revolutus tali commento rem lucuosam transfigurare constituit. Risu ipse verbis, & ore falsus totusque in simulationem compositus. Pulchrum, inquit, ô Rex, tibi affero nuncium. Eversæ mentis, & petulans ille Bregantix Dux paucorum elatus insania, non furtim ut antea, sed palam Lusitanum contra regnum enititur, facemque plebis, servitia domus, operasque pretio conductas se Regem temerè conclamantes admisit. Infelix, ac stultus brevi, & facile corruet, tuque Rex superaddita arario tertia regni parte, cuius immodicæ opes in regno angusto, in viro privato & regnum, & hominem hæcenus oneraverant, deletaque semper infida Bregantia gente inde opulentior, ac tutior in Lusitania regnabis. Rex etsi ea ficta, atque falsa locutum esse Olivarium agnovit, reque audita vehementer indoluit, dolorem tamen intimè premens, æquabili vultu. Subveniendum quàm citò, respondit, ac latius calamitas serperet, altiusque radices in regno figeret. Post hæc in seipso collectus, ac tacitus Rex acriori sensu doloris jactare anxius in animo cœpit. Olivarii arrogantia, vel inscitia, vel fortuna, haud utique gradu, sed præcepti cursu jam ad exitium tendere Imperium; simul in omnia ejus consilia, commenta, decreta, quæ ad res perpetrandas vel prudenter applicuisset, velut transversam fortunam incurrere, cumque apud ipsum Regem post Catalauniam amisam sensim deflorere, ac senescere exinde Olivarii cœpisset gratia, derepente hæc importuna, recensque Lusitanix suscepta clades, penè illam in pectore absumpsit. Rex igitur statuit cum primum occasio

E dedisset,

dedisset, exturbare Olivarium ab illo potentia fastigio, simul omnia in presentia diligenter dissimulare, ne per eam animi alienationem suspectam in Rege, propterea ejusdem praevisa ruina ministrum, cui omnia quidem arcana, & Imperii summa patebant, ex tempore offensum exacerbarer. Nunc verò ut tempus monebat, Rex Belli, Statulque Senatum ea de re consulturum accessit. Rarus Consiliarius accessit, desertaque ferè subsellia quasi in Curia solitudinem fecerant, idque tunc maxime proceres, ut invidiam, & odium Olivario gravius intenderent, affectabant, quò nempe fractis jam rebus deprehenderet Rex, nihil inesse communis consilii, nihil publicae rationis, cum tanta potentia, & imperio sese jactante Olivario; malè praeterea in republica gesta, ac deterius consulta pro dedecore, aut poena relabi in rerum auctorem debere. Paucos illos Consiliarios, qui in Senatum convenerant tres deduxere sententiae. Utrum praestaret infecta re Catalauna, totis viribus statim in Lusitaniam concurrere, an divisis utrinque copiis premere simul utrumque regnum, an potius Lusitaniam recipiendae consilium usque ad debellatam jam Catalauniam extrahere. Comes Ognatus gravi, solidoque judicio vir rerumque clarus experientia censuit; Omissa protinus Catalaunia, collectisque cum terrestribus, cum navalibus copiis sine ulla interposita mora Lusitaniam urgendam esse, ut ipsam receptu utilem magis Imperio, lapsu temporis magis difficilem, conditione rerum situmque loci periculofam his argumentis innixus.

„ Lusitaniae dominio esse jus Indiarum  
 „ annexum, ex eo pitaticis Hollandorum,  
 „ Anglorum, Gallorumque nationibus etiam Lusitanis admittis, Oceani  
 „ noque passim infesto, & Castellensium  
 „ prope navibus intercluso praeterea  
 „ Orientalium opulentiam, ac merces  
 „ cum Lusitano regno simul amissas,

patere quoque facilius piratarum insidiis, & praedae Occidentis Indicae, opes, firmiores nimirum Imperii nervos, & aureas propemodum venas ejusdem corporis nutrimenta. Ad haec quò propius impendat cervicibus hostis, quò propius se insinuet, ac verset magni periculi facies, eò inde vehementius, ac citius pellendum esse, ut etiam est medicorum, uri, secarique celerius, nec tempori credere, quae ulcera cor, sive caput proximè attingant. At verò Castellae nunc imminere, ac valde premere Lusitanos, quae est caput, & sedes Imperii, & ferro, flammisque minitabundos pene ipsam circumspicere Regiam simul recenti perfidia furentibus addere stimulos adumbratae justitiae, aequitatisque causam qua jura, ut libet, sibi contorquent, & secundam populi acclamationem adjiciunt. Hic igitur prius laborandum, hic ante omnia incumbendum ubi gravius periculum est, ubi una mens omnia volvit, ubi caput perfidia praefert, altioresque radices per jura, per leges, per populi Ducem, & locum immittit. Lusitaniam praeterea concivem, Catalauniam alienigenam imperare, postquam verò decursu temporis Catalaunis, haud pristinas, quas innumerio querebantur illi miseriae, sed tantum Dominum immutasse, & peiorem fortè sumpsisse compertum fuerit, mentique suae repositos poenitentia pudorque subierit per tot labores cladesque, nihil aliud quam externum sibi servitium, ac dedecoris nomen quassum esse, abrupturos fortasse deformis obsequium quod Lusitanis quotidie tenacius, & pulchrius in speciem, libertatis proposita imago, & patrius insitus amor infigeret. Huc etiam accedere ingenii, indolisque utramque nationem afficeret, meliorem scilicet rationem consilia dispiciendi, mensuram, & modum. Lusitanos esse videlicet bellicosos, duos, animo pertinares, hancque proterviam, & quasi ingentem contumaciam quidni disten-

„tura ex Castellæ patientia, aut segni-  
 „tie illa profecta impunitas esset, aut illa  
 „temporis intervalla ad bellum paran-  
 „dum concessa? Contra Catalaunos per-  
 „haustos à Gallia sibi finitima spiritus,  
 „turbulentos ingenio, seditiosos, animo  
 „inquietos, ac varios vel suis discordiis  
 „tumultuòsque relictos, quàm celerri-  
 „mè perituros, aut redituros ad ejuratū  
 „obsequium esse. Si seges, si domus, si  
 „supellex incendio ardeat, quis non ad  
 „ignem sibi proximum restinguendū,  
 „aut meliora ab incendio salvatum pri-  
 „mus accurreret? His itaque belli faci-  
 „bus intestinis passim jam in Hispaniā,  
 „aut fortunæ, aut hominum maligni-  
 „tate conjectis, cur qui modò propius  
 „Castellā Lusitaniā depascitur ignem,  
 „eāque Philippus Secundus Rex  
 „prudentissimus praxiosorem dixerit  
 „Margaritam quæ gloriæ fulgore, at-  
 „que opulentæ pretio in Hispano dia-  
 „demate luceat, prius extinguere non  
 „juvaret? Postremò si civis civi, si  
 „regno regnum, si periculum periculo  
 „comparetur, esse utique Lusitanū Ca-  
 „talauno ferociorem, regnum ejus ube-  
 „rius, propinquius, imò Castellæ con-  
 „terminum, causam speciosiores, &  
 „validā tanquam jure prætentam, peri-  
 „culorum autem, quæ regnum illud  
 „oppugnaturis incurreret, molem mo-  
 „ra, aut segnitie magis intendi, & su-  
 „peratu quotidie asperissima fieri; nam  
 „penes quem regni diadema stat, ob-  
 „firmandæ quoque populariū perfidiæ  
 „hære vīm, & arbitrium. Recto more  
 „militiæ ardua primū tentari, debi-  
 „lora sua sponte cedere, magnis similia  
 „ruinis, in quibus maior minorē trahit,  
 „præterquam quod nec inter homines  
 „soleāt eadem alacritate, atque ardore  
 „cum initis extrema conjungi, cum  
 „ultimis in mortalibus motus fractior,  
 „ac tardior lassatis jam viribus prodeat.

Hæc cursim Ognatus, sed contrā  
 majori facundia, quàm sapientia Oliva-  
 rius in hunc modum disseruit.

Non impetu, sed ratione seriùs om-  
 „nino tractanda consilia sunt, & quardā  
 „nunc fortè quasi spina, & aculeus ac-  
 „ceptæ receter à Lusitanis injurix præ-  
 „cipites potiùs quàm sanas, & utiles no-  
 „bis sententias dederint; æstuantem id-  
 „circo prius componere animū, & irarū  
 „incitamenta retūdere oportet, quàm,  
 „ut prudentes homines decet, de tanti  
 „momenti re consulatur. Equidem ita  
 „censeo seu imperfecta, seu irrita te Ca-  
 „talauna, inde omnino, aut ex parte de-  
 „flectere arma, neque salubre, neque  
 „decorū Imperio fore, neque etiam ju-  
 „stitiæ congruum, si ve agendarū ordi-  
 „nerum, ubi enim Catalaunia malo de-  
 „fectionis exemplo prior Lusitaniam  
 „labefactavit, suo ipsam primū oport-  
 „et sanguine scelus eluere, ut si aliqua  
 „fortè sint regna, quæ contagione de-  
 „fectionis aspersa vacillent in fide, illa  
 „ipsa supplicii terror, horroreque in of-  
 „ficio retinear; & Lusitania præsertim,  
 „quæ erratē Catalauniam secuta est,  
 „in eadem Provincia severiori castiga-  
 „tionis exemplo quale supplicii exhor-  
 „reat. Super hæc quot exercitus, quot  
 „clarissimos Duces, quot mari disjectas  
 „classes, quas opes effusas bellum hoc  
 „hausit? Revoca modo militem, nonne  
 „frustra jactura militum ibi, ærarii dis-  
 „pendia, cruoris, Imperii per tributa, de-  
 „lectusque vastatio fuerit, cum paulò  
 „plus his annitentibus copiis belli spes  
 „finiendi haud inanis affulgeat? Quid  
 „porro etiā si hoc fortè remissio, aut in-  
 „termissio temerè bello, ut bello caderet  
 „Lusitania, interim Catalanus diuturno  
 „refectus otio, ac viribus cōfirmatus cū  
 „prælii fortuna defessos, & enervatos  
 „nos ejecerit Lusitanus, sic attritos, fra-  
 „ctosq; & malè bellū redintegrates ex-  
 „cipiet? utilitarisne, an plus apud omnes  
 „opinionis nos lucraturi hoc armorum  
 „circuitu erimus? Placet etiam nostra cū  
 „hostiū conferre cōsiliis, & causis, ut ea  
 „re diligentius excussa inde ratio cōsili  
 „valeat, ex quo divinare quasi pruden-



„tia cū naturali acumine dicitur. Mihi  
 „profectò liquet haud sine strenuo, ac  
 „præcipuo Galliar Regis impulsu esse  
 „Breganthum ad Lusitaniam regnum ere-  
 „ctum, idque molitos sagaciter Gallos  
 „esse, quò nostris versis hebetatisque in  
 „Lusitaniam armis, minori sibi nego-  
 „tio Catalauniar dominium assererent.  
 „Transfer hinc ergo nunc in Lusita-  
 „niam bellum, planè cū ejusdem  
 „suscepti consilii usus, & causa recur-  
 „reret Gallo, ibi etiam idcirco aderit  
 „Lusitano, scilicet ut Hispaniar ibi vi-  
 „ribus occupatis, & Galliar auxiliis ma-  
 „gis implicitis, adstrictisque pacatiùs,  
 „ac tutiùs sibi Catalaunia quiescat.  
 „Erit igitur nobis expugnatum difficilis  
 „Lusitania, sed difficilior etiam, ante-  
 „quam Gallis erepta Catalaunia pos-  
 „sessio fuerit, cujus servandæ studio  
 „Hispaniam hucusque miscères, ea tur-  
 „bida nūc & difficillima explicatu con-  
 „silia volvūt. Ex adverso ab Catalaunia  
 „Gallis tandem expulsis, quo tempore  
 „illi turbandæ Hispaniar materies, bel-  
 „lique fomenra, & præmia convulsa  
 „turbarum radicitus fuerint, quemad-  
 „modum prius Catalaunia Lusitaniam  
 „cadendo sustulit, ita illam mox resti-  
 „tutam, iterum Lusitaniam secum esse  
 „tracturam credendum est. Hic ergo  
 „incumbendum nobis, hīc in primis  
 „allaborandum. Hanc belli furiam, pe-  
 „stēmque quam Gallo suffulta Catalau-  
 „nia in Hispaniam evomuit, nisi flam-  
 „ma, ferroque citò restinxeris, ne dum  
 „in Lusitaniam, sed in reliquas quoque  
 „Hispaniar Provincias per ejusdem Gal-  
 „li vim, & insidias redundare calami-  
 „tas potest. Atqui pro recta disciplina  
 „militiar, inquires, ubi vires sufficiunt  
 „asperiora primum vincenda sunt, quæ  
 „secum tuendo minora trahunt. Hoc  
 „planè concedo. Sed quī cōstat, minori  
 „momento, aut periculo premere nos  
 „aut pressurum deinde fuisse, quod  
 „modò ardet in Catalaunia bellum,  
 „quàm quod brevi quoque exarsurum

in Lusitania prospicimus? Lusitaniar  
 „profectò conditione situs subsidii  
 „terrestribus interruptæ, soloque ho-  
 „stium undique circuncisæ una via  
 „quæ maritima est, eaque incerta, pe-  
 „riculosa, & longo maris quærenda  
 „circuitu, succurri potest. Catalaunia  
 „ex adverso terra marique Galliar fini-  
 „tima est; utrinque porrò deductis,  
 „commissisque subsidii, & copiis cū  
 „Catalaunis, & Gallis, duobus cum re-  
 „gnis, & uno eorum amplissimo simul  
 „integrum bellum geritur. Igitur duo  
 „propè bella, duo exercitus, duæ inte-  
 „græ nationes æqualiter nos Catalauno  
 „è latere affigunt, & nisi per Catalau-  
 „niam quamprimum recepram scindat-  
 „ur hæc formidabilis unio, hæc diver-  
 „sorium hostium prævalida conspira-  
 „rio, amissa non modò nobis regna  
 „repetere non licuerit, sed ne diutius  
 „quidem in potestate, quæ jam tene-  
 „mus, habere. Et ex hac quoque parte  
 „gravius quod in Catalaunia geritur  
 „bellum, nec Lusitano comparatione  
 „molis, arque periculi postponendum  
 „existimo, in quod potissimum prima  
 „sententia urgebat. Sed retracto senten-  
 „tiam meam, & juri per argumenta ac-  
 „quisito spōre mea detraho; nolo aliud  
 „alio gravius, at æqualis utrūque pon-  
 „deris bellum esse. Sic ergo de pari  
 „prope periculo, de utriusque magni-  
 „tudine belli nunc mihi libet ratiocina-  
 „ri. Variis nos undique angustiis,  
 „& periculis circumfusi malorum velut  
 „orbe jactamur. Hinc Lusitaniar Rex  
 „novus premir, hinc Gallus hostis an-  
 „tiquus urget, atque in Hispaniar prope  
 „viscera immisus. Haud secus Cas-  
 „tellæ cum Lusitania vicinitas, quam  
 „Catalaunia cum Gallia terrori nobis,  
 „ac detrimento est, cum Hispanorum  
 „quisque rebelliū tantum asferre con-  
 „tra legitimum Regem possit, & au-  
 „deat, quantum habuerit collatarum  
 „à Gallo virium. Hunc verò neque in-  
 „genium, neque animus, neque facultas

defuit



„ defuit unquam, aut defutura est, quin  
 „ ex bellis bella ferendo, per procul aut  
 „ iuxta fitos, suis aut aliorum Principum  
 „ armis, intus & foris Hispaniam inces-  
 „ sante fatiget, ac vexet. Tum ne illo-  
 „ rû quidem armis, aut nostris omnino  
 „ tandem Catalaunia subacta, ullo pa-  
 „ cto quietura, ardens animis atque  
 „ consilio, quidvis tentare audax, mo-  
 „ ræ impatiens & manu prompta Gal-  
 „ lorum indoles est. Galli dum vicini,  
 „ ac finitimi sunt Domini, aut hostes  
 „ semper futuri sunt. In hac rerum am-  
 „ biguitate tanquam in medio fortuna  
 „ stat, quæ edî lubrica, & insolens  
 „ more suo, inter acies, & arma tamen  
 „ multo quàm alibi esse quidem illa vi-  
 „ detur seipsâ fallacior, ac tortuosior.  
 „ Ex utraque itaque parte Catalauniz  
 „ nimirum, & Lusitaniz armorum exitu  
 „ incerto, æquatque ferè periculo,  
 „ ac magnitudine belli, sive hoc for-  
 „ tunæ insolentiam respiciat, sive Gal-  
 „ lum æqualem ubique hostem, & om-  
 „ nia moventem consfoventemque  
 „ quætere quoque juvat, an aliqua ex  
 „ honestate, ac decore profecta ratio,  
 „ si cæteris paribus, alteri partium ad-  
 „ jecta sit ejus accessione præponderet.  
 „ Ad gloriam, & famam ut posita in  
 „ alto, & censuræ, oculisque exposita  
 „ omnium consilia, gestaque Regum  
 „ spectare maxime debent, si ergo  
 „ dum hucusque impunitus, & corpore  
 „ nostro cruentus Catalaunus exultat,  
 „ dum in nefaria perfidia quotidie ob-  
 „ durefcit, & minas insuper jacit, dum  
 „ aliorû per astus sollicita fide regno-  
 „ rum tot procellas, & tubas molitur  
 „ Imperio, & perfidiam perfidia docet,  
 „ in ejus pœnas, & fraxos illatum ces-  
 „ sat repente bellum, eas præter clades,  
 „ quas allaturum Hispaniæ hunc erro-  
 „ rem judicii tetigi, quid non ignomi-  
 „ niz, ac publicæ contumeliæ in nos  
 „ congestura profecto erunt explorata  
 „ in rebelles virum nostrarum infirmitas,  
 „ & incæpti frustrati dedecus, &

hæc annorum inutilis volutatio, cum  
 ne in minoris quidem momenti re-  
 bus Regi fas sit attecitare quod ab-  
 solvere non valeret? His etiam adde,  
 quod hæc per domesticas, iteratâs,  
 que ruinas fluctuatio hujus imperii  
 totius in se Europæ, atque Asiæ fer-  
 mē oculos convertisset, Hispana  
 consilia suo pondere gravia, atque  
 solida credita tanquam in scena spe-  
 ctantium, si ad perduellium igitur  
 nutum & primam terroris imaginem  
 ultro citroque arma irriti circumferi-  
 mus, nonne aliorum supra malorum  
 incursum, & æstum, quæ sub hoc fa-  
 tuo proposito latent, vel constantiæ,  
 & gravitatis antiquam adeptam opi-  
 nionem corruptum ibimus? Defecit  
 Catalaunia, vastetur, uratur, do-  
 metur protinus bello: mox Lusitania  
 descendit, inutilis, vacuum ex Catala-  
 unia cum ignominia retractus exerci-  
 tus Lusitaniam confestim eat oppu-  
 gnatum. Quid si Aragonia quoque  
 deficeret? omiffane Lusitania in Ara-  
 goniam arma converteremus, &  
 puerorum, insipientiumque more,  
 quos nova, & præsentia magis exti-  
 mulant, hac versaliti quadam militia  
 plura vicissim ordiri, nihil tandem  
 perficere irrisui, ac ludibrio orbi ter-  
 rarum erinus? Erectum, stabilem,  
 inconcussum arma tractanda requi-  
 runt animus, & quemadmodum glo-  
 riæ, & honori apud milites ducitur  
 in eodem pugnando vestigio vince-  
 re, aut cadere, ita præclarum, ac  
 strenuum exercitum decet suo, vel  
 hostis excidio suscepto facinori finem  
 imponere. At enim honesta persæpe  
 debent utilibus cedere. Id equidem  
 in republica non negaverim. Sed quid  
 est porò, quod hic loci probeat hone-  
 stas, & utilitas improbet? Catalauniz  
 possessione dejecti nos clausum ha-  
 bemus Hispaniæ primum emporium,  
 implicatum Italiæ iter, claustra ipsa  
 Pyreneorum, quæ regno isti super-

„bum tanquam munimem, & arcem  
 „natura constituit, effracta, Gallisque  
 „patentia, qui alluvione quadam illis  
 „ex rupibus influentes, omnia ruendo  
 „excindunt, diripiunt, vastant, &  
 „non nisi totius Hispaniæ peste, & exi-  
 „tio in præda, & vastitatibus finem  
 „si vites animo suppetant, habituri;  
 „Abduc igitur ab illa Provincia copias,  
 „quæ Gallo incurstanti frontem osten-  
 „dit; patere nunc esse hostibus pervia  
 „saxa, rupesque Pytæneorum; detege  
 „frontem cominus hosti, ut petrum  
 „à longè latus observes. Profectò cùm  
 „talis hostis cupiditati neque ingenium  
 „ejus insatiabile, neque fortuna, quæ  
 „adhuc illi propicia est, neque arma  
 „nostra, si aliò descedunt, neque fra-  
 „gosa, & aspera montium, quæ pro-  
 „na jam sunt, terminos circumscripse-  
 „rint, post faciliè victam sine obice  
 „Catalauniam per mediam occupatam  
 „Hispaniam turbinis instar volitans  
 „subsidia in Lusitaniam intulerit. Sic  
 „Hispaniæ nunc aditus per Catalauniæ  
 „transitum patet hostibus, si tuto velis  
 „res domesticas custodire, ostium in  
 „primis vallandum est. Itaque planè  
 „sentio nullo pacto flectendum, aut  
 „relaxandum jam esse captum in Ca-  
 „talaunia bellum, sed paucis inde co-  
 „hortibus, aliisque cursim ex tota  
 „Hispania collectis ad Castellæ finium  
 „defensionem, non Lusitani hostis ir-  
 „ritamentum, extremo interea cona-  
 „tu Catalauni belli exitum experiri.

Hæc in Senatu Olivarius, cujus tan-  
 dem sententia vivit, quia verisimilis  
 erat, & quia ipsam auctoris potentia  
 corroborabat, cùm enim ille adhuc re-  
 giminis potiretur, manifesta homi-  
 num odia, & Regis etiam occulta haud  
 super opes quas agitabat obversa erant.  
 Igitur jussu Regis per Baticam copiis  
 pro Castellæ munimine comparatis, iis  
 Catholicus Rêx cohortante Olivario  
 præfecit Sidoniæ Mediæ Ducem, no-  
 vique hæc in novi belli apparatusum pri-

ma Olivarii provisio fuit, quo quidem  
 errore non modico lapsus jam exinde  
 ille visus prudentibus est summam, ac  
 seriem de cætero rerum bellique omen  
 improspærum contraxisse. Erat enim  
 Sidonius Bregantio per ejusdem soro-  
 rem Bregantia nuptam affinitate, ar-  
 ctiorique amicitie jure devinctus, iti-  
 dem Olivatio ex utrique communi  
 Gufmana gente propinquus. Itaque  
 dum vel in illum armorum ostentata  
 fiducia plus obstringere consanguineû  
 in fide Regis, vel ita à noxiis, quæ ve-  
 retetur abstrahere consiliis, vel com-  
 muni potius familiaræ quæ in fratre ejus-  
 que sorore Bregantia palam proscin-  
 detetur, Olivarius consulere studet, per-  
 inde ac minus ambitio, quàm cæteri  
 affectus magnatum animos carperent,  
 ita per arma Sidonium periculo immis-  
 cuit, ut, quæ contra affinem tractanda  
 susceperat arma pro se, & pro suo ne-  
 cessario tandem, & in Catholicum  
 vertete Regem cogitavisset. His rebus  
 ita compositis. Rex per omnes nobiles  
 Lusitanos, nam multi per id temporis  
 promissæ, clareque fortis versaban-  
 tur in aula circumferri libellos jussit,  
 in quibus de modo, & forma Lusitani  
 recipiendi regni unusquisque senten-  
 tiam, ac rationem protuleret, scripto-  
 que obsignatam redderet Olivario, id-  
 que non veta quidem fiducia, sive con-  
 siliû inopia plerique at subdole factum  
 cum Lusitanis intelligebant, quo dis-  
 fidentiam, ac merum, quæ ex partiæ  
 improvisa defectione conceperant, eas  
 per illecebras exuentes, minus sibi cauti  
 deinceps, Regique peritiles esse pos-  
 sent. Lusitanorum autem responsa huic  
 propè tenori singula consenserunt; factò  
 & maturato, nequaquam per otium con-  
 sulto in illo negotio opus esse. Recen-  
 tem, mollem, atque flexibilem adhuc  
 esse defectionem; in nova fide, in spe  
 dubia, in studiis incertis perplexos ac  
 trepidos esse animos; ob tepentè pri-  
 vati in Regem sublato hominis, qui sibi  
 æqualis

xqualis paulò ante fuisset, invidiam, abhorrere, ac reluctari tacitè procures, vigere hucusque secretòque bullire in-  
nus frequentes Castellæ partes, quas  
tempus frigefecisset; nondum cum ex-  
reris inita fœdera; non Ducem, non  
assuetum militiæ civem, nullam esse  
domi, militiæque agendi solidam disci-  
plinam, itaque tantum perfidiæ, ac  
roboris certè quotidie perduellibus  
mora, bellique dilatio adjecisset, quan-  
tum spei, atque virium ad debellan-  
dum adimeret Castellensibus. Inrer has  
vulgatas Lusitanorum sententias ea sin-  
gularis profectò fuit quam protulisse  
ferunt Lignarium Comitem itidem Lu-  
sitani. Censuit enim Philippum Re-  
gem absque regio strepitu, & pompa,  
absque belli apparatu, familiari, suetò-  
que nempe splendore, aulicorum of-  
ficio, & custodia corporis comitarum  
è vestigio Ulisipponem contendere; fa-  
cillimè quippe posset vetus insita reve-  
rentia, & majestatis augustæ radius  
nunc coram Lusitanis offusus hanc fi-  
ctitiam, & novam Bregantiæ Ducis  
auctoritatem respectus imparitate sub-  
vertere. Tyranno præterea Lusitanos  
magnates infestos legitimo Regi stu-  
dio, & opibus affuturos, qui plus in  
certamine rebus etiam inanibus posset,  
populum sectaturum. Verum cum hæc  
Lusitanis interrogatio artificio, non

fide, aut ex animo facta esset, ex eo  
spreta, ac neglecta illorum sententia  
est. Caterum his ad patriam Lusitanis  
jussu Regis reditè prohibitis, ne dome-  
sticis proventibus destituti in terra alic-  
nigena laborarent, præcepit Rex, ut  
pro singulorum conditione ararium  
alimenta sufficeret. Quod Olivarii con-  
siliium plerique corripientes nec pei in-  
vidiam, quæ omnia in deterius flecte-  
bat, intelligentes esse illos in potestate  
Regis velut regni jacturæ pignora, si  
iidem, aiebant fidi, ac benevoli forent  
Catholico Regi clientes, utilius eos  
Regem esse habiturum in Lusitania, sin  
autem infidi, arque animo adversi, eos-  
dem nunc immeritò exhaustum, &  
maximè his temporibus inops alimen-  
tis ararium exedere. Verumtamen su-  
pra regiam omnem munificentiam; &  
copiam quemadmodum plus æmulari,  
invidere, quàm meminisse officiū mor-  
talibus accidit, vetus adhuc insita Lu-  
sitani in Castellenses hærebat corrupta  
animorum affectio, ac detestatio mo-  
rum eodémque tempore, & Regem  
amabant, & oderant Regios. Lusitanie  
postremò defectio reliquas regiones  
quæ antiquæ suæ ditionis, & juris erant  
attraxit. Ideo Orientis Indica ora, &  
Tertiz, quas ita vocant, Insulæ, &  
Tingitana insuper regio alia post aliam  
collapse fato capitis concessere.





# D E BELLO LUSITANO LIBRI SECUNDI


S U M M A.



ANNUS 1641. Legationibus ad externos Principes, vario illarum eventu, & internis, externisque discordiis insignis. Publica indelecta regni Comititia. Eluensis Antistes, & qui obtulerant, & qui assumpserat regnum, collaudat. Delecta tributa, quae post Philippi II. Imperium introducta fuerant. Legationes ad Reges decernuntur, in quibus Imperator silentio praeteritus. Odoardus Bregantii frater, Catholici Regis opera, & Caesaris jussu, apud Germanos eustodiâ detinetur. Ad Regem Galliarum missus Legatus à Lusitano, ita auctus honoribus est, ut reliquos Aula Oratores emulatione perculerit. Apud Hagam regis insignibus exceptus Lusitanus Legatus, ineundam cum Hollanda Republica amicitiam, proponit. Dux Sidonius in Batia, regnum sibi parare constituit. Hollandos, dum unâ cum Lusitanis, terrâ marique Catholicum Regem oppugnare intendunt, maior tenebat sollicitudo, quoniam modo apud Indos, Lusitanas opes evertent. Illorum mandato, Comes Nassaus Angolam diripit, urbem Drvi Thome flammis absumit. Complures Nobiles Lusitani clam in Regiâ Catholici fide persistunt. Terretur Bregantius contra se machinantium, multitudine. Suarii domum odio publico devoret. Praclarum pudicitia exemplum edit Suarii filia. Antonius Menezes, classem Indicam quam à Philippo moderandam susceperat, in eundem hostiliter sumpsit. Ad Tertiae Insulas expeditio. Hollandorum perfidia. Crovium pecunias & opes censet Bregantius. Regiâ Catholici exercitus praest Montegius Comes, cujus inertia Elvi per prodicionem recipiendi, dilapsa est occasio. Circa Elvum praelium conferitur, in quo superior Castellensis. Memorabilis quorundam oppidanorum in Bregantium fides. Toralti Marchionis occisio. Impetum facit in Olivençam Ioannes Garaius, sed Montegii segnitie vacuus miles revertitur. Ulisipone graves in Bregantii caput inita insidiae autore Bracarense Antistite, qui supremum fidei questorem, Cruciatâ Praesidem, primoresque multos ad suas partes trahit. Edocetur Olivarius de struendis insidiis, sed conjuratorum litterae ab Ajamontio interceptae ad Bregantium deferuntur. Is status, Bellique Senatum cogit, quod Antistes & alii conjurati temerè ingressi, capti & custodia traditi sunt. Omnes crimen confessi, nullo discrepante suffragio, capite condemnantur. Villa regalis Marchionis Camigna Dux, ceterique plebsuntur, evitato in sacras Personas supplicio, ne Pontifex offenderetur. Nicolaus Velasquez Minorita, à Sidonio immisus ut conjurationis negotia tractaret. Franciscus Saneius Castellensis, expresso per artes à monacho, secreto, per speciem querendi Sidonium, ad Regem Catholicum iter instituit, ac fœdus inter Bregantium, & Medina Ducem, initum exposuit. Olivarius manifestum cognati scelus, omnino aut ex

parte

partē diluere conatur. Subdolan ejus sermo ad Regem, qui Sidonii causam, illius iudicio relinquit. Se ad Aulam confert Sidonius, Conjuratōnis ordinem facitur, & delicti quo tenebatur causam ab Ajamontii Marchione ducit. In bonis multatus, & reliquum vitæ vallissolci ducere jubetur. Ajamontius in urbe Segovia, elisis in carcere sancibus perduellionis supplicium dedit. Margarita Princeps Ulißipponē discedit. Eam Olivarius à congressu, aspectuque Regis ardet. Monregio, è belli præfectura dejecto successit Ioannes Garaius, qui per artes militum animum, & Civium fidem explorat. Dum Valverdem impetu capere intendit Franeiscus Rabellus, Urbem jam ingressus Lusitanus, ac penè victor, in fugam vertitur. Romanam Legationem apud Urbanum Octavum agendam, Lameci præsul mandato Bregantii suscipit. Ioannes Crumazerus, qui Hispāni Oratoris munus obibat Romæ, caute & sedulo Lusitani conatibus ite obviam. Urbanus rem Cardinalium suffragiis excutiendam respondet. Cardinalis Saebettus Lusitanum Legatum regis insignibus esse admittendum existimat. Hoc dissuadet Cardinalis Pamphilus, cuius sententia probatur. Ne dum à Pontificis aditu procul, sed urbis etiam Romana Lusitanus habetur. Dolum componit Cardinalis Antonius Barbarinus, quo capiens Pontifex jubet ad Curiam accedere Legatum Lusitanum, quem Gallus Orator cum magno apparatu in domum suam hospitē exepit.



# BELLI LUSITANI

## LIBER SECUNDUS.

164. **E**QUITUR annus legationibus ad exteros Principes, varioque illorum eventu, & internis, externisque discordiis insignis. Januarii mense ineunte publica indicta regni Comitia in aula maxima Regiæ Ulißipponē peracta sunt. In solio regio, regisque insignibus fulgens Bregantius cum uxore ascendit. Elvensis Antistes in suggestum ascendit, magnisque lateribus elocutus, & rapidè quoque verba calamistris inusta volvens, & qui obtulerant regnum, & qui regnum assumpserat. collaudatis pro rei patrocinio ad libidinem iura contorsit, retrachimque Castellæ regimen, sive usurpatæ dominationis injuria, sive quod avarè, ac superbè imperitatum fuerit, Tyrannidis specie profopuit. Satis superque violentiæ & furoris se ipsos, aiebat, faxea quadam firmitudine passos. In tempore semper depelli vim cum tempus illam depellere sinit. Incumberent ergo quàm studiosissimè possent, ut, qui per fortunatum suatum, incoris

spiritusque contemptum jam libertatis vindices fuerant, iidem belli mox furia cum turbulenta malorum omnium, quæ bellum de more consequitur, turba, soluta, miserius nihil ipsi ducentes, nihil indignius, ac fœdus, quàm turpè, externumque servitium, jugumque Tyranni libertatis adeptæ custodes forent. Gratis animis, auribusque ut mirè nova delectant imperia, & quæ eloquentiæ præsertim acumen, & fucus cum aurium illecebra adornat oratio præfulus accepta est, tantoque subinde approbantiū clamore plausuque ventilarī, concitarique ipsa concio perspecta est, ut parvi liberos, bona, sanguinem quoque pendere viderentur, quo semel ipsis asserta libertas staret. Tum verò Bregantius, quò rerum, famæque blandiretur initiis, deleri confestim illa tributa jussit, quæ post Philippi Secundi Regis imperium, tanquam externorum licentia, aut vicio Tyrannidis introducta nimis multa oneraverant regnum, illis duntaxat relictis quæ exigere antiquiùs Lusitani Reges solebant. Quod factum in primis maximè profuit ad auræ popularis aucupium, at irrita, & brevis læticia fuit; mox quippè grave tributum per capita solvere cogitur; ultimum

ultimùmque id plebi illudendo fore diffeminabant, urgente denique inopia supra exactas collationes & præterita veftigalia privatarum etiam domorum clades in communi ploratae sunt. In iisdem regni Comitibus legationes ad Reges decretæ sunt, per quas novus Princeps suscepti dominii sanciret jus, & auxilia, ac fœdera posceret, quibus lege receptum, populique acclamatione firmatum adversus Catholici Regis, qui jam circumstrepere nunciabantur, assultus defenderet regnum. Selecti Oratores ad summum Pontificem Urbanum Octavum ad Reges Galliarum, Angliarum, Sueviarum, atque etiam Hollandiarum Principem, singulisque ex veteri Lusitano tradito more junctis adjunctus est, quo alter doctrina, auctoritate alter legationis negotia pari consensu tractarent. Imperator Romanus silentio præteritis, satis comperito Austriacis istis Principibus pro statu communisque familiarum incremento concordia, atque amicitiae nexum, neque privata, neque publica commoda unquam rescindere potuisse. Romæ Lameci Antistes designatur ultra insularum decus Portugalliarum quoque gentis nobilitate conspicuus. Sub idem fere tempus Odoardus Portugallius Ducis Bregantiarum frater, Catholici Regis interposita opera, & Caesaris jussu apud Germanos custodia detentus est. Hic mitior ingenio, moribus placidus, & à tumultuum cura, & discrimine aversus, obscurum quoddam, cum in Lusitania moraretur, oraculum rumore jactatum acceperat. Inherere scilicet regno indigenam Regem, sed aliena persona velatum, illique esse larvam primo quoque tempore detrahendam. Quibus obtusa, debilisque mens erat, per hanc vulgarem effusam vocem in veterem fabulam incidebant, Sebastiani scilicet Regis hæcenus vivi, & in regno delitescantis. At quibus altior intellectus, Bregantium genere, copius,

subsidio juris, studiis in ipsum Lusitanorum accensis ut regali fastigio proximum, illudque per tempus si invadere licuisset, facile ausurum, circumspectabant. Quocirca Odoardus, quem nec fallebat intimæ domus arcanum, jam fratris naturam, cuius animi angustia vix posse capere videbatur tantam fortunæ molem, jam æmuli Regis potentiam, modo fortunæ in nova quaesita imperia ludibria ubi dies, noctesque agitando æstuans, & hæsitans animo volvit, simul periculum, quod in altera tantum fortuna fratri propter diadema petendum obversaretur, anceps verò, aut inutile sibi pro utraque fortuna fore, hujusmodi curis mente, & corpore fatigatus, ac pressus cedere denique Lusitania, & ab Caesaris signis imminentis calamitatis effugium requirere statuit, ut exploratus hoc novo argumento sit, eisdem in fata nos ultro vestigiis incurrere, quibus fata fugere quaerimus. Suspicionem autem, & notam quam subire viri proceres solent, cum proprii Regis omissis, ad aliena signa, atque stipendia transcunt, hac ratione diluere Odoardus curabat, vereri se nempe dictitans, si apud Catholici Regis exercitus rudimenta militiæ, poneret, invidiosum, semperque tetrum Olivarii iudicium, ac domui Bregantiarum maximè infestum, sub cuius militaturus arbitrio, ne dum famam, ac decus, sed etiam salutem fore ut ipse in discrimen conjiceret, Austriacam verò familiam, cui per militiam se devoveret, utilitatum, consiliorum, benevolentiae cōnexionem utrumque Principem colligare. In Germania igitur Odoardus militari sacramento Cæsari obnoxius sine ullo stipendio Tribunitios ducebat ordines, cum Lusitania descivit. Rex Catholicus tanti de regni, ut par erat, amissione sollicitus anxiusque à Cæsare statim per litteras petit, ut caperet ibi, teneretque Odoardum, vel credibile ut erat fraterni criminis conficium,

conscium, vel ut magni futurum momenti obsidem ad Lusitaniam quandoque recipiendam, vel saltem ut Bregantio per fratrem ad sceleris poenam inflicta in publica luce contumelia pateret. Neque planè huic fortè ob stare consilio juris gentium præscriptionem, aut consuetam indemnitate militiæ, cum ita modo conjuncta, & reciproca utriusque familiæ commoda essent, & pignora fidei, affectusque ut per rerum mutationes, & vices, imperii volvente orbe, aliquo tempore posset altera alteri hæreditario jure succedere. Haud aliter etiam in causa, & jure facturum Catholicum Regem fuisse, si quis & Cæsaris perduellis securitatem ex ara Hispanæ militiæ posceret. Idipsum à supremo quoque Status Senatu ritè consultum, discussum, summoque sancitum consensu esse, cujus sententiæ profectò vis, & auctoritas ordinis obruere prorsus deberet inanes amulorum detractiones, levésque populi voces, minus mordentis quàm allatrantis. Hoc idem Philippus Rex mandat Franciscò Melo inferioris Germaniæ ea tempestate gubernatori, ut ministrorum ejusdem Regis, Cæsarisque interventu celerius negotium conficeretur. Odoardus rei per id temporis nescius, omnique prorsus domestica cura defunctus, & vacuus apud Cemburgium hybernaturus cum ea, quæ ejusdem erat addicta muneri legione, sedebat cum è quodam Capucinatorum canobio ad hospitia militaria tendenti, sit ei obviam quidam miles familiaris lenique susurro in aures ejus afflavit. Defecisse jam Lusitaniam, impeniùmque quod Philippi Regis abjecerat ad Bregantium transtulisse, serpere etiam occultos Ratissponæ sermones de ejusdem Odoardi custodia Cæsaris jussu, & Catholici Regis impulsu destinata. Vehementer, hoc audito, commotus, ac territus est Lusitanus, ingruentes tamen repente curarum cum reprimere vellet

astus, vix dum composito vultu respondit commilitoni: Inaniam plerumque fictricem nemorum, aut falsam, aut credulam nimis se regionem illam expertum esse, nec diffidere idcirco, has quoque jactas temere voces esse protinus dissipandas. Mox ejusdem sententiæ ab urbe Augusta litteræ allatæ hucusque hæsitantem, & spe metûque pendentem confirmaverunt. Odoardus igitur in seipso collectus, ac tacitus, & hinc inde refluentibus curis quid ageret, quoque pergeret consilii, & animi incertus volutabatur. Argentoratum versus effugiat? eò explicitus versus, cara libertas, receptus propinquus immunis à jure Cæsaris hortabantur; at virum æquè ingenuum, ac nobilem absterrebant præcipitis fugæ dedecus, suspectique per ipsam fugam vestigia ubique relicta sceleris, simul per longum errorem, & cursum, tamque multis clientelis Cæsaris septum iter, dubia, atque aspera in primis ad Lusitaniam futura reversio, & fortassisolvebat pariter animo, innocentia, integritatis, menti patrocini-um, Cæsaris mutuo per sacramentum obstricta fides, jus gentium inviolabile quoque barbaris, vel incusus Numinis timor vindicarent insontem. Manendum igitur ibi, ex adverso dicebat, sibi-que expectandum superbi, iraque recenti flagrantis hostis arbitrium, suoque capite tandem experiendum an gratiæ jus, an utili honestum, an libidini ratio, an infamiæ fama prævaleat, quando hæc omnia miscere jura, & majora his sacramenta calcare apud Principes utilitas soleat. His anxius curis, & modò huc modò illuc diversâ cogitatione distractus, sistere tandem in loco, ibique quod immutabilis quasi fati necessitas fixerat, expectare decrevit vel tadio lassus ambigui spei, vel quia implici-um, atque dubium natura ingenium, tum etiam per metum vis animi destituerat. Cæsar interim apud Viennam consilio procerum convocato, excusis-que

sísque secundum usum magis, quàm ex merito causæ argumentis, quæ de tradendo sibi Odoardo subjecerat illi suprenus Hispaniæ Senatus, prolataque tandem sententia, quod pudor, aut jus in causa obtinere minimè potuit, gratiæ Regis attribuit. Dedi proinde absque ulla mora Odoardum, negotiùmque jussu Cæsaris exequendum Ludovico Gonzagæ mandari decretum est. Hic satis instructus cum alia prætexeret Cæsaris jussu profectiorem ex loco, ubi tunc exercitus hybernabat Lusitano denunciat; opus enim esse dicebat simul Passavium inde transire, ut ex collecta in urbe pecunia stipendia militibus solverent. Odoardus suspicioso jam animo arrectus, & re nova quæcumque accidisset, eo tempore pavidus, suspensûsque, etsi fallaces Gonzagæ ambages conjiciebat, quia tamen semper incertam hominum fidem per nimiam credulitatem suo ipse capite exploraturus discrimen temerè amplecti, quàm fugam maluit, imperio subito parer, & velut reditus experts omnes sarcinas secum asportans per Danubii fluentia caepit iter. Diei integri viam cum rate flumine vecti confecerant, cum obeunte sole ad hospitium vicina divertunt, lautâque post ibi cæna, & majoribus poculis more Germano ob itineris jactationem refectioni decubitus hospites vadunt. Cæterùm paulò post Odoardus animadvertit amicum secum itinerantem, cui Glisigerio Comiti nomen erat, in ejus domicilium sepe accedentem, recedentemque mæsto semper, ac dissimili vultu inani, atque frigida toties affecta frequentis accessus, atque recessus causa. Per fenestram deinde Lusitano respicienti, cum Lunæ radius interluceret, occurrit Ludovicus Gonzaga, qui adversus cæli inclementiam regentisque noctis algorem, nudo in illo aère, & inrer nive concretos afflatus, nunc tardò, nunc celeri gressu hospitii aream

perambulabat, velut plenus curarum, acriorisque custodiæ sollicitus, intentusque. Tum verò ex eo auctis, & congruentibus simul indiciis sine ullo dubio, & cum arctiori quoque dolore Odoardus se se deceptum, ac verè proditum sensit, & carceri addictum fallaciter trahi. Asperioris itaque animi sensus, & novis cogitationum fluctibus excitatis. Quid nempe lex gentium, quid Cæsaris fides, quid sacramentum militiæ pro viro innoxio; eoque benè de Principe merito valuissent, & quod regia familia natus, Regique Sanguine proximus jam libertate excidisset, ab eo quem minimè decuit, interposito sibi laqueo, rursus & frustra meditari de fuga caput, nec ea difficilis quidem eo quoque tempore cecidisset in virum expeditum ingenio, & alacrem animo, & qui librare pericula, & ex duobus minus eligere didicisset; si quidem uno tantum protectus famulo Ludovicus, Odoardus verò multis, antiquis, & fidis comitatus pergebat. Veruntamen sive id fatalis locordia, sive nimia in conscientiæ candore fiducia fuerit, eas inter minas, quas per hostium terribile arbitrium illi fortuna multiplicabat elabi cum posset, trahi passus est, & in carcerem duci. Hac mole curarum oppressus integram noctem inquietam, ac turbidam Lusitanus exegit. Postridie eundem per annum cum iter resumerent hilari fronte Odoardus ac ridetis in speciem rogat Gonzagam; Quid esset causæ cur præteritam nocte in vera, & assidua vigilia excubans more traduxerit, an ipsum libertatis expertem, & tanquam captivum, & hostem ducerent? Tunc viri sinceritate, morumque dulcedine tactus animo Ludovicus, paulumque emollitus adversus præsentem fortunæ injuriam illi aperit jussu Cæsaris, hortaturque ad amplectendam constantiæ gloriam quæ in omni rerum vicissitudine & habitu virum Principem decuisset: Odoardus verò nihil in speciem eo sermone



sermone turbatus adjecit, siue prosperam siue ad improperam, furentemque quod minus quidem difficile sapientibus esset, fortunam animo tolerandam sufficere sibi vires, & maxime nullo etiam morsu, aut latratu criminis intus obstrepenste conscientia. Cæterum ne præ intentæ custodiæ sollicitudine, & cura prægelidæ noctis horrorem iterum Ludovicus cum tanto incommodo experiretur, urbanè, & amicè cum illo præstitit, ut simul in eodem cubiculo secum munitis foribus conquiesceret. Reliquum iter pari concordia cum perrexissent, ad Lansfuterium postremo perveniunt, Odoardo paratum ad tempus custodiæ locum. Ibi Francisci Meli mandaro Augustinus Navarrus Hispanus Jurisconsultus Cæsareo nomine traditum Lusitanum excepturus apparuit. Primo aspectu cum obsequii, cultusque composita verba pro mutua salutatione Navarrus de more fecisset, quia ea ficta, doloque prolata, & causam adventus penitus noverat, vultu severus, & gravis Odoardus respondit, tantumque ab eodem efflagitavit, ut ipsi adire Franciscum Melum liceret. At ille regis extemplo jussis expositis Lusitano denunciavit, Bregantium ejus fratrem contra fas, & clientelæ debitæ fidem Lusitanæ Regem à populo conclamatum, jamque impie regias tractantem vices misisse Principibus Oratores, ut fraude quæsitum, scelere partum, & per injuriam Philippo extortum iniquius sibi deinceps stabilitet impetrium, cumque ipse Odoardus Tyranno tam arcto convictus, sanguinis, jurium vinculo adhæreat, ideoque ut culpæ affinis, aut conscius in suspicionem ex lege vertatur Cæsaris nutu, Regisque præcepto mancipatum custodiæ esse, vel ibi ut infamiam, & crimen rationibus diluat, vel merita poenæ subja-ceat. Ad ea Odoardus ab assidua cogitatione periculi jam satis firmata fronte, sensuque refracto non colore,

non vultu varius Deum, & animum sibi conscium suæ innocentiae testes appellat, quorum fiducia, impulsuque multò ante tempore Lusitanæ haud ignarus defectionis etiam oblatam, inculcatamque facillimè fugam neglexerit. Deinde sociis, amicisque dimissis, solus Navarrus cum institisset, initium afflicti scrutandi criminis à litterarum noticia petiit, si per eas fortasse fraternæ perfidiæ scelere obstrictus deprehenderetur. Interceptam etiam epistolam, quam cornobira quidam ab Lusitania miserat Odoardo eamque ambiguis signis conscriptam Navarrus habebat, cujus quàm citò per inventam inspectamque secreta scribendi regulam sensus elicere cupiebat, cum nationis utrique communis ratio, cautio chirographi, loci argumentum, & ibi novitas rerum suspicionem auxissent. Scrinio- rum suorum igitur claves Odoardo confestim tradere jussu volutatisque chartarum omnium acervis, & sensu etiam expresso obscurioris epistolæ, nihil omnino, quod animi à Rege averſi, seu conquisiti flagitii notam, aut saltem umbram in homine argueret, in illis comperitum est. Latius deinde cum per eam regionem manasset improvise tanti viri custodiæ rumor, multa in eo loco præstita sunt Lusitano Principi Germanorum officia, quippe qui comitate, munificentia, ingenuitate morum in omnium serè deliciis, & laudibus erat. Isque in familiari sepe colloquio, qui frequentes ipsum adibant, procerum Germanorum, ad uxorem Bregantii Lusitanæ defectionis præcipuè ferebat culpam; imperiosam, superbam mulierem, dictitans, regni-que ambitione flagrantem viro faces protulisse, quibus totum regnum incendio bellico arderet. Paulò post Ludovicus idem Gonzaga Odoardum pro Cæsare invisit, ejusque Cæsaris nomine declaravit. Vehementer cupere Cæsarem, ut ipse Odoardus ab omni labe suspecti

ctiminis purus, & integer haberetur, quod si, ut sperabat, jure liqueret, ad ampliora illi collata præmia uberiores quoque gratiam Cæsaris accessuram. Tunc Lusitanus modesto vultu, mitique sermone Cæsari gratias agit, ad astantes deinde conversus, ita ut murmur verborum facile posset Ludovici ad aures allabi; Ne me defetat, inquit, Numinis favor, nam Cæsaris gratiam & fidem abundè metiri præsentis fortunæ habitu possum. Cæterum, naturalis libertatis instinctus, & is quidem in militari, ac viro Principe potior, nec fugisse, dum fugæ patebat locus, exulceratæ jam innocentie, sibi quæ ut nimis credulo, & in suo quoque periculo stupido, torpentique & talis idcirco calamitatis artificis molestiorem quotidie carcerem faciebant. His curis sæpè jactatus rogat tandem Navarrum ut ire sibi in Lusitaniam liceret, velle ibi pollicitus ipse ad saniora consilia traducere fratrem, ut errore partum imperium ejusdem hortamento relinqueret. Quia elusa fortasse spe jure jurando cavisset, eidem se ultro custodix, infidèmq; molestiis sese redditurum fuisse, sed cum dictu æquè absurda, atque aspeta factu tam voluntaria regni abdicatio quàm spontaneus ad vincula reditus videretur, ea tanquam stulta petitiõ rejecta est, ne tamen ille penitus desperaret per ludibrium permissum est, ut de eodem negotia ad Catholicum Regem supplices litteras datet. Igitur Odoardus libertatis jam curis abjectis aptare, ac flectere tandem animum diuturnæ custodiz capir. Correcto proinde ad præsentem afflictæ viri fortunam domestico luxu, decemque duntaxat retentis antiquioribus famulis cæteros muneribus oneratos dimisit. Contrahit aliquantulum etiam quotidiani sumptus culusque quem in familiar, & corporis ornamenta, & conviviorum præcipuè magnificentiam, & copiam insume-

re consueverat, non quia pecunia deficeret, sed quia eam utilius effundere cogitabat. Hæc in Lantuterii custodia, quæ ipsum haud longo tempore tenuit, evenere Odoardo. Inde, cum idem inturus, ac rigidus nimis videretur custodibus locus, Pataviam translatus est, ibique in amplissima domo Austriaci Principis collocatus. Cæterum adeo adstrictæ severitatem custodiz par veneratio, & cultus exterior in homine æquabat, nunquam scilicet gladium è larere, nec Tribunitiū deponere nomen jussio; nec ullo deinceps caruit Odoardus honore, qui in ea regione solitus est, Hispaniæ magnatibus tribui.

Hic ordo quoque narrationis Lusitanæ legationis exitum necit. Prior, & per majorem expectationem conceptam ad Gallicarum Regem legatio spectabat. Veteres gentis ex variis bellis casibus iræ, imperii, atque gloriæ pertinax æmulatio, ingenii in agendo vis, & celeritas hominibus insita, iis qui ab Hispano fortè desciscerent, promptam apud Gallum tutelam, & patrocinium constituere. Inflatus hac modò spe Lusitanus, simul quia ille ipsum Gallus ad deficiendum à Catholico Rege impulerat, & quod maximum coeundi inter se Principes vinculum est, quia reciproca, magnique sanè momenti ex æctiori fœdere utrumque complectebatur utilitas, ampliori ostentatione, ac fiducia hanc pro Gallo legationem instruxerat. Lusitanum igitur Oratorem ad aulam appropinquantem, ut mos est Lutetiæ regios Oratores excipere, jussu Regis aulicus famulatus cum regis, & procerum curribus obviam effusus magnificè comitatur. Ex cæteris Principum Oratoribus, qui Lutetiæ commorabantur quantum omnes ad consuetæ reddenda obsequia per Regem admonerentur, nemo ramen interfuit præter Sabaudum, eum scilicet nisi animo, & voluntate vel  
 loci

loci conditione tanquam loro constri-  
ctum, ac necessarium Galli clientem;  
& hanc planè legationem, utpote no-  
vam, atque omnium expectatione sus-  
pensam, neve ipsa ignoti, incertique  
Regis opinione vilesceret, ita auxit ho-  
noribus Gallus, ut reliquis aulae Ora-  
toribus æmulatione, & invidia percussis  
querelarum etiam materiem apud Re-  
gem conflaverit. Fœdus deinde cum  
Gallo Lusitanoque Rege in hunc modum  
percutsum est: Eosdem uterque ami-  
cos, & inimicos haberet, belloque ipsi  
quoquo modo concussi mutuis se viri-  
bus adjuvarent, protegerentque. Ube-  
riora deinceps auxilia Catalauno mitte-  
ret Gallus, ut acerrimè Hispanus ab  
eo quoque latere afflictus; minus ex-  
inde virium, ac roboris posset contra  
Lusitanum asserere. Cum summo Ponti-  
fice Urbano, qui propensor ad Gallos  
affectione reputaretur, intercederet  
Gallus, ut Lusitanum regio more le-  
gatum admitteret, isque in perpetuam  
ejus clientelam concederetur. Notiora,  
hæc inter illos fuere istius fœderis capita;  
alia graviora, & occulta, præsertim,  
quæ clam eo tempore coquebatur in  
Bætica adversus Catholicum Regem  
Hispanorum procerum conspiratio, ut  
eodem Gallo aspirante, perficeretur.

Alia quoque & memoria ipsa digna  
in Hollandia legatio peracta est. Apud  
Hagum commune gentis conciliū, cum  
Lusitanus Orator regius exceptus insi-  
gnibus esset, tria summation pro socie-  
tate, atque amicitia Hollandæ reipubli-  
cæ cum Lusitano Rege ineunda propo-  
suit. Constans, & integrum scilicet in-  
ter utrumque Principem fœdus ex more  
constituendum. Classẽ ab Hollandis  
Lusitano præbendam esse ejusdem pe-  
cuniis instructam. Ut denique ab Indiis,  
quæ Lusitani domini, ac nominis erant,  
annis Hollandus navibusque abstine-  
ret. De jure Indico maxime tunc argu-  
menta Lusitanus amplificans cum ani-  
mi quadam elatione, verborumque ja-

ctantia differuit. Lusitanæ nempe indu-  
stria, ingenio, labori fata Indiarum na-  
vigationem aperuisse: deinde sui quo-  
que juris multiplicato sæpe naufragio,  
totque hominum, navium armorumque  
jactura, & cumulorum divitiarum, quæ  
per tot sæcula brevè, aut ignotæ navi-  
gantibus Syrtes hausissent, aut Oceani  
gurgites devorassent, legitimè factam,  
esse illam præterea assertam innumeris  
propè acceptis, illatæve terra, marisque  
cladibus, cujus longè latèque constratum  
jacuerit ossibus solum, Lusitanoque  
cruore pene tumentes fluxerint am-  
nes, cruentasque pelagus spumas ejece-  
rit. Utlius igitur inter ipsos certas, ra-  
tasque sibi & præmiū, & periculi partes  
attribuentes lege fœderis conveniret.  
Ut in Belgio, & America Hollandus  
aurea ubi sensus titillat, & rutilat præ-  
da, Lusitanus apud Hispaniam, trac-  
tusque Indicos Orientis Catholicum  
Regem affligerent, ne invidia alioquin,  
aut odiis intempestivis impliciti, & in  
mutuam utrinque perniciem armati,  
dum proprias distraherent, communi  
amulo vires intenderent, cujus immo-  
dicæ opes infringi atterique summa dū-  
taxat constantia, summa fide, extre-  
moque omnium collecto fœderatotum  
conatu Principum possent. Hæc ubi audie  
Senatus Hollandus, contulitque in suf-  
fragia sententias; de fœdere quidem, &  
classẽ paranda assensus est Lusitano, at  
in Indica causâ dissensit. Quidquid enim  
apud Indiam tenerent, jure se belli as-  
secutos, eodemque se jure tutari, ac  
simul augere paratos esse. Oceanum na-  
turæ lege communem cunctis morta-  
libus esse, cujus maritimè cursus jus  
exercendi, ea ipsa de causâ, quæ jam Lu-  
sitanos attingeret cujuscumque etiam  
posse labore, ac periculo comparari.  
Simul Indiarum imperium non hæ-  
reditarium, non legum, aut rationis  
mensura Lusitano præscriptum esse,  
sed in tumultu bellicque rapina, & po-  
tentia, tantummodo jure sublatum;

nec porro impium, vel iniquum videri, si eadem vi, qua celsisset, extorta prædatoribus præda in potentioris arbitrium concederet. Itaque Lusitanus rei Indicæ componendæ ipse devolutus litteras statim reddit Hollandis, quas ipse habebat Galliæ Regis commendatitias, paulò antè petiæ, ac concessæ classis paratum accelerantes, quam & suæ conjungere Gallus decreverat, quò ea secreti faciliùs quàm Bregantius Medinæque Sidoniæ Dux in Batica pertractabant, conjuratio procederet. Bregantio enim strictioris affinitatis, & jure amicitie Sidonius obnoxius, in Regem illum dum subitò evectum, nec genere se aut animo, aut opibus affini, amicòque dissimilem cernit, nullo pudore, vel radio superbo captus privatae fortis, affinitque incitatus exemplo in Batica ipse ubi dives, ac præpotens erat, regnum sibi parare constituit. His stimulis sive quoque accedebant, & vetera in Olivarium contracta odia, de quò certa his temporibus erat Hispaniæ magnatibus insita opinio, quod eos obscurare, minuire, ac sensim conficere ille pro viribus niteretur, ut còsequata, aut decussa celsiora capita Imperii, minus sibi ipsi ab invidia timoris, & umbræ minùsque periculi, aut in regno negotii facerent Regi: Inflammat hæc etiam ingenita quasi Hispaniæ optimatibus lues, supra eorum nempe fortunam, & copias animos explicare, spiritùsque tumorem, & arrogantiam extendere; & præsertim quod REX in regimine Imperii, cum se omnino circumagendum Olivarii nutui, & arbitrio dedisset, tantum quotidie minueret auctoritatis, & gratiæ quantum ad res novas incitamenti suoque pronis ingenio proceribus addidisset; ubi enim Rex sive ætatis, sive animi imbecillitate, & inopia imperii non temperat res, per eum quem clavo sustinuit, ambitione procerum effervere, pertinaciter oppugnatur. Rei præter hæc oppor-

tunitas obeundæ jam regni cupidine incensum acrius Sidonium extimulabat; nam procul occupatus Hispanus, nervisque in partes dissectus exercitus in Catalaunia, in Belgio, in Insubria nec æquo Marte bellum agebat. Copiarum, quæ per id temporis sparsæ reliquæ per Baticam erant Sidonio ipsi utpote armorum Præfecto parebāt, quod munus ei temerè oblatum, arces, militaria præsidia, oras omnes maritimas, atque portus ejusdem fidei, & imperio devincta contraxerat. Eiusdem Baticæ proceres, eosque clientelis, & opibus validos alios Sidonius spernebat ut viribus impares, alios in partes duxerat. Multos quos dubiæ, & affectæ erga Regem cautèque velatæ ex longo ipse intervallo perspexerat fidei, sua spontè novis, ac turbidis rebus, cum prima procella rueret sese implicaturos putabat. Cum multitudine verò populi in quo tantum hæerere, aut offendere posse res videbatur, quia Regi fidus, quia numerosus, quia bellæ natura seroxque haberetur, ita Sidonius se gerere secum statuerat, nimirum hunc fortè obfistentem cogere primò armis, pellicere postea tributorum allevamento, & summam initio copiam annonæ facere. Spes autem amplior tutius hæc omnia perficiendi classe ab externa, quam Hollandis, Gallicisque refectam navibus in Baticam intromitti cum Bregantio conventum erat, pendebat. Aderant quoque suscepti laboris fructus, & oblata cuique periculi præmia ad enitendum partes instantia, quæ si res feliciter evenisset, in hunc modum distribuenda erant. Aragoniæ Coronæ regna cederent Gallo, Bregantius Lusitaniam sibi servaret, Beticam Sidonius arriperet, cæteris regnis per vim & insidias Philippus exutus in arcto Castellæ dominio, ambituque concluderetur; nam quod invaserat regnum Bregantius, & mox invasurus erat Sidonius, omnino fluxum, & brevi tempore periturum, existima

existimabant, finitimi nisi Regis, & ab utroque validis armis, validisque lacertis jus repetentis tanta potentia refecaretur. Hollandos ex voto si res successisset, erepta præter hostibus spolia, & omnia prædarum oblectamenta spes inanis etiam arrexerat in tanti Regis ruina totius inferioris Germaniæ sibi sternere imperium. Rerum hujusmodi seriem, ac molem apud Hollandos, Gallisque uterque agitabat Lusitanus Orator. Illi verò quoniam tanti in ipso emolumenti, quo vix somnians majus confingere poterant, expectatio sollicitabat, totis viribus nitebantur ingentem classem instruere. Cæterùm ipsis Hollandis verè licet animus pro jure fœderis esset collata in Europa Lusitanis subsidia sese invicem adjuvantes, nervosque in æmulum intendentes unà cum Lusitanis terra, marique oppugnare Catholicum Regem, maior illos tamen cupiditas, acutiórque tenebat sollicitudo, quoniam modo apud Indos Lusitanas opes everterent, quod, & factu facilius tunc apparebat, scissis jam commissisque acrioribus inter se odiis, & armis Castellensibus, Lusitanisque. Priusquam igitur ab Hollandia Orator Lusitanus decederet, Hollandi secretò naves ad Indiam mittunt Comiti Nassau, qui Fernabucum ea tempestate regebat, cum commeatu, milite, mandatoque ut ibi quàm citò belli fortunam experiretur; jacebat enim res Lusitana ferali domo concussa bello, graviórque illos tum occupare, ac percellere cura debebat hostibus non servire, quàm alienigenis imperare, quanquam nec omnia secum, si malè pugnatum in Lusitania esset, domestica servitus contraxisset. Idipsum profectò diutiùs hucusque compertæ Hollandiæ fortunæ congruere, quæ loci plus situ, Regumque discordiis, quàm suis adhuc innixa viribus steterit. Nassaus diuturno jam otio fessus, pugnaque ineunda avidus

celeriter jussu conficiens ad Angolam instructa classe contendit. Eò denique advectæ statu secundo naves, neglectas pene custodias, prope incuria torpidos milites segniorésque stationes inveniunt, dum eodem quoque momento temporis dubius secum hæret, ac trepidat Lusitanus utrum amicus, an hostis occursurus Hollando esset. Hinc quippe ipsum Catholici Regis hostis utrique communis ratio, nexúsque dissimulata expeditio, spes fœderis, sua cuique utilitas, neve illa omnia intempestiva commotione turbaret, agebant. Ambitio hinc Hollandi, & prædandi cupiditas ingens, & belli artes, gentisque cognita insidiæ, & fide in armis potentia plerumque potior ad alia consilia trahebant. Inter hanc hæsitacionem, & motam jam Comes Nassaus cum classe ad portum appulsus fragore, bellique tumultu compleverat omnia, cùmque obstrepentibus buccinis, exoneratisque belli tormentis undique conclamatum ad arma esset, pars Hollandorum in navibus manet ad portus, classisque custodiam; pars, & ea numero longè maior in terram descendit, qua statim etiam in turmas, & varia officia divisa, aliū machinas, & obsidionalia tormenta vehunt, alii armis infesti procurant in urbem, non pauci quoque dilapsi, & in agros propinquos effusi, rusticas inter turbas obvias raptim ubique rapinas, ac cædes cumulant, & quia improvisa, atque rapida tanta in homines pestis ingruebat, qualis furor, & alacritas animi vim inferentes in obvios agebat, talis propè animi consternatio & quasi torpedo præ metu, stuporque imparatos, & circumfessos homines exeperat. Itaque Angola primo illo impetu capta, direptaque est. Cæterùm binæ sed magnitudine minimè pares arces in portus, urbisque tutelam assurgunt: meliorem profectò arcem primus impetus irruentium unà cum urbe sustu-

lit, ad alteram quia propinquior, sitūque capacior erat vitabundus, & pavidus Lusitanus cum globo militum, cædis residuo, primoribus civitatibus, atque electa juvenia confugit; infra arcem cæsi caprique multi quibus sera per hostes, intercisaque fuga fuit. Acrius idcirco oppugnari hæc arx cepta est. Cuniculi, machinæ, belli tormenta, crebri assultus, & imperus hostium, omnis furia, bellique terror fædo spectaculo offunditur. Nihilò tamen minus initio oppugnationis obsessi firmiter obfistendo, & acerrimè propugnando multam audaciam, & longioris quidem obsidionis sustinendæ constantiam ostenderant, sed ea tumultuaria, atque præceps in arcem hominum fuga, cum satis alimenti, præsidiique pro tanta multitudine ferre secum non permisisset, quos vis minarum, armorumque jactatio non vicerat, fames denique perculit. Ita urbe, & arcibus captis, præsidioque munitis exultans feròxque tam facile parta victoria miles, congestaque prædæ copia magis avidus prædæ urbem extemplo, quæ Divi Thomæ appellatur irrumpit. Cum fæda, recénsque ibi esset Angolæ comperta clades, infestusque Hollandorum adventus desperata salute cives, ac relictis in urbe, qui ætate, valetudine, sexu inutiles habebantur meliora secum portantes diffugerant. Hollandus ergo, nullo obfistente, populabundus in urbem ingressus rapere, trahere quàmflamma, quàm ferro cuncta corrumpere, non profano, non sacro parcere, tanquam impetu capta civitas esset, aut in eos, qui infelicitè obstinissent, mora, & occursum exarsisset militum ira, eoque omnia rapinis, & sanguine redundarunt, ut opulentissimam civitatem, Indiarum ubi nundinæ aguntur, exciderit, ac ferè momento combusserit hostis. Atque inde cruentus & spoliis onustus Angolam reversus est. Hæc apud Indos agitabantur.

In Europa Gallix Regis Orator cum classe belli navium triginta Ulisipponem tandem accessit. Ingressus ejus magnificus fuit. Dona, & obsequia cæteris tribui Oratoribus solita, ut amicum, & socium, in quo novi maximè imperii tutandi spem collocarat arctius obstringeret Regem, impensius Gallo Bregantius effudit. At summa legationis, classisque instructæ consilium in ea præsertim maturanda conspiratione vertebat, quam adversus Catholicum Regem clam cum Bregantio Sidonius inierat. Hæc ipsa porro ut absque ulla interposita mora perpetraretur quemadmodum ille ardor ingenii, Gallique velocitas incitabat, ita Bregantium perspectæ classis infirmitas deterrebat, nec præterea, sicut antea convenerat, Gallix, Hollandix & Lusitanix simul navibus constitutæ. Jamque Bregantius regni novitius, ac rudis hinc addiscere primò ceperat, quousque fidei pactis, conventisque Principum licuisset, & quantum planè discriminis sit suas ad conflictum afferre, vel fortiorum colligere vires, cum in his sæpe animus, fides in aliis desideretur, vires plerumque desint, quibusdam & temporis quoque usus, cum non venisse, aut serius, quàm opus erat, venisse, nihil utrumque sanè pro re perditæ intersit. Verumtamen ingenii sui habitudine potius, quàm fraude defecerat Gallus, quippe qui, & nimia acquirendi cupiditate, & agendi celeritate rapidus ipse consiliis, & spe rerum conceptarum immodicus, nec sententias nec facta plerumque satis maturefcere sinit. Ea propter suscipiendum necne cogitatum in Bætica facinus esset inter Lusitanum, & Gallum orta contentione, nec parum utrinque calentibus studiis, mediam postremò Gallus sententiam amplexus exposuit, vel illis utcunque minutis maritimis copiis portum, aut aliquam arcem in Bætico regno quærerent, quod

vincu

„vinculum utique foret plus in rem  
„intendendæ fidei conatûsque Sido-  
„nii, & paratus aditus receptûsque in-  
„tegræ mox appulluræ ad retum sum-  
„mam conficiendam cum omni ap-  
„paratu, ostentatôque terrore classi.  
„Posset quoque, asserere id levioris  
„experimenti plusquam suo pondere  
„videretur totius negotii fortunam, &  
„molem attrahere si repentino fortis-  
„se casu concussus, ac territis conti-  
„nuò cederet inexploratus hucusque  
„Baticæ populus, aut rerum volupta-  
„te novarum, aut casu rebus turbatis  
„implicitus, aut potius magnatum al-  
„lectus exemplo libens cum partibus  
„conspiraret. Non omnia quidem  
„semper in bello sapientia, virtute, opi-  
„bus expediri, aut eximia disciplina,  
„& consilio, plurima quoque casu, &  
„fortuito felicius quàm ex composito  
„peragi. Recenti, magnôque ante  
„oculos esse nunc omnibus argumen-  
„to Lusitaniam, & Catalauniam, quæ  
„cum longè profectò minoribus, quàm  
„in præsentî cernerent, copiis jugum  
„antiquum excutientes à Rege Catho-  
„lico defecissent. Ubi animus valet,  
„copias, virêsq; robur ab animo  
„mutuari; hic ubi languet, nullam  
„satis vim humanis conatibus esse. Sed  
„ne ea sententia quidem omnino Bre-  
„gantio placebat, cum contraria infedif-  
„set, vehementi, improvisôque primo  
„partium conatui, & nervorum simul  
„omnium intentioni ad opus initio ap-  
„plicitis rei bene gerendæ incumbere  
„spem, ea secus pusilla classe, ac debi-  
„libus copiis laceffitus sive admonitus  
„potiùs quàm fractus Catholicus Rex,  
„ideôque in posterum præmunitus fore  
„deinde, ut ne duplicatis quidem viri-  
„bus concuti posset; quia tamen ad rem  
„nimis urgebat Gallus animo valdè ar-  
„dens, ut illi vestigium quam citò lice-  
„ret in Baticæ limine figere, res ad Si-  
„donium à Bregantio rejecta est, ut si  
„ita expedire censeret apud Gades, vel

portum Sanlucatensem efferri curaret  
extemplò signum, quo viso Gallica  
classis tutior ad portum ingrederetur.  
Cum huiusmodi erecto spe Gallo à Bre-  
gantio dimisso, & re statim nunciata  
Sidonio, postquam diù classe Gallum  
eo consilio Baticam circumvectum, &  
jam moras in alto trahentem, jam obli-  
què, jam rectè, jam navium in orbem  
inflexo cursu diutiùs sese jactantem,  
expectatum, conventumque postremò  
sefellit signum inde elusus, & vacuus  
ad Galliam direxit iter. Iteri hujus even-  
tus in causa profectò fuit, quod cum  
in illo negotio tum Lusitano, tum ma-  
xime Gallo ut procul ex tuto rerum  
spectantibus exitum plus audere, &  
sperare quàm Sidonio daretur ut in  
periculi vortice constituto, hærentesque  
in faucibus hostis, ideò hic velut jure  
plus sibi metuens, & navium idcirco  
paucitatem respiciens, sibi plus etiam  
in discrimine cavit.

Post hæc Catalauni legati de novo  
regno gratulatum Bregantio missi Uli-  
sipponem venire. Regio more, ac pu-  
blico sumptu receptos etiam convivas  
in epulo secum admittere, & unum  
forte corporis ægitudine implicitum  
citra morem Bregantius invifere dedi-  
gnatus nequaquam est; ac legationis  
impositæ munus in eo maximè situm  
est. Sancirent utrique fœdus, consilia  
conferrent, & mutuas rationes ini-  
rent, quibus animo, & viribus auctis  
minori negotio facultas esset, ab utro-  
que Hispaniæ latere regni Castellen-  
sem communem hostem nisi prorsus  
affligere, vel ita perpetuò carpere,  
atque lassare, ut ille decederet tan-  
dem eorum animis timor, ne simul  
utriusque aut alii post alios ejusdem  
æmuli armis, & artibus perderentur.  
Hac ipsa quidem corrupta mente pro-  
veteri vitio, & insita pene fraude in-  
fatigabilem semper hostem dissidio-  
rum, simultatumque per semina latè  
jacta soletter hoc tempore niti tum

„ eos inter se , tum alios dividere ab  
 „ aliis. Quæ porro artificia subtilia ho-  
 „ stis vigilia sibi sedulitate, solertia esse  
 „ omninò ludificanda. Superare nimi-  
 „ rum opibus hostem; at etiam æqua-  
 „ litatem, libramētumque potentiz,  
 „ quæ esset planè communis tutelæ ra-  
 „ tio, provisióque ab amicitiz, ac fœ-  
 „ derum ducta nexu, posse, ac debere  
 „ minores adversus majores Principes  
 „ comparare. Sic Italos contra Hispa-  
 „ nos protegere se, sic Germanos Prin-  
 „ cipes contra Cæsarem, unoquoque  
 „ divisim quamvis utrumque longè po-  
 „ tentiorem, naturæ ab instinctu hac  
 „ disciplina manante, quæ aves, quæ  
 „ pecudes etiam, quæ pisces per cu-  
 „ neos, per turmas ire obviam fortio-  
 „ ribus docuit:eadem etiam intelligen-  
 „ tia juxta illius non minus prudentis,  
 „ quàm fortis inventionem conjunctas,  
 „ constipatasque;& quanquam fragiles  
 „ caudæ setas in senio, atque macie  
 „ confecto equo durius negotium fa-  
 „ cessisse vellent, quàm singulas spar-  
 „ sas, solidioresque in alio prævalido,  
 „ ac generoso. His rebus ita percursis  
 „ compositisque tandem legati amplissi-  
 „ mis donis acceptis Barcinonem regre-  
 „ diuntur. Caterùm lata hæc Principum  
 „ externorum obsequia malis domesticis  
 „ miscebantur. Post Lusitaniz defectio-  
 „ nem complures nobiles Lusitani seu  
 „ privato compulsi, seu publico affectu  
 „ clam in Regis Catholici benevolentia,  
 „ atque fide perstitierant. Fuere inter eos  
 „ singulari constâtiz laude Tarocæ Co-  
 „ mes Ludovicus Menesius, Stephanus  
 „ Pharus, Joannes Suarius Loperius de  
 „ Acugna Dominus Assentaris, Ludovi-  
 „ cus Sisica, Petrus & Hieronymus Mas-  
 „ caregni Montalbano Marchione geniti  
 „ cum opibus ferè omnes tum generis  
 „ claritudine insignes. His in ea subita  
 „ imperii mutatione, cum servire Bre-  
 „ gantio dedignarentur, sollicitiùs, ac  
 „ diligentius Castellam versus rimanti-  
 „ bus fugam, hanc ipsam arripere tan-

dem perhujusmodi occasionem evenit.  
 Prudentiz generis, ac præclaræ mode-  
 stiz dotes Joannem Suarium, atque  
 Tarocæ Comitem eousque Bregan-  
 tio, ac populo commendaverant, ut in  
 nova magistratuum electione potissimè  
 in animo Bregantius habuerit hujusce  
 virtutis, ac nominis viros ad publicas  
 curas extollere; veruntamen illi cum  
 ficta moderatione, & morum gravita-  
 te recederent, & aliunde ambientium,  
 & in rem laborantium se propè colli-  
 deret numerus, & sprete in tempore  
 gloria cùm plenior more suo redunda-  
 ret, hos quidem esse plus affecutos, illos  
 plus meritos prædicabant. Jam ita oc-  
 cupatis magistratibus regni ubi ambitus  
 major exarserat, deinde in Senatu co-  
 ram Bregantio cum de his cogeretur  
 qui idonei reputarentur ad Tingita-  
 nam oram maritimam gubernandam  
 ea nuper in meliorum officiorum distri-  
 butione adumbrata modestia, & aura  
 quæsitæ populi, simul eò majora, & as-  
 sidua, quò magis fallacia Bregantio  
 præstita obsequia Tarocæ Comiti,  
 Suarióque has Africæ Præfecturas cum  
 ingenti omnium plausu comparavere.  
 Hæc itaque munera, summa illi, sed  
 per astus dissimulata lætizia recipiunt;  
 gratias Bregantio agunt; at reculan-  
 tium in speciem, sive eorum qui quæ-  
 stum ex quæstu captantes rogari, co-  
 gique in eo, quod maximè cupiunt, vo-  
 lunt, jam molestam à patria absentiam,  
 jam licet illius regionis, solique torridi  
 æstus, jam omnia pro patria, pro Rege  
 subeunda pericula esse jactantes, ortam  
 fortasse suspicionem per has anteverte-  
 re ambages, & obviam rumoribus ire  
 quærebant. Igitur evulgata provincia,  
 brevique novorum Rectorum pro-  
 fectio, qui clam in Castellæ parti-  
 bus erant, iidemque homines nobi-  
 les, & qui primo quoque tempore  
 elabi circumspiciant ob sæpe occul-  
 ta inter se communicata consilia, &  
 mutuz conscientiz vinculum in clan-  
 destinæ



destinæ fugæ socios facilè assumpti sunt. Jamque raptim ad naves itineri præparatas sarcinæ vestabantur, & domestica suppellectilis, opulentæque ac magnificè instructæ Suarî, Comitûque Tarocci domus aliorum eriam clam interposita bona celabant. Cæterum quemadmodum ipsa stulticia, quæ abesse difficilè potest, ubi numero plures conveniunt, sese facilè prodit, nimia abeuntium sollicitudo, præproperum iter, nudatæ passim domus, & nulla redeuntium vestigia, tum varix hominum facies, exteriusque prope jam erumpentes, quid altius in se volutantibus, inquietique animi motus dedere tandem suspicionibus locum, ita, ut Franciscus Luzena monuerit Bregantium, novos Rectores Africæ eo ingenti apparatu, quo eorum femè domus exinanierant, transmigrantium, aut alibi fixum domicilium eunium præferre speciem, hujusque nec levem rumoris crescere, ac serpere passim in urbe auram. Ille verò altiùs inhærens regio pectori opinio, vel gratia cùm evelli, aut diminui tam facilè sæpè nequeat, per hoc non moneri, sed falli ratus Luzenæ verba neglexit. Postremò cùm die altera discessuri Suarius Tarociusque comineatum peterent à Bregantio, adeò apposita, & elegantia de belli ratione, deque eo sibi imposito munere verba fecere, ut jactas hic paulò ante suspensiones, & maledicas suas voces omnino contentionis aulicæ vitio tribuens, & acriter quoque redarguens publicè dixerit. Difficilem esse Principi ministri etiam optimi usum, ejusdem discernere priùs nisi disceret æmulos. Igitur mediam circiter noctem Suarius, Comitæque Tarocius pergunt ad portum, fugæ ibi comites paratos inveniunt, duabusque conscensis navibus in altum celeriter vela solvere jubent. Ubi illuxit tamque multas repente desertas, desolatæque domos, & præclaros abesse cives, & Bregantium illu-

sum, nec jam dubiam esse fugam compertum est, gravior, ut novo, nec dum satis composito, ac stabili imperio ea inopinata quidem offensio, & plaga reipublicæ contigit. Ex eo quippe inclaruerat alienam, & animo averfam à novo rege nobilitatem præsentî rerum statui acquiescere nolle, idcirco terrori nobilitas populo erat, quòd scilicet contra enitente resque in diversum illa trahente, regnum vel ipso majus in quo versabantur, esset citissimè dilapsurum. Populus autem eò quoque suspectus erat Bregantio, quod is planè sciret neque ingenuam, neque constantem erga ipsum futuram profectò fidem, quando fluxa, & incerta perspecta inter nobiles foret. Sic ingens utrinque simul ex nobilitate, atque populo scilicet moror, pavôrque Bregantium inceserat. Addebatur, & publico detrimento, sese quoque irretitum illecebris, & ludibrio à minoribus habitum, & amicorum monita spreta, qui fortasse auribus ejus imposterum, ut semel superbis, ac difficilibus exploratis ægrè similia committere vel cautissimè paterentur. Super omnia præterea quæ rem intendebant incidere turpe oculis inuitandæ fugæ contagium, atque ex nobilibus ortum prodicionis exemplû, si quos etiam intrusperfidia, seu levitas, seu animi livor ageret. Hæc cùm animo æstuans tunc agitaret Bregantius, & cùm amicis quoque conferret, his ita consentibus, expeditam, quæ erat in portu, triremem velis remisque fugientes persequi jussit. Sed ea res frustra fuit; vento quippe propitio multoque intervallo longiùs progressæ naves triremis prospectum ademerant, & hæc quamvis in tempore illas assequi potuisset, cùm vectores, & naves animo, & viribus prævalerent, vi, sive imperio illas reducere tentavisset, incalium utrumque foret. Prosperis ergo volitantes flatibus naves, levia deinde tempestas afflixit: nam veriti Lusitani, ne oppor

opportune insequendo à tergo premere hostis ad captandam undique auram plenos velorum expandetant sinus, cum ecce voluntur repente fluctus, ventorumque in alto stridentium, furientiumque vi maxima inflati, erecti, disiectique naves passim contotquent, ac miscent, artisque regimen turbant; solidae tamen earum cum essent, natiæque peritiores supra vim tempestatis, & imbrium pro maritimo cursu strenue diutius luctantur cum ventis simul, & fluctibus naves; turbinis tandem, marisque ab imo jam astantis impetu separata, ala quæ muliebri onete implicabatur in Oceani fretum abrepta est, forte altera meliori in Gaditanum littus incurrit. Verum navis ille rector, qui ad Oceani maris angustias, quas Heculeas columnas vocant tempestate coactus applicuit, quique navigationis etnotem ac dolum adhuc invitus, & ob metum silendo molestissimè tulerat vix ad littus eiectionis, quos vexerat ipse, viris mulieribusque de improvviso retracto cursu vela fecit in Lusitaniam. Hic igitur pavida pelagique & sortis casibus insueta multitudo mulierum, impuberumque in squalida, & vasta solitudine posita horrore, ac tristitia perfusa jacebat, augebaturque molestias inopia rerum quas celeriter fugiendo naucerus infidus abstulerat. Porro ibi arido solo, inedia, egestate calique inclementia consueque jactati sunt, donec quibusdam oblati, consensisque forte navigiis Gades denique transmiserunt. Inter hæc ad aulam Catholicam fama præcesserat Lusitanos fide inclytos, gente claros eluso, irrisoque prope Bregantio salutatum Regem venire, imperavitque Rex Comitiabili Castellæ, ut splendido cultu, obviisque nobilium equitum turmis occurreret Lusitanis, eosque continuato splendore pompæ ad Palatium magnificè duceret. Quod hic quidem impensius quam jussus erat exegit; isque tunc fuit nobilium viro-

rum occursum, exquisiti strepitus apparatus, & ostentatio ingressus, qui tanti Principis majestati, raræ fidei clientium, acuendisque in æmulorum pectora stimulis convenisset. Hujus publici honoris & ornamenti speciem regia subinde munificentia, quæ non minus merito grata, quam exemplo futuri provida solet esse cumulatiùs excepit; in eosque militaria, & domestica munia, clariora nomina tituli que & regie pro splendore, pro victu divitiarum congestæ sunt. Quæ quidem res ingenti omnium effuso gaudio Mantuæ Carpetanæ commendabatur, ut sunt enim frequenter aulici pravo suo more ad deteriora credenda proni, ex sponte suscepto hominum horum exilio, & voluntaria fuga re veta labare, atque fluere rem Lusitanam intelligebant; his quippe nisi caducum, & labile novum imperium perspectum esset haud verisimile planè foret, ambigua expectatione futuri, egentes, speique alienæ opis pro necessariis alimentis addictos patriam, ac bona derelicturos fuisse.

At longè profecto dissimilis erat utriusque aule facies, quodque summæ hinc lætitiæ materiem, & causam afflabat in moerorem, & luctum Uliisippone verterat: navis enim à fratre Herculeo, ut diximus supra, repente profecta, Uliisipponem cum oppulisset, multorum, qui ibidem adhuc ignoti Castellæ partibus hæserant, forte tunc interceptas, quæ Mantuæ Carpetanæ per amicos reddendæ erant, Bregantio litteras tradidit. Has cum inier manus Bregantius haberet, fuere, qui eundem adhortarentur, ut statim sepositas, & ne inspectas quidem epistolas extemplo combureret, siquidem nec poterant illæ sine gravi molestia legi, nec sine pari periculo vindicari; Secus autem scelestis conscis, seseque per litteras proditos sentientibus esse, id tandem adjicere virum, & spiritus posset utique desperatio, quod hæcenus spes, secre-

tique

rique fiducia tanquam in otio languentibus, aut occasione impendentibus suppressisset. Haud semper omnia exploranda, aut quærenda dominantibus esse; aliquorum quandoque scientiam magnos exire in animo æstus, & motus, qui aut invincibiles sunt, aut eos vincentes lacerant animos, aut per ultionem effusi in reipublicæ exirium, & pestem desinunt. Nimis scire, aut nescire peræquè periculosum Principibus esse. Quibus, & rectè, cohortantibus, retulit Princeps, alia incipienti, atque dubio; alia firmo, ac veteri imperio instituta congruere, sibi quæ æmulorum in tanta copia, & obsidio, ambiûque insidiarum summa nisi cautio, ac summa provisio adhibita foret, omnia futura ad interitum præcipitia. Percurrit itaque litteras; in singulis ad nomina, ad stylum stupenti similis hæret, complures offendit viros nobiles Lusitanos fraudulentos amicos sibi, Castellensium fautores occultos, qui partim Olivario, atque Regi, partim amicis, concivibusque qui Mantuæ Carpetanæ debebant scripserant ad res novas omnes respicientes & impigrè illas in lubrico imperio sollicitantes. Deprehensæ quoque plures epistolæ sunt à Margarita Sabaudia, ejusque familiz primoribus ad Regem primariosque Hispaniæ ministros conscriptæ ut locupletibus integrisque fidei per illos Regi pollicitæ testibus, quò major auctoritas Lusitanorum dictis accederet. Territusque omninò Bregantium tot diffidentium, & contra se machinantium opinione major in regno tam arcto cognita multitudo. Proinde & in æmulos indignatio, & timor illi præsertim de summa rerum incussus, effluente si fortè secreto, qui erant tunc alii aliis per mutuam cautionem ignoti, parique diffidentia seclusi, ad quod essent ultimo adducti ut periculum anteverterent, tandem è latebris erumpentes per cæca, per obvia quæ-

que discrimina persecturi consilia, atque vires communicarent. Rumusculi interea vulgò manaverant, turbidos scilicet animos, insidiarum domesticas moles, prodiciones, & abditas partes, subreptas quasdam in navi reditu epistolæ detexisse; creverantque propterea populi questus, & voces, cruore quàm citò expiandam sceleratorum civium perfidiam esse & communem invidiam, & labem paucorum exitio extinguendam. Bregantius verò ubi tot domesticos, ac prævalidos inimicos perinde punire, ac remittere illis injuriam exitiabile planè putat, morem etiam gerendum perturbato populo esse per tumultum, per querulas voces, & minas in ultionem urgenti, nec tempore etiam Intempestivo eos viros Principes irritandos, qui cognatione, sive amicitia nobilitatis in regno florem complecterentur, diù secum ipse perplexus, & animo anceps ea edere tandem severa per artes suppliciorum exempla statuit quibus populum, nobilesque deciperet; ergo in villâ, & odiola publicè capita furere primùm intentus, præcepit ut Comiti Populensi qui non minus septus ipse molestiis, quàm intensus erat excubiis custodiæ asperitas premeretur, ne inde, ut ille credi volebar Comiti copia fieret miscere nobilium cætus, ac res turbulentas moliri. Crudelior subinde fors Magistrum Macedum, qui ex Dominicana familia erat, afflixit, quem propriis codicillis convictum ordiri secretò res novas, ideòque sædo carcere tortum, & mox cruciatibus laniatum, cum non ampliùs apparuisset, clam fracto jugulo extinctum fama pervasit. Comprehenus est paulò post Antonius Seneirus ex Eremitis S. Augustini, qui tamen quia Castellensis erat, ad inimicorum satietatem multatus, corpore tandem æger, ac propè cruciatibus mutilus ad Castellam redire cogitur. Hæc ipsa postremò nec minus atrox, quia fi-

At, iracundia Bregantii in domum Suarii omnéque liberos ejus incubuit. Is quemadmodum supra retulimus pro Lusitani Senatus secretis ministrabat eo tempore in aula Catholico Regi, fidus olim Vasconcello, at Olivarii carior, quippe cujus arbitrio quondam indulgisse Olivariu Lusitanus existimabat quò illius quæ tractabat gubernacula imperii ad libidinem, quæstû, regni que perniciem devolveret. Porro autem ex hac tanta Suarii per Olivarium potentia, atque gratia suas quoque præcipuas suspiciones & cum suspicionibus odia Bregantius abundè collegerat, simulates videlicet, & crebriores offensiones, quas acriter ipse cum Olivario contraxerat, & per quas ad extremâ propè perniciem eousque jactatus fuerat, ab eodem Suario excitatas, & per industriam auctas, atque innutritas fuisse. His causis Bregantius impulsus, ut quæ à Suarii convulsa domo quasi eam odio publico devovisset gratissimam sibi, plebique ultionem exigeret, imperavit, ut mater ejus, affines filii, cognati omnes in vincula ducerentur, neve amicorum colloquio amplexûque custodia leniri severitas posset, separat carceres, sicque distractos, & omnium propè solationum expertes variis seorsum miseriis afflicta. Inter hos Suarii filia vidua erat insignis forma, quam flos juventæ, & pudicitie laus, & nitor modestie insigniorem reddebant, cùmque femina sola, & in deserta, & horrida sede à quibus etiam custodiri debet, nefariis oppugnaretur insidiis, fortè scelestior ex custodibus unus ad obscenos Veneris impetus formæ cupidine magis incensus prostituere mulierem aggreditur. Miscentur blanditiis preces, cumulantur promissa, & quæ dulcior captivo est spes libertatis obtenditur, nihilominus verecundia mulieris, moderatio, silentium, & quædam majestas, & ea quidem augustior verè modestæ, ac pudicæ, insita formæ delusis primum illecebris, & prævalente fortasse

pudore coërcuere insultantem. Deinde cum assiduo colloquio, pulcherrimi visus objectu, gratoque rigore jam propè in amentiam transisset amor, scissâ pugionis cuspide vena, cruentisque descriptis, porrectisque litterulis miles insanam testatur cupiditatem, pretium sanguinis pudicitie prædam à femina poscit. At vehementius inde rejicitur conditionis imparitate, turpitudine sceleris, & ad extremum usque spiritum castitatis gloria servanda improbo militi opposita. Hoc amplius impuras accendit in homine flâmas, quemadmodum enim ad rem vetitâ, oppugnatamque magis magisque eam appetendo rapitur animus, ita ad Venerè semel præceps, violentius cum difficultatibus obluçatur, irrumpt. Itaque lenocinia, perblandas, insidiosasque preces, atque amatorie artis illecebras ne quicquam longo tempore miles cum femina expertus ad Philtra, ac veneficia projicitur tandem erâque ibi secum Hæbraicæ sectæ commilito, qui multis in eo regno puellis hac arte illulisse jactabat. Verum tamen seu quod hîc commentis, & artibus doli plus, & fallacie ut quæstu corruptis ut plurimum subest, seu falsa & sua specie incitator valide mentis apprehensio, vel Deus ob mulieris virtutem, atque constantiam vim maleficam fregerit, ea per artem applicita feminæ maleficia, & amatorie quoque pocula frustra consumpta sunt. Ergo ad extremum quod obsecratæ libidini peccandique projectæ, insanæque licentie reliquum erat, nimis impius insurgit, ac torvo aspectu, rabido corporis motu, ira, & libidine multis ardentibus oculis, ni violari opprimique se denique pateretur, mulieri necem inteminatur: adjicit etiam sese dicturum, in fugâ deprehensum cum ipsam retrahere, & secus nequirit persequi injuriam ferro grassatum esse. Mulier, quæ hunc extremæ dementie ictum consultò prævenerat, cum dolo bouo, malove ordiendo qui

in infirmioris naturæ subsidium accedit, longè aptior fœmina viro sit, tunc mortis horrore suffusam, metusque se vicinam simulat, ac fore assensuram libito militis pollicetur; at extra custodiam cum Mantuam Carpetanam ad Patrem certus sibi per fugam pateret accessus, ne amissæ fortasse dedecus pudicitie sibi molestius, & gravius proinissi ludibrio fieret. Re igitur ita reciproco dolo composita, miles dum pergit falsò creditæ fugæ necessaria paratum, id illicò mulier secretæ pietatis ministrum docet, cujus opera tandem mutatis excubiis, impurus miles, sceleris sibi conscius, ac pavidus præcipiti fuga se meritis pœnæ subduxit. Atqui nobilis mulier eò dignior visa est libertate, quod illam pudicitie collatam spreverit.

Dum per hæc plena artificii supplicia Bregantius per interceptarum epistolæ notitiis plebis ipse rumores, minas ubique terroresque ostentando ludificat; quatuor, ac triginta navium Hollanda ex fœderis pacto disposita classis Ulisipponem pervenit, at ea prope modum quassa, & velis antennisque disrupta, quippe quæ à Dunchercanis per iter invala navibus, navalique conserto certamine fusa atque ejecta postremò, una inde amissa multisque navibus laceris cursuque disjunctis ægrè dilapsa est. Post igitur visos, collaudatosque socios, largiusque donis expletos Bregantius restaurari subito naves jubet, vehementer suo ipse animo anxius, ne forsàn, ut paulò ante cum Gallica classe contigerat, spes quoque rueret Baticam occupandi, præterea cum Medinæ Sidoniz Ducem animo ambiguum, ac suæ parum fortunæ, ac iudicio fidenter aspiceret, ut eidem adjectis cum opibus spes, atque animos solidaret, præcepit etiam, ut quæ Lusitana tunc fortè navigia in urbis portu consisterent, celerrimè instructa ad naves Hollandas aggregarentur. Favere insuper visa huic Lusitani consilio for-

tuna est, cum Antonius Tellius Meneus, qui pro Rege Catholico Indicæ classis præfecturâ inierat, per id temporis nescius, quò Lusitana mutata res cecidisset Ulisipponem octo cum navibus appulit; ubi intellecto Ducem Bregantiz in Regem recentè electum ea tempestate rerum potiri, patrii Regis amore, ac populari nomine captus, seu vi necessitatis adstrictus, fidem quam Regi Catholico fregit, Bregantio alligavit, imperique statim auspiciis inverfis, classem quam à Philippo, & pro Rege Philippo moderandam susceperat, jam in eundem hostiliter sumpsit. Hollandis itaque navibus ex recenti clade resectis, illisque duodecim etiam Lusitanis adjunctis sex, & quadraginta navium majorum classis Antonii Menesii ductu Ulisippone discessit. Erecta in expectationem exiis stabat civitas; per ingentem præterea laborem, & sumptum plebique substantias in pecuniarum collectione insolenter expressas, redintegrata cum esset classis, præclari occultique alicujus magni facinoris attentandi cum verbis, tum rebus extenta magnificè spes ea domestica detrimenta, suetasque quærelas populo delinierat. Inter hæc ultro, citroque secretis remeantibus nunciis, id tandem inter Bregantium, Medinæ Sidoniz Ducem Marchionemque Aiamontis convenit, cum scilicet in Gadium prospectu Lusitana stetisset classis, appropinquandi signum, rates tunc appareret in faucibus portus immobilis, simul vexillum inflexi, & cadentis in speciem penderet ab arce: quibus cum cura exploratis statim ad portum infesta classis irrueret. Talia cõsilia tunc in Marchionis domo hac diligetia, & industria decoquebantur. Oppidum Aiamontis belli, quod tunc à Rege Catholico parabatur, designatum armamentarium duas ferme leucas Castromarino Lusitaniz limite distat. Fluvius interfluvies utrosque fines distinguit, loci propterea opportunitas, facilis amnis transmissio, exploran-

darum militæ more rerû hostilium officium, & cura Bregantio, Sidoniôq; pro hominibus sibi fidis accessum, recessum. que speculatorum nomine prætexebant. Marchio verò Aïamontius, qui & fidei erga Regem violandæ auctor in primis Sidonio fuerat, ubi fîctos exploratores in ædiû secreto recipiebat, acceptis, abditisque Bregantii litteris, nonnulla tanquam novissimè cognita hostium consilio bellico referebat, quæ vulgata ipsa etant, aut falsa, aut ita passim jactari Breganti inteterat potius quàm Regis, Sidonio duntaxat in arcanorum partem assumpto, ex quorum collatis duorû excussisque maturè sententiis series insidiarum, & occulta subinde decreta fluebant. Diutiùs hoc astu velata conjuratio processit. Antequam igitur Ulisippone classis excederet, Bregantius hac via cõtorta Aïamontiû, hic Sidoniû citò monuerat, instructâ jam esse classem, ac de littore propè solvere, nõ armamẽto lassè egere, nõ milites animo, videret ipse, recogitaret, ne fortè post primum Gallicæ classis quod inutile fuerat, experimentum, hic alter etiam conatus irritus, re porro in ludibrium seu potius fastidium externis accepta, spè omninò rescindetet Baticæ subigendæ; certa, atque rata jam erant prodicionis indicia, ea diligentiùs observantur. Hoc nuncio Sidonius, qui consilio profectò minor, & animo conjurationem tãtam aggressus fuerat, ubi in rei peragendæ momento fluidas, enerves, ac valdè dubias sibi reputat partes, non satis adesse sibi pecuniar, nec satis auxæ secundæ populi omnia in majus augente metu, & priora, ac celeria consilia ut temeraria dampnante, ubi præterea cùm per injuriã, aut tempus secreti aliquid excidisset, minùs addictos sibi reputat Duces, minùs milites obsequentes, qui animo abalienari jam inter se muginari, & ipsius quasi spernente jussu cæperant, simul & ipsum ubi sceleris magnitudo, certa pericula, incerta præmia, tum animi labor, ac tædia cura-

rum per ingenium volubile, astûsque varios incertæ mentis agebant, tanto oneri tandem succumbens, ac rei poenitentia repentè tactus nefaria consilia dirimit. Cæterùm Lusitana Hollandique classis diù Baticæ portus, & littora circumvecta, directis cum prioris velle tẽdere Gades ostendit, aliàs flatibus destituta inhæret pelago immota, aliàs aura propicia afflante propè jam perrectura circumspicit portum, præstitutû certû, que tantummodò signum expectans, post plurimos dies vela nequicquã circumflectẽdo, cursûmque iterando consumptos, inani denique gyro retorta, cursûque frustrâ jactata, atque omnî expectatione delusa in Lusitaniam protras avertit. Profectò constat ea aviditate prædæ exitûsque conceptû fiducia sublatos classarios milites instituisse, ut inter navigationis moras, & maritimam quietem novos ex laceris velis conficerent sacculos, & raptim veteres refarcirent, tanquam opimis jam captæ, direptæque Baticæ spoliis implendos. Ita excæcat cupiditas animos, deridètque fortuna, qui intempestivè lati, beneficiû quasi Numinis præsumentes triûphum ante adeptam victoriã canunt. Proinde multa cum ignominia, ac dedecore inanitis, ac tristis in speciem Ulisipponem re-vecta classis, memoratu haud facilè quidem est quantû rei vanitate Bregantiû, populûmque concusserit, constetnaritque; integram enim Bregantius novi sibi regni tenèdi spem in ruina Baticæ reposuerat, quam planè tunc profligatã, nec rursus tentandã post tot vacua belli conamina spem, sumptûsq; profusos censebat, & quanquã rescripserat ipsi Bregantio Sidonius ad tanti momenti negotiû, rerûmque ab illo pendentiû ingentem susceptam molem, ne à principio res claudicaret præter Hollandam, ac Lusitanam, Gallica quoque classe, ut priùs data fide pepigerat opus esse, is tamen existimabat velle nunc per ambages, & fucos eluete Sidonium, quod animi inopia

opia, & inertia, vel falso iudicio deliquerat, cum exploratus, ac certius Bregantius haberet, vires & opes non defuturas fuisse, nisi robur, ac nervus pro illo opere aggrediendo Sidonii animo defuisset. Angebat quoque Bregantium, idque aggravabat Principis curas, dum animo recursaret, Hollandos Gallósque cum tanto dispendio, ac labore procul profectos, & semel & iterum ampliori propolita spe devolutos, sibi minus in posterum deditos; atque fidos, & si urgeret necessitas, fore. Accedebat & populi perturbatio per fora per circulos conquerentis, esse certa sibi dispendia ex truci pauperum laniena quæ sita, intolerabilem insolentiam, atque ludibria ferenda militum, incultos, & aridos agros, desertas, ac propè vastas repetitis expeditionibus urbes, futuri verò per arma spem in ambiguo, vel irritò, vel improspere desinentem. Has inter animi curas, fluctusque Bregantius, & tumultuosas populi voces ut in regni positus tyrocinio cuivis auræ loquacis populi mobilis, trepidusque ad regiam tandem, sed iniquam profecto consuetudinem revolutus, erraticæ, ac fluxæ videlicet mortaliū opinionioni, levioribusque rumoribus vulgi litare quandoque per hominū innocentiam, hancque immeritas pœnas reipublicæ luere, statim Antonium Telliū Menescū exauctoravit infontem, perinde ac ejus dolo, aut ignavia facinus aliquod ingens frustratum esset. Novo deinde, & egregio aliquo incapto Bregantius, ut recentis jacturæ, famamque sarciret, classem quæ in portu tunc otiosa deserta jacebat, ad Insulas Tercias adnavigare jussit, ut quæ hæcenus ibi inconcussa restiterant, Castellæ reliquias persequeretur. Eò porro impensius Lusitanis parantibus iter repente ab Indiis allatum est; Angolam ab Hollandis unā cum arcibus interceptam, civitatem D. Thomæ direptam incensam, ac propè cineribus obrutam; omnia per Hollandos hostilia,

infesta, cruenta in regione Indica esse; & quod longè plus molestiæ, & curarū in tanto mestis excidio multiplicabat, ad majora deinceps erectos hostes, prædandumque dulcedine captos ferre illos tum cupidum animū, & propè æquales animo vires, & secundū fortunæ cursum. Perculit hæc improvisæ cladis notitia Bregantium, & quod hic primus fortunæ ictus in Lusitania regnatem latæque ibi pace fruentem læserat, & quod anxius animo volutaret, quid ingenuæ deinde, ac solidæ spei fideique hætere posse in Hollando dum in Europa amicū, & socium, apud Indias acerrimum hostem ageret, & ea quidem ancipiti fide, atque animo affecto post hæc ulurū Hollandū esse quo Lusitanas nisi prorsus accisis ubique opes, saltem infirmas, atque labantes in Europa desideraret, ut liberius ac tutius belli terrores, & clades valeat per oram Indicam fundere, & fortasse Regem Philippum postremo Hollandis conciliatū, erepta per illos in Belgio esse facile relicturum, ut Lusitanum propinquum hostem opprimeret, cum longinqua, & inter se dissita imperia Hispanas profecto vires enervent, ac distrahant, contigua, ut Lusitania est, corroborent, intendantque. Has quæ Bregantiū moleste premebant, sollicitas animi curas in Status Senatū tandem exonerat, requiritque classem ne Hollandam impunè dimitteret, an ut obsidem retineret donec reddita Angola esset. Re ea seriùs exagitata, & in acriorem consultationē adducta. Æquè illa periculosa & per se acerba planè res videbatur exasperare, & contumelia lacerare velle terram, marique potentem Principem, addictū Gallo clientem, inimicum Hispano, & cum adeò eo tempore in arcto res Lusitana & propè in lubrico versaretur, contra se novos intra orbem Europæ concire hostes, per quos & gravius sibi impositum onus, & Gallo amico molestia, & Hispano teterimo hosti inter enatas amicorum discordias prævalendi op-



portunitas fieret. Indiarum præterea tractum nuper Hollandum contracti fœderis lege consulto soluisse: nec porro esse Principi absurdum, aut institutis Politicis novum, amici, hostilive vicissim, aut simul per partes personam assumere, quando consilet id utile esse, nec jure fœderis caveatur. Satis peti à Principibus, si stare pactionibus placeat, quætere ulterius, irrisionem, aut fraudem id potius referte quàm fructum. Ad extremum, ut planè fas, ita necesse pariter esse, potenti, ut impotens cedat, & valido infirmus, & nisi totum rapinæ, & unguibus belli, vel melior pars subtrahatur. Hoc modò Lusitaniz interesse, & quod utilitas potius, quàm quod ira, seu ultio possulet ex jure officii esse Regibus cogitandum, si fortè aliquando, ut nec exigua spes erat, fortuna vertisset, fore ut ab Hollandis & res amissæ, ac pœna simul repeteretur. Hoc ergo Senatus consulto decretum est. De Angolensi jactura, & alterius urbis excidio per id temporis sileretur. Ea interim per Europam, quam dedisset occasio ab Hollandis utilitas caperetur. Deinde, & rursus probata ad Tertias Insulas expeditio, & Hollandas, Lusitanisque naves quamprimùm è portu solvere jussum est.

Quæ res ut magis eluceat, eam altius resumere oportet. Ejutato per Lusitaniam Catholici Regis imperio, eoque à Bregantio legitimi, sed per injuriam quod ejecti hæredis nomine assumpto, hic omnia terrestria, ac maritima simul dominia quæ Lusitano coherere regno computabantur, tanquam sui juris recipere studuit. Harum Insularum quas Tertias appellant, Madeta prima quæ dicitur Insula Lusitana per arma tentata nullo negotio statim expulso Castellæ præsidio plus voluntate, & amore, quàm armis novum Principem subiit. Hujus Insulæ casus studio, exemplo, vel metu perculsa reliqua quoque voluit. Una

tantummodo fida, atque integra hucusque Catholico Regi supererat Insula Angra. Valida ibi erat, opulentique urbs, sed commodior ibidem, ac fortior quæ urbi arx impendebat, multo scilicet milite, multo alimento, ducentis propè majoribus belli tormentis, tum & impigro Præside communita. Hanc ipsam in primis ad fidem mutandam per clandestina colloquia sollicitatam utbeni, erga Duem Bregantiz pronam conjurati cum invenissent, veriti postea, ne desciscientis, tumultuantisque ille motus iniriò urbis, arcem & eam expugnata quidem difficilem, ut sibi caveret, admonuisset, tali propterea dolo frustrà antecapere arcem constituunt. Lusitanus quidam nobilis adolescens coartaneis amicis, & quibusdam interdum arcis militibus Præfectoque lautiora domi sæpè solebat instruere convivia. Per hunc juvenem conjurationis participes statuerunt, cum incautè discumberet, arcis Præfecto tendere insidias, cunctisque tum vino, epulisque solutis inter pocula, & jocos per respersam, ac pollutam sanguine mensam paratis milicæ globis invadere in arcem. Ita loco, & cædis tempore stabilito iam appetebat cruento convivio descripta dies, cum arcano temerè lapsò, eoque arcis Præfecto fortè subolito, hic statim colligere milites, arma commearus abundè, parare impigrè omnia quæ aut externæ vi retundenda, aut obsidioni diutius toleranda paulò post usui futura essent. In hunc modum disjecta fraude, & urbe seorsim Bregantio fidem spondente, cum vi inaccessibilis esset arx, fame illam vincere hostes aggrediuntur: & revera Præfectus satis alimentorum munitionisque in arce subvectum habebat, sed cum incolarum intellecta perfidia & insidiis, sensibusque cruentis, qui erant in loco origine, aut animo Castellenses ad arcem salutis causa magno numero confluxissent, ingravescebat quotidie cibariotum

inopia,



inopia, duplicabátque egestate sollicitis curas humani ferè nulla subsidii spes, & quod neque currentium ordinem rerum, neque Regis Catholici mentem rescire poterat. Præfex in extremo quasi Orbis angulo clausus, & undique hostibus, mari, ac solitudine circumfusus. Igitur post sæpius adversus arcem retentatas ab hostibus labe, & crebriores impressiones, ultimúmque malorum famis terrorem præsentem impressum signiores cum hos lassitudo, hos desperatio exanimatos haberet, induciæ tamen utrinque his conditionibus pactæ sunt, ut nempe arcis obsidione remissa, ad vitæ mensuram inclusis in illa quotidie alimenta ministrarentur, donec rei certior Bregantius per litteras factus hominem designaret, cui arx illa tradenda legitime foret. Vera hæc, & extrema expressa necessitate, an temporum ad captanda intervalla ab arcis Præfide ficta essent, opportunè ad Bregantium delata sunt, postquam secundo jam irritò incepto, ac spe prorsus abscissa Bæticæ capiundæ vacabat in portu classis. Eam itaque classem, ut ratio, & oblata in tempore occasio monebat, velificare ad Angram Insulam jubet, imperium, quo falleret plebem, Meneseo sublatum, ad Tristandum Mendozam transfert, huncque ritè delegat, quemadmodum pacto apud Angram sancitum fuerat, ambiguam ut arcem suo nomine acciperet, simul ut copias sibi commissis per eas regiones deleteret, si quæ ibi fortè residua Castellæ ditionis nominis vestigia essent: quatuor, ac triginta naves Hollandæ erant, duodecim Lusitanæ, incertum, ancepisque semper futurum in bello subsidium, Regibusque omnino cavendum, ubi externæ cum domesticis mixtæ vires exuperant. Et te vera ab initio corruptus, aversusque Hollandorum animus patuit, eorum quippe naves ad quæstum magis quàm bellum compo-

sitæ, & tanquam nundinas petereint congestarum undique mercium onere implicitæ gravabantur, id magis, non prohibente, quàm approbante Bregantio, ne illorum secessione, si fortè is obstitisset, prorsus amitteret classem, neve extenuatis, & modicis palam opibus explicatis opinio ipsum, & fama quæ per se sola non pauca inter homines conficit, destitueret. Hoc ipso apparatu classis Tristano Mendoza Ducè Ulisipponæ decessit. Postridie turbido mari, pleno minarum cælo, ventoque adverso intumescere fluctus, æstusque miscere, connitentibus vetò nautis, variisque velorum flexu frustrantibus auram, hæc inoffensa dies, at summo labore transacta est, fœdior dies altera fuit, & cæli, marisque jactata terroribus, quippe atro nubium globo validior, & copiosior cum vento nimbus effusus, cum coorta tempestas fureret, immanisque undarum moles evolveret, vagè fluitantibus proris, nec regi quoque sentientibus clavis, vique artem simul, artificisque trahentes, distraxit, & rapuit quò fluctuum illisio, quò turbinis furor agebat summo cum impetu naves, & quidem Hollandæ, antequam sævire tempestas inciperet, quò eas ventorum vis impellebat, incolumes sinum Britannicū tenuete, Lusitanæ verò cum destinatum perficere cursum cōtra maris, cælique rabiem vehementer incumbūt, diū circumactæ ventisque luctantibus hinc, inde contortæ alix in Angliam tandem abstractæ, alix saxis ejectæ, ac laceratæ sunt. Navim, quam Admiraliā vocant rapidus vortex momento evertit, subvertitque ex ducentorum propè militū numero nec uno prorsus elapso. Prætoria duntaxat navis, Tristandumque Ducem vehebat, recens cum esset solidiusque pacta periculis nautis, & armamentis instructa, idcirco sola se videbatur, aut nulla quidem alia sese vectorisque procellæ sævitiæ, truculentisque maris fluctibus ereptura. Tristanus

tamen rei nauticæ rudis, aut nimia formidine perturbatus prætoria inconsultò relicta navi in scapham descendit, facilius ea posse ratus attingere littus. Cæterùm vixdum maritimam leucam, terram petendo egerat, cum ibi contorquens ac super urgens unda naviculam immenso tandem gurgite hausit. Periere illic fluctibus obruti Tristanus Mendosa, ejusque major natu filius, simul plures nobiles Lusitani, qui officii, & amicitie causa in itinere Ducem comitabantur. Amissa præterea sunt quadraginta aureorum millia, quæ pro Insularum præsidio reposita fuerant. Paucis interjectis diebus prætoria illa navis velut miraculo tandem subtracta naufragio Ulisipponem reversa est, sed propè quassa, rimisque conscissa. Ex ea Bregantius postquam rei præteritæ ordinem intellexit, mœre simul & ira succensus, vel ob culpam ita confectâ prætoria ab Duce desertæ navis, vel quia solitum erat illi fortunæ defectus, causæque quando id interesset, criminis loco ducere, magnam Vasconcelli interfecti bonorum parrem quam Tristano erga se parto pro merito dederat, ejus hæredibus abstulit, & sisco addixit. At navium Belgarum Duces quæ à Lusitanis ante tempestatem avulsæ in Hollandiam ab Anglia trajecerant, mercibus ibi, quas ab Hispania vexerant positis, ubi ingentem, ac ditissimam navim, quæ Lusitana erat, venire ab Indiis accipiunt, in illam confestim amplissimæ prædæ cupidi selectis cum undecim navibus advolant. Post triduum maritimi cursus Lusitana navis impegit: agiliores naves Hollandæ erant, clavique facilius versatiles nutui; Lusitana corpore ac mole maior & plenior, ac penè in Turris erecta fastigium, idcirco & suo, & congesto intus pondere gravior ægrè ipsa tractabilis erat. Igitur aura secunda propius Hollandæ naves allapsæ hæere modò, modò appetere, circumire Indicam navim, ac ferreâs propè manus

inijcere, cum copiosa, ac pestifera subitò navis glandium excussa procella, coërcuit adversas, latæque cæde temerariè accedentes afflixit. Deinde variante sæpius cælo, ac mare vario Marte pugnatum, quadriduò donec navium certamen extractum bellicum pulverem tandem Lusitanis absumpsit, atque ita exarmata navis, ac penitus victa, quas vehebat ipsa divitias, in Hollandorum manus exposuit. Ea ipsa re igitur paulò post Ulisippone comperta, ne dum sociorum explorata perfidia, rupto jam intra fines Europæ fœdere, Bregantium intimè pupugit, sed cum tot belli expeditionibus irritis, sine ullo reipublicæ usu perfractum jam esset ærarium, maximè doluit, quod tunc illas ruinas, & publicas clades quæ graviore quidem in debili tegno reputarentur, præsentis quoque jacturæ calamitas premeret, cum solito acrius propter Castellæ finitima belli apparatus obstreperet. Novis idcirco insolitisque tributis in subditos cumulandis intentus primò omnium civium pecunias, & opes censuit, partemque subductam reipublicæ attribuit; gravior in ditiores deinde, & metcatores plebrosque fortunarum pernecias quos quadraginta nummum millia coëgit per singulos menses persolvere, umbraticis quibusdam radicibus ad usuram concessis. Mox ædes ipsas Bregantius tributarias censendo fecit, nec heri duntaxat quæ sui juris erat, sed inquilini etiam compellebantur domus locatæ tributum pendere. Profanos præterea, Ecclesiasticosque proventus, ad eos pertinentes, qui Lusitani in Castella sua spontè, aut inviti debebant, omnino ærario seposuit. Singulos denique Lusitanos ex redituum centesima unoquoque anno vigesimam partem in ærariū conferre jussit, quique novas in regno res studiosè nimis quæsierāt, ut tributorum oneribus levarentur, quemadmodum illis contingit qui tædio vel odio

rerum

rerum præsentium ea, quæ futura sunt, iis, quæ sunt meliora plerumque somniant, nequaquam rebus ex sententia muratis, in ædiorum profectum inopiâ demeriti sunt.

Inter hæc Badacocii, qui Castellæ terminus est Lusitanie continuus militum copia, & virtute, cum Rex Catholicus ita iussisset, exercitus parabatur. Præerat his recens collectis undique copiis Monregius Comes, vir quidem ex intima Olvarii clientela, sinuque qui Neapolitani regni regimine functus nuper ad aulam venerat, & ipse experrecto, ac vivido satis ingenio; sed in illa Ducis electione quærere potius amicum ejusque partibus implicatum visus est Olivarius, quam qui dignum præstaret tanto munere virum. Conflatum ex legionibus septem exercitum dux maximè roborabant, quam nempè Ludovicus Saavedra Rivæ Marchio bello Belgico clarus, & quam Falcensis Marchio Hispanie magnatum numero adscriptus ducebant, in his enim Ducibus spectata generis claritas, atque virtus nobiles plures juvenes ad belli pericula illexerat. Tria circiter millia equitum Antonius Pæccus regebat Ducis Scalonæ frater. Ita portò equestribus pedestribusque lustratis copiis in legiones, auxilias cohortes, turnasque divisas duodecim ferè peditum tria millia equitum sub signis Castellæ aderant. At bonus, strenuusque miles capite laborabat, cujus, seu fortuna, seu virtus totam martis aleam circumferre videtur. Quamquam enim Monregius Comes ad res status Politici temperandas sublimi, acrisque præcallebat ingenio. Ea tamen ars quasi arti bellicæ adversa est, illa siquidem tota rationi, & consilio, hæc impensius fortunæ paret, & alia per se cautioni formidini semper admixta, alia audaciæ conjuncta est. Accesserat belli in eo Duce imperitix, ac studio à belli studio curisque alieno gracile, æffeminatum, ac molle corpus, quale fo-

vet ac pascit aula & in summa fortuna, summa licentia, & paria quoque vitiorum oblectamenta, supra quæ voluptatis, ac luxus artifices etiam Neapoli ad aulam conduxerat, quodque illic bonæ indolis, valetudinis, animi corruptela, & inanis illecebra cum servitio spiritus est in sedem regnatricem invexit. Prima igitur illius militiæ rudimenta fuere assiduus histionum interesse spectaculis, prioribusque præfarietate dimissis, exquirere novos, qui fastidium, ac tardia, quæ voluptas quæ citò implet, adducit, variare lenirent, non actione præstarent. Ad hæc parte subtracta militaris stipendii in scenicos ludos contribuere milites iussi, ne inertia sine mercede, ne impunè intempestivæ delitiæ forent, simul epulas peregrinas apponere, vina egregia, & Italico more conditas aquas propinare convivii, tempus & otium, quod lascivienti Principi multum supererat in comessationes, choreas, symphonias, aleam, lususque pueriles conferre. Ita ergo Ducis, Principisque instituto totus jam miles labefactatus, & plerique scortis & popinis impliciti amare, potare, feroces in jurgiis, pavidi in acie, imbecilles, inertes, sibi invicem dissidentes de præda, & libidine, non de belli gloria, & virtute certare. Ea portò luxurie, ac desidia, quæ velut abes vulgò serpebat militum animis resolutis, ac depravatis, cum propè in ludibrium, & jocum conversa apud milites esset Lusitanie recuperatio, magni tunc planè momenti dilapsa res est, Elvum scilicet Transaganz provincie caput, clavemque regni per prodicionem recipiendi. Erat per id tempus huic validæ civitati præpositus Matthias Alburquerque summè fidus ipse Bregantio, ac cives aliquor ibi nobiles vel propensione in Catholicum Regem, vel similitate potius, quam cum Alburquerque acriter exercebant, impulsu, clam in urbem

conferant Castellæ exercitum introducere, quæ hujusmodi industria res ad aures Comitum penetravit. Consciorum quidem urbano mutato cultu, habinæque pastoris amictus, velut pecora pabulum agendo propius ad hostium stariva divertit. Eo loco ut idem animo intenderat, obvis ab hoste facile captus supremi Ducis congressum poscit; statim hoc impetrat, verba enim ejus, & frons, & oris lineamenta, gestusque aliquid altius ea ficta rusticitate ostendebant. Proinde ad Monregium illic adductus remotis arbitris declaravit genus, patriam, amicorum secreta consilia, mentemque opportunitatem agendæ rei, cum discors nobilitas esset, causamque dissidiorum ipsum Alburquerchi civitatis Gubernatorem haberet, quæ incitamento debebant esse facinus maturandi. Porro autem adeo sibi esse strenuas, ac fortes hærentes in urbe partes ut iisdem nervis, ac viribus fisci posse neque inconsulto putarent incolumem, incurantemque sive clam, sive palam intra Elvi mœnia recipere militem Castellensem; tanto verò facinori, ut ea spes secundum industriam, & ordinem rerum haud sanè debilis erat, suffragante fortuna, totius fere provincie tractum propugnaculo destitutum, atque nudatum, quæ ob miram soli fecunditatem provincia Lusitanie dicitur horreum seu vi, seu spontè haud ægrè tandem Philippi ad obsequium rediturum fuisse. Omnia hæc ejusdem ad nutum summo cum studio, arque fide transigere locos paratos esse, nisi occasione ipse contemneret, atque in illo tantum negotio pro sæpè alias ostentata virtute cumularique nominis laude sibi dissimilis esse vellet. Ad ea Monregius laudat in primis Elvenfes, & maxime fidem præcipuis laudibus ornat, deinde se seriùs omnino respondet ea de re consulturum, nam ratione, & providentia magis, quàm impetu aut

incerto fortunæ arbitrio summi Ducis obire munus benè ipse fixum ac destinatum in animo habebat. Illi interim colerent fidem, operique conficiendo aptiora instrumenta pararent, ampliora profectò apud Regem solutæ fidei quàm obligatæ apud Tyrannum perfidiæ præmia adepturi. Hoc responso, atque eadem simulata persona internuntius remissus, amicis cuncta, ut jussus erat, exposuit qui dum labore, arte, & consilio conjurationis propositæ fila deducere student; Monregius contra plus ingenio meticulosus, & iners, quàm animo rectè cautus, dum rem extricare, ac benè dirigere quærit, aliis ex aliis, & ultrò quasitis triceis implicitus secum ipse ratiocinandoolvebat, an per insidias hostis Ducem exercitumque eo versipelli commento peteret; jam per abditas voluntates, multiplicisque naturas varia verborum, & cogitationum hominum involucria, & quamplura quoque funesta, atque publica exitia veniebant in mentem dolis similibus accersita, jam Lusitana suspecta potissimum fides; interdum pro tanti momenti re, ac tam facillimè expedienda fortunam quoque ut immodicè blandientem horrebat, modò sibi, modò lascivia, otioque lassato, ac planè corrupto militi diffidebat. Ita huc, atque illuc tum spei, tum metus per diversa vicissim objecta argumenta sive contraheret, sive explicaret sese cogitatio pro negotio deliberando jactatus nullum exitum reperiebat. His difficultatibus circumventus addere moras Monregius ubi erat opus celeritate, ac prolatando consilia dissolvere, undè is & pericula conjuratis, sibi que notam ignaviam ac dedecus facebat. Igitur ultrò, citroque sæpè missis, remissisque internuntiis, ubi illi pestiferam tarditatem accusant, & importunum languorem animi, eos verò Comes verbis inanibus pascit, ægrè diutius suppressa manavit tandem suspicio, ac Bregantio  
continuò

continuò delata acerbis , & graves Elvi quæstiones excivit. Consilii tamen participes pauci , & cùm viri ipsi nobiles essent , raro exemplo inter socios immania quæque tormenta perpeffos , ac doloribus cruciatos nec se cretum nec fides prodita. Planè constat ipsium Matthiam Alburquercium ut contagione partium afflatum , saltòque in suspicionem , ut postea patuit adductum , à Bregantio subinde Elvensi regimine amotum , eique statim Alfonso Melum suffectum esse. In hunc modum disjecta Elvensis tandem est conjuratio , imperiria nempe , & errore Castellæ Ducis , dum conjuratorum promissa neglexit , aut longius extracta , quàm opus esset , mora , & inscitia corruptit. Quod enim strenuè , & intrepidè Elvenses rem illam suscepiam , eademque constantia agitatam , & subtiliter ductam , exterior si in tempore vis accessisset , alacriter etiam peracturi fuissent , satis vel illud est argumento cum tormentorum contemptus , & superior supplicii , ac terroribus animus , tum per egregia in sustinendo silentio fides , nec porro tantùm in causa detrahere Monregio debere fiducia: vetus tunc videbatur Lusitani in Castellensem cognitù odium , quantum utiq; adicere , quæ recentes jam inter eos itæ , ac similitates exarserant , cùm longè plus urant animos illæ quidem irarum faces , quæ à privato excitantur , quàm quæ à publico odio , & fortuita quandoque res id inter arma facillimè obtineat , ad quod ingentes sæpè conatus obtorpuissent. Talia dedecora ac detrimenta militiæ ubi & pejora quoque subinde pavescens Monregius mente recursat , subit animo cogitatio , opus scilicet esse sibi ministro , qui consilio , ac militari prudentia ejus corrigeret imperitiam , animique remissionem inrenderet. Ademprum propterea Frigiliano Comiti quod laxiùs hucusque tractasse apparebat regimen

Badacocii , jussu Regis , impulsuque Olivarii idem Monregius curavit ad Toraltum Marchionem transferri ; quod illa quidem modestia , & animi æqualitate Frigilianus acceperit , ut pristino cultu , & obsequio nihil omninò remisso in promiscuam honorarii militis sortem , ne à bello vacaret , sua sponte transferret. Erat autem Toraltus vetus , clarusque miles , quique parta gradatim per belli munerum incrementa usu , virtute , ac disciplina militiæ florebant. Hic ergo tutelam , ac regimen urbis , quæ belli sedes erat , ingressus , summa ope primum contendit revocare militiæ morem , statas per orbem vigilias duci , adesse sub signis militem , dictoque parentem esse ; ignavix ac luxuriæ prorsus dehonestamenta convelli. Ad hæc laboris assiduitate , atque studio cùm vitiorum fomes , videlicet otium elangueat , ut contra excitatur militum virtus , ob id arce nova circum extructa lascivientem , ac desidem militem exercere , ac simul urbem præmunire constituit. Urbs Badacocium ad teli propemodum jactum Anam nobile flumen habet , quod ampliori inibi sinu , fluxuque liquidas undas agens in circumjectam se planitiem effundit. Ad ulteriorem fluminis ripam arduus , abruptusque prominet collis , qui si arce quandoque firmatus esset , & flumini , & urbi tum custodiæ , tum ornamento futurus fuisset à belli periculis reputabatur. Hoc itaque loco ab armis tunc feriantium opera militum arx quàm citissimè extructa , munitaque est , cui & sancti Christophori nomen inditum , atque ita quidem excusso laboribus otio ; paulisper à licentia , & consueta militum præda , & rapina cessatum est.

Inter hæc Alfonso Melus Transaganiæ Provinciæ Præses Olivencam , Elvum , Campomajorem , regionis ejus oppida insignia circuire , munire , vallare præsidii , commeatibusque pas-

sim

sim adveētis proximo bello satis prospicere satagebat, cūmq; undique belli fragor, & violentius mox erupturus exaudiretur, militum leves interdum incursiones, aut lignando, aut pabulando hinc, & inde pro tempore, aut fortē intentæ majoris aliquando conflictus occasionem inrerponebant. Pares fermē utriusq; exercitus vires in armis, & pro acie constanda erant: at longē diversum utriusq; propositum, habitusq; Regii Castellæ militēs in statione, aut propinquis hospitibus agebant ad classicū bellique quodcumq; signum omnes parati, instructiq; Lusitanos divisos, ac vagos præsidia plerōq; certæ urbes, & opida continebant, agrē sanē coeūndos in unum, nec nisi prælii necessitas postulasset. Consilium Castellensibus erat oppugnare, laceßere, irrue-  
re quamprimū in hostem, occasionēq; capere conflictus, Lusitanis sua quasi jure retenta tueri, cunctari, circūspicere omnia, & quando impetere vellet hostis, ejusdem retundere assultus. Pro rerum, quæ supererat, copia, superbia, inconsulta fiducia Regios, hostisq; contemptus improvidos; ea ipsa rerum inopia Lusitanos industrios, impigros, anxios & cautos plusquam, & si læsi, irritatq; fuissent, iratos ad certamen mittebat. Amor denique patriæ, natalis tutela soli, arx, fortunæ, foci, conjuges, liberi in commune discrimen conjec-  
ta Lusitanis quamvis belli pondere fessi, & magnopere exhaustis consilia vires, & animos ministrabant. Ut de alieno, vel de aversione potius imperii, vel gloriæ bellantibus Regiis hebetiores in animo stimuli, inanisque ante oculos fulgor observabatur. Cæterū parva res, sed ardore contentionis, & quā pro numero militum major in hunc modum primū utrisq; animorum, & virium experimentum posuit. Vere dilapso anni fervebat æstus atq; se-

getes, ut in agro feraci, atque attentissimē culto, gravide in messē pendebant; tunc Comes Monregius suadente Toralto, mille, & quingentos equites misit, Ductore Teraza ad agros hostiles urendos, populandōq; magni momenti futurum ad reliqua agenda ratus, si incendio corrupta messis rei frumentariæ penuriam induceret hosti. Conflagrabit itaque seges, ignisque fumo, cæde, & clamore permistus longē, latēq; belli terrorem intulerat, cū cladem illam aggorum ab Elvo Melus aspiciens ad mille raptim collectos equites ire hostibus obviam, & communes ultum injurias jussit, mox propius applicitis, ac simul concurrentibus equis circa Elvum prælium confertur atrox, adeptæ trahendæ Regiis, abstrahendæ Lusitanis prædæ sollicitis. Lusitanus, ut ipse expeditus, & rapido cursu, impetuque invehctus in hostem fortē superior in primo congressu fuit, multiq; hostium pars cæsi, pars vulnerati, locōq; motus regius subinde miles, ac trepidus jam fugam circūspectabat; per agros enim eorum plerique diffusi, ac nimia fiducia palantes, alii cædibus, alii facibus ministrandis, præda, & rapina quamplures, & onere sarcinarum impliciti erant. At vi-  
so deinde periculo sociorum, abjectis statim impeditis, ubi coeunt, atque aciem properē intendunt, labisq; integri, & majori etiam numero incurrunt, prælio tum verso, trepidare, sensim effluere, ac fletere ordines Lusitanus, variant tamen fortuna prælium utrinque sæpē remissum, ac penē intermissum, sæpē fortiter restitutum diutius utroq; eventus ancipites tenuit, donec Didacus Bravus Castellensium equitum turma Ductor dum socios hortatur, dum eos quoque voce manūq; juvat, seseq; ubi gravius periculum urget, impavidē offert, brachio tandem, & humero saucius cum ejus militibus visus esset, tum quasi ignominia,

minia, tum dolore percussus Ducis, tantum illis pudoris, atque irarum accendit, ut conferti, novoque ardore, impetūque sese in oppositos, inferentes hostium ordines statim perumperent, perruptos dissolverent, & in fugam solutos persequerentur. Cæsi ex hostibus supra trecentos ex victoribus in varia illa pugna propè centum interiire, fauciorum major numerus fuit. Hoste victo, fugatoque, & quàm metu projece- rant cum gaudio præda recepta, continuo Teraza propinqua Castella expugnatum alacrem militem ducit. Quà equestris hic exercitus incendebat, ubique incendia, hominum fuga, tumultus, & plura patentia, & minora cursim vastata, ac diruta propè oppida sunt. Inter hæc maximè unum erga Bregantium memorabile quidem ex- plo, id nisi error, aut supersticio labe- factasset, fidei constantiam exhibuit. Oppidani postquam in turba, & rapinis, armis, minisque infestum, succesu- que tumentem adventare præsentiant hostem, unà cum opibus oppido sta- tim relicto, nonnulli diffugiunt, nume- ro plures ad amplissimam turrin, quæ propius erat, evadunt, certi iidem ani- mo, obduratque cruciatus potiùs om- nes, ac mortem, quàm voluntariam deditionem subire, rudique vulgo il- lam animi pertinaciam Parochus qui- dam fortè ibi inclusus indiderat, ille ipse credens, aut ita fortasse credi falla- citer volens, iusto pro bello vel sponte perire, id ipsum sacri martyrii coronam asserere. Fugitivorum ergo refertam Castellensis Dux circumvectus cum equitibus turrin ad deditionem paci- ficè primùm cohortatur obfessos, ut suam citiùs experiri clementiam, quàm militum rabiem malint, idque eis per præconem semel, & iterum inculcari præcepit. At illi stultè feroces, maledi- cere hosti, pungere contumeliis, in me- liori tanquam fortuna positi petulan- tiùs jactare minas, acriusque verbis, &

rebus promptos injuræ vindices in- flammare. Tunc inani ea fiducia indi- gnatus Teraza, ac simul etiam miratus adeò insulso, adeò superbos homines illos in extremo quoque periculo fure- re, atque insanire, succisa virgulta, ac sicciora quæque sacramenta cum arida passim ex campo collecta materia con- geri jussit, illicò ignem turri suppositu- rus, nisi aliquid Lusitani de sua duritie, atque insolentia remitterent, & hoc ter- tiò illis etiam per præconem indici man- davit. Verumtamen circumfessi jam altiùs superstitionis errore capti, idque martyri differre triumphum, & glo- riam tantummodo rati quod interpo- situs esset murus, accedere faces, com- burit tutrim, trucidari, cremarique cor- pora responderunt; nam pro regia oc- cumbentibus fide mors initium beatae, & miserrimæ vitæ finem constituisset. His auditis repente risum Teraza sustu- lit, *Et his porro cæsis luemus victimis,* inquit, *tali perfida capiti, Genevensis- que saxis magna ista nomina celebrent.* Itaque sicce atque aridæ cumulate cir- cum materię supposita flamma, eaque venusto atque exelo statim correpta la- pide, facibus etiam in turris fores, in te- cta conjectis, cum per ima, atque sum- ma latè globos tendendo serperet ignis, voracique illo impetu quidquid affla- ret, absumeret inter exustæ domus rui- nas, candentes passim acervos, ac tor- rida saxa horrore tadem, ac strage cun- cta complevit. Plures igitur semiuustos, & laceros hostes atque ignibus muti- los ardentium postassium, & trabium, & ruina saxorum oppressit, plerosque omninò celerior vis flammæ perussit; aliqui per tumultum, aut saltum teme- rè incendio erepti in circumfusis, foris- que strictas militum cuspides inciden- tes protinùs trucidantur. Ita sanè ob- fessorum ex numero utriusque sexus in- genti nemo superstes evasit. Post hæc præda, & rapina equitatus onustus, ac victor ad Monregium regressus est, qui

Teraza,



Teraza, atque Bracco laudibus cōmendatis, ad longè inde majorem elatus spem capere quoque Olivencam improvise impetu cogitabat. Hoc oppidum situ loci Castellæ finitimum, omnique belli munimine hac tempestate clarum ab Anæ larere positum Badacocio quinas circiter leucas abest. Utriusque propè confusos limites regni vasta nec fluvio ullo, nec monte, ne ullo intercapedinis signo distincta planities miscet. Frequenter idcirco accidit, ut vigilæ vigilias hostium, & statio statione adversam præmeret, & sive aquatum, sive lignatum uterque vagando pergeret miles, eade, & cruore cuncta redimere cogeretur. Monregius itaque Comes quò nobilis oppidi additamento etiam inoffenso, certoque uteretur pro militibus campo Olivencam interciperet statuit. Tanti momenti gerendæ rei Martinus Moxica cum legionibus tribus eligitur; huic & Teraza majori cum parte equitatus adjectus. Progreditur acies; sed tantum moræ interposuit hic lentè, ac remissè pergendo miles, ut non nisi provecta jam luce in oppidi aspectu constiterit. Cæterum cùm eo tempore fortè imparatum, ac nihil tale timentem hostem, tum ferè desertas murorum custodias, & omnia soluta, ac neglecta apud hostem præter spem nactus esset Moxica, simul res improvisa, subitus terror, sua, & opportunitas hostium vel ad fortunam tentandam itinere minime fessos impelleret, ad mores pristinos tamen relapsus facilè miles, dum reluctatur incæpto omnèsque aditus intetclusos, aut ignavia torpescens, aut metus caligine offusus exponit, prædarum utique avidior, quàm acquirendæ gloriæ, iis passim expletus ad castra tandem regreditur. Percussus rei hujus frustratione, & militum maximè negligentia Monregius, paucis transactis diebus retentari accuratiùs conatum jussit, auctisq; præter iururas ad idem faciendus copias, Marchioni quoque Riven-

si frequenti cum agmine imposuit Anæ transitum custodire, ut inde præcisa subsidia essent, si præssio fortassè conspecto oppido voluisset succurrere Melus. Res tamen rursus, ac strenuè tentata pari vanitate, ac segnitie corrupta est. Quæ ita gerendi belli ludibria, atque irrita tentamenta haud quidem injuria Monregio Comiti imputabantur, quippè qui in umbra, atque otio deliciis sedendo affluens objectare periculis, ac terere quoque labore corpora militum vellet, quique satis sibi ipsi temperando non posset, aliis præsumat imperare.

Hos irritos belli conatus fortuita subinde oneravit Toralti Marchionis occisio. Badacocio femina versabatur, cui præter pulchritudinem oris, colorum signata, & corporis cultum, omnia turpia, spurca, abominandæque erant. Hæc Granatensi cuidam Tribuno militum quotidiana stipe turpiter mancipata, ut scædum hoc genus semper instabile, vorax, fallax, atque intemperans est, Hibernensi quoque gregario militi tenuiori alligata mercede se clanculum prostituera, ita ut eodem tempore utrique decepto amasio, & alii alii prorsus ignoto venale vulgaret corpus. Tribunus autem nonnihil postea de falsitate scemina suspicatus, & cupidus quoque veritatis investigandæ, brevem absentiam Ducis præcepto simulat, & abeundi etiam veniam à pellice accipit. Interim in amici, scortoque obversa domo propinqua latitans, dum per aditus rimas mulierculæ fidem explorat, fortè rivalem militem videt, qui incautus vestibulo hærens & sales, & jocos jam mollis, & blandus, jam gestu solucior cùm scemina miscens, fictis tandem veneficæ illecebris ad interiores ædes perducitur. Hæc postquam videt Tribunus vesano furore inflammatus, & impetu præceps nudo ense ad aream procurrat, sublatoque clamore



more domus abscindere fores minis, & ictibus nititur. Dum ita furit, dum contumelias & probra jacit, ad voces, ad arma confluente undique milite, se-va ibi exorta militaris seditio est, hinc Hispanis pro Hispano, inde Hibernensibus pro suo commilitone certantibus. Ad strepitum, atque tumultum, qui fe-rè totam compleverat urbem excitatus Marchio Toraltus advolat gladio tan-tum munies, cætera inermis, ac propè nudus; vider ibi cruentas passim mica-re cuspides, & igneas volare pilas, & alios saucios, armis quosdam exutos, plurimos humi stratos, spirantèsque re-clamat militibus, increpat, eos revo-care contendit imperio: at implicatus auribus miles præ fragore, ingentique tumultu ejus imperium, aut vocem accipere minime potest. Toraltus igitur temerè se in confertos seseque pre-mentes militum cuneos immittit, ibi-que servis duobus ad pedes ejus col-lapsis, & ipse casu altera manu per emis-sam è fistula glandem transfigitur. Gu-bernatoris, Ducisque ubi conspicitur vulnus præ horrore, ac tristitia statim seditio resedit. At ille tota subinde ma-nu, eique commisso brachio, cum ser-peret ulcus, intumescens, paulò post lethali febre correptus extinguitur. Clarus profectò miles, & ipse clarior in bello Dux & inter illustres nationis Italicae Duces peculiari quidem memo-ria, ac nomine dignus, qui dubiis tot præliis, & casibus belli sua diutius vir-tute, ac fortuna superstes, inter sordi-dos modò rixantium militum, cæcus, ac viles turbas occiderit. Id molestè Rex tulit & Dux, Comesque Oliva-tius, totaque aula commiserata tanti militis infortunium asperius, quàm an-teà propterea cepit in Monregium Co-mitem invehi. Ea videlicet esse præ-clari hujus, novique Ducis documenta militiæ comescabundum, & ebrium ad pugnam procedere militem, partiri sti-pendia cum histriionibus, scortorum in

gratiam serere prælia, pectus frõctumque in levioris momenti dissidiis, & jurgiis, in acie hostibus terga dare; in omni de-nique corruptela militiæ genio militum indulgere, perinde ac tanta licentia, li-bido tanta omnisque disciplinæ bellicæ dissolutio non in communem tandem perniciem casura foret. Præstantissimos interim Duces per summi Ducis socor-diam, & militum insolentiam, & rabiem Regi Catholico abstrahi, nec Monregio sane Comite integro eam ab exercitu pestè labemque revelli quandoque pos-sse. Quod enim exercitus caput pravo exemplo militem docet, inferioris qui-dem ordinis nemini vel dedocere, vel etiam coercere, & si acrioribus velit sup-pliciis, copiâ ullam futuram esse. Haud nescius erat Monregius, ut aulicus me-lior quàm miles in aula se tunc apud Regè, & Olivarium æmulorum insecta-tionibus lacerari, ac proscindi, eorùm-que in se gratiam diuturno labore, ac sollicitudine partam, auctamque jam gravi periculo expositam, & per ea in-terjecta accidentia opportunam illorum concortis ictibus esse. Ea propter insigni re aliqua gesta desiderabat, & suæ opi-nioni jam læsæ, ac propè cadenti Prin-cipis gratiæ succurrere. Accesserat quo-que in magnum rei agendæ momen-tum ac spem Ioannes Garaius, qui pau-lò ante in primarium Castrorum præ-fectum iis copiis per Regem adscitus pro ætate, ac veteris celebris militis disciplina ingentem apud omnes expe-ctationem conciverat. Hunc hominem ergo Monregius Comes per insidias, & improvisò sed totis viribus jussit adori-ri Olivencam, sin minùs procederet dolus, nec aliter ipse sentiret, palam in illam impetum facere. Secundum hæc jussa paulò mediam ante noctem è sta-tivis exercitus proficiscitur. Primam pe-ditum aciem Rivæ Marchio ducebat, extremam Moxica. Præbat universo cum equitatu Paceccus. Jamque è fron-te Olivencæ tenebrarum latibulo reclus

constiterat miles, anxiusque Garaius extremam præstolabatur cum tormentis obsidionalibus aciem, ut satis instructus, ac præmunitus oppidi muros aggredederetur. At nimis serò hæc, primaque non parum adulta luce pervenit, ex vehiculi, tormentique bellici inversione iter pergendi moram diluente Moxica. Intet hæc dux ferè cum essent horæ matutinæ dilapsæ, propinquo, infestoque Lusitani exercitu viso, omnemque belli ante oculos explicante terrorem, ac diras circuire subito portas, pro muris, pro vallo frequentes adesse, ac stationes firmare, belli tormenta sæpius excutere; quæ portò non paucos incautè fortè progressos Castellenses interfecere. Tunc Ioannes Garaius ubi non furto, & insidiis, ut animo volutabat, sed aperto esse Marte pugnandum vidit, primariorum ex more adhibito Ducum consilio paucis verbis exposuit quàm arduum, quàm importunum, & spei quoque levissimæ, ac propè perditæ foret per expeditionem illam confusam, ac penè tumultuariam tantæque mole minorem Olivençæ receptionem in-

„tendi (Sese, quidem imparatos,  
 „ajebat, aut dormientes, aut propè  
 „somno oscitantes, ac nimia fiducia  
 „torpentes ad primùm copiarum in-  
 „cursum Lusitanos reputavisse, nunc  
 „verò adeo alacres; ferocēsque & vim  
 „potius inferentibus, quàm repellentibus  
 „similes pro vallo, pro mœnibus  
 „exultare, & oris, arisque crepitu  
 „obstrepere minas jactantes, &  
 „amatoquentes, ut consilium, quod  
 „tutum, vel saltem minùs periculosum  
 „res improvisa, ac celeritas effecissent,  
 „jam cunctatione, & intellectus errore  
 „labefactarum sit. Dura huiusmodi initia  
 „asperiores planè exitum polliceri, ex propinquis  
 „namque præsiidiis traducto consensum  
 „militæ Lusitanum pleniorque raptim  
 „composita acie, tunc parvo

negotio posse ad ferendam obsessis opem concurrere, cum ipse Garaius nec aggerem jaciendi, nec munimenta struendi, nec alias obsidionales res adornandi copiarum satis, ac temporis habuisset. Quocirca, & à tetgo, & à fronte, tempore, ac loco longè hostibus æquiori quàm sibi circumveniri exercitum per ea scabra consilia periculum obversari: præterquam quod præsentis copias, apparatusque militiæ iusufficientes, ac valde tenues existimaret, & obsidioni validioris oppidi sustinendæ, & externis, si fortè ingruerent, simul viribus propulsandis: fama plerumque vel arte, aut inanum aucupio acquisita proficere bella, quæ latis, seu tristibus rerum tenaciùs hætere soleat initiis. Proinde Olivença se tandem fractos, & cum ignominia, ac dedecore forsitan abeuntes, exhaustos faciliùs sumptus, ac dissipatas in prælio copias quàm opinionis, & famæ publicæ detrimenta labēsque reparauros fuisse. Id tamen se modò nec probare facinus, nec refellere, eorumque judicio, & consilio, & cum factò esset opus belli quoque fortuna usum; arbitrium ea de re sibi à summo Duce concessum, ipsorum sententiis diligenter excutiendum purè, ac simpliciter tantum militiæ more proponere, ratum in animo habentem nec libertatem, nec belli peritiam, nec bonam mentem, aut studiū in opus collineandi ad suffragia jam extinctis decitura.) Post hæc reticente Garaiō Rivæ Marchio præter fervidam juventutem, militari quoque concitatus ingenio, & ardore his propè dictis alacrius certamen poposcit.

Dies hæc prima denique nobis egressi cōmilitiones, illuxit, quæ auspicata militiæ gloriam, ac decus dudum has copias otio, sitūque marcentes, suisque immemores ferè nominis jam vigentes & integras omnes ad conferendas cum hoste manus, laureamque ab hoste petendam

petendam eduxit. Si ergo ut rectè  
& appositè dictum est, oportet in  
bello famæ potissimùm inservire,  
quæ in principia rerum gestarum,  
diffusosque primò rumores præsertim  
incumbit, cur hanc primam exerci-  
tus expeditionem inanem, aut irri-  
tam, & verius ut dicam, cum con-  
tumelia, turpique nota nos spontè  
cadere patiemur? profectò nec tam  
aspera, tamque iniqua belli cum ho-  
ste conditio est, nisi affusus menti-  
bus metus vel ex orio diurno, tabi-  
dæque desidia quidam collectus ani-  
mo stupor, pericula, ut solet, au-  
geat, virtutem, ac fiduciam immi-  
nuat. Exigua, ut videmus hostium  
belli tormenta sunt, quæ bilibres  
tantummodo pilas emittunt, muro-  
rum lorica dejecta, vixque hominis  
medio tegendo corpori apta. Miles,  
qui nunc procul ebulliens ferociam,  
virisque procaciùs per inanes figuras  
ostentat, mox tanto exercitu circun-  
fusus, atque undique adstrictus ani-  
mi statim inopiam quæ cum hac se-  
vitate, jactantia, nimis effusa læticia  
sæpè sæpiùs conjuncta est, patefaciet.  
Atqui externa subsidia metuo, di-  
cer fortasse aliquis, quæ celerius qui-  
dem in unum, fortis dum constet  
oppidi obsidio, confluent. Planè  
quæcumque ad nostes suppetit co-  
minus, eminùsque venturæ sunt, per  
Anx pontem trajiciendæ sunt, qui  
valida manu præreptus, illas satis ar-  
cere, aut excipere, aut earum transi-  
tum prolatare facillè poterit. At etiam  
præcipuum hujus expeditionis fuisse  
institutum non expugnare Oliven-  
cam, sed intercipere. Quid ergo, num  
omnia, furto & insidiis labuntur in  
bello? num omnia assiduo labo-  
ri, temporisque diuturnitati succum-  
bunt? Multa nimirum prima incurfio-  
ne, vique militum acta, quæ longa  
obsidione, aut per injectas moras, aut  
librata seriùs pericula evanuisent.

Mars ipse belli sæpissimè devius, ac  
varius eousque interdum promptiori-  
bus adest, ut per eventus culpa corre-  
cta temerariis, projectæque viris au-  
daciæ quandoque crimen in gloriam  
vertat. Cæterum si hunc exercitum  
frustrà retractum irritis ac publica  
contumelia sequatur, per hæc à no-  
bis toties quæsita ludibria belli via-  
rumque circuitus, & flexus inanes,  
nonne perfidis firmitudo, dubiis in  
fide lapsus, desperatio bonis Lusita-  
nis incurtietur, ex hoc scilicet vires,  
consilium, aut animos nobis deesse  
cernentibus? Saltem eadem ferè in-  
commoda, ac detrimenta rerum ma-  
nebunt nos sive nihil cum recesser-  
imus, sive aliquid cum in rem in-  
stiterimus infelicitè etiam ausos,  
quando præterea tentandi nunc belli  
fortuna utrisque cõmunis, & æqua est.  
Temporis quidem satis hucusque à  
nobis amissum; satis audaciæ ac pe-  
tulantix rebellibus patientia, & mo-  
ra nostra contulimus. Juvare nunc per-  
tinaciam, incrementumque licen-  
tiam confringere hostis, nostram  
nos ignominiam, si alia re fieri ne-  
queat, sanguine abluerè. Ratio æqui-  
tas, sana fiducia nobiscum erunt, qui  
adversus perduelles inferimus arma.  
Aderit simul Numen, Hispaniæ mi-  
litis robor, faustum auspiciu, ac  
nomen inclyti Regis, qui contra  
Tyrannum insurgit. Postremò si cæ-  
teri nimis segnes, aut cauti, nimis  
prudentes, aut timidi plus esse sibi  
cavendum quam in re nunc auden-  
dum existiment, expectentque for-  
tasse cum fortuna pacisci, aut ipsam  
in desidentium, ac dormitantium ho-  
minum sinum ingerere palmas, equi-  
dem solus cum meis legionibus ir-  
ruedi statim in hostem potestatem effla-  
giro. Adhæserint aliù necne, seu nos  
eventus in re semper incerta fefellerit,  
solatio ramen, & gloriæ morientibus  
fuerit primæ expeditioni pro Catholi-

„co Rege susceptæ ampliori virtute ,  
 „quàm forte cruotem , & spiritum im-  
 „molasse.

His à Rivenſi ferociter dictis , alio-  
 rumque prolatis in medio ſententiis  
 Sebaltianus Moxica , & Geraldinus Hi-  
 bernenſium Tribunus militum Rivenſi  
 Marchioni acceſſere. Matchionem Fal-  
 cenſem , Terazam , & Paccum equi-  
 tatus magiſtrum contraria ſententia te-  
 nuit. Aequatis ergo ſuffragiis , ut in re  
 dubia gravique , placuit Garaio Mon-  
 regium conſulere. Iràque Rivæ ipſe  
 Marchio ad Monregium rem delaturus  
 cum equo rapido veſtus eſſet , eo  
 præcipiti curſu ire ad illum cum his  
 mandatis approperavit , ut ipſo ſeſſore  
 deſiliente equus ſtatim examinatus pro-  
 cident. Audit Monregius habitum rem-  
 rum , Garaii conſilium , æqualitatem  
 ſuffragiorum , mentemque Garaii ad  
 certandum proclivorem interpretatur ,  
 ſiquidem ipſum Rivenſem miſerit ea de  
 re Montegium edoctum qui in calcu-  
 lorum collatione pto certamine cen-  
 ſuiſſet , ille tamen more ſenum asper-  
 natus ardorem ac ferocia juvenis dicta ,  
 quibus arma inculcabat , veritus ſimul  
 ipſe decernere quod in dubium vocaſ-  
 ſet vetus , inſignisque miles Garaius ,  
 neve Olivarii quoque Regisque præte-  
 rirer imperia tutelæ Provinciæ tantum ,  
 niſi nec illa proſus incerta aliquod ma-  
 jus fortuna promitteret , circunſcripta.  
 Poſtremò ea inſita animo inertia , ſuo-  
 que implexo , ac trepido nimis ingenio  
 uſus extemplo inde juiſſis retrocedere  
 copiis , meliori ſe tempori reſervare  
 conſictum dixit , quæ quidem tempo-  
 ris intervalla , armorumque remiſſio ,  
 ut nutantis tunc regni primordia con-  
 ſolidarent , Luſitanis ſemper utilia fu-  
 tura erant. Vacuus reverſus itaque mi-  
 les , ac ſuis ſtationibus diſtributus im-  
 pudentiùs , ac laxiùs deinde vitis ſeſe  
 priſtinis volurandum abiecit , nec ea  
 omnino audebat prohibere Garaius  
 quia Monregio ſe ſatis ſciebat amula-

tione virtutis inuſum , neve acrius li-  
 centiam plectendo militum , ipſi etiam  
 Duci morù ſimilitudinem exprobraret.

Dum hæc apud Caſtellenſes agita-  
 bantur , Uliffipone graves in Bregantii  
 caput iniecit inſidix ſimul exortæ , atque  
 diſjectæ ſunt. Bracarenſis Antifſtes vir ,  
 ſicut alibi diximus , animo conſtans ,  
 intrepidus , acer eo in Catholicum Re-  
 gem ſtudio , & amore quo in Bregan-  
 tium flagrabat odio. Hic igitur ab ini-  
 tio defectionis impiger , anxiusque quo  
 ſcilicet modo reddere ipſe Philippo  
 Regi Luſitaniam per injuriam ablatam  
 poſſet , ideoque ſpem ex ſpe , & ex  
 conſiliis conſilia volvens , attrectare  
 poſtremo primorum animos ſtatuit ,  
 eosque blanditiis , & artibus ſenſim il-  
 licere , multo quidem facilius pluri-  
 morum conſentiumque livore proce-  
 rum , occultisque ratus inſidiis quàm  
 armis externis invidioſum , ac præco-  
 cem Regem oppreſſum iri. Ipſe nam-  
 que Bregantius novo in illo , reſtrictò ,  
 dubio atque oppugnato paſſim imperio  
 magnatum præcipue potentiam , &  
 opes ut ſibi maxime infeſtas ſuſpicie-  
 bat. Porro autem Principis idem metus  
 cum jam omnibus exploratus , & co-  
 gnitus eſſet re ipſa moleſtior , & gra-  
 vior in ſubditos recidebat , dum ex-  
 peditior , ac certior in manu Principis  
 per vindictam omnis còtractæ ſuſpicio-  
 nis extinctio , quàm tota ſubditis cautio  
 ſive tutela foret , maturius idcirco niſi  
 Bregantius præverteretur , ſibi aliquan-  
 do pereundum eſſe cenſebant. Hac diſ-  
 fidentia , hac formidine animi peraque  
 illis viciffim inculſa , & mutua ſuſpi-  
 cione , atque odio animis ulceratis ,  
 ſciſſisque , conjurationem , quam diù  
 agitaverat animo aggrediendi Præſuli  
 Bracarenſi opportunitas orta , ſimul  
 etiam , ut ea primariis lectisque viris  
 innixa ſuſtione , auctoritate , conſilio  
 promoveretur. Rem præterea , ut pro-  
 ſperè flucret , quamprimùm acceleran-  
 dam arbitrabatur Antifſtes , ne ſervire  
 forte

fortè conseruo, quod erat initium, & causa miscendi omnia, impositoque repente cervicibus jugo jam magnatibus assuetis cum tempore, & usu emollietur invidia, nève potiùs favorum & gratiarum illecebris à Principe captis, ac delinitis; alternæ suspiciones, è quibus acra manabant odia, turbatumque semina pullulabant, dirimerentur. Novus præterea Rex erat; regni res fluctuantes; sui ipsius studiosos Rex Catholicus multos habebat; & majori fortasse iniquorum delectamento res trudere novas novissimæ potuissent. Cæterum inter regni summates cum partes, & Principes partium ad conjurationem solidè statuendam requirerentur, hoc seriùs Antistiti volutanti generis causa ut regio stipiti propiores & splendore divitiatum Averi Dux, & Villæregalis Marchio in rem occurrerant. A Duce tamen Averi qui potentia, ac dignitatis specie, & familiarum amplitudine longè superior erat, imbecilla & gracilis ejus ætas Antistitem avocabat. Hinc ferebatur in Marchionem, quem supra generis claritudinem, & immodicas opes, rerum etiam usus, & decora canities, & popularitas commendabant. Huic igitur viro Bracarenfis studio, & industria, & ejusdem quoque in Regem propensione in partes facile tracto, conjurationisque Principi constituto paulò post Dux Camignæ filius ejus aditus accessit. Deinde per seria, per jocos, dum causam Antistes callidè flectit, & casu, an consilio, & tentabundus tunc loqueretur incertus conspiratis denique implicuit supremum fidei Quæsitorem, post Cruciatæ Præsidem, & Comitem Armaris ipsius Antistitis consanguineum, ac tandem Augustinum Emanuelem spectatæ nobilitatis, ac fidei virum. His viris egregiis velut conjurationis capitibus constitutis, & Ecclesiastico Principe cum Profano ad majorem ostentationem, & plausum gerendæ rei populi-

que errorem, & fucum adjuncto, simul omnes secretò conveniunt, & qua ratione agendas res esset consultant. Variè primò sententiæ ut diversâ illas studia, mores, ingenia, hominum ætas agebant. Tandem in Bracarenfis ut totius negotii auctoris sententiam itum; qui omnium consensû in hunc modum cogitatas insidias struxit. Die videlicet quinta mensis Augusti conjurati nocte intempesta in Regis quatuor distinctas partes, in totidem arcis angulos flammæ, & oleo interlitas faces, & alias aptas ignibus escas injiccrent, cumque muris, tectisque correptus ignis intus, & foris tumultum, & metum undique exciret, flammæque restinctum, ut solet plerumque tumatim concurreret populus in ea fluctuatione animorum, & retum omnium confusione conjurati promiscuè tanquam opem & ipsi ferentes per incendia, adiùmque ruinas, fuctasque tumultibus prædas irrumperent, Bregantium confoderent, uxorem ejus, ac liberos caperent, eodémque sese tunc collidentis, ac trepidantis multitudinis impetu disturbatis, cæsisque repente custodibus arcis in Regiam, & arcem simul invaderent. Quibus fortasse prosperè gestis Bracarenfis statim Antistes, fidei generalis Quæsitore, & Cruciatæ Præfessacro, ornatu, habituque quemadmodum fieri in sacris solemnibus solet, magnificè exculsi in publicum prodeuntes rei novitate attonitam fortè, seu resistantem sedarent plebem, tum & Villæregalis Marchio urbis, & regni administrationem susciperet, donec monitus Rex Catholicus, sicut ei placuisset, imperium, regni que jura repeteret. Hæc magna animorum alacritate, ac tumida spe decreta cum essent, succurrit hominibus etiam quia jam Catholico Regi nec Lusitania procul & terrestres & maritimæ in armis abundè suppeterent copiæ, rem omnem, ac statim prædocere Olivarium, ut quo

tempore idem Ulisipponem conjurationem perpetranda capessent, eodem & ipse curaret, ut terra, marique applicite copie, & classis præsertim, quam citissime posset, Ulisipponem appropinquaret. Hærebant tamen velut in salebra cum planè reliqua statuisent dum sollicitè reputarent, cuinam, & quâ tandem ad Olivarium ferendas has secretas cômitterent litteras, cum omnes passim Bregantius circumseptas tenebat vias, magnique momenti arcenum, quod steterat adhuc intet viros ut nobiles incorruptum, labile aut anceps profectò futurum, si hominibus sordidis misceretur. Necessitate tandem compulsî, cum prius omnia circumspexissent, nec aptior alius incidet animo Petrum Baëzam mercatorem regni ditissimum elegerunt, cui per speciem quidem officii externa cum hoste petmissa litterarum commercia erant. Nec factu difficile fuit oblata largè pecunia, extentisque promissis venalem hominem trahere. Baëzæ itaque à conjuratis cteditæ epistolæ sunt, quas ille cutaret ad Olivarium perferri. Ipse mox per errotem, falsamque fiduciam recto tramite per Baëzam immisissæ litteræ in Aiamontium Marchionem tanquam amicum impingunt. Is per epistolam tunc explorata Sidonio confestim nunciat, utriusque subinde consensu, & atcanorum notitia, & ipsæ litteræ casu interceptæ ad Bregantium delatæ sunt: Bregantius cum ingenti tristitia, & animi horrote perlectis epistolis, rei que novitate perculsus, ac summè teritus vocat extemplo intimum amicorum consilium. Insidiarum ibi resecta, execratæque maximè mole, audit idem attentè, versatque singulorum sententias. Postremò ex amicorum consulto rem ita peragit. Die per eos constituta Bregantius in latissimam Regiæ aream, omnes, qui in urbe, vel circa erant convenire milites juber, velle tunc ipse bellatorum inire numerum, simulque sti-

pendia solvere dictitans. Id tempotis etiam quos integra fide noverat obstrictos sibi clientes ad se vocatos alium ab alio diversos Bregantius aggreditur, iisque porrectis, cautisque signo chirographis mandat, ut ea non nisi domum reverssi solvant, soluta verò ac perlecta citius mandata conficiant. Post hæc tanquam magnum, & arduum de bello sibi tractando negotium objiceretur, Status, Bellique Senatam frequentem cogit, quò Villaregalis Marchio, & Bracarensis Antistes cum aliis ex conjuratis qui ejusdem Ordinis erant, consultum temerè ingredienti, tunc omnes in Regia capti, & custodiæ traditi sunt. Camignæ Ducem in foro stantem satellites comprehenderunt. Inter hæc, qui abditos signatosque à Bregantio receperat codicillos, his domi reclusis, lectisque postquam singulis amicis, singulos reos corripere, atque in privatis asservare custodiis mandatum inveniunt: tam accuratè, tam prosperè eo officio defuncti sunt, ut conjurationis prætentæ conscii, sive suspecti septem, & quadraginta meridianam circiter horam omnes custodia, & vinculis tenerentur. Vulgata subinde causa per strepitum, populique tumultus fit concursus ad Regiam præproperam conjuratorum vindictam minaci clamore, fremituque poscentis. Momordit hoc nimium populi studium, qui regni initia præcipuè pavebat, Bregantium, tacite secum considentem, tumultuarium quemcumque sordidæ plebis conventum, atque concursum, sive hæc infesta, sive propitia, benèque affecta eocurrent, ob ejus stultitiam, animique mobilitatem, periculosum, ac dubium semper Regibus esse; tum vetò id planè videri quoque deterius, quod cujuscumque gravis, levisque momenti suborta returbulenter cœre, efferre tumultibus se, & velut minitabundus dare Principibus leges malo exemplo assueceret populus, sacræque Regum consilia

lia ad multitudinis temeritatem trans-  
ferri, id ipsum tamen jucundum, & ma-  
ximè gratum in speciem pro tempore  
accipiens, illi gratias populares per ho-  
mines agi, leniri animi ardorem, di-  
strahique frequentiam iussit. Mox, quò  
verè actiora, ac diuturna populi odia  
ex flagitiis concepta magnitudine fie-  
rent, minùsque illum in homines no-  
xios jam meditata supplicia tangerent  
ex composito, & falso vera tunc inten-  
dendo in vulgus passim effusum est.  
Conjurasse, attentasse jam deprehen-  
sos in scelere procures totam excindere,  
ac funditùs perdere domum Bregantiù,  
superque regiam deletam familiam, &  
stirpem, & infontium Principum stra-  
gem, & funera Regum sibi ipsis attol-  
lere imperium, quod nec jure, nec po-  
puli assensu, sed tanto facinore petere-  
tur. Ex eo igitur multò magis ira, ac-  
que odio incallescens populus concita-  
tur; cuius visà nunc recens animorum  
conspirantium affectio, & flagrantior  
intus invidia, nevè reorum indemnita-  
tis, aut fugæ proposito fortè prætextu  
cresceret plebis tumultus, aut in misera-  
tionè invidia cum tempore mutaretur,  
commovit Bregantium cum omni ce-  
leritate de eorum supplicio statuere.  
Causa per eos Vlisippone discutitur Ju-  
dices qui è regio prætorio erant, iisque  
ut mos est in Hispania magnatum tra-  
ctare crimina, binos ad examen judi-  
cii assidere primates provisum est. Hic  
verò postquam litteræ, testes, indicia  
prolata sunt, ex actorum contextu pri-  
mus Baëza quaestionis torturam subiit.  
Nondum ardere doloribus ceperat cor-  
pus, nec majores adhuc tortores crucia-  
tus adjecerant, cum ille statim dejectus,  
ac fractus animo, fufius excogitati faci-  
noris ordinem promit. Id ipsum & multi  
ante admota tormenta falsi, mox &  
verberibus lacerati, circumjēctisque  
flammis ambusti inter acerbicatem, ac  
vim tormentorum repetere compellun-  
tur. Summates confessio prævia sub-

duxit pœnæ ac dedecori tormentorum,  
Hisque severiùs secundum legem ex-  
actis, convicti omnes, criminèque con-  
fessi nullo discrepante suffragio capite  
condemnantur: cum læsa præterea di-  
vina, & humana majestas obtendere-  
tur, nec Bracarenfis Antistes, nec ce-  
teri quoque alieni quanquam ob sacras  
insulas fori à capitali supplicio excepti  
togatorum sententia sunt. Verumta-  
men omnia hæc jure regio, & commu-  
ni, quod nec tempus, nec locum, nec  
personas secernit, sancita sunt. Videre  
insuper tunc è republica erat, quod ratio  
pro causa interesset primariæ nobilita-  
tis, novi imperiù, novique Regis ac  
pro decreti executione supplicii juris  
communis respectus rationi quoque  
Politice ac statui reipublice conveni-  
ret. Quocirca Bregantius frequentio-  
ri jam Status Senatu, quia Princeps  
erat allocuturus, in hunc modum dis-  
seruit.

Marchionem Villaregalis, ejusque  
filium Camignæ Ducem cum cæteris  
conjuratis perduellionis crimini ob-  
noxios, id ipsum & planè falsos, &  
per concordēs etiam omnium Judi-  
cum calculos extremo supplicio ad-  
dictos in potestate habemus. Ego id-  
circo sententias vestras contra morem  
boni cōslii, quod viget mora, celeri-  
tudine hebescit, festinus efflagito, eo  
scilicet animo, ne deferbeat, neu vertat  
hoc in præsentī nobis propitium po-  
puli studium, aut aliqua enata repen-  
tè causa, id, quod videtur jam factu  
facile, & justum cunctatio deinde  
reprehendat, aut penitus tollat. Et  
procures quidem propter criminis  
turpitudinem, suoque pondere gra-  
vioris quòd publicæ causæ, & com-  
muni omnium pesti, & exitio con-  
junctum est, ne dum extremo huma-  
norum malorum videntur interitu  
digni, sed si esset etiam aliquid supra  
mortem, hoc genus quoque suppli-  
ciū promeruisse. Cæterum & ultioni



„ provisio, & ratio privata publicæ,  
 „ & iræ consilium, & consuetudini ele-  
 „ ctio quandoque ne erroris cursu po-  
 „ pularis abstracti labamur, antepo-  
 „ nenda sunt. Sanioris autem eligen-  
 „ di consilii regula certa est, haurire  
 „ nonnihil præteriti, multum conferre  
 „ præsentis, multoque plus, quod eve-  
 „ nire, futuri, potest. Acuere prop-  
 „ terea decet ingenium, ac seriùs om-  
 „ ninò pervolutare, utrum ab eo, ad  
 „ quod jam ultio, ira nos incitat, jus,  
 „ læsæ majestatis exemplum, & per  
 „ supplicia ostentandus sceleratis ho-  
 „ minibus terror, detertere, ac retra-  
 „ here fortasse debeant utilitas, tem-  
 „ pus, talis regiminis constitutio, aut  
 „ jura necessitas emendare. Et primum  
 „ profectò satis omninò constar, ulti-  
 „ mam mihi fortè solutam à perduel-  
 „ libus pœnam nec mihi ipsi Coronam,  
 „ nec vobis reipublicæ quietem, esse,  
 „ ut optamus, facturam omninò in-  
 „ concussam, & stabilem, aut dein-  
 „ cept similiter conspirandi materiem  
 „ scelestis ac fomitem penitus extin-  
 „ cturam; magna quippè adest mihi  
 „ enumerandi copia, qui suis conju-  
 „ rationibus obruti, in flagitio nempè  
 „ deprehensi, affectuque supplicio fue-  
 „ rint, & hucusque tamen violatur lex  
 „ majestatis, violandæque semper erit,  
 „ dum istud mortale corpus, ita ani-  
 „ matum, ita afflatum, ita mistum, at-  
 „ que concretum fuerit: scimus præter-  
 „ eà sava, & atrocia quantumvis justa  
 „ in pœnam reorum, seu morum cor-  
 „ rectionem inflicta supplicia sæpè ho-  
 „ mines depravasse, atque ex malis im-  
 „ probos effecisse, acriorisque firmam-  
 „ da pro pace turbas in republica con-  
 „ citasse, ut ægro aliquando remedia  
 „ malè apposita corpori loco salutis  
 „ pestem accelerant, sive hoc refera-  
 „ tur ad immutabiles rerum vices, &  
 „ superiores abditas causas, incertum-  
 „ que fortunæ arbitrium, sive quia dum  
 „ inter paucos pœna grassatur in plu-

ribus etiam, qui eis amicitia, neces-  
 situdine, utilitate conjuncti sunt, gra-  
 via, & acerba interdum provocet.  
 odia, extimulet iras, unòque tan-  
 dem inimico sublato, quamplures  
 subinde in similitudinem hydræ ex  
 recito velut capite profuunt. Suppli-  
 cia propterea cùm nefariis homini-  
 bus decernuntur ne ea relabantur in  
 eos qui decernunt, non juris modò,  
 inanisque populi plausus, & auræ  
 mobilis, fallacisque, sed est etiam ha-  
 benda tum personæ, tum temporis  
 ratio. Pro tempore autem, quod est  
 agendarum mensura rerum, quid  
 hoc asperius, quid præsentì diffi-  
 cilius, ac durius? Regna profectò  
 atatum quasi discrimina constant, ut  
 aliæ regni ineunte, aliæ progrediente  
 te, aliæ ætate quasi vergente rationes  
 expediant ad ipsum administrandum,  
 mihi que jam in imperii rudimentis,  
 ac propè incunabilis constituto quid  
 profuturum existimem, si tam citò  
 eduxero gladium & celsiora imperii  
 capita sternam? quod & superbo  
 ejusdem consilii auctori infelicitè  
 quoque accidit, sanctumque & im-  
 mortu hoc idem amplissimis Regibus  
 institutum, velut sacro parcendi san-  
 guini Principum, mihi in angusto,  
 novissimòque regno jam propè la-  
 banti impunè violare, aut negligere  
 liceat? At qui manifestus mihi popu-  
 li favor, ardorque pro ultione secu-  
 ritatem, plebi latitiam, adversariis  
 formidinem faciet. Nihil quidem in  
 vulgo stabile, aut modicum, & ple-  
 rumque de extremo ad extremum  
 suo more præceptus abripitur? Quid  
 porrò eum pro certo facturum pu-  
 tem, cùm duo hæc sublimia capita  
 regni litoris manu successa, cruore  
 stillantia, humi projecta, & sanie, ex-  
 nòque polluta viderit? Quidni statim  
 exorta, aut ab invidis ipsi per  
 fraudem, & dolum injecta suspicio  
 fuerit, non scelere procures, at le-



„ viori suspitione, aut crimine ficto, ac  
 „ nefaria cautione peremptos esse? in-  
 „ de aliàs fortasè affectiones induent,  
 „ quas conditione, & fortuna mino-  
 „ ribus, ut populus est, supra modum  
 „ ingerit miseratio; quique supplicio  
 „ exultare, atque plaudere primò cœ-  
 „ perit, eodem exacto, nec misereri  
 „ fortasè, deinde nec furere desinet.  
 „ In hunc propè modum Julii Cæsaris  
 „ eadè ob eversum Tyrannum, ac  
 „ libertatem reipublicæ redditam, ple-  
 „ bes Romana partim gratulabunda,  
 „ partim quiete, ac silentio primùm ac-  
 „ cipere visa est, sed ubi corpus ejus de-  
 „ forme, vulneribus scissum, exangue  
 „ in foro publico jacens subjicitur ocu-  
 „ lis, tunc erumpente misericordia, eâ-  
 „ que in iram, & rabiem repentè con-  
 „ versa, quæ hucusque quieverat, ex-  
 „ citata spectaculo, sava, immanis,  
 „ turbulenta statim ulionis ardore cu-  
 „ rrit. At enim populi studium sua  
 „ natura incertum, & vagum, & cui  
 „ nec satis fidere, nec omninò dif-  
 „ fidere locus est. Quis denique effu-  
 „ gerit regni optimatum invidiam, ac  
 „ pertinax odium, hoc perpetrato sup-  
 „ plicio, siquidem Villæregalis Mar-  
 „ chio, ejusque filius Camignæ Dux  
 „ plerosque magnates Hispaniæ illustri  
 „ agnatione comprehendunt? Quod  
 „ assequi nequeunt fortasè ultores pro-  
 „ cerum manes, quia & ipsi quando-  
 „ que, & præsertim si animæ magnæ  
 „ sunt, per umbras dicuntur ciere in  
 „ Orbe procellas, miscere res homi-  
 „ num, & discordias passim effundere,  
 „ vindicabunt sanè cognati, affines,  
 „ amici, totque regio ex hoc stipite  
 „ nara, aut nascentia germina Princi-  
 „ pum, dum acriorem memoriæ acu-  
 „ leum dedecoris nota, & interitus  
 „ causa posteris, quàm mortis sensus,  
 „ ac dolor affixerit. Ita porò cum  
 „ alia ex alia vicissim nectatur injuria,  
 „ & vindicta vindictam pariat, & ani-  
 „ mi ulcera consenscant, nisi venia

nunc intercesserit, perpetuò quidem  
 in regno odiorum materies, ac seges  
 alentur in excidia familiarum, &  
 exitium tandem publicum eruptura.  
 Hinc moderatrix illa pœnarum, &  
 iræ, ac regio verè culmine digna  
 clementia nobis occurrit, cum im-  
 peni temperandis initiis ejusque ser-  
 vandæ tranquillitati, tum maxime  
 procerum supercilio, præsentique  
 fortunæ nostræ conveniens. Erenim  
 si in ignobilem hominem sævias,  
 cum plebi soluta vis, modicæ opes,  
 cura parum honesti, ac ferme sub  
 caligine vita sit, ad tenendos reli-  
 quos in officio suo more payidos,  
 abjectosque dirum supplicium exem-  
 plo valere potest. At viros prima-  
 rios, quos factio, concordia, quos in-  
 genium, quos reciproca auxilia pro  
 conditionis honore graduque com-  
 muni tuendo copulant, & quocum-  
 que dolore potior dedecoris sensus  
 excruciat, ea vehementius ut indeco-  
 ra quidem exulcerant, quæ proditi-  
 ones, atque perfidias supplicia coar-  
 guunt; proptereà quæ adhibita sæpè  
 remedia acerrima sunt in multitudi-  
 nem concitatam, & sordidam, ea ip-  
 sa in nobiles versa res novas, ac tut-  
 bamenta reipublicæ moliuntur. Ta-  
 lis nimirum summanum conditio est,  
 generoso sumillima equo, qui furit  
 verberibus, asperum frænum abrum-  
 pit, sed obtemperat molliori, & vir-  
 gulæ nutus, potius quàm ictus se-  
 quitur. Complures mihi Reges in  
 mentem veniunt, qui stimulo iræ  
 contra magnates ad extremam usque  
 perniciem infesti, cruentique & sibi,  
 & reipublicæ pessimè consuluerint,  
 sed recens non minùs, quàm luctuo-  
 sa Comitæ Egmonrii, atque Hotmani  
 per Orbem decantata memoria est,  
 quorum inconsulti, properisque sup-  
 plicii incensa, erecta, seseque inten-  
 dente factione Principum, seditiosè-  
 que cæcus, ac turbas in Belgio tra-  
 hente

hente, magna denique illius regionis  
 pars non fœdo correctâ exemplo, sed  
 effrenata Hispanum tandem jugum  
 excussit. Hoc triste consilium ab  
 Albani feroci capite ductum, cum ad  
 Gallicas extinguendas, quas pueritia  
 Regis accenderat, belli civilis faces,  
 Albx idem Dux subiecisset Carolo  
 Nono Francorum Regi, idque neg-  
 lectum à Catharina Medicæ sin-  
 gularium fœmina dotium, cum ad-  
 versus Guisium inter Comititia teme-  
 rē casum arripuisset filius ejus Hen-  
 ricus, is miserabili tandem clade si-  
 mul cum regno vitam amisit. Ita  
 violentum hujusmodi Albani consi-  
 lium binos Reges præcipites voluit,  
 nobisque alienæ calamitatis exem-  
 plum iisdem, in quibus nunc ambi-  
 guitate, aut inopia sententiæ versamur,  
 erroribus accersit disciplinam  
 in præsentia firmare debet. His quo-  
 que rebus accedit, potentem, & acer-  
 rimum hostem terra, marisque inni-  
 mentem jam Lusitaniz propinquum  
 esse. Interficite itaque procures, eis-  
 que æternam infamiæ notam inurite,  
 si irritamento fortasse nobilium ex-  
 tentæ, inflammataque partes clam,  
 aut palam intestinas discordias in re-  
 gno moverint, & nos quasi pontem  
 aut molē ex stratis corporibus Prin-  
 cipum per hoc structuri supplicium  
 sumus, cujus transitus Castellensis ap-  
 properet Lusitaniam occupaturus.  
 Utilius igitur reipublicæ fore videtur  
 eos custodiis adstrictos velut obsides  
 asservare, quorum dilato mortis ar-  
 bitrio, eventus ignaros, mente per-  
 plexos, & in suis deliberationibus  
 hæsitantes, ac trepidos malè jam in-  
 clinatos reliquos procures contine-  
 bimus; hostes verò terruerit emer-  
 sa inutiliter conjuratio, perque ipsam  
 callidè nobis quaesita clementiæ fa-  
 ma haud difficilè fuerit, ut rerum no-  
 varum fomenta, quæ emanare inde  
 possunt, extinguar. Porro autem ea

præsertim inter artes regnandi domi-  
 nari videtur, quæ verè, seu fictè in-  
 hærentem in animo spem sive me-  
 tum, humanarum nempe cardines  
 actionum, cautè versare, atque in-  
 flectere sciat. Eadem spe quanquam  
 vana complures sæpè pellecti, flexi-  
 que ad extremum usque spiritum vi-  
 tæ obsequium, & fidem in Regem  
 irriti coluerunt, quæ iidem fortè ru-  
 pissent ea intempestivè depulsi. Id-  
 circò etiam potna vel beneficium per  
 cunctationem, & moras aliquando  
 suspensa, artibusque dilata profue-  
 re sæpè reipublicæ magis, quàm  
 si eadem invecta celeriter essent; nam  
 memoria vitio, aut natura caduca,  
 & fragilis est, & ut plurimum ultio  
 longè diversos à vindicis mente parit  
 effectus, aut frustra sæpè tentata cum  
 graviori perniciē prodit infirmitatis  
 experimentum. Hunc autem regnan-  
 di morem, qui ut veræ virtutis oppo-  
 situs, & falsitatis specie contractus  
 summis Regibus vitio ducitur; res  
 trepidæ nobis, ac dubiæ, regni que  
 novitas, atque parvitas, quibus acue-  
 re decet, ubi vires deficiunt, inge-  
 nium, excusare meritò poterunt.  
 Itaque Marchione, ejusque filio Ca-  
 mignæ Duce carcere pressis, ac spe  
 pariter veniæ nobilibus adumbrata,  
 vel saltem in dubio posita, rerum no-  
 varum artificibus causa, ingenio præ-  
 servidis ultimus imperus, desperatio  
 fortasse auferetur timore percussis, ac  
 præcipitia spectantibus, nōsque reo-  
 rum horum maguatum libertatem,  
 ac vitam artibus nundinantes cives  
 simul, & hostes saltem ambiguos,  
 pendentes animi nihil intra, vel ex-  
 tra regnum ausuros per ultionis in-  
 manu pignus habebimus. Secus hæc  
 omnia argumenta per eandem inten-  
 tam unus halitus mortis, aut ictus tor-  
 toris extingueret, nec porro quid  
 metuant, sperentve deinceps sive ami-  
 cis, sive inimicis laxatis jam odiis,  
 furis que

„furiisque solutis reliquum fuerit. Hæc  
„causa postremo, ut mea injuria, ac  
„periculo quoque conjuncta cum me  
„iudicem simul exhubeat, atque in vi-  
„ce reddenda partem, si fuerit ex vo-  
„bis, qui hac mea firmiorem senten-  
„tiam dixerit, & reselli non indignabor,  
„& in illam ingenuè fateor me æquo  
„animo discessurum.

„Hæc Bregantius, sed contra Mar-  
„chio Ferreus in hunc modum locu-  
„tus traditur. Multa me, Rex, ab hoc  
„suffragio fetendo avocant, quæ mi-  
„nus alios in alia fortasse causa contin-  
„gerent lædere nempe jus & officium,  
„aut regni optimates offendere, à qui-  
„bus te satis regia potentia, splendor,  
„que tutatur, equidem ut privatus plu-  
„ribus rebus obnoxius, egensque op-  
„portunus injuriæ, ac detrimento sum;  
„simul te propriè in hoc negotio tui  
„animi sensum aperuisse, cum Rex in  
„Senatu seu primo, seu ultimo loco  
„censeat per adulationem, aut metum  
„crebrò sententias viriet: præterea tam  
„pravè, quàm rectè consultà cum pa-  
„teant fortunæ ludibriis & casibus re-  
„rum innumeris, incertisque meum  
„consilium, si benè cesserit utilitas tibi,  
„sin autem improspere dedecus mihi,  
„ac periculum comparabitur. Postre-  
„mò ubi hæc, quæ excutitur modò  
„causa tuæ salutis præsertim, totius-  
„que regni discrimen implicat, durio-  
„rem fortasse sententiam suspicio as-  
„sentationis asperferit, leniorem pro-  
„ditionis. Attamen mecum omnia  
„cum reipublicæ utilitas superet abs-  
„que ulla offensionis formidine planè  
„fatebor, quod sentiam. Itaque libe-  
„rè censo de Villaregalis Marchione,  
„ejusque filio Camignæ Duce, ac cæ-  
„teris conjuratis secundum legem ma-  
„jestatis, quanta fieri possit celeritate,  
„sumendum supplicium esse. Etenim  
„cum ipse Philippo Rege detruso re-  
„gnes in Lusitania, tum Europæ ple-  
„rique Principes Austriacæ familiæ

„clientes, quemadmodum tui quoque  
„regni magnates de regio nomine, &  
„apice ambiciosè tecum contendant,  
„tu ideò nunc penes maledicos, invidi-  
„dos, stultos, quorum affatim copia,  
„Tyranni opinionem, ac speciem induis;  
„quibuscum te geras oportet, ne  
„pereas more Tyranni, ut severior,  
„quàm mitior sis, cruentas pet scenas,  
„ubi res ita cogit, ac terribiles appa-  
„ratus ostentando terrorem, ingentès-  
„que jactando spiritus, quo scilicet  
„quidquid pro cultu, & obsequio  
„amior, & mansuetudo, ut in tran-  
„quillo, solidoque contingit imperio,  
„non valet, metus extorqueat. Ita por-  
„rò ex duobus præclarioris famæ, aut  
„infamiae Tyrannis, clementia, quæ  
„promiscuè, & immodicè usus inimi-  
„cis ignovit, perdidit Cæsarem, ferit-  
„tas verò, atque immanitas Syllam  
„servavit; nam beneficiis amulis etià  
„collatis succrescit invidia, quippè  
„quæ semper aculeos, ac virus ab ipso  
„virtutis flore decerpit, ex pœna verò  
„fomido subigit animum. Ea propter  
„in Rege imitatio Tyranni, & in Ty-  
„ranno Regis, varii status, varique  
„in utroque statu tenendi moris disci-  
„men non facientium iræ, atque in-  
„vidiæ scedo, ac multiplici exemplo  
„multorum Regum exitia permiscuit.  
„Igitur ab adjecto, altiùsque impresso  
„primatibus metu unum superest tibi  
„novo in hoc sustinendo regno sub-  
„sidium, ac robur, qui si intercederit  
„unquam timor, animique in te di-  
„missionem, & fugam notaverint for-  
„tè procures, hoc uno, quo vix nunc  
„continentur, metus vinculo effracto,  
„quis effrenatam illorum deinceps li-  
„centiam coërceat, vel contumaces  
„spiritus tundat? Idne accidat planè  
„verecor, si Marchioni Villaregalis,  
„Ducique Camignæ peperceris; nam  
„inopi, ignobilique in re gravi con-  
„cessa venia, nihil aliud in Principe  
„arguere nisi clementiam, ac mansue-  
„tudinem

„tudinem potest, at primario, & sec-  
 „lesto concessa viro jam convicto, de-  
 „prehenso in Regis, regniq̃ue interi-  
 „tum machinari, ea ipsa timoris opi-  
 „nionem colligeret, plusquam nego-  
 „tii facessere Principi magnatum po-  
 „tentiam, & opes, quàm vindictam  
 „injuriæ, & cautionem personæ re-  
 „giæ, qua sordida statim ac vili de  
 „Principe exultatione concepta,  
 „quidni perfidiam impunita, man-  
 „suetudo contemptum, contumaciam  
 „clementia apud reliquos gigneret? &  
 „quasi in degeneres factus abeunte na-  
 „tura, noxios virtutes, effectusque si-  
 „bi dissimiles ederent? Tandem ut  
 „præmium, & pœna, ita metus &  
 „amor, quæ inde oriuntur, imperii  
 „præsidia, atque ornamenta sunt. Hæc  
 „mixta, ac temperata salubria sunt, dis-  
 „creta periculosa, si neutrum accesserit,  
 „certa regni perditio imminet:  
 „cùm igitur nullus sit tibi penes ma-  
 „gnates æstuantem propter invidiam  
 „benevolentia locus, aut Rex, & me-  
 „tuendus ipse, aut metuens, & servus,  
 „modo vita supersit, futurus es. At  
 „esto, ut fortè Rex vis, hisce reis ignos-  
 „catur, & metum quem aliis incutere  
 „debet tecum reclusum in animo ha-  
 „beas, clementia ex eo passim famam  
 „aucupaturus, quæ ex metu, ac simul-  
 „tibus ortas suspiciones oppresserit.  
 „Quid porro si iidem ipsi tanto me-  
 „rito tibi devincti, & in gratiam re-  
 „cepti minimè parcant? Quid si in  
 „gratiam reditus fallax, si condonatio  
 „supplicii relapsura fortassè in condo-  
 „nantem sit? Maxima beneficia gra-  
 „viora plerumque quàm grata sunt.  
 „alia pudor intercipit, alia torquet in-  
 „vidia, quædam, qualis est temerè in-  
 „dulta proditoribus vita, ut expro-  
 „brantia memoriam quoque fatigant,  
 „& animos lacerant, hinc & odium  
 „crumpit, & conscii animi tædium, &  
 „meditati sceleris horror, ac demum  
 „irritio pro officio, injuria pro gratia

redditur, ita, ut ideò sæpè dissimula-  
 „re, quàm remittere injuriam præstet,  
 „in te autem nunc, Rex, tam manife-  
 „sto, tam execrabili scelere remissio,  
 „vel dissolutio potius cadere potest,  
 „dissimulatio non potest. Cùm verò  
 „perniciosa, ac pestiferam istam ele-  
 „mentiam amplecti malis, quare etiam  
 „proceres istos, qui de merito, ac ge-  
 „nere vix aliquid tibi concedunt, non  
 „pudeat, aut pigeat præcarium, tibi-  
 „que obnoxium ducere spiritum, auc-  
 „tur non ingentis beneficii momenta  
 „calumniantes, te metu compulsam  
 „intelligant pœnam nunc illis condo-  
 „navisse, cujus severus tamen exactor  
 „futurus in tempore sis? porro alii ab  
 „alio cavendum est, cùm pereundum  
 „alterutri sit. Ne igitur aliena ab hoc  
 „tempore opinione, atque errore ele-  
 „mentia jacteris: communem ordi-  
 „nem rerum jam appetitæ personæ ra-  
 „tio, tempusque transvertit, hæc man-  
 „suetudo nocet; infesta clementia est;  
 „dissimulatio non habet locum: per-  
 „severa hæc, & atrocia, sed necessaria  
 „quidem supplicia vel tuæ te salutis  
 „solicitem ut ulturum, seu moritu-  
 „rum oportet, & illatam rependere in-  
 „juriam, & inferendam avertere, spar-  
 „soque inimici per carnificem sangui-  
 „ne tum abstergere contumeliam, tum  
 „pericula, & formidines tuas, tum  
 „spes, & conatus cæterorum æmulo-  
 „rum immergere. Hoc ingenitæ, hoc  
 „scriptæ profectò legi, id Barbaris at-  
 „que feris indito instinctu, id quoque  
 „Numini placet, cujus singulari præsi-  
 „dio afflatique nunc velut miraculo  
 „ereptus exitio es, ratioque humano,  
 „aut divino monitu abusus bis idipsum  
 „impunè datur periculum experiri.  
 „Nec præterea exequendo quod affe-  
 „ro tibi consilio, ut contraria argumén-  
 „ta diluam, vel tumultuosa, vel lubri-  
 „ca obstant hominum popularium in-  
 „genia, procerum modo supplicium  
 „accelerando favorabili hoc populi  
 „ardore

ardore, imperūque uti intrepidē velis,  
qui ut nunc presentem memoria sceleris,  
recenti tanquam vulnere calet, lan-  
guere, aut frigere per moras tantum-  
modo posset, aut in diversum mutari.  
Licuit idcirco Bruto Romanum vol-  
vere imperium, quia scilicet odium, &  
execratio stupri cædisque manifestæ  
Lucretiæ affectam, & vehementer illi  
commotam plebem Romanā, & per  
ingentem conceptam iram ad res no-  
vas tractabilem cōstituerat. Secus ve-  
rò Cæsare occiso alteri Bruto accidit,  
quod nulla recens, ac prævia commo-  
tio populi per vulgatum aliquod ne-  
fas ad imperii mutationē animos ho-  
minum servituti jam assuetos præpa-  
ravisset. Hic autem tanto flagitio in-  
flammat, atque in omnem ultio-  
nem erectus adeo nunc strepit, furit,  
que populus, ut à tua tibi potiùs ele-  
mentia, si quidquam remisseris, quàm  
à rigore supplicii, si pœnam intende-  
ris, pertimescendum sit. Nullus ergo  
te obiectus à populo metus, nisi in ne-  
gocio cunctantem, aut resistentem af-  
ficiat. At regni etiam optimatū invi-  
dia, adversique conatus, & ultrices ar-  
rectæ partes in tali virorum interitu  
inevitabiles certè forent. Contempti-  
bilis quidem, & omninò imbecilla  
nobilium potentia est à populo sepa-  
rata; quid porro etiam, si ut in præ-  
senti videmus in seipsa quoque distra-  
cta alteri altera averfa, atque opposi-  
ta est? Ita præterea nati, ita instituti  
proceres sunt, ut quos, inanes per  
minas, aut futes causas propositus  
timor exasperat, atque ad vindictam  
magis accendit, iisdem solidus, &  
conjunctus cum nervis, ac viribus  
timor frangens admoveat, & superci-  
lium alijciat. Sublato verò consensu  
populi cunctis Regibus formidabili,  
scissaque in se ipsa nobilitate quorum  
plurimi tecum conspirant, jam vires  
opèque tibi redundant, ad reliquo-  
rum procerum confringendam au-

daciam, nec ullus unquam nisi impe-  
tu iræ, aut amentia, qui ut plurimum  
vulgares homines possidet, sua spon-  
tè ad luctam pericurus accessit. Nihil  
itaque tibi ob justum, imperatūque  
in viros primarios supplicium nunc  
jure cavendum est à factione ma-  
gnatum, qui quærere potiùs in hoc  
negotio studuerint animi tui experi-  
mentum, ut contra Regem intelli-  
gant quantum imposterum sibi mo-  
liri, & audere licitum fuerit. Atqui  
melius rem explorantes, excutien-  
tisque in clementiam inciderint.  
Omnis profectò potentia in homi-  
ne, sanctæ virtutis exuperantia quam-  
vis cum morum candore, ac suavita-  
te conjuncta gratuito malevolos pro-  
dit, invidos excitat, intenditque. Sæ-  
pè inde Reges quo vigorem, & animi  
magnitudinem ad invidorum formi-  
dinem ostentarent, aliàs ut superbix  
insidiisque procerum obviam irent,  
aut causas in homines fontes com-  
menti sunt, aut laqueos per dolum  
intexuerunt quibus illos de medio  
tollerent, nec adeo quoque execran-  
da, aut per se fœda crudelitas est cum  
utiliter applicatur. Tu modò proceres  
præpotentes, turpidi spiritus, rebelles,  
seditiosos, lege damnatos tandem so-  
lutos, inultos cum tuo quoque discrimi-  
ne elabi temerè sinas? Non audeo  
tam cito, dixisti Rex, educere gladiū  
& capita summa decutere! Imò verò,  
quia novus, ac rudis in regno sis,  
tuæ parum nunc firmæ, ac stabiles res  
ad hoc te maximè hortantur; ubi  
enim continuata Principum sobole  
quasi per inanus successoribus traditur  
regnum, nec extra domum regnatri-  
cem è procerum turba seligitur Rex,  
tunc clementia captare famam, qua  
in regiam familiam jugo jam longè as-  
suetis pristinus subditis amor in situs  
hæreat, incipientem Principem juvat.  
At in Regem privato raptim homine  
assumpto in propè pari aliis magnati-

bus genere, & paribus copiis, cum omnes vel proposito jam ante oculos regnare velint exemplo, tantam fortunæ indignantium imparitatem, tam volucrem ferè imperum admirantiū, atque invidientium odia, ludibria, æstus invidiæ atque ex his turbulenta consilia manant in mutuam perniciem novum Regē, & procures armatura. Ea igitur tui modò sunt incunabula imperiū, ut nisi cruenta, nisi horrida, ac trucia fluant, periculum urgeat ne ampliùs florere, aut assurgere queant, privati in te nempe meritoria vel auctoritatem, vel fidem, vel obsequium apud cives diminuent; cui per terrorem, non autem clementiam succurrere malo decet. An satis quoque fortè Rex arbitraris tibi, regnòque provisum, si hos procures diuturno, sive perpetuo carcere afflictos cum acri custodia teneas? Scilicet quos Palatium, & arcem simul incendere, regalisque prostrare, & concultæ domus acervos miserrimos struere, & Regem, & regnum cineribus tumulare, non terruit nefas, animus valuit, asperior subinde res ipsis, graviorisq; fortasse videri poterit esse molis, in custodiæ effractionem incumbere? Pisces exigui retibus continentur, majores illa dissepunt, ac raptant. Donec spiritus igitur horum magnatum artus afflaverit tibi in accipiti semper vita, volubile regnum, fomenta, facèsque turbarū, & cumulata ardoribus esca in magnum incendio, ut quantum illis misericordiæ tribueris, in tuam perniciem, pestemque communem casurum sit. Quis enim refugiat iterum, atque iterū contra te conjurare si irritæ vitæ retineat, voti compos Coronam arripiat? quidve etiā præmii à te sperare potest amicus, si inimicis reddere vicē nescias? cum gratitudo, atque ultio ab eadem habitudine ingenii impigra scilicet, acris-

que natura manare æquabiliter soleat. Cæterum, & si jejuna, vel frigida hæc prolata sunt argumenta, valeat saltem in causa auctoritas, vis, & reverentia legum, quibus planè parere præstat, quàm per fallacias interpretari, & obtusum simul ingenio simul cum lege sentire præstat, quàm cōtra ipsa argutum, & vividū. Valeat illa præsertim, quæ lex majestatis inscribitur, Regis, regniq; subsidium ac nervus, & quæ ut poenarū effuso terrore cōerces consilia superba, imperiūque magnatum, sic spreta, ac neglecta eadem exsuscitat, intenditque; præterea cum crebrò apud Reges trahatur ab utile honestum in hoc peragendo ex legibus iusto supplicio, ea tecum nunc agitur causa, cujus quidem utilitas juri, honestoq; eousque deseruit, ut si minus perduellibus parcas, & tibi, & reipublicæ simul, & legibus consulturus optimè sis. Postremò hæc quamvis abstrusa materia, & judicio quoque contorta sit, ut aliter esse mihi videtur, quidve in re utile, vel inutile explicatu difficile sit, in re ipsa tamen ambigua vel bono consilio sufficer viucere legem, & quo jus, civilisque propendet ratio eo inclinare sententiam.

Hæc Ferreus, cujus quidem opinio, ut revera similior Bregantii animo quàm palam ad pompam ut credebatur, ab illo dictæ nuper sententiæ, Senatus cæteras traxit, plenòque consensu ibidem decretum est, ut Marchio Villaregalis ejusque filius Campinæ Dux cum cæteris conjuratis secundum legem majestatis capere plecterentur, Antistitem Bracarensem, & alios, qui ut sacris iniuriati Ecclesiæ jus appellaverant, perpetua, arctiorque teneret custodia, extremo de industria evitatio in sacras personas supplicio, ne in Pontificis offensivam, cujus maxime ope firmando pro regno indigebant, incurterent. Cum hæc ita igitur capitalis pronun-

pronunciata sententiâ esset, inter eos qui pro venia arietare Bregantii animû in re tam aspera aggressi sunt, spectabilis extitit Ducis Camignæ uxor, eximia tum ipsa corporis specie, ac florentissima ætate sed fortunæ inter æstus ea tempestate vultu, luctûque vultûsque squalore maximè miserabilis. Hæc Bregantii genibus advoluta jam incautam, ac cæcæ adolescentiam, & præcocia virtutis consilia, jam claritudinem generis, & suam domûsque solitudinem, atque orbitatem exponens, modò rogians, modò illachrimans aversum rigidumque versare, ac flectere Principis animum nititur. Hic verò in se ipso collectus, & clausus, & præcibus lachrimisque inflexibilis. Non sua id quidem, inquit, at Judicium, Senatûsque sententia, & arbitrio sancirum esse, si mutari iudicium vellet, eos ut par erat, adiret. Cæterum per illorum sibi coactum procerum necem, suarum quasi viscerum partem sentiret ac pectoris venas abrumpi; conducere tamen in tanto negotio omni ope subigere, ac frangere se, atque in magno dolore, & angustia solarium ex republica petere; cùm non minus clementia delinquere possit, quàm sævitia Princeps abusus. Desperata itaque venia, funerea pompa disponitur. Primò mane mortale pegma conspectum, infessæ militibus viæ, firmata custodibus Regia, populûsque vario, ac dissimili studio agitatus, ac mente perculsis in area amplissima fœmè totus spectator aderat. Mox Villeregalis Marchio squahdo habitu, pulla veste, in summo pegmatis visus, totius statim populi amore, odio, misericordia, ita intermissum ingenrem clamorem sustulit. Incultra canities, oris auctoritas, arcana vis oculorum, ne inter fortunæ quidem ludibria, & fortiora tristitiæ, ac doloris incitamenta proceris majestatem abjecerant, adeo, ut qui dudum avidius in exitum ejus exarserant, secto mox à carnifice gutture, ubi illum ja-

centem vident, & suo cruore, & illuvie sedatum, iidem, & qui paulò ante succlamaverant morituro, jam mortuo subinde propemodum reclamantes maximè congenuerint. Patris interitum eodem modo secutus Camignæ Dux filius, Deinde Comes Armamaris, & Augustinus Emanuel pari fato defuncti sunt. Atque ita de viris Principibus sumptum supplicium est. Obscuræ notæ cæteris laqueus suspensio jugulum fregit.

At Medinæ Sidonix Dux, qui ut turbidis ejus consiliis hanc procerum conjurationem prodiderat, in aliam & ipse statim, quam adversus Catholicum Regem molirus erat, ita pro mortuis reddente Numine vices, offendit. Erat eo tempore Ulisippone Nicolaus Velascus è strictiori Divi Francisci observantia eò ipse clàm à Sidonio, ut conjurationis negotia tractaret, immissus; cujus rei tantæ in aula dissipulandæ, promovendæque commodior profectio vitæ, & morum austeritas, atque horror amictus in monacho apparuisset, si ratione, & judicio parirer expectectum, aur hujusmodi rebus consuetudine exercitum ejus homo institui ingenium oculuissèr. Is capto similis, & magno cum strepitu Ulisipponem primùm adductus supra mentem artificioso, terròque ibi carcere tentus est. Ex eo postea emissus frequentius, quàm externo, monacho, ac nuper reddito libertati congruere posse reputabatur, caput ipse Palatium, primarios ministros arcana consilii adire, quæ ore quanquam de more suppressa, rudi tamen homini, artisque omnino silendi nescio, ut plurimum vultu, gestu oculis fundebantur tanquam magna secum volventi, magnique sibi secreti conscio. Sensim arrepta idcirco suspicio, & non nihil vagi quoque rumoris extra Regiam effluerat, aulicique præsertim, ut solent, explorandi cupiditate succensi tunc studio-

sius Cœnobitæ, vestigia, congressus, orisque habitudinem connotabant: Accedit etiam, cum ita hic monachus vagaretur, alendisque passim in urbe rumoribus satis materiæ speculantibus subderet, ut Franciscus Sanciùs genere Castellensis, & regius quondam militis Quæstor Lusitani regni defectionis fortunam æstusque secutus ea tempestate in vinculis haberetur. Hic ubi de Cœnobitæ sollicitudine, Ducisque Medinæ insidiis rumorem, suspicionemque latè serpentem attigit, animo statim erectus in spem aliquam ductus est, posse fortasse eodem se monacho auctore usum, & subducere libertatem & vim secreti, quod totam suspenderat urbem, per insidias exprinere. Multo igitur studio, & industria compositas litteras Sanciùs secreto monacho mittit post largos in illis effusos de atrociori custodia questus, ibique indignè spiritum sibi ac propè lucem adeuipitam esse, jactat se tandem è Sidonii sinu clientem, arcetiorique cum illo fiducie nodo ex longo intervallo conjunctum, nonnihil præterea de causa recondita scire, quæ eo hominem transtulisset, tum ne suo furore, & colore careret apposita fraus, epistolarum quoque à Sidonio ipsi Sancio datarum grande volumen exhibuit, quò inter eos, antequam Lusitania deficeret, amicitiam, & fidem, & alia benevolentie magnique momenti pignora intercessisse constaret. Legit has litteras Cœnobita Velascus, protinusque non rerum, non temporis mutatione discussa, non auctoris conditione, nec captioso mortalium ingenio, dum temerè Sanciùm vel Sidonii conscientie jam illigatum, vel proximè jam illigandam existimat, ei confidenter respondit, Curæ sibi maximæ fore, ne dum ut eo fœdo carcere extractus, sed altiori quoque fastigio, si rebus fortuna favisset, locatus esset. Silentio, & constantia interim opus esse. Conjura-

tio, quam hic suspectabat cum satis his verbis summatim expressa, & magna insuper ejus moles adumbrata per formulas esset, modum, & ordinem præterea Sanciùs exploraturus, quia ex sententia prima ceciderant, alacrius dolum intendit. Paucis post interjectis diebus, obsequio, amore, fiducia plenas, subtilius tamen effictas litterulas monacho repetit Sanciùs, angustias in illis, & ferrea ab eo vincula, qui tanta florere apud Principem gratia primo quoque tempore solvi sibi enixè preceat. Septem jam menses, amicum, clientemque Sidonii squalore, caligine, & sordibus circumfusum in atra afflictari custodia. Ad ea refert Velascus. Quosdam Margaritæ Sabaudie famulos commeatum à Bregantio in Castellam obtinuisse, an se comitem vellet eò illis euntibus addere. Minimè, tunc è re oblata solertiùs fallaciam exornans, respondit Sanciùs. Quinimo Castellæ se prorsus oblitum Sidonii dûtaxat expetere amplexus, quò fides, amor eundem, ampliùsque ex rerum statu collecta vocabat spes; in aula verò Catholica rationes segniùs exactæ sibi quæsturæ molestiùs, & graviùs reddendæ essent. Velascus artibus hisce magis implicitus, atque in suscepta fraude firmatus, protinus cum Bregantio de hominis libertate intercessit; jamque Sanciùs eodè monacho auctore custodia solutus ac liber familiaris propterea cum illo caput conjurationis negotia tractare, nexùsque discutere. Et planè Velascus ne dum velut in primis obnoxium fidumque Sidonio, sed conspirationis insignem etiam ministrum alloqueretur, excogitati facinoris seriem in hunc modum exposuit. Gallos, Hollandos, & simul cum Bregantio Sidonium sociali esse fœdere junctos, quo fraude vel bello subacta, ac mutuò distracta Hispana inter se regna dividerent. Summo proinde conatu, atque studio milites, naves, pecuniam undique comparari, ut Baticam rursus terra, mari-

que



que peterent, & alia subjunxit, quæ superius à nobis commemorata hausta sunt ab hoc fonte. Sidonium præterea post Baticam occupatâ, prædârûmque sibi partem addictam libello publico declaraturum Europæ Principibus esse jam propè ruentis Hispani Imperii discrimen, & cladem per Olivarii ignorantiam, aut scelus ad extremam calamitatem impulsî, quippè qui tribus, & sexaginta novis tributis jam veteribus fessos, ac propè consumptos populos oneraverit, sibi que ita afflictis, & comploratis Hispaniæ rebus illam arripere tabulam licuisse, ne in communi naufragio alieno errore, atque inficitia periret. Ad hæc plurimas à Sidonio ad se missas epistolas recitavit, quæ Olivarii, Regis que, item procerum Lusitanæ Ulisippone degentium arcana consilia, actionesque promebant, inseruntque ibi etiam Sancius deprehendit indicium, quod in Marchionis Villaregalis ejusque filii Camignæ Ducis, ac reliquorum nuper exitium lugubri spectaculo cesserat. Ad aggerandam quoque pecuniam, quæ tam arduo suscepto operi abundè fluere necesse erat, consiliû fuderatos Principes iniisse quò naves Hispanas Indico autò, argenròque refertas, vel ad portum tanquam amicum per errorem tendentes, vel eò fidèter appulsas tum præmoniti naves hostium circumvenirent, cujus major profectò rapinæ cumulus, ut viro Hispano Hispanisque subductæ prædæ accessurus Sidonio esset. Argenteum præterea quod Cœnobita secum habebat numisma protulit Sancio cum impressa Regis effigie, binisque partitis hinc, & inde leonibus ad eum lancinandum unguibus sectis adnotis; & cum hac tituli inscriptione, *nos eum conficiemus*: cujus imago pro Rege Philippum, pro infestis carnivorisque Leonibus utrumque Bregantiæ atque Sidoniæ Ducem, inscriptio Philippi ruinam, & cladem significabat. Hæc, & similia cōjuracionem vehemèter prementia, cùm

per Velasum Sancius edoctus esset, iter postremò, quod ad Sidonium conveniendum allimulaverat; perrecturus, occultis signis conscriptas Sidonio tradendas epistolas accipit, ultimisque datæ, redditæque salutis verbis à Velasco sic admonetur, ne in re hæsitaret, ne cunctaretur, quemadmodum sibi mutandum in sacram purpuram pannum pro re bene gesta promiserat, ac præstiturus erat Sidonius, haud sanè disparem illû egregiè navatæ operæ Sancio mercedem perfoluturum. Clariùs hic autem Cœnobitæ tunc levitate, & credula mēre perspecta fide majora promittit. Cæterum ante profectionem, quæ ab illo secretò audierat, Didaco Cardenio fido Regis clienti qui Ulisippone tum in custodia detinebatur, exposuit, si ipse fortè per iter exceptus nequiret indicium ad Regē deferre. Uxorè quam secū deducere constituerat alia via ad Castellâ pergere jussit, quâ ad Gades scilicet festinatus e-vecta clâ admoneret illius urbis Gubernatorè, hostium quamprimû ingētes vi, fraudibusque cōpositas classes in urbem superventuras. In rem igitur sedulò incumberet; nam domesticæ insidiæ fraudesque intestinæ latebant. His ita dispositis Sancius per speciem querendi Sidonium Castellâ versus ad Regem iter instituit. Jamque Begarem situm intra Castellæ terminos oppidum cùm accessisset ibidem offendit tunc à Sidonio ut à supremo militiæ Duce mandatum, ut qui ab Lusitania profectus Castellam progressurus attingeret, ad se primò diverteret, ejusque præsens imperium acciperet. Obrigit audita re Sancius, & mēte confusus, ac trepidus, tanquâ certas inter insidias, & ancipitem fugam deprehensus esset omnino conciderat animo. Pergeret ad Sidonium, at litteræ proderent intercidiisse secretum, dolòque surreptû ingentis fiduciæ pignus; recusaret imperium, at fuga deterior, ut meditati consilii, & in Ducis exitiû terminaturû, si interrupta fuisset indicium. Porro

abeuntem, aut remanentem ad cautionem potentioris ipsum interitus expectaret. Inter hæc fluctuanti homini fortè illuxit animo palam aversum diffidentemque Sidonio municipii rectorem esse. Hunc igitur statim adit, monet, inculcat gravia, & atrocía, atque ad Imperii spectantia salutem esse, quæ ipse Regi denuntiaturus iter ad aulam appropinquaret, quæque ipsa negotia possent, vel levi quacumque interposita mora labefactari. Sineret itaque ipsum, ut fides in Regem, & communis utilitas postulabat, cursorius equis statim, ac tacite assumptis inceptum ad Regem iter velociter persequi. Tunc oppidi rector cui & suspecta, & grata erat etiam, cum aliqua passim interluceret Sidonii prodicionis inditia, hujus furtivi itineris causa, ut sancius poposceraut cautè, citòque peregit. Dum Sancius hinc iter resumit, aliunde mulier ejusdem ut diximus, uxor multum longinquæ viæ prætergressa jam Gades pervenerat, ibique Civitatis regalis Ducis Præfecto urbis, præsidiique renunciaverat. Quamplures nefarios in regno cives prodicione Regem petentes fœdus cum hostibus pepigisse, cujus quidem conventionem nisi fortuna, virrùsque obtulisset, arx erat in primis, & civitas Gadium intervertenda. Visurum propediem ipsum constratum navibus æquor, terra, marique nasceri omnia bellique turbites furere, ut scelere pacta conficerent; subesse vim, & insidias, externos, ac domesticos hostes; cello & occulto perfidiam capite niri: cumque idè ab illa quarere Dux institisset, quinam Princeps defectionis, quæ conspirantium consilia essent, ubi insidias, ubi ea clandestina consilia concoquerentur, unde erupisset indicium, & an inquirere sibi in perfidos homines licuisset, virique juxta præceptum, quæ sciret ipsa, cum detegere mulier obstinatus reluctaretur: ergo, Dux inquit, mo-

ram tu mecum Gadibus facies quoad propius, quàm adventare dicis, inimica conspecta classe, quid ea mihi fuerit tempestate gerendum, suggeras. Libertatis ex eo jacturam cum verita scemina esset, ad quem hujusmodi indicium jure pertineat, interrogat. Ad Medinæ Sidoniæ Ducem, ille respondet, ut summum in Batica Gubernatorem armorum, Idipsum qui modò cohæreat, scemina adjecit, cum eundem anxia, & profugæ similis Ducem Sidonium consultò declinem? Tunc re ille penitus intellecta, cujus & alia per multa ex longo intervallo ipse Dux suspicionis vestigia collegerat, tacuit, liberumque ad aulam Catholicam transitum instanti sceminæ indulgit. Id tamen extemplo Olivarium per litteras monuit, nudam, & simplicem tantum mulieris narrationem exponens, & perfunctoriè cum ipsa sermonem habitum; De ea, quæ clàm ipsum affecerat, conjectura, suspitionisque argumento nihil omnino tetigit, satis ille ita ratus sui muneris partes expletas, nec palam saltem eo obscuro, atque ancipiti indicio Olivarium offensum iri, cum arcta ejusdem cum Sidonio necessitudo, & si multi multa suspicerent, non parum indices deterret. Hæc Gadium rectoris epistola prius Olivario reddita est, quàm Sancius Mantuum Carpetanorum ingrederetur. Qui longo rursum itinere emenso, occultus tandem in Regiam, ubi Olivarius sedem habebat, adiit. Ibi Olivarii janitorem conveniens, ab eo introduci ad Dominum postulat, præterea cum plane ipse sciret, difficiles aditus, gravem homini vulum, plenas fastidio aures superbo ministro esse, ut tunc facilius adiri, compellarique posset, adjunxit. Adesse ibi Franciscum Sancium Lusitanæ militiæ quæstorem fuga, & insidiis medios per hostes elapsum ut indicaret Catholico Regi, quæ Imperii saluti conducerebant, Audit hæc Olivarius nihilò

hilò tamen minus per Janitorem Sancio responsum est. Non vacare tunc Olivario; postridiè reverteretur. Sancius ubi se post periculi tantum decursum, & per longam captivitatem, & lubricum illud iter tantum quoque laboris exhaustum, jam ita procrastinando per Olivarium more solito eludi, spernèque videt, Regémque alterius perfidia, alterius fastu, inanèque fiducia prodi, quarens idcirco merènsque, Numénque indignatus implorans adjecit. Ne Numinis iram, & odium existimem, vimque fati ineluctabilem hoc ad extremam urgere perniciem Imperium, profectò vel à me dicendum inscitia rerum purgare tantummodo potest Comitem, Ducémque Olivarium pro re tanti ponderis mihi injultè aditum extrahentem. Refert hæc rursus janitor Olivario, qui hæc grava verba cum illa quoque noticia conferens quam paulò antè idem ipse à Civitatis regalis acceperat Duce, & idèò, quæ esset in causâ, rem suspicatus; Adhæc metuens, ne temerè in Regem, ipso quanquam invito ignoròque Olivario indicium illud incidere, quod ipse antecapere, sui que altus, ingenique imbutum colore, subornatæque specie proponere Regi statuerat, intromitti ad se Sancium illicò jussit. Qui ad ejus genua cum more adorantium primò procubuisse, fusiùs deinde Sidonii conjurationem exponit, diuinam, ac fœdam scilicet, quam ipse pro Rege passus Ulisippone custodiam erat, & libertatis causam, occulta consilia, civium prodiciones, inita clam cum hostibus fœdera, simul neglecta, incompositæque militiæ ludibria, & pecuniam averfam, & diffidentes invicem milites, & arma ipsa Regis in Batricam in ipsum conversa Regem, & alia etiam quæ à cucullato Ulisippone didicerat, quæque ipse præterea casu itineris causâ compererat. Litteras tandem ab eodem canobita

conscriptas, ac Sidonio tradendas dat Olivario, quarum tenore certa, atque rata ejus confessio haberetur. His Olivarius auditis, primò de ea erga Regem singulari fide, & constantia commendat Sancium, paulisper postea cunctatus, cum astuanti, & attonito similis constitisset, adjecit, egregiè utique ipsum vel ex eo de Rege Cetholico meritum esse, quòd vir nec propinqui ad propinquum horruerit tantum deferre nefas. Raram idcirco, & impigram hominis fidem geminatam à Rege mercedem reposcere. Cuncta se Regi citius expositurum. Ab hoc colloquio digressus in cujusdam Olivarii sumuli sedem inde jubetur occultus secedere Sancius, & ipse Olivarius ea de re statim admonito Regi, interceptas Sidonii litteras tradit. Rex Philippus, cui perinde mens acris, & vivida erat ut animus tenuis, & imbecillus, his auditis, in lapsum extemplò memoria diutius à se repetitum, atque animo voluntatum incurrit delatæ ad Sidonium armorum apud Batricam præfecturæ, hominem scilicet cum Bregantio per affinitatem, & amicitiam adstrictum, tum affluentia opum, auctoritate, clientela, multoque magis animi vanitate tumentem; familiæ quoque Gusmanæ Rex, & nomen, & omen ad fastidium abhorrerebat; fatalem enim sibi illam esse dicebat ob crebras illas Imperio clades, res moderante Olivario, qui etiam Gusmanus erat, & ob Aloisiam præcipuè Gusmanam sororem Sidonii, uxoremque Bregantii, cujus quidem instinctu, imperique fermineo novellat ipse virum ad regni rapinam impulsus, quæ omnia simul in Olivarii invidiam & odium, ut eadem propagine orti, ut improspere gubernantis, ut plus rei familiari, quàm publicæ providentis cumulatiùs relabebantur. Cuncta Rex tamen ad tempus dissimulare paratus æquabili semper fronte, vulgusque conjurationis delationem cum ex-

cepisset, nec lectas, nec solutas etiam Sidonii litteras, ut illæ obsignatæ, atque integræ erant reddidit Olivario, id tantum locutus, ex lege, sed cautè ut par erar, in illo negotio procederet. Hoc Regis imperio tres Olivarius è regio selectos Castellæ Senatu, sibi que magis addictos Iudices nominat, qui de crimine majestatis contra Sidonium inquirerent; Sanciusque deinde in sepositum quemdam, & remotum ab aula locum accitus, quæ adierat, quæ viderat, quæ conjecturâ ipse fortè de Sidonii causâ collegerat Iudicibus aperit. Exhibentur, quæ dolo interciderant, Sidonii Ducis epistolæ easque perfectas cùm Sancio coram solvisset Iudices invenire quibusdam ambiguis caracteribus scriptas, sed adeò inepto, rudique stylo Cænobitæ per imperitiam compositis, contextisque, ut clariora quædam interposita signatorum fennè obscurorum intelligentiam contraherent. His magna cum cura, peractisque silentio rebus, causâ ipsâ Regis per eas sic detectas, ad disjiciendas facillimè insidias cùm jam in tuto posita esset, Olivarius insuper evolvebat, an, & quo fortè modo tam manifesto cognati sceleri non nihil per artes tenebrarum offundens omninò, aut ex parte diluere, orientemque ex crimine infamiam eludere quodammodo posset. Quæsitâ igitur comitate, novoque lepore, ac facetiis illi asperissimo ingenio, horridæque naturæ prorsus insolitis Sancium semel compellans, effluere inter alia velut obiter finit. (Qui „ fieri mi Sanci liceat? hunc cucullatû „ nequitia, ac falsitatis arguere, cùm „ tantum dignitatis, lucisque Sidonio, „ ejusque communi mihi familiæ pateat, quantum vili, & pannoso con- „ temptus, & sordium.) Nullo pacto, respondit Sancius, ea enim est in probato jam crimine rerum dictorumque explorata planè connexio, ut quod tribuere gratiæ Sidonii, vel splendori do-

mestico velis, de fide hoc oporteat, & jure detrahere! Proinde Olivarius hæc spe destitutus, nomini, ac fame nisi penitus licuisset, vel Sidonii salutem consulere statuit. Hoc porro ut à Rege impetraret, siquidem agrè sibi quotidie Regis senescere gratiam senserat, nunc ratione, argumento, & jure prope causæ subnixus accedit, omnia cùm antea libero idem arbitrio, & quodam imperio quasi extorquere suevisset. Itaque Regem de causâ Sidonii cùm Olivarius alloqueretur. In acta ex jure relatis, inquit, quæ adversus Sidonium facta, aut criminosè dicta apparebant, rotius conjurationis propositæ molem, ut ignoti unius Monachi fide, verbisque tantummodò constitutam in se penne deficere, ac suo propè fundamento labare. Idipsum tamen non contemnendum cum Imperii, Regisque in discrimen, ac dubium ceciderit salus, ita quo nec vitio profectò verti credulitas debeat, & levis quæcumque suborta suspicio substratæ materiæ pondere maximè valeat. At verò honesta ab utilibus, temeraria à prudentibus, æqua ab iniquis secernenda consilia esse, ne onere causæ, nevé opibus partis, quam majestas hoc loco Regis profiteretur, jus obruatur in aliquo viro, & eodem fortassis innoxio. Locum esse præterea rationem aliquam inveniendi, qua, & consistat Principis salus, nec prorsus jaceat vis juris afflicta. Paulo ante cæcum omninò præcepisse Hispano Status Senatui visum illud Regantii fuisse consilium quo procures reos Lusitanos interitu perdere, quàm clementia servare, aut custodire maluerit. At ita forsitan decuisset profligato scilicet regno, prono ipsi nunc in ruinam, atque in extremum discrimen adducto profligata quoque applicari consilia. Pro rerum idcirco conditione, pro merito personarum alios in alios licentiam habere, ita ut alia circumscripto, fluxoque alia amplissimo,

ac stabili imperio aptari instituta legē-  
que conveniat, & rationes adducere  
posse, ut idem consilium alteri Regum  
laudabile, & utile sit, reprehensibile al-  
teri, & sapē numero noxium; Philip-  
pi patris, avique Regem ipsum exem-  
plis domesticis admoneri, qui adversus  
Bregantiæ Duces ordiri sapē sæpius in-  
sidias in Lusitano regno compertos,  
cavere ab illis sibi curaverint, manus  
cruentare noluerint, nec certē ipsi Re-  
gi consilio vel opibus esse modō flo-  
rentius imperium quā ante fuerit,  
nec Duces Sidonios minores esse Bre-  
gantiis, vel clientela, vel copiis, vel  
turbā amicorum cognatorūque, cū  
omnes Castellæ numerando magnates,  
vix unus eorum reperitur qui Gufma-  
næ familiæ affinitatis, aut sanguinis jure  
non copuletur. At etiam Regum illo-  
rum patientiam, atque socordiam in  
eodem regno aluisse, amasse Bregan-  
tios atque in regnum denique sustulisse.  
Quid potro, si contrā levitum in  
eorum sanguinem esset, rem successu-  
ram melius fuisse? an ejus fortasse Re-  
gis, qui rerum gestarum usu, & judi-  
cio rerum acerrimo prudentis cogno-  
men communi consensu meruit, ne  
dum imitari, aut æquare, sed vincere  
quoque prudentiam arrogare sibi quis-  
quam auderet? vel satius non esset er-  
rare cū sapientibus quā sapere cū  
insulis, & si per alia adhibita media  
quid futurum fortē fuisset in humanam  
notitiam caderet? Daret itaque Rex,  
& si fortiùs urgeret crimen vel emerita  
domus fastigio, quod rigor justitiæ  
peteret à Sidonio, eodēque propter  
eā leniter emendato, & cautius in po-  
sterum circumspēcto, & quibus nimis  
abundat opibus imminuto simul Im-  
perii securitati, simul honori, decori-  
que familiæ, jurisque æquitati ritē con-  
suleretur, ex quo denique pateat, usu  
clementiæ, atque animi temperantia  
Lusitanæ Tyrannum ab Hispaniæ Re-  
ge distingui.) Subdolis sermo, Regis-

que maximē ingenio cū mansuetu-  
dine ipsa, tum metus præsertim inje-  
ctione versatili appositus impetravit,  
ut adeo gravem hominis causam quasi  
fractus rationibus Rex cognati judicio  
relinqueret. Olivarius igitur jussu cau-  
satus Catholici Regis per blanditias, ac  
preces, & interlitas propē lachrimis lit-  
teras, quas per tempora ad nutum fun-  
dere consueverat, vocat ad aulam Si-  
donium. Idipsum quia latius etiam in-  
cesserat conjurationis compertæ rumor  
per communium utriusque gentilium  
epistolas acriùs apud eundem Sido-  
nium simul intendi curat, ut scilicet  
sine mora, & cū summa fiducia ve-  
niret ad aulam, hīc paratam, certā-  
que sibi esse dicto parenti clementiam  
Regis, secus autem tergiversanti, ob-  
sistenti inexpiabilem fore moram, ex-  
haustāque jam latius jactati, explo-  
ratiue criminis veniam. Atque hoc  
studiosius tunc Olivarius agebat, cū  
enim pro ea deliberatione metus, an-  
gores, pericula passim in affecto valde  
animo, tumultuantique conscientia Si-  
donium circumscissura conspiceret, ex  
eo verebatur, ne quid ille ex abrupto  
suscipiens fortunæ potiùs cū liberta-  
tis additamento, quā libertate orba-  
tus alienæ, ac suspectæ se credere fidei  
velleret. Sidonium verò postquam jussu  
Regis per Olivarium exposita sunt, cū  
in diversum Olivario satis fidendi vel  
diffidendi sollicitæ curæ distraherent,  
variisque proinde implicitæ mentis flu-  
ctibus volutatum, ea tandem senten-  
tia, quā nota sibi facilitas Regis, Oli-  
varii apud eundem arbitrium, & gra-  
tia, communisque familiæ questum  
decus indiderat, tenuit: simul etiam  
quia Batici regni usurpatio in meliori  
fortuna tentata secus acciderat, & Lu-  
sitania, ubi ei tutus, ac pervius à fuga  
poterat esse receptus, nimis angustam  
quæ binos simul tantōsque caperet  
Princeps æstimabat. Sidonio igitur  
cū ibi nec tutō cunctari daretur, nec  
fugere,

fugere, nec porro etiam exigua promissa, inculcataque sibi ab Olivario venix spes affulgeret, ad aulam tandem ex Regis imperio se contulit. Videt hic prior Olivarium, ejusque hortamento, atque interposita fide conjurationis ordinem fassus, delicti, quo teneretur, principium, & causam ab Aiamontis Marchione dicens. ( Illum, asseruit, ad eundem Sidonium secretas hujus sententiae dedisse litteras. Mitteret ipsi fidei explorata famulum, ut ore cum illo transigeret, quod fas non esset, epistolae credere; Missum propterea à se ad Aiamontium Ludovicum Dilcastillum fuisse, qui clam cum eo collocutus, ac postea reversus hac sibi ex Marchionis sermone collecta verba detulerit. Fortuna, tempore, industria in ea rerum vicissitudo & orbe utendum utrisque esse, ne Portugallia magnifica domus, ne communis sanguinis, atque familiae regia pignora perderentur, eadēque subinde ruina, ut ambitio suspecta erat, ac superba felicitas, fortuna, ac necessitudine affines, quotque regiae gloriae, luctusque participes essent, simul praecipites traheret, praeterquam quod iis, qui in Batia viverent, & maxime, qui in eadem, ut ambo, provincia florent, annitendum praeterum esset, ne hac jam fessa tributis, & quotidie plus lacerata foediora quam quae hucusque luxisset detrimenta postea subiret, & vastitate, atque excidio cum egenorum, ac divitum clade postremo consumeretur. Erectis, ac fortibus animis magna esse proposita praemia, ac si forte offensissent per brevem receptum circumstantis periculi fugam; torpentes, ac timidos totque malis indormientes perniciem proximè fore. His per Ludovicum Dilcastillum relatis, sibi que praeter expectationem auditis rebus, metu ac stupore se primum obtor-

puisse execratumque pessimum caput, litterarum cum eo commercium per menses aliquot sustulisse. Quin & diù cogitasse atrectata temerè in ipso tantum perfidiae scelus revelare Olivario eodem ipso intemuncio indicis operam proficiente, postea verò cum crebrioribus ipse datis in eandem sententiam litteris, omni que aurium, intellectuque illecebrarum abusus aucupio jam pertinacius Aiamontius insisteret, illius artibus se pellectum, verborum lenociniis inductum, ac denique victum consensisse prodioni, eamque secreto cum Bregantio tractatum Uliassipponem misisse Nicolaum Velascum è Franciscana familia, inde nefaria constituta consilia, firmata cum hostibus foedera, sollicitatos animos militum, omni que probro, & corruptela militiae, quae ejusdem essent officii, res bellicas haecenus agitatae. Caterum ad hostiae classis adventum, maximumque apparatus, cum bis integrum sibi foret exequi destinata, idque allicere fama facinoris, & falsus honoris splendor objectus, optatisque favere propitia fortuna cum videretur, in rei tamen perpetranda momento, velut sceleris propius foeditate perspecta atque alia tunc sibi objecta diù cogitati facinoris specie, ita se animo cohorruiisse, ut semel, & iterum spe illusos, quatuor, vacuos magna cum classe dimiserit hostes. Jamque deinceps ex facti conscientia sibi intinè torto, atque afflicto, tentatque poenitentia morienti ex longo intervallo in animo confedisse, pravi opportuna, sed jam retractati, abjectique consilii confessione, ac dolore mereri clementiam Regis. At cunctantem, ac secum ipsum pugnantem hinc pudore, hinc per amulos metu in illa animi volutatione, & intestino mentis supplicio inanem propè relictum contabuisse. Acnùs id-

„circò ardere dolore se, atque animo  
 „angi, quia insidiantium præmen-  
 „tiùmque æmuloꝝum indicio is apud  
 „Regem præventus esset, qui non nisi  
 „Aiámontii conamine impulsus con-  
 „jurationem adiecit, atque eam cùm  
 „maturè perficere potuisset omninò  
 „disjecerit. Postremò tot sibi viæ ad  
 „evadendum cùm in illo disetamine  
 „occurrerent, excussùmque à se ipso  
 „pavorem in eos, qui illum incusse-  
 „rant, retorquendum, sua tamen  
 „sponte obtulisse periculis caput, sem-  
 „perque intuxa, incertæque fidei ho-  
 „minum addixisse, & maximè filium,  
 „potiora futura apud Regem officia  
 „Olivarij pro se, quàm æmuloꝝum in-  
 „sectationes, & contortos invidiæ  
 „ictus.) Ad ea benignè Olivarius res-  
 „pondet. Bono, lætoque animo esset,  
 „sua jam opera extortam à Rege veniam,  
 „& qui in majori negotio vicisset, in  
 „minori non defuturum. Instructum  
 „deinde Sidonium, quæ ei peragenda  
 „coram Rege Catholico essent, ad hunc  
 „Olivarius Sidonium per secretum Re-  
 „giæ aditum introducit. Tum verò Si-  
 „donius incultus tristisque vultu, ocu-  
 „lisque pudore, ac mæstitia dejectis re-  
 „gis pedibus provolutus, & oscula cre-  
 „bra figens, mista suspiriis, ac fletibus  
 „voce præteritæ culpæ remissionem pe-  
 „tebat. Rex tunc animo tactus, ac ferè  
 „humefcentibus oculis, ruere in ample-  
 „xus, solòque pervaciùs hærentem  
 „manu allevare contendit, nec ea ficta  
 „quidem, seu fortè quæstia adversus  
 „meritum male clientem erat commise-  
 „ratio, cùm tanta de more Rēgem affi-  
 „ceret, ut vitio propemodum redunda-  
 „ret. Tandem Sidonium plorans, & ge-  
 „nibus nixus supplicem Regi porrexit  
 „libellum cum veniæ exorandæ notis,  
 „& confessionis articulis constitutum,  
 „quem fronte serena, mitique sermone  
 „Philippus accipiens. (Quò gravius  
 „Dux, inquit, errasti, cò mihi majo-  
 „rem ostentandæ clementiæ occasio-

nem dedisti, & quia salutem, & fi-  
 „niam humano lapsus errore, ac per-  
 „nitentia extemplo correctus ad pedes  
 „meos projecisti, utrumque ex animo  
 „tibi remitto.) His ita confectis. In  
 „bonis postea Sidonius à Rege multa-  
 „tus est, ut ita superbiæ alimento sub-  
 „tracto, secundique qui vulgo ita dici-  
 „tur, sanguinis secta vena illa insolentia,  
 „animique decreveret tumor; simul  
 „quia Bætiæ ac Lusitanix suspecta, &  
 „lubrica quoque Sidonio vicinitas erat,  
 „cùm simulata, & coacta sæpè numero  
 „sit pœnitentia, atque etiam hominibus  
 „prior ad pristina vitia recursus, ideò  
 „ille Vallisoleti quod civitas regia, & Lu-  
 „sitaniam procul abesset, vitæ reliquum  
 „ducere jussus est. Verùm hæc prius-  
 „quam fierent, sic Olivario suadente,  
 „Sidonius provocatorius ad Bregantium  
 „libellos immitit, ac vulgat præter no-  
 „bilitum equitum morem contumelio-  
 „sos, minaces, stomacho, & bile plenos.  
 „In his tanquam idem innoxius & fama  
 „quoque incorruptus, ut vulgi rumores,  
 „qui Regiæ secreta suo more rimatur,  
 „eluderet falso impositi ab illo criminis,  
 „artibusque promoti gladio vindictam  
 „exposcit. Porro diem, atque locum  
 „Bregantio Sidonius ad singulare certa-  
 „men statuit. At si eo laceratus libello  
 „Bregantius pro supercilio sibi Regis  
 „assumpto ad consuetum dedignaretur  
 „accedere, tunc ingenti mercede, quæ  
 „prolixo proposita scripto patebat, cum  
 „alia sibi via non daretur, ire ultum  
 „injurias, sicarias in caput ejus extin-  
 „gat. Die itaque præstituta Sidonius ami-  
 „corum, famuloꝝumque agmine com-  
 „municus velut arenam invasit, institit-  
 „que manendo ibi temporis etiam præ-  
 „fixo termino elapsò. Cùm nullus in-  
 „tereà cum ipso dimicaturus apparuisset,  
 „in Lusitaniam inde progreditur inani  
 „ibi quoque ferocia strepens, & minas  
 „per otium undique jactans. Hic ille  
 „quoque tranquilla, pacata omnia, &  
 „ubique silentium, ac solitudinem videt,



& nedum indicto certamini obnoxius, sed ne spectator quidem aut certaminis testis in spatio illo amplissimo occurrit. Comperto ex eo porro Sidonius neminem sibi minitabundo, atque inaniter insultanti procedere obviam, non se ideo neglectum, sed victum dicens, qui secum per arma congredi recusasset, idipsum per testes, & scribam fide constare publica voluit. Quæ, ut simulata, metuque omnia poenarum expressa contempsit Bregantius, ac si revera peracta fuissent, obstabat certè congressui intuti, alienique præscriptio loci, fortunæ ac dignitatis imparitas, ratio præterea personæ publicæ quam jure, aut injuria prætentam in eo statu rerum expediebat sustinere Bregantio. Ita Sidonio in extremo periculi constituto Olivarii favore consultum est. At non eadem profectò fortuna, quæ Sidonium ita servavit Marchionem Aiamontium excepit. Is Sancii, Sidoniique testatione conjurationis particeps manifestus ubi indemnem propè Sidonium, levique duntaxat imposita pœna solum, ac sospitem videt, in magnam, sed falsam erectus spem est quod utriusque consimilis, rebûsque & consiliis connexa criminis causa in pari propè conditione, ac fortuna haud dissimilem foret exitum habitura. Auxere homini stulto fiduciam nimisque sibi met adulanti Olivarii fallaces litteræ quæ inanes spes ejus instantes post recentem indultam Sidonio veniam ante oculos positam quasi per sales, & jocos finem fecere; Numini similem Regem parcere nolle nisi planè peccata confessus. Simpli- cem igitur Aiamontius delicti confessionem tanquam veniam per illam promeriturns exprompsit. Hæc quemadmodum erat signata ab Olivario statim Ju licibus proditur; Judices reum capitali sententia damnant. Porro Aiamontius in urbe Segovia elisis in carcere faucibus perduellionis supplicium

dedit, insigni quidem credulitatis exemplo, aut verius assidua peccati comite pœna, cum in Sidonii comparatione spe falsus, pravòque judicio deceptus aliàs acutus, & providus homo non introspectit quantum familiar splendor, & copiis, & Olivarii cognatione, & ipso jure, & pondere causæ inter se, ac Medinæ Sidoniz Ducem discriminis interesset. De hujus etiam animi immanitate, aut stupore, aut potius constantia, interiusque contemptu, quo ductus est ad supplicium, qui Segoviz tunc aderant, narrant, cum ei pridie supplicium, & hora quoque denunciata supplicii esset, idque jam peracturi cum omni funesto apparatu postridiè accessissent carnifex, prætor, ceterique necis ministri, tunc Aiamontium ætationi somno complexum, altèque stertentem inventum esse; ægrè subinde excitatum sopore discusso, & frustra esculenta ructantem dixisse pauxillo insuper quietis sibi tunc opus esse, prætorem ei respondisse, satis requietis mox perituro accessurum fuisse, tractum deinde ad supplicium eadem animi firmitudine, & ore, ac verbis intrepidum guttur carnifici præbuisse. Ludovicū post hæc Dilcastillum, quem conspirationis quoque fuisse ministrum actorum contextu liquebat, Olivarius corripit jussit. Hunc prius fugientem, ac latitantem juxta Begarem satellites assequuntur, ab eorūque se manibus ipsum comprehendere connitentium nudo mucrone proripuit, post in templi latebra inventus, atque inde per vim abstractus, primò Segoviam, deinde Mantuam Carpetanam traductus est, ubi denique Ludovicus in publica custodia censuētur, datūque est gratiæ, famæque Sidonii, cui tunc quod recens, & incerto jactata rumore, nec latius effusa res esset, illudi per artes laborabatur, ut hic libertatis jactura redineret, quod cruore solvendum esset. Hunc finem sortita est conjura-



tio Medinæ Sidonii Ducis, Marchionis-  
que Aiamontii, quæ non iudicio, aut  
rerum directione, aut tractationis aspe-  
ritate, sed partium ignavia, aut pigritia,  
seu Regis potius fortuna dissiluit.

Interea Bregantius, postquam Lusitaniæ magnates, ut diximus, capite pœnas luere, quoniam Margaritæ Sabaudicæ Principis ope, instinctuque ad conspirandum illos quoque incitatos proceres intellexerat, simul quia cultus, victusque & amplioris custodiæ sumptus graviores quotidie jam propè exhausto videbantur ærario, cum novarum præterea rerum ministrum in regno aleret, tunc demum regnum seseque tam sumptuosa, tam sibi, & reipublicæ infesta exonerare Principe statuit. Sed ea res perfunctoriè in Senatu jampridem excussa, an videlicet expediret pro Odoardi Bregantii fratris securitate Margaritam ibidem tanquam obsidem retinere, & tunc ob fraternas suspiciones, & odia, quæ in occulto Bregantium afficiebant à Senatoribus interrupta, postquam Odoardum jam liberatis expertem apud Germanos ætissimè custodiri vulgatum est, acriorem ex eo profectò consulatoribus curam incussit, & factu perinde, dictuque nefas viris prudentibus apparebat, si redimendi proditi fratris, infontis, qui multa hucusque apud Cæsarem passus, deterrima quæque fuisset, cum in Hispanorum omninò potestatem incideret perpeffurus, occasionem quam tunc in manibus frater haberet sine ulla cura sineret præterlabi. Idipsum ægrè, & molestè audiebar quoque Bregantius, inde trepidus, anxiusque animo rem volutabar, eam maximè tunc ad famam, & popularium referens fidem, quorum urique usu, affectuque penes domesticos, exteròsque ad imperii stabilitatem egebat. Jamque idem Bregantius harum mole curarum, & magnitudine merus oppressus à prioris decreti constantia, qua inconsulto quidem Senatu absque

ulla permuratione, & gratuito dimitti Margaritam censuerat, excesserat. Quæ nunc meditant ex quoque ad novam confirmandam sententiam rationes accesserant, nimirum ut Olivario infensam, & fortuna quoque jactatam, quamquam ibi in custodia velut oblidem tentam Regem omninò Principem neglecturum, nec ejus vexationem aliquid fratri profuturam fuisse; contra verò si immunem mulierem regno discedere pateretur, suæ ipsam retrusæ mentis recessus, & alienatum à fratre animu, & Regum ingenia, & miseras, adversante Senatu, & malè apud populum audientem revelaturum. Itaque fixum in illo Bregantium, Sabaudiam nempe Principem non reddendi consilio, nisi antea frater sibi redditus esset, ejusdem elati, vividique spiritus uxor hoc strenuo argumento deturbat. Si planè, inquit, grandiores natu filii etiam suspecti, nimisque molesti Regibus sunt, tu huic modo regno partibus scisso, & sese, ut ita vides, factionibus laceranti, fratrem impones assuetum militiæ, quique plausus militaris, & gloriæ sumæque, & imperii gustare dulcedinem ceperit? nite illud ingenium, & bonis utcumque moribus temperatum quidam blandiendo, instigando versare, atque efferre aliquando partes rerum novarum in regno cupida possint? Scilicet tanta cuique pro regno sibi parando cum natura luctatio est, vel nunquam ingenium, & hominum mores, aut occasio, aut fortuna, nisi lateat in floribus anguis, commutare suevit, ut oblatum, & parabile quisquam diadema rejiciat, & alii servire quàm imperare malit! Non laudo more Turcarum fratres interfici, sed eos procul habere, atque inter ea, quæ industria vel casus implicuit, pericula destituere. Cæterum Catholici Regis injuriæ, Cæsarisque violatæ fidei non parum emolumentum, vel

„ gratiæ referre debemus acceptum  
 „ cū ex iniqua Olivari custodia uti-  
 „ litas nobis, publicum dedecus illis  
 „ inciderit. Valida in speciem hæc  
 argumenta, viri præter ingenium jam  
 usu, & imperio tractabile uxori nullo  
 negotio flexere Bregantium. Jussit  
 itaque statim Margaritam è regno dis-  
 cedere. Hæc accepto repente manda-  
 to, quia ea ipsa de te Catholici quo-  
 que Regis imperium præstolabatur,  
 cujus injussu se nisi coactam relinque-  
 re regnum rem esse absurdam, ac re-  
 prehendam arbitrabatur, Bregantio  
 respondit, missum à se ad Regem  
 Catholicum, eodem annuente Bre-  
 gantio Pettum de Motta, qui cominea-  
 tum, ut par erat, à Rege peteret, nul-  
 lum hucusque sibi responsum per il-  
 lum à Rege redditum, sine quo illicitam  
 sibi, ac planè præcipitem futuram  
 esse professionem. Ignorabat eo tem-  
 pore Princeps quod in aula Catholica  
 ejus delatis ad Regem epistolis, iis-  
 que ad Senatum per Regem reiectis,  
 ejusdem decreto sanctum fuisset, po-  
 testatem, quam Lusitania abeundi Mar-  
 garita poposcerat præteriri silentio, ac  
 prudenter dissimulari; iniquum enim,  
 & impium hinc esse censebant, quod  
 illa rogaret, inficias ire, sin palam rem  
 inde concederent, vtebantur, ne ex  
 eadem Regis permissione major etiam  
 contradicendi prurigo, aut extrahendi,  
 aut venalem habendi Principis liberta-  
 tem Bregantio cupiditas augetur.  
 Disscrucant etiam in eodem Senatu  
 Consilarii, esse cum Principem Mar-  
 garitam per Lusitaniæ defectionē, ejus  
 cura, regni que regimine devolutam, sui  
 idcirco juris, suæ potestatis, simul ge-  
 neris celsitudine immunem, atque am-  
 pliori dignam obsequio, nihilque pro-  
 pterea in illam moliri, aut statuere fas  
 esse Bregantio pro jure gentium ac li-  
 bertate, ac tum maxime abire cū  
 vellet, à regno, neque exitum impe-  
 dūre. Ea tamen Hispani Senatus cū

Principi occulta sententia esset, sine  
 responso, ut aliàs sæpè rursus illam,  
 & oblivione, ac despectu se quoque  
 jacentem interpretata, dum metu, ac  
 dolore interim angeretur, à Bregantio  
 discedere jussu mentem Regis excusa-  
 vit. At verò Bregantius, cui pleraque  
 arcana Hispani Senatus consilia auro,  
 & industria quæsitæ patebant, rei con-  
 scius, sed tacitus, subdidit tandem mu-  
 lieri, penes se utique unum, nec ho-  
 minem alium in Lusitania rerum om-  
 nium arbitrium esse, quemque suo  
 ipse exigere regno vellet, ejusdem co-  
 actum ni sponte sumptum, futurum  
 egressum esse. Cū eò devoluta res  
 esset, ut si acrius obniti scemina vellet,  
 ad vinum, aut simile quidquam jam cau-  
 sa spectaret, ne Princeps jamdudum  
 Lusitani rigorem experta in majoribus  
 etiam malis experiretur, decimo post  
 Lusitaniam amissam mense, inculca,  
 tenuique familia, habitūque fortunæ  
 casibus consentaneo Ulisippone de-  
 cellit. Iter ingredienti datus est etiam  
 cum militibus prætor, qui specie tu-  
 telæ, sive apparatus, revera custo-  
 dia corporis ulque ad regni confinia  
 illam prosequeretur. Is verò adeò inso-  
 lenter, atque inurbane per iter cum ipsa  
 egit, ut sacerdos sacelli ejus minister co-  
 rudi agrestique tractandi Principem,  
 modo ita, & stomacho multum incen-  
 sus dum ignominiam, & petulantiam  
 liberior, quàm tempus peteret, ob-  
 jurgaret, jussu prætoris in quodam di-  
 versorio detentus, moxque compa-  
 ctus in vincula fuerit. Ad famam ad-  
 ventus ejus, ubi ea primum Castellam  
 tenuit, primarii exercitus Duces cum  
 cohortibus obviam à Montregio Co-  
 mite missi, qui militari obsequio,  
 atque pompa omnes honores Prin-  
 cipi cumulantes Badacocium addu-  
 xerunt. Postea Idelphonfus Cardo-  
 na, qui Protex in Balaribus fuerat,  
 mandato Regis Badacocium se con-  
 tulit, ut domestico primū splendore,  
 ornatūque

ornatūque ad tantæ mulieris dignitatem composito, indè ad Ocaniam paucas ab aula distantem leucas comitaretur. Huc tandem mulier evecta, longo ibi tempore ut ingrato secessu, vel in exilio posita potius ægro impatientique injuriarum animo vixit, ob vetus, ac firmum Olivarii institutum, quantum pro viribus posset, eos à congressu, aspectūque Regis arcendi, quibus regii sanguinis decus, aut elegancia morum, aut meritorum auctoritas partem surripere gratiæ, aut dociles Regis præstare poterat aures; Margaritam verò præsertim, ne ea cum Rege colloqueretur, Olivarius reformidabat, quominus Lusitanæ collapsæ per injuriam ab ipso Principi culpam affectam, hæc quibus usu, ac natura valebat dicendi aculeis, ac nervis in auctorem apud Regem reflecteret.

Inter hæc in exercitu regio quem Monregius Comes administrabat, iterum ut in mores suos redeundi primum, ac lubricum ut plurimum iter naturæ corruptæ est, abusu, ac pessima disciplina militiæ tanquam insaniam, aut furore milites capti debacchabantur. Non crapulæ tunc, non libidinis, non rapinæ, non militaris imperii, ordinisque vivendi modus inerat ullus, augebaturque quotidie cupiditas copiæ, & contumacia licentiæ. Hæc seriùs profectò, quàm pro more militiæ opus erat, Monregius Comes animadvertens, & corrigere quoque cupiens perpaucos tandem, ac deterimos quosque severè plectendo coercere scelerum socios injecta formidine statuit. Quatuordecim itaque milites suspendio, ac laqueo necari jussit universo coram exercitu ea terroris ostentatiæ supplicii imagine offusa. Ceterùm cum non ejusdem negotii in ordine moris, ac disciplinæ profectò sit suere velle ac dissuere; laxare, & contrahere viciòse, atque infectæ humanæ naturæ frænos, multoque hominum

lapsus impediri faciliùs possint quàm emendari, strenuum remedium, ut ferum, irritavit, exulceravitque magis militum animos, quàm lenivit. Proinde miles quidam gregarius summum interficere Ducem in animo volvens, festo quodam die cum ad consuetum obsequiū majoribus sclopiis excussis Monregius salutaretur per errorem velut il lapsam in illum glandem collineavit, quæ paulum à signo proposito aberras, ipsius Ducis laceri adstantem famulum interemir. Mox & Joannes Daza equitum turmæ Ductor in militari tumultu, atque strepitu inter se conspiciantium, hominūque fremitum confossus est, quod ex Ducis mandato severius, quàm ea in veterata licentiæ, militumque contagio sinebat in hominem fontem ausus esset inquirere. Igitur ira miles nec imperii, nec insolentiæ, nec ampliùs libidinis potens, adhuc impunitatis illecebra super naturæ lapsæ & morum effrænum impetum dissolutus, ac vagus, & velut navis sine gubernaculo fluitans apertè jam ad seditionem spectabat, cum secum Monregius reputans vacuum, infamem periculis plenam esse sibi militiam, in aula secus amplissimas sibi opes, magnifici muneris usum, Olivarii quoque gratiæ subsidium, benèque per hunc erga ipsum Regis animum inclinatum, confirmatumque quæ propter dedecora belli, atque inde inertæ, & ignaviæ sibi notam inustam omnia invidorum exposita stimulis, in eo jam esse discrimine viderentur, ut domi simul militiæque omninò ornamentis amissis, nec bonus ipse miles, nec felix tandem aulicus agitaret, valetudinem idcirco causatus missionem à Rege obtinuit. Inde Mantuam Carperanam reversus Italiæ Senatus Præsidis, Senatūque consilii Status intermissa ibi munia resumpsit, nihil in ipso apud Regem ob gestam incuriosè militiam, tórque inanes profusos ætarii sumptus gratia pristina flaccescente quippè qui ex Olivarii partibus,

ejusque in primis addictus rationibus esset. Olivarius autē ut sua noverat interesse, eventorū notitias facundē pingebat Regi, & verborum quasi praeligiis rerum inflexa momenta librabat. Ita Monregio ē belli Praefectura dejecto successit exemplō ut dignitate gradūque militie propior, meritōque superior Ioannes Garañus, versusque repentē moribus miles mutare cum capite vitia eodem tempore visus est. Nihilō tamen minus animi dubius versabat hucusque Garañus, an occasione, & imperio praesto futurus miles, an Ducibus animus, an municipibus fides; satisne excussa militum vitia, & an ea relapsura in tempore forent? Utrum milites Duci, & municipibus milites consentirent, cū res adversae praesertim fallaces hominis latebras, & cuiusque vel astu, vel defectu materiae latentia mala, vel bona merita proferant. His etiam accesserat, esse profectō Lusitaniae finitimum Badacocium, & locorum saepe vicinitatem causas permultis offensio-num, & crebriora dissidia inter se, aliis quoque gentibus aliquando per hospicia, communes affinitates, atque commercia benevolentiam, & usum inter finitimos peperisse; talisque ardere, ac furere nuper foeda ibi militum rabies conspecta erat, ut incolae tunc execrabili militum odio, atque horrore militiae correpti similia, aut minora fortasse, & si illi vicissent, passuros se ab hostibus esse putarent. Id porro tam in cive quā in milite Badacocii Garañus per artes exploraturus quadam nocte supra tenebras nubila falso ad arma clamari, & certaminis signum proponi iussit; perinde quasi tunc improvisus Badacocium hostis impeteret. At Ducein antea Infantari, qui juveniliū amorum errore exactus ab aula hic honorarium agebat militem, ut hoc urbanitatis officium Principi viro praestaret, ne ad classicum surgeret, monuit. Igitur ho-

minum, tubarūque clamore, ac tumultu longē latēque per urbem effuso, concives militibus misti tapin capere arma, concurrere, efferre signa, circumstare portas, propugnacula, mœnia subire, properē omnia, atque alacriter agebantur; cūque id semel in urbe, & rursus in castris expertus esset, jam satis Dux civitati, ac militibus fidens, exinde luxuriae, atque ignaviae adhuc militi illata discutere probra insigni quodam facinore cogitabat. Interim Lusitanus postquam novi suffecti Ducis peritiam, industriam, & animum intellexit, ejusdem praerepto pugnae consilio ad virium animique jactantiam prior idem ipse decrevit lacessere hostem. Valvades Castellae oppidū Badacociū inter & Olivençam hinc unam, illinc quatuor propemodum leucas abest. Planities qui subest oppido situs extensus amoenis, ac passim virentibus cingitur collibus, sed eo leni fastigio porrectis ut inde appositē queat per bellitormenta oppugnari, quatiūque. Propterea, & quod hostico solo premitur locus, & vi atque insidiis vicissim armata vicinitas est, atque assultibus opportunior, solido muro, atque aggere triplici septum oppidū erat, capita quoque viarum interpositis claustris, & munimentis undiq; incisa, & legiones duae cum quatuor equitū turmis assueto praesidio aderant; Intercepere primum, aut si res fellisset, impetu capere hoc oppidū Lusitanus intētus peditum quinque millia, & nongētos propē satis instructos equites Francisco Rabello ductore misit, at plaustra cū militaribus impedimentis, & tormentorū quoque vehicula, ut fieri plerumque solet, adeo iter implicare, ut non nisi ad lucis orientis initium juxta Valverdem copiis appulsis, elapsa cū jam esset occasio, vi, non insidiis agendum hostibus esset. Id tamen antea Garañus per exploratores edoctus Valverdis praesidiū auxerat, & quoniā de imperio, atq; loco graviore inter tribunos altercatio

altercationes exarserant, ne discordia faveret hostibus Franciscum Freilum imposuit, qui ad municipii tutelam Legati nomine iussu militibus daret. Jamque mox radiante die cum omni militari apparatu adversus Valverdem pulverulentus hostis apparuit. Tunc Teraza universò cum equitatu in adventantem Lusitanus emittitur. Cautè hic, & cunctanter obequitans per varios flexus, & obliqua viarum nunc circumire, nunc spontè cedere, post rursus instare, tumultuaria, fugacia, ac leviter ferere praelia, modò ipse in frontem, modo in latera, aut terga cursim in vectus; sed robur, & vires cum ex hac parte longè impares essent, & Lusitanus equitum pedicimque diductis clausisque alis Castellensem propè circumventurus infestus appropinquaret, aversus hic tandem in fugam est, eoque tamen tumultuando, atque orbes agendo distinuit hostem, donec aliquid lociis dederit spatii ad oppidanam parandam defensionem, quò ipse fugatus tandem, ac fusus cucurrit eques, cum oppidanis ceterisque militibus defendere muros & aggerem curaturus. Lusitanus autem propius adfectus prius munimentum, & oppidi situm lustrat, inde colles propinquos subit: ibi tormentario suggestu posito ad tormenti bellici jactum confedit, crebrisque inde ictibus verberare, ac discindere murum, & aggerem cœpit. Diù, acriterque ea verberationis incussa vis, multa donec labe, continentique ruina faciscensibus muris propius oppidum hostis aggressurus incurrit. Hic verò atrocior incenditur pugna, & latior utrinque ex propinquo cum initio calerent vires, aggeritur strages, & cum pugna mox inclinaret his spei, his desperationis incitamento percussis ex causa diversa vis, animique conatus intenditur. Tandem cum etiam contis refractus, ac scissus agger assiduas inter ruinas ac cades nudaret hostibus oppidum, sparsique praterea

lapides arma, ligna & alia substrata corporibus corpora, & desuper jacti contractarum moles acervi scalarum velut gradus assurgerent, iidemque etiam hostes numero praevalentes & animo referi, constipatique impressionem vehementiorem intenderent, tunc dejectis propugnatoribus, per avulsa, atque strata murorum, & aggerum munimenta, & armorum, & corporum clades Lusitani cruenti, feroces in oppidum intrant. Porro intus novì quoddam confertur genus conflictus, quo verso Marte premunt, caduntque victi, qui vicerant. Etenim Freilus, atque Teraza vana illa debiliū murorum, aggerisque defensione comperita, idoneos bello municipes, cladisque residuos collectos milites, viarum initia, quæ erant obicibus interclusa, tueri, ceteros invalidæ ætatis, ac promiscui sexus imbelles, ad majorem Ecclesiam, quæ arcis in modum constructa erat effugere jusserant. Igitur sanguine oppletus cum Lusitanus jam irrupisset, multiplicis pugnae facies, ubique varia, terribilis, fœda ante oculos versabatur, & longè ea quoque minus invasis, quàm invadentibus luctuosas; flexus enim, & capita callium spatiis, vallisque disjuncta, cum alius aliò conflueret, tot diversa, & cruenta certamina sustinebant, & alii quidem audaciùs progredientes inter aditus fauces oppressi, alii temerè subeundo icti, valloque præcipitati, multi ob loco-rum angustias, dum in arctius frequentes cœunt in seipsis tunc implicati, & se invicem collidentes faciliùs obruti sunt. Eodem quoque tempore Lusitanos aut vagos, aut vallis hærentes ab ædium fastigii lapidum jactu, regularum fragmentis, & igneis fistulis Castellenses adoriuntur. Qui verò ædes sive suffugii, sive causa ultionis temerè ingressi erant, familiares è latebra egredi confodiunt. Postremò Rabellus ubi viarum impenetrabiles aditus, volven-

tem retro fortunam sequere omni arte belli tum industria, tum hostis virtute ludificatum videt, desperata, quam maximè optabat, municipii direptione, labore æstuque languidos dispersosque colligit milites, templumque inertis, imbellisque multitudinis plenum eos expugnatum impigrè ducit. Effusa erat ibi planities, ibique iusta ferè concurritur acie, efferatisque continua ferme cæde militibus, jam propè ereptum victoria decus recipere Lusitanus, oblatum autem illud arripere enixius Castellensis incumbit. Post multum fluentis hinc, inde cruoris, & obstinatis animis, editæ cædis cum adhuc dubia res esset; Didacus Lara Castellensis Centurio valida oppidanorum, & militum manu contracta repente à tergo se ostendit. Tunc ancipiti metu perculsus, atque animo fractus hostis fugam subinde capessiturus conturbare, ac dissolvere cepit ordines. Quo viso Rabellus detrahit confestim, abjicitque è capite galeam, atque ita pugnanti, militisque adhortanti, & fluctuantes, ac trepidos fugam respicientes sistere ordines annitenti latus lancea transfigitur, equoque statim excussus occubuit. Hinc Lusitanis jam capite destitutis communis initium terroris, ac cædis præcipitisque fugæ; & fuga quidem effusus quam cædes paruit, non enim acrius urgere Freilus est ausus, aut longiùs persequi pulsos, & in fugam disiectos, adhuc integram hostium multitudinem pertimescens, & quod ei mederatiùs eo tempore videretur esse quidem utendum belli fortuna secunda, cum ad eò varius, ancepsque Mars in eo certamine colluisset. Cæsa hostium ad bina millia, ex victoribus ad octingentos interiere; cædes hostium conditione, quàm hominum numero insignior fuit; nam præter occisum ejusdem exercitus Ducem plures quoque nobiles ceciderunt ex militari qui Christi dicitur ordine, quinque etiam equitum Duces,

signa militaria quatuor adempta, præter plurimos vulneratos, qui per ea ipsa plaustra, quæ pervasati, everisque oppidi spoliis implenda inani fiducia traxerant, Olivençam revecti sunt. Inter hæc Badacocium cum invasit Valverdis fama perlata esset, confestim Garaius Pacecco, Marchionisque Rivenfi præcepit, ut cum duabus hic legionibus, ille majori cum equitatus parte, aut Valverdem urgentem permerent, aut inde fortè digresso in vestigiis occurrerent hosti; simul & Anæ pontem, unde transitus erat, cum copiarum parte subducta circumfiderent. Cæterum Lusitanus jam cæde militum imminutus, & faucibus, ac spirantibus etiam, quorum plurimos secum trahebat, per viam irretitus, cum hoc ipsum metueret, ne sarcinis scilicet implicatus exciperetur, gradus per iter addendo opinione celerius evaserat, moxque obvii commilitones victoriam invicem gratulantes ad castra reversi sunt.

Labentis anni hujus res gestas clausit Romana tandem legatio, quam apud Urbanum Octavum agendam Bregantii mandato Antistes Lameci suscepit. Hujus quidem legationis exitus omnes ferè Christiani Orbis expectatione suspensos, erectosque valde tenebat Principes, dispicere in ea cupientes, quantum pro amore videlicet Galli, pro Hispani formidine, pro sua dignitate, pro opinionis famæque strepitu in hac Lusitani causa Pontifici lieuisset; sed multo magis sollicitos, anxiosque quos vetus exinde, nunc verò incitator eadem in aula jactandæ potentie, vel gratie contentio sustulerat, tum Hispanos, Gallosque in rerum eventum atrexeat. Gravior præsertim Hispanum, cujus maximè res agebatur cura perculebat, ne fortè probatum Urabano, acceptumque illud fictitii, intrusique Regis officium, quasi injecta divinitus mente, afflatumque efficacius palamque Bregantio jus,

nomén

noménque Regis asfereret, quòd planè cum non secus iustitia, ac ejus similitudo vulgares homines rapiat, segiores, pigriorésque deinceps, aut minus studiosos Hispanos pro amisso regno recuperando, ut duriore in suscepta perfidia Lusitanos constituisset. Metuere tamen, quàm credere potiùs offerebatur Hispano Pontificem, qui neutras hucusque publicè partes professus, clam, & velut per latebras Regem Catholicum incessisset, abjecta repente larva, tanto nunc vulnere palam læsurum ipsùm fuisse, qui in promptu reddere vices poterat, & longinquo rerum, ac temporum cursu tantam dissimulando collectam in Pontificem iram effundere. Amplior autem in hoc negotio Gallos alliciebat ex ingenio Pontificis ducta spes, iis scilicet ita prono, ut Hispanis semper adverso, infestoque & magis, quod turpis etiam in aula Romana recénsque rumor increbuisse, ab Hispania, inscio Rege, Olivarium ad Romam misisse sicarios, qui veneno Urbanum extinctum pergerent, idque tam tristi à ferendo summo Pontifici inditio, Cardinali Francisco, ne metu senem exanimaret, exterrito, per Oratorem Gallum Urbanum non sefellisse. Ad sceleris fidem addebant etiam, hanc postea inflictam criminis notam cum res irrita cecidisset, ut Olivarius abstergeret, quemdam apud aulam Catholicam hominem alio, & gravi fortè crimine implicitum, inani spe veniæ oblata, auctore Olivario plectum esse, ut execrabilis se parricidū in Pontificem voliti reum, & litterarum insuper corruptotem, quæ in hac causa Olivarium asperserant, fateretur. Hoc credulum hominem præstitisse, & vero crimini fictum apposuisse, subinde & quod fecerat, & quod mentitus peccatum fuerat, jubente Olivario, pœna capitis exolvissè, ut hoc à se dolo flagitii suspicionem averteret quàm in illo,

qui verè dederat, morte multasset. Hos Romanæ inter aulæ sermones ultro, citroque jactatos, & prout singuli erant partium in animo studiis imbuti rerum intellectionem trahentes; Joannes Ciumazerus, qui ea tempestate Romæ Hispani Oratoris munus obibat jam ex longo tempore instructus à Catholico Rege fuerat, quo ordine cautè, & gradatim iturus sedulò esset Lusitani conatibus obviam, leni scilicet primò, dissimulatòque quodam vigore, atque aspersa gravitate modestia coram Pontifice usus argumentis, ac precibus de causa publica ageret, si nihil temeraria ac modestia cum illo proficeret, tunc validis sensibus sed ambiguis, ita misceret precibus minas, ut nec ruere succensus Potifex posset, nec timere desineret; extrema tandem spe destitutus, ambage verborum ommissa, directè, & constanter Urbano annunciret, quod in aulam Romanam Lusitano legato regio more recepto, inde è vestigio esset ipse Regis imperio cessurus, rescissa amicitia inter Urbanum, & Regem, ejectus ac pulsus ab aula Catholica Apostolicus Nuncius, bonaque omnia Ecclesiastica adempta, ac futuro Pontifici, à quo esset Hispanus jus violatum repetiturus, seposita forent. Rei hujus gerendæ ordo ab Hispano Senatu decretus, & à Rege subinde Catholico jussus ex Imperii decore magis, ac specie quadam modestiæ prudentibus visus, usûque ipso faciliùs tractandæ rei, quæ nimis calidè expta languere, aut transverti primo impetu soleat; at leni ipsi ordine ductæ vis, & consilii cunctando robur, ac pondus, & fortunæ interjectus quandoque favor accedere. His regis mandatis Ciumazerus acceptis, ubi ad urbem appropinquare Lusitanix legatum allatum est, Urbanum confestim adit, utque mos Catholicis est, pedibus ejus affusus senonis initium à vulgi rumoribus petens, de Lusitano quodam, qui regia emen-

titus insignia in Lusitani legati nomen invaserat, novo, & attonitò similis Pontifici refert, jus deinde inconcussum, longiorisque usura temporis ratum, quo avito Rex Lusitanix Philip-  
pus est regno potitus, exponit, idque ipsum fortunis omnibus, liberis, vita, toroque vocato, si ita opus esset, Hispano ad extremum discrimen Imperio enixius tueri paratum esse. Adjicit etiam Pontifici trahere, atque innectere secum hanc communem rationem, & causam Orbis terrarum Principes omnes, ne ex face, ac populi sordibus scilicet Tyrannos exortos, ope ipsi, aut illecebris nutriendos, novos idcirco, pro exemplo felicitis injuriæ, atque impune aliena turbandi, usurpandique regna, terrarum latrones in suis sedibus excitarent, & Regem quoque sibi Philippum auxiliorem, ac vindicem quaererent. Maxime tamen ad summum humanum, summumque Antistitem pertinere suo more, & exemplo sua disciplina componere Orbem, atque in omnium etiã perniciem serpentium ubique malorum semina statim, ac nutrimenta convellere, tandem Philippum Apostolicam ita diligere, & colere sedem, ut doliturus vehementer esset, si durius fortasse quidquam consilium in ipsam lacessitus injuria compelleretur. Ad ea placide Urbanus, hanc Lusitanam legationem, inquit, multò plus sibi quidem facessere molis, & onerare quoque conscientiam, quod cum Episcoporum electione, ac spiritali illius regni regimine illigaretur, alienumque à sua dignitate, atque animo semper fore divinum humano postponere jus, aut Regis gratiæ religionem. Ceterum Cardinalium suffragiis excutiendam rem esse, quodque major, aut melior pars censuisset hoc se integrum habiturum. Hoc accepto responso, nisi multa spei plenus Orator haud tamen adeò sollicitus, anxiusque à Pontifice abscessit: quanquam enim

obscuròs per verborum circuitus Urbanus, cum numero, ac merito potiores inter calculos secrevisset, velle sibi callide videbatur totius negotii assumere arbitrium, ea causâ tamen ad rationem consilii, ubi tunc præpollebat Purpuratorum Hispanica factio rejecta, sibi rem æquiores, aut miora delusam, aut omnino corruptam, vel saltem in dubio futuram Ciumazerus intelligebat, non nulli siquidem Patrum altioris cupidine gradus cautè, & occultè; palam, & alii pensionis mercede constructi partibus serviunt, at numero plures Hispanis, sive clienrele vinculo corti, sive bonorum in Hispania, quæ latius patet, ditione pendendum, cumque sua quemque utilitas agiter, & alios hebetiores affectionis errore moveat, alios voluntariè transversos agat, inter momenta consiliorum plus ab Hispano, quàm Lusitano, Galloque Cardinales plerique sperare poterant, aut metuere. Verum Urbanus Hispano dimisso Oratore illum Cardinalium conventum secum ea ipsa de causâ consultum vocat, qui ab arctiori rerum fiducia, ac puritate partium Consilii Status appellabatur, simul eos Patres qui apud aulam quondam Catholicam Nuntii Apostolici cura defuncti usu, & officio Hispana instituta morisque callerent accersit, eorumque sententiis rem agendam permittit. Inter hos Cardinalis Sacchetti affinitate, gratia, dulcedine morum in primis Pontifici commendatus Lusitanum legatum regis insignibus esse admittendum hoc prope modo disseruit.

Legati munere Lusitanum, qui “ Ecclesiæ intersepta, & cum grege “ Dominico pascereur obedientiam, “ obsequium, & fidem summo Ponti- “ fici, Pastorique regio nomine reddi- “ tum ad hanc urbem appropere, “ quod cerrè pietatis, ac religionis Sa- “ crosanctum obeundum officium, ac “ munus, ne Mauro quidem, aut Sey- “



„ aut Regi cuiusque barbaro ex ultima  
 „ quanquam emerſo pragelida,  
 „ aut torrida cœli plaga, ſi exuta ali-  
 „ quando perfidia peragere vellet, ne-  
 „ gari meritò poſſet. Hanc ipſam etiam,  
 „ quæ in controverſiam modo trahatur,  
 „ legationem cum illa conferri,  
 „ quæ Apoſtoli Collectoris nuncupetur  
 „ in Luſitania, prima autem injuſtè  
 „ ſublata, alteram etiam evelli, item-  
 „ que ſacrorum per intervalla incidentium  
 „ ſurrogationem Antiliſitum, ita  
 „ ut ſine Collectore, ſine Epifcopo,  
 „ regno prorsus neglecto, omnique  
 „ ſubſidio, ac diſciplina animarum or-  
 „ bato, & furis idcirco, hæreſumque  
 „ portentis mox erupturis, & cladibus  
 „ dereliſto, id ultro in Luſitania per  
 „ hoc videatur à Pontifice intendi,  
 „ quod jam ploratur in Anglia. Quid  
 „ porro Tyranne, quid raptoris iniqui,  
 „ aut latronis ſimilitudinem, ſive um-  
 „ bram, ut Caſtellenſes ſuperbè ja-  
 „ ctant in Luſitano Rege prætendi,  
 „ cùm ſtet pro illo & ſuffragatio ju-  
 „ rium, & populi plauſus, & acclama-  
 „ tio, quorum unumquoque diviſim,  
 „ & ſi alia plurima deſint, quæ fanè te-  
 „ dundant in cauſa, valeat Regem le-  
 „ gitimum conſtituere? Verumtamen  
 „ eſto, ancipiti jure, atque integra cau-  
 „ ſa, qua neuter hucusque lite ceciderit  
 „ inter Regem Caſtellenſem, Luſita-  
 „ numque verſari modò negotium re-  
 „ gni, eſſe præterea in more vetuſto  
 „ apud Romanos Pontifices poſitum,  
 „ cum legum auctoritate, ſive acie &  
 „ cuſpide armorum de regno aliquo li-  
 „ tem Reges ingrediuntur, illum pro  
 „ Rege Pontifices ducere, qui per altū,  
 „ aut vim, jure aut injuria in regnum  
 „ inſaſerit, id modò poſſideat. Ita ſa-  
 „ nè Rodolphus, Alphonſusque Caſtel-  
 „ la Rex, cum ſtudio inter ſe Germa-  
 „ nis Principibus ſciſis, ac ſuffragio  
 „ diſtractis de Cæſarei jure diadematis  
 „ diſceptarent, Gregorium Pontificem  
 „ tandem aſſenſiſſe Rodolpho ut Im-

perii poſſeſſione, & populi aura, at-  
 „ que gratia per id temporis perfruendi.  
 „ In Caſtellæ quoque regno perempto  
 „ ab Henrico Petro fratre cognomen-  
 „ to crudeli, regnique impuri, cruentæ  
 „ que per eadem fratris extorti ſubinde  
 „ potito, Hiſpani reliqui Reges cùm  
 „ illum, quia nothus erat, exploderent  
 „ ſibiſque ſinguli regnum, inflexo ad  
 „ libidinem jure ſtatuerent, inter tot  
 „ lege, atque jure altercantes, amiſſique  
 „ Principes obſtrepenſes, impari licet  
 „ materno genere Henrico ſuffragarum  
 „ Pontificem eſſe, quod libens eo tem-  
 „ pore in ſpeciem, ac tacitus populus  
 „ per ſcelus quanquam impoſitum, &  
 „ fratricidio quoque ſœdaturum jugum  
 „ illud jam ſuſtineret. Similia, & per-  
 „ multa ad rem ſuppeteret exempla in  
 „ Neapolitano præſertim expoſita re-  
 „ gno, ubi velut Principum joco, nationumque  
 „ ludibrio, cùm alius alium  
 „ barbarum Regem truderet, ac velut  
 „ ludo pilæ jaſtatum tegnum, recep-  
 „ tūque peregrinas quotidie inter  
 „ manus volutaretur, omiſſo tum jure  
 „ Pontifices, ei niſi palàm Eccleſiæ ho-  
 „ ſti regioſ falſes, noménque regium  
 „ induſerint, cui populi ſtudio, aut  
 „ ingenio, aut armorum fortuna regni  
 „ poſſeſſio ceſſiſſet. Hunc longo planè  
 „ intervallo conſtantem in aula Roma-  
 „ na ritum, minimè quidem nunc citra  
 „ lapſum, & publicam notam pro Ca-  
 „ tholico poſſe Rege, & Luſitanum ad-  
 „ verſus Regem infringi, quamvis & ille  
 „ major, minor hic opibus ſit, cùm ho-  
 „ mo imbecillis, ac tenuis juris momen-  
 „ to ſubnixus potentiori collarus emi-  
 „ neat, atque injuſta, turpiſſique lata ſen-  
 „ tentia fraudem quoque & perniciem,  
 „ Deo ſive homine ultote in ejus au-  
 „ ctorem transferat. Quin etiam teli-  
 „ gioni, ac pietati, & honeſto, & ob-  
 „ ſervantiæ debite legum, quæ pariter  
 „ omnia Luſitanæ legationis cauſam  
 „ corroborarent, accedere quoque  
 „ momenta utilitatis tantæ, ut vix aliàs  
 „ hujusmodi

„hujusmodi juris, utilitatique nexus  
 „in re ulla deliberanda tam arctè quàm  
 „id quod incidit modò consilium  
 „complexus fuerit. Neminem enim la-  
 „tere vastum Hispanæ, ac luculentum  
 „nimis dominium, non minutis Italiæ  
 „modò Principibus, sed cunctis etiam  
 „Europæ Regibus periculosam extēde-  
 „re umbram. Hujusce nimia coæqua-  
 „re potentiam, & immodicas opes,  
 „strepitumque jactantiæ minuere hoc  
 „fore proinde, ut fragiles quoque præ  
 „cæteris Italiæ libertatis reliquias ju-  
 „verit. Ar nihil apius ad rem conse-  
 „quendam intēdi profectò posse quàm  
 „illi objicere Lusitanum, impigrum  
 „scilicet, fortem, ac veterem, inimi-  
 „cum Castellensium ut literarum mo-  
 „numenta testantur tundendæ satis su-  
 „perbiæ propè fatalem. Ab acerrimo  
 „itaque hoste, & tam proximè Impetii  
 „sedem, arcemque prementi fessos in  
 „posterum Castellenses, suisque viri-  
 „bus implicatos Italiæ fortasse liberta-  
 „tis residuo esse minus insidiaturos,  
 „minuſve deformis obsequiū, aut ti-  
 „moris quo rei nunc Romanæ jacta-  
 „rent arbitriū, à Romanis Principibus  
 „extorturos. Non uno quidem eo-  
 „demque impetu tracta cadere simul  
 „imperia. Cominota, ac ruerè, ster-  
 „niquè semel incipientia, membra-  
 „tim ferè dissolvi, avellique & per re-  
 „deuntè intervallis positus labes tan-  
 „dem funditus rolli, sicut ab uno  
 „quam sæpè refixo clavo rotam, in-  
 „genrēque paulatim diffuere machi-  
 „nam contigisset; fluere idcirco per  
 „partes sensimque dilabi Hispanum  
 „sinatur Imperium, quantum enim  
 „animi, ac virium dematur Hispa-  
 „nis, id ipsum Italis accessurum. Po-  
 „stremò Reges Galliæ, Angliæ, Daniæ,  
 „Sueviæ, quotquotque abhorreant ab  
 „Hispanorum servitio, fastūque Prin-  
 „cipes Lusitanum admisisse Oratorem,  
 „Bregantium Regem appellavisse, ex  
 „quo indecorum Ecclesiæ Patribus, ac

notæ præcipuæ fuerit præter rerum  
 „sacrarum neglectam in Lusitania cu-  
 „ram, religionemque periclitantem,  
 „servientium se quoque & adulantium  
 „catibus immiscere, servitiique mer-  
 „cedem rumida gentis ingenia, atque  
 „ex gratia metum ininterpretantia, ac  
 „longiora ludibria pati. Hæc Sacchet-  
 „tus; Cardinalis verò Bentivolus histo-  
 „rix ac nominis claritudine celebris me-  
 „dia, ac temperata sententia usus Pon-  
 „tificem hortabatur, ut regio cultu, gra-  
 „dūque Lusitanus ab ipso Orator admir-  
 „teretur, publica tamen ante fide pro-  
 „fesso, id utique integro, ac libero fieri  
 „Catholici Regis jure. Ita namque nec  
 „novum ponendo, nec deponendo Re-  
 „gem, ejusque Oratore salva lite, dubia  
 „sententia recepto, fore, ut nec inermis-  
 „sa deinceps in Lusitania jaceret pasto-  
 „ralis officii sollicitudo, nec ultima infla-  
 „geretur Catholico Regi plaga, nec ni-  
 „mia inde, & suo contemprix ingenio  
 „hæreret in Lusitano fiducia; imò verò  
 „utrique formidine, spe in ancipiti causa  
 „constricti facilius post hac circuduci  
 „ad nutum Pontificis possent. Ad hanc  
 „sententiam, ut magis cautam, lenem-  
 „que & suffragantis auctoritate maximè  
 „sultam Pontifex, Augustique Senatus  
 „plerique Patres flectere videbantur,  
 „cū Cardinalis Pamphilius, qui Nun-  
 „tius extiterat in Hispania, & paulò post  
 „ad Tiaram evectus Innocentius X. est  
 „appellatus dicere jussus ita fermè locu-  
 „tus fertur.

Duas magnique sanè momenti res,  
 „quæque ipsæ inter se dissidere falsò vi-  
 „dentur, hoc me oportet componere  
 „loco, Beatissime Pater, nempe hone-  
 „stum, & utile, sive animi conscii quo  
 „æquè nobis, ac Deo satisfacimus, &  
 „rationem, quæ dicitur, Status, qua  
 „sacri hujus Imperii tutelæ ac majestati  
 „consulimus. Hinc hominum etiam  
 „opinio, & fama publica manat, varia  
 „nempe, & incerta quædam virtutis  
 „umbra fallaci plerumque mortalium  
 „judicio,

judicio, & errore pererrans, cui neque nos laïcorum Principum more, quibus & vertitur laudi libertate evagari, populique rumotes spernere, sed intensius quidem prospicere juvat, ne quos porro conscientiarum cæteris decet præeidere laqueos, pravo nos fortè tradito exemplo in Christiano seramus otbe. Et primùm pro rei gerende honestate satis nobis provisum existimo, Philippum secundum Hispaniæ Regem arma contra Lusitaniam in juris subsidium cepisse, ita prius à legis peritis, à Theologis, à publicis juris prudentiæ gymnasiis interpretari, in ejus deinde victoris vèrba solemnî ritu jutatum, diuturnamque regni possessionem armis, ac legibus partam in filium, nepotemque hæreditaria successione transmissam. Rem præterea secutos aulae Romanæ plausus, summòsque Pontifices alium, post alium sæculi propè decursu ratam certamque habuisse. Itaque si latronis, si intetectoris injuria Lusitaniam Philippus arripuit, fateamur quoque necesse est, tot violata judicia, tot iniquos, falsòsque Theologos, tot juris peritos scelestos, aut fatuos, totidem etiam Catholicos Reges Tyrannos, & nefarios, impiòsque Pontifices, qui hisce Tyrannis secures, & fustes, & omnia regni ornamenta, ac præsidia, sua auctoritate probando, contulerint; magnamque Orbis terrarum damnare partem, criminarique licebit, ne jure secus, ne causa cadat Btegantæ Dux, quando possessio- nis regni longinquitas, juratus populi assensus, publica commendatio, pacata res, bona fides, Regum concordia vim maximam habeant, ubi vel juris obscuritas, aut in aula debilis error excesserit, qui tempore valet, & cùm semel emarcat, contagio- ni similis hæret, ac funditur, utrum-

que jus partium saltem in dubio sit, hisque adhuc infecta sub judice pendeat, olim tanquam ipsa lacertis, & armis non legum imperio dirempta. In hoc ita conficito statu rerum ambiguo, quo quantum circumspecto consilio expetere partes possunt, in causa mihi minimè obscura, indulgetur, liberum certè nobis illibata conscientia fuerit ad eam, quam publica ratio, aut utilitas dicat, concedere partem. Igitur quod ad sedem Apostolicam attinet, quis nisi stultus, aut ægro animo affectus non dilucidè videat, inter validè arrectas, & commissas acertimè partes, quoties, ut modò nobis contingit, neutras sequi minimè juvat, potentiores, ac pleniores eligere satius esse? Pius secundus Pontifex maximus rogatus de Renato in Neapolitanum regnum substituendo, disertè respondit: Posset ne Renatus Piccininum Ecclesiæ cervicibus imminentem armis expellere? quod cùm negaretur, & quid est, inquit, quod expectemus ab eo si nobis pereuntibus opem nullam valet astre? Nobis necessarius in regno est, qui sua possit, & nostra tueri. Hujus ergo Pontificis ut par est, veneratus otaculum sciscitor, si ultione, atque ira Rex Catholicus præceps suæ ditioni cômista Ecclesiastica bona sequestri titulo abstulerit, si ab Hispania Apostolicum Nuntium ejecerit, si hæc vel alia quæ sita causa Hispanus repentinè armatus irruperit in nostri dominii finitima, ubi nec factis adest custodix, nec bellicæ disciplinæ, si egestas, si fames per vias ab Hispano interclusas, si graviot alius quis casus ob receptum Lusitanum in Curiam acciderit, ea tempestate nobis malorum tot fluctibus agitatis, ac penè obrutis, Galli ne an Lusitani præsidio, an hujus Romani populi facis pœudum modò partes sectantis emet- gendi pateret locus? Nihil utique

stultius

„stultius quàm alienis elatum consiliis,  
 „aliena potentia fratrum voluntaria,  
 „& acerba subire velle pericula, aut  
 „ita futuris te casibus comparare, al-  
 „terius ut ope ex illis te explicaturus  
 „indigeas, cum officium, & fides sæpè  
 „fallacis, semperque mutabilis animi  
 „fructus, vires, & opes ludibrio for-  
 „tunæ sint, sapientésque propterea  
 „consilium, & rationem quàm spem,  
 „& fortunam persequi malint. Pulso  
 „verò Lusitano legato, quò sese illæ  
 „tandem jactabunt, quos nunc insta-  
 „bilitas animi, naturæ volubilis impe-  
 „tus, ac simul comperta sibi vinum  
 „infirmis agit minæ Gallorum cir-  
 „cunstrepentes? siquidem longè ab-  
 „sunt, nec meliora, sicut Hispani, sa-  
 „cri ararii nostri pignora tenent. His  
 „etiam adde quod in hac partium con-  
 „tentione ut fautores concurrû Galli,  
 „Hispani de suo graviori negotio  
 „decertant, ex quo vana tantummo-  
 „dò illis in urbe Romana gratia, vel  
 „ostentatio virium, vel patrocinii sus-  
 „cepti pudor, his autem imperii ius,  
 „cepre decus in discrimen adducitur.  
 „Beneficium postulat Gallus, quod  
 „sæpè numero adeptum faciliè tollit  
 „oblivio; Hispanus deprecatur inju-  
 „riam, quæ alius inhaeret animo ac-  
 „cepta, & viscera quoque urit. Ea ita-  
 „que in Lusitani, Galli que gratiam  
 „offensione Hispanis incussa, acio-  
 „rique per illam conslato vindictæ sti-  
 „mulo, multisque propterea pericu-  
 „lis circumfusus, cum satis de Gallo  
 „dixerim, vindicare ne poterunt nos  
 „hi Lusitani recentes, enerves, fluidi,  
 „à nobis valdè longinqui, atque ultra  
 „fretum Herculeum in extremo ter-  
 „rarum positi, qui tantum profectò  
 „agitare, aut Romæ petere audebunt,  
 „quantum & ipsos Gallorum impul-  
 „sus, favôrque sustulerit. Est nobis  
 „nunc in discrimine, Sanctissime Pa-  
 „ter, Lusitanos an Castellenses, sive  
 „Hispanos amicos habere velimus. At

qui Lusitani, ut dicebam longissimè  
 „absunt in arctò quodam Hispanico  
 „sinu interclusi, Hispani in Italia no-  
 „stris cervicibus imminet; propriis  
 „Hispanis consiliis nobis; Lusitani alie-  
 „nis viribus conunantur, Hispanos  
 „copia, Lusitanos inopia tener, illi  
 „amici veteres sunt, hi adhuc ignoti,  
 „inexperti, novique; cumque utpluri-  
 „mum noxia in meliùs etiam in spe-  
 „ciem facta amicorum mutatio sit, si  
 „hæc planè in deterius apertè fiat, quid-  
 „ni mutatio pestifera foret? In hac er-  
 „go partium electione, quæ ex rei pro-  
 „positæ statu, & articulo nobis certè  
 „inevitabilis est, utilius profectò vide-  
 „tur, ac tutius assistere Hispanis, quo-  
 „rum potentia major, quorum ira  
 „propinquior, quorum ultio pericu-  
 „losior, quorum gratiæ tandem emo-  
 „lumentum uberius, ac plenius est.  
 „Verumtamen nescio quid inanis fidu-  
 „ciæ jam aures, sensusque nostros oble-  
 „ctet ex specie, vel pompa quadam re-  
 „ligionis Hispanæ subductum, quo te-  
 „merè nihil illos, aut incompósitè  
 „acturos, ne vetus scilicet illud artis  
 „Politice fundamentum evertant os-  
 „tentatione quidem pietatis, fucòque  
 „interdum religionis innixum, contra  
 „Apostolicam sedem putandum sit, ut-  
 „cumque nobis in causâ decernere  
 „placeat; nam præterquam quod ubi  
 „de injuria cuique, aut contumelia in-  
 „ferenda agitur, si minus quisquam ut  
 „fatuus sua sponte perire accersito sibi  
 „periculo velit, eum quem lædit inju-  
 „ria, ultorem, & maxime infestum  
 „ad illam reddendam totis viribus sur-  
 „recturum, ac si ad eam propulsandum  
 „revera suppeditent vires, tanquam  
 „certum præhabendum in animo est,  
 „quanto in errore versentur, qui ita  
 „de Hispanis ratiocinantur, qui vixi  
 „diutius in Hispania satis mihi specta-  
 „tum est. Hispanis quippè divina in-  
 „concussa fides, varius usus religionis,  
 „doctrina ad rerum momenta flexibi-

lis est. Exterius sæpè apud illos utilitas ab honestate, atque jure peti-  
cos, atque pigmenta pulchritudinem  
mutuatur, & Deos nonnunquam  
studiorum suorum velut satellites  
credunt, aut ita credi jactantes vo-  
lunt. Tam tortuoso igitur multipli-  
cisque Hispanorum ingenio rationum  
antractus, aut per aurum ludibria  
composita verba fortasse ad ultio-  
nem putgandam deficient, cùm Lu-  
sitani regio more receptum in Cu-  
riam ulcisci velint, illisque simul ad ul-  
tionem rapidus animus, sensus dolo-  
ris acerrimus, æqualis potentia, reli-  
gio, quæ sola obistere posset, versa-  
tilis sit. Cunctis mortalibus, gravio-  
ris quàm te ipsa momenti sunt infla-  
tæ sibi videntur injuriæ; raro quem-  
quam non pœnituerit, se qui plus  
posset cum offendisse, ferè nunquam  
inultus omisit cui impunè ad vindi-  
ctam grassari licebat. Hæc omnia si-  
mul in nos ex Hispanorum parte  
concurrunt; lacescere quidem illos in  
nostra manu positum est; iratis in-  
festisque satis illis occurrere, cùm  
magnum præsertim incendium exul-  
cerata potentia susceperit, nec in no-  
stro, nec in Lusitani, Gallique situm  
arbitrio, vel opibus est. Atqui obstat,  
inquit, inveteratus Ecclesiæ mos, illi  
rata nimirum insignia, noménque re-  
gium habendi, qui regni controversi  
dominium jure seu injuria teneat, ne-  
ve utilis quoque nunc opportunitas  
effluat, in aula Romana premendi,  
quod omnibus stomacho, & odio  
est Hispanorum intolerabile superci-  
lium. At etiam si res attentè confide-  
retur, valdè inæqualis profectò ratio  
exemplo collata, atque in tem subje-  
cta argumenta discriminat. Illic enim  
inter Principes viros genete, opibus,  
claritudine ferè pares disceptatio  
de regno erat, hic verò inter Re-  
gem, & hæcenus subditum, sacra-  
menti nempe ruptorem, perduellem,

Tyrannum simul ad regni solium tu-  
multuantis cæno populi evectum, re-  
luctante nobilitate, cujus planè con-  
ditio ne dum imperii possessionem  
deformat, debilitatque; sed obrepere  
etiam ad integros imitandi contagio  
posset, dum æquè Regis ac subditi  
vices ad libitum hominum plebisque  
temeritatem converterentur. Quid  
autem amplius de Hispana insectanda  
superbia loquar, quàm quod ipsam  
congestis, tractisque ab ea regione  
thesauris, pecuniaria quasi pœna mul-  
tamus, eludimisque dum ridiculus  
illis, nostra patientia tumor, solida  
nobis opes augescunt, nonne  
satis supérque pœnarum hæc natu-  
ræ, hæc morum asperitas, hæc  
animi inflatio, hæc affectata gravi-  
tas, sive hominum insolentia nobis  
dedisse videtur nervorum inci-  
sione? Plures Europæ Principes  
Bregantium Regem salutaverunt  
ejusque Oratorem pari titulo rece-  
perunt. Qui portò, nisi Austriacæ  
familie hostes, & quorum inteterat  
utrumque nocere hosti? Nos verò  
hostesne Regis Philippi sumus, an ita  
esse expedierit, ejusdem hostium ves-  
tigia sectantibus? Quod si mediam  
sententiam tenere placeat, hæc enim  
etiam objecta est, qua scilicet salvo  
Regis Catholici jure Lusitanus ut re-  
gius à nobis admittatur Orator, præ-  
ter Hispanos hoc vulnere graviter  
ictos, Gallasne an Lusitanis hoc fal-  
laci, inanisque commento morem esse  
gesturos credimus? Hi quidem exi-  
guum hoc potius quod sibi cautè de-  
tractum, quàm id quod foret omni-  
nò concessum mortalium vitio con-  
siderantes, ipsisque ob injectam ab  
Hispano formidinem per eam cautio-  
nem jus imminutum, ac omnino in-  
tervedum esse querentes, inquieti,  
arrogantes, obtrectatores majora, &  
procacius subinde reposcent, ideò  
que nos propter metum offensionis-

„ via quasi media incedentes ex eo fecerant,  
 „ dius lapsuri sumus, quod nec Hispani  
 „ norū nobis effugere odia, nec prorsus  
 „ Gallorum inire gratiam contigerit. Ea  
 „ quidem sententia gravis Sanctæ Sedis  
 „ splendore, ac robore digna est quæ  
 „ in deliberando constantiam, animi  
 „ magnitudinem, atque morum candorem præfert; cavillantium tricas,  
 „ implicitas artes, ac dolos, quæ captantes  
 „ ut plurimum captant profanis  
 „ Principibus relinquantur. Cæterum  
 „ non negaverim unam in hoc negotio  
 „ maximamque difficultatem urgere,  
 „ ne Lusitana hæc Ecclesia sacris Præ-  
 „ sulibus destituta per injuriam, ac negli-  
 „ gentiam errore aliquo exorto in  
 „ fide, atque officio aliquando labaret,  
 „ cui quanquam periculo posse videtur  
 „ ad tempus occurrere, ad ipsum nempe  
 „ Pontificem, seu more Germanico  
 „ accepto, ad Canonicos Ecclesiarum  
 „ conventus Episcopos nominandi per-  
 „ functoriè transmissio jure, quia tamen  
 „ hæc constitutio, ut rogatione sua ex-  
 „ clusam, & contra annitentem utram-  
 „ que offenderet partem, de regio ora-  
 „ tore de Episcopis nuncupandis ad  
 „ rem penitus statuendam, decennium  
 „ præscribi censeo. Interim tum Hispanos,  
 „ tum Gallos æqua spei, metus-  
 „ que lance suspensos, ac dubios, eoque  
 „ diutius nobis addictos habentibus  
 „ dispicere dabitur, utrum novum per-  
 „ manet imperium, pax, an bellum con-  
 „ retentionem dirimat, interfusentisque  
 „ fortunæ casus saniora nobis consilia  
 „ in tanta rerum ambiguitate, ac ru-  
 „ multu subicere poterunt.

Cum hæc Pamphilus dixisset in ejus  
 sententiam ut mediam usque temporis  
 pertractandam discessit Pontifex, nec ei  
 obstitit unus qui totā turbare rem pote-  
 rat, & cui adipiscendi quoque Papat-  
 us expectatione occulto artificio Pam-  
 philius pro Hispanis, & contra Hispanos  
 locutus in causa de eorum non-  
 nulla moribus quasi exprobando inter-

jecerat, ancipiti quodam suffragio assen-  
 tari studebat Cardinalis scilicet Barba-  
 rinus. Etenim Barbarinus Courensis id  
 temporis Galliæ Regis in aula Romana  
 legati cum superbiæ fastusque valde per-  
 tarsus esset, ut hic munere amoveretur,  
 spem fecerat Regi Galliæ, si novus, &  
 cui mitior adesset indoles morum, Gal-  
 lus Orator cum Lusitano Romam ve-  
 niret, faciliorem utrique, se quoque an-  
 nitente, futurum ad Pontificem aditum.  
 Courensi verò legato adeo offensum, &  
 nausea ac prope stomacho affectum  
 esse Pontificem, ut omnia ejus facta,  
 atque dicta averso præ animo perpe-  
 ram spectans omnino negotia labefac-  
 taret. Porro autem nisi Principi gratum,  
 & qui ingenii dexteritate, modestia, le-  
 pore simul, & gratia quemdam in se  
 quasi virtutum concentum efficeret,  
 neminem rectè apud Principes posse  
 legationis munere fungi. Itaque mox  
 Courensis in locum Barbarini opera à  
 Rege Gallo Marchione Fontanen-  
 si suffecto, ipsique Lusitano in itinere  
 Ducem, & Comitem dato, jam Car-  
 dinalis Franciscus sui voti compos cæ-  
 tera negligebat. Id nimirum in causa  
 fuit cur primo Urbani ministro palam  
 non adversante haud ægrè in Pamphi-  
 lii sententiam itum. Lusitanus præ-  
 rerea legatus si eo tempore in aulam  
 cum illa animorum, partiumque jacta-  
 tione, dum res ita caleret, admittere-  
 tur, timore perculsis, ne inter æmulas  
 nationes, & partes turbæ mistarumque  
 ibi gentium barbaries concitarentur;  
 placuit etiam Patribus, Urbanoque ne  
 dum à Pontificis aditu procul, sed ur-  
 bis etiam Romanæ Lusitanum habe-  
 ri. Hoc novum decretum cum Pon-  
 tificio adversum ingenio, & rebus an-  
 teà ab eodem in Galliæ favorem ge-  
 stis oppositum, ideoque insperatum,  
 ac ferè præceptis Galliæ partibus vide-  
 retur, eo molestius, & gravius Lusi-  
 tanos, Gallosque perussit. Convocat  
 itaque statim consultum in aedes suas

Cardina

Cardinales clientes Gallus Orator, ferox hinc animo rapidusque non suffragiis, sed ferro, atque vi rem totam decernere postulabat; erat enim promptus ingenio, longo in nationem gratia Pontificis usu tumens, & modo insuper lacessitus fallaci quam nunc acerrime repetebat Barbarini promissione. At Romani Principes astu, & consilio nunc expeditius, ac tutius res aggredi, ac vincere soliti serio monebant Gallum, cunctatione, patientia, agendi seque flectendi dexteritate fluere prosperè quidem omnia, per abrupta, ac celeria nimis consilia, negotia, spes sæpè, & homines quoque præcipitari. Cum sene gerendam rem esse, senibusque sicut profundum, ac peracutum ingenium, ita ex rerum incidentium peritia, ex frigefcente in corpore sanguine, ac lassitudine propè spiritus trepidum anxiumque inhæreere iudicium, & animum, pavore huic itaque seni revera, vel ficta per animi turbationem adumbratosque præcipuè tumultus incusso transverti è sententia facillimè posse. Frustra igitur per minas, & arma, & cum periculo ex hoste, atque ira Pontificis peti, quod mora, & industria facilius, ac citius obtineretur. Eo etiam accessit, qui in eodem conventu aderat Cardinalis Barbarinus Antonius, isque omnium consensu dolum ita composuit quo caperet patrum. Eiusdem scilicet auctoritate confessus, ac nomine electus aliquis Purpuratus pergeret ad Pontificem, nunciarètque Hispanorum vulgatas in urbe minas, ingentes armorum, bellicique pulveris moles interdiu, noctuque in Oratoris aedes illatas; cætus, ac passim hominum turbas per areas viarum, per trivia Romæ misceri, extraneos accitos è sinibus milites, proscriptosque qui latrocinis, ac cædibus pasti, vagam ac perditam ultra terminos vitam ducerent. Tantarum ad strepitum rerum plebem Romanam atto-

nitam, ac penitus animo consternatam obtorpuisset, eò fortasse tandem inclinaturam quò fors certaminis cecidisset. Ex altera verò parte Lusitanos Catalaunis Gallisque promiscuos arma sollicitos expedire, trahere secum alios clientes, amicos, homines mercenarios, & hostibus obvia quamvis atrociam frequentes communicare cōsilia quancumque vel levem injuriam, & contumeliam ulcisci cruore paratos; jam ebullire seditionem, & prope rem esse ut Roma sanguine redundaret. Daret itaque Pontifex Romanos milites Lusitano, qui eum extra urbem attentissime custodirent; & qui per viarum etiam capita distributi fluctuantis in urbe seditionis anteverterent astus. Hæc in paucis admodum vera, pleraque afficta inculcanda esse Pontifici in eo Cardinalium conventu proposuit Antonius. Erat autem hujus latentis fallacie nexus, atque inanis amplificatio in hunc modum composita, si enim extra urbem incautum, & contumeliæ inimicorum expositum Lusitanum legatum defecisset cum ejusdem Lusitani periculo minaces per hominum voces, armorumque apparatus tunc Pontificia quoque auctoritas, ac veneratio nonnisi videbatur in discrimen abire, sin ipsam cura, & excubiis extra urbem circumvallari mandasset, hoc etiam timoris notam, ac dedecus in Pontifice arguere perinde, ac suprema in Orbe majestas, nisi excubiis, & armis domi munita externis ludibrio foret. In hunc modum objectis, auctisque falso periculis, Pontificem genio suo proniorem ad deterrima quæque de Hispanis existimanda, sua sponte venturum arbitrabantur, ut Lusitanus in urbem sacrum velut asylum ingrederetur, consiliūque proprio quasi Marte delapsū obstinatius sustentaturum; ita enim consilia quo ea facilius amplecti velint, exponenda

Principibus sunt, ut ex causæ rerumque contextu deliberationem ipsam manantem dum illam arripiunt velut proprii iudicii sœtum sibi met adulando cognoscant. Cardinali igitur Bichio, qui in Gallorum partibus erat, hoc transigendi cum Pontifice munus injungitur. Pergit ad Pontificem Bichius, omnia quæ jussu erant verborum insuper ambitu, & copia, laterumque conatu proponit. Arma repente, facies clandestina consilia, minæ passim effusæ, hominum concursatio, tumultus, certamina partium, omnia instrumenta bellicque terrores menti, oculisque penè Pontificis offunduntur. Quibus auditis Urbanus sive ira & odio in Hispanos, sive objecta terroris specie commotus, ac verisimilitudine captus, accedere statim ad Curiam Lusitanum legatum jussit, addiditque in quo falsus tantummodo est Bichius, ne regia ostentatione, atque pompa, sed clam, & privatus in urbem intraret. Ceterum ne id quidem Pontifex est assecutus interventu Galli Oratoris, qui ut acrius repungeret æmulos, habitumque aulae proprium inanem jactantiam, & patrimoniorum ruina compositum luxum ostenderet exquisito ornamentorum splendore, & magno equirum apparatu in domum suam hospitem Lusitanum excepit. Oratorem agmina famulorum, ac turmæ clientium pompa certatim, habitusque ornamento splendentium sectatur: amplissima tanquam scena, ubi Romæ alii obsequiū, & fidem in Gallum Regem, alii opes suas aulicis ostēterent, per summā luxuriam explicita. Cardinalis Barbarinus Antonius cultu ipse, animoque magnificus ad quingentos armatos præmiserat equites, qui securitatem itineris explorarent, inflammavitque generositatis exemplo clientes, adeo ut Romani populi plausus in partium effusa ostentatione ac læticia triumpho similis personaret. Immoto ad hæc

omnia, atque omnino silente Hispano legato, qui nuper togam cum exuisset, ut Oratorem indueret, pacatis, ac forensibus potius negotiis idoneus, quam Politicis, ac militariibus videbatur, nisi hoc etiam ad cunctationis Hispanicæ partem, ac dissimulationem referre liceat. Itaque Lusitanus cum jam expugnasset Romanam ad urbem ingressum, spe inde inflator Urbano libellum, in quo à veteribus Lusitanæ Regibus repetito, explicato, & usque ad Bregantium eleganter deducto jute, regii petebat Oratoris honores, porrigit. Hæc postulanti Urbanus silentio perstrixit. Nam idem ipse magis quotidie magisque animo incertus, ac pavidus ob partium in causa pertinaciam tantam perspectam, ac vim, quid ageret, quove se verteret agitabat, quippe cui ex aula Catholica admonitus scripserat Apostolicus Nuncius, propter ipsius adeo notam, ac nimiam in Gallos benevolentiam, insuper nunc Lusitanum amicitia ac fœdere completentes, anxium Olivarium, ingentisque irarum volentem ætus, eidem Nuntio palam denunciavisse quod Principis, Pastorisque personam benè, & appositè sciret Catholicus Rex in ipso Papa discernere, & quod aliam se junctam ab alia, si occasio quandoque tulisset, incorrupto pudore persequi licuisset, eas simul alas divitiarum, seseque efferendi nimis fomena quæ Rex Sacrorum à Principibus accepisset, cum per eas insolesceret, tempus fortasse venturum, quo iratis Principibus redderet. Proinde morosum ingenio Olivarium, ac trucem, ac diuturna patientia propè jam efferatum, si nova, eaque acerba cumulata quoque molestia fuerit pressi torrentis in modum cum ruina, atque strage tandem erupturum fuisse. Hiccuimodi impressis in animo minis Urbanus, cautiorem se in posterum, & minora quæque paventem habebat. Lusitanus ve-



rò legatus absque responso ab Urbano dimissus prælo subductum opus subinde vulgavit, in quo explicatius, ornatiùsque capita rerum exposuit, quæ siccius, ac pressius ne fortè verbis obtunderet paulò antè Pontifici dederat, cùm juris præsidio regiam legationem exposceret. Huic aliam stationem lucubrationem, & luculentam, quæ adversam labefactaret, Joannes Ciumazerus in sua jam arte irritatus opposuit. Sic denique Romæ armis

calami successere, partèsque per quietem, & orium, pro armorum cuspidibus stylos exacuebant, ea ludicra tunc literarum certamina, ac diverticula ingeniorum esse tumultibus interjecta longævus gaudentibus, ac simul iridentibus aulicis experimento satis edoctis torpere apud Principes rationem nervis, ac viribus destitutam, jurisque legalis vim in illorum judicio, arque foro ad potentie mensuram intendi plerumque ac remitti.





# D E BELLO LUSITANO LIBRI TERTII

S U M M A.



ORTUITA, parvâque res Lusitanos & Castellenses, celerius quàm antea soliti erant, ad trahenda arma commovet. Alfonso Melus capivos Castella milites, velut mancipia turpiter exercet. Ludovicus Lancastrus commilitonum injurias ultum mittitur. Campomajoris, dolo per Hispanos tentata receptio, fallaci exploratoris fide, corrumpitur. Valverdem diripit & incendit Lusitanus. Occupat Tellius oppidum Elce, cujus arcem ad primum tormenti bellici jactum prodit Gubernator. Dux Alba amissam arcem frustra recipere tentat. Sancti Martini obsidionem irritam Tellius tollit, inde Elcam uris, & arcem excindit. Viverus & Burgius quàm plura Lusitanie oppida incendunt, & diripiunt. Memoria posterorum digna quarundam mulierum Lusitanarum virtus. Isabella Borbonia Regis Catholici uxor frequentes exercet cum Olivario contentiones. Urget per se, clientisque suos, Regis profectionem ad Aragoniam. Neslit difficultates Olivarius, Regineque voluptatis blandimentis, à belli curis abstrahere conatur. Invito ac palàm repugnante Olivario, secundum Marebionis Granensis sententiam Cesarauquistam Rex sese confert. Bellum Lusitanum elanguescit. Viennæ agunt Hispani cum Cesare, ut ex Germania, Odoardus Mediolanum traducatur. Olivarii genus, cultus, vitæque institutum. Invitus, à patre Salmanticam mittitur, ad Iurisprudentiæ addiscendam doctrinam. Morte fratris ad Regiam translatus, servitio sise addicit Hispaniarum Principis, quo ad regnum evello, Imperii regendam molem suscipit. Deficiente Catalaunia, Regis in ipsum minus capis benevolentia. Regina presentiens labare jam Olivarium, extrema illius ruinæ ministrum eligit Margaritam Sabaudum. Secretum Margarite cum Rege colloquium. Comes Castrellinus, insimulæ Regina detegit Regi, quæ ipsum latebant, republicæ vulnera. Olivarius, quod liberius imperaret, inter Cesarem & Philippum dissensionum ac diffidentie semina jaciebat. Hinc Regina, Marchionem Granensem monet, ut contra Olivarium insurgat. Anna Guevara nutrix olim Philippi tyrannicæ Olivarii Gubernationem Regi exponit. Rex & Regina egre patiuntur, Balihassarum Hispaniarum Principem, ætatis annum quintum decimum agentem, Olivarii artibus male educatum, ac pejus edoctum, inter mulieres adolescere. Henricum filium nothum famulatio Principis proficere cupit Olivarius. Manu Regis conscriptos codicillos accipit, ut Loecium pergat. Olivaria lachrimis, Regis Regineque animum mitigare nequit. Ludovicus Arus, ut irriduè in palatio maneret Olivarius, impetrat à Rege. Incredibilis letitia,

*publica gratulatio omnes afficit, ob lapsum Olivarii, qui impendens à furore populi periculum arte subterfugiens, Loccium petat.*

~~~~~

# BELLI LUSITANI

## LIBERTUS TERTIUS.

1641



LIBERTUS anni volventis initio fortuita, parvæque res Lusitanos, & Castellenses celerius, quàm antea soli

erant, ad arma tractanda commovit. Alfonsus Melus Transaganz Provincie Præses perpetuo labore, & gloriam, decusque militiæ professis indigno complures lassabat, quos Elvi captivos eo tempore habebat Castellæ milites, dum vilia, ac sordida quædam urbana opera stare per ictus, ac verbera cogeret, & alios fodere terram, alios dorso materiam vectare; omnes velut empta mancipia milites laboriosè non minus, quàm turpiter exerceri; & maximè nobiles inter eos, quorum plurimi tenebantur, assiduo quamvis opere fessos longè plus stimulus ignominie quàm oneris impatientia perculerat. Huc & mordacia dicta accedebant, & felle respersi sales, & superba hostium ludibria, eorum auribus minus parentium, quorum corpora fatigarent; quæ audire, ac perferre talia, & ab aliis spreto à se hoste insuetos acerbis Castellensium animos uferant. Ex illis igitur miles quidam gregarius animo audacior, & excitator etiam ingenio sitim se habere simulans, ut eam in propinquo restingeret fonte permissionem à Duce poscit, datûque est illi prorsus inermi miles custos Lusitanus, qui eundem post aquæ hauritum ad consuetum laborem deduceret. Hic ergo dum supra fontem curvatus corpore bibere simulat, lurulentam manu raptim compositam massam retro repentinè volvens impingit in os, oculosque militis Lusitani, qui impro-

visto turbatus, ac territus ictu, & lachrymarum quoque cadentium effluvio paulisper lumine orbatus dum recipere se orisque & luminum sordes abstergere curat, jam interim Castellensis pernicie pedum elapsus, per anfractus viarum arrepta fuga limo suffusam, & caligantem oculorum aciem fefellerat. Ille igitur miles postquam Badacocium pervenit, hostiumque ludibria Garaio, ac scædam sociorum captivitatem exposuit, Ducem commovit, ut illico iret comilitonum ultum iniurias, utque vi sive dolo libertatem tentaret. Erat tunc in exercitu tormentorum præfectus Ludovicus Lancastrus non minus decore militiæ, quàm generis amplitudine clarus. Hunc iussit Garaio tribus legionibus sumptis, ac millibus ferè delectis equitibus improvisum, & quo maximè posset impetu ruere in externum Elvi præsidium, ubi premi labore captos ac dedecore affligi milites nunciabatur, si forsitan illi, cum ex propinquo commilitones viderent, repentinè collecto animo inter hostium tumultum, ac trepidationem elaberentur. Vastam quoque planitiem, quæ circa urbem effundebatur, cum oleæ interjectæ, vepresque & quidam velut sinus, flexusque armandis insidiis accommodarent, iussit ibi equitatus occultam subsistere partem Garaio, dum prætervecta peditum acies vel signa cum hoste conferret, vel ipsum incautum ad insidias traderet. Lancastrus impigre iussa Ducis exequitur, & multò antequam dies inalbesceret Elvo jam proximè infestus cum exercitu minabatur. In urbe repentinè cum turbinis instar obiectus ante oculos esset hostis maximè trepidatum, suis deinde consiliis, & armis ob rem improvisam impliciti majori celeritate quàm ordine alii fusi, alii se invicem collidentes per solutas, pa-

lanrésque ferè catervas Lusitani discurrunt. At primum ea ne fortè elabendi foret occasio, custodia Castellæ captivis intenditur; nihilo tamen minus plerique eorum ex hostium confusione, metûque animos colligentes pars pugnis, & jactatione corporis eluctantes, pars inter hostium pavorem, tumultumque dilapsi, nonnulli fortius prolibertate pugnantes spiritum reddunt. Interim Alonsum Melum, cum Joanne Costa, Michaële, Acevedo, isque primariis exercitus Ducibus, obviòque milite cursu qui præcurrendo antecederat iter, adjuncto progressum exortì repentè regii milites inrercludunt, ingenti edita strage, ac ferè impunè diffuso cruore, ac nisi tum equitum Commissarius surgendi ex latebris nimis citò dedisset militibus signum, cæsi propemodum omnes, aut velut retibus capti insignis rëgiorum præda cessissent. Dum in hunc modum aperto campo confurgebatur, ex urbis mœnibus, arce, cum magno fragore, impetûque à belli tormenris emissæ pilæ in vagam utrinque tuerres aciem non minus civium, quàm hostium in lato campo sternebant. Tum Rodericus Castrus Lusitanus equitum Ductor cui initio quoque imperaverat Melus ut cum reliquis pedirum, equitumque plenòque agmine rectè procederet Castellensibus obviam, ipse dum interim Melus alia semita circumductus hostico lateri improvisus incurreret, & postea in insidias, ut diximus, eodem tramite offendit, jam hostem adeptus acriorem cum illo pugnam inierat, ibi enim Lancastrus, ibi densatus constipatusque pedes, ibi simul eques immixtus vehementius ordines impellebant. Ex adverso Lusitanus Hollandis, Gallicis militibus communitus cum omnibus nervis eodem in loco gradum intulerat, & utrinque certamen incalcescebat. Neutrò fortuna hucusque inclinaverat, æquis idcirco viribus,

æqua propemodum sorte in incerto judicii, speique pendebat res, cum ex utraque parte certantibus opportuna, & eorum, qui insidias tetenderant, & qui illas nuper evaserat, nova superveniunt auxilia. Tum verò utrinque ferocior, at ipsa inæqualis inrenditur pugna. Etenim Castellensis equestri intercepta paulò ante victòria, recentique hostium cruore perfusus, eosque semel, ac nuper vicisse memor ampliori fiducia, atque animo dimicabat, nonnullos etiam eorum faucios, multos à se paulò ante fugatos ac fusos, alios eorum idcirco timidos repetere prælium internoscebat. Is itaque in hostem cum alacrius eo stimulo incumberet, adversa capir nutare acies, ordinésque denique fluere, ac remitti. Quod ubi videt Lancastrus percussisque propterea vehementius instare nititur hostibus, brevi fistula cominus ictus, per latus & brachium cum cutis extrema libasset, prope inani transgressa pila lethali periculo eximitur. Languere deinde, sensimque cedere Lusitanus, acrius tandem impulsus, & agminibus pressus effusa fuga agros passim camposque complere; nec poruir, quanquam vellet Lancastrus, in fugientium pugnare terga, cum arcis, meniumque disploxis persapè tormentis, quæ plerique ceperant fugam, protegerentur, minor propterea cædes quàm pro tanta victòria, ac bellatorum numero fuit. Digressis eo victoribus loco ubi faucios, partemque castrorum ad urbem Melus portare curat, inter ea sedè stura militum corpora inventus est Lusitanus exanguis macie, ac pallore confectus, extremos inter anhelitus animam agens, ultimùmque pietatis officium caposcens. Continuo facer minister advolat cumque Sacramento penitentiae expiatum, atque resectum pro ultimo agone confortare cepisset hominem: Nihil, inquit opus sibi solatio, & hortamento esse inrer duos hinc, & inde jacentes,

licentes, suâque manu confossos, quos & digito demonstravit, Castellæ militēs expiranti. Post binas præbitas patriæ victimas se tertiam devovere. Hisque dictis efflavit animam. Tanta alia in aliam libidine incitatur amula ratio.

Post hæc Campomajoris situ, ac munimine in Lusitania celebris municipii, dolo per Regios tentata receptio, fallaci tandem exploratoris fide corrupta est. Antonius Messia Lusitanus cum prædia opulenta duorum in continenti regnorum limite possideret, utriusque consensu partis inter mutuas accolarum hostilitates, ea sibi ipse pacificè procurabat, allecto in magnam spem Castellenſi, fore, ut emolumento rei familiaris adstrictus fidus, ac tutus hic inter hostes falleret speculator; Lusitano verò in maiorem expectationem erecto, nihil omnino mercedis tantæ futurum, quod inveteratum, ac propè insitum Lusitano in Castellenſes avelleret odium. Hic itaque versipellem indicem agens ea astus subtilitate falsas notitias, ingeniique commensa struebat, subiciebatque, ut Comitē Ognatū Albutquericiæ oræ Gubernatorem, Antoniumque Santiliſiū Iudicem Castrensem sagacioris quamquam ingenii viros induxerit ad credendum, perfacile ejus tunc opera, & artibus posse per vim, & insidias prævalidum oppidum interverti. Maxime Santiliſius, cui id negotii ab Ognatto commissum fuerat, inflatis abundè promissis aggredi Lusitanum, pellicere donis, lenocinio verborum, blandimento, & comitate captare, factu quidem optimum esse, verum, & magnum lucrari insigni munere Regem, cujus pinguis & summa cum laude meritorum versura foret. Ad ea seu utilitate, seu amore, sive illecebris captum se fingit Antonius, avidumque rem impigrè perpetrandi, prius tamen opus esse responderet pecuniæ vim magnam impen-

di, ut Ludovici Bainesii Campomajoris Gubernatoris, quo inconsulto, atque inscio facinus frustra foret, fides sollicitetur. Igitur Santiliſius aureorum viginti millia, Ognatto ipso annuente, Messia pollicetur, alios præterea honorum, & munerum cumulos, si res bene vereretur, addit, tanto scilicet beneficio, Regisque amplitudini, & gratiæ munificæ pares. Approbat rem Lusitanus, & statim operam offert, inde Bainesium Campomajoris Gubernatorem, deinde Alſonsum Melum summum in ea Provincia armorum Præsidem adit, eos fraudulentum animum Santiliſii, & captiosa quoque promissa docet, subjicit etiam in animo esse, ni secus illi præciperent, iisdem insidiis, ac dolis, quæ pretio artibusque moliri in Lusitanum studebat hostis, eundem ipsum circumvenire. Tum Melus cum multo expeditius, ac longè minori in bello dispendio astu & consilio esse nosset, quàm brachiis, armisque grassari, retortasque in auctores insidias felicius ut plurimum ipsas, gratiusque succedere, ea lætus occasione laudat Messiam, jubetque illum trahere ex composito fraudem, ea ipsa deinde prudenter, ut ratio, tempusque moneret usus. Verumtamen secum inde reputans Melus mortalium naturam fragilem, mobilem, & ad sua desideria explenda præcipitem, simul quæ egregia animi bona in præstantissimis quoque viris, graduque altissimo collocatis fœdaverit avaritia, quid satis vallatum, quid invium, quid impollutum auri conatibus foret, quæve fulgoribus auri intellectionis acie perstricti, rectè licet euntes offenderint ne vel in dubio versari rem tanti ponderis pateretur, nève illud malè fortasè tractatum, aut fraudulentum indicium innoxio tandem ipse capite lueret, statim per litteras monuit Bregantium. Constantissimæ fidei, integritatisque in primis perspectæ Gubernatore opus

Campo

Campomajori esse, ac pecuniæ assultibus invincibilis, ut incolume staret oppidum; nam auro caperat jam Castellensis Præsidium animos pertentare, & arcium claustra petrumperere. Paucis elapsis diebus venit ad Santilisium Messia, & quemadmodum ipse fallaciter erat per Alonsum Melum instructus, quò moras negotio subnecteret, narrat, inchoatam rem esse, retentatum, arte plectum ac ferè jam ad prodicionem præ oblata pecunia Bainesium Gubernatorem impulsus esse, ab eo tamen, ut prudentissimo viro, fortuitisque casibus pavidò, & circumspecto elicere hucusque minimè potuisse nisi perplexos, ancipitesque sermones, & varia, ac trepida verba, nec in speciem implentia, nec eludentia votum. Cæterum quod rem tantum primò propositam non statim homo averfatus horruerit, nec aures difficiles dederit, imò silentio contegat, ad eam quidem proclivis, sed suspicacis, cautique hominis, rerumque momenta pendentis promere signa. Inter hæc expedire sibi videri, mandare militibus, ne ejus soli circumcitus, qui Campomajoris fines amplecteretur, ulla hostium incurfione, vel fraude per id temporis vastaretur, ut ea incolarum irritamenta quæ alienatis omnino animis novo quoquomodo nocere subeundo servitio possent, maturè cessarent, cunctaque ex ejusdem sententia, quia ea spes tunc inanis afflabat, confecta sunt. Postea verò quàm id temporis fluxerat quod pertractati negotii maturitatem verisimilem faciebat, redit ad Santilisium Messia, & ore mendax, vulgusque falsus; Rursum à se conventum esse Bainesium, pecuniæque illecebris jam irretitum polliceri prodicionem enunciat. Cæterum auri sibi promissi vel prælibare dimidium velle, ne totum deinde post rem perpetratam, seque tunc apud hostem inutilem per ejusdem arbitrium periclitetur. Castellensis, & si dolo,

& ambage se facile posse per Lusitanum ludificari suspicabatur, cum sceleris merces perinde accipientibus tuta, ut immaturè præbentibus dubia foret, cum levior tamen pecuniæ jactura Catholico Regi, ut majoris quidem momenti tan in oppidi accessio fuisset, decem millia aureorum, conventionis nempe dimidium, enumerat Lusitano, dat litteras ad Bainesium, satisque instructum remittit Antonium, pactæ videlicet, solutæque pecuniæ postulans à Bainefio, quo tempore, quove aditu, quibus ipse subnixus copiis emptum jam oppidum interciperet. His Santilisi mandatis cum ad Bainesium reversus esset Messia, fraudisque inter eos pretium peræquè divisum esset, dum consilia pariter conferunt, quibus aut plus auri captarent, aut citius insidiis opprimerent hostem, inter hæc comparanda, contigit ut Bregantius sicut fuerat à Melo præmonitus, ejecto statim Bainefio, Arium Saldanium multis secum fiduciæ nodis obstrictum Cāpomajoris custodiæ sufficeret, simul eodem etià tempore Ognatto ad ampliora ejusque ingenio, & indole digna munia ab ipso Rege ad aulam Catholicam accessito, ut Alburquerque quoque ore quam Ognattus Comes tenebat, Gulielmus Burgius præficeretur. Verisimilem igitur ex nova gubernii mutatione, reversus cum esset inde Messia, difficultatis interjectæque mortis cum Santiliso causam prætexens, nihilo secius adjecit recentem Gubernatorem numeratæ pecuniæ parte corruptum id ipsum quoque sentire. Ea res, ut par erat, à Santiliso, Burgio, & Lusitano simul excutitur; vires ad opus examinantur, convenitque postremò quo ordine, ac ratione arx, oppidumque à Castellensibus furtim appeterentur. Cæterum hæc Ario Saldanio relatum Antonium, ut ipse dicebat cum remeare de more vellet, comprehendit statim præcepit Burgius, ac more militiæ

militiæ quia obligatus pecunia erat, loco obſidis cuſtodiri, quemadmodum enim novum regimen incuntes vitio naturæ potiùs, quàm cauſa rigidioreſ ur plurimùm rerum antea geſtarum ſolent cenſoreſ eſſe, in hoc autem negotio nimia etiam in operando credulitas cùm verè aliquid inſectandi materiem offerret gravius idcirco reprehenderat Burgiùs præproperè, ac ſtultè jactam pecuniam illam fuiſſe, nec eſſe tanti æſtimandam tortuoſi proſectò hoſtis, Luſitanique ſemper fallacis, validiſque de cauſis Caſtellæ nomini inſenſi fidem. Sed contra niti Meſſia, multos in eo oppido ſcilicet præſto ſibi eſſe clientes amicos, & pecunia, & blanditiis jam pridem municipes captos, jacere autem perdiſque omnia inter conatus, & arma factionis ſublato Duce. Itaque abſente ſe, neque illos, neque Saldaniam Caſtellenſes in opidum admiſſuros, aut ipſum igitur ſolvi cuſtodia, & in oppidum mitti oportere, aut novi nihil moliri; nec tamen per hæc verba mollito Burgio ut potiora omnia Luſitana fide cenſenti, Santiliſius poſtremò interceſſit, ea de Meſſiæ ſtudio, dudùmque ſibi comperta fidelitate latè commemorans Burgio, ut hic pudore potiùs, quàm ratione propoſita fruſtus agrè tandem Luſitanum dimiſerit. Veruntamen acris ea ipſa de re cùm ſerperet intruſ ſollicito Duci ſuſpicio, ne improvidè copias tanto periculo objiceret, in hunc modum antea decrevit hoſtium conſilia, & habitum explorare. In utriuſque regni conſinio Eremita quidam agebat, qui per occaſionem quotidianam petendi ſtipem, in oppido, ac regiſ caſtris liberius, ac ſæpiùs verſari ſolebat. Erat etiam in homine præter æternam pietatis, ac rerum contemptum imaginem in rem intentam colludentia compoſiti oculi, macies, pallorque oris, ac ſerè inedia ac vigilia perempti cum ſqualida veſte, barbæque. Hunc ergo

pecunia ſubornat Burgiùs ut conſuetæ per elemoſinæ ſpeciem Campomajorem adeat, omnia quæ hoſtis inibi fortè pararet exploret, exploratæque ſibi quàm celerrimè deferat: aptuſque in primis ille Eremita ſuſtinendo negotio erat, cùm jam ſenex, emeritæque militiæ alimentorum inopia ductus inſtitutum mutaviſſet. Hic igitur primis ſerè intendentibus tenebris Campomajorem ingreſſus, poſtquam oſtiatim pergenovagus ea, quæ ad rem faciebant diligenter obſervat, ac luſtrat, inde celerius ad Burgium regreſſus, vidiffe ſe memorat oppidum armis, militibus, equis cum magno ex omni parte tumultu, atque ſtrepitu æſtuans, inſuper miſſis à Melo præſidiariis ab Elvo cohortibus ex omnibus copiis alias in arcis, & oppidi ſtationem, alias ad foris tendendas accedentem in hoſtem inſidias conſtitutas intellexiſſe: Antonium verò Meſſiam Meli mandato in arctam cuſtodiam conjectum eſſe. Quæ cùm Burgiùs iratus, ac triſtis audiſſet, & ſe illuſum à Luſitano, & temerè aurum in hoſtis ſinum effuſum, & ſaniori Meli conſilio pro delati pignore indicii exploratorem in vincula impacatum eſſe, tunc Santiliſi ſuſcitare, atque ignavia multum increpita pugnae apparatus diſſolvit. Cæterum Dux Luſitanus, qui per rejeſtas, ut falſò putaverat, in inſidiatores ipſos inſidias, jam aſſatim ſanguinis hoſtium, & prædæ, & gloriæ voraverat animo ea demum ſpe devolutus, & animo hæſitans, num Antonius idem Meſſia ſpe duplicis quæſtus illeſtus fidem ancipitem ducens negotium intervertiſſet ex qua jacebat cuſtodia hominem ſtatim extractum, vinculiſque conſtrictum, ad dicendam Uliſſipone corâ Iudice cauſam deduci juſſit, ibique per corporis cruciatus, ac ſæviora tormenta extremo tandem ſupplicio, non ſceleris notæ ſubtractus Antonius propè fatalem proditoribus pœnam ſuſtulit.

Sic propter Burgi consilium insidiarum utrinque expectatione delusa, Alfonso Melus hac irrita expeditione percussus, simul quod paulò antè circa Elvum per Castellensem insidiis equestribus penè obrutus offendisset, præclaro quoquam opere cupiebat quasi demere sibi ignominiam, metuque rursus injecto compescere hostem. Iubet itaque Sancium Emanuelem, & Ferdinandum Tellium Tribenos militum cum majori exercitus parte in Castellam evadere, quàmque ibi fors, & occasio rem belli agendam præ se tulisset, aggredierentur, nullo quidem certiori consilio, aut mandato, tanta quidem inhaeserat Duci talium commilitonum de animi alacritate, & fiducia, ac bellica disciplina. Tellius cui per id tempus ut seniori armorum imperium obtigerat, silentio noctis egressus repente Valverdem ducit quò dolo primùm aditus patuit, mox & exitium in hunc modum secutum est. Mille fermè Castellæ milites pto Valverdis præsidio stabant, sed cùm solito segniùs, atque solutiùs, prima quæ mœnia tenebat, vigilia consisteret, hæc Lusitana ab una cohortèque longiùs progressa socialia propè muros insignita, & falso vernaculæ sonitum linguæ jactabat primò decepta, mox facillè fusa, & fugata hinc liberum dedit confertis hostibus aditum. Occupatus hic fraudibus locus ferocius tantisper à Lusitano defensus est, donec reliqua retrò ex industria latebris tecta, signo sublato, cucurrit acies. Ibi tunc editur strages, qualem amoto penitus metu, effrenium irarum solent aculei, & mutuo exardentia conflare odia; nam Castellenses cæteri milites, qui priusquam invalos jam sese circumfessos atque improvisò captos esse senserunt, id porro fortuitum, atque intestinum esse primò tumultum existimantes, dum ferè inermes, ac seminudi ad clamorem, ad arma circumsonantia concurrunt, temerè

armatos incidentes in hostes sternuntur, oppidanos verò plerosque semisopitos, jacentes, aut exire cunctantes, aut fuga deprehensos ferrum, aut flamma consumpsit. Ex eo luctus, ubique gemitus, clamor, & dissipatae per domos, ac templa flammæ, & collabentium ruina tectorum, & fragor & cædis, ignisque confusa strages, Lusitanosque impune sparsimque jam discurrentes, alios rapinae, alios stupra, alios cruoris aviditas tenet. Ex protestantibus Angli Hollandis, Galliisque intermixti, cùm religioni quoque insultarent, sacra spolia, & ornamenta diripiunt, & polluant: tandem opulenta congesta præda, & Valverde direpta, incensaque discedunt. Post cursim hæc omnia æquè sævè, ac feliciter acta consultum est inter Duces, utrum fessis, prædisque vehendis implicitis requiem, & otium militibus darent, an propitiò fortunæ cursu, spèque nova calentibus militum animis uterentur. Retrocedere copias, temperare fortunæ cursui, lassosque per quietem reficere milites censebat Tellius, contra disseruit Sancius Emanuel, animoque ac bellatorum arbitrio in eo discrimine, ac dubio utendum esse respondit, ne gloriæ, ne prædæ stimulis jam excitata torpesceret militum virtus, nève afflantem modò fortunam spernentes, per inertiam, ac desidiam deinde cùm resstantem vidissent, dolerent. Postquam ergo per ipsos Duces voluntate militum explorata, iidem ferociter pugnam deposcunt, ad Elcam extemplò ducuntur. Militaris Alcautaræ Ordinis tenue, & exiguum hoc oppidum juris est; seipso quoque indefensum, ac propè patens, natura tamen, & opere, situque sublimi assidentem prævalidam habet arcem. Hic à principio locus Alburquerquea ditione complexus parebat Comiti Ognatto, post illius oræ tractu Badacocii regimini jussu Regis adjecto, quod situs ejus in medio



dio eſſet, dubitabatur, ad Garaũum El-  
ca tuenda, qui per id temporis Bada-  
cio, an ad Albanum Ducem, qui Ci-  
vitati Roderici cùm armorum imperio  
præſeſſet, jurè ſpectaret. Eò demum  
cum copiis Tellius evectus, nullo ad-  
verſante, ſtatim occupat oppidum jam  
ab incolis dereliectum, qui appropin-  
quantium illuc armorum, & hoſtium  
audito ſtrepitu, quæ citò aſportari fa-  
cilè poterant, fortunarum ſuarum col-  
lecto ſaſce, dilapſi omnes in loca mu-  
nita erant. Arcem hoſtis ſubinde pul-  
ſat, càmque ad longam quidem ob-  
ſidionem tum cibariis, tum militari  
præſidio indigentem, Præſectus, qui  
aderat, nullo tunc oppugnando, aut  
propugnando fortunæ præmiſſo, aut  
virtutis experimento, ſeu temporis  
ſpatio ad primum tormenti bellici ja-  
ctum Luſitano turpiter prodiit. Erat  
arx præter loci, ac ſtructuræ ſingu-  
lare munimen haud procul Luſitanæ  
finibus ſita, ſimul ipſa opportuna,  
quæ reciprocos commeatuſ, ſi à Luſi-  
tano retenta eſſet, Caſtellenſibus in-  
tercluderet. Defendere idecirco, & pro  
viribus eam ſuſtinere cùm Luſitanus  
cogitaviſſet, munie illic arcem tre-  
centis veteranis militibus, belli machi-  
nis, alimenti, nitratiq; pulveris copia,  
ejus tutela, & cuſtodia Sancio Ema-  
nuèli ut in primis egregio, atque impi-  
gro Duci committitur, ac ſi urgeret  
fortaſſe hoſtis ſuppetias Tellius ferre  
pollicituſ cum reliquis copiis Luſita-  
niani repetiit.

De his, quæ Elcæ contigerant, re-  
bus, quod proximuſ loco eſſet, cùm  
prior, certiorque factuſ eſſet Albanuſ,  
nihil porro cunctatuſ ſui ne juris, an  
alieni ager ille vaſtatuſ, & arx Regi  
Catholico adempta cenſenda eſſet, Ga-  
raio quoque inconſulto, velut æmuli  
imparitate contempta, Viveruſ ſtatim  
Legatuſ Joannèmq; Suariuſ cum  
quinque propè millibus pedituſ, mille  
& quingentis equitibuſ mitit amiffam

ad arcem, oppidumque recipienduſ.  
Hiſ igitur copiis infeſtoſ ad arcem Ca-  
ſtellæ militeſ ſuccedenteſ, dum illam  
incumbunt primo recipere impetu fre-  
quenteſ, & ignea ex tormentis muralibuſ  
peſtiſ effuſa magna cum ſtrage retra-  
xit. Eo vulnere cautior factuſ deinde  
Viveruſ, ideóque ad longiorem mo-  
liendam obſidionem converſuſ aggre-  
rem jaci, valla componi, præliaſque  
ſuggeſtuſ multuſ in lociſ erigi curat.  
Hæc molientem caſu interceptæ cum  
tabellario literæ, quæ proximè adeſſe  
hoſtium auxilia ſignificabant, cum ab  
incepto averteruſ. Erat ambigux ſcrip-  
tionis ſenſuſ obſcuruſ. Elicere porro  
ab hominiſ ore quod implicatuſ, ac du-  
bio ſtylo latebat Viveruſ intendenteſ,  
admotiſ primò tormentiſ tabellariuſ  
excruciari, mox pertinaciter reticen-  
tem inter laqueoſ, & igneſ jugulari præ-  
cepit. Satiſ tamen & ipſe certuſ propè  
jam hoſtium imminere ſubſidia, ea  
obſidionis omninò forma intermiſſa,  
arceſ propinquuſ occupat fonteſ, quo-  
iſ impeditioſ, qui in arce erant inclu-  
ſi, aquandi commoditateſ foret, ſimul  
viaſ, & obliquoſ paſſim tramiteſ in-  
ſidere, ne ex aliquo loco pateret ob-  
ſeſſiſ, præſiſque hoſtibuſ commeatuſ,  
partitoſ militeſ jubet. Elevat ipſe tan-  
dem in loco arceſ oppoſituſ opportu-  
no validuſ munimentuſ, unde ſæ-  
piuſ obſidionalia belli tormenta excuſ-  
ſa illam diverberabant. Ita enim, ſi di-  
ſtulſſent Luſitani ſubſidia, breviter arx  
videbatur aut impetu armoruſ, aut  
reruſ egeſtate lapſura, ſin autem ap-  
properaſſent, tunc univerſaſ colligere  
vireſ, ſtatimque plenam in hoſtem di-  
rigere aciem in promptu Vivero fuiſſet.  
Joanneſ interea Garaũuſ Elcæ arcis  
jactura comperta, Albæque Ducem  
ſua auctoritate neglecta in ejuſdem  
ditioniſ, jurique circum, ſeiſpo in-  
conſulto, exercituſ præmiſiſſe, con-  
ceptam animo iram, quam apertè in  
Albanuſ propter viri ſaſtigiuſ effun-

dere minimè poterat, dolo, & fallacia cunctationis explebat. Laturum igitur arcem obsidentibus opem Gulielmum Burgium Garaïus cum quinque equitum turnis, & unica legione dimittit, Alcantaræ quoque jussu perque interpositos propè vicos aliam conscribere legionem tumultuariam, iisque viribus ad urgendum arcis obsidium, vel cum hoste, si copia foret, pugnandum Albano militi se conjungere. Verùm hæc intempesta legendi, cogendique militem mora, cum expeditior eo tempore instaret, & alacer hostis, negotium profusè evertit. Lusitanus quippè sollicitus, pavidusque, ne Albani copiar per Garaïum intenderentur, exercitu quàm celeriter aucto jam ad solvendum arcis obsidium moverat. Tripartitò Lusitana pergebat acies, hinc hostiles utillas, quæ ad fontis custodiam sedebant, incesserent turnas, hinc ut tormentarium suggestum aggrediretur arci oppositum, infestumque cæteræ copiar directum iter exque paulum inflexit, extenterque obliquos etiam, quos hostes infederant, celeri gradu petebant calles. Erátque tunc Ferdinando Tellio consilio priusquam in orbem se cogerent hostes, & integram aciem ad pugnam instruerent, ita divisos, ac robore diminutos majori cum numero excipere. Arte etiam, & furo composita prima Lusitani exercitus facies erat, in quo hominum supra numerum militaria signa, tubicines, exultantium, sibilantiumque tumultus, atque clamores militum apparebant, rariæque ipsa incedentium militum agmina, quibuscumque in aciem per iter acceptis agrestibus obviis, dolo referata re ipsa belli majorem molem, ampliorémque pugnar apparatus, minasque præbebant. Viverus autem spe undique abscessa à Garaïo promissæ opis, simul terribili in speciem objecta Lusitana repente acie, cum aurium, tum

oculorum ludibrio captus, ac trepidus, obsidione relicta, vasa raptim colligere, & compositè ac sensim recedere milites jubet, ne soluti, aut fugaces conspecti ab hostibus ordines avidius instandi, atque in eorum quoque terga ruendi, plus ideò sibi fidentibus Lusitanis, incitamento forent. Videt hoc Lusitanus, cumque plus ipse dolo, & industria, quàm viribus fretus rem promovisset, hostium percussus vestigiis insistent, eos in arcto per viam obsidere, aut eludere, aut iniquo intercipere loco considerabat. Idipsum metuens Viverus, & quod appetentis obscuritas noctis viam militibus implicabat, & quod agmina raptim fugientium in modum ibant, flexit tandem ad oppidum Sancti Martini moribus ibi sese, nisi animo, & copiis pro tempore defensurus. Tria millia circiter militum ex toto exercitu inclusa mœnia oppidi tenuere. Reliquos metu, seu industria, seu errore palantes suis, quas huc usque collegerat, viribus Burgius adjunxit. Is apud Sillerum moram id temporis faciens imperata à Garaïo subsidia parabat, cum à dissipato, fusoque passim milite accepit, disjectam arcis obsidionem esse, prospero eventu inflatum euntem longè institisse cedentibus hostem, Regiòsque in oppido clausos, atque constrictos jam omni belli terrore, ac miseria circumsideri, in arcto rem esse, ac nisi properè subveniret, flamma ferroque ex oppido bustum futurum. Itaque Burgius jam satis antè collecto, & adventitio quoque subinde milite auctus ad Sanctum Martinum properat. In Castellæ propè termino jacer oppidum. Hinc aspera ipsum præruptaque juga cingunt, quæ Lusitaniam spectat haud latè inde patens funditur aditus; montis enim ferè continens dorsum, & per ambitum oppidi longè, latèque protentum quodam velut sinu, flexu-

que

que curvatur qui in planitiem inde porrigitur, & viam molliorem per eas quasi fauces aperit Lusitanæ. Talis igitur oppidi in hunc modum erat tunc constituta per Lusitanum Ducem obsidio. Ceperat ille primò Divi Francisci, quod extra, & contra oppidum situm cornobium erat, ibique tormentarium suggestum fixerat. Fontem deinde, quem Aghinaldum incolæ appellant, quod ea siccitate, aridumque squaleret regio, & via etiam esset, quâ transeuntes ferre opus erat obsessis Castellæ milites opem, equitum, pedicūmque stationibus communierat. Reliqua agmina Lusitana minis, ictibus variis armis infesta, & prementia fortiter oppidum circumstabant. In hoc statu rerum subsidiariis cum copiis repente Burgius à fronte conspectus est. Unde nec longo ipse intervallo disjunctus, quasi pugna protrudere missilibus veller, incessere cepit hostem, mox solutas quasdam peditum tutas in summa collium, qui penè oppidum ambiebant, ascendere jussit, quo loco sese atque illam oppidi partem quæ collibus erat obversa defenderent, ac si fortè inclinaret postea collata cū hostibus acies prompta subsidia forent. Eo quoque tempore Dux Lusitanus expeditos progressos equites per levium monimenta certaminum jussit animos hostium, virēque explorare, qui portò propius illati tunc velitantes, & alterno accessu, recessūque per industriam fallentes, atque extrema sæpè laterum insectantes, postquam pressum, clausumque vident in suis ordinibus Castellensem, ad Tellium tandem regrediuntur, ac nunciant, optimè instructum, sed imparē ipsis Castellensem pro numero visum, simul agrestium colluvie, bellique penitus rudium juga illa montium, dorsumque passim expleta, maturato igitur opus esse, ne ad conferendam obsessis opem, vis quæ coite facile potuisset, hostium fortas-

sè major ingrueret. Ea res impulit Tellium ad acrius urgendam oppidi obsidionem. Quocirca parte exercitus contra Burgium, ne terga ille vel latera circuiret, objecta, ipse ferocior in oppidum ruit, ac solito enixius obsidionem intendit. Pugna vehementior utrinque quàm pro loco, ac numeto militum agebatur, infra sclopiis, & longioribus hastis quia humilis, nec ulla distincta lorica murorum structura erat, aliis desuper armis, & candenti sæpè fusa materie, & provolutis lapidibus incumbentium in hostem; nec minus quidem jactata lingua conviciis quàm ferro, ignibusque hinc, & inde furebat dextera, apparebātque tantum impetus, ardorisque & nervorum, & animorum, quod æquè hostes acerrimè exagitabat per victoriam certamen primo quoque tempore ditempturum. Tum vero opportunè militibus, oppidanisque pro murorum defensione laborantibus affuit, agrestium, peditūmque subsidium, ac turma qui Burgii mandato impendentes oppido colles infederant. Illi enim ex tuto, atque edito loco majoribus sclopiis nunc latus hostile, nunc frontem petebant; lapidum etiam imbet ex contortis fundis effusus, simul tripudia, sibilus, clamor velut sine metu insultantium, ac ferientium non minus præliares conatus hostium, quàm vim animorum frangebant. Læti hæc oppidani conspiciunt, proinde jam animo, viribusque resecti alacrius, & fortius in Lusitanum insistant; inde prælium æquatum est, cū propugnatorum constantia, virtusque mutorum fragilitatem suppleret, & in quo tabies, furorque pugnantium, & imperentium quoque numerus superabat, opportunè disposita super colles auxilia apud Castellenses explebant. Dum circa oppidum in hunc modum ardebat pugna; Quæ nuper

à Tellio copix præmissæ fuerant , ut impedirent Burgium, ne obsessis in oppido possent succurrere sociis, jam collatis cum regis militibus signis cautiis, quàm acrius certamen trahebant, remorari quidem suppetias oppido Lusitano tantummodo intento ; Castellense, quod id sublatis militiæ nervi certum excidium oppidi contraxisset, eludere, aut ducere idcirco pugnam allaborante. Cùm igitur neutri rei summam extremo periculo objicerent, nox prælum divisit. Hinc Burgius ad castra reverfus, & valdè auxius, quid utile sibi foret in re tam ancipiti statuendum, hoc propetmodo vocatos alloquitur Duces.

„ Illo furore, illa audacia obsessi, im-  
 „ pulsique violenter ab hostibus oppi-  
 „ di jam penitus propè quassâ crebris-  
 „ que lacera ictibus cõspici mœnia, iis-  
 „ que præterea reficiendis vix integram  
 „ noctem sufficere, quando etiam per  
 „ tot faucios, stratosque pugnando mi-  
 „ lites, & qui metu quoque diffugerant,  
 „ essent admodum diminutæ propu-  
 „ gnatoribus copix. Cunctatione, aut  
 „ variis assultibus ibi, fultorque dunta-  
 „ xat armorum objecto fulgore velle  
 „ cum hostibus uti, fortunæ intereâ suf-  
 „ fugia vel casus bellicos expectantes,  
 „ id prohibere quidem oppidi angus-  
 „ tias, quodvis tunc hostilis, arctiùs  
 „ subinde fames, & rerum omnium  
 „ egestas pressura esset. Omnia itaque  
 „ sibi in eo negotio circumspectanti fi-  
 „ duciam undique imminui, pericula  
 „ contra, animique ægritudines cres-  
 „ cere, nec aliud protectò diuturnam  
 „ in loco illo moram, & otium ipsi vi-  
 „ deri comparaturum fuisse, nisi fœdæ  
 „ sociorum internecionis interesse spe-  
 „ ctaculo, oculisque profusum impunè  
 „ cruorem, auribusque cadentium, at-  
 „ que spirantium gemitus, & ululatus  
 „ haurire, hæcque insuper tandem in-  
 „ felici pugnæ reliquias spe, atque vi-  
 „ ribus fractiores, ac perterritâs quo-

que tantæ spectatæ cladis exemplo  
 commilitonum suorum funera per  
 sua ipsa corpora cumulare, si statim  
 conferere manus cum hostibus vel-  
 lent, imparibus nervis, graviorique  
 periculo pugnatuos. Consulere  
 itaque Duces utrum exigua ibi cum  
 spe manendum, an abeundum, an  
 fors extrema tentanda certaminis es-  
 set, & per hoc geminato quoque pe-  
 riculo municipii jam in agone peri-  
 clitantis, & copiarum illarum dunta-  
 xat fortuna subnixi. Post hæc & alia  
 ad rem similiter dicta, agitat in concilio  
 sententiis, cùm plerisque Ducibus  
 placuisset, ut ubi vires deficerent, al-  
 tus suppleret, postremò inter omnes  
 convenit, ut primo mane inspectanti-  
 bus hostibus tanquam receptum illis  
 præripere, itèrque intercludere cogi-  
 tarent, Valverdem versus discederet  
 acies, nève repentè certa spe opis, quâ  
 unicè niteretur oppidanus excussus  
 submitteret animos, ea ipsa nocte secre-  
 tò Burgius moneret Arnaldum Sancti  
 Martini Gubernatorem, quod ex loco  
 quem ceperant, cùm dies illuxisset, sua  
 spontè copix moturæ essent, eo planè  
 consilio, quo citiùs illius oppidi obsi-  
 dio dissolveretur, prospiceret ergo ne  
 turbamento, aut metui factasè muni-  
 cipibus esset, quod paulò pòst in Lu-  
 sitani perniciem, ac pestem volven-  
 dum foret. His illa nocte tumultua-  
 riè decretis rebus, ætisque oriente jam  
 sole mirabundus aspexit Tellius colli-  
 gere vasa hostem, locò moveri signa,  
 suisque ordinibus clausum paulatim ef-  
 fluere militem, eoque metui permista  
 plus admiratio rem intuenti crescebat,  
 quod nulla tunc protectionis tam subi-  
 tæ ratio, aut incussæ repentè formidi-  
 nis causâ multa Tellio volventi occur-  
 rebat. Frequentem etiam per id tem-  
 pûs intelligebat ab Duce Albano dele-  
 ctum pro auxiliaribus copiis indictum  
 esse, nec verisimile videbatur, exerci-  
 tus partis, quæ ejus fidei commissa erat,

in discrimine jam constituta fore omnino Garaum impigrum Ducem immemorem. Anxius itaque Lusitanus, gravique suspitione commotus, intercepti sibi cum illo consilio iter, atque in alieno, & hostico solo, ac maxime inculto, qua sese armis, qua rerum inopia, transitusque difficultate præcludi, opprimique & perquam facile fore, ut cum mox Albani milites accessissent conjunctis utrinque copiis, ipsius jam cadibus imminutus, & opere lassus exercitus obrueretur, cum perexiguus deinde, vel ejus oppidi excidio futurus esset laboriosa victoriae fructus, his scilicet curis in animo fluctuans, ac trepidus receptui signum denique dedit, atque obsidionem irritam sustulit. Inde celerius ad Eliam pergit, oppidum urit, arcem excindit certaminis causam, propinqua corrumpit, abundantique subvecta præda in Lusitaniam revertitur. Inter hæc Castellensis, qui sub montium radicibus latitans quid tandem consilii caperet Lusitanus expectatione suspensus hærebat, paulò post è latebra egressus ubi dilapsos hostes, ereptumque obsidioni, ut sperabat, oppidum vidit, in eodem quo se abdiderat loco constitit, donec Albani jussu collecta ampliora accessere subsidia. Quibus satis exercitus confirmatus, hinc Vivero, inde Burgio imperante in Lusitanie fines populabundus irrupit. Ea porro incursione militum impetûque quamplura circumincensa, ac direpta minora oppida sunt, errantium fortè pecorum, comæatus rusticorum bonorum pars ferro, flammæque corrupta, pars major abstracta, atque in prædam congesta est, cumque agros passim fumantes, & tuguria, atque tecta flagrantia, & perfulcantem hostem, & omnia in tumultu, atque præda cruentè raptari cerneret Lusitanus, quia pari tum ille carebat, quam hosti opponeret, acie, mœnibus circumseptus ibi otio-

sus, ac tristis domesticæ cladis spectator assedit. Caterum hujus bellicæ expeditionis posterorum memoria dignum, id unum non prætermiserim, quod adversus Escalam ignobile quoddam oppidum accidisse Lusitani scriptores memorant. Castellensis cum militum multitudine, tum fortunæ successibus fretus, dum incantè in oppidum illud invehitur, majus profecto, quàm pro murorum ibi debilitate, aut defensorum numero rerì poterat, luctamen offendit. Stabant enim Lusitani corpore erecti, gradu suo immobiles, conferti que supra pinnas, ambitumque murorum, fistulas inde igneas celeriter onerantes, displodentesque, omni que genere amorum, atque missilium Castellenses arcentes, ac vulnerantes; & gloriæ ultionisque cupidine supra modum incensis non languor, non æstus, non præsens obversa, ac multiplex mortis imago inter vulnera, & cades mistumque sudore, ac pulvere sanguinem eo tempore satis præliantibus erat, ut quidquam de iniqua, ac pertinaci eæ pugna remitterent, ferire, quàm sibi cavere, vincere, aut mori quisque obstinatus in vestigio malebat. Aderant pugnae quoque hortatrices uxores, matresque municipum, illæ per brachia exhibita viros, hæ nuda per ubera liberos comprecantes, obtestantisque ne vitam potiore quàm libertatem, ac patriam ducerent; lucem ipsam, spiritumque deformem, & omnigenæ mortis supplicii que teterrimum fore superbo, & crudeli Castellensium relictum arbitrio; Esse pietatis, nequaquam sævitiae utrumque victoris antevertere cruciatus, prævenire ludibria; uxores idcirco mancipata sponsione corpora, spiritus matres, ac lucis usuram corporisque concretionem ac nexum ex propriis visceribus præbita pro suo quæque jure in ea reipublicæ causa repetere, nec se quidem superstitibus ruinarum mobilibus fore. Tandem exoritur super

corporum struem, ignique torrida saxa, patriamque favilla, ac cinere comminuram, ac tumulatam tam inhumano, tam barbaro dignum hoste triumphum construerent. Hæc passim clamantes ac sæminæ reperentes effulus inter pilas, protentas in prælio hastas, ensesque rotantes audebant inferre se, virisque pugnantibus arma, aliis pulverem belli, aliis & fessis præbere cibum, quibusdam fortè labantibus verbis, vulnèque intusso pudore virtutem acuere certabant. Majorem dici partem mirabile, & atrox hujusmodi prælium absumperat, cum imparatos tunc oppidanos, quia nihil antea minùs, quam impeti ab hoste timuerant, defecit tandem nitratus pulvis, vanè jam illis obstrepente ferocia, armorum usu prohibitis, instrumentisque rarelæ in medio confictus ardore sublatis. Plures ergo per aditus belli tormentis effossos impetum facientes, alii per scalas raptim applicitas subeuntes, cum segnius velut manibus captus instaret hostis, Castellenses in oppidum irruunt. Tum verò undique obvii tam viri, quàm sæminæ trucidantur, plerique dispersi consilii inopes, vitabundi partim propinquas domos, partim incertas quærere larebras, multi ne victi quidem, stranique cedere, imò etiam ire armatis inermes obviam, & quibus arma non erant, impellere saxa niti: fregit tandem rigorem animi tantum extrema necessitas, insanusque ille impetus, atque animi ardor, quo furialibus tanquam stimulis Lusitanus impulsus exarserat, ira, ac licentia victoris contritus est. Singularis, & clarior tamen in hoc ultimo rerum enituit excidio muliebris virtutis, atque animi laus, inter quas memorabiles fortitudine firmas, referunt patrum ab una Castellæ partibus adhaerentem, ac transfugam ictu lapidis interfectum; ab altera verò domi fux circumfessa, ac restricta, cum fores hostes revellere niterentur, la-

pidibus facibus, oleo ferventi, similisque materia coniectis quatuor Castellenses prostaros esse; tandem circuisse hostes, tectoque consensu perinde emissam sclopo majori glandem egregiam mulierem confosam. Postremò ex hoc, aliisque oppidis cursim depopularis, nonnullis etiam excisis, atque combustis, ditissima præda, in Castellam exercitus rediit.

His ita gestis parvo post intervallo refriguit in Lusitania bellum ob institutum à Catholico Rege ad Catalaunam Provinciam iter, cujus præsentia Regis quemadmodum res aucta est Catalauna, ita ejusdem absentia res est Lusitana Castellensibus imminuta. Regii hujus itineris motum, & causam adscribunt plerique Isabellæ Borbonicæ uxori Catholici Regis, altius perito principio à frequentibus scilicet, acribusque quas ea per id temporis exercebat cum Olivario contentionibus, quem ut illo potentis apice, & comparatione æmulationis omninò secum indignum regia sæmina contemnebat, eò plus animo cruciabarur, sese Reginam, ac duplex sanè regale jactantem stemma consilio, auctoritate, gratia apud Regem privato homini concessisse, dolebaturque præsertim quod hæc sibi inflicta per æmulum contumelia palam per ora vulgi, ac remotas Principum aulas circumferretur. His accesserat, satis quoque Reginæ, nec sine magno sensus angore, atque odio compertum esse, studio seu joco, & verborum lenociniis, & furo in animo Regis indidisse Olivarium, mulieres ad gubernationem inertes, ac planè fluidas edendis tantummodo sætib; educandæque proli à natura vel Numine destinatas domesticis curis, & muliebribus otis omninò tradendas esse; solide nihil in illis, nihil veræ, nudæque virtutis hære, nec foris quidem minùs ex calamistris, atque pigmentis pulchritudinem oris, quàm ex fictis virtutibus

virtutibus intus speciem animi suffurari. Hæc pravo Olivarii studio in animo Regis immissa, & facilius à Rege quam vera res esset, accepta, ut contrà factis Regina refelleret summopere optaret abesse Regem, quò Castella regimine sibi ob Regis absentiam transmissa per hoc temporis spatium gubernacula sustinendi dolo suppressas, vel iniquè detortas ab æmulo ingenii, atque animi dotes Regina palam exprimeret. Ad hoc nonnihil ex reipublicæ cura desumptum, ut facile est sibi met blandienti ubi nec copia est, privatæ curæ publicam necesse illam etiam adhortabatur, mutatio scilicet loci quam è Mantua Carpetana digressus facturus Rex esset, quippè quæ velut ex abdita causa volvere soleat interdum secunda, vel tristia curricula rerum, atque ita res quidem ca tempestate decurrerent, ut si mutatio aliqua intercessisset, nihil Regi ac reipublicæ nisi propitium, nil Olivario nisi infelix, ac præter votum accidere potuisset; nec porro id quoque alienum à Regina consilio erat ab eo nempe loco studentem illecebris Regem, marcentem otio, ac velut torpedine fractum, geminatas sui Imperii clades, quibus totus ferme Orbis concussus fuerat, vix dum animo sentientem abripere, & quodammodo cælum, solumque vertenti puram, & integram illi mentem, & animi valetudinem restituere; postremo ut extractus ab Olivarii custodia seu disciplina Ludiquasi magistri per iter, aut alibi Rex assuesceret circumspicere, noscere, gratas offerre subditorum questibus aures, ac per mitia responsa doloris solatia reddere, utque puerili tandem tutelæ subductus suo iure, suo ingenio, sua auctoritate Rex uteretur. Huc profectò quæ privata, quæ ex publica utilitate rationem, & vim haurientia spectabant Regina consilia, quæ ideo per se clientisque suos, & eos Olivario maxime invisos profe-

ctionem Regis urgebat. Contra Olivarius, quem nec Regina conatus, artesque, nec ratio illa propositi fugiebat, & solertia, atque industriæ acumine ipse, nisi eas aliquando fortuna deseruisset, longè superior armulis erat, necesse idcirco difficultates, interponere moras, modo Regem, modo Reginam ex ejusdem tela retentis Regina filis per alias fallaces subtilioresque compositas artes decipere velle. Regi præsertim, ac sæpè iterando ingerebat; Discessum ejus ad Aragoniam Lusitanix rebus summe perniciosum, Catalaunix minime profuturum cum prævalido hæc innitatur exercitu, illam verò copiis egentem, atque enervatam præter immodicos regii itineris sumptus, qui privatas communum domos, qui perfractam jam Regis exhaustissent ærarium, accideret etiam, ut longinquitas Regis affligeret. Utilius profectò videri, ut quæ profusus in viæ regis apparatus conferenda pecunia esset utrique juvando partita bello, interim Rex avi Regis exemplo ficti quondam in Belgium armis, ac tumultibus scissum itineris, perterrituri sui pompam magnificè strueret, falsasque jaceret passim propinqui discessus voces, certo, arcanoque tamen consilio Imperii arcem non deferendi, ita namque dicebat sua ipsum Regem propinquitate Lusitanix rebus optime consulturum, spæque præsentis Catalaunis oblata, eaque artibus innutrita, acriores bellum ibi trahentibus stimulos additurum fuisse, dum multa, & magna quoque incidentia per iter discrimina pareant, unoque ipso capite tot imperia, tot hominum milia pendentia in periculum contrahantur. His adderet etiam, quod inter varios, ac dubios fortunæ casus martisque communia ludibria, si parum, aut nihil ostensus Regis aspectus coram urgendo proficeret, ac

„ velut post fortiùs nequiequam emis-  
 „ sum in hostem jaculum, quasi muti-  
 „ la, expésque torperet ad cætera ma-  
 „ nus, irritò jam supremæ majestatis  
 „ conatu, summæque populi expecta-  
 „ tionè delusa, quid ampliùs Regi fu-  
 „ turum, quod in extremo collabentis  
 „ Imperii opponere posset hostibus.  
 „ Non omnes tam citò hostibus  
 „ copias, virésque explicandas. Esse ali-  
 „ quod summis præcipuè Regibus re-  
 „ servatum, quod multò magis per in-  
 „ expectam, offuso procul in speciem  
 „ terrore, quàm reipsa per vim proxi-  
 „ mè applicitam valeat. Hæc & talia  
 Olivarium sagaciter obtendentem for-  
 tuna magis quàm ars, sive ingenium  
 destituebat. Multiplici namque & eo  
 ubique propè improspéro bello His-  
 panix tebus attritis, Imperiùmque tum  
 alia post aliam ruina præmente, cum  
 pro tempore alacriùs Olivarii obtre-  
 ctatores arrecti tam ipsius rectè, quàm  
 malè gesta per omnia momenta calum-  
 niarentur, vacua propè ipsius apud Re-  
 gem intrinsicè gratia, fluxa etiam &  
 imbecillis in speciem erat. Igitur cùm in  
 Status Senatu Olivarii ferè cadentis  
 jam claudicaret auctoritas, porrò tunc  
 pro Regina, & contrà Olivarium con-  
 siliariorum studiis accensis, & causa  
 longè discussa, ea in Senatu sententia  
 in gratiam Reginæ vicit, quæ Regis  
 profectionem ad Aragoniam proba-  
 vetat. Verumtamen Olivarius, cùm  
 magna esset constantia animi, variùsque  
 ingenii ambagibus præditus, tum regis  
 indolis peritissimus, novo commento  
 statuit decretum, jussùmque ad Ara-  
 goniam abruptete. Procul à Mantua  
 Carpetanorum septem circiter leucas  
 Atanucecium amœnus in primis recef-  
 sus, suæque Regum delitix, quò  
 fessi negotiis solent quandoque divet-  
 tere, jacet. Cæli salubritas, soli cul-  
 tioris ubertas, ex binis propè colla-  
 tis annibus irriguæ passim manantes  
 aquæ, quæ vel in rivulos fusa, vel in

stagna coactæ, vel in ingeniosas fistu-  
 las fontium contortæ per arte, & la-  
 bore compositas silvas, saltùsque, &  
 luculentos hortos circumfunduntur,  
 non minus jucundum in tam inculta,  
 atque arida regione, quàm theatrum  
 mirabile præbent. Huc Regem impu-  
 lit Olivarius, quo voluptatis eum  
 blandimentis mollium, & otio, ac de-  
 liciiis, sensuùmque omnium circun-  
 fessum illecebris à molestis belli curis  
 abstraheret; nec decteti tamen itineris  
 interim per ea se turbatorem, aut ma-  
 nifestum se dissuasorem prodere aude-  
 bat, imò potiùs itineri quod sumptuo-  
 sè, ac magnificè regiòque digno splen-  
 dore parandum esset, ea haud gravia,  
 & ingrata esse otia interjecta jactabat;  
 deinde cùm Mantuæ Carpetanorum,  
 quod ibi Regina commoraretur, sus-  
 pecta sibi vicinitas esset, jamque lassæ,  
 atque ex facili corpora implenti vo-  
 luptati Olivarius nova subinde irrita-  
 menta conquiteret, Regem inde Con-  
 cham, atque Aragoniæ Molinam tran-  
 stulit, apta ipsa venatui loca, quo Rex  
 in primis delectabatur. Itaque dulci,  
 oculorùque voluptatis veneno Oliva-  
 rius, simul tempore, quod omnia mu-  
 tat, tum vario, ac subtili artificio pro-  
 lassando negotio usus, cùm regis quo-  
 que ut plurimùm voluntates primo  
 emissio impetu torpeant, adeò trans-  
 vertit animum Regis, ut quod de re-  
 gia ad Aragoniam profectione Man-  
 tuæ Carpetanæ decretum frequenti Se-  
 natorum suffragio fuerat, jam in Pro-  
 vincix limite ejusdem præcepto Regis  
 in consultationem, ac dubium revo-  
 caretur. Lætus propterea, atque effu-  
 sè petulans institit Olivarius, quippè  
 qui Consiliarios omnes comites Regis  
 à sua fortuna, nutùque pendentes con-  
 sultò traxerat, nec dubitabat, fore  
 plane, ut id illi conferent, quod ipse  
 jussisset. Sed fortè tunc ita contigit ut  
 consultantiù conventui Marchio Gra-  
 natensis Cæsareus Orator mandato

Regis



Regis accederet. Hic belli, pacisque  
 artibus inclutus æquè Reginæ carus, ac  
 Olivario infestus, ubi concordēs Hispano-  
 rum omnium sententiæ jam iter  
 Regis ad Aragoniam institutum expun-  
 xerant, contra omnes unus insurgit,  
 ac disertè locutus affirmat, quod scili-  
 cet antea Mantuæ Carpetanæ discus-  
 sum, validis argumentis assertum, &  
 ritè consultum, ac fixum fuisse jurè  
 constaret, id esse omninò perficien-  
 dum. Illud enim à Status Senatu con-  
 siliis capite, ac fonte quæsitum, id  
 novi, subreptique consilii per rivulos  
 quosdam affectibus turbidos haustum  
 esse. Nihil quidem magis Hispanos  
 perculit, quàm coram ipsis virum ex-  
 ternum, & casu, aut favore in con-  
 sultorum cætum adscitum rei alienæ  
 consulere melius, eorumdem fractis re-  
 pentè sententiis publicè sibi arrogare,  
 ac patefacere voluisse. Reliquis tamen  
 ob tanti hominis dignitatem, ac liberta-  
 tem singularem ingenii metu, aut pu-  
 dore silentibus, unus Iosephus Gonzal-  
 ius regius Castellæ Consiliarius aura  
 præcipua gratiæ Olivarii, & suo-  
 pte inflatus ingenio præter disciplinam, &  
 urbanum loquendi morem Senatus,  
 qui post ordine latas singulorum opi-  
 niones, nec refelli, nec refellere quem-  
 quam sinit, insolenter, & extra ordinem  
 surgit, verborum effluvio strepitùque  
 contendens Cæsarei Oratoris oratio-  
 nem obruere. Tunc stomacho incen-  
 sus, atque ira percitus Marchio, præfer-  
 tim quòd per illatam æmulo contume-  
 liam videri Gonzalium vellet assentari  
 Olivario, & gratiæ ab injuria quærere  
 augmentum, sese quidem, adjecit, circa  
 Bartoli, Baldique scita, ac præcepta li-  
 benter concedere primas Gonzalio; at  
 in belli rationibus evolvendis vento-  
 se tantum loquacitatis rapidè verba  
 volventis, tantùmque volubilis, in-  
 compositique gestus ipsum Gonzalium  
 frustra consumere; illas enim non au-  
 diendo, nec explorando, aut per otium,

& umbram præceptorum, sententia-  
 rumque flosculos ex codicibus colli-  
 gendo, sed inter hastas, & gladios præ-  
 duro labore, assiduis vigiliis, notisque  
 cruentis addisci. De ridiculo esse pro-  
 fectò jam togatos munditiis, & otio  
 exquisitisque vitæ delitiis mulieribus  
 similes affluentes velle Ducum seden-  
 do dicta cavillari, & jura, legesque  
 militibus figere. Pertinuit tunc Mar-  
 chionis Granensis iram Gonzalium, nè-  
 ve ille jam verso colore, æstùque inci-  
 tatus, ac furens ad fœdiora convicia  
 probaberetur, aulicus, togatusque liber-  
 tati, & ingenio viri primarii, atque mi-  
 litis impar obmutuit. Ceterum ut levio-  
 ris sæpè momenti res fortuitò quando-  
 que vel providentiæ divinæ lusu res  
 maximas implicat, hæc privata, & for-  
 tuita in consilio altercatio negotium,  
 quod aliter successisset, Olivario om-  
 ninò dissolvit. Quippè Rex facti con-  
 scius, dissidiique propterea causam ma-  
 gis, quàm rem consultà cupidus agnos-  
 cendi ab Oratore Cæsareo postulat,  
 verboque ipse in concilio loco senten-  
 tiæ disseruisset, serius sibi met expen-  
 denda de scripto proposita traderet.  
 Paret mandato Granensis, Rêxque ex  
 probatarum rerum contextu, robusta  
 quadam, acrique copia, & aculeis, ner-  
 visque dicendi cùm prono volveret  
 animo, jam prudentiam, animùmque  
 Reginæ capacem Castellæ regiminis  
 subeundi, jam non adeò exiguum, ac  
 tenuem occurrere spem, debellandum  
 in Catalaunia esse, si regie personæ ma-  
 jestas, ac fulgor eò propius appulsa  
 fuissent, Olivarium etiam interdum  
 obliquè perstrictum, quod ab initio  
 belli Lusitania retracta censuerit, vhe-  
 mentius, ac primo loco esse Regi in  
 Catalauniam allaborandum, nunc au-  
 tem verso, pro ejus quæstu, aut libidi-  
 ne, studio, ita ostendere se in Lusitanie  
 domandæ consiliis, & curis immer-  
 sum, ut regni alterius jam pereuntis  
 propè ipsum oblitio cepere; atque  
 ideò

ideò ita cum sua non Imperii utilitate, ac salute pro rerum omnium temperamento videri Olivarium calculum ponere, his aliisque tandem convictus Rex argumentis sese, invito, ac palam repugnante Olivario, secundum Gracienfis sententiam Cæsaraugustam Aragoniæ metropolim contulit.

Cùm igitur ea in urbe Rex Catalauno intendendo bello necessaria pararet, otio, desidia, ac militari licentia labefactatum Lusitanum elanguescebat; nam inter cætera vitia, quibus ganea, vino, lustrisque confectus tunc miles ille volutabatur, cupido quoque habendæ pecuniæ potior, quæ ubi semel invasit, nihil ipsa omnino incorruptum in homine præterit, tabis in modum latissime effusa non militum modo sed Ducum etiam primorum infecerat animos. Proinde militiæ conturbatis undique officiis, erant ea tempestate nunc lascivientis, nunc debacchantis exercitus curæ, pecunia, aut æqualibus rebus Lusitanas expositas merces, aut Indiarum aromata commutare, sine ordine, sine imperio, latrocinii, non belli modo incurfantes frequentes ducere prædas, vel sese prædas hostium ferro, vel auro fieri, neque illam militiæ pestem, bellique ludibria sedulitate, aut supplicio valebat omnino coercere Garaius, quod gravi tunc esset corporis valetudine implicitus, ac simul primores Ducum, ut eidem ipsi crimini obnoxii suæ, ac cæterorum militum vitia dignitate, atque exemplo foverent, ac tegerent. Egrius propterea inter alios, & admodum paucos culpæ communis exortes Ludovicus Lancastrus, de cuius splendore generis bellique peritia diximus, animo gravabatur. Porro autem asperius, quam eousque solum, insolentemque deceret militem ipse frustra corrigere nititur, quod desperabat fore Garaius; inde majorum antea latentia vulgata quoque flagitia patent, ac notiora illorum exempla non pau-

cos integros etiam corrumpunt; cohibedis militibus impar Lancastrus palam ostenditur, atque ex eo scelere manifestum, compertaque jam clariùs effrænes, procacesque compescendi milites impotentia non nisi turbarum licentiæ ac laxiores exercitus corruptelæ & ad summum Ducem dedecora procedebant. Eo temerè, & gratis suscepto negotio Lancastrus Garaium maximè offendit, querebaturque in rem odiosam, ac planè superbam se ultrò immisisse Lancastrum, & quæ refricare faciliùs exercitus vulnera posset, quàm lenire, aut mederi. Indignatus ergo Garaius, ut obliquè Lancastrum tanquam aliud animo intendens occultis stimulis foderet, illius paulatim officia intervertit, eoque dissimulando, causasque adornando per contumeliam processit, ut tormentorum Præfecturam Lancastri propriam ei sine auctoritate, sine usu, titulo tenus relictam, & contemptibilem tandem fecerit. Insuetus ea videre, atque ferre Lancastrus quæ ætatis ardore, quæ nobilium virorum impetu ductus absque commearu, atque litteris assertitiis injunctum à Rege munus sua spontè deponens Cæsaraugustam querelas daturus ad Regem perrexerat. Ibi convenit Olivarium, docet eundem tumultuarii discessus causam, simul pollutam, everfam in Lusitania, insaniente milite, dissimulante Duce, bellicam disciplinam, seque illam actiùs restituere nitentem Garaii non modo destitutum auxiliis, at insuper loco favoris, aut præmii contumelia, atque injuria indignè notatum esse; falsa ita veris admiscens cuncta in majus amplificabat, stimulo nempe iræ, nève inconsulto inficiòque Duce, & contra morem militiæ profectio, leviori quoque excusatione accedente, intenderet contumaciam; certo, ac stabili tandem consilio ad Garaium non redeundi, pro Catalauno bello stipendia, munusque militiæ deposuit;

vetera

vetera exacta merita, recens delatum  
Garaii crimen, gentilitium ejus nito-  
rem, & gratiam ratus rem secus diffi-  
cilem lenitura. Veruntamen Oliva-  
rius, quo minùs ira calentem homi-  
nem, & animo fluctuantem accende-  
ret, vel quod indignum se duceret ri-  
gidè, ac durè virum nobilem alloqui,  
nullo tunc aspero factò verbo Lanca-  
strum licèt instantem, implacido ta-  
men, & quodam nimis ad gravitatem  
intorto vultu ancipitiquè responso di-  
mixit. Egressum proinde Lancastrum,  
& plures per dies Regis congressum  
nequicquam petentem, administròs-  
que prece, & ambitu fatigantem tor-  
tuoso, & callido quodam circuitu ita  
ludificat Olivarius, ut nisi palam in-  
crepitus, aut emendatus supplicio, vel  
temerarius, ac præceps, ac ideò tacitè  
castigatus injussus ejus è castris disces-  
sus reputaretur. Postremò inter spem  
merùmque sollicito, ministròsque ob-  
cundi frequentia, ac per dubia, & ina-  
nia illorum responsa lassato, simul tæ-  
dio, ac labore satis aulæ per artes pu-  
tito Lancastro, cùm frigefacta jam ira,  
refractusque langueret ille primus im-  
petus animi, tunc jussu Olivarii à Fer-  
dinãdo Contteraprimò è secretis Con-  
,, filii Status responsum fuit. Bellicam  
,, disciplinam, ac militare institutum  
,, obedientia, atque obsequio potissi-  
,, mum stare, cujus ipsum modo Lanca-  
,, strum per eam insolentem, & con-  
,, tumacem à castris discessionem cor-  
,, ruptorem, ac palam reum nec Re-  
,, gis decere subire oculos, nec im-  
,, punè dimitti. Igitur rectà ad Ga-  
,, raium reverteretur, quem nitiùs  
,, agere secum in posterum jam Regis  
,, præcepto cautum, nec egregio cui-  
,, quam, ac nobili quidem viro con-  
,, tumeliæ, ac dedecori, sis esse, ver-  
,, ti, cùm pro reipublicæ bono, atque  
,, ordine disciplinx minori quoque  
,, submitteretur, & si Garaium nec re-  
,, gia collata potestas ornaret, nec

sublimis militiæ gradus extolleret.  
Pro certo denique haberet, plus sanè  
reipublicè, ac Regi illicitam ejus à  
signis protectionem ne pravæ scili-  
cet imitationis contagio, si palam  
eam improbare non ostendisset, in  
bellicam disciplinam influeret, noci-  
turam fuisse, quàm quanta ipse in  
Garaium, & milites ejus crimina, &  
scelera cumulasset; quædam enim  
gravia quanquam peccata quasi fur-  
to, aut latenter commissa posse ne-  
gari, aut regi aliquando, aut in alios  
fortasse factorum culpam transmitti,  
meritiquè supplicii, quod in officio  
continet homines, excusationem  
prætexi, quæ vero in propatulo sint,  
& viros maximè polluant, qui per al-  
tioris honoris gradum, generisquè  
splendorem plus ad exemplum in pu-  
blica luce spectantibus pateant, si in-  
consulto dissimulentur, fomiti per se  
prono, ac satis corruptæ, vitiatæque  
naturæ impunitatis etiam illecebris  
ad prolabendum adjungi. Ita Lan-  
castrum ad Lusitanæ fines regressum  
gravi, mitiquè sermone Garaius repre-  
hendit, eamque illi deinceps amicitiz  
speciem exhibuit, qualis redintegrata,  
ac refarta esse solet perpetuis, ac mutuis  
nempe suspicionibus icta, ac semper in  
lubrico pendens.

Dum hæc geruntur in Hispania, quò  
eodem ferè tempore magis Bregantio  
fortuna erat in Lusitania propitia, eò  
magis apud Germanos adversa in Odò-  
ardum fratrem ingravescebat: is, sicut  
antè diximus, acti, ac perpetua de-  
tentus ibi custodia, cùm absentium  
Germanorum officia Principum mu-  
nuscula simul, ac litteras sapiùs acci-  
peret, tum in omnium propè ore, ac  
deliciis, liberalitate, gratia, & comper-  
ta quoque innocentia esset, repungere  
in animo cepit Hispanos, & maximè  
quod afflueret illi pecunia severioris  
cujusque custodiæ victrix, tutòne ille  
tunc in Germania custodiretur, an tu-  
tius

tus fuisset in solum Hispano subiectum carcerem commutari. Cum Ferdinando propterea Cæsare per Castelli Roderici Marchionem Hispanum Viennæ ea tempestate legatum agere Hispani ceperunt, ut ex Germania Odoardus Mediolanum traduceretur. Ea fortè res intellecta Odoardo, & quia spe libertatis absumpta hostium omnino manibus dederetur, & quia ipsi quondam Cæsar fidei pignus obtulerat, nunquam se integro illum passurum extra Germaniam libertatis expertem ferri, supra modum animo virum affixit, ac perturbavit. Scripsit itaque Cæsari jus gentium Odoardus implorans, fidemque debitam reperens, non id profectò sacramentum militis, totque apud illum contracta labore bellico merita, totque exhaustas difficultates, & pericula propè absorpta poscere tandem à Cæsare, ut hostibus ille proderet innoxium sanguinem hauriendum, lacerandâque viscera, néve diurnæ asperitæque custodiæ unicum modo solatium, & ultimam spem, & vinculum fidei, quod nunquam à Germania nisi redditus libertati demoveretur, extinguere tum privatam, tum publicam fidem frangendo sineret. Hæc de scripto per Odoardum cum essent Cæsari exposita, supra occultos justitiæ conatus, ac tacitam vim, quæ in malo quoque pectore serpit, in aula præterea Cæsarea intendebat quidam eò ideo missus ab Odoardo famulus eloquentia, jure causæ subnixus, & favore Principum Germanorum id indignè ferentium. Erat etiam Viennæ Cæsaris quidam minister sui Principis gratia clarus, nimium in aula porens, & ad omnium rerum arbitrium bonis, & malis artibus nactus opes, cumque Cæsarei animi affectio nunc instabilis, varia, nutûque Hispanorû fennè versatilis sit, ex quo sæpè coguntur ministri ejus Hispanicis potius, quàm Imperialibus commodis inservire, is à principio, ut Hispanis per

Cæsarem illis obnoxium assentaretur, Lusitano acerrimè adversabatur. Cæsarque aut genii sui contractione subactus, aut usu in gratiosi ministri consilio, & Hispanorum illecebra adversus lachrimas Lusitani, Germanorum Principum preces, & hortamenta juris inexorabilis permanebat: at optimis ille deinde Lusitani muneribus oneratus, & à sententia dejectus contra ubi tendere, ac niti capit in diversam subinde sententiam Cæsarem traxit, jamque dubia, & incerta nunc, quæ rara, atque certa paulò ante constiterat, per jactos ubique rumores agitabatur Odoardi ad Hispanos traditio. Quod cum audisset Hispanus Orator eò imperiosus, verbisque minax aspèrque Viennæ ministros, & Cæsarem compellavit, silendum scilicet esse legibus, ubi ex adverso regiminis usus, & ratio, seu cura reipublicæ status obstrepent; *Privatos quid. à juribus, at jura à Principibus regi.* Prospicerent tandem ne indissolubile adhuc utriusque Corone domusque Augustissimè nexum hic advena Lusitanus eo tempore adverso, ea frivola causa rescinderet, privatique hominis gratia cum maximi Regis indignatione collata iniquo nimis examine propenderet; ut his & similibus argumentis perterritus Cæsar, ac portò sententia repentè mutatus planè Odoardum arbitrio Hispanorum addiderit. Hispanus itaque Orator Augustinum Navarrum, prioris quem supra executorem custodiæ fuisse meminimus Odoardum regio nomine accipere, Regisque ex præscripto Italiani versus iter disponere jubet. Prima verò hujus perandi itineris cura, atque provisto fuit, veteres omnes Odoardi pellere famulos, ac novos inducere, ut inimici gratia receptos, Domino infidos; secreta deinde pietatis amovere ministrum, quod illum coarguerent Hispani, & conscientiæ Odoardi moderatorem, & omnium secretorum consilio

consiliorum ejus fuisse participem, & colenda maxime auctorem, quæ nimis Hispanis suspecta esset, Germanis cum Principibus amicitia, neque id alienum ab Hispanorum moribus, quos ipsi introspicere, erat, sub rudi nempè indumento, sacrique muneris larva, & cucullis, & infulis ad graviora dissimulanda, vel cohonestanda negotia altiora secreta condere; postremo ita rem comparare, ut mobilis sæpè ac novus Odoardo succederet famulus, qui nec longa assuetudine fidei, nec beneficio, aut merito gratiæ quærere locum apud Dominum posset. His rebus ita cõpositis, Odoardus subinde lætica vectus, & Germanis à Cæsare missis equitum, peditumque ordinibus circumfusis Navarro Duce ad Italiam pergere instituit. Jamque ab atque unde moverat Lusitanus ad Austriaci juris Tirolum cum via comitibus venerat. Hic alter est prætor Cæsareo comes adjunctus, qui ad iter expediendum ab Austriaco Principe destinatus fortuita re contigit, ut hoc viatoribus intercluderet. Pervetusta, atque integra adhuc finitimos intrer Tirolenses, ac Rheto de terminorum divisione pendebat lis. Princeps quo minus jus suum imminueret suo Tirolensi Prætori mandaverat ut Odoardum cum magistratus insignibus sequeretur usque ad Pontalium intra Enguidinam octo ultra leucas, qui causa litigii limes inter finitimos erat. Hunc itaque locum ubi prætor attingit sciscitatus, à Rheto cur in solo alieno auderet prætoris fascibus uti, jurgium extemplo, rixamque cum illo commisit; obstinatus deinde, ne per id præjudicii in exemplum fortasse relati jus, atque causa communis aliquando flaccidesceret, cum obsisterent partes, eo tunc calente dissidio interruptus est transitus. Concussus, ac valde indignatus ea improvisa difficultate Navarrus cum inflectere saltem Austriaci ministrum non „desperaret, Non id inquit loci, aur „consilii sui esse statuere Principibus

fines, aut jam senescētes persunctoriè “  
dirimere lites, sed bona pace percur- “  
rere viam, quæ victis communis gen- “  
tibus erat, & quam eò usque cunabus “  
intercipere, ne ausi quidem hæcenus “  
fuerant Austriaci nonnisi fermè ho- “  
stes. Porro autem Odoardi possessio- “  
nem à Rege Catholico intentam, ac “  
etiam Viennæ ab æmulis oppugnatā, “  
& vi, quàm gratia potius extortam “  
Austriaci modo sanguinis Principem “  
per comitatus speciem, & inania liti- “  
gia in dissenimen conjicere. Ea surdis “  
tamen Hispanus cecinerat auribus, ne- “  
mine illorum è suo decedere jure abs- “  
que Principis jussu satis animi habente. In eodem igitur loco motari Navarrus coactus ad Principem scripsit, ut revocaret statim Prætozem, qui per vanas, & futiles controversias non sine magno periculo iter impediēbat. Solvit tandem has dubitationes, atque itineris moras data mox à Ludovico Paniza ad Navarrum epistola, cujus sententia erat. Sese à Comite Zirolensi Mediolani Gubernatore Odoardii Portugalliæ custodiæ itinerisque Ducem cum Hispanis cohortibus destinatum fore illi quamprimum obviam, sed alia via ad Valtellinam nempè tendenti, ne per Enguinam forsitan transeuntes offenderent. Erat enim Plantarum ibi familia clientela, factione, & opibus potens, & cum hæresis labe, tum Gallo- rum favore suspecta. Lætus eo nuncio Navarrus, quo tutò intermissum repeteret iter, aliò inde statim deslexit, Malsiumque transgressus extremam Tirolis oram in planitie Panizæ occurrit, ubi dimissis Germanis ipse Paniza cum Hispanis militibus sibi ex Zirolensis mandato Odoardum per iter custodiendum assumpsit. Jamque ab externi militis, regionisque suspectæ cura, & formidine liberati cum Morbegnum Hispani fidentes, & animo alacres attigissent parum eo loco nihilominus absuit, quin per occul-

tas insidias Odoardus elaboraretur. Ad-  
erat hic Rethorum nomine Procura-  
tor, ac Prætor Joannes Planta cultu hæ-  
reticus ipse, gentilique propensione, af-  
fectuque addictus maxime Gallis, qui  
vel captus pecunia, vel ad Gallorum  
captandam gratiam, cum præscius iti-  
neris esset surripere Hispanis, etiam  
violata transitus fide, qua erant publicè  
Rheti Regi Catholico obstricti, eodem  
in loco Odoardum statuerat. In altam  
idecirco dissimulationem compositus  
Prætor allicere donis Hispanos, comi-  
tate blanditiis prolixioris benevolentie  
speciem ostendere, modo officiis cum  
illis, modo jocis, & salibus uti; Contra  
aspernari Odoardum, ac si fortè in illum  
incideret, obliquos jacere oculos, & su-  
percilium altè contrahere. Inumbrante  
in vespere die, qui solis canisque fla-  
graverat æstu, ut longa tristitia, atque  
angore depressum levaret paulisper ani-  
mum Odoardus inter Duces, militesque  
custodes per irriguos, amœnósque il-  
lius oræ tramites ducitur, inde ad hospiti-  
um regreditur, & stomachi tunc in-  
temperiem, capitisque dolorem causatus  
maturus ille secessit, & absque cœna  
decubuit. Lautè interim Duces in ea-  
dem cœnabant domo, cumque Germa-  
nico more inter plausus, festasque voces  
sæpè numero lacescita, ac majora ibi po-  
cula versarentur, tunc Navarrus sollicita  
quadam cogitatione, curaque improvi-  
sa remorsus atque intimè ictus, & quia  
talis incussæ sibi molestiæ eo tempore  
causa non suppetebat, majori quodam  
horrore perclusus, ac tacitus inter potus,  
& fercula hæret. Quid rei subita esset  
percunctantibus sociis hic sive casu, sive  
instinctu, afflatuque superiori, quæ Deus  
aut Angelus excitaverit, sive quid divi-  
nantis scintillæ luteis jam propè ægritu-  
dinibus suffocata humano quoque sub  
pectore lateat, respondit effugere sibi  
Odoardum. eripique videri. Ad hæc,  
quia semel exorta illico serpit, ac latè  
funditur superstitio, nonnulli etiam ea-

dem, & intus suspicione, metuque per-  
celli temerè fatebantur. Omnibus igitur  
qui circumfederant mensam novo  
stupore, ac pavore defixis, & quò eva-  
sura res tandem esset summo silentio,  
summa admiratione expectantibus,  
tunc Antonii Castella, qui Joannis Plan-  
tæ loci Prætoris Vicarius simul erat &  
amulus, nuncius ad Navarrum accedit,  
ejusque in aurem clam insufurrat, excu-  
bias Odoardo munirent, & vim frau-  
dèsque anteverterent; dolo, & injuria  
Prætozem grassari. Tum verò cum hæc  
in tempore audita & primo animi im-  
pulsui, & ferè improvviso vaticinio con-  
gruerent, Paniza, & Navarrus de men-  
sa statim exilientes in Lusitani domici-  
lium incurrunt, ibique in vestibulo hæ-  
rentes cadere januam saxi, clamore,  
strepitu impellere, Odoardum nomi-  
natim exclamare. Respondet vocanti-  
bus Odoardus, tum remisso paulisper  
metu, inde Paniza cohortes stationarias  
invisum, ad suum Navarrus domicilium  
revertit. Quò cum sollicitus introisset,  
unum ex famulis videt Navarrus, qui  
alia manu adolescentem quemdam te-  
nebat, nudo alia ferro, torva fronte,  
atque ira micantibus oculis illi interi-  
tum minabatur, ea nisi statim quæ clam  
ipsi Navatri famulo aperuisset, Domi-  
no proderet. Multas post minas, ac  
verbera tandem sæpius incussa coram  
Navarro dicere cogit adolescentem.  
Esse se Plantæ Prætoris ephebum, jus-  
sumque ab illo secretò monere Odoar-  
dum, ut quemadmodum inter ipsos  
convenerat, cum omnia jam ex senten-  
tia parata essent, quam celesterrimè fu-  
gam arriperet. Eo verò miseræ ac ludi-  
brii sese à fortuna projectum esse, ut per  
errorem loco Odoardi cum in Navatri  
famulum incidisset, fidem secreti casu,  
& inscitia corruerit. Præterea se nihil  
scire. Detectis itaque insidiis, ephebo-  
que strictiori custodiæ tradito hinc Pa-  
niza, hinc Navarrus cum milites con-  
vocassent, ingenti fragore, ac tumultu  
in

in Lusitani sedem irrumpunt. Specie cubantis in lecto jacebat, cum turmas repente militum, trucique aspectu, ac viventibus oculis Duces, & minis, armisque infestos ruere in seipsum dejectis toribus aspicit Lusitanus, ratusque extremo se futo per impetum illum in eodem momento premi vel animæ prius expiandæ pallore suffusus, ac tristior facultatem exposcit. Mitior exinde Paniza, non eò se quidem ad inferendam homini mortē, sed ad fugam prohibendam cum militibus accessisse, ne malè præstita scilicet, quæ à summo sibi Duce commissâ custodia fuerat, in ejusdem tandem innoxium Panizæ caput revolveretur. Cæterum vera seu falsa illa manassent indicia fugæ quominus temerè in dubio res tanti ponderis relinquatur, oculatas in posterum ipsi Odoardo addendas excubias esse. His ita confectis. Ludovicus Paniza adhuc terroris imagine pavidus, anxiusque reliquos milites congregat, copiusque divisit eos partim Odoardi vallare hospitium, partim itinere circuire, alios jussit propinquum antecapere pontem quò sive fraus, sive hostium fortassè vis intercurreret, omninò præclusus aditus esset. Ingravescere enim semel exorta suspicio fugæ cujusdam gregarii quoque militis testimonio, qui & ipse, falsus Panizæ fuerat, mediam circiter noctem per forium rimas aspicientem vidisse se Lusitanum è cubili sublatum, lectissimas gemmas, quarum ingens ei pretium erat, & copia, in fasciculum ducere tanquam fugæ se comparantem. Hæc porro animorum, & corporum volutatio hominum scilicet passim vagantium, atque paventium per reliquum noctis milites, atque Duces vehementer sollicitos tenuit. Ubi illuxit, iterque resumere Lusitano præceptum est, tum is nocturnum ob illum assultum, & oneratam quoque custodiam sibi injuriam illatam esse præ-

tendens, hospitio prius abire detreclat, quàm satis ipsi per rationem & strepitus causam expositam fieret. Negat hoc primo Paniza, nec sis aut opus hoc fore cum homine dictitat jam capite diminuto, & qui nec juris sui esset, nec legitimæ potestatis, cum Odoardus deinde propositi tenax atque animo exasperatus, venenum, quod ad casuum fortuita servabat, se potius hausturum dixisset, quàm loco decedere invitum, & contumeliis affectum, atque eripi sibi corporis libertatē, spiritus minime posse, Paniza tandem Lusitani constantia victus, quò planè acceperat ordine, insidias illi compertas aperit. Audit hæc Odoardus ingentique suspirio effusa denique voce (Rectè vos, inquit, expletis " ut decet, injuncti muneris partes, at " durior mihi fortuna est, quàm verti aut " infringi humano consilio possit, inò " licet profectò vobis tanto studio, tãto " labori in meâ custodiam collato par- " cere, dum adamantinis equidè vincu- " lis per fati rigorem trahor. ) Post hæc " intensiori cura, & custodia munitis viæ reliquum ire pergit. Sed antequam loco discederent Ludovicus Paniza, & Augustinus Navarrus ob manifestè deprehensas in itinere insidias coram scriba, atque testibus Joannem Plantam municipi Prætozem convenerant, illique palam denunciaverant publicè ab ipso læsæ pro transitu fidei supplicium ex jure gentium apud Rhetorum Senatū fore quamprimum Catholicum Regem repetiturum. Hinc Novum Comum deducitur Odoardus, ubi quanquam Hispani juris in loco, ea toties ac frustra petita Lusitani custodia, novo tamen periculo minimè caruit. Sic enim ab initio, eorum qui contrà tenderant, insidiarum ordo compositus erat. Jampridem evulgata Lusitani prosecutione cum dux ad Mediolanum pergerent viæ quarum altera in Enguidinam, in Valtellinam altera flectit, è Plantarum familia

quidam, & ipse opulentia, pecunia, & partibus valens, utroque itinere circumfesso in animo fixerat, si per Enguidinam fortasse transfiret in eorum dominio, & clientela Odoardus parata insidiantibus præda foret; si ad Valtellinam iter sequendo vergeret, loci Prætori mandaverat, ut quemadmodum licuisset hæc transeuntem furripere, aut rapere Lusitanum Hispanis annitteretur, si hæc in irritum cecidissent, cum plurimi ad rem etiam vi, si fraus defecisset, urgendam exules, prædonisque, huiusmodi nota calamitas per Mediolanenses, ac Venetos limites magno agmine grassarentur, iisdem ingentis, qualis Odoardi persona erat, pretii rapina proposita, ut ea potirentur verisimile quidem esset, ipsos remissæ nihil acturos. Sed Valtellinæ fortè disiectis insidiis cum noller jam ipse admotæ spe fraudis excussus in rem violenter, ac palam incumbere Prætor, sive, enim nulla, sive cruenta ea cum Hispanis pugnando victoria fuisset, in quocumque rerum eventu ipse unus aperte injustè intercepti transitus causa seipsum supposuisset fidei interpositæ reum, cumque altera via insidiarum interclusa penitus esset, nefariis tunc Prætor hominibus accersitis imposuit, iter, ac tramites insiderent, qui Novo Commo Mediolanum ferebant, ut ita se ipso fide exoluto, illi ingentium spe præmiorum sua pericula metirentur. Caterùm Odoardo jam Novum Comum advecto, postquam Paniza rescivit plenam esse latronibus viam, & saltus, ac silvas insidiis passim infestas, quacumque ipse cepisset iter ex composito erumpere intentis, satis, superque in eadem urbe munitus constitit, novis donec copiis, quas Mediolano frequentes acciverat, aggregatis, inde auctus præsidio Mediolanum contendit, ubi arcis Præfecto Odoardus diligenter custodiendus regio nomine traditur.

Narrationis nunc postulat ordo 1634  
Olivarii dicere lapsum à gratia Catholici Regis, & quod illum inter alia publica exitia Lusitanæ præsertim defectio peperit, & quod humanarum rerum mirabile in ipso, fluidæque Principum gratiæ versetur exemplum, quæ quò clariora legentibus fiant, de illius genere, cultu, vitæque instituto pauca præmittere oportet. Gaspar Gusmanus Henrico Olivario Comite, & Maria Pimentella genitus Romæ est, dum hic Hispaniæ Oratorem ageret Pater, eosque ibi fallaces aulæ spiritus hausit, quibus deinceps imperandi conditione, negotiorum usu, ejusque naturæ propensione mirè coaluit. Ab urbe Roma oratorio postquam functus officio est in utriusque Siciliæ administrationem patrem ipse secutus peregrinis Hispaniam indolem institutis, ac moribus imbuens, acutum, flexibile, ac docile simul ingenium variis studiis, & artibus temperavit. Ab Italia ad Hispaniam his amplis honoribus usus cum rediisset Comes Henricus Gasparem filium quamquam invitum ad jurisprudentiæ addiscendam doctrinam Salmanticam misit. In hoc juvenis exercitio natura cum opere luctabatur quippè, qui longè minis civili scientiæ, interpretumque cavillis, ac formulis, quàm Politicæ disciplinæ atque imperantium vacavit arcanis, rapiente illum tacito quodam naturæ imperu ad quod occultè fortuna struebat. Acerba deinde natu maximi fratris mors, cum amplissimæ domus expectatio, splendörque in unum Olivarium incumberet à Salmantica ad Regiam juvenem transtulit, ubi Duce fortuna, comite industria gratus sese Hispaniarum Principis, & hæredis Imperii servitio addixit adhuc Philippo III. superstiti patre, variisque tunc licet æmulis gratiæ præ alboribus nimis initio pelucidis conflētatus, inconcussa nihilo minus ipse semperque stabili constitit apud



apud Principem gratia. Erepto postea Philippo Rege, filioque subinde Imperii magnitudinem subeunte quò emergentis ætus invidiæ, quæ inter vaga Principatus initia ei qui ascitus, ac ferè intrusus imperii clavum arripuisset, terribilis est, cum artificio, fucòque deluderet Olivarius querelarum ingestarum incurfui & publico hominum odio cum specie, ac pompa quadam regiminis Balthasarum Zunicam objectavit, tanquam hic Politicarum, & militarium, ipse porro Olivarius in rerum domesticarum, ac leviorum curarum assumptus à Rege foret; at revera umbratili quodam dominio concertationes, amulationes, communes questus, & aulicæ odia, inseparabile imperii onus gestabat Zunica, potentiam, & vim alieno labore, ac periculo rectam clam, tutiusque Olivarius ipse tenebat. Cæterum ut suoapte mortales vitio ita præsentia, ac vetera oderunt, quemadmodum nova, & incognita cupiunt, idcirco averfari ac propter fallam imperii ostentatam imaginem summopere odisse jam Zunicam ceperant aulici, & Olivarius tum ferò quidem intellecto periculo, volubilem nempe Principis gratiam, captatu assuetudine facilem esse, ac societatem dominationis infidam de illo postea, ut propinquius in latere Regis hærente, ac majora affectante, suspiciosus, & animo anxius, qua ratione affligere posset, quem idem extulerat, cogitabat. Inter hæc fato intercipitur Zunica, & Olivarius perniciosum, ac pariter stultum inter aulicos esse ratus in summo potentie gratiaque fastigio sua sponte periclitari per inductum amulum malle, quàm insanos vulgi rumores, & invidorum loquacitatem despicere fumotis illico amulis palam, & solus, obnoxio jam Rege, vastam Imperii regendam molem suscepit. Hoc maxime modo Olivarius duos, & viginti circiter annos regni, Regisque

potitus arbitrio est, & planè cum nulla insigni ab Hispanis suscepta clade alternis æquaret fortuna successibus res, nullo negotio, & odia majorum Olivarius oppressit, & æqualium insidias, & allatrantis quoque populi voces, quas etiam obtrectatores confectis sæpè fabulis pascunt. Complures prætereà secundum speciem amici, faulstr, quos sortis illecebra, ac temporis vincula jungunt prosperè agentem hominem adjuvabant. Versa postremò fortunà, vertere quoque ceperunt hominum placita, voces, sententiæ, perinde quasi alia mens, alius homo cursum regiminis direxisset, & jam vitia erant in Olivario, quæ quondam virtutes fuerant: fatalis hujus scenæ conversio, & rerum mutandarum initium à Cata-launiæ motibus ortum. Hac primò deficiente, regia etiam erga Olivarium fluere paulatim, ac minui quotidie benevolentia cepit, vetusque deferere sensim ipsum audacia, atque ille animi pristinus vigor, & spiritus, amulos autem ex pervetusto ejusdem viri dominio, fastusque insitus timor, pudorque. Incaluere deinde communia hominum odia, questusque Lusitanæ defectionis additamento, totque Imperii sese prementes eodem prope tempore clades gravem apud Regem suspicionem confecerant, judicione an animi inertia potiusquam forte in publico ministerio, atque arbitrio delinqueret Olivarius, & utrum infelicitis, inepti, sive nefarii mutatio ministri spei aliquid videretur afferre eo jam usque collapsas Hispanici Imperii res omnino, aut ex parte fore quandoque restituendas. In humani tandem judicii, ac Regum maximè lance, cum multò plus fortuna momenti, quàm ratio hominisque consilium, ut quisquam mereri negotiorum curam, & fidem valeat, ut plurimum teneat, secum Rex ipse pro rerum eventibus statuit, regimine, ac Regia Olivarium primo quoque tempore

exigere; speciosam tamen ad rem comminisci, vel ultrò per tempus occurrere causam desiderabat, ne fortè Olivarius, ut publicè reus acceptarum Hispaniæ gladium expulsus, reprehensionem, & quasi crimen in ipsum reflecteret Regem, qui tandiù illarum auctorem ad Imperii perniciem, & contrà publicas querimonias sustinuisset. Est alia quoque in Principibus saltem Hispanis satis nobis comperta animi affectio, rerumque provisio, longis occulta nempe consilia quasi cuniculis ducere, ut vera effectus intenti causa, quæ in cordis recessibus latet, minimè appareat. Hinc sæpè numero illusos, atque deceptos aliorum se oratione videri malunt, aut insulos, aut perperam sentientes quàm quidquam, quod intrus reconditum habeant, responsionis verbis effluere. Cæterùm & si ad rem hanc maturandam haud Regi infrequentes occasiones inciderent; Olivario tamen ab officio pellendo obstabat inveterata gratia, quæ solidas adeò radices in ejus animo fixerat, ut quanquam Philippus evellere cuperet, ægrè se ipse vincere, ac frangere posset. Regiam enim estimationem, & reverentiam non minus sibi Olivarius integritatis, justitiæ, religionis impensius jactato in negotiis ardore pepererat, quàm assidua vigilia, labore, atque studio pro Imperii administratione susceptis, effusam Regis benevolentiam. His verecundiæ, & amoris validioribus quidem gratiæ firmandæ apud homines nexibus accedebat, secundum fortunæ gradum humanas plerumque affectiones intendi, acuique atque in summa fortuna qualis est Regum summam concipere vim, impetumque ex quo revera contingit aut petrarè, aut vehementer amare reges, & cum pudor inhaerit, eo potissimum tangi. Addebatur peculiari quoque Philippi Regis ingenio obscurior, suisque ipsa involuta consiliis, atque implicita mens, tum imminutus

ac debilis animus ex se ipso explicari, enitique insufficiens etiam in minoris momenti rebus. Iniquum præterea ea tempestate censebat Rex, cum de Olivarii sibi ruina deliberandum esset, quando suo ipse diffideret, alieno consilio uti, quod planè ipse sciret, ob gratiæ amplioris invidiam, consuetasque in moderandis reipublicæ rebus offensiones inimicos in illum astare multos, æmulos ferè omnes. Hisce curis luctantem Regem fortè Regina intraspexit, etiam ipsa jam pridem cum stomacho, & ira potentatus imparitatem, atque superbiam imperiosi, petulantisque naturæ æmuli dedignata, cum verò præsentit labare jam Olivarium, atque omninò æmuli deurbandi favere opportunum conatibus tempus, optimo quidem consilio extremæ illius ruinæ ministram elegit Margaritam Sabaudiam. Erat hæc enim cognata Regis, Olivario vehementer offensa, ut mulier, ut Princeps avida nimium vindictæ, quod Lusitanæ defectionis rea ipsa apud Regem ab illo immeritò constituta, atque idcò tunc specie extorris in Oceanæ relicta secessu, spreta ibi, deserta mulier in solitudine teneretur, ne esset ei locus coram Rege aliquando purgare se, aut illo squalore, & angustia ac perpetua ægitudine animi accelerata fortassè Principis mors ut omnes tandem Olivarii suspiciones, & odia convelleret. Itaque clam Regina Margaritam per litteras monuit, jam nutare, ac pessum ire quotidie quoque videri in Regis opinione, atque gratia Olivarium, si paululum simul anniteretur, nec factu difficile fore, in illum jam præcipitio pendentem, omnique prorsus destitutum auxilio impulsam simul addentes miserabili casu injurias tum publicas, tum privatas ulcisci. Summa proinde cautione, ac silentio festinaret ad aulam iter. Apud Regem nunc mitiorem, ac præter morem tractabilem inussi, improvique discessus

discessus causæ patrociniū se suscepturam. Ad ea læta, atque alacris Margarita sub noctis dimidium vulgari, ignotōque subvecta cutru citato cursu ab Ocania digreditur. Ejusdem oppidi Præses, qui abeuntem fortasse ibi sistere Principem, ejusque interea secreta, actionesque rimari, ac revelare Olivario jussus jam pridem fuerat, duabus post horis eam repentinam profectio- nem intelligit. Proinde quatere, ambire, volvere in oppido omnia, mittere statim, qui cunctis vestigia tenerent, vel observarent, sed cū ei amplius non licuisset juris sui terminos jam prætergressam remotari, vel assequi Principem per tabellarium cursorem rem Olivario denunciat. Is tum improvise audito casu percussus, ac territus, & cumularium, premensūque se se malorum cogitatione confusus, ac trepidus, quidve potissimum evitaret, & magna inter mala seligeret anxius, ubi in arcto sibi rem esse, & proclivem fortunam suam, & amulos omnes arceos, constipatosque videt, non id temporis esse ratus, aut Margaritam in via deennere, aut à Regia venientem excludere, fremens idcirco frendensque ira, vietricē tandem passus est illam accedere ad aulam, ea tamen verborum asperitate, ac tumido supercilio Margaritam, cū Regiam ingrederetur, excepit, ut æquē suæ ac alterius conditionis oblitus nimis ipse iracundē, ac valdē intemperanter obstreperet. Assiduū apud Regem deinde clandestinæ discessionis carpere contumaciam, insectari supetbiam Sabaudix, ut ille gratis ajebat, ingenitam indoli, lacerare conviciis, ac probris, facem, pestēque sæpē dicere Lusitanix, cujus porro vecordia feminæque stulticia florentissimum regnum illud exarserit. Hæc apud aulicos, hæc apud Regem, ac proceres, hæc in Status quoque Senatu propē concionabundus Olivarius sæpē repetere, non

tam ira in præfendi, aut ultionis ardore commotus, quā cautione ac tutela pro ea quæ ab illa jure recideret, formidine præmunitus, quò feminæ scilicet ut graviter læsæ, ut iratæ, ut ulticis furore sese per convicia, & maledicta jactantis, cū acerrimē in ipsam invecta esset, auctoritatem, ac fidem infingeret. Quod enim merito suo virtus, nonnunquam, & dolo consequitur ars, ut in auctorem quoque re- torta vera incidant maledicta. In eo maximē tamen suas ipse omnes collegerat artes, ac prope ingenium Olivarius expresserat, ut Margaritam quam ad hoc efficacius, & sua Reginxque cura, & solertia tendentem, à secreto colloquio Regis arceret. Mœstum semel, & anxio rem solito in publicis curis Olivarius Regem offendit, joci cum Rege cū idem hoc tempore consuevisset, tunc velut per jocum illabi sibi curavit. Caveret utique Rex, ne tristis, ac niger ille suffusus visceribus humor cum atra Sabaudix bili commisceretur. Aliis & seriò cū sermo incidisset, sollicitius monebat Regem, quid sua, quid sui Imperii regiminis interesset, iniquē tum opugnata, & quodammodo afflictam ministrorum auctoritatem tueri, ac reverentiam officii, cū nequiores, ineptioresque quasi ex tuto videantur in aula extra injuriæ periculum degere, meliores perpetuò acriori appetantur invidia, pugnamque perennem exerceant, iisque livore fortē dejectis ad indignos, vel fatuos hæc regni ornamenta, & modestam prudentiæ, & rerum omnium arbitrium venturum, atque inde imperii exterminium futurum. Eodem ille consilio ejusdem uxorem quæ Reginx tunc erat cubicularia, Margaritæ Principis aditus, exitus, tempora, gesta explorare, ac vestigiis hætere jussisset, ne unquam mulieri facultas esset Regem sine arbitris convenire. Diutius eo astu, ac solertia utraque ex parte

certatum est, inter Regis pudorem, & Principis Margaritæ modestiam superante Olivaria. Vicit tandem Regina vii fortius in rem intendentis auctoritas, quæ potro secretum Regis cum Margarita colloquium poposcit alacriter ipsa, & impetravit à Rege, contra nequicquam moliente, ac reluctantè Olivaria; hora enim præstituta colloquio, rei tanquam inscia, & comis, & falsâ obsequii velamine audebat ingressuram ad Regem persequi Principem. At Regina interpositæ imperio, minaci quæ deterrita vultu mulier turbata, ac cinereo propè colore suffusa in janua limine ejecta substitit. Igitur Margarita Sabaudia cum ultra sexum ingenium industria, atque aula consuetudine excultum, tum sua ingenua luce, negotiis, atque periculis expolitum haberet, hæc fermè sola apud Regem eloquitur.

„ Esurie, quæ malorum ultimum  
„ est, ad Regiam, ad tuos ego proje-  
„ cta pedes, Domine accedo. Impro-  
„ visum, ac ferè tumultuarium meum  
„ istum, sed coactum tamen ad aulam  
„ accessum, equidem noli super ea,  
„ quæ mihi errores, & crimina passim  
„ obijciuntur, augere apud te mali-  
„ tiam, & cumulum. Immanes, ac  
„ feras belluas, quanquam luce, &  
„ consorcio abhorrentes ex caveis, ca-  
„ rutorumque cubilibus inedia stimu-  
„ lus famelicus agit, vitam meam, quæ  
„ nec inutilior quidem, nec vilior est  
„ si ab Oceani secessu, seu luctuosa  
„ potius custodia famis quoque mor-  
„ tibus laniandam, te non iubente, Oli-  
„ vario certè adversante subduxerim,  
„ ita sceleri omnino ero in hoc in faci-  
„ nore obnoxia, ut etiam in aliis pro-  
„ miscuè arguor. Cæterum rea ego  
„ fuerim necne, dubitari fortasse po-  
„ terit, culpæ tamen squalorem, igno-  
„ miniam, ac pœnas absque ullo du-  
„ bio per tot animi angores, coacerva-  
„ tasque longè miseras patior, & quod

planè in hac causa multò magis ini-  
quum, & impium est, prius oppres-  
sa, quàm citata, prius damnata, quàm  
audita, contra bene meritam Prin-  
cipem, & Austriaci sanguinis sobo-  
lem inverso judicii ordine dirum  
rerum humanarum exemplum præ-  
beo. Nonnihil porro decerpam ex  
longa meorum calamitatum Iliade,  
ne explicatiùs singula dicens obtun-  
dam. A penatibus meis, & dome-  
stico imperio inflatis quondam pro-  
missis avulsa, Lusitanoque quan-  
quam invita regimini imposita, non  
regere ibi vel imperare, sed Marchio-  
nis Populensis superbix, atque fa-  
stui, sed Vasconcelli terribilissimo genio  
servire, amborumque inter se discor-  
dibus studiis media ipsa raptari, ar-  
que distrahi non minus laboriosè co-  
acta, quàm contumeliosè, quàm tur-  
piter sum, quæque imperium in Lu-  
sitania, iubente te Rege, quæsieram,  
servitutem acerbam experta sum.  
Post Lusitanix defectionem à mini-  
strorum ego meorum emerfa ludi-  
briis in Ducis Bregantiæ, & victri-  
cium ejusdem partium insolentiam,  
& itas inpegi; in tantæque rerum  
conversione, ac tumultu nihil aliud  
agere mecum visa fortuna est, quàm  
tortores mihi mutasse; à custodiæ  
namque severitate, ab excubantium  
molestiis, ab arido victu, eoque la-  
chrimis macerato, à carcere, & pro-  
pè vinculis meæ me dignitatis, ac  
generis splendor nec vindicavit in-  
sonem, nec barbaræ quidquam in-  
me asperitatis remisit. Multa ibi su-  
stuli, multa votavi; In hoc uno for-  
tasse Bregantius ostentare se Regem  
ratus, quod se meliorem affligeret.  
Porro cum inde ad Castellam rever-  
sa essem Bregantio ne humaniùs, aut  
mitiùs me Olivarii arrogantia tra-  
ctavit. Vetera quidem, nec ex justa  
ulla causa sed livore duntaxat ma-  
nantia odia, violentiùs, cum erum-

„pere fortè liceat, incumbunt. Præ-  
 „terea cùm hæc iterum semel, ac tuere ap-  
 „petita cujusque probitas cepit, effli-  
 „ctim eliditur. Hoc volente, hoc  
 „imperante ex longo sanè intervallo  
 „capte similis ego, ac velut belli, &  
 „certa Olivarii furoris præda in cit-  
 „cunscripto, & angusto Oceanæ linu-  
 „te vixi. Hinc ira in hoc loco, ani-  
 „mi sollicitudo, turbatio, deteriorum  
 „etiam malorum metus, ac propemo-  
 „dum desperatio, infestorum affec-  
 „tum omnium intestina pugna ac  
 „rumulus, illinc fames, rerum ino-  
 „pia, rigor exilii, ac libertatis adstri-  
 „ctio integrum annum fœminam Prin-  
 „cipem divexarunt, & animi an corpo-  
 „ris magis, cùm hæc duplex pressura  
 „esset, perpetuis laboribus, & crucia-  
 „tibus angereetur, incertam; ex qui-  
 „bus sola fortassè anima velut fesso,  
 „laceratæque miseris corpore desti-  
 „tuta sibi aliquem tandem exitum in-  
 „venisset, nisi alimentorum inopia,  
 „quæ arces etiam invincibiles prodit,  
 „expugnata quoque patientia mea,  
 „nunc victam me tibi, ac seminecem  
 „tradidisset. Igitur hic modò fœmi-  
 „nam habes similitudine fortè ream,  
 „exactumque tali de rea supplicium,  
 „& eò durius, eò atrocius quia inimi-  
 „cus ejus exactor, ac Judex est, &  
 „quia lenta morte peremptæ, ac per  
 „stillicidia prope consumptæ suppli-  
 „cium crudelius, ac longius est. Ve-  
 „rùm, quid in te rogo tanto suppli-  
 „cio dignum peccavi Rex? num frau-  
 „de? num injuria fortunæ? num opi-  
 „nionis errore lapsa ego ad desciscen-  
 „dum compulsi Lusitaniam? Haud  
 „equidem in hoc crimine refellendo,  
 „vulgari, atque omnibus obvio illo  
 „argumento utar, studium scilicet fi-  
 „dem, sollicitudinem meam in regi-  
 „mine laudem, fortunam accussem.  
 „Cur enim de fortuna merito querar  
 „ego, quam nec consilio, nec ratio-  
 „ne, nec ullo profus ad regni admi-

nistrationem negotio aliquo modo  
 „experiendi mihi, attentandi permiffa  
 „potestas est. Inter Marchionem Po-  
 „pulensem, & Vasconcellum scenæ  
 „ibi tantummodò, ac pompæ Guber-  
 „natricis inserviens, vacua propter  
 „derisâ, atque inutilis mulier ab initio  
 „gubernationis sedebam. Duo homi-  
 „nes isti spes, atque vota Olivarii ina-  
 „nissimè instantes, totum regiminis  
 „orbem circumferebant. Ultrò citrò-  
 „que ut ab illis relata, aur consulta, ut  
 „Olivario decreta sententiarum ora-  
 „cula commebant, mihi tanquam  
 „inerti, despectæ, otiosæque mulieri,  
 „& quodammodò infidæ recondita.  
 „Proinde sine auctoritate, sine ope, sine  
 „consilio rerum omnium prorsus igna-  
 „ræ, & inimicorum propè ludibrio,  
 „& contumeliæ projectæ fœminæ rotæ  
 „inter æstus, fluctusque se mox im-  
 „mersuræ reipublicæ nihil profectò  
 „agere, nihil cavere concessum fuit.  
 „Id tamen excidii quod ipsa prævidi-  
 „& antevertere minimè potui, & cu-  
 „jus excidii causa in Bregantium, oc-  
 „casio referri in Olivarium debet,  
 „utroque in præfenti cum suis opibus  
 „integrali, altero scilicet Rege, alte-  
 „ro specie Regis, & utroque Tyranno  
 „equidem totum hoc innoxio capite  
 „mulier excepi. Atqui ipsa rem præmo-  
 „nere, increpare, debueram, & nisi vin-  
 „dicis, nisi imperâti, nobilioribus me-  
 „que dignis exclusa curis saltem in re-  
 „gno speculartricis munere fungiplanè  
 „submittere se, dare injurias reipubli-  
 „cæ, & quoquo pacto juvare pericli-  
 „tantem oportet. Et me id utique fa-  
 „cilitasse, ut plurima necessaria scitu-  
 „que digna quo nempè rerum sub-  
 „tractis tibi notitiis, usque pruden-  
 „tiæ carentem facilius circumducant,  
 „& fallant, fortassè te Regem laret.  
 „Quid porrò cùm me inconsulta, &  
 „Olivario suadente arma, & pecunias  
 „Bregantio, viam scilicet concupito  
 „paraudo regno dedisti, cum Lusitano

ad Catalauniam transvecto repente  
 milite, enervatæ spoliataque præsi-  
 dio arces sua etiam sponte incitatos  
 ad defectionem cives alliciebant,  
 cum clandestinos extus, ac nefariæ  
 conjurationis inditia didiceram ab  
 extraneis, mei enim, tuique se mihi  
 ministri tum credere nefas arbitra-  
 bantur, nonne accuratius Olivario  
 cuncta rescripsi, orientis, increfcenti-  
 sque conjurationis spiritus, nervos  
 momenta quæque notando, conjura-  
 tionisque partes, ac Duces? Verum  
 n, quem operæ meæ fructum ego  
 retuli Olivario? Ambigua sanè res-  
 ponsa, contortaque verba, sensus  
 obliquos, obscuros, velut ancipiti  
 latos oraculo, atque ita porro ubi me  
 bene meritam, atque in laudè &  
 amore positam cogitabam, esse rursus  
 irrisam, ac spretam gravius in-  
 dolui. Cæterum justus hic dolor  
 num me obmutescere postea? num  
 connivere, aut indormire periculis,  
 aut extrema præterire remedia coë-  
 git? Certum, & ratum apud aulicos  
 omnes est, perniciosius omnino esse  
 primum ministrum, quàm Regem  
 offendere; Rex quippè læsus per il-  
 lum molliri, flectique, minister, ut  
 regia tumidus grata, atque assen-  
 tantium corruptus illecebris ferè à  
 nemine potest; simul qui sua indu-  
 ltria, & ingenio alienos tractare ani-  
 mos callet, quo in artificio summus  
 minister excellit, ipse plerumque in-  
 tractabilis est. Præterea cum ultionis  
 vis, & aculeus in homine ex digni-  
 tatis mensura, virtutisque incremen-  
 to decreseat, tantumque subeat Re-  
 gis conditio quantum declinet pri-  
 vati, plures invidia, artibusque mi-  
 nistri, quàm ira, vel odio Regis inter  
 subditos pereuntes agnovimus, epi-  
 stolas tamen, fluctuantis, quæ regni  
 motum, & habitum declararent, ego  
 multas subinde tibi commisi Rex  
 quas Olivarius superbè rejecerat; ex

eo quanquam scirem in Olivarii of-  
 fensionem incurrere, quippè qui ad-  
 te coram vel scripto absque ejus per-  
 missu adiri pro crimine ducit. Ve-  
 runtamen nihil peget mihi respon-  
 sum est, & aliunde Olivarii ingravescen-  
 tibus odiis, quia tibi ipsa placere  
 per ejus iracundiam quæsierim, in-  
 gratæ inanisque sollicitudinis immen-  
 titas modo pœnas exsolvo. Omnia  
 igitur ausa, atque passadum Lusitanie  
 assidebam, ut hunc rerum avertere  
 turbinem posseni cum nihil amplius  
 præsidii, aut spei humanæ reliquum  
 cernerem, ipsamque irreparabilis regi-  
 ni ruinæ ut spectatricem in sædo  
 spectaculo destinatam, quod ultimi-  
 mum erat destitutæ, abjectæ, mul-  
 tisque doloribus fractæ mulieri suspi-  
 riis, ac lachrimis Lusitaniam fædo,  
 vel hominum culpa ruentem, ac de-  
 flagrantem consequi capî; tamquam  
 multis, ac tandiù jactata procellis,  
 atque periculis meo tandem capite  
 didici cum potissimum inter homi-  
 nes mulier opinionis, & famæ, quæ  
 cursus errore humana pleraque tra-  
 hit, detrimento laboret, ad eam gu-  
 bernantem nisi integerrimæ fidei mi-  
 nistri, tum in agendo mirè concor-  
 des accesserint, inevitabile quidem  
 Imperii, quod temperaret, futurum  
 exitium. Nihil profectò absurdum,  
 nihil à fide alienum loquor. Impera  
 quæso Rex tua vel Olivarii secreta  
 scrinia recludi, litterulæ meæ quasi  
 innumeræ in illis reperientur aut situ  
 semelæ, aut penitus lacere, aut con-  
 tagii suspectis similes cum intacto  
 adhuc signo in acervos conjectæ.  
 Unde hæc tanta animi elatio, atque  
 immensa in Olivario fiducia est? unde  
 hæc effusior contemptio mei? Res  
 à me malè propositas spernere, secus  
 admittere potuisset; apud superbas;  
 surdasque aures non propriæ, nec  
 alienæ prudentiæ, non pœnæ, seu  
 præmii merito locus est ullus. Vel  
 omnia

„ omnia scire, & audire, nisi exequi  
 „ omnia, qui gubernaculo sedet, oportet.  
 „ At ille tuo periculo peccat Rex,  
 „ tūque infelix, ac perditus propè aliena  
 „ stultitia versaris, cūque tu illi  
 „ per traditas temerè opes, & imaginem  
 „ regni potestatem peccandi facias,  
 „ ror cumulatīs Imperiī cladi-  
 „ bus tua simul, & Olivarii peccata  
 „ suis. Quod ad me attinet, dum iussu  
 „ tuo Lusitanī inani cum titulo,  
 „ ac falso nomine præsui, quantum  
 „ mihi per tempus, insolentēque ministros  
 „ licuir, diligenter, ac studiosè me munere  
 „ meo defunctam existi-  
 „ mo; si ultra Olivarius, ut solet, pro-  
 „ caciter adversetur, placeat, utrumque  
 „ jure aliterari; audiāntque Iudices  
 „ Margaritam Sabaudiam contra  
 „ Olivarii injurias, & odia, legum sub-  
 „ sidium implorantem; sin tibi idipsum  
 „ quoque dedecere videretur, ita  
 „ me, ut vides, aula denique exorrem,  
 „ egentem, circumfusam ærumnis  
 „ inter ludibria Olivarii, & contumeliosas  
 „ populi voces deferere, non minus,  
 „ Rex, tibi, quàm mihi quidem deforme  
 „ communi iudicio fuerit.

Postquam Margarita disseruit, studio  
 Rex prius, ac fide Principis collaudaris,  
 ejusque libatis breviter meritis postremo  
 subjecit, posse, quæ quaestā adhuc bre-  
 viter esset crudelitati fortunæ, quæ ex-  
 cutere sapius benè meritos soleat, at-  
 tribui, de cætero se curaturum, eam,  
 ut par esset, observari, colique, ac di-  
 versis officiis ante acta rependi. De  
 Olivario nihil adjecit, verum contra-  
 cta mænore frons, ac discolor vultus,  
 & in terram defixi oculi aliquid altius  
 in pectore tunc volutantis clariora, sed  
 tristitia quædam promebant inditia. Fuit  
 hæc prima, atque intimè impressa in  
 Olivarium labes; amisso deinde pudore,  
 ac regia jam aure manifestis, assidu-  
 usque insectationibus trita, nudum  
 in posterum ille latus æmulis appeten-

dum exposuit. Notum idipsum Re-  
 ginæ, cūque ipsa Regina gratia, at-  
 que admiratione virtutis ex eo mul-  
 tum apud Regem increbuisse, quod  
 Casaraugustæ moram habente Rege  
 pro Catalauno juvando bello summo  
 labore, summo studio, pretiosioribus  
 quoque suæ gazæ copiis oppignoratis  
 abundè inopiam ararii in magno re-  
 rum discrimine expleverit, eamque  
 recentibus meritis partam cū inha-  
 rentem de se opinionem in animo Re-  
 gis satis nunc exploratam haberet mul-  
 lier, porro ipsa liberius, atque expli-  
 catius ostendere cepit Regi, quibus eo  
 tempore vitiis corpus regiminis labo-  
 raret, quid validum, quidve infirmum  
 per Imperiī amplitudinem foret, quæ-  
 dam etiam aperiebat in regiminis dis-  
 ciplina Olivarii artibus Regem laten-  
 tia, quibus sua ille, suorumque clien-  
 tium commoda reipublicæ videbatur,  
 & utiles etiam honestis rationibus an-  
 teferre, eaque tum omnia tam solet-  
 ter provisā, tam cautè prolata, tam  
 acutè responsa cū aliquid Regem in-  
 terrogasse, contigerat, ex industria  
 Regina Olivarii nomen declinans in-  
 stillabat auditui Regis, ut luctuosi po-  
 tius viderentur illum eventus, ac te-  
 meraria damnare consilia, quæ detra-  
 hendi sanè formula acutior est, quàm  
 insectantis æmulæ verba. Ad ea tunc  
 audienda majori quotidie quasi stupore  
 defixo, pronoque animo, & auribus  
 Regis, quò iniquius & ipse antè ejus-  
 dem ingentes forminx dotes neglexe-  
 rat. Dum ita per astus Regina contra  
 Olivarium Regem impellit, ex parte  
 altera Comes Castrillius, qui Re-  
 ginæ Castellam propter Regis absen-  
 tiam administranti ejusdem Regis man-  
 dato adedò egregiam contulerat ope-  
 ram, ut futuræ ex eo ille magnitudi-  
 nis semina jecērīt, Reginæ instinctu,  
 motūque cū Regem aggressus esset in  
 hunc prope modum detexit illi jam sibi  
 comperta, usūque ab ipso in eo negotio

tractata

tractata, nec brevis quidem medelæ reipublicæ vulnera.

„ Imperiorum omnium mutationes,  
 „ & clades ut plurimum omnes perne-  
 „ cessariam, aut stultam ætarii profu-  
 „ sionem, & vastitatem inferri, quæ  
 „ deficit enim, ac necessariò ad rem  
 „ impendenda pecunia est, dum erui  
 „ per scelera, aut subditorum lanienam  
 „ incumbitur, inde questus, & publi-  
 „ ca fluere odia, turbulentisque occa-  
 „ sioniqueprehendendæ paratis homi-  
 „ nibus cuncta passim turbandi, ac mis-  
 „ cendi quæsitam aniam offerri; præ-  
 „ tetquam quod venis, ac nervis rei-  
 „ publicæ incisis, aut illo sensum ex-  
 „ presso, qui pecunia dicitur, sangui-  
 „ ne, si ex Politico corpore multum  
 „ exhaustis, id primò in deliquium, si  
 „ totum, mox certè in exitium iturum,  
 „ ac tabem est. In hac autem ætarii cu-  
 „ randi utilissima ratione gravius se ab  
 „ Olivario esse, aut negligentia, aut  
 „ inscitia peccatum hæcenus compe-  
 „ nisse; nam præter Consiliariorum  
 „ conventus qui communibus curis ad-  
 „ dicti in hac Curia duodecim nume-  
 „ rantur, quique annus cumulatis sti-  
 „ pendiiis nimis & ipsi multi sine regu-  
 „ la, sine modo regis opibus signantur,  
 „ ut supplementa priorum extra ordi-  
 „ nem alios adjecisse Olivarium qui  
 „ Senatus legitimi propria ad se nego-  
 „ tia excutienda trahentes dum alie-  
 „ nas exonerant, aut præ numero, ac  
 „ turba potiùs implicant curas, pensio-  
 „ nibus quoque in rem molestam, &  
 „ irritam geminatis onerare, ac pre-  
 „ mere magis ætarium, arcanumque  
 „ negotiorum, quod est reipublicæ  
 „ sacramentum tot per hominum ota,  
 „ vocisque diffusum faciliùs labefa-  
 „ ctari. Huc etiam accedete Olivarii  
 „ ab ingenio, ut indigentia subsidium,  
 „ profectam corruptelam pecuniæ, adul-  
 „ terino, & injusto ei supposito præ-  
 „ rio, quando nihil hac peste gravius,  
 „ nihil perniciosius pessum, aut venum

Hispaniam dederit; argento enim,  
 & auro quotum turgidæ quondam,  
 nunc adstrictæ, ac propemodum va-  
 eue in Hispania venæ reliquæ sint,  
 ab externis adeptis, falsoque in-  
 troduçto metallo, quo novam con-  
 flarent, veteremque pecuniam aufe-  
 rent, sic opulentam provinciam, sco-  
 riæ jam sordibus sibi relictis ad alie-  
 nas, & quod est pejus, sæpè ad ho-  
 sticas regiones metallorum splendo-  
 res, & opes cumulatiùs effundere.  
 Præterea tum optimates, tum merca-  
 tores volubili, ac vario pecuniæ præ-  
 tio, quòd demit, augetque libido,  
 incerta egestate, incertisque divitiis  
 in fortunatum suarum otbe, tan-  
 quam ludo versari; plagam numma-  
 tis infligi, nobilium, divitumque rui-  
 nis pauperes obrui. Neminem quo-  
 que ignorare, ex quo Hispaniam re-  
 gendam, aut potiùs rem conflictan-  
 dam sibi sumpserit Olivarius per  
 tributorum congestas moles, ac pro-  
 pè direptionem, ac prædas Imperii  
 auri permulta collecta talenta, & ta-  
 men æs alienum à Rege contractum  
 eò per inopiam ctevisse, ut posthac  
 contribuere, cum Rex eguisset, relu-  
 ctantibus publicanis, ideoque re mi-  
 litari destituta subsidii, re domesti-  
 ca ornamentis, & copiis, persona, ip-  
 sa, domoque regia orbata decore,  
 cultuque tantæ fortunæ pari, æquè  
 nunc Regem, ac subditum egestas,  
 & squalor afficiat. Novum ac ma-  
 gnificum ædificium quod boni se-  
 cessus appellant, idque immodico  
 sumptu, atque egenorum everfis opi-  
 bus auctore Olivario, excitatum alio  
 fortasse tempore futurum fuisse Re-  
 gum illecebris opportunum, nunc  
 vetò ubi omnia premit inopia, &  
 majora quoque promittit belli vis,  
 ac diuturnitas mala, ex fletu, sudore,  
 atque gemitibus pauperum superva-  
 caneas delicias, ac voluptates qua-  
 rere, nihil utique minus, quàm Ty-

rannidem



„tannidem sapere, cui & bonū Regem  
 „obnoxium, ac notam palam inultam  
 „alterius ingenio esse. Ulterius etiā si  
 „ve mortalium invidiam, sive leves, ut  
 „solēt, populi voces excurrere, execra-  
 „ricque Olivarium, quod ipsum respi-  
 „ciant thesauris publicis incubantem,  
 „insidiantēque & omnia Imperii ju-  
 „ra, atque commoda nundinantem, si-  
 „quidem tātum egere quotidie videat-  
 „ur ararium, quantum privata domus  
 „ejus affluere. Quod modò verum,  
 „an secus fuerit quo fortè pacto im-  
 „pollutos minoris notæ ministros, ac  
 „inanus integras habituros, si rapacissi-  
 „mas primus dicatur, aut in suspicio-  
 „nem veniat habere? His rebus & ad-  
 „di vocabulo gratiæ, ac mercedis, quæ  
 „bene de Rege meritis conferuntur,  
 „Olivarii nimis profusas, ac temera-  
 „rias profectò largitiones, quosque  
 „magna ex parte, & commodiùs fas  
 „esset Catholico Regi loco præmii, &  
 „aculeo virtutis pecuniæ parcendo  
 „honorificis titulis exornare, cuncta  
 „his inconsultò per ararium exolvi.  
 „Idcirco multis injustè, & crudeliter  
 „rapi, aut latrocinii more subduci,  
 „quod gratiæ paucorum impertire-  
 „tur, Regēque paulatim extenua-  
 „tum aliena etiam cogi intervertere  
 „bona ut pinguiores pauci ejus rapi-  
 „nis, & opibus fiant. Cæterum mini-  
 „strorum omnium errores, ac vitia  
 „cū adhuc Imperii latitudo, virēque  
 „immensæ sustineant, Regem ipsum,  
 „dum Cæsaraugustæ commoraretur  
 „expertum esse, quod uxor ejus Re-  
 „gina vel ararii fragmenta, iisdem-  
 „que ministris ereptas prædarum re-  
 „liquias legendo, ea quidem pro Lu-  
 „sitano, & Catalauno juvando bello  
 „contulerit, quæ nec florentissimo  
 „regno paraverit Olivarius. Præter  
 „hæc autem fenebre, ac vetus in re-  
 „publica malum, tum publicas, tum  
 „privatas exedere opes, cujus & vo-  
 „racem corrigi questum, & prædandi

quoddam genus immensum è repu-  
 blica tolli, externisque præsertim au-  
 ferri hominibus expedire ne in scedā  
 prolapsus inopiam decoxisse tandem  
 Rex videatur, nève ad Italiam seu aliò  
 terrarum per hæneratores avectā pe-  
 cunia, ea ut hætenus contigisset ne  
 dum evacuetur, sed etiam oppugnetur  
 Hispania. Revocandum esse præ-  
 terea antiquum Hispaniæ morem per  
 temporarias nempe numorum colla-  
 tiones, & constituta per intervalla sti-  
 pendia, non fixa per vectigalia, ac per-  
 petua tributa imperare subditis Re-  
 gem, quæ opus in belli subsidium es-  
 sent, cū circumscriptæ, atque exiguæ  
 vectigalium radices sint, nec mensu-  
 ram excedere aut numerum possint,  
 hūque brevi tempore absumptis, Re-  
 gis etiam arefcant opes, utque ea sub-  
 tracta publicanis utilitas in populo  
 maneat. Postremò usque ad copiam,  
 usumque pecuniæ cū ex ea quasi  
 animata, atque concreret respublica  
 spiritum ducat, ejus propterea inco-  
 lumitas status ferè plus Oeconomica,  
 quàm in arte Politica sit, quantum  
 Politica Olivarius excellat tot cala-  
 nitosos dicere casus, & commu-  
 nium, & privatarum interitus rerum,  
 de arte Oeconomica seu regis opu-  
 lentie cura ipsum Castrillum co-  
 stanter asserere, nihil omnino scire  
 Olivarium, ac discere quoque super-  
 bilissimè dedignari.

Hæc & similia cū Regi Castrillum  
 locutus esset, omisiss de industria Po-  
 liticis institutis, ea solum aperuit Regi,  
 quorum reddere rationem ob munus  
 à se auspiciis Reginæ, iussūque Regis  
 exercitum videbatur. Providerat quip-  
 pe ille quantum agrè in animo affecto  
 cæca videre cupiditas potest, acerrima,  
 quibus exarserat, desideria, in  
 Olivarii nempe dejecti substitui se lo-  
 cum solertissimè premere, cū illa  
 insuper inflammarent, & ampla Re-  
 ginæ promissā, & nota erga ipsum  
 O Regis

Regis benevolentia, & nonnihil præterea spei quæ falso, ut postea exitus docuit, eo tempore interlucebat. Rex autem more suo obstrusus, & rigidam quandam gravitatem affectans, tanquam regis majestati detraheret, si citius aliquid emanaret, quod in peccatore coqueret, adhuc tenax secreti Castrillio respondit. Pergratam ipsi fuisse quam egregie se absente navasset reipublicæ operam, ararii verò se detrimenta tescere suo tempore curaturum. Nunciat hæc statim Regina Castrillius quæ quo dexterior afflabat in rem incumbentibus spes, eò sollicitior, ne fortè alienata Philippi Regis voluntas Olivarii suspectis insidiis, & artibus mutaretur, nève in illo cursu rerum improspéro Olivarii consilio, aut fortuna felix quid exitus interlapsi verteret omnia, idcirco negotium accelerabat. Monuit ergo Regina subinde Oratorem Cæsareum Marchionem ea tempestate Granensem, magno tunc animo, & alacri, ut idem promiserat, contra Olivarium insurgeret. Ad hæc factò, & anaturato opus esse, ne res cum temporibus inclinaret, ne propter rerum vicissitudines elaberetur occasio. Inveteratæ gravisque, ut antea tetigimus, similitates inter Cæsareum Oratorem, & Olivarium intercedebant, quibus jampridem sua spontè Cæsareus incitatus Orator in ejusdem Reginae, ut Olivario maximè adversè infestèque concesserat partes. Alebat, intendebatque præcipuè hanc mutuam variisque de causis exortam, ac multis post accidentibus auctam inter ipsos invidiam, offensionumque materiem, ratio itidem ministerii, quod pro Cæsare Marchio Granensis in aula Catholica obibat. Cum enim Catholicum Regem, ac Cæsarem cognationis, perpetui fœderis ac reverentiæ nexus indissolubilis in charitate, atque fide conjungat, ideoque clam

sæpè ambo inter se animos, studia, consilia communicent Principes, inde sequitur primos utriusque aulae Principisque ministros, quos privatos populariter nuncupant, ad gratiæ tutelam, rerumque servandum arbitrium parem afficere metum ex utroque Principe incussum, ut idoneo unoquoque apud alterum instrumento contrahendi, ampliandi, extinguendi acquisitam privatis gratiam, cum sese per occulta insinuare monita vellent, porro obsequium ex metu oritur, & observantiæ species, simul dubia, fallaxque fides, æqualia fingere satis in homine spes, metusve suevit, cum ambitionis orbe jactatur: uterque propterea privatus utrique Principis nimis officiosus illecebrarum, ac fictionum omnium aucupio mereri in speciem benevolentiam, captare fidem laborat. Attamen Olivarius cum esset animo elatior, & cuipiam assurgere impatienti, quo se maximè illacsum, ac tutum ex Cæsaris parte præstaret, unusque liberè ipse imperaret sui principis genio, ex composito inter utrumque Principem quasi dissensionum, ac diffidentis semina jaciebat, confovebatque multo labore, ac solertia postremò affecutus plura dum Cæsaris postulata subdole ipse per Regem vana, atque irrita redderet, omnino inter eos tepescere amorem, ac sensum fiduciam minuire, iisque fallaciis, ac dolis eò usque Olivarius invaluit, ut fractus animo Cæsar, Regi per omnia diffusus, amuloque subjectus, in quo sibi faveri à Catholico Rege veller, prius Olivarium, quam ipsum Regem pudibundus adiret. Præter has rationes ad privata Olivarii consilia causisque spectantes intererat etiam vetus illa æmulatio, altiùsque adversus Germanos Hispanis invidiæ radix infixæ, ex prisco nempe connubio, quod gentem Austriacam in externum dominium invexit, Hispanis proceribus indignantibus, quod

quod olim omisso, spretoque Hispanæ nobilitatis fastigio ex Germania Rex in Hispaniam quaesitus sit, Germanis, quod amicitie argumenta, & cariora pignora fidei per odium, atque contemptum iidem Hispani superbè corrumperent. Hinc pervetustæ, & communis offensionis initium, quam & privatis de causis Olivarius hoc tempore intendit. Itaque Cæsar cum gravius Olivario succensus occasionem sedulo quæreretur longè sibi molestum, atque imparem æmulum deturbandi, jam per Granensem Oratorem edoctus lapsus hominem proximum declinare, ac fluere quotidie in animo Regis, factūque facillimum fore perlevi quocumque librato ictu sternere tiebantem, hujusmodi epistolā scripsit Catholico Regi. *Cum inseparabilis, & planè adde una Cæsarei, Hispanique Imperii fortuna, & rerum conditio sit, ut simul crescere, simul decrescere, vel quid Numen advertat, utrumque simul perire, ac funditus tolli necesse sit, cum periculo etiam offensionis cogi se tandem commonescere Regem, ut animo volutaret cujus sive sortis, sive pravis acie consilii ceciderit Lusitania, ad Gallos Catalaunia discesseris, reliqua quoque regna in fide, & officio labascant, celebriorque ac tot per secula florens Hispania militia laus, & magnitudo gestarum rerum jam senescere incipiat, atque interitum comminari, compertoque postremè tantarum auctore calamitatum, majorum suorum exemplo utrumque Imperium unius capite vindicet. Cetera Granensis ore auditurum.* Hujus sententiæ litteræ priusquam Regi Catholico redderentur, cum visæ, approbatæq; Reginae essent, Oratorque sermonis per illam articulis, quibus Regem nomine Cæsaris compellaret, instructus esset, ita in ejusdem colloquio dicitur contra Olivarium invectus. „ Nullam quidem externo sibi, alienis-  
„ que negotiis, curisque distracto cum  
„ Olivario odiorum, aut peculiaris cer-  
„ taminis causam esse, & si qua privata

fortassis accepta ipsum repungeret  
contumelia, quarū affatim liceat apud  
superbum, & asperum hominem sus-  
picari; Granensem tamen aciem huc-  
usque, atque arma professum, & pluri-  
ma secum belli decota, & ornamenta  
gestantem, minimè lingua, quæ iner-  
tium, atque imbecillium tutela est, sed  
gladii acumine, & acie decere solvere  
injuriam. Præterea non eo obscuro se  
loco ortum, nec rusticis adeo moribus  
institutum, ut si ira exarderet, non sup-  
puderet etiam bilis sordibus fufis, sto-  
machiq; intemperie regias respergere  
aures. Iussu tantummodo Cæsaris effe-  
cturū, eodem se Rege annuente ejus  
aspectui, & colloquio dedisse, quorum  
in eo summa præscripta esset, patere  
scilicet Regi, quæ in obeūda reipubli-  
cæ cura transversa, atque errata regimi-  
nis nec admodum pauca notentur in  
Olivario, & quibus nisi citiùs subveni-  
retur, post binas Hispanorum regno-  
rum clades, instare periculum, ne totū  
concussū jam undique Imperium  
convelleretur. Et primū quidem esse  
Olivarium acerrimè reprehendendum  
quod pace, aut induciis sublati rectè  
intermissū in Belgio bellum redin-  
tegrare voluerit, nemo quanquam nisi  
insipiens & palam stultus vel justum  
bellum cum pace iniqua mutare ma-  
lit, vanūque ac turgidum hominem  
sibi in animum induxisse, jam afflictæ  
laceratæque reipublicæ consumptis  
prope viribus debellare, quos ne Phi-  
lippus quidem secundus regni efflo-  
rentibus, simulque annitentibus opi-  
bus fregerit; tum etiam longinquam,  
ac distantem eam regionem ætarii vora-  
ginem quamdam sepulturam Imperii  
tam cruento, tam sumptuoso tenere  
bello, quā in pace quoque dimitte-  
re, & à reliquo Imperii corpore segre-  
gate, quod expediat Hispanis, nec ab-  
surdè plerōsque censere. Huc accede-  
re amentem quemdam, & furiosum  
militiæ gerendæ morem, belli Oliva-

„ rursus dum se magistrum, & arbitrum  
 „ jactat, qui nunquam militiam attige-  
 „ rit, simul consilia, atque jussa militi-  
 „ bus statuit, quæ in longinqua loco-  
 „ rum, ac temporum spatia ad effectum  
 „ recipi debeant, cumque sapissimè in  
 „ bello ita fortuna pro agendarum re-  
 „ rum ordine variet, ut rata paulò antea  
 „ consilia, actiones, motusque hominū  
 „ in acie ipsa, inter arma corrigere oport-  
 „ teat, illius feris, inversisque consiliis, &  
 „ jussis, res interdum perditas esse, ac  
 „ meliores opportunitates corruptas.  
 „ Quid etiam dicendum de magistrat-  
 „ um collatione, in quibus prudenter  
 „ impertiendis, quippe qui & oculi, &  
 „ Imperii manus esse dicantur, totius re-  
 „ giminis moles innititur? Constat  
 „ profectò per honorum injuriam, ne-  
 „ glecto merito, ad Olivarii utilitatem,  
 „ & gratiam adeò impudenter officio-  
 „ rum, & munerum cumulos circumfer-  
 „ ri, ut illius amicitia unicus pateat ho-  
 „ noribus aditus, inimicitia, aut levi in-  
 „ terposita quoque suspicione sit om-  
 „ nibus interclusio. Idcirco magnis cre-  
 „ bro exercitiis, classibusque præfec-  
 „ tos penitus belli, relique nauticæ ru-  
 „ des, curam etiam regnorum juvenibus  
 „ sæpè commissam præ ætatis ludibrio,  
 „ regiminis imperitia, vitiòque naturæ  
 „ in æstu, atque ardore juventutis ad pra-  
 „ vas cupidines pronæ sibi non minùs,  
 „ quàm reipublicæ metuendis, aliis quo-  
 „ que nobilibus viris, sed egentibus arte  
 „ alieno obstrictis, aut inhiantibus ava-  
 „ ritia, ut parata ægrè affectis peccanti-  
 „ busque provincia inextinguibilem ferè  
 „ sitim, aut domum inanem ætarii, vel  
 „ exilatis pauperum bonis expleret.  
 „ Hunc autem seu voluntatis, seu intel-  
 „ lectus errorem dicas, adeò Olivario fa-  
 „ miliarem in quibusdam fortasse excu-  
 „ sabilem, aut minus perniciosum, in  
 „ Duce verò Bregantio prorsus intole-  
 „ rabilem, ac planè miserrimū extitisse;  
 „ illi siquidem regnum omnium opi-  
 „ nione affectanti, tanquam hoc, ut fa-

„ cilius assequi posset, & imperiū armo-  
 „ rum, & ætarii arbitrium concesserit,  
 „ quémque abripere Lusitaniam, atque in  
 „ extremo aliquo Hispaniæ aut Italiæ  
 „ opus esset angulo statim includere, ut  
 „ cum Duce Calabriæ egerat quondam  
 „ Rex Ferdinandus, exèplumque deinde  
 „ ad Mottefumæ gentem Mexicani  
 „ Imperii reliquias transiit, arma illi in  
 „ manibus, pecuniam in facculis, incen-  
 „ dio escam apposuisse, quæ auctoritate,  
 „ & pecunia publica armatus contra ip-  
 „ sum denique Regem converteret. Ex  
 „ tam fœda ergo, atque corrupta regi-  
 „ minis disciplina, quid mirum? duo in-  
 „ tra Hispaniam tam faciliè amissa regna,  
 „ tot in Belgio, tot in Insubria, & apud  
 „ Indias etiam propugnacula ablata,  
 „ munitas simul excisas urbes, integras  
 „ regiones avulsas, ac perditas esse, in  
 „ utroque patiter mari plusquam du-  
 „ centas naves aut prælio victas, aut  
 „ tempestatibus laceratas, saxisque con-  
 „ jectas esse; cæteras sponte deficere ur-  
 „ bes, aut in se fluctuare, aut ab hostibus  
 „ vinci; terrestres, ac navales simul ob-  
 „ tritas in bello copias; nihil ratione, &  
 „ consilio, omnia animi ardore, atque  
 „ impetu agi seu teterrimo studio; rue-  
 „ re, flagrare omnia circa Olivarium ut-  
 „ potè cuncta ad exitium pro libidine  
 „ commiscentem. Super hæc premere  
 „ etiam Imperium prævum, & aliud Oli-  
 „ varii institutum in singulis scilicet re-  
 „ giminis partibus conferendis, quoniā  
 „ ab Hispanis simultatum, & invidiæ  
 „ certaminis causa jure multumque sibi  
 „ metueret, fidere nummum externis, dis-  
 „ fidere propriis, & præterquam quod  
 „ alienigenæ fidem ut plurimum nundi-  
 „ nariam, & fluxam habeant, eosque  
 „ gratis gentilibus anteferre rectè pars  
 „ quædam Tyrānidis à Politicis censea-  
 „ tur, quàm sæpè contingere, ut externi  
 „ hominis militari, seu domestico impe-  
 „ rio reluctentur indigenæ, quapropter  
 „ si advena felix, ac probus in ministe-  
 „ rio commissio fuerit, ipsius invidere

felicitati

„felicitati fin autem improbus, mi-  
 „nus ejusdem fufferte vitia, magis  
 „contemnere imperia; proinde recto-  
 „te, ac perpetram quoque rectis alio  
 „alii fufpectis, invifis, & ore atque  
 „opere mutuo infeftantibus fe, tumul-  
 „tusque cientibus, jura, & officia con-  
 „fundi, tempublicam fcindi. His ad-  
 „dendam, & aliam politicam rationem  
 „Hispanis olim fuo temperamento fa-  
 „lubrem, nunc autem ftultitia Oliva-  
 „rii, ut ea intemperanter utentis, in  
 „Impetii labem, & maculam admo-  
 „dum viciatam ac noxiam, multo vi-  
 „delicet magis promittere, atque ina-  
 „nibus verbis offerre, quam poffe re-  
 „vera praeftare, feu velle, fpeiue fu-  
 „gacis oblectamento, vel fraudibus  
 „captos, vel faltem ancipites animos  
 „contingere Principes in obfequio, in-  
 „gentibus quippe promiffis, & quae  
 „ararii menfucam & opes, & fidem  
 „nonnunquam excedant, eousque  
 „clientes, ac Principes oneraffe Oli-  
 „varium, ut arte delufa, jam pateat  
 „fraus, promiffa vincula officii fordes-  
 „cant, nihilque fatis jam credant in-  
 „tegra fibi fide pollicitum Principes,  
 „quod non ore momorderint; Ad  
 „hac fchedularum tenore mercedis,  
 „aut praemii loco datarum, cum ne-  
 „quicquam repetant Principes, quod  
 „ampliffime fibi promiffum fuerat,  
 „pofcendo, infandoque denique fati-  
 „gatos, irritos, inò & exhaustos fe fen-  
 „tientes, tantumque propè dum pete-  
 „rent eos effe fumptibus imminutos  
 „quantum ope creviffent, fi id exe-  
 „giffent, quod non exegerint, acer-  
 „biora colligere odia, unde amor non  
 „rectè quaefitus fuerat. Queri etiam,  
 „& graviter Principes quod fub Ord-  
 „torum fuorum perfona contumelio-  
 „rè, nimisque ipfi fuperbè tranfeuntur  
 „ab Olivario, nimirum in diem ex  
 „die quàm protolaris moleftè colloqui;  
 „quàm insolentia verborum, & per fal-  
 „laces implicatis ambages oraculi mo-

re refponfis, ac planè irritis, cum ve-  
 „rius benevolos eos, atque gratos in-  
 „primis Procuratores, & Oratores ha-  
 „bere conducet, dum iisdem ftudiis  
 „Principes imbuantur, quibus affecti  
 „Oratores in eisdem per litteras in-  
 „fluunt. Quod fi placeat ulterius ar-  
 „cana Imperii attrèctare, fatis huc uf-  
 „que conipertum effe, veteres leges ac  
 „difciplinās quibus adhuc Hispanum  
 „Imperium ftecerit, in ejusdem per-  
 „niciem ferè omnes per Olivarium  
 „refcifas effe, atque illam idcirco His-  
 „paniam quae antiquis tenendis, tuen-  
 „disque moribus ducior à rebus no-  
 „vandis fempè abhorruit, nihil am-  
 „plius fub Olivarii ductu quam no-  
 „vitatibus ftuduiſſe. Duo hæc potif-  
 „ſimum à Ferdinando Catholico Re-  
 „ge tradita, à Carolo Caefate ftabilita,  
 „& nunquam à cæteris poſtea Regibus  
 „interrupta inſtituta videlicet ſum-  
 „mum Pontificem, atque Caefatem  
 „reveteri, eorumque expiſcari, ac fo-  
 „vere pro viribus gratiam niti, ut Itali-  
 „cæ ditionis ab alio, Belgii, & Inſu-  
 „briæ ab alio ſecuritas per utriusque  
 „propinquitatem, & validas opes ami-  
 „cicia, ac ſcedere teneretur, ita obſer-  
 „vaſſe Olivarium, ut ferè nullum in-  
 „praefens Hispania Pontificem nume-  
 „ro Urbano magis infeſtum, Caſa-  
 „témque imperturbabilis amor, Au-  
 „guſtæque duntaxat familiae commu-  
 „nio adverſus multas offenſiones in  
 „ſocietate, ac fide teneat. Horum  
 „omnium errorum ex infeſta tan-  
 „quam radice, alia porro in Imperii  
 „teſinam innumera prope capita pul-  
 „lulare, cum alia ex aliis pravitates,  
 „& vitia, ut virtutes ex virtutibus pro-  
 „fluant. Sed illud quidem haud mino-  
 „ris effe momenti, quod regiam dire-  
 „ctè perſonam vulnerat, perpetuis ſci-  
 „licet ipſam infeſcare blanditiis, &  
 „amatoriis voluptatibus paſcere, quo  
 „levioribus curis adſtrictus, res tempe-  
 „rare pertæſus Rex, plane Olivario ſe

„ totum addiceret. Quod si hujusmo-  
 „ di veneficia Philippi IV. acerrima  
 „ mens cum summa virtute, atque  
 „ constantia discutere poruisset. At in-  
 „ teresse Principem filium eò usque ata-  
 „ tis quanquam adultæ fraude Oliva-  
 „ rii assuescere viris prohibitum, egre-  
 „ giumque animi indolem, atque gra-  
 „ tiam inter fœminas illecebras cor-  
 „ rumpentem; idque profectò per  
 „ quasdam occultas, & eò atrociores,  
 „ quò blandiores insidias petere caput  
 „ ipsum Imperii, ac longè plus ex pru-  
 „ dentium omnium opinione affligere  
 „ Hispaniam, quàm clandestina consi-  
 „ lia, ministrorum prodiones, clades  
 „ exercitus, provinciarum everfiones,  
 „ quippe cum tota salus à capite pende-  
 „ at, hoc depravato, hoc lue veneno-  
 „ rum imbuto, læsoque nihil intactum,  
 „ & integrum à communi contagio in  
 „ reipublicæ partibus superesse. Nec  
 „ aliunde sanè hoc tam capitale, atque  
 „ execrabile malum nisi ex primario  
 „ introducto ministro, quem vulgò  
 „ privatum, ut itidem Olivarium ap-  
 „ pellant, in Hispaniam rempublicam  
 „ irrepfisse, quo negligente Rege, jam  
 „ prope torpente, otioso, irretito de-  
 „ liciis humanarum pro monstro rerum  
 „ Regi, regnòque imperitet subditus.  
 „ Hinc procerum, ministrorumque dis-  
 „ sidia uni ut majori invidentium, ut  
 „ impuro indignantium, pèrque calca-  
 „ tum Regem, & omnia prostrata regni  
 „ illum deprimere cupientium. Hinc  
 „ privati iracundiam, & nisi se susten-  
 „ tare cum Rege posset, Rege se exo-  
 „ neratum ad ambitionem, ultionem-  
 „ que replendam in regnum solum in-  
 „ vadere. Hinc tandem inverso regi-  
 „ minis clavo omnia fluctus, & gurgi-  
 „ tes absorbere. Quem præterea mor-  
 „ talium cupiditati lætis posse frænorum  
 „ injicere, ut sine usu, sine rerum no-  
 „ titia Rege, sine populi studio, mar-  
 „ cido prope sicu, & Imperii quasi cla-  
 „ dibus oscitante is qui plus valeat, aut

propior fastigio sit adeò injuriæ op-  
 „ portunum, imbecillum, caducum  
 „ non aspiret ad regnum? Induere pro-  
 „ fectò in terris videri Regem Divini  
 „ Numinis simulacrum, quod omnia  
 „ intra Orbem impellens, trahensque  
 „ & ipsum à Nemine impulsum, re-  
 „ ctumve altiori mente causarum at-  
 „ temperat motus, nexúsque commit-  
 „ tit, & rerum ordinem moderatur; at-  
 „ que verè ita illum in Orbe regnare,  
 „ qui immotus, ac fixus suo ipse circum-  
 „ agere arbitrio, jussuque cæteros por-  
 „ ro ministros, non collegas Imperii  
 „ subditosque conspicitur. Hoc planè  
 „ cum ad regiam auctoritatem, ac su-  
 „ premi nominis decus, tum ad regno-  
 „ rum etiam utilitatem magnopere per-  
 „ tinere; nam quo ex tempore Hispania  
 „ in privatorum potestatem offen-  
 „ derit vergere sensim ipsam, lentèque  
 „ devolvi quibusdam potentia quasi  
 „ gradibus occapisse; nunc verò præ  
 „ Olivarii temeritate, atque inscitia ut  
 „ malis antiquis fessam, ut recentibus  
 „ circumfusam eo præcipitem volvi, ut,  
 „ nisi hæc causa malorum, hæc causa  
 „ publici exiti, hæc fax funestissima  
 „ Imperii quamprimum summoveatur,  
 „ amplissimæ quondam gloriæ opibús-  
 „ que Provinciæ summis, excidium, &  
 „ vastitas finem factura proximè sint.  
 „ Talia se jussu Cæsaris, ut fidem epi-  
 „ stola faciebat pro sui ingenii medio-  
 „ critate Regi Catholico explicuisse;  
 „ summum se tamen Regis judicium,  
 „ mentemque sublimem in suis quo-  
 „ que recessibus latitantem venerabun-  
 „ dum in limine colere, ipsūque Re-  
 „ gem pro sua sapientia, atque peritia  
 „ melius, quod optimum factu reipu-  
 „ blicæ sit provisorum.

Hæc & similia Granensem loquen-  
 „ tem, subtristi, aut nimis severo, gra-  
 „ vique sed æquabili semper vultu cum  
 „ Rex Catholicus tenuisset, subjecit tan-  
 „ dem. Perbene amoris, & gratiæ vi-  
 „ cem sibi rependere Cæsarem, quæque  
 „ utrique

utrique in eo negotio expedirent, suo tempore expositurum. His igitur sic per Reginam tantorum virorum auctoritate, & consilio firmatis, res porro accidit, & parva ipsa dictu, sed pro artificioso, aut incidentium, aut consularum rerum contextu major. Ad Regiæ sacellum diebus festis ex more Regem euntem ostentationis, cultusque causa concomitari magnates solent. Nondum Olivario ad summum rerum arbitrium, & libertatem, ut postea accidisset, evecto, nec adeo insolenti jactatione potentie, & plenioris gratiæ Regis inflato eò frequentes illi coibant, rari postea, ac difficiles, quia Olivario palam offensi, & quia consulto, sed cautè odia, quæ in animo illis contra Olivarium, jam inolescere incipientem, ebulliebant, vellent in rem publicam declarare. Retrò inde versa fortuna, atque in regiæ culmine gratiæ trepidè tunc hærente, ac propè pendente Olivario, eò usque imminutum consuetum erga Regem comitatus obsequium est, ut solemnī Christi die natalicio, vacuis magnatum in sacello subsellis unus duntaxat Sanctæ Columbæ Comes Regi Catholico assistere visus esset, idque à nobilibus eodem tempore studiosius, quod opportunum urgendo æmulo videretur, in Regia in Status Senatu, in exitu Regis in publicum observatum, ita, ut idem Rex mirabundus Ludovicum Arum qui tunc secundum, Principem postea, ejecto Olivario locum in gratia Regis obtinuit, semel interrogasset, quæ tantæ alienationis ab ipso procerum, tantæque tunc circa ipsum solitudinis causa esset? Arus cum nactus occasionem libenter esset, velut Regis imperio satisfacturus veterem ænulum vellicandi, communes, & graves in causa esse respondit ab Olivario incussos abundè timores, & rigidas omnibus minas curintima vota optimates, & clara fidei argumenta prementes cum dolore, ac

tristitia Regis conspectum fugerent, quo scilicet minùs argutas, & acres Olivarii suspiciones intenderent, perque ejusdem valdè subtile cognitas artes, in quo magis se vellent gratificari, ne eidem fortassè Principi displicerent. Sic aula per jocum, ubi tabibus erat animus inimicum maximè offendere sibimetipsis ab illo cavere jactabant. Quæ ut perfunctoriè prolata serena fronte, sed pectore anxius excipiebat Rex, alias ex aliis rationes, causasque quotidie necens quibus propositum maturaret. Aliud deinde, acutiusque commentum, ab inimicis excogitatum, quo fortius in Olivarium insidiarum moles urgeret. Larvati quidam homines noctu in urbe Segobia Prætoris in aedes irumpunt. Hic eos fures esse, ejusque bona direptum nocte intempesta concurrere falsò ratus, de honore multo plus, atque fama, quàm de fortunis, aut vita pavidus, anxiusque suppellectilis, asservatæque pecuniæ sua sponte claves inter ædium tumultum hominibus offert, salutem supplex tantummodò petit, inviolatam uxorem, & filia unice pudicitiam, ac florem virgineum intactum. Eorum tum unus haud quaquam nefarios sese latrones, aut maleficos homines esse retulit, neque auri, neque alieni profligandi pudoris eò se cupidos accessisse; verum ad arduum & perutile Regis negotium conficiendum, cujus impigre gesti meriti, si dicto fideliter paruisset, ipsum quoque Prætozem cum magna laude, atque præmio participem fore. Secundum hæc verba clausas quasdam, obsignatasque Prætori litteras tradunt cum mandatis, ut eas inscio Olivario quàm citò deponat in manibus Regis, gladiisque sæpè cervici, sæpè jugulo admotis, in ipsius, totiusque familiaris caput ruituras interminantur fidei corruptæ poenas, nec prius inde abscedunt, quàm Prætor equum conscendit, & aulam Catholicam ver-

fus celeriter iter instituit. Evectus ad aulam Prætor Regem confestim adit, sui adventus causam, personatarum hominum scenam, horridas minas, & capitalia mandata docet, porrectisque clam Olivario litteris è vestigio Segobiam revertit. Caterùm, ut maximè inepta, atque obcecata semper humana malitia est, simul ne totum Orbem suis venenis immisceat æternæ mentis consilio, nunquam vel rarò circumspicte prudentiæ comes, parum profectò abfuit quin hujusmodi, ut multo livore, atque felle respersæ litteræ in regis eo tempore gratiæ, atque potentæ summo Olivarium labantem, ac propè cadentem sisterent. Illæ quippè litteræ auctoris, absque ullo signo, & inscriptione solita nominis velut per insidias, & caliginem loquebantur. Fracta igitur voracundia, pravòque soluto studio, invidia ibi, turpis ambitio, effera odia, iræ spumantis iluvies, cæteræque malæ coherentes artes, dum vitia, & peccata Olivarii impudenter aperiebant, suâ quoque insitam turpitudinè denuabant, & Rex, cui delicatæ mollésque aures stomachatus tam putido stylo, & nausea quadam animi affectus inde clarius mente percepit, non merita quidem, non errores iudicii, non reipublicæ detrimenta, sed potentæ regis gratiæ fulgorem, ac speciem Olivarium allidere, totque passim in illum æmulos concitare. Quidni hoc etiam fore de aliis, aliisque vicissim, qui in ejusdem ejecti loco subrogarentur? Omnes ergo magnates vel imperii pari Olivario concessò gradu simul participes secum habendos, vel eisdem inquietos, seditiosos, res novas, & procellas, ac tempestatas reipublicæ molientes, vel exoptantes, perinde quasi ejusmodi ab illis in speciem intenti tumultuosi prope regiminis forma, & gubernantium in turba confusio, nec usò foret asperior, nec majora reipublicæ detrimenta, ac pericula cu-

mularet. Criminatrix enim & cæca illa Regi reddita epistola præterquã quod in modo loquendi effusè procax, ac petulans erat, quamplura Olivario affingebat, ex triviis, & hominum circulis, atque insulsa collecta populi voce, quæ omninò esse falsæ, aut mendaciis, & artibus picta noverat Rex, quædam etiam lividè interpretata, atque ex longe diversis producta consiliis, quæ adversa fortuna, & si rectè media delecta essent, iniquè torfisset, alia in majus aucta, simulque congesta, & quæ propè oculis notarentur invidiæ signata morsibus; cùmque ita passim impelli, urgentique Olivarium ab amulis constirisset, Rex tamen cùm paullisper animo fluctuasset, perstitit tandem immobilis in prima tacitè lata de Olivario sententia; quippè qui deliberati, fixique in re animi, clariora satis indicia præbuerat, unde ipse inconstantiæ, mobilisque iudicii sibi certè accessuram timebat notam, quam ita execrari austerò suo more, gravitatisque tenendæ studio videntur Hispani, tanquam in tanta varietate, & volventium ambitu rerum, quibus aptanda consilia sunt, pars prudentiæ nunquam censeri mutatio lenientiæ posset; deinde quod celsæ, erectæque mentis ministrum, & subdolum, atque ultionis ingenio præcipitem, jam rei, quæ in ipsum secretò caleret, dubium, eamque indignè, ac molestè ferentem, si ulterius in fastigio sustineretur, minùs de cætero fidum, & contumeliæ quoque vindicæ metuebar. Præterà & si in moribus, vitæ, cultuque Olivarii erant, & quæ amorè, & quæ odia simul mererèt Regis, in ea tamen virtutù, & viciòrum admixta indole, ea tunc illustriora patebant Regi quæ odiosæ affectionis expressa notis, ac distincta penè coloribus eminebant, postremò quia Reges qui solutum, & liberum rerum omnium arbitrium ob superbiam atque fastidium quasi apti innatum vehementer affe-

ctant



stant, alieno etiam hoc alligari consilio, atque ab alio, eoque minori cum imperio pendere, ac submittere se, & sibi quam sepe, & humanæ imbecillitati, & necessario quoque felici quamvis ministro naturæ vitio subiacentur. Hæc & taliavolvendo Rex quamvis lectarum epistolarum nequitia, & squalore commotus mutandæ opinionis incertus ac medius paulisper fuisset, eo animum tandem composito altu susceptam semel sententiam in mente retinuit.

Hos amulorum contra Olivarium conatus sequitur alius à Regina confectus, qui oppugnatum undique insidiis, ac prope labentem illum omnino prostravit. Erat in Regia femina quædam, nutrix olim Philippi Regis, ad id ministerii favore, & opera Lermani Ducis admissa. Anna Guevara, hoc mulieri nomen, ejusdem Ducis Florentegratia, cum regis in ædibus moraretur unâ cum lacte prope transfuso Catholici Regis affectu, Privati sub umbra, & congruis honoribus valuit. Sublato deinde aulæ artibus Duce, ejusque ut semper accidere tacto capere solet, factione statim labefactata, membratimque convulsa; gratia quoque favorque Annæ capit ut cum Lermani fortuna complexæ dilabi, sedem in Regia tamen retinuit, & visa libenter à Rege hausti quondam lactis memoria pristini amoris, ac dignitatis reliquias apud Regem, & aulicos conservabat. Lermani pro imperio fastigium cum mox Olivarius occupavisset, cujus animum suspicacem, & ob gradum in quo excellebat, tuendum ad omnia trepidum, anxiumque illius Ducis clientes mirè perstrinxerant, partiumque in aula residua simultatumque scintillas prorsus extinguere in animo erat, Annam Lermano tanquam addictam, Regi percharam sibi propterea magis invisam Palatio per speciem honoris summovit. Longo post intervallo cum

iterum globus fortunæ volveret, fluerentque ac deficerent res Olivarii, hæc ipsa mulier annitente Regina, quod eadem sibi propter recens beneficium obnoxia, atque Olivario contumeliæ memoria maxime infesta facilius & fortius, ut admodum grata Regi conspiratura adversus communem æmulum foret, Palatio reddita est. Venit ad aulam mulier, ingentique factionis adversæ plausu denique restitutæ nutricis aspectus in Rege amorem veterem excitavit, auxitque illa etiam per artificia; nam aulæ perita motis senilique prudentia, atque arte supra modum instructa caute cum partibus sentiebat, & permodestè utebatur favore Principis. Hæc itaque paucis post interjectis diebus jussu Reginæ cum ad partem ejusdem ædium post prandium de more pergeret Rex, in vestibulo occurrit, ejusque prostrata genibus lachrimisque madentibus oculis ipsum de rebus gravibus alloquendi potestatem, ac veniam poscit, & impetrat. Inde ab Olivarii gubernationis iniciis exorsa rudi, ac simplici femina stylo, regias qui fessis adulationibus aures ut plurimum magis oblectat, exposuit conculcatam, ac propè dilaniatam ab Olivario, ejusque sectæ mancipiis contumuis vestigialibus plebem; nihil reliquum subditis esse præter nudum, vastumque solum, lacerum corpus, & miseram animam; eundem in terga, eundem in bona sevivere, nullum crudelitatis, & avaritiæ genus, quod Tyrannus in subditos; victor in captos cives, homo in hominem inimicum edere impune, ac barbarè posset, omissum. Illufos præterea spretosque magnates, totam omnino curiam suspicionibus, odiis, ac simultatibus esse scissam; quæstum undique ab uno per probra, ac dedecora quæri; appendi inter infulas aurum; sacra, & profana cuncta misceri, & venum, aut immerito dari; tantæque vehementiæ, & ardore cum vultu, & animo

mo simul incaluisse, & plurima simul sermonis capita amplexa contra Olivarium femina intulit, ut Rex tandem effuso cordis secretis, retulerit. Vera dicis Anna, & remedium longo tempore meditarum brevi Impetium experietur, hisque dictis unâ cum illa Regina cubiculum intat; ubi cum præter mortem altiori velut cura defixus, vultusque & colore varius, ac tacitus se Rex contineret, eorum, qui aderant, mœsto quodam silentio, atque expectatione suspensis, ac pavidis omnibus, nemo audebat sermonem incipere. His porro artificii Regina auctoritate, atque ingenio, eamque sectantium æmulatorum studio contextis insidiarum in Olivarii ordo processit; cætera, qua fide nobis tradita sunt, exponuntur. Reversus ab Aragonia in Castellam Catholicus Rex, cum inflator, vetusque erga Olivarium illa sensim detumescere gratia cœpisset, excutique quotidie pudor, illum Senatus persæpè consulta, ac responsa de more ferentem quibusdam facetiis, acrique suffusis salibus felle pungere cœperat; durius interdum, & clariùs eundem jam inepti, jam infelici, jam nimis audacis aculeo, morsuque carpebat. Ea tam insolita & verbotum, & vultus asperitate, Regisque fastidio, cum maximè perturbatus, & dolore animi affectus esset Olivarius pervolutabat, amplissimam, vividam mentem inesse Regi, sed contractum, abjectum, & humilem animum, similibus quoque vitis pro imbecilli subsidio pectoris, simulationem, & astus naturam providam immisisse, quæ quàm retrusas utique haberent in Regis animo latebras, tempore, & usu satis sibi perspectum esse; nunc vetò quasi repenè mutato more se propè cogentem, luxque indoli vim facientem tam apertè, tam incompositè coram primario sese ministro, omni fictione, ac vecundia seposita Regem frontem perscrutasse,

quod priùs ne cum aliis quidem minoris notæ ministris gerere consueverat; quid ergo Rex aliud his fortè verborum, ac rerum ambagibus veller, nisi Olivario tacitè innuere, ut spontè, quominus cum publica nota, ac dedecore pulsus denique videretur, astra, ac regimine cederet? Cæterum cum ea anceps res esset, tantique ponderis consultatio, qua nunquam profectò major in Olivarii vita incidisset, an scilicet ipsi in eo statu rerum conduceret dimissionem à Rege petere, propterea quippe rerum sua desperatione, eaque præcipiti fuga, calamitatis quæ ei jam impenderet, & quam avertete tempus, seseque inflectentium rerum curricula potuissent, semetipsum fortasse auctorem, aut impulsorem constituisset, uxorem idcirco, quæ ingenium, & mores supra sexum gerebat, consuluit. Mulier in causa consulta, nullo pacto abundi facultatem à Rege simpliciter esse petendam censuit, & his conjecturis adducta. (Mens enim regia, dum suis implexa, & revoluta consiliis, atque ideo in rebus etiam exiguis extricari difficilis sæpe comperta esset agrè ei per se forsitan licuisset hujus momenti rem expedire, quam ex adverso ita incertam, & hæsitantem, & exitum requitentem, quidni merus, vel stulta illa cautio per voluntarii discessus petitionem obiecta resolvere tandem, atque ad finem traducere valuissent, quique ejus ruinam ita proximam cernebant, ad ultimum impetum æmulos conglobare, ac vehementius acueret. Anxium præterea ipsum Regis iudicium, & naturalis quidam implicitus animi motus per redundantem modestiam, aut vitiosum quemdam pudorem, dum lata consilia agiraret, in eodem persæpè Rege Catholico præstitisset, ut alia ipse invitus contra sententiam jussisset, molestè quædam, sed voluntariè tamen sustulerit,

„stulerit, multa quæ ei summè displi-  
 „cissent, ore atque fronte dissimula-  
 „verit, acrique stomacho deglutierit,  
 „nec ideo ab ejusdem Regis conditio-  
 „ne, notisque ejus moribus abhorre-  
 „bat ab ipso etiam nolente ac repu-  
 „gnante Rege in eo gradu potentiae  
 „summo, ut idem hæcenus pertulif-  
 „set sustentari Olivarium. In rerum  
 „exempla liquere sane Olivario, quam-  
 „plures regnotum Gubernatores cum  
 „contumelia, ac dedecore tandem  
 „amotos, quia nimis, æmulum  
 „insidiis, & querimoniis vulgaribus  
 „pavidis credulique abdicatione mu-  
 „neris maluissent ipsi suspectam sub-  
 „terfugere injuriam, quos tamen nisi  
 „mecus inanis, & inconsulta illa ratio  
 „in celerem fugam dedisset, in eodem  
 „fortasse regimine, & loco pudor, aut  
 „perplexitas Regis adversus omnium  
 „querelas impulsusque sustinuisset. Suo  
 „interim orbe, atque vicibus semper  
 „inconstans, volubilisque fortuna cur  
 „non Imperii tot eventibus luctuosis  
 „satura, aut lassâ denique posset fausti  
 „aliquid immiscere quo animo Rex  
 „erectus hæc tristitia consilia poneret?  
 „Quod utique unum acerbis ex mi-  
 „nis, perpetuisque fortunæ ruinis in-  
 „ductum ita inimicos adhuc extulerat,  
 „ut Olivarium oppræsserat. Tandem  
 „pro certo sciret genium suum genio  
 „Regis esse longè superiorem, nec sa-  
 „tis arbitrii, animique ostendere Re-  
 „gem quo prostermeret Olivarium, nisi  
 „se ipse prius Olivarius aliquo pravo  
 „consilio pervertetet. Verumtamen  
 „id consilium cum conjecturis, quæ sal-  
 „lete sæpè soleant innixum in causa-  
 „rum incerto pendeat, turpisque ex  
 „altera parte expulsionis ab aula ter-  
 „ror, & famæ dehonestamentum im-  
 „mineat in tanto periculo constitu-  
 „tum, fore utilius fœmina sensit, non  
 „ingenuè, atque apertè postulare virum  
 „abeundi potestatem à Rege, sed cum  
 „ipsum Regem conviciis, sive dicte-

riis, in quibus plus aculei, quàm le-  
 „poris, aut salis esset fortè incessen-  
 „tem audiret, hoc tum ille obliquè, ac  
 „velut fortuito sic interjaceret, ut hæc  
 „missionis petite verba casu potius,  
 „vel regis leniendæ iræ causa, aut sti-  
 „mulo urbanitatis, quàm ex animo  
 „expressa viderentur effluere. Hæc  
 „quippe ex composito agenti quan-  
 „tum consulto, factique res asperitima  
 „pateretur & obvio dedecori foret ef-  
 „fugiū, nec suæ ipse cladis minister fu-  
 „turus esset. Strenuè interim Princi-  
 „pis iras, benefici tacitè, amici mode-  
 „stè ferendas esse, posse odia tempus  
 „absumere, aut in melius mutare. Lau-  
 „dat uxoris hæc prudentiæ, atque amoris  
 „monita plena Olivarius, iisque oppor-  
 „tuniùs paulò post uti in hunc modum tu-  
 „lit occasio. Vete jam appetente ex hy-  
 „bernis in Catalauniam moturus erat  
 „exercitus, ingentisque Galli apparatus  
 „longè, latèque diffusus rumor armo-  
 „rumque strepitus circumlatus, gravio-  
 „tem Hispanis multis jam antea belli ex-  
 „peditionibus fractis, incusserat metum,  
 „eoque Rex ampliùs de futuro parando  
 „bello sollicitus scripsit ad Belli Sena-  
 „tum, ( Regi enim quanquam præsentis  
 „solicum scripto est Senatum, & singu-  
 „los quoque Senatores consulere ) velle  
 „se omninò scire tam lato belli terrore  
 „sub Veris initium jam minitibus Gal-  
 „lis, quas modo paratas, & validas ipse  
 „Rex copias esset hostibus objecturus.  
 „Ad hæc Senatus se planè hoc ignorate  
 „respondit: alium etiam peculiarem Belli  
 „conventum, cui Comes Montegius  
 „præpositus esset, Olivarium constitui-  
 „se, hunc potè esse Regi pro suo offi-  
 „cio satisfacturum. Idipsum subinde Rex  
 „à Montegio Comite postulat, qui in-  
 „terrogatus exposuit Regi, ex triginta  
 „fere militum millibus partim ferro, par-  
 „tim inedia, vel morbo consumptis aliis  
 „fuga, aut missione dilapsis, decem vix  
 „millia ad bellum integra superesse, no-  
 „vum fere exercitum comparandum,  
 „novosque

novosque passim delectus habendos, ad quærendam verò pecuniam eò utique Monregius abscissa, præruptaque omnia, ac spe difficilia depinxit, ut ira, ac dolore percitus Rex, non alius, sed ego dum res ita friget, addiderit in id quod tanti refert, incumbam. Vocat deinde Olivarium, proximique gerendi belli rationem, & modum ab eo sciscitatur, cùmque ejus oratione iterum Rex in easdem difficultates, ac rerum tricas incurreret præter morem exacerbatus, atque ira in ore, oculisque succensus percudit Olivarium prope oscitantis, ac desidis maledicto. Is tunc, quod & mente prævenerat pedibus Regis affusus cum mæiore, flentique. *Domine, inquit, si exilio meo, vel interitu, fortunam intescere publicam, aut in melius fortasse vertendas Imperii res arbitraria, jubet me rogo ne dum ejectum ab aula, sed etiam inter corporis cruciatus, atque extremas humanitatis miscrias communem calamitatem explere, fatique rabiem exatiare.* Mollitus hoc initio, flebilique sermone Rex humi jacentem manibus sustulit, vultuque in speciem composito, facilius simul uterque, subdidit, belli negotia in posterum agitabimus. Porro ex eo recreatus, & paululum animo Olivarius erectus ad exiguam, eamque fallacem sibi spem intendendam illas in animo rationes aut ex monumentis historiarum, aut ex Principum indole repetebat, quas falsò plerumque spes adulatrix, & vana cupiditas suggerit, cùm improvise velut fulmine ictus spe rursus tandem, & animo concidit. Balthasarus Hispaniarum Princeps, qui acerbo post fato præreptus est, cùm ætatis suæ annum quintum decimum ageret, adhuc disciplinæ civilis rudis, regique splendoris, ac moris expers male educatus, ac pejus edoctus inter mulieres adolesebat. Ægrè id Rex, & Regina passi sæpe inculcaverant Olivario ut separatam, ac certam in Regia statue-

ret Principi sedem, muliebrique consuetudine, & corruptelis abstracto convenientem familiæ pompam, & ornamentum Principe dignum instrueret. Olivarius tamen suis artibus fretus in re ipsa cunctari quàm maximè posset, & alias ab aliis dilationis, & moræ subnectere causas quætebat; regium enim adolescentem uxori Olivariæ traditum, ejusque dolo, & blanditiis pueliarum amoribus innutritum, & manu fallaciter ductum, ut supra tetigimus, impensius Olivarius optabat ætatis flexu, ac temporis cursu enervatum, ac mollem. Porro autem filium ejus Henricum nothum obscuræ, atque ignobili vitæ confestim ereptum, ut Principis illum famulatio præficeret, & per hominem arctiori sanguinis sibi, nexuque fortunæ conjunctum, Principis aures, & aditus obsideret, cùm magnis honoribus extulisset, usu temporis opus erat, quo ille privatae, vitæque turpiter actæ sordes aulae consuetudine abstergeret. Inter has Olivarii fraudes, & moras, quibus redimere tempus rerumque occasiones arripere satagebat, Rex, quod sponte sua facere nunquam ausus hūcque fuerat libellum Olivario porrexit, ubi illo inconsulto manu sua perscripserat Rex quos filii servitio delectos procures vellet, idemque subinde jussit ex libelli tenore familiæ amplitudinem præparari. Olivarius veteri audacia, vel affectata potius, qua occuleret metum, fiducia, decretos & à Rege ibi quoque signatos famulos paucos admisit, alios erasit ut moribus, alios ut natalibus impares, in quosdam sibi ipsi invisos & ideo magis suspiciosos petulantius, & acerbis invectus est, non aulico intra limites Regiæ præstito Principi obsequio, sed per emissum inde pedem ex libero ingenii, & consuetudinis usu internoscere mores hominum dictitans. Nec sanè gravatè tunc illud accipere ore tenus ostendit Rex; tracto deinde prolixius sermone

sermone cùm mentio quoque de sede Principis incidisset, Rex Olivarium interrogavit, eequam ædium suarum partem, quæ satis deceret, pro habitatione filii Principis duceret? eam Olivarius respondit, in qua regius frater Cardinalis agebat. Quidni, Rex adjecit, elegantior, ac dignior ea pro Principe sedes erit quam tu id temporis occupas, ibi pater meus, ibi ego Princeps vixi, isque locus in Regia ex longo intervallo est magnificentiæ Principum constitutus. Sensit tum aulicas artes, qui satis in illis instructus ac volutatus erat, eoque verborum ambitu sibi per astus tacite innui, ut Regia protinus demigrarer. Repente igitur animo consternatus, atque attonito similis, cùm stupor simul ac dolor emissæ trepidè verba in fauces revocarent, paucis, cursimque tandem ab illo se turbine explicuit. Bene monere Regem, properoque discessu se vacuum facturum Principi sedem. In cubiculum inde redit, ibique solus, & clausus, ubi horrida ea solitudo, mœstumque silentium colligere vires, contrariumque laxare animum dabant, secum ipse volvere cœpit. *Quid in super expectabo? Quid ultra experiri jam proftrato, atque afflicto licebit? O. lii me Rex, urget Regna, conspirant undique proceres, conjurata ipsa quoque fortuna fecit, satique impulsus raptor. Facessere modo Rex, meque aula abire precipitem jubet, jam omnis exincta spes est, aut infamia, aut interitus mihi quidam in hoc discrimine subeundus; hic me, si resisterim, illa, si cesserim, consequetur; porro nihil mihi misero superest aliud, quàm quesito quocumque colore, atque spectre communi existimationi, honorique quantum ipsa omentis nota calamitas sineret, providere. Eadem itaque nocte, dum Rex cubitum secedebat, Olivarius ejus pedibus provolutus Regiam, ac regimen deferendi facultatem exposcit, ad rem ipse attritam laboribus vale-*

tudinem, declivem ætatem suam, regiminis satietatem, solitudinis desiderium obtendens, omnia etiam sibi cum ætate senescere, & fluere quotidie, labique videri; ereptum, quod superesset occupationibus tempus vacandi animæ curis, meliorisque vitæ negotiis attribuendum esse. Rex adhuc similis restitanti, & neque id omnino probare, neque improbare præ se ferenti, hoc non negare se dixit, sed pro rei temporisque maturitate differre. Hæc suboscuro, & quasi implicita verba Regis, & quæ torqueri in sensum ancipitem poterant, ut credula nimis sibi levissima quoque spei aura flatuque circumferretur ambitio nonnihil mœrore jacentē, & animo prorsus afflictum hominem crexerunt. Sic ergo inter spem, atque metum, & varias & invicem dissidentes cogitationes, & curas illa integra nocte Olivarius cùm æstuasset, prima ipsi denique lux dubitationem omnem exemit, tunc enim manu Regis in hanc sententiam conscriptos codicillos accepit. *Pergeret citò Loëcium, ibique se contineret, Rex donec aliud, quod è republica duceret esse statueret.* Cohorruit, diras eas notas dum legeret Olivarius, non enim satis sibi fore, crediderat, quod adhuc tantopere formidaverat. Uxoris propter ea consilium, aut potius in tanto malo solatium sollicitè quærens, codicillos quos ipsi Rex dederat, ad mulierem, quæ moram Loëcii tunc faciebat, summisit, adjiciens raptim veniret ad atulam, ibique simul jam leviora hucusque cætera experti majora, & extrema remedia tentarent. Mulier ubi hæc intellexit supra modum attonita, & velut fulmine icta aliàs solertissima, & cauta, nunc coram astantibus non linguæ, non suspiriis, non lacrimis temperare præ nimio doloris ardore poterat. Curra igitur statim consensu ab Loëccio ad

Regiam quàm celerrimè convolat. Videt ibi virum, primûsque & mutuus eorum aspectus in uberiores urrumque lachrimas solvir, eo mox lachrimarum impetu effuso cùm aptiora inter se pro electione consilia discurrent, diùque suspensi, sollicitique quia malum hoc ingens memoriam excuteret mentemque turbaret, omninò hærent, & cunctarentur, decurrere tandem ad obsecrationes, mistasque lachrimis preces placuit, si blando Olivaria sermone, fletuque Reginæ fortè valeret, Regisque animos mitigare. Mutandæ sententiæ, novisque semper casibus esse unumquemque mortalium obnoxium, & feros etiam, ac ferreos animos non semel duntaxat mollire preces, scindere lachrimas consuevisse. Hoc illa consilio mœrore squalida, habitu inculta ore, visuque planè deformis Reginam, ac Regem separatim aggreditur, humique prostrata, lachrimis, atque interjecta singultibus voce rogat, rationibus etiam „ instat, Ne viri tot indefesso, ac diu- „ turno cumulata labore merita patiantur infami desinere exilio, nève „ innoxium ministrum ea iniquitate „ fortunæ, aut æmulatorum insectatione, „ & invidia tanto cum dedecore conflagrare, si perfidiæ, si negligentia „ quoque, si voluntarij cujusquam „ erroris, & lapsus jure Olivarium „ convictum invenerint, quando aliquid esset, quod morte crudelius, ac „ trucius excogitari posset id sibi in „ supplicium minimè recusare, sin accusare fortunam, aut sidera liceat, aut „ immutabili lege raturum fatorum dissolvere ordinem, aut eorum in homines, si fas ita dicere, culpam „ transferre, fœti hujus criminis, multo magis, quàm Olivarium fore pro- „ fectò participem Regem, cujus oculis auspiciis Imperii moles temperaretur. Proinde iræ ne tantum „ aut vulgi quærelis indulgeatur, ut

ira, & invidia potior consilio, & ratione habeatur. Ius legis, quæ nec vili, & abjecto, ac summè inopi denegatur more suo agat, per quam Olivarius criminibus absolutus pristinum locum retineat, vel aliter jugularis, ac sævisimè tortus meritas pœnas rei publicè solvat. Hanc mulieris orationem lachrimarum subinde fusus tanquam imber excepit. Rex porro illam quanquam fletu, & lamentis, & contorta quoque argumeta iterum repetentem absque responso reliquit. Regina verò, quod tot rerum adversarum experimentis, inquit, populi afflatu, hominum, Divorumque consensu, tantæque omnium concordia sancitum fuerat, mortalium quemquam rescindere nefas duceret. Tunc Olivarius uxoris desperatis auxiliis cùm omnia ad præcipitium sibi tendentia cerneret, nec esset ubi pedem in lubrico figere posset, vertit se tandem ad Ludovicum Arum ejusdem sororis filium, quem & si satis ipse sciebat, imperiosè, atque asperè primum à se aspirante fortuna tractatum, & graviter etiam sibi æmulatione gratiæ Regis offensum, sordida tamen, ac fœdè projecta semper ambitio cumdem ad Ari pedes reverentem, ac supplicem hominem traxit, ut triduo per eum in Palatio morandi spatium sibi daretur à Rege. Ad rem adornabat grave famæ suæ, grave communi familiæ fore, si in tanto collocatus fastigio eo præcipiti cursu aula extorris amandaretur, facilius, ac mitius profectò futurum id temporis supplicanti, vel prætexendæ injuriæ, vel animi confirmandi, vel componendæ rei domesticæ causa permitti. At revera per hæc effugia vir eruditus, aulæque prudens factu rei duræ, sibi que nimis acerbæ fallacia intervalla temporis connectebat, quippe quæ res improvisas, ac magnas per momenta serè singula soleant

in mundum, qui ex volutatione perpetua dicitur Orbis, inducere. Rex in Ari petentis gratiam eam triduo in Regia manendi Olivario dilationem indulgit, simul & publicis interesse consiliis, & quod regis summx clementie argumentum insigne fuit arcanos etiam, quos ipse vellet in regio scrinio ponere codicillos, alios pro arbitrio comburare. Plurima idcirco regnandi artificia, & Principum sacramenta, quæ fas non erat lucem aspicere, ignis absumpsit. Conclavis secreti postremo clavem, extremæ fiduciæ scilicet pignus, cum tradere jussus esset, eam ille per Arum reddidit Regi. Postridi colloquium à Rege petit; quo non scosum, ut requisierat, sed coram arbitris dato, prima ab Olivario prolata Regi, verecundia, ac modestia composita verba fuere, gratias nempe Principi agentis, quod ille exoratus annuerit, effectum denique ætate fragilémque habitudinem corporis in longè sibi expetitam, ac necessariam secedere quietem; eaque & similia quæ vel obsequio exprimendo, vel ejectionis ejus ab aula tegendo dedecori congruebant serena fronte, vultuque placido petcepit Rex, cum verò ad ejusdem officia, & longa merita recensenda inflata quadam oratione flexisset, adeò elatè, ac superbè, & exprobrantis potius, quàm mote obsequentis, ac celeriter verba volvens locutus est, ut horrida, ac plena jactantiæ verba valdè pertæsi fastiditque Regis clara in ore, & oculis signa, ac turbidas notas circumstantes deprehenderint. Ex his visis, compertisque fama protinùs aulam implevit, & inde foràs se subito effudit, jam cecidisse Olivarium. Porro incredibilis passim læticia, & publica gratulatio, nedum antiquos Olivarii obrectatores, & æmulos, sed promiscuæ cujusque ætatis, sortis, ac sexus etiam mortales omnes affecit, & eousque luxuriantis communis læticiæ sensus excessit, ut eo ipso Oliva-

rii casus populariter jacti die, plures constitent institores non venum, sed dono dedisse merces, pretia quosdam rerum venalium imminuisse, mutuum per alios liberaliùs concessum, ab aliis conflatum æs alienum extinctum esse, cumque paulò post Regem prodire in publicum incidisset, tunc nimia læticia provecta plebs inter crebros subsultus, & corporis jactus, plausu, gestibusque soluta sibila, turbas, & voces clamando miscebat. *Vivat Rex, pereat improbus administrator.* Audientem hæc Olivarium, tantòque se hominum gaudio, universalique consensu opprimi, insuetumque similia pati furor cum pertinacia subit, jam animo confirmatum per iniqua, per æqua omnia priùs expetiri, ac tentare quàm Regia pulsus egrederetur, velle cum fortuna propè luctari, aut fati necessitatem abrumperere ambitione carcus, & ira, atque odio corruptus, & æger animus apparebat. Reddit itaque ad Arum iterum supplex, & vultu animoque sordidè abjectus, ac tristis, varias fraudes, astusque per verborum ambitum nectit. Docet nec sibi conducere, nec si ei etiam pctnissum esset, velle diutius in Regia consistere, omnia jam ibi obtinentibus æmulis, in loco per se præcipiti, ac lubrico multò minùs stabile quidquam, aut tutum afflicto, & undique circumvento reliquum esse posse. Aliquantulum moræ, ac breviora pro discessu intervallo tantummodò petere se, ut ea per tempus deflagraret invidia; ut illæ passim in ipsum contumeliosè jactatæ rauescerent populi voces, tandem ne cum vix quoque discrimine in tanto ardore, atque impetu populi raperetur. Rogat igitur Arum, ut tridui alterius profecturo absque ullo dubio dilatio per eundem auctorem sibi à Rege condonaretur. Arus autem quem priùs in aula vigentem multas per artes à gratia Regis excusserat, in ipsum

modò verſa fortuna languentem, & fractum haud recuſabat deinceps indulgentiæ præbere ſpeciem; ita ſibi cōmodum eſſe ratus gerere morem ſuavi, mitique naturæ Regis, cui ut Olivario ſolutæ per omnium inſidiarum illecebras ille totus jam imminebat, quemadmodum utile ſibi quoque, at ſaniori quidem iudicio Olivarius arbitrabatur invidioſū à Regia diſceſſum uſui temporis, rerūque volentiu vicibus obſectare. Proinde ex æmuli voto Arus cum Rege interceſſit, ita tamen re comparata, ut cū Rex ab Eſcurriali quò venatū eo tempore vergeret, his tribus dilapſis diebus reſſurus ad Regiā eſſet, in ea Olivarium minimè offenderet. Hæc quæ à Rege per Arū extorta prorogatio tēporis fuerat, præterquam Olivario, & ejuſdē uxori, occulta cæteris erat. Inter hæc voluptatis prætexta cauſa, cū ad Eſcurrialē ſe Rex ex composito contuliſſet, Mantuæ Carpetanæ Olivarius, loco ſuo quam præceps, ac poſtridiē ruiturus nihil tamen curis publicis intermiſſis in Senatu, in reſponſis Oratoribus dandis, in negotiis alacriter conferendis cū eundem habitum oris, inflationē, animique rigorem, & ſuſtum omninò præferret, nec etiam in triduo prius conſtituto, atque omnibus noto Regia digreſſus eſſet, id adverſariis tenebrarū offudit, ut gratiæ Regis plerique eum reſtitutum eſſe cenſentes, alii diſperſi, alii ambigui, alii ora affectūſque mutantes quo novæ volvendæ ſubinde ſcēnz inſervirent penè jam frontem, & animum præpararent. Percuſſa inter alios, & conturbata Regina præſertim, cui, & acrius ut à ſe poſſiſſimum agitata tanta moles inſtiterat, tum ira, metūque anxia huiusmodi litteras ad Regē abſentē dedit.

*Periculosa, atque acerbè Regi hætenus licuiſſe execrato in eo publicè gradu, & honore ſuſtinere Olivariū, ſed ita nunc rebus aſſeſtis, & conſtitutis abſque ſummo dedecore, atque periculo à ſe ſuſtineri minimè poſſe. Exaſuros proſectò indignatione, & iracū-*

*dia magnates cum ſe artibus Olivarii, ac regia levitate niſi torpedinem dicas, deceptos eſſe cognoverint: ſimul, & novū diſſidorum, offenſionūque cauſis ob ejus ſuſtra tentatum excidium, adjectis, & omnibus notis, illum ut præpotentem, uliorem, invincibilem admirantes, neque belluam primò irritatam, & ſuis conatibus poſtea reſiſtam extimeſcentes, in ea ſanè poſſe conſilia ruere, quæ ipſa cogeret deſperatio. Quid nō etiam inſanire, à quæ ardere ſurore plebem, & paſſim tumultuari ſi ſtetiſſet impoſterum Olivarius, viſurum Regem fuiſſe, ut vana ſpe illeſtam, inanique letitia irriſam? eam utique ipſam quæ more ſuo cæco rerum extrema ſoleat per avia, atque abrupta conjungere. Molèſſam rem eſſe cupere, inque tam eam expectare, turbidam autem ſpe arrepta repenè devolvī. Uſilius proviſum in re tanti ponderis foret, nullam offerre mortalibus ſpem, quàm temerè oblatam ſubitò abſcindere. Ad hæc non regno deſſe partes, nec partibus Duces, hōſque vulgò ſemel commoto, numero longè plures, quàm in quiete apparuerint, turbulentos emergere, nec porrò Caſtellam, quod ſedes, & caput Imperii ſit ab hoc crimine immunem ejus atavos comperiſſe. Hoc nāque modò apud ſubditos Regem contemni tanquam rabido veneficio tabentem, ex quo laſo ipſe animo, capta mente, ſenſibus propè ſtupidis indita, & juſſa clientis invictus, aut libens accipiat: ex contemptu præterea prorumpere audaciam, ex audacia impudentiam, ex hac denique obſequii corruptelas, & fidei naſci, ſimul & cæteras regni peſtes quæ miſcent Imperia, à poſtea funditus tollunt. Satis igitur, & regno, & ipſe ſibi conſuleret, daretque operam, ut verè ſubditi ſe Regem habere cognoscere. Hæc Rex cū legeret, intellexit ut clam prolataz Olivariū profectionis ignaram ejusdem aſtutiis, ac dolis falſam uxorem eo tempore haberi: ea nihilominus vis rationum, & cauſa ex adjunctis ab illa explicatis acerbior adeò concuſſit Regem, ut rem quam celeriter maturandam eſſe ſtatuerit. Die igitur*



tur præstituta, post triduum nempè delapsum, Regi, quo scilicet pacto secreto convenerat ad Palatium regredienti decem occurrunt primæ notæ magnates, qui fusiùs, ac præter solitum omnia colentium, ac venerantium obsequia in speciem Regi præstantes, fidem, & operam quoque verbis amplissimis profiterentur. Miratus rem insolitam Rex, quid novi hoc afferret, Ferdinandum Borgiam, qui propiùs eundem Regem comitabatur, interrogat. Tum Ferdinandus pleniora illa obsequia, respondit, multò ante procures Catholico Regi solvissent, is nisi fortè interpositus esset, qui corrumpere officia, & in eorumdem, qui ingenuè obtulissent, convertere pestem formidaretur; Olivarium his verbis tacitè notans, quo tandem aliquando sublato, subditorum benevolentia, cultusque, ut par erat, in Principem statim restoruisse. Cæterùm id quoque commenti ad eam rem solidam aliis & multis sapienter adjectum est, cum Olivarii, uxorisque dexteritas tum Regis ingenium versatile, & longa utriusque possessione comprehensum, ac ferè medullitè exploratum ne sententia caderet Rex, nihil omninò in tam arduo negotio remittere paterentur. Venit ad Regiam Rex, deque Olivarii protectione valdè sollicitus, id primum in vestibulo sciscitatur, cumque illum nondum abiisse, ut termino elapso pepigerant, dictum esset, improvò cum impetu Rex, & vultu, atque ira rubentibus oculis conversus ad Arum, me ne etiam invito, inquit, & reclamantibus universis erit animus Olivario diutius domi meæ permanere? Nunciantur hæc statim minacia Principis dicta Olivario, cumque alia, atque alia dies, noctesque agitant, ordienti, & jam artificii, jam patientia, ac temporibus iso nihil ex sententia procederet, omnesque jam simul expressas, & nequicquam etiam consumptas artes, exhaustumque acumen illud ingenii cerneret, statuit

tandem fortunæ, ac tempori cedere, ac protectionem accelerare. Verùm enim verò perinde manentem, ac abeuntem more Tyranni pericula circuibant; in Regia quippe manentem hominem ira, minæque Regis urgebant, inde porro exeuntem metus gravior ex plebe ceperat, ne suo fortè illa néve alieno furens impulsu sese illi per iter infestam injuriis, atque ludibriis opponeret. Viam igitur quam jam necessitas cogeret, initurus, sic illudere plebi impendensque periculum subterfugere Olivarius tandem excogitavit. Currum ejus peculiari ornamento conspicuum, atque omnibus notum, aliosque minores, quos esse itineris comites apparebat, Palatii apud ostium consistere jussit, ibique universo spectante populo longo tempore immobiles stare. Cum verò contracta vis hominum ingens, eoque major subinde confluens summo fragore, atque plausu Olivarium Regia digredientem videre avidus expectabat, tunc suos idem famulos jubet clam illos ascendere currus, qui erant in area oculis plebis expositi, ipse verò Olivarius per secretum Regiæ aditum alium ingreditur currum, sed pretio conductum, ac propè sordidum quò cum intuentes oculorum ludibrio falleret, citatòque ille cursu Loëccium, sed obliqua petebat via. Populus interim, qui diutius, & cum maxima voluptate illorum vehiculorum aspectu paverat oculos, ubi insignem Olivarii currum simul cum aliis suis moveri conspici loco, tunc ornatus, & usus errore captus, vehique in illo Olivarium, id quod non erat existimans, rapida statim, confertaque multitudine incurrit, continuisque probris, clamoribus, saxis limphato similis currum persequitur. Jamque erant velamina currus crebris ictibus scissa, & rector, vectoresque partim livida, atque contusa, partim saucia, ac dolentia ferebant membra, & amplius quoque insanire, atque furere effusæ licentiæ,

suoque ingenio tradita plebs videbatur, cum tantæ sævitæ, tantique erroris ut averterent causam ii, qui iumenta citius agebant, inhibent currum, vela subducunt, patet ibi non esse Olivarium, coorta itarum, saxorumque tempestas repente sedatur, illique tuto vix reliquum prætergressi Loëccium tandem attingunt. Hic Olivarium inveniunt inter duos cœnobitas sedentem, quos ad solatium itineris sibi comites sumptulerat, & quorum nunc ore, verbisque defixus, de fugaci potentia, de falsis opibus, de fumo, inanique sæculi strepitu, ac fastu vera ille sed læra documenta quærebat. A regimine, ac Regia per æmulorum invidiam, adversæque fortunæ successibus inflammata, plûsque nervorum, & virium idcirco apud Reginam, Regemque nactam cum ita Olivarius eiecetus, ac pulsus postremo fuisset, quod in lapsu non sua, sed alie-

na potestate imperantium plerumque contingit, rumor statim incessit, percrebuitque vi philtrorum addictum sibi que tandiù illigatum Regis animum Olivarium per insidias continuisse; figuras idcirco veneficas, & ferales in Regem notas alias in conclavi, in Regis vestibulo alias inventas esse, nec certè unquam, in rem addebant, uni futuram subito copiam, tanto imperio, ac fiducia loro velut adstrictum Regem ipsum circumflectendi, hic nisi altiori virtute coactus, ac diris quidem impulsus foret. Ita sanè quo cordis contractio nimia, desidia illa, ac pusillanimitas Regis lateret, & ex eo quoque in suo crimine rimam inveniret invidia, odia in ministrum acriora constabant, cum iis artibus Olivarius natura mitem, ac facilem Regem devinxerit, quas supra nos memoravimus.



# DE BELLO LUSITANO LIBRI QUARTI


S U M M A.



**F**RANCISCUS Luzena Bregantii administer, egregie munus suum obit. Et ab Olivario tenduntur insidia. Proditionis accersitur. Insons extremo, nimisque festinato supplicio tollitur. Bregantius acriora belli tractare consilia capit. Arma hostium necdum expectat domi, sed ulterò quoque in Castellam infert. Galli milites terrâ marique frequentes Ulisipponem appellant. Lusitania vires. Armorum imperium Vasco Mascaregno traditur. Anceps Castella rerum conditio. Sancti

Stephani Comes copiis Castellensibus praeest. Exercitus Lusitanus ducitur ad oppugnandum Valverdis oppidum, ab iisdem aliâs incensum, & ab Hispanis restauratum. Captum oppidum funditus diruitur. Badajocium obsidere aggreditur Mascaregnus. Ratus fore obsidionem diuturnam, retrò copias abducit. Exauferatur à Bregantio, & in ejus locum sublegitur Mathias Albuquerqueius. Novi Ducis initia. Alconcellam primo impetu invadit. Arcem capit, firmoque praesidio munit. Villanovam petit, & occupat. Geldrius arcis gubernator; eam per honestas conditiones Lusitania concedit. Eodem tempore, eodèque afflu res Lusitana in oâ Gallacia promovetur. Castellæ Comites, jubente Bregantio, infestus Gallaciam intrat. Salvaterram furtim invadit, & expugnat. Rex Catholicus, summo Navarra Priore, Cardinali Spinule armorum regimen desert. Amissi nuper oppidi receptionem illi commendat. Cardinalis inglorius & inanis Compostellam repetit. Braccarensis Antistes conjurationis in Bregantium initia auctor, diem obit in Lusitania. Marchio Turrecusius, à Rege Catholico, ad Lusitania fines cum armorum imperio transferitur. Propè collapsam militum disciplinam restituit. Dux Lusitanus urbem Albuquerqueium adoriri decrevit. Sed re infecta discedit. Turrecusio certam in hostem expeditionem precipienti, p tula ser obsistit miles. Antistes Badajocii Turrecusium furibundum, & ad Aulam iter parantem, artificio deludit. Monticium vastat Albuquerqueius. Molingenius Belga, urgente Turrecusio, conferit cum hoste pugnam, evaditque victor. Fractus Albuquerqueius redit in Lusitaniam, & salid sefe victorem proficitur. Santalexium capit Molingenius. Lusitani cujusdam militis furor. Rex Catholicus Turrecusium, ire Elvum ad oppugnandum jubet. Franciscus Melus Lusitanus magistr equitum superatur à Molingenio. Ad urbem Elvum cum omni obsidionali apparatu movet Turrecusius. Terretur initio ferali omine. Locus, tempus, fortuna, calum ipsum illius inextis obstant. Famâ tandem ac viribus diminutus Badajocium redit. Se Magnatum Hispanorum quos Grandes appellant, numero adscribi poscit. Rex ea de re prater morem Senatum consulit.

*consulit. Molestè sivi Turrecusius hanc dignitatem non fuisse sibi attributam jure solis perpetuò propagandam. Militia missionem petit, & impetrat.*



## BELLI LUSITANI

### LIBER QUARTUS.

**D**UCIS, Comitisque Olivarii ruinæ memoria dignum, ac triste gratiæ Regum aucupibus documentum, trucidior, & alia Ulißippone calamitas anno eodem interfluente cum Francisco Luzena secuta est, visusque omnibus Olivarius quasi jure cadendo est, falsi quondam impositi criminis meritis pœnas Luzenæ solvisse. Lusitania repente cùm defecisset, fortè Luzenæ tum filius adultus patris negotia apud aulam Catholicam procurabat, cumque eodem prope tempore tristis in aulam nuncius, & Bregantium sublatum à populo in Regem, & simul ab ipso ad secreta consilii Status valida quoque gratia fuisse confestim Luzenam adscitum afferret, gravis injecta Olivario suspicio est, an ejus gratiæ, munerisque amplitudo in viro illo fuisset ætioris fiduciæ præmium defectionis conscientia partum, & an aliquid ipse rimari per filium in aula posset, quod patrem, aut alios fortasse illius conjurationis affines argueret. Olivarius itaque statim satellites misit, qui juvenem prehenderent, ædèsque lustrarent, simul codicillos, ac litteras omnes, quas apud eum invenissent acervatim collectas exploratum ad se perferrent. Quibus impigrè rebus, sicut jusserat, actis, scriptisque cum cura, & studio percursis, nulla quæstivi vestigia sceleris, quæ læderent quemquam, aut quæ vel crimine quemquam aspergerent, suspicionis notæ repertæ sunt. Ipsa Olivarius tamen cùm chartarum volumina excuteret, in alba quædam incidit folia, nomine, ac manu duatata sub-

scripta Luzenæ, qualia frequenter, pro ut res improvisa, tempusque reposceret stylo exaranda solent ad extremæ fiduciæ signum procuratoribus credi. Hæc alba seposita cautè, ac latenter Olivarius asservat secum ipse volutans illa si fortè quandoque corrumpi tum in Bregantii, tum in Luzenæ perniciem casu, aut consilio liceret. Post ubi plurima secum ea super folia volventi, agitaci consilium tandem in animo sedit, vocat Hieronymum Mascaregnum, ejusque fratrem Marchionem Montalbanensem, utrumque Lusitanum spectatum prudentia, genere insignem, Regi, sibi que per multa interjecta pignora fidum. Ab his quasi per jocum hilariter sciscitatur, utiliùsne esset Franciscum Luzenam perdere maleficio, an beneficio captare cùm alterutrum sibi eligendi potestas in manibus foret. Militaria negotia Marchio, sacrorum ministeria Hieronymus exercebat, cùmque mortalium sæpè consilia, singulorum conditionis, & habitus prope tincta colore, affectuque dimanent, ad eam Hieronymus sententiam inclinans quam decerpere miseratio ex mitiori sententia poterat, officio, ac blanditiis petèdum esse Luzenam consuluit, Quippe qui omnium regni arcanorum pro suo munere particeps, si donis allectus, ac victus fidem mutando, ea fortè Olivario detegeret: quasi robore, ac nervo rerum per secreti effusionem inciso, ferè omnes domi, militiæque in Castellæ perniciem intenti fragiles, irridique Lusitani conatus forent. Multò præter ea amplius Rex esset Catholicus lucraturus clementia, & favore sibi Luzenam conciliando, quàm per ejusdem exitium amissurus Bregantius esset; nam ejus morte, & ea nefariè quoque accersita, Bregantio proditione

„ prodicionis per eum subeunda peri-  
 „ culum, fructus autem prodicionis spes  
 „ cum ejus vita conjuncta interiret  
 „ Catholico Regi; Luzenæ tandem in-  
 „ teritus, addidit, si causa privata fie-  
 „ ret, nihil sanè decorum, aut justum,  
 „ nil vera, & Christiana virtute di-  
 „ gnum intendi, sin autem publica  
 „ hanc nullam extare causam, eo enim  
 „ per fraudem intercepto ministro,  
 „ alium subinde Status secretis succes-  
 „ surum in Lusitania fuisse, & priori  
 „ fortasse Castellæ rebus acriorem, in-  
 „ festiorémque. Contra Montalbanus  
 „ Marchio disseruit. Ægrè videlicet  
 „ virum illum prudentem, & cautum,  
 „ & in gradu quem exercebar honore,  
 „ & opibus affluentem, quacumque  
 „ arre, sive illecebra lacescitum ad eam  
 „ deliberationem venturum, ex qua  
 „ non minis pro repetenda sibi pro-  
 „ missi fide, & alienigenæ graria peri-  
 „ culi, quàm in patriam commissa per-  
 „ fidia foret. Ingens profectò donum,  
 „ aut beneficium vim sæpè sæpiùs, qua  
 „ circumflectere posset animum, & con-  
 „ stantiam excutere, maximam conti-  
 „ nere, modò ne gravi cum periculo  
 „ jungeretur, nec majota incrementa  
 „ labefactaret. Hic verò, & si verbis  
 „ testisset fides, quæ semper tamen in  
 „ incerto promissionis, & spei, exitus.  
 „ que futuri pendenda esset, amplio-  
 „ ra, ac certiora quidem Luzenam, si  
 „ in officio Bregantium circumvenis-  
 „ set in discrimen conjecturum fuisse,  
 „ quàm illa, & incerta quoque æsti-  
 „ manda, quæ incolumis etiam esset  
 „ in gratiam prodicionis per Castellam  
 „ consecuturus. Has inter difficulta-  
 „ tes, & incertæ consiliorum, unum  
 „ tantummodò tutum, ac planè utile  
 „ offerri, quod sapientia, ac virtute  
 „ administri cùm imperii vis, atque  
 „ salus inter regiminis æstus, jactatæ.  
 „ que reipublicæ vortices maximè ni-  
 „ teretur, Luzena fortè sublato, exe-  
 „ crabilem fore Castellæ hostem, stre-

nuumque Bregantio adminiculum  
 defuturum, quo novum, & mobi-  
 le in primis, ac fluctuans Lusitanie  
 præsertim indigeret imperium. Hæc  
 porrò ut feroci, cruentoque Olivarii  
 similior ingenio sententia, primæ quæ  
 mitior erat prælata est. Proinde in hunc  
 modum Luzenæ paulò post Olivarius  
 tetendit insidias. Erat per id tempus  
 Ulisippone nobilis quidam vir Lusita-  
 nus maximè fidus, gratisque Catholi-  
 co Regi, qui Lusitani arcana Senatus  
 alia pecunia subducens, alia solerter  
 explorans cautè, per litteras sæpè sole-  
 bat ad Olivarium transmittere. Hunc  
 autem sive occulto naruræ quodam  
 prælagio, sive quia nonnihil fortasse  
 de ejusdem perfidia Luzenæ suspexerat,  
 cùm fortè in Regia vel alibi obvium  
 ipsæ Luzena quasi averfando refugeret  
 hominem, ille verò malè sibi in animo  
 conscius cùm etiam pejora, & inania  
 timeret, ex eo pavidus, anxiusque jam  
 de voluntario exilio, atque fuga eum  
 Olivario clam agitabat. Per hæc op-  
 portunè, ac lubenter cum Olivario  
 accidisset, fraude una contorta, explo-  
 ratoris, amicique salutem, hostisque  
 simul perniciem intendere, mittit ad  
 amicum Ulisipponem alba illa omnia  
 quæ Luzenæ manu subscripta, filioque  
 subrepta folia apud aulam Catholicam  
 fuerant. Præcipit etiam illi, ut via du-  
 plici in posterum secretæ regni notitiæ  
 transeant, alia nempe assueta, atque  
 tuta, alia ex industria periculosa, quæ  
 eadem abdita rerum in albis Luzenæ  
 transcripta Lusitanos data opera offen-  
 derent, compertæque suo nomine, ac  
 manu obsignatæ prodicionis indices  
 litteræ exitium insonni crearent cùm  
 majestatis crimen affingerent. Subti-  
 liter docet etiam quo aculeo, quo sty-  
 lo, quo artificioso verborum pro so-  
 lemni figmento esset & rerum ambitu  
 usus, unde crimini horror, metus, &  
 ira Principi, perturbatio Judicibus, po-  
 pulo furor concitaretur. Alba hæc Lu-  
 sitanus

sitanus accepta folia, sicut ipsi mandatum ab Olivario fuerat, diligenter composuit. Recto mox itinere tanquam ad Olivarium summissæ de morte litteræ, & in custodes transitus lapsæ, Bregantio statim remissæ sunt. Qui re improvisa, atrocique valdè perculsus, & animo percitus absque ulla mora de re ipsa consultum intimioris fiducie clientes accersit. Luzenæ ibi creditæ litteræ recitantur. Ea sacra liquet supremi arcana Senatus temerata atque hostibus prodita esse, quæ, & aliis, & ipsis qui aderant quoque præter unum Luzenam essent muneris causa recondita. Viscatis apparet captum illecebris hominem decus, fidem ac patriam, boni omnia civis, bonique ministri jura, & officia venalia apud hostes fecisse; manus præterea subscriptio, tempus, epistolarum contextus, res in speciem quasi fortuito deprehensa, & per errorem oblata manifestè Luzenam, & graviter in re gravissima fontem assimulabant. Erat Bregantius natura, usûque cunctator, ac mitis ingenio, consiliique vigorem, ac vim in temperantia, atque mora ponebat, premere idcirco silentio tantisper cognitum scelus, ac suspendere poenam arbitrabatur, quoad fidos per homines ejusdem Luzenæ convictum, actiones, loca, congressus accuratè explorari cum tempore licuisset, ut aliis innixum, explicatûque crimen indiciis, & causæ gravitas prævaleret, rectè ita fieri decere pro summo ministro ratus, cui & malevolos cumula-verat fiduciarum ipsa muneris cellitudo, simul etiam è dignitate usûque Principis quoque fore, quem idem ipse extollendo, ornandoque invidiæ jaculis tanquam signum applicuisset, in eo, quo locaverat gradu, quantum ratio, & utilitas sinerent, pro viribus sustinere. Hæc merito sentientem, annitentemque Bregantium evicit tamen consultorum, eorumque Luzenæ pariter æmulorum tristior prolata sententia,

fususque in tempore livor, multum illi metus incutientium, si manifesto perfidie sceleris, Regisque Philippi mercenario comperto clienti, jam cunctatius, ac mitius in crimine agendo, cum fortè rem præfensisset, elabendi dedisset locum. Hinc enim ad regna alienigena dedecus publicum evasurum primum scilicet è Status secretis ministrum jam impio facinore notescentem cunctatione, ac socordia Principis perfugæ similem tandem elapsum, nec Lusitanæ quidem fore minus periculosum si eo potiretur hostis, qui rationes, regni vires, consilia Principis, etiam mentis recessus calleat, & ea exteris nudaturus cum reipublicæ vulnere sit. Secundum hæc dicta Luzena statim comprehenso, & in custodiam impaeto, res ubi illuxit, ingenti admiratione, & formidine admitta propè attonita civitas stetit, hæc unde ludibria, insperatasque in hominem vices inconstans, & sæva quanquam repente fortuna produxerit, quæ paulò antè florentem, & in culmine rerum, & gratiæ summè felicem, omnibusque metuendû, ac venerandum aspexerant, in momento velut transversa incurrente fortuna, prostratum, abjectû, squalore, ac fordibus involutum, juguloque restim per horas timentè conspiceret. Eodem quoque tempore Lusitanus Olivarii explorator alias paginas albas, plures enim abditas secum habebat, & alias etiam ad responsum confectas ab Olivario, quæ videbantur Luzenæ reddendæ, plenas omnes rerum novarum secreta maxima, quæque summo duntaxat patere ministro poterant, continentium, illa ipsa via, quia suspecta, & lubrica erat, cunctato tempore, ac loco in Bregantii manus incidere procuraverat, cumque ita omnes eodem viderentur ordine litteræ, & gravius rerum propè concentu in interitum hominis consentire, à censura Status Senatus ad strictiorem judicii formam Luzenæ causa

causa transfertur. Res potro via juris agitur à Iudicibus; indicia, & argumenta tractantur, quæ antea fuerant in Senatu Politico more discussa; Crimen atrox erat, causa omnino dilucidata; in suffragia Senatus ierat. Primò ergo colloquio vix adhibito Iudices rei capitalis Luzenam propè condemnant, & supplicium etiam accelerandum adjiciunt, cetera, ut consuetudini, ac legi potius deserviretur, quàm causæ velociter expediri. Tale enim erat fraudis compositæ acumen, & versuta subtilisque nocendi per epistolas ratio, ut rem evolventibus illam, nec reo defensionis, nec amplius suppetesse Iudicibus videretur veritatis quaerendæ locus. Ad hæc majestatis crimen urgebat, & ira Principis, & quibus mos est in aula ad alieni imitationem iudicii, mancipatòque superioribus studio omnia laudare, aut promiscuè reprehendere. Læsa inde graviter causa, perturbata inquisitio, & arbitrium Iudicibus imminutum ex festinato quoque supplicio gratiam apud Principem sibi, plustum fore apud populum in illo negotio consentibus. Luzenam igitur Iudices arctiori custodia, ac tecta caligine inclusum conveniunt, & ab ipso requirunt, nosceret ne, quas iidem habebant in manibus litteras, adjectasque litteris notas? Hic statim porrectas sumit epistolas, intrepidè legit, hæret præsertim in subscripti nominis signo, plûsque indignationis ipse quàm metûs turbatopræferens vultusubscriptionem, respondit, suæ similem apparere, litteras neque à se, neque ipsius iussu scriptas, neque subscriptas esse; impiâ se quidem, ac validâ fraude peti, eamque dissolvere, ac prodere statim in lucem ad ipsos Iudices pertinere. Memoriam effluerant fesso occupationibus viro, alba quondam negotii causa filio commissa folia, vel illa fortè crediderat, quod ita occasio tulisset, in aula Catholica tradita; illas idcirco fi-

ctitias notas, fraudulentum verborum tenorem, & nefarium omnino contentum existimabat. Ceterum cum apud Iudices parum valete soleant quæ vulgò fontes afferunt sui purgandi gratiâ, nisi ea summam cum vero habeant similitudinem, eaque levis, ac frivola in speciem responsio Iudicibus videtur, cumque ex adverso indicia, criminisque argumenta tum connexa inter se, tum in se valida viderentur errore humano, verisque similitudine capti Iudices perduellionis, ac majestatis reum Franciscum Luzenam pronuntiant, quem subinde quanquam insonantem in ipsa cura, & labore egregiè sui muneris obeundi extremum, nimisque festinatum supplicium sustulit. Iniqua profectò, eaque vetus sententia Principibus stetit in majestatis noxia, Statuive, ut appellant, materie, minùs potnam ad infligendam disquisitionis exigere, eoque perfrpè iudicium, & causam præcipitare, his planè ignotantibus, aut fortè imitari dedignantibus Numen, cujus supplicium lero, claudoque succedere pede dicitur quod iisdem exemplum rectæ justitiæ traderet.

Sublato Luzena, acriora Bregantius belli subinde tractare consilia corripit, jam animo erectus, ac fixus nedum arma hostium nolle domi expectare, sed ultrò quoque in Castellam inferre. Moverat Principem eo tempore satis comperta hostium in hac contemptim moderanda militia quædam segnities, & animi torpor, ex quibus noverat alios tunc avaritia præcipientes re nundinaria pro bellica uti, scortis, & otio alios, aut rapinis implicitos, Ducésque quorum ea vindicare, ac revellere vitia peculiaris oneris esset, suo quoque exemplo firmare. Vetus præterea ex segniori illo modo gerendi belli Bregantio suspicio quotidie magis ingravescebat, quod Hispaniæ pro Lusitania recuperanda magnates ob

privata

privatas suas rationes deficeret animus, sive fides, sive ipsa augenda reipub. i. e. ratio; simul & ipse longa experientia didicerat, multò profectò floris, ac roboris minùs Hispano subesse Imperio, quàm fronte, aut garrula fama, aut terrore, apparatùque minarum ostentavisset. His accesserat argumentis nunc solito major exercitus copia Lusitanis, Gallisque militibus misti, qui terra, marique frequentes Ulisipponem eo tempore appulerant. Horum autem Gallorum militum dolum, quo hosticum solum impunè pedestres longo spatio quamplures emensi sunt, ut solertia, atque audacia simul insignem, inferere placet. Rex Francorum isti federis gratià plures conscriptas in regno cohortes convenire Rupellam iusserat, ut paratis in loco navibus socio, & amico suppetas laturæ in Lusitaniam trajicerent. Verùm ut Gallica gens, bellandi, suà indole, cupida est; nec absterri solet periculis soli peregrini adeundi, delectu per Regem in Gallia passim indicto longè plures Rupellam confluerant milites quàm Rex designaverat aut capere naves poterant. Igitur cùm à portu plenæ militibus naves solvissent, vis reliqua militum ingens in eo littore destituta, ignara consilii, eaque subtristis, & animo prope torpens ad arenam projecta jacebat. Consilium deinde post mutuò collata ibidem sententias ineunt, ut cultum, & habitum mentientes Hispaniam pedibus superarent. Placuit idcirco indumentum, ac notas umere eorum, qui religionis, & voti causà ad Sanctum Jacobum peregrinantur, sacro tanquam vinculo obstricti, illud ritè solum cum solito amictu pergerent Compostellam. Ea illi mente per diversa, & obliqua viarum, ne multitudine proderentur, dissociati, distributique, erant enim ferè quingenti, animosius iter arripiunt, alii Italicam, Belgicam alii linguam, & patriam, mo-

réque jactantes, quemadmodum oris, & corporis lineamenta, & linguæ usum, ac sonitum figmento congruere per similitudinem apparebat. Horum nonnulli tandem Mantuam Carpetanam ingrediuntur, singuli publicè stipem peregrinorum more petentes. Hic fortè accidit, ut quidam ignobilis adolescens, ac penè puer cùm ab habitus ejus illuvie, motùque linguæ durum fundentis ignotis auribus sonitum abhorreret, more puerili unum eorum intemperanter jocosis probris, multisque facetiis incesset. Ad quæ vir militaris, & Gallus furiis, & rabie statim correptus, quasi ad ludibrium, & jocos homine Gallo Hispanus superbus abuteretur, pugione tum, quem sub veste tergebat, distracto, ruere in Hispanum laborabat adolescentem, ejusque linguæ licentiam sparso cruore multare. Concurrit statim à multitudine quæ in via sive transitu erat; & primò impeditus est Gallus, ne interficeret fugientem, mox in carcerem raptus à satellitibus est. Ea re protinùs evulgata, tunc aulicorum memoriæ subiit non paucos hujusmodi incedere notæ per oppidum homines visos, narrabant, & alii, plurimos sibi dum iter facerent, occurrisset qui ejusdem habitus specie Hispaniam pervagabantur. Hinc porro administris fraudem conjectantibus hostium, regium subinde prolatum imperium est, quo alienigenæ ubique per iter cum hoc amictu, habitùque deprehensi, & absque litteris assertitiis omnes in vincula truderentur. Hoc impigrè factum est, Gallique commentu hujus artifices supra ducentos per Hispaniam errantes inventi sunt, qui ad Mantuam Carpetanam pertracti ejus carceres impleverunt; feliciter reliqui ferè omnes ad Lusitaniam elapsi jam novæ militiæ nomina dederant. Quibus auctus Bregantius, lustratisque de more copiis decem ferè peditum tria equitum millia recensuit, præter voluntarios, & honora



honorarios commilitones per agmina passim effusos. Amorum imperium Vasco Mascaregno Obidenſi Coniti traditur, huic auctoritate, & officio secundus Joannes Mendez Vasconcellus summus Caſtrorum Praefectus erat. Idem Bregantius, ut fiduciam acriorēque virtutis, & gloriae ſtimulos propinquitate militibus adderet exercitum ipſe cum optimatibus comitatus in regni conſinio ſubſtitit. Ceterum his belli nervis, & viribus ſi Caſtellenſes conſeras, longè quidem inferior, ac plane anceps Caſtellae rerum conditio erat. Rari enim hinc pedites, equitēſque, quorū meliorem per id temporis partem aut morbus abſumpſerat, aut fuga diſjecerat, aut Catalauniae ad ſe bellum abſtraxerat, reliquis miles otio, & laſcivia corruptus, iners, raptor ipſe praedando factus, & rapinae proximus hoſtis. Praerat etiam huiusmodi copiis Dux propè imbellis, imperitiuſque militiae, Garaño enim ad Catalauniam cum amorum imperio tranſſato, ſucceſſerat optimo Duci Sancti Stephani Comes, vir ita ſane probitate, morum ſuavitate, modestia, aliisq; bonis artibus praeditus, ut imperatoriarum valdè jejunis, & militaribus vacuus. In hoc ſtatu rerum exercitus Luſitanus ad oppugnandum Valverdem ducitur, idem ſcilicet oppidum ab iſdem aliis incenſum, atque vaſtatum, ſed quia propiùs obiectum hoſtibus erat, & quaſi limitum propugnaculum, ideò reſici, impenſiuſque muniri Garaño curaverat, & Luſitanus ſuas ibi vires aliis proſperè expertus, latius nunc jacto terrore belli majora ſperabat. Valverdi ea tempeſtate tuende aderant legiones Italicæ dux ſub Joannis Baptiſtae Pignatelli, & Franciſci Curiae ductu; Pignarello, quia erat ſtipendiis, uſuque militiae prior, onus tum illud deſenſionis inſtitit. Hic Maſcaregnus inſeſtis cum copiis magno tumultu, ac ſtre-

pitu appulſus, cū finitima quæque vaſtaſſet haud lento ſegnique obſidio, verū impetu, ac vi quamprimū potiri municipio conſtituit. Belli ergo tormenta diſpoſita, ac frequentius exonerata, poſtquam primam labem, incisionēque muris indiderant, in eos conglobati tunc Luſitani ferociter irruunt. Nec ſanè minori ex hac parte conſtantia, atque virtute aggreſſores excipiuntur; vulnera paſſim, extrema pericula, cædes, & tam ſudoris quā cruoris effuſio acerrimè utrinque intenduntur, cruentāque poſt pugnam feſſi, fractique Luſitani recedunt, ſuperiores exitu hoſtes, at perinde debilitari. Hoc militari quidem ardore, impetūque per triduum extracta oppugnatio Valverdis eſt, ſtrenuis videlicet iteraris contra muros tenentes aſſultibus, coſque vicifiſim intermittente machinarum, exitaliq; belli tormenti uſu, quò latior, ac tutior ſis, qui irrumperè conabantur per ſtratas ruinas, & armorum, & hominum clades pateret acceſſio. Repentinas, ac fortes interdum incurſiones exeuntes oppido milites agitabant, quorum ſeu fortuna, ſeu virtus quam ſæpè ſuperior in his conſictibus exticiſſet, gravior tamen in victores, quā victos cadebat felicitas ipſa certaminis, cum illis victoria paulatim vires imminuens, bellatorum, quā maximè laborabant, inopiam auget, in his infortunio, & ex bello quoque ſarciendæ jaçturae ſatis eſſet militum copia. Suſtinendi diutiùs itaque oppidi, quæ tenuis, & una reſtitit Ducibus ſpes, externis duntaxat pendebat auxiliis. Pignatellus hæc Badacoci, ſupremus ubi Dux morabatur, enunciat, acceleratis præſertim ſe egere ſubſidiis, ne ſerò poſt miſſa, ab hoſte fortè intercepta, vel irrita forent. Audit hæc Comes, nec illi tamen conſilium, nec vis, nec animus ad maturandum negotium in re tam præcipiti,

& aspera suppetebat. Itaque frustra consiliis terere tempus, increpare, præcipere, vocare absentes, novas velle conscribere copias, sic metu, segnitie, cunctatione rebus omnibus conturbatis, cujus profectò tergiversationis & moræ Ducis arctior, ac solito pressior jam municipii conditio intolerans erat; sic ille tamen Pignatello respondit. Intrepidè ac strenuè Valverdem tuendo ageret, plena se acie subsidio breviter affuturum. Oppugnabatur interea pertinaciter oppidum; nam majora belli tormenta incessanter excussa per altos hiatus ruinarum acervos ingentes ex disruptis, quasque jam mœnibus statuerant; Has frequentes, & validæ sequebantur ruinas in labiles muros Lusitanorum irruptiones, cum in tanta affluentium multitudine militum novi, ac vegeti continuè cadentes aut lassos per vices exciperent. In oppido contra perpetuus, multiscu labor, exigui cædi superstes, ac se ipso numero miles, ac fessus; oppidanus à prælio aversus, & palàm aciem, & arma refugiens, munimentisque passim convulsis, ac laceris, nuda, atque obvia Italorum objecta corpora, & magna ex parte vigiliis eneata, cruore stillantia pro acie, pro mœnibus erant. Urgebat rem etiam Bregantii propinquitas per reiteratos nuncios Valverdis excidium sollicitantis, cui, & Mascaregnus gerere morem, & militarem simul laudem captare summo opere intentus jam indixerat Pignatello, nisi in tempore quod absque dubio ruiturum oppidum esset, more militiæ traderet, afflictis post rebus quod nunc usui clementiæ præreptum foret, iracundiæ solutum iri. Pignatellus igitur hæc postquam audit, & pariter videt majorem militum partem continua propè clade consumptum, nulla, aut saltem intempestiva ad extremum calamitatis adstrictis sociorum futura subsidia, hostem magnæ spei plenum, & virium audaci-

ter insultantem, assiduâque fractorum murorum labe plures per ruinas apertos irrumpentibus aditus esse, nec potè aliad ex ea pertinaci, cōploratâque defensione, quàm scediora servitutis ludibria, aut interitū rem prolatando quæri, duodecimo ab obsidionis initio die pactus est cum Lusitano; cum cladis ipse reliquiss, & armis in Lusitaniam contēderet moram in eo loco factururus, donec æstas dilapsa esset, vita oppidani, atque opibus integri, quocumque vellent egressi, ibi figerent domicilium. Utinque constitit fides, oppidūmq; victor Lusitanus ingressus, ne rursus fortassè, ut priùs contigerat, instauratum fines ejus urgeret, illud funditū diruit.

Valverde ita capta, ac statim eversa, ad famam quæ falsò runc discurrebat hostilis exercitus adventantis cupidus Mascaregnus certaminis aleam experiendi eò movit cum omnibus copiis. Vano subinde rumore comperto, hostemque copiis animoque imminurum, ac trepidū, nec manus propterea conferere audentem murorum ambitu, & claustris protegere se, tum vel ob hostium contemptum, vel inanem illam jaçantiam majus, quàm pro viribus certè poterat suscipere facinus visus est, scilicet Badacocium opulentam, & magnam urbem illius regionis caput, sedemque belli circumfidere. Eo portò improvisus evectus extra tormenti bellici jactum milite distributo, cingit undique urbem, vias intercludit commeatibus pervias, loco opportuno collocat equites, alias soluras, & vagas militem turmas ad fortuita designat, ingenti tumultu, inani fragore, affectatisque minis larè erant omnia, bellique aspectu horribili circumfusa. Urbanus interim miles pro mœnibus stabat, nec loco abscedere certus, nec cum hoste conflare, nisi quantum urbis custodia, murorumque tutela fineret; propugnacula quippe urbis, circuitusque murorum, copiarum quibus

bus intus egebant, supplemento Castellensibus erant, simul re ipsa minores, quibus aliter superabant, Lusitanorum vires ac nervos efficiebant. Idipsum cum animo volveret Dux Lusitanus vel ira succensum, & sæpius injuriis extimulatum, ac lacessitum, ab urbe detractum elicere ad pugnam nititur hostem, ac si res processisset, tunc murorum ab aliqua parte defensionem extenuare. Concuratio inde passim, rapinæ, vastitas, cædes agrestium, propinquorum agrorum, arque villarum incendia, omnia hæc miserranda, atque trucia ad iras exacuendas, frangendamque constantiam oculis hostium subjiciuntur. Propius deinde equestribus tumis immixtis tum armis, tum contumeliis, & probris petulanter ingestis, dum muro assideret, Lusitanus provocat hostem; sæpè etiam eò confidenter, & laxius Lusitani equites cursitando proveci sunt, unde, si erumpere fortè Castellenses constituissent, neque opis habendæ spes, neque regressui locus propè jam circumventis apparuisset; nihil tamen eorum cum Castellensibus valuit, ut improvidè irasci, aut loco ipsi moveri, aut quidquam incertæ vellent fortunæ committere. Sese vincebant, ut vincerent hostes. Tandem ubi Dux Lusitanus animadvertit cunctis injuriis, conviciisque jactatis, omnique malorum irritamento percussis, ne prælio decernerent, seu irruptionem è mœnibus facerent abundè patientiam sufficere Castellensibus, diurnam fore præterea illius urbis obsidionem, & cum adhuc integra staret, universæ Castellæ opes ad ejus subsidia concitaturam rem in se duram, spe durior; longo, inanique labore occupatum, aut animo consternari, aut effluere, aut militem lascivire, hoc ille metu concussus, & ab urbis obsidione retractus, paucis hinc, inde pilarum ictibus cæsis retrò copias abduxit. Cæ-

terum fama ipsa constat si aliquot ultra dies Mascaregnus eo armorum objectu circumsistere civitatem, obstringere obsidionem, atque interseptas tenere commearibus vias institisset, præclarum fortassè facinus editurum fuisset. Tanta ex alimentis in urbe, re ipsa improvisa, atque imperitiâ cognita Ducis undique pertubatio, atque confusio erat. Hoc paulò post intellecto Bregantius, cui semper nobilium, quippe qui, & invidere sueverant, & fallere quoque fidem cum magna mercede poterant cum proditio, tum ambicio suspecta erat, eosque propterea in magistratibus honoribusque mādandis haud secus admirare, quàm præterire periculosum existimabat, causam sive causæ prætextum libenter amplexus Obdensen Comitem Mascaregnum statim exauctoravit, sublegitque in ejus muneris locum Matthiam Alburquercium, qui egregii primò Ducis, tunc honorarii militis partes in eodem exercitu agebat. Feralia verò strenui, novique hujus Ducis initia populationes fuere, ac villarum, casarumque ruinæ longe, latæque per Castellæ campos, agrisque productæ, postque multos excisos, ultosque vicos, & pagos, & prædarum, rapinarumque coacervatarum undique satis abstractum Alcellum Alburquercius cum eodè exercitu invadit. Oppidum, situ cum esset, & munimentis infirmū primo impetu capitur. Supererat arx, quæ arduo, atque abscisso superposita loco, aggere quoque vallata, & militum satis munita præsidio, asperos, ac ferè inanes hostis assultus, longiorémque, si ultra is institisset, futuram obsidionem præ se ferebat. Tumulus arci oppositus eminebat. Huc Alburquercii jussu majora subvecta tormenta supra recentos emisserant ictus, at solo congesto, mollique incidentes irritæ pilæ torpebant, aut falsius illis, atque elusæ ceciderant. Rei igitur difficul-

tate perspecta, capere tunc inter se versare consilia Duces, omitterent inceptum, quia id nimis difficile videbatur, an hostium debilitati, bellique propitiae, quæ per id temporis asperabat, fortunæ confisi, in rem asperam amplius intenderent? Plerisque ibi consentibus Ducum, ut opus laboriosum, tractatu ne dum exitu durum, & quod non nisi belli munitionem, sociorum sanguinem, tempusque vanè contere videbatur quàm celeritè prætermitterent, majori animo, quàm ex re ipsa concepta fiducia disensus est Alburquerqueus. Etenim siue metu, siue viribus fractis, & suis munimentis passim inclusis, & circumfessis ab hostibus cum nullæ tunc, aut longinquæ, aut inanes sperari pro arce venturæ suppetiæ possent, occasione, ac fortunæ incumbendum esse decrevit; multa, quæ aspera inceptu ab initio comperta essent, secundarum sæpè rerum auferre cursum, alia unde rerè minimè poterat in hoc ludo fortunæ feliciter expediri. Erat arcis Præfectus capti nuper ejusdem oppidi Dominus Franciscus Sotomaior, cui tanquam omninò rudi ineptoque militiæ, cum minitabundus, nec certè quò tenderet, exploratus per ea loca discenderet hostis, imposuerat Sancti Stephani Comes Legionis quemdam Instructorem, fortem eundem, ac veterem militem, qui illius inertiam, atque imperitiam in molienda defensione suppleret. Arx quoque abundabat rerum, & hominum copia, interitus, scilicet, fugæ raptarumque per agros ab hoste prædarum referta reliquiis, rum alimentis, tum belli munitione, ita ut nihil ejus juxta, tutæque defensionis eo tempore possèt, nisi propugnatorum constantia, animusque desiderari. In arcis igitur vallum, ut præceperat Dux, Lusitani ferociter impetum faciunt, idque subruere, ac lace-rare omni industria, atque vi conni-

tuntur. At incumbentium desuper virtus, & pugnæ, locique iniquitas eos deterrebat, & maximè fatigabat. Dum enim ab arcis cacumine favillarum, pilarum, saxorum tempestas continenter emittitur partim ferro, aliis igne haustis, compluribus sauciis, ambustisque, varia hinc pereuntium, debilium, membrisque captorum forma, totiusque negotii miserabilis facies erat; qui verò sub arce pro vallo pugnantes stabant, superius à sociis adjuti, arque animo aucti commodius, & acrius certamen miscebant. Biduo obstinato in hoc certamine absumpto, vicit postremò Lusitana pertinax virtus, ibique inter cumulos aliorum super alios cadentium, arque spirantium cum largius infecta redundaret sanguine humus, proditur vallum; qui illud renebant paucis eorum ab hoste interclusis, aut cæsis, reliquis fuga dilapsis. Ita occupato, & undique infesso ab hostibus vallo, nova rursus occurrit laborum, ac periculi species, altitudo videlicet arcis, situs etiam, in quo jacebat, confragosus; abruptus, ascensu nedum ipse oppugnatus difficilis. Ducere ideirco cuniculos placuit, ac his agrè suffossis, & minori subinde perniciè quàm fragore, eò, quod essent loci cautes impervia, scindentibus se, propugnaculi tantum extrema pars, & ea quoque exigua dissiluit. Ita porro cibaria, miles, natura situs cum satis superque firmarent arcem, quòd Præsidem tamen ejus ignavum, armorumque objecto quoque fulgore, ne dum acumine trepidum noverat Alburquerqueus, simulato terrore, arque inanibus minis, quem ferro, quem flamma nequiebat hucusque prosternere tum demum felicius aggreditur. Denunciat itaque obsessis nisi arcem, corpora, & copias in illa congestas tridui intervallo traderent, cum Lusitanis omninò, ut factis tunc promittebat, fortuna favisset, fore, ut inter corporis cruciatus, & contumelias

tumelias omnia illi fœda, ac rererrima passi pertinaciæ poenas exolverent. Ad hunc venosum ininarum strepitū cum formidine propè torpidus arcis Præfectus obriguisset, dum opportunè accessura sibi subsidia desperat, simul etiam pericula, minas incussis hostis, nequaquam re ipsa, sed ab impresso in animo metu, inanique ac fallaci Lusitani jactatione proposita pendit, postquam multas secum evolvit, ac fingit terroris imagines, spe omninò tandem animòque dejectus, ac fractus dedere hostibus aciem instituit. Idne modò committeret crimen, néve se, famam, & arcem, causamque Regis perditum iret, monendo, increpando, vehementer orando Legionis Instructor pro viribus obstitit, intèpestivam illam deductionem, turpem, execrabilem esse clamitans; ex ea tamen parte, quæ in regimine prævalebat, cum republica claudicaret, hic ne impedimento dedecori esset, fœdè intra arcem commilitonum manu, scelèri causam præbente Præsidi, occiditur. Quo nefariè sublato viro, arx raptim, miles bonorum omnium congeries in hostis arbitrium, ditionemque concessit; & plane ut hujusmodi infidis, aut ignavis fortassè militibus dignum erat, omnes inermes, ac propè nudos, visu deformes, omnibûsque militiæ ignominiis affectos jussit Dux Alburquercius in Lusitaniam transire, ibique usque ad anni labentis exitum commorari. Arcem autem ut satis validam, Lusitanòque propinquam regno retentam firmo præsidio munivit. Hujus arcis, oppidique jactura Igueram etiam, Chelesium haud sanè imbecillia, sed Alconcello finitima loca Castellensibus abstulit. Hostium quippe cruore Lusitanus faris aspersus, & secundis insuper rebus inflatus alia urens, alia rapta, prosternensque obviam illi nemine eunte, strage, ac terrore cuncta compleverat, ablataque paulò ante

vicinitas arcis, circumvivescentes municipes, agrestesque potentiori, ac propinquo nisi se dedidissent omnia invia, atque infesta illis factura fuisset.

Post hæc Alburquercius Villanovam, quæ Fesini dicitur cum exercitu petit. Frequens tunc erat habitatoribus oppidum, muròque duplici communitum, cum quadruplici quoque murorum ambitu arce, rotidèmq; turribus septa, atque in edito sita loco. Præsidebat arci, atque oppido Franciscus Geldrius Tribunus militum, clarus idem, vetusque miles, secundo quem loco, & cum altera legione adjuvabat Franciscus Aguerus item Tribunus. Cohortes etiam ibidem admixtæ multique honorarii milites versabantur, huic enim oppido ex scientia, & conjectura militiæ jurè modò timeri debebat. Etenim Lusitanus, aut subigere Villanovam, aut quæ recter circum habebat ingenti sudore, ac sanguine parta relinquere cogeatur. Rectus quippe oræ tractus ab Olivença ductus, & qui à Lusitano nuper ablata complectitur oppida ad Villanovam excurrit. Hanc toti regioni imminentem, continentemque fusus ab Arca determinat rivus. Proinde ea nisi victa, subjectisque locis adjecta, nec certa, nec stabilis hosti, quidquid oppidi agrique circumjaceret, possessio acquisita fuisset, omnia siquidem ipsa claudit, amnisque flexibus cingit. Huc auctis copiis, ingentisque fiducia animi ubi primùm Alburquercius appellit, quatuor ibi tormentorū suggestus ad loci situm erigi jubet. Ludovicum subinde Silvam, & Antoniū Saldaniam Tribunos militū binis legionibus sumptis ire alacriter in suburbia, eaque omni belli terrore, atq; impetu premere jussit. Aggeribus septa Villanovæ suburbia erāt. Hos milites Castellenses primò fortiter sustentantes cum situs angustia, debilitas valli, tum militum numerus in re ardua, atque aspera iis porro inæqua-

lis, difficilisque pugnae discrimen inferrent, plura passim excipiebant; quam infligebant hostibus vulnera, post ubi integer ille dies acriori utroque certamine implicitos, astutusque fessos, ac languidos cum multo cruore ancipiti prope Marte distinxit, & jam ad tenebras declinabat, noctisque caecitas irriteram oppressura certamen cum ceteris videretur, tunc Ludovicus Silva in suburbia primus irrupit. Clamor omnium repente ortus, perterritisque militibus, qui pro aggre passim pugnabant in ea perturbatione; ac tumultu statim Saldanius ex altera parte pervasit; victus pulsusque qui supererat caedibus miles, ad oppidi munimenta confugit. Sic per strata suburbia aditu moenibus patefacto, curandisque corporibus proxima nocte concessa militibus, prima luce Lusitanus alacrior in oppidi muros incurrit. Duplici, ut diximus, hi muri ambitu fundebantur, ibique tum oppidanus, tum miles in hostes simul obverfi firmiori vestigio, acriusque pro moenibus vires intenderant. Ad tormentaria fulmina redit idcirco Dux, quae ictibus saepe contorta ubi latam anteriori muro impressionem, ac labem effecerant, crebrisque ductis inde ruinis per latera aperta fuisse murum, sensimque dissolvi Albuquerque animadvertit, tunc dato militibus signo, si celerius assiliunt propiusque manus cum hostibus conferunt. Cruenta erat utrinque pugna, at ipsa invadentibus difficilior: ruinarum enim interpositi acervi cum duriorum ascensum, ac vestigia prope lubrica facerent, & eadem super ruinas quia contiguae moenibus erant cum pede stabili regii milites inhaerent, facilius impediabant subeuntibus aditum, simul etiam hostes, dum quidam rudera complanare, aut scalis admotis ex alia parte, quae à ruinis, ubi pugna flagrabat, aversa erat, evadere in mutum contendunt, alii etiam audaciores per gladios, per

ignes, elidentisque sese cum strepibus turbas in murum alterum enituntur, ferè omnes tamen, strenue tum incumbens Regii ex primò, & altero muro expulsi, ejectione & alii alios suo quoque praecipitio trahentes ferro, sudibus, flamma variis artificijs effusa sternuntur, anteriori muro, quem plus animatus, quam permunitus defenderat Castellensis, penitus fracto, laceratoque, secundo plures per rimas fissos, nec longè ictibus duraturo. Diurnus hoc maxime modo consumptus militibus labor est, nox cum appareret, cani Albuquerquei receptui jussit, dieque postera, ac subsequenti quiete jam fessis permissa militibus, tempus ille expectabat quo majora belli tormenta, quae perpetuo displodebantur, ampliori labe disruptos jam prope laceros aperuissent. Gaudius interea prior murus cum fessilisset, alteri verò ut semilacero prorsus diffideret, nocte, quae instabat invasioni futurae proxima, cum viris electis sese recepit in arcem, imbelli vulgo, vilisque praeda, quae in oppido erant, hostium arbitrio relictis. Ubi illuxit, viditque oppidum Albuquerquei omni praesidio nudatum, ac destitutum, hoc protinus occupat, diripitque, intacta sacra relinquit, virorum saluti, foeminatum pudori parcat, eosque fortunae belli jure tantummodo exutos inde aliò migrare coegit. Arcis deinde quoquo modo vincendae moles sollicitum Albuquerquei, nec desiderio minus quam cura, & modo expugnandi plane astuantem habebat. Multum ademerant illi fiduciae cum robur, ac nota firmitas arcis, tum impigni Ducis hucusque explorata constantia, virtusque; at prope tantum addiderant jam compertus numerus hostibus imminutus, ac fera, seu infirma Castellae putata subsidia, meliori itaque spe, quam formidine affectus, & quod vires deficerent per indultiam

dultriam supplere paratus vocat ab Lusitania belli machinatorem insignem genere Gallum; multas simul moles obsidionales, atque arnea tormenta maxima & alia, quæ laboriosæ, ac diuturnæ obsidioni ex propinquo usui forent advecta, quæque ipse antea secum habebat, ad arcem summa ope expugnandam diligentissimè instruit.

Inter hæc Badacocium allatum est plurima simul amissa, alia excisa, atque exusta Castellæ oppida. Super hæc interversam Alconcelli robustam arcem, captam etiam Villanovam, ejusque arcem hostibus circumfusam ad extremum discrimen adductam labare, cumque ita omnia, & alia post alia circa Principem urbem collaberentur, mœsta propterea, multumque sollicita civitas trepidabat, ne festinus, victorque fortasse hostis contra ipsam tandem belli exitium, ac pestem verteret. Cæterum Sancti Stephani Comes consilia melius, quam arma, & species rerum quam res jam ab initio agitare cum Ducibus solitus, pavidè quoque tunc consultando quærebat, titrum obviam extemplo esset arcis obfessæ periculo eundum, an cunctandum, reputandumque potius, quod si reliquum id copiarum, & virium in conspectu fortasse superior omninò affligeret hostis, ea circumposita regio ferro, atque flamma nullo postea subveniente corrupta, ab omni clade bellicæ ruina eo usque minimè destitisset, dum eodem etiam incendio Badacocii civitas conflagraffet. Periculum itaque tantæ urbis cum illarum copiarum, & ita ut videbant, enervium opus tum esset discrimine jungere, atque attendere simul Villanovæ ne magis expediat arcis, an extremo, illa omissa, Badacocii periculo providere. Auctus eo tempore equitibus erat exercitus Castellensis, at pedite nimis quidem attenuatus. Id causam Duci adornabat extrahendi, aut liberius negan-

di flagitatas ab arce suppetias, vel defectu peditis, qui fortior omninò censetur militiæ nervus, infirmas. Secus autem Rivenfis Marchio in eodem consilio disservit. Non vallo scilicet Lusitanum, non aggere communitum, instabilem, vagum, nimisque sibi fidentem, aut quasi rem aspernantem ducere tunc Villanovæ arcis obsidionem, minori idcirco negotio, vel quia secundæ perpètes ut fluxæ, ac mobiles vertunt, vel quia non semper temeritas prodest, eundem fortunæ cursu, ac strepitu quodam jaçantæ potius, quam consilio, aut viribus fretum intercepti posse. Multitudinem equitatus, quo ipsi tunc hostibus prævalerent, justa acie, ac statario conspectu parum, sed aggrediendo, incurfando, impetum faciendo, & valere sanè quamplurimum, & minùs etiam periculi adire, idque maximè convenire habitui, ac sensibus hostis, cujus vi vim, & ferocitæ ferociam, & contemptui contemptum opponere licuisset quemadmodum insanire quandoque & esse ferre quodammodo se sapientem addeceat, ut alterius insaniam obtundat; & cuinam, ille porò incitator animo addebat, & ubi hæc per se certè non contemnenda reservabitur acies, si nostris impunè subiecta oculis jaceant hominum cædes, camporum vastatio, agrorum exultiones, excidia oppidorum, & arcium, omnia constrata ruinis, incendiis animalium, & hominum strage nostris auxiliis defraudatorum? & qui priùs Lusitanis, exterisque pugnando terrorem, & luctum ingerebamus per hanc cautionis modò, modò impotentis speciem, belli nempe ludibria, & quædam profecto timoris integumenta, quid inde futurum esse censebimus, si constiterit, nos nec Lusitanis inferre vim, nec ab illis quidem illatam valere depellere, scilicet nec



„ nostra tuendi, nec aliena perendi fa-  
 „ tis nobis adesse virium aut animi? In  
 „ eodem certè dedecore, ac rerum per-  
 „ nicie verfabimur ipsi, vel hoc ali  
 „ ignavia, alii virium inopia, aut cau-  
 „ tione, aut nostra etiam perfidia non-  
 „ nulli contingere sentiant. Res apud  
 „ homines spectatur magis, quàm cau-  
 „ sa, & sive dextera torpeat, sive fides  
 „ in milite fallat, sive infesta fortuna  
 „ sit, cum attrita res fuerint, pro re-  
 „ rum jactura nihil, pro contumelia  
 „ nonnihil discriminis habet. Ideò au-  
 „ dendum, atque agendum; non pa-  
 „ tritæ tutela, non belli triumphus, aut  
 „ ornamenta victoriæ, nec etiam dis-  
 „ ciplina militiæ socordia paratur, aut  
 „ otio, nec ad manus conferendas ex  
 „ æquo semper metiri cum hoste la-  
 „ certos oportet; ludit plerumque for-  
 „ tuna, superat animus; interdum te-  
 „ meritas juvat, ut in hoste quoque  
 „ perspectum est. Formidine in aula,  
 „ inter arma ubicumque quisque pos-  
 „ sessus, aut segnior, aut nimis agen-  
 „ do cautus, is ferè nunquam bonam  
 „ experiri fortunam poterit; adversam  
 „ ut sentiat æmuli, aut hostes per vim,  
 „ per insidias illum urgendo adigent.  
 „ Hæc Marchio Rivenfis cum ibi locu-  
 „ tus ferociter esset ad primam temperan-  
 „ dam sententiam, seu ratio, seu pudor  
 „ vicerit, Sancti Stephani Comitem tran-  
 „ stulit. Porro inter Duces convenit, ut  
 „ Regi Catholico statim rescriberetur  
 „ defectu peditum, atque pecuniæ su-  
 „ perbo, sevòque hosti, qui quacumque  
 „ iter faceret clade oppidorum, & igni,  
 „ ferroque calamitatis impressa vestigia  
 „ relinqueret, obviam procedi mini-  
 „ mè posse, nec trahi quoque bellum,  
 „ ni supplementa citius accederent, sine  
 „ majori periculo, ac nota ignominie  
 „ posse. Sancti Stephani Comes extemplo  
 „ Zafra, quod est oppidum Villano-  
 „ væ propinquius, accederet, Sabaciisque  
 „ magister equitum cum omnibus copiis  
 „ sub hostis, arcisque eo tempore labo-

rantis aspectu, figeret castra; nec ideo  
 tamen cum Lusitano congregaretur,  
 nisi clariùs fortuna favisset, aut aliquis  
 fortè casus, qui aliquo pacto sufficere  
 videretur inopiæ illarum supplendæ vi-  
 rium, incideret. Inter hæc consulta, &  
 quia res cunctari prohibebat celeriter  
 etiam acta, Matthias Alburquerqueus  
 omni obsidionali instrumèto munitus  
 vehementiùs arcem diverberabat, nec  
 minori quidem ardore animi, ac studio  
 intus inclusi tutelæ sustinendæ vaca-  
 bant. Interdiù, noctuque majora belli  
 displosa tormèta ex magna parte quas-  
 snaverant muros, cum hic verò qua-  
 druplex esset, & alia super aliam ruina  
 cumlaretur, stratorumque acervorum  
 obvertæ crepidines surgerent, ipsa con-  
 tinuè cadentium, atque eminentium  
 saxorum subtrata moles plus initio im-  
 plicatum, atque præcisum transitum  
 hostibus faciebat. Intererat quoque  
 fossa, quàm humo advectitia, fermen-  
 tis, & collecto undique lapide implere  
 hostes conati sunt, at supernè demis-  
 sus ignis frustra annitentes quosdam  
 avertit, alios ambussit, nonnullos pe-  
 nitùs hausit. Noctis caligine tecti ad  
 fossam jungendam Lusitani pontem  
 construxerant, at idem impetus, im-  
 pulsusque sese collidentium in arcto,  
 atque in lubrico etiam errantia vestigia  
 loco plurimos devolverunt, alii & mis-  
 silibus desuper cæsi, alii per vim præ-  
 cipites acti. Hoc modo præterea &  
 tumuli lignei, & aliæ bellicæ inductæ  
 machinæ partim laceratæ, aut subver-  
 sæ, partim incensæ sunt. Verumtamen  
 ea sæpiùs, & acriùs quotidie tormen-  
 torum incussa vis, imperiisque cum  
 clade perpetua interclusos, arcemque  
 prostermeret, nisi citius subventum  
 esset extremam, certamque perniciem  
 jam omnia passis, ausisque in illo ob-  
 sidio militibus obtendebat; primus  
 enim, & alter conqussati muri circui-  
 tus ruerat, stratamque tandem injectis  
 arborum truncis, ac mœnium frag-  
 minibus



minibus fossam transgressus, jam tertium, & ultimum acerrimè quoque Lusitanus pulsabat; suffoderat etiam cuniculos, qui cum altius, latèque ducti, & à perito in primis artifice essent, ignis intus inclusa, suppressaque vis, complexisque silicibus oblectata, ubi victrix ac rapida tandem suo impetu erupit, munimento partim exciso, partim effracto, atque ultimo exitio proximo cum armorum, laxorum, hominumque ruina stragem ingentem edunt. Ea nulla re major tot inter arctas obsidionis angustias, iteratæque assultibus plagas perculit Geldrium, cumque ita sensim omnia arcis munimenta laxari, & omnino defluere, ac mœnia cedere inciperent, eò ad ultimum devoluta circumfessorum conditio erat, ut non ampliùs tunc illos ambitio victoriæ sive arcis tutela premeret, sed salutis sollicitudo. Hæc tanta ruina, hic bellicus fragor, hoc prælium internicinum Sabacii, qui castra proximè habebat, auribus, oculisque proposita erant; ipse tamen imperii Ducis ejus ambigui, vel ita dolo compositi, ut pro successibus rerum improspere argueret, secunda probaret; ne infortunatus interpres esset, illic otiosus, ac deses excidii spectator stabat. Itaque Geldrius postquam neque ultra teneri aciem, neque suis ita rebus ad extremum labefactatis subsidia, quæ prompta jam essent, accurrere cernit, uno & vigesimo post obsidionis die per honestas in primis condiciones semirutam prope arcem Lusitanò concessit; mox cum reliquis focis & armis, omnique militari apparatu, atque pompa Sabacii se copius adjunxit, & planè quanquam coufque afflictis, ac perditis rebus, & ad omnem subsidii desperationem compulsis graviores exigere Lusitano conventiones deseris ab hostibus licuisset, insitus tamen virtutis fulgor, & quædam abdita vis, quæ utique omnes præter privatim in-

vidos rapit, quæque eximie spectata in arcis propugnatoribus fuerat, eò subegit animum hostis, ut iræ ac vindictæ loco gratiam, & admirationem acciperet. Postremò Alburquercius arcem, oppidumque refecit, militumque præsidio firmavit.

Dum apud Vectones sic aucta per arma res Lusitana pollebat, eodem ferè tempore eodémque astu rerum secundo in ora quoque Gallaciæ promovebatur. Huc ita jubente Bregantio Castelmeliorii Comes cum sex peditum millibus, equitibus verò nongentis infestus intravit, cum regni ibi tunc & armorum imperium haberet ex Ordine Melitensi Navarræ Prior, qui summum postea ejusdem religionis magisterium obtinuit. Salvaterra opulentum in illo Gallaciæ tractu, & populosum oppidum est, primò frequentius à Lusitano depopulatum, ac mœnium deinde fragilitate, ejusque præsidii, ac munitionis inopia dimissum. Tunc validius hoc oppidum erat, atque arcis egregiæ præsidio suffultum. Nobili quoque flumine Minio quod utrumque Lusitani Gallaciæque distinguit, rerumque usu, & commercio copulat regnum, proximè alluitur. Propinquitas ipsa cum per mutuas, & crebras incursiones, abstractasque repetitis assultibus prædas multum negotii, ac periculi utrisque finitimis compararet, Lusitano cupidinem attulit illius oppidi potiùs. Porro autem ipsæ præteritæ passim inflicte clades, tamque infesta vicinitas incolis, atque etiam discrimen; in quo idem oppidum versabatur Regem Catholicum admonuerant ita locum circumvallare, ut satis is posset se sustentare, regionique adjacentia, & contigua simul protegere spatia. Quod, & celeriter mandato Regis effectum est, Salvaterræque præsidio Franciscus Piconæ cum militibus veteranis mille, ac ducentis impositus. Præsto ejus erant tutelæ quoque si agenda fortè

res esset, intet municipum multitudinem quamplures juvenes strenui, pugnae getendae habiles, emeritque milites; in ea enim regione praesertim copiosiores quam alibi habentur pro universo Hispaniae bello delectus. Hæc secum reputans ipse Dux Lusitanus, simul & suorum militum paucitatem, quibus subnixus discrimen adibat invadere furtim Salvaterram decevit. Nocte igitur intempesta transvectas ratibus copias, & ad fluminis ripam, quæ binas distabat ab oppido leucas, expositas illuc celetrimè ducit. Paululum inde progressis stationarius miles fluminis custos occurrit; Tumultuaria ibi conferitur pugna; cedit denique Castellensis ut animo, ut numero longè minor, tum re inexplorata pavidus trepidusque illico dissipatus, ac fusus excessit. Hinc Salvaterram citato gradu contendit hostis. Tum vetò à monito Præsidente raptim ex oppido emissa agmina peditum, equitumque dum sine imperio, atque ordine, quod brevitatis temporis, ac noctis obscuritas impeditaret, incomposita, & circumfusa manus per iter cum hoste conferunt, multa post vulnera accepta, fuscumque cruorem in fugam conjiciuntur. Sic patrefacta mucronibus via, cruentatis jam manibus, ac stimolata cædibus ira Lusitani ferociore in oppidum irruunt. Franciscus Piconæ, quem gravius in primis hujus defensionis premebat onus, tunc re improvisa, simul fuga, simul cæde suorum, hostis alacritate imperumque percussus, & animo percitus, ut pro tempore, nocturnoque tumultu potuit, in loci tutelam intendit. At Lusitanus eodem ardore provectus jam applicabat mœnibus scalas, projectionisque audaciæ nonnulli inter eos jam muros ascenderant, alii, & ægrius in arctum enixi, & cum progredi non daretur in lubrico hærentes pendebant in muri margine potiùs quam stabant. Atrox ergo ibi certamen editur, cum

dura, atque aspeta omnia extra illum impetum animi, conflictusque primi calorem Lusitanis objicerentur; Adest hortator, & ejuscûque laudis, ac meriti testis, ac particeps ipse Piconæ, audacia opposita audacia, impetus impetu, & aequis utrinque propè viribus vis sustinetur, firmo ibi Castellensibus pede, obvio, atque intrepido pectore, per gladios quoque per fustes, confertis interdum lacertis pro murorum summitate luctantibus. Deinde cum etiam oppidanus armatus ad murorum defensionem conflueret; adjunctoque subsidio Castellæ militibus vis, & animus augeretur, jam imparibus opibus fracta, ac retusa tandem hostis ferocitas est; scalis partim subeuntium onere attritis, aliis à defensore dejectis, cumque maxima stagne homines, arma, & scalæ passim inciderent, & alii undique faucii, afflicti supra, vel infra mœnia sceddè conciderentur, neque illo impetu capi posse oppidum videretur, remittere tandem vim Lusitanus laxare paulatim pugnam, omnes postremò à duriori labore, ac periculo abducere, quò requies, & esca fatigatis permitti militibus in majores subinde conatus jam concitarum & ægrè tepressum agmen effunderet. Jamque stantes, armisque succinèti perfunctoriè sumplerant cibum, & hora quies arctior concessa militibus erat, cum rursus Castellmeliorius tripartitò Salvaterram aggrediditur, aliis subruete muros, ligneas aliis agere moles, reliquis manus diversis in locis cum hoste conferere jussis. Gravius quidem, & longè acrius, quam quæ exacta paulò antè fuerat, hæc nova pugna recruduit, assuetudine enim, audacia, ciboque resectæ vires, & spe firmiore concepta creverat animus Lusitanis. Vario inde genere lethi, totque illa divisa locis eò scædior exarsit, ac multiplex pugna, ut miles vix unus esset à labore, à periculo, ab ictibus vacuus; nihil consilio, aut segnitè agi; trahere

trahere cuncta, & miscere furor, ardorque belli. Tum verò Piconæ ad tantum effulse cædis, martisque furentis horrorem, & cladem, réque jam ad extremam calamitatem adducta, quid fieri tunc opus esset, incertus, & anxius animo fluctuabat; nam veterani plerique in primi confictus ardore ceciderant; oppidanus cum nimia audacia, ac propè furore territus hostis, tum infueto, gravique labore enervatus, & lassus è muris partim effluxerat, partim ægrè tractabat arma, præterea cum oppidi munimenta recenter compacta essent, jam levia, atque fluxa, & hiantibus undique fissa rimis ruinæ proxima vacillabant, & super hæc temerarius, & conatibus præceps cœsusque instabat, urgebat hostis, ut videretur esse illi victoria porior, quàm cruoris, spiritusque profusio. Dum ita igitur Lusitani certatim in cuspides, globos, & vulnera ruunt, scalæque passim, bellique instrumenta admoventur, & alii muros scindunt, alii munimenta revelunt cum omnia ruinarum, cedisque plena Piconæ conspiceret, nec oppidi excidium in tanta violentia prohiberi posse, nec prolatari, desperata postremò defensione, oppidoque deserto cum residuis militibus, municipibusque ad arcem evasit. Victor tunc Lusitanus Salvaterram ingreditur, prædæque ingenti ibi parta, & congesta contentus manum à sanguine abstinet. Unoque die cœpta est, ac finita memoria, & frequentia magis, quàm munimento oppidi celebris expugnatio. Postridie in oppositam arcem Lusitanus ex compito ducit. Diriguntur belli tormenta, quæ victis victor abstulerat hostis, fodi cuniculi incipiunt, ligneæ turres promoventur, obsidionalium machinarum jactatio, bellique omnis compositus terror oculis, auribusque in arce clausorum offunditur. Cæterum felicitas, virtus, celeritas illa perspecta hostis formidinis tantum cir-

cunseptis incussit, ut hi nihil temporis, nihil fortunæ, aut incertorum se perpetuò volventium in orbe casuum experti ad primam ostentationem terroris dedere arcem Piconam compulerint. Pañctioes ergo deditiois cum per interfectas inducias componerentur, evenit, ut quidam miles genere Gallus, cui Violæ de Athis cognomen erat, arcis ad ostium fortè progressus foramina quædam inspiceret, unde impune ferire poterat hostis; studio deinde rem propiùs videndi, cognoscendique cum ille eò temerè accederet, hæreretque jam stantibus fretus induciis, tum à Gallico gregario milite, cœque etiam rudi, ac stupido prope homine per eisdem hiatus fistula ferrea in corde transfixus occubuit. Hæc cum vidisset Lusitanus, quia facta æmulorum sensu rerum in deterius semper coacto, ut animo subjicit livor, calumnia traducit, & quia in gratiam quoque Gallorum, quorum plurimi in acie stipendia merebant, ultio ulla reposita, non errorem, non casum, nec stupidi unius, hebetisque militis ignorantiam in rei perpetratæ causâ, sed tanquam insitam genti perfidiam per violatas inducias occulta fraude grassantem existimans, ubi primum arcis aditus patuit, quibus pacto vitam concesserat, trucidari milites iussit. Proinde incompoti, inermes, fallacique subnixi fide cum arce digrediuntur oppidani simul, & milites gladiis, hastisque subito excepti pauci diffugere, plures capi, plures occidi, plerique cæsi, aut vulnere afflicti alii super alios jacentes ingentem attollere stragem, & latè cruore diffuere, quivis ut cum hoc aspexisset pecorum lanienam, non hominum pugnam se aspicere arbitraretur. Sic utrinque exæquata prope modum cædes est, cum multò plures antea victores, quàm victos temerarius ille stravisset belligerendi modus. Postquam iram victoris tandem, falsoque

que conceptam injuriæ labem fusus abundè Regionum sanguis extinxit, oppidani, qui priùs extra arcem fortè permanferant, seminudis ejectis, arx, oppidumque à Lusitano retenta sunt, ac præsidis munita. De hac in Gallæcia inflicta sibi repenti clade Rex per litteras certior, simulque sollicitus, quod præ oppidi, junctæ arcis, amnisque possessione, gradum ex quo gravior deinceps toti provincie immineret, in illo regno fixisset hostis, Navarræ ideirò Priore summoto, ad Cardinalem Spinulam Compostellanum eo tempore Antistitem armorum regimen derulit, receptionemque nuper amissi in Gallæcia oppidi commendavit. Erat hic illius Marchionis Spinulæ filius, cujus rerum in Belgico bello gestarum gloria inter summos ejusdem ætatis Duces effloruit. Caterùm non ita fortuna, nec virtus in homines, ut sæpè numero vitia, profluo genimine sanguine transfunduntur; Cardinalis enim Compostellanus Antistes octo ferè peditem millibus, equitum verò bis millibus ad Salvaterram recuperandam assumptis post multum laboris, & studii nequicquam aggrediendo, pugnando, rem omninò intendendo jactatum inglorius, ac denique inanis Compostellam inde repetiit; Eodem quoque vertente anno Sebastianus Mattus Bracarenfis Antistes diem obiit in Lusitania, is scilicet, sicut diximus, olim conspirationis in caput Bregantii nequicquam initæ auctor, & ob amplissimum Sacerdotium, & infularum splendorem extremo supplicio exemptus, ac perpetuo carceri mancipatus. Ipsum autem Antistitem utrum natura, an veneno quæsitus languor, vel continentis horridique carceris mæror, squalorque, ac simul tædium, satiasque vitæ ad suprema compulerint, cum varias in causâ promant scriptores sententias, easque ut partium studiis affectas omninò suspiciosas, nos parum

hucusque compertum habemus. Fuit ille sanè vehementis, aciorisque spiritus vir, cuiuscumque suscipiendo, tractando negotio dexteritate idoneus, dissimulatione mirabilis, animique virtute, ac robore par, simul sollicitus, impiger, callidus, laboribus indefessus; pro sustinenda verò Regis Catholici causa contra illecebras inflexibilis, contra minas interritus, contra ærumnas, & contumelias animo intractus, ac prope ferreus; eadem fronte, eodemque vultu, ac perpetuo renore vitæ, in utraque fortuna usus, sed circa vitæ finem, ipsi nisi febricitanti, & animo tunc sensibùsque præmortuo vis morbi, aut delirium mentem mutasset, rationemque torfisset, visa plerisque vetus in illo constantia est, perspectusque animi nervus, extremique cum initio in sapienter operando connexio desiderari; nam si in re quoque suspecta Lusitanis credere liceat, longè diversas à reliquo vitæ cursu cum propè metam attingeret, fertur Antistes Bregantio misisse preces, nimirum serviles, abjectas, minimè dignas, quæ à cliente Catholici Regis, & qui sui quoque facti conscientia, ut fieri decebat, sese sustentaret, effunderentur. Dicitur enim paulò post spiraturus submisit à Bregantio precatus esse, ne in funereo ejus lapide pateretur quærelæ notam infulpi, quæ ipsius memoriam posteris odiosam, ac detestabilem propagaret. Etenim multo in eo monito plus visus est hic tribuisse vulgari, & erraticæ mortalium opinioni, quàm certo, ratoque conscientie judicio, vel non rectè jam pridem sibi contra Bregantium fecisse conscius adversus legitimum animi sensum rationis, & juris effractus stimulos hebetasse, vel saltem non satis ipsum intellexisse, viro bono, integroque nec vita functo, nec illa defuncto mali quidquam accidere posse, ex qua levius, aut pravi fortasse cognita labe judicium, ut rumor postea percrebuit, nec

Castellen

Castellensium Antistes vitavit odia, nec Lusitani gratiam promeruit. Ita patientia intempestivè consumpta, vel aliam alia sæpe tradente sententia, stulta quædam oritur pœnitentia, qua laudabiliter gesta, & bonam adeptam existimationem corrumpimus, cum satius profectò sit, dum multiformi opinionum errore, ambituque & inscitia jactamur, quocumque te ratio, sive casus impulerit, modò ne veritas vincat, laudem constantiæ querere.

<sup>1644</sup> Quarto belli labente anno, intensior, & gravior utrinque bellicus ardor efferebatur, Castellensibus propè indignantibus, quod rari, paucique hostes in extremis Hispaniæ oris inclusi fiduciæ tantum, & animorum ad conflegendum afferrent, & quasi videri pugnando vellent subesse conatibus animum pro veteri imperio superbum Castellæ jugum imponere. Contra lætis successibus tumidus Lusitanus per experimenta certaminis cæperat jam propè contemnere hostem, & quia ab Hispani Imperii amplitudine prima ipsi concepta terroris opinio jam inter arma sefellerat, eadèque quotidie opinio non desistebat denuò collatis expertisque viribus minui, nunc ad majora pro bello tentanda spes erexerat, animosque. Accendebat hæc etiam stimulabaturque suis artibus Gallus, qui Bregantium paulò ante monuerat, validioribus copiis ineunte se anno Catalauniam impetiturum, id ipsum, & ille curaret ab Lusitanæ parte geminatis opibus perfici quo asperiori, ancipitiq; bello distractus, implicatusque Catholicus Rex, aut utrique per arma succumberet, aut vires saltem utrinque remitteret. Acciderat autem sub idem tempus ut Gallica rates ad Hispanum per tempestarem impacta litus ob quassdam ibidem deprehenas epistolas talia hostium consilia proderet. Hæc

portò cum sciret Catholicus Rex de utriusque regni defensione sollicitus multiplex cura præcipuè, ac deliberatione suspensus hærebat, quem Lusitano pro bello Ducem eligeret tanto periculo parem, tantòque oneri subeundo, satis, & ipse conscius non tam copiarum inopia, quàm Ducum suorum segnitie, atque ignavia ab Lusitanis hucusque præter omnium opinionem res Castellensium accisas. Erat per id tēporis acriori custodiæ addictus egregius, magnisque nominis Dux Marchio Turrecius Neapolitanus; nam orto inter ipsum, sanctæque Columbar Comitem Catalauni tunc belli Ducem dissidio, ira cæcus, præcepsque Comes in Turrecusi ignominiam baculum militarem percussuro similis extulit; quod Turrecusi filius ingentis eo tempore spei, florentisque indolis adolescens intuitus, iræ impetu abreptus in Convitem ruit, solo dextera affixit, stratumque impulsibus hominem, colaphis, pugnis, conviciis superincumbens exagitavit, confecissetque profectò jacentem eo quem eduxerat pugione, nisi à patre inhibitus foret. Hujus criminis reus, quod disciplinæ bellicæ ratio exemplique contagium re ipsa gravius efficiebat, scilicet quod causam dedisset jurgio, & quod filium initio juvisset supremo Duci insultantem, in custodia ea tempestate restrictus Turrecius attingebatur. Attamen Rex Philippus ne in tanto Lusitanæ periculo, Ducumque simul penuria, cum & metus ab hoste, & militaris hominis laus obtinere crimen per id temporis viderentur, in otio, & custodia languentem indyrum Ducem sineret, Marchionem Turrecium ad Lusitanæ fines cum armorum dominio transtulit. Id itaque munus novum Ducem ingressum, idque alacriter gubernantem opinione in primis asperius offendit, vitia nimirum inter mi-

lites vellere quæ antecessorum ejus defidia in belli disciplina, atque ordine militari contraxerat. Solutus enim, mollisque miles, & à signis, & ordine averſus, ut ſupra ſæpè commemoravimus, non blandiriis, non imperio, non injecta formidine, aut ullo dedecoris odio ab rapina, libidine, otio, bellicque oneribus aspernandis ſatis hucufque coerceri, aut temperari poterat. Honores præterea gradus, & officia militiæ non ætatis, non valetudinis, non rectè factorum, aut enitentium merito cicatricium, longiorifve ſtipèdii gratia, ut illa impertiri conveniebat, ſed erant pleraque caſu, aut pecunia, aut magnatum favore, ac beneficio interverſa, devioque itinere parta. Novis idcirco militibus veterani, & juvenibus ſenes obediabant, & ſæpè quoque nullo minor ætate ei, qui plura, quàm ille annos, ſtipendia referret, imperitabar. Corruptellæ profeſſo omnes, peſtèſque reipublicæ, quæ celeriùs perdendi, aut jam propè deperditi Imperii nedum argumenta, ſed & cauſæ revera ſunt, cum nempè divitiæ, aut fortuna, aut nudus generis ſplendor, aut gratia intercipiunt regiminis gradus, qui primo loco virtuti debentur, nec ibi ætatis, nec ratio meriti habetur. Poſtquam igitur Turrecuſius preces cujuſquam, & grariâ merito poſt habendo, ſimpliciæque ornamento virtutis magna rerum converſione militiæ munia, & officia prudenter æquavit, frequentes & ſtatim ab aula redditæ ad ipſum epiſtolæ ſunt, procerû nempè clientes ſuos commendantium eòſque ad inferiorem redactos ordinem eſſe querentium, quibus vir militaris tergiverſandi, adulandive neſcius ingrata, & aculeis contorta reſponſa reddebat. Pro illorû delictis, vitæque illecebris conſervandis, quas tanti ipſi facerent, tantûmque apud aulam affluerent, in acie, in arena ſeſe quotidie laborioſam, trepidam, ſollicitudine ac ſtomacho plenam traducere vitam. Caverent idcirco ne inverſa per

eos militum inſtituta, & militaris laxata licentia, & per hoc etiam laurea victoriæ porrecta hoſti hujusmodi clades contra Imperium inveherent, quibuſcum decus, & vitam ipſe, regnum Rex, iidem corporis voluptates, & fortunæ indulgentiam, & copias ſimul amitterent. Mederi tempus multis erroribus poſſe, errorem in bello rapidum eſſe, & quem luſtuofa, atque propera ſequitur poenitentia. In commendatiis denique litteris urbanitati, atque gratiæ abſque alia cura magnates, ut plurimum indulgere, illas executuris fidei, atque officio ſerviendum eſſe, quæ duo ſæpè non convenirent. Hæc & alia Turrecuſius primariis aulæ Catholice viris reſponſa libera mittens, ubi ignaviæ, virtutiſque diſcrimen per diſtributa prudenter officia in exercitu poſuit, & ſtrenuis quoque expertiſque firmavit agmina Ducibus, & quam ſibi primû indixerat, lege corruptos deinde hominum mores compoſuit, brevi propè collapſam militum diſciplinam reſtituit. Ad militum enim animos dedocendos, & libidines temperandas Duci poſſiſimum faciebat notior in illo religionis affectio, reiſque divinæ cultus, ab omnique libidinis, atque avaritiæ ſuſpicionem purus, & integer animus, quod capiti honorem, ac reverentiam, amplioſem fiduciam, & inſuper documentum militibus comparabat. Ita igitur brevi exercitu confirmato ſubinde Turrecuſio delatum eſt. Apud Campomajorem arma milites, equos, omnemque belli apparatus ſtudioſiùs, quàm antea fecerat hoſtis, ac celeriter congregare; novi quippè Caſtellæ Ducis auſpicium, ac nomen ingentem expectatione, metuque ſollicitis curam intulerat hoſtibus, eoque proſpero ſibi curſu tandiu in bello fluxiſſe res, id præ inconstantia, ac varietate fortunæ etiam inter animi fluctus, & æſtus pars ſuſpicionis, & metus erat. Conjecerat

cerat Turrecius eo, quem tunc maximè intenderant conatu belli, consilium subesse hostibus, adoriri Alburquercium, ita vocatur Castellæ oppidum, quòd brevi hoc intervallo à Campomajori dirimitur oppidum, ibique ut plurimum solent hostes belli armamentarium instruere, unde ut ex loco magis propinquo in alium commodius irruptionem facturi sint, & quòd hoc ademptum Castellensibus oppidum propter acres, & mutuas offensiones quæ sæpè hinc & inde nunc latrociniis, nunc belli more finitimis incursantibus cum magno omnium incommodo exercebantur, subsidio, ac tulæ Campomajori foret. His conjecturis militiæ quas suggererat Turrecius, veterum etiam, qui in consultationem vocati erant, sententiæ Ducum, & nuper quorundam fortuito captorum hostium consenserat sermo. Imperat igitur Turrecius summi Castrorum Præfecti Legaro Parecia, expeditas ut equitum turmas, selectasque cohortes ille duceret Alburquercium, cum verò, ut ea nec levis conflata suspicio apparebat, adortus hoc oppidum hostis fuisset, ipse legatus tuendum susceperet oppidum. Joannem quoque Oliveram, quam Villaregiæ addictam præsidio legionem habebat, eam festinanter Alburquercium conducere jubet; ipse verò Olivera municipii rebus compositis statim inde discedens pergeret Badacocium hoc sane consilio de loco, de jure imperii quam sæpè oriri inter Duces dissidia solita antevertere Marchio ratus, quæ rursus, & tempore adverso, & populari causa absque dubio inter milites erupissent, manentem si eo loco Tribunum in militari, & publica cura se Legato submittere atque imperium accipere cogerent; ea porro erat virtutis, atque industriæ Legati penes Ducem opinio, ut aptior, ac dignior is inter ceteros visus esset, cui Alburquerci

tutela, & causa publica mandaretur. His ita penè confectis rebus, jussa legio Duce Olivera vix Alburquercium intraverat, cum procul inspecta repente oculis, ac specie quidem terribilis Lusitana se ostendit acies. Veritus ergo Olivera, ne ipse vetus fortassè miles, cum præsens urgeret circumfuso terrore hostis, subtrahere periculo se, ac subterfugere opus cum nota, ac dedecore crederetur, aut temerè potiùs jussionem Ducis interpretatus eam scilicet æquum esse prudentem ad tempus versari, inselectique quod ejus laborem, & operam in tanto discrimine exigeret, in eodem propterea oppido quanquam injussus substitit. Iamque exercitus Lusitanus, Matthia Alburquercio Duce, magnis copiis, magnoque belli apparatu infestus, ac prædabundus ad oppidum adventabat, quo maximè tempore capitum illud contentione, ac discordia divisum, scissumque in suam perniciem propriis viribus festinabar. Legatus enim Parecia sibi jure nunc asserebat, ut à Duce supremo oppidanæ defensionis officium, & curam injunctam. Ex adverso Oliveram rem omnino fortuitam, atque aliò per se jussa Ducis, adjecta interpretatione, trahentem objiciebat, simul ordinis, gradus, quoungebatur, muneris excellentiam, morem militiæ, omnium commilitonum quærelam in alienæ conditionis exemplum minuti publicè juris, inultæque Tribunis militum ignominie, si Tribunus ipse militum sustineret, & pateretur inferioris notæ ministro in armorum regim ne subijci; inde inquieti, discordes omnes, diductique factionibus milites, & circulos passim cœrúsque miscentes cum alterutri eorum pro singulorum libidine, aut ratione suffragarentur, sine imperio, sine Duce, sine concordia spe undique abscissa in medio patebat oppidum prædæ, hostisque conatibus opportunum. Cum

hæc tristis Legatus & anxius in animo volveret, simul inanes huiusmodi lites, quæ nihil per se splendoris virtuti, ac merito adjicerent cùm indecoras, tum detestabiles esse, præcipuè cùm eò ventum foret, ut causa cadere miles, aut jure domini Rex cogeretur, ille idèo altiori quo animo plus temperato, moderatòque, ultro suo tandem postposito jure gerere partem, ac numerum statuit gregarii commilitonis, inèrque honorarios jam hastam acceperat. Quod ubi Olivera cognovit seu hominis comitate, seu vecundia compulsus, aut metu potiùs ex summi Ducis, qui secus præceperat, voluntate contracto, tum demum consensit, ut æquato simul imperio, parique animo uterque municipii defensionem tractaret. Pro muris ergo, pro vallo milite distributo, ac cæteris rebus, quæ ad pugnandum necesse erant, instructis, bina etiam tormenta belli ita sunt per insidias in duobus, qui adversi erant hosti, tumulorum verticibus collocata, ut inde commodius percuterent hostes, eorum verò prospectum fallerent. Lusitanus intereà radicibus collium, qui haud procul ab oppido leni fastigio surgunt, tegebat se, mox ingenti alacritate, ac fiducia adversus Alburquercium oppidum tendit, tormentariisque ex propinquo suggestibus constitutis, validè muros quatit. Verùm duo illa majora tormenta belli, quæ rectè librata, & supra tumulos eminentia latebant, repente displosa, & pilis, clavisque & catenarum plena fragmentis ubi assidue terribissimam pestem ejaculantur, hominum, equorùmque & machinarum simul obsidionalium stragem ingentem edunt. Territus tunc Alburquercius Dux Lusitanus periculo situs, & magna cum clade repulsus, ad collium suffugia, atque latebras revocat milites, alio modo oppidi obsidionem instruere in animo habens; sed

aquarum egestas, ac siccitas situs, æstusque qui propè omnia torrebat, hoc tandem modo compulit Ducem, ut re inde infecta discederet. In regionis squalidæ tractu fons unicus erat, qui proximè aquandi militibus potestatem praberet; fonti verò ardua juga, & abscissa, quæ modicis licet infessis præsidiiis accessum ad aquam prohibere facillè poterant, impendebant. Hunc ab initio fontem, circumfessis pro rerum momento collibus, Castellenses milites intercluserant, ac supra centum huc improvidè aquarum euntes iidem ab edito loco milites majoribus sclopiis exuperant, alios etiam Lusitanos palantes, & circa fontem temerè prætervectos, turmæ, quæ passim equitum volitabant, confoderant, adeoque in arcto, atque aspero ibi res Lusitana posita erat, ut cùm in maximo æstu, & ardore deficeret aqua extremo opus esset periculo vitæ redimere illam, aut sanguinis copia. Sæpiùs idcirco Dux Alburquercius aggressus fuerat in collium fastigia sudore non minùs, quàm sanguine humentes Lusitanos eniti milites, Regiòsque ibi impunè insidentes, eludentesque depellere; sed propter ascensus superandi difficultatem omni aditu circuncisi, ac dirempti, & qui erat serpenibus potiùs, quàm viris incenditibus continua cæde reiectus, ac pulsus facinus intermiserat. Ad hæc si tara ipse Dux agmina duceret ad conflictum, tunc Castellensis numero quanquam impar, loco tamen superior, ascensuque difficili prævalebat, sin autem conferta, & ea copiosa missurus in hostes fuisset, sectis ex eo viribus, atque inde obsidionis laxata custodia, majus & anceps utrinque sane periculum intercurreret. His difficultatibus circumventi aquarum ab usu Lusitani prohibiti erant. Frequentes præterè, exque nimis cruentæ irruptiones ab oppido agitabantur, modo vi, modo insidiis appetere, neque diem, neque



neque noctem laboris, aut tumultus expertem pati; siti, pulvere, ardore solis, cominus, eminúsque contritis armis obsideri obsidentes, infestarique. Igitur Dux Lusitanus quâ loci insolentia, sitique in aestu propè rabido fervienti, & aquarum undique inopia, qua vi, impetúque cum meliori sæpè fortuna ex alto irrumpentiû, atque vexantium exagitatus, ac pressus cum omnis extincta spes esset, & major ea quæ nunc premeret, si illic perstitisset, futura calamitas esset, solvere tandem obsidionem decrevit, & vasa colligere milites. Hoc viso Olivera contestium ex oppido incurrens simul omnes emisit equites, pedirésque in hostium terga pugnatum. Hos raptim, ac trepidè recedentes assequitur, jam accedit, jam recedit, jam tutis ictibus Castellensis provocat hostem, cumque ultimos ordines, ac simul latera carpit magna defatigatione, ac tumultu extremam aciem turbavit inplicis, & mutua nimirum formidine partes iusta ibi acie, ac totis concurrere viribus per id tempus impediende ex minori nempe militum numero Castellensibus ex improspéro rerum eventu Lusitanis incussit. His molestis Lusitanus tandem explicitus, & viam planiorem in campo natus longè latèque Castellæ pagos, agrósque urit, vastatque his incendiis, & populationibus velle modo videri visus, aut inanis obsidionis rependere detrimenta, aut irriter incæpti delere ignominiam.

Insuper hæc tolerare, aut videre Dux Turrecusi, hostilisque tundendæ ferociæ maximè cupidus primarios exercitus Duces de summa rerum consultum vocat, docetque Matthiam Alburquercium peritum incumbere Ducem, acerrimum hostem, suæ quoque gentis ingenio ferocem, & animo inflatum, multisque antè rebus in bello prosperè gestis magis elatum, insolentemque, nunc frustratè obli-

dionis dolore crudelius ardere, ac furere conspici, nec planè ipsum quieturum tandem aliquando videri nisi insigni aliqua accepta clade omninò disjectum, & fractum. Quemadmodum igitur ejus provincie calamitati, sociorum injuriis, communique dedecori obviam per arma procedere liceat, ibi sententiis Duces exprimerent, conferrèntque. Consilium jam pridem infederat Turrecusi, quod nunc hostis superbia sollicitabat, ultro invadere in hostem, ac si per tempora licuisset omni ostentatione terroris infesta signa transferre usque ad viscera Lusitanie, ex Castellensium profecto socordia, ac negligentia militis ratus tantum audacis, tantumque animorum ne virium quidem suarum, earumque curtarum statui, & si duplò majores essent convenientium, hostibus succrevisse; id ipsum tamen quò populariùs inter milites fieret, Ducum ferè omnium sententia approbatum desiderabat. Perrogatis ergo suffragiis, ea numero pervicere, quæ hujusmodi arbitrio, votoque Ducis dissentientia, belli rationem, & modum ad vim hostium tantummodo propulsandam, tuendique circum regni finitima contrahebant. Tum dolore, tum ira percitus Turrecusi: Nundum horror, pavorque, inquit, " jamdudum præcordiis, & animis vestris affixus vos quoque deseruit mi-  
litæ Duces? " atque hætenus ignoratis vestra inertia, torpore vestra, animoque suscepta formidine tot belli dedecora, tot detrimenta rerum in fortunas privatas, & publicas redundantia virtute duntaxat, atque animi audacia, quæ hucusque defecit, corrigi posse? an segetes nostras, agrósque passim aspicere præstat, quam hostium comburi, evertere atque in Castellam potiùs quàm Lusitaniam Martis furias, facèsque com-  
pelli? nunc autem, ne errore fortè "

„labamini, id consultando quaeritur,  
 „utrum perniciosius sit nobis existi-  
 „mandum bellum domesticum, an ex-  
 „ternum, petere domi suae Lusitanum,  
 „an huc eruenti, magisque sibi fiden-  
 „tem, & contemptorē omnium per de-  
 „fidiam, & otium attrahere. Qui domi  
 „sedens, & otia terens ferocem expe-  
 „ctat hostem succubuit profecto ani-  
 „mo, illique eo praemisso timoris indi-  
 „cio meliorem victoriz sedendo pro-  
 „pinat spem, ubi enim plus audaciae, ibi  
 „etiam plus fortunae, animi robur com-  
 „mune cum corporis viribus est, nec  
 „corpus, sed animu viros discriminat.  
 „Idcirco non equis nos non hominum  
 „numero, non pecunia, non annis,  
 „non jure causae cum his abundantius  
 „instructi simus, at industria, sollici-  
 „tudine, animorum vigore quan-  
 „quam numero plures, ab admodum  
 „paucis Lusitanis hucusque vincimur.  
 „Haec mihi summa consilii est, torpor  
 „autem, & quidam otio contractus ja-  
 „centis, marcentisque animi situs,  
 „quo resolutorum more membrorum  
 „confractae nunc vobis pro bello vires  
 „elanguent, usu & labore consumi  
 „poterit, actio ipsa, & armorum, &  
 „membrorum exercitatio inhaerentem  
 „timorem excutiet, siquidem fortui-  
 „to, ignavoque eadem omnino com-  
 „munis natura est, tantumque diffi-  
 „milis quod in alio usu, & labore ex-  
 „citata, in alio itidem excitanda pro-  
 „ponitur quemadmodum usu militiae  
 „tyro veteranum militem parit. Vos  
 „autem cunctamini & in eodem de-  
 „decere, & causa dedecoris metu con-  
 „senescere vultis, perinde timidus qua-  
 „si homo strenuo fortisque diuturnior,  
 „vel clarior futurus in bello sit, ne-  
 „que hoc segni, multumque remis-  
 „so belli gerendi more ita nunc pro-  
 „ludatis, ut servire tandem cogami-  
 „ni, quibus adhuc imperavistis. Itē  
 „ergo Duces iterum in suffragia, &  
 „quod me vobis, regio auspicio,

& inclyto nomine dignum fue-  
 „rit, nullo timore, decemite. Quod  
 „si nimis haec ardua, atque aspera fa-  
 „ctu vobis, animi aciem metus caligine  
 „perstringente, fortasse videntur, equi-  
 „dem ipsa imperii supremo jure quo  
 „fungor in armorum regimine usus, vo-  
 „bis etiam invitis extemplo confici  
 „jussero. Postquam haec Ducibus Tur-  
 „recus jam precibus, minis, repre-  
 „hensione, hortamentoque variis, &  
 „acer exposuit, quos illius argumenta  
 „non vicerant, verecundia, metusve  
 „fregit. Porro concordibus ore, ut re-  
 „vera discordibus animo Ducibus, ejus-  
 „que in speciem amplecti sententiam vi-  
 „sis, tunc expeditio in hostem decreta  
 „est. Dimisso conventu, iidem, qui se-  
 „cus senserant Duces, contumeliosa  
 „trucique Marchionis oratione com-  
 „moti, seu omnino metu nondum ex-  
 „to, seu quia inviderent Itali gloriae,  
 „aut imperium aspernarentur, princi-  
 „pium enim turbandi omnia à Ducibus  
 „ortum, jungere statim turbulentos ho-  
 „minum catus, concire seditiosos, stul-  
 „tē feroces, lingua promptos, dextera  
 „inertes facilius efferre; apud eos rerum  
 „species, & nomina conturbantes, quae  
 „vera erat in illo audacia, & animi  
 „nervus, ac robur, appellabant teme-  
 „ritatem, superbiam pro animi magni-  
 „tudine, furorem pro alacritate, pro  
 „cautione fallaciam, finitima omnia  
 „virtutibus vitia cum Ducis virtutes tra-  
 „ducerent obrectatorum more affinge-  
 „bant, ipsumque maxime adiciebant  
 „corruptorem juris militiae, qui per vim,  
 „minarumque terrorem calculos Du-  
 „cum in concilio transverterit, ut ho-  
 „stibus aciem interemptione delendam  
 „proderet. Jam antea Pascivientem ni-  
 „mia licentia militem, turpique more  
 „labefactum secundum veterem disci-  
 „plinam emendaverat Turrecusius, mul-  
 „toque labore dicto parentem effecerat;  
 „sed ut facile mores hominum in  
 „pristinam consuetudinem redeunt, me-  
 „tūque

tūque compressum ingenium, deterius per tempus cum evadere licet, erumpit, tum & peccantium auctoritate, afflatūque provectus fœdius, quàm antea relapsus est miles. Erenim Turrecius, cum certam in hostem expeditionem præciperet, petulanter effusus obstitit miles, reclamavitque nolle se in laniendam temeritate Ducis incidere. Turrecius, cui neque ut veteri Duci, neque ut veteri quoque militi tale quidquam consuevit videre, aut audire in militia contigerat, portentum simile tunc sibi videre visus ea incredibili petulantia, atque insolita contumacia attonitus perculsusque velut stupore, ac sensibus alienatus primum obmutuit. Incipientem subinde loqui collidentes se invicem dentes, inversaque lingua, spiritus ipse restrictus ac fatigatus, ac totum ira concitum corpus nequaquam sinebant ita furentem, ac prope spumantem distinguere voces, tantam enim in se conceperat iram, quantam nec spiritu effundere, nec explicare sermone valetet. Stetit ergo paulisper suspensus, ac tacitus; denique furibundus ad aulam, inquit, procius advo labo, ut hujus impuræ, omnibusque ignominis, ac pœnis afficiendæ, notandæque militis accusator, ac testis apud Regem insistant. Hæc minarum, & iræ plenus increpitans, multum & frustra cohortantibus ipsum amicis, è militum multitudine se proripuit, eodemque momento equum ad Regem perrecturus efflagitat, viaticumque simul parat, seque consequi jubet. Fortè tunc inter alios aderat ibi Episcopus Badacocii, homo ipse prudens, Ducique in primis familiaris, qui quem flectere prece non potuit, tali artificio delusit. Ea celeritate, atque ira viam Turrecius capessituro cum curru domestico praesto est, & officii, studiique prius sæpè quoque perspecti gratia in proprium currum acceptum; eoque parumper invecum, dum iniret ad

Regem iter, brevi se belle spatio comitari simulat Ducem, instructumque post equum, & vix reliquum apparatus eidem vehiculo hærentem subsequi jubet. Ut verò illum Antistes habuit in potestate, jam frigidato illo animi ardore, iraque sensim detumescente, placide capit monete Ducem. Nefariam, atque execrabilem quidem fuisse illorum militum insolentiam, ac teterrima inter licentiæ militaris exempla prorsus abominandam; at illo inconsulto, ac præcipiti Ducis ad Catholicam aulam discessu, ea neque tolli probra militis, neque ipsum revera plus laudis, quàm irrisuionis, & notæ apud Regem, & aulicos relaturum. Multitudinem naturæ suæ cæcæ, turbulentæ esse, discordem, & sæpè in suam, in alienam sæpè perniciem improvidè concurrentem, sed eam etiam esse ut rationis electionisque adminiculis destitutam instabilem, fluidam, quæ sereno prudentiæ, quæ bono, malove dolo tractari, inflectique minori negotio queat, quove ille vehementior primus impetus fuerit, eò citius infringi. Ex humani ingenii radice, aut ipso naturæ fonte neminem esse malum, sed alieno instinctu impulsuque, aut prava institutione, & exemplo ita edoctum, ira informatum, educatumque; qui verò ita potuit subacta propè natura nefarias doceri artes, cur eidem non dedoceri spes sit, cum bona accesserit disciplina? Sit crudelis, sit impius, sit intractabilis homo, & feris omnibus effrator, Bellum consueque indomitam, immanemque inter lucos, & nemora vix inveniri, quæ arte, patientia, usu cicurari, ac mitescere nequeat. Propterea magistrum, & caput omni multitudini impositum, cuius consilio, directione, & imperio, si forte se illa vel superbia nimis extulerit, vel ira inflammaverit, vel li-

„ bidine effuderit , vel pavore de-  
 „ cerit , teneatur. Quod si hoc minùs  
 „ interdum obtinere contigerit seu for-  
 „ tuna , seu industria fallat , aut vis ra-  
 „ tionis in aliquo torpeat , aut quidam  
 „ natura fulgor elangueat , haud secùs  
 „ profectò tunc rectoris inscitiam , &  
 „ hebetudinem , quàm hominum con-  
 „ tumaciam vulgarique communique  
 „ iudicio reprehendi. Quid insuper  
 „ inde si fortè cognito Lusitanus abs-  
 „ que Duce , absque legitimo imperio ,  
 „ seditione turbatum , suisque relictum  
 „ discordiis , & motibus agere Castel-  
 „ lensem , hunc avulso velut clavo flu-  
 „ ctuantem in alto navem , ac pene de-  
 „ merfam improvisò , ac feliciter petat ,  
 „ nonne unam , eandemque ea tem-  
 „ pestate futuram omnium hominum  
 „ vocem , atque sententiam , Mar-  
 „ chionem scilicet Turrecium dete-  
 „ riori malo malum corrigere quæsi-  
 „ visse , cum enim supplicium commi-  
 „ litonibus peteret , triumphum hosti-  
 „ bus statuisse. Qui Politico , aut mi-  
 „ litari fungitur munere minùs quidem  
 „ sui juris , ac potestatis esse , cum se  
 „ ipse in discrimen totque secum sibi  
 „ commissas præcipites animas rapiat ,  
 „ ex quo sua , & aliorum quoque fa-  
 „ cta probandi genimatum succedat  
 „ onus , nec ideò ipse peccare , aut ne-  
 „ gligere quidquam sine publica clade ,  
 „ & multorum exitio possit. Caterùm  
 „ quando etiam pergat in suscepta sen-  
 „ tentia futere Dux , cum dura præ-  
 „ terea , atque lubrica sit in exercitum  
 „ totum animadversio , vel regio iussu  
 „ ab aula ad milites rediturum , & tunc  
 „ irritò quidem incæpto , noxiorum  
 „ indemnitate necessaria patientia , mi-  
 „ nùs deinceps cum nova se obtulerit  
 „ causa compescere militem incum-  
 „ benti auctoritatis , ac roboris fore ;  
 „ vel fortasse non rediturum , tamque  
 „ acrem contentionem in abdicatio-  
 „ nem militaris imperii terminaturam  
 „ fuisse ; porrò inde quem hominem

fore , qui ex eo increbescences pre-  
 „ mere vulgi rumores , & linguarum  
 „ licentiam valeat , ultrò scilicet Tur-  
 „ recusium armorum ministerio cessis-  
 „ se , quia arma , non armatos tractare  
 „ sciat , apriorque vir ille tenendo sit  
 „ quod viribus corporis , & stolidi  
 „ quadam ferocia , quàm quod ratio-  
 „ ne & prudentia animi perpetretur ,  
 „ unde & militi impunitas , & dedecus  
 „ ipsi , & detrimentum reipublicæ para-  
 „ retur. Tumultuariæ postremò illius  
 „ discessionis consilium , & sialia om-  
 „ nia deficerent argumenta vel satis  
 „ esse suspectum , quod ab ira , animi-  
 „ que turbatione , quæ brevis insania  
 „ dicitur , fluere ; huius autem insani ,  
 „ terrique affectus , quo lacertorum  
 „ tantummodò intenditur vis , cum  
 „ ardore , & impetu ruere , in præliari  
 „ duntaxat discrimine , cum calere Mars  
 „ ceperit relinquendum militibus esse ,  
 „ id certè supremo Duci , cuius semper  
 „ vigere , ac omnia regere debet con-  
 „ silium , ac superior affectibus mens ,  
 „ ne inter conflictus quidem incen-  
 „ dium , cum furit militum rabies ho-  
 „ nestum , aut utile fore. Familiari-  
 „ bus , ac prudentibus hisce monitis pla-  
 „ cidè Antistes in Turrecium pectus il-  
 „ lapsus , irarum cum etiam per tempo-  
 „ ris moras decreveret æstus , ejus tan-  
 „ dem lenivit animum , flexoque à via  
 „ regia vehiculi cursu duxit illum in  
 „ quoddam cœnobium haud procul ab  
 „ urbe situm , fide vicissim obstricta , re-  
 „ sipiscientem quàm citò militem , ac sce-  
 „ leris penitentem datum professionis  
 „ imperium celerius executurum. Hoc  
 „ Antistes subinde militibus aperit , ste-  
 „ tisse nimirum , ac reversurum properè  
 „ Ducem , ea autem conditione , qua ex-  
 „ templo illi signa cum hoste collatum ,  
 „ aut ipse Mantuam Carpetanam ad Re-  
 „ gem progrederecur. Duces qui tu-  
 „ multus irritamenta , & seditionis ubi-  
 „ que sparserant faces , cum modò sibi  
 „ timerent , ne causa ad Regem delata ,  
 in

in ejus indignationem incurrerent, ac debitas pœnas exolverent, à militibus impetrarunt, ut eodem tempore Badacocio moveret exercitus quò Turrecufius in urbem intravit. Qui tamen profectos fequi milites noluit, feu hominum studiis, feu malè præfertim Ducum affecto animo, quorum utrumque rei bene agendæ impedimento maxime foret, diffiſus.

Ducebat itaque copias Magiſter equitum Molingenius genere Belga, & belli peritia, ſimpliciumque morum candore Turrecufio in primis acceptus. Is ad Anam progreſſus, hoſti flumine obſecto circa ripam locaverat caſtra, ibique promiſſa finitimorum auxilia, & qui dudum præceſſerant exploratorum notitias opperiebatur; quibus mox ſubſidiis adjectis, exploratòque hoſtem paulò ante capto, vaſtatòque Monticio extra idem oppidum caſtra metatum eſſe, copias tunc Molingenius annem trajicere jubet, cùm rei gerendæ opportunitas eſſet, hoſtibus occuſurus. Ad octo millia pedites erant, equites ter circiter mille; Luſitanus equite, ac pedite in turba, ac numero longè major, Matthia Alburquercio Duce, poſt oppidi excidium in loco munito confederat. Hæc Molingenius cùm animo volutaret, hæere, cunctari, modò ſpe, modò metu prælii conſilia dividere, circumſpicere omnia, quæ fortuna, vel arte congreſſus æquare diſcrimen, aut ſaltem minuere pericula copiis imparibus poſſent; nam præter numerum militum ampliorem, crebrioræque in illis experta argumenta virtutis, locus etiam, quem ceperant Luſitanos juvabat, erectus, præciſus, vallatus, interjectiſque vineis ex omni parte acceſſuram implicantibus aciem. His obverſis difficultatibus nihilo ſeciùs Turrecufius urgebat ad conſerendam cum hoſte pugnam. Miſit igitur primò, qui hæc dura perſertet Molingenio mandata Oliveram tribu-

num militum, paulò poſt Badacocii Prætozem, adeò ejusdem præcepti formulam circunſcribens, ut tot difficultatum licet vinculis irretito, & paſſim periculis circunceſſo nihil tamen pro juſſa pugna excuſandum Molingenio relinqueret. Intererat fortè civitatis Antiſtes ferox cùm talia præciperet Turrecufius, qui, ut temeraria, violenta, eaque nimis abrupta juſſa Ducis cùm reprehendiſſet, ſcilicet non tempus, non locum, non ſubitos belli caſus, non rerum diſcrimina ſecernentia, illi fertur Dux reſpondiſſe; *quia non minus ſollicitè mihi cum meorum militum moribus, ac peſſimo ingenio, quàm cum hoſte pugnandum eſt, hoc eis voluntario, gravique accerſito periculo, vel fide ſolutus pulchram ego Regi victoriam, vel moleſtiſ explicitis inutilis, ſegnes, contumacèſque milites cade multatos dabo.* Venit tamen Molingenius nihil ideò temerè agendum ratus conſultum convocat Duces, ſibi que placere proponit conficere juſſa Ducis ea modo diſcreta, & ſalutaria ſint, quo vero ordine, quòve modo, ne improvidè, ac cæci pecorum more collapſi ad ſatiatatem hoſtis trucidarentur, illa juſſa tractanda, ac temperanda forent, ſeriò viderent, conſulerentque Terribiles Ducis minas, inflatæque verba non ad exercitus peſtem, rerumque omnium in prælio moliendam conſuſionem, atque perniciem ſe quidem interpretari, neque id ullo pacto decere, ſed ignavia, aut pavore potiùs conſtetnatos militum animos ad erigendos, confirmandòſque, atque idipſum ſine ulla etiam exceptione incidentium in bello rerum inculcare certamen, velle per ambages innuere, gravius eſſe lapſuros milites, ſi occaſioni, ac tempori deſuiſſent. Porro autem id attentè diſcutere propiùs ad Duces, quàm milites pertinere, cùm victores in prælio milites honorem, & gloriam ex re bene geſta ſibi ſinguli ſufferentur, in Duces

jam

jam victi culpam rejiciant, & leviora quæque belli peccata promiscuo omnium cruore, peculiari capitum ignominia plectantur. Versatis propterea in eo conventu sententiis, tandem sancitum est. Pergere inde statim ad occurrendum hostibus copias, at prius inter Monticium, atque Lobonem flumen à tergo habentes, & hostium consilia, motusque observantes consistere, si in planitiem fortasse, ut ita credere illius militaris suadebat ardor, quaque tumebat Lusitanus fiducia, congressurus descenderet. Quippe in sublimi, satisque munito compositum loco invadere Lusitanum temerarii quidem consilii erat, nec minus periculosi, si progredi voluissent in terram se hostilem seu ferro, seu fame conficiendam immittere aciem. Ea mente fluvio transmissio, destinatum, hostique proximè obversum Castellenses occupant locum, ibique castra citò communiunt, deinde turmis equestribus cursitantes, insultantesque crebrosque de industria tormentis bellicis obstrepentes laceffere Lusitanum, & nisi consilio tractum, vel ira percitum stimulis ad æquiorē pro prælio deducere locum contendunt; nec sua quidem opinione deceptos rei eventus ostendit Duces; nam pugnae cupidus Lusitanus vel ira commotus, vel sicut aliqui tradunt, alimentorum, quæ omnino exhausterat, egens, deferere subito colles, sensumque planitiem cum ordine petere visus est. Dies erat festa Corporis Christi memoria nobilis, divinoque epulo in sacrificio Missæ refectus, pastusque miles jam alacrior spei humanæ caelestem quoque conjunxerat. Huc Molingenii quoque, & cæterorum exercitus Ducum accefferant hortamenta, Hispani modò gloriam Imperii, modò splendorem, noménque gentis longè, latèque dominatricis, quæ non certaminis gloriam, sed pœnam potius à perduellibus posceret,

per agmina passim jaçantium, atque etiam adjicientium frontem, rictumque Turrecusi minacem, ac tetrum, & hoste quolibet truciores, si quispiam eorum fortè superstes reversurus ad illum inultus, aut fractus esset. Inter hæc Alburquerque in planum abductos explicaverat ordines, eodémque propè tempore jusserat Molingenius Pardum equitum Commissarium sparsis aliquot velutum alis ire obviam, remorarique citato cursu gradus ad pugnam addentem hostem, quo ipse commodius interim aciem extenderet. Lusitanus autem hoc ordine instructus ad pugnam appropinquabat. In undecim agmina distributi pedites veniebant, pro militum copia in se conglobata, atque densa; horum quinque mediam implebant aciem, quatuor se in coniuva extendebant; duo tandem erant in ultima acie cum turmis pluribus equitum subsidii more locata; equites utrumque latus, tota acie impedimenta cladebant, belli tormenta bina in quolibet cornu, duo etiam per mediam aciem eomportabantur. Molingenius hostium numerum, atque ordinem contemplatus simili prope modo regias ibi copias instruxit, nisi quod hinc ex minori profectò numero latior, quàm plenior explicata jam acies porrigeretur. Cornu dextrum Hispani; Larvum Itali habebant, huic Franciscus Velaseus Legatus equitum, illi præerat Molingenius; quatuor trahebant belli tormenta, nec sarcinæ ullæ, aut militaria inter aciem erant impedimenta, quæ regios milites implicarent. Sic utraque à fronte, nec horrida minus aspectu, quàm armorum fulgore, radiisque refracta scintillans, ac nitida constitit acies, tormentisque sapius hinc, inde cum magno fragore displosis certaminis signum mutuo datum, acceptumque Prælii initium, cædisque cum jam concurrerent acies, à sclopetariis caput.

Horum

Horum impetu, strepitûque lethales fistulæ excussæ, & candentes emissæ pilæ virorum, equorûque virtutem, & iram simul accendunt, prælibatâque pari propè jactura procul vicissim illata, atque accepta vulnera, & cædes acriorem utrinque hauriendi sanguinis sitim, & alteri in alterum ferendi cupidinem addunt. Proinde dextrum extemplò Castellæ cornu cum sinistro Lusitano concurrunt; quod tanto ardore, nîsûque per gladios invectos, & hastas impulsûm, ac pressûm à Castellensibus est, ut ala equitum Lusitana, quæ latus illud tegebat, eo impetu mista, post fusa, & usque ad extremam rejecta aciem excesserit; equestri subsidio ex hac parte nudatur pedes; hic statim exanimari, diffuere, ac sensim pedem referte. Id verò præ nimia tunc accidisse videtur Lusitani Ducis fiducia, qui ubi & levia antecedere prælia, nec primos Castellenses credebatur procursum ad pugnam fore, ferè tum incompasitas, & quodammodò fluctuantes ducebat acies, tempus superpetere ratus, quo subsidia firmaret, ac melius agmina stabiliret; porro ulterius illatis signis, propiusque collato pede, ad gladios omninò jam venerat res, levique perculsi lateris trepidatio, & equitum ibi pedinûque confusio, & frontem averterat, & dextrum quoque terrore latus tumultûque miscuerat. Ea tamen ordinum perturbatio & malè inclinata propemodus res fugæ laxioris initium nondum fecerat Lusitanis, sed eos ut se illidentium, atque prementium undique impulsus, aut prælii fortuna contraxerat, jam pressi, confertique, & orbes passim conficientes in se ruentium, atque pugnantium pro viribus impetum sustinere, alii effusi, dispersique ad ultimam aciem confugere, nonnulli valentiores ad incurrentes undique cuspides, & gladio- rum rotantes acies nudata viscera circumferre; simul equo vectus, & armis

insignis Alburquercius intercurfabat vehementer intentus primi agminis sistere fugam, & quosdam disiectos, se alios laxantes sarcire ordines. Videt hæc Molingenius, paulûmque annitendo intercludi jam dissipatos, implexosque milites posse, proinde Tribunum militum Pignatellum Italicum cornu præsidio firmatum ita diducere jubet quemadmodum idem à se vidisset dextrum latus extendi, flectique. Quod celeriter factum est, conclusique à tergo, & à fronte hostes, ii modo erepti cædibus sunt, quos vel pedes tutati sunt, vel abstulit casus, vel arma projicientes sese captivos dedere victori. Prima hostium sic acie fusa, & aliâ penitus conturbata, præcipit tunc Molingenius coire Castellæ equitatum, & Lusitanum acrius impetere, qui instabilis, vagus, oculisque subiecta cladè, & quæ omnia impleverat fuga perterritus, item auxilio peditum destitutus primo impetu fusus, fugatusque discessit. Cæterùm ea præceps equitum fuga auctusque clamore, ac strage tumultus cum socios etiam pro pugna stantes obtereret, & qui fugerant, & eos, qui restiterant implicaret, aciem quoque Lusitanam, quæ extrema erat, & quæ prælio intacta adhuc pene servaverat ordines, eodem horrore, impetûque dissolvit, ac sustulit. In tempore tunc spe arresta, recentis animi, viribus integra intulit pedem extrema Castellæ acies, ob illam quam læta apud hostes cernebat animorum, ordinûmque jactationem credi potius, quàm pugnæ parata. Inde horum terga, horum pectora, ac latera impunè, ac licenter haurire, integri faucis, spirantibus vivi, extinctique permixti, alii super alios incidere, cruentique se volutare, ubique fuga, interitus, pavor, gemitusque cadentium, atque spirantium, cumque ultionis fiducia crudelitatem animo intenderet, & etiam lassitudinem sustentaret, totius dissipati,



pati, everſique prorsus exercitus magna pars vulnerata, pars caesa, reliqua & major fuga dilapsa est, aut captiva statim abstracta. Inter hæc Alburquercius cum fœdè Lusitana agmina strata, undantemque sanguine humum, & peremprorum acervos, & reliquos fuſos, inermes, aut saucios quærere fuga salutem videt tum spe, tum viribus proſtigatus cum agmine uno, quod ejusdem custodiæ corporis destinaverat, è loco sensim recessit. Hanc tamen victoriam, quæ planè jam Castellensibus steterat, ad extremum infectam, & ancipitem fecit Ducum aliquot negligentia seu militum avaritia. Ab initio quippè certaminis cum lævo Lusitani latere fracto, pars equitatus ejus à cæteris copiis avulsa, vitabunda quæreret colles, tunc ii Castellenses qui ad tormentorum custodiam astabant, ignari, quorum fortuna esset, verisimiliter ne circumvecti hostes ad ea prædanda reverterentur omnia belli tormenta, jumenta quoque munitione bellica onusta ultra fluminis ripam velut tutum in locum transvexerant, quocirca nequaquam ad manus jumenta erant, quæ modò fugatis, ac victis belliablata tormenta subducerent. Pulso præterea hoste cum jacentium super corporum stragem exultantes, nimisque avidi hærentes alii spolia castrorum legerent, prædaramque cupidine manus, ut satietate cruoris, & cædis occupatos haberent oculos, alii etiam essent captivorum custodiis impliciti, fugientium plerique vestigia tenerent in hac rerum volutatione, ac tumultu jam penè desertus, atque indefensus jacebat, belli tormentis, quæ omiserat hostis, aliisque refertus sarcinis militaribus campus. Hæc portò Alburquercius à colle quodam, quo se receperat, conspicatus, in spemque ingentem adductus ob nimiam hostis fiduciam, ac negligentiam vel ex parte labefactari adeptam victoriam posse, pe-

ditæ, equitæſque è fuga reversos incolumes colligit, sparſos, trepidosque reducit, his applicat obvios, alios avios per saltus, collæſque propinquos turmatim errantes, celerius inquiri, cogique curat, ex quibus quàm citò coeuntibus quatuor raptim agmina perditum, & binas equitum turmas constituit, hisque viribus ipse fretus repetere prælium, amissæque belli tormenta recipere parat. Res illa tamen haud præter Molingenii opinionem, & cutam contigerat, priusquam enim certamen iniret, multitudinem hostium, casusque belli fortuitos, & varios ne tuens edixerat, ne victor fortasse miles longiori spatio fugientem premeret hostem, neu confictus ardore, aut nimia elatus victoriæ fiducia constitutos miſceret ordines, neu ita sane vel partæ victoriæ credere vellet, ut fluere quandoque de manibus minimè posset; illuserat. enim his ita sæpè fortuna, qui rem feliciter gesserant, ut victus victori triumphales exuvias abstraxerit. Postea verò cum Molingenius jam concitatam, atque victricem tenere non posset aciem, imò, & ipse suorum militum imperu abreptus, longiùs, quàm vellet cædendo prœcurreret, ejus imperium irritum fuit. Ab infectandis denique hostibus eò, ubi primum signa contulerant, Molingenius ipse regressus cum dissipatarum jam copiarum delete reliquias cuperet, fortè ibi offendit sexcentos ferè milites Lusitanos, quibus tueri sese, aut elabi cum in arcto positus non daretur ad fraudem conversi, tessera furtim accepta, sub alienis signis fallere procurabant. At dolo subinde comperto admodum paucis in fugam effusis, cæteri trucidantur. Hinc Dux Molingenius ad sarcinas militares, quarum præsidio hastatorum agmen confederat, ambitusque plaustrorum ea impedimenta claudendum quamdam castrorum præbebat speciem, cum expeditis cohortibus convolat,



convolat, præmittitque caduceatorem, qui afflictis jam rebus jure belli denunciet hastatis, ut positis armis sese, & quæ secum haberent, ni ultima perpeti maluissent, confestim victoribus traderent. Hoc Duci responsum ex propinquo expectanti Franciscus Velasus Legatus equitum nunciat, constipatis agminibus supervenisse Alburquercium, ac vehementer inordinatos, improvísque deprehensos Castellenses premere milites, victoriæ plerisque fiducia, atque insolentia palantes, iisque illos jam tradere manus, & arma, quorum nuper terga ceciderant. Perturbatus hoc nuncio Dux Castellensis & animo anxius, cruentoque erecto dextera gladio per agmina effusa volitans Pignatellum clamando vocat, Ibarram ac reliquos Duces, cósque citò redire, contrahere copias, atque obviam extemplo procedere hostibus jubet. Ipse prior Molingenius proprio agmine fultus appropinquat, quique jam terga dederant volvere frontem ad hostem, atque in orbem redactos seseque invicem protegentes instaurare certamen cogit. Ad hæc circuire, obsecrare, clamare, suo quoque periculo milites commovere, ne partam, florentemque victoriam summo ludibrio, atque ignominia corrumpi milites sine- rent; turpe multò minus futurum quidem fuisse non arripere palmam, quàm semel arceptam avelli è manibus sibi, tantoque dedecore per ignaviam marcescere pati. Itaque novus, & acer utrinque conflictus accenditur, manibusque eodem quidem impetu animi, sed inæquali conditione confertis, rursus ad Regios inclinare Mars apparebat, cum paulò ante fugatos, ac victos agnoscerent Castellenses, confluentisque gregatim à præda, à persequenda fuga novo subsidio milites, qui numero plures erant, Castellensem undique aciem corroborarent. Caterùm Alburquercius, quod initio solutis quibusdam

suorum militum turmis præceperat, scilicet prælio dum ipse districtum, aversumque teneret hostem erepta tunc illi vasa recipere, asportarentque ubi sarcinas militares, & quæ amissa belli tormenta fuerant in eo tumultu recepta, atque in tuto locata videt, signum receptus militibus dat, agmina claudit, atque equitibus firmat, explicatisque vexillis, ordinibusque penè complexis leviter interserens prælia ad colles paulatim subducit aciem. Ea videns, nstitit tunc cedentibus victor, & quanquam sudore, pulvere, ac sanguine aspersus, & lassus, & fortunæ quoque volubilitate perculsus cum mediam coherentem percurrere aciem minimè posset, ad collium usque radices eos à latere, à tergo infestando vexavit. Tumulos tandem Lusitanus obtinuit, sed in arcum adeò compulsus postea pergendo ab equitibus est, ut passim stratum reliquerit iter, ob cursus celeritatem, ac prope fugam effluentibus sarcinis cæsa in eo prælio hostium supra duo millia, sauci permulti evaserunt, capti quoque ferè quingenti, inter quos genere clari nonnulli fuerunt ex Malscaregna gente, & Comes Fliscus natione Gallus, simul Octavius Piquius Hollandus Castrorum Præfectus, & alii etiam non contemnendæ notæ, minus mille Castellensem intrinere. Redit, atque ita fractus Alburquercius in Lusitaniam; amissa tamen belli tormenta cum recepisset, falso sese Castellensem in acie victorem professus est. Mendacium, quod sua ita interesset libenter Bregantius arripuit, & vario etiam colore, fucoque depinxit, festivas, & publicas scilicet jubens in toto regno micare flammæ, interceptæ plaudî victoriæ, honores palam militibus, & Numini gratias reddi, federatisque Principibus scribens rem gestam magnificè omavit, & pro adepta quasi victoria gratulantium, fraudique obsequentium quasi-

vit officia, ne ea scilicet opinione, ac nominis fama decideret, quæ, & falsa multoties pro Regibus valet, & quæ procul illa facilius, ac sæpè numero mendax est, & artibus alitur. Ulisippo tamen cùm res ibi rebus non convenirent, per dolos, astusque oppressa vel squalore, atque lachrimis veritas emergebat, vix siquidem erat in urbe domus à funere, luctu, & gemitibus vacua.

At exercitus Castellensis cum longo ordine captivorum, & mancipiis signisque adeptis, ad triumphi velut pompam instructis ad Turrecusiū re-  
versus esset, ab eodem satis laudatus, & grater acceptus est, & insuper  
„ monitus. Omnes profectò artes usu,  
„ exercitio, labore tanquam lima eru-  
„ diri, & exacui; at maximè militarem,  
„ in qua excellere nemini quidem li-  
„ ceat, nisi & mortis horrorem, & vi-  
„ vendi dulcedinem, & periculorum  
„ omnium formidabilem faciem glo-  
„ rix illecebra in illo, & famæ cupidi-  
„ tas, & ratio publicæ utilitatis evice-  
„ rit; hunc autem vitæ lucisque inha-  
„ rentem homini affectum, ac penitus  
„ insitum posse ad extremum periculo-  
„ rum, temporūque decursu post  
„ multa, atque varia præliorum expe-  
„ rimenta convelli; ut animi magnitu-  
„ dō, ut doloris impatientia, ut fera  
„ quædam agrestisque natura sæpè ab  
„ hominibus impetrat, ne vita immo-  
„ dicè ametur, id facilius utique in aliis  
„ disciplinam, & consuetudinem pro-  
„ ximè, ac sæpè cum morte ludentibus  
„ assequi. Hæc apud milites Turrecu-  
sui; clam deinde Dionysium Gusma-  
num tormentorum Præfectum acci-  
tum durè, & acerbè corripuit, cur  
enim tam citò extra flumen acta ju-  
menta, aut non citius retracta cū  
haud dubia suorum fortuna esset, quò  
subvecta belli tormenta hostium in  
alteram turò ripam exponerentur?  
nunc verò egregiam de hoste victo-

riam ejus socordia, & errore imminu-  
tam, ac deformatam esse; in eo se ta-  
men ut tempori congruebat, satius,  
& palam tunc connivere duxisse, ne  
amarum, & triste quid immisceret,  
quod in rebus tam lætis communem  
gratulationem turbaret. Rex subinde  
Catholicus certior per litteras de hoc  
prospero prælii exitu factus amplissi-  
mas Turrecusiū retulit gratias, magnif-  
que laudibus extulit, præcepitque ju-  
re belli captivos ad arcem Granaten-  
sem transferri. Hæc autem victoria  
species postquam gloriæ stimulis exci-  
tatum, Ducique magis obnoxium  
præstitit militem admonitus Turrecu-  
sius hostium oppidum Santalexium in  
Castellæ sinibus situm tenui, infirmo-  
que & custodiæ parum intento teneri  
præsidio ad illud subito adoriendum  
Molingenium, atque Gusmanum mi-  
sit cum quatuor peditum millibus,  
equitibus verò octingentis. Et ea qui-  
dem pro voto, ut res Castellensibus  
caderet ipsorum tum virtus, tum  
celeritas fecit. Etenim paulò ante  
quàm illuxisset, cū Santalexium mi-  
les accederet, magna ex parte dilap-  
sos stationibus hostes, dormientes,  
aut oscitantes alios, neglectas propè  
custodias, somnòque & injuria ple-  
ròsque oppidanos jacentes invenit.  
Dum igitur Lusitani seriùs omninò,  
quàm opus esset, conspecto hoste ad  
arma promiscuè discurrent, magnò-  
que pavore, ac tumultu defensionem  
oppidi parant, & alii soporem  
excutere, ægrè & alii arma cape-  
re, ac pergere compelluntur, ob-  
vias jam portas Castellensis effrege-  
rat, & multi quoque oppidi muros  
subierant. Per fores ergo dejectas tur-  
matim Castellæ milites irrumpentes, &  
ad pugnam inde ordines explicantes  
Lusitani præfidiarii Lunarem in ar-  
cum compositi, directisque ingenti fe-  
rocia, parique animo excipiunt. Per-  
tinaciùs utrinque ibi, acriùsque quàm  
pro

pro numero militum videretur certamen exarlit, cum strenue, & intrepide ageret illos fiducia, hos pariter desperatio, quæ vel iræ, vel honestæ mortis incitamento, vel extremi natura conatus colligere vires solet. Hoc ardore animorum, & robore corporum ad pugnam applicitos Lusitanos, neutro inclinante hucusque fortuna, à tergo repente, qui aliundè pervaserant muros, adoriuntur. Hic strages non pugna editur, cum integri fessos, frequentes minores numero, atque ancipiti prælio distractos confoderent. Ea tamen extortæ quasi victoriæ pars nec nimis Castellensibus lata; nec etiam in gloria prostratis hostibus fuit; nam Castellensium fortissimus quisque aut prælio ipse cecidit, aut faucibus inde discessit. Lusitani verò pugnantes averso, adversoque corpore obsessi, impulsique ferè omnes vestigio inhaerentes sternuntur. Inter hæc ad armorum strepitum, turbarumque clamorem, & fugam, qui sopiti, aut cubantes oppidanii jacebant, somno, ac torpore discusso, ad templum, quod ut propè omnia regionis hujusce sunt, arcis forma vallatum, satisque munitum erat, confugiant. Huc Molingenius, Lusitano cæso præsidio, cum omnibus copiis alacriter ducit. Vallum initio propugnatores infederant; inde lanceis, ligneis, ferreisque instrumentis rescindi captum est vallum hostisque detradi. Negotii ibi minus occurrit, nam tempore exesum, ac fragile vallum findi paulatim, ac ruerè minutim primis propè ictibus visum ad interiora templi claustra refugere Lusitanos admonuit. Mutata tunc belli facie, vires armæque hostium eminens conferuntur, ex foraminibus fenestrarum, ex altitudine recti, quaque rima pateret ulla jacula, & pilas demittentibus Lusitanis, infra majoribus sclopiis ex averso incum-

bentibus Regiis. Sic confusum, & vagè dimicatio protracta est, donec belli tormenta, quæ retroverta agminum celeritatem, & cursum æquare nequiverant Castellensibus accessere. Ea igitur opportuna disposita loco cum quatere muros capissent; quique ex fenestris, ac supra tecta pugnabant majoribus globis excepti accervatim conciderent, cumque planè constaret etiam se nisi obsessi maturè dedissent, ferro fame, aut incendio pereundum omnibus fore, consultant, qui intus jacebant, quid extrema calamitate percussis capiendum consilii esset, rebusque omnibus circumspèctis, exploratisque in deditionem tandem ut necessariam conveniunt, idcirco, & pacis vexillum in templi cacumine figunt. Huic communi obsessorum sententiæ, quàm necessitas, ratio, ultimisque virtutis exercitus actus expresserat, unus tantummodò Lusitanus, & hic refractario quidem ingenio, ac stupido similis ausus est refragari, laudabile, egregium vel gratis pro patria esse, nisi fortè insolentia, tumorque superbus victoris, ac servitutis parata ludibria moveant mortem oppetere dictitans. Trucem, horridamque sententiam auctoris perspecta levitas, animique tristitia, teterrimusque genius, & contra censentium calculorum numerus, strepitusque facillè obruit. Verum homo ipse natura recondita, ac tetra, & consilio incubans suo hætenus nullitabat, incessu, fronte vultuque magni alicujus cogitati facinoris manifestus. Vicit tamen expectationem omnium. Ingredientibus enim ex pacto reclusas templi Castellensibus fores, tunc velut furiis instincta mens Lusitani ignem tormentario pulveri injecit, cujus affatim intus copia, & cum alia sicca, & sulphurea, aptaque ignibus esca conservabatur. His itaque statim correpta flamma vi ubi rapida effunditur trabes, lapides, arma, oppidanos simul hostes suo impetu rapit, sursum impellit, ac

volvitur, deorsum subinde reflexa pestis, & fulminum modo contorta duplicat stragem, quosque enata primum erumpens forte flamma non læserat, eadem ignita procella similis longè, latèque jactata, ingentique fragore ruens facularum, saxorumque rotantium, atque candentium mole, atque copia integros etiam afflixit, ac tumulavit. Erantque horribile quidem, & fœdum ubique visu inter igneas illas ruinas, & horrida busta cernere quosdam illusione saxorum contusos, ac fractos, incendio plerosque torridos, alios deformes, semefos, ac mutilos, præter cæcorum, atque spirantium cumulos passim spectaculum cladis augentes. Ita furentis hominis scelerem centum propè Castellenses qui incautè priores ad templi januas accesserant, aut globis incendiis, aut ardentium vi fragmentorum infra, aut superius impacti consumpti sunt. Hostes supra mille iisdem ignibus hausti. Molingenius miraculo penè subtractus exitio est, cum non pauci ejus lateri astantes cæsi, aut ambusti corruerint. Tam funesta quam impia, qui vicerant, clade milites irritati, nullo ætatis sexusque discrimine in flammarum, cædisque reliquias sæviunt, sociosque nefariè, & indignè contra fidem peremptos acerrimè vindicant. Oppidum tandem direptum, incensum, ac fœdè dirutum est. Quibus ita peractis reviviscentem virtutem militum cum Rex Catholicus intelligeret, novique Ducis industriam, aut sortem emendatam per disciplinam influere in animos hominum, qui ex Principis moribus rectè, aut secus instituuntur, Hispani quoque Senatus accedente sententia, ire Elvum ad oppugnandum Turrecusi Marchionem jussit.

Est Elvus in Lusitania propugnaculum regni fortissimum, eaque arte, locique natura constructum, & arcibus communicum, ut nihil sibi metuere ni-

si insidias, fraudesque aut per longam obsidionem famis, sitisque, quæ sunt malorum humanorum extrema, conatus, externo detur ab hoste. Vergente tum etiam autumnus hyems impendebat, quæ solo inæquali, canoso, passim itineribus invio id loci, id temporis importuni temerariam, atque projectam, si tentaretur, obsidionem, ne dum difficilem ostendebat. Has interjectas difficultates postquam Turrecusi referbens clarè satis exposuit Regi, isque nihilo secius Monticij duntaxat imperfecta victoria frerus, integra initio iussa, atque in Senatu consultata tenuit, pro virium, & hominum copia res ad rem necessarè præparabantur. Evenit interea, ut bene quædam, armisque feliciter gesta res, ad aliter arduum illud facinus subeundum, & Regiis adderet animos, & Ducem quoque adhuc hærentem, ac restitutum evinceret. Franciscus Melus Lusitanus magister equitum vir callidus, acer avidusque confictus cum duobus equitum millibus, ac totidè ferè peditibus ab Olivença digressus ad dimidiam copiarum partem circa Valverdè anno præterito excisam, clam inter vepres, saltusque posuit, reliquam longius inde progressus è regione Talaværæ insidiis appposito loco inter latebras statuit, mox quinquaginta circiter equites in propatulo emittit, qui populantium, atque aspemantium facie diffusi obequitando, & propinqua vastando iras, & odia accenderet hostis, eumque tandem paucitatis errore deceptum ad paratas insidias traherent. Insolenter dum igitur illi sub hostium ovili insultantes, & vastitare, & rapinis, & saltatorio quodam orbe lusique currentes, recurrentesque simul terrere, simul spernere hostes, atque ad pugnam lacessere jactant, indignatus Talaværæ Præfectus eosque sese, ut per errorem credebatur, prædatorum, latronumque caterva illusum, atque contemptum esse quingentos circiter equites in Lusitanorum occursum

occursum ducit. Videt hos Lusitanus equisque laxatis statim habenis in fugam effunditur, mox inhibito cursu, sensimque recedens constitutis adhæret insidiis, speciem ibi manendi simulans, ut cum hoste propinquo congregeretur. Instabant, urgebant interea, ut Lusitanum assequerentur concitatis cursibus Regii, nec calcaria, nec lora animorum conatui sufficiebant. Obstitit tamen temerè euntibus viris, equisque vetus, peritiusque militiæ Marinus Bolagni Ducis Legatus, insidias ibi subesse clamitans, quas & temerarius nimis paucorum ad municipium accessus, & præceps ipsorum fuga, & subdola quoque in loco suspecto mora videbantur arguere, ubi nimis incautum, improvidumque sese interdum præferat hostis, ibi plerumque fraude grassari. Milites verò in Lusitanorum adeò arroganter ostentatam audaciam iræ, ultionisque ardore provecti, ideòque monitis surdi, effuso temerè cursu in latentes insidias incidunt; eas nihilominus tunc detexere, cum, & si effugere omnino pugnam non poterant, haud faciliè poterant etiam ab hostibus circui. Quippe ipsi equorum velocitate consili jam inire, jam declinare certamen, modò frontem pulsare, modò lateri incurtere; sparsi, soluti, aliquando contracti hostem sæpè petentes, sæpè ludificantes duas circiter horas versatiles, prælium sustinuerunt. Eorum postremò sociorum accessione, qui ab alio remoto insidiarum confluerant loco latius Melus extendens aciem, simul per ordines equites distributos, longiorique circuitu ductos velitantes complecti, & claudere Regios præcipiens, tum demum illos circumfusa multitudine obruit. Cæsi ad quinquaginta sunt, octo, & quadraginta milites capti, cæteri fuga sibi consuluere; Nuncium priusquam hic consiliatus inciperet Marinus miserat Turrecusio, qui viarum, ut monitus erat,

insidias, cæcum militum impetum, cruenti sædique successus omen prædiceret Turrecusio, quàm celerrima idcirco ferenda subsidia peteret. Quod cum Dux accepisset, majus statim belli tormentum expeditionis videlicet signum displodi iubet, equo ipse raptim ascenso, arreptaque manu lancea obire stationes hospitium, acuerè promptos, segnes excire milites, denique Mologenum cum majori equitibus parte dimittit, & legionem unam Valverdem versus progredi iubet, ut ubi res postularet, cum equitibus se conjungeret, viginti etiam exploratores equites diversos excurrere iubet, qui hostis consilium, & iter noscerent, nunciarentque. His rebus, ut ratio cogebat maturè provisus, Mologenus jam de hostis itinere, ac loco certus eò festinus, & alacer ducit, illique cum equestribus copiis ad Anz ripam occurrit, ubi tunc propugnaculi specie in hunc modum moletrinam occupaverat. Infederant ejus apicem sclopetarii, alii pedites interjecti, abscissa, atque edita ejusdem situs naturalia munimenta tenebant, in vasta planitie equites collocatos pugnae apparatus instruxerat, ad amnis, vadique ulterioris custodiam, liber ut inde sibi transitus esset, atque hostibus interclusus, ultima stabat acies. Hæc Mologenus cum advenisset, intuitus in agmina decem suorum equitum turmas distribuit, sex in fronte locat, cætera pro subsidiis. Dextrum Dux Gomezius Rocca tuebatur, Alfonso Cabrera sinistrum, ipse mediam tenebat aciem. Porro equestre ita prælium commissum est, nondum enim, quæ expectabatur, Castellensis accesserat legio, & Lusitanus tutiorem se pedes in sublimi, abruptoque moletrinx ratus, maluit ibi discriminis expers, quàm in plano cum equite in laboris, periculi que societate versari, nisi verius ita se postea dividendo, facilius copias

fias affligerit. Propitium Regiis eque-  
stre certamen fuit, quanquam Francis-  
cus Melus ubique sollicitus, impiger  
mortisque planè contemptor ubi res  
sociis magis adversa caleret, suis equi-  
tibus intermixtus, dum alios hortatur,  
& orat, nonnullos etiam aversos ira  
commotus obtruncat modò cum suis  
cogeretur, modò cum hostibus con-  
ferere manus. Ita equitibus profliga-  
tis, supererant pedites, qui moletri-  
næ saxa, jugumque tenebant, quique  
ad amnis, transitusque custodiam ul-  
tra ripam confederant. Ad hos expu-  
gnandos plerique Ducum opus esse  
censebant subsidia peditum expectari,  
quos firma, & integra legione jam ex  
propinquo adventare delarum erat,  
inaccessus enim, & asper equitibus lo-  
cus, ac defensoribus opportunus, ina-  
nem, aut nimis fortasse cruentum Ca-  
stellensibus fore conflictum significa-  
bat, nec illa sanè pro legione inter-  
posita mora aliis crepidini hærentibus  
hostibus, aliis flumine incisus, reli-  
quis fugatis jam, sive caesis, posse rei  
summæ tunc videbatur officere. Cæ-  
terùm Molingenius cunctationis im-  
patiens, & æquiora omnia fore victo-  
ribus putans, trajicere flumen milites  
jubet, & vadi, marginisque custodem  
Lusitanum invadere; tum & aliquas  
equitum turmas procul inde circun-  
flecentes incisos excipere Lusitanos,  
aut duplici pugna distractos, atque  
constrictos facilius atterere. Haud pa-  
rum profectò laboris pro vestigando  
vado consumptum à Castellensibus est,  
cùm primò plures id frustra tentassent  
altis gurgitibus territi, & alios auda-  
ciores iidem vortices obruissent. Dum  
ita simul cum hoste, simul cum flu-  
tibus colluctantur, multosque trans-  
versos fluminis impetus agit, tortuo-  
sis & alii per aquam flexibus revolvun-  
tur, prior è vado tandem reperto ag-  
minis equitum Ductor emerfit Jacobus  
Mazacanus genere Italus, qui licet in

loco pro gradu instabili, atque undia  
influentibus lubrico periculosus pro-  
pè marginem urgeretur, strenuè ta-  
men pugnando oppugnatam ripam  
obtinuit. Hoc viso confestim Lusita-  
ni pedites conglobantur, acriusque vi-  
ribus incumbentes juxta ripam redin-  
tegrant pugnam; Mazacanus contra  
perpaucis protectus equitibus, & ho-  
stibus circumfusus pedes diutius jam  
equo suffosso certando stetit, donec  
brachium dextrum gravi, & acerbo  
vulnere afflictum destituit pugnantem,  
& nihilominus exigua militum manu  
hinc inter undas, & armis supra va-  
dum objectos, hinc marginem hostes  
fortiter obsidentes severitate vultus,  
atque horrore quodam verborum cum  
dextra inutilis esset tantisper sustinuit  
quoad reliquæ copię supervenirent,  
captæque jam ripæ possessio Castellens-  
ibus cederet. Porro tunc Lusitani pas-  
sim per equites circumventi alii ferro,  
alii gurgitibus hauriuntur, plures pe-  
dum pernicitas juvit, multis quoque  
inter tumultum, & fugam equorum  
impetu obrutis, aut trajiciendi inter  
fluminis moram oppressis. Sic igitur  
amnis hostisque impedimento sublato,  
constratæque cadibus via, quod de-  
nique unum ad plenæ victoriæ lau-  
ream restabar, ad Moletrinam Molin-  
genius cum equitibus convolat. Nihil  
tum quidem opis, speique humanæ  
reliquum erat hostibus, primò equite,  
mox pedite pulso, caesoque & pedestre  
simul iter, amnemque cum armis, &  
copiis Molingenio prorsus intercluden-  
te. Misit itaque Molingenius, qui ne-  
cessariam, & citam illis deditionem  
denunciaret, nisi omnes cruciatus, &  
contumelias infligi pertinacibus soli-  
tas perpeti vellent. Illi primò feroces de-  
ditionem abnuere loci altitudine, atque  
insolentia freti, qui impervius, ac durus  
solis equitibus videbatur; sed ubi ira-  
tus Dux Castellensis, quingentos in  
pedes desilire equites jubet, iidemque  
sclopis,

ſcelopis, & majoribus haſtis quæ abſtulerant victis armati acriùs ſurtum eniti, & circuire jugum, & fragoſa, ac prærupta certatim ſubire cæperunt, Luſitanis partim humi ſubinde ſtratis, partim in præceps verſis, aut igneas per fiſtulas hauſtis, qui in verticis ſummo reſtiterant, extrêmo periculo, incuſſoque pavore tandem exanimati. Ducem à Molingenio, quocum dedendi ſe pacta tranſigerent, petunt. Hunc illicò impetrant, cauſa tractatur, convenitque poſtremò res, ut vita tantum incolumes Luſitani, cætera omnia hoſtis arbitrio relinquerent. Hoſtium itaque commearus, & arma, & quæ ornatiores erant corporum indumenta Caſtellenſis adeptus obſcura capita libera mittit, Duces, & homines nobiles ſecum captivos deducit. Latior hæc quidem victoribus res, quod præter expectationem acciderat, acrioribus quoque ſtimulis pupugit Ducis, & militum animos, ad jam decretam, ac præparatam Elvi obſidionem ſuſcipiendam; acceſſerant etiam quæ in hanc expeditionem urgebant, arctiora, atque nova Catholici Regis mandata. Igitur Turrecuſius tredecim fere peditum millia, ter mille, & quingentos equites cum omni obſidionali apparatu ad urbem Elvum inſeſtus movit.

Jacet urbs edito, eoque molliter aſſurgenti conſtructa clivo, mons ſæxus & arduus eſt, nec cuniculorum foſſuræ patiens, nec in altum trahendi onera tormentorum. Dux, ſicut diximus, tantum huic urbi oppugnandæ patebant viæ, famis videlicet, atque ſitis; utramque itaque viam impigre Turrecuſius pro re propoſita ingreſſus tum ambitum aggeris latiore nutrimenta ad arcenda deſignat, tum aqueductum præcidi jubet ex quo in urbem aquæ inſuebant, & quarum penuria ſuffoſſis intus ciſternis cives utuntur. Cæterùm Turrecuſium obequitantem, aggeriſque latitudinem attentiffimè præſcri-

bentem terruit initio ſerale omen, quipè quem generoſæ ſupra quem inſidebat indolis equus exanguis repente corruens Ducem jacentem non ſine periculo effudit, nec poſtò illum ſtantem, ſed cadendo pronum excuſſum, cujuſcumque momenti illa ſit, vatis, obſervatio diſtinxerat. Inceſſit idcirco ſtatim cum rumore ſuſpicio volvi fortaiſſè fortunam Ducis, ſuſceptumque temerè opus per Ducis lapſum, unde cætera pendent, funeſtum, vel ſaltem irritum fore portendi. Superſtitioſæ tamen rei Turrecuſius, aut arte ſua ancipiti minùs, ut revera decebat, obnoxius, ſluentium in urbem aquarum venis abruptis, atque aggere jacto, quæ in rem opus eſſent, ſtudioſè omnia, ac ſollicitè providebat. Tempus interim decurrebat, autumnoque ſerè dilapſo, cùm hyems horrida verteret, crebri effluentes de cœlo imbres recenter compactam munitionis materiem ſolvunt, inchoatùmque aggerem lacerant, neque novum etiam coherere terræ fluxæ, atque inſtabili patiuntur. A crepidinibus quoque fuſius collatæ aquæ, perque montium prona currentes; dum in vallum, ac ſubjecta paſſim ſtativa militum irruunt, torrentis in ſpeciem inferiùs omnia diſjiciunt, ac rapiunt, & hinc ſtagnantes, hinc relabentes aquæ cum munimentis commearibus, ſarcinis jumenta, & homines propè mergunt; eoſque propterea mutatis ea tempeſtate rebus, ut in ſe ipsis Regiis implicitis, & ſimul ſqualoris, metùſque plenis, nec habentibus quidquam ubi in ſicco languentia ſternerent membra pro terum omnium naufragio, vel effugium ab ira cœli quærendum eſſet, quo quidem tempore Luſitanus ſedendo, ruinâſque ſpectando hoſtilis ſeſe diſſolventis exercitus per otium poterat bellum conficere; nam præter hucuſque jactatos calamitatibus hoſtes, & arctiora quoque ex hyeme ingruente timentes, uberior

his temporibus etiam aquarum è cœlo demissa copia postquam urbis ci-  
sternas explevit, & sitis obsessis for-  
midinem sustulit, ita & spem etiam  
melio-rem abjecit, hac via, quæ cele-  
rior profectio esset premendæ Castel-  
lensibus urbis. Humiditate prætereà,  
sitique inhospito soli, & aëris quo-  
que intemperie nunc æstus, nunc fri-  
gora variantis, corruptis cibariis, &  
corporibus pessimè affectis, latius va-  
gari, intendique in gregarios, in prin-  
cipes milites experat morbus conta-  
gio similis æstus. Quibus quotidie  
ingravescentibus malis, illisque aver-  
tendis cum nec tempus omnino, nec  
locus esset, brevi enervatus, ac fractus  
exercitus est. Postquam ergo intelli-  
git Turrecius locum, tempus, for-  
tunam, cœlum ipsum incæptis obsta-  
re, eoque miseris ultimique discrimi-  
nis ad quæ eadem illum ab initio  
timentem vis altioris imperii compu-  
lerat, ventum esse, ut inde citò ab-  
eundum, aut pereundum inter palu-  
des, & stagna esse, vigesima ab ea  
infelici expugnatione luce fama tan-  
dem; ac viribus diminutus Badaco-  
cium cum reliquo exercitu rediit. Ad-  
ulta post hyeme, quæ vacationem mi-  
litæ dabat, quod ejus jampridem in-  
fixum animo hæserat, votum Tur-  
recius exposuit Regi, Hispanorum  
nempe magnatum quos ibi Grandes  
appellant, numero adscribi, amplis-  
simorum enim honorum usu, & re-  
rum gestarum gloria, & claritudine  
generis, & ipsa promissione Catho-  
lici Regis id optimo jure repetere vide-  
batur. Rex moris sui quanquam ef-  
set, ad hoc culmen exollere, quos  
idem sua sponte vellet, inconsulto  
Status Senatu, ut scilicet uni tantum-  
modo Regi maximam quisque gra-  
tiam referret acceptam, nunc tamen,  
quia ingratam Turrecius petitionem  
mente perplexus admiserat, factique  
invidiam, questusque quos indulta,

aut negata merces comparavisset in  
Consiliarios devolvere, in animo ha-  
bebat, ea de re præter morem Senatum  
consultuit. Qui per Regem interrogatus  
hæc, & similia respondit.

Res humanas ex infrequentia, &  
& raritate æstimationis, ac pulchri-  
tudinis petere pretium; rerum co-  
piam, & multitudinem sibi ipsi som-  
per adversam, & contemptibilem  
fieri. Hinc eximiarum, hinc egre-  
giarum, & singularium rerum ma-  
gna nomina, ac nobiles titulos du-  
ctos esse, tanquam à turba, ac mul-  
titudinis numero segregatos. Gran-  
dis aurem Hispaniæ stemma in hac  
provincia clarissimum, & præmio-  
rum ante maximum celebratum pau-  
cis quidem abhinc annis, quod so-  
lito plures vel fraude, vel merito,  
vel jactatione obsoletarum, & in  
obscuris jacentium imaginum eò di-  
gnitatis obrepserint, gloriæ non pa-  
rum, pristinique amisisse splendoris.  
Inde quoque sensim Imperium  
ab eo amplitudinis gradu, quo or-  
natiora prius terrarum Orbi osten-  
rare sublimia regni capita consue-  
verat, decessisse; Regemque præ-  
tereà ob primas honorum in regno  
vulgatas rum auctoritate, tum suis  
rationibus minui, nobilitatis quip-  
pe ornamentis abjectis, atque pro-  
fusis, facultatem sibi prorsus absin-  
di, si in aliquo fortè occurrerit exi-  
mium aliquod meritum compensan-  
di. Huic planè rei esse ante oculos  
documento tam multa Marchio-  
num, Principum, Ducum passim  
Neapoli jacta, & promiscuè diffu-  
sa nomina, adeò obscura nunc ipsa,  
& gregaria, ut in immensum pro-  
pemodum gliscerent, si pari nume-  
ro emptores accederent. At qui si  
nobilem modò civem qui bene me-  
ritus esset, pulcherimo Rex ibi ve-  
lit afficere præmio, cum procures  
utbis ea quæ jam numero sordent,



„ ac vilia sunt munera dedignentur, pe-  
 „ cuniaria quidem mercede cogi arariū  
 „ exinanire. Inde & maiora quoque,  
 „ cum pecunia Rex egeat, emergere ve-  
 „ stigalia, notas profectō regnorū cla-  
 „ des, popularium faces tumultuum, re-  
 „ giuinis pestes, & quod pessimum est  
 „ in republica malum, decus, quod vir-  
 „ tute paratur, pecunia sæpē tepensum  
 „ quodanumodō pollui. Purpuratorum  
 „ duntaxat Romæ Senatui aliquo pacto  
 „ videri multitudinem non officere, vel  
 „ quia Principum numerus circumscrip-  
 „ tus etiam cum misterio conveniat, vel  
 „ quia singuli eorum fulgore, gradūque  
 „ purpuræ immineant tiaræ spei maxi-  
 „ mæ habendæ. Iri tamen inficias mini-  
 „ mē posse, si quos ex sacro eo Collegio  
 „ subduxeris, plus quidē existimationis,  
 „ & gratiæ Augustis Patribus accessutū,  
 „ ut ex arctiori, certoque numero antea  
 „ magnificē Gallia primates, patricios  
 „ suos, quos Pares nuncupat, efferebat.  
 „ Hoc utique oriri ex mortaliū opi-  
 „ nione, cuius ex rationis mensura con-  
 „ ringat, huiusmodi honores, ambitio-  
 „ nis colores, & fucos, ac titulorum fig-  
 „ menta in sua existimatione, atque ho-  
 „ minū luce jam explicari, jam cōtrahi,  
 „ relique hujus sedere Magistrum in tet-  
 „ ris, & Iudicem populū, qui seu recto,  
 „ seu pravo iudicio statuit in huiusmo-  
 „ di rebus paucitatem, & raritudinē co-  
 „ lere abundantiam despicere. Regis au-  
 „ tem quem conformare, ac flectere se  
 „ ad populi genium maximē iuvat, ideo  
 „ plurimū interesse, ut severiūs, ac par-  
 „ ciūs illa munera tribuat, quorum am-  
 „ plitudo dignitatisque species in sola  
 „ opinione, aut etrore versatur, quæ usu  
 „ crebrō vilentia splendores, & præmia  
 „ virtutis obumbrant, quæ superiorum,  
 „ inferiorūq; discrimina statuūt, quæ  
 „ cumulatius effusa copia, se ipsa, & re-  
 „ giam postremō beneficentiam exhau-  
 „ riunt. Cū Rex præterea Turrecusi  
 „ postulatis indulgeat, cui dubium esse,  
 „ innumeras propē Hispaniæ familias,

„ easque opibus merito, fama lōgē præ-  
 „ stantiores, id ipsū quod externo tam-  
 „ citō remissum esset, postulātes consur-  
 „ tecturas? ii si repulsi, inanēsq; disces-  
 „ serint, uni tantum collarā gratiam in-  
 „ vidix petmultis, & querelarum irrita-  
 „ mento futuram, sin voti cōpotes fue-  
 „ rint, ea quasi turba adventitia, & cu-  
 „ mulo honorum magnos inclytos op-  
 „ pressuros, & ipsos quoque gratiam si-  
 „ bimet populariter imminutā, ac penē  
 „ frivolum accepturos fuisse. Cæterū  
 „ hæc in communi pro supremæ digni-  
 „ tatis splendore cultūque tuendo com-  
 „ memorata. Esse insuper aliquid prop-  
 „ riū, quod in Turrecusi persona tei-  
 „ publicæ utilitatem, & arcana præcipuē  
 „ tegiminis spectet, externū esse scilicet  
 „ illum, & maximē Italum, eaque ortum  
 „ in regione, quæ armorū olim terrore  
 „ suppressa, ac sera catena restricta, ea,  
 „ quæ ipsa dederat quondam Hispanis,  
 „ nunc iura ab illis accipiat. Convenire  
 „ propterea bello victos, externisque  
 „ per arma parere coactos, præsertim, si  
 „ erectioris illi virtutis, & animi, ut Itali,  
 „ sint, & gloriam imperii cum servitute  
 „ mutassent, non studio, nec illectora  
 „ beneficii, sed vinculo metus, visque  
 „ illis applicitæ clavis, tum etiam indu-  
 „ stria, omniumque artium propē acu-  
 „ mine emuncto coerceri, affectūque  
 „ colete fidem subigi; ubi cum opibus  
 „ quemquam, clarisque titulis nimis or-  
 „ naveris, in elato eodem homine Du-  
 „ cem, & velut populo caput indigitari,  
 „ cui sit omnino se commissura acriūs  
 „ interdū alieno iugo reluctans, & mo-  
 „ tibus cōcita multitudo. Vetam idcir-  
 „ cō rationē videri alienigenis, subactis-  
 „ que nationibus dominandi non armis  
 „ eas exercete, nec bellica disciplina, sed  
 „ otii dulcedine, & voluptatis, insidio-  
 „ sūq; pacis amore pellicere, iras, discor-  
 „ dias, lites clariore inter familias fere-  
 „ re, scindere muris inter se odiis nobi-  
 „ litatē, & plebē, in eodem tegno, si fieri  
 „ posset, civitatē cum, civitate, cū nobili  
 „ nobilem,

„nobilem, & plebē cum plebe cōmit-  
 „tere; ex concordia enim domestica  
 „otium inquietum, & pro viribus con-  
 „tumaciam in Principem alienigenam;  
 „ex discordia autem diffidentiam, ne  
 „coēant, æquales utrinque metus, ut  
 „trahere singuli in partes Principē stu-  
 „deāt, fractas invicem opes, ne in Prin-  
 „cipem vertāt, oriri. At verò hoc super  
 „omnia expedire, sedulò æquare scili-  
 „cet, & quantum per rationes Imperii  
 „liccat submittere procures, eorū clien-  
 „telas, divitias, immodicas opes, popu-  
 „li amores, & plausus paulatim, & cau-  
 „tè tanquam aliud agendo subduce-  
 „re. Gratia in hunc modum, & poten-  
 „tiaz nervis incisus, factione convulsa, &  
 „superbia quoque fomentis oblatis, de-  
 „futuras profectòurbationibus causas,  
 „& moliminibus Duces, quæ in alieni-  
 „geno dominatu, nec unquam eodem  
 „sincera benevolentia retento jugiter  
 „serpunt, & ad tempus, & locum erep-  
 „tura coquuntur. Nihil planè tunc  
 „opus esse aliquid simile suspicari de  
 „Turrecusi spectata jam fide, ac vir-  
 „tute; at salutaria, diuturnoque  
 „prædicta præcepta Politica usu, quæ  
 „generatim in medio, excepto nemi-  
 „ne consulunt, rescindere modò velle,  
 „hoc odiosū maximè Hispanis, & pla-  
 „gam in causa externorum inflictā ra-  
 „tioni regiminis fore, præsertim cum  
 „hominum mores, modò tempus, mo-  
 „dò fortuna, fortuitus interdum animi,  
 „aut corporis morbus, quod etiam in  
 „Turrecusi, ut in quolibet homine  
 „accidere posset, invertat, constantes  
 „verò, ac providæ leges rerum, ac tem-  
 „porum omnium discrimina comple-  
 „ctantur. Porro autem non adeò rara,  
 „atque egregia Turrecusi in bello fa-  
 „cta exitisse, quæ mercedem illi impa-  
 „rem mererentur plerisque gravē, eun-  
 „ctis periculosam. Esse eundem bella-  
 „torem omninò ferocem, & impigrū;  
 „at non æquè Ducem prudentem, &  
 „cautū, nec imperatoris æquè artibus,

ac militariibus cultū, cujus temerarios  
 inter arma conatus, & impetus sæpè  
 fortuna correxerit. In Lusitano verò  
 ab eodē hucusque peracta bello nihil  
 ostendere amplū, nihil profectò exu-  
 peratū munere dignum. Ambiguā ni-  
 mirū Monticii victoriam, & tormen-  
 torū amissione fœdatā. Elvi obsidio-  
 nem illulam, & exitu vacuam; Levia,  
 & inania cætera prælia, incursumque  
 censerit, quæ nec Castellensium auxerint  
 opes, nec hostium effregerint. Pro his  
 aliisque dimicando prosperè gestis, sa-  
 tis adhuc homini pretii, satis honoris  
 solutum esse, si quid fortè novi meriti  
 accesserit, parem, ac simplicem, non  
 ancipitè, atque gravem superadden-  
 dam mercedem esse. Hispanorū pos-  
 tremò, magnatum auctoritatem, lau-  
 tiusq; huius Ordinis ornamentū vul-  
 gare, promiscuum facere, & per exter-  
 norum colluvionem ejus prorsus di-  
 gnitatis culmen atterere, neque Regi,  
 neque ipsi etiā Turrecusi cōducere.

Hoc scriptum Senatus consultum ad  
 Regem delatū est. Rex verò quominus  
 Ducem eximium in rerum magnarum  
 cursu, & honore cum majori expecta-  
 tione florentem offenderet, ita Senatus  
 emendavit sententiā, scilicet non illi per-  
 petuam Hispanorum dignitatē magna-  
 tum, & jure sobolis propagandam attri-  
 buens, sed ipsius Turrecusi persona,  
 ejusque primò tantum suscepæ prolis li-  
 mite definitam. Quod agrè, nimisque  
 molestè sustulit Turrecusi nequaquā  
 eo munere sibi pro merito satisfactum,  
 imò verò contemptum se putans amu-  
 lorūque maleficio, ac livore dejectū;  
 missionem ergo militiæ à Rege subito  
 petiit, impetravitque. Inde Neapolim  
 rediens in ipso fortunæ prospero cursu,  
 benèque plaudentis honoris, & famæ  
 strepitu raptus est, postquam Cossam in  
 Etruria obsidione Gallorum exemerat,  
 illòque extremo, insignique virtutis  
 opere elicito sui quoque funeris glo-  
 riam auxit.



# D E BELLO LUSITANO LIBRI QUINTI

S U M M A.

**I**URRECUSIUM, ad armorum imperium in Lusitania sequitur Marchio Leganesius. Prævalidum propugnaculum, ponemque inter. Elvum & Olivençam, expugnat & excindit. Lusitanorum duo peditum millia, ac totidem ferme equites, partim cedit, partim fugat. Monroium luvumiam mittit, sed prædâ inescatus miles frangitur ab oppidanis, & præceptis abscedit. Leganesius ad prædas agrorum, exustiones villarum, & vicorum excidia convertitur. Villavitosam capit ac diripit. Alburquerqueium in fugam vertit. Oriâ Romæ contentio inter Oratorem Hispanum Zirola Comitem, & Zedofreite Priorem, Lusitana causam Ecclesiæ agentem, universam propemodum Curiam permiscet. Invadunt Hispani milites Priorem, & famulis unum confodiunt, alium lethaliter vulnerant. Inn centius, urbanum Prætozem jubet via juris de crimine inquirere. Ex sententia Purpuratorum, manet Orator congressu Pontificis interdictus donec Sicarios traderet. In Aula Catholica Apostolicus Nuncius petit ut advocetur Comes Zirolensis, quem Rex Legati munere exutum Roma discedere jubet. Mediolani, auro corrupta Germanorum custodia, Odoardum Bregantii fratrem ab arce dimittere promittunt. Crimini datur Odoardo, quod fratri, Regis nomen imposuisset. Iudices delegantur à Rege Catholico qui in ea causa ex Majestatis lege procedant. Merori succumbenti Odoardus lethali morbo corripitur, & judicum sententiam antevertit. Molmgenius, ob præclarè gesta, Marchionis titulo insignitus, militia præfecturam administrat. Telena propugnaculum à Leganesio extructum, per turpem deditionem Alburquerqueio traditur. Molmgenius hanc infamiam dilaturus, Lusitanum ad Ana transitum cedit, propugnaculumque restituit. Remissi, aut intermissi potius in Lusitania belli, multiplex causa. Carolus Padillia in Regem conjurat. Per insidias & dolos captat Ari benivolentiam. Lucetiam mittitur ut pacis inter Gallos & Hispanos negotium urgeat. Rodericus Sylva Dux Ixarensis, acres cum Aro gerit simultates. Per venenum, Bregantium de medio tollendum, Regi proponit Dux. Facinus aversatur Rex. Padillia, suum de conjuratione consilium aperit Ixarensi. Hic fidem Carolo obstringit, sequæ conjurationis principem fore proficitur. In partes adsciscitur Petrus Sylva Vegensis. Series conjurationis. Ioannes Padillia Caroli frater, Vrcellenfis civitatis Præfektus renunciatur. Carolus fratrem in scelere societatem adducturus, scribit ei literas, quæ ad Arum Mantuam Carpetanam remittuntur. Compinguntur in vincula Conjurati. In eos ut reos Majestatis capitale supplicium sancitur. Animo interitibus jugulatur

*jugulatur Carolus. Regis Catholici pietas. Ixara Ducis causa à Iudicibus versatur. Decernitur, ut veritas, per cruciatus exquiratur. Dux ad tormenta sustinenda mirè compositus pergit. Prætoris & tortorum sævitia, & Ducis constantia. Lex, vetusque Castelle usus, ut reis inconfessis pro vita indemnitas præstetur. Ixarensis perpetuò carceri mancipatur, & in arce Legionis oclusus, multo ibi post tempore senio, ac valetudine resolutus, interit. Ioannes Padilla, dum Mediolano, Mantuam Carpetanam adducitur, voluntaria per iter inedia, iudicium prævertit.*



## BELLI LUSITANI

### LIBER QUINTUS.



ARCHIONEM Turrecium ad armorum imperium in Lusitania Marchio Legasius secutus est, miles idem, ac Dux egregius, multisque fortibus factis illustre militaris gloriæ nomen adeptus. Huic miles à Molingenio traditur optima Turrecusi exercitus disciplina, & curæ tum, onerisque ab initio non parum ex restituta militum disciplina Leganesio detractum est, cum reliquos Duces, ut suprà commemoravimus, non minùs vitiorum, & morum in exercitu illuvies, quæ ut contagies milites ceperat, quàm vis hostilis sollicitos habuisset. Principium autem militaris facinoris in novo, & recentis animi, veterisque meriti Duce huiusmodi fuit. Præclarus juxta Olivençam vetusque pons erat, ambitiosæ Romanorum magnificentiæ, superbæ memoriæ vestigium insigne. Stabat haud inde procul prævalidum prognaculum, cum Lusitano simul præsidio hujus custodiæ pontis impositum, quæ duo jam quasi meatus, ac nexus erant, quibus Elvus, & Olivença missis utrinque subsidiis, atque in mutua tutela, cum res ita posceret, juvarentur. Propugnaculum hoc expugnare, pontemque simul excindere Leganesius in primis intentus cum quinque peditum millibus, equitibus verò bis mille Badacocio digreditur, & primò integram fere noctem collis, qui pro-

pugnaculo oppositus erat cum militibus superando, subvehendisque belli tormentis insumit, post ubi illuxit, tormentarius mira super jugo dispositus arte suggestus majores repente cepit cum fragore, & ruinis emittere pilas. Locus ille sublimis erat, & pilarum jactibus opportunus, infra contrà patentes corporibus defensores, & volitantibus undique globis ad miseriam eadem expositi, cumque ex eo militum simul altamque lapidum stragem displosa tormenta congeminarent per laceras tandem murorum compages, hominùm quæ sædè cadentium acervos aperuere Castellensibus viam, qua propius impetum facerent. Sic propugnaculo circumfusi, dum pugna clamore, minis, multisque adhaerentibus scalis ad oculos etiam ludibrium objectis Lusitanos exterrēt, præmuntque tanta illi demum confusione, ac tumultu maloque improvise attonitis, metuque torpentibus similes, sexcenti fere erant milites stationarii circa solis occasum, cum non adhuc matura res esset, turpem dediticem fecerunt; traditis tamen armis ob Ducis benignitatem omnes incolumes dimittuntur. Postridiè nocturno jam otio præ diurno labore militibus dato caduceator à Leganesio his, qui pontem insederant ubi & aliud insitus custodiam propugnaculum aderat, missus, qui diceret Lusitanis, experta jam Ducis in dedititios clementia ne in eodem ipsi discrimine constituti ad proprium exitum abuterentur, Lusitani ex adverso cum hæc audissent, æquiores quanquam in speciem illis oblatas

oblatus respuere conditiones, nimirum feroces confidere sibi, minas etiam, & probra jacere, tanquam paulò ante, fœdèque prætita à sociis deditionis re aliqua insigniter gesta infamiam delere quærentes. Afflaverat illis eo tempore spes, animòsque cibariorum, atque militum copia munimentique robur, ac vis, vêtura quoque maturè sibi obnixi paulisper hostibus essent, ex propinquo sibi subsidia, vel si citius res inclinasset, ad deditionem per vim sine dedecore cogi, quàm turpiter illam ex tempore amplecti malebant. Porro hinc, & inde à Leganesio cohortibus distributis, ac bellatore scelopis, undique hastis, bellique tormentis per vada, per latera, eminens, cominusque; tum ponti, tum munimento simul tuendo præsidarios milites occupatos urgebat, dum fessos novi, ac recètes Castellenses excipiunt, hostesque numero longè minores, languentes, lassique à Castellensibus nimis adstricti sine requie, sine subsidio unà cum animo vires remittunt, assiduo tandem iidem impetu pressi, fractique cuncta Marchionis arbitrio produnt; quos etiam ut sociis nuper acciderat, relictis tantummodò armis, abire sospites iussit. Duo itaque raptim propugnacula capta dirui, soloque statim æquari præcipit Leganesius, pontemque dirumpi. Et ea munimenta quidem quia nova, recentique fabrefacta materia erant, parvo negotio disiecta sunt, pons verò quia veteri, ac solida erat structura duratus, & firmior, ac ferreis idcirco ictibus inconcussus, postquam inani, asperoque labore dies septem implicitos milites tenuit, ductis postremò cuniculis scissus est. Inter hæc Leganesio nunciant exploratores tabellarium à Bregantio Ulisippone missum contendere Elvum, & posse facile, quas ferebat, intercipi litteras, quod laxiori rectus ipse custodia lubricum iter pergeret. Dux in ejus occursum continuò equitum alam mittit, qui Lusitanis per iter partim fugatis, partimque caesis, cap-

tivis paucis abstractis, tabellarium, & litteras capiunt. Redduntur hæc litteræ Leganesio, intellectoque per eas, duo peditum millia, ac totidem fermè equites, sera jam victis subsidia militibus, quæ tunc Ebora moverant, adventare, dimidiam peditum partem, & universum pene equitatum ire hostibus obviam jubet. Quadrato itaque agmine, incitatoque cursu Castellensis evecta acies apud Villavitiolam Lusitanam assequitur. Adversis hinc frontibus, atque iniqua statim conferitur pugna. Lusitanus enim tam ipso hostili perculsus impetu, quàm rei improvise terrore jactatus, nec modò satis per tempus ad pugnam instructus, ubi hæsitaret etiam, infestæ ne omnes adessent copię, cum pars expotrecti, qui intererat collis prospectum adimeret, & idcirco congressus, an fuga periculi minus afferret ut in re dubia, & ad salutem potius naturæ vi propendente cum vinceret metus effuso post inodum cursu dilabitur eques, solos pedites destitutos, & mucronibus proditos, & jam in irritatorum equorum ungulas, jam in adversas cuspides irruentes, mox hostium multitudine circumventos exiguo numero fuga subduxit, reliquos ferè omnes ferrum hostile hausit; inter quos Legatus equitum Lusitanus fortiter pugnans, & alius agminum Ductor confoditur; hostes ad mille, & septingentos caesi, capti propè triginta sunt; signa militaria quatuor adempta; cruore modico ea res Castellensibus cessit. Post hæc Leganesius, cum ex successu mirè animosum, & alacrem aspiceret Castellensem, ut eo opportunè uteretur ardore militum, iussit, Monroium Tribunum militum unà cum legione sub noctis caligine Iurumeniam, tunc munimento fere nudatum oppidum ingredi, ubi quiesce, ac silentio subsisteret, donec totius exercitus robur cum ipso Duce superveniret, posce, ita fretus, aut furto interciperet arcem,

aut ingentem abstrahere ex opulento congestam oppido prædam. Mouroïus ex Ducis præscripto tenebris reclusus in oppidum intrat; at nimium rapinæ prædæque avidus, inquietusque ejus in primis miles offendit. Ea quippe inescarus, captusque immodicè miles, errabundus, cursuque solutus, & vagus prorinùs cæpit incautus & ipse per municipii semitas agi; simul impedimentis, & rerum, quas abstulerat hostibus, sarcinis componendis, involvendisque districtus, occupatusque dedit municipibus locum ad arcem propinquam confugiendi, illucque asportandi fortunas suas, prædarum, quæ erant collectarum ab hoste residua. Hinc quoque majora statim excussa tormenta latrociniù cupidine improvidum, fascibusque rerum trahendis implicitum Castellensem eousque fregerunt, ac perturbarunt, ut Monroïus signo receptui confestum dato, inde præceps abscesserit, cæde, & cruore satis soluta, quam oppidanis sustulerat, præda. Pulsus vix oppido miles excesserat, cum sicut antea convenerat, accessere cæteræ copiæ, quas Leganesius ipse ducebat. Is ubi ditiorem, quàm ornatorem militem videt ob infortunium frustratæ rei, objur-gatione adeò acerba avariciam militum castigavit, ut graviori propè tristitiæ illis turbulenta Ducis oratio fuerit, quàm voluptati congesta præda. Assumptis deinde, quas ipse reprehenderat, copiis, ac reliquis copulatis, ad circumjacentium prædas agrorum, exustiones villarum, & vicorum propinquorum excidia conversus est, ita ratus vel contumelia, ac detrimento irritatum elicere tandem ad pugnam hostem, vel in angusto, vixque sibi ad necessaria alimenta sufficienti regno, eoque ut aliunde vestentur cursu maritimo difficilia, labe-facturum relinquere hostem. Omnia igitur obvia circum infestis obtinentibus armis, & Villaviciosa vetus Bregantii sedes, quod sanè majus tumultuario, ac fortuito illo procursu fuit, eodem

militum impetu capta, direptaque est, oppidanis cum jam hostis irrueret, inter fugam, atque tumultum aliorum adtendentium, paucis admodum interclusis, plerisque in arcem elapsis. Molienti hæc impigrè Leganesio desertur, ex præsidiis, hominibus rusticis, & voluntario quoque milite Lusitanum expletis copiis prohibitorium, ac simul ulturum agrorum, ac segetis vastitatem magno animo, ac numero infestum, justoque decernere prælio paratum appropinquare. Illuc igitur certaminis cupidus Dux Castellensis instauratos rapidim ordines movere, & hinc Leganesius, hinc Alburquerqueus, acer uterque Dux, circa Villaviciosa prælium inauri consistunt. Utrique prior equitatus ad conflictum emissus est, spectante quasi, nondum enim frequens ille convenerat, nec planè explicaverat ordines, equestrem pedite pugnam. Quod errore sententiæ lapsum utique fecerisse Alburquercium ostendit. Etenim ejus equi cum usu, numero, genere longè inferiores Castellensibus essent, per eam imminutam, ac flavescentem exercitus partem visus est inconsultò primam jecisse certaminis aleam, quæ facile sibi similem esset totius negotii exitum contractura. Proinde Lusitano equitatu primò impetu perturbato, fusioque, ejusque fuga, ac tumultu, quæ retro non longè substiterant, turmis quoque peditum implicatis, meruque percussis, jam debilitata, ac propè inclinata res Lusitana erat cum ad pedites pervenisset. Tunc Alburquerqueus, ne cornua jam fluctuantia, & equitibus destituta, ut videbatur ex copia militum esse facturus, circumiret fortasse hostis patefacta latius acie, cornibusque porrectis, ac subsidio firmatis, in fronte ipse pugnabat, nec aliquid omittebat, quod cohortandis, juvandis, animandisque militibus in arctiori discrimine, & cura profuturum esse censebat; Verumtamen non pes pediti

pediti par numero erat, non spe, non animo, non fiducia, non viribus comparatis, alterius jam fuso ante oculos equitatu, hisque viribus nunc imminuti, reciprocantemque in se modò fortunæ timentis æstum; integro alterius equite, integro pedite, majori idcirco numero, & animo, equestriisque recentis alacritate victoriæ in conflictum ferociter incumbentis. Ergo ad primam Castellensis impressionem ordinibus dissolutus, ac penè viribus fractus, cum nihil arte, nihil labore proficere posse cerneret se se tandem colligere Lusitanus, retrahere paulatim gradus ad montes, qui à tergo imminebant, ac remissius cedendo per intervalia pugnare, mox acrius impulsus, & in fugam tandem aversus, per collium avia, & obliqua & proximò saltus disiectus est. Hinc Leganesius Badacocium victrices copias reduxit, & postquam strenuum circa Telemam propugnaculum excitavit, pro sui nominis monumento Leganesium appellatum, idem ad Catalauniam, ubi acrius tunc bellum recrudebat, cum armorum præfectura translatus est, ibique ampliorem illi iteriem, & gloriæ segetem fortuna, virtusque suppeditarunt.

Sub idem ferè tempus aeris, & vario sermone styloque jactata Romæ contentio Zirolæ Comitem Oratorem Hispanum, & Zedofeite Priorem Lusitanæ causam Ecclesiæ ibidem agentem commisit. Ex quo rursus erecta Romæ, incensaque studia partium, & in clariores familias scissa universam propemodum Curiam, eamque novis præsertim suapte ingenio studentem rebus permiscuere. Rex Catholicus (seu verius ministri ejus, quorum omninò circumactus impulsu, nutuque solo nomine, ac nuda majestatis specie regnabat) tacita ex longo intervallo cura remorsus, quòd Marchio Velezius ejusdem item Orator tumultuariis in urbe Romana amas cum La-

meci Antistite Lusitano congressus, hinc quondam percussus, abjectus, & cum ludibrio victus excesserat, avidiusque propterea hujus palam inflictæ sibi delendæ Romæ ignominie, arcana inter monita dederat Zirolensi, diligenter curaret simili inusta publicè contumelia vicem reddere Lusitano, & in omnium conspectu notam antiquam diluere; ita tamen, ut incruentus esset affultus, eaque ingenii dexteritate compositus, quâ Lusitanus, & aula supplicii auctorem mente conjicerent, verbis, & strepitu asserere minime possent. Sævis ita piaculi ex accepta publicè injuria, & quidquid ex contumelia Velezii nationi, Regique notæ, ac dedecoris accessisset, fore sumptum arbitrabantur Hispani, nec per eam tam soletter, tam cautè agitatam injuriam, & per caliginem pene missam gravius lædendum, aut irritandum esse censebant novum Pontificem Innocentium quem tunc Hispani malis edocti, quæ Urbani nuper extincti in se acerba contulerant odia, vehementer benevolam exoptabant. Res tantummodò fallere Oratoris periculo poterat; tortuoso enim, atque ita dubio Regis mandato, quo sibi ipse in quocumque eventu satis cavere Philippus, eò plus implicari, abjicique periculo videbatur Orator; nam provocata ex composito rixa inter incertos certaminis casus, & lubricos manibus enses Lusitano inferenda citra sanguinem erat injuria; hæc ita quoque præcepto Regis tractari debebat, ut eam Innocentius acerrimi, & valdè sagacis ingenii Princeps vel non intelligeret, vel intellectam dissimulareret, atque ita res tota fluere, ut contumelia sine querela esset, injuria sine ultione, & hostis hosti gratis remitteret noxam, & morosus, ac erque Pontifex conneret, quæ copulatio profectò rerum intellectu d'fficiis, re difficiliòr cum in consilium vocaret easus, nec esset in homi-



menter tandem orare, atque obsecrare se, ut unam tantummodò sibi Innocentius seponeret autem ab æmulo- rum insectationibus incompactam. Re- fert hæc statim Pontifici Segnius, qui nec ideo sententiam Pontifex torfit, nec iram abundè collectam imminuit, ut erat enim per longiorem in loco mo- ram. Hispanæ aulæ moris, cultusque peritus, ubi ambiguus, nec illata cuiquâ manifestus auctor injuriæ, cum palam, ac firmiter factam injuriam negat, era- dere notam omninò putantur, & con- tumeliæ avellere aculeum, vel quia ita prudentiam simulatibus inimicam am- plecti, quod cautè, honestèque offen- sionum scaturiginem tollat æquo ani- mo deceat, vel quia satis credatur pec- narium ab illo sumptum, cui sustentare, quod fecerit ratio, vel animus minimè suppetat, idcirco Innocentius contorta Oratoris prætestibus verba neglexit, eam ipse quoque excusationem, ut commentitiam, & futilem Lusitanos, Gallòsque dedignaturos existimans, nève etiam ea tolerantia quidam quasi permissus insidiosus Romæ pateret Ora- toribus aditus, quo armorum inter li- centiam, ratasque criminum, latebras iras, & odia coram Pontifice satiarent. Itaque fixus in primò suscepta sententia Pontifex omninò ad vindictam flagra- bat. Cæterùm Hispanus Orator post- quam se ipse intellexit, ut admissi ad- versus Lusitanum facinoris consciùm per convivia, per circulos passim, per ora vulgi, Curiaque primorum, con- stanti, latòque rumore ferri, partiùm- que quærelas in ipsum acerbis, & mi- nas tumidas fundi, metum ut abderet, sparsosque simul rumores eluderet, so- lito magis in illis diebus Cardinales pu- blicè invisere, obire vias urbis frequen- tiores, amœniora aliquando diverti- cula quætere: ab omni se cura solutum, & animo vacuum consultò jactabat, tanquam insontem, nihilque sibi ex consècii judicii scrupulo metuentem;

neque aucto etiam per hoc famulitio, neque extraneis ad corporis custodiam, aut ædium limites accersitis. Biduò antè tamen, quàm assueto Oratori cum Papa colloquio præstituta rediret dies, cum vereretur Hispanus, ne ab Innocentio rejiceretur, & præoccupare propterea vellet præclusi fortasè aditus ignominiam, domi se tenui corporis ægriitudinem simulans, misitque ie constituta ad Pontificem maximum Hispanum quemdam Regis procura- torem, qui, & ejus absentiam morbi impedimento excusaret, & qui pri- mus quoque itæ, minisque calentis Pontificis impetum frangeret. Verùm neque à Pontifice, neque à Cardinali etiam Pamphilio, & si per triduum enixius urgeret, ille impetrare aditum potuit. Falsò tunc arbitratus Orator le- vem auctorem à Pontifice sperni, nève ille fortasè crederet, ipsum ut son- tem facti pudore, stimulisque conscien- tiæ retractum sacro sua sponte carere Palatio velle, & Pontificium aspectum fugere, coram, & ipse tandem audiri à Pontifice postulat; at planè rejicitur, insuper tunc intellecto novas irarum immittas Pontificio pectori flammæ, quia Romanus quidam delator, cujus generis hominum affluit semper in ur- be numerus, in Oratoris domus vesti- bulo à famulis ejus deprehensus faucibus ab illis, multisque verberibus ictus ex- cesserit, inde aliud ex alio quasi per- petuò scelus innecti Innocentium acer- rimè questum, & se implacabilem ostē- tare. Movit ea res audita Comitem Zi- roloensem per Cardinalem Albernozium secretò monere Pontificem, quod no- tus ille explorator, triplici, ac vario unà ipsa die mentitus personam habitu, dum impudentius secreta domestica ri- maretur à famulis ejus inspectus esset. Attamen ita cognitum, ita notatum stantem ad ostium humaniter primò dimissum esse, hunc procaciter obsti- tisse, iterùm monitum, ut abiret, ro- gatum



gatum iterum esse; ut precibus, ita minis exploratorem obduruisse; pertinacius denique hærentem, levius quidem quàm meritis esset, percussum fuisse: ab ipso Comite tamen in eundem qui ad eò protervum ceciderat hominem, funulum, quanquam & meritò videretur ab injuria prohibenda commotus, ut hoc daret Pontificis gratiæ, severissimè animadversum. Idipsum Orator Cardinali Pamphilio per secretos codicillos significat, addens præterea semel ab ipso Oratore patrum ejus rogatum esse, ut tot inter invidos, & fallaces obtestatores puram, & integram sibi alteram tantum servaret aurem, nunc idem se rursus, & cum majori fiducia orare, ut tantæ auctoritatis, & gratiæ apud Pontificem usum deprecatore. Pamphilius has litteras accipit, lectas communicat patruo, & ab eodem edoctus nec voce, nec scripto Oratori quidquam respondet, illas ut vanas, ex mente patrum, artibusque confectas à pleno rimarum homine aspernens. Itaque Hispanus recentis cum iræ vim tempore esse frangendam, & leniendam etiam illecebris duceret, breves negotio interponit inducias, postque dies aliquos interjectos iterum facultatem exposcit Pontificem adeundi, multa per id temporis, atque gravia ex dilato colloquio intermissa, alia implicata, alia omninò corrupta Regis negotia causatus, quæstusque. Sed quavis id iterum, atque iterum ardentè urgendo repeteret, prætextis, fictisque quibusdam primò responsis Orator eluditur, palam deinde, atque planè, detracta larva, à Pontificio limine arcetur. His ita rebus utrinque per artes aulicas constitutis, cum latis jam Innocentius exulcerati per animi, & iram alius condētis indicia inhiare supplicio ostēdisset, nec prodesse ullo pacto Oratori quos cavillorum ipse circuitus, inventionisque, ut resiliaret crimen, aggrederetur, simul cum ejus tumorem, & fastum

quæ ejusdem precum ludibrio, quæ minarum contemptu, aut inde orto pudore, aut timore, aut errore noto fiducia, sensuque haud minùs acerbo nequaquam ex voto successæ rei aliquomodo contusum, atque compressum arbitraretur, premere tunc aprius in causa Pontifex ratus, eidem Hispano Oratori per Segnium iterum missum indici jubet. Iactari passim in urbe voces, & populariter credi, contumeliam nempe, & injuriam contra jus gentium Lusitano publicè inflictam Oratoris mandato constatam esse. Nolle se tamen & si secus plurimi dicerent, arguerentque causam prolixius excutere, imò verò de tantæ prudentiæ, religionisque viro malle mihi quàm secus quod in dubium, suspicionemque cadere posset interpretari, quod unum tantummodò jure sibi propè imminuto respectui Regis, gratiæ Legati, suæ quoque erga Hispanos benevolentia concedere licuisset. Cæterum cum rata, atque certa Prætoris inquisitione constiterit, ab ædibus ejus erupisse sicarios, eoque è vestigio confecta cæde reversos esse, culpæ duntaxat reos manifestos, eosque nefarios homines, totiusque reipublicæ pestes ad eorum scelera puniendi sibi, ut legitimo vindici ab ipso tradi petebat. Hic sensit Hispanus suis ipsum artibus à Pontifice peti, ille siquidem specie indulgentiæ, collatæque nomine gratiæ velle ab Hispano id videbatur exigere, quo nihil asperius, ac durius, quanquam vi, & impetu usus fuisset, à soluto jam legibus Oratore unquam elicere potuisset. Hic tamen arte compositus ictus cum Oratori haud repentinus incideret, hoc meditato responso occurrit. Non minùs quidem ad propriam existimationem, & officii ac nominis majestatem, quàm ad Regis, ejusque Legati gratiam pertinuisse, quod in Lusitani casus judicio, dissipatoque latius rumore, minimè fuerit, ut decuit,

perspecta fuissent, cum mortalium per tempus plerumque lassari, ac remitti natura soleat, quæ media deinde, quæ imperii ejus extrema putanda essent? Suas igitur cogitationes, & curas omnes in eo fixerat Innocentius, quod nempe severius, aut quod dissolutius in hac causa constituenda deliberasset, reliquarum deinde actionum imaginem, & tanquam omen futuri regiminis, vel ad metum, vel ad contemptum hominibus expressurum. Ad hæc cum ad summi honoris fastigium Hispanorum præcipue afflatu provectus esset, jure ex eo quoque Pontifex verebatur, ne hujus Hispanus superbus exactor officii velut lege solutionis ea tanquam debita ab illo sibi repeteret, quæ ipsi Pontifici dedecus, majora Hispano publica odia, & merito gratiæ turpitudinem peperissent; & alieno tandem violentoque cogeretur arbitrio res Ecclesiasticas moderari. Accesserat etiam, quod Innocentius antea, & postquam fuerat summus Ecclesiæ Princeps inauguratus, clam fidem obstrinxerat ipse Catholico Regi, se pro pace, & concordia inter Hispanos, Gallosque diuturno bello defessos cum per Augustæ dignitatis apicem licuisset, constanter, ac statim intercessurum. At melius tanti postea perpenſa momenti te, seu Hispano jam nihil indigens Innocentius, seu potius ne simul post conspirantium, & opima pace florentium viribus Regum, ipse magis deinceps adgeretur amborum imperio subjici, alienaque pro pace incunda pericula, & turbas domum accire, suffragia, & colores caute requirere videbatur, quibus fidem exuere honesto quoquo nomine posset. Hæc & similia ex parte Hispanorum producta argumenta ad morosius, ac durius in causa proposita statuendum Pontificem stimulabant. Nec levis quidem ponderis erant, quæ ex Lusitani, Gallique parte ad ultionem causæ Pontificem commovebant, ni-

mirum pastoralis negotii munus, decusque, ostentatio æqualitatis, neutroque inclinantis animi, & à partium contagionibus incorrupti, simul justitiæ studium, tum vincula, carceres, laquei, secures, rotæ, & cætera scelestorum supplicia secundum leges, subsidia nempe regiminis, quæ ubi ratio, tempusque postulat, nequaquam omitti absque reipublicæ interitu possunt. His ancipitibus curis sollicitus Innocentius primò urbanum Prætozem jussit via juris de crimine inquirere, fama communi præsertim innixum, qua sicarios domo Hispani Oratoris egressos, eoque perpetrato flagitio regressos esse constabat. Albernozio deinde, & Cuezæ simul Purpuratis Hispanis, qui Romæ eo tempore agebant, per Segnium secretum ejus cubicularium denunciavit. Satis sibi cognitum esse per quos, & quomodo, & cujus mandato, impulsuque in hominem Lusitanum sacra in eo loco procuratione, fungentem, & fide publica commorantem palam, turpiterque commissus sicariorum assultus fuerit, ex quo ipse, ut in sublimi dignitatis gradu locatus, nec majori injuriæ publicæ parte, nec peculiari sensu doloris carere potetat. Dolere se tamen & gravius, quod ea nempe ipse ab amicis, sibi que per plura amicitiz pignora obnoxii relata videret, & pateretur, quæ perlata, & utilia communibus æmulis forent, ipsum enim inultum ludibria in se ipsum, & nova fomenta scelerum in Christianam rempublicam collaturum; ultum verò, ideoque offensum Hispanis, & odio habitum, novos clientes, novos eo turbulento tempore, & loco quætere amicos, & partes cogi, ne ab utrisque sortè conjunctis, & invisus utrisque destitutus tandem, & solus opprimeretur. Adeò inscienter, ac stultè Oratorem ingratum, suisque debiti prorsus immemorem rectè consultum causæ Regis existimasse, dum ultionis

exit, Pontifex vulgus errore, ac levitate lapsus. Verisimile porro esse aut Hispanos, aut cujusque generis homines, omnium velut alylo cum Oratorum limina pateant, dirempto cum Lusitano jurgio domum suam convolasse, atque inde protinus aufugisse, jure presentientes, ut Innocentio flagitii turpitudine invisos eosdem in domo Oratoris neque diu, neque impune futuros fuisse, ut Pontifici tamen obsequeretur, accurate, statimque se si qua forte domi suæ reorum vestigia essent exploraturum, & rationem subinde Pontifici redditurum. His ab Hispano dictis addidit Segnius, se quoque à Pontifice jussum ut certiores Zirolensem Cornitè faceret, ne dum illi interclusum sed desperatum etiam omnino fore ad eundem Pontificem aditum; nisi prius criminosos homines dederet. Tunc Hispanus improviso eo jaculo ictus, quod tanta fiducia, orisque libertate contortum ob jactationem, ac strepitum Hispanorū in Urbe opum re vera non expectabar primū hærere, rubere, torquere se ægrè, quæ in ore, oculisque eminebat, & si veller, irarum cum suppressere flammam posset, spiritu tandem, ac voce recepta; Distorta quidem hæc, inquit, & præpostera modò argumentatio est, me ipsum enim in Lusitanum commissio sceleris affinem ante comperiat oportet Pontifex, quàm hujusmodi minitari, aut repetere pœnas liceat. Atqui in facinore etiam deprehensum resperlaque sanguine manū, statimque super hominem insultantem quid ultra furere Pontifex in Catholici Regis Legatum valeat? Duorum nihilominus mandatorum alteri statim obediam, alterum non curabo. Hoc cum responso Segnio dimisso, magnòque subinde in speciem tumultu, sonitūque lustrata domo, postquam Orator Cardinales Hispanos consuluit, de eorum quoque sententia in hunc modum rescripsit Segnio.

Ædes suas circumspectas, famulos omnes severo examine excussos, loca omnia revisa, ac penitus explorata, nec ullum ibi apparere latentium reorum indicium. Avere præterea se, suisque arbitrii, jursque fore ad rem oculis explorandam easdem in ades Romanos milites introducere. Hoc autem ut grave, & immunitati Regis adversum, ejusque jus majestatis imminuens annuere fas ipsi non esse, nisi omnibus antea consulcis, concordibusque, qui Italix rebus præessent, Hispanicis administris. Orate se tandem, & obsecrate Pontificem ne suetos diutius cum ipso prolatando congressus Regis negotia, quam magni momenti pendebant; omnino labefactaret. Hujus sententiæ jussu Oratoris traditas litteras noluit accipere Segnius, eo se prorsus defunctum officio dictitans, cum eundem jam Pontifex in sacri Palatii æconomum provexisset. Sed re vera ab Innocentio prohibitus causam fortè, aut ex composito oblitam ad consilium inflexit, quod alius quoque districtè imperatum aulicis fuerat, ut quoquo pacto seu voce, seu scripto, per se, vel per alios accessus, & usus ad Papam Hispano præcluderetur. Orator Hispanus à Segnio rejectus, Cardinalem Panzirolum, tunc Pontificia gratia florentem, adit, rogat illum, ut ore Innocentio eam litterarum sententiam, quam Segnio reddiderat, promat; minas, questusque miscet, quod de falso crimine interrogatus, aggravatusque cum immerito esset, & ideo purgare se tetendisset, nihil sibi à Pontifice, nisi iracundè, respondeatur. Panziro us eodem etiam præcepto, ne se cum Pontifice pro Hispano Oratore interponeret, irretitus ab eo statim explicat se, nihil sibi respondens, talis negotii, cujus moles maxima esset, à Pontifice junctum. Clanculū tamen Cardinales Hispanos Panziro us admonuit, quod frustra se ac ceteros ambiendo, fatigan

fatigandoque Hispanus Orator in Lusitani causa suffugia, ambigiumque adimnicula quæreret; res, & non verba Innocentium desiderare, in cuius se animo penitus fixerat, nec tanquam amico, nec tanquam regio Oratore Zirolensi Comite uti, nisi prius maleficii compertos homines restitueret.

His rebus ita confectis, electum deinde Purpuratorum Senatum Pontifex vocat, illum videlicet, qui à partibus segregatus, & integer de gravioribus Ecclesiæ Catholicæ rebus solet rogatus sententiam dicere. Ibi primò Innocentius contra Lusitanum Romæ fide publica agentem sceleris turpitudinem, execrabile exemplum, conculcatam summi Pontificis dignitatem, populi offensiones, externorum ludibria, contentiones, æmulationes, discordias ubique, iras, & odia civilia, promptum, & strenuum nisi statim remedium adhibeatur, perpetuò in urbem ebullitura, acrius in causam invecus amplificat; narrat deinde Hispano se Regi per litteras inculcasse, is nisi hoc nomine ab Roma protinus revocatum arrogantem Oratorem exigeret, ibi forsitan permanfurum, sed à Pontificio colloquio semper exclusum, ante oculos æmulorum abjectum, otioque marcentem, & ignominia. Post hæc redditas sibi à Neapolitano Prorege litteras verecundas, officiosas, obsequio plenas, & pondere, quibus constanter profitebatur conscientie in Lusitanum admissi criminis, nec ullo pacto esse Regem, nec ejus Oratorem obnoxium, relique hujusmodi fidem, onusque testationis assumptum jure jurando quoque cum id Pontifici placuisset, sancire Proregem paratum esse. Cum igitur propter audientie dilationem acerbè queratur, ac doleat Hispanus, in communem nempe perniciem jactari quoque negotia Regis, hinc & temerè exactum à ministro supplicium in caput etiam relabi ejusdem Regis innoxii,

cumque spectatz simul virtutis, gradusque amplissimi Prorex, & locuples ipse testis, ad veritatis lucem juramenti religione velle in causa intercedere spondeat, sciscitari modò Pontificem, an pristina gratia, & splendori per hæc illata, utcumque sint argumenta, suspensosque jam Legationis officio Zirolensem reddere Comitem deceat. Non erat profectò animus Innocentio ob Cardinalium suffragia, ea de sententia, quæ ipsi jam pridem mente confederat, demere quidquam, vel addere, at hæsitantis in speciem pertentare Senatum, ut ita exploraret, quæ singulis mens, quæ vis ingenii, quæ præcipua inclinatio in illo negotio esset, & quis eorum Pontificio decori potius, & gratiæ quàm propriæ utilitati serviret, si verò etiam consensus Purpuratorum procerum accessisset, eò popularibus ratam cohonestare sententiam posse. Hujusmodi mente consulti Patres, cum urgeret præsentia Principis, quæ sæpè transversos calculos agit, illosque, ne suspicacis, ac rigidi senis in se fortassè volverent iras, ejus arbitrio potius quàm causæ & officio studendi cum sollicitior pungeret cura, sententiam tandem tulerunt, ut, etiam Proregis testimonio neglecto, maneret Orator congressu Pontificis interdictus, donec sicarios traderet. Unus tantummodò Panzirolus seu Hispanorum promissis inflatus, seu Pontificiæ gratiæ firmitudine fretus, his fundamentis innixus communi Cardinalium decreto obstitit. (Oratorem Hispanum in gravi negotio, quod ratione hucusque discussum fuisset, æmulotum duntaxat morsibus, vulgique rumoribus peti, quorum lubrica fide, impetique viros Principes raptos momenti quidquam statuere tum iniquum, tum indecotum videri, ac reipublicæ dissentaneum; Eò quoque profectò majorem hinc habere commune vim argumentum, quod varia sem-

„per, incertaque fama virum nunc  
 „Principem læderet, nec sui quidem  
 „juris, nec Pontificis etiam cum à Rege  
 „planè dependeat, ad quem jurè pre-  
 „tendendum in causa nervosæ sanè pro-  
 „bationes, & clariora undique indicia  
 „requiri, quæ hucusque in judicio  
 „non occurrebant, cum Prætor Ro-  
 „manus nihil aliud in præscripta pau-  
 „lò ante acta retulerit, quàm peracta  
 „eade sicarios redeuntes, à testibus  
 „multis in Oratoris ædes conspectos  
 „esse, quod planè cur evenire non po-  
 „tuisset ad asylum, tutumque recep-  
 „tum more suo nefariis hominibus  
 „properantibus, ut in templum, ut lo-  
 „ca immunia, ut in latebras alias quas  
 „vitæ discrimen, & fuga supplicii no-  
 „centibus subijcit; nonnulla his addi  
 „ex adjunctis deducta argumenta, quæ  
 „Hispani Oratoris defensionem, &  
 „causam aliquo modo debilitent, non  
 „autem omninò frangant; & seriùs  
 „postremò his actis judiciariis excussis,  
 „adhuc in obscuro, magnarumque dif-  
 „ficultatum æstu versari, quod modo  
 „queritur, crimen; cætera aut passim  
 „ex triyis collecta esse, aut inferere  
 „stultos, aut inimicos affingere. Præ-  
 „tereà, & si magis, quàm per se valeat  
 „nunc exorta suspicio urgeat, quid ju-  
 „ris gentium, quid publicæ fidei vio-  
 „lationem in hoc proposito crimine  
 „obtendi, cum ea pro Lusitanæ Re-  
 „ge, qui hætenus Romæ non extat,  
 „rejecta sit; ratio verò Lusitanarum  
 „Ecclesiarum, quam hic in Curia tra-  
 „ctare dicitur, jure quoque procurato-  
 „rio soli Pontifici addicta sit? Ad hæc  
 „quanquam re ipsa sceleri obnoxius  
 „Hispanus, & publicæ fidei corruptor  
 „fuerit, id tamen patere primò liqui-  
 „diùs, prudenter deinde, satisque cau-  
 „tè opus esse Judicibus de inferenda  
 „Oratori pœna statuere, ut in crimine,  
 „& causa cum potentissimò Rege, qui,  
 „& Judicium, & Judices simul, & acta,  
 „legésque raptare, ac pervertere possit,

conjuncta. Quod si denique oblata  
 „à Neapolitano Prorege jure jurandi  
 „pro scelere cautio, & pondere asser-  
 „tionis, & Principis dignitate, atque  
 „amplitudine expensæ de industria,  
 „aut simpliciter acceptetur, profectò  
 „quidquid auctoritati Pontificis notæ,  
 „quidquid itarum Lusitanis, Gallisque  
 „tristis ille conferre successus quoquo  
 „modo propositus valuisset, expia-  
 „tum, erasum, omninò extinctum exti-  
 „mandum esse, haud secus ac planè  
 „laudandum, & extollendum, quod  
 „partium concordia, regiminis decus,  
 „turbarum omnium oppressio ex pru-  
 „denti, mitique remedio fuerint per-  
 „summum Pontificem constituta. Hæc  
 „Panzirulus Cardinalis locutus, eorum,  
 „qui contra senserant, quod illi inviderent  
 „Pontificis gratiam, & eam per oc-  
 „casionem minuere desiderarent, cor-  
 „roboratis denuò sententiis, ea copia  
 „verborum, & vi argumentorum obrui-  
 „tur, ut inconcussa, atque stabili quæ  
 „ab Oratorio munere, Pontificisque  
 „colloquio seclusum teneri Romæ Ziro-  
 „lensem decreverat, quoad ipse sica-  
 „rios, aut Rex Catholicus per episto-  
 „las monitus responsum Pontifici red-  
 „didisset.

Hæc in aula Romana, in aula verò  
 Catholica Apostolicus Nuntius Ponti-  
 ficiis mandatis acceptis protinùs Re-  
 gem adit; Lusitano, ipsique Pontifici  
 potiùs iniustam per Oratorem injuriam  
 exponit; acta simul exhibet Regi, quæ  
 Romæ Prætor à Pontifice jussus confe-  
 cerat, crimen & plus quàm suspectum  
 auctorem criminis aggravantia; Inno-  
 centii præterea litteras, quæ optionis  
 genere quodam adstrictum premebant  
 Regem, vel ultro ipse scilicet Roma  
 advocatum Comitum Ziroensem, vel  
 ibi vacuum officio, torpentem otio,  
 nec sine nota, ac dedecore vellet, &  
 alio se Romæ, vel nullo Oratore His-  
 panico usurum; mediam viam nullam  
 esse. His planiùs ore etiam Nuntius  
 jussu

jussu Pontificis addidit, in illo cum Rege vertente negotio, prout sari fieri sibi petebat, cum Principis jus sustinentis, tum elegantis amici personam summum Pontificem gerere; nisi enim latenter, & cautè cum ipso Rege Innocentius amicitia coleret leges, eandem & ipsi fortassè molestant Regi, inutilem certè fururam fuisse. Proinde vulgatam ubique sibi, & Gallis, & Lusitanis publicè inflictam per Oratorem injuriam, si gratià Hispanorum destitisset Pontifex persequi, cum proniorum ex inde in illos animum declarasset, indomientes eo tempore fortè rei hujus inscitia partes ad alia ipsa luce moliniana excitaturum fuisse, eaque utilia maximè Hispanis consilia dissipaturum, quæ simulatione interposita stare Regi Catholico possent, eadem sublata ruere; quò enim graviori plerumque officere detrimento inimicus occultus valet, pari etiam emolumento inter partium litigia proficere velatum amicum posse. In hunc modum callidus senex præservidam ulionem à Regis commodo mutuatur. Rex verò, ut moris sui erat, cum incerto responso, Apostolico Nuntio dimisso, integram rem ad Statum Senatum refert. Tres, & diversæ ea ibi de causâ prolatae sententiæ sunt. Prima de suo munere, & loco, quem tunc obtinebat, Oratore non exturbando, quod enim ille severius in Lusitanum apud aulam Romanam egisset, ab eodem primò Senatu consultum esse assererat, à Rege postea decretum, & Oratori imperatum; Regis autem fide, & justitia, illiusque splendore, ac dignitate confessus indignum profectò videri, ministrum solvere pœnas, quia paraverit, quia rebellem multaverit, quia suo tandem functus officio fuerit, quod perinde fuisset, ac hostium arbitrio, & libidini prodere amici, benèque de Rege meriti hominis innocentiam, ac segniorum etiam imposteros alios in suo mu-

nere procures reddere, ubi odium pro gratia, supplicium pro præmio tribuitur. Ab hoc abhorre quoque consilio tum æquitatem, & vinculum fidei, tum vetus Hispaniæ institutum, quod ut sapientissimè constitutum in tam optima causâ rescindi non oportere. Usu enim percubuisse ad gentis, Regisque simul existimationem, decusque palam tuendum, cum in gente dominatrice unius etiam hominis odio propter invidiam, & Princeps, & natio tota à maledicis laceretur, sæpè tegere, sæpè lenire in ministerio sublime positi prava quoque ministri facta, ne dum ea, qualia tunc Zirolensis essent, rectè facta defendere, atque obedientiæ studio conjuncta. Nihil novi præterea in consilium afferre ingentem illam effusam, ac notiozem Pontificis iram, priusquam enim hæc Romæ imposita contumelia ab ipso Senatu in Lusitanum decerneretur, jam ex inde Innocentiū indignatione, ministrumque prævisis, & consilio quoque discussis, id nihilominus fieri consultoribus visum esse, quia perduellis contusio, & exemplum supplicii, & majestas Imperii in hac causâ præponderaret. Altera media sententia fuit, videlicet non tam citò, nec à Rege decretæ castigationis in speciem ab urbe Roma Oratorem abducere, sed cum aliqua mora, opportunisque temporis intervallo, per quæsitam, sive oblatam fortassè causam, vel tanquam Pontificiæ ad fastidium contractæ frontis Orator Hispanus, rictusque molesti senis ulterius impatiens sua ipse sponte petierit commeatum à Rege. Ita enim & iusta Zirolensis indemnitate proposita satis Regi satis Pontifici factum iri, nec in dubium, quibus Hispana præcipuè suspecta sint artificia, vocarum iri, an ministrum iniquè primùm ad facinus actum, iniquius post Princeps in facinore implicitum deferuerit. Tertia verò sententia, quæ à Curia Romana Oratorem statim pellendum in gratiam

Pontificis

Pontificis esse censuerat, evicit. Magna quippe Catholicum Regem tenebat spes, desiderata cum Gallo concordia, quam ab inito Ecclesiæ regimine sedulo procurare promiserat Innocentius, multis jam cladibus fessum, intestinisque defectionibus fractum tandem Imperium reparaturum. Pontifice verò ab Hispanis propter injuriæ satisfactionem averso, Gallisque simul præ ea nimia indulgentia, & in publica injuria tranquillitate, ac modestia vehementer suspicioso, nisi palam poena procederet, quæ mollire Pontificem posset, fallere Gallos, omnino Rex sibi fore credebat pacis expectationem extinctam. Invenit etiam apud Hispanos utilis magis quam se honesta, & secreta quædam opinio, ne dum reipublicæ utilitati, sed decori, & commodo quoque peculiaris personæ, Regiæ esse opibus, famâ, & cruore etiâ, si ita opus esset, bono ministro, clientique litandum, eaque ex longo intervallo jam in Hispania susceptâ lege, sæpè etiam tractata, nec credita ab iis juri prorsus opposita, eo tempore adstrictum teneri Comitem Zirolensem. Ad hæc assultum, & contumeliam in Lusitanum incurantem, & admodum cautum à Rege jussam, sanguine tamen pollutâ, atque adeò improvidè constitutam fuisse, ut locum Prætori Romano dederit, Oratoris Hispani nomen, prævalida indicia, confessiones testium in acta publica referendi, in quo videri bis Comitem lapsum, & quod imperii formulam præterierit, & quod turbulentæ tem ordinaverit. Utcumque tandem ea res cecidisset; fortuna, seu error judicii in re dubia, aut non dubia ministrum excipiat, non Regem, cujus quidem in manu esset, quæ pro eo quisque passus asperrimè foret, rependere cumulatiùs; & arere cujusquam, dum vellet, aut reflorescere sortem, præcipuè, si aliquid quisquam suo juri, & commodo ademptum in usum Principis contulisset.

Convenit itaque tandem Hispanus Senatus, & subinde Rex jussit, Comitem Zirolensem, ut vulgò jactati facinoris fontem, quia ita Pontifici cordi esset, Legati munere exutū confestim Roma decederet. Regias præterea hujus mandati litteras tradi Apostolico Nuntio, ut eas curaret ad Pontificem mitti; simul Innocentio rescribi, quâto in dolore Rex ipse fuisset, cum ejus audisset ministri licentiam, vel iniquam potiùs fortunam, quæ in fontibus etiam, & frequenter pericula, & crimina fingeret, Pontificisque tristitiam, testemque ibi inclusam ipsique Oratori reddendam statim epistolam dari, qua cum in prima sententia stetitisset, Pontifici liberum foret Otatorem ab Urbe dimittere. Porro autem in fontem, ut Innocentio placeret, fontem jure punitum Zirolensem Comitem velle Regem. Hos codicillos ubi Innocentius accepit, regiam statim Oratori obsignatam mittit epistolam, nihil rei novæ verbis adjiciens per eam ab Hispania sibi compertæ. Cæterum suspectum illud silentium, & nova, atque ea obliqua reddendi sibi litteras via circū peteulit Otatorem, ratusque id quod erat, antequam litteras solveret, vicit, inquit inanis, contortaque ratio imperandi justitiam, & fidem. Equidem, si id ipsum quò hanc contumeliæ modò, ac dedecoris notam subeo, non præstitissem, jam contumaciæ, ac perfidiæ erimine laborarem, sic reluctari, vel exequi Regis imperium, prout vaga, & incerta fortuna luserit, sceleris modò, modò virtutis nomine fingi; lectis deinde Philippi litteris, usque orationis omnis contextu velut dubio implicatis oraculo, tunc magis ipse succensus, fallacisque Principum circuisiones, & verborum execratus ambages, quam citissimè potuit, profectionem ab Urbe instituit, præclarum ibi certè relinquens ministris Principum argumentum, scilicet periculosa, aut iniquè data sibi præcepta, vel non accipere, vel casu, aut



agrè fortalsè accepta diutius eadem extracta per industriam, & moras, aut simulationum anfractus eludere.

1646. Nunc verò Odoardi Portugallii Bregantii germani fratris interitum, qui & rigida illum custodix, ac penè raro, quod imminebat, extremo supplicio eripuit, servato temporum ordine tradam. Bregantius, cùm alia omnia præterquam libertatem in quo tantum sibi cavebat, læta fratri, ac prospera cupe-  
ret, magnam ad illum pecuniæ trans-  
mittere vim Mediolanum per mercato-  
res solebat, unde gulæ, luxûsque &  
aliarum rerum illecebris diuturna cus-  
todia afflictum ille animum alleva-  
ret. Porro jam auro, gemmisque af-  
fluenti ex copia, & rerum simul angu-  
stiis Lusitano venit in mentem, si for-  
tè pecunia libertatem redimere potuis-  
set. Nihil tam arduum & permuni-  
tum esse putabat quod non frangere  
posset aurum; illi cumulus hujus erat;  
custos miles externus, ac mercena-  
rius, cui plenior quidem, minûsque  
turpis prodicionis merces futura esset.  
Præfectus arcis, qua Lusitanus con-  
tinebatur non minûs custodum tunc  
videbatur officio, quàm alæ muro-  
rum custodix fidere. Ea res igitur  
Taurini primò nec incio Duce Sabau-  
dix agitata, post Mediolani tractata,  
& recepta eousque tandem plurimum  
hominum interventu provecta est, ut  
auro corruptæ Germanorum excubix  
promiserint nocte intempesta Odoar-  
dum ab arce dimittere. Cæterùm rei  
dum agenda opportunitas circumspi-  
citur, fortè accidit, ut cuidam Germano  
militi jam temulento, ac sine mente  
loquaci inter vinum, & epulas secre-  
tum efflueret. Re illicò divulgata, in-  
tenditur acriùs Odoardo custodia,  
multiplicantur excubix, eadèmq;  
imposterum oculatæ, & varix per vi-  
ces applicitæ circumstant; simul quia  
secretæ Odoardi pietatis ministrum ta-  
lis negotii pro fuga artificem perhi-

bebant, ideò ille jubetur antiquum di-  
mittere, & alium statim admittere con-  
scientiæ ministrum electum, qui sub-  
ditus esset Catholici Regis, arcis Præ-  
fecti judicio probatus, & singulis  
etiam, quæ sacræ pœnitentiæ vir exol-  
visset, piaculis commutandus. Alia  
omnia tolerabilia, seu minûs saltem  
acerba, sacri excepta ministri causa,  
inter illas angustias visa sunt Odoar-  
do. Hic enim, vel quia illo sublato  
omnem sibi spem libertatis abscissam,  
vel quod ita crederet potiùs per sa-  
crorum contemptionem suæ quoque  
inferri conscientiæ vim adeò exarsit  
dolorè simul, & ira, ut mirificè huc-  
usque ab eodem servatis temperan-  
tiæ, ac modestiæ franis abruptis fron-  
te ipse torvus, & ore, oculisque in-  
flammatum ad hæc mandata serenem  
conversus responderit. Pater meus  
inter Mauros, cùm duos circiter an-  
nos caprivus in Africa moraretur,  
nec ei irretire conscientiam, nec  
tam squalida & misera fatigare cu-  
stodia barbarorum sustinuit animus.  
Equidem scediùs in hoc carcere vo-  
lutatus, afflictus deterrima quæque  
à Christum proflentibus patior, &  
passurus libenter sum Regis fratris  
amore, familiæ & patriæ quoque de-  
core regio, siquidè alia omnis præclu-  
ditur jam Castellèsis via fratrem Re-  
gem infestandi, hæc nisi innoxia per  
viscera sæviētibus. Incautè utpotè fu-  
ror, & quæ animi agitatio maxima ex-  
presserat, hæc Lusitano prolapsa dicta,  
cùm ad arcis Præfectum relata essent, ip-  
sum hominem permoverunt, ut ea crimi-  
nosè protinùs inquisita ad Judiciū defer-  
ret, quod scilicet dirum, & tunc execra-  
bile Hispanis Bregantix Duci Odoardus  
Regis nomen imposuisset. Erat per id  
temporis mirè quoque sollicitus Præfes  
de incerta, ac fallaci tanti viri & auro,  
& insidiis oppugnata passim custodia,  
appetebatq; tot molestas, gravèsq; suò-  
que impendētes capiti curas cū agrè alia



res efficere posset, vel Odoardi supplicium absumere. Tres igitur quæstiones, hominesque severos in causa constituit. Illi acta de more conficiunt, omnia rimantur, explorant, testes, quibus Odoardus familiariter utebatur, apponunt, & inter alia comperiunt Odoardum lautè cœnantem, cum pocula in orbem more Germanico ducerentur, streperetque ex largiori cibo potùque sublati convivantium clamor, plaususque frequentius Regi, Lusitanæque Reginae salutem propinavisse. Aliàs, & sæpe dixisse, melius futurum sibi fuisse Scithæ, vel Turcæ mereri stipendia, quàm Cæsaris, non enim apud illam Barbariem tam nefariè, tam impiè jus gentium, & fides protegeretur. Ad hæc attrèctatam carceris fugam, communicata cum hoste consilia, custodes, arcisque milites donis, & auro sollicitatos, atque corruptos esse, ex quo secretæ pietatis minister exactus sit, de consiliis supplicium sumptum. Acta in hunc modum Mediolani composita idem arcis Præfectus ad Catholicum Regem mittit. Quibus ab Hispano Senatu cognitis, probatisque, tres inde alios Rex, eosque altioris notæ Iudices delegavit, qui Mediolani in Lusitani causa ex maiestatis lege procederent. Citatur itaque reus, crimina proponuntur, quæ jampridem relata in acta publica fuerant. Incumbunt in causam Iudices, ut à Rege delecti, qui eidem Catholico Regi læsum privatim, & publicè jus restituerent. Hic omnia Odoardus quantum per vera, & verissimilia, & per ambages, & acta potuit, aut minuendo, aut aliò flectendo, aut purgando de linguæ crimine requisitus deterere statuit; alia iræ impetu, quædam leporis, ac salium simplicitate, nonnulla convivarum interlicentiam, atque læticiam temerè effusa respondens, à Germania præsertim traducto more ubi circumgesta, & rostantia quæque inter pocula jacta ver-

ba tegit oblivio. Sciscitatus etiam à Iudice Lusitanus de meditata carceris fuga, nescire hoc omnino respondet. Cæterum, si fortè clam attentati huiusce negotii re, sive interjecta suspitione aliquid interluceat, id ipsum exterioribus esse potius Bregantii fratris conatibus imputandum, iustoque ex fratris miseria dolori aliquo pacto parcendo esse. Rursus interrogatus de Lusitanæ defectione, an ipse fuerit eo scelere aspersus? an aliquando conscius? an iudicio ei aliquid vestigatum? an conjectura suboliturum, quo circa arma Catholica vitabundus, ad signa aliena, atque Cæsarea se recepisset, de Lusitanæ infortunio negat se quidquam scire, aut unquam scivisse Odoardus, militiæ se verò, subditi, ingenii sui studio, & animi quodam impetu addictum: at signa Cæsaris elegisse, quo minus arbitrio, nutuque penderet Comitibus, Ducisque Oliarii, quem ut Bregantiiæ familiæ Lusitanique nomini semper adversum, eundem idcirco suarum gerendarum in bello rerum iniquum; & invidum apud Regem interpretem metuebat. His verbis in acta relatis, cum ferè incredibile Iudicibus videretur tantæ in Lusitaniam tempestatis immisisse, tot civium studiis, tot annorum labore collectæ manentem in eodem regno Odoardum, ad quem nec parum utilitas exitus pertineret, ne conjectura quidem, aut per ipsa eadem in domo defectionis negotia tractantium vestigia odorari aliquid potuisse, insidiis propterea circumvenire facilis, candidæque naturæ perspectum hominem statuunt. Perdifficile quidem factu vel prudentissimo viro est, si de re quam occultare velit, & juvet longiorem ipse sermonem protrahat, colore vel nutu, & flexiloquo quoquam verbo secreti aliquid non excidere. Hac affecta Iudices mente paucos post dies Odoardum conveniunt, falso scilicet vultu, quæ-

sitūque blanditiis, non juris rigore, aut Judicum supercilio, sed tanquam illum amicē, & familiariter alloquentes. Seria primò jocosis admiscēt, ex longo deinde rerum verborūque circuitu, & ambage ad res Lusitanas, ejusque regni defectionem, & quo pacto desciverit, flectunt. Hic homo ingenuus, & animo simplex & candidus, & qui ex ejus indole ceteros fingeret, insidiis facilē captus offendit. Dixit enim incautē, priusquam ipse telinqueret Lusitaniam, incertum quodam de futura regni defectione ad ejus aures pervenisse susurrum; simul ipse ad Germaniam cū iter intrueret, à quodam conobita secretò monitum esse, ne id temporis, ne id floris ætatis Lusitania cedere vellet, quippe qui egregio ibi quamprimū maturando facinore aut particeps idem esset, si restitisset, aut fortē Princeps usurus; Tunc fronte contracta Judices, & prætoriam gravitatem & habitum induentes, utrum ea nota jam sibi, & scelestā perduellium consilia Regi, ut decebat, enuntiasset, Odoardum interrogant. Nequaquam, in se reversus, atque imprudentia lapsū illicò se recognoscens retulit Odoardus, ea esse arbitratus sapiūs irritā Sebastianistarum somnia, & vulgatas in regno ineptias. Ea res tamen altius Judices penetravit, & privatam, ac fraude simul confessionem extortam actis publicis inferentes, jam constituta causa deliberaverant primo quoque tempore reum majestatis, & mortis Odoardum pronunciare. At ille seriūs omninò suo errore, dolòque intellecto, & dolore proptereā cordis ingravescente, ac perpetuò animi cruciatu, quod scilicet esset deceptus, quod nimia fiducia peccasset, quod se ipse afflisset, inter hos animi æstus mærori tandem succumbens, lethali morbo correptus est, ex quo paulò post tum custodiæ tum corporis vinculis exo-

lutus antevertit sententiam Judicum. Hic nonnulli rerum scriptores, qui in factorum Principum intellectu, non ex eo quod cuique eorum magis expediat, quæ regula certior est, at ex vulgi rumore, fabulisque de industria confictis ratiocinando calculos ducunt, haud sanè corporis ægritudine narrant, sed clam Lusitanum infuso veneno peremptum esse; ne desit præterea mendacio fucus, affingunt, ex animi angustia leviter ægotanti, ac sibi met displicenti, colore in causam assumpto, acceleratam insecto poculo mortem. Quod super ea, quæ aliter nos à dignis fide viris accepimus, ratione quoque rejicere expeditum, ac planè facilè puro cuicumque solidèque iudicio fuerit. In regni namque possessione, atrocique pro ea quoque implicito bello adhuc hærente Bregantio quidni interesset Catholici Regis habere in custodia tanquam obsidem Odoardū, & per eundem germano fratri tam molestiæ, quàm ignominie causam futuris casibus integram reservare? quàm certè illata fortasse veneno mors exhaustisset, si verò pax aliquando inter eos convenisset, ad pactiones pro ea componendas, promovendisque magni quidem pro Rege momēti futura Bregantiū fratris libertatis accessio esset. Neque Hispaniæ profectò cunctationi, solertique consentaneū est credere tantum in pace, bellòque pignus in scitiam, odio, vel ira Hispanis esse interceptum. Nobis præterea liquet impulsū Regem Philip-pum à suis consultoribus per id temporis esse, ut capitis jam Odoardo damnato subdole Cæsar submitteretur, qui vitam non libertatem Lusitani damnati peteret, ita enim & exolescere illi conflata quondam ex cliente per injuriam hostibus prodito videretur invidia, & Rex velut Cæsari gratificatus honestiori imposterum nomine, & cum ostentata clementiæ specie Odoardum in arctiori custodia retinisset. Quæ omnia

omnia ab animi angore vehementique tristitia susceptus interitus viri artificiosa Hispanorum consilia sustulit. Sic obiit Odoardus Portugallius Ducis Bregantii frater paulò virilem super ætatem, multisque circa finem Christianæ religionis, atque pietatis editis argumentis continuò quasi virtutum tenore vitæ curriculum clausit. Fuit illi sublime, ac literis cultum ingenium, erectus, celsusque animus, gloriæ cupido ingens, profusa magis, quàm temperata munificentia cum morum candore, gratia, natura amabili, ac docili, ac regia indole digna. Stimulos gloriæ, & industriæ in illo virtutibus dediti, lenitatem vitiis addicti reperiete, æquales officia, majores obsequia, minores humanitatem, atque modestiam, miseri opem, amici fidem, æmuli temperantiam. Erat præterea usu jucundus, affabilis, cum exteris studiosus, cum hostibus mitis, cum domesticis popularis; floruit in pace, emicuit in bello, dumque otium per arma quæreretur, utrumque simul amisit. Ea tamen his accessere bonis dotibus vitia, quæ animum generosum, ac simplicem ut plurimum consequuntur, nimia nempe crudelitas, atque facilitas, crebra sententiæ mutatio, vel aspernari pericula, vel ea non rectè discernere, cuncta ingenii sui integritate, ac morum dulcedine commetiri, ex quo demum errori, fraudibusque opportunus, & facilis in illas miseras incidit, quas intellectus mediocriter sagax, & aulicis artibus eruditus declinare haud difficile potuisset.

In Lusitania verò cum Molingenius Marchio hoc titulo à Rege præclarè, atque egregiè in eo bello factorum præmio insignitus militiæ præfecturam administraret; Alburquerque Dux Lusitanus contra Telenæ propugnaculum, quod Leganesii mandato, & ejusdem nomine imposto nuper extru-

ctum fuerat, movit exercitum. Ea erant in acie ad novem peditum millia, duo millia equitum, sex belli tormenta, & militaris omnis copia apparatus. Hisque viribus fretus Dux Lusitanus Telenam, illique proximum propugnaculum capere summa vi, atque impetu aggreditur. Præerat huic valido munimento Alfonso Angulus, is plane rudis, ingenio pavidus homo, impericusque militiæ tum gratia, & favore nequaquam merito, quos quidem errores privata libidine ortos sæpè respublica luit, ad hoc, atque alia militaria provectus officia. Hic ubi repente se circumfessum ab hostibus videt, id Molingenio confestim nunciat, ac celeria subsidia poscit, premere, urgere iteratis assultibus hostem, periturum cum oppido munimentum, nisi properè subvenisset. Molingenius, qui Ducis inertiam, & imbecillum satis animum noverat, & qui a pliora cunctando comparare præsidia poterat, qui venerat, nuncium interrogat, quo tum in statu propugnaculi aggressio esset. Ille verò, nihil, inquit, hucusque gravius ex conatibus hostiū, aut munimento, aut oppido contigisse, assiduis quidem tormentorum ictibus verberatos nondum ruinas ostendere muros, & milites fermè mille incumbere acrius in munimenti defensionem, idcirco optimum factu videri sibi, præmittere statim paucas equitum turmas, quæ fociorum, & hostium obiectæ oculis hos metu, spe illos afficerent venturi proximè auxilii, pleniores deinde collectas copias ad solvendam obsidionem adducere. Sicut iste censuerat, ita fieri Molingenius præcepit. Itaque Pardus equitum Commissarius cum dimidia equitum parte primò mane quàm celenter proficiscitur, meridianam circiter horam cum reliquis auctis properè copiis sequitur Molingenius: extrema peditum acies à tormentorum Præfecto Alfonso de Avila

ducta quod gravior tractis secum militariis sarcinis esset, lenta pergebat. Et Pardus quidem quàm citissimè evectus colles è regione Telenæ sitos hostibus propior cum equite infederat. At Molingenius mediam ipse regendo aciem ad leucæ ferè dimidium propugnaculo aberat, cùm mente propè attonitus hærens, & mali, quod jam evenisset cogitatione suspensus, atque confusus animadvertit, fragorem illum tormentorum ingentem, qui auditui ejus horribilis hætenus obstrepuerat repentè cessare, tum & reflexas eo strepitu valles jam dudum refractum, ut anreà, non reddere sonitum. Id quod utique erat planè sibi suadere minimè poterat, non enim adeò in arcto, extremoque periculo sitas obsessis res esse dixerat nuncius. Breve ex prima noticia erat, quod temporis interfluxerat, propugnaculum facis munitum; nec erat etiam Præfidi locus de subsidii sibi proximis ambigendi. Dux tamen ea anxiori suspitione perculsus, quam & abjectior ante concepta de Præfide opinio tunc intendebat binas equirum turmas torto per Anam itinere juber, quid novæ rei esset ire cominus exploitatum; qui paulò post redeuntes, quemadmodum ex propinquo ipsi viderant, & clariùs quoque à transfuga quodam milite acceptant, nunciant, cum summa ignominia, ac dedecore militum factam munimenti deditionem, cùm multis enim adhuc ictibus inconcussa murorum lorica staret, & satis tutela miles, satis-munitio foret nisi Præfidi animus defuisset, & juga etiam, quæ proxima cæperat cum equitibus Pardus illis certè pollicerentur copiosas suppetias breviter affuturas, Alphonsum tamen Angulum aut prodicione fortasse tactum, aut vili pavore rejectum in fœdas, turpèsque venisse cum hostibus pactiones, scilicet, ut propugnaculo tradito Castellæ milites

omnes inermes, ac propè nudi, at contumelia deformiores ad Lusitaniam transirent. Hæc cum acri, ut par erat, sensu doloris simul, ac comperit Molingenius Præfidi Angulo maximè iratus, quod in perfidie speciem Leganesium munimen destituisset, & quod insignis etiam ejus dedecoris pars ipsum ut summum armorum Ducem, arctiùsque fortunæ publicæ colligatū ex opinione quoque hominum aspersisset, communem diluturus infamiam cohortatur alacriter milites, eosque celerius ad hostes ducit. Septem pedum millibus, equitibus verò ter mille constitutus erat exercitus, belli tormenta quatuor trahebat, patum sarcinæ militaris ob Badacocii propinquitatem, ac tumultuarium fœdè discessum. Inter hæc ad consilium de revocatos Alburquercius ininterrogat Duces, dirui ne Leganesium, an præsidio potiùs teneri ea tempestate præstaret. Huic retinendo propugnaculo obstabat vicinitas Badacocii, quæ belli sedes erat, hostilique semper infesta præsidio, & multo ibi sanguine, multo quidem labore, & exigua vel nulla spe inter perpetuas hostium excursiones, importandique victus certamina permanens; propugnaculum autem excisum Anæ tipam munimento Castellensibus nudaturum, Lusitanisque vadum, liberis quoque per agros vagationes concessurum fuisset. Prolatis in medio sententiis, illa denique vicit, quæ solo æquari propugnaculum contendebat, ac statim deinde sublata opportunitate certaminis hosti victrices, & integras copias Olivençam reduci. Cùm igitur ditui, ut convenerant, propugnaculum occæpisset, Alburquercius inter Anæ vadum, & Leganesium hinc vallibus, & vinearum offendiculis, atque flexibus, hinc curribus, & militariis sarcinis communita castra composuit; post ubi intelligit jam paratos, ignique suscipiendo ad propugnaculum

lum evertendum cuniculos esse proximos, trajectis tormentis ad ripam alteram amnis paulatim recessum instituebat, id tantum trajectui moræ interponens quod iis, qui in cuniculos laborabant, rei perpetrandæ spatium tribueret. Molingenius verò de hostis consilio certus quàm citissimè potest universi equitatus robur in illum impellit, si eo fortè contingeret amne divisum, eoque plus enervatum Lusitanum excipere, quò loci, quem animo destinaverat cùm ipse tandem appulsus esset, situm cum milite occupat, quem paulò ante reversionem adornans Lusitanus reliquerat. Paulisper ibi cunctatus, ut ipse consilium ex hostis consilio caperet, ubi primam hostilem peditem aciem jam Anam transgressam videt, simul Telenæ equitatum hostis hærentem cohortiumque manibus fultum instructis ordinibus stare certamini intentum, tunc binas in hostes turmas equitum agit; totidem ferè contra Castellensibus occursuras turmas equitum Lusitanus immittit; leve, & equestre intermedium certamen ineunt; funditur Lusitanus, & retrò ad integram aciem magna cùm cæde compellitur. Ita rem Molingenio feliciter auspicato major subinde spes, atque cupido subiit vehementius persequi Lusitanum. Hoc animo, hac mente dum progreditur Dux monet ipsum Lusitanus quidam captivus, ut averteret inde gressus; nam suffossi ad evertendum Leganesium cuniculi propè jam erant, ut conceptum ignem effunderent, quia tamen Lusitanos hic delatores sæpè infidos, sæpè fallaces novebat, spreto periculo eodem tramite in hostes ducit, sed modico gradu, per intervalla simul, & moras flumine fretus, quod viam, atque fugam Lusitanis intercludebat, & pedites interim opus erat, bellique tormenta expectare quæ retrò aliquantulum vectus Avila conducebat. Cæterum Alburquercius,

cui nec annum omninò trajicere tutum erat, ne scilicet sectis in transitu viribus instante, propinquo, occasioneque per momenta studente premere-tur ab hoste, nec qui alteram quoque fluminis ripam jam attigerat pediti, ut à reliquo robore separato sine periculo locus erat, redire tunc pedites jubet, rursusque flumen transgressos, cæteris copiis, quæ in opposito margine hærebant, adjungi; ibique celerius ordinibus confirmatis, tormenta-riam quoque sedem extollit, quæ Castellenses assidue pulsabat, & simul horum accessum impediobat. Interim Molingenius, qui prolatare tantisper consuetum, ut diximus, constituerat, quoad peditarus accessione majores ad pugnam colligeret vires, ire circum obliquus, & vitabundus, reprehendere modò per nuncios Avilæ tarditatem, modò aggressum assimulare, modò fugam ostendere hostibus; omnia vi, & artificio tentabat, quæ conducere possent, ut æquo ipse denique Marte cum hoste conflingeret, aut eundem circumveniret in trajectu fluminis imminutum. Alburquercius verò, qui prorsus effugere pugnam decreverat, & subinde forte sperabat fractis cuniculis propugnaculum discerpendum, postquam secum ipse considerat vel abnuere, vel dare certamen vellet, serò sibi, vel citò utcumque se res habuisset, esse flumen trajiciendum, tempusque quod pericula suis onerasset, aucturum per morulas hostibus copias fuisse, transmittere tandem statuit, sed pro transitu fluminis cautior, ac sollicitior. Ejus igitur jussu confertis agminibus eques, pedesque campum, qui annum à Telenâ determinat, occupat; hanc ipsam post aciem belli tormenta locantur, quæ globis frequenter excussis, dum irruentes percuterent, arcerentque, abeuntium terga muni- rent. His ita compositis; Lusitana confestim per partes, & vices avulsa

contendere acies ad Anam cepit. Quod simul ac conspicit Molingenius, quo tempore fortè nonnullis erat peditum turmis quæ socias præcesserant, auctus, eas, totumque equitatum igneos per globos continuè pluentes aversum in hostem, omnemque peitentem incitat. Lusitanus, qui pars superaverat amnem, pars ripam trajecturus habebat, tunc se ipso implicatus, ac debilis, atque etiam animo consternatus inter crepidines, agitatissime fluctus cum magna trepidatione, ac tumultu prælium inire cogitur, nec alia potior salutis spes, paucos cum cape-ret, multique quærerent vadum, hesitatione, duro labore, metuque languentibus erat, quam præceps arrepta per Anæ vortices fuga. Interea totus accessit Castellensibus peditatus ab Avila ductus, qui à Molingenio extemplo divisus, iis partim iubetur, esse subsidio, qui in margine ripæ pugnabant, partim propugnaculum advolare, ut in ejus ruinam intentos opifices impediret, ac cederet. Omnia impigre facta sunt. Hi enim laceros quosdam offendunt cuniculos, majores alios, ignique vomendo proximos anteverunt, qui opere ibi, aut custodia districti erant, artifices, militesque confodiunt. Pedites autem quos equitatus latera circumire, sparsosque, ac palantes in trajectu premere hostes jussérat Molingenius, quamplurimos Lusitanos vado interceptos, & errabundos, aut gurgitibus emergentes, alios aquis, & armis, graduque incerto simul implicitos, alios trepidos, atque incompósitos intercuntationem, & moram amnem ingrediendi juxta ripam sternebant. Latè exdes cruentaverat amnem, stragisque & interitus finis per tumultum, & fugam altera capta fluminis ripa fuit. Ibidein ut flumen quisque transierat, in ordinem milites distributi, ac latius acies extenta obsederat ripam, ipso etiam hortante, ac præsidente Albur-

quercio; fluvio interruptus Castellensis sublevis miles, quanquam enim omnino victor, transitu tamen abstinuit, ne eadem ratione, qua vicerat, vince-retur. Lusitani ad octingentos in hoc certamine cæsi sunt, sauciorum par ferme numerus, parvulo impendio laurea ex patrocinio loci Castellensibus stetit. Post hæc Alburquercius fractum ad Elvum militem ducit; integris ferè copius Badacocium revertitur Molingenius, sarcinæque subinde jubet, quas Leganesio ruinas disruptis cuniculis fecerat hostis, quod cum ei citò subven-tum esset, propugnaculum brevi, ac facile restauratum. Hujusmodi pugna Lusitani belli annus sextus excessit.

Tavaræ Marchio deinde obscuro nomine tamen, & quasi per otium iisdem militibus in Lusitanæ finibus præfuit. Huic post Ilerdanam obsidionem præclara adversus Gallos fama in Catalaunia solutam, rursus altiorique expectatione Marchio Leganesius suffectus est; sefellit tamen egregium Ducem, deque eodem ubique ex recenti fama, plausuque conceptam spem tum pecuniæ, tum comæatus & rerum omnium inopia, ut fame perire nisi milites vellent, rapina, vel furto vivendum esset, & sæpè etiam quod virium, ac vitæ inædia, situlque reliquum fecerat, id hostico ferro reddere cogentur. His accedebat quod in dies senescenti, & aliò sæpè terrarum, & alia etiam ad bella magna ex parte distra-cto militi, nec ulla reliquias servandi exercitus cura, nec supplementum adhiberetur. Ita porro usque ad Ducis Bregantii mortem frequentes excursiones, tumultus, & latrocinia potius, quam justas acies hostiles utrinque conatus, & vires exercere. Id potissimum accidit, quod ea tempestate, cum gravius flagraret in Catalaunia bellum, usu, & labore compertum esset haud integrum utique fore Catholico Regi atrocia duo bella simul Hispana

Hispana inter viscera sustentare, cum ista præsertim, quæ tam intimè serperent, carperéntque Hispanorum fortunis, & capitibus imminerent. Ad hæc per id tempus populares turbationes, nobiliúmque adversus plebem dissidia urbem, & regnum Neapolis convellebant, quod præcipuum Catholico Regi mœrorem, & metum incussit de summa rerum, siquidem tot inter afflictí propè ruinas Imperii, nunc ferè ejusdem Imperii columnen excidio finitimum cernebatur, eoque si cecidisset, proventu, atque copia defraudabatur ærarium, unde in alias egentes Imperii partes opulentissimè influit. Præterea in Belgio, in Insubria antiquum illud, & ingens adeò nunc solito majus exarserat bellum, ut nulla propemodum esset imperii pars, quæ à consuetis claudibus belli, & ruinarum successione, ampliorisque terrore vacaret. Hæc est planè causa tandiù remissi, aut intermissi potiùs in Lusitania belli. Bregantius autem, cui satis, & super id, quod expectare poterat, erat, se paci studentem imperturbato regno potiri, eo rerum habitu lætabatur, & quia ipsi à vulneribus belli, atarisque perfracti sumptibus respiranti hoc modò liceret per otium futuro pro bello resumere vites.

1648. Annum verò currentis seculi octavum, & quadagesimum magna conjurationis in Catholicum Regem moles secuta est, quæ sine causâ quidem exorta, stolidâ quoque mente suscepta, ac deterius exagitata paulò post facilè corruens in rerum suarum initiis temerè conspirantes oppressit. Princeps hujus conjurationis artifex extitit Carolus Padillia genere Toletanus, cui, etsi nulla tanti obeundi facinoris ratio, aut injuriæ stimulus esset quo personam læderet Regis, eas tamen iniquas ille ipse causas, cum aliunde non esset locus ab ingenio ejus præcipiti, ac turbido mutuatur. Familia ipsius inter pri-

mas Castellæ nobilis veteris multum hucusque splendoris, nominisque remissus, nam ut præ illustribus quibusdam familiis virtutes quædam aut vitia congenita sunt, fluxuque sanguinis propagata, hæc ipsa velut indolis turbulenta, maximeque seditiosa, & in suam regn'que perniciem sæpè numero se convertentis, semel, & iterum ab Hispanis Regibus est dignitate, atque opibus imminuta sive iusti supplicii, sive tumoris purgandi causa. Evenit præsertim atavo Caroli, quâ tempestate in Hispania Carolus Quintus Cæsar imperabat, vel quod illius ab initio Castella dominium ut alienigenæ sperneret, vel quod aliis, multisque belli, pacisque negotiis procul implicitus, ab Hispania diutiùs quàm gentis à Principis ore propè pendentis natura, seu mos pateretur abesse, vel ex utroque simul, cum variis tunc temporis esset Castella commissa discordiis, ut quia ille præcipuè se turbis immiscuisset, paternâ Toleti diruta domo ignominia publica notaretur. Vitam tamen cultumque morum seu ingenii temperamento, seu hominis disciplina domesticâ labi longè dissimilem sumpsit Franciscus Padillia hujusce Caroli Pater. Muri-bus enim egregiè confectis in bello rebus, tum fide, morumque suorum integritate Mediolanensis arcis Præfecturam à Rege promeruit. Hic porro natus est Carolus, qui ubi primùm adolevit pravis moribus, atarisque primitiis à sanis abhorrentibus institutis plurima signa, atque infausa prælagia prodidit sibi quandoque impendentis exitii, scilicet discors, inquietum, ambitiosum ingenium, idem facundè vel fallaciter vellet, vel faceret, vel modeste, vel procaciter loqui, circuire, moliri per aqua, & iniqua destinata perficere, simul trucia consilia, projectam audaciam, simulando, dissimulandoque apertudinem in illa ætate ferè incredibilem, cujus juvenis indolem in illo jam



jam ætatis pene flore marcentem cum pavidus animo, sollicitusque pater aspiceret, si quoquo modo institutio, doctrina, vel consuetudo fortasse corrigere, aut flectere contumaciam nature posset, filium optasse dicitur ad mitiora traducere studia; at ille ingenii sui ardore, atque impetu abreptus, statim, ac per ætatem licuit, ad aciem, & arma se contulit. Itaque in Belgio primum pedestris, equestrisque decora, ac diuturna stipendia Ducis explevit; inde ad Hispaniam postea profectus, cum generis splendor, ac simulatio virtutis, quæ in illo maxima fuit, contracta simul in bello merita afflarent, summa cum laude, plausuque in legati equitum munus Catalauno pro bello promotus est. Ibidem ergo merenti, priusquam prope Ilerdam arma confretent Hispani, Gallique copix, Carolo fortè accidit ut Hispani exercitus Dux Andreas Cantelmus imponeret, ire exploratum hostium adventum, cumque accederet hostis, parte equitatus quam ille ducebat in ejus latus tranvertum incurrere. Quod spreto Ducis imperio, & futilia, & inania quædam causatus cum efficere Carolus noluisset, ejus scelere Hispanus magna subinde clade pertractus, & fusus, aut captivus abstractus fœdum in inodum in illa pugna succubuit, Cantelmusque vertenti se denique ut solet, adversæque belli fortunæ ferendæ insuetus, squalore, & tristitia ex successu illo infelici confectam paulò post vitam miserè clausit. At planè constabat, non ignavia, non metu aut defectu judicii vim præcepti non capientis, aut causæ imperium interpellantis tantum à Carolo nefas admissum esse. Curiosè verò inquirentibus causam, cum nova, & occulta, ignaris, quæ ille consilia in animo coqueret, nulla subjiceretur, trito, & vulgari plerisque sermone deceptis sola tum occorrebat invidia, qua videlicet ictus

Hispanus vel suo crimine, ac malo publico voluisset victoriæ, laudisque palmam Italico Duci interversam. Postea verò compertum est, impia illa prodicione Carolum sibi, hostibusque sceleris gratiam fecisse, in eoque nefariè ex tunc proluisse, quodquod ægro, & affecto animo volutabar. Hoc tantum viri flagitium, graviusque inflictum reipublicæ vulnus, seu multis per injuriam in Cantelmum conjectis insectationibus obrutum, seu malè omnino dissimulatum, cum impunitatis illecebra staret, pravo subinde ingenio nequitiam, vires audaciæ, ambitioni flammæ adjecit. Proinde militiæ curis plus in quibus periculi, minùs ad esset emolumenti prorsus abjectis, aulicisque, ubi fraude grassari potissimum juvat, assumptis, struere, moliri, ac dici meditata, mentèque discussa per artes componere, atque ad exitum ducere cepit. Primaria per ipsum hujus machinæ jacta fundamenta fuere, Ludovici Ari primi Regis ministri per insidias, & dolos captare benevolentiam, atque ad arcana expiscanda regiminis, ac si longius fortuna favisset, ad publicarum quoque curarum partem suscipiendam in intimam ejus familiaritatem, atque fiduciam obrepere. Ea itaque mente Carolus assentantium, ac servientium gregibus mistus Ari frequenter adire domum, foribus ejus assistere, cum abeuntem, eum revertentem turpe usque ad obsequium suoque genere indignum prosequi, & ut plurimum verecundus, ac tacitus, neque dare, neque reddere verba solitus, nisi urbanitas illa, sive necessitas expressisset; præterea quicquam prorsus ab Aro à quo omnes omnia petebant ipse minimè petere, ut ita elegantius videretur obsequium, & absque ulla commodi cura gratius. Aro cum viri nobilitatem, tum insignem belli virtutem nosset, ea ficta quoque modestia, & venerationis cultusque dulcedine capto



capto illabi paulatim, & crescere postea cepit in animo exorta etga Carolum inclinatio, quæ gradatim, ut fieri natura, & consuetudine solet, intensa eousque postea recaluit, ut illum jam Arus inter amicos, & maximè fidos complecteretur. Ita igitur Carolo in Ari nunc sinum immisso cum majores patientia, & industria difficultates abforbuisset, planiora quæque deinceps ad rem propositam patuer, nimirum adeo partem augere benevolentiam, intendere officia, explicatis propius animi dotibus existimationem apud illum, & fidem magis quotidie producere, ut arduo, & fiduciario cuique obeundo negotio ipsum omnino Arus ingenii solertia, atque animi magnitudine parem censeret. Sub idem serè tempus evenit, ut clam de pace cum Gallo ageretur in cujus habendæ confictam subdolè spem ex longo intervallo Pontifex Innocentius Hispanos, ut his humanioribus uteretur adduxerat. Tum verò cum impigro, erudito, sagaci opus esset ad rem peragendam ministro, inter multos qui illam navare operam postulabant, Carolum Padilliam, Lutetiam, ut aptiorem officio, mittendum elegit Arus, ut apud Cardinalem Mazarinum, qui rerum arbiter erat, ope, & consilio Legato Pontificis præsto esset, & hic aulæ Catholicæ, ille verò Pontificiæ auctoritate, atque gratia vehementius uterque pacis negotium urgerent. Cæterum spe vana pacis Hispanos cum pasceret Innocentius, Gallus cum Papa colluderet, nimis urgere concordiam vereretur Hispanus, ne interiores fortissà plagas ut imbecillior, pacisque indigus enudaret, diutius extracta, atque elusa post tandem eversa res est. Interea sectetò cum hoc Lutetiæ negotium, spēsque pacis incerta penderet facta Carolo copia est, ea ipsa quam prætextu non causâ adornabat Ari mandato in Galliam profectio plura tan-

quam fido explorandi, & quæ occulto censebat opportuna consilio ex voto ordiendi, machinandique. Roderico Silva Duce Ixarense uno omnium familiarissimè eo tempore Carolus utebatur. Erat ille Hispaniæ magnatum nemini propè secundus tum clientelis, & copiis in Aragonia, in Castella, in Lusitania longè lateque diffusis maximè potens, tum etiam occultas, & acres cum Aro simulates gerebat, quod ipsum fraude, & invidia retractum à gratia, atque assuetudine Regis quam genere, atque virtutibus animi, quemadmodum ipse dicebat, credique de se volebat, cuius muneris suffecturum, torpere otio, nihilque reipublicæ Arus pateretur attingere; malè animatus, atque intimè offensus prætereà Catholico Regi peculiari, additæque de causâ idem erat Dux Rodericus; nam cum semel Regi proposuisset, Habere se nempe domi famulum quemdam origine Lusitanum rapidi, aut lenti cujuscumque veneni conficiendi artificem admirabilem, eundemque promptum ingenio, versutum, & agilem hominem, Bregantiôque de medio tollendo maximè aptum; potro autem à se donis istum illectum, uberioribusque promissis inflatum rem capessere sponondisse, Regisque si id probaretur, eundem, ut promississet, fideliter præstiturum, tunc averfatus facinus Rex, vultuque rubescens, ac torvus alium alio interjecto sermonem abrupit. Quam sanè rem Ixarense non insitæ Regi clementiæ non morum ejus integritati, at diffidentæ potius, clausoque ingrato homini pectori haud recto quidem judicio, sed livore quodam animi attribuit, in eo ipso tum falsò ratus contraria, ac secum pugnantia ostendere Regem, quem scilicet perduellem notasset, alienique regni raptorem, & Hispaniæ facem, ac pestem complotavisset, jam minimè eundem existimare omni genere exitii, omnium

nium suppliciorum, & cruciatuum horrore dignum. Intellexerat etiam pro sui ingenii duntaxat indole Dux Regem nullum in terra esse, qui fas, & conscientie pondus, & fidem præ imperii rationibus duceret, aut qui non fraude, & insidiis quando rectè non posset in re perutili grassaretur. Quid rei illi porrò tenrandæ saltem obstabat? num Bregantii periculum? num sceleris turpido? num si res bene Tyranni, si secus ea cecidisset, vili jactura corporis? an non ad regni receptionem tantum, quod nunc in bello Hispaniæ sternitur pubis, tantumque sanguinis profluit, unius ejusque nefarii, contumacisque clientis redimere interitu satius fuerit? vel in his fortasse scrupulis modò hæsitat Rex, cum alia monstra, alios scopulos intrepidus voret, ac transeat? Illud nimirum in causa fuisse, quod ex longo intervallo provisum Ari artibus fuerit, ut regii jam animi affectione corrupta, haud hæcere consilium posset, cum suspecta fides accederet. Hisce molestiis, atque edacibus animi curis quas nimia de se existimatio, ac dolor injuriæ opinionione longè minoris accenderat, Ixarensis supra modum exacerbatus Padillæ peraspè, ut intimo imprimis amicomærorem suū impetrari solebat, cum eo fundere questus, aggerere minas velut omnia hostilia, atque in Regem infesta, si occasio quandòque daretur ausurus. Hoc animo imbutum, tanta fiducia sibi devinctum, adeoque in rem sua spontè incitatum, ac proum cum videret Carolus Ixarensis, & necessarium præterea duceret, è magnatum numero aliquem interesse, qui auctoritate, splendore, & copiis conjurationis spem, atque vim sustineret, illi tandem consilium aperuit, ejusque sententiam, & opem efflagitavit. Dux nihil facinoris novitate commotus, aut fœda tunc primum ejus proposita oculis sceleris imagine territis, tum fronte,

tum animo inverecundus, ac mirè lætus professus est statim, & fidem Carolo obstrinxit, conjurationis se Principem fore, in eamque toris se viribus, atque opibus enixurum. In partes subinde, & perfacile utroque hortatore adscitus est Petrus Silva Vegensis & ipse Marchio Padillæ per amicitiam, Duci verò Ixarensi per necessitudinem junctus, & hic quidem non tam nequitia, & morum ejus improbitate, quam animi levitate, ac vecordia proVectus instar eorum, qui moribus fluxi, enerves, ac faciles, perinde ad honesta, atque inhonesta trahi sociorum impetu patiuntur, ac dispari sorte cum malè res accidisset promiscua sibi pericula, ac detrimenta faciunt, cum autem prosperè, inæqualem fructum periculorum. Series conjurationis hujusmodi fuit. Hispaniæ sibi regna dividerent, quarum pars, scilicet Catalunia, & Navarra in ditionem Gallie Regis accederet, siquidem is jam Cataluniæ possessionem, & jus in Navarram obtenderet. Scissa in hunc modum præterea suisque distracta, atque imminuta regnis Hispania, majori quidem deinceps felicitate, sublata jam armula, Gallie conatus, & vires auxisset. Aragoniam arriperet sibi Dux Ixarensis ubi opes, & illustris erat illi familie nomen & decora quoque cognatio, regnumque, cui & præsci, unicique majestas, & gloria Regis nondum memoria deciderat, nec omnino frigerat amor, rebus fortasse novis non dissensurum. In Castellam Bregantius statim invaderet, utque juris aliqua species odium Tyranni, atque execrabile nomen velleret, tum vi, sive dolo Rex Philippus occideretur, rapta subinde Maria Teresa regia illa, ac nobilis Virgo transferretur in Lusitaniam, ibique Alfonso Bregantii maximo naru filio nuberet, cumque parente Rege sine mascula prole cæso, eo tempore ad ipsam profecto Teresiam

resiam Castellæ hæreditas pertineret, duo ita jure connexa regna ad summam Bregantii familiæ amplitudinem, & imperii securitatem eo devolvenda consilio erant. Hæc inter eos ut erant secreto collata sese obrulit Carolus ad Mazarinum per velamen tractandæ cum illo pacis in Galliam deferre, quod erat, ut ipse falsò credebat, celeriter profecturus, re postea confecta, eundem cum armis ad Aragoniam venturum, atroxque inde bellum pro pace laturum, eo ipso inter acies, & arma seu Duce uti Galli, seu milite vellent. Interea Dux Ixarenfis in Aragonia gentiles suos teneat, clientes veteres foveat, novos, quos posset, acquirat, donis, promissis rerumque novarum illecebris cautè sollicitet hominum fidem, omnia sic ibi constituat, ut conferendæ cum manus essent non minùs ab exteris Aragonia, quàm domesticis hostibus oppugnetur. Ex parte verò Gallorum, illi minime videbantur rem propositam neglecturi, cum mos antiquus Principibus sit ne dum alienorum conspiratorum promissa recipere, sed legere quoque vestigia, & placidas etiam ipsos à longè turbare aquas, ut inter exteras turbas alicujus semper utilitatis participes, omnino periculi exortes, externisque discordiis tum regnorum suorum pacem, tum incrementa domestica metientes. Hæc etiam naturæ vitio communia Principibus studia intendere Gallis præsertim innatam in operando celeritatem, & vim illam igneam ingenii tam in copia, quàm rerum inopia, tam in bello, quàm otio imparienter semper ebullientem. Auxerat insuper conjuratis rei agendæ alacritatem, & spem, à prole virili regia tunc inspecta Philippi domus, quæ Imperio succederet, vacua. Ideò enim & subditos quasi Regis ludibrium, & spes novæ, ac rerum novarum cupido, & qui futurum sibi quærebant, aut divinabant

Regem sollicitudo perinde inquietos, ut quietos caperat homines, eoque tandem ambitionis ille furor prolapsus est, ut tantæ rerum conversionis, quæ nulla sanè absque populi afflatu, aut summè perniciofa ejus auctoribus extitisset, jacerent tunc fundamenta in actione minime populari, qualis profectò fuisset pui, infontis, adamati-que maxime Regis immanis, & barbara facta cædes, nec satis quoque nervorum esset, unde metus incussus explere cætera posset; siquidem Ixaræ Ducis non ex clientelæ, atque opes in Aragonia florebant, quæ tantæ sustinendæ moli sufficere viderentur, perennes undique vires erant, numerus hominum imminutus, nec minus ad opus lacerti, quàm hominum capita flaccecebant. Ex composito tamen sic institutus conjurationis ordo pergebat. Erat Lutetiæ Parisiorum Gallus quidam Mazarino familiaris, inter quem, & Carolum Padilliam vetus in Belgio, & casu contracta intercesserat amicitia, Carolus enim Gallum jure belli captivum cum secum benignè tractatum haberet, egregia tandem munificentia, & comitatis illecebris captum clam sine pretio dimisit. Hunc cautè nunc admonere per litteras placuit ea ipse de re ut scilicet orta, ut consulta, ut artificio composita erat, quò statim Lutetiæ Cardinalem Mazarinum instrueret, ac si aliquo fortè ante Caroli ad Galliam profectionem ibi consulto, aut maturato opus esset, ille satis edoctus in tempore præveniret. In Lusitaniam deinde ubi summa negotii, ampliòrque spes erat, & ubi præsertim communes ob rationes, propensionisque conspirantium amor, ardorque calebat, consilia conversa sunt. Hunc igitur Carolus pro Bregantio apud Arum dolum incendit. Bregantii speculator quidam occultus in aula Catholica versabatur genere Lusitanus, cui Dominico Capralio no-

men erat, & cui etiam intimè Carolum & diutina consuetudo, & nefaria consilia, & morum similitudo contraxerat. Hunc hominem Aro Carolus apposuerat rerum in Lusitania accidentium adultetinum exploratorem, cum verus esset Bregantii, isque dum per ambages versipellis in morem ludificat Arum, in illius quoque familiaritatem per occasionem intrusus, & majora quotidie scrutatus arcana, omnia ad Bregantium secretas per epistolas trans mittebat. Ita sensim componi, duci- que cum subtilis capisset dolus, fingit, eodem Carolo assentiente, Capralius, quod certior ipse paulò ante factus ab Lusitania esset, moliri, multaque struere Breganrium, ut surriperet Gades insidiis, esseque intus rei conscios exte- nos quosdam negotiatores auro à Bregantio corruptos, brevique hoc consilio accessuros ad urbem hostes, ac si mi- nus procederet dolus, vi quoque eum adjuvare paratos. Præoccupanda esse quidem impia, & fallacia consilia Ty- ranni ne alia ex alia petatur ruina, cla- desque & semel exortum in novo Cas- tellæ angulo incendium, propinqua, & remota serpendo simul exhauriat. Hæc audita repente res Aro ingentem curam incussit, cum Gades sint in Hispania celebre rerum venalium emporium, tor- riusque Europæ, atque Asiæ maritimus aditus, tum ex advenarum ibi colluvio- ne pecuniam duntaxat, lucrumque quarentium prodigionis auro petita facilitas videretur affictam suspicio- nem intendere. Re itaque sæpè cum Carolo tanquam ex animo amico lon- ga, ac secreta oratione jactata, & pro afferendo quoque remedio diligen- ter excussa, Ludovicus denique Arus, ut idem senserat Carolus, mittere Ga- des Captalium decrevit, ut ibi pecu- niis, regisque mandatis, quibus satis esset expletus, prospiceret, caveretque ne nobilis urbs, atque portus per ho- stium insidias collaberetur. Cæterum

hujus tota negotii captioso quodam ambitu, & ordine machina versabatur, ex quo Capralius, Carolusque Padillia fraudulenter Bregantium introducere Gades quærebant, Arusque fallaci errore deceptus, se ipse inscien- ter præbebat alienæ perfidiæ ministrum. Jamque Capralius cum hoc temerè sibi commissio munere Gades pervenerat, ibique pecuniam, quam ad fraudem cavendam acceperat, ad eam per cuniculos inferendam effuderat. Libratis itaque rebus, cum scilicet Carolus apud Mazarinum Lutetiæ, & per Capralium in Lusitania, atque Gadibus conjurationis secreta negotia proveheret, moras tamen rei ad ultimum perducendæ necessebat gravissima difficultas, spes nempe tunc agitatur cum Gallo pacis ambigua, seu longius forasise, quam structarum clam rerum contextus in animo cupido pa- teretur extracta, quapropter cum ferè inextricabilis Aro illius tractationis exitus videretur, idcircoque Caroli ad Galliam discessus inutilis, acciderat etiam, ut fundamentum, quo niterentur, ever- so in irritum omnia partium conamina ruerent. Proinde aut rerum exitum expectare oportebat, aut alio modo conjurationem ordiri. His curis sollicitis, incertisque quid per id tempus consilii potissimum caperent, fortè con- tigit, ut Joannes Padillia Caroli frater, qui Mediolani ea tempestate degebat, à Catholico Rege tunc civitatis Ver- cellensis Præfectus renunciaretur. Summa hoc lætitia conjuratos affecit per- utile sibi fore censentes si in tennes, & imbecilles quas modo partes ha- bebant, transiret vir militaris, ingenio, manûque promptus, & genere cla- rus, quique pignus habebat in subalpi- nis, quo allicere spe, metuque tenere Sa- baudix Ducem, & per eum ipsi fœdere annexum Gallix Regem inflectere po- tuisset. Arbitrio enim, & robore Galli vim omnem, & pondus præsertim con- jurationis innixum esse putabant, idcirco maximè

maximè laborabât, & seipso, & Sabaudii quoque stimulis incitatum in illam vehementius incumbere Gallum. Anxius itaque Carolus, cupidusque in sceleris societatem, bellique quod parabatur subsidium, ac robor Joannem etiam fratrem addendi, utque simul ex variis Imperii partibus, diversisque in illam consiliis inclusis, mistisque Principibus constituta coalesceret conspiratio, dum Comes Assentarius Mantua Carpetana belli causa Mediolanum transiturus excederet, clausas ipsi Comiti litteras, Joannisque Padillæ fratri Mediolani reddendas dedit, quarum sententia, ad morum & animi ejus effigiem in hunc modum descripta erat. Primum turbulentorum hominum vitio inversa, tristitia, ruïnosa & perdita passim omnia ingenii sui fulgine conuentium, aut ita contortè credi volentium desiebat Hispani Imperii calamitates, at sediores subinde malorum clades, & pestes, is nisi erumnarum aliquo pacto cursus inhiberetur, esse absque dubio idipsum funditus eversuras comminabatur, seque in primis idcirco sollicitum, & cum eodem veluti complexum Imperio, quando hujus modo labentis virium omnium conatu succurrere excidio minimè posset, ejusdem ruina sese tandem comitem prebiturum. Neque tantum profectò oneris se per levitatem ingenii, aut ambitionis, aut divitiarum acquirendarum illecebras suscepisse, nec quia vir ipse genere, belli decore clarus, emeritaque militiæ à premiis ab honoribus pulsus cum egisset, ac pene dedecore hinc vitam afflictam duceret, verum ad patriæ communis salutem, Hispanique tuendi nominis dignitatem, quæ longè deterrimi in illa ætate ministri intoleranda superbia, inexplèbili avaritia, omnisque criminis genere interitum, aut servitutem premolientes Imperio iruculentissimè lacerarent. Summo ergo labore, atque industria, ut nonnihil effugii, velut aquè sibi, ac reipublice pravius à malis impendentibus quæreret, cum Lusitano, Galloque idoneos per viros eo tempore trahere se clandestina consilia, ea

singulis pollicentem quæ propter cum omnium ingenii, & studiis accommodata promissorum esca munerum sit, tota singulis sustinenda conjuratio proposita videatur. Neque ex eo porro, quod ita contrabere, aut in partes succidere videretur Imperium, minus se illi, ac nomini Hispano, quàm si in eodem, quo tum sic fluctuaret, statu relinqueret, profuturum; utilius enim, atque optatius utique esse, imminutum, sed diuturnum, ac stabile Imperium, quàm vastum habere, sed caducum, & imbecillum, & sua quoque vastitate laborans, simul etiam egram, ac propè depositam reipublice avellere partem, quàm suis ulceribus derelictam, sanie, taboque influenti corrumpendam omninò sine re. Ad hæc cum ea rerum, & in pejus certè mutatio inevitabilis tandem reipublice sit, præstare quoque eas in tempore commoveri, nisque fluctibus immisceri aquè periculi, ac premii participem, quàm otio, & inertia sopitum ab aliorum arbitrio, & fortune quoque ludibrio suspensas rationes habere, ac pejora quotidie metuere. Pro hijs rebus consiciendus adesse in partibus sibi gravissimum virum origine, fama, copiis, incorrupto judicio excellentem Ixara nempe Ducem, coherere illi quoque Marchionem Vegensem, & Dominicum Capralium Lusitanum, qui multa in eo regno sua auctoritate, atque gratia, majora in Castella suo ingenio, & artibus revolveret. Tempore autem appposito, cum factio, Dux factionis, tumultus, & causa tumultus, spes, resque nova, & turbida omnia manifestentur, magnam profectò, & meliorum hominum vim confluenturam, qui tunc hærentes, & alius alium expellantes, non otii, aut officii gratia, sed infelicio duntaxat exitus metu à libertate recuperanda deterrentur; eò enim usque in Castella excessisse procerum inter se similitates, administrorum dissidia, magistratum rapacitatem, senerantium ingluviem, simul oppressi, jacentis, afflictii populi lachrymas, ac lamentabiles voces, ut odio, atque horrore presentium, nemo sit qui rebus aliquando commotis ex hoc tacito domi bello aut impura quadam tranquillitate, ubi la-

*trones pinguent, ubi imperat stulti, ubi tumet ambitiosi, omnia in melius mutati iri minime speret. Caterum magni quidem momenti id sibi acinoris capessibus fore, si ipsorum fortasse conjuratorum arbitrio Pedemontane urbis, cujus nuper ad Ioannem translatum esset à Rege Philippo regimen, accessisset, si quidem certior per ipsam Gallia inhiantibus preda, & tenacia atque solida hoc negotii ingredientibus praberentur initia. Daret operam ergo Ioannes irrepere sensim in animos militum, eos obsequentes, & pro nos reddere sibi, ita capere blandimentis, & laqueis munerum irretire, ut cum res postulare tunc urbem ipsorum nutu liceret Sabaudio, vel Gallo prodere. Levia quidem pericula esse, spes amplas, ingentia premia conspirantibus posita, & super hac nationis, patriæque labantis studium, & coactam quantumvis seram ipsam medelam acrius debere nobilium animos inflammare. Hæc Catoli ad fratrem longioris epistolæ summa erat. Pottò autem in eo litteratum excursu, adeò implicatus, & varius sibi ipse repugnans & jam se felicem, jam infelicem ostendens metus, spes, morotem, lætitiæ, quæstus, & vota miscebat Catolus, ut exagitaret planè conscientie tumultum, & alius hærentia in pectore vulneta denudaret, & tragicum etiam illo auctore, illo Duce, eo litteratum exemplo colligeretur malè, ac stultè suscepti talis operis vaticinium. Has Catolus litteras, ut Joanni Padillæ fratri redderet Mediolani, summo studio commendavet Assentario. Duplici autem errore hic obæcata scelere mente lapsus est Catolus, primo quia non obscuris, & falsis, ut fieri etiam in rebus minus gravibus solet, characteribus usus scripsit epistolam, altero, quia latori ad fratrem Mediolani reddendam adeò illam, & sæpè, & actiet inculcavit jam officium in causa, jam fidem ab ipso reposcens, ut ex eo prælectum, quod ita ille premetet, quid tanti momenti in his litteris latuisset, explorandi mentem, & curam Assentario*

simul injecerit. Ipse mox Assentarius Mantua Carpetana profectus Alican-tem, expeditæ ubi naves propitios ad Italiam afflatus, quibus vela citò committerent, expectantes in ancoris erant, inde protinus transmissurus accessit. Caterum, ut ex connexis, ac superius præcedentibus causis semel provisum fuerat, setus ejusdem Comitæ ad Alican-tem adventus solvisse jam naves eo tempore offendit. Solitudinis igitur illi in ota ferè deserta, atque otii levamenta quærenti, dum cunctatur, ac moras ducit novi nempe itineris instruendi, pro tempore contigit, ut olim ex litteris, & quo sibi conatu commissa fuerant mente perceptam, cum vacaret jam animo, suspitione excutere vellet. Solvit itaque litteras, prope attonitus legit, suis vix ipse credens versiculos singulos repetentibus oculis, & simul admiratione, simul hortote perfusum cum affluentes animi curæ ancipitem hominem traherent, utrum virulentas scinderet litteras, an præmium insigne ex delato confestim scelete peteret, utilius tandem, honestiusque idem consilium hominè vicit, easque ita solutas epistolas Assentarius statim ad Arum Mantuam Carpetanam remisit. Hæc ubi competit Arus dolens, fremensque & Catolo, & sibi maxime itatus, quod se nimis fidentè, & facilem dolo circumveniri nefario ab homine passus esset, ultione flagrabat; tamen cum Ixare Dux eo quoque crimine teneretur, sibi que molestia, & oneri pariter tum castigatio, tum optimatis impunitas esset, nihil ipse inciperet voluit, priusquam consularet Regem. Hoc itaque statim convento, apertisque conjurationis indicis, & manifestis per litteras notis, Rex obortis præ amantidine lachrimis, fertur dixisse: Quid porro tam ego iniquè, tam insolenter de Duce Ixarensi meritis sum, ut contra me sponte vellet tantum flagitium admittete. Status deinde Senatus judicio ob plurimos, qui reo ibi Duci assidebant,

jure

jure cognationis obstrictos, suspecto Catholico Regi, idem è sinu suo atroci ea de re cōsulturos accersit Ludovicum Arum, Comitem Castriliū, arque è secretis Consilii Status Ferdinandū Contreram. Hos simul cū interceptæ epistolæ capira excurrerēt, eorūque momenta librarent, gravior propterea sollicitudo perculerat, ne aliores fortasse, quàm præ se ferret, ea conjuratio radices fixerit. Nam prope incredibile existimabant Ixaræ Ducem nobilitate spectatum, uberem copiis, ætate vergentem, incorrupto judicio, mente integra voluisse pericula, spes suas, rationes, ac suæ dignitatis splendorem cum paucorum inopia, ac sordibus commiscere. Plus autem Lusitani ab insidiis, quàm ab opibus Galli his, qui trepidè modò rem consultabant, merus incesserat. Gallus enim longinquare situs, perpetua utriusque gentis animorum contentione, arte bellique fortuna sæpius expertis, eas esset Hispanis vires, & nervos oppositurus quas aliàs frangere Hispanus, aliàs æquare mutuis cladibus consuevisset. Atqui Bregantius suo ipse auspicio, ac nomine Hispanus, intra viscera hostis, & dolis non minùs, quàm armis infestus; tum sanguine gentilicio multis, clarisque Castellæ familiis immixtus, si invalesceret conjuratio, acriùs bellum ut intestinum quo quidem celerius regna concussa labuntur, excitare facillè posuisset. Bregantius prætereà spe, at sumptibus major Gallus in causam applicuisset; hunc animorū vim oporteret, illum corporum expugnare; Gallo etiam bona qualis inter externos lubrica, firmior, constantiorque Bregantio, eaque melior suos inter Hispanos fortuna accidisset. His, & similibus rebus longa consultatione discussis, inter omnes tandem convenit, conjurationis modò compertos per interceptas litteras homines rapi confestim in vincula, & quorum postea confessione per vim tormentorum expressa, quæ prudentiùs

deinceps agenda essent, rationem, ac tempus admoniturū. At Dux Ixarensis non statim cum aliis comprehendere-tur, sed relicto viro Principi spatio aut fuga, aut rempessiva confessione, aut aliquo alio, ultro si vellet, de se statuendi, inter hæc animi fortè conscii, parente jam scelete, impulsus, & impetus experiri. Verùm enim verò sua ipse sponte si longè exulatum elapsus esset, jam per ejus absentia Hispaniam exonerasset, à fuga verò retractus per clariora deprehensa vestigia sceleris, popularius, ut palam, & graviter fonti constitueret sibi supplicium, voluntariè tandem crimen confessus, Regique supplex per pœnitentiæ suffugium additus, seu clementiæ, seu reitoris exemplo cū eo uti idem Rex voluisset, jam suæ vitæ, necisque arbitrium in ejus manibus collocasset. Decere propterea, accelerato in alios abjectioris quidem notæ judicio, cunctatiùs primario cum viro procedi, sive id decori personæ regis, sive familiaris in qua reus emereret, concederetur, vel saltem, ut planè constet, quantum Rex animo subit à cædibus casto, & à magnatum præcipuè fundendo sanguine averso; præsertim quando hæc mora aliunde non sit obnoxia, & aliter quoque juvet, ne aliorum reorum videretur cum Ixarensi conjuncta causa (quæ ratio maximè vicit) vinculorum disjunctione, ac temporis intervallo omnia secreta rimantis, odorantisque judicio plebis illudere. Secundum hanc sententiam Carolus Padillia, Vegæque Comes, qui Manruæ Carpetanæ tunc habitabant statim comprehensi, & in vincula impacti sunt; severa quoque, & celeria Regis mandata Mediolanū, Gadésque transmissa, ut hic Capralius, illic Joannes Padillia, uterque comprehensus Mantuā Carperanam asportaretur. Triduò post ex metu conscientie, & consciorum inspecta calamitate cū nihil ipse movisset Dux Ixaræ captus, atque in arce Santurcassensi, quæ haud



procul ab aula jacet, graviori custodia restrictus est. Et quidem initio hujus rei causam nescientibus aulicis varios rei novitas vultus, variisque passim rumores, & in areis, ac triviis hominum circulos peperit. Repente tamen in arctam tacita causa custodia Principem virum injectum esse considerantes, atrocem subesse rem plerique conjiciebant. Causa igitur constituta, tres à Castellæ Senatu integritate, ac doctrina egregii selecti Judices, dum acta conficere, vel ipsa confecta discutere curant per editos testes, & codicillos qui in domesticis Caroli scriniis conservabantur, accipiunt, frequenter consultos à Carolo mathematicos esse de Imperii mutatione, de vita Regis, de ipsius Padillæ fortunæ conversione, & temeraria quadam sceleratitate an meditata ex voto ejus cessura fuisset, scilicet aliis hominibus sceptrum dare, aliis auferre, pro sua libidine, ac nutu figere posse in Hispania, ac refingere leges, hos elevare, hos deprimere, hos perdere proceres, totum Hispanum vertere Imperium, & his, qui in ejus essent partibus nundinari, & alias hujusmodi ineptias, ac nugæ propè puerorû, quas venales, stultique Astrologi per aulae perniciem, ac pestem, artisque sublimis injuriam sordidè nutriunt. Ad hæc alba quædam manu Regis subscripta, quæ ob pacis in Gallia conferenda negotia Carolo ab Aro solia commissæ fuerant, illum nefariè, & impiè constituisse, ea ipsa falsis corrupta notis ad oppidorum, & arcium in Gallæcia Gubernatores summittere, ut illa interciperet Lusitanus, qua tempestate apud Gades Capralius prodicionem maritimi sinus pro Bregantio sollicitabat, atque ita hinc fraudibus strato per Gallæciam accessu, hinc opportuno subjecto portu, terra, marique tuto Bregantius in Castellam irrumperet. Constitit etiam Judicibus ex lege rem inquirentibus, multis ante diebus, quàm in vincula Carolus rape-retur, præcepisse cuidam ex fidis, ac ve-

teribus famulis, ac sæpè inculcasse, si eundem fortassè aliquando vidisset carcere, aut fuga, aut interitu, aut quavis alia calamitate sublatum, ut illas statim combureret litteras, quod intus revera tumultuantis, suoque scelere tactæ, agitateque conscientie manifesta, atque certa expromebat indicia. Hæc omnia, quo ordine illuxerant, cum in acta relata essent, citatur illico reus, & plana, atque simplex tormentorum terrore secluso prima de more interrogatio procedit. Is tum à se non negavit ad fratrem, quæ jam paterent, conscriptas epistolas esse; eas tamen fictas, & commentitias, & ingenii ardore constatas, ut ab infructuosa, gravique militia astu vel utili abduceret fratrem, asseruit. Simulata quoque prodicionis consilia sese de industria Capralio jactasse, quò illo fidem hominis artificio, quam esse ancipitem suspectabat, probatam haberet, nihil enim magis appositum explorandæ fidei hominum esse, quàm ingenue opponere fictam, & vera mendaciis eruere. Ducem verò Ixarensē non ferriò, non studiosè, at nris profectò lusuque gratia Aragoniæ persæpè Regem perfunctoriè prolatum esse, quemadmodum enim Arus quidam velut Rex ascititius totius Hispaniæ gubernacula prehenderat, sic Aragoniæ partē assumptam addicere sibi Ixaræ Dux potuisset. Verùm cum testimonia deinde, & aliæ collatæ litteræ, atque indicia & causæ argumenta compararentur, non rectè coherere confessio, nec ejus ratio, aut oratio satis constare Judicibus videbatur. Admoventur ergo tormenta, quibus cum crudeliùs Carolus urgeretur, & cum retorquerent incussi mēbra funiculi, & intus equulei cuspis affixa profluente sanguine coxas, & crura, pedesque compleret, nec longè inde positus torreret insuper ignis, doloris acerbitate, & plagarum ardore coactus planè tandem confessus est in Regem intentam necem, & regis virginis raptum, & per



per eum Ixarensem ad Aragoniz invasionem impulsus; clandestina quoque consilia, & nefaria admodum tentamenta cum Lusitano, cum Gallo, in Imperii perniciem suscepta. Quæ præterea flagitiosè, quæ impiè, quæ spurcè ipse in toto vitæ curriculo egisset vi tormentorum etiam elicitæ promittit. Hoc quoque facti inter tormenta sunt Marchio Vegenfis, atque Capralius, qui Gadibus victus Mantuam Carpetanam adductus fuerat, & post cruciatus ratum etiam de more habuere. Sic explicata penitus causa, ac de jure confecta in omnes ut reos majestatis capitale supplicium sancitum est. Ea porro sententia Carolo declarata, & quàm citò exigenda cum pœna proposita esset, horribili facie quamquam homini mors impenderet, ac propè hæretet jugulo cultrum, formidine tamen intactus, atque integri spiritus nullum turbati, aut abjecti, aut quoquomodo mutati animi signum eo tempore protulit. Inde cum ad supplicii locum deductus esset, eodè utique vultu, animique rigore, atque habitu corporis quàm in æqua fortuna gesserat, ferale pæna, tanquam scenam ludicram subit. Ibi paulisper funereo cum habitu stans, nec ore, nec gestu, nec anhelitu quoque pavide, aut mœstè quidquam ostendens, postquam ad immensam, quæ spectaculo aderat, hominum multitudinem, serenos, & graves circumtulit oculos, placidè se composuit extremo carnificis ictui, arque animo tandem interitus jugulatur. Pari deinde supplicio, sed non eodem vigore, animique constantia Petrus Silva Marchio Vegenfis extinguitur. Dominici Capralii Lusitani, quia jam fito in custodia, corporis, animique ægritudine fractus concesserat, memoria, atque imago publicæ ignominie, ac perpetuæ contumeliæ data est. Hic autem Catholici Regis memorabile quidem pietatis exemplum non prætermiserim, priusquam enim in reos confessos scelerisque convictos

sententia Judicum emanaret, ipsius ad eosdem Iudices manu exaratos misit Rex codicillos imperiosè rogās, ac suppliciter jubens, ut cunctatius, & æquius in ista quàm in alia ulla causa hominum crimina tractarentur, ne assentatio fortasse, nè nimia populi affectio, tumorque diffusus, neu quia pars ut lapsa majestas descenderet in iudicium, reos hoc obrueret, aut aliquo pacto præsidio legitimo juris officeret. Sese quidem ut hominem parcere fontibus constantissima voluntate, de Rege, & quod ad causam publicam spectavisset ipsi incorruptè, & attentissimè iudicarent. Iussit insuper Rex Catholicus magnam pecuniarum vim viris, foeminisque religiosis per municipii templa distribui, uti afflatum, ac mentem à Deo pro Iudicibus, qui propediem lauri sententiam erant, orarent, iudicio integerrimo dignam; exacto verò supplicio pro eorum animarum suffragio ampliata quidem largitus est.

His rebus ita confectis studiosius deinde Ixaræ Ducis causa versari Iudicibus capta est; moles quippe cognitionis propinquos Ducis tangebatur, & Hispanie magnates reliquos non minùs ingenio, quàm opibus tumidos, ad quorum amplissimum ordinem erat, & Dux inter primos adscriptus, èstque præterea in more jam pridem magnatibus positum, ut quos ambitus passim, Regis quaesita gratia, & sua cuique utilitas distrahit, eosdem illata uni eorum injuria ad ultionem copulet, illigètur. Itaque Dux requisitus cum à Iudicibus esset de interceptis epistolis, de damnatorum confessione, atque aliis indiciis quæ ex causæ agitatione profluxerant, se quidem, inquit ingenuè cum Gallis pro pace ineunda sensisse, & cum Capralio quoque pro Gadibus quam urbem, & portum appetere insidiis Brengantium pro certo constabat, tuendis. Carolum verò Padilliam ea occasione, eo apto reipublicæ tempore in ejusdem

familiaritatem illapsum, ut talia Regis negotia Ari mandato curantem, seque ideo facillimè potuisse eodè, quo Arus, errore per versipellis malitiam decipi. Simplicius se tamen fateri, semel se tantum, & casu ex ore Caroli audisse confatas in caput Regis insidias, sed auctore sublato. Cæterùm nec rerù unquam ordinem comperisse, nec auctorem esse Carolum suspectasse, cum ne homini quidem in ore rubor ad tam atrocia, & sceltris plena verba suffunderetur. Hoc colloquio dirempto cum anxius animo volutaret, liceret propterea sibi necne huiusmodi indicium & indicis nomen Iudicio denunciare quandoquidè levis, aut fallax cum id temerè detulisset, suspectus cū siluisset, videri fortassè Iudicibus poterat, idèq; sive rem tegetet, sive detegeret ancipiti sensù, metuque periculi afflictum, in diversumque trahentibus hominem curis omninò jactatum, spectabilis vitæ & quæ fanaticum, rei-que futuræ providum habere spiritum dicebatur, monialem tadem consuluisset, & sceminam respondisse, is siquidem fidei obligandæ pignus in tanti ponderis causa nullum haberet, & rem illam propterea esset aut temerè delaturus, aut cum periculo taciturus, in eo rerum discrimine implicito, & curis utrinque propè æqualibus torto satius fore videri, nihil humanitus providentem sese, ac totam penitus causam soli Numini addicere. De reorum consciorumque testatione quæ ipsum intra, & extra tormenta initæ in Regem conjurationis crimine afflaverat, præter turpitudinem vitæ ac lutulentam natalium, & morum conditionem cum æterna, ac publica infamia conjunctam quæ illorum per se testimoniū omninò debilitarent, vereretur etiam, & graviores quæ intererant sibi cum illis, interpositas simultates adjecit, ita, ut testium aliquo pacto labare fides, & nequaquam hæere crimen in causa aliquibus videretur. Hac porro suscepta Ducis confessione, atque ad al-

tius rejecta Iudicium quod duorù quoque procerum interventu Rex Catholicus constituerat, duobus denique tota in se ipsa restricta caputibus causa est, quod testium, scriptorum, indiciorum consensu nexùsque Ixarensis crimen vehementer urgerent, & quod sua ipse sponte professus esset, relatum ab alio conspirationem adversus Regem tacitè præterisse. Subesse quippe etiam silentio scelus, aiebant, cum regno, Regive tendendas, aut tentas à quoquam insidias suppressere quisquam vellet. Hujus rei ulum, qui in cæteris sæpè rebus, ut levitas, ut credulitas, ut nimia facilitas animi arguitur, ad Principis causam translatum, ubi tenuis quæcumque suspicio valet, atque ipsa specie immutat, omis- sum, aut spretum inrendere crimè. Hoc leges jubere, hoc jura Politica edicere, hoc ipsum quoque per jus naturæ competere Regi, quippe, quæ sollicitius caveri, attendique Politici corporis capiti, summæ regiminis menti, coherentisque Imperii vinculo jubeat. Decretum est igitur omnium delegarorum sententia, ut rei veritas acrius ab eodem Ixaræ Duce per cruciatus exquireretur. Hoc mandatum accipit Prætor, ac diem quo infligendum Duci tormentum præparabatur, ne eum cibi copia minùs fortassè torturæ potentem, aut aliquid veneficū clam esculentis infusum, ut aliis sæpè contingit, alienatum sensibus redderet, omninò jejunum extrahere jussit. Cum verò tunc Ixarensis crebrius ex more prandium repeteret, idque varia, ac planè frigida prætexendo, diutius quàm antea solebat, prolaretur, suspicatus id, quod erat, se ipse tandem collegit, & plus inedia penè molestia, quàm tormentorum horrore perculsus funestam horam tacitus expectabat. Nocte intempesta cum binis accessit tortoribus Prætor, quo tempore Ducem à Santurcassi arce Mantuam Carpetanam revectum, quia promiscuus reorum carcer virum Principem dedecebat, in al-

terius

terius Prætoris seposita domo custodia tenebat, ingentemque satellitum turbam ædes prætorias iussit, & circumjectos proximè calles circumspicere, specie quidem, ne fortè reo vi tortionis effulus curiosus quisquam exciperet voces; at revera quia excruciatum huiusce viri nobilitatis exemplum cum esset in aula novum, resque novæ, & majoris qualis hæc esset momenti maximè arrectos, & animo pavidos Regis ministros haberet, gravior Prætozem angebat cura, ne homines turbulenti suo, aut aliorum impulsu, fortè, aut consilio ex re inusitata rerum commotiones, ac turbas per noctis caliginem quærent. Ducis deinde custodiam ingreditur, ei que subeundi tormenti necessitatem ex Delegatorum sententia denunciat. Audit hæc Ixarensis, ut prævisa non mirabundus, ut in fortem cadentia virum non animo perturbatus. Itaque non colore, non fronte versus, non questus, aut ulla timoris elapsa voce, at constanti silentio, vultu, incessu, gestuque mirè compositus ad tormenta sustinenda perrexit. Ubi in equuleum imponitur, astantque tortores, ac Prætor qui horum sævitiam acueret, membra ejus circumplicata primò funiculis, post arctius expressa, contusa, sæpiusque retorta crudelius, quàm iussum erat, carnifices lacerant, tanquam aliquid magnum audere, ac proprias abstergete sordes in optimatis sanguine crederent. Jamque tum intumescens reiteratis nexuum ictibus corpus propè dissolveret artus; & magna ex parte nudaverat ossa, simul etiam acumine equulei visceribus inhaerente cum magno dolore, crepituque plagarum multus sudore sanguis copiosissimè difflebat. Dux tamen inter insita hucusque vincula, inter tortores, totiusque corporis laniatus, & ictus, cum prominente cruciatibus animo, carere omni sensu doloris filici similis videretur, tunc præfervidus ira Præ-

tor, quod non illam constantiam, & animi aequalitatem ad ejus virtutem, qui torquebatur, & intimos pectoris nervos, sed ad tortorum segnitiam, tormentique remissionem referret, caput convivis, & probris in eisdem carnifices debacchari, ut vel pudore compulsi omnis sævitæ vim, & furoris acerbicatem effunderent. Unum præcipuè eorum tunc Ducis brachiū loro astringentem dum Prætor objurgat, *Cur inquit non pressius lorum adducis? Quia latera, & vis, si minùs animus deficit, Prætori tottor respondit.* Sub hæc verba Ixa, resis torvo aspectu carnificem intuens, *plus tu, inquit, si vis, premere potes improbum caput.* Ira ideo, atque ingenua feritate concitus tortor, fremituque concussus, summamque proinde suarum ad tormenta colligens virium adeò restem volvendo torfit, ut restis simul, & Ducis brachium in frustra dissecta conciderent. Ea constantia mirabili, seu potius animi, corporisque stupore simul attonitus, simul territus Prætor, ubi frustra etiam videt, sese tortoresque cruciatibus incumbendo lassari, nec minùs corpus, quàm animum Ducis ad tormentorum satietatem obduruisse, aliena quoque patientia victus equuleo Ixarensis auferri denique jubet. Quæ postquam ad concilium insignis, & rara quæstio relata est, & molliora omnia atque inania cruciatuum experimenta ad superandam Ducis constantiam, & magnitudinem animi satis comperta sunt, cum lex, verusque Castellæ usus obtinuisset, ut reis inconfessus pro vita indemnitas præstaretur, vitam Dux Ixarensis judiciaria sententia tenuit, suo tamen jure imminutam, & perpetuo carcere circumscriptam. Itaque in arce Legionis, iussu Regis, oclusus, multo ibi post tempore senio, ac valetudine resolutus interiit. Caterùm cum sibi instare vitæ finem agnosceret, suam ipse innocentiam, aut

aut innocentie imaginem Regi, ac mundo declaraturus epistolam scripsit ad Regem, cujus exemplar apponitur. *In extremo vite articulo constitutus quemadmodum mihi, & posterorum memoria licet, ac meis gentilibus satisfacere, quippe cujus nullum humana, aut divina in hoc laesa maiestatis vestigium, aut scrupuli species innoxium, & purum afficit animum, nec profectò aliunde aliud vel per severas illas, ac truces quaestiones innotuit, citra venerationis debita notam, ego te Rex ante Dei tribunal sistendum cito; quò me falso crimine circumventum, veritati, persona, generisque decori, ac publica fama restituas. Secum autem hoc suo Numen ordine efficiat, ut aternus veritatis assertor, seculorum vindex, ac fidei reddita custos.*

Has Ixarensis, quas secretae pietatis ministro obsignatas tradiderat litteras, post ejus mortem pius idem minister in aula vulgavit, aliasque ipse ad Regem conscripsit litteras, velut defuncti confessionem sibi ipsi commissam jam praestita fide testantes; quae cum Ludovico Oyangurenio è secretis Consilii Status ut eas Regi porrigeret, exhiberentur, is, ne per eas refricando dolorem, memoriae vulnus accenderet, novamque molestiam faceretur Regi, periculum sub-

terfugit; idque tum ejus loco propterea suscipere cum aulicorum nullus auderet, eadem vario, inanique duntaxat rumore circumlatae per aulam demortui litterae sunt. Verum enim verò utrum ad Regem ita Dux Ixaræ scripserit, ut incorrupte, limpidaeque conscientiae, an mortalium opinioni, meritoque familiae hoc artificio consultum vellet, praesertim cum illa causa ex defectu confessionis rei nequaquam esset penitus absoluta, atque in incerto iudicii tota adhuc res versaretur, nos superius commemorata ad historiae fidem integra habentes, cetera prudentium, ac Theologorum maxime arbitrio relinquimus. Haec quidem nos de Ixaræ Duce comperimus. Joannes alter Padillia dum Mediolano ad causam dicendam victus Mantuam Carpetanorum adducitur, voluntaria per iter cibi abstinencia, & moreore consumptus iudicium praevortit. Hunc exitum habuit Caroli Padilliae in Regem Catholicum conjuratio, quam pestifera, ac vetus Principatus ambitio peperit, eamque sicuti ferè semper, ne omnia scilicet verteret, misceretque, ut sapienter Numen providit, in suis ipsa conatibus caeca, praecipueque dissolvit.



# DE BELLO LUSITANO LIBRI SEXTI

S U M M A.

**B**REGANTIUS lethali morbo correptus, administratos, re-  
gnique Principes convocat, deque fide servanda monet, vi apo-  
plectica tortus occumbit. Ejus mores. Imperti juri, opibus-  
que paternis, Alphonsus maximus nati filius, regni que tute-  
le ex vi testamenti succedit Aloisia Gusmana, Bregantii uxor.  
Hac Laurentianum Comitem qui regni consilio cum milite  
præerat, Barcarota arcem petere jubet. Franciscus Tusta-  
villa Sangermanensis Dux, armorum pro Castella Præfectus.  
Quibus moliebatur insidiis Lusitanus capere, capitur. Rex Catholicus, ad actus  
quàm anxi, Lusitania bellum redintegrandum permovetur. Senatus Senatu coacto,  
Dux Medinæ censet, non incumbendum receptioni Lusitani regni, nisi post stabili-  
tatem cum Gallo pacem. Ejus Oratio. Contra senis Belvasus Spinula. Ejus argu-  
menta. Ardet Arus ludum quas Olivarii insolentia pepererat, restitutor dici. San-  
germanensis milites contra Olivensem ducit. Laurentianus Badajocium contendit, ne  
ab Olivença obsidione Castellenses abstrahat. Ibi accepta clade ab urbe obsidenda  
decerretur. Valentiam irritò conatu aggreditur. Olivença honestis conditionibus Cas-  
tellensi iraditur. Saldanius quòd nec pro fide, nec pro viribus Olivençam deffen-  
disset, perpetuo exilio multatur. Aloisia, sedere cum Gallis & Anglis sancito, ul-  
tra fines Castelle arma translatura exercitum cogit, cui præficitur Ioannes Mendus Vas-  
concellus. Is ad Badajocii obsidionem se applicat. Frangitur primus Lusitanorum  
impetus ad propugnaculum Sancti Christophori. Castellensium equitum duo millia ce-  
duntur. Pugna memorabilis inter Venti, & Majè colles. Civitatis obfessa nuncio  
perturbatur Aula Catholica, & belli expeditionem suscipere cogitur Arus. Lusita-  
nus Badajocii solvit obsidionem. Triumphantem in modum urbem Arus ingreditur. Vil-  
labuim diripit. Elvum obsidet. Subsidia magno strepitu Ulissipone comparantur.  
Cantagneda Comes summus exercitus Lusitani Dux, Elvum liberaturus pergit. Præ-  
nunciat Aro per litteras, quæ ipse die, quæ hora, quibus copiis, quæ parte subsidio  
sociis venturus sit. Inito certamine, Sangermanensis in capite sauciatur, unde pro-  
sternitur Castellensium acies. Elvus obsidioni eximitur. Arus ad Aulam revocatus,  
in eodem gratia loco, quo antea retineatur. Studiosius cum Gallo pacem tractat, ut  
universas imperii vires in Lusitaniam convertat. Consultitur quisnam ex Europæ Prin-  
cipibus inter utrumque Regem, discordiarum arbiter, melior æstimaretur. Summus  
Pontifex, Cæsar, Veneti suspecti. Alaturanda paci negotia Mazarino & Aro com-  
mendantur. Congressus inter eos apud Irunem utriusque regni consinium, condicatur.

Anglus



gantii quæ fuerat uxor, magni quidem animi, ampliorisque capax imperii fortuna. Hæc itaque novi cōmissi auctoritate regiminis, luopte elato, atq; impigro ingenio, & ne ab hostibus forsitan crederetur unā cum viro imperii mens, aur ratio regiminis immutata, seu sortē vis imminuta, vere primo incunte iubet Cornirem Laurentianum, qui regni confinio cum milite præerat, Barcarotæ arcem, quod eam præsentisset infimo teneri præsidio, petere. Putabātque majori famā, atque strepitu, quā sumptu aut labore posse validam hostium arcem, & Olivenæ propinquam improvise impetu excipi. Erat id temporis, atque loci armorum pro Castellæ Præfectus Franciscus Turtavilla Sangermanensis Dux natione Italus strenuus, prudens vetusque miles, cui in eodem certaminis campo majora subinde virtus gloriæ decora peperit. Hic hostis consilium per secretos exploratores edoctus quingentis, lectisque militibus Barcarotæ stationem firmavit, intensius præterea iussit, eos vigilare, excubare, sollicitos esse, ut, quibus moliebatur insidiis hostis capere, caperetur. Ubi igitur suboscuro, atque incerta adhuc luce temerē fides accedit Lusitanus ad arcem, erumpunt subito Castellenses, qui cum integri adversus itinere fessos, paratque contra imparatos, nec tale quidquam timentes ruerent, cæsi quamplures eorum captique sunt, in proximos saltus, & colles fuga reliqui dissipati. Intempestiva, & quasi acerba hæc multos post quietis utrinque annos, & otii Lusitana expeditio, non enim verisimile erat ex recentū Bregantii funere, ex novo, fluctuantibus & orbo capite imperio ampliores assumere opes, aut efferre Lusitanos animos potuisse, imò verius ostentare vanē fiduciam, ac tege-  
re inopiam affectata jactantia velle, permovet Catholicum Regem ad acrius, quā antea fecerat, Lusitanæ

bellum redintegrandum, nihil agere tamen inconsulto Status Senatu solitus, istum ex more de bello consuluit. Quo tunc frequenti ut de re gravissima acturo, Regis imperio coacto; Medinæ Dux Turrianæ in hunc ferē modum disseruit.

Lusitani regni receptionem nedum amplam, decoram, nobisque utilem esse censeo, verū etiam si hæc dari posset electio, quamlibet ego extra Hispaniam Imperii partem avellerem, ut ejus loco infererem Lusitaniam. Latus urget hostis in pace semper insidiis, in bello suis conatibus metuendis; fato præterea quodam est finitimis constitutum, temporarias imperii inter se, ac servitutis perpæpe dividere vices. Serius est tamen in hoc virorum consensu deliberandum bellum, an quies cum Lusitania nobis hac tempestate conveniat, ne fortē dum extra tempus, ac supra vires plura atque incerta molienda completimur, certarum jactura rerum nos serò tandem pœniteat suscepti temerē belli, & quibus modò quasi inexperti terrori sumus post vehementius, & frustra fortē conissi eorum ludibrio, ac dedecori pateamus. Credidimus finē antea belli finem Catalauni felix futurum initium, & omen quo Lusitaniam tandem subigeremus; cruenta tamen, ultimoque conatu cum hæc victoria Hispaniæ quasi præda, ac vastitate deserit, adeo ut nihil nobis supra victos addiderit præter famam, vanique fulgorem nominis, effixas, lassasque Hispanicas vires eadent, & opes missura victoria fuisset ad novum tam citò, magnūque bellum redintegrandum. Causa impotentis nobis egestas aratri possissima est. Etenim Rex circūscriptas, non infinitas divitiarum radices possidet, pravo etiam more Hispanus exercitus



„ institutus cùm plus pecuniæ, tum cõ-  
 „ meatus, quàm externa quæcumq; mi-  
 „ licia, ex quo jam sumptus regio exu-  
 „ perant census, proventuum idcirco  
 „ radicibus alienatis, ac propè vulsis à  
 „ Rege, is usu pauper est, dum scœnore  
 „ creditor regia alia bona consumit, alia  
 „ sēsīm decerpit, alia propè jã abstractu-  
 „ rus irretorto aspicit oculo. Hoc autē  
 „ fenebre malum, si latius quàm modò  
 „ paret, per novum decretū bellum au-  
 „ gescat, quæ opes, quive regii the-  
 „ sauri valeant hoc monstrum, hoc  
 „ funus, hunc profundum reipublicæ  
 „ hiatus explere? nam ubi tantam  
 „ arario cladem, voracemque vim cre-  
 „ ditorum reipublicæ invexit fera illa,  
 „ & funesta Catalauniæ recuperatio,  
 „ nec minùs hoc tempore premat Im-  
 „ perium fera, & crudelis armorum in  
 „ Belgio, in Insabria jactatio, unde  
 „ ex ære nisi alieno, nisi ex scœnore im-  
 „ modicè aucto, modo velint scœne-  
 „ ratores penè decocto credere Regi,  
 „ pro Lusitano terra marique ferendo  
 „ bello emungi pecunia poterit? num  
 „ per violentas numerorum expressiones?  
 „ num per cumulos tributorum, ac do-  
 „ mestica exitia, ac per ea quasi rursus  
 „ plebe conscissa fas, sive utilitas ulla  
 „ fuerit hæc nova parare arma? pessi-  
 „ mum quidem initium, & omen infau-  
 „ stum populi squalor, & luctus, paupe-  
 „ rum lachrimæ & sanguis, sudor que  
 „ mistus populo ereptus, & in arma non  
 „ necessaria collatus bello isti gerendo  
 „ dederint, successūque martis more  
 „ suo incerto, planè certius hoc tam ini-  
 „ què bellum incuntibus non acciderit,  
 „ Castellam vexando perdere, quàm  
 „ recipere Lusitaniam. Porro autem,  
 „ quod urget etiam in causa, non so-  
 „ lum hîc Lusitanis de bello inferendo  
 „ agitur, sed Gallis etiam Anglisque.  
 „ Hos omnes nunc contra Hispaniam  
 „ contracti jus fœderis copulat, quanti  
 „ verò nobis periculi, quantæ molis fu-  
 „ turum censendum erit, hinc rursus in-

„ flato classico belli trahere in Castellā  
 „ tot alienigenas hostes, ac barbaros,  
 „ quos uberrimè possunt hæc populose  
 „ nationes effūdere, & quos minori qui-  
 „ dē negotio pascere poterit Lusitanus  
 „ jam tot annorū à bello vacatione ve-  
 „ lut longis recreatus induciis, falsusque  
 „ qui passim ubique volitat rumor, nos  
 „ divites esse, nostris tanquam opibus  
 „ saginandos per rapinas, & turbas in  
 „ Hispaniam influere stimulat? Sci-  
 „ mus etiam à Gallo Bregantium  
 „ alias promissis, ac blandimentis ille-  
 „ ctum, ut arma repeteret, aliàs for-  
 „ midine impulsū, rerum suarum tu-  
 „ relæ tantummodò intentum con-  
 „ stanti adhuc animo recusasse. Quid  
 „ ita porro, si idem Catholicus Rex  
 „ illum etiam nolentem ad arma rur-  
 „ sus tractanda cum fœderatis indu-  
 „ xerit, jam ideo Gallorum, Anglo-  
 „ rumque minister cupidinis factus, ad-  
 „ jutorque consiliorum, dum morem  
 „ hostibus gerit, dum Bregantio ne-  
 „ gotium per arma facessit, nonne pa-  
 „ riter ipse suum ob enerves, distractas,  
 „ & fusas undique vires in Italia, in Bel-  
 „ gio, in Hispania corrumpet? vel ex  
 „ hac parte tandem, si bellum conve-  
 „ nerit, nostra consilia desipient, quod,  
 „ sicut postulat res, ne dum ea non op-  
 „ pugnent, sed etiā juvent foveantque  
 „ consilia hostium. Cur Catalauniam  
 „ recepimus? quia omisimus Lusita-  
 „ niam, quia simul collectæ, constipa-  
 „ tæque Hispaniæ vires in rem fortius  
 „ incubuerunt; si Mediolanum idcir-  
 „ cò, si Belgium tenere cupimus, Lusi-  
 „ tania ad tempus relinquenda est, alio-  
 „ quin terrarum ubique nostra retusa  
 „ flaccescent arma, rotorque Imperio  
 „ sine tutela concusso, alia aliam rui-  
 „ nam contrahet. Recto præterea se-  
 „ quendi more consilii antequam  
 „ fugiant properè bona, cum exami-  
 „ ne, & mora, ne fallant dubia am-  
 „ plectenda, mala, ne officiant ex-  
 „ templò repudianda, cùm verò in se  
 „ bellum



bellum teterrimum sit, & gurgēs, fo-  
 mesque malorum omnium, ubi rerum  
 varietas, ubi insidiae, ubi fortunae lu-  
 dus, ubi exitus anceps, aut luctuosus,  
 quod unum etiam in Orbis exitium,  
 sceleraque vindictam exceptum irae  
 divinae celum ne explorata quidem di-  
 luere satis necessitas subeuntibus ultro  
 posset, nisi Deus mentis aciem in  
 mortalium supplicium praestingeret,  
 ne ejus feditatem agnoscerent, est  
 utique rudis, juvenisque consilarii  
 id ipsum libenter, aut citò, nec sine  
 extrema necessitate complecti, prae-  
 fertim, cum is, qui de bello delibe-  
 rat, ut in hoc statu nobis contingit,  
 majora, quam hostis, per arma cum  
 illo conferta in discrimen adduceret:  
 major enim majori sustentandae po-  
 tentiae requiritur cautio, laborque ut  
 mole sua laboranti, ut magis ab invi-  
 dis impetire, & quia si incaute expe-  
 riri fortunam libeat, neque lucrum  
 jactura rependi, neque spes periculo  
 potest. Verum haec potius ad belli  
 fortunam utrique communem per-  
 tinent: quid si ab omni parte causa  
 perspecta omnino consilium, & ra-  
 tio huic capeffendo bello repugnant?  
 Dixi jam de militari apparatu, atque  
 copia, tum amicis, tum pecunia Bre-  
 gantium, ut otio diuturno refectum,  
 & foederatorum opibus nixum prae  
 nobis affluere; miles cum milite mo-  
 do comparandus ad bellum erit, si  
 aliquid forte spei bonae nobis in re sa-  
 tis aspera adjecerit bellatorum exper-  
 ta virtus, roburque. Quae porro nunc  
 Lusitanos circa fines versantur rarae  
 ipsae milium, imminutaeque cohortes  
 libidine, ac rapto hucusque vivere  
 consuevit, oneri nobis potius, quam  
 usui ad firmandum exercitum erunt.  
 Veteres Italiae, Hispaniaeque milium  
 legiones, si ex Belgio, atque Insubria  
 deducere statuerimus, pro dura, ni-  
 misque ut videtur ambigua, Lusita-  
 niae receptione ad certam, & ob-

viam illorum regnorum direptio-  
 nem, & pradam incitaturi nos hostes  
 erimus. Deest veteranus omnino  
 miles; torpet ille, qui adhuc super-  
 est in finibus Lusitaniae, aliunde as-  
 portari, nisi nudare placeat melio-  
 rem partem Imperii, nec modus, nec  
 ratio suppetit; ex tyronum ergo col-  
 luvie, ex purgamentis Provinciarum  
 hic novus confandus exercitus fue-  
 rit, qui arrogantiae, atque perfidiae  
 plenos, ac turgidos animos Lusita-  
 nos, gentisque congenitam pertina-  
 ciam obtundat, simul vetus, ac sex-  
 decim circiter annos cum bello, tum  
 arte per otium exercitus; duratiusque  
 laboribus miles cum Castellensi no-  
 vitio, imbellique congregietur. Hinc  
 nobis est spes, hinc satis oppositus  
 hostibus terror, hinc tot per annos  
 frustra petitam in Lusitaniam, quas  
 fundimus minas, circumferuntur. At  
 qui veterani re vera milites audacia,  
 animi robore, ac virium sic mihi vi-  
 dentur in armis supra tyrones assur-  
 gere, ut ipsi pugna commissi viro-  
 rum similes sint cum foeminis con-  
 currentium. Hac, & non alia qui-  
 dem de causa scilicet non hominum  
 copia, non ampliori virtute Ducis,  
 atque pericia belli Pompeianum Cae-  
 sareus exercitus vicit, cum discipli-  
 na, usque militiae, rerum gestarum  
 gloria, triumphis, & militum nume-  
 ro tunc longè Pompeius excelleret,  
 at novus objectus militi veterano  
 una cum magno Duce, Orbis Im-  
 perio, & Romana libertate succu-  
 buit. In Lusitania verò nunc per-  
 ztatem vix reperitur bello gerendo  
 idoneus, qui sollicitudine, ac studio  
 quoque militiae belli imperitus omni-  
 no sit, sicut enim superfluarum re-  
 rum luxuria modò, inanisque fiducia  
 virium jacere nos pigros, ac desides  
 facit, ita egestas, ac nota debilitas  
 illos parvas intendere vires, inge-  
 nium acuere docet, quae saepe res,

„scilicet aut negligente se copia, aut  
 „per industriam se inopia intenden-  
 „te, majorem minori subdidit, & hu-  
 „mile sustulit, & altius quodcumque  
 „prostravit Imperium. At saltem, in-  
 „quies, in Lusitanos exercitus appa-  
 „retur, quem alere posset ararium,  
 „nec regias alias, quæ extra Hispa-  
 „niam configant, detereret copias.  
 „Ita sanè hoc inutili, inerti, ac lan-  
 „guido bello multò magis exercitos  
 „nos Lusitanos efficiamus, callentès-  
 „que militiam, nostraque inscitia,  
 „torpore nostro illis gladios peracua-  
 „mus, quos in nostris visceribus fi-  
 „gerent. Nullus quidem vel magnus  
 „est contra Lusitanos exercitus ad-  
 „movendus, simul error præteritus  
 „corrigendus, lento dum bello Lusita-  
 „nos subigere nisi illos ereximus, au-  
 „ximus, usum in nos, ac disciplinam  
 „militiæ dedimus. Cæterum si ve re-  
 „missè, si ve fortiter hoc ineundum  
 „nobis proponitur bellum, cujus tan-  
 „dem expectationis futurum existima-  
 „tis, si neque idonei militis, neque pe-  
 „cuniarum, neque cæteri belli apparatus  
 „satis habemus, si ratio quoque, si tem-  
 „pus, si experta hucusque fortuna belli  
 „nostris conatibus obstat. Et dum  
 „quasi aliena inconsultò pergimus op-  
 „pugnatum, ruinis, rapinis, hostium  
 „incendiis reliqua exposita defera-  
 „mus necesse est? Hùc quoque ma-  
 „ximè accedit tam proximè hanc au-  
 „lam, Imperiique sedem hoc strepere  
 „bellum, ut si aliquid tristius, quem-  
 „admodum plus unde metuere, quàm  
 „sperare succurrit nobis, acciderit,  
 „eas fortè res novas allaturum reipu-  
 „blica sit, quas occasione jam immi-  
 „nentes conquirunt ambitiosi, solli-  
 „citant inopes, turbulento, ac levissi-  
 „mo ingenio vulgus semper obsecun-  
 „datur, eosque diffidiis, ac turbis  
 „suo insito vicio omnes simul con-  
 „sentientes, conspirantèsque facilè  
 „colligaverint tam propè, tam infestè

favire fortuna visa præsertim si non  
 penitus sene, at fracta quidem vale-  
 tudine Rege. Nobis propterea soli-  
 tum acceptas procul in bello clades  
 celare silentio, vel artificio, fucòque  
 minuere. At verò in Castella hujus  
 ferè sub oculis aulae, intet nostra pro-  
 pè vestigia, si infelicitè, hoc Deus  
 avertat, pugnatum fuerit, nostra & si  
 melior in jure causa cum tyronum la-  
 certis, inexpertisque viribus defendat-  
 tur, & eorum pleròsque ad bellum  
 Mantua Carpetana dimiserit, quis tot  
 orbos senes, tot feminas viduas, tot li-  
 beros orphans, tot domos funestas à  
 luctu coercere poterit, aut sermonibus  
 fallere? aut quisnam vètigalibus jam  
 expilato, ac satis afflicto satisfacere po-  
 pulo, cum publicæ cladi domestico  
 etià vulnere adjuncto peculio simul,  
 & cordibus crucietur? Equidem non  
 ex vanis ingeniis, ac longè distanti-  
 bus causis hæc colligo. Nihil miserius  
 est omnibus bello, nihil eodem egen-  
 tibus stultius; nos egemus, langue-  
 mus, adversa fortuna pugnamus; si  
 resides sumus, interitus; si aliud bel-  
 lum decernimus, clades, si pacem, de-  
 decus instat. Porro una tantummodò  
 mihi in re tam ancipiti spes superesse  
 videtur jus vindicandi, decusq; tuen-  
 di, quam, & frangere quoque possunt  
 temerè modò resumpta in Lusitanos  
 arma, scilicet pax, si ea per filiarum  
 cónubium, quod nunc agitur, cum  
 Gallo Rege conveniret: quippe cum  
 Gallus fortassè viderit à perduellibus  
 etiam opes, virèsq; nostras intra ip-  
 sam Castellam labefactatas, in dete-  
 riori nostra còditione aut paci dissen-  
 tiet, aut tam iniquam ille subjiciet,  
 quàm nos recipere non expediat. Igi-  
 tur quoniam Hispani anti Regis, re-  
 gnique interest, vel ferò eadem recep-  
 tam, vel saltem excisam, & cinere  
 comminutam habere Lusitaniam in  
 potestate, post stabilitas cum Gallo  
 nuptias, & certam utrinque, ratamque  
 pacem,

pacem, universis Hispaniæ collectis viribus in Lusitaniam recuperandam incumbi censeo.

Hæc Medinæ Ducem locutum contra in hunc ferè modum Marchio Belvasius Spinula exceptit.

Cùm rectè, & appositè Medinæ Dux disseruerit quantopere proficit Imperio Lusitanæ redintegratio, ab eo duntaxat mihi nunc circa tempus dissentienti, hoc in præsens probandum superest, scilicet nullum inter fluo commodius, & aptius excurrere tempus aliquo modo posse ad regnum amissum recipiendum. Sunt quippe res novæ in Imperiis magnis conatibus opportune, nec regno ulli gravius intercurrere novitas potest, quàm capitis commutatio, præsertim si scelere partum imperium suis etiam opibus constitutisque fons regiminis fluctuet; qualis esse nunc mihi Lusitania videtur extincto Bregantiæ Duce; siue enim Principis fatum ex causarum cōnexionē imperii sui quodque populares attingit, siue proclivior ejusque ingenio inflammator ad altercandum, dissidendumque natura, quas querit perpetuò ansas venientes avidè suscipit, quàm sèpe compertum est regna cum Regibus imbutari, nisi huic à Tyranno per vim, & injuriam extorto regno, simul iniquo, exiguo, intercluso ampliora divina, seu humana expectare præsidia liceat. An ira fortassè compositas, vigenresque, cùm interiret Bregantius, res Lusitanæ reliquit, ut nihil inde fomenti, scintillæ nihil appareat, quod tempus, fortuna, aur rerum vicissitudo per Imperii translati causam latius turbare, atque incendere queat? In Aloisia Gufsmana fœmina vidua ob filii Alonsi pueritiam novi jam regni regiminis nititur onus, ea ipsa ortu, & genere Castellensi, cùmque alia distracta seditionibus regna, alia profus averfa ob exter-

næ dominationis invidiam, alia, eaque multa muliebre ob imperium exagitata, atque afflictæ memoriæ proditum sit, in Lusitania ubi id temporis simul conspirant, urgentque res novæ, imbecillitas sexus, invisæ nationis dominium, num ideo tranquillæ? num tutæ, atque omnino pacatæ res erunt? Ar enim mulier alta quadam mente prædita est, celsiorique fastigio dignatur quid ingenio, atque animo fortè superior Reginæ Galliæ Catharinæ Medicæ fuerit? Hæc tamen quod alienigena, & mulier, & ministra regiminis esset; Gallia tam fœdè prostrata, & civili, cruento, ac diuturno implicita bello jacuit; an Margaritæ Mantuanæ Duci, quæ amplissimæ Gubernatricis auctoritati Sabaudæ, Austriacæque in se gentis præclara decora conjunxerat? nihilominus ipsa contumeliosè ibidem habitata, sprete nec claritudine, nec prudentia, quæ in illa maxima fuit, nec avertere studio, vel fide potuit ejusdem Lusitani regni ruinam, & cladem. In hac ergo æstuosa rerum mutatione, in hoc turbido cursu rerum adest-ne, qui factu difficilè putet quod foris per arma Lusitanis ostensa, serpentes nunc intus discordiæ quas vel inversio, vel rerum omnium excidium ubique sequatur necesse est, nedum in hoc regno, quod jure, nervis, & capite labat, celerius irrumpant? Bregantius præterea duos virilis sexus filios reliquit Alonsum, & Petrum; primus Alonsus ad imperii spem, & apicem natus cum indole ferox, cultu horridus, moribus asper, tum mente, & corpore affectus quàm multa demonstrat crudelitatis indicia, eoque invisus est Lusitanis. Mirior ingenio Petrus, ac docilis quod dissimilior est fratris, eò plus acceptus, & carus suis civibus est plûsque mereri videtur imperium. Ex eo ibi virorum altercauones insurgunt, &

„cœuentium semina partium, in regni  
 „nempe successionē naturæ an virtuti  
 „ratio potior habenda esset, cūm vir-  
 „tus in menre, mentisque regere sit,  
 „eaque ut imperio, ac lege solutas ab  
 „hominibus belluas secernar. His ad-  
 „de antiquas fratrum dissensiones, &  
 „acriora pro regno certamina, simul  
 „in novo, imbecilli, ac lubrico impe-  
 „rio multo magis periculosa, quæ fun-  
 „di, ampliari, ac decoqui citò pote-  
 „runt, quo tempore Alfonsus acrius  
 „armis extrà concussus, ac pressus in  
 „amittendi regni discrimine versaretur,  
 „sicut in rebus plerumque fractis,  
 „aut dubiis veteres valent, novi se sus-  
 „citant inimici, ruentem omnes im-  
 „pellunt, atque alia ex alia ac sæpe im-  
 „provisa calamitas oritur. Quando er-  
 „go sic ibi capita committuntur, sanio-  
 „ra ne reliqua membra erunt? Circun-  
 „spice totas Lusitanæ reipublicæ partes,  
 „alios ibi reperies, qui affectum, & fi-  
 „dē occultē in Catholicum Regem co-  
 „lunt, alios etiam ante regni defectio-  
 „nem à Brègancii fortuna nutūque  
 „pendentes, quod eos sefellissent ex-  
 „pectata sceleris præmia præsentī re-  
 „rum statui non acquiescere, quosdam  
 „invenies, qui defuncti Ducis gratia  
 „floruerint, eoque favente ad prima  
 „evecti reipublicæ munera fuerint,  
 „jam vehementer animo angi ut di-  
 „missos, arque neglectos à fœmina am-  
 „bitiosa suo, aut paucorum intimo-  
 „rum arbitrio jura, legesque trahentes;  
 „quàm plures in concertantium fra-  
 „trum obsequium divisos utrinque  
 „proceres, eos instigando, acuendū-  
 „que ne alter alteri fidar, in magnum  
 „postea erupturos incendium turba-  
 „mentorū igniculos spargere. Dissi-  
 „det etiam ibi nobiliras, oppressus quæ-  
 „ritur populus, eget ætarium, torpet  
 „suis magis anxius, quàm alienis in-  
 „renrus periculis miles, squalent per-  
 „pervis delectibus oppida, mulier im-  
 „perat, Princeps ludit, pugnant mini-

stri, omnia ibi permista, omnia fœ-  
 „da, & ubique prostrata jacent. Cūm  
 „ergo dominii mutatio, & Tyrannis,  
 „& factio, & magistratuum, proce-  
 „rumque dissensio, & partibus aula,  
 „civitasque discissa, & omnia regimi-  
 „nis vitia, labesque nunc Lusitaniam  
 „divexent, ac lacerent, nos modò nos-  
 „tra movere cunctabimur arma, quæ  
 „corroborent, incitent spes, animos-  
 „que seditionibus præparatos, ut per  
 „sua tandem vulnera, laboresque Ty-  
 „rannum, quem Lusitani posuerant,  
 „exremiment? Volve itaque tempora,  
 „coge fata, subterne fortunam si po-  
 „res, & videas, si meliorem occasio-  
 „nem, tempusque opportunius finge-  
 „re tibi, aut invenire quandòque va-  
 „leas huic novo bello suscipiendo.  
 „Quid igitur contra? Prima quidem  
 „sententia dum hostium res elevans,  
 „nostras imminuens, arma, viros, pec-  
 „cuniam, Principes fœderatos, belli-  
 „cam disciplinam pro Lusitano com-  
 „memoravit, terribili quodam, horri-  
 „dòque apparatu ne dum menti, sed  
 „omnium propemodum oculis visa est  
 „pavoris tenebras offudisse; juvar ta-  
 „men singula circuire, ne per calli-  
 „dam eloquentiam recto semper con-  
 „silio, totique reipublicæ interdum suis  
 „anfractibus noxiam perperam con-  
 „sulamus. Anglicana sanè respublica  
 „in eos quos pristini Regis amor, quos  
 „odium, quos novæ libertatis dulce-  
 „do tenet, quos etiam ejus sollicitas, ac  
 „tardium confusa, penitusque distracta  
 „vix sibi modò satis auxilio, ne dum  
 „alienis præstado est. Non ibo quidem  
 „inficias, quod multis nunc lenociniis,  
 „& artibus à Brègancio extorquere ni-  
 „titur Gallus, is in Castellam ut reparet  
 „bellum, surdæ tamen ejusdem ad om-  
 „nia Galli hortamenta, & illecebras  
 „aures Gallo, sibi, regnòque plane  
 „diffidere satis ostendunt, quorum  
 „utrumque armorum à nobis proposi-  
 „tæ causæ favet. At etiam in primis  
 „Hispaniæ

„ Hispaniæ utilis quæ per connubium  
 „ id tempus tractatur cum Gallo pax, à  
 „ tot videlicet sumptibus, à tot cladibus  
 „ respiratio, quâ dissolvere potuisset re-  
 „ cens aliquod belli vulnus à Lusitanis  
 „ nobis inflicti. Veneti viri æquè pru-  
 „ dentes, ac disciplinæ felicitate præsta-  
 „ tes cum atrini, fessique bello ad con-  
 „ cordiæ, pacisque subsidia confugiunt,  
 „ tum acriori conatu proprio, ac so-  
 „ ciorum comparatis auxiliis omnia  
 „ ubique miscentes revolvéntesque ve-  
 „ hementius premere solent hostes, quo  
 „ æquior ex bello succedat pax. Ita ni-  
 „ mirum, ubi cum Gallo de pace agi-  
 „ tur, fortiori nos impetu, & persoler-  
 „ tiam oportet arma, & aciem hostibus  
 „ ostentare, cautiùs autem prælii fortu-  
 „ nam subire, quò virium nostrarum  
 „ opinio crescat, aperta pericula absint,  
 „ magisque in speciè honesta, quàm ne-  
 „ cessaria quærat pax. Sed ubi miles?  
 „ ubi pecunia, dixeris? Nonnullæ vete-  
 „ res sunt ex Catalaunia traducendæ co-  
 „ hortēs: servat adhuc integras alias ve-  
 „ tus Lusitanix militia, quibus per no-  
 „ vos delectus militibus aliis præsertim  
 „ emeritis, qui per Hispaniam collige-  
 „ rentur, adjunctis, coalescere potest  
 „ exercitus, qui copia, & robore firmior  
 „ hostili oppositus valeat. De pecunia  
 „ verò in hoc minùs profectò, quàm  
 „ in alio quocumque bello laboran-  
 „ dum ærario est; non enim sicut lon-  
 „ ginq; aliis in bellis, ubi argentum,  
 „ & aurum cum fœnore affluere neces-  
 „ sarios ad sumptus necesse est; at ære  
 „ Castellæ vilissimo Regisque adnutū  
 „ mutabili etiam versuræ parcendo hîc  
 „ commeatus parare liceat. Non tam  
 „ igitur alta, nec aspera nobis, de  
 „ qua disputatur, futura subijcitur belli  
 „ conditio, quæ studio, labore, confi-  
 „ lio, speique nunc aridentis illecebris  
 „ rectè constitui minimè possit. Quin  
 „ imò si in novo, ac volubili Lusitano-  
 „ rum imperio occultis insidiis, dome-  
 „ sticisque discordiis; quarum satis jam

intus ebulliunt initia, quasi armorum  
 partito officio, exercitus noster ac-  
 cesserit, alieno sanguine, aut parvulo  
 impendio facile nos extorturi insig-  
 nem victoriæ lauream videmur. Po-  
 stremò si valet in bello certaminis  
 causa, nulla ea unquam apparet ju-  
 stior, qua oppugnatur Tyrannus, si  
 celeritas, hic maximè juvat Lusitanæ  
 perfidiæ nervos, plus & ante quàm  
 tempore confirmetur, incidere; si  
 tempus, si occasio, hujusmodi est in-  
 præsentī, qua excogitari, vel apperi-  
 major nequaquam potest, totius scili-  
 cet regni Lusitani confusio, ac regi-  
 minis perturbatio. Super hæc quàm  
 citissimè Italix, atque Belgii subtra-  
 here oculis hoc exemplum libertatis  
 oportet, quod Lusitania rebellis cum  
 Rege indigena jactat, imò reliquæ  
 regna discant in nullo rerum ordine  
 Regem injuriæ opportunum, aut  
 contumeliæ projectum esse, nec ul-  
 lum unquam impunè à Rege Catholi-  
 co defecisse.

Postquam Belvasius finem dicendi  
 fecit, eorum collatis, discussisque in  
 Status Senatu sententiis; suspecta non-  
 nullis Ducis Medinæ sententia erat;  
 quod præclaræ familiæ nomine, ac san-  
 guine simul cum Aloisia Guzmanâ  
 conjuncto minùs eidem videretur ines-  
 se causæ, cur illius ipsi felicitas displice-  
 ret, quippe qui privatæ familiæ incre-  
 mento levaret jacturam publicam. Nec  
 etiam carebat suspitione Belvasius, cum  
 enim ex intimis Ari clientibus esset,  
 aderat dubitatio, utrum ab illo submis-  
 sus, an ut illi quasi spontè censendo, ita  
 gereret morem Belvasius ab ingenua  
 sententia deflexerit. Ardebat enim, &  
 palam animo Arus profligatæ iam Cata-  
 launiæ triumpho properè victam supet  
 addere Lusitaniam, ut omnium ruina-  
 rum, & cladum, quas adversa Hispano  
 Imperio fortuna, aut Olivarii insolentia  
 pepererat, felix, & integer ipse re-  
 staurator commendaretur. His etiam

accesserat, quod quia apertè huic bello gerendo totis lateribus fuerat Medinæ Dux refragatus, quem ut veterem Olivani clientem, sibi quæ annulatione gratiæ Regis obrectatorem & invidum metuebat, & oderat Arus, ad renovandum idcirco bellum aciora in ipsum congesta incitamenta sunt. Cùm autem omnium raptare sententias, Senatusque prolata consulta sua auctoritate, nutuque, sibi quæ addicto Regis arbitrio, quando ita vellet ille rescindere posset, tamen quia animo temperatus, ac levis cautio, ac patientia melius inter aulicos opes, quàm libera vi, seu gratiæ nimis explicitæ pompa stabiliri rectè putabat, variatis consultorum sententiis, & adhuc belli decreto incerto, callidè statuit ut de bello consultum ad aulam Franciscus Tutavilla veniret, qui usu armorum provinciæ, hostisque peritus probabilius coram Rege de bello sententiam diceret. Hic igitur jussu Regis Mantuam Carpetanam evectus, seu belli hujus gerendi cupidine gloriæ, sive Aro, à quo omnia tristitia vel læta pendebant, obtemperandi causa, vel quia, ita fortè conducere sentiebat, postquam bellum faciendum consuluit, hoc statim à Rege per Arum decretum est. Itaque bello renunciato militares passim haberi delectus capti, arma, commeatus, pecunia, & quod usui difficili bello foret, summa celeritate conventum, ita ut brevi temporis intervallo supra tredecim millia peditum, quatuor equitum millia, tormenta belli viginti exercitus contineret. Hisce copiis sub veris initium cùm jam reversus esset ab aula Sangermanensis instructus, hæsit paulisper animo incertus, ac dubius prius Olivençam, an Elvum, quod liberum ipsi de re utraque judicium Rex Catholicus permisisset, adoriretur. Ad Elvum quidem in primis velut famæ majoris ac molis incæptum impulsibus gloriæ suoque

vivido ingenio Dux ferebatur. Olivençam autem ipsi ante omnia oppugnandam suadebant propinquois opportunitas situs, vehementes, crebreque hostium excursions omnia ex propinquo explorantium, omnia circa vastantium, ac rapientium, tutumque ac vicinum Latronibus receptaculum rapinis non minùs, quàm cædibus sævientibus tollere; simul Anæ fluminis dominatio, cujus, si fortuna aspirasset, ea parte transitus poterat cum Olivençæ possessione præcludi; idem annis præterea cùm primò vere, soluta glacie, turgidus flueret, trajetūque difficilis esset, si tunc Elvus appeteretur, eodem per amnem transmittenda subsidia vel distulisset, vel periculis objectasset. Ingredienti sibi denique Lusitaniam cùm primùm, & validum sese opponeret oppidum Olivença, hujus excedio necesse erat sibi sternere viam ad rerum summam conficiendam. Proinde cohortatus milites Dux alacres omnes contra Olivençam ducit. In plano situm hoc oppidum & semè unam distans ab Ana leucam sparsis, dissitisque atque ita erectis hinc, inde cingitur collibus ut aptè in illud collineare belli tormenta queat. Specie quoque magnifica, artisque recentioris ejus munimenta constructa propugnacula novem habebant, arces binas, binosque semilunares orbis, unaque Elvo tantummodo excepta, eo nullum valentius, & firmitus nunc Lusitania celebrat oppidum. Huc cum exercitu Sangermanensis impulsus, cùm adeò munitum adversus oppidum longa, aut inanis adhibita vis, impetūsque, quique inter vulnera, & cædes omnino exhaurire valeret acies, Ducibus videretur, lentiori obsidioni sollicitus, intentūsque sepem ex aggere militari circumduci latissimè jubet, eamque continuo, & obliquo valli circuitu interjectos etiam transcendere tumulos, ne ab hostibus fortè occupari fraudi

fraudi & molestiæ obsidentibus essent, quam summa postea celeritate, atque artificio absolutam una, & viginti munitiones, & quatuor stativa interposita militum roborabant. Ita porro ab externis auxiliis, & commatibus latioris per aggeris ambitum hostibus interclusis, experiri præterea Italo Duci placuit, si fortè oppidani plùs pavore quàm impetu fracti unà cum animo vires remitterent, & quæ assidua quoque & in longum licet leniùs protracta vis solidissima quæque prostermeret. Igitur quatuor suggestis tormentariis extractis totidem illis Tribuni militum imponuntur. Crebris, & validis, opera illorum, verberationibus muris incussis, cædi propugnatores, ruere paulatim extrema murorum, latera findi cæperunt; at rimas illas, labèsque murorum, cùm exteriores initio partes ob muniminis firmitatem attingerent ictus, facile post explebant instaurabantque nocturno tempore hostes. Graviorem deinde municipibus stragem cladèmq; afferebat, erecta quædam intra Divi Francisci cœnobium, quod opportuno extra oppidum stabat loco tormenti bellici sedes, nam aptitudinæ situs nedum interiores oppidi muros latè comminuebat, sed intra oppidum quoque majores immisissæ pilæ promiscuos mulieribus viros; puerosque semitas fortè perambulantes cumulatim ferè sternebant; perstititque fæda atque acerba illa hominum interneccio ad incolatum donec tegenda corpora tormentario illi suggestui oppositus novus, firmusque sublatu est à milibus agger. Inter hæc haud minori quidem ardore per obsidionales ductos accessus in propugnaculi latera certabatur; frequentes fiebant in muros, atque extra muros excursions, illos loci sublimitas adjuvabat, hos audacia, atque impetus ille flagrantis animi, qui ad pericula cæcus est; inde repulsi Castellæ milites sunt, disturbati artifices

operum, sæpiùs excepti, qui temerè pedem intulerant, dum alii ambire, alii propiùs hære, alii sursum enitè ad munimenta quærebant, in diversas interitus species composito igni, præ fervido humore, liquida pice, saxis præterea, omniq; missilium genere in subeuntium, instantium, atque ambientium ora, atque terga coniectis. Sangermanesis ubi expugnari Olivengam difficilè videt, nam ardore impetùque si vellet uti, perire velociter copias, si obsidionem nimis extraheret cunctatione, ac patientia paulatim attritas senescere, ac fluere, permistam artibus vim, temperatòsque conatibus dolos, quando cætera seriùs, aut cum nimio periculo forent, in illam incumbere statuit. Plurium idcirco dierum permissò militibus otio tanquam animo confedisset, non armis, sed fame rent totam conficere, nocte improvisa tandem cum omnibus copiis majoris propugnaculi muros aggreffus est. Jamque paucis, qui primi occurrerant, pulsis, segniùsque ut sine cura insidentibus aliis, Castellenses fossam transierant, scalasque muris admoverant. Mox omnibus excitatis, prælium ibi conferitur atrox, cùm utrique calentes, recentèsque concurrerent viribus, & hinc loco, hinc multitudine, & quasi furto milites freti. Diù pertinaciùs pugnatum est, sed cùm repentinus impetus Lusitanis ex præparato moliri nihil dedisset, simul noctis caligo formidine quoque cæcos præsidiarios milites implicaret, tum Castellensium ubique certantium, urgentiùmq; vociferatio, vis, numerusque obrueret quodammodo Lusitanos, qui ne dispicere quidem poterant ubi opus subsidio esset, & quæ pars munimenti maximè laboraret, sic perturbatos, instabiles, anxios loco denique motos, ac pene delectos omnino vigor, atque animus dejecisset, interceptumque illa nocte primum, & majus propugnaculum esset,



esset, nisi præstò subsidii fuisset Emanuel Saldanius ejusdem oppidi Gubernator, atque militis Dux. Is enim oppidanos, ac ceteros milites raptim collectos ad loca opportuna distribuit, hunc hortatur, hunc excitat, illum exemplo acuit, hunc revocat fugientem, simul clamore, verberibus, minis, incitamentis omnibus trepidos, languentésque confirmans conflictus tandem fortunam vertit. At milites Castellenses, qui ereptum jam munimentum, ac dissipatos propemodum hostes existimabant, mox sese acrius à paulò ante cedentibus dum fugari, pellique vident cæci, ac furentibus similes in hostium cuspides invehuntur; porro in hunc modum incautè dum multi muris succedunt, cæsi aut præcipientes vestigio fallente, cadunt, hastis prælongis quidam affixi, alii umbonibus pulsi volvuntur in præceps, nec plerique tamen inulti, cum percuntibus integros alios super alios è pinnis murorum extremo conatu trahentibus truculentissimo ludo vincentes, victósque fortuna misceret. Confusio, fremitus, clamor passim instantium, atque ruentium tumultibus omnia miscuerat, vix missile uno eos inter hominum æstus, & collidentes se pulsibus turbas absque vulnere intercidente. Et quidem utrique jam cumulis corporum, armorumque pene compleverant fossam, cum demum Sangermanensis, adhuc solido munimento, affluente propugnatore, locique insolentia cum adjuvante, lanienam esse illam, non pugnam suorum militum arbitratus, cani receptui jussit. Ad castra subinde revertitur, lustrat ex clade recepta copias, cumque multo minus quam pertimuerat, videret sociorum desiderari, major est illi spes ex majori sollicitudine orta, quod suorum videlicet temeritas militum, iniquitas loci, inanis, ac stolidi virum jactatio parùm pro prælio hostibus

contulisset. Viginti post lapsis ab oppido obfesso diebus suppetias laturus exercitus Lusitanus apparuit. Erant in eo duodecim ferè peditum millia, tria millia & quingenti circiter equites ab impigro Duce Laurentiano Comite ducta; qui longiori, ne impediretur ab hoste, circuitu, Anam flumen transgressus juxta ejus marginem castra posuit, eo tempore sane paratus totis confligere viribus, fractamque per aggeris sepem, apertamque mucronibus viam ad oppidum penetrare. Quatriduò post Dux idem è castris ad hostem leniter movens editum quemdam occupat locum, unde septem locatis belli tormentis qua Ossunensis stativa paterent, assidue aggerem verberabat, sed cum torpentes, ac propè frigidae pilæ resuper flaccida caderent, tutusque inhaereret quasi rectus testudine miles, tormentorum refracta vis, irritusque oppugnantibus labor acciderat. Sangermanensis præterea, ne quid prætermisum accuratori tutelæ sineret, novo tormentorum suggestu, quo inde aptius objectum ab hoste pulsabat, erecto, instabiles, vagos, nudatósque tegimine hostes, magna cum strage, ab eo, quem nuper infederant, loco summovit, alium exteriorem denique aggerem properè jaci sub hostium oculis jussit, quo Lusitanum ea parte fortasse impotentem duplicis septi obstaculum moraretur. Quæ postquam vidit Laurentianus, aucta scilicet munimenta, aggerisque majoris ambitum inconcussam, ac planè firmam, nec ulla ex parte facile rumpi, oppugnavisse posse; Super hæc arma, milites, commearus industriam abundè sufficere hosti, diffusus propterea sibi, atque animo pavidus, neve ambiguo uni prælio totam regni fortunam committeret, retrò ad castra, quæ propius Iuremeniam habebat, regressus est. Triduo ibi conclusus, ac deses cum institisset, post castra mutat Laurentianus, atque ea propiora Oli-



venire, nec procul ab Ana constituit inde causam exploraturus, qua obsessis prestare opem cum minori forte periculo posset, vel si ea non adesset, qui intra Olivençam erant metu, & labore obsidionis attriti externis saltem inspectis copiis, proximòque subsidio credito, dum vires pugne suppeterent, spes, & animos sustentarent, alios idcirco, aliòsque subinde ad Saldanium Dux Lusitanus mittebat nuncios per fallacia promissa inanem illi proximæ opis fiduciam instantes, quorum aliqui elapsi, alii in unguis collapsi hostium cum ea, quæ afferrent dicere cogerentur, inter verbera, & cruciatus silentii fidem constantissimè tenuerunt. Denique Lusitano cum omnino sibi interseptam, ac summè arduam inferendis Olivençæ subsidium medios per hostes aspiceret viam, ad ultimum nisi discrimen cum totius periculo regni projectum exercitum vellet, multa, & varia in animo secum volventi, repenti pro extremo remedio succurrit, si alio fortasse, eo armorum retorto cursu, qui Olivençam premebat, inde liceret avertere hostem. Igitur Badacocium contendere statuit, ita ratus, quamvis frequentem repentino fortasse impetu capere posse urbem, vel si hoc fefellisset, hujus, quæ pluris intererat, urbis obsessæ periculum ab Olivençæ obsidione Castellæ milites abstracturum, vel ultro, citroque dispartiendo copias utrinque eisdem imminuturum. Eo proposito sibi consilio Comes Laurentianus, castra celeriter movet, & primùm tria fere milia selecta peditum, equites circiter mille Badacocium ad urbem præmittit, qui dubia adhuc luce pervenientes, quàm in Marinensem ducitur portam, furto urbem aggrediuntur. Et priùs hæc hostilis objecta fraus; primi enim, qui noctu accesserant insidiosa ferentes; Castellæ signa, hostiùmque sermonem, & habitum mentientes, à

communi tanquam summissi Duce amicè introduci poscebant, mox, ubi falsitas patuit, atque in eisdem qui frustra tetenderant, hostes cæde, & cruore conversa est, palam tunc agere Lusitanus, admoveere manibus scalas, pyloclastris appetere portas, alii arma, alià machinas expedit, si effringere fores, aut fortè evadere in murum antea vis, & celeritas tribuisset, quàm ea, quæ propinqua subsidia erant, stationariis militibus accessissent. At verò, qui vigilas obibant milites gradu stabili, pectore obverso, interrito animo tanta constantia, atque virtute Lusitanis urgentibus resistere, ut strepitu campanarum, tubarum, armorumque fragore subinde expectectis, concitatisque satis temporis lociis, simulque civibus datum, ruere gregatim, citòque ferre militibus opem. Porro majori tunc, & recentium, seseque inferentium militum numero impulsus partim cæsus, partim laucius, partum, qui muros tenuerat, actus in præceps è manibus est, undique dissipatur, ac funditur Lusitanus. Insidias sollicitudo, impetum virtus, jus defensionis injuriam vicit; cladèsque illa tumultuosa longè plus dignitate fecit, quàm cæforum multitudine nobilis; tres quippe ibi tunc cæcidere Tribuni militum, duo Legionis Instruatores, multi Centuriones, ac milites honorarum, inter quos alter Oviedi Comititis, alter filius Comititis Castelmeliorii in eodem certamine cæsi; promiscui vulgus ad tringentos interiit. Reliquos Lusitanos, qui in tempore se receperant, aut hostis impetum subterfugerant, effusè cedentes, ac pavidos Petrus Diarius ab urbe cum septingentis egressus equitibus in tergum, & latera carpit, multis cursim ibi confossis, aut faucibus, aliis captivis ad urbem deductis. Casu vel fuga superstites cæteri

exer

exercitum assequuntur, qui castra apud Mori vadum extra tormenti bellici jactum procul ab urbe situm habebat. Civitatis servatæ laus ad Simonem Castagnam præcipuè defertur, quippe qui prior Lusitanam fraudemprehendit, & animosius in primis obstitit hosti, mox juventutem urbanam, & canobitas & Clericos quoque frequenter coactos per arma misceri militibus compulit, nec prius ab agendo, cohortando, acriterque pugnando armis insignis, & corpore destitit, quàm nobilem urbem & populi copia, & præfidiorum inopia penclitanrem ab hostium insidiis, atque impetu vindicaret.

Hujus porrò facinoris vanitas ac præter opinionem accepta clades Laurentianum ab urbis obsidione deteruit. Igitur triduo post motis à Mori vado copiis populabundus, & ruiis, flammisque infestus excurrit semitas Alburquerquei, cùm consilium ex rerum angustia cepisset Dux, adversus agros, ac segetes furere, & direptione, atque incendio exhaurire regionem illam impunè velle, aut avocare ex Olivença hostem, ut teterrimæ vastitari, & rusticorum fugæ atque cædi, & gravidæ messis corruptelæ succurreret. Cæterùm cùm hæc omnia negligeret Castellensis, imò inde hostis infirmitatem, & vaga, & incerta consilia ejus agnosceret, simul cùm astrictior quotidie per hostem, multoque pressior Olivençæ nunciaretur obsidio, tunc Comes Laurentianus ad præstandas municipio suppetias perinde animo, ac viribus fractior, magisque propterea, quàm antea diffusus asperiores jam factu rem perpetrare, adhuc etiam armorum diverticula quærens, Valentiam tandem adoritur locum naturæ, & opere strenuum, jursque Alcantaræ Ordinis prisca munificencia, ac pietate Regum addictum. Hic itaque Dux accelerandum ratus, quo minus

Sangermanensis si prius Olivença ruisset, cum victricibus copiis ipsum frustra ibi conantem & inharentem circumveniret, belli confestim tormenta disponit, bellatores distribuit, desilire equites jubet, tum ne defessi, laboribusque constricti murosum propugnatores respirandi à certamine spærium ullum haberent, præcepit etiam Laurentianus, ut quinque peditum millia alia aliis succedentia statim per vices, & prælia nunquam intermittentia simul allaborarent, adeo, ut ne hora ulla quidem sive diei sive noctis efflueret à pugna, à clamore, à fusione sanguinis vacua. Ira, & celeritas, & major alio ex hoste longinquo merus animos stimulabat. Hujus enim oppidi excidium ante oculos erat velut amissæ propè Olivençæ solatium, & quasi interitus impendentis effugium, ibique fortiter ideo prementres cum victoriarum spe cadere, quàm desperata victoria obrui ab hostibus citò victoribus qui sublata Olivença advenissent, malebant. Cæterùm oppidani, & milites Castellenses haud minori quidem alacritate, animique ferocia, dum hostes irruerent, excipiebant, alii hostibus occurfare, alii muros reficere, jacula, ignes, saxa, granorum quoque candentium acervos, & quidquid esset ad manus materiæ torridæ & coræretæ simul, & fluidæ certatim è muris projicientes. Par erat utrisque ferocitas animi, impar profectò locus, propè æqualis militum disciplina. Sangermanensis enim qui ab hostium paulò antè captis exploratoribus nonnihil eorum consilii per vim tormentorum excusserat, impensius idcirco loca suspecta muniri jussit. Valentiam præsertim, cui plus adjecta suspitione metuerat, tuendæ Sebastianum Granerum imposuit, fortem ipsum, ac veterem Ducem, cujus virtute, & industria ea tunc egregiè oppidana defensio invaluit. Septem omnino dies Valentiam

irritus oppugnando Lusitanus absum-  
pserat, cum semilunare postremò mu-  
nimen, quod cœnobium quoddam  
claudebat sub nomine Divæ Claræ,  
passusque circiter octoginta procul  
erat ab oppido, & antea inconsulto à  
tergo reliquerat hostis, aggreditur; eò  
namque si potiretur, sperabat Dux  
Lusitanus nudata subtrahere suorum  
missilium ictibus corpora, simul ibi  
tormentariam erigere sedem, ex qua  
impunè, vel cum minori periculo  
offendere posset hostem. Sed ea res  
frustra fuit, quatuor enim angusta,  
sed altiora, atque solida circumposi-  
ta propugnacula, quæ hoc curruum  
munimen, cœnobiūque tegebant,  
cum igneas glandes sœpissimè plu-  
rent, stragem hostium ingentem ede-  
bant; nihilominus Lusitani dum nec  
gravi periculo territi, nec assiduo la-  
bore defatigati cum loco satis ini-  
quo, cum hoste superiori, cum mul-  
tiplici morte inter acervos cadenti-  
um, spirantiūque asperiora om-  
nia ausi, passique ferocius collucta-  
rentur, eò prætervecta cædes, atque  
obstinatio militum est, ut eos non  
nisi post sexcentos ferè interfectos,  
ac totidem vulneratos à temeratio il-  
lo incepto, in quo plūs furor, ardor-  
que spiritus, quam vera virtus agebat,  
interjectæ noctis caligo retraxerit.  
Interea Sangermanensis Olivençam  
acerrimè conflabat. Exteriora enim  
oppidi munimenta alia concussa, alia  
penitus scissa, alia simul hiantia, &  
quàm cito lapsura erant, fossa quæ  
murorum ambitum circuibat mate-  
rie congestitia repleta jam propè so-  
lum æquabat, & quod plane rui-  
nosa inter tot detrimenta, cladēs-  
que exanimavit Saldaniam Guberna-  
torem, majus oppidi propugnaculum  
paulò ante suffossis, incensisque cu-  
niculis ruptum immani ruina, atque  
eæde repentinè disiectum est. Intus

præterea per crebras actas irruptio-  
nes æquè improspera, ac felix quam-  
plures milites stationarios belli for-  
tuna consumpserat, cum ipsa victo-  
ria vincentes quoque deterreret, le-  
visque jactura quæcumque militum  
gravior in minori numero censere-  
tur. Harum difficultatum aculeis, ar-  
ctiorique præterea quàm egregium  
decebat, Ducem suomet ipse animo  
percitus, perculsusque Saldanius, ubi  
sollicitus reputat sancti Laurentii Co-  
mitem sociis opem conferre diffusum,  
sua in extrema calamitate desertum,  
aliena frustra oppugnatum, arma ad  
ludibrium circumferentem temerè di-  
vertisse, simul inter eam dubitatio-  
nem, succurrendique ferè perditis  
moram tantum adimi sibi virium, &  
animi, quantum cresceret hostibus,  
obsidionisque intendendæ sollicitudi-  
nis, vel quia potius Saldanius hu-  
ius obsidii insuperabilem molem cre-  
deret, nec in tanto quoque disci-  
mine secus esse videri non festinata,  
quàm desperata omnino subsidia, ip-  
se denique per inducias cum Italo  
Duce pepigit, ut nisi tempore con-  
stituto Olivençæ subventum esset,  
eam honestis conditionibus traderet.  
Hæc ad sancti Laurentii Comitem  
impigram tunc adversus Valentiam,  
at inanem navantem operam allata  
cum statim essent, graviter homi-  
nem perculere; velle enim ita is per  
ea diverticula videbatur non armis  
conditione aliqua positus, at extre-  
ma lassitudine ablatis, aut in com-  
munem perniciem corruptis invade-  
re tandem in oppidum hostes. Ita-  
que vasis continuo collectis, Valen-  
tiæque obsidione soluta primò Porta-  
legrem, inde ad Jurumeniam exerci-  
tum ducit. In hoc propiorum hostibus  
loco cum castra metatus esset asperis  
litteris Olivençæ Gubernatorem incre-  
puit. *Ne per flagitium, & ignominiam*

*vita ac libertatis usuram quereret; si deli integròque convenire clienti extremum usque ad anhelitum, ultimamque sanguinis guttam in fide, atque officio perstrare; bonum verò commilitonem contemnere vitam, quam manus, & arma minimè tegerint. Nefarias profectò spurcas sceleris plenas atque in ejus, qui pactus est, caput absque dubio ruituras condiciones cum hoste compositas esse. Atqui minus malitia fortasse, quàm ignavia, & formidine erranti adhuc integrum fore, cum vellet, infamem, ac turpem retrahere sententiam, falsisque abstergere sordes, quas iniqua pactione contraxerat, satius, non errasse profectò esse, ac semel prolapsò ad aequiorem per consilii mutationem redire viam, laudabile quoque esse; se se planè cum majoribus copiis, quas ex sociis passim, & citò coire mandaverat locis subsidio celeriter affuturum. Sin autem diutius fortasse morari pro militari delectu cogeret, nihil ille propterea aut se, aut patriam, aut Lusitano nomine indignum committeret. Hujus sententiae postquam Saldanio redditae litterae sunt, tam procul fuere, ut à proposito vigum deicerent, ut constantius eundem in suscepto quoque deditiois consilio firmaverint. Oppido namque aut hostium impressione, aut belli mox jure per pacta cadenti, subsidia, quae nisi vana, & fallacia momento advolare oportebat, ipsius Ducis confessione jam nulla, vel sera, vel captiosa fore constabat. Quapropter Saldanius intelligebat, aulico secum potiùs loquendi more, quàm candido, & serio in Litterarum contextu Laurentianum Comitem usum, aut ipsum illudere per fugaciam promissa velle, ut alieno capite sibi caveret, & fortunae quoque ludibria cognosceret, exultationemque sibi posterum reservaret, quod si ipse*

auditus à Saldanio fuisset, adhuc oppidum stare. Unde enim recentem erueret militem binos per menses illum minimè nactus, & quas junxerat copias jam inanes per ambitus imminurus? Quod si ita munito, ita copiis instructo haud satis nervorum in animo sit dirigere aciem in hostes, & obsidionis claustra perumpere, plus illi probro, ac dedecori fuerit vel armorum fortunam in subsidium non tentavisse, quàm subsidio se destitutum fortunae succubuisse. Praestituto itaque tempore lapsò, quemadmodum pacto sancitum cum Castellensibus fuerat prima illa die Lusitanus binas oppidi portas hostibus, ac bina propugnacula tradidit; omnia postmodò victori permisit. Post Emanuel Saldanius cum duobus millibus, quingentisque ferè peditibus, equitibus verò propè sexcentis armis omnino instructis, explicatisque vexillis egreditur oppido. Consequitur ipsum deinde è sedibus omnis fuisse sarcinis gravis oppidanorum effusa turba, eo sanè concursu & animorum ardore, ut nemo tot municipum unus, manendi quamquam ex pactis facultas omnibus esset, extiterit, cui non plus odiosum Castellae jugum, quàm patriae solum jucundum fuisset. Bellicae munitionis, & commeatus satis relictum in oppido est. Ea sicut ita profectò fuisse videtur, intempestiva deditio, cum aliquot ultra dies sustineri defensio oppidi potuisset, causam deinde rumoribus prae-buit vel Saldanii proditio, vel militari fraude illud magni momenti oppidum tam citò interversum apud socios, apud hostes esse jactantibus; increbuitque, sed mendax hæc fama vulgatar, dolo, & errore, scilicet per confectam à Sangermanensi Laurentiani nomine epistolam, in qua desperatis oppidi auxiliis, ut aequiores ab hoste condiciones

immatura deditione redimeret, jussum erat, circumventum esse Saldanum. Verum hoc idem sponte cum Saldanum animo voluaret, sibi que per eas rationes, quas ementita de more formido subiciebat, deformiora oppidi omnia, & plus quam re ipsa labefactura jacebant, affingeret, à nemine quidem, nisi proprii metus caligine impulsus, & intus captus extemporaneam, ac turpem deditionem transegit. In veras propterea gravesque subinde Saldanum criminaciones incurrit, nec pro viribus, nec pro fide, nec pro honore veteris Ducis ab ipso fuisse Olivenæ defensionem tractatam, Ulisipponemque statim accitus causam è vinculis dicere cogitur, qua, nimis etiam premente facti recentis invidia, neve in se ipsum fortasse recideret, eam onerante Laurentiano, malè ille per se purgatus perpetuo exilio multatus est. Olivenæ ita recepta, mœniumque ruinis, ac celeriter munimentis pristino robori restitutis, ac novo præsidio firmatis, Sangermanensis quia ex voto prima processerat, nunc dimicandi cum hoste cupidus inter elvum & Campomajorem exercitum posuit. Hinc per partes alacriter concurrere, spargere passim incendia, repetere cædes, cumulare rapinas, fœdiora quoque minari, si ita fortasse invitum, ac reluctantem venerunt, vel iræ stimulis inciratum, aut vastitatis coercendæ causa commotum trahere Lusitanum ad æquum certamen posset. Laurentianum vero, propè Jurumeniam locatis castris, vel quia sua ita interesset, vel quia nondum ab Olivenæ ruina conceptum excusserat metum, nec indignatio, nec pudor, nec ploratus aggressum, ignisque fuminantium passim rectorum, nec quingentorum etiam accessio, qui serò Ulisipponem venerant militum deferere castra movebant, aut conferre cum hoste signa. Ubi ergo videt Sangermanensis

neque industria, neque vi, neque irarum aculeis ad pugnam Lusitanum elici posse, in ejus conspectu Moronem cum omnibus copiis aggreditur, ita facilè ratus, vel oppido mox subventuro sine mora cum hoste congredi, vel subsidiis hoc destitutum parvo negotio in potestatem redigere. Jacet oppidum circa marginem Anæ situm, & tum amnis trajectui, tum Olivenæ retinendæ opportunum. Structura murorum ejus ad coagmentationis antiquæ genus magna ex parte interlita luto erat; solidiores alibi lateres duratque temporibus; fortior ei arx assidebat. Strenuè impetumque hoc maximè adorsus Sangermanensis, belli tormenta, quorum plurima secum habebat, confestim aptari jussit, hisque incessanter quatere oppidi mœnia jussit. At municipes, militesque præsidarii, quibus excisæ paulò ante Olivenæ ante oculos terror, ac species obversabatur, & qui in majori negotio vicent, eos minus esse celerius executuros arbitrabantur, paræ subeundæ fortunæ pavore dejecti, nullo præmisso virtutis indicio, idèoque Morone statim deserto, ad arcem, quæ prævalida erat, confugiunt. Ea ipsa re latus Sangermanensis, qui tam citò sine impendio, sine cruore haud contemnendum oppidum occupasset, cum utilius sibi esse censeret, antequam prælii cum hoste discrimen adiret, vincere arcem, & Moronem in tuto ponere, nunc ipse pugnam, quia versa res erat, detrectans contra arcem enixius allaborabat. Interea Comes Laurentianus, & si paulò ante vanam ob gloriam, & cum certo regni discrimine signa cum hoste conferre metuerat, jam ex rerum eventu mutato consilio utcumque anhelabat vehementer adstrictæ, & quàm celerimè peritura sine subsidio ad extremas ferre suppetias, ne eo parvo

scilicet intervallo alia super aliam adjecta clades sine obice passim, oppidatimque serpendo totius regni tandem exitio desineret. Res tamen aspera erat. Nam inter arcem & Lusitanas copias inflatus annis intercurrerebat, plenus alveus, & vorticofus, vada incerta, atque lubrica, hinc ideo errantia, inde abrepta vi aquarum vestigia ingredientibus erant, simul eques pedesque Sangermanensis imperio, quàm intererat vadum, longè, latèque circumfederat ripam, transicuntque intercluserat; levia præterea prælia, quæ vadando vel circa ripam casu, aut periculo virium, aut conviciorum irritamento conferebantur, ut plurimum luctuosa, nimisque cruenta Lusitanis inciderant. Itaque super trajectionis difficultatem, & inæqualem omnino cum hoste, cum fluctibus pugnam ex tristibus etiam armorum jactis fortuito proliis totius certaminis omen, & aleam Dux Lusitanus horrebat. Quæ ubi Ioannes Ferreira, qui custos erat arcis agnovit, seque igni, ferroque simul, & fame peti, omnia esse circum hostilia, obsessisque maximè infesta, & cum tempore, & mora magis quoque futura minacia, socios præterea, qui frustra, & sæpè subsidia inferenda tentarant, reiectos, & pavidos fugam spectare potius, quàm arce conclusos, & esurie ferroque pressos periculo eximere, undecima tandem ab oppido obfesso die, arcis deditionem, & liberam sibi, militibus, incolis discessionem cum hoste pactus, vacuo relicto habitatoribus oppido in Lusitaniâ recessit. His rebus ita confectis victor Sangermanensis Badacocium cum exercitu redit, lumen deinde statim oppugnaturus ad rem necessaria parabat. At lumina cum æstas flueret, ac solito magis ardore flagraret, æstusque prope incredibili, ac siccitate loci, unde plurimè per id tempus corporis ægrotudines scatent, illius oræ tractus arefcat, & sole ardeat, prudentius hoc facinus distulit. Tunc Lusitanus,

qui aliquot ante diebus arcem Olivæ fortuito ceperat, atque munierat, postquam Olivençæ ruinam cernit, simul hanc arcem illi propinquam, in hostico solâ accessu nedum tutela difficilem, ne ea aliquando potiri liceret hosti ipsam demoliri constituit, qua per cuniculos tandem disiecta certi laboris fructus, & gloria præcepta hosti, munimenti commoditas Lusitanis ablata est.

Cæterum Olivençæ jactura Aloisiam 1618. Gulmanam, quæ Lusitaniam administrabat, supra modum animo affixit, cum alta spe decidentem, qua truces inferendas Castellæ clades, vanè, ac superbè conceperat animo, tum maxime veritam ipsam, ne suæ fortasse novique regiminis culpæ successum verteret populus, quàm fortuna sustinisset. Satis illa præterea sciebat, & animo recurfabat, novum præcipuè regnorum regimen, bona ubi opinio nondum invaluit, à fortuitorum momento pendentes suas rationes, & fidem habere; simul casus non rationes casuum, & causas insulsè, aut malignè attendere populum, ejusque mordaces in ministros latratus, & questus effusos reflectere tandem in Principis morsum. Vehementer igitur perturbata, & in se anxiosa mulier ambitiosa, quo deprimere modo elatos successibus hostes posset, suosque trepidos querulosque feliciori quoque conatu ad vires, ac spes resumendas arrigere, statuit ultra fines Castellæ transferre arma, ibique oppugnare præclaram aliquam urbem, quo ex virium suarum animique ostentatione Castellensibus cresceret terror, atque in medio tunc sita Olivençâ, Castellæque circumcisa subsidiis facilius relaberetur. Hoc quidem consilio mulier fœdere rursus cum Gallis, Anglisque & Lusitanis novissimo Rege sancito, multoque inde per pecuniam conducto milite, jussit sexdecim  
pedi

peditum millia, equitum vetò quatuor circiter millia properè cogi; iisque copiis moderandis, senatu annuente, præfecit Joannem Mendum Vasconcellum, veterem ipsum Ducem, & qui sub Regis Catholici auspiciis meruerat quondam in Belgio. Post hæc Status Senatus de ratione belli gerendi Ulisippone consulitur, isque frequens cum illis copiis ex mente Aloisæ Badacocium petendum censuit. Res ipsa plausibilis erat; plus famæ quidem quàm oneris, sive periculi in ea suscipienda proponebatur; pompa, & copiarum quedam jactantia magis, quàm vis, aut rerum discrimen novo regimini, angusto regno conveniebat. Ad hæc si illa urbs cecidisset, Olivençæ etiam excidium ratione situs præclusæ tractura erat. Et porrò jam priùs Aloisiam, quæ sola plus poterat, aperuisse sententiam suam, in re etiam ancipiti calculorum omnium ad se contractio, sive corruptio fuisset. Inter hæc præparanda Sangermanensis, qui eo tempore Badacocii cum diminuto præsidio commorabatur, tanti apparatus fama, strepitùque commotus, sollicitusque monet Arum primum ministrum Catholici Regis, exiguo Badacocium præsidio militum, alimentorum inopia, fluxis jam, ac vetustatis labe corrosis, manibusque prope caducis in summo periculo verti, eo, sibi namque per fidos exploratores compertum fuerat hostilem, qui adeo latè obstrepebat, conatum, & impetum evasurum. Audit hæc Arus, verùm ut Hispana cunctatio, quæ in rebus plurimis sæpè sapit, incredulitatis interdum, & cujusdam quasi pigritiæ desipit vicio, & feri subsidii, consilii prævit tunc Arus, ut nimis creduli monita Ducis, incredibilia sibi narrari putans, quos scilicet propriæ tuendæ cura salutis vix in suo regno

satis habebat totis viribus occupatos, iis hoste valentissimo provocato, gloriæ atque imperii amplificandi libidinem incessisse; responsum idcirco dedit Sangermanensi. Prospiceret quidem ne infidis, aut levibus ipse exploratoribus uteretur. Durius enim sibi videri, velle inconsulto Castellam appetere hostes de Lusitano etiam regno adhuc improspere litigantes. Ea de re tamen jam certior factus Sangermanensis ex locis propinquis cibaria, bellique munitionem, & militate præsidium, quantum pro tempore, & viribus licuit in urbem contraxit, ita ut urbanæ tutelæ promptos eo tempore in armis enumeraret equites ferè bis mille, quingentos quoque supra tyrones veteres milites, & plurimos cives ingenio, ac robore ætatis prælio gerendo idoneos. Paucis interjectis diebus, Badacocio adversæ, infestæque cum magno terrore civium appropinquantes Lusitanorum copię conspectæ sunt. Anæ circa ripam opposita ea frequens ac celebris jacet urbs. Latus magis quàm altus ab illa parte decurrens funditur amnis, isque vado per reliquum anni turgentibus aquis impervius, cùm per id temporis veris extremum protereret æstas, multis in locis, nudatis ea parte vadis, transitum exhibebat. Pons lapideus, & nobilis flumini impositus ripas urbemque committit. Hæc ipsa partim in plano, pars in deflexo cujusdam substrata clivi inæquali, ac sinuoso porrigitur solo, muros circumpositos habet, sed veteri, fragilique structura, & rimis quoque interpositis labiles, arcem in ejusdem, quo sedet, collis acumine sitam, atque ex altera fluminis ripa validum propugnaculum, cui S. Christophori nomen adjectum, Tum vero Sangermanensis propius, ac citius, quàm antea credebatur, exercitum Lusitanum intuitus, quia tempore adhuc egebat, quo urbem penitus communiret, plures immisit equitum turmas,

quæ appropetantem aciem remorarentur. Cæterum Dux Lusitanus, qui meliori sane consilio pro peritorum iudicio auspicari facinus potuisset, temerè initio versus contra Sancti Christophori propugnaculum, ibi ut armorum primum impetum fregit, nervosque recentes debilitavit, ita minùs deinde ad belli summam conficiendam, quæ propugnacula, & arces trahabat, armorum, & virium attulit. Hoc propugnaculum ultra fluminis ripam, & collis in vertice positum, ad teli propè jactum ab arce urbis, & flumine distans eminet, cingitur fossa, aliisque majoribus munimentis, quæ ars nova, & ipsa elegantior militiæ commenta est. Bonaventura Tartacona tormentorum Præfectus, & propugnaculi custos, cùm tentamenta prospiceret hostium alia adjecerat munimenta, ac bina præcipuè rostra, quæ ad triginta passus extendebantur. Tumuli quidam editiores patenti campo interjecti, atque eidem propugnaculo oppositi prominebant. Hos occupat Lusitanus, ibique tormentis majoribus constitutis assiduè, ac vehementer propugnaculum verberabat. Postridiè alium & eo, quem antea occupaverat aptiorem arripit locum ut propugnaculo magis propinquum, atque inde perpetuo candentium globorum jactu illud acerrimè urget, mox aggerem jacit, obsidionalisque aperit vias ad milites fossorèsq; tegendos; fervet, ardèque certatim militum labor, & copia, ut ardentius homines solent rerum omnium capessere initia. Inter hæc Castellenses, frequenter in hostes interditi nocturne irruptionibus factis, artifices, militèsq; cædebant, & eorum opera lacerabant modò flammis conjectis, modò armis, lapidibus contis in operarios, & opera impatiens; eorum tamen ardore, impetūque subinde restincto, cæpta jam

opera diligentius repetebantur. Semel præsertim cùm enixiùs, ac propiùs propugnaculi rostra Lusitanus impeteret, ibique novo tum milite fortè auctus astaret Tarracona Præfectus, ampliori numero, atque fiducia, hortamentoque, qui aderat, conciti Ducis Castellæ milites irruentes, cruentum, sævumque certamen circa opera contrahunt. Cernit hoc Vasconcellus, suosque ferociùs impulsos concidere alios, dare alios prementibus terga; simul labores operum intermissos, ac planè labefactatos perque suorum tumultum, & fugam alacriores hostes ulteriùs inferre gradum, mandatque ut Turrii, sanctique Joannis Comites, iique Tribuni militum binis legionibus sumptis ferrent properè auxilia cedentibus sociis, aut saltem certamen æquarent. Jussi subito Duces recenti cum milite accurrunt, & quanquam prælio partim defessos, partim metu dilapsos, aut fugam eo tempore socios circumspectantes offendunt, contrahere se tamen, colligere spiritus, atque instaurare certamen milites cogunt. Sed cùm nihilominus super adjecta subsidia Castellensis urgeret; & ipse jam animosius Lusitano rorantia cruore tractaret arma, alacriusque pedem super cæsorum corporum stragem efficeret, simul cùm segnior ad pugnam paulò antè fugatus, ac pulsus rediret miles, novique qui subsidiis accesserat, inter horum segnitiam, & moram calor, & impectus refrigeret: tunc, & qui prior dimicaverat Lusitanus, & subsidiarius quoque miles obteritur, totaque acies penitus dissipata, atque in fugam conversa est: fugientes non sequitur victor, at ibi consistens, obsidionalia ubi opera erant, post hæc lacera, attrita penitusque convulsa, paucis amissis, in propugnaculum se recepit.



Cæterum quod egregiè inter arma pepererat Castellensibus virtus, dolus subinde pro Lusitanis æquavit. Fallacem enim per emissarium Sangermanensis admonitus tria nempe peditum millia in hostilis exercitus supplementum cum comneatus copia Ulisippone profecta Badacocium appropinquare præcepit Ferdinando Caravaglio, ut duobus equitum millibus, aliisque lectis cohortibus sumptis, prius in hostis occursum tenderet, quam reliquis ille copiis, quæ propugnaculum oppugnabant, aggregaretur. Caravagalius accelerato cursu in via circa Elvum assequitur hostem. Utrique ibi se pugnae comparant, alacres animo Castellenses, quod loco opportuno, numero impares, & quasi repenti interceptos per errorem crederent hostes, at hostes alacriores, quod utique scirent jam delatoris perfidia falsos, omni receptu prorsus secluso, interneccione delendos Castellæ milites trahi, idem enim emissarius, qui novum Ulisippone militem accessurum detulerat Vasconcello, ab eodem extemplo ad Sangermani Ducem remissus fraudi materiem fallendo præbuit, ut quos hostibus obviam missurus erat Sangermanensis, iis Lusitanus, trifariam divisus copiis per vim, per insidias intercluderet iter. Vix dum igitur hostis facies, & fulgor armorum, & clamor solito major elatus, & nimia in hoste fiducia ex propinquo conspecta sunt, cum statim sensit se Castellensis sine ope, sine spe opis passim hostibus circumfusum, ad eadem fraude projectum, & undique insidiis, ac ferro clausum, & quod ægrè se quoque primo certamine elapsum, in strenuiores alias subinde hostium, quæ aliunde transitum intercluserant, incidere copias necesse erat. Itaque haud robore minùs, quam animo destitutus, & perturbatus, & formidine propè tor-

pens, vix primò libatis viribus, pedes propemodum totus fœde humi concisus jacuit, celeritate adjutus equorum in avia diffugit eques. Tres Duces capti; Ferdinandus Caravagalius egregiè dimicans cecidit. Hoc successu, & quod ejus astu potissimum contigisset, Vasconcellus mirificè elatus, quasdam impellit equitum turmas, habitum urbis, & situm proximè contemplatum, simul eorum, qui in urbis erant custodia, ut pro rei summa vires, & animi nervos experirentur. Properat eques, accedit ad pontem, alacer subit, at in limine statim offendit, prævalida nempe manu, qui eum circumsederat locum obseptus. Ibi ergo strenuè sursum, deorsum inferendo, aut vim repellendo, cum utrique se acerrimè impellerent, tetra luctatio committitur, sed explicare se equitem, intendere vim, utique impetu equorum cum prohiberet angustia loci, atque ex adverso pedestris impulsus, ut in arcto collectior, vegetiorque vehementius incumberet, Lusitani partim ferro, partim labendo gurgitibus hausti, nonnulli protriti in faucibus pontis sunt, plerique rejeçti, atque expulsi confugiunt ad aciem, quæ supra fluminis ripam, ne in situs se angustius elideret militum multitudo confederat. Inter hæc Sancti Christophori propugnaculum omni arte, conatûque militis impensius oppugnabatur, crebræque ex eodem munimine obsessorum irruptiones, ac levia interdum exercita prælia ejusdem loci propugnatores, ut sæpè victos, ut sæpè victores penè confecerant. Idipsum Sangermanensis intelligens, & providere quoque desiderans, duas, quæ tunc in Bætica versabantur, quam citò in urbis subsidium legiones venire jussit. Legio una erat ex Hispanis, veteranisque constituta militibus, cui præerat Marchio Lanzerottus, ex Hibernensibus

altera fortissimi Ducis Gualterii Ungani pariter Hibernensis fidei, atque officio commissa. Binæ hujusmodi legiones itineribus magnis emensis noctis silentio Badacocium ingrediuntur, & quia de via fessis, æstivoque ardore solutis cibis, & quies necessaria militibus erant, curare tunc corpora jussit Sangermanensis. Inde consultum primarios Duce saccersit, ibique dum spes, dum metus, dum discrimina rerum, improviseque fortunæ casus quasi in libram conjecta penduntur, ferè nemine discrepante conveniunt, ut cum his legionibus statim, quâcumque pateret enitentibus aditus per summum quoque discrimen munimento labanti subveniretur. Verumtamen Lusitanus, qui paulò post intellexerat nova hosti subsidia supervenisse, in rei conjecturam adductus quàm per illa spectaret hostis, & planè impedire paratus, cum perpetua quadam ruina, & saxorum, & hominum strage, alternante fortuna vices, munimenta revellerentur, insuper sex elegit ex acie tota militum millia qui strenuiorem impressionem intenderent. Continuus etiam agger à capite pontis, qui urbem conjungit, ad propugnaculum ferebatur, quâ ultrò, citròque Castellensium subsidia meabant, rerumque internuntii. Hunc magno cum impetu, & numero aggressus, eoque perfracto, ac rescisso truciue pugna potius hostis, jam propugnaculi, & urbis communionem abstulerat, & nunc idem erat impedimento, quo cohortes illæ subsidiariæ præcluso inde per vulsionem aggeris transitu nonnisi extremis jactatæ periculis possent ad propugnaculum pervenire. Ad hæc majori quidem fiducia, & multitudine Lusitani munimentum prementes, jam rostra propugnaculi ceperant, ruinâsque intermedias transferant, simul bomborum fragor, labèsque murorum & hinc

militum clamor, & concursatio, hinc concitatio, impetûsque instantium cedentiûmque, & quædam velut injecta militibus rabies, cum plerâque strata jacerent, & reliqua passim ruerent, irreparabile quàm primùm excidium propugnaculo minitabantur. Rursus igitur inter Duces qui cura, metûque suspensi in pontis limine stabant, quibusque distinctè mandatum fuerat per cæcâ, & obversa quæque pericula cum illis copiis succurrere propugnaculo, consultum ibidem est, utrum aggere nuper amisso, interclusa militibus via, omnia obrinente furore hostium, qui audacia, numero, loco superiores omninò erant, dare tunc expediret sociis laborantibus opem, cum variata maxime ratio, in quam ceciderat summi Ducis imperium, esset, desperata propè munimenti defensio, ac perituum certè subsidium eò usque afflictis, ac perditis rebus nova quasi clades adjecta Ducibus videretur. Tenuit inter illos difficultatis inexplicabiles æstus perlongum militaris industria cõsiliûm; tandem in Marchionis Lanzarotti, Tribunique sententiam itum, qui censuit, quoniam prorsus omitti rem illam non oportebat, consiliûmque eo tempore à casu, & fortuna, quæ non semel temeritatem adjuverat, non à ratione, & judicio petendum in tanto discrimine esset, ut ejusdem Legionis Instructor, duo fortiores quoque Centuriones cum lectissimis centum sexaginta militibus obviam progredientes tentarent, si fortè possent, hostium petrumperere cuneos, & per invia, cruenta cuspidibus sibi viam ad propugnaculum aperire; Res ita per Duces decreta pari subinde virtute confecta est. Fuitque hic insignis legionis Instructor Lucas Segura, Centuriones verò Joannes Villafanga, & Antonius Panetaqua adolescens Tribuni filius, quibus etiam binæ in subsidium turmæ equitum

equitum accedere. Hos impavidè, properèque in se milites adventantes cum Lusitanus aspiceret, quatuor equitum agmina, pedirèque supra trecentos in illos statim infestis egit, ita porro facilè factu ratus projectionis audaciz, paucòsque admodum hostes superiori illo numero confestim obrutum iri. Atqui non ad calculos numeròsque belli fortuna victoriam vocat; virtus, & fortuitæ perpèræ causæ totius certaminis exitum contrahunt. Primò enim congressus eques cum equitè funditur Castellensis; effusa, præcépsque hujus equitis fuga in eodem cum pugnz propè jam inhaerent, Castellenses pedites verà ingenti omnes tumultu, impetùque conturbat, ac miscet. Res Castellensis afflicta, pœnas dedisse temeritas videbatur. Villafanga quoque Centurione per equi furentis ictum haud leviter saucio. Cæterùm dum Lusitani equitatus ira plus, quàm consilio provectus hostilem rapidè fugientem persequitur, & inde expeditum, & vacuum relinquit qui ibi restiterant hostibus locum, tunc pedites Castellenses, qui alas pandendo viam transeuntibus fecerant, in se iterùm clausi, suisque ordinibus restituti simul metu, simul obice liberati alacriùs progrediuntur, ac per mediam & impigrè dimicantem illam peditum aciem, quæ sese objecerat venientibus obviam invecti usque ad propugnaculi summitatem magnis animis, laceratque redundantem cruore sibi cursum, & aditum patefaciunt, uno duntaxat pro multis hostium confossis honorario milite amisso. Tum verò Bonaventura propugnaculi Præses recentes statim, ac subsidiarios milites ipsos invadere in hostes, qui murorum super ruinas, captique nuper rostra sese firmiter communiverant, jubet. Hoc temerarium, & nimis profectò audax Seguræ visum Ducis imperium est,

quod exiguam nempe militum manum millibus pene hostibus, acriterque in eo loco munitis opponeret, ne precariam tamen hucusque inter acies, & arma tractatam vitam, & minori fortasse de causâ propediem interituram ignaviz, aut contumaciæ crimine aspergeret, ferox, incautus, suòque irritatus ipse periculo cum paucis militibus turbini similis movens primùm quoddam munimentum aggreditur, quod brevi intervallo cum à majori propugnaculo abesset, hoc acerrimè quatiebat, ubi aliis cæde contratis, aliis summotis primo impetu Lusitanis ea victrix acies desertum munimen occupat, stabilisque, eodem subinde ardore, animòque admodum paucis adjunctis propugnaculi rostra petit, sed cum longè inæqualis, & iniqua profectò pugna inter partes pari ferocia, nervis imparibus incumbentes committeretur, ibidem Segura Dux hostium numero circumventus, prior ubi excussa sceloporum tempestas est, binis adactis per viscera pilis moribundus procubuit, Antonius Panetaqua Centurio brachio glande confixus, plures ignobiles cæsi, cladis reliquit, quod nuper ipsæ per vim receperant, ad munimentum confugiunt, quibus Bonaventura centum scelopetariis in subsidium adjectis, illius quamquam omninò asperam loci tutelam sustinuit. His rebus tumultuosè, & præliari impetu potiùs, quàm spe, aut disciplina militiæ peractis, quia nox appetebat, misit Bonaventura, qui Sangermanensis renunciaret, ne unius quidem intervallo diei ampliùs defendi propugnaculum posse, nisi ab ejusdem rostris, contiguisque ruinis, unde infestissimus prominebat hostis repelleretur. Validis itaque auxiliis, illque celeribus opus esse ne tantum effusi laboris, & sanguinis brevis propugnaculi casus absorbeat. Ad ea Sangermanensis

manensis confestim Marchionem Lanzerottum cum octingentis veteranis militibus, aliisque Ducibus, ac bellatoribus honorariis qui præclari cujusque facinoris gloriam per laceßita quoque pericula repetebant, jubet propugnaculo præsto esse, & quanquam per medios euntibus hostes ea lætuosa, ac propè inexplicabilis semita videretur, prioris tamen exemplum transvecti tutò subsidii speciem periculi minuebat. Hæc igitur prima luce per pontem egressa acies, initio detrusus, qui aggerem proximum defendebant, eoque perfunctoriè discisso, satis hostium cruore respersa, ferocius propugnaculi rostra, ubi dudum infederat Lusitanus, adoriuntur. Porro tunc undique Lusitani in loci retenti defensionem magno numero confluentes pugnam atrocem ineunt, hinc virtus, & copia, hinc minorum numero audacia, furorque militum mori in vestigio nitentium cum utrinque fortunæ successum, ac penè vires libarent. Dum verò alii ita urgent, alii cedunt, alii rejecti rursus incurunt, complures faucii, cæsi que cadunt circuncursans tum ibi clamore, & exemplo, gravioribusque volutatus ipse periculis aderat omnibus Marchio; hostis tamen cum à fronte, & à tergo numero afflueret, cæsi que agminum Duces commilitonum quoque stragem contraherent, feræ tandem fistulæ pila transverberatus, & gladio ictus, hætenus spirans cecidit; ex vulnere porro sæpius in pedes erigere se Lanzerottum vires defecere conantem, poplitibus denique nixus trepidò gladio, & sanguine passim oppletus cum socios hortatur, & convicio, manûque provocat hostes, eo metum, & iram spectaculo suspendente stupentibus similes hostes, utrinque constiterant. Ad Antonium interim Panetaquam vulnerati Marchionis filium fama, quæ aliquid ferè semper af-

figit, perlata est, patrem pugnantem occubuisse. Is igitur ultionis impetu præceps, raptim, qui juxta se erant, militibus sumptis, per confertissimos hostes inVectus ad alterum propugnaculi rostrum irrumpit, patremque ibi offendit adhuc spirantem, & loquelæ, mentisque compotem. Mæstus paulisper, ac tacitus sistit, plorans subinde patrem amplectitur, cumque ad commune solatium in ejus complexu, & osculo moraretur, collectis ab animo viribus durè increpatur à patre. Arctioris officii filium obstringere curam adeò insultantem, & more suo vaneßcentem contundere hostem, ac se præbentem artipere palmam, quàm inertii jam luctu, fletuque propè muliebri tandiu in hætere cadaveri, ita sibi iusta persolvi, ita magnificè parentari, si occisus ipse, non acie victus interjisset. Quæ extremos inter anhelitus missa verba, cum vigorem, ac stimulos ultro jam concitatis militibus addidissent, eos tum pudore commotos, tum ira, ac vindicta calentes in densatos hostium ordines rapiunt. Instauratur itaque pugna, sed multò quàm antea trucidior, nulla arte, nullo ordine, nullo imperio prout sua quemque fors, impetusque provexerat, aut sese collidentium hominum æstus impulerat. Jamque tum propugnaculi rostra, quæ occupaverat hostis, à Castellensibus pulsabantur, eaque plures subierant, alii subsiliebat, aut hærentes in margine stabant, cumque angustia, sitisque lubricum minimè pateretur, qui jam rostra tenebant, extendere se, vel in orbem redigere milites, hinc integri faucis, & victi victoribus misti, nonnulli positis armis manu, & lacertis urgebant, alii colluctantibus similes cum hoste complexi sese unà deorsum præcipientes dabant; undique fremitus, volutatio, reciproca cædes rerum omnium confusio, ac perturbatio erat.

Isque

Isque pertinax extitit Castellensium pugnantium ardor, atque ea animorum, corporumque jactatio, ut fusi tandem, pulsique hostes cruenta vestigiis propugnaculi rostra, & murorum quoque ruinas caërorum cumulis aucta dederent, quos in fugam cæde, à terrore Castellensis averfos usque ad caërorum\*receptum in terga pugnando seëctatur. Paulò post Lusitanus se ubi fractus recepit, metumque discussit, cùm mirabundus animo volvit, parva se militum manu delusum magis, quàm victum turpem fugam arripuisse, quàm delendæ ignominie causa, quàm victorie, quàm proniorem arbitrabatur, excitatus illecebris iterum, atque iterum vehementem impetum fecit in propugnaculi rostra. Verum ne dum bis fractus, & profligatus inde recessit, sed cùm spe etiam omninò abscissa propugnaculi potiundi. Igitur Vasconcellus cum infructuoso, vanoque integri mensis labore, tantoque profuso nequicquam sanguine, ac cæde de propugnaculo desperaret, opinione jam ipse defectus, ac viribus mutilatus ad urbis se tandem obsidionem applicuit. Jam antea per otium & quasdam solutas militum turmas, cùm propugnaculum peteret, succisivo ille tempore experat Badacocium circumvallare, nunc verò propugnaculo prorsus omisso, eò universos belli conatus, ac nervos contulit. Cæterum dum aggeris spes per circuitum extendebatur, ibique sueta stativa militibus, & minora munimina fingebantur, aliæque illis opposita semetipfos, urbemque tuentes Castellenses celementer excitabant, cùm alii prohibere tum alios, & utrique subruere vicissim constructa opificia laborant, quæ sita, & fortuita persæpe atque levia momenta certaminum, & plus aliquando per occasionem incensa, ac subinde viribus aucta utrosque milites

exercebant. Jamque Dux Sangermani solutis omninò stipendiis, ac bellatorum inito numero præter affixos stationibus milites, quos ubi bis, & circumjectorum custodia locorum habebat, cùm plures sua spontè, aut officio ad illum armorum strepitum convenissent, tunc sibi ad manus adesse comperit equitum tria circiter millia, peditum paulò ampliùs, hisque velitaribus copiis perpetuò Dux invehebatur in hostes campos unne persultantes, nunc aggerem molientes, plerumque ob virium experimenta, speciménque virtutis inter eas gentes æmulas ostentandum præliares ex composito in medio concursiones agentes.

Fuit ea præsentim memoria digna, quæ adversus alium qui Venti, alium, qui Maix dicitur, haud multum se ipsis, nec procul ab urbe distantes colles, pugna commissa est, Castellensium, Ducis imperio, præsidium utriusque collis verticem occupaverat. Jusserat etiam Sangermanensis, quando alteri eorum infestus Lusitanus incurreret, mutuis ex propinquo subsidiis se invicem adjuvare; nam si collem utrumque simul peteret Lusitanus ea dissectarum imbecillitas virium in hoste, fragilisque ab utraque parte conatus utrumque servare collem haud difficile potuisset, sin alium post alium aggrederetur, utrique sanè cùm alter alteri auxilio esset, subsidia reciproca valuissent. In prospectu exercitus, & caëstris, urbique interposita stabant duo illa munita juga, quæ urbi præsidium, hosti molestiam, utrisque promptam certaminis causam denunciabant. Anxius ob id Vasconcellus occasionem circumspicebat, qua aliis belli negotiis, & curis implicitus hostis, aut fortè robore diminutus, aut fraudibus captus ea sibi in tempore aggredienda collium præsidia relinqueret: fortè paulò post accidit, ut Castellensium tur-

mae equitum peditumque ad varia ob-  
eunda militiæ munia distractæ pars  
commeatum pergerent interceptum,  
quem Ulisippone advenire falso, &  
per altum jactaverat Vasconcellus, pars  
longius abessent, ut agmina quædam  
auxiliaria, ex Bætica venientia recipe-  
rent, tegerentque, pauci propterea in  
campo subsisterent, qui Lusitanum no-  
vi aliquid forsitan molientem compri-  
merent. Lætus igitur Vasconcellus si-  
mul fraude, simul afflante fortuna be-  
ne sibi gerendæ rei opportunitatem  
illapsam, paucis relictis, qui munitionum,  
vallique surgentis structuram  
defenderent, quique vaga, & soluta  
Castellæ agmina, si eò fortè coirent,  
impeterentque, vi popularent, reli-  
quas statim partitas copias his, qui Ca-  
stellensium inesse præsidio erant, bi-  
nis collibus admovet. Non confra-  
gosa, aut vestigiis abscissa, sed leni  
sublata fastigio clivorum juga surge-  
bant, ascensus tamen armato, desu-  
perque retruso difficilis asperior præ-  
bebat subeuntibus pugnam. Primum  
ergo majoribus sclopis procul utrin-  
que concursum, & rursus, ac sæpius  
hæc glandium effusa procella est, dum  
verò his, qui supernè certabant, suf-  
fecit bellicus pulvis, fœdior utique  
Lusitanis, cum aptius in subiectos ca-  
derent ictus, cædes illata est; eorum-  
que tum ferè nemo sive industria, sive  
conatibus potuit, in jugorum sublimia  
niti, belli deinde pulvis absumptus cum  
animos simul, & vires Castellensibus  
frangeret, cessarentque ea majora per  
ignem contorta fulmina belli, tunc  
alacer Lusitanus, & quod mollior ibi  
esset ascensus sensum progredi caput, &  
collis summitatem attingere. Castel-  
lenses projectis tum sclopis, hastisque  
statim prælongis arreptis, punctumque  
libratis, quia his quanquam virium di-  
minutium ex Aspectu nitrati pulveris, &  
fiducia quoque deesset, aderat ramen

superior obsistentibus locus, proinde  
nonnullos temerè subeuntes præcipi-  
tant, alios transversos districtis mu-  
cronibus agunt, pectore adverso ni-  
tentes quosdam excipiunt; sic instabi-  
lis, varia, utrisque cruenta producit  
pugna. Industria denique potius quàm  
militum vis, sive numerus Lusitanis  
collium victoriam dedit. Eodem enim  
tempore Lusitanus diversos pugnaeque  
opportunos cacuminis locos aggredi-  
tur, sed alium alio acrius, ita enixius  
dum Castellensis unum urgeri conspi-  
cit locum, eoque fortè subactò patere  
statim hostibus aditum in totius collis  
possessionem, alterius idcirco, qui mi-  
nus tunc laborabat, loci præsidio im-  
minuto, illuc ubi majus periculum erat  
fortiores inde milites transfert. Quo  
viso tunc Lusitanus cum multis homi-  
nibus circumvectus eam ipsam debili-  
tatam adeptis militibus partem fero-  
cius invasit, ac subito caput; in terga  
inde irruit ex altera parte pugnantium,  
jamque verticis planè potens in con-  
fusam, ac trepidam hostium aciem im-  
pingit, ac penitus solvit. Tum etiam  
qui ab altera parte pugnabant, insi-  
liunt, Castellensesque undique circun-  
fusi, ac propemodum irretiti, cum nec  
fugæ ibi satis, nec prælio essent, om-  
nes capti, cæsi, collum hostibus con-  
cessere. Pari propè modo, ac fortu-  
na alter collis ablatus est, qui à Vas-  
concello statim ampliori præsidio mu-  
niti sunt. Talis utriusque collis exitus  
fuit. Res autem fefellit Sangermanen-  
sem, quod omnes ferè copias ad am-  
borum collium aggressionem Lusita-  
nus impulerat, satilque propterea oc-  
cupatus, implicatusque in sua defen-  
sione divisim erat uterque collis, &  
præfium insuper iter erat, quo alter  
alteri subveniret, reliqua verò, & rara  
ipsa agmina Castellensium, quæ ad re-  
rum fortuita, improvisosque Lusitani  
conatus reservata secum habebat San-  
germanensis,

germanensis, ne oppressa fortasse, cum subsidia tentarent, a longè majori hostium numero forent, abstinete tunc à certamine, sociisque ferendis auxiliis jusserat Dux. Inflatus eo actu secundo rerum Dux Lusitanus, subinde propugnaculum Sancti Gabrielis, quod exiguo teneretur praesidio, & receptorum praeterea collium tutelae, vallòque circunducendo, obstruendæque protinus urbi aptissimum censeretur, invadit, parvòque negotio occupat. Hoc propter capto, durius revera consilio ejus obstabat propugnaculum aliud Sancti Michaelis nomine dictum, idque in itinere situm, quod Talavèra fert Badacocium, quæve alimenta, munitiones, & subsidiarix quæque cohortes in urbem obsessam immittebantur; id ipsum enim ut perutile obsessis maxima cura, & labore prævalidæque statione firmatum, cum peteret hostis, profluvio sibi cruoris, prurpùisque coëmendum esse conatibus videbatur. Aderant etiam eodem tempore omnes Castellensium reversæ ab expeditionibus copiae, quas, cum in dubio propugnaculum foret, efflictim esse, constabat, tanto omnium periculo subventuras. Imago prætereà recens tanta cum clade, ac dedecore propugnaculi frustra primùm tentati cum verecundia, & horrore ante oculos versabatur. Hæc animo volutantem à facinore Ducem arcebant. Cæterùm, cum, integro illo Castellensibus propugnaculo, irrita planè civitatis obsessio foret, atque id omninò oppugnandum esset, aut cum infamia abeundum, tum demum omnem hostis adversus illud industriam curas, nervosque coëgit. Tormentariis extructis itaque sedibus verbetare sæpè munimen, rescindere muros, disturbare, aut cadere passim propugnatores, nil remissum, nil intermissum, aut modicum à principio certaminis erat; eminus, cominul-

que præliaris furor, & impetus exardebat. Unganus Hybernicus vir strenuus, & acer defensoribus imperabat, qui ut frequentes incurfus, ac multitudo sinebat hostium, omnia sollicitè circumspiciens, fortiterque decertans quantum humana poterat ope, ac solertia continuis assultibus omni studio, ac virtute reluctabatur. Inter laceros ictibus muros, & inter eas, & in eos qui illos fortiter propugnabāt impressiones proximè incussas, acie quoque instructa dispositi, cum multitudine affluerent, circumstant armati hostes præfulgentibus armis præstò, citòque sine ullo dubio futura Castellensium subsidia ad conflictum operientes. Id ministerii jam Duci Ossunensi magistro equitum, quod sibi hoc acriter poposcisset Sangemanni Dux imposuerat, cui & sclopetariorum quoque manus addiderat, qui progredientes in hostes equites tegerent, sed fortè aut distorto consilio accidit, ut tunc sejuncti ab equitibus pedites soli, & enerves temerè, ac primi in Lusitanam incurrerent aciem densato tum pedite, tum equite permunitam. Joannes Panceccus Ducis Ossunæ Legatus Castellenses pedites gubernabat, qui ferocius, ac citius cum hoste congressi quàm equites accessissent, cum in orbem undique impulsus revolverentur hinc pedite, hinc equite circumfusi, pressique, sic fluctuantes, ac trepidi medios inter hostes fuga, & errore simul implicabantur, nec sanè quisquam eorum è mortalibus illis angustiis hominum, equorumque prementium, & ungulis lacerantium integer evasisset, nisi propius tunc Ossunensis, qui ideò intenderat cursum, universo cum equitatu aggressurum sese hostibus ostendisset. Quippè tunc Vasconcellus ne in bellico ardore solutam, vagam, & incompositam aciem recens Ossunensis eques irrueret, dum ordines sarcit, ac suo loco milites

instruit, iræ modum ac cædibus faciens effugiendi spatium circumventis femine pedibus dedit. Ossunensis verò suos ubi lassos, viribus mutilos, consternatosque pedites videt, hostium autem numero, animisque vigentes, ac strenuè cum equite conglobatos, tam impari prælio sustinendo diffusus, nec alexidictimen adire voluit, nec ad ultimum quanquam exitium impetere-  
tur, aliunde ausus est propugnaculo ferre opem, eò namque tendentis superior in terga Lusitanus incubuisset, sin autem partitas, quas conducebat copias, alias hostium aciei remorandæ, alias suppetiæ munimento laturas distribuisset, gravius, ac duplex ex utraque parte periculum institisset, nec sua quidem tunc interesse Vasconcellus arbitrabatur, residem stantem ac nihil ibidem eo tempore audentem lacescere hostem, cum in arcendis illis subsidiis, atque ex eo propugnaculo capiendò jam victoriæ laudisque summam integre statuisset. Igitur in mutuo conspectu adversis utrinque simul cunctantibus copiis, defixisque in perpétua munimenti ruina, & militum strage utrorumque præsentium oculis, postquam fistulis ferreis exoneratis, multa ultrò, citroque vulnera illata acceptaque sunt, prior Ossunensis cum equitatu, ac reliquo cædibus milite retrò sensim abire cepit. Inter hæc Sancti Michaëlis munimentum acerrimè oppugnabatur. Ibi copia, roburque Lusitani militis abundabat, ibi honorarii commilitones quibus gloria, & ambitio potior, quàm vitæ spiritus erat, ad acies amorum, ad globos flammæ, ad omne genus interitus spretis omnino periculis ferebantur. Jamque murorum ruinæ, & interiùs, atque exterius insiditæ pulsibus labes ingentes armorum, corporum lapidumque latè cumulos straverant. Quos super Lusitani passim insilientes sævo, ac multi-

plici prælio Castellenfes defatigabant, atque obtrebant, nec tot inter clades & insultantium hostium alluviem superetebant Ungano milites, quos variis, dissitisque multis in locis erumpentibus præliis objiceret, dum lassitudine aliis, aliis horrore, vulneribusque confectis inter funeta sociorum seu animi, seu corporis vires languebant. In tanto discrimine re constituta, postquam videt Unganus per Ossunensis sibi recessum omnino sublatam extremi subsidii spem, tapturum subinde, & majori cum gloria hostem, quod cum minori ipse ignominia propugnaculum non dedisset; nihil constantia, nihil tempore profici posse; aliquantulum moræ crudelitatis causam, belli reliquis interitum allaturum; aut ergo properè munimentum, aut jugulum dandum hostibus esse, his argumentis Hybernensis adstrictus per æquiores tandem conditiones propugnaculum tradidit. Septem ferme horas in illo expugnando pugnatum est, & luctuosa quidem victoria cecidit Lusitanis, cum mille & octingentis amissis ferè militibus constisset. Periere præterea quamplures homines nobiles, quos inter altioris notæ viros icæti graviter evaserunt Comes Turrius, Didacus Melus; aliique plures; Castellenfes ad quingentos interisse dicuntur. Eo ita demum propugnaculo capto, cæpestrique planicie, & collibus ibi interjectis, structisq; munitionibus circumeuntibus Lusitatis jam expeditis atque ab illis omnino occupatis, cum nihil obstaret, per circūductam aggeris sepem paulò post clausa ferè tota civitas est. Suo deinde loco pro statione milites dividit, tormentarios suggestus erigit, & quia Castellensis exercitus nervos, & crebras ejus incursiones hæctenus metuebat, cepit ex locis editis, atque munitis per majora sæpiùs excussa tormenta belli interiorius civitatem affligere, commeatumum

cætera



cætera inopia, atque animi industria sedendo, vel occurrentibus fortè caussis, nisi armorum, hominùmque fiducia persecuturus. Viarum itaque flexus, arcusque urbis frequentiores pilæ passim pervolitantes, cives simul, ac milites hauriebant; tegularum quoque multarum, saxorumque evulsorum fragmentis quæ in illa vehementiùs impactæ pilæ distraxerant, plurimi sternebantur, nec levia quandòque conferta prælia, raræque licet irruptiones conterere sensim, qui supererat cladibus, militem desinebant. Fames præterea influentibus undique malis acerbior, & gravior in urbe grassari, & furere cæperat, tum, & noxia per eam in usum recepta alimenta pestilentibus similes usquequaque vulgare morbos. Itaque vario genere lethi cùm in urbe promiscuè plures exstinguerentur, & ad milites, cives, ac nobiles etiam illa calamitas inundaret, simul omnia in singulos dies arctiora fame, ferroque circumclusos in loco premerent, & pejora subinde quoque metuerent, id tantùm spei reliquum erat, quo eò miseriarum adductæ salus tunc urbis inniteretur; propera scilicet externorum subsidiorum accessio.

Hujus autem civitatis obsessæ nuncio Mantuam Carpetanam allato, incredibile penè est, quantum ob rem improvisam ira, metùque commota, ac perturbata plebes primo illo vulgari impetu exarserit sese propè totam Badacocium effundere. Rex præsertim, & aulici, ministrique superiores cùm admiratio, mœror, pavorque simul capisset homines, requirebant, quæ mens, quive sensus armorum, aut furor potiùs tunc Lusitanos exagitaret, jugum videlicet servitutis uno pene sæculo toleratum, ac nuper magno cum illorum periculo devolutum, suis tam fractis, tam modicis rebus, tam arcto dominii limite circumscripto, superbè quodammodo imponere in Castellensium cervi-

ces velle? Etenim si Badacocium hostilis ille impetus sustulisset, jure deinceps toti Bæticæ metuebant. Ea namque per hostes, propinquitatem, situ loci, strepitu famæ, quæ plurima conficit, opportuna belli fede retenta, regiones quoque finitimæ, quæ munimentis, arcibusque carebant proniore, facilioreque ex prospero cursu fortunæ armis victricibus apparebant. Maximè tamen percussit Regem, intimosque ministros molesta quædam, vanisque de causis & per occasionem oborta prolataque suspicio, quòd alienis nonnisi consiliis viribusque incitati tantum oneris, periculi que subire sibi sumperint Lusitani, utque omnia ad se trahit, commutatque deterrimus semper rerum metus interpres, quæ per id tempus in Anglia, atque Gallia navales, arque pedestres copiarum alio fortè consilio præpararentur, quasi ad Hispaniam infestæ protinus appulsuræ sollicitudinem intendebant. Statim ergo plenòque Status, Bellique collecto Senatu de summa rerum consultum est. Ibi Turrianæ Medinæ Dux, qui huic semper adversus bello gerendo fuerat, sententiam rogatus cùm ita facundus, ut animo vanus, & sermone diacioc esset, collegasque modò graviter, modò jocosè perstringeret, velut spreti sapientiùs consilii sui à cæteris ipse pœnas expeteret, denique censuit, In tanto Castellæ discrimine, populique pavore, ac tumultu Rex ipse, ut coram adiret, regisque fortunæ splendore, ac terroribus circumfusus supremam auctoritatem, & vim perduellium armis opponeret, ita quippè magnates, nobiles ferè omnes, emeriti milites, equitesque torquati, & sive ad obsequium, sive ad Regis periculum propulsandum tota Castella quoque suis sedibus excita opprimere quidem turbini similis potuisset insolentem, ac perfidum Lusitanum.

„tanum. Quò in sede sua magis usu  
 „quodammodo immobilem se His-  
 „pana Majestas teneat, eò amplius  
 „cùm movere se ipsa, ac semel excu-  
 „tere ceperit efficacem in agendo fu-  
 „turam, hostibúsque terribilem. Hoc  
 „autem extremæ calamitatis remediũ,  
 „qua tempestate usui reipublicæ fote  
 „putandum esse, si id omittere liceat,  
 „cùm Imperii caput, Hispani germinis  
 „flos, opulentior ætatis pars, Castella  
 „videlicet nunc armis constricta, &  
 „omninò concussa in ruinam deflexa  
 „jaceat? Quò longius inflatum belli  
 „classicum obstrepat, periculi minùs,  
 „minùsque terroris spargere Castel-  
 „lensibus, ac circa omnium fortunas,  
 „circa communia testæ in honorem,  
 „in vitam minax propiusque auribus  
 „accidens salutis certè non gloriæ,  
 „aut impetii certamen afferre. Nemi-  
 „nem plusquam Regem, si hoc nau-  
 „fragium rei privatæ, atque publicæ  
 „si hanc fœdissimam tempestatem  
 „ejusdem præsentia non antevererit,  
 „amissurum, & omnia quidem per-  
 „mitti Hispanicæ gravitati pereundi  
 „præter licentiam posse. Hæc sub-  
 „dola Turriani Ducis oratio acrius,  
 „quàm credere quisquam poterat Lu-  
 „dovicum Arum primum Regis mini-  
 „strum pupugit. Illo enim commento  
 „ea Ludovico velle tunc æmulus vide-  
 „batur astus, fraudisque fila retexere,  
 „quibus olim per inimicos, & invidos  
 „captus è culmine gratiæ Regis Oliva-  
 „rius exciderat. Absente quippe Ca-  
 „tholico Rege ex vetusto in Castel-  
 „lam tradito mote ad Reginam pars  
 „regiminis pertinebat. Æquè insensa,  
 „atque offensa erat id temporis Ludo-  
 „vico Regina, ut nimio Regis erga  
 „privatum amore fœmina percita, &  
 „quod ipsa ut quondam Isabellæ quo-  
 „que Borbonicæ cum Olivario contige-  
 „rat, arcanorum, clavique regiminis pe-  
 „nitùs experts nihil à viri amplitudine &

majestate nisi tori consortium haberet;  
 eadèmq; Regina quanquam ingenio  
 mitis, ac facilis, & usu, atque ætate re-  
 giminis rudis, naturæ tamen, aut con-  
 suetudinis vitia quæ in aula præsertim  
 spiritus inflant, atque ambitionem ac-  
 cendunt, excutere omninò minimè po-  
 terat; nec insuper homines deerant,  
 quique ex alienis sibi periculis sagaciter  
 solent emolumenta quærere, fœminam  
 stimulant, ne servitutem Reginæ, for-  
 didique hominis servitutem perferret.  
 Ad hæc multò vehementius, quàm ipsa  
 Regina, quæ gubernasset, infestus, ac  
 pestifer, cùm Rex abfuisset, Aro certè  
 futurus erat, quemcumque Reginæ tum  
 imperanti Rex administrum, & comi-  
 tem adjecisset; unius enim præpotentis  
 invidia, & livore quodam animi affecti  
 genere cæteri, & merito, aut opibus pa-  
 res agitabantur, & cùm erga Arum jam  
 gratia Regis excederet, pari quoque  
 ratione, ac mensura succreverat æmulis  
 obtrectatio ac turbulenta Principatus  
 ambitio; quem autem Reginæ guber-  
 nationi fortè sedenti assidere Rex ele-  
 gisset, is ut verus æmulus Ari, ut recen-  
 ti inescatus dominandi dulcedine, spè-  
 que maxima illectus honorem perpetu-  
 andi, ut fide, & officio cum Regina  
 conjunctus formidabilior quidem in  
 Arum insurrecturus fuisset. Ita igitur  
 Aro duorum præsertim in æmulorum  
 insidias, absente fortassè Rege, caden-  
 dum erat, qui acutius in illum odio,  
 quàm inter se munere, aut voluntate  
 conjuncti, postquam rempublicam atti-  
 gissent, alia forsitan emendare, alia vet-  
 tere potuissent, novisque regiminis in-  
 stitutis, ac disciplinis influere in aures, &  
 animum Regis, volubilèmq; natura  
 sua Principis voluntatem attrahere, si-  
 cut hujusmodi quondam absentis Re-  
 gis occasio (redeunt enim in orbè cau-  
 sæ rerum, & documenta) alia imple-  
 nte Regina, Olivarium præcipitem de-  
 derat. Hæc planè fluctuans dum secum  
 deliberat

delibet Arus, subit animum cogitatio, ut alio dolo dolum discuteret. Arus itaque Regem adit, supercilio, sermone fictus sese exhibet illi, spondetque novi exercitus Ducem, qui Badacocio laturus suppetias comparabatur, adjicit etiam, si eò fortasse, ut imprudenter quidam jactabant, petgere vellet Rex, periculosum idipsum valetudini regis jam mole negotiorum, & corporis egitudine attrite, gravius arario fore, ob immodicos sumptus, quos ea quæ Regem deceret magnificentia, itineri contulisset; nec utique minus timendum esse cum dignitati, ac fastigio, tum saluti personæ regis, si periculi plenam, & fortunæ ludibrio propositam armorum ipse tractandam aleam susciperet. Hæc fusiùs Catholico Regi ut ejus discessum ad Lusitaniam averteret, Arus exposuit, nec planè ad hoc consilium necessitudine tractum eundem fallebat Arum, quid, si res convenisset, premeret ipsum discriminis à regio latere dudum avulsum, & vacuum sinentem insectatoribus locum, quidve potissimum impenderet, si ad Badacocium, ut communis Mars erat, bellique eventus incertus, malè pugnatum esset, dum ejus urbis obsessæ lapsus, gratiam qua is apud Regem hæcenus effluerat, prorsus opprimere minatur. Nihil brevius, nihil esse fugacius Principis gratia, quæ per longos etiam exhaustos in aula labores homini sæpè quanquam majora mereretur nullo crimine, nulla causa, sed velut tempore tandem effata corrumpitur; quid si ei etiam sua jam habitudine fragili offendicula comparentur? Nihilo tamen minus cum hinc, & inde ex diversis orta consiliis rationes, causas, accidentia futura gemina quasi judicii lance perpenderet. Arus, minus sibi timendum duxit, Badacocium cum copiis cundo à societate Regis avelli, quam Regis discessu pari ut æmulus

quisquam Reginx gubernatricis adjutor, & gratiæ ejusdem, rerumque novarum auceps in partem regiminis vocaretur. Quidam præterea consueque hæsitantem, ac dubium inter illos animi fluctus titillabat hominem spes, quod serò esset Rex, aut difficiliter assensurus à belli negotiis eripi sibi Arum, ac longè per arma distrahi, & interim alia ex aliis impedimenta neſcendo, aut in longum consulta trahendo speraret obsessæ urbis remisso fortè timore, atque æmulorum ardore laxato Regem quoque non profecturum. Postremò cum in hoc tortuoso sibi consilio hætere plus spei videretur, periculi minus, ipsum idcirco in te tam ancipiti sibi amplectendum existimavit. Verumtamen Aro secus, ac ipse spe vana pellectus à Rege expectaverat, accidit. Jucundum enim factum est Regi, ad bellum Arum se sponte obruisset, quippe qui noverat illo inter arma veteranis non pecuniæ, non aliquid comæatus, nihil incitamenti, quo ad prælium extrema tentarent, militibus defuturum; nam penes ipsum claves ararii, & præmiorum, atque pœnarum simul arbitria erant. Itaque Ludovicus spe lapsus, atque opinionis errore deceptus eam belli expeditionem quam ingratam suscipere cogitur. Hac tandem amplissimè constituta, & per aulam, & foris etiam enunciata, ii quos utilitas, quos studium belli, quos juventutis fervor impulerat, magno præterea numero milites, atque Duces jam senes, & belli quidem præ ætate stipendiis emeritis, non autem ambitionis, multi quoque ex equestris militiæ ordinibus nobiles voluntarii, qui Mantuæ Carperanz nonnulli negotii causa degebant, inter acies, & arma civilem fortunam Aro Duce quærentes, simul turbæ adulantium, convictorumque sese Aro pro bello comites

addiderunt. Cæterùm altior his belli curis sollicitudo, graviórque tunc apud aulam inter Principes viros exarlerat ambitus, quisnam id ministerii fastigium quod, Aro absente vacaret, vel ad tempus implere posset, nisi fortè perpetuum, si quis inter ipsos occurreret Regi, cujus blanditiis, ingenio vel indole captus ex primi ministri gradu Ludovicum expungeret. Hinc mille fluctus ambitiosa, sibi que ipsi nimium credulæ mentis, an quenquam ingenuè diligeret Rex? an oderet Arum? an consultò dimiserit, ut à suo nempe latere abstraheret? quid in amore valeat absentia, quid opportuna tunc insectatio, quid senio marcida gratia, quid invidia, quid optimatum consensus, urgere præstaret in tempore Regem, an ejus ingenio relinquere, vel prius introspicere latebras animi, & inde cuniculos fodere, universos ingenii motus, rerumque species, & causas pervolutabant, ut blandientem animo spem, affectique sensus illecebras innutrent, & molimina præpararent; effluere tamen, solvique citius quàm reputabant hæc visæ expectatio proceribus est. Aro enim deinde comiteum à Rege petenti Rex idem testatus est, alacer iret, nec aliquid subtimeret, usque ad reditum ejus in aulam, neminem sibi intimorum secretorum participem, aut imperii collegam passurum, sibi que sedulæ curæ fore, ab omnium auxulorum infidiis absentis amici defendere terga qui caput pro ipso belli periculis objectasset.

Itaque Ludovicus ingenti hominum comitatu, multisque militibus honorariis adjunctis sese Emeritam contulit, paucas à Badacocio distantem leucas subsidarius ubi exercitus parabatur. Hinc nuncium statim ad Sangermanensem misit, se Emeritam pervenisse, plenaque inde acie ad urbis subsidium esse celeriter profecturum. Ex duode-

cim ferè peditum millibus, tetræ mille supra quingentos equites præter eos, quos Badacocii tutela per id temporis occupabat, novus coherebat exercitus, quem sub Regis Vicarii titulo Arus administrabat. Audit ejus adventum Sangermanensis, cumque ipsum & jure officii, & comitatus quoque causa deceret, primo quoque tempore occurrere cum exercitu appropinquanti, præsentemque accipere jussit, dici in incerto consilii fuit, quonam modo inter cuspides hostium, inter pluentium sibila glandium cum tot cluctandæ manus, retundendæ forent arma hostilem aggerem transiturus petrumperet: intercluserat enim undique viam longè, latèque valli ambitus interjectus; præterea quacumque ex aggetis parte Castellenses in exitum niterentur, cum hostis numero afflueret, minori negotio obterere paucos, eosque via sibi inter hostes expedienda, & certamine simul implicitis valuisset; propugnacula quoque ambienti, latèque interposita vallo, tormentisque circummunita belli, cum accedere, aut progredi milites in via lubrica vellent, nuda, atque obvia tendentium ictibus corpora exceptura fuissent. His anxie primò discussis, cum stabilis tandem Duci sententia steterit, is octingentos selectos milites illa duo jussit receptacula petere, quæ inter Santangratiâ, & Xevoram imbecillius fortè munita, ac segniter tunc observata custodes, vigilesque tenebant: alii aliò tenderent, acriterque pugnarent, cumque multis in locis ultro, citroque intenti, ac multiplici prælio distracti, implicati que hostes sua quique munimenta defenderent, nec planè ipsi scirent, quò sese tandem esset Castellensium impetus projecturus, tunc alios trecentos pedites abscindere jussit aggeris partem illam, quæ media binos intra receptus, eademque averfa dimicantibus erat, atque

que inde erupturis apposita. Dubia præterea ad hanc repentinam irruptionem primi crepusculi lux destinata non aprè collinari tormenta belli, nec à longè sinebat frangentes aggerem conspici: propiores verò custodix fragore, & ictibus excitatz quibus & periculum erat, ne propinqua recepracula amirrerent, si totis viribus impedire Castellenses in viam euntes & connitentes vellent, tunc vel exiguo numero, ac debiles concurrissent, nec ita profecto satis inturbandis pro transitu hostibus erant, vel numero pleniori, atque ita per eum quem reliquissent locum, laxare oportebat evadentibus aditum. His ergo, ut res postulabat diligenter provisus, ac porro felicius exactis, cum postea Sangermanensis jam rescissum cerneret vallum, parentemque itineri viam, iis copiis relictis, quas adhuc pugnantes in receptibus distinuerat, eò confestim cum selectis militibus advolat, Moxicam castrorum Præfectum ad urbem obsessam cum parte equitum, pedicūque semittit, ipse cum Duco Ossunensi, & equitibus propè mille Emeritam versus iter instituit. Ur sensir hoc Lusitanus seque hostis virtute & industria delusum, sumptis, & raptim duobus equitum millibus præcipiti cursu in jam prætergressum proripitur hostem. Hunc assequitur tandem, clausosque petrumperere cum minime posset ordines, ejusdem turbato vestigia, atque extremam carpere caput, quam Dux Ossunx ducebat, aciem cursimque ita paucis utraque ex parte confossis, aut laxis, salvis denique ordinibus Lusitanus se se recepit. Castellensis recto, citòque ad Emeritam cursu contendit. Hic, ubi Arus id temporis erat, postquam Catholici Regis Vicarium Dux Sangermani convenit, omnisque profusus venerationis officiis complexus præsenem hominem

est, coram omnibus liberè dixit, nedum Ari jussa, & consilia, sed etiam verba, nurusque in armorum tractatione, ac bellica disciplina se se reverenter observaturum. Et revera ita simpliciter allocutus Sangermanensis æstimabatur, quippe, qui minime dubitaret, omnes opes, & belli, pacisque tanto labore, atque temporis spatio acquisita sibi ornamenta cumulatius ab Ari gratia, quàm à quacunque fortuna belli tunc accessura: tacita tamen, interiorique ipse cum remorsusolvebat animo. Inani quidem jactantia, aut temeraria potius fiducia ad bellum à Rege missum usus armorum plane ignarum, ac rudem hominem, qui summo cum imperio multiplicius multoque gravius errando alieno periculo discederet, quisque summus repente Dux, nunquam miles, bello ascitius ex reipublicæ cladibus, prima, eaque nimis acerba militiæ documenta colligeret; perinde quasi dare, priusquam accipere jussa, sapere priusquam addiscere, aut magisterium vim tyrocinio componi ex instituto militiæ foret: an, quia dicto ipse audientes homines, hærensesque ob munerum escam, & promissorum illecebras habeat, belli etiam addictam sibi fortunam, cum mars ardere, ac furere caperit habiturum. Profecto hand secus nihil in bello quàm quidquam agentem Arum, vel aliorum gloriam suffuraturum, vel omnia inter arma perturbaturum, ac si afflaret modò fortuna, omnia se Arum, sin autem illa resisteret nihil se egisse dicturum. Hæc in animo Sangermanensis, hæc passim in ore militum, & non militum erant, alii verò muscare, alii in circulis rodere, audacius nonnulli ut contractioris, aut latioris animi erant tristitia, vel fremitu, auris, aut fallum aculeis palam rem istam

jaçtare. Verum hoc ipsum reputans Arus, cum tractabili, ac docili mirè uteretur ingenio, aulæque diuturna consuetudine domito, sæpè clam, palam sæpè professus Ducibus est, ni-  
 „mirum, Quò tanti momenti ex-  
 „peditio auctoritate, ac sonitu fame,  
 „ac specie quadam inanum, quæ  
 „per errorem quoque res magnas  
 „sæpissimè juvent, prævaleret, nu-  
 „dum, ac simplex se Regis Vicarii  
 „sumpsisse nomen, in ordine vero,  
 „ac regimine belli, quidquid iussis-  
 „set, quidve annuisset Sangermanen-  
 „sis se fideliter peracturum; se Re-  
 „gem ei præfuisse, illum se ipsi esse  
 „in omnibus præfecturum. Mutuis  
 idcirco æmulationis, suspicionisque  
 disiectis umbris, ac tamusculis, qui  
 inde manaverant rauescentibus, pa-  
 ri consensu parique studio utrinque  
 tractari res belli ceptæ. Emerita primò  
 profectus exercitus castra metatus apud  
 Lobonem est. Talaveram inde per-  
 rexit, ibique de more stipendiis, quo-  
 rum temporanea solutione vegetior  
 ad pugnam redditur miles, exactis,  
 conferti deinde inter Duces capere  
 sententiæ, qua ratione, quo tempore,  
 quòve loco vallum hostilem interci-  
 suri Lusitanos aggredierentur, utbique  
 jam labescenti prompta, ut petebat,  
 subsidia præstarent: similis etiam sol-  
 licitudo graviorque sibi imminenti  
 periculo major in consilio tenebat  
 hostes; noverant enim ex nuntiis de  
 Castellensium adventu, de numero  
 copiarum, de affluentia omnis gene-  
 ris comæatus, deque Ari Vicarii  
 Regis auctoritate, apparatusque stre-  
 pitu, ac pompa, qua alia numquam  
 pro bello major extiterat. Confide-  
 rabant etiam diuturnam per urbis ob-  
 sisionem cæde alias attritas copias,  
 alias vulnere inutiles, fuga partim,  
 terroreque dilapsas, cum hostium, eo-  
 rumque recentium multitudini oppo-

nerentur, difficillimè stare posse, vel  
 ob numerum admodum imminutum  
 amplissimum aggeris ambitum susten-  
 tare. Adjiciebatur, & vetus infixæ,  
 atque infixa illis opinio, vel supersti-  
 tio potius mentibus Lusitanis, Castel-  
 lam scilicet, funeri, tumultoque pa-  
 ratam Lusitanis operiendis ut pluri-  
 mum extitisse, & Castellensibus Lusi-  
 taniæ, qua tempestare alii, aliorum  
 velut fatales transgredi terminos sta-  
 tuissent. Inter hæc consultantæ, agi-  
 tantæque ea vicit postremò sententia,  
 cui Dux Vasconcellus suffragabatur.  
 Porro inde raptim belli collecta vasa,  
 retractus exercitus, soluta urbis ob-  
 sidio est, milèsque confestim in Lusi-  
 taniæ actus. Ludovicus itaque Arus  
 qui timore insolito affusus novus ut  
 homo ad prælium se comparabat, Ba-  
 dacocium postridiè triumphantis in  
 modum ingreditur, atque ita nobilis  
 civitas post quatuor propè mensium  
 obsidionem Ari felicitate, atque aus-  
 picio servata est.

Cæterùm incuruenta, atque illa ita  
 obvia planè victoria, ut summa reple-  
 vit Castellenses lætitia, ita ingentem  
 iniecit illorum Ducibus curam, ne per  
 inertiam ipsam fortasse, vel otium,  
 vel malè consultata labefactarent. Id-  
 ipsum expeditionis initio cum Duces  
 Castellæ animo volutarent, antequam  
 Badacocium obsidione solutum irent,  
 Ari manu conscriptos ad Regem mife-  
 rant codicillos, quorum sententia erat,  
*Propediem implorata Numinis ope spe-  
 rare se Badacocium obsidione liberatu-  
 ros, at si in aggere firmus, dum pete-  
 retur, Lusitanus insilvens, post expertam  
 belli fortunam fractus è vallo scissæ  
 cessisset, opimum factum videri sibi, au-  
 cere ad Elvum celeriter copias, quo ut  
 propinquius consiliu dilapsis effugium,  
 verisimile quidem esset, perterritos, san-  
 cios, victosque hostes convoluturos, sin-  
 hostis certamen consultò declinans spe-*

re sua sustulisset urbanam obsidionem, ruina tunc quoque imminens, nec expugnata sanè difficilè illam videri urbem, cum ibidem ex fuga propè ac tumultu major collecta hostilis exercitus pars onerasset, ac propè modum oppressisset repente urbem infelici successu territam, nec tam uberem alimentis, satis ut ipsa posset, qua improvisè inundasset, multitudinem sustinere, qua simul conjuncta rei maxima agenda momenta temerè effusa, aut fortè neglecta iterum recolligere, & in usum aptare perquam difficile foret. Providet ergo Sangermanensis, ut prius hæc ad Regem perferretur epistola, quàm signa cum hoste conferret, aut Badacocii libertatem tentaret, quo fortè aspirante fortuna, in tempore sciret, quid statim aggrèdiendum victoribus foret. Rex Catholicus ex hac litterarum sententia, etsi in magnam erectus spes est rei feliciter successuræ, id tamen, & gravioris quidem consilii, ut sui moris etiam in minimis erat, rejicere noluit ad Status Senatus arbitrium, semper incertus & animo ambiguus de voluntate procerum in Lusitania recuperanda, & tunc maxime, quod illius expeditionis bellicæ rector superbo cum titulo assisteret: quem à potentia gratiaque culmine, & cum armorum, opumque Hispanarum ruina depressum immodicè optare inimicos, & invidos suspectabat. Itaque Status Senatum cum Rex Philippus prætermisisset, unum ea ipsa de re, secretòque Marchionem Belvasium consuluit, ut externum, & Italum, & à partium suspicionibus incorruptum. Belvasius rogatus à Rege sententiam, Ari, exercitusque primorum per epistolam lato suffragio, votòque sub-

„ scripsit ipse, addiditque. Insignem,  
 „ & magnificam esse profectò rem, &  
 „ cujus agrè si non alia in unum con-

temporum possent, cogere scilicet “  
 huic aliquando parem exercitum, “  
 numero plenum, robore validum, “  
 cui primus præsit minister Regis, “  
 cui exuperet comitatus, quem “  
 belli disciplina contineat, quem flos “  
 Hispanæ nobilitatis exornet, & cui “  
 portò acriores, multoque plures ad “  
 prælio incumbendum addantur sive “  
 gloriæ, sive fiduciæ stimuli. Hoc ip- “  
 so itaque aut nullo imposterum belli “  
 conatu, præsertim si victoriæ calo- “  
 re productus incitaretur, spei ali- “  
 quid superesse, rebellium cervices “  
 infringi. Quando igitur res Badacocii “  
 prosperè successisset, Elvum statim ag- “  
 grediendam, cujus etiam excidio re- “  
 gnum integrum peteretur. Rex Phi- “  
 lippus audito Belvasio, cū rationes ejus “  
 excuteret, & aliam ex alia ratiocinan- “  
 do difficultatem evolveret, adhuc hæ- “  
 sitans incertusque genti insita tarditate, & suo ipse quoque perplexus ingenio, eoque tum amplius quod citra morem inconsulto Senatu calumniæ, & maledictò propior ingentis rei molem pene solus tractandam aggressus esset, vixdum explicare se poterat, consiliūque exitum invenire. Animi tandem æstuatione, ac mentis excur- sibus lassus, nihilominus omnino fixum in argumento proposito statuens, Ludovico rescripsit, eo ipso, scilicet Aro, qui coram in loco esset, quique habitum rerum, inflexiones, causasque fortuitas aspiceret, quid utilius agendum pro tempore foret, congruentius neminem provisurum, proinde, quod idem in re decrevisset, planè se ratum, & integrum habiturum. Cætera in potestate fortunæ posita. Dum Regis responsum Arus expectat, lustratis interea de more copiis, inventa tredecim fere millia peditum sunt, equitum verò sex circiter millia, cum insuper supplementum ex locis finitimis accessisset. Et quidem ne otio corrumperetur,

peretur, aut lasciviret vagando miles, in Lusitaniam, invehctus obviam omnia ibi ferro conjectisque ignibus vastat, mox Villabum contendit, primoque impetu cepit, diripuitque arce quoque facillè victa, statimque delera, strenuo illa quanquam munita praesidio esset. Inde ad fontem cui Zappateros nomen vulgare est, populabundus progreditur miles. Hic litteræ Regis redduntur Aro, quarum tenore agendarum in bello rerum arbitrium eidem Aro committebatur. Rursus igitur inter Duces de Elvo obsidenda consultum est, curam his maximè augente quod ita compositus scripserat Rex, ut consilia probaturus, seu improbaturus ex rerum eventibus esset, placuitque propterea exploratiùs, antequam acies ad Elvum applicaretur, habitum urbis, hostiùmque secreta, motusque rimari, ne titubante Rege, & quasi de industria condente sententiam, rei malè gestæ fortasse ratio ab eorum capitibus peteretur. Itaque ex transfugis, captivisque aliisque summissis & pecuniis illectis hominibus, tandem in medium allatum est; Assiduo labore, sumptuque Lusitanas passim exhaustas languescere vires, & copias; simul cohortes quæ id temporis Elvum tenebant, hanc premere potius, quàm defendere posse urbem; si quidem pars major illarum inutilis, debilis semina propè corpora trahens, extremæque reliquæ erant Badacocii nuper obsessi, destitutæque tantùmque rum pecuniarum alimentum in ea infelici expeditione consumptum fuisse, ut Elvum, & Transaganam undique oram frumenti caritas ingens, impendentisque formido, maiorque famis, non minùs, quàm ipsa fames affligeret. Ad hæc sævas in urbe discordias, & perpetua quotidie inter cives, & milites recrudescere odia, & cruenta per odia dissidia, hos duris ex vana, ac diu-

turba urbis obsidione laboribus fractos, & ignominie accensos, illos contributionibus, & insolentia militum fatigatos, & valdè pressos; quæ interiora quidem vulnera, externa super addita vis exacerbare magis, quàm allevare, aut resolvere potuisset, cum causa utrique dissidii præsens modò calamitas sit, & alia, ac deterior affectu ita urbi per obsidii vim, & squalem adjuncta, graviorum insuper odiorum, ac simulatarum incendio ex causæ incremento, nova nempe molestia futura sit. Hæc in belli volutata consilio, & si fide exploratorum tantummodo niterentur, qui fallaces plerumque sunt, aut leves, aut querentium auribus adulantes, aut saltem, quò gratiùs relata hominibus incidant, falsi aliquid affingentes, vera tamen ex parte, ut non procul à vero erat, satis spei videbantur, satis asserte prudentis arbitrii, ut sano tandem consilio hujus urbis obsidio capefferetur, cumque hujusmodi conjecturis eo tempore adducti omnes alacres, ferocesque in eandem sententiam irent, Dux unus Sangermanensis, quod Aro, aliisque in negotio illi clam assentantibus palàm adversari metueret, callidè pertentare consiliarios animos cepit, velut obiter quædam, & verborum ambage jaciens de hyemis propè jam ingruentis incommodis, quorum onere quondam Marchio Turrecusius oppressus ideo irritus tandem ab ejusdem urbis obsidione discesserit. Jamque in ejus sententiam, quam præ omnibus æstimabat, Ludovicus transierat. At Comites ejus, iidemque nobiles viri jam Badacocii successu tumidi, & adulantium insuper hominum consiliis impulsæ, nec breve ob temporis spatium, ac prima rudimenta militiæ alterius experti fortunæ partem sibi ipsis in causâ fallaciter indulgebant, prono, ut credebant,



bant, hujus urbis excidio, totius Lusitanie conversionem in animo amplexi. Proinde adeo acriter illi simul annexi in rem tam ancipitem sunt, ut Sangermanensis, Arique sententiam torserint. Elvi itaque obsidione magno consensu, & juniorum fiducia decreta, eò statim infestus exercitus ducitur. Editio, atque aspero sita loco, & insidiis, aut fame tantummodo, ut supra diximus, expugnabilis eminet urbs. Præerat Elvo tunc temporis Sancius Emanuel ingentis spiritus vir, usuque deinde armorumque felicitate inter omnes Lusitanos insignis. Is ubi manifestam urbis obsidionem vidit, muniri continuo Divi Francisci Cœnobium ad teli jactum procul ab urbe positum, jussit. At ea subira rerum, animorumque turbatio, quam primus hostilis aspectus intulerat, & amplius ejusdem celeritas hostis, nequaquam absolvere illa opera jussa dedit, priori, ac valido etiam assultu operarios simul, ac milites deprehendentis. Abundabat milite Castellensis, omnique industria, terrore, ac machina belli, qui adversus cœnobium primum impetum faciens, ubi illud undique circumfissit, atque acerrimè premit, pari quoque ferocia à Lusitano primum excipitur. Tormentarie sæpè conjectæ pilæ, scloporum utrimque volabant glandes, jacula, saxa, facèsque contorta; at sclopis præcipuè res agebatur per aditus rimas, cœnobiique fenestras, aliòsque apertos ex composito cavos excussis, tormenta quoque belli supra muros disposita eodem tempore civitas displo-debat, quæ in socios igneos per globos, hostesque simul impacta ancipitem stragem edebant, nec aliter Sanctio dabatur opem asferre collabentibus fociis, cum nondum aggere ab hostibus jacto, nec stationibus milite distributo, totius penè exercitus ro-

bur, cui pares non erant Sanctio quas opponeret, copiar, in cœnobii ruinam incumberet. Tandem cœnobium tanto ardore, impetùque jactatum, tanto numero circumfusum multo sudore, multaque sanguinis copia Castellensibus cessit, quamplurimis Lusitanis primo impetu cæsis, captivis inde aliis abstractis, inter quos primus erat Bregantii cubicularius valetudine eo tempore affectus, cujus corporis aggritudinem angore illo animi, & captivitatibus præcipuè aggravante molestia, paulò post morbo ac simul maiore confectus interiit. Captum hoc modo cœnobium custodiendum continuo traditur Martino Sanctio Tribuno militum, qui illud celeriter restauravit, permunivitque Santangratie subinde, quod extra urbem situm erat in colle templum, infirmoque præsidio munitum Castellensis aggreditur, ac subito caput, primo irruentium tumultu, his qui hoc defendebant, præ paucitate sibi diffisis, quodque fors, impetùsque tulisset, clapsis, nonnullis, qui audaciùs restiterant, interfectis. His prominentibus locis, tanquam tutis hosti receptibus, speculisque occupatis, trahi militaris extemplo valli ambir, expugnatus, atque stativa militibus construi. Sangermanensis, & Roderici quoque Moxicæ supremi castrorum Præfecti sedes in medio Olivarum è regione urbis affixa. Hinc non longè Gaspar Cueva tormentorum belli Præfectus constitit. Alfonso Feixus Tribunus in jugo Palmitti cum una legione confedit. Viam Duci Ossunensis, quæ Ulisipontem ducit obsedit. Ultra rivulum, qui Divi Francisci dicitur, bina erepta propugnacula sunt, ac Nicolao Cordubenfi impigro Duci tuenda commissa. Aliud his quoque simile in vertice Santangratie constructum Ludovicus Zunica item Tribunus cum suis militibus defendendum suscepit. In limine viæ quæ Campomajore contendit, quæ-

dam

dam velut seposita jacta castra, quod inde procliviores hostium incurtus prætinerentur. Ludovicus Arus in valdè remoto, secretoque à cæteris loco, quippe cujus saluri multis de causis præsertim consuleretur, institerat. Per reliquum terræ tractum quatuor aliisque majora propugnacula posita sunt, multo ipsa pedite, multo equite communita, quorum ordine, ac situ totius valli circuitus continebatur. His rebus ita compositis statim defertur ad Regem, esse jam Elvum circumvallatam, valli præterea amplitudinem tam longè, latèque per gyrum extenti, vel ad singulos menses tria sibi millia ad tutelam poscere hominum in pereuntium quotidie militum supplementum; cum alios progressu temporis fuga, alios corporis ægritudo, multos frequens quoque per arma interitus exhauriret. Perfici ea sine mora; quemadmodum res postulabat, Rex Catholicus jussit. Fatali tamen quadam experta pernicie, qua tempestate & suo cum dedecore Princeps alterius alligatum arbitrio jus imperii, mentemque teneat, hæc sive incuria, sive Ari amulorum invidia, sive ararii quoque impotentia omnino frustrata sunt, supplementique defectu opinione celerior jam illa enervari capit obsidio, & obsidentium flaccescere spes, animique conditio; interim obsessorum, qui interiorius afflictabantur, Sanciisque Emanuelis sollicitudo nihil remissum, aut languidum patiebatur in his imperandis, exequendisque quæ opus tutelæ erant. Mœnia extra urbis, nec longo ab hac intervallo quædam præcepit munimina constitui, quæ vim hostium arcerent, conatusque ad majora lassarent, simul ut esset ubi pecori pabulum præberetur, cujus eo tempore usus jam obrepere incipientis haud exiguum in civitate famis levamen erat. Dum hæc Lusitanus agebat, nec forinsecus im-

pediri, ut à tormentis belli protectus poterat. Sangermanensis jubet Ossunæ Ducem cum equitum, peditumque turmis immixtis receptus quosdam invadere hostium, qui juxta sanctam Eulaliam erant, nec procul ab urbe, & quibus Lusitani tunc utebantur, ut aliquando carpiim, & quasi furtim commeatu in Elvum importarentur. Eò properat Ossunensis, atque acerrimè invecus in hostes primo impetu, ac magna strage propugnacula cepit, quæ statim excisa, eversæque sunt; imminutis paulatim copiis, lineæque vallaris circuitu non simentibus amplius ad novorum tutelam locorum diffundere vires. Eodem calore militum usus postremo Ossunensis, quæ urbi propinquæ erant, moletrinas occupavit, statimque disjecit: Coarctari propterea vehementer urbana capit obsidio, propiusque hostis civitatis incurrere niros, unde septis evulsis, atque operibus laceris sæpè raptæ, sæpè subrepta sunt, quæ circa muros armenta pascebant. Jamque liberius effusus in campi latitudinem hostis omnium collium, receptuum, munimentorum, quæ undique urbi circumjacebant, everfor, aut Dominus exultabat, & eoque obsidione constrieta civitas erat, ut nisi prompta subsidia fuissent, primo quoque tempore videretur, aut moribus famis, aut armorum conatibus peritura.

Inter hæc ubi primum Uliaspone esse jam Elvum obsessam per certos nuncios compertum est, ingens cum metu sollicitudo Aloisiam Gusmanam regni Gubernatricem, similique tristitia, pavorque ipsius administratos, cives, regni-que incolas omnes affecit, cum absque dubio propositum omnibus esset, eum universum regnum fore exitum habiturum, quem circumfessæ illi urbi fortuna constitueret. Jamque homines nunc pudebat, nunc pænitebat, nervis

se imparibus ausos irritare valentiorē , & velut somno , febrivē torpentem fortē leonem admotis stimulis exortasse , cū expeditionem in Badacocium capeßere statuissent ; cuius suscepti periculi facies , & rationum , consiliorūque quæ ad Castellensium irritamenta valuerat , imago , cū res ex voto non successisset , illis jam altera videbatur. Inde fremitus , quæstus , & populi concursatio , variūque diffusus undique rumor horum aliquid affingentium , horum deterrima interpretantium , aliis in alium more stultorum ærumnæ culpam rejiciebat ; ulceribus odii jam nova de causâ refriçtis , quæ occasionem detractionibus dabant. His accesserant etiam inquieti , seditiosi , turbidi cives , qui hos consulto rumores alebant , & ignibus ignes ad incendia majora extollenda confectis mendaciis suppeditabant. Quantumvis enim bene composito , suisque temperato institutis , ac moribus regno malevoli nunquam , aut invidi , aut quævuli aut detractores homines desunt , iique præsertim qui jure , aut injuria ab affectati regiminis partibus retrahuntur , quorum etiam nonnulli clanculum erant Castellæ partibus implicati , alii , qui & stultè non prorsus afflictam rem Lusitanam vellent , at periculis laborantem , si propterea fortē immutata gubernatione reipublicæ dejectorum illi subirent locum , quasi loco comprehensam ita quispiam fortunam duceret , ut insuper ipsa , cū semel irasci cepisset , teneri fortasse posset , ne ad rerum omnium interitum , & usque ad cinerem deserviret. Itaque civitas & universum omnino regnum tantæ rei novitate commotum studia certatim opes , & animos applicabat , ut pro subsidario exercitu comparando militares ubique

delectus intenderentur. Proinde valentium juvenum robur ex toto regno collectum , emeriti quique milites , adolescentes etiam , qui Eboræ Conimbriæque simul litterarum vacabant studiis , quique ex servitiis , operūque officinis extracti prælio haud inutiles censerentur , Ulisipponem omnes convenientes arma ferociter deposcebant. Pes supererat Lusitano , equire tantum egebat , cuius robore , & copia satis sciebat Castellensem affluere. Per idoneos ergo summissos tractandis animis militum homines , qui multa prius dantes , majora imposterum pollicentes pecuniam illecebris admiscebant peractum est , ut Castellensium equitum circiter millia transitionem ad Lusitanos facerent , quos porrò quanquam neque cibaria , neque certum stipendium deficiebat , eo tamen vel inconstantia , quæ aura quoque in vulgaribus levior est , vel ferum novarum , vel amplioris cupido lucri ad hanc infamiam detorsit. Dum hæc impigrè Ulisipponē , magnoque strepitu comparantur ; Dux idem Sangermanensis postquam anxius in animo volvit , & oblesse firmitudinem urbis , & adeo sonorum contrarii belli apparatus , simul extenuationem , & laxitatem exercitus sui , tum etiam hybernæ temporis inclementiam , & aquarum alluviem , qua inequitabile solum , & aqua , cænóque fluidum communionem militum , & commearus vegetationem impediēbat , propugnaculum novum , quod ducentos caperet milites , jussit in singulis stationibus excitari , eosque irrupturos ab Elvo hostes quò subsidiariis , quæ citius debebant accedere , copius adjungerent se , munimento , & corporibus intercludere ; in unum quodque propugnaculum etiam , protrahi si fortē rem accidisset , bellicam munitionem , se-

præmque alimenta dierum congeri iussit. Inde munimenta revisit, necessaria præcepta dedit, spēsque ampliores, quibus intimè affectus esset, magnificè loquens, ut animos elevarer, militibus jecit. Inter hæc exercitus Lusitanus Ulisipone Extremotium adductus novo ibi milite qui spoliatis ex propinquo prædiis, conveniebat, infarciebatur, cùm Sancius Emanuel Cantagnedæ Comitem summum exercitus Ducem monuit. Urgeri jam Elvum, & acrius quàm victus inopia, quàm militis morbo magis, quàm fame perempti; facto igitur, & maturato opus esse, ut priusquam ab interna, atque externa simul concussa calamitate, & quotidie magis afflictata succumberet urbs, obsidione liberaretur. Multos enim præter malorum ætus quibus longo tempore obsessa quemcumque jactari civitas solet, hic corporum etiam affectio ex Badacocii obsidione contracta rapidæ more pestis effusa plurimos supra cives, septem quoque militum millia inclusorum in urbe sustulit. Quod erroris initio causam Castellæ Ducibus præbuit, & quod detrimento esse debebat urbi, hoc maximè profuit, antequam enim eam circuncessim accederet hostis, integro illorum, qui ibidem agebant numero, ratæque singulis portione ad calculos revocata, vix triginta diebus seposita in urbe alimenta suffectura constiterat, quo certo temporis spatio nec ad ferenda civitati subsidia Lusitanæ in tantum augescere copiar poterant, nec Castellenses imminui, sed validior utcumque fortuna sapienter quoque provisâ transvertit. Dux Lusitanus cùm hujusmodi Sancii epistolas accepisset, propter copias ab Extremotio deducit. Erant tunc illæ ad justum exercitus formam duodecim amplius peditum millibus, equites verò ad

ter mille septingentosque præter rusticorum, operarumque colluvionem, quæ eundem exercitum auxerat. Latī milites ingentisque speci pleni, ac reciproca hortatione firmati gradus addētes ad consiliūm pergebant, quippè qui patriam, & libertatem ire manibus ultimum existimabant. De Cantagnedæ maximè Comite hujus exercitus Duce, sæpè audivisse meminimus, nec id vel à fastu, vel ab indole Lusitana dissentit priusquam ab Extremotio movisset, per litteras Aro prænuñciasse, qua ipse die, qua etiam hora subsidio locis venturus esset, quibus subnixus copiis, qua parte vallum scissurus esset, quid ad pugnam consilii, quid animi afferret. Tantopere valet animus cujus tantummodò intuitu alio alius homo præstantior est. Tempore igitur constituto ad tormenti bellici jactum obsidionali ab aggere distans Lusitana conspicitur acies. Stetit ibidem paulisper immota, retrò inde flectere ad Campomajorem iter perspecta est, & propter obicem valli, frequentemque loci custodiam, ut nonnulli falsò credebant, diffidere propè sibi. Paulò post tamen flexisse viam ut soli, sinisque commoditatem quæreret hostis, compertum est; nam obvio, qui intererat, quodam, ac festinè trajecto rivulo, ad aggerem hostis qui Santangratæ colli, & Nicolai Cordubensis propugnaculis interpositus erat, appropinquabat. Sic Lusitani consilio cognito, statim Sangermanensis aggere, ac munimentis, ubi plus periculi erat, militia pro tempore satis firmatis, cum universo ferè equitatu, & aliquot peditum robore ad Santangratæ collem quò prima belli ruitura procella jam videbatur, contendit, in cujus radice subsistens explicat aciem, atque ordines instruit, ibi tam benè paratus quàm animatus Lusitanum appropinquantem excipere.

Jubet

Iubet etiã Petrum Diarium equitum Commiffarium, eorum, qui obfidio constricti intra murorum ambitum erant, observare, ac suspicere motus, & tentamenta, quæ propiores adesse jam sibi suppetias intuitos, tunc cogitare, ac moliri, necesse erat, cumque erupissent ab urbe occurrere statim cum cohortibus septem, ac totidem equitum turmis viâque occupata, aut præcisâ, curare, ne se quoquo pacto vel seriùs omnino possent advenientium in auxilium agminibus immiscere, conjunctosque intendere vim. Uterque hoc quem diximus ordine exercitus, fronte alter alteri obversus integram noctem traduxit. Prima luce lento gradu, æqualique ac fulgentibus armis accedere sensim ad vallum Lusitanus conspectus est. Tunc Ossuna Duci præcepit Sangermanensis, ut eò cum equitibus advolare, ubi primum facturum impetum hostem intelligebat. At hic cuneis hostium in medio validis tamquam muris oppositis, quo summè tetendit penetrare minimè potuit. Petrus verò Diarius cui mandatum à Duce fuerat certis cum copiis objicere se Lusitanis à circumfessa irumpentibus urbe, ne cum externis coire subsidiis, confirmarique multitudine possent, dum obliquos per tramites latiùs circumflectendo assequi improvidè nititur hostem spatium ei dedit impunè prætereundi. Ab ea igitur vallis ambitus parte, cui minitatus initio Lusitanus per litteras fuerat, & ubi Nicolaus Cordubensis aggerem defendebat, incurrit. Ibi conferta, qualis primo esse solet imperu, animisque recentibus pugna, bis Castellensium virtute loco truditur Lusitanus, magister equitum ejus confoditur, cumulantur quamplures cæsi gregarii commilitones, ex parte quoque Castellæ fortissimus quisque vulneratus

miles, aut cæsus, captus etiã pugnando est Medellini Comes ex Hispaniæ magnatibus unus. Jamque errore tum, vel ignavia Diarii, qui præterlabi siverat hostem, ad vallum armatus ab Elvo civis, ac miles emissus obfidionalia septa disrumpere conabatur, ut ibi focus conjungeretur. Tunc porò ferocius certamen accenditur, milesque Castellæ ancipiti prælio diductus, implicatusque cum minori etiã numero cogebatur modò intra, modò extra vallum manus cum hoste conferere, qui ab Elvo cucurrerat terga, qui Elvo succurreret frontem urgente. Clausus denique ac passim agminibus pressus Castellensis in fugam, qui dexterum cornu adhuc acriter sustinuerat, avertitur eques. Quod ubi videt Sangermanensis, ne pedites pugna fessos alâque illa equitum denudatos faciliùs jam Lusitanus circumveniret, ipse celerità cum selecta manu succurrit. Extremum discrimen erat, quia ferè omnia superior tenebat hostis, dignum tamen est visum, quod capiti Ducis discrimen compararetur, cum è Ducis perinde salute, ac exitu rei totius eventus fortuna penderet. Dum ergo Sangermanensis plena armorum, plena virorum in vim intendentium agmina rumpit, multitudine circumfusùs per sclopi jactum in capite fauciatur, equoque delapsus, ac sensibus destitutus moribundo similis cecidit. Vulnerè Ducis, casûque tunc mortifero credito, conspectoque, prostrata omnia Castellensibus jacuere; nam inde repente militum fuga, tumultus, ac morientium strages; stantes, qui fugiebant, latum superiorum clamorem ac strepitum cadentium, atque spirantium voces, & gemitus confundebant: sic illa contrita, ac penitus dissipata celeriter acies

est, aliis occisis, aliis offuso pavore, aliis incidendum agmine impulsis; nec ulla terroris, calamitatis, aut mortis imago deerat, ubi semel à metu vacuis laxare iram odio, atque impetu simul Lusitanis furentibus datum. Nullo igitur in eo angulo aggeris obfistente, statatque cruore, & cadaveribus via, statim revellit agger, com meatus referta vehicula intrant ex urbanis, & quæ ad suppetias conveniant copiis solida, ac plenior conflatur acies, omnia possidet Lusitanus. Cæterum Sancio jam Duce Sangermanensi, multaque contentione, aut labore ex inanibus hostium sîroque ultimo erepro, postquam Roderico Moricæ supremo Castrorum Præfecto denunciatur, laceratum ab hostibus esse vallum, Castellenses ibi concisos, intronmissa subsidia hostium, Sangermanensemque Ducem graviter ictum, & elatum ab acie seminecem esse, ipse, cum primum in imperio militiæ gradum post Sangermani Ducem haberet, tunc Caillæ se juxta rivum, qui ponte conjunctus erat cum suis militibus communivit, ibique primam usque ad noctem cædis legendo reliquias, & breviam certamina, excursionisque trahendo subsistit, donec miles qui fuga superstes eò salutis causa confluxerat, inde incolumis pertransivit. Hoc autem receptu Castellensibus tuto, atque acie postrema integra, hosticæ prædæ subtrahi facile potuisset belli magna pars tormentorum, ni multo limo, ac lubrico solo vehicula hærentia, & suis etiam jumentis implicita mox intercepta ab hostibus forent. Etenim Lusitani cum aciem bifrontem constituisent, hinc ad præcipuum certaminis locum, aggerisque scindendi versam, hinc ad iter, quod si fortuna arrisset, qui fusi fugam arripiebant, ingressuri fuissent, cauti plus

postea quam celeres seque tenentes in iracundia, terga hostium sectandi causa noluerunt ordines, adhuc vitibus inexpertam, & certamine intactam postremam timentes aciem, & quod passim contracti, constipatique hostes, si extremo quod jam vigeat, robori jungetentur, instaurare conflictum, ac tetentare fortunam poterant. Idque porro Comitæ Cantagnedæ militari prudentia, animique modestia contigit, qui modicè, ac temperanter acquisita victoria usus, satis vincendo habuit à se sublatum urbis obsidium, fractosque sibi cessisse hostes; ratioque potissima est quia nondum Lusitanus patenti campo, justaque ac nobili acie assuetus vincere Castellensem in eo se longè vicisse putabat, quod victus ipse non esset. Cæsa in eo prælio Castellensium supra duo millia, lauciorum par ferme numerus, pauci admodum capti sunt. Ex Lusitanis ad dimidium interiire. Infelicitas exitus, qui nec modicè res, animosque Castellensium afflixit, quia suas quoque fortuna pethibet causas, impedimento Ossunensis, ignavie Diarii, vulnere Ducis adscripta populariter est, Elvûsque post triumphum ferè mensium angustias in hunc modum obsidioni tandem eximitur.

At Ludovicus Arus qui alex ex tuto spectatote astabat, cum omnino inclinatam pro Lusitanis fortunam cerneret, cumque jam agger pertuptus esset, sua minùs formidine, quam assentantium impulsus illecebris amicis, ac famulis comitatus Badacocium se se recepit. Eò tevectus, necdum mœrore discusso Regi Catholico scribens paucis versiculis rerum eventum exposuit, fortunam in eo criminatus, & fatum hoc scilicet quasi clavo immutabilem rerum ordinem figens, rota illam frequentem hunc inter homines, & in bello præcipue

puè ludum colludere solitam. Robustissima quidem ratio nisi aequè ab ignavis, ac fortibus viris hæc promiscuè usurpata locutio esset, quò & insuper causa, & usus, & rerum in agendo tractatio, ne omnino inertix, atque virtutis discrimen cum prudentix interitu peteat, in uno quoque casu querenda sunt. Hæc epistola reddita Regi, & si ille ut par erat, rei bellicæ eventum acerrimè doluit, Arum tamen quamquam abrupta, atque horrida omnia sibi ex illo infortunio paventem, revocatum statim ad aulam in eodem, quo aliis antea præstiterat, auctoritatis, & gratix loco retinuit, ubi & Ludovici profectò ob volubilem gratiam Regis cruciatibus animi multum afflicti, & ferè omnium expectationem fefellit Rex pro certo ex inde vaticinantium uno sub illo fortunæ ictu qui cætera prostravisset, occasurum denique Arum. Nec defuere propterea qui in tanto tumultu, quantum in aula forsique cære funestissimi nuncii repentinus adventus potuit regii tunc pectoris latebras atrectare; & ad sortem in tempore augendam occasionem subito arripere omni studio; atque industria. Turrianæ Medinæ maximè Dux qui ex æmuli casu tamquam regio ipse lateri propior assurgere spe vana tumidus intendebat, cum multa ex occulto, & pleraque falsa in Arum jacula contorsisset, semel etiam prolixius extracto cum Rege sermone, inter alia velut casu jecisse dicitur, impensius perpetuò se annixum bene de Rege mereri, sed inter multa, ejusque præclara in Regem officia, hæc potissimum ducere, quod ferè nulli parvenit mandato Regis, quo tempore Protex Neapolim gubernaret, longiora quippe mandata inter tot momentaneas conversiones, & vo-

lubiles rerum vices, cum rationem in usum sepius variarent, ut monita sepe aut amicorum consilia procul habenda sunt; quod oblatum Mediolani regimen abnuisset, quis enim suo nisi, alienoque periculo fatius rectè inter arma mandare sciat, qui hoc armatus numquam didicerit? quod privatas offensiones, & æmulorum injurias ipsi Principi condonasset, privatas enim injurias reipublicæ, quæ omnia ejus spiritu sustinet, ratio exhaurire penitus debet; qua Turrianus oratione subdole ac furtim repungere Arum credius est intendisse, qui impunè ipsum Medinæ Ducem apud Regem affixerat, quique belli omnino impenitus, ac rudis unius discrimen exercitus ausus esset cum tanta Regis perniciæ pro rudimento militiæ ponere. Verumtamen illi viro ad conservandam, augendamque Principis gratiam ex naturæ atque industriæ partibus mistum mirabile quoddam accesserat. Aro enim præter gravitatem, justitiam, & morum elegantiam, atque modestiam aliasque insignes animi dotes ex naturæ temperamento compactas, quædam etiam aderat ars, & sublinis acumen ingenii, quo accuratius quidem studebat gratiam Regis non ostentare, nec temerè prodere illam invidiorum aculeis expositam; posse, quam ita videri tutius existimabat; sua quoque consilia velut rudia, & informia tam solemter, tam cautè subicere Regis arbitrio solebat Arus, ut usui illa post adhibenda Rex ipse digerere, acutere, & suo quasi Marte parere videretur; præterea inagni momenti si feliciter quid cecidisset ut sapienter ab Aro consultum, & ordinatum, id ipsum fortunæ attribuire solebat ille vel casui, semper multò minùs se Rege sapere, minùsque videre per industriam assimulans; nihil est enim regis auribus insolentius, &

gravius quàm arrogantia, nimisquæ jactata fiducia sui, sapientisquæ opinionem, & laudem mereti verbis, quàm rebus inalle, socium quippe laborum consiliorumque participem diligunt Reges, regni magistrum, & pedagogum imperii quantopere quisquam ingenio, aut fortuna superior esset, abhorrent. Ita nimirum, quæ æmulum invidia, sparsoque livore, aut fastidio Principis ruere sæpè, & comminui videntur in aula, moderationis aequè apud æmulos, ac apud Principem sustinet usus. Hisce artibus Arus, sed fortunæ favore quoque quæ nihil adversa in hac maxime causa procedere potest, adjutus, inviolatam, & integram, atque æmulum iustis inconcussam dominationem, & gratiam in regno fovit, cumque Olivario longè ipse posterior in actu, judicio, ac disciplina regnandi esset, docilitate tamen, atque patientia, quæ inter aulicas eminent artes, naturæque adjumento major diuturnius, sibi quæ tantummodò morte interruptum Imperii arbitrium gratiæ Regis annexum tenuit.

Hoc periculo tandem Ludovicus explicuit, & propter acceptam cladem, & suam quoque in illo negotio existimationem attritam vehementer percussus, & Lusitanis maxime offensus, concordiam, quæ lentè ac remissè cum Hispano, Galloque per id tempus agitabatur, studiosius deinde tractare cepit, ut ab infestissimo tandem solutus hoste universas Imperii vires in Lusitaniam converteret. Consultum, & seriùs itaque primò in Hispano Senatu est, quisnam ex Europæ fortè Principibus discordiarum inter utrumque Regem, certaminumque compositor, & pacis quodammodo arbiter auctoritate usque melior æstimaretur, an Cæsar? an summus Pontifex? an Venetorum fortasse res-

publica, tanquam omnino integra, & à partibus separatà? Evenerat portò, ut in re illa nec levi de causa Cæsar haud minus Hispano quàm Gallo suspectus, ac dubius fieret, Gallo quidem Austriacæ domus agnationis & fidei causâ semper invicem cultæ, quæ Catholicum Regem, & Cæsarem inter aliorum quoque fœderatorum mutationes immoros ac stabiles hæcenus continuerat; Regi verò Philippo modò suspectus occurrerat Cæsar, & ipse Cæsar Regem etiam Catholicum suspectabat, quod cum contrahendæ quæ agitabatur eo tempore, pacis vinculum foret Mariæ Tereziæ cum Rege Gallo connubium, propter Imperii spem, cui major ut natu Philippi filia, porerat hæc aliquando hereditatis jure succedere, acerbè ferebat Cæsar, Austriacæ ipsum familiæ Principem ab his nuptiis ineundis exclusum altissimus regni videre spes in Borbonicam gentem translatus, simul Austriacam familiam utroque diademate sultam, & colligatam per hujusmodi offensiones, & alias alias subinde trahentes paulatim fortasse dissutam posse quandòque cum ejusdem interitu distrahi. Hæc erant ex parte Cæsaris. De fide atque studio Pontificis in hoc peculiari negotio non modicè quoque inter partes ambigebatur. Pontifex enim, ut è re sua esse apparebat, & ex sua etiam utilitate rectè opus erat ejusdem consilia, mentemque rimari, veriùs eo tempore appetere credebatur, armis, & odiis perpetuò collisos se se invicem conteri, infirmarique Reges quò tutior ex bello duorum in Italia sibi floreret, & pro Romano regimine pax. Invisus præterea, ac singulari de causa suspiciosus Alexander septimus erat Cardinali Mazarino primo Galli Regis ministro, nam ex ejusdem ore Pontificis lapsum temerè verbum Romæ collegerat quondam Gallus



Orator, & cum Cardinalis invidia, vulgarque insectatione proijcerat, ipsum videlicet Mazarinum, dum serum potiretur in Gallia, omnino alienum, & semper aversum à pace futurum, cum per externa bella, quæ civilium in Gallia extinguere semina soleant, eas sibi ipsi potentiam, opesque firmaret, quas frangere pax valuisset. Quæ acrius profectò verba in Purpurati pectus immissa pro causa pacis effecerant, ut ita ipsi augeretur de eodem Pontifice dissidentia, sicut ejus desideratio verba factis refellendi. Ad hæc gravior eo tempore Hispanis per Alexandrum injecta de pace suspicio fuerat, cum Carolum Bonellum postea ab eodem sacra Purpura decoratum ad Hispaniam legavit, specie, ac rumore palam effuso concordie pacisque cum utroque ponendæ Regæ, reverà tamen, ut mox exitus docuit, ut in rem suam Pontifex derogaret illi veteri consuetudini, quæ, sine prævio Regis consensu, qui ad ministerium, electum approbavisset, quippe quia & jus ibi, & tribunal exerceat, ad Hispaniam admitri Apostolicus Nuncius minimè solet. Nam paulò postquam Carolus ad Mantuam Carpetaniam pervenit, tractandæ pacis rumore, & consilio planè suppresso, Ordinarii statim Nuntii diploma Regi Catholico exhibuit. Visus propterea Hispanis summus Pontifex est, nedum in ludibrium, ac propè fraudem pacis negotia convertere, sed ea inflectere quoque velle ad privatas rationes imperii sui, quarum cum maxima Hispanorum judicio ratio amborum Regum commissio, perennisque discordia sit, ideò turbandæ magis, quàm componendæ hos inter Reges quæsitæ pacis appositum esse Pontificem minùs piè sentientes consiliarii seniores existimabant. At in republica Venetorum, cujus etiam litiga-

batur arbitrium, in suspicionem, & metum revocabatur illius profunda sapientia Senatus, & per tot secula felix fallacie, dolique Politici usus cui pax si stetisset, ea Regum in Europa summorum formidabilis unio fuisset; nam Venetorum in æqua libra judicii, qua ad unguem Principum studia, consilia, vires appendit, longè minoris, leviorisque sanè momenti còperta fuissent Italorum Principum opes, si ad alteram partem belli pondus non accessisset. His etiam obstabat, quod eo peracri mentis acumine, atque in agendo solertia præstare Venetique apud Hispanos existimantur, ut in cæterorum litigiis, & causis excutiendis, componendisque surripere ferè semper nonnihil amicis callidè sciant, aut litem lite resolvere. Quocirca pacem, quæ Monasterii Venetorum intercessionem convenerat adeò Hispanis fraudulentam fuisse & exitu lubricam, ut paulò post fœderatis à communi periculo exemptis, ea ipsa in Hispanum, Gallumque duntaxat Regem cruenta, graviorque reciderit, Hispani profectò non causæ difficultati, aut durioris fortasse negotii moli ut verisimile quoque erat, at Venetis tanquam plus arte, & consilio, quàm armis pugnare, & acquirere sibi scientibus tribuunt. His sententiis in status Senatu discussis, cum propter æmulationem Imperii, veteremque Principatus invidiam, & mutuas hinc exortas suspiciones, ea revera inter alias regnandi artes emineat, nemini propè fidere, universos per se suspectos habere Principes, nullo ideò tum inter eos occurrente, hoc qui susciperet munus, à suspicione secluso Principe, tandem sancitum est, ut marurandæ pacis negotia binis, primisque utriusque Regis ministris Aro videlicet, & Mazarino commendarentur. Hi scilicet partes illas emolumentis, quas pacem ambiguit affectaque fortasse fide tractantes alii sibi interpositi decerpissent

„regni æquilibrium politica æsti-  
 „matione censetur, quove illa studiis  
 „inclinat, còpropendere quoque reg-  
 „ni cuiusque fortunam, & opes, ului  
 „profectò magis, vel minùs saltem pe-  
 „riculo utrique Regi futuram, si ab  
 „uno, & hoc legitimo Rege, quàm ab  
 „intrusa, ac turbulenta quadam reipu-  
 „blicæ forma temperaretur, cùm hæc  
 „& popularis præcipuè simul potentia,  
 „atque amplissima situ sive tuendæ li-  
 „bertatis cupidine, sive morum, culturæ  
 „que diversitate Regibus semper infe-  
 „sta persequi semper illos, odioſoque  
 „& impuro nomine Tyrannorum soli-  
 „ta sit execrari, atque in summam apud  
 „omnes abominationem adducere; suis  
 „præterea imbuere institutis, ac disci-  
 „pli nis amicos, propinquos, & socios,  
 „iisque dulcedine libertatis exposita  
 „paulatim à Regibus alienatos ad suis  
 „regiminis normam transferre, quem-  
 „admodum Lacedæmonios olim in  
 „Græcia facitavisse, memorix prodi-  
 „tum est. Tenuis profectò Respubli-  
 „cas, prudentesque cò quòd aculeos  
 „non habeant, & quæ aliis possent in-  
 „figere spicula semetipsas tantummo-  
 „do custodire, seque per latebras am-  
 „pliandi occasionibus imminere, hanc  
 „novam, cùm latissimè pateat, turbi-  
 „disque abundet ingeniis, & tum acu-  
 „leos, tum unguis, faucisque voraces  
 „habeat, quidni ad armorum se mini-  
 „steria, quàm rogæ potiùs, nisi citò in-  
 „terierit, applicaturam. Gloriosum esse  
 „præterea miseros sublevare, at glorio-  
 „sius afflictū redimere Regem; æquum  
 „esse, impiorum manibus virum inno-  
 „xium eripere; at æquius Regem in-  
 „fontem, laudabile etiam, everſas quan-  
 „doque restituere familias, sed laudabi-  
 „lius, collapsa reddere regna. Quid er-  
 „go, prædones, sicarios, latrones esse  
 „fortè appellandos nisi Regibus Reges  
 „succurrerint? Manere dirum adhuc  
 „exemplum suo regno, sua domo ex-

pulsi, violati, spoliati, vagam, & mise-  
 „ram vitam trahentis ubique Regis, &  
 „fœdiora quæque imitandi studia, nisi  
 „ostentatio terroris accesserit, velut  
 „contagem, hominibus inhæſura. Hæc  
 „& plura Britannus. Alii etiam ibi astite-  
 „re Principum Oratores, inter quos erat  
 „Lusitanus Legatus, sed Aro clam, ne ejus  
 „aspectum offenderet, qui quantum ef-  
 „ficere, enitique promissis, ac præcibus  
 „poterat apud Cardinalem agebat, ne  
 „Lusitania in tanto discrimine prodere-  
 „tur. Ingens enim sollicitudo, & animi  
 „pariter dolor ob metum gravioris dein-  
 „ceps in eorum cervices exonerandi belli  
 „Lusitanos animos occupaverat, ne om-  
 „ninò desertus, ac prætermiſſus à Gallo  
 „Rege Bregantius, totis deinde in unum  
 „coactis, intentisque vis Hispanicæ ner-  
 „vis, si pax convenisset, eo circumſusus  
 „turbine armorum proſtrerneretur. Cæ-  
 „terum summa utriusque partis conten-  
 „tione cùm hic Lusitanicæ agitatus arti-  
 „culus eſſet, quàm proximè sæpè fuit, ut  
 „alias jam ratas negotii conditiones, pa-  
 „cisque congressum omninò dissolveret.  
 „Vehementer enim Hispano objecerat  
 „Mazarinus Bregantium hæreditario ju-  
 „re subnixum renere regnum, dici etiam,  
 „& esse Regem, Gallo item Regi sociali  
 „fœdere junctum, si verò minimè qui-  
 „dem pro pace ineunda dedecet novos  
 „accipere socios, quantò magis licuerit  
 „veteres conservare? At si etiam hone-  
 „sta pro pace conveniatur perduellium  
 „clientelam, & patrociniū exuere, jus  
 „in hac causa regnique possessionem, &  
 „populi mentem, & studium cruore, om-  
 „nibusque fortunis, atque periculis in re-  
 „tinendo Rege consentientis, quæ satis  
 „Bregantium ab hoc afflictò scelere ab-  
 „solvunt, hætere nullam in Gallo ex  
 „contracto, sustentatōque hujusmodi  
 „fœdere notam sinere. An venundare  
 „Lusitanum redimatur ut Castellensis,  
 „pacisque interpositæ fidem perfidia fan-  
 „cire liceat? Tandem uterque Rex Ca-  
 „stellensis,

stellensis, & Lusitanus prout è re sua quisque duceret, armis, aut lege de regno disceptet. Arbitrium quod jure suo tenet, fortunæ tradatur. Sileatur hic Lusitanus, & hoc maximè modo nec inclusus, nec exclusus in pacis articulis habeatur. Persactius ea porro agitata in partium confesso sententia, & ideò ultro, citroque remeantibus nunciis, qui Galli Hispanique Regis animos explorarent, ac dubia resolverent, tandem convenit, ut Rex Gallus profiteretur, idque in acta concordie relatum est, fœdus, quod ipsi erat cum Lusitano, & jus societatis in gratiam Catholici Regis abscindere, modò ipsi Bregantio, jam abdicato sua sponte regno, à Catholico Rege juribus, titulis, facultatibus omnibus redderetur, quorum usu, priusquam à Rege deficeret, potiebatur in Lusitania, eaque ipsa tum velut suco, ad honestatis speciem, atque decoris imitamentum ita depicta conventio est, ne idcirco pax turbaretur, neque sui juris Hispanus, neque fidei interpositæ Gallus planè immemor videretur. Cæterum Gallus conditioni ita proposite consensurus clam Lusitanum admonuit sese in illo negotio tempori, & publicæ causæ potius, quam rei sic postea gerendæ consilio, aut veritatis servire studio. Et enim illa pax, quam tanto dispendio, & suæ quoque reipublicæ vulnere Hispani sibi redimerent, facta Gallis per eam potestate ampliora suppeditandi Lusitanis auxilia, hts magnopere favorabilis, præterito bello trucidior Castellensibus cecidisset, nec secus, antequam fieret, id certè futurum Hispanus existimabat, cum illa articuli pompa opinionis plausum speciemque honestatis manem non lucrum, aut fidei in Gallo constati requireret. Verumtamen Rex Catholicus cum ei subscibendus hic pacis articulus deferretur, in ipso actu rubere, indignari, animo angere, quasi pulcherrimo erepto regno imponere sibi

illudentem aspiceret adversarium, & quod ipsum magis ex cruciabat, velut hostis in gratiam è manibus illum emissum; Tandem ô me miserum, inquit, & infelicem, qui Rex, totque ipsè regnorum Rex hoc etiam invitus committere cogor, tremulæque præ ita atque stomacho manu, errantemque inter litteras stylum ducens subjectam paginam subsignavit. Quæ porro sublata, quæ aspetius obstabat, difficultate, reliquæ pacis conditiones expeditius transactæ sunt. Igitur pax inter Hispanum, Galumque Regem his legibus constituta; Quæ bello in Insubria Gallus Regi Catholico ceperat, restitueret; quæ verò apud Catalauniam, & Belgium, paucis exceptis, permutatique locis, in Mariz Terefix dotem adjecta concederent. Utriusque subditis Regis, qui ad alterutras partes tempore belli transferint, & venia delicti fiat, & in omnia bona, atque jura sine mora redintegrètur, quæ priusquam à Rege deficerent, possidebant, idque maximè de Lotharingo Duce, & Condræ quoque Principe cautum ob opum, generisque amplitudinem est. Diffidium bellique materies si fortè oriatur inter amborum Regum clientes, ac Principes socios, componete statim, & in gratiam redire eos inter se seu jure, seu arbitrio, seu majestatis auctoritate curet uterque Rex, sin autem hoc frustra fuerit, liceat singulis Regibus auxiliares copias amico permittere Principi, Rex modò neuter à quoquam invasus in suæ dirionis partibus fuerit. Item si Hispanus Gallusve Rex alterius socios cum armis aggrediatur, tunc Regem deceat, cum velit, ferre opem amicis, & fociis in eorum finibus constitutis, nec ideò inter utrumque Regem violata pax censeatur. Cum verò duorum quilibet Regum à Principe seu nunc fœderato, seu externo, sive armis civilibus, sive alienigenis peteretur, nefas ex lege pacis sancitæ sit, alterum

Regem

Regem auxilia illis, aut transitum, aut armatis receptum adversus alterum Regem suppeditare. Terrarumque commercio vicissim, ac liberè utriusque Regis subditi utantur, si qua verò partibus controversia propter hanc interpretationem conditionum, rerumque intellectum, aut accidentia minùs provisã, ea quidem non armis, sed jure dirimerentur. His in hunc modum pro utroque Rege provisã, ad initium quoque pacis durationem, præstandamque clientibus fidem peculiariùs deinde ad communes clientes, ac socios descensum est; sæpè enim accidit bella ex bellis nasci, & armis, dissidiisque alium alium vocare bellumque involvere Principem; simul quia nemo clientium ulli unquam Principi fideret, si duobus, qui plus inter eos possent, convenientibus pacto, per corruptam aliquis fidem potentioris prædæ relinqueretur; cautum est ideo, ut quæ oppida Hispanus Duci Sabaudia per bellum in Cisalpinis abstulerat, illi cò traderet; eidem præterea Duci debitum solveretur ex Catharinæ Austriacæ antiqui connubii dote conflatum. Quæ Sabaudiam, Mantuanamque familiam

diuturnæ veteretque discordiæ causæ per Italia vastitatem, atque ruinas exercuere abolita, extinctæ jaceant secundum illam conventionem, quæ apud Querrascum quondam præscripta fuerat. Ab utroque Rege summus Pontifex exoretur, ut litem quæ adhuc cum Mutinæ Duce de Comachii valle pendebat, plano, mitique judicio non strepitu armorum absolveret, Ducique Parmensi simul indulgeat, ut per certa temporis intervalla alienum æs illud exolvere posset, quo sedi Apostolicæ obstringitur. Postremò decretum est, ut unanimis Reges ad Germanos, Rhetos Helvetiosque ipsos cohortatum legatos dimitterent, ut ira, ac simultatibus positis in partem optimæ pacis propitio quocumque bello præstantioris accederent. Hæc est capitum summa inter Hispanum, Gallumque Regem ad Pyrenæos compositæ pacis, atque ita Mariæ Tereziæ firmatæ cum Gallo nuptiæ in Europam bello diuturno afflicta gaudia pacis, sed ipsa breviter, ut brevius etiam refriget qui primus nuptialibus facibus amor accenditur, transmiscere.





# D E

## BELLO LUSITANO

### LIBRI SEPTIMI

S U M M A.



*EX* Catholicus in Lusitanum parandum bellum intendit. Acerrimi tractatur de summi Ducis electione. Ioanni Austriaco Philippi filio notbo arma commendantur. Gubernator armorum secundo loco Sangermanensis renuntiatur. Militum numerus. Exercitus Campum maiorem initio petere visus, averso itinere Origuelam repente invadit, arcemque adjacentem delet. Arroneii oppidum Ioanni se addicit. Sexdecim Lusitanorum equitum turma, vim hostium laceffere ausa, partim caduntur, partim fugâ dilabuntur. Alconcellum recuperat Austriacus. Acris per otium, inter Italos, Hispanosque, de ordine & loco, oriuntur dissidia. Ioannes, Duces Italos asperrimis verbis increpat. Emanuel Carasa pro Italica natione respondens, ob libertatem in custodiam conicitur. Dirimitur per Regem, nationum litigium. Vere appetente, Austriacus in proximi belli conatum incumbit. Non minor agitatio sollicitos habet Lusitanos, unde severius invaduntur tributa. Catharina Portugallia Breganzii soror Regi Britanno desponsatur. Ei Tingi, situm in Africa oppidum pro cumulo dotis accedit. Religionis causâ Rex Catholicus municipium intercipere instituit. Ejus promissa aversatur Ludovicus Almeida, & oppidum in Angliâ ionem concedit. Villabum funditus diruit Austriacus. Multas equitum Lusitanorum turbas fugat Alexander Correira. Morbis per iter invaditur. Iurumeniam versus dum tendit Ioannes, novus repente de caelo, nubilâ nocte, conspicitur fulgor. In Lusitania quæ circum oppidum erant propugnacula, Castellenses irumpunt. Intestinus oritur in urbe tumultus, qui Pinti Presidis prudentiâ extinguuntur. Mene-fius Lusitani exercitus Dux, expeditionem quamprimum parare milites jubet, ad succurrendum Iurumenia. Urbis tuenda spe prorsus afflictâ, palam inde re insectâ discedit. Iurumenia post arctam integri mensis obsidionem, Austriaci virtute atque auspiciis evictâ, Regique Catholico restituta. Ad Villam vitiosam ducit exercitum Ioannes, Lusitanumque nititur elicere ad pugnam. Averum recipit, dimissisque cum viâ & opibus oppidanis, ad terrorem solo aquat. Monsortii deditur. Crasti excidium, cuius Gubernator Austriaci jussu, silopis in medio foro transverberatus occumbit. Adversus Origuelam victor exercitus tendit. Dum Gubernator, Ioannis colloquium petit, Castellâ nâs miles sine imperio urbem pervadit, prædaque duntaxat avidus, à sanguine abstinet. Prædam Lusitanis restituendam jubet Austriacus, honestasque illius conditiones tribuit. Sarturana Comitem Oguela Presidem relinquit.

D E

\*\*\*\*\*

# BELLI LUSITANI

## LIBER SEPTIMUS.

1661. **M**ARIA Theresia Regis Philippi filia, qui Reginam decebat, magnifico ornatu sublimisque totius fortunæ circumfusa splendore, ac regio strepitui comitata cum Lutetiam Parisiorum tandem evecta esset, Rex ipse Catholicus statim in Lusitanum patandum bellum intendit, cujus facilius habendi regni cupido traxisse jam videbatur Hispanum ad deteriores pacis conditiones incertâque lucris futuri spe, ultrò se primùm diminuisse. Dum ergo frequentes per Hispaniam delectus militum imperantur, circummissisque per Imperii latitudinem nunciis, veteres legiones ad Lusitanæ fines transferri jussu Regis indicitur, atque omnia intra Hispaniam, & extra calere conspiciuntur apparatu proximi belli; interim apud Regem de summi Ducis, qui bello præfesset adeo armis minisque turgido, electione acerrimè tractabatur. Erant ea tempestate præclari nominis Duces, à bellique occupationibus vacui Mortaræ Marchio, in cujus gloriæ incrementum Catalaunia nuper armis subacta cesserat, & Carazenz item Marchio, qui inter arma penè à puero innueritus recentia quoque & egregia in Insubria, cum Mediolano præfesset, belli facinora ediderat. At his militari propè virtute par, gratia, famâque nominis, incensisque in eundem populi studiis longè quidem superior Joannes Austriacus efferebatur, Regis idem Catholici filius nothus, quia bello tum Belgico revocatus juxta Mantuam Carpetanam confederat. Consilia verò, ac sententiæ quæ per id tempus in medio etat de novo eligendo exercitus Duce proposita, singulorum divisa studio, vel merito, vel ambientium sollicitudine ad

quemquam illorum referebantur. Verum Hispanis, ministrisque præcipuè, qui in gubernii specula sedent, cujusque illegitimæ, ac regis prolis æquæ virtutes, ac viria, illæ quidem ut gratiæ populi, hæc ut faces ambitioni præbentia, semper invisâ nimisque suspecta fuere. Nec porro regii iidem nothi verbis, aut rebus tam crebrò suspicionibus causas, aut stimulos curis dedere, sed hominum genus ob metum longa rerum experientia contractum, & sua etiam indole nimis suspiciosum, falli dum semper metuit, aut facili sibi formidinis causas effingit, multos pericula antevertere docuit, & scelus interdum in cautionis partem admissum. Austriaco propterea, qui ad hanc bellicam præfecturam, & suo merito, & turba clientium, & plausu populi ferebatur, suspicio, metus, aut ministrorum obstabat invidia ea de re privatim, ac publicè differentium. Regem imbecilla, ac tenui valetudine potiùs, quàm ætate cadentem esse, filium Principem in cunabulis, nec fas esse videri illo cursu, illo habitu rerum cum fiducia, & armorum afflatu extollere juvenem militarem, cui satius opis in armis, cum nimis urgeat ambitio, sit, spes, animosque supra fortunam, genúsque gerere. Rex denique haud minùs rei ambiguus, sollicitusque ne pudor fortassis, aut metus in causa filii suffragia publicè vi-tiaret, omisso Status Senatu, ea de re secretioris, sanctiorisque quosdam consilii corpore præsens interrogavit. Fuere hi homines Senatores Turrianæ Medinæ Dux, & Comes Castrillus, summo, integroque judicio viri, quo tempore studia, atque partes ipsorum animis non officerent. Erat præterea in primis carus Joannes Medinæ Ducis, quia communis utrumque vetusque Olivarii clientela in fide, atque studio conjunxerat, atque idè Medinæ Duci, & Joanni plus erat Castril-

lius infestus, quippè, qui maximè quondam in Olivarium, ejusque clientes omnes invecus, dum illum tandem afflixit, ejusdem clientelæ, atque fortunæ socios eodem, unòque ictu collabentis ruina prostravit. Rex verò, quem nec acris, & mutua horum hominum æmulatio, nec odiorum initia latebant, consultò adversarios ad differendum de re, quæ vertebat, induxit, quò nempe contrariis eorum prolatis, agitatisque sententiis, ac simul judicio compositis, ipse postea exploratius, quid sua interesset, agnosceret, nec certè secus, ac Rex expectabat, Castrillū sententia prodiit. Ita namque locutus ferrur.

„ Non obrectatio, & minus invidia, à quarum suspicione longa me  
 „ rerum experimenta, gravisque canities, & disparia, ac propè opposita  
 „ studia vindicant, sed delectatio tantæ virtutis in isto juvene, ejusque  
 „ summa admiratio, & insuper desiderium, ut sine ullo periculo suis illa in  
 „ tempore gradibus augeatur, me affere  
 „ rete cogunt, armorum, de quo nunc  
 „ disceptatur, imperium pro Lusitania  
 „ recipienda Joanni minime convenire.  
 „ Detrahit enim virtutibus livor,  
 „ atque inter illos virtutis fulgores continuè rimatur criminibus locus; hanc  
 „ autem ego in juvene celebro, & venerabundus etiam intueor, simulque  
 „ præcaveo, ne nimius ille virtutis propositæ nitor ipsius, nostrisque oculis  
 „ umbram, aut erroris excitatem affundat, ex quo sæpè numero evenit,  
 „ florentem marcescere in homine  
 „ uè gloriam, fructumque virtutis,  
 „ priusquam ipse maturus, ac tempore  
 „ coctus sit exarescere, aut in contrarium mutari, nisi modus, qui in  
 „ rebus semper est optimus applicetur,  
 „ priusque nos ideo tantæ virtutis,  
 „ & gratiæ, item ætatis cum regio  
 „ sanguine ardentius ebullientis ti-

mor, quàm illum gloriæ satietas ceperit. Verùm enim verò, cum ejusdem communis utilitatis ratio, nec  
 „ xusque & Imperium, & Joannem, & Regem tum familiaris, tum publicæ  
 „ causæ respectu vinciat, dum equidem Regis, & rationes publicas calculo meo  
 „ sustentavero, verè me dicere pro Joanne, ejusque favere maximè gloriæ, ac dignitati  
 „ servire censendum est. Et primum quidem jam satis spectatum est, pernituisse  
 „ nec mediocriter nos paulò antè ad Joannem delatæ belli Belgici præfecturæ,  
 „ coactosque idcirco fuisse inde retrahere celeriter juvenem; rumor enim  
 „ nec omnino ipse vanus irrepsit, occulta, & superba illum ibidem de  
 „ nuptiis cum filia Austriaci Principis Oenipontis ut illum Principatum, &  
 „ Belgium titulo dotis arriperet, consilia tractare, ubi profectò & res  
 „ honesta, ac ratio publica jactabatur Austriacam videlicet domum,  
 „ ne illa jam inter paucos, qui porro supersunt ex Augusta sobole mares  
 „ extingueretur, egere subsidio, maximo etiam Imperio Hispano muniri,  
 „ & usui fore, si Belgium ab ipso tot sumptuum, tot cladum, tanti  
 „ causæ periculi honestè per nuptias divelleretur. Sunt, & turpes alii præterea,  
 „ qui de Joanne Austriaco sermones tam Neapoli, quàm in Sicilia cum illa  
 „ ipse regeret regna percrebuerent, clandestina nempe consilia, partes, nobilium  
 „ secessiones nec obscurè manifestantes, quæ etsi turbulentum  
 „ nationum illarum ingenium, ut certè scimus effuderit, inscio quoque  
 „ Joanne, perspicimus tamen in hoc inclyto juvene, quæ perfidi homines,  
 „ atque nefarii, & rerum novarum omnino cupidi fomenta parare  
 „ seditionum in animo habeant. Cæterum si ita sæpius per illecebras hominum, per occasionem

incita

„ incitamenta propinet ambitio, cùm  
 „ flagret ætas, animus valeat, adeò præ-  
 „ cep, ac lubrica sit cupiditas dominan-  
 „ di, maxime vereor, ne internis, exter-  
 „ nisque ille tandem irretitus insidiis,  
 „ ubi semel impellere magis occasio, &  
 „ succendi, ac furere ambitio caperit,  
 „ prolabatur. Præterquam quod in hoc  
 „ transitu rerum, multiplicique rumore  
 „ hominum aliud in ore sonare vulgi,  
 „ aliud in ore prudentium auditum est.  
 „ Divinant plerumque prudentes; nec  
 „ semper inanes serendo voces labitur  
 „ vulgus, aliàs quasi vates, aliàs rectus  
 „ rerum interpret est, interdum, quod  
 „ fieri conveniat, velut communi con-  
 „ sensu docet. Utrumque se tandem res  
 „ habeat, hunc saltem rumorem de am-  
 „ bitione, regnòque Joannis, is vel in-  
 „ certè, vel iniquè, vel fallaciter ortus,  
 „ ac dissipatus sit, & jam propemodum  
 „ consenuerit, iri inficias minimè potest  
 „ ab ingenti ejus spiritu, ac magnitudi-  
 „ ne animi tanquam in adolescente sus-  
 „ pectis, & per se, & per alios ut instru-  
 „ menta tumultuum novis rebus ster-  
 „ nentibus iter originem deduxisse, at-  
 „ que ideò prudentioris, tutiorisque  
 „ fore consilii, vel tenui suspitioni, ac  
 „ longinquo timori, auræque quan-  
 „ tumvis fluxæ, mobilisque rumoris,  
 „ quando id percommode fieri potest,  
 „ antevertere causas, simul, & turbidis  
 „ pabulum, & virus iniquis invidiæ, &  
 „ seditionibus ignes quoquomodo sub-  
 „ ducere, quæ utique omnia cumulatim  
 „ mala contrahere uni imprudenter ar-  
 „ ma commissa possunt. Nullum pro-  
 „ ptercò adstrictioris fiduciæ, gravio-  
 „ risque Regi momenti, quod tribuat  
 „ alteri munus offertur, quàm armorum  
 „ administratio, gladius quippè societa-  
 „ tis in se humanæ tenendæ, erga majo-  
 „ res obsequii, æquitatis inter æquales,  
 „ jurum omnium validus vindex, &  
 „ custos est; quem cui crediderit Prin-  
 „ ceps sui ipsius, & arbitrium imperii

penitus tradit. Diadema, sceptrum-  
 „ que in illius fide cuspidis situm,  
 „ quam soluta formidine manus agit.  
 „ Contra nemo alius re vera est, mi-  
 „ nus cui debeat pro armorum tra-  
 „ ctatione fidere Princeps, quàm fi-  
 „ lius ad quem regni hæreditas non  
 „ pertineat, ne ille fortassè per vim,  
 „ & armorum occasionem eripiat,  
 „ quod intimè cupiat, & lex, aut na-  
 „ tura non dederit, néve Regis ele-  
 „ ctio ut Romanum quondam Impe-  
 „ rium ad milites transeat, & tandem  
 „ arcanum naturæ prodeat, quod om-  
 „ nia liceat jure potentiæ agi, & mo-  
 „ res etiam, & leges, ut judicia &  
 „ mentes hominum immutari. Ho-  
 „ mo namque ad imperium, & liberta-  
 „ tem genitus, quanquam subito le-  
 „ gum, & hominum jugo submissus  
 „ exemplo, & consuetudine potiùs,  
 „ quàm ipsa natura coercetur, retinet  
 „ tamen ut intus hærentem, ac peni-  
 „ tús insitam illam tacitam vim do-  
 „ minandi, libertatisque bono fruen-  
 „ di, quæ in unoquoque mortalium  
 „ ingenita vis jam se ipsa remittit,  
 „ jam explicat, jam in aliquo torpet,  
 „ secundum cujusque genus, fortu-  
 „ nam, opes, & indolem animi, erum-  
 „ pere tamen cum ruina rerumque ad-  
 „ jacentium strage, atque exitio utpluri-  
 „ mum solet, ubi retruso illi animi mo-  
 „ tui excitando, sustentandòque satis  
 „ animi, satis corporis vires, & opes  
 „ sunt. Erit igitur hic naturæ impetus  
 „ in Joanne, ut in sobole regia, ut in  
 „ animo militari, ut in juvene for-  
 „ tunato concitior, atque robustior,  
 „ quem si armorum fiducia sustuleris,  
 „ & viribus auxeris, ita ut dare ipse ma-  
 „ lit, an accipere jussa ab illa duntaxat  
 „ rependeat, velit necne semel suscep-  
 „ ta deponere arma, & secundo loco,  
 „ secundo gradu contentus sit, cùm  
 „ armis extortum sibi primum asserere  
 „ valeat, quid aliud hoc utique foret



„quàm affectam, & pronam irritare  
 „naturam, ultrò currenti superaddere  
 „stimulos, aut crescentem follibus  
 „ignem afflare? Aliis fortassè genti-  
 „bus aliù mores, diversa instituta con-  
 „veniunt. Ita planè se habet nostri  
 „generis disciplina. Legimus ideo  
 „Petrum cognomento Crudelem ab  
 „Henrico fratre notho regno simul,  
 „ac vita præcipitem actum. Vidimus  
 „etiam ipsi prole regia refertam do-  
 „mum, alio aliò trahente, perpetuis  
 „arsisse discordiis, seseque foras ad  
 „regna jactasse, túque Catholice Rex,  
 „cui plures fuerunt adulti fratres, qui  
 „tecum morabatur in Regia, an alius  
 „procul emissus, bellique periculis im-  
 „plicatus, uter negotii tibi minùs fa-  
 „cesserit, experimento, sensùque do-  
 „loris acerbo addiscere potuisti. Illi ta-  
 „men æquales erant sanguinis claritu-  
 „dine, nulla nota, nulla permixta sor-  
 „de, puro, ac legitimo semine; Joannes  
 „autem materno genere longè impar.  
 „Porro cùm simul hic paveat, ac do-  
 „leat deteriori se sorte natum ex diffi-  
 „militudine oritur dissidentia, ex diffi-  
 „dientia suspicio, mox odia suspicio gi-  
 „gnit, inde dissidia, partes, cùm discor-  
 „des viri Principes sunt, & civilia bella  
 „nascuntur, adeò, ut quanquam hunc  
 „juvenem mitem, & probum omni-  
 „que virtutis genere ornatum natura  
 „fecisset, usu venire possit quo sibi jure,  
 „aut injuria prospiciat, suo vel alieno  
 „scelere ablatum annum occasio-  
 „ne perverti. His adde tuam, & fi-  
 „lii legitimi ætatem rebus novandis  
 „maximè oppositam, & illam quidem  
 „non tam senio, quàm mala habitu-  
 „dine fractam, hanc ne rationis qui-  
 „dem usus, nedum regni, sceptrique  
 „potentem, ex quo jure mihi veren-  
 „dum est, hæc arma quæ potes nunc  
 „dare Joanni; deinde, & si velis, ne  
 „possis eripere, aut si is ita armatus,  
 „quod Deus avertat, tibi superstes

fuerit, inter illos transeuntis imperi-  
 ætus, rebus Hispaniæ turbatis, ac  
 dubiis, ne quis exarmare nolentem  
 valeat. Fœda Turcarum immanitas  
 regis sobolis omnes præter unum ad  
 summam Imperii fortunam genitum  
 interimere solet. Nimis faciles Galli,  
 negligentisque dum simplici, ac ce-  
 leri quodam utentes ingenio parum,  
 aut nihil regis numero prolis, &  
 cultui, vitioque naturæ provident  
 ab eventis sæpè tristibus reprehen-  
 duntur. Medium Hispani tenen-  
 tes, cælibes illos ut in custodia li-  
 bera spatiantes diligenter observant,  
 & circumspiciunt, simul & ægrè ali-  
 quando ad usum armorum admis-  
 sis, potestate multùm restricta plùs-  
 que pompæ in se habente, quàm  
 virium, in modum vigilæ insuper  
 homines statuuntur dictorum, fa-  
 ctorumque censores, ac testes. At-  
 qui & nostra, & majorum quoque  
 repetita memoria, & si tanta accessis-  
 set idcirco sollicitudo, tantusque cu-  
 stodix rigor, vix tamen hujusce notæ  
 cum armis juvenis reperitur, qui mi-  
 nimè nobis ingentem curâ incusserit.  
 Quid autem nos modò rebus præte-  
 ritos eruditos, ac penè jam ustos hæc  
 retentare, ac præter instantia, quæ  
 undique urgent nova laceßere quo-  
 que pericula cogit, cùm plures nobis  
 Hispani, præclarique nominis Duces  
 extent, quibus tutò committi liceat  
 hæc armorum administratio? Num  
 auctoritas? num perspecta felicitas  
 juvenis? an potius tractandorum  
 armorum experientia? Magno pro-  
 fectò nobis constiterit hæc regia au-  
 ctoritas in Joanne, & nuda ipsa  
 decoris species, vanusque nomi-  
 nis fulgor, cùm regalis ejus fami-  
 liæ sumptus more suo affluens,  
 & belli tempore multò profusior  
 totius conferendæ in militiam pe-  
 cuniæ propè dimidium hausturus

„æratio sit; qua tempestate inopia pe-  
 „cuniarum porissimum laboramus. At  
 „belli prosperitas quam infida, quam  
 „lubrica, quam inconstans; so-  
 „lùm præcipue si in bello gerendo  
 „vertatur, cum læpissimè acciderit,  
 „quæ valdè propitia, & amica in uno  
 „loco fortuna peregerit, mox iratam  
 „in alio disjicere; militarem autem  
 „experientiam longè minorem ego  
 „in Joanne conspicio, quam in His-  
 „paniarum Ducibus multis, qui tum an-  
 „nis, tum stipendiis emeriti plures vi-  
 „ctorias enumerant, & luculentas cor-  
 „poris cicatrices ostentant. Cæterum  
 „hæc ornamenta, ac decora sive ge-  
 „neris, sive gratiæ, sive fortunæ ac vir-  
 „tutis licet amplissima, ac simul com-  
 „plexa utcunque rutilent in Joanne,  
 „si fidei simul æquiparentur, quæ  
 „tanti non est, quanti esse in hoc ju-  
 „vene debet, & quæ prima censetur  
 „habenda ratio in summi Ducis ele-  
 „ctione, personis simul, ac meritis  
 „comparatis, hæc una prudentium  
 „nonne omnium judicio in bonorum  
 „collatione pro eligendo exercitus Du-  
 „ce propendet? Sapientissimè Rex non  
 „id temporis tecum agitur utrum Italiam  
 „Joannem an Belgio, an forsitan Cara-  
 „launiam cum armis imponere liceat; at  
 „regno Lusitano circum Imperii sedè,  
 „Castellæ supra cervices, in regiminis  
 „caput, ac mentem, tua dum affecta,  
 „Rex, ætas & imbecillima valetudo, &  
 „infantia Hispani Principis penè in  
 „cunabulis vagientis, & res novæ, &  
 „his improbi homines incubantes in-  
 „numeras ferè incauto juveni possunt  
 „circumfundere insidias. Propè æternæ  
 „fratrum discordiæ sunt, acriores re-  
 „gios inter fratres, at inter legitimos,  
 „atque nothos acerrimæ; major pars  
 „potentior sequitur, at potentia in  
 „gladii acie, atque robore sita est. Po-  
 „stremò duo apud omnes homines  
 „sunt ingenium agendarum incita-

menta terum, spes, scilicet & cupido,  
 hæc ubi potest suo imperu ruit, spes illi  
 comes pericula minuit; cupiditas igitur  
 naturalis imperii cum inhiberi po-  
 tius ad tempus, quam velli in homine  
 possit, talique in Joanne cohæreat, si  
 denique spes per arma excitatrix acce-  
 serit, metuendum est ceterè nobis, ne  
 in tantum periculi hunc juvenem tan-  
 dem armorum causa conjiciamus, ut  
 inter fortunæ, ætatisque blanditias, &  
 factionum irritamenta minùs ipse im-  
 posterum sciat ob conceptam animo  
 spem suis cupiditatibus temperare.  
 Nec porro quæ hucusque de Joannis  
 ingenio, moribusque comperimus,  
 hujusmodi sunt, quæ extinguere om-  
 ninò has interjectas suspiciones, & fu-  
 turorum malorum semina valeant.  
 Cæterum, qui invitatus in pericula in-  
 currit, is ut prudens, fortisque vir, qui  
 verò gratis, ut stultus concidit.

Contra hanc Castrillii sententiam ita  
 ferè Turrianæ Medinæ Dux subinde  
 locutus est.

Equidem arbitror armorum in Lu-  
 sitaniam imperium ex Belgio, ex Ita-  
 lia, atque Hispania omnibus conqui-  
 sitis, Ducibusque collatis, plusquam  
 regium juvenem istum decere nemi-  
 nem. Fateor etiam, & suis virtutibus,  
 & privatis aliis officiis esse mihi in pri-  
 mis obstrictum, & carissimum homi-  
 nem, nec propterea suspicio tangit  
 meum de Joanne suffragium speciem  
 officii esse habiturum in causa potius,  
 quam vim sententiæ. Adeò enim re-  
 dundant, ac mirificè nitent in hoc ju-  
 vene merita animisque pignora sin-  
 gularia, ut ea invidi magis quisquam  
 non admirando, quam assentatoris  
 laudando notam vereri meritò de-  
 beat. Longè quidem diversa Regis  
 Hispaniæ filiis, qui nothi sunt, da-  
 ta conditio est. Nonnulli eorum fi-  
 llii Regis palam enunciati ad sum-  
 mum splendoris, atque auctoritatis

„ apicem evehuntur, alii occulti, at-  
 „ que in caligine propè positi inter  
 „ squalorem, egestatisque sordes igno-  
 „ bilem vitam trahunt, idque imi,  
 „ summique gradus discrimen, & splen-  
 „ doris, ac vitæ sordium in hominibus  
 „ regio ab eodem fluentibus stipite Re-  
 „ gis tantummodò nutus ex more sta-  
 „ tuit. Placuit ramen multis Hispanis,  
 „ & optimis Regibus horum nonnul-  
 „ los prodere in lucem, regisque titu-  
 „ lis illustrare, inter quos Carolus Quin-  
 „ tus vir planè magnus, summisque  
 „ Imperatoribus æmulus testamento  
 „ decretum Philippo secundo filio reli-  
 „ quit, ut alium Joannem, & excelsa  
 „ quoque indole juvenem manifesta-  
 „ ret, eoque seu pacis, seu belli ministro  
 „ pro curis publicis ureretur. Plurimo-  
 „ rum igitur Regum, & maximè erecta,  
 „ ampliorisque dominii capax Caroli  
 „ Quinti mens intellexit, utiles esse rei-  
 „ publicæ nothos, præsertim, ut ali-  
 „ quam ejus partem sive armis, sive  
 „ consiliis moderandam assumerent;  
 „ nec illis profectò Regibus juverit tam  
 „ facile nos dissentire, à quibus hoc  
 „ partum, auctum, ac stabilitum Impe-  
 „ rium, & pro eo temperando jus, in-  
 „ stituta, ac disciplinam accepimus.  
 „ Quætere modò superest, an iis im-  
 „ butus Joannes moribus sit, iis studiis  
 „ afflatus, ea constanti virtute prædi-  
 „ tus, ut omni metu secluso, reddere fi-  
 „ dem commodè possit, quàm pet arma  
 „ administranda susceperit, an verius  
 „ in eo quod scitè consultum à priscis  
 „ Regibus est, extra ordinè aliquid sit,  
 „ quod in hoc juvene offendant. Præter-  
 „ missis raucis jam factis illis rumoribus  
 „ vulgi, qui æquè bonos, ac malos  
 „ allatrare loquaciter solet, eosque con-  
 „ temnere maximè debet Princeps, ne  
 „ varietatè, fluxuque tot discrepantium  
 „ omninò sermonum, & fabularum in-  
 „ modum arundinis volutetur, nobis  
 „ pro certo compertum est ad Joan-

nem in Italia cum armorum imperio  
 agentem missas à Cardinali Mazarini  
 totius Gallia: ea tempestate recto-  
 re litteras, quibus de Neapolis, atque  
 Sicilia: intervettendo regno adoles-  
 centem erudiebat, certum idcirco  
 atque stabile, ubi res poposcisset,  
 Galli Regis patrocinium affirmans,  
 quippè cujus intererat binis spoliatum  
 opulentissimis regnis æmulum Regem  
 debilitare, atque ita sensim retexere  
 Imperium. Aderat tunc Austriaco  
 populi favor, ætatis illecebra, generis  
 altitudo, conspiratio quoque nobi-  
 lium ipsum Regem desiderantium,  
 omnia prona, atque undique tuta for-  
 tè regnum affectanti, nihilominus  
 adolescens execratus perfidiae præ-  
 mium, magicisque assentantium vo-  
 cibus surdus ad Regem patrem semi-  
 laceram jecit Cardinalis epistolam.  
 Qui ergo modo cohareat, ut qui in re  
 facili, & obvia idem contempserit  
 regnum, jam ad illud in arduo, atque  
 lubrico valdè positum rapiatur, aut  
 qui minor ætate his circumfusus insi-  
 diis sibi imperare, se cogere, animi-  
 que cupidines frangere sciverit, idip-  
 sum facere nesciat jam adultus, &  
 post multa, atque magna integritatis,  
 & fidei nobis præbita documenta?  
 tempus ne tatio, ætas, rerumque usus  
 contrahere, aut mutare, non augere,  
 aut firmare virtutem solent? an adeò  
 imbecilla virtutis vis, aut insulsa at-  
 que mollis veræ gloriæ voluptas est,  
 ut quæ diu caperit, atque incederit  
 hominem tam facile avelli à suis com-  
 plexibus patiatur. Nulla itaque inter  
 homines bonitas, nulla fides, nullum  
 quanquam spectatum ignibus valet  
 aurum, omnia in deterius labentis  
 nefarii seculi cursus abstraxerit. Ca-  
 rolus Quintus cujus dicta sequi, cu-  
 jus facta imitari nostra melior doctri-  
 na est, cum Dux Calabria: diuturno  
 carcere afflictus per seditiosos, ac tur-  
 bidos

„bidos cives oblatum sibi Castellæ  
„regnum constanter renuisset,  
„illum idè custodia statim emissum  
„Valentiæ regno proregem imposuit,  
„tantùmque apud Cæsarem modera-  
„tionis illud exemplum valuit, ut dig-  
„num eundem existimaret, qui vin-  
„culis nuper solutus regiminis fasces  
„acciperet, atque è sedæ translatus cu-  
„stodia florentissimi regni custos effi-  
„ceretur. At verò Joanni, cum ei quo-  
„que semel ab hoste, sæpius à falsis  
„amicis proposito regno, obsequium  
„in Regem, fidèscue steterisset, nulla  
„inusta præterea sit, quàm redimeret  
„ignominia, nullum ut Duci Cala-  
„briæ sublatum, quod repeteret reg-  
„num, sed amplis, ac perpetuis hono-  
„ribus uso cum non secunda fortuna,  
„non fragilis ætas, non dulcia venena  
„assentantium ingenium, aut mores  
„labefactassent, cur hoc clariori cum  
„æquitatis, atque modesti argumen-  
„to fidem improbabimus in Joanne,  
„quàm in Duce Calabriæ cum minori  
„probavit Cæsar? aut cur Hispanum  
„hoc tempore Imperium, cum tanta,  
„quæ in Lusitaniam inclinat, mole  
„belli concussum, atque in magnam  
„expectationem erectum sit tum etiam  
„tanto apparatus parem, ac summum  
„eligeret Ducem expediat, nos juvenē  
„istum in quodam secessu otiosum, ac  
„desidem, animique propè situ tor-  
„pentem passuri sumus? an parum aut  
„nihil fortasse refert, præstantiorem,  
„ac meliorem armis præficere Ducem?  
„Militariæ quidem magistri alii tanti esse  
„exercitum quanti ejus Imperatorem  
„existimant, quidam spei plus in Du-  
„ce, quàm in militibus ponunt. Hu-  
„jus enim corporis militaris, quod in  
„perniciem totum, & ira atque impetu  
„est, mens mortis, rectorique Dux  
„est, corpusque rectè vel secus se mo-  
„vet, ut est ab anima afflatum, ac  
„ductum. Porro autem in optimo

Duce scientia bellica, virtus, fortu-  
na, prudentia, auctoritas requirun-  
tur. At hæc omnia conjunctim adeò  
præclare, adeò eximie eminent in  
Joanne, ut in Europæ luce, atque  
oculis Italiæ, Hispaniæ, atque Belgii  
eò usque propemodum senescentem  
Hispani nominis reviviscere gloriam  
effecerit, ut nisi heberior in suo nego-  
tio, sui que nimia fiducia tumidus,  
nemo ex Hispanis Ducibus esse possit  
qui in hisce bellicis notis, insignibus-  
que primas huic juveni non conces-  
serit. Vel de imperii militaris auctori-  
tate, cui nam verè liceat cum Joan-  
ne contendere, cum ipsi auctoritas  
honoris que fastigium, ac species è  
regii sanguinis spuma, ac rubedine  
surgat? Credo equidem huc præfer-  
tim Hispanos spectasse Reges cum  
filios illegitimos extulerunt, ut essent  
scilicet, qui fulgentes decore, ac stem-  
mate regio gloriæ fulgorem adde-  
rent armis, essetque gratia, & aucto-  
ritas tam aspero ministerio ex digni-  
tate quoque capitis accersita, inde  
enim alacritas, inde spes major emer-  
git in militem, inde pudor, obse-  
quium, & amor suavia non minùs,  
quàm foris in bello, & in pace re-  
giminis vincula, oriuntur in Ducem.  
Neque hucusque te Rex aliquando  
pœnituit, toties Joannem scenæ  
ostendisse, copis que ingentibus Prin-  
cipem designasse, cum per eas egre-  
gias animi dotes, quas regii splen-  
doris decus amplificat, fregerit il-  
le persæpè Gallos in Belgio, Cata-  
lanos attriverit, Portolongonem  
subjecerit, utramque Siciliam intesti-  
nis discordiis tumultuantem pacave-  
rit, & hunc modò juvenem animo  
erecta contueatur Hispania tanquam  
fatalem hujus belli novissimi Ducem.  
Ne tibi præterea Rex persuadeas, si  
fatum est, subigere Lusitaniam,  
eam esse tibi oppidatim subjicien-

„dam, aspera multa poterit armorum  
 „prostrernere vis, alia fama, perque  
 „ostentatas ubique vires latè diffusa  
 „clades, terròrque belli; clementia  
 „fortalsè quædam, ac Ducis inclytum  
 „nomen, ac dignitas vicerit. Cæte-  
 „rùm si Lusitanique quandoque per-  
 „fringi duries poterit, fastûsque per  
 „arma contundi, cuinam se ille mi-  
 „nori negotio dederit, quàm tanto  
 „Duci? si mollescere gentis odia, cui  
 „faciliùs quàm Regis filio, si arridere  
 „fortuna, cui probabiliùs, quàm to-  
 „ties expertæ felicitatis juveni? At  
 „enim pericula undique circumstant  
 „ex ambitionis affectu præcipiti, ex  
 „causa vergentis tux, filiique tenerrimæ  
 „ætatis, ex hominum turbulento-  
 „rum insidiis, ne fortè, quæ ipse Joan-  
 „nes arma suscepturus in hostem esset,  
 „mutato subinde consilio, in republi-  
 „cam verteret. Nimirum pericu-  
 „la sunt, quæ à longè minantur, plus-  
 „que horroris, atque formidinis à no-  
 „stræ mentis angustis, animique præ-  
 „celeri fuga quàm à re ipsa proposi-  
 „ta capiunt, alia instantia pericula, &  
 „proxima sunt. Dum ergo nos quid-  
 „quam consilio, manûve tractamus,  
 „si latius, quàm opus est intellectiõnis.  
 „alis explicitis procul hæc visa, vel ficta  
 „periculorum machina terreat, tunc  
 „propriis consiliis implicitis nobis ac  
 „perturbatis nihil agere, nihil moliri, ni-  
 „hil cogitatione, aut ratione consequi  
 „posse dabitur, plena erunt omnia  
 „scrupulorum, & retium, plena ca-  
 „liginis; uno quoque errare vestigio,  
 „atque offendere gradu necesse fue-  
 „rit. Ad hæc moralia præcepta, ar-  
 „tisque Politicæ dogmata non æqua-  
 „ratione, arque ordine singulis viris,  
 „ac locis accommodantur, alia tem-  
 „perat opportunitas, alia inflectit in  
 „alio exuperantia virtutis, aut vitii;  
 „alia minuit, alia addit, alia tollit, mo-  
 „rum diversitas, temporisque vicissitu-

do. Dux, & rerum omnium magistra  
 experientia profectò est, quam ubi  
 de obsequio, fide, meritòque Joan-  
 nis tandiù, & tot casibus compro-  
 batam habemus, nec ullum præter-  
 eà esse illi Ducem aut dignitate, aut  
 fortuna, aut rerum gestarum glo-  
 ria, aut disciplina militiæ parem, si  
 qua hoc tempore spes interluceat  
 Lusitanæ receptionis, hanc quidem  
 à Joannis duntaxat felicitate, ac  
 ministerio pendere censeo; plus-  
 que etiam in bello periculi objici  
 nobis à Lusitanis, hoc seposito juve-  
 ne, quàm ab hoc juvene Lusitanis  
 opposito.

His sententiis à Turrianæ Medinæ  
 Duce, & Comite Castrillio, quia ipsi  
 inter se studiorumque diversitate pug-  
 nabant, expositis, quànquam altera  
 spe, consilio altera niteretur, elanguit  
 tamen Castrillii sententia, quippè quæ  
 vim ipsa ducere videbatur fluida ab  
 ætate, ac valetudine Regis infirma. Est  
 enim hæc mentio Regum auribus gra-  
 vior, & odiosa valde memoria, qui  
 nimium sibi de vitæ longitudine in-  
 dulgent, cùmque immensa, atque æter-  
 na volutant animo, ferè immortales  
 credi ab hominibus volunt. Suffra-  
 gium idcirco Medinæ Ducis obtinuit,  
 ut atma, quæ in Lusitaniam compara-  
 bantur, Joanni Austriaco commenda-  
 rentur; utque administratorum ejus pe-  
 ritia, virtusque tanto digna Principe ac-  
 cederet, Gubernator armorum secun-  
 do loco Dux Sangermanensis renun-  
 ciatur; summus deinde castrorum Præ-  
 fectus Aloisius Podericus, Magister  
 equitum Didacus Cavallerus, Tor-  
 mentorum Præses Gaspar Cueva-de-  
 lecti sunt. Centurionum, ac Tribu-  
 norum militum turba ex emeritis, ac  
 longiora stipendia restantibus ducta  
 est. Omnino milites ad tredecim mil-  
 lia pedites erant, equites supra sex  
 mille, flore, ac robore meliores quàm  
 numero.

numero milites , ac veteranae plerisque militiæ , quos belli nervos Insu-bria , atque Belgium jam pace tran-quilla , atque tuta ad Hispaniam tran-smiserant. Badacocii belli hujus vetu-stæ sedis arma , commearus , copiæ , ac reliqua necessaria collecta sunt. In-de postremò satis instructus , Duce Ioanne , movet exercitus ; & Cam-pomajorem initio petere visus , sum-ma oppidanos , qui illius vestigia ob-servabant , formidine affecit : raptim ergo ducere fossas , construere agge-rem , nova alia munimenta moliri , sed averso tandem itinere copiæ , len-tiusque progredientes Origuelam rep-entè invadunt. Hanc cum infima , ac munimine debilis esset & improvisò quoque deprehensa facilè capiunt , ac statim excidunt , eodem impetu quo-que deleta quæ adjacebat oppido , ar-ce. Inde Artoncium aggrediuntur. Fre-quens hoc patet habitatoribus oppi-dum , Allegrette flumine alluitur , per-vetustæ , ac semelæ ferè compaginis eo tempore muros habebat , & arcem. Omnia præterea & murorum structu-ra , & armorum , & hominum erant parum munita præsidii , atque ita Lu-sitani imprudentia , atque incuria ne-glecta , ut illo oppido tandem capto , sitisque utilitate perspecta , peritus quidam militiæ dixerit , nec quid amife-rint Lusitani , nec quid ceperint Castel-lenses , satis utrosque adhuc habere compertum. Detrahebant enim non-nulli postea Ioanni , quod tantum ar-morum , spæque conceptæ molem , ac vim in ignobile , ac propè patens mu-nicipium exoneraffet. Verumtamen si hoc oppidum cecidisset , facilis inde Castellensibus aditus , eoque tutus ali-quando futurus receptus esset ad inte-riora cum armis ingredientibus regni : secundus , amœnus præterea , & ma-nantibus passim aquis irriguus illius agri tractus extenditur , simul arva , iis-

que interjecti saltus , ingensque in spa-tium porrectæ arboribus silvæ in ari-da illa , ac perusta solibus regione , & pecoribus pabulo , & levamento mi-litibus erant. Hoc oppido tandem per arma recepto Campomajor , & Elvus majora quidem propugnacula regni ferè interclusa jacebant. His por-rò de causis Austriacus impulsus Ar-toncium infestus adortur ob militum copiam , & robur hostis impoten-tiam cadere municipium primo impe-tu posse ratus. Statim igitur belli tor-menta , muralisque machinæ expediuntur , ignium violentia concussa , frustatim concidunt mœnia , tectet fra-gor , urget impetus , funera premunt , spatioque septem horarum omni bello apparatu nunquam cessando vehemen-ter percutitur oppidum , adeoque fer-reo instrumento , contorum ictibus , pi-lis jam cominus subruentium , jam emi-nus verberantium præliaris calor effe-rbuit , ut per mœnium tandem ruinas congestasque saxorum moles oppor-tunus jam fieret incursuris militibus aditus. Cæterum eo referta terrore , conceptisque gravida minis præ regii Ducis , & veterani exercitus robore , & gloria exercitus fama percurrerat , ut primo quoque impetu potuisset ma-joris momenti oppidum expugnare. Igitur eo tenui quanquam præsidio , eo situ loci , illa incolarum frequentia , & si diutius Lusitano militi licuisset hosti-lem vim sustinere , præsentem tamen pe-riculo territus , & majori etiam for-midine consternatus fortunas , & vi-tam integras pactus Ioanni se propere addixit. Eo ipso itaque die quo op-pugnare experat oppidum victor illud Castellensis ingressus est , cunctique oppidani ob sæva , atque vetera in im-perium Castellæ odia secum bonis rap-tim convectis ad interiorem Lusita-niam migrarunt. Ioannes Austriacus situs ibi habitum contemplatus , simul amœnita

amœnitatem, & ubertatem loci ac si progredi oportuisset, longioris itineris usum, muniri confestim arcem, & oppidum iussit, eoque ad regii propugnaculi formam largo sumptu, & opere egregio quamprimum redacto, solidoque relicto praesidio, postquam ferro, arque igni, & opulenta contracta praeda hostium propinquam regionem vastavit, Dux Badacocium copias reduxit. Post hæc acta Lusitanus seu Arroncii oppidi amissione, seu quasi dedecore stimulatus in rem temerariam intendere visus, cum sexdecim scilicet solutis equitum turmis Badacocii usque ad pontem allabi, ibique insolenter est ausus vim ipse magnam laceßere hostium, qui in promptu, in hospitibus, in numerosis stationibus aderant. Fuit Lusitanorum horum equitum Ductor Comes Scombergius è Galli Regis clientibus vir, & laude bellica insignis. Hunc cum numero tam exiguo juxta Principem urbem, & sub exercitus pene oculis vagantem, insultantemque conspicatus esset Austriacus, ira simul, ac pondere commotus statim Paceccum Legatum equitum hostibus occursum emisit. Initio admodum pauci, quod tumultuarius, ac præceptis primis eorum esset incursum Legatum secuti sunt, mox dum alius, & post alius, ac seriùs omnino miles accurrit cum jam Paceccus debili manu progressus esset, ac longè dispar cum hoste certamen consensisset, nec ideo sanguinis minùs hausisset quàm profudisset, tandem numero circumventus, ac pila transfixus occubuit. Cæteros etiam com-militones, ac Duces, qui primo se occursum cum illo temerè objecerant ejusdem consuetus iniquitas abstulit. Interim ad sociorum, qui in tantum projecti discrimen erant, subsidium Castellæ milites confluentes, à tergo, & à fronte, quia multitudine supera-

bant, in Lusitanos incurrunt, simul hastati milites circumfusi equos prote-runt, equitèsq; nec se volvere in orbem hostes, nec præliari, nec fugere patiuntur, & consueque constrictos sese Lusitani sentire, ut libertas, aut tergum, aut jugulum dandum hostibus esset; urgentibus denique Castellensibus, ac totam hostium concludentibus aciem, eorum magna pars cæsa, alia ipsaque longè minor per tumultum, & fugam elapsa est, saucii, captique multi in Castellensium potestatem venerunt. Rem tamen istam pulcherrimè gestam Legati interitus deformavit, cum Dux ille impiger esset, & tum generis, tum virtutis splendore clarus. Dum mutuò se hostes casu, aut consilio levibus hisce præliis exercent, Joannes Austriacus cum admonitus esset crebriores circa Alconcellum irruptiones agere Lusitanum, & per eos Vectonum quoque Provinciam, prædatoribus latè incur-santibus, cæde, & rapinis reddere maximè infestam, multos præterea oppidanos quod in solo Castellæ esset locus, illique per arina sub belli initium abreptus, vehementer desiderare ad Regis obsequium redire, is & finitimorum calamitate percussus, & incolarum fretus ingenio ad hoc municipium recuperandum animum advertit. Illuc itaque Didacum Cavallerum magistrum equitum majori cum parte exercitus misit. Ipse Joannes propè Alconcellum substitit hinc auctoritate, & consilio, additòque militibus animo rei susceptæ calorem ministraturus. Anx propinquum jacet hoc oppidum; arx idem regit, & integra mœnia, vallumque postea quàm enim in Lusitani ditionem concesserat, hic strenuè pro situs utilitate munierat. Segniùs in primis loci oppugnatio ex composito à capta Castellensibus est quod minùs scilicet fragor armorum, oppidique

oppidique restrictio ad maturandas illi suppetias Lusitanos sollicitaret, utque intus interea satis daretur conficiis municipibus loci prodicionem conficiendi. Laxius igitur ideo cum se Alconcelli haberet obsidio, & quasi per otium ibi terere tempus acies hostica videretur, susurrus initio quidam, inde fremus, postea scissio inter patria, affectuque diversos, dissidentisque municipales orta, quæ studia partium, fomenta tumultus, & dissimulatos hactenus animos aperiebant, aliorum ad Castellenses, aliorum ad Lusitanos rem altercando trahentium; fallaciter etiam in vulgus horum nonnulli causam praterendo iactabant; comploratam jam esse salutem oppidi; deditum se moras crudelius victoris acueret gladios, incendere iras; pacto, & concordia, ne mox cruore municipium inundet, redimendam salutem ab hostibus esse. Hac mali domestici labe quotidie magis ingravescente, simul externis comminationibus hostium perterritus oppidi Præses, meliori conditione, qua ponit cum Austriaco paciscitur. Inde quo pacto convenerat, ipse cum plerisque oppidanis, cunctisque militibus oppido cedit, frumenti armorumque magna intus relicta copia. Eò statim Joannes ingreditur, arcem, oppidumque restaurat, præsidio imposito munit. Tribus sic oppidis, interlabente vere à Castellensibus occupatis, atque ad stativa subinde traducto milite, acria deinde per æstum, & otia dissidia Italæ, Hispanisque de ordine, & loco, qui cuique eorum in exercitu debebatur, militibus incessere. Eò enim processerat aliquorum Hispanorum vanitas, atque fastus, ut Itali, qui primi, aut inter primos in periculis, in laboribus semper erant, simul Romani, atque Italici quondam Imperii augusta origine nobiles, hæredesque bellicæ disciplinæ à prima, at-

que ultima acie quod honori apud milites ducitur, à quibusdam Hispanis summoventur. His supercilium accesserat, & superbia, tumorque verborum, quo militaris iste gradus honoris Italæ negabatur, adeo, ut fessæ, exhaustæque ipsis gloriolæ militiæ fructus in contumeliam, ac dedecus verteretur. Ægrè id ac molestè, ut par erat, Duces Itali sentientes, primò verbis obstrepere, egregia sua quisque facta, ac diuturna stipendia loqui, belli decora, & adverso corpore exceptas ostendere cicatrices; æquitatem, jus, consuetudinem, præmia virtutis, aut stimulos in causæ patrocinium obtinere. Postquam id irritum fuit, cum inter illas dissensiones Austriacus multas per ambages, inanisque verborum illecebras velle subdolè videretur Italorum effugere odia, re vetò ipsa gratiæ, ac desiderio Hispanorum nihil omnino detrahère. Itali porro Duces qui ejusdem flos erant, nervusque militiæ projectis honoris insignibus omnes sese belli muneribus abdicarunt. Hæc Joannes statim per litteras Regi Catholico nunciat; res ingentibus curis in Status Consilio discutitur, iactatus enim hujusce teli eo tempore, eo loco sive æmulatione, sive odio corrupto animo intentus, rerum summam petere videbatur, cum homines usu militiæ, corporibus, numero, animisque vigentes, vel opus esset cum ignominia dimittere, vel cum stomacho retinere, aut si mos gerendus Italæ esset, Hispanos exacerbare; tandem in Senatu convenit, ut Burgundicus Italopes in acie concederetur, quo promiscuo scilicet gradu Itali cum Hispanis alternantes honorem primam interdum exercitus frontem tenerent, simul, quæ regia in exercitu cohors dicebatur, quæque superbo inter milites titulo eas sedicionum, nationumque præcipuè inflammaverat facies, continuò



continuò dissolveretur. Hoc Catholici Regis edicto, quo tempore oppressa, atque extincta militaris illa discordia reputabatur, atrocius subinde recruduit, cum percussis vehementer Italici, nedum injuria, sed fraudibus etiam, atque ludibrio per verborum ambages, fallacesque sensus circuitus peti, gratia in querelam, & odium conversa est. Nam Regis Hispanis cavillantibus verba militibus, eorumque libidini fumino etiam Duce, sensibilibusque retortis regii decreti sententiam accommodante, ferè nunquam ex voto Italorum, aut mente prolata Regis eveniebat, ut in prædidiis, in vigiliis permutandis, in militari expeditione ea ipsa haberetur cum Italicis ratio, quæ extremam, aut primam repetentibus aciem conveniebat. Ergo repente secessio, & propè vis in exercitu Italorum militum facta, Ducisque rursus abjectis militum officiis, atque insignibus fractis, vel missionem, vel in ea controversia modum cum clamore, atque strepitu postulabant. Ex Ducibus facile quidem exemplo fusa contagio pervaserat omnes nationis Italicæ milites. Itaque illis tumultuantibus, cum undique concursatio, ac discessio, & circuli passim, & hominum cætus, & turbulenta consilia commiscerentur, eò res pertinacius intenta, & palam exulcerata processit ut ipsa protinus eruptura, vel dirimenda sanguine videretur, vel contumacia, vel fuga militum Italorum. In tanta rerum confusione, ac tumultu Joannes Duces Italos convocatos asperrimis verbis increpuit, litigiosos illos inquietos, refractarios ingenio, impotentisque natura vocans, qui satis pro acie desiderata, & à Rege libenter concessa de pede Burgundico gratia, jam seditiosè ac turpiter abutentes vices barbarum redderent Regi. Tandem sibi ipsi consulerent, nec ampliùs furere pergerent, vulgi ne fortè militaris infa-

niam, ea, quæ dederint causam, supplicio capita solverent. Ad ea verò pro Italica natione ad hunc ferè modum respondit Emanuel Carafa Tribunus militum filius nothus Nuceriæ Ducis.

Falsò quidem Hispanos inter milites voce, ac strepitibus agitari, quod ex Carolo Quinto Cæsare repetita hucusque memoria primam Italici nunquam tenuerint pro certaminis loco aciem. Id enim refelli satis superque posse litterarum monumentis amplissimis, & ubi maxime legitur Marchionem quondam Piscarium Cerefolem versus ad prælium tendentem in fronte exercitus qui ex Hispanis simul, & Italicis constaretur, Italos milites collocasse. Eundem quoque gradum, & ordinis locum à Carolo Quinto Imperatore fuisse Italici attributum, cum primam expeditionem fecisset adversus Saxonium Ducem, & Lantgravium Principem Hesseum. Recentioris memorie super hæc argumento, cum Albertus Princeps Austriacus, Philippo secundo Rege adversus Gallorum copias Amienti suppetias ferret, tunc ex Hispanis, Italicisque mistis esse primam expletam aciem frontemque confectam. Hos incorruptos, & ab antiquis excitatos annalibus testes falsitatis, animique livoris coarguere eos, qui à Caroli Quinti tempore negant hucusque dignos Italos extitisse, quos hæc loci, ordinisque prærogativa inter arma condecoraret: alia etiam multa, & similia huic Italici causæ propitia succurrere exempla, & typis, & posterorum memorie tradita, nec aliunde profectò constare, qua scilicet ratione aucta deinceps sint merita Hispanis, atque Italicis imminuta, quid interjectum hoc tempus abstulerit Italicis, quid Hispanis adjunxerit; aut quid ampliùs

„ ampliùs utilitatìs sive decoris Hispani sibi deposcant ex hac inflicta Italìs  
 „ ignominia, quocirca immutato more  
 „ majorum, indefessè vigilè, æstus,  
 „ inædiæ, algoris perpeßio, & frequens  
 „ cum morte luctatio, & omninò ingratu  
 „ militiæ fructus in contumeliàm  
 „ desinat. Nimirum quia Hispani vel  
 „ titulo gentis imperatricis, vel quia in  
 „ terra eorum geritur res, seu usu abu  
 „ sive temporibus confirmato primum  
 „ militiæ ordinem cupiant, verecundè,  
 „ ac modestè decedere Italos, eisque  
 „ primas concedere: at ita velle con  
 „ temnere Italos, ut primò in acie sub  
 „ lato loco, etiàm secundò depellant,  
 „ & aliarum post alias injuriarum inci  
 „ tamento obstinatiùs certando conen  
 „ tur Hispani, absque exultatione,  
 „ absque certo, & honorifico loco vi  
 „ ros Italos casu, & gregatim more ar  
 „ mentorum concurrere ad prælium,  
 „ cuiam sub Italico genito hoc tolera  
 „ bile fore? aut cur hanc publicam con  
 „ tumeliã, hoc tantum militiæ dehone  
 „ stamentum Italico nomini, ac merito  
 „ convenire? originisne ratione? cujus  
 „ vetus, ac terrarum per orbem amplis  
 „ mum, nunc autem velut in partes dis  
 „ sectum Imperium tot varia, tot spa  
 „ tiosa, ac florida regna constituar.  
 „ An torpore, aut genere quodam  
 „ ignaviæ illis hominibus insito? cùm  
 „ ferè inermis Italia, ac subdola pa  
 „ ce luxurians quàm inclytos Regi,  
 „ ac Cæsari Duces, quàm validas le  
 „ giones, quàm impigros milites mit  
 „ tat, neminem lateat; an præsent  
 „ bus potiùs ob pœnam infamiæ, ac  
 „ jure inultam Italiæ militibus notam?  
 „ quorum plerique meliori corporis  
 „ parte defecti per laceros artus, ac  
 „ mutila membra, & variegata cica  
 „ tricibus corpora rerum in bello ge  
 „ starum gloriam magnificè osten  
 „ tant. In virum profectò bonum ob  
 „ noxio sibi honore carentem quam

dam segnitiam, & virtutis quasi falli  
 „ dium obrepere; ac præmii loco virtu  
 „ ti, ac labori redditam contumeliàm  
 „ patientiæ frænos abruptere, & quod  
 „ domi, & in otio convicio, & querelis  
 „ exagitur, hoc inter acies, & arma  
 „ cruore, atque cædibus definiri. His ar  
 „ gumentis impulsos paulò ante humi  
 „ les se per Joannem ad Regem misisse  
 „ preces pro Italici nominis dignitate,  
 „ pro jure causæ, pro merito militum  
 „ hujusmodi injuriàm, ac dedecus de  
 „ precantes, inde Regis mansisse decre  
 „ tum de pede Burgundico Italìs in ag  
 „ minibus assignato, quod læto animo  
 „ ab Italìs primùm admissum nihil ibi  
 „ subesse fraudis, ex more suo fingen  
 „ tibus cæteros, ratis, postquam fluere  
 „ & corrumpi illa falsà lætitià cœpit,  
 „ haud secus quàm antea fuerat, hæren  
 „ te in Italìs ignominia suo nempe loco  
 „ suo honore in acie permissò per ver  
 „ borum ambigua, & fallaciæ ambitus  
 „ exturbatis, cùm gravior ideo reci  
 „ deret ex nova irrisione querela, acriò  
 „ que ex inani concepto gaudio repen  
 „ tè dejecti animi dolor assurgeret, tunc  
 „ enixiùs efflagitare, ut sibi honestus,  
 „ ac certus, jam integro Regis decreto,  
 „ in acie locus præscriberetur. Huic  
 „ stabili, & firmæ mutandæ modo sen  
 „ tentiæ nec preces, nec minas, nec om  
 „ nium congestas terroris imagines  
 „ adversus Italos suffecturas. Decenter  
 „ hæc arma tractanda, vel extemplo po  
 „ nenda esse, si iusta ipsi petere videan  
 „ tur jure suo usuros, sin autem injusta,  
 „ vacuum omninò facturos Hispani  
 „ militibus locum, si nihilominus ur  
 „ geantur, sciret Austricus, eadem in  
 „ primis succisa, ac stillantia sanguine  
 „ capita, quæ mucronibus toties, & tor  
 „ mentorum globis abstulerant impen  
 „ detique quotidie qua ferro, qua flam  
 „ ma, & insidiis exitio, honestius, & gra  
 „ tius esse tandem pro patria, & honore  
 „ ipsos Duces immolatuos.

Hæc cum audisset Ioannes, quam haud parum ei ingrata Caraxæ libertas, ac spiritus foret, ex quo mox in custodiam ejusdem imperio conjectus est, Italarum tamen constantia, & factione simul, quæ majores quotidie vires, ac nervos in exercitu colligebat impulsus, se Regi spondit, suo quoque adjecto suffragio Italarum preces, & questus expositurum, idque ut promissit, celeriter præstitit. Etenim Rex à Joanne de Italarum tumultu, ac petitione consultus, ac pariter monitus quantum domestici mali in visceribus inhæreret, quid consilii decoqueretur, quam rabida, quam pestifera foret ea inter milites scissio, quæ in bello quoque segnes exacuit, hujus sententiæ decretum edidit. Regii gradientis exercitus pro certo, ratoque loco extrema Italis acies, cornus in prælio sinister assignaretur, ac in lævo ipso cornu, extrema item acie, cum laborarent, egerentque fortè subsidii, ad ea roboranda pro summi Ducis arbitrio citra cuiusque gentis injuriam, aut fraudem fas esset cuiusvis nationis milites collocare; & quanquam verborum iste contextus cavillas, & rimas interpretando querentibus torqueri quoque ac retexi facile potuisset; integrum enim supremo Duci fuisset levi quocumque accersito prætextu, vel causa in ultimam aciem Hispanos subsidii specie transferre, primumque ibi ordinem occupare; Italis tamen cum honoratus, ac stabilis locus in acie publico Regis edicto præfigeretur, pro tempore placuit Regis imperio acquiescere. Dirempto in hunc modum nationum per Regem litigio, liberius exinde Ioannes, verum cum appeteret in proximi belli conatum incubuit. Nec minoris utique studii, animisque agitatio ad eundem belli apparatus sollicitos, anxiosque Lusitanos habebat; reliquum enim Philippi concordia pacatum Im-

perium, Austriaci nominis fulgor, terrorque veteranz militiæ subsidium, ac robur in Lusitaniam planè coactum; nisi totis nervorum intentis viribus contra, summoque labore, & cura procederetur ad debellandum sufficere videbantur. Ad pecuniam igitur, qui est potior in bello nervus, pro ararii maxima inopia difficilè conquirendam licentiùs, severiùsque tributa, magnoque populi fremitu in Lusitanum regnum invecita sunt. His ita ablata, vel ex constata pecunia subsidii, clientelæ, quam Gallo cum Rege quondam obstrinxerat, quo tutiùs modo Bregantius ab instanti, minaciue armorum procella tegeret se, novo etiam vinculo strictiorem Britanni Regis societatem adjunxit; nam icto cum illo fœderi jus quoque affinitatis adjecit, Catharina Portugallia sorore desponsa Britanno. Hujusmodi nuptiæ post exploratas Austriacæ cum Gallo Rege connubium Londini sancitæ sunt; nam pro antea locanda in matrimonium sorore spes nec exigua ceperat Lusitanum contrahendi affinitatem cum Gallo Rege, novoque sibi pignore adductum Regem amicum, & socium habendi, summopere prono ad illam rem Mazarino, cum vulgari fama Bregantius suscipiendæ sobolis minimè potens reputaretur, spēsque regni Lusitani regios post fratres Catharinam attingeret; Austriacæ verò cum Gallo Rege connubio, ac per illud pollicita dote, ea tantum erant proposita Gallis, quæ iisdem Hispanis armis erepta tenebant, pax autem per nuptias cum Hispano, Galloque Regibus stabilita, si utriusque regni opes, si ingenia, si cladum jacturæ compararentur, tantum detrimentum Hispaniæ, quantum Galliarum incrementum pro ejus sententia ablatura fuisset. At Cardinalem hæc molientem, inculcantemque Regina mater abstraxit, quæ ut mulier, commu-

communisque amore familiæ magis, quam studio reipublicæ affecta, collatâ hoc nuptiis per nuptias Philippo jam bellicis studiis exhausto pacem, fratrisque filium convictus, regnique secum partem inter exteriorum inter fastidia maxime cupiebat. Quapropter excussus illa spe Lusitanus Britannico Regi sororem in matrimonium conjunxit; eademque super ingentem numerandæ pecuniæ vim Tingi etiam situm in Africa oppidum pro cumulo dotis accepit. Hæc ubi Rex Catholicus intellexit, simul Anglum classe potentem Regem suo, quod habebat in Mauritania dominio, Hispaniæque nimis hærentem metuit, tum hæresi gentem infectam, ne in propinquos effusa lues sui juris, & immunes à labe homines inquinaret, præferri acerrimus ipse cum fidei Divinæ vindex, non minus ea cura sollicita sibi quàm Numini obnoxia, & ubique partibus terfa sua regna custodiat, postquam multa secum ad hanc arcendam è latere pestem in animo volvit, intercipere municipium instituit, & pulcherrima quoque religionis adjecta causa quæ inflexibilem alias Rectoris ejus constantiam evincere forsitan potuisset. Clam itaque illi per virum idoneum in Mauritania denunciavit: Iste jam illud oppidum dotalis muneris specie à Bregantio Britanno proditum, ejusque contactu Elysæ quamprimum religionis dogmatibus imbuendum. Pergratam idcirco Numini rem, Præsidique proficuum, & gloriosam quoque futuram, si vindicaretur, aut præservatum ab impiis manibus oppidum Regi Catholico veròque Domino restitueret. Erat per id tempus ejus oppidi Præses Ludovicus Almeida, vir nobilis, animo acer, peritusque militiæ, qui, hæc cum audisset, avertens promissa, & blandimenta Regis, ita retulit internuntio. Tingitanum oppidum creditum sibi à Lu-

sitana Regina fuisse, ejusque imperio nutuque immuni cuiusque ac barbaræ nationi, cuius obsecrare lulentæque sectæ potius quàm Castellensibus traditurum. Sic viro illi libeo placuit ulcisci vanam de se perfidiæ ab hoste conceptam spem, ac pariter vetus in Castellam effundere odium, quod tum per attentatæ fidei occasione magis exarsit. Cæterum gravior deinde ipsum Almeidan sollicitudo, quam ratione rei incertum ibidem agentem populum Lusitanum afficeret, ut adversæ prævæque religionis sine tumultu, atque strepitu invisum, ac novum subiret jugum, exagitabat. Arte, aut illecebris initio fortè attentatam, sed irritam rem, asperiores effectu postea futuram, si vi rursus tentanda esset, revelatio quippè cadentis frustra secreti, ac per illam religio populo, quæ hoc volubile affigere monstrum tantummodo valet, incussa firmiores, paratiorisque ibi incolæ præstitissent, ut huic ascititæ, ac propè venundatæ servituti reluctarentur. Ergo ad insidias conversus Præses, dum Odoardus Montacurus Anglicæ classis Præfectus, cui injunctum à Rege Britannico fuerat Tingitanam possessionem suo nomine accipere, jactis ancoris, juxta litus confederat tum ipse oppidanos mistos militibus misit Maurorum agmina persecutum, quæ fortè populabunda agros finitimos excurrebant. Vocat interim Anglum, & milite, & incolæ ferè vacuum in oppidum introducit, deinde arcem, & moenia magno illi præsidio firmanda tradit. Redeunt mox à certamine Lusitani læti, cruentique sanguine hostium, quique foris Mauros ceciderant, intus repente quasi ab hoste occupatas domesticas sedes inveniunt. Inde clamor, ac frenitus hominum ortus, consularque ploribus voces mirantium, quærentiumque victi ne ipsi? an illusi? an ita proditi essent? se

modò tanquam mori pro patria, aut configere nescientes, hanc priùs sibi ereptam, quàm oppugnatam aspicere, exuviasque portantibus hostium cum his ad exilium, aut servitutem approperandum esse. Hunc tumultum, animorumque jactationem ut sedaret Almeida, eorum primoribus accersitis, Aloisix Gusmanx Bregantiæ matris, quas adhuc suppresserat, recitat litteras cum mandatis, illud videlicet municipium ad dotis accessionem quàm Anglo ipsa Regi promiserat, dedi. At fraude primò petitis, post armis obsessis nihil reliquum municipibus fuit, quàm manifesta indignatio, & querelarum acerbarum effusio, aut transmigrandum scilicet sibi, aut hæreticis serviendum. Ita oppidum Tingi in Angli ditionem concessit.

Rebus ad Castellam intereà pro belli expeditione compositis cum Badacocio propè diem esset Joannes cum exercitu profecturus, quidam eundem Lusitanus cœnobita convenit. Is palam antea transitus causam esse vulgaverat, velle ejusdem nempè cœnobio quosdam per hostes ablatos armentorum repetere greges. Esse sacras Deoque dicatas res ex jure Divino armorum, & hostium furoris immunes; secus profectò fore, ut illa cruore, ac strage repensâ à sacrilegis Numen exigeret. Hæc falsò jactanti fir aditus ad Austriacum, cui remotis subinde, arbitris declaravit. Velle Aloisiam Gusmanam, si percommode licuisset, ut tanto sanguini Hispano, tantis cladibus parceretur, in aliquo invicem convenire, pacisque honestas, & æquas condiciones componi posse. Quatuor intereà mensium induciæ interposita fide constarent. Audit hæc verba Joannes simul ridentis, simul mirantis in speciem, protinùque cognovit ancipiti fraude paratum ad se cœnobitam venisse, vel ut ho-

stium res exploraret, vel ut ficta spe pacis iter, infestique exercitus minas averteret, cum alioquin absurdum penitus videretur, instructis, atque alacribus copiis multa spe, multò ardore ad pericula concitatis induciarum, aut pacis eo tempore verbis obstrepere. Respondit igitur cœnobita: se pacem, quàm bellum malle, modò ne pax Regi damnosa, ne turpis sit. Ante omnia igitur, ad eam accipiendam, quàm Lusitanus obtulerat, pacem idque tum detrimenti quòd à belli vacatione, tantique exercitus magno labore, sumptuque parati intempestivo orio, atque intercepta propemodum spe relapsurum in Regem esset, resarciendum, tanquam suspensi cum inæquali partium discrimine belli, ac syncerè propositæ pacis Elvum, Jurumeniam, & Campomajorem sibi obsides dari à Lusitano petebar. Ad ea verò nihil hujusmodi sibi à Lusitana Regina commissum cœnobita respondit, nec adeò collapsas res Lusitanas esse, ut salus ipsis per tam caeca, atque abrupta desperatione consilia petenda foret. Nilominus erat animus cum hoc responso ad Lusitanam Gubernatricem reverti, ac si ita annuisset Austriacus, ad eum paulò post cum his auditis, & aliis acceptis ab illa mandatis se regressurum fuisse. Temerarium Austriaci responsum, & velut joco, & industria illius postulato simile redditum, cum adhuc cœnobita simplicitatem, aut doli stultitiam non correxisset, durius idcirco cœnobitam cōpellans, minimè, inquit Joannes, imò ad cœnobium rediret, & sacra repperet. Cum hoc derisorio, asperoque responso cum Lusitanus dimissus esset, à Badacocio subinde Castellæ movit exercitus: tredecim ferè millia numero pedites erant, equites ad quinque millia, sed virtus, verusque militum disciplina longè numerum superabat. Sic suis incedens condensatis ordinibus acies, terrorisque cursim ostentans inter Campomajore,

& Elvum utrique munito maximè loco minitabunda processit. Paulò ante protectionem inconcussa Joanni, & cum primariis priùs etiam excussa sententia Ducibus steterat, ire primùm contra Estremotium, ut prævolidum municipium, loco opportuno situm, & quod viam Uliisipponi tenendæ sterneret, & præclara multa, atque in primis munita præcluderet oppida. Id tamen certi, secretisque apud Duces consilii seu temerè proditum, seu hostis suspicione fortasè præreptum movit Comitem Cantagnedæ Lusitani exercitus Ducem, cum omnibus copiis in oppido inclusis se opponere hosti, quarum lacertis, ac viribus cum satis firmus jam staret locus, nimis cruenta, aut diuturna, aut potius inanis futura Castellensibus quidem fuisset ejusdem oppidi aggressio. Idipsum Joannes intelligebat, cumque adoriri Estremotium, quod res difficilis esset, omittit, mutato consilio, versoque in camporum latitudinem impetu prædabundus cum exercitu pervagari, undique auferre, trahere, subvertere omnia, quæ in transitu essent, nec interdiù, nec noctu à villarum incendiis, à pagorum ruinis, agrorumque vastitate cessare; si tot fortè cladibus irritatum è sepris murorum abducere posset hostem. Hæc Comes Scombergius intuitus, qui supremus apud Lusitanos castrorum præfectus erat, Cantagnedæ Comitem monuit, ne strenuas illas, atque integras copias in quibus regni eo tempore opes, spes, atque fides omninò constarent, unius constrictas oppidi muris otio torpere, metùque sineret, quando alacer hostis camporum spatiis vastator assultans, vitiòque suo magis, hostisque perspecto metu, quàm viribus turgidus, ut calamitas quædam impunè cuncta pervadere spectaretur, hoc enim nisi suas ipse

Dux vel ad ostentationem copias celeriter explicaret, ignavia militibus notam, formidinem cæteris Lusitanis, audaciam, & spem ad alia intentanda ampliorem hostibus allaturum, Opinione sinè procedere bella, atque inter pares, & impares opes ludibundum plerumque fortunam ludere; certum hoc præsens Lusitanis inflictum, nec porrò inodicum detrimentum videri ex timoris opinione collecta, quid deinde, si copias educeret, fortuna statueret, in incerto judicii, exitusque versari. Perculit hoc Lusitanum egregii monitum Ducis, cumque ipse in dubio paulisper fuisset, teneret-ne in summo discrimine pendens magni momenti oppidum, an foras egressus pugna se instructum ostenderet hosti, postquam hinc, & inde, ut fieri plerumque in rebus aspernatis solet, varæ difficultates observabantur, egredi ab oppido tandem constituit, ejusque proximè latus locare castra, ita commodum esse ratus, nec relinquere municipium nec ab hostibus frontem avertere. Hoc quidem consilio ab Estremotio digressio Duce, castrisque propè locatis, satisque munitis; ubi videt Austriacus jam Estremotii ut fortiùs ab hoste muniti, propugnatique arduam vel irritam sibi oppugnationem futuram, simul præstitis passim populationibus fessus viam inde flexit, atque aliam arripere simulavit, quæ Uliisipponem rectà conducat; rumorque percrebuit ad urbem Principem oppugnandam vim omnem belli conversam esse. Porrò tum festis, inconditisque clamoribus, plausibusque ut inanis, ac summè levis ingenio vulgus militum est, ea Uliisipponem euntium excepta vox est, quasi jam peterent belli caput, ac digna laboribus, honoribusque merces hinc avaritiæ hinc gloriæ stimulis incitatis proponeretur. Nec curæ, ac metoris profectò minùs

Comiti Catagnede, ad quem allapsa vox est, aut minùs Uliſſipponi ſollicitudinis, conſuſionisſque, quæ præmonita à Comite fuerat, eò ſtatim allata, falſoque res credita incuſſit his, quorum maximè intererat, & quorum ante oculos clariùs periculum verſabatur, meliùs intelligentibus, quemadmodum debellari facillimè potuiſſent. Cæterùm hac prudenter belli gerendi via aut non planè intellecta, aut per invidiam omiſſa, aut immobili quadam fati lege interrupta, tot annis, tot belli petita conatibus, ſumptibùſque ad ultimum integra res Luſitana ſtetit.

At exercitus Caſtellenſis, qui alia, & longè diverſa mente Ducis agitabatur, occurrentium pagorum excidio, & repetita agrorum combuſtione, ac ſegetum corruptela cum ingenti prædæ cumulo tandem ad fontem pervenit, qui Zappateros vulgariter dicitur, ibique caſtra conſtituit. Amœnus erat, aſiſque paſſim fluentibus locus, atque in ea ſiccitate torridæ circum, ac vaſtiſſimæ regionis faciliſ, & gratior erat aquandi militibus copia. Cùm hic moraretur exercitus miſit Joannes Didacum Cavallærum majori cum parte equitatus, legiones præterea binas, aliam Italiam, cui Emanuel Carafa, Hiſpaniam aliã, cui Joannes Zunica præerat ad Villabuim propinquum oppidũ oppugnandum. Haud ſatis validum erat oppidum, at opulentum agtorũque propè cultura, ac pecorum ſcætibz valdè pingue, propugnaculum etiam ſpeciem arcis ſitu, & altitudine præferens oppidum muniebat. Quorum omnium cuſtodia Centurioni genere Gallo à Luſitano impoſita fuerat. Huc porrò Caſtellæ cum tormentis bellicis miles appuſſus vix primi conatus terrorem objecerat hoſti, cùm ſubitò Gallus, vel quia res ad ſe parum, ut alienigenam pertineret,

ſive errore, ſive inopia conſilii præ nimia formidine captus dedere clam municipium Cavallero pollicitus eſt, modò ipſi Gallo, quo Luſitanum illuderet per horæ intervallum permitteretur tormentis, ſclopisſque ſine globis excuſſis ad fidei, animique jaſtantiam innoxios per ictus obſtrepere; ſecus enim hoc in ſegnitiem aut fraudem fortaiſè Luſitanus immeritò relaturus, aut pœnas à Gallo exacturus fuiſſet, quod feſtinata deditione fidem, & oppidum prodidiſſet; ea arte, illo fuco viro etiam frugi opus eſſe inter externos, eoque nomine inviſo onerantes ſuſpicionem homines agitant. Facile rem impetravit, deinde ut ſecreto pacto convenerat, tradito municipio, cùm militibus Gallus, & oppidanis exceſſit. Ea ne tam citò deditiſ fieret, nève incruentus eo potiretur oppido hoſtis, cùm alii vel ſibi ſiſi, aut diſſiſi muſſarent, aut vellicarent, aut rem taciti præterirent, pervaciùs tunc unus obſtiterat Parochus oppidi Luſitanus, vi tamen, qui ſubitò irruerant hoſtium, & ſuorum etiam impetu ejeſtus, ac pulſus, poſtquam oppido abſceſſit, Joannem intrepidus adit, eumque Ducibus circumfuſum magna inter arma voce, animoque compellat; Galli hominis dolo, aut ignavia, planè inſontibus Luſitanis, externique ſeu inertia, ſeu ſcelere obſtriſtis, ac proditiſ illud tam citò eſſe oppidum interverſum; indignus enim ille exercitus erat, cui ſuccumberet Villabuim. Joannes ludo rem vertens gentisſque tumorem per Caſtellenſium diſſeria, ſalésque vulgatum jocose repungens Parochum miſſum incolumem fecit, juiſſitque conſeſtim arcem, & oppidum funditus dirui, quò altiorem ex cladibus fuſum metum imprimeret Luſitanis. Caſtris paulò poſt motis, populabundus effunditur miles, quaque iter in hoſtico facit, ſorda ibi paſſim ruinarum, ac cædium veſtigia

stigia relinquit, cūque adhuc lateret Ducis consilium, cunctōsque suspensos haberet illius itineris expectatio, Villavitiōsam versus iter instituit. Media via Lusitanus tabellarius ad Iurumeniæ, Elvíque Gubernatores à Cantagnedæ Comite missus offendit. Tum verò deprehensæ, ac recitatæ litteræ hujusmodi monita, & jussu, quæ illis hominibus mandabantur, aperuere. Impavidè agerent, nec metu aut illecebra hostis de fide, & constantia quidquam remitterent, si fortè Ioannes, ut injecta suspicio erat Iurumeniam, vel Elvum aggrediretur. Ducem ipsum Lusitanum certaminis avidum cum octo peditum, & quatuor equitum millibus circa Estremotium consistere ampliora quotidie expectantem, quæ Uliisipponē ventura erant, equitum, peditumque subsidia, quibus celeriter auctus configere statim cum hoste decreverat. Hoc interceptarum epistolarum exemplar erat. Duplici tamen astu, & fallacia eas esse contextas litteras censuit Austriacus, quæ scilicet redditæ inani concepta spe sociorum animos dilatarent, exceptæ fortassè contraherent formidine hostium. Proinde vocato ad se tabellario, Cruciatu, inquit Ioannes, & mortem, quæ tanquam perfidiæ minister, rebelliumque emissarius meritis esse videris, hac lege tibi remitto. Abi, tuoque Duci renuncia, quia adeò superbè mecum, ac minaciter agens expetere prælium ostendit, quamprimum sui voti compotem factum iri. Itaque retrocedit, hostemque propè Estremotium Ioannes assecuturus, quod jam consecerat iter repetere pergit, incerta spe quidem cum illo congregiendi, sed, ut planè patet, fuitiles, inanēsque profunderē minas, qui & provocatus ab hoste certamen abnueret. Quod si fortassè tunc Lusitanus conferre signa non reuissset, superiorem se prælio fore faci-

lius existimabat his obvium, qui tunc impares vires quàm qui postea majores, aut æquas per auxiliorum accessionem, ut epistola promittebat, collaturi fuissent. Ioannes igitur Alexandro Carreta equitum Commissario cum prima atque expedita acie procedere jussu, ipse cum reliquis copiis, & militiæ impedimentis implicitis ad Estremotium lentè pergebat. Tandem Alexander cui tum cum Austriaci custodibus corporis Melchiorrus quoque Portocarrerus accesserat, longè progressus multis occurrit turmis equitum Lusitanis, qui castra reliquerant, & tanquam ad rerum procludere summam vellent, velitantium more compositi erant. Varia ibi, atque instabilis primò conseritur pugna, dum urget Carrera numero militum fretus, numeroque ex adverso diffusus cautiùs, quàm acriùs pugnando volvitur Lusitanus, hic namque jam velox accedit, jam recedit, in fronte se modò ostendit, modò in latera jactat, aut tortuoso quodam rapitur orbe, illinc nervis, & militum numero, hinc concursatione, assultusque dexteritate certamen æquante. Post ubi variè incumbentem hostem, flexibusque incivitu oppositam sibi vim eludentem cum equitibus circumvectus concludere nititur Alexander, & plurimi loco summoti, sparsique alii gladiis, alii brevi fistula excepti ceciderant; eques denique Lusitanus omninò fusus, fugatusque suoque sanguine madefactus ad castrorum se munimenta recepit. Sub hæc Austriacus advenit, copiisque statim conjunctis, explicatisque ab edito loco circumspicere cepit, & munimenta hostium, & militum robur, ac disciplinam, si fortè res hostium aut ita neglectæ jacerent, aut ita enerves, ac debiles essent, ut trahere etiam invictum è castris ad pugnam, aut intet castrorum munimenta latentem Lusita-



num invadere potuisset. Caterum castra hostium situ, atque opere ferè invincibili prominebant, hinc oppidi muris, quibus contigua erant, novo hinc erecto propugnaculo tecta, amplissimis etiam erant, & aggere, & fossa, & aliis operibus circumvallata, simul loci ejus accessus natura difficilis, asper, & comiteatus abundè, & arma, & militarium omnium instrumentorum commenta ex oppido ad castra comportabantur. Aspicit hæc Austriacus, & nisi avertere ipsum à prælio hostium numerus, atque virtus, terrere saltem ut Ducem prudentem debebant vel ardua perspecta munimenta castrorum. At nihil profectò acrius, quàm fortè exploratus in adversario metus eundem oppugnat; plurima enim ad offendendum nondum ab æmulo excogitata, vel cautione priùs, vel formidine prætermissa, is qui metuere adversario videtur, in se omnia revolvit, & quodam impetu acuit. Idcirco & si antèa Ioannes ad municipia expugnanda, aggerandasque prædas intentus totaque acie decernere vitans ad speciem terroris potiùs illam infestam circumferebat, nunc ubi trepidum hostem, parte equitatus, qua paulò ante concurrerat, victum; loco præterea, animoque contractum, septisque castrorum se sustentantem videt mutato repente consilio concurrere, ex propinquo instigare, ferociùs audendo tentare æquum ad locum, si posset hostem pro pugna subducere, sin minùs ille sæpissimè lacescit, nec castrorum deferere ambitum ausus palam de animo Castellenfis videretur, ac laude bellica concessurus. Eo quoque consilio, imperioque Joannis, quatuor majora tormenta belli opportuna disposita loco cum frequentiùs disploderentur, quanquam agger, aliæque raptem pro castris munimina adjecta resisterent, horrore non parum, detri-

mentique; claustris tamen hærentibus attulere militibus, ibi se circumfessos, inclusos, usuique armorum prorsus inutiles dum insultaret, & clades ageret hostis ægrè, & acerbè querentibus: at intra septa propè jam lanienæ pecudum more conscissis, patientia tamen & mora adhuc dolentibus suppetebat. Lusitani denique mente à conflictus periculis aliena, plùsque objectu subnixæ castrorum, quàm armorum, & corporum explorata, tunc Austriacus Duces consuluit, utrum arma jam expediret munitis adeò castris inferre, an à suis à munimentis per vim impetumque Lusitanum extractum cogere ad pugnam, cum abjecto per metum animo, & multiformiter irritatum ipsum omninò refugere prælium liqueret, eadèmq; de causa animo magis elatus, & alacer Castellenfis ferociter pugnam reposceret. Dissimilia ut ferè cuncta mortalium ingenia, ita propè consilia sunt, nec adeò ingrata, aut in speciem deformis ipsa temeritas est, ut suis interdum sectatoribus careat. Cum igitur ea prævaleret in Ordine Ducum sententia, quia ad eam inclinare videretur Austriacus, quæ tunc Lusitana oppugnanda esse castra ferebat, expungere tamen illam unius Sangermanensis ratio, & auctoritas potuit. Is enim diserte, latèque disseruit, Quàm nimis hoc arduum, quàm præceps omninò consilium jure militiæ censendum esset succincti castris, vallòque protectum invadere in hostem; ibi enim cum propugnaculis modò esset, modò cum hostibus decertandum, resque duræ, & iniquæ inter vallatos, ac tegimine nudos ictibus porrectos agitaretur. Plenioris præterea, impatienterque restricti percitque fortasse tum salutis, tum gloriæ stimulis hostis, cum vis, & robur intimè valeat, quæ subitæ irruptiones, qui fortiores interdum è castris

„castris conatus per milites fierent,  
 „tāquam pressæ, angustoque tandem  
 „ex loco evadentis cum impetu flam-  
 „mæ ineluctabiles propè fore. Ea Lu-  
 „sitana castra præsertim tanta indu-  
 „stria, ac labore, tam sublimi videri  
 „munita loco ut ipsa temerè aggre-  
 „dientibus horrorem non minùs quàm  
 „pericula duplicarent, errorisque mer-  
 „cedem amplam, si in facinus insti-  
 „tissent, cruore militibus persolven-  
 „dum promitterent. Sed fac ita non  
 „esse, ut castra munita, ac solidata  
 „sunt, parere utcumque suffugium  
 „aut longiori pressis obsidio, aut ca-  
 „stris ejectis, ac propè jam victis ho-  
 „stibus Estremotium, quò fortè tran-  
 „siti, atque ibidem sua sponte inclu-  
 „si cum alimentis, armis, ac milite  
 „affluerent, quidni facillimè potuis-  
 „sent aut sedendo consumere, aut per  
 „levia exercita prælia has florentes suc-  
 „cidere copias? Cæterùm nec inglo-  
 „rium, nec irritum quoque fore re-  
 „gressum exercitus Castellensis, si uti-  
 „le regredi videretur, cùm insuper  
 „palam timoris confessionem ab ho-  
 „ste ob sapiùs oblatum, recusatum-  
 „que confictum extorserit, tum etiam  
 „impunè per hosticum volitans, &  
 „obvia omnia volvens, & cladibus  
 „miscens ferro, flammisque latè cor-  
 „rumpere. Veteris Ducis approbata  
 „sententia, inde statim exercitus mo-  
 „vens oppidum Morbam per iter inva-  
 „sit. Erat tunc Morba vetustis, fluxis-  
 „que mœnibus cincta; atque in effusa  
 „fertilique planitie posita, firmior ei  
 „arx, præferocis ingenii Præses, con-  
 „suetoque præsidio militum plerique  
 „oppidanorum accefferant conferendis  
 „manibus habiles, avidique ac tum  
 „fortè aciores per fallacia promissa in-  
 „diderat illis ad dimicandum aculeos  
 „Rodericus Acugna ejus oppidi, arcis-  
 „que Præses, qui sive salutis ipse con-  
 „temptor, sive stolidè ferox, pericul-

ve impendentis ignarus, cùm ibi con-  
 silio esset, atque opibus destitutus, ex-  
 cipere in se valentis exercitus impetum,  
 & vim usque ad ultimam sustinere de-  
 creverat. Ea summa Præsidis vanitate  
 Austriaco nondum comperta per tubi-  
 cinem illi denunciatur, omnia quæ in  
 oppido essent seseque statim ejus arbi-  
 trio dederet, ne secus ipse vim oppido  
 eversus omnique spe miserationis ex-  
 clusus serò desiceret, quod peccavisset.  
 Acugna ex adverso non rejicere mo-  
 dò tubicinem, sed etiam incesse  
 contumeliis, onerare conviciis, pos-  
 tremò sclopis contra jus belli dispo-  
 sis conjicere in fugam, suis jam la-  
 bantibus, ac propè perditis rebus ina-  
 nem ferociam, ac petulantiam jacta-  
 re. Hæc cùm Joanni relata essent, is  
 simul hominis levitate, simul injuriis  
 accensus confertas statim, ac rapidas  
 omnes irruere jubet in oppidum co-  
 pias, nec vehementi ab ea impressio-  
 ne cessare, donec Borbam excisam vi-  
 derint. Primo impetu, eoque maxi-  
 mè valido captum oppidum est, mu-  
 tua, ingentique omnium militum strage,  
 cùm utrique nudatis obviis ictibus  
 membris pugnantes, propugnantesque  
 plùsque alieni appetentes, quàm sui  
 sanguinis providi cæco velut impetu  
 ruerent. Oppidi Præses postquam  
 omnia exde constrata, ac prorsus af-  
 flicta vidit, cum paucis militibus ad  
 arcis tutelam confugit. Eò statim ducit  
 Joannes humentem sanguine mili-  
 tem, circum obsidet locum, tormen-  
 tarios suggestus instruit, armis obse-  
 sos, & minarum terrore, famisque in-  
 cussa formidine premit. Jamque rui-  
 nx, labesque caperant per excussa tor-  
 menta spargi, findique pulsibus mœ-  
 nia, atque extrema perniciēs, & re-  
 rum omnium interitus pertinacibus  
 minitari, cùm consternatus tandem  
 Acugna, seriùsque ad concordiz con-  
 silia versùs alba vexilla pacis indicia

in

in arcis culmine figit; simul homines inde mittit, qui de vita, & fortunis, quæ integra tantum perebat, cum Joanne pacifcerentur. Veniunt homines ad Joannem ejusque genibus provoluti cum squalore, atque luctu nisi honestæ, nec verecundæ, vel salutaris conditiones pacis implorant. Joannes illorum se vocibus lachrimisque inexorabilem præbens, nihil propterea vis ipse remittit, nihil concepat iracundiæ; seras eas pactiones, intempestivas, ac frivolas vocat; omnia planè suo arbitrio dedi cætera fletibus surdus, animoque obstinatus efflagitat. Ur videt igitur Lusitanus aut relinquendam sibi eodem prælii tenore vitam, aut hostis libidini permittendam, & nullam in primo consilio esse sibi salutis spem, per exiguam in alio saltem, vel ancipitem fore, sicut Austriaco placuerat, deditioem facit. Proinde captivi omnes, qui in arce fuerant dediti milites tracti; prorsus incensum, ac dirutum oppidum, præda militibus distributa; Rodericus Acugna duoque simul Centuriones, quia belli jura violaverant oborto collo necati sunt.

His profunctoriè à Castellensi exercitu gestis, priusquam iret ad Jurumeniam, quàm omisso Estremotio petere tacitè Dux in animo habebat, obscura ac nubila nocte dum ille præruptum, ac selesbrosam Jurumeniam versus ingreditur iter, novus repente fertur de cælo conspectus fulgor, qui via aspera fessis, transitibusque implicatis prælucebat clarè militibus, pergentesque mutuo discernere se, nec vestigia in lubrico fallere concedebat. Bene, ac feliciter illud à Castellensibus omen acceptum, cum luculentum ostenderet militibus iter, ac species illa, nitorque luminis ornamento, ac solatio quoque futura de via languentibus viderentur, nec porro expectationi præfagium, nec ejus interpretibus fides de-

fuit. Igitur prima luce Joannes cum paucis equitibus prætervectus postquam Jurumeniæ situm oculis perlustravit, obsidionemque mente descripsit, extemplò ejus aditus occupavit, jacique per ambitum aggerem jussit. Porro autem eò usque Joannes ad contemplandum locum provectus est, ut cognito ab illis, qui super oppidum excubabant, pilisque majoribus sæpè petito, jactus illarum nonnullos qui eidem Austriaco vix ac periculi comites hæserant, equites straverint. Jurumenia vetus, ac celebris Celticæ gentis colona in supercilio montis erecta jacet. Ex parte Orientis Anæ marginem habet, ab Occidente frequentes, amarnos, ac passim vestitos arboribus colles; hortos præterea, & multa vineta, saltusque nutrit, quæ latè diffusus, ac fistulis tortus ex propinquo flumine fovet humor: celsò ipsa eminens, & fragosò, atque abscissò posita situ, sinuosa tamen aditur semita, ægrè propterea obsidionis accessibus patens. Assidet etiam oppido veteris, elegantisque opificii septem, ac decem divisa turribus arx, eaque maxima est, altiorique sublata fastigio. Hoc municipium fatali temporis clade decussum, suarumque duntaxat ruinarum memoria nobile restauraverat quondam Rex Lusitanicæ Dionysius, post ubi Lusitania à Catholico Rege descivit, ac deinde Olivença Jurumeniæ propinqua per eundem Regem armis recepta est; hanc ut alteram alteri oppositam, ac similiter metuendam enixius munire Lusitanus intendit. Quinque igitur illi vastæ amplitudinis propugnacula statuit, simul fossam, vallum, semilunaria munimina, aliasque fortioris tutelæ machinas jam adhiberi recenti more militiæ solitas. Cæterum, quæ causâ impulerat Lusitanos ad Jurumeniam impensius permuniendam, ea etiam illexerat Castellenses,

lenſes, ut in ejuſdem oppidi excidium omnes ingenii, ac virium impetus applicarent, periculofa videlicet, ac ſufpecta propinquitas Olivençæ, & quod Iurymenia, ſi cecidiſſet, ut munita, ut conſtructa ſatis hauſtos per ſe labores, ac pericula pependiſſet, & quod ipſa recepta Olivençam affirmaviſſet. Iurumeniæ tuendæ per id temporis præſidebat Emanuël Lovatus Pintus Luſitanus, cujus præſidio tria circiter millia militum præſto erant, ſimul affatim commeatus, bellicæ munitionis, & pulveris, multa præterea ignea, atque ferrea artiſciorum machinamenta tam ad vim repellendam, quàm inferendam ex veteri, ac nova belli officina tranſilata. Huc enim illam quæ tandiù rantôque pavore occupaverat animos, tempeſtatem armorum primo quoque tempore devolvendam conjecturis, quæ ex arte bellica manant innixus intellexerat Luſitanus. Ut Ioannes igitur juſſerat, viæ obſidionales celeriter duci, vallumque diſtendi captum, ſimul & locis, operibûſque militibus diſtributis illud evenit Hiſpanis, idque aſperius tractatu erat, quod ad Ornaverchem, ſic militari vocabulo dicitur, perducebat; Italis contra Stellam, adverſus majus oppidi propugnaculum fixus Germanis eſt locus. Omnia in propatulo erant; eoque tendebat ſummi Ducis conſilium, ut diſtinctis ita muneribus, nationibus, locis mutuus allaborantium, & pro gloria inter ſe cõpetentium aſpectus tanquam in aliquo belli Theatro contentionis, laudisquæ propoſito præmio ad clariora virtutis exempla æmulas nationes arrigeret. Ita porro per idem tempus & Iurumeniam verſus appropinquationes operum, & juxta latitudinem campi aggerem milites protrahabant, qui in falcis figuram curvatus ad Anam amnem ex utroque latere deſinebat, ſecundo ſcilicet fluminis curſu, alveí-

que altitudine reliquam oppidi partem aptiſſimè protegente. Vacabat oppugnationis, valliſque operibus conſtruendis Nicolaus Langrius genere Gallus belli machinator inſignis, qui diutiùs à Luſitanis mercede conductus, cum homo externus, lucrôque deditus ditiora ſibi apud Caſtellenſes ſtendia promitteret, quàm adhuc à Luſitanis acceperat, ad illos tandem tranſivit. Inter hæc animo anxius volutabat Auſtriacus, ne ſubſidiariis fortè collectis celeriter copis exercitus Luſitanus eo tempore ſuperveniret, quonondum munimentis obſidionalibus ſtabilitis ſparſos in hoſtico milites, ſuiſque operis ac ſarcinis implicatos à tergo, & à fronte per miſtos etiam oppidi milites circuiret, ac numero obrueret. Sollicitiùs itaque Dux providebat, ut propugnacula, ſtativa militum, ſepes obſidionales, & quæ juſtæ, arctioriſque opus eſſent obſidioni quàm citiſſimè abſolverentur; & auxit quidem alacritatem in eo opere deſudantium, ac vires, diverſas inter militum nationes tunc ſtudioſius æmulationis certamen accenſum, dum alia alii clamore, ſibilo, manibus nitebatur laboris, plauſuſque primas eripere, ipſo inſpectante, vaniſque illecebris eos inſtigante, adhortantēque Joanne. Super hæc ad conſuetum militibus cibum alia ipſe addi juſſerat eſculenta, quæ frequētiùs, quàm decet, ſegnioreſ, ac fluidos, interdum, & raro per occaſionem porrecta robustos promptioriſque milites faciunt. Hac Ducis ſollicitudine, animique ſolertia mirabiliter actum eſt, ut perquam ingens moles obſidionis ſummo artiſcicio, ac magnitudine elaborata intra dies paucos ad umbilicum perduceretur. Inter hæc ad evitanda miſſilia hoſtium, quæ pro tempore depluebant, ſinuato, conrectoque itinere miles oppido appropinquabat; hoſtis verò ſuis munimentis incluſus

inclusus belli tormentis, aliisque mortiferis moliminibus utebatur, quæ à longè necare, aut coercere, aut lassare poterant illos qui sensim ad oppidum accedebant, nec qui oppidum defendebant, incautè discrimini obicere, ad hoc præsertim Pinto Lovato ab initio defensionis intento, ut ni secus res cogeret, suorum periculo, ac cædibus parceretur; extremique certaminis alex, quod venturæ, ut sperabat, suppetiæ ad rerum summam collaturæ fuissent, præsidarius miles reservaretur. Dum hæc utrinque agebantur; florus quidam Gallus Centurio, qui diù Jurumeniæ versatus egregiam, ac fidam hucusque Lusitanis præstiterat operam, cum trepidas intus res, perturbata consilia, & vacantes præcipuè crumenas inspiceret, Præsidemque inertem, ac timidum magis quam ut in belli fluctibus opus esset, constantem, ac providum, fide repente mutata transitionem ad Castellenses fecit, se, seque & quos secum traxerat socios servitio Regis addixit. Is igitur cum primò ad Austriacum perductus esset, hostium illi confusionem, debilitatas undique res, obsessorumque formidinem declaravit, ac si protraheretur obsidio, capti constantiæ victoriam non defuturam; se autem externus cum esset, nec ulli Principi Hispano clientelæ vinculo adstrictus, & omnia citra se ruere, ac flagrare in municipio cerneret, præmia, ac decora sequi victoris, quam victi fortunam malle. Odisse quasi infelices videri Numen, & fide, quæ inter aspera, & dubia quoque inconcussa persistare debet suo se jure solutum esse. Is more eorum, qui fidem mutant, veris aliquid affingebat, ut rationem, & causam transitus turpitudini obtenderet. Verumtamen clariùs hoc ipsum inrelligens Dux exercitus Lusitani, quominus consilii, sive animi inopia,

quando jam vires sufficiebant, Jurumenia prolaberetur, confestim ad oppidum misit Emanuellem Sequeriam egregium, ac veterem Ducem, qui simul cum Pinto jure, ac labore defensionis penè confociato alter alterius studio, & consilio ferè in omnibus uteretur, isque rate per Anam cum aliis milidibus vectus noctu Jurumeniam intravit. Cum illuxisset remeantium clam hominum circa fluminis ripam relicta fortè vestigia à Castellensibus deprehenduntur. Vigilia igitur inrenduntur, quas diligentius ac multipliciùs appositas haud alia subinde fefellit rates, quæ hostium excubias, insidiâque declinans intempesta quoque nocte trajicere laborabat. Vehabatur in hac, quæ in custodias impegetat, rate Laurentius Sousa ejus legionis Tribunus, quæ tum præsidio oppidi renebatur, simul Germanus quidam à belli machinamentis Chiliaris Labellius, qui Catholici Regis stipendia meruerat quondam in Belgio, Emanuel Lopezius ejusdem legionis Instructor, aliique vulgaris notæ qui cum rate descenderent in vigiles milites inciderunt, caprivique ad Joannem abducti sunt. Cæterum quo vitabundos illos homines caperent, dum impliciti, occupatique tumultum, ac voces miscebant milites, seseque impulsibus collidebant, elapsi repente nautæ per fugam in oppidum evaserunt. Litteras ibi nautæ, quas Cantagnedæ Comes conscripserat Pinto Lovato reddunt, insidiosas, jaçantiz plenas, incrementemque ad incolarum militumque formidinem temperandam fallaciter scriptas. Etenim Dux referebat: Esse in armis eo tempore sibi expedita viginti peditum millia, equitum quinque millia, im- pigros Duces, alacres milites, con- spirantem undique Lusitaniam, & omnia abundè contribuentem, quæ usui

„ufui bello futura erant, vixque fa-  
 „tis opis in ipfo eſſe ad concitatem,  
 „ardentemque tenendam aciem, quæ  
 „prælium accerrimè flagitabat. Quam-  
 „primùm itaque auxiliis ſe oppido in-  
 „gentibus aſſuturum, dum cumula-  
 „tiùs neceſſaria tot copiis alimenta  
 „collegerit. More hominum fidei mi-  
 „nùs, quàm temporibus obſequen-  
 „tium quo minora in animo facere  
 „habebat, ac noverat poſſe, eo ma-  
 „jora jactabat. Hac perleſta Pintus  
 „epiſtola, etſi fictam ex parte, duròque  
 „illi tempori conſentaneam intelligebat,  
 „iſdem tamen ut artibus ipſe captator,  
 „aut fortè captus ad conſirmandos ani-  
 „mos uteretur, magno clamore, atque  
 „ſtrepitu oppidanos, ac milites accerſitos,  
 „cùm palam epiſtolas recitaſſet, illa ina-  
 „ni læritia offudit, quæ ut inſolenter, ac  
 „præter modum jactata citiùs effluere,  
 „ac potiùs acſcere viſa eſt, cùm undi-  
 „que Auſtriacus, nullo prohibente,  
 „quotidiè magis obſidionem adſtringe-  
 „ret. Juſſerat enim ab ulteriori fluminis  
 „ripa ſedem erigi tormentariam propu-  
 „gnaculi ſpecie conſtructam, & hanc  
 „alteri contrapoliſitam, quàm ruta per  
 „amnem ut eſſet aquatio, in primis  
 „munitam excitaverat hoſtis, eaque  
 „ſumma celeritate, atque ſtudio per-  
 „fecta Anæ aquæ uſus eſt penè hoſtibus  
 „interruptus. Ita igitur Caſtellensis  
 „utriuſque fluminis ripæ, tranſitùſque  
 „potitus, paulò poſt inde opulenta vi-  
 „rorum, armorum, & commeatus au-  
 „xilia, quæ ad eum Olivença tranſmi-  
 „ſerat, ſtructo ex conſeris ratibus pon-  
 „te, omninò recepit. Quo ſupplemen-  
 „to jam viribus auctus, ſatisque jam  
 „amne bene locatis munimentis inſeſſo,  
 „ſatis oppido adſtricto, atque aſſulti-  
 „bus opportuno, vocat Auſtriacus Hiſ-  
 „panos, Italòſque Tribunos, mandâtque  
 „ut obliquos per eos, quos ſtrenuè ad-  
 „huc acceſſus duxerant, in Luſitana tan-  
 „dem, quæ circum oppidum erant, pro-

pugnacula irumperent. Ut rectè præ-  
 „terea & appoſitè ea militaris, & valida  
 „impreſſio fieret, quæ voce præceperat,  
 „ſtylo etiam expreſſa Ducibus inculca-  
 „vit, addiditque his excuſſi tormenti  
 „bellici jactum daturum multibus ſig-  
 „num quo eodem tempore omnes va-  
 „rios in locos ſimul concurſum, & im-  
 „petum facerent. Sic impigrè rebus ad  
 „proximam pugnam paratis mediam cir-  
 „citer noctem Auſtriaci juſſu certaminis  
 „ſignum inſonuit. Tunc Hiſpani, Ita-  
 „lîque dilationis, præliique moræ du-  
 „dum impatientes, avidi, ferocèſque in  
 „hoſtium munimenta feruntur, ad ſuam  
 „quique laboris, ac periculi partem ten-  
 „dentes, quæ illis impetio Ducis obti-  
 „gerat. Verùm Hiſpanos præ nimio  
 „ardore, impetùque paulò inconfultiùs  
 „in hoſtes inveſtos, accidit, ut res quæ-  
 „dam fortuita diſjiceret. Quippè dum  
 „Luſitanus firmatus, auctùſque ſubſidiis  
 „in foſſæ margine ſtabat, & Caſtellensis  
 „propè lignorum ſepem, ſtaccatam mi-  
 „lites vocant, pugnabat, repente ille  
 „ignem in ſepem obverſam conjecit,  
 „alia ſubinde torſit ignita artificia, pro-  
 „fuſèque flamma interjecta quoque vir-  
 „gulta, ciſtâſque corripuit pro regimine  
 „ſibi à Caſtellenſibus antepoſitas, quæ  
 „peſtis cùm latius in milites graſſare-  
 „tur, & alii igne uſti, alii afflati, om-  
 „nes turbati, immiſtiſque tam armo-  
 „rum, quàm oculorum uſu præ nimio  
 „fulgore, ac ſumantibus globis orbat  
 „ſolutis paſſim ordinibus fluctuarent,  
 „eòſque tam ſædè percuſſos, ac trepi-  
 „dos, alacriùs Luſitanus urgeret, ita  
 „denique Caſtellenſes loco cedere com-  
 „pelluntur, multis eorum caſis, multâſ-  
 „que flamma percuſtis, Antoniòque Tel-  
 „lio ejuſdem legionis Tribuno, cùm in-  
 „ter hoſtes acriter dimicaret, gravius in  
 „capite ſaucio. Reſtitit tamen inter fu-  
 „gam, ac eadem militum, cruentùmque  
 „tumultum impavidus Franciſcus Alar-  
 „conius, alterius, quæ ſuſæ jam adhzere-

E c bat,

bat, legionis Tribunus, suoque voce, & exemplo cohortatus pro gradu loci, pro gradu constantiae viris fortibus debita, ibidem praeliando victuros, aut perituros insilire, hostisque turmatim ruentis impulsus, & vulnera illata adverso peccore excipere jubet. Atrocior, & novus exinde conflictus accenditur. Dispar numerus multum erat, dispar etiam fortuna, inaequalis utriusque spes, animusque; sed omnia aequare ex parte Castellae posse desperato tantummodo videbatur cum pertinacia conjuncta. In arcto se loco premunt invicem hostes, seque undique jactant; non spargere vires ibi, nec impetus possunt, etiam arma inutilia situs angustia facit, cum nec gladios rotare, nec sclopos dirigere sineret. Tandem ad siccas devoluta res est. Sic aequali paulisper audacia sustentatum certamen est, factis haustum utrinque cruoris, ac reddita caedes est. At Lusitano bis hostis cruore profuso, simul proprio, simul à tergo defluentis multitudinis impetu tracto perfacile fuit jam partem victoriae quasi tenues delere reliquias. Itaque haec quoque legio ad extremum fusa, atque fracta, multumque imminuta in eum raptem cedendo locum regressa est, quem tenuerat ante conflictum. Tristior pro auctoritate, quam militum numero jacuit subinde Castellensibus strages; quatuor Centurionibus, septem Signiferis caesis, plerisque Ducibus faucis, milites ad ducentos interiere; eodemque tum animi ardore, secundoque certaminis aestu Lusitanus illatus à prima quoque sua statione, quò disjecti se se receperant, Castellenses extrusos in fugam egisset, ac dissipasset, eis nisi Ioannes in tempore succurrendo, pedem referre coegisset hostem, impetumque per vim restincto, ad sua quemque munimenta relabi. Haec Hispanos praelii fortuna, at

dispar Italos tenuit. Ipsi enim stabili acie, suisque ordinibus clausi, constipatique cunctatius progredientes, ad viam contactam, ita milites vocant, qui erat illis praescriptus certaminis locus perveniunt, postquam brevem, sed trucem pugnam Lusitano rejecto in illam insilientes ibi protinus se communiunt, mox longius ab ipso loco retracto per fugam hoste, veriti Duces Itali, ne suffossi ibi fortè cuniculi, inflammataeque concepram interiorum tartaream perniciem evolverent, quosque adhuc arma non vicerant, ne pereundum incendio esset, revocant inde milites, & aliquantulum spatii sese retrò tenere jubent. Tum effractis cuniculis, ignique frustra recluso, & favilla, atque cinere torridisque lapidibus sparso, statim recurrunt Itali, firmiusque in tuto jam loco vestigium insilunt, septem duntaxat ex suis militibus interfectis, pluribus vulneratis, admodum paucis per ignem amictis. Lusitanorum nisi quos fuga, aut tumultus, aut casus periculo exemit, plerique confossi sunt, alios ab ipsis exciratus ignis absumpsit, reliqui verò perterriti partim amissis, partim armis ereptis captivi traduntur. Talis illorum exitus fuit, qui se euntibus obviam Italici objecerunt. Ubi igitur Lusitanus supra, quod ipse crediderat suis se arctius munimentis adstrictum, ac saepe retusum, atque refractum videt, nec per id temporis etiam hostium conatibus infringendis satis sibi consilii, satis roboris praesto esse, tunc quosdam succendi cuniculos jussit grandiores, refertioresque ad extremum propè depositae spei reservatos. Crepuit subinde cuniculus, altiorique ut profundius, latiusque suffossus hiatus, graviorique ruina, atque militum strage, sed cum is artificis vitio contortè, atque improvidè structus esset, ubi vorax, ac rapidus ignis



ignis erupit hinc à soli materie , ac natura delusus in Lusitanos exitium , ac pestem vertit , quæ fortuito quidem suscepta clades , super omnem , quæ in hac bellica obsidione contrigerat , Lusitanos maximè afflixit. His in illo noctis curriculo gestis , ubi illuxit , breves de more induciæ interveniunt ; utraque ex parte castrorum corpora reperiuntur , inde mortuis suprema militum ritu soluta sunt , idèmq; ipse dies , tanquam manibus sacer , quietem , & otium defessis languidisque militibus artulit. Postridie cum præoccupato , paulò antè ut diximus , loco inciderent Itali , ex eoque durior progressus ad oppidum videretur , ibi enim à fronte propugnaculum stabat ingens , infesta , atque larius rostra ejus extenta , semilunare quoque munimen , & alia , quæ omninò ex hac parte intercluderent aditum interposita impedimenta , eo tandem sua sponte loco , ut inutili derelicto , illuc Itali se recipiunt , ubi Germani milites consistebant ; erat enim hic situs majori propugnaculo obversus , exteriori opificio vacuus , & municipio propinquior , & unde spes amplior erat everri munimen posse jam geminatis ibidem viribus Italorum , Germanorumque. Adhæc , & alia accessere quatuor majora belli tormenta jussu Joannis in eundem avecta locum , quibus sæpè displosis late , ac frequentes refractorum ruinæ murorum inciderant , ac fossa conrigua rudere sternebatur.

Inter hæc Castellensium Legatus equirum è castris mandato Ducis cum expeditis quibusdam turmis egressus , dum prædas ad alimentum copiam militibus congesturus late agros depopulatur , in alios incurrit ducentes propè equites Lusitanos , qui haud procul immoti per otium aggeres hostium circumspectabant. Gallus inter eos erat etiam , cui sanctæ Columbæ cognomen , quidam bellicus machinator , eique præ-

ceperat Dux Lusitanus , ut hostilia munimenta , vallumque iret cum his equitibus contemplatum , quàmque illa solida , quàm circumjecta , quæ expugnatu facilia , quæve aspera forent , ipsi reversus cum cura , atque fide explorata renunciaret. Dum eo consilio , animoque inter equites propius aggerem Gallus excurrit , equestris ibi confertur pugna , eaque ferocior quàm numero militum comparata ; pulsus , fususque denique Lusitanus plurimos humi stratos , aliquot saucios , nonnullos captivos deserit , quos intermixtus & Gallus à belli machinis captus est , isque ad Joannem statim adductus , qui aliena venerat exploratum domestica prodidit. Docuit enim ipse Joannem Lusitano Duci Menesio certam , ac fixam stetisse sententiam , per cæca , atque extrema pericula euntem Jurumeniæ absque mora succurrere niti. Pridie quippè , ut mos erat , consultum Ducibus acersitis , patefecerat , ille jussa Aloisii Gufmanæ Lusitanæ Gubernatricis , quæ citrà excusationem , ac citra moram præcipitatis fortalsè consiliis circumsesso , ac labenti suppetias primo quoque tempore ferre oppido imperiosius efflagitabat , hæc ipsa etiam in causa ratiocinata , quod æquè jam Jurumenia , ac exercitu amisso pro habitu rerum in extremo Lusitania periculo versaretur , utroque verò discrimine quod à municipii jactura , vel exercitus , vel utriusque simul Lusitano regno impenderet , æquato , melius sibi fore provisum existimabat ; si audendo aliquid , agendoque spem cum fortunæ periculo sequeretur , quàm procul periculo desperationem sine fortuna. Impromptu tum etiam Ducis , quæ partim secum haberet , ex præsidiis partim educta decem millia peditem esse , tria millia equitum , bisque mille quamprimùm equites , atque alios subinde pedires affuturos ,



quos nuptiarum conventionem Rex Britanniae pollicitus erat. Id modò apud Ducem expeditionem, cursumque exercitus remorari, seque ab eodem illuc commissum, ut attentius ex propinquo lustrato vallo discerneret, quae ex parte vallatum in hostem molienda illi esset cum minori periculo irruptio, nunc autem gaudere se, quamquam hostiliter accessisset, ad Ioannis obsequium, cui servire deinceps in animo erat, à belli fortuna translatum, quod veneratione, cultumque hominum esset cum regio sanguine, tum regis virtutibus dignus, & quod ipse fatalis, quae Lusitaniae viginti per annos à se defensionis sub tanti Ducis auspiciis iam imminebat, calamitatis, nec intus spectator, nec particeps esse vellet. Hæc Gallus Austriaco, hic autem admissio in belli machinas Gallo, quò nuper idem exploraturus accesserat, quia situs ille sublimis erat, stationisque ac speculæ vice Lusitanis in primis accommodatus, ibi idem novum extolli propugnaculum iussit, suisque nominis monumento iam illi strenuè, ac magnificè structo Ioannis nomen imposuit. Subsidiarum deinde, quæ, sicut dixerat Gallus, celerius uberiorumque parabat hostis, minime ambigus, quò scrius illa collata tum denique victum, aut saltem fractum offenderent oppidum, trahere anxius Ioannes in animum suo cepit, quæ compendiaria fortasse Iurumeniæ sibi præripiendæ, vel arctius quoque præmendæ pateret conatibus via. Multum ipse viris Italis tribuebat, & ob spectatam horum militum disciplinam, & ob recens etiam virtutis experimentum, quo paulò ante munimina hostium per vulnera, & cædes pari virtute, atque industria sanguinolenti pervaserant. Callidè tamen velare animum, sensusque retrudere satagebat, quo minus favore perspecto Hispani-

norum sibi detractiones, atque querelas, & illis invidiam ex gloriæ æmulatione conflaret. At qui nunc gravior incussus ex præsentis periculo metus, aliàs, ut solet ex leviori manantes affectu rationes excussit. Italicos igitur nactus Ioannes milites iussit ut simulato misso clamore, vana armorum tractatione, atque assultibus fictis sese ostenderent Lusitanis jam vellem accedere ad fossam, ejusque transitum intentare. Sic enim illo inani sublato clamore, motumque decepto fortasse hoste; sublantes si ibi forte cuniculi, quorum hæctenus metus progrediendi cupidus retardaverat, essent, igne per errorem appposito, molibusque disruptis, inoffensa per locum transgressio militibus foret. Quod ita profectò, ut Austriacus præviderat, accidit; nam illo horrifono strepitu, ficto illo impetu prætervectos jam esse Italos cum Lusitani cogitavissent, incensis frustra cuniculis, ad semilunare munimen suffugiant; Italique tum ignibus demolitum, atque ab hostibus destitutum avidè locum arripiunt, atque intrepidè sustinent. Ea res ut in æquè delusos, ac damno percitos incidens hostes totius tunc inspectantis exercitus voce, ac plausibus celebrata cæteras quoque nationes operibus singulis singulas occupatas optimo exemplo arrexerit, & animo sustulit, eodemque imitationis, & laudis incitamento, cum vias per obliquas summo labore contenderent, eò usque cæteræ eniti, atque efficere potuerunt, ut jam extra tormenti belli jactum propiores oppidi mœnibus versarentur. Sic arctiora quotidie cum omnia fierent obsessis, acriterque oppugnatis, subsidii spes anceps, in præsentis res aspera, futura periculiosior, & certa calamitas esset, eventus ejus incertus; Austriaci præterea facilitas, atque comes cum citius, quam scrius experta pronomem ipsis

ipsi clementiam, & veniam polliceretur, nec ullum interea de componendo negotio inter milites murmur, aut vox tot inter ruinas, bellique turbines emanaret, iræ ex eo intus, molestæque ægritudines animi, scissionesque plurimum per compita, & circulos obstrepentium, querentiumque seignibus quidem, & gladiis, famisque rabidæ morsibus variòque interitus generi à Ducum suorum socordia, atque impietate addictos per inanes subsidii spes quotidie magis ludificari, ut ruina, atque incendio Jurumenia denique tumultata, & incolarum ipsa tumultus esset. Enimvero qui fieri queat, ut Menesius, qui paulò ante circa Estremotium castris inclusus ne laefectus quidem, còtque segetum, agrorumque cladibus percitus acie iusta, & ex æquo cum Joanne configere animo sustinuerit, ille eundem in præfens solido, ac firmo munimento valarum provocet, retentæque? Sic inter Ducis ignaviam hostisque virtutem positis ab utroque opus esse eo tempore sibi metuere, còque importuna patientia, dementique fiducia jam esse rem devolutam, quo certè aut vivendum sibi esset cum ignominia, aut crudeliter pereundum, unam duntaxat succurrere fugam, quæ à corpore servitutem, à visceribus cruciatus, arcere ab animo dedecus possit. Hujusmodi erant, qui tunc in oppido fundebantur afflicti populi questus, & æquè minaces, ac flebiles voces, quas externi etiam milites intendebant. Ut enim sæpè assuetudine, ac vitio homines exteri, quos patria plerumque foras ut inquietos ingenio agit, mores civium, & animos labefactant, ita ibi milites alienigenæ sive aucto labore, sive stipendio imminuto, sive turbido potiùs ingenio acti tales querebas passim vulgantes jam penè lassaverant, ac propè torserant hucusque sem-

per invictam, & odio Castellæ magis quàm animi robore sultam Lusitani constantiam. Cùm ita igitur intus tumultus glisceret, illique materia ex rerum confusione, ex externorum afflatu, ex inopia animorum, consiliisque per faces seditionis ministraretur, atque ideo alii suarum, alii rerum publicarum perniciem, objectas alii spontè discordias peccati supplicium metuerent, fuere propterea nec pauci, qui per murorum pinnas elapsi ad Joannis castra perfugerent. Hoc porro vehementius perculit Pintum non pestifero minùs exemplo, quàm defectionis causa commotum, desperatamque rem fore credentem, si ita fesso, ita perfracto externis incursibus oppido, illa etiam turbamenta domestica accederent, quorum effluere passim contagio etiam ad integros poterat. Severiores itaque in oppido quæstiones de tumultus crimine latæ; sceleris conscios, auctoresque seditionis convictos supplicium absumpsit, atque ita illa vix orta seditio Ducis prudentia restincta est. Dum in oppido hæc agebantur, & plerisque oppidanos, ac milites quoque suppliciorum in se spectacula verterant, Joannes interim mirabatur quod nullo sibilo pilæ, nullo missilium jactu, non clamore, non æris crepitu, ut antea solebant, obstreperent muri. Ignaro quid causæ apud hostes tanto silentio esset, suspicio inter alia subibat animo ne præparatis fortassis cuniculis per ea falsæ quietis oblectamenta insidias, ac dolos hostis ad incautè accedendum militibus strueret, hærebantque præsertim eo tempore Austriacus, essetne sepes lignorum, quæ adhuc integra erat, substrata cuniculis, tandem suis ipse vagando cogitationibus lassus, ac rædio affectus, ea ipsa, qua aptior jam nulla ceciderat assultibus, nocte consuetæ tutelæ, ac

vigiliis tantummodò intentos inter-  
quiescere milites iussit. Prima luce  
cùm vegetior ad arma ex otio permif-  
so recurreret miles, acriusque confer-  
tum certamen esset, notavit quidam  
ex Castellensibus miles, aut ita fortas-  
sè per altum commentus est pilis non-  
nullis, seu globulis, quos Lusitani per  
fistulas ignis excusserant, aculeos in-  
sertos hærere, claviculolque & ipsos  
omninò jure militiæ vetitos. Hoc cùm  
Austriaco statim relatum esset, per  
eam occasionem occurrit ut specie de  
vero, seu affictò illo crimine Præsi-  
dem objurgandi, mitteret Jurume-  
niam, qui propè, & commodiùs per  
dolum posset, quæ inrorsum porrige-  
bantur munimenta ejus inspicere. Ita-  
que ordinario tubicini virum inculto,  
rudique calorum habitu amictum, &  
ipsum egregium à belli machinis Ioan-  
nes comitem dedit, qui res Lusitanas  
clam circumspiceret, notarétque. In-  
termiffa paulisper est pugna; vocatur  
oppidi Præses; de læso, ac violato ju-  
re militiæ iniqua per arma reprehendi-  
tur; execrationes bellique diræ, si id  
ipsum iussisset, aut fortè sciret, & pa-  
teretur adduntur, idque dum negat  
constanter Pintus, imò calumnia se  
potiùs, sive fallacia peti mora, & con-  
vicio arguentem redarguit hostem,  
jam satis hucusque rei hostilis opifex  
introspecterat, reversusque ad Joannem  
situm, & locum ipsi descripsit, unde  
faciliùs premendum oppidum esset.  
Gravis idcirco inter amulas nationes  
contencio, unamquamque pro nomi-  
nis gloria, ac splendore majus certa-  
tim periculum ambientem, exarsit.  
Prærogativam nationis jam dominan-  
tis Hispani, solique jus; clariores, sed  
antiquitatis fumo subductas imagines  
Itali, & recentia quoque decora, belli-  
que merita conferebant. Germanos  
ur neuitos, & tanquam medios, seu  
partium compositores eorundem in

rem annitentium hominum pertinacia,  
& aliorum aliis nequaquam ceden-  
tium, spèctque ab illa suborta promo-  
verat. Circumstabant Austriacum sin-  
guli Duces cum ingenribus studiis,  
prout quæque ad se pertinebat, na-  
tionibus singulis suffragantes, eaque  
erat in illa causa hominum concursatio,  
& comperentium turba, calorque,  
ut res ad seditionem spectare prope-  
modum videretur. Tandem Austria-  
cus pro Hispanis pronuntiavit, mag-  
ni præterea momenti rationem adje-  
cit, quæ omninò dissidia sustulit. Ca-  
stellensibus scilicet, quos suo nuper lo-  
co à Lusitanis pugnando motos, retrò-  
que compulsos, laboris, & gloriæ ma-  
teries unde famæ detrimenta sarcirent,  
in primis deceret, illud potissimum  
opus deberi, iisque etiam debere ma-  
gis confidere Ducem, quorum stimu-  
lata ex dedecore, aut invidia fortunæ  
virtus pro privata simul, & publica cau-  
sa ampliora ad certamen incitamenta  
ferret. Porro Hispanorum Tribuni  
militum effusè gratiis Austriaco actis,  
movent subinde copias id animorum,  
id flammaram secum gerentes, quan-  
tum ipsis, & infira virtus, & Duces  
etiam afflare præ victo gloriæ certa-  
mine poterant. Fuere illi, & memo-  
rabiles quidem Duces Joannes En-  
riquijs, Ferdinandus Escovedus, Fran-  
ciscus Alarconius, & Comes Portu-  
lanus, quorum duo primi dextrum  
aciei dispositæ cornu, lævum cæteri  
tenuere. Omnes igitur luce diurna,  
nudato corpore, celeri gradu ad inte-  
rius, idémque fortius quàm ostenderat  
artifex, cùm omnium in se conversos  
haberent militum oculos, hostium  
munimentum incurrunt. Lusitanus  
contrà cùm jam præparatus ad illum,  
quem ferociùs appropinquare cerne-  
bat, sustinendum impetum restitisset,  
pro muris obsistere, insistere, rotare,  
hastes conjicere pilas, aut hostes mis-  
so

so desuper igne torrere, aut vulnera-  
re lapidum jactu, cùmque ita pila-  
rum, saxorum, ferventis simul mate-  
riæ, igniùmque tartareus, ac mistus  
imber in ora, atque terga Hispano-  
rum truculentissimè plueret, Hispani  
tamen vincere ibidem, aut mori  
certum, nec circuire, nec pugnare  
cùm ipse posset, nec sursum eniti, cir-  
cunfluens undique flamma, vibratùm-  
que acerrimè ferrum, non ideo refer-  
re pedem, aut animorum laxare vim  
in tanta belli tempestate coge-  
bat. Sic neutro tum inclinata etsi truci-  
or arderet, adhuc dubia pende-  
bat pugna, hinc enim audacia,  
furorque hostis, hinc loci commoditas,  
nec sanè impar animi virtus con-  
fertas in medio vires æquabant.  
Tandem Dux Alarcionius selectam  
illorum militum manum ubi in-  
signes erant Centuriones inve-  
here se propius ad propugnaculi  
invasi latera jubet, concitatoque  
impetu à fronte distrahere hostes  
videre si fortè possent, sin minùs  
in latera magis urgere, quò nisi  
frons cederet, latus haurirent.  
Lecti protinùs milites, quemad-  
modum jussim erat, magno ardore,  
atque animo præterve-  
cti ferè præcipientes omnes in arma,  
lapis, facies, & copias oppositas  
irruunt, eoque pars impetu cæsi,  
partim ambusti, seu vulnerati,  
ubi ipsorum jam vires deficiebant  
& hostium intendebantur, vestigia  
postremò torsissent, hos nisi  
remissos, & languidos alii integri  
exciperent, recentisque, ac tota  
subinde explicatis viribus legio  
summo impetu in frontem, ac  
latera invec-  
ta esset. Tum verò tanto numero  
circumsusi, ac repetitis impulsibus  
pressi cùm succumberent Lusitani,  
animo tandem, ac viribus fracti,  
afflicti-  
que propugnaculo primo deserto,  
ad interiora munimenta refugiunt;  
Hispanique post quatuor, & utrinque  
cruentam horarum pugnam inviam

militarem contestam propugnaculo  
hærentem insiliunt. Cateræ verò le-  
giones Hispanæ, quæ ab Enriquo,  
atque Escovedo Ducibus ductæ ab al-  
tera parte adversus hostes concurre-  
rant, in asperiores, & confragosum  
impactæ locum, graviori labore, ni-  
sique pugnabant, quàm fructu. Ad  
hæc cùm præliaris magis caleret vis,  
interrupti, irruentesque repentè cunicu-  
li re improvisa, ac vehementi trepidos  
homines, turbatosque, partim etiam  
adultos, aut penitus haustos retrò pau-  
lisper egere; mox illo statim igneo im-  
petu, ac spiritu vanescente, à tanto  
pavore cum se animus collegisset, re-  
deunt, & acrius Hispani, perque oc-  
cisorum, & combustorum acervos, tor-  
ridisque fragminibus semitam compla-  
natam euntes, munimentum, cui al-  
laborabant, proximè attingunt, &  
posse eodem quoque tempore vide-  
bantur jam propius objectum, & as-  
sultibus opportunum propugnaculum  
superare, nisi agitatione continua cor-  
poris, & copia sudoris, qui cum anhe-  
lito membra solvebat, atque ex in-  
cendio nuper accepta clade, ut ulti-  
mus fractior ille impetus recidisset.  
Hæc, qui procul non erat, intuetur  
Austriacus, proinde lassitudine, æstus-  
que militibus fessis, alios succedere  
Hispani etiam nominis jubet, & in-  
telligi spiritus, recentisque, qui delecti  
fuere Lopus Abræus, Rodericus Mo-  
xica, Franciscus Araucus cum toti-  
dem legionibus, accessitque Alvari  
Lunæ legio, ipsius Instru-  
ctore pro tempore Duce, cùm æger tunc ex vulnere  
in prælio accepto decumberet Alva-  
rus, hosque milites tandem aliorum  
virtute paratam, ac penè partam in-  
tercipere gloriam fortuna constituit.  
Etenim Lusitani, cùm eodem tempo-  
re ab Italis, Germanisque variis in lo-  
cis vehementius agerentur, tum mul-  
tiplici ac sævo quoque prælio distra-

ctis, occupatisque ad opem ubique ferendam passim laborantibus sociis nequaquam sufficeret ipsis militum numerus, simul qui adhuc Hispanis circa munimentum obstiterant præ assidua fatigatione, ac labore, dilapso vigore corporis animique, languescerent, ubi rursus in ipsos vim magnam militum confluentem, & novam cohortam seseque effundentem belli procellam aspiciunt, id tempestatis, id modò imperus robustis, & integris etiam terribile, jam fessi, fractique sustinere planè diffusi, æquè animo, ac viribus consternantur, ac pedem subinde referunt, tunc retroactos in hostes gradu confestim Castellenses illato seruntur in locum, quem Lusitani circa munimenta reliquerant; alii deinde per ruinarum accessiones, alii scalis applicitis bina propugnacula scandunt, spatium reliqui capiunt his propugnaculis interjectum. Ita quidem initio sædum, post exitu clarum, nec incruentum hoc bellicum tamen opus Castellensibus incidit, atque hoc maximè modo ea prima ignominia: propè nota deversa, ut mirè alii alios exemplis honestis in bello præcipuè acuunt, aciores stimulos gloriæ cæteris nationibus addidit. Nam Germani dum per obliquo obsidionis vias scrabrosum iter difficilè rerunt, diutius quàm pateretur, quem decoquebant animo, ardor cum obversis crepidinibus colluctari, iis tandem præ tedio, ac lassitudine omissis, obvia, atque nuda præbentes ictibus corpora evadunt, assiliunt, & cæco velut impetu rapiuntur. Tunc condensatus, orbisque cominus volvens, ut loco superior, & viribus Lusitanus primo concursu prosperè pugnam intendit, tæque Germanus ab hoste repulsus, cum toties prælium instauravisset, ancipitque adhuc exitu, res animi magis audacia, quàm spe, viribusque apud Germanos innitere-

tur, Emanuel Carafa, Sartiranaque Comes Italarum Tribuni militum, qui juxta Germanos pro sua statione consederant, primorum ne fortè clades etiam propinquos opprimeret, electas cohortes in Germanorum suppetias transferunt, simul & Comes Boëttus Pedemontanus æquè nobilis ipse vir, ac impiger Dux quasdam equitum turmas ad criptarum marginem impulit, ut Lusitanos passim perculsos, implicitosque illa insuper vis, is novus equestris oppositus terror obrueret. Tandem ibi Itali, Germanique post multam illatam utrinque stragem, qualem temeritas solet, aut martialis accendere furor, cæcas criptas, illisque adjacentia omnia munimina occupant, ibique prævalidè se communiunt. Post quæ stratis semilunaribus munimentis, ejectis murorum loricis, ac cæteris propugnaculis vel everfis, vel ab hostibus captis, ubi omnia, quæ circum oppidum erant, ferrum, aut flamma corruerat, sola, & extrema Castellensibus superanda, quæ mœnia cingebant, supererat fossa. Hoc cum resciret Menesius Lusitani exercitus Dux, arctiori scilicet oppidanis murorum ambitu circumclusis, & extrema jam propè perniciè pressis nisi citissimè subveniret, impendere periculum, ne excisa, vel prodita Iurumenia deperderetur expeditionem quamprimùm parare milites jubet, per id temporis animo certus quoquo pacto succurrere Iurumenia. Hoc ipsum Austriacus per exploratores intelligens Ductorum primoribus convocatis, diserte proponit quid utilius, quid congruentius eo tempore ipsi censerent in tanto discrimine petrandum.

Nam, si iisdem, dicebat, consilium esset, tota extra vallum ad certamen subducta, explicataque acie ire obviam, ingruentemque an-  
tevertere velle hostem, vereri nec  
immeritò

„ immeritò se, ne fortè erumpentes ab  
 „ oppido milites incolæque quorum  
 „ nec perexiguus ibi nec imbellis, nec  
 „ segnis inesset numerus per disiecta,  
 „ ac revulsa illa opera obsidionalia in  
 „ exercitus terga pugnatum irent, sin  
 „ regiae ipsæ divisæ copiar pars extra  
 „ vallum occurrent hosti, pars rema-  
 „ nerent in ejusdem oppidi obsidione,  
 „ tunc incisus utrinque nervis, viribûs-  
 „ que debilitatis anceps ex eo pericu-  
 „ lum, ac deteriorem quidem futuram  
 „ utrobique pugnandi conditionem,  
 „ siquidem neque satis tutando vallo,  
 „ neque satis in hostium occursum eun-  
 „ do bisariam hoc modo distractæ co-  
 „ piz fuissent; si verò intra vallum, &  
 „ munimenta conclusi excipere Lusita-  
 „ num, cùm eò impeteret, vellent, esse  
 „ tunc metuendum hinc ab impetu ho-  
 „ stis, quo sociis se jungeret, Iurume-  
 „ nia digressi, hinc ab hoste validis co-  
 „ piis externè irrumpente, ac si fortè  
 „ cõirent, ne regia scilicet acies ab  
 „ utroque latere laceretur. Quod si  
 „ aliam belli cunctando placeat ratio-  
 „ nem inire hostibus, imminere quo-  
 „ que periculum, ne qui alios tunc  
 „ obsiderent, & ipsi ab hostibus inter-  
 „ clusi, atque in hostico solo diutiùs  
 „ obsessi fame, ferròque inter angustias  
 „ aggeris quem tenebant, circumdu-  
 „ ctam custodiam, & copiam militum  
 „ premerentur. Utrumque ergo con-  
 „ silium inflecteretur, ut pleraque belli  
 „ momenta fluèrent, ardua atque as-  
 „ pera omnia, & quocumque te ver-  
 „ teris jactata periculis, ac difficultati-  
 „ bus septa esse, & aliud ex alio deli-  
 „ berandi inter æstus, ac tricas potesta-  
 „ tem impediencia. Hisque ad majorem  
 „ sollicitudinem addi, quod hoc Mar-  
 „ tis ab uno ictu, sive belli fortunæ jo-  
 „ co tot exhausti hucusque labores  
 „ sumptusque profusi, & militum, Du-  
 „ cû, Regis Catholici nomen ac decus,  
 „ spes etiâ Lusitani regni recuperâdi, &

alia quæcûque sive honesta, sive utilia  
 „ incitamenta rerû, quæ humanos per-  
 „ cellere animos possint, omninò pede-  
 „ rent. Porro autem haud sanè multa,  
 „ eaque factu facilia Numen humanis  
 „ consultationibus reliquisse, majora,  
 „ atque ardua sibi sepoluisse. In co-  
 „ men prudentiam habere laudem, &  
 „ locum, & cujusque ingenii, mentis que  
 „ antecellere acumen, si quis multo-  
 „ rum explorata sententia ad severi,  
 „ purgatique examen judicii, non ad  
 „ fortunæ libidinem, vel factorum con-  
 „ stitutionem occultam, ita incerta  
 „ conferre casuum, atque adjuncta li-  
 „ brare, & post eligere sciat, ut ne et-  
 „ rasse quidem pœniteat hominem  
 „ cum meliori in speciem electo con-  
 „ silio, secus postea quàm judicasset,  
 „ acciderit. Propterea satis sibi supèr-  
 „ que fore, si Deus indiderit ipsi men-  
 „ tem & saniori amplectendo consilio  
 „ idoneam, & ei feliciter exequendo;  
 „ cùm rectè perinde consulere, atque  
 „ uti consilio prosperè, licet utrumque  
 „ sæpè fortuitum insipientibus videat-  
 „ tur, fatis lege sancitum sit.

Postquam Joannes ita disseruit, eos  
 inter Duces, qui sive ætate, sive animi  
 ardore, sive belli imperitia intempe-  
 rantius ad arma tractanda flagrabant,  
 strepentes potiusquam consultantes,  
 altercantésque pertinaciter asserebant.  
 Munimentis, & aggere statim omis-  
 sis, paucisque relictis, qui in Iurume-  
 niz obsessæ custodia vallòque ambien-  
 te manerent, cum cæteris copiis ex-  
 plicatis in campo signis occursum  
 hostibus esse; nam multò magis inva-  
 si, quàm invadentis, expectantis quàm  
 occurrentis, misera in bello conditio,  
 atque exercitus fors æstimatur, cujus  
 profectò incrementa majora gloriæ,  
 successusque secundos alacritate, animi  
 audacia, promptitudine, impetu, in-  
 cursu, non mora, aut segnitie felices,  
 magnanimique Duces penè semper di-  
 metantur.

metiantur. Luctuosum præterea, & huic simile, recens exemplum incidere oculis, irritæ scilicet Elvensis obsidionis, ibique exercitus fœde concissi, nimirum, quia vallo Castellensis inclusus ibi ipse peri, quàm foris hostem per arma petere maluisset. Huc etiam accedere, quod paulò ante exercitus Lusitanus suo ipse aggere septus, & populatione, ac cædibus laceratus, cum inde erumpere non auderet gravia, & acerba apud socios hostisque cumulaverat sibi ludibria, atque argumenta in se metus expresserat, quæ modo pericula, & probra ad illorum imitationem ignavix, dum provocaret hostis, vallorum jam claustris hærentibus, cunctaque passis, quæ circumfessi perpeti soleant, hoc porro consilio essent Castellensibus subeunda, quando, & impendens cervicibus oppidum cogeret etiam de tergo consulere. Sed contra Sangermanensis, cujus demum sententia vicit, alloquitur. Non esse profectò militibus vallo, nec suo cuique intra ejus ambitus latitudinem præscripto loco ceddendum, quod agger ille curvatus, in mediâ se lunæ figuram extendere, & vacuam aliam munimine partem è latere defluens satis protegeret, amnis. In loco proinde arctiori confertas, constipatasque militum vires se se atque aggerem sustentantium, facilius, ajebat, impressiones hostium propulsaturas, nec alias insuper copias desiderari, quæ oppidanos coercerent ita murorum jam septis adstrictos, & undique clausos, quique modicis etiam viribus contineri, quando vellent erumpere potuissent, & majores quoque cum opus esset valli contractio suppeditasset. Duram præterea suavis rem esse, opere durior, tanto coram exercitu velle præcipitem Lusitanum in Anæ trajectionem, qui unus illi aditus extra aggerem superesset, ab-

ire; cum enim de belli ratione confutitur, ac simul consilium excutitur hostis, intellectus errorem in isto, vel ad summum inscitiam, non amenitiam, manifestumque furorem, qualis abruptus hic esset transitus amnis, præcavere prudentibus datum. Hoc tamen & ille si per insaniam fortassis auderet, nullo negotio temerarii conatus poenas exoluturum. Quæ porro composita nunc cum jam memorata, & funesta Elvi urbis obsidione, atque ibidem accepta clade argumenta in longe dissimili causa versari, siquidem longè, latèque porrectior erat illius aggeris amplitudo, integer valli tractus, loci situs iniquus, iniquior temporis constitutio, simul tyronum magna colluvies, & eorum plerique diuturna obsidione contriti, multaque macie, ac labore confecti. Ad hæc non impetu, sed ratione, & constantia, ac melius cunctando, ac sæpè cessando belli res agitari in quibus id gloriosius, quod tutum, id sapientius, quod magis cautum, & quanquam pars formidinis cautio populariter appelletur, ab hujusmodi tamen, quæ nonnunquam vertitur vitio, vacuum formidine militem, sibi adversum, reipublicæ inutilem, labi etiam ipsum à primo instituto militiæ, cujus potissima ratio esset, virtute uti, non iracundia, vincere, non perire, spiritumque non projicere Marti, sed pignerari. Immerito ergo metui, ac fœcundiæ à temerariis duntaxat, bellique rudibus attributum, quod paulò ante Dux Lusitanus post multa ineundi cum hoste conflictus in castra in segetes agros irritamenta, aut ignaviter otiosus, aut cum dedecore patiens castrorum angustiiis se se tenuisset; Contra quippè à peritis in honorem, & laudem esse reatum, rursus se à certamine Ducem abstinuisset, cum sua certare non interesset. Atqui consiliis, rebûsque longè

„longè diversis, nec minùs in præsens  
 „utilitatis habentibus quàm decoris  
 „cum Castellensium exercitu agi. Lu-  
 „sitani enim eo tempore castris in-  
 „clusum soli defensionì vacasse, &  
 „tunc non vinci, loco victoriæ fuis-  
 „se; Castellensi verò & tueri se modò  
 „incumbere, & vincere Iurumeniam,  
 „urgentemque fore victoriàm de  
 „Lusitano partem, cùm Castellensi-  
 „bus vallo restrictis oppugnantisque,  
 „Iurumenia, quæ & causâ, & præ-  
 „mium, & laurea instituti certaminis  
 „erâ, succubisset. Sic contra ju-  
 „venes senes censere Duces, verùm  
 „cùm hastæ senum juvenes appellen-  
 „tur ac sint, æquum profectò esse ut se-  
 „num consilio dirigi, senumque tor-  
 „que ri manibus patiantur. Secun-  
 „dum hanc Sangermanensis sententiàm  
 „jussit Austriacus vallo ruendo inren-  
 „tum Castellensem persistere militem,  
 „ibique sese acriter comparare hostium  
 „assultibus sustinendis; præterea quo  
 „minus eas distrahendi causâ, vel  
 „avocandi fortassè copias Lusitanus ab  
 „Iurumenia diverteret Badacocium, huc  
 „Alexandrum Moretam cum quinque  
 „agminibus equitum misit, ibi, si ita  
 „opus esset, consistere jussum, sin Lu-  
 „sitani rectâ contenderet Iurumeniam,  
 „inherere vestigiis ejus, & cum reliquis  
 „turmis, quæ extra vallum obequebant,  
 „celeriter se conjungere.

Inter hæc Iurumeniam versus opti-  
 mè instructa Lusitana pergebat acies;  
 jamque leucæ intervallo procul ab op-  
 pido in ejus conspectu castra posue-  
 rat, cùm eam summo gaudio muni-  
 cipes intuentes exultare, concurrere  
 passim obstrepere gratulantes, ac ge-  
 stientes, circumductisque per mœnium  
 pinnas collucentibus flammis, simul  
 clamore, ac tripudiis lætitiàm, fulgen-  
 temque ex subsidio proximo spem  
 ostentabant, & suis quoque ut citiùs  
 accederent, innuebant, quibus tor-

mentorum reiterato fragore subinde  
 respondit exercitus Lusitanus. Porro  
 Joannès, quanquam anxius animo erat,  
 magnam eo tempore abesse suorum  
 equitum partem, quàm Badacocium,  
 atque in oppida circumjecta ad subi-  
 tanea rerum immiserat, sua ipse ta-  
 men, & virtute militum fretus per il-  
 lam integram noctem vallo eos insi-  
 dentes, præliòque succinctos, & ala-  
 cres tenuit, ita, ut animorum ardo-  
 rem illum acerrimum, & libertatis, ac  
 certaminis avidos milites vix vallorum  
 angustia caperent. Ubi illuxit, castra  
 mutat Lusitanus, vallòque hostis pro-  
 pinquiori in altero colle confedit. In-  
 de crebrius excutere majora belli tor-  
 menta capir; idem etiam Castellenses  
 ab aggeris ambitu moliantur, sed  
 in collis cacumine altior cùm Lusitani  
 positio esset, Castellensis autem exer-  
 citus humi depressior, ac planior, ob  
 inæquale solum, metasque contortas  
 irritæ utrinque pilæ inani prope omnes  
 minarum strepitu volitabant. Qui-  
 dam interim Lusitanus secundo flumi-  
 ne nando vectus cum Menesii datis ad  
 Pintum litteris oppidum introivit. Lit-  
 terarum sententia erat, Ducem ipsum  
 Lusitanum ea ipsa præscripta die vel  
 succurrere Iurumeniæ, vel omninò pe-  
 rire constituisse. Idipsum quoque ab  
 initio Joannes Austriacus arbitrabatur  
 quâ Lusitani ferocitate, spiritusque su-  
 perbia, qua oppidanorum necessitate  
 in hanc sententiàm adductus, post-  
 quam verò cespitibus aggerandis, ope-  
 risque trahendis solito magis implici-  
 tum hostem impensius munire castra  
 conspexit, simul rem, celeritatis, quæ  
 maximè egebat, procrastinari volen-  
 do jam, aut eludi, tunc dubitare cæ-  
 pit Austriacus an id fortassè consilii in  
 animo gereret Lusitanus, quo pro val-  
 lo frangendo pugnam, aut oppidi ob-  
 sidione solvenda committeret, hanc-  
 que ipsam Menesii animi alienatio-  
 nem,



nem, & à conferendo certamine fugam, dilucidius paulò post explicavit Austriaco ex perfugis quidam fortuitò castris elapsus, adjiciens, etsi ad oppidum retinendum certò cum animo dimicandi, agrè tamen, & re ipsa coactum, ac spe lubrica trepidum Estremotio Menesium movisse copias ut animo volutantem trahere se quidem tyrones adversus veteres bellatores, & propè claudos, ac debiles adversus acerimos equos, inferiorémque illorum militum numero numerum ad extremi discriminis aleam; nunc autem propius inspecto exercitu hostium, hinc amne, hinc fortissimo aggere, ferocique milite communito, tum circa praesidiis, operibusque variis summo artificio dispositis, adeò repente spe prorsus, atque animo concidisse, ut à certaminis modò consiliis, curisque penitus versus, ea exercitus mora, ambituque locorum, ea armorum exposita pompa, bellique apparatu, is non oppidi libertatem, sed honestiores duntaxat deditionis conditiones captandas intenderet. Hæc à perfuga summo relata Duci rebus, quas adhuc gesserat hostis congruere cum viderentur, se in prima sententia fixit, scilicet, Lusitanum, qui de loco in locum, atque in diem ex die subsidii negotium protraheret ad pugnae periculum non venturum. Cæterum una, eaque nimis molesta Duci suberat cogitatio, desperato jam rupti per aggeris adiutum hosti, quod expectabat Jurumenia, subsidio, ne ex eo tamen ubi tutus insederat loco circumspicendo ipse, cunctando vel intenderet quidquam doli vel obvia fortasse occasio ni immineret, qua sæpè numero oblata, nec tamen interdum in bello prævisa plerumque cunctatio, ac sedulitas Ducis uti prosperè consuevisset. Igitur cum alia aliam in re illa sollicito neceretur curam vario, incertoque

volvebat animo Austriacus qua ratione, quo quisquam consilio aut fingere causam, aut se ipsa emergere tandem opportunitas posset, cujus expectatione, & consilio inibi ducere tunc videretur hostilis exercitus moras. Sciebat enim Austriacus, quia eruditissimus erat, esse quidem finitam, & circumscriptam subjacentium, atque accidentium rerum collectionem, nec adeò retrusam, vel novam, vel abditam esse rem, quæ per tempora, & vices ex transactarum rerum orbe non redeat, aut quæ ex illarum rerum similitudine, & pro serie, habituque rerum collata praesentium à vivo, acrisque ingenio per conjecturam praesagiri nequeat. Hæc scitè, ac sollicitè meditati, & cum Ducibus conferenti nunciatur Austriaco mutare jam Lusitanum, aut raptim extendere, præceps, quæ ille, in quo sederat, collis ad Anam vergeret castra; militem etiam, qui ab oppido nuper evaserat, flumen subjecto cortice transeuntem ad Lusitanum exercitum pervenisse cum mandatis, ut verisimile erat, Jurumeniæ Gubernatoris, simul ex secretis Ducum colloquiis, & circulis, & quadam militum inquietudine, æstusque manare passim indicia occulti ibi aliquid ordientium, & machinantium; His rebus auditis, hoc extemplo suspicatur Austriacus, quod mente hætenus volutaverat, scilicet à valli irruptione, ac manifesto impetu ob firmitudinem ejus averso nihil tum reliquum esse hosti, quam transitum Anæ, quorsum consulto jam castra trahebat insidiis, noctisque caligine subtentare. Itaque geminatis in Anæ margine excubiis, jussit etiam Ioannes, ut Cavalerus magister equitum cum delectis, plenisque agminibus septem de fluvii custodia, ac praesidio vacaret, simul strepitus, clamor, & concursatio militum, crebrique dispositi per ripæ longitudinem

gitudinem ignes, nedum vigilantem, excitatumque sed alacrem etiam, avidumque certaminis hostem hosti significabant, totaque eadem suspecta nocte intensius, fragorosisque circa Anam extractæ vigilæ sunt. Lusitanus ubi suo se falsum ea nocte consilio videt, prima luce relictis castris paulatim inde recedit, hostisque sublati cum esset aspectui, pergere iter aspicitur quod ad Villavitiolam tendebat. Hoc cognito in terga ejus extemplo conversus Castellensis effunditur eques, variisque turnis hinc, inde divisus, atque orbibus vectus extremam nunc aciem, nunc latera infestans, ipsa aliquando perturbat, nonnullos etiam casu, aut consilio ab ordine egressos intercipit hostes. Tum vero Joannes tam celeri, tam improviso Lusitani discessu ratus, spem omnem subsidii municipibus lapsam in victoris clementiam esse tantummodo revolutam, codicillos ad Pintum per tubicinem mittit, inculcans, ut ipse ejusque omnino participes fortis poenas, & cruciatus inferri pertinacibus solitos per maturam deditioem prævirent, dilapsos jam esse locos, subsidii spem omnem ademptam, nimis serò, ac luctuosam fote deditioem quæ eodem momento non præstaretur. Noluit hujusmodi codicillos admittere Pintus, nefas esse causatus, propè validum, qui penè jam sub oculis erat, exercitum, ejusque supremum Ducem sese eidem obnoxium, & jure devinctum imperii trahere colloquia, aut pacta cum hoste lincire, si aliquid opus esset Austriaco, ab ipso, qui haud procul esset, Menesio Duce requireret.

Interea Dux Lusitanus, etsi longius antea recedere simulaverat, mox, quod dubius injerat, itinere flexo, retrò pergere instituit, ac tumultum tandem, qui ab aggere hostis, paulò plus illo quem postremò reliquerat,

aberat, cum exercitu occupat. Militem inde mittit, qui noctu per amnem in oppidum introductus Gubernatori professus est, ingenti animo Ducem erectum cum omnibus copiis oppido subventurum, simul ut fidem, quæ tum omnibus dubia per interpositas moras, & viarum ambitus erat, ex colore fucòque duceret, diem etiam præfixit certamini destinatum, qui triduo post recurrisset & Corpori Domini consecratur. Dum hæc Lusitani exercitus volutatio, ejusque incertitudo consilii multipli cura animique fluctuatione, ac molestia suspensos tum oppidanos, tum Castellenses agebat, nihil ideo remisit Austriaci jussu Jurumenaia verberabatur. Nam Castellenses, superata denique fossa, quæ exterioris munitionis ultima erat, jam propius, & acrius oppidi muros urgebant. Adversus hæc oppidani cum suppositos hostes, crebrisque ictibus pronos, ac fermè nudos habentes ex edito loco, cumque varia esset intus, & materies, & copia ignea artificia conglutinandi, inde sulphure, & pice compositam pestem, simul ardentes fasciculos, saxa, totòque lapillos, & alia missilia jaculabantur non minùs urendo, quàm perturbando, implicandòque hosti mirificè structa. Major tamen alacritas, & virium, animique conatus, ut victoriæ spe proxima afflata, pro vi inferenda, propulsandique apud Castellæ milites erant. Igitur solidis assibus pelle conrectis, aliisque usitatis belli commentis subtrahere pluvix illi pestiferæ corpora, subrueremuros, cuniculos fodere, scalaris alibi admotis alios propugnatores occidere, muris alios detractos affligere solo, cumque passim scalarum, armorum, hominumque fragmenta ruerent, & vires, hominesque sufficerent Castellensibus, quæ jam defecerant hostes ad hujusmodi impetus restaurandos, eò tandè inclinata pendebat res, ut una spes oppidi

retinendi in externa tantum confisteret ope, eaque ipsa spes esset ejusdem exercitus instar, ac Menesij more versatilis. Qui per illius moræ circuitus, flexusque locorum, tum denique expertus neque vi neque dolo suppetias esse Jurumeniæ parabiles ob diurnam præterea, ac vehementem oppidi obsidionem, postquam intellexit intus militibus, incolis partim pugnando cæsis, partim labore, ac vigiliis enectis, ac penè consuptis, & quibus superat vita cum minimè vires obsidionis ultra ferendis laboribus habiles superessent, ac si ampliùs expectati subsidij error prolaretur, hoc nequaquam tuendo sociorum officio, sed hostibus potiùs in cruore, rapinis, ac turbis augenda postea licentiæ fore, sibi que ita per otium in uno colle sedenti luctuosissimæ cladis spectaculum instrui, super hæc ubi animo voluit, utilius esse reipublicæ in extremo utriusque discrimine copias, in quibus totius regni fortuna vertebat, quam oppidum conservare, neque re vera his ob stare consiliis Aloisii Gufmanæ jussa, quæ ut pleræque Principum erant haud ex specie, sonituque verborum quæ sæpè sapiùs ad fallendum obscura, & ex composito ambigua contexerentur, at ex eo quod usui pro tempore, ac loco fuisset, cautè, ac prudenter interpretanda, idcirco Menesius spe Jurumeniæ tuendæ prorsus afflicta, palam re inde infecta discedere statuit. Misit itaque priùs Jurumeniam, qui per litteras Pintum moneret. Se quidem post sæpè attentata Jurumeniæ subsidia, vallum impenetrabile cognitum, Anam amnem validè ac passim præsidii infessum, postque omnia circumspecta, exprobrata, ad quæ consilium, & hominis opes eniti quandoque valeant, inanem ac peræquè dolentem facessere tandem frustra tentato subsidio cogi. Ille tamen sui officij duceret, quoniam exigì à nemine potest plusquam rerum conditio, aut for-

tuna tribuerit, ita hosti tradere Jurumeniam, ut pactionum æquitas, honestasque, & necessariæ deditionis abstergere notam, & municipij amissionem propè rependere valeat. Graviter doluit, & adstantibus coram obstrepuit, his acceptis, lectisque Pintus. Proinde statim consultum Ducibus acceperitis, du-riorem ipse, minacemque sententiam protulit, rescripturum se nempe Menesio, decoras eas pactiones, quas ille fieri cum hoste expetebat, vanè ita producta subsidij spe, fallacique exercitus mora, ac ludibrio frustatas jam esse; rediret ergo, & fortunam tentaret, quæ inter acies etiam adversa res in deterius, quàm eo tempore versarentur, conjicere minimè potuisset, vel ab ipso fieri cum hoste compositionem de oppido pateretur contumeliosam, acerbam, qualem imponeret desperatio. Hæc erat Pinti sententia. Deterritus tamen cum ab illis Ducibus esset Pintus, qui nec esse prudentiæ dixerunt, reluctari necessitati, nec etiam officij dissentire supremo Duci, postremò, etsi agrè in communem sententiam discessit. Inter hæc Cantagnedæ Comes Dux Lusitanus sui jam obeundi muneris parte, ut res illa coge bat, satis se cum Jurumeniæ Gubernatore defunctum putans, sublatis celeriter vasis, à colle in quo castra metatus erat, digreditur. Inde per avia atque alta jugorum agmina ducit, ne ea equitatus hostilis tergo infestus assequeretur, transversas etiam, arcuatasque interjectas collibus semitas, quò tutiores ea via quæ Villavitiõsam ferebat, procederent copiæ, sclopetariis per anfractuam intervalla divisim permunit; hostis arbitrio Jurumenia planè deseriatur. Hoc comperto Joannes per internuntium statim admonet Pintum jam prostrigata longè expectati, sollicitatiquè subsidij spe non aliam

aliam obsessis, derelictisque superstitem fore, nisi quam victoris clementia factura esset, videret ergo quid ageret, quid statueret, ne cunctaretur, néve incendio pertinaciam alendo adderet. Interfluentia quæque momenta temporis actiorem in oppidum iram victoris paulò post erupturam colligerent. Ad ea Pintus jam mutato cum fortuna sermone, ac supercilio demisso mitius Joanni respondet breve tantummodò postulans temporis spatium, quo simul ferenda cum Ducibus pacta componeret. Hoc impetrat, lapsoque temporis spatio, ut eos inter Duces convenerat, Pintus deditionis capita protulit. Hæc legit Austriacus, adeoque Lusitanis eo tempore attritis, ac prorsus jacentibus rebus, cum eâ iniqua, ac superba, & quæ victores decerent magis, quàm victos concordia capta viderentur, stomachatus scidit Austriacus, atque alia subinde Pinto remisit, æquiora, usu militiæ recepta, statisque obsessorum maximè accommodata, adjecitque Joannes, esse profectò vincendum dare, non à victis accipere leges, quas autem ipsè nunc exhibebat, Regis Catholici potius convenire modellæ, quàm fortunæ, aut merito Lusitani, quem obstringere magis debebat quod jure belli non raptum, quàm quod gratis relictum esset; at si fortè mox perituris, suæque afflictæ abjectæque conditionis ignaris, eæ leges intolerabiles viderentur, omnia propè diem se per vim, imperiumque à pari superbæ supplicio, & jure belli exacturum, & omnia se excidio, & funeribus traditurum. Tandem post multas utrinque responsionum repetitas ambages, dum Joannis insecti nullo modo sententia potest, comminantique, ac furenti vires in consilio, manûque sunt, Pintus obsidibus traditis in hunc modum cum illo convenit. Hora diei constituta Pin-

tus oppidi Gubernator, quique nolent in oppido ejus incolæ permanere, milites etiam suis armis instructi Iurumenia proficiscantur. Et Pintus quidem cum paucis, primæque notæ militibus integris, cæteris faucis, uno item belli tormento Villavitiolam inde contendat, reliquos milites Lusitanos donec æstas efflueret, Castella retineat. Perfugis nullus, municipibus liber, cum abire inde vellent, cum suis opibus comatus indulgeatur. Arma, alimenta, ac reliquas belli munitiones tuendo oppido comparatas victoribus deferant, si qui præter laceros, incensosque cuniculi fortè lateant, ante eorum exitum declarentur. Hæc cæteræque minoris momenti condiciones pro Iurumenia dedenda pactæ, ratæque, ac die præstituta transactæ sunt. Cum mille, ac sexcentis militibus egreditur Pintus ab oppido, principes simul egressi ob vetus in Castellenses odium tanquam patrii soli, cæliæque obliti, execrantes victoris benignitatè, invidiosique, ac novi impatientes imperii, quò quemque fors, sive utilitas tulit per Lusitanix propinqua loca dispersi sunt. In oppidum vacuum ruinisque omnino deforme, & cladis propè bellicæ bustum subinde victores ingredientes, magnam ibi frumenti, munitionisque bellicæ copiam inveniunt, frumenta tamen partim corrupta, partim ad flumen, ne his uteretur hostis, Lusitani invidia projecta esse, comperunt. Mox cum omni militari ostentatione, atque hominum plausu, quæ victoriæ lætitia expresserat, atque auctoritas Ducis Iurumeniæ succedit Austriacus. Gratias, Deoque vota religione qua erat intimè imbutus in templo majori persolvit; restaurari præcipit oppidum, novoque præsertim militiæ more muniri, ibique firmis præsidii adjectis imposuit Ferdinandum Escovedum Hispanorum Tribunum militum, egregia, quam in illo negotio contulerat,

operta, ejusque fide, ac virtute dignum profectò premium. Patri deinde latum obsidionis exitum nunciat, qui quam in Regem, ut amissi recipiendi regni cupiditate flagrantem jucundissimè cecidisset, in aula tamen vulgatus variè ministros affecit alios scilicet invidentes, metuentes alios fortunam juvenis tanquam publicæ refragantem, ptoque verè, seu falso communi proposito bono, suis quosque studiis, atque affectibus servientes. Sic sparsi, militique modo per aulam ex re per se lacta, atque utili allata, invidiæ, lætitiæ, sollicitudinis sensus, quamvis satis per frontem aulico more simulatio sustineretur, errabant. Atque ita denique Iurumenia post arctam integri mensis obsidionem Joannis Austriaci virtute, atque auspiciis evicta est, Regique Catholico restituta.

His rebus confectis, Austriacus, ut temporis cursu, atque ardore, inflatæque ex successu spe militum uteretur, prætervectique vestigiis insisteret hostis ad Villavitiolam exercitum ducit. Castra ibi castris hostium opposita locat, & munit; deinde jam propinquos infestans populationibus agros, jam castra hostium proximè advectus, per insultantes cominus equites, per sæpiùs excussa belli fulmina tomentorum, per ctebriùs subjectas oculis cædes, quæ ipsa propè cruentaverant castra, in discursu diripientium cædentiumque circa, longæque militum, sive ira, sive causa defensionis, sive occurrete fortè vellet tot contumeliis, & circumstantibus malis elicere nitebatur Lusitanum ad pugnam. Hic autem quæuot circa Villavitiolam munimentis extructis, castrisque fortitet communitis, & undique clausis, ibi à certamine prorsus averfus, ac tutus in otio sedebat, nec verisimile videbatur, qui ad Iurumeniam quoque tuendam conficius effugerat

aleam, iræ nunc aut pudoris stimulo victum, aut virium jactantia sublatum fortunam publicam totius Lusitanæ, quæ uno illo exercitu nitebatur, in periculum vocaturum. Id ipsum planè Joannes intelligebat, liberius idcirco hostilibus castris obversus, & juveniliter exultando per seria per jocos detrimenta ludibriis, irrisoriisque cladibus immiscebat, ut major & inde contemptus suis militibus ctesceret hostium, & circumjectis oppidis terror, quo ea penitus occupata, si in quodquam illorum fieri impetum contigisset, minori negotio ruerent. Hac tandem exercitus mora, irritisque propè conatibus cùm fessus jam esset Austriacus castrainde movens ad fontem, qui Zapateros vulgariter dicitur, quod terræ ingenta siccitate, magnisque ardoribus æstus tunc laboraret aquæ defectu miles, accessit. Is erat præterea locus, qui oppidorum, & arcium majorum objectu, aspectuque cùm circumstrepent animæ consilii, animique pendentes, ac dubios ducere poterat Lusitanos, quo tãdem se foret hostis eo armorum impetu jactaturus, quod si Dux Lusitanus in ea mentis ambiguitate copias fortassè divideret, vel reluctantem ac diffidentem ut enervatum eundem ad pugnam compelli possè. At ille paucis tantummodò militum manibus Campomajorem, & Elvum quibus maximè metuebat immisissis, loco immotus, primisque vallatus aggeribus substitit. Explorato Lusitani consilio, ne frustra Joannes tempus terere videretur, cum omnibus copiis obviam quæque petiret urendo, ac vastando progressus inter Aveirum, atque Monforte Lusitana munita denique loca confedit inde paratus, vel omninò hæc oppida evertere, vel sine mora in deditionem accipere. Cùm exercitum appulisset, Aveirus, quod minoris laboris res esset, celerius

celerius obsequi Austriaco, atque imperata facere cogitur; in fidem propterea confestim recipitur oppidum, cum vita, opibusque oppidani subinde dimissi sunt, jussu Ducis solo ad terrorem æquatum oppidum est. Sera, ac difficilis contra cum hic resistere voluisset, Monfortis expugnatio appatebat, namque ut domui Bregantiae oppidum jure hæreditatis annexum, studiosiores prosectò veteris, nunc autem regnantis Principis incolas retinebat, simul triplici valli ambitu, solidis mœnibus, prævalida arce, copiosoque præsidio roborabatur, terra itidem fertilis erat, & undique culta, quæ frequentes, opulentosque suos municipales cummulaverat. Ægrè ferebat Austriacus secundo jam cursu rerum avectas copias, quæque latius victrices extendi ea aspirante fortuna poterant in ignobili quodam oppido offendere, & moras inutiles ducere, cumque hæc antevertere vellet Austriacus, idem cum corporis sui custodibus prætervectus binis in via cœnobitis occurrit, ejusdem oppidi moratoribus, hisque severe præcepit ut adirent Gubernatorem, suoque imperio denunciarent, se nisi ipse Joanni, & pariter omnia quæ sui juris, & muneris essent, protinus permisisset, eam oppidi cladem, atque excidium comploraturum, quod paulò ante Borbam funditus evertisset. Redeunt in oppidum cœnobitæ, Joannis mandata, minasque Præsidii exponunt, hic subito Duces, Monfortisque primores in consilium accitos docer copias hostium victrices, instantes, fortuna insolentes, truces Austriaci minas, & superbia, fastuque victoris, ac regio sanguine inflatas; Ex adverso subsidii spem à Lusitano exercitu nullam, quippè qui nec Jurumeniæ præoccupare ruinam, nec is laceissus totiesque imitatus sociorum injuriis, suisque percitus contumeliis eas ire ultum,

vel acie cum hoste congredi valuisset. Igitur cum interitum vel servitutem modò proponat hostis, vel pereundum ibi pro libertate resistentibus esset, vel jacentibus cum servitio, graviusque dedecore agendum, his maxime obnoxii, quibus nisi cæca fortuna esset, imperitare deberent. Certam denique, ac semel inevitabilem mortem, & omnium mortalium miseras unà cum sensibus extincturam, an crudele, ac superbum Castellensium arbitrium eligere conveniret cum res adhuc integra esset, incorruptè discernere. His ingenuè, vel fictè ut ad ceteros nempè, si deditio fortè stetisset, facti culpam averteret Præses, verbis in medio prolatis, requisitisque sententiis, cum minarum iræque plena eadem ferè præsentis Austriaci proposita imago, recensque collectus ex Jurumeniæ jactura pavor consternatos animos ageret, cumque extrema, atque acerba trahere consilia, ne vita intercideret, dura quoque necessitas videretur, deditio tandem omnium consensu decreta est, hujusmodi tamen, quæ ne fortuna quidem afflictos eorum decoris, ac dignitatis oblitos Lusitanos ostenderet. Res itaque statim cum Joanne transigitur, utque pacto convenerat, miles cum armis, oppidanus simul cum bonis Monforte decessit, oppidum à Castellensibus conservatum, arci præsidium impositum. Hæc cursim acta cum per exercitum essent, inde ad Cratum contendit.

Est Cratum in Lusitania juris ordinis Melitenis, & multorum adjacentium quoque pagorum optimique Prioratus sedes, & caput, cujus ea tempestate proventus, quia ad Alvarum Melum Castellæ tunc partibus adherentem spectabant, Bregantius in fiscum retulerat. Vetusito, eoque fragili partimque semelo muro, novoque duntaxat aggerè cinctum oppidum, arce quoque in edito sita loco eo tempore munie-

batur, ejus tamen opulentia, & alimentorum præcipuè copia velut horrei totius Prioratus super omnia circuncidentis oræ municipia affluebat. Ea propter de hujus oppidi amissione Menesius magis sollicitus, anxiusque, & quòd tantum ea sibi intercepti frumenti copia virium adimeretur, quantum per eam accessurum hostibus esset, anriquam Crati Rectorem exturbat, illudque consulo defensum quemdam hominem mittit legionis tunc Instructorem, sed præferocem ipsum ingenio, animo abruptum, & pericula nescientem, aut aspernantem, ut si quid fortè perfractis jam rebus temeritas, quam non semper fortuna destituit, consequi potuisset, illo auctore conficeretur. Eò potro Joannes cum exercitu evectus novo statim Gubernatori per tubicinem nunciat; potentiore concederet, ut lex naturæ præcipiebat, nisi fortè Philippo, qui Rex erat Lusitanæ legitimus solvere obsequium, reddere fidem veller. Audit hæc legionis Instructor nullisque tum justæ sibi defensionis occurrentibus causis, verbis procax, stolidè ferox, nec minus judicio, quàm viribus imminutus per internuntium Austriaco respondet. Errat, ac vehementer profecto errat Austriacus si modo rem sibi esse cum Iurumenia ac Pinto Lovato putat: cum milite miles, arma cum armis, lacertique lacertis prius conferenda sunt, & fortuna in medio statuere denique debet, quàm ipse Joannes Crati limen attingeret. Perge porro, & Austriaco renuncia, Ducique Sangermanensi, hinc nisi copias confestim abduxerint, quàm citò effecturum hunc Lusitanum utriusque funere Ducis memorabile Crarum. Hæc tam superbè, tam petulanter, ac stultius effusa, statimque ad Joannem relata verba, Lusitani tunc levitate, ac rumore festiviùs irrisis, vel ex eo delectare plus Ducem, quàm perstringere potuerunt,

quod direptio, atque vastitas oppidi, quas propter ejus divitias ille maxime cupiebat, struente temerè causas eodem Gubernatore, mox legitime processissent. Igitur quo propius, ferociùsque adhortando, increpandoque milites potuit, cum specie terribilis Crati mœnibus acies appulsa esset, tormentariæ præterea sedes iniquo, planoque raptim dispositæ loco essent, quaterè passim, ac frangere muros cæpit Austriacus, & quædam earum cum in tumuli dorso municipio imminenti erectæ essent, stragem desuper incolarum oppidi semitas ambulantium, & infra pugnantium in mœnium vertice militum cumulabant. Cæterùm milites, oppidanique jam propè intuentes murorum, hominùmque ruinas, constratum undique solum armis, cruore, corporibus laceris, nec in tanto squalore, atque luctu humanam ullam videri, aut ferè divinam inesse opem, quàm quidem, quod omnia potest, subtrahere in supplicium plerumque soleat pertinacibus Numen, dolore ardere plerique, & cum questibus lachrimas fundere, quod unius amentis hominis rabies tot fortunas, tot opes, tot hominum vitas unà cum patria præcipites ferret; multos, qui inter humanas vices recrudescenti placidè locum fortunæ dedissent, sæpius ab ipsa incrementis felicibus reservatos, sed omnia adversa, atque prospera, spes, atque metus cum corpore simul amitti, etsi cruciatus, cum uti vellet suo jure victor, abesset nec adeo iratus urgeret pervicacibus hostis. At inutiles quidem stetus, atque in irinum jactæ mulierum, virorumque querelæ, vocèsque cadebant, nemo enim verbum refractario cum hoc homine audebat de communi salute facere, hos namque tristitia, alios incesserat desperatio omnino diffisos posse hominem furiosum, atque ad omnia fortunæ molimenta projectum ratione, argu-

mentis,



mentis, aut precibus vinci; nonnullos quoque ceperat metus, ne in monentis perniciem monitio ob trucem illius expertam sæpè iracundiam revolveretur. Erat tunc fortè inter eos, verus oppidi Gubernator, qui, ut hic novus illi succederet legionis Instructor, nuper ex auctoratus Menesii mandato fuerat. Is privatim, ac publicè novo Præsidi insensus, ac præsertim exulceratus, quod per illam sibi ignominiam, novumque intrusum Gubernatorem, nihil præter oppidi excidium, & illorum hominum stragem quæsitum esset, caput propterea miscere cæcis, accendere turbas, languentemque prædicando, admonendo populum excitare, nimirum contra fas, contra jus belli, contra officium, & fidem etiam Principi obnoxiam in fortunas, in municipum viscera, in aras, & focos sua levitia, sua stultitia, sua pertinacia tunc debacchari, atque insanire Gubernatorem, cum nervorum ipse non minus, quam consilii, mentisque inops, & capitis æger hoc labili muro, hoc milite exiguo exundantis, victorisque exercitus æstum perstrata ferè in municipum corpora, sanguinisque profluvia velle inhibere contenderet. Quibus, & aliis similibus ad rem apposis verbis incolæ arrecti, concitati, quia quærelarum omnino vindicem, Ducemque tumultus in re per se asperissima invenerant, ex templo conveniunt, Præsidem circumsistunt, deditionem exposcunt, ac si ultra furere perseveret, ejusdem ruina, & cruore eam in commune grassantem flammam sese restincturos minacibus verbis, gladiisque erectis interminantur. Hic, ut interius immissus, ictus gravius Præsidem vulneravit; postquam itaque videt undique se circumventum, revera plus turbulenti populi minis, quam gladiis hostilibus, externisque mortis impulsibus pavidus ad concordiam petendam postremo coactus insignia pacis ab arce,

& mœnibus explicat. Joannes, qui omni rejecta conditione suo arbitratu de municipio statuere decreverat, pacis insignibus spretis, nihilo segnius per continentes mœnium ruinas, ac repetitas impressiones violentum sibi, eruentumque ad Cratum aditum præparabat. Ea porro inflexibilis Ducis ira, animique comperta duritie Cratenles dejecti, ac formidine propè attoniti, stupentisque, si quid inter arma fortassè religionis verecundia valeret, binos subinde venerabiles senes, & sacerdotes ab oppido emittunt, qui supplices, lugentesque victoris pedibus advoluti canorum honore, sacrique habitus reverentia certam ex pacto salutem tantummodò peterent, cetera Austriaci arbitrio relinquerent, sed dum illos præsentem accusat, exprobratque Joannes, scilicet lenitate, & clementia ejus indignis, ac nimis serò pœnitentibus tandem, nihil ex pacto velle concessum, iique lachrimis contra clementiam, & veniam extundere parant, quas meritum non dedisset, fortè evenit, ut ea jactatæ spe pacis illecti captique hostes, cum & arma vix sustinerent præ metu, ac lassitudine lubrica, temerè pugnam remitterent. Itaque signo repente dato Castellenses scalis admotis in muros insiliunt, perculsos, conturbatosque re improvisa propugnatores continua cæde prosternunt, qui minùs obstiterant, pavidos fundunt, fugantque, cruore subinde madentes in municipium illati rapere passim, trucidare, spoliare, subvertere, cæde, & cruore cuncta miscere. Obtinuit tamen in tanta rerum jactatione, furentiumque tumultu Joannis imperium, ne quis nisi armatus fortassè obtans, aut cum impetu caderetur, nève mulier violata, aut templum ibi direptum, aut profanarum foret, cuiusmodi sanè præcepta, nisi gratia splendore Ducis, ac dignitate præstantis, quemadmodum erat Austriacus, ne-



queunt audiri bellico impunè furore obstreperre. Caterùm cruoris non minùs militum iram effusio, quàm ipsorum quoque avaritiam congestarum prædarum cumulus satiavit; frumentum, quo oppidum abundabat, publico reservatum multis diebus suffecit alimenta militibus. Cratum tandem combustum, cædis reliquæ dispersæ, arx per cuniculos scissæ est. Triduò eo loco occupatum insignis hæc clades Castellensem exercitum tenuit. Inter hæc ab initio irruptionis in oppidum cùm jussisset Austriacus extemplo comprehendi Gubernatorem, meritis oris, operisq; protervix sibi pœnas perfoluturum, errore nominis milites ob ejus similitudinem capti, utrumque Crati Gubernatorem, & qui præcesserat, & qui nuper illi successerat, vinctum ad mortem trahebant; Ut ad supplicii locum perventum est, prior Gubernator diris jam, funestisq; instrumentis, & funereo apparatu, ac præsentis horrore, mortisq; imagine circumfusus, an Joanni vacaret, interrogat, jure, aut injuria unius Christiani hominis pereuntis pauca, atque ultima, extremòque expressa spiritu verba excipere. Voti compos, sicut petierat, ad mortis solatium Lusitanus effectus, Mori se quidem, dixit Austriaco, non, ut fontem, aut invidentem ejus inclytæ gloriæ, sed quod esset vir Lusitanus, cujus innoxio quoque cruore fœdare manus, explere sitim, forbere spiritum, Deo, suòque Regi pergratam libationem sceleratè, atque impiè Castellensis existimabat. Ipsum enim de Joannis adventu certum quò ejus in Cratum non modò facilis, sed etiam ornatus, & pro oppidi facultate magnificus esset ingressus, Virgines patriis tripudiis, ferisq; vernantibus comptas, & pompam ducentes illi obviam effundi ut triumphi comites destinaverat, à legionis tamen Instructore prohibito, sua industria deinde, suo

labore confectum esse, ut coereretur idem oppidi Gubernator abjicere arma, petere pacem invitus, nunc si pro tanto suo merito dignus æstimaretur, qui cervices, aut jugulum carnifici daret, se se antea monitum esse velle, ut morientis modò cruore, & post coagitatis manibus mortui testatum ad Lusitanos transmitteret, Castellenses Lusitanorum semper sanguinem inhiantes nec beneficio, nec maleficio exploratos immanis suæ indolis quidquam adversum illos unquam inflectere posse. Cùm hæc audisset Austriacus quæri præcepit, vera ne essent, quæ diceret Lusitanus, & cùm fidem in verbis esse constaret, ne dum incolumem, sed honoratum etiam Lusitanum dimisit. Legionis Instructor ultimus oppidi Gubernator ejusdem jussu Joannis sclopis in medio foro gratumque militibus spectaculum præbens transverberatus occubuit. Post Crati hujusmodi excidium adversus Oguelam victor exercitus tendit. Lato campo inter Xevoræ, Berlongæque fluente loco præalto, amænoque hoc insidet oppidum; mœnia ejus robusta erant, veterisq; opificii, alia etiam circum se extenderant munimenta, quæ & majora omnia reddebat sublimitas situs. Arx accedebat usu quoque recentium vallo, fossâ, imis cripatis, multis belli tormentis, & quingentorum subnixa præsidio militum, eoque tandem municipio occupato, præclusus Castellæ aditus hostibus, eique liber futurus esset, qui Alburquerque tenderet Badacocium, nec post Jurumeniam sanè receptam eo utilior, ac fortior cāporum jam latè potentibus Castellæ militibus locus occurrit. Huc ubi Joannes infestus accessit, cùm ea natura, ac munimine situs, tum odio Castellæ, gentique insita pertinacia, majorem in illo, quàm postea cognovit, contentionem, atque laborem offendere putans, omnes statim parari belli machinas jussit,

arctius

archiúsque oppidum obsideri, premi-  
que. Dum hæc impigrè parant, & pas-  
sim ad morus oppido terror incumbit,  
ejusdem oppidi Gubernator, cui ferè  
ante oculos etiam erat miserabilis Cra-  
ti ruina, ac temerariè susceptæ defen-  
sionis horribilis exitus, quisque inter  
incendia cædésque morientium propè  
gemitus; ploratusque paulò ante auri-  
bus exaudierat, loqui ipse ita secum,  
& animo volvere cæpit. Lusitani exer-  
citus Duci sub quodam regni recessu in  
tanto fragore, ac rerum omnium tur-  
batione tanquam latibulo incluso aliam  
post aliam ejusdem regni flamma, fer-  
róque penè consumpti cladem si ad  
propulsandum voluntas deesset, infu-  
dum, si vis, imbecillum, si animus,  
torpidum agitare; utcumque res esset,  
ruere undique oppida, pereuntibus non  
succurri. In Oguelæ quoque cervices  
ut Castellæ finibus inhaerentis, & pro-  
pinqvitate maximè gravis, acutiùs pro-  
fectò copias, quæ ita flourerent, ac vi-  
trices insuper essent vim effusuras, &  
impetum esse. Huic pesti, huic bellicæ  
flammæ, huic quasi gurgiti armorum  
omnium, quod nunc satis opponere  
liceat, nec intus adesse, nec foris sperari  
posse; subsidiarias enim externæ qua-  
si metu torpere copias, harum igna-  
viam, sive impotentiam animos adde-  
re hostibus, at inter illarum segnitiam,  
& horum hominum alacritatem con-  
jectos quid reliqui habere præter la-  
mentabile excidium, & rerum om-  
nium interitum. Illam præterea ob-  
stringere Principi fidem, quàm potens  
sit Princeps in suo cliente tueri, nec tan-  
ti quidem habendam, ut cum exitio  
mutanda sit, dum uni servire, vel alteri  
Principi fortuitum homini sit, & pa-  
rum, aut nihil discriminis habeat, nulli  
verò naturæ, sive fortunæ bono æqui-  
parabilis vita sit, imò verò ne Principi-  
bus quidem, qui omnia omnes ad uti-  
litatem expendunt, acceptam illam

fidem censendam esse, quæ cum pri-  
vatæ ac reipublicæ clade, ut esset hæc  
in præsentia, simul occideret. Post hæc  
secum excussa Præfes, & cum amicis  
subinde collata, satius denique fore  
constituit, si ultro Joanni per pacta tri-  
bueret, quod secus ille crudeliùs mox  
per vim extorturus fuisset. Itaque mis-  
so, qui Joannis colloquium pro re com-  
ponenda peteret, dum interim laxiùs,  
miniùsque solliciti milites Lusitani super  
oppidi muros concordie fiducia, ac  
blandimento versantur, memores tunc  
Castellenses Cratenfis nuper adeptæ rap-  
inæ, casusque recentis, suæque ipsi cu-  
pidine instincti sine lege, sine imperio  
celerius progressi Oguelam pervadunt,  
& mirabile sanè dictu, cum eo impetu  
invectus, prædæ duntaxat avidus mi-  
les à sanguine abstinet, hic ex privato,  
hic ex publico rapit, obvios hic spo-  
liat, alius in tecta, domosque progressus,  
quæ prompta erant, coacervat, quæ du-  
bia ruinis erepta seponit, omnem licen-  
tiam in lucrum, & avaritiæ illecebram  
vertit, nec in tanto tumultu, atque stre-  
pitu, qualis in populantium discursu  
militum esse solet, contigit cades nisi  
fortuita. Indignatus hæc, & similia fie-  
ri, justoque dolore succensus oppidi  
Gubernator, & inter eam confusionem,  
& multorum hominum fugam elapsus  
Austriacum quærebat illi querelas ex-  
positurus, se nempe delusæ spe pacis  
incautum tempore iniquo, violato jure  
ab ejus milite oppressum esse. Erat  
Joanni ad boni Principis normam eru-  
ditio, ingenii acumen, auctoritas, lepos;  
solitus ergo perspicere gravia, atque seria  
condire jocosis, Lusitanum sparsu ru-  
bore, atque tristitia vultu ad se queru-  
lum venientem semione præoccupat.  
Quomodo tu cum sis nec extra nume-  
rum Lusitanus, tam citò, ac libenter  
Castellenses hospites admisti? Ille verò  
eo Ducis habitu, ac specie latus, muta-  
ta cum vultu sententia, & quærelis, quas  
ad

ad causam collegerat, prætermisiss, quoniam, Austriaco retulit, citius tu soles eorum, qui minus sibi solliciti sunt, Gubernatorum elidere fauces. Austriaci denique, iussu, præda protinus Lusitanis à Castellensibus restituta, eas, & gratis honestas, & amplas tribuit illis conditiones, quibus, ne aspirante quidem fortuna, meliores iidem expetere potuissent. Iuvit tamen hoc æquitatis, & gratiæ militaris exemplum, ut pavorem, & publicum odium ex Crati, atque Borbæ terribili excidio concepta moderaretur, scilicet, ne insolitus rigor hostiles omnino irritatos, metumque ad extrema contractos ad desperandum impelleret ani-

mos, nè nimia indulgentia, ac mansuetudo dissolveret, cum scitè librata formidine spes, atque aspersa rigore facilitas nunc remisè, nunc severius agendo, aliàs felicius utrumque miscendo minori negotio mortalium animos verteret, ac torqueat. Itaque oppidanis, atque militibus cum armis, & opibus Oguela digressis, roboratisque muris, & arce binas pro præsidio Joannes ibi reliquit Italicas legiones, Præsidemque Comitem Sartiranzæ clari nominis Ducem, cumque eo tempore calor æstivus, eoque sub cœlo siccitatis qualitate fervetior arderet, contentus Joannes hac, quæ gessisset, æstate consueta stativa repetere milites iussit.





# DE BELLO LUSITANO LIBRI OCTAVI

S U M M A.



**V**LISIPPONIS petenda consilio omisso, Austriaco permit-  
tatur bellum pro suo arbitratu gerere. Paratur Classis, ejus-  
que regimini imponitur Dux Averensis. Veteres Legiones  
que Mediolani versabantur inutiles, in Castellam transfe-  
buntur. Bregantius à matris avulsus tutela & virtutis &  
fortune opinionem penes indigenas & externos capiare optat.  
Cantagneda Comitem ad se vocat, & Translagana armorum  
imperium in Sancium Emanuelum Comitem Villafloa trans-

feri. Is inviens arces & oppida regni, Eboram negligit. Ioannes quàm  
credidit: rat belli expeditiqnem extrahit. Qua de causa, Badajocio profectus, Ebo-  
ram petit. Sancius ultimam Castellensis exercitus aggressus aciem, cum aliqua ca-  
de recedit. Austriacus, per Didacum Cavallerum circumjacentia municipia, ad de-  
ditionem compellit. Ludovici Meschite Gubernatoris Eboræ, viri militia plana im-  
periti, iussa recipere detestant Duces. In subsidium urbis electi mittuntur equites,  
sed improspere exitu. Ludovicus de Sousa electus jam Portus Antifles, communi  
deditionis consilio pertinaciter obfistit. Civium confusio. Milites pugna cupidos com-  
pescit Austriacus, ne prædæ opulenti distraberentur. Nono postquam obsessa est die,  
Civitatis fit deditio. Alito Ulisipponem urbis amissa nuncio, populus concitatur.  
Irrumpit in sedes Antiflitis & Cantagneda, easque diripit. Extinguitur voce Prin-  
cipis tumultus, cuius auctores aliorum obtentu criminum, scelus penas dant. Seve-  
re præcipit Rex Catholicus ut Eboræ cives clementer traherentur. Copias, Ioannes  
ad dimicationem instructas movet. Infelicitè ad Odigebenfè flumen ceptâ pugna,  
gressus avertit ab hostibus. Sancium resistentem fecit ad pugnam Scombergius,  
Canalia pugna, in qua Lusitanus plenâ, opimâque potitur victoriâ. Castellensem  
caforum, sauciorum, captorum numerus. In Marchionem Pirovanum mira canis fi-  
delitæ. Ulisipponensis Antifles, populo hilariter turbulento, duo milia nummum  
ex fenestra projicit. Amissa Eboræ, brevi à Lusitanis recipitur. Didacus Caval-  
lerus missus ab Austriaco, ut Elvum furtim caperet, expectatione delusus rever-  
tatur. Ignis injectus bellico pulveri funditus evertit Arroncium. Aulicorum Austria-  
co tratorum questus. Huic præcipit Rex, ut cum levis è status, bellique Senatûs  
consiliarius, sibi de bello melius gerendo consulat. Dux Ossunensis propugnaculum  
extruit propè Almeidam. Confictus apud Ieresium, in quo Castellensis primo impetu  
obtus, postea concidit hostem. Accedit ad Aulam Sangermanensis, ut excutiat ca-  
lumnias

*lumnias sibi ab amulis afflictas. Militie munere devolutus, arma in Lusitaniam resumere vetatur. Alexander Farnesius externi equitatus Magister renunciatur. Cantagneda Valentiam Alcantara petit, in ejusque possessionem pro Bregantio traditur. Offumensis cum exiguis copiis Castellum Roderici aggreditur. Obsidionem solvit, & deinde prostrato exercitu sibi fugam consulit. Philippus Austriacum ex-auctoratus, ipsum per ministrum monet, ut ultrò abdicatis militiæ curis, Conso-  
cratam consensu secedat. Comes Marcinus curam armorum subis, donec Joanni succe-  
deretur. Propugnaculum ab Offumensi constructum solo aequat.*



## BELLI LUSITANI

### LIBER OCTAVUS.

1663.



**A**LTERO belli anno Vere jam appetente sollicitior utrinque de bello apparan-  
do curatum Lusitanos, tum Castellenses districtos habebat; dum reputat Castellensis finitimus jam, minusque validis oppidis Lusitano per bellum ereptis, interius nunc latius-  
que terrore armorum incusso, firmiores, utilioresque Lusitanis invaden-  
das, oppugnandasque arces, ut armis paulò ante parca conservarentur, & suo quoque ordine pergeret tanto impendio, tanto labore, tot per annos frustra quaesita illa dura, atque dubia receptio regni. Quocirca sententiis in aula Catholica variis Belli, Statusque Senatores impliciti altercabantur, an petere modò expediret Ulisipponem belli caput, & sedem Imperii, unòque ictu, & virium omnium militarium impulsu bellum, bellique omnes simul abscindere causas, & nervos. Res per se utilis, & orationis quoque specie magnifica, & ampla, spe tamen durior, & factu asperissima videbatur: ad eam enim ipsam rem capeSSendam duplici opus erat exercitu, alio quidem ad magnæ urbis ob' idionem immobili, alio versatili, & ad subita rerum, quique primi terga defenderet, & tutò alimenta suppeditaret, applicito, simul prompta, & valida classe, quæ mari-

tima auxilia, atque externa alimenta subvehi ad urbem obsessam prohiberet. Postquam verò lenè discussum, atque perspectum est, neque ararium, neque usitatas pecuniarum collationes, neque nova tributorum commenta in Imperio jam pristinis bellis, ac temeraria quadam munificentia Regis exhausto sufficere posse tot simul collatis terra, marique sumptibus, tum demum Ulisipponis petendæ consilium omissum, Austriacique prudentiæ permissum est, is bellum in illo anno pro suo arbitrato, atque sententia gereret. Fuit illa tamen & seriùs omninò, nullòque usu parata classis, ejusque regimini impositus Dux Averensis, strenuus, & impiger ille juvenis, Bregantiòque nomini, & privata, & causa publica insensus, fatòque paulò post intercepti defuit materies ingenio juvenis. Veteres quoque Hispanæ, atque Italicæ legiones, quæ Mediolani residuæ, & propter hæcenus stantem cum Gallo pacem versabantur inutiles in Castellam transeunt sunt, frequentisque delectus militum per totam rursus Hispaniam in veterum supplementum agitabantur. Haud minor profectò sollicitudo, bellique parandi cura, laborque ut memoratum est ex altera parte occupaverat Lusitanos, quippè quos non gloria, aut ambitio, sed populariter ita prætentata, dulcisque ac verbis, potius quàm rebus usurpata libertas, patriæque tuendæ studium accenderat itidem metus, ne si Castellam fortè vicisset, eas poenas victori luerent,

rent, quas esset acerbius ab illis, & culpa defectionis, & jure belli Castellensis repetiturus. Auxerant etiam graviores Bregantio pro tempore curas, solemnes Lusitani tractandi regni, quas ingressus recenter erat, primitiæ, ab Aloisix nempe Gusmanæ matris tutela per jam adultam, regni que potentem ætatem avulsus, optabatque primam idcirco, quæ maximè interest, fortunæ, ac virtutis opinionem, & auram penes indigenas exterisque, exploratius qui clavo novus federet, initia Principis observantes, capere. Igitur prius immutatis Rectoribus regni, aliisque subiectisque quos novus favor, & gratia, aut prædictæ gubernationis invidia, aut splendor virtutis extulerat, eodem consilio Bregantius Ulisippone ad se vocavit Ludovicum Menesium Comitem Cantagnedæ longa virum experientia, & belli, pacisque artibus eleganter instructum, cujus fide, ac subsidio, ut rem jactando præterere voluit, res Lusitanas administraret. Veta enim, ac potior revocandi Menesium occulta Principi suberat causa, quia cum dissideret à Marte Bregantius tanquam invita, & quasi per vim à regni regimine devoluta, & partes idcirco novas in aula quærente, ac sibi veteres confirmante, diffidebat etiam Meneseo tanquam ab illa promotus, ac si ferret occasio fortè illi gratiam in Principis fraudem persoluto. Proinde Transaganz regionis armorum imperium, quod Meneseus adhuc habuerat in Sancium Emanuëlem Comitem Villastoræ, qui in Viensis provinciæ tractu idem muneris sustinuerat, à Bregantio translatus est. Erat autem hic Sancius Emanuel, qui circumfessam ab Aro quondam, acriterque oppugnatam egregiè defenderat Elvum, navatæque ibi feliciter opera ad superiora illum deinde militiæ munia, gradusque pro-

vexerat. Hac quoque militarium officiorum mutatione Dionysius Melus equitum, alter Ludovicus Meneseus tormentorum Præfecturam obtinuit. Comes Scombergius, qui nec honore, gradusque militiæ ob insignia congesta merita retrahi, nec altius debebat, cum esset exterus, pro vehi, supremam, quam antea habebat castrorum Præfecturam retinuit. Præterea, quod multis Ducibus Ducum, qui prælio conferto pro re enata iusta legitime indicere Lusitanus per id temporis uteretur, tunc primum adsciti in illo exercitu sunt Generales Instructores militiæ, quem belli morem, quod utilis videretur, Lusitanus minimè abhorruit à Castellensibus mutuari. Aderant quoque frequentes à Gallia, atque Anglia auxiliares transmissæ copiæ, nequiquam Luteriæ contra amittente Hispano Legato, qui sanctæ pacis articulos fractos, & fidem quæ ad Pireneos data erat, corruptam vehementer objecerat Gallo, si ita fortè clientelam exueret, nec Lusitanum adversus Catholicum Regem pecunia, & militibus, ut promiserat, adjuvaret. Igitur Sancius Ulisippone diebus aliquot immoratus postquam accepit Principis iussu, cum exercitus parte digressus, ea circuire, ac diligenter invisere cepit, quæ ad se pertinebant, arces, & oppida regni, si quæ fortè ut hostibus obvia, ac propius objecta periculis munitione, aut commeatibus indigerent. Ubi intentius omnia perlustrans ad Ebotam tandem venit, cæsi improptetam ipsam aspiciebat, caducam ruinosis, ac laxis propè cinctam mœnibus urbem, simul omni ferè externo, internoque carentem præsidio, & multitudine tanta civium, cum obsidio fortasse ingruisset, ipsi se infestam, suisque se viribus corruptentem, secum ta-

men reputans Sancius urbem in medio positam regni, multisque ante ipsam occurrentibus hosti velut arcibus praeunitam, atque vallatam, cum arario, ac tempori parcere simul necessitas coegetet, eandem, ut situ suo tutam, & quasi ab armorum sepositam strepitu omnino neglexit. Hinc Extremotium evectus reliquis ibi collectis ex tractu finitimo copiis, sedem amorum fixit, existimans hostem, aut illud oppidum esse aggressurum, aut inde se ejusdem consilia ex propriis vestigiis observaturum.

Interea Joanni, qui Vete primo ineunte copias movere ex Badacocio statuerat, ut astivi minus atdorris, qui in ea regione molestissimus esset, labore districta exciperet, per magni momenti, atque oblatam repente rem accidit, ut diutius quam ille crediderat, belli expeditionem extraheret. Quippe Rex Galliae summo Pontifici adversus, quod in ejus apud aulam Romanam Legato jus gentium, ac regiae majestatis nomen, decusque violassent cognati ejusdem Pontificis Alexandri hujusce nominis septimi, cum cultor injuriae, & ira minisque flagrans expiationem, atque vindictam à Pontifice posceret, hic verò eam pollicendo, ac dolose procrastinando tetere tempus, quo Galli deserveret ira, impetusque torperet, vel minora deinde fortasse tribueret, momenta pendentibus videtur, illudi ita sibi Rex indignatus, pronoque suo ad iram ob juveniam ingenio, & aulicorum etiam incitamento percussus Gallorum agmina in Italiam immiserat, tumore quidem ubique diffuso, in satisfactionem injuriae ditionem Ecclesiasticam impetendam, tacita cura tamen Hispanos, Italosque momorderat, ne usus fortasse Gallus insidiis per eam

substatam occasionem injuriae publicae persequendae, cum Gallos in Italiam egressus, aliò dictis, aliò armis collinearet. Hispanus idcirco jusserrat, ne Mediolano veteres legiones pro Lusitano bello decretae prius ad Hispaniam transirent, quam terror à Gallis per Italiam effusus, & causa quoque terroris omnino discuteret. Ea legionum transitus mora impedimento fuit, quo verna à Joanne belli conducta expeditio longius produceretur. His tandem adjunctis, cum illatus à Gallis decesserat mentibus timor, ceterisque subinde lustratis copiis, se plane Joannes in armis habere comperit peditum quindecim fere millia, equitum verò sex circiter millia. Inde ex Catholici Regis decreto, jussuque ordinatio Legato equitum tres alios Legatos adjunxit, scilicet Melchiorum Portocarrerum, Joannem Mazacantum Italum, & Alexandrum Moreram Lusitanum, multiplici Duce multiplicatis jam equitibus designato, ac tum praesertim, cum eorum Magister alio etiam belli munere implicaretur. Prorogatum Sangermanensi armorum Gubernatoris officium, ac nomen est; supermiusque Castrorum Praefecti, & equitum simul Magistri curam admissam Didacus Cavallerus suscepit, quia Ludovicus Podericus summus Castrorum Praefectus aut Germanensis concivi simul & amulo ob vanitatem subijci, aut illius interventu umbratilem quamdam gerere ulterius auctoritatem minimè passus ad aulam secesserat. Belli tormenta curabat Ludovicus Ferreirus Almenatae Comes. Ceteri Duces agminum erant plerique milites veterani, haud minora stipendia quam belli decora jactantes. Hisce Ducibus, his florentibus copiis, omnique belli apparatu cum Badacocio

Joannes

Ioannes profectus esset, idem iter instituit, quod anno ante Iurumeniam oppugnaturus perrexerat. Vix militari propositus terminus, supremique mens Ducis aliis omnibus erat occulta præterquam Duci Sangermanensi, subdole tamen voces quò distractis curiosè rimantibus rem, commodius sub falsis vera laterent, inter milites jactæ, Ulisipponem contendere exercitum, nec itineris sanè cursus, nec tanti exercitus apparatus, & copia vulgato de industria rumori planè dissentiebat. At Sancius Emanuel, qui, ut plenior, ac promptam hosti opponendam componeret aciem, multas præsidii provincie nudaverat arces, quique eas quasi nervis eo tempore incisus parvis quibusque offensionibus fragiles cerne-  
ret, varius propterea, atque animo fluctuans agitabatur, qua ratione explorata consilia hostium maturè antevertere potuisset. Iamque hostium itinere, & cursu attentissimè contemplato, per dubia, atque obliqua tracta vestigia Villaviciolæ nunc ille minari videbatur exercitus, nunc Estremotio, cum hæc denique à tergo relinquens oppida, & progredi etiam exercitus pergens ingentem Lusitano curam incussit, quò ultra tenderet Castellenis velut in syrtes, in saxa ruens, medius videlicet inter hostes injectus, & ferro ibi facile, aut fame conficiendus, aut altiori, nec sibi ipsi fortè intellecta fiducia nixus. Hæc dum à consueta specula contuentur, variisque simul sermonibus conferunt, anceps de indagando consilio hostium distraxerat Duces sententia, alios nempe segetum vastitatem, incendiique ruinas per agrorum latitudinem me-  
tuentes, alios ita per astus fortasè progredi exercitum asserentes, ut recto repente versus post improvi-

sus, & gravior in aliquam arcem incurreret. At verò Sancius Emanuel, qui à belli hujus initio circumspiciens gesta, motusque Joannis, ejusque ingenium, mentemque per actionum propè rimas explorans consiliū sui latebras, atque indolis fermè genus attigerat, hoc viso, constanter asseruit, rectà inde Joannem Eboram urbem petere. Ex quo enim Austriacus in Lusitania belli præfecturam inierat, is minimè factū dura, sed plana, ac facilia belli negotia suscipere solitus sit; seu quia diffusus ipse fortunæ, ac lufibus Martis, & opinionis, famæque aucupandæ, atque adeptæ sibi tuendæ magis, quàm novi operis studiosus, incertis, ac magnis exigua, atque certa quæ plus rumoris, ac pompæ longo intervallo jactata, minus ex propinquo periculi haberent, tractanda præferret, seu quia effrata jam, & cadenti patris Regis ætate perutilè foret illegitimo filio ad extremum usque anhelitum patris ducere spes quas animo coqueret, altiores cum amorum imperio. His ergo vel aliis de causis cum more suo declinaret Austriacus regni oppida firmiora, conjecit, dixitque; nec falsus est, his, qui aderant Ducibus Sancius, tunc à Joanne per ea, quæ teneret vestigia, esse Eboram invadendam, utpote infirmam vel naturæ, vel artis destitutam præsidio, & imbellium præterea civium multitudine laborantem, quæ nec difficile capta inanem, sed magnæ victoriæ speciem imperitis, ac præcipuè remotis, vaga ubi fama recrefcit, ostendavisset; adeò verò ea percepta se tandem ratio Lusitani in animo fixit, ut ad urbis præsidium statim mitteret Sancius tria peditum millia equites circiter mille. Supra hominum quinque millia ad manus tunc temporis erant in urbe



armis pro patria sumendis idonea, hisque novis præsidariis adjunctis, Eboræ satis consulum censebat Sancius, quò usque roboratæ diligenter suppetiæ per exercitum accessissent. Castellensium interea per iter rapinis, ignibusque furcantes Eboram versus pergebant copiæ, cum Sancius, qui fortè propius cum modico exercitu vestigabatur, ultimam Castellensium, quæ impedimenta claudebat, aggreditur aciem: trepidationem, tumultumque militibus, Joannique nonnihil curæ, ac timoris improvisus hic impetus attulit, quod reliqua longius, progressa acies nequaquam erat eo tempore in promptu extremæ repenè interceptæ periculo subvenire, simul quod res improvisa, valida incursum, militum fluctuatio immiscere, ac turbare poterat ordines, qui gradus quidem victoriæ in militia primus habetur, ac postremò disjicere. Joannes itaque immotos, adversaque hostibus fronte conversos stare ibi ordines jubet, exemplò deinde expeditos, levisque armaturæ equites, prius in terga, nunc in frontem in Lusitanum euntem impulit, jussos primo illo constanter impetu excepto, & per circuitus eluso, extractoque cum hoste certamine tumultuariis, & variis illis assultibus detinere, subsidiariæ donec accitæ cohortes in tempore successissent. Verumtamen Sancius postquam primum suorum militum impetum, plus ubi spei reponebat, videt ab hoste refractum, stare integros ordines hostium, hinc certare, hinc eludere, cuncta Joannem sollicitè providere, tum, & cæteras, quæ antecesserant, copias in hostis auxilium supervenisse cum robore longè impar, ac viribus esset è vestigio Extremotium cum aliqua cæde recessit. Triduo post laboriosum, & longum cum jam iter emensus es-

set, juxtà Eboram sessus Castellensis exercitus constitit. Inde statim misit Austriacus cum magna equitatus parte Didacum Cavallerum circumjacentia, minusque firma ad deditiōnem municipia compulsum, simul itinera, & loca propinqua ad magis premendam civitatis obsidionem cum certis militibus occupatum. Is impigre statim cum equitibus circumvectus adire, peragrarè minora oppida, ea partim sua spontè oblata in deditiōnem accipere, alia cogere detrectantia, hæc terrore, alia fraude, nonnulla blanditiis excipere, donec ad Eboramontem, ita vocatur oppidum, ventum est. Præsidebat huic oppido Emanuel Lopezius vir Lusitanus sermone æquè dicax, ac manibus promptus. Hic obsignatam Austriaci rabelam cum à Cavallero porrectam acciperet, in qua loci deditiōnem præcipiebat, aut statim exitium, nisi dicto pareret, comminabatur, fretus altitudine loci, qui & arcein habebat situ, atque opere satis munitam Didaco retulit, non se chartarum, aut tesserarum ludo, sed armis confertis, lacertisque commissis, & incumbentium propè corporum lucta ad certaminis præmium ponere oppidum statuisse, arma igitur expedit, ut re probaretur uter eorum petulantior, an fortior esset. Audit hæc Didacus, cumque simul animo volvit in hostico sinu, in nimis remoto loco, in aspero situ, etiam natura reluctante conatibus, velle pro horrido oppido, angusto, suamet ariditate defenso cogere Præsidem armis, hujusmodi facinus esse, quod frustra exhaustire potuisset exercitum, spēsque ampliores, quæ ostendebantur, imprudenter extinguere, Eboram irritus prætermisit, capique subinde, ut illi etiam impositum erat, omnes ad Eboram aditus per insesos quoque tramites intereludere.

Post

Post hæc prima luce propius urbem advectus specie, ac terrore obsidentis regius se omnis circumfudit exercitus, acciditque eodem ferè momento temporis, quo idem exercitus ad Eboram appulit, ut serius, quàm opus erat, pro usu, & custodia turmatim in urbem ex agris abacta pecora milites intercepterent, quæ opulentissima quidem, & repenti, atque ex facili paræ præda, & annonam, & gaudium exercitus auxit.

Ebora amplissima, ac vetus in Lusitania civitas, & celebris quondam Viriati, ac Sertorii quoque, ut placet aliquibus, sedes in lata planitie posita jacet. Ex regione meridiana virentes, amæni, ac fertiles colles ejus aspectum tenninant, ad quorum radices magnificè structum surgit Carthusianorum Monachorum cœnobium; ab Oriente paucas distantem leucas Vegarem urbem; ab Occidente Divi Hieronymi sanum habet, idque in recto Estremotii itinere situm. Quà Aquilonem civitas spectat flumine alluitur, quod irriguos, & uberes agros, & pascua, & proceræ quoque nutrit arbusa frequentibus lucis, rivulisque distincta, inde in hortos, qui latè patent, illapsus variis ibi fistulis ad amœnitatem, & usum pariter circumflectitur. Urbs ipsa præter antiqui opificis muros ex terra congestitia, limoque compactos, alios quoque circumrectos, quos tumultuaria defensio, Sancio jubente, paraverat, aggeres ostendebat: aqua, civis qua deficit intus, per veteres aqueductus suis fornicibus innitentes, quibus colli jungitur civitas, ad incolæ trahitur, eoque arcuato sub opere ad aquarum usus tutelam raptum inceptum quoddam propugnaculum erat, sed hostis postea celeritate dimissum. Circa imperfectum hoc munimentum sedet cœnobium Sancti

Antonii nomine eximium, & amplum, ipsumque ingens utrique propter loci momentum certaminis causa futurum. Pro Duce Bregantio gubernabat id temporis Eboram Ludovicus Melschita, vir idem nobilis, at imbellis; nam propter locorum longinquitatem, ac situm cum ab hostium incursionibus devia, ac tutior propterea illa civitas putaretur, alibi, & ubi eos periculum, aut necessitas poscere videbatur, viri militares institerant. Postea verò quàm in hac etiam urbe repente bellum exarsit, tumque ideò imperari, cogique capta, quæ necessaria pro bello sunt, acria inter Duces exorta dissidia, litisque contractæ rudis scilicet hominis, imperitique militis jussu recipere detrectantes, ne aliena, ut aiebant, quis interiret inscitia, néve in communi periculo factus, ac simul reipublicæ noxius, illo stultè jubente, se stultius obtemperante, futurus esset. Ambitio, quæ ubi non sunt persæpè ipsa fingere, ac pingere causas, ut imperitet, solet, hic se vehementior causa in rem advocata invehebat. Eò tandem processit gravior illa contentio Ducum, ut Sancium quamprimum in Emanuelè Mirandam veteranum Tribunum militum, qui Eboræ aderat, ejusque consilio urbana defensio præparabatur, regimen urbis, quod ad rem militarem spectabat, transferre compulerint. In urbem ita sitam, ita paratam appulsus tandem cum validis copiis Austriacus, arripere primum intendit, quæ aptiora tunc videbantur obsidioni premendæ loca, & suburbana præsertim cœnobio in turrium speciem circumfidentia. Inter hæc Lusitanus ab urbe cum equitum turmis egressus, in hostilis exercitus fronte constiterat, fulgore duntaxat ibi, inanisque armorum jactatione & quadam equorum

inquietudine, ac pulveris jactu velut ad pompam hostes laessere visus, dubiis interim Castellensibus hærere ibi, ac terrere fortasse hostis, an progredi, & levia, aut majora ferere praelia, an proximum Divi Antonii cœnobium ibidem longius cunctando tueri medicaretur. Interpositus erat agger, qui utriusque partis adversos, & mutuis hærentes aspectibus equites dividebat, per quem equorum inhibito cursu ferreis tantummodò fistulis res vagè, atque procul innoxiiis plerisque volitantibus pilis agitabatur; nec ultra pergere Lusitanus, ut verius conjici poterat cogitabat. At Castellensis ea tergiversatione, atque mora cognita hostis, & quid porro facturus esset incertus adhuc suorum pendebat nutibus Ducum, qui in urbis situ locorumque ei adjacentium descriptione penitus occupati nihil gravius huc usque providere poterant. Tunc Comes Boëtus nullo imperio, suo tantum impetu tractus, & paucis comitatus equitibus contiguam aggeri fossam transgreditur, inde cohortatus alacriter socios admissis equis concitat cursum, sparsos quosdam Lusitanos aggressus equites fundit, obvios persequitur, qui autem firmiores in ipso loco Lusitani, reliqua falsò rati Boëttum agmina sequi, ac velle intendere pugnam, trepidi terga vertunt, atque inde effusis habenis ad mœnia, tormentorumque belli tutelam suffugiunt. Pulso ita equite, ac libero planè subinde campo progressus explorat fortè Boëttus Antonianum esse cœnobium paucis equitibus custoditum, omni pedite destitutum, jace-re profectò illud aggredientibus opportunum, idque è vestigio relictus Cavallero magistro equitum nunciat, adjiciens maturato opus esse, ut priùs cœnobium invaderetur, quàm erro-

rem, aut negligentiam corrigeret Lusitanus. Hoc audito, magister equitum eò statim infestus abire Tribunos jubet Agnellum Gufmanum, & Ludovicum Frialium cum duabus legionibus Hispanorum; hos sequitur ipse Didacus confertis cum equitum turmis, superatâque fossa pedites equitibus fulti acriùs invehuntur in hostem, qui in cœnobii præsidio erat. Prior irruentium, & ex adverso eandem quoque vim sustinentium impetus propè par, pârque cædes utrinque fuit, mox animi ardore potiùs ob militum paucitatem, & spiritus impetu Lusitanum, quàm æquis viribus annitentem, cum vis hostilis numero incumbens undique truderet, urgeretque, tandem exanimatum, viribusque contusum, ac penitus fractum Castellenses cœnobio pellunt, eoque successu læti, cruentique ad Carmelitaram inde cœnobium, quod propinquius erat mœnibus, advolant. Verùm ut hic imminens urbi locus, hisque ita ad vim præcavendam utilis, sicut ad eam inferendam hostibus necessarius cum pro murorum custodia objectu quasi crepidinis hostiles fracturus impetus esset, cumulatius propterea à Lusitano fuerat armis, & milite communitus. Igitur post truculentam ibi commissam pugnam, & ingentem, & mutuan illatam utrinque cædem horror, ætus, vulnèrum, corporumque militum farratio certamè postremo diremit, eo frustra cœnobio sex circiter horas acerrimè verberato. His perfunctonè, & ad summæ quasi rerum prolusionem à Castellensibus gestis, in hunc modum stationes deinde primariis Ducibus assignantur. Joannes Austriacus, Sangermanique Dux ex parte Orientali; Didacus Cavallerus meridiem versus insedit Didacus Correa, qui erat Legatus magistri equitum solutis cum multis agminibus viam occupavit, quæ ad Villavitiolam ducebat, præliares autem accessus,

fus, ac tormentariæ sedes in hunc modum partitæ sunt, Hispanis majoris propugnaculi pars attributa; è latere ejus, ubi sublimis aderat locus, Germanus miles confedit. Contra urbis portam meridianam constitit Italus Carmelitarum cœnobio adversus. Neque usui tunc fore Joannes jacete aggerem, vel alios construere receptus vel munimenta duxit, cum ea urbs ut muniminis inops, mœnibus fragilis, ac sibi metipso ob imbellium multitudinem onerosa, nec esse diù videretur hostium iētibus duratura, & ruinam etiam ante promitteret, quàm foret integrum Sancio, his, quas tunc properabat colligere, copiis subvenire labenti. Igitur Castellenses festinare, parare omnia, vires, ingenium acuere, sternere fossas, tormentis muralibus scindere muros, & insuper aliundè obli-dionales certatim accessus per nationes extendebantur. Has inter mœnium ruinas, & passim calentia militum opera, Agnellus Gusmanus cum sclopetariis aliquot prætervectus, agrestia quædam, murisque proxima urbis mapalia domosque desertas, parvo negotio, qui ea tutabantur, ejectis, invadit, & occupat. Videt hoc ab urbis specula Lusitanus, & cum hostis propinquitate, sitûque civitati nimis infesto, gravi-que tum hostis qui ibi ad tutelam infederat, paucitate commotus Eborâ statim equite, peditèque munitus erumpit, hostemque assecutus jam ferò perspecto periculo trepidum, & fugam nequicquam spectantem inter mapalia trucidat, ab ea cæde vix uno per fugam incolumi Instruatore legionis elapso, nam paulò antè Gusmanus excefferat; complures enim equites, peditésque admodum paucos Castellenses sclopetarios invasent, eoque temerè prætergressos & à robore legionis abstractos & undique circumfessos, ut nihil eis aliud superesset auxilij, nisi

quod dextera sibi, aut iratus desperatione animus contulisset. Cæterum si illa animi alacritate, eodémque animi ardore, impetûque institisset rem benè captam persequi Lusitanus expellere forsitan potuisset eo ipso tractu ubi muniti minùs agebant, quot se obtulissent hostibus obviam, atque eodem subito incurfu amissum fortassè Divi Antonij cœnobium recuperare. Diverterat enim eo tempore ferè omnis equitatus Hispanus commeatus quærendi causâ, vagabaturque agrorum, armentorumque prædis implicitus. Sub hæc ferociùs Itali prætervecti Carmelitarum tandem cœnobium attingunt, jam tormentorum, ac molium labe refractum, variisque passim hiatibus patens, & undique penè scissum. Fœda tunc ibi conferitur pugna, retortis nunc hastis, nunc sclopis excussis, simul facibus, saxis, omnique generis jaculis supernè ac perpetuò demissis. Italici tamen audacter, alij scalis euntes, alij inter saxa repentes, per abrupta, per obliqua conmissi, plerumque collapsi, aut extrusi, & post acriter redeuntes interruptum, ac remissum sæpè certamen pertinaciùs instaurare. Tandem, quia in extremo res erat, confluentibus undique Italis, aliisque viris subsidiariis, ac præter plures ruinarum accessus, omnibus quoque cœnobij aditibus occupatis, tum Lusitani prorsus afflictas, prostratasque res suas intuentes, insignique illa cæde perculsi, deserto repente cœnobio ad propinqua urbis mœnia recurrunt. Itali captum cœnobium tenent, indèque statim cum belli ibi tormenta disposita essent, per assiduas murorum, ædiûmque ruinas ingentem quoque sexus promiscui stragem inter urbis semitas cumulant.

Eodem quoque tempore Hispani Itatorum exemplo incensi alia via,

quæ partito ab initio labore contra urbem obtigerat, vehementius enixi se se propius intulerant. Hic igitur conglobatus, ubi plus periculi erat, in loci defensionem aderat Lusitanus; magno impetu irrumpit, ut arceat progressu hostem; venientem exturbat, ac retrocedere cogit, simul etiam in aggerem, qui Castellenfes ibi tegebat, eodẽ impetu præceps ruit. Subit tunc aggerem inter gladios & ignes, & irruentiũ, strepentiumque tumultum impavidus Rodericus Moxica Tribunus, ejusque in vertice cunctis conspicuus, ac fermè nudus, & hastis, pilisque frustra jactatus insistens alios milites voce, alios periculo excitat, inde jam obstinatius accensa pugna descendit, & se ipse quoque certantibus miscet; crebroque solutos, ac pulsos Castellensium restituit ordines, ac prælium reintegrare coëgit, tandem non modo locum certaminis causam retinuit, sed etiam fufis hostibus, fugatisque eò ultra subinde cum eadem legione quæ vallum custodiebat, tetendit, ut eodem correptus impetu ceperit etiam templum Divi Dominici, quod quia infestius urbi impendebat, ibi locatis belli tormentis, urbis excidium celerius approperebat. In hoc statu civitas erat, cum ejus extremo comperto discrimine Sancius, vel ut obsessis adderet animos, vel pactiones cum hoste differret, quod utique parum ad rei summam proficere poterat, centum electos equites Duce Xoveto genere Gallo, in urbis subsidium misit. Nocte intempesta hi vias per obliquas, sibi que duntaxat locorum periticia notas euntes in eam stationem offendunt, ubi situs custodes in seposito tanquam loco, atque omninò ab incurfibus tuto cura soluti, ac semisopiti jacebant. Vix procurentium equorum strepitus vigilum aures primum attigerat, cum equitum illa pars, quæ ordine prima

pergebat, dilapsa jam erat, cætera pars, quæ pro transitu spatium vigilibus dedit, languore, somnòque discusso in arma raptim eundi, suscitandique clamore socios, gladiis, atque hastis excepta configitur, perpauci, qui ultimi erant diffugunt; hosti caprivos nonnulli se tradunt, inter quos equo fortè prolapsus Dux vivus abducitur. Improper equestris hujus exigui subsidii exitus mirè obsessorum projecit animos civium, qui, & majora, ut res, & periculum admonebat, à Sancio præsidia præstolabantur, & hæc modica quoque viderant hostium conatibus interclusa. Jamque præterea ex Carmelitarum, & Dominicanorum cœnobiis intus, & foris assidue civitas pulsabatur, Germanique continuo labore, & corporum nisu vehementer, & ipsi urbis mœnia dilacerabant. Undique simul ruinæ, acervique saxorum ingentes quassatos per muros straverant aditum hostibus, eos propè jam aggressuris; nec item spes ulla defensionis, sive salutis, nisi in subsidiis, quæ nimis sera, & ambigua omnibus videbantur, Lusitanis obseptis interlucebat. Hæc cum videret Austriacus, satiusque pro gloria, atque fama virtutis duceret dare, quàm eripere vitam, & clementer à victis exigere, quàm obsequium per vim extorquere, tubicinem misit ad urbem, qui ita jam fractis, ac perditis rebus deditiõnem à Præside postularet. Erat per id temporis Eboræ Ludovicus de Sousa Ordinis Cisterciensis electus jam Portus Antistes Ecclesiæque Eboensis administrator, quo nemo alacrius ea tempestate urbis obsessæ tutelam juvit, vir quidem se ipso agendo, & Ecclesiasticos incitando, & cætera bellimunia obeundo militari magis, quàm sacro tractando baculo idoneus. Hic postquam Præsidis, militumque sententia inclinavit ad oblatam ab hoste compo

compositionem, ut necessariam, accipiendam; nihil enim tunc obstinatio, aut dilatio deditiois jam extremo præcipitio pendentibus posse videbatur asferre, nisi excusationem, atque licentiam hosti graviora paulò post impetrandi, atque iras in captos exacuendi, hic, inquam communi deditiois consilio pertinaciter obstitit, inò verò dicere palam est ausus, si metu atque horrore militibus corpora, aut animi vires obriguissent, sibi deinceps, & saceris initiatis Eborum propugnandam relinquerent. Ita porro increpando, carpendo persæpè socios tumultumque inter plebeios, ac nobiles excitando, & clamore, & convicio potiusquam rationibus usus pervicit tandem Antistes, ne illo, & postero quoque die rursus idcirco coacto in eo conventu deditio decerneretur. Hoc maximè modo Ioanne à conditionibus pacis excluso, cum omnia vis inconsulta, & projecta satis audacia, insanusque animi impetus obtineret, cives militibus misti murorum certatim sarcire labes, hiatus explere, novos super dejectos aggeres struere, indefessi, intentique omnibus locis aut præliantes, aut reparantes, aut utrumque simul agentes adesse, ipsùmque studium, & cura sustinendæ cadentis patriæ religiosos, & laicos viros, & feminas noctu, diùque mirabiliter occupatos districtosque tenebat. Sed irritus erat, impigre licet incumbentibus, labor, atque inanis sollicitudo; discissa enim, multisque in locis hiantia perpetuò concussa patebant mœnia, coacervatæque passim ruinæ & aliæ alias aut exterius impulsæ, aut suo præcipitio trahentes, quosdam intus cædebant, plurimos lacerabant, vivos alios sepeliebant, eaque ipsa tumultuaria mœnium refectio, fluxa, caduca, insufficiens nonnisi pericula, cedes, aut funera in illam intentis

multiplicabat. In urbe igitur jam desperata defensione, cum omnia rerum confusio, atque animi perturbatio, pavorque quanta inundare ex calamitate publica poterant, miscuissent, audiebantur ploratus puerorum, atque mulierum solutis crinibus discurrentium, tumultuosæ populi voces, ac terribiles minæ ab hostibus nempè ad civitatis Principes arma, ii nisi exco ab eo errore, pestilentique fiducia desisterent, conversuri. Torpebat idcirco formidine miles, deshebat civis, mœrebat Principum ordo, squalor omnia, luctusque ceperat, non ritè civile, non militare agitabatur imperium, & plerique suspicabantur præter instantis fortunæ fluctus, nec parem tot cladibus urbem, esse etiam ex Castellæ partibus intus, qui clam in publicis malis seditiosas populi faces accenderent, nutriréntque; stabat interea ante omnium oculos rutilantibus armis, & plena irarum, atque minarum suo ordine instructa Castellæ acies, simul prædarum instincta cupidine, mortæque cladis impatiens expectabat tantummodo signum, quo impressionem in urbem, & satietatem animis faceret; milites tamen victoriæ spe tumida concitados, & pugnæ cupidos tunc compefcebat Austriacus, ne si forsitan urbs primo illo impetu cecidisset, & jure prædæ procederet miles, ingentis partæ rapinæ cumuli jam opulentum, nec alia postea curantem distraherent militem, sibi que odia ita publica augeret, atque exercitum diminueret, aut perderet. Ex civitatis præterea habitu, ac miserabili specie, ejusque tum improvviso quas laxata defensione, ut belli peritus conjecerat Dux, incundæ se potius ea tempestate concordix, quàm certamini comparare. Neque ea sententia fefellit Austriacum, mox enim per certas inducias sublatis utrinque armis, compositio in hunc modum processit.

Præfidia

Præsidarii milites cum armis, equisque unôque belli tormento Eboræ urbe abeant, arma subinde tradant equosque, captivique intra Castellam usque ad exactam ætatem maneat, civitatis Gubernatore cum aliquot familiaribus ejus excepto, quibus & liber egressus, ac tres eorum quoque larvatos, si ita placeret, exire permittebatur. Cives, aut liberi cum omnibus bonis in urbe consistent, aut aliò sua sponte migrantes, quæcumque velint secum asportent. Item sex mensium spatium relinquentibus urbem indultum, quo intercurrente, statuere cuique de fortunis liceret, quæ Eboræ constitissent. His portò conditionibus, nono, postquam obsessa est civitas die in Joannis potestatem concessit. Deinde, ut pacto cõvenerat, urbe digressi sunt pedites ferè bis mille, equitè que trecenti, urbani præsidii, infelicisque belli reliquæ. Ab euntem Eboræ Præsidentem, cum hic salutatum de more Joannem accederet, salibus iste pupugit, quasi nondum attritis, atque omninò perditis rebus per immaturam deditionem inimico succubisset. Æstinari que fortassè ita Joanni conveniebat, ne ab urbe tam imbecilla aridam quandam quæsisse lauream, atque in re parva breviter laborasse cæteris videretur. Atqui intestina revera citiùs, quàm vis externa, ut inhærens visceribus malum adiecit tunc consternatum animo Præsidentem maturare deditionem; nec simile quidem est, munitum parvumque defendere oppidum, ac populosam, ut erat Eboræ, urbem, illic enim numero pauci, nec grege inutili constituti, faciliùs uni se homini addicere possunt, tractari, flectique; hic verò ubi soluta, effrenisque populi vis non ampliùs rectorem, ac legem patitur suo sive ingenio, sive alieno scelere ablata, ipsi contumeliosè parere, vel fixè perire loci Præfectus cogitur. Incessus autem

deditionum militum hujusmodi fuit. Ab occidentali Eboræ porta digredientes ad Carthusianorum cœnobium Lusitani progrediebantur. Equo vectus Didacus Correa Castellensis equitatus Legatus antecedeat, parique passu lævæ coherentem habebat equitatus hostilis Ducem. Inflat is de more buccinis, armisque succincti, resurgentisque hos sequebantur equites Lusitani Castellensibus misti, pone pergebant pedites suis ordinibus distributi, & tanquam victi sine ignominia essent, sclopos, ensesque ostentantes. Militaria tantummodò signa huic bellicæ pompæ desse apparebat, quæ antè clava per eos conflagrasse creditum est, ne jactantiæ, aut ludibrio Castellensibus forent. Cum ad cœnobium perventum est, positis armis ibi in custodia Lusitani relictis sunt, dum ratione conventionis in Castellam deducerentur. Magno deinde splendore, fastuque victoris Austriacus communique gratulatione, plausuque cum Ducibus urbem ingressus Deo ibi gratias apud aram maximam egit; rebusque positis compositis, vetuit, præsidarios præter milites quemquam eorum ad urbem accedere, quique severa adversus ejus edicta molestiam facessere civi, aut violare, aut surripere, aut rapere aliquid ausi sunt, ægrè enim se omninò tenere cupiditas potest, gravi supplicio statim affecti.

Inter hæc Eboræ ab hostibus circumfessæ, nec adhuc capte Ulisipponem allato nuncio vehementer commota, ac passim turbata civitas est, velut jam minitabundus ad portas insisteret hostis; majora omnia verò, atque trucia turbulentis cogitationibus metus ut ab Hispani Imperii amplitudine, viribusque collectus subiciebat; ideo undique palam hominum cætus, seditiosæ populi voces, procacioris quærelæ, & passim turbarum notabantur initia in  
commu

communem subinde eruptura perniciem, si Eborā forsan illo perfracta impetu concidisset. Hæc ubi videt Bregantius, & ac deteriora paulò post ab incerto martis arbitrio metuit, simul rudis, mollisque suæ ætatis apud omnes contemptum, ingenique & animi vires novo, & nunc insuper turbido illi sustinendo regno minime pares, adversæ præterea, quæ administratione nuper excesserat, factionis invidiam, & murmur, vetusto, ac penè insito hominibus vitio, quæ sibi in regiminis clavo successerit, obtrectantis, tum fautores Castellensium occultos, qui & discordias ubique serebant, ortisque discordiis tanquam in ulceribus ungues extabant, & ubi denique metuit Ulisipponensis populi ingenium natura sua volubilius, atque ferocius, & indole quadam ignea seditionibus præparatum, non minus idcirco de Ulisipponē quàm de Eborā urbe sollicitus, trepidusque Bregantius Status Senatū frequentem coëgit, ejusque sedulo excussa, latèque tandem sententia præcepit, irent extemplò qui Sancio denunciarent, ut nihil omnino cunctatus, vel pro imperio tergiversatus quanta posset celeritate cum omnibus copiis Eboræ obesset subventum iret. Ad res urbanas deinde conversus jussit, ut Cantegnedæ Comes veteranos in urbe milites jungeret, novos, ac fidos conscriberet, propinquos vocaret, jactis ubique de industria rumoribus ad Eborensem defensionem ea tantummodò comparari, sed revera præsertim, ut si quid ex Eboræ fortè lapsu, ut res metuere cogebar, subiti ingrueret in urbem tumultus, per ea prompta subsidia reprimeretur. His ita rebus Ulisipponē pro angustia temporis constitutis; eo ipso, quo Eborā, die Lusitanis erepta est, imperium quoque Bregantii ad Sancium Emanuēlem delatum, ut opem adstrictæ ab hosti-

bus urbi primo quoque tempore ferret. Nescius tuac erat Emanuēl, quo in statu Eborā versaretur, nihilominus, & si adhuc Eborā staret, haudquam ex longinquo ipse censebat loco inflexibiles esse leges bellatoribus imponendas; eas sæpè sæpius longum per iter senescere mora, & vanas effluere, aut rebus quandoque mutatis, observari cum vellent, evadere obnoxias, ibi enim, & momenta singula pendii opus esse, & ex momentis deliberare, nec raro temporis fugam, & volucres rerum vices ea ipsa in bello, inter arma decreta, atque jussa minime assequi. Hæc ipsa præsertim à Bregantio edita jussa nec sana, aut utilia videri, nec tuta, nec tali temporis consentanea ad suffragia tamen vocavit Duces, ut si improbanda fortassè mandata Principis essent, unusquisque particeps fieret ejusdem consilii, periculique; nec solus Sancio aut Bregantii imperio neglecto contumaciæ, sive perfidiæ, aut infelicitet ipso suscepto imprudentiæ, ac stultitiæ reprehenderetur. Metuebat enim summopere Sancio ferociam, ac levitatem juvenis, ad iracundiam valde proclivis, eamque ad prorsus explendam regia fiducia, & insano quodam tumore præcipitis, & quod in causâ mandati, si malè res cecidisset, æquè Reges irasci soleant ingenuè parenti, vel non parenti, aut solerter imperium interpretanti. Coëuntibus itaque Ducibus in consilium, ibique Bregantii litteris recitatis, cum sententiæ perrogarentur, haud pauci, iique potissimum juniores, quorum tota in festinatione, atque impetu virtus est, cum imperii rigore, atque verborum asperitate, qua intendebatur epistola territi, tum inanis gloriæ cupiditate rerum ob imperitiā, atque ætatis ardorem ebullientes confestim esse pugnandum, atque etiam abruptè suppetias civitati fetendas esse clamabant; certa namque



námque & acerba non parentibus esset Principis indignatio, at martis exitus in anguo. Seniores verò, peritique militiæ tunc hæsitantes, resistentisque præstaret-ne iussa Principis, an belli jura rescindere, cum hinc privata, hinc publica utilitas traheret hos inter æstus taciti præteribant. Unus tamen Comes Sabugalius vetus, strenuusque miles inter juvenilem audaciam, & seniorum cunctationem, atque silentium animosius in hunc modum disseruit.

„ Hæc duo nimirum ex animo Principem velle, & Lusitanas legiones incolumes, & Eboram aut receptam, si cecidisset, aut inconcussam, & integram, si hæcenus illa staret. Utrumque autem eodem se tempore impune, & ex facili consequi posse. Sinerent ipsi duntaxat per distorta consilia, per difficiles semitas hostem suopte vestigio, eadem quam stultè selegerat, via, unde nullus erat regressus locus, errantem petere precipitium. Quippè si hucusque invictam se se Eboram sustentaret, inopportuno planè tempore, iniquo loco Lusitani futurum esse certamen cum exercitu Castellensi, hic dum militum numero, & flore militiæ, & præsertim equitibus prævalerent, qui per patentem Eboræ campos invincibiles pene forent. Sin Eboram, ut verisimile quoque erat, in hostium jam esset potestatem collapsa, ibidem etiam cum hoste tum alacri, & expedito, ac victoriæ prætereà successu tumido, simul impari acie, impari loco, imparibus animis deteriori omni conditione, & spe victoriæ penè undique abscissa Lusitanum dimicaturum. Contra verò fatali, quæ jam impendebat, aut illa fortassis vicerat, necessitati permissa urbe, aut inibi Castellenses cum eodem exercitu constitissent, & tunc in terra hostili, undique illis infecta, plena ira-

rum, plena ultionum, procul à domo, procul ab ope circumfessos, adstrictos, & rerum omnium oppug-natos inopia, fore profectò, ut eos citius angustia, aut rabida fames, prævisus vel metus, sive animi dolor, quàm arma Lusitana consumerent, aut Eboram capta hostes inde illicò discessissent, & tunc ita quoque ratiocinandum, vel eos abeuntes esse urbem inermem, sine præsidio, sine viribus dimissuros, sibimetipsi tanquam relictam, aut transituram in jus occupantis, quo rerum habitum, quis satis obstiterit, ne ultro, atque statim rediret civitas ad obssequium, quod ab eadem invita, armisque subacta, atque afflicta Castellenses expresserant? vel cum adjecto præsidio potius, quod ampla in urbe, nimis remota, atque hostibus circumfusa haud sane poterat esse modicum, ante discesum Eboram hostes relicturos fuisse, & in hoc statu denique rerum dum illi redirent, dum hosticum fugerent meliori de industria prærepto loco, jam copiis debilitatos, metu exanimis, & propè interclusos, ac fessos in itinere posse hostes velut pecora trucidari. Quod utique foret porrectam ab hoste occasionem arripere, suæ non deesse, in consilium flectere casum, ac rectè proficere ex erroribus hostis; nam deleta, aut absenti exercitu Castellensi, aut ibidem manente, ac voluntario prope vulnere dissoluto, cum affectu, animoque Lusitanis semper addicta civitas sit, ideò facillimam quoque receptu fore, ex adverso, si temerè nunc procedatur in aciem hunc Lusitanum exercitum profligatum, non Eboræ modò fortassis amissæ, sed totius etiam regni contracturum perniciem, ac pestem fore. Cæterum sic modo esse pro bello res ab ipsis hostibus con-

cinnatas,

„cunctas, ut possit etiam absque præ-  
 „lio sedendo vincere Lusitanus, aut  
 „huiusmodi inire prælium in quo, id  
 „quod rarò sanè contingit, minus præ-  
 „valeat fortuna, quàm ratio; fortu-  
 „nam igitur an consilium, & ratio-  
 „nem in omnibus rebus amplecti præ-  
 „staret, cui fortè dubium, nisi fatuis,  
 „sive amentibus esse? Huc quippè  
 „ea superbia, eo supercilio & morta-  
 „lium omnium contemptu, seu iusta  
 „potius Numinis ira, obcæcata se se  
 „iactasse consilia hostium, ut inter  
 „avia, & abrupta deprehenso, cum  
 „nec hærete ibi, nec progredi possent,  
 „tutiorẽ Lusitanis victoriam, quàm  
 „vel ad salutem sibi fugam ornave-  
 „runt. Vias igitur omnes Lusitani  
 „milites insiderent, & advecticios  
 „commeatus interpellarent, simul om-  
 „ni studio, ac diligentia explorarent  
 „consilia, itinera, motus hostilis exer-  
 „citus, ut ipsum subsidis, cibariis, iti-  
 „neribus interclusum in tempore cir-  
 „cumvenirent.

In hanc ergo sententiam, quia ve-  
 ra erat, & quia auctor inventus est, qui  
 eam cum periculo expromeret, sine  
 ulla mora facta discessio est. Lusitana  
 itaque acies jam duodecim mille pe-  
 ditibus, & quatuor mille propè equiti-  
 bus constituta paulò post de Eborensi  
 ruina certior in campo Laondralio ubi  
 loci natura copiam sibi alimenti, ino-  
 piam hostibus faciebat, castra locavit.  
 Amænus præterea agger, & fluentibus  
 passim aquis abundans, atque arbori-  
 bus confitus æstus ardorem, qui solito  
 magis tortere, ac furete cæperat, mili-  
 tibus leniebat. Inter hæc Uilippo cum  
 propter urbi decretas à Senatu suppe-  
 tias, & à Principe iussas sublata obse-  
 dionis notitiam in horas singulas expe-  
 ctaret, postquam Eboram lapsam, atque  
 hostibus deditam intellexit, effrenatius  
 quam rationem, quam erga Principem  
 verecundiam docebat, ad omnem li-

centiam exarsit, eoque liberior, & con-  
 tumacior, quod iu publicæ causæ titu-  
 lum furorem assumere prætendebat.  
 Jam ex primo sonitu armorum, qui cir-  
 ca urbem Principem obstrepuerat litis  
 sua sponte, & malignorum etiam in-  
 stinctu huic turbini fuerant sævi, impo-  
 tentisque vulgi animi comparati, post-  
 quam verò triste nuncium amissæ urbis  
 allatum est tum egentibus, fractiosis, tur-  
 bulentis ingenio viris, quique præda-  
 rum suffugia, & turbarum præmia qua-  
 rebant, cum Ebore quoque afflictæ  
 calamitatem sive famæ, sive hominum  
 vitio mendacis plurimis onerarent, per-  
 facile fuit jam fluctuantem, paratam-  
 que erupturæ procellæ populum furio-  
 sissimè concitare. Itaque in fraudem  
 rumore composito, & per circulos ja-  
 cto jam terra victrices copias, jam mari  
 Castellæ classẽ Uilissiponem accedere  
 prædicabant; nihil turpius, nihil mise-  
 rius, quos minùs certè decebat secum  
 agere potuisse, venditam esse hostibus  
 libertatem, saginatos egenorum sub-  
 stantiis, & sanguine procetes, ministròs-  
 que; publicam prorsus pecuniam vel  
 dissipatam, vel in usum privatum ver-  
 sam; ita se nunc ab hostibus victos, à  
 magistratibus proditos esse, à Princi-  
 pe destitutos. Quid reliqui miseris esse,  
 præter deformem patientiam, aut ul-  
 timam contumaciam? Servitutem, la-  
 trocinia, vastationem, Tyrannorum  
 imperia, seu Lusitanus, seu Castellen-  
 sis vicerit sempiterna sibi futura, &  
 utrinque abjurandum, aut pereun-  
 dum omninò esse; si porrò decus, si li-  
 bertatem, si fortunas tandem amiserint,  
 & propè amissuri salutem sint, vindi-  
 ctam expostulent, ac virtutem, ani-  
 mòsque demonstrent ulciscendæ non  
 minùs injuriæ, & juris, vitæque tuen-  
 dæ quàm vis patiendæ constâtes, quique  
 impuris, suarumque voluptatum man-  
 cipiis servire hominibus abhorrent.

Hisq̃ tumultuosis longè latèq̃e ma-  
 nantibus

nantibus vocibus irritati magis, magisque cives, officinis repente clausis ad arma præcipientes ruunt, alii scelpos, & gladios, quidam faces, & saxa, multi sudas, contorsque & quæ fors obtulisset, arripiunt, armatique, ac tumultum ubique cientes, proclamantesque furiosi per urbem volitant. Crescit subinde quoque recentium, & in transitu collectorum ad clamorem, strepitumque concursu multitudinis æstus, quos imitatio, quos aliena bona diripiendi, quos sua servandi, aut vetera, occultave odia tumultus sub latebras persequendi cupido ministros seditionis adjunxit. Neque ex infima tantum, ac lutulenta plebe conflata ea turbarum licentia, atque colluvio est; rapuit enim permultos etiam, qui antea prudentes, ingenuisque inter pacatos affectibus, ac temperatis motibus habebantur, nempe ex genere eorum, qui sua quidem vitia callide tegunt, jactantque turbatis rebus, qui etiam probi, mitisque ipsi, sed moribus fragiles, levi quacumque subiecta causa facillime offendunt, quique tandem errore judicii alieno consilio facile ablati ad omne fas, atque nefas peræque versatiles sunt. Copiosior, atque inflammator exinde populi vis, ac plura tumultus adjecta capita, quæ propè limphatam ducerent multitudinem, jamque officii, jurisque omnino frenis abruptis, sic mire pro arbitrio illam tractare, atque flectere poterant, ut eodem tempore populus videretur parere simul, ac furere. Primus igitur hominum impetus Ductorum impulsu in civitatis Principes fusus, quò veniæ spe scilicet in procerum læsione, atque injuria consumpta, solutius in ea contumacia, ac furore duretaret plebs, attritoque in rebus magnis pudore, ac formidine prorsus excussa, reliqua audacius aggrediretur. Et quidem in primis, ut sacris à rebus inciperet

scelus, Ulisipponensis Antistes id ætatis, id miniliterii gradusque homo per tumultus, & arma quæsitus est. Is erumpentis seditionis initio ad Regiam, ubi tunc Bregantius agebat, effugerat, at sedes in vacuas irruunt, sed opulentia, atque pecunie plenas repertas, alia rapiunt, alia igni, alia ferro cotrumpunt, ingentemque ex profanis, sacrisque rebus cumulatam prædam asportant. Inde irritata sceleribus, peccandique inflata fiducia ira, haustuque exploratæ libidine prædæ, in Cantagnedæ Comitum sedem, qui paulò ante quoque dilapsus ad Regiam erat, irrumpunt. Ibi civilis contracta rabies clades recentes integrat; undecumque spoliare, rapere, trahere, fundere contumelias, cum rapina, atque turbis miscere cruorem, & cum plurimum ibi re ipsa noceret, amplius, si posset, nocere velle. Ea ipsa subinde multiplex furia, pestisque per magistratum, primorumque diffusa domos, cum fluminis instar, quod longius se volvens collectis in transitu fluctibus crescit, & numero, & viribus aucta esset, crudelius exarsit; ad sceleriora quæque per scelorum quasi gradus eniti, audere omnia, vehementius inflare; in aditus saxa, in testa faces immisisse, assultus, vulnera, verbera, in eos, qui fortè obstitissent, inflicta; non nobilibus verecundia, non magistratibus honor, non mulieribus reverentia, non concivibus jus reddebatur; omnia tumultus, furor, seditionisque ex omni parte tempestas invaserat. Cum ita per urbem velut in captos plusquam hostilia exercendo plebeius ardor debaccharetur, in Regia Bregantius, Ulisipponis Antistes, Cantagnedæ Comes, alique viri primarii, qui sub Principis umbra latebant, tristes, ac pavidi consultabant, quid fieri opus esset ut tandiu, tamque sævè, atque impie insanire pergenti populo occurrerent, & utrum seditionem suo impetu

impetu defervescere, ac lassitudine frangi sinerent, an nuper paratos à Cantagnedæ Comire milites, ac maximè externos, quibus, ut à communis contagionis causâ seclusis plus confidebant, opponerent. Comes ut intrepidus, acer, & vir militaris ingenio, qui civium salutem in remediû celeritate, subitâque interposita vi reponebat, censuit, esse adducendas citissimè copias, inrescèntemque seditionem, priusquam in reliquam urbem, atque extra urbem per fraudulentos artifices spargeretur, aut ipsa fortassè in corpore velut affecto „ radices figeret, evellendam. Nihil „ enim, ajebar Comes, fordida plebe „ superbius, atque ferocius, cùm fixæ „ nos excusserit, suoque ipsa uti sinatur ingenio, nihil ea volubilius, atque „ meticulosius, fronrem cùm ipsi „ si, & conferere velle manus ostenderis, æquales præsertim, vel saltem non „ contemnendæ si illi vires objectæ fuerint, qualia per id temporis in ipsa urbe præparata subsidia erant. Rapi- „ dam illam præterea numerosi populi „ vim, quæ sua agitatione, morûque „ proruppro, ac violento se ipsa exercendo pletumque lassatur, ac solvitur, „ in tempore pressim faciliùs exstringui, „ ut procaces, ut impotentes, nimisque „ iracundi, qua levitate, animique pro- „ pensione efferuntur ad iras, irarum- „ que saturitatem, ea ipsa citiùs mutantur, & concidunt; ex adverso, cùm „ impunè, ac licenter peccando grassetur plebs, atque ad aliud ab alio lapsa scelus infanariat, eam nisi priùs „ fregeris, quàm injuriarum atrocitate „ agnoscat non amplius mereri se veniam, & gratiam Principis exhaustisse, „ in conversatione, atque mora supplicii „ facile posse iras in odia, furorem in „ justum metum, in cautionem verti „ perfidiam, quique nunc malus gratus, vel obiter est, ut sibi deinde à „ flagitii pœna caveret, deterrimum

fieri, adeò ut, quod modò celeritas expediret, post ubi mora putresceret ulcus, difficile, & arduum duplicatis quoque viribus foret. Quid? ea ipsa consilia, quæ idcirco tunc agerentur in Regia, non modò intempestiva, superflua videri, sed etiam exitiosa; nimirum dum ardet seditio, dum vastatur, dum uritur civitas, ac velut soluta legibus scelera sunt, promptique milites sunt, qui suis corporibus grassatores impediunt, eorumque sanguine flammam extinguant, velle consiliis, aut altercando terere tempus, cujus pro civitate purganda ne momenta quidem transiri sine flagitio, ac turpitudine possent. Si infringi aliquando in homine furor, si sanescere insania potest non id profectò lenocinio verborum, vel acumine ingenii, neque patientia injuriarum accidere, aut criminum conniventia, quæ illecebræ sæpè scelerum & vitiorum fomenta, ac dissolutis præcipuè sunt, sed arma esse cum armis, cum ignibus ignes, & vim contra vim confetendam, & maximè excus cùm hic impetus populi, qui potest esse fortqitus, atque ab Eboræ casu, tumultuosoque plebisque ingenio profectus, discrimen importet, ne paulisper neglectus, aut seriùs, quàm opus est, propulsatus in bellum civile, quo rotum denique regnum implicatum ad extremam petniciem ardeat, erumpat. Consilare propterea multos esse Principi externos, multos domesticos hostes, qui & latus ejus insidiis, & qui aperto Marte imperium ejus oppugnent. Quid ergo, eosdem simul sollicitos, impigros, anxios omnia intestina turbamenta querentes, consoventesque, hæc casu oblata, aut fraudulenter induta per desidiam aspernaturus, nec suum unoquoque samentorû propè

„ fasciculum in exortum incendium  
 „ subjiciente, hoc omni studio, atque  
 „ industria pasturos, ac diffusuros esse?  
 „ Quibus in præsens conjectis, ac  
 „ peius deinde serpentibus malis unam  
 „ duntaxat mederi celeritatem pos-  
 „ se, & lacertorum jactationem, &  
 „ corporum vim, non consilii. His  
 „ addi, emeritam nunc istam à plebis  
 „ stulticia, atque impetu lucem, ac  
 „ nobilium præcipuè capitibus mini-  
 „ tantem, non tam latè per urbem  
 „ adhuc manasse credendum esse, ut  
 „ non major, ac melior hominum  
 „ pars tali morbo superstes sit, & à  
 „ populi sensibus casta. Proinde in  
 „ solutas, & vagas populi turbas, qui  
 „ in promptu sunt, si milites mittas,  
 „ spei ex eo fore, ut iis viri boni, no-  
 „ biles, integri accederent, qui causas,  
 „ sibique consili momento disjicere va-  
 „ leant has populi sordes, hæcque non  
 „ constantia, sed impetu validas, in to-  
 „ lerantia fetoces, in occursum dejectas,  
 „ vel, ut sæpè contingit eas à partibus  
 „ separatas, & inter se commissas sua  
 „ impietate, suo molimine perdere.  
 „ Alioquin si immanis hæc bellua suo  
 „ furori, suæ libidini relinquatur, ea-  
 „ demque impietate, ac licentia sus-  
 „ ceptas clades, ac scelera persequi,  
 „ mox scisso partibus regno, cum au-  
 „ dacia malorum confirmatio bono-  
 „ rum sit, intus occulti hostes, infe-  
 „ stus foris exercitus, armisque victri-  
 „ cibus turgidus, quid quod obsistat  
 „ porro futurum, quominus paratam,  
 „ ac plenam in totius regni victoriam  
 „ Castellenses ingrediantur? Postre-  
 „ mò ex longo jam intervallo prævi-  
 „ sum hunc vulgaris tumultus turbi-  
 „ nem esse, eumque ad statim omni-  
 „ nò coercendum data opera milites  
 „ comparatos. Quid autem se tem-  
 „ pore circumscriptos tunc perplexos,  
 „ ac dubios in illo negotio versari,  
 „ quod ita evenisset, ut antea proposi-

tum, atque consultum fuerat, iis-  
 „ demque manentibus rebus, & cau-  
 „ sis volutari consilia? Ea laeviora pro-  
 „ fectò, magisque tuta fore consilia,  
 „ quæ ex minus confusa, ac minus im-  
 „ placida tracta mente, antequam inci-  
 „ dant, casibus provident, ubi præsens  
 „ calamitas urgeat, nimio terrore animis  
 „ hominum occupatis, captæque metus  
 „ caligine mente, acuta, & solertia quo-  
 „ que hebescere ingenia, & sapientum  
 „ consilia desipere.

Hæc Cantagnedæ Comes; secus  
 verò in hunc modum locutus Uliippo-  
 nensis Antistes fertur; Haud scili-  
 „ cet interesse tam violenter, tam  
 „ citò milites præparatos in eos fu-  
 „ riosos, iraque calentes impellere  
 „ cives, sed pœnitentiæ potiùs, ac  
 „ nimis iracundiæ relicto spatio, cau-  
 „ tissimè priùs circumspicere an hic se  
 „ intenderet, an fortè remitteret po-  
 „ puli furor, an suo se tandem disrum-  
 „ peret impetu, cessaretque; nam si  
 „ ita evenisset, ut eventurum ipse  
 „ putabat, vis, & armorum, & hau-  
 „ sti, dæti que cruoris ex utraque par-  
 „ te periculum, & sua quidem sen-  
 „ tentia pravum consilium vitatum iri;  
 „ sin minus, hisce populi viribus illo  
 „ primo conatu remissis, ac pene fra-  
 „ ctis, utiliùs quidem deinde futurum  
 „ fuisse, hos cum fessis, ac propè lan-  
 „ guentibus milites, quàm cum vegetis,  
 „ ac propè furentibus congregi civibus.  
 „ Planè obscuram rem totam esse, & pe-  
 „ riculo ancipiti complicatam, at minùs  
 „ fortasse patere periculi, minùsque fal-  
 „ lacis subire fortunæ consiliū secundo  
 „ loco propositum, & quamvis omnem  
 „ vim rationis, consiliiq; sua pro libidi-  
 „ ne liceat fortunæ subvertere, vel more  
 „ prudentium errasse, ac fortunæ tan-  
 „ dem cessasse id sensum doloris in re-  
 „ bus adversis moderaturum. Cum  
 „ enim infestis cum militibus manus ad  
 „ confectendum cives venissent, qui  
 nec

„ nec ignavi , nec desides essent , nec  
 „ tam facile quidquam compulsi de  
 „ sua pertinacia laxarent , eade con-  
 „ tinua patrio solo resperfo , stratisque  
 „ passim æquè misera , ac turpi con-  
 „ civium strage corporibus , eam sa-  
 „ nè terrentimam faciem haudqua-  
 „ quam sanare , aut ex parte lenire im-  
 „ pressum reipublicæ vulnus , at refri-  
 „ care , & incendere posse potius ,  
 „ & in alias , quæ integræ essent , rei-  
 „ publicæ partes extendere , quàmque  
 „ rerum turbationem , & cladem res  
 „ improvisa sustulerat , & quæ quies-  
 „ cendo , ac propè nihil agendo seipsa  
 „ evanescere potuisset , ob violentum ,  
 „ asperumque remedium auctam in si-  
 „ nu , in visceribus patriæ notis cruen-  
 „ tis incisam indelebilem perman-  
 „ ram. Porro autem vicerint milites ,  
 „ concisa plebs jaceat , visque ista po-  
 „ puli maneat torrente sanguinis inter-  
 „ clusa , aut extincta , cui dubium esse ,  
 „ illam ut durius tempestate multatam ,  
 „ & tanquam laniena dissectam , atque  
 „ conscissam vel antiquam esse bene-  
 „ volentiam erga Principem exutu-  
 „ ram , qua potissimum nixa præpoten-  
 „ tem adversus Regem , & Lusitanum  
 „ sanguinem anhelantem adhuc ste-  
 „ terat Lusitania , & qua , ut afflicta  
 „ res erant , hostilisque victor , pro-  
 „ pinquus , minitabundus , exercitus ,  
 „ hoc tempore maximè indiguisset .  
 „ Cæterum hos inter milites cohiben-  
 „ do populo destinatos , cum externos  
 „ in numero , & viribus superent Lu-  
 „ sitani , id etiam , si vis applicetur ,  
 „ terroris adjungi , ne major scilicet  
 „ militum pars incipiente certamine  
 „ fugiat , vel ad populum transeat , vel  
 „ polluere fortè manus abhorrens in  
 „ notos plerosque concives , ac ne-  
 „ cessarios suos , adeò lentè , ac remis-  
 „ sè conferat arma , ut gens vilissima  
 „ victrix , & tumore victoriæ , & suo  
 „ quoque impetu concitior tandem

in Principem insolescat , ac sæviat ,  
 quippè qui civili sanguini non pe-  
 percerit exteròsque cruore domesti-  
 co imbuerè minimè horruerit , eum-  
 demque propterea in suis signis , in  
 suis militibus superatum despiciant ,  
 & odio habeant , quàm ad amentiam ,  
 etsi maximè tunc furibundus , adhuc  
 se populus non projecerat , salvæque  
 Principis majestatem , ac regii nominis  
 reverentiam , spem aliquando fore , ut  
 sua ipse sponte , vel conscientia re-  
 mortus , vel incurisibus lassus , vel suo  
 tandem revolutus ingenio ad offi-  
 cium rediret , ad integram mentem .  
 Porro cunctanter procederetur , ac  
 simul observaretur , quem irarum  
 fortuna terminum jactatis civibus  
 posuisset , an illæ spretæ , nec lace-  
 sctæ senescant , an protinus occidant ,  
 an vires aliquando remittant , an fu-  
 rere perseverent , quò strenua , &  
 extrema per arma , per vim infringen-  
 di medela tumultus , non , nisi pre-  
 necessitas , apponatur . Postremò , si  
 quid in re conjecturis percipere li-  
 ceat , in hunc modum ratiocinari . Id  
 civilis incendiū , quò magis rabidum ,  
 turbulentumque eò per se citius op-  
 pressum , ac facilius extinctum iri ,  
 quod initium , & causa seditionis ina-  
 nia , atque frivola essent , & populari  
 duntaxat incititia , arque errore pro-  
 vecta , Eboræ nempe urbis amissio ,  
 non hostium quidem virtute , sed re  
 improvisa , virium inopia , muro-  
 rumque suorum debilitate collapsæ ,  
 & prævalida quamvis satisque muni-  
 ta civitas fuerit , quis martem incen-  
 tum , fortunæque in bello insolentias ,  
 ac vices sit habiturus in potestate ?  
 Civiles discordias , intestinæque  
 pestes aut ex onere tributorum , aut  
 Tyranni sceleribus excitatas morta-  
 lius sævire , atque ardere , nec un-  
 quam esse illas cessare solitas prius-  
 quam Tyrannum eversum , aut subla-

„ta tributa viderint, cùm ungues, &  
 „nervos, & robur ista seditio habeat,  
 „& nisi causa, quæ valida est, auferatur,  
 „perseveret effectus. Hanc autem  
 „tem plebis commotionem, & hominum  
 „contumaciam firmitatis, ac pertinaciam  
 „multò minus in se habituram  
 „esse videri, quia fortuita, quia nimia,  
 „quia iniqua, quia nec causa, nec fundamentum  
 „esset quo tanta moles sustentaretur,  
 „si secus res cesserit promptos adesse  
 „milites, qui recentes, optimè instructi,  
 „& temerarios adversus impetus  
 „pervicaces suis incursums resolutos,  
 „& erroribus lassos cives oportune  
 „coerceant, nec inepitam, vel otiosam  
 „porrò futuram parati militis diligentiam.  
 „Hæc ut media in confessu sententia prævaluit,  
 „scilicet, ut pro cursu, exituque furoris  
 „sui illa plebis tumultuatio, aut dissimulata  
 „clementer esset, aut severissimè vindicata.  
 „Populus verò postquam ea turbulenta  
 „concurfione totam urbem miscuerat,  
 „& circumierat jam longa volutatione  
 „jactatus, prædisque congestis, ac simul  
 „injuriis, & clamoribus fessus Regiam  
 „denique attingit. Elanguere tum ibi  
 „ferocia populi visæ est: querulitas  
 „tamen intemperanter, indè superbè  
 „supplices homines minas, lachrimas,  
 „voces cum precibus confundebant,  
 „tanquam ipsi à magistratibus conculcati,  
 „à regis ministris oppressi ad Principem  
 „provocarent, & sua ibi jura repeterent;  
 „simul Duces seditionis, qui per omne  
 „flagitium, atque licentiam adhuc sibi  
 „prorsus obnoxiam raptaverant plebem,  
 „ferrios nunc veneratione, ac dignitate  
 „loci jam spes animusque defecerat,  
 „cæperatque subinde peccati comestimor  
 „obrepere. Hæc læti intuentes, qui  
 „consilia periculis, tumultusque momenta  
 „procures metiebantur, monent Bregantium,  
 „ut se palam spectandum populo præbeat,  
 „poterat enim arcana

quardam aspectui Principis insita vis,  
 vel clementiæ apud cives concepta  
 spes, posito metu, sive illa tandem excussa  
 per pudorem audacia, qui componi  
 sua sponte cæperant, seditionis omnino  
 sternere fluctus. Ea propter Bregantius  
 in Regiæ fenestra conspicuus, & frontem, vultumque induens  
 blandimento populi accommodatum laudavit  
 studium, & fidem reipublicæ amore  
 provectæ plebis, adjecitque ne tristarentur,  
 neu demitterent animos, sibi nuper à  
 Sancio Emanuele rescriptum esse, jam  
 inter Eboræ muros, qui antea obsidebat,  
 obsessum, strictumque teneri hostem fame  
 ibi, vel gladio celeriter periturum. Hæc  
 sanè vox, seu visi Principis verecundia,  
 seu volubile plebis ingenium, seu impetus  
 ille tandem perinde violentus, ac fluidus  
 adhuc flagrantem seditionem extinxit,  
 statimque in sua quisque testæ dilapsus,  
 & alius in alium criminis culpam  
 rejiciens mirabatur, querebaturque  
 quod seditiosè, quod stultè fecerat,  
 quasi ipse non præstitisset; nec ea de  
 re postea, vel auctoribus ejus palam,  
 aut jure quidquam quæsitum est. Popularis  
 tumultus signiferi tantum, auctoresque  
 seditionis paulò post delatorum calumniis,  
 atque ambagibus traditi aliorum obtentu  
 criminum per certa intervalla hujus  
 sceleris poenas dedere.

Inter hæc quæ Ulisippone mota, statimque  
 pacata sunt, Joannes Austriacus victam  
 jam Eboram muniebat, jussu ejus  
 mœnibus restauratis, Antonianoque  
 munimine jam perfecto, multisque  
 rebus diligenter provisus quæ in  
 meliorem undique formam imbecillimam  
 urbem redegerant. Sed cæperat tandem  
 in ejus auctores suscepti negotii  
 temeritas ruere, insipienterque petite  
 arere victoriæ laurea, fructusque  
 marcescere; quippè jam commearus  
 inopia Castellenus exercitus laborabat,

horabat, quo affluere tunc oportebat ut urbi sufficeret, & urbis præsidio, & militaribus copiis. Exiguus quidem erat in urbe, quem secum portaverat miles, idem jam propè commeatum absumpserat; unde per circuitum exquireretur, modus eo tempore non suppetebat. Vias enim, & tramites quosque viarum passim inessos cum intensa custodia tenebat Sancius, simul à fronte ipse, & acie adversus aciem oppositus stabat seu pugnam cum hostibus initurus, seu commeatus intercepturus. Inter has rerum, & animi angustias Austriacus advocato consilio planè ipse astuans, curisque jactatus à Ducibus requirebat. Abeundum ne ab Eboræ sibi foret? & urbe deleta, an servata? & utrum acies, & arma ultimæque belli discrimen probabilis fuissent his difficultatibus exitum inventura, si prælio statim cum Lusitano decerneretur: priusquam verò de ipsa re Duces in congressu deliberarent, recitatæ Regis Catholici litteræ sunt, severè præcipientis, ut Eboræ cives, & alii quicumque in posterum Lusitani ad Regis obedientiam, & fidem reversi fuissent, clementer, ac leniter tractarentur, nè peccatus error, lapsusque communis ignominie, vel fraudi resipiscens esset. Ad hæc ubi primum cum Lusitanis daretur occasio ultimæ pugne periculum fieret, alterum enim aptissimum esset tenere deditos in officio, propensos non alienare, aut fortè obistentes allicere, usui autem alterum, atque gloriæ quod effugere prælium plus Lusitanis, qui integrum regnum, quam Castellensibus qui unicam aciem ac si ea cecidisset, haud difficile reparandam in conspectu discrimen conjicerent, expediret. Hæc regia mandata erant, quibus auditis tres subinde sententiæ prolatae sunt. Didacus Cavalletus magister equitum pro prima sententia sustinuit,

Solo æquandam esse protinus Eboræ urbem, & igne, ac cineribus obruendam, ut à Castella nimis remotam, ut propugnatum difficilem, ut eam stantem, relictoque sibi necessario præsidio sultam cum ejusdem etiam periculo reliquas copias enumeraturam, ut id tandem hostibus tolleretur, quod facultas ob rerum angustias non esset Castellensium dominio adjungi; secus verò ex tanta pecuniæ, & cruoris effusione quid irritum nisi labor, & proba militia, & commune detrimentum, ac dedecus peteretur? His Cavalletus addebat, quod lenitas fortè non posset ab Lusitanis exprimere, id quoque facilius incussum ex urbis excidio terrorem assecuturum, cum planè altius metus, quam amor inhaereat humanis pectoribus fixus, constantiusque metuere homines, quam reddere gratiam pravitæ naturæ sciant. Postremò, cum dux pateant omnino viæ, quæ ad humanos fluctandos animos ducant, terroris scilicet, & amoris, hæc modò benevolentie, cum nolit, aut nesciat Lusitanus diligere Castellensem, in Eboræ causa interclusa, altera metus instituat. Quæ verò huc contrariæ sententiæ producuntur difficultates, vincula nempe Regis imperii, & contumaciæ crimen, jure illa quidem vi præsentis necessitatis abrumpi, nisi studentibus in hoc rerum ordine Ducibus extremi periculi faucibus has regias eripere copias, rectè quis refragatus fuerit, cum dixerit, obstat mandata Regis. Verum ut nimis hæc dura, ac truculenta specie tum adversa præcepto Regis communi consensu Didaci opinio rejecta est. Altera, cui & Austriacus favebat, asseruit, ut præsidiis firmata urbe, signa cum hoste quam citò collatum procederet acies. Sed nec priori minùs aspera fa-



Atu, eventūque funesta sententia hu-  
 jusmodi videatur, multisque partibus  
 vitiosa, quippe quæ nec satis Eboram  
 tutaretur in incipiti fide relictam, ac  
 præsidio, cum excutere se voluisset,  
 superiorem, & amplius Castellæ exer-  
 citum diminueret, qua tempestate,  
 cunctis collectis viribus, opus esset,  
 truci prælio, quod impendebat, om-  
 ninò se comparare. Hanc tamen ipsam  
 opinionem ut coherentem mandato  
 Catholici Regis, Joannisque judicio  
 planè concordem vehementer, & pa-  
 llam refellere nullus est ausus præter  
 Ducem Sangermanensem, qui utram-  
 que sententiam his argumentis labe-  
 „ factavit. Maneret Eboræ exercitus  
 „ Castellensis, exactisque civibus ur-  
 „ be, frumenta, quæ intus seposita ci-  
 „ vibus erant, in usum militum con-  
 „ verterentur, illa enim, & quæ circa  
 „ obeundo potest equitatus alimenta  
 „ colligere, & qui asservatus supererat  
 „ militi commeatus vetus simile quidem  
 „ esse multis diebus militibus suffectu-  
 „ ra. Nec porro istam civium expul-  
 „ sionem sancitum jus belli, aut pacta  
 „ utrinque prius constituta rescindere  
 „ posse, cum id ad tempus, & laxa-  
 „ mento quoque civibus esset, ne in-  
 „ tus scilicet fame, ne acerrimo obsi-  
 „ dio conficerentur, quamquam &  
 „ belli, pacisque conventiones omnes  
 „ sua ipso jure necessitas abrogaret.  
 „ Interim auxilia Castellæ superventu-  
 „ ra, quæ nec incerta, nec sera profe-  
 „ rto futura censenda essent; dum  
 „ Catholico Regi constiterit, terra-  
 „ rum tantum hostilium, tot arcium  
 „ opposita obstacula ejus exercitum  
 „ prætervectum, esse Eboram captam,  
 „ Ulisipponem tumultuantem, reg-  
 „ num factionibus scissum, plena om-  
 „ nia turbatum, plena confusionis, &  
 „ metus esse, ac si paululùm adnitere-  
 „ tur, jam debellatum fore, sin minùs  
 „ ejus etiam exercitum ferro sternen-

dum esse, aut sanis moribus lace-  
 randum. Ex adverso si inde abeat  
 exercitus, & munita quoque præsi-  
 dio suæ fidei, suo propè arbitrio  
 Eboræ relinquatur, cum sanè, nec  
 parum vetus ipsam extimulet in Ca-  
 stellam quasi ingenitum odium, re-  
 cens, atque violenter recalcitrantis  
 in modum illi impositum jugum,  
 propinquitas exercitus Lusitani, Ca-  
 stellenensis absentia, mira omnium Lu-  
 sitanorum pro se, & adversus Castell-  
 lenses homines animorum consensio,  
 quid pro urbe tuenda, pro salvando  
 præsidio spei reliquum assuturum?  
 Scilicet consultatione, aut obsidionis  
 ferendæ mora, aut quæsito fortasè  
 colore Eboresibus opus fuerit, ut  
 Castellensium præsidium opprimant,  
 Lusitanos statim recipiant, atque ex  
 prodicione sibi triumphus, turpisque  
 laurea constituatur. Hæc ex urbe de-  
 setta pericula; nec portò minora eas-  
 dem complecti pericula copias, si eo  
 tempore intempestivo signa confer-  
 re cum hostibus vellent. Etenim Lu-  
 sitanus pro patria, & in patrii soli re-  
 cessu, majori fortasè militum nume-  
 ro, & cum majori quidem peritia lo-  
 corum, nec inter commeatus angus-  
 tias, & animi angotem venturus ad  
 pugnam esset. At si Catholici Regis  
 exercitus declinando, differendoque  
 pugnam Eboræ cunctaretur, fraxum  
 ibi futurum meditatæ perfidiæ ci-  
 vium, receptæ sustentaculum urbis,  
 ac si protrahirem contigisset, fore for-  
 tassis interitum exercitus Lusitani, qui  
 cum ex præfidiis, arcibusque nudatis  
 magna ex parte compositus esset  
 quando Eboram obsedisset, necessi-  
 tas, tædium, obsidionis prolixæ vi-  
 tium, & pariter solis æstus eo tempo-  
 re, eo torrido loco, ac propè pestife-  
 ro sensim illum exinanirent, ac per-  
 derent, dum interim regius ad Ebo-  
 ræ umbraculum consedisset, & mag-

„na, atque certa ex Castella propè  
„diem ventura subsidia expectaret.  
„Cæterùm jussu Regis usui esse, ac  
„tempori aptanda, ac si res ita posceret,  
„corrigenda. Hæc Sangermani Du-  
cis sententia quamvis in re omninò as-  
pera minùs periculosa, Joannis tamen  
arbitrio rejecta est. Omnia enim ipse  
in re circumspectans difficultatibus ob-  
voluta, præruptisque consilia casibus  
regi, id velut minùs formidolosum, seu  
minùs etiam, quamquam fortuna ob-  
stitisset, reprehendendum arripere ex-  
stimavit, quod Regis Hispanique  
Senatus judicio comprobatum, jus-  
sumque cum illo simul errare, vel colli-  
mare dedisset.

Hoc incerto consilio præliandi cer-  
tus eo tempore Austriacus, ac si alex  
fortuna affuisset cum iisdem victricibus  
copiis ad Castellam regrediendi, op-  
tabat etiam juxta Eboræ situm, quò  
tutior esset illi receptus, præstòque cer-  
tamine forer destinatus urbis præsidio  
miles, nec inter obliqua viarum sibi-  
que prorsus ignota deprehensus manus  
cum hoste conferere. Igitur post die-  
rum quindecim moram, paucis reli-  
ctis urbis murorum custodiæ militi-  
bus, inde copias Joannes ad dimicatio-  
nem instructas movit. Aberat hostis  
ad leucæ dimidium, validisque muni-  
tionibus Odigebensem ripam insederat.  
Fluvius in medio exiguas agebat  
undas, ac variis ipse flexibus tortus  
longo spatio palustris erat, solòque  
carnoso, atque lubrico gradientium  
vestigia fallebat. Ad hujus fluvii deni-  
que ripam suo animo præliaturus  
cum omnibus copiis Austriacus accel-  
sit, posse inde ratus per septendecim  
belli tormenta, quæ edito in loco ad  
summovendos ab amnis ambitu ho-  
stes constitui jusserat, sibi transitum  
explicare, aut si vera, quam Sancius  
jactabat, prælii cupidus esset, æquum  
sibi ad dimicandum cum illo locum,

sine quo votum irritum cecidisset, mi-  
nimè negaturum. At Sancio, cui &  
locus amicus, & agrorum libertas erat,  
& commeatus abundè, atque ideò suo  
arbitrio ineundi, extrahendique cer-  
taminis copia, priusquam extremam  
cum hoste susciperet pugnam, consi-  
lium insederat, cum depascens lassitu-  
dine famis tum crebris assultibus, &  
ambitu armorum sic fatigare, atque  
atterere Castellenses, aut loco oppor-  
tuno semel excipere, ut cum ultima  
pugna esset, parvulo impendio jam  
prælibata victoria staret. Castellensis  
itaque acies ad fluminis ripam applici-  
ta, postquam videt ab altera parte Lu-  
sitani undique circumfusum, in mar-  
gine hærentem, trajectumque constan-  
ter prohibere pararum, simul dispo-  
sita belli tormenta, quæ ineptè locata  
fuerant, intra pauca vestigia positos  
socios, hostesque sine ullo discrimine  
sternere, spe falsa, locique insolentia  
deterrita substitit, mox aliquantulum  
retrocedens juxta marginem castra po-  
suit. Extra belli tormenti jactum alias  
ab alio distabat exercitus, Castellen-  
semque ibidem manentem, cum me-  
ridie castra locasset, caligo noctis op-  
pressit. Tunc ignes utrinque succen-  
si, parique aspectu, ac fulgore mican-  
tes, sæpiusque excussa tormenta belli,  
militumque clamores utrosque per in-  
tegram noctem intentos, & alacres  
tenere. Ubi illuxit, Austriacus equo  
ipse vectus ad pugnam milites instruit,  
binas, & latas in orbem alas extendit  
equite simul, ac pedite communitas,  
subsidiis latera firmat, mediam ipse  
cum selectis equitibus occupat aciem.  
Hoc ordine instructus vi, & impetu  
armorum ab undis, à lubrico vado,  
ab hostium occursum fluminis transitum  
extorturus pergebat. Stabat altera ex  
parte, qua fluvius intrerat, hostis  
pugnæ similiter comparatus, spe ta-  
men in melius afflante, animo quidem  
erectior,

erectior, locique fiducia subnixus. Agmina prima concurrunt, hinc enim, & inde sclopetarii, hastatique ita locati erant, ut eminens etiam mortales inciderent ictus, ductoque per partes & tumultuariè, vagèque conflictus initio, supremum illud fore certamen, quo planè fortuna decerneret, apparebat, tantus effusus utrinque sanguis, tantoque ardore solutè per turmas propè ripam, in medio alvei, inter fluctus gradiendo, regrediendoque concursus est. Verumtamen dux, atque ipsæ asperrimæ res conditione multò deteriore ad pugnam Castellæ militem faciebant, quod implicatus, atque confusus incerto, labilisque vestigio pro fluminis transitu dimicaret, & quod belli tormenta hostium propter artem, locique situm commodius, quàm Castellensium collineata, illinc hominum, equorum, sarcinarumque labefactorum stragem ingentem ederent, inter quos tormenti forte pila transfixus cecidit etiam primariæ notæ Tribunus militum Consalvus Corduba frater Sueffani Ducis, ingentis spei juvenis, præclaræque, ipse magni Ducis Consalvi soboles. Mollis præterea, fluxa, atque undique instabilis erat humus circumstagnantibus aquis, viâque præcipiti, ac lubrica viros passim equosque volvens, ut vix emerfus fluctibus pes in limum se statim palustrem immergeret, quæ omnia profectò in Castellensium perniciem cum loco simul, & hostibus colluctantium, horumque fiduciam, & commoda cesserant. Hæc ubique inaccessa, implicata, cruenta conspicuus Austriacus, cum ampliùs intenti temeritas transitus certam jam videretur illatura militibus cladem, neque tutò ibi consistere, neque progredi loci asperitas pateretur, viam retrò repetere milites iussit, multis inter fluminis undas vulneratis, aut cæsis, nonnullis etiam in palustribus locis, quia se-

rò inde emerferant, interfectis; reduxitque compositè, ac lentè cedendo in planitiem Eboræ militem haud quidem multum eo sinistro primoque successu pavidum, cum laudem virtutis hosti loci opportunitas sustulisset. In tutum recepta faciliter acie, Ioannes, cui & hostium perfunctoriè libatæ vires nova, sibi que ignota Lusitanæ argumenta virtutis indiderant, & quem exptæ infeliciter pugna pro summa rerum omen infaustum, volentisque retrò fortunæ suspicio, metusque tetigerat, mutato cum rebus consilio statuit Eboram urbem munire præsidis, ire inde statim Castellam versus, avertere gressus ab hostibus, quantum per fugæ dissimulationem liceret, sospesque cum acie in Castellam relictus inde opportunus de Eborensi tutela curare. Tuendæ igitur Eboræ Austriacus Franciscum Gattinaram Comitem Sartirane cum tribus mille peditibus, equitibusque sexcentis impoluit, cum hoc diviso deinde, qui sibi supererat, commeatu, deductisque secum militibus Lusitanis, quos deditionis jure trahebat, sarcinisque raptim collectis, cum omnibus copiis celeriter instituit, per avia, atque aspera collium milites ducens, ne prælii copiam hostibus faceret. Primus itineris dies expeditus, atque omninò pacatus Castellensibus fluxit. Sancius enim Emanuel consilii Ioannis ignarus vix cum exercitu multum præcesserat ut locum certamini quæreret salebrosus, aut scrobibus inæqualis, ubi impeditus sive intrastabilis equitatus, cujus robore, & copia tunc Castellensis videbatur invictus, usui quàm minimè foret. Fuere nec pauci, qui tunc suadere niterentur Austriaco, ut relictis statim militibus ad reliquam noctem exercitus iter acceleraret, ne præliari fortasse postea cogeretur invitatus, viribus diminutus, & captivorum, quos secum trahebat, agminibus

minibus implicatus. Rectè hos sententiam Duces, Austriacus non ignorabat. At fugientis speciem, manifeste que timoris indicia, ut nominis labem, ac publicum dedecus metuebat; pressò tamen animi sensu, atque alia conficta causa, languere respondit eo tempore militem tortuoso, atque aspero itinere fessum, magnisque caloribus resolutum, ac si manè fortasse, cum prævia, & incerta hostis vestigia essent, pugnandum foret, planè torpidum, enervèmq; contra hostem recentem, & integrum còncursurum, utilius idcirco videri sibi nocturnam illam omninò quietem lassitudine, atque fractis corporibus tribui, quò sita prælio vegetiora, cum se forsitan oblituisset, occurrerent; sic vera ignominia, quam metuebat, præterita causa, aliam ex utilitate publica fictà supposuit more eorum insulso, qui, ut nonnihil detractionis, aut stulti, vaniq; rumoris auram effugiant, spe tandem falsi, aut mala inter mala scernere nescientes sæpè in deterius impingunt. Ea itaque citra molestiam, & animi curam elapsa nocte; diluculo iter Joanni festinatius expeditenti nunciant exploratores propè esse hostes collium altitudine tectos, viæque inaspecta cursum appropèrantes. Neque locus, neque animus erat Joanni, vi, sive artibus ureretur illudere hostem, & cum exercitu præterlabi. Quippè nullis tunc Lusitanus militiæ irretitus impedimentis circumagere se quoque vellet, scèdtere iter, atque intendere cursum facillimè potuisset.

At Castellensem præter molestam captivorum custodiam, & plaustrorum impedimenta gravabat etiam Ducis aulicus apparatus, proluxa ornamenta, cultusque regius, nec armis exclusus. Proinde cum pugnae periculum in hostis arbitrio esset, quod pro tempore sibi, & rerum habitu licuit, Joannes

impigrè intendit. Dorsum editi valdè collis, cum non longè esse hostem animadvertit, occupaverat Castellensis: super eundem collem continuoque altitudinis tractu altiores, binique colles Pyramidum specie sublati in via illa, quæ fert Estremotium, assurgunt, quorum radices in planitiem, sed inæqualem, atque anfractibus interruptam effundebantur. Hos binos colles relicto què primo ceperat, loco Joannes quòd ibi forma castrorum, aut exercitus dispositio adjuvante natura insuperabilis apparebat, antecapere statuit; fortè autem accidit, ut quem sua spontè Joannes superioris spe capiendi deserere locum statuerat, eodem tempore Lusitanus hostis consilii nescius illum ipsum arripere locum, atque in ejus contentione universam armorum propè fortunam in discrimen adducere constituerat. Igitur Sancius cum equitibus prætervectus peditum manibus communitis in latus, & Castellensis extremam aciem incurrit, cujus pars equestris planitiem, pedestris verò collis ascensum, & jugum insederat. Strenuè irruentium, & ut primo animorum calore fit, incumbentium excepit fortiter imperum Didacus Cavallerus cum selectis equitum turmis in hostium frontem obversus: varia deinde, ac multiplex pugna, quæ ultima, aut prima tantum ejusdem exercitus latera lacerabat, commissa est, modò spes, modò metus sævo illo fortuna joco utrisque partibus alternante. Mutuis hujusmodi incursibus primò intensius, inde laxiùs admotis, & leviorum quoque momento certaminum currentis dici jam propè dimidium extractum erat, nec dum, quemadmodum obstinatiùs contenderat Lusitanus, aut loco potuerat movere hostem, aut aciem quæ obstabat, resertam perturbare. Quin diutiùs concursando, dimicandòque æstivòque calore, ac labore solutus,

lurus, ac fessus curandis potius corporibus indigebat. Porro ubi videt Ioannes nunc remissum, & animo viribusque languentem, ac planè frigidum minùs instare hostem, tumultumque ducere potius quàm prælium, se se paulatim recipiendo tunc celsiores duos illos colles quos priùs adire statuerat, cum pedicibus occupat, sequi equitatum jubet, ipsùmque in quatuor statim agmina distributum in campo explicari, qui iniquus, & asper, ut dictum est, à collium radicibus excurtebat; colles belli tormentis firmat; militaria impedimenta in planitie post equitum terga locat. Conspicatus hæc Lusitanus illicò jugum à Joanne spontè desertum alacriter subit, eundem præterea locum quem hostis consultò reliquerat, Lusitanus in formidinis argumentum, partemque victoriæ sibi concessum ducens clamore, plausuque concelebrat, perinde quasi non meliùs ille mutato, sed amisso loco cessisset. Itaque ex situ collis Austriaco, vana fiducia Sancio, & simul animo aucto; dum ab inedia, ac diurno labore utraque ex parte se milites recreant, virèsq; reficiunt tres fermè horas altera alterius adversa prospectui ibidem cunctando substitit acies; post cùm provectus occideret dies, jamque Ioannes à pugnae periculo aversus, elabendique minimè dubius quàm citò resumere iter approperebat, acriùs tunc Lusitanos apud Duces agitabantur, utrùm eo tempore, eo loco, eo virium experimento expediret signa cum hoste conferre, reique summam fortunæ permittere. Utraque hominum acies etsi mutuò utriusque subiecta oculis diversis in collibus stabat, convenientiùs tamen Lusitana disposita, ita pars major sub curvo latèque collis dorsi tegimine latitabat, ut ipsa parum in actione, motuque perspecta exploratiùs, quæ agebat hostis, con-

templaretur. Postquam ergo Ioannes viæ capte sequendæ in animo fixus Sangermanensem Ducem præmisit ad idoneum castris parandis proxima nocte locum, simul ejus mandato captivi, equitèsq; custodes, & sarcinæ militares loco moveri capte, totiusque jam abscessurus in agitatione, atque motu exercitus erat, hæc Lusitanus aspiciens, dilabique & evadere tandem ut trepidum, ac fugienti similem hostem ratus ferociùs pugnam poposcit. Verumtamen animo hærens, & hæsitans Sancio in illo strepitu militari duo sanè, eaque majora, quæ à iusta pugna retraherent, considerabat momenta belli, tempus nimirum, & locum, quod jam propè labentem respiceret diem, Castellensemque tam sublimi, tam arduo sedentem in montis vertice loco, ut eò subeuntes non modò armis propellere possit inultus, sed saxi etiam obruere. Contra tamen, & rem ipsam vehementer urgendo disseruit Comes Scombergius pro sua auctoritate, bellique peritia, & eo tempore incensis ad pugnam militum animis, magno consensu, plausuque dum loqueretur, auditis. Ab illius nempè Castellensis exercitus sorte cùm Eboræ jam amisse, tum Lusitanix universæ in præsentem rerum statu librandam fortunam esse. Quem si inviolatum, si victorem, & integrum suas repetere denique sedes sinerent, quamprimùm inde fiducia, & viribus auctum infestiores profectò, & longè plus Lusitanis terribilem reversurum, utque primus adventus ejus in Lusitaniam per Eboræ lapsum huiusmodi plagam, quæ in reliqua membra contagioni simillima serperet, in regni visceribus aperuerat, jamque in suo robore stantem rem Lusitanam affligerat, quid modo jacentem ejusdem, & fortiores quoque regressum non ex-

hausturum

„hausturum fuisse? Prælio abstinere  
 „ut plurimum rectè posse, qui spern,  
 „non desperationem in consilium ad-  
 „hibeat, at extrema inter mala, in-  
 „ter gladios, & ignes, & circumple-  
 „xa cuncta periculis, si valeat electio,  
 „utcumque experiri fortunam in illo  
 „articulo rerum, aut minus esse pro-  
 „fectuè malum, aut majoris compara-  
 „tione periculi melius. Nec adeo sa-  
 „nè difficilem, si non offusa certè de-  
 „sipiat metus caligine mens, ingre-  
 „dientibus pugnam ostendi Lusitanis  
 „victoriam, cum pavorem, & fugam  
 „eo præcipiti cursu significet hostis,  
 „at metu percussis non arces, non  
 „edita juga, non firmiora quæcumque  
 „præsidia satis pro munimento esse. In  
 „me dillis hærentem circumferre teter-  
 „rimum hostem, qui inter plana, atque  
 „abrupta, in solitudine, in acie, inter  
 „flores, & arma nullo boni, vel mali di-  
 „scrimine, quem semel ceperit, oppri-  
 „mat. Sicum præterea, quem totus te-  
 „neret hostis, ita compositum esse, ut  
 „pedes, qui in collis vertice stabat infra,  
 „atque in plano jacenti ægrè valeat,  
 „cùm peteretur, equiti subvenire, si-  
 „mul, & pediti eques, sic alium ab alio  
 „interclusum, ac separatim minori ne-  
 „gotio circumveniri posse. Ex equiti-  
 „bus etiam eos, qui sinistrum imple-  
 „bant cornu, ut iniquo positos loco,  
 „& virgultis, ac cespite passim inciso  
 „inutiles quidem cùm gerenda res es-  
 „set, futuros, nec alteri cornui, dum  
 „peteretur, facile opem præstare posse.  
 „Super hæc plures illorum equites, qui  
 „prælium tam serò futurum non cre-  
 „didissent, temerè ultrò, vel Ducis ius-  
 „su dilapsos jam esse. Quid plura Nu-  
 „men, quod in Eboræ invasione men-  
 „tem hostibus abstulisset, errore quo-  
 „que continuo, intellectusque, ac re-  
 „rum omniù confusione eisdem trans-  
 „versos, ac propè sensibus captos agere  
 „Castellenos videri, ut eos ad hostium

saturnitatem, ac temeritatis poenam  
 puniret. Tunc verò Numè fortunam  
 adimere, cùm adimit mentè. Postre-  
 mò si dinicarent, se fortè victuros,  
 sin minùs, non solùm jam victos, sed  
 profligatos esse. Hujus auctoritas  
 Ducis, pondusque sententiæ quan-  
 quam prius resistantem, ac viribus suis  
 dissidentem flexit tandem ad pugnam  
 Sancium, datoque subinde militibus  
 signo, ex colle repentinè digressa tota se  
 explicuit, atque in cornua direxit acies.  
 Hoc ab hostibus viso, ratio eos paulif-  
 per ancipites tenuit, recta ne hoc illa  
 ordine pergeret Extremotium, an di-  
 micandi cum animo accederet, cùm  
 utrumque tunc suspicati institutum per-  
 mitteret iter. At ex eo cito, & æquali  
 semper incessu militum collegere peri-  
 tiores, jam extremum appropinquare  
 cum hoste conflictum. Tenuerat tota  
 illa die suspectam ob hostis propinqui-  
 tatem Joannes ad pugnam instructos  
 milites, priusquam confligere tamen  
 inciperent, hujuscemodi codicillis, quos  
 antea conscribi jusserat per Duces, &  
 agmina circumlatis omnes cohortatos,  
 ac monitos voluit. Erecto, atque  
 intrepido cum animo milites reputa-  
 rent, occasionem in illa die præ ma-  
 nibus esse, cui multos ab hinc annos  
 similem ferè nunquam Hispano Im-  
 perio fortuna tulisset, quippè quæ  
 ipsius Ducis, & singulorum militum  
 nomen, & gloriam, & inclyta gesta  
 eodem erat sublatura momento, vel  
 momento subversura. Simul cùm  
 Deus supremus belli Iudex, & Arbit-  
 ter sit, ut ea bene res, ac feliciter eve-  
 niret, ejus potissimùm imploranda;  
 atque exoranda subsidia militibus ef-  
 se, quæ votis, sana fiducia, impavido  
 animo, conscientiz candore, ac jure  
 maximè causæ, non degeneri metu,  
 aut laeso in rebus officio compararen-  
 tur; præterea si quis eo fortè animo  
 sit affectus qui dedeceat Hispanum

„ Regisq̃ue Philippi militem , secum  
 „ ipse consideret , qui formidine cap-  
 „ rus , & fugæ cupidus terrò volvere ,  
 „ aut aliò flectere gradum cogitavif-  
 „ set , quocumque tendere veller , cum  
 „ undique omnia teneret hostis , effu-  
 „ so ab acie vestigio , captivitatis ludi-  
 „ bria , aur rumalum inventurum . Ad  
 „ extremum tria necessaria scitu , ac  
 „ disciplinx bellicæ consentanea me-  
 „ moria repeterent , quod si , ut merito  
 „ expectabatur , victoria Castellensi-  
 „ bus artisset , nemo eorum solveret  
 „ ordines , quamvis hostiles initio vi-  
 „ disse dissipatos , ac fractos ; neque  
 „ nisi clarior , ac certior , & jam ma-  
 „ tura victoria fuisset , à cæde , ac vulne-  
 „ ribus manus ad prædas , & spolia cap-  
 „ tivósq̃ue trahendos converterentur .  
 „ Tandem , qui vivum cepisset Sancium  
 „ Emanuelẽ Lusitani exercitus Du-  
 „ cem , is sciret , super alia amplissima  
 „ Regis Catholici arbitrio sibi fun-  
 „ denda præmia , continuò ipsum ad  
 „ gradum militiæ , ei quem tunc occu-  
 „ paret , proximum extollendum . Hæc  
 ad unguem expressa codicillorum sen-  
 tentia erat .

Inter hæc quàm citissimè præliarurus  
 Lusitanus exercitus accedebat . In binas  
 partiti pergebant equites alas , qui ordo  
 ordini respondebat , quo Castellensis  
 eo tempore instructus obviam iturus  
 aggredientibus videbatur . Itaque pri-  
 mò lævum Lusitani equitatus cornu  
 cum dextro Castellensium concurrir .  
 Aderant hic Lusitanis duo Generales  
 equitum Duces Dionysius videlicet  
 Melus , & Emanuel pariter Freirus , si-  
 mul Petrus Jaquius Magallanius Castro-  
 rum Præfectus , multique præclari no-  
 minis Duces adhortatores iidem , ac  
 vindices bellarorum suorum , idque la-  
 teris plenius , ac firmitus consultò referre-  
 rant hostes , illi enim oppositum Castel-  
 lensium lateri erat , quod semel immi-  
 nurum , aut fractum fore perfacile vi-

debat quæfixa victoriæ reliquum  
 cōtracturum . Præerat huic Castellen-  
 sium dextero cornui Jacobus Mazaca-  
 nus Italus , implebant primas certami-  
 nis partes Austriaci custodes corporis ,  
 Ducisq̃ue Sangermanensis , hinc eque-  
 stris roboris nervus , ac flos ex tota mi-  
 litia collectus invalescebat . Ubi igitur  
 tanto robore , tantisq̃ue animis præ-  
 lium in primis accensum est , varia ,  
 atque incerta diù ex utraque parte for-  
 tuna , virtúsque pependit , nunc ce-  
 dente , post Lusitano rursus instante ,  
 atque eodem , quo proruperat impetu  
 frequenter cum equitibus ipso reve-  
 cto , impulsóque acriori donec coa-  
 cta ex ireraris , ac sæpè refractis incur-  
 sibus ira , utrique mox pertinacius ad  
 pugnam incubuere . Itaque fistulas  
 modò ferreas excutere , modò strin-  
 gere gladios , aliàs in equos furenres  
 equos impingere , his à ferocibus equis ,  
 ab hominibus aliis extrusis , passim  
 fremitus , clamor , fragor , & fulgor  
 armorum , multiplices ictus , victo-  
 res cum victis , cæsi cum cædentibus  
 implicati , omnia casus , & furor ubique  
 confundere . Jámque diutius quàm  
 ira pari , vel impetus potest trux illa ,  
 protracta pugna pergebat , cum inte-  
 gro adhuc animo tamen , integra vi ,  
 & rebus utrinque dubiis ram fugæ ple-  
 riq̃ue quàm salutis immemores aut  
 cædere , aur cadere , & mori in eo-  
 dem immori vestigio , locóque per-  
 severabant , cum Emanuel Freirus  
 magister equitum Lusitanus paucis ab  
 dextero cornu subductis equitibus ,  
 aliisq̃ue fortè solutis , & obvis cur-  
 sim adjunctis è fronte sublatus , & ali-  
 quantulum circumvectus in hostis la-  
 tus improvisus incurrit , quod cum  
 protinus dissolvisset , inde vehemen-  
 tius prima perculit agmina , quæ ex  
 Austriaci , Sangermanique Ducis con-  
 flata custodiis ferocius hucusq̃ue pugna-  
 verant , & hostium imperiũ sustinuerant .

Alæ hujus equestris Duces in hoc comu eminentis erant Comes Spinardus Hispanus, & Sanctæ Christinæ Dominus Italus, hic Sangermani custodiæ Præfectus, ille Joannis Austriaci, qui à fronte, atque latere cum vidissent suos milites circumventos, & primo quidem impetu fluctuantes, mox cedentes, eorumque turbatione, impulsûque reliquos qui adhuc integri steterant, fusos, viribus ipsi quanquam tunc enervati, quos tamen in animo nervos habebant, magnitudine spiritus intendentes suos milites intercurrere, minirari, obsecrare, ut pavorem, ut fugam sisterent, modò suos retinere, modò occurrere hosti; tandem cum omninò formido, quæ nedum hortamenta cogir, sed arma quoque præsidia salutis abjicere, affectos animos pervasisset, re desperata Duces, avidè sibi, & cum vitæ quoque jactura aliquod belli decus petebant, quod jam in fugam conversa ipsorum agmina amiserant. Comes ergo Spinardus concitato calcaribus equo, cruentamque sibi inter hostes ferro, cursûque semitam sternens in Freitum infestus, ac præceps agitur. Fit in medio inter eos singulare quasi certamen, Freirus multis postremò vulneribus ictus delabitur equo, atque acie subductus paulò post moritur. Equo suffosso Spinardus, & graviter laucius è prælio discessit. Hujus conspectum lethale repentiè vulnus, casûque, cumque expiranti similis servorum inter manus abduceretur, pavorem & fugam militum auxit, ejûque præsertim agmen penitus fregit. Pari quoque fortuna jactatos milites Ducis Sangermanensis, quos regebat Sanctæ Christinæ Dominus, non tamen armis inultos fugas, seu cædes abstulit, ipsæque tandem post multa virtutis experimenta, eaque vulneribus insignita vi-

vus ab acie sublatus est. His agminibus fœdè caesis, aut fufis, ac reliquis passim ordinibus scissis, atque implicatis, cum ferè omnes primi compressi lateris milites trepidi fugam arriperent, sive spectarent, una supererat equitum ala, Francisco Aghiarro Duce, quæ in arcto positis fortè rebus, atque extremis retenta subsidii hucusque quieverat. Serius hæc postea, quam oportebat, ad sociis jam fractis succurrendum immissa, hinc incitatiùs ab hoste impellente, hinc à sociorum fuga, tumultu, imperûque raptata, arque acerrimè illisa, tot una incumbentium se, seque ante, retròque jactantium concursu denique abrepta, ac profligata momento est; Francisco Aghiarro Duce, dum strenuè pugnabat, confosso. Sub hæc Didacus Cavallerus qui & supremi Castrorum Præfecti, & Magistri equitum munere gravi cum rerum militarium incommodoungebatur, dum in vertice collis peditibus præsidebat, misit, qui levi equitibus cornu adhuc integris imperaret, ut dextero cornui jam undique presso, ac labanti ultimam opem citissimè afferrent. Hæc tardiùs ob loci distantiam, atque interposita impedimenta cum perlata mandata essent, simul in medio via circuncisa, implicita dumis, extricatûque sanè difficilis effecit loco, ac tempore iniquo transvecti equites, cum inire pugnam deberent, corruptam ibi rem offendentes, nec sibi satis, nec sociis auxilio ferendo essent; sparsa tunc temporis fœdum in modum jacebat humi strages armorum, hominum, equorumque & ipsa clades, cladisque funestæ reliquæ, horum, qui novi ad dimicandum accesserant, horrorem oculis, formidinem animis, etiam offendicula pedibus ingerebant; coherentes præterea, se seque stipantes hostes,



& undique circumfusi exeperant jam appropinquantes equites intercludere; qui seriùs porrò convenerant equites Castellenses, afflictiis hucusque rebus, cum statariam incipere pugnam ausi nequaquam essent, continuò soluti, vagique sine imperio, sine ullo ordine errantes plurimi defluxere, pauci, qui resistere velitantium in morem prout occasio ferebat, aut impetus palam, aut furtim cum Lusitano congregiebantur. Fuere inter eos memoria præcipua digni Comes Boëttus Italus, Brunusque Burgundus, quorum hic alacriter pugnans equo demum excussus, ac cæsus est, ille suo, & hostium cruore satis oppletus, & lassus tandem captivus abducitur. Dum ita in planitie equestre exarserat pugna, haud minus acris, ac pertinax illa erat, quæ propè collium fastigia utriusque partis pedites exercebat. Erat tunc princeps Lusitani peditis Duxtor Comes Scombergius, cui cum ad hostem nimis in alto situm aggrediendum non minori labore, quam periculo esset, & collium altitudo, & ascensus asperitas superanda, non deficere modò vires audaciæ, sed ne animus quidem audaciæ sufficere videbatur. Ex militibus tandem aut vitæ contemptione, aut gloriæ cupidine incensis, ac mutua inter se adhortatione firmatis Angli primi fuere, qui stolidè in speciem ambitiosi, aut feroces immaniter viribus scabrosum, & valde lubricum iter illud ingressi temeritatis exemplo cæteros excitarent. Subibant pecudum modo genu, ac manibus potiùs per fragosa, & abrupta, quam pedibus nixi; porrò temerè subeunium multi fallente vestigio, multi in præceps ab hostibus acti; quamplures ruina antecedentium ablati proximos quoque trahabant, visûque profectò deformis, ac miserabilis facies erat in ea volutatione

agmorum hominûmque ruentium cernere plures eminentium saxorum offensione, casûsque vertigine magis, quam ictibus hostium cruentos, ac laceros, cautèsq; cruore stillantes, armisque disiectis undique sparsas, paucitamen qui per aspera fortiùs enixi, seque invicem adjuvantes, sublevantèsq; summo labore cacumen attigerant, strenuè dum ibi pugnant, dum prælio occupatum distinent hostem, dedere, & alii ponè scandentibus locum, ut impunè succederent. Postremò tres Lusitanæ legiones incolumes, & mollioribus quoque subvectæ locis cum in verticem evassissent in æquo ibi statim explicitæ loco vehementer invadunt primam Castellensium peditum aciem, quam Agnellus Gusmanus, & Ludovicus Friasius tegebant. Castellenses vix tum semel sclopiis in hostes exoneratis, nullo instante, nullo impellente, animo citiùs, quam viribus destituti, armis statim abjectis, se se impudenter in fugam præcipitant. Id porrò in conceptam, ex felici hostis temeritate præter omnium opinionem jugi altitudinem prætervecti, formidinem quidam auctores referunt, alii, sed verius, in casu, ac temerè emissam à Duce quodam timido vocem, esse scilicet ipsos jam ab hostibus interclusos, quibus, & ipsam, adde, quæ ita sola in exercitu erat, militiæ partem ex tyrone compositam milite, & quæ ut hostium ardorem & impetum exceptura, atque in fronte robustior, ac fortior esse debebat, tanquam ignavam, bellique rudem, terrore insolito adjecto, primis ictibus consternatam faciliùs dilapsam esse. Ioannes Austriacus ubi turpem fugam cernit, desilit equo, arreptam uni militum hastam accipit, infestamque adversus militum ejus pectora cuspidem dirigens clamore, precibus, minis nequicquam elaborabat sistere fugientes

gientes cùm acius in terga pugnaret hostis, impressusque in animo pavôr exanimas urgeret. Ea quoque Castellensium militum fuga, & aliorum sine imperio, sine ordine inter socios, & hostes se volutantium militum multitudo alias extemplo acies, quam in medio Germani, & extremam quam Itali sustentabant, immiscuit, immistas subinde dissolvit, dissolutas penitus fudit, atque disjecit, eoque ruptis, disturbatisque passim ordinibus Lusitanus hostiles acies intercursando, ac remeando progressus est, ut victis cum victoribus irretitis, atque confusis, persepse hostis hosti velut socio, & amico præcepta dederit, aliàs proprium in cuneum ad eum defendendum exceperit. Interim agmen equitum Lusitanum, pulso jam equite Castellense, aut occiso, longiori, planiorque via circumductum, iubente Sancio, in reliquam peditum aciem jam errantem, ac fractam impellitur. Terror hic ultimus res Castellenses omninò prostravit, cùm prima acie in fugam effusa, reliqua perturbata, aut ejecta eos, qui in campo fortè perstiterant simul à sociis, simul ab hoste compulso, & inter prælium, & fugam, quæ nec omninò patebat ancipites, & undique circumactos hinc pedes, hinc eques Lusitanus urgeret, & alii fugam, alii vitam eriperet. Itaque omisso denique pugna, cùm omnia Castellensibus ruerent, lævissimè cædes incaluit. Dum ita exercitus cædebatur, & multa fœda ibi iræ edebantur multa crudelitatis exempla, Sangermanensis, Joannis qui iussu locum castris proximis designatum perrexerat, eo strepitu armorum, tormentorùmque belli fragore, quem concava montium reflexa horribilius multiplicabant, audito, confestim regressus, primò fugientium longè, latèque diffusas turmas, deinde fœdè humi strata-

tam invenit Castellæ aciem, simul ipsum Austriacum inrer cumulos corporum, amorùmque, & ubique exultantes, insulantisque hostes extrema nequicquam audentem, gravique ibi etiam periculo implicitum seu vitæ amittendæ, seu libertatis. Hoc visò, ne insigniorem fortuna cladem tanti jactura Principis redderet, hunc diù resistentem, reluctantemque Sangermanensis ab extremo periculo abduxit; inde unà ipsi Duces cum admodum paucis, quos hostis defatigatio, aut fiducia, aut acervorum cadaverum obices interjecti residuos cædibus fecerant, Attroncium citato gradu se receperunt. Inter hæc colludente quoque fortuna, Jacobus Mazacanus, qui cum integra turma ab equestri confictu post multa inania virtutis experimenta, in primis evaserat, plures ubi passim vagantes equites videt, permultosque cornu sinistri equites, quod laxatis statim ordinibus ex se ipso momento penè solum, ac dissipatum fuerat, eos omnes conglomeratos, atque in orbem compositos, se se impigro Duce ad belli fortunam rursus experiendam horrat. Voltare incompositos hostes; victoriæ superbia, ac nimia fiducia tumentes adhuc parere periculis; majora his inter arma ludibria, nec utique rarè præstitisse fortunam. Conducere saltem, etsi ulterius lævire fortuna pergat, magis cruentam, & luctuosam victoriam hostibus facere, & quod virium, cruorisque superest reddere ferro, aut commilitonum vicem ulcisci. His verbis Castellenses instincti vertunt habenas, equosque in hostes malè ordinatos admittunt, consuunt, & alii quos fuga dispererat, exemplo percussis, & quantum per tempus virisque licebat, certamen instaurant. Vis tamen majori statim oppressa vi, imperiisque refractus est. Nam Lusitanus, in fugam impulsis,

pulsis, aut caesis Castellæ pedibus, fuso, fractoque equitatu, lignis, bellicque tormentis abstractis, jam plena opimæque potitus ipse victoria tunc equite, ac pedite raptim collecto in se condensatus, ac strictus occurrit, mox patefacta repente acie, quia numerus affluebat, cladis reliquias circumcundo complexus, ita premendo, dimicandoque clausit, ut fuga paucis elapsis, quos satietas cruoris, aut lassitudo tandem servavit, captivitas duxerit. Cæsi in hac pugna sunt Castellenses ad quatuor millia, plures fuere numero faucii, capti supra ter mille, inter quos altioris notæ gradusque, atque è magnatibus unus enumeratur Marchio Carpenfis, major natu Ludovici de Aro filius, ingentis spiritus juvenis, animo militaris, atque in paterna domo quæ jura dabat Imperio Politicis artibus innutritus, ac mirificè quondam cultus, qui strenuè rotando hastam hostibus circumfusus, cum non minus hostilis hausisset, quàm sui dedisset cruoris, ne libertatem saluti præferret, hostis violentia qua raptus est, impedimento fuit; & Agnellus Gusmanus Tribunus militum filius Turrianæ Med.æ Ducis; pluris etiam Tribuni, Ducisque merito, ac genere clari, cum magna ex parte ceteri præliantes occubissent. Lusitani circiter mille perempti sunt, Ducisque eorum plerique faucii, cæsiue pugnando fuere, sarcinæ omnes, omnisque belli apparatus, item magnifica, ac regia supellex Austriaci in victoriæ prædam, ac præmium concessit. Hæc est Canalia celebris pugna ex loci nomine sic appellata, & clade Castellæ nobilis, ubi mirari profectò licet, quæ fuerit vis, atque vigor animi Lusitani in toties caelata, atque obstinatiùs intenta cum hostibus pugna adversus imparem, ac sanè reformidandam, totque instructam equitibus aciem, cujus in bello

potissimùm nervus asferre plerumque victoriam solet; quàm arduus, quàm cellus, ac turribus similis duplex infessus fuisset à Castellensibus locus, & superatus; quæ per diem ferè totum inter laboris, ac temporis æstus tracta pertinaciter pugna sit, ac nocte simul palmæque accessione dirempta, quo uno quidem propitio prælio vacillans atque hætenus fluctuans regni diadema Bregantio penè firmatum est. Hic etiam plerique ut supra quoque tetigimus Joannem reprehendunt, quod nec pro egregii, ut latè sonabat, nomine Ducis, nec pro recta disciplina militiæ cum ingentibus copiis ultra quindecim ipse leucas hostici prætergressus, à tergo vel sponte præclusus, reliquerit Estemotium, Campomajorem, Elvum munitissimas regni arces, & quamvis ille, quod Rex innuebat, in animo voluisset, prælio uno prosperè gesto, debellatum omninò fore, id tamen non adeò iniquè, non adeò abruptè querendum cum inextricabili propè periculo fore, in visceribus scilicet Lusitanæ, inter uncas, & ungulas hostium, in faucibus propè famis, sine certis subsidii, sine alimenti copia, ubi omnia undique hostilia infestaque essent hærenti. Hinc Eborensē porro victoriam inversam, ac tam citò corruptam; hinc elatos animos hostium, sociorumque demissos; hinc postea non prælium, sed cladem quæsitam esse. Sic errore, aut inscitia Joannis Lusitanos intumuisse, frange modò insolentiam, tunde ferociam hostis, si quid animi, aut virium ex funestissima elade superest. Hos amulorum aculeos, & morsus, vulgaratque latè querelas in hunc modum diluebat Austriacus. Eboram scilicet obsidentem Joannem spem ipsum fecellisse Castellensis ad rem apud Gades paratæ classis, quæ pro inflatis ab aula promissis in tempore adesse debebat propinquo eadem

eidem Eboræ portui, urbem ille cū subegisset, si stetit hominibus fides, nec vana ipse expectatione deceptus esset, clasus eo tempore amicæ cum recepta nuper urbe commercium, & copiis, & loco uberes comæatus, ac prompta prælidia facturum fuisse. Hanc autem amissam spem, hanc fallacem omnino fidem omnia sibi pessum dedisse. Nihilominus vera, usūque trita sententia est, nervos, atque artus esse sapientiæ non temere credere, quæ ad consuetas, nimisque segnes ministrorum Hispanorum dilationes, egestatem ærariū, bellique momenta contracta volubilem quoque fidem minuere in Aultriaco debebant. Cæterum ad Arroncium cum paucis militibus vectus Aultriacus reliquias ibi deleti exercitus colligebat, dum Estremorium Sancius victricibus copiis adductis humo tegi cælorum corpora iusserat. Quod cū religiosè, ac more militiæ perpetraretur, eodem tempore accidit, ut Pirovani Marchionis Mediolanensis, qui Tribunus pro pugna ceciderat, homo quidam familiaris extincti corpus amici studiosus, quò ei iusta perfolveret, quæreret; oris præterea, atque habitus signa dederat, prætiūque haud exiguum aliquibus constituerat quæstiti, inventique fortasse corporis. Difficile tamen erat, in tam lata, ac referta cadaverum strage, visuūque deformium cruoere, taboque fluentium similitudine, & fragmentorum humanorum acervis tum corpus, tum aliam ab alia corrupti vultus figuram discernere. Hæc ille porro sollicitus obiens, ac sedulo circumspectans videt tandem sibimetipsi notum defuncti Pirovani canem, qui uni cadaverum affidebat, tristisque ululatu laceratus, & quasi voces, ac gemitus commiscebat. Eò statim homo canis indicio commotus accurrit, offenditque jacentis amici corpus exangue,

cujus deformitas, color, mistusque sordibus sanguis, adeo oris notas, & lineamenta confuderat, ut fallere quolibet potuisset, nisi ipsum hærentis canis vestigium, & lugubre ululantis sonitus proderet: ita inventum, ita redemptum amici corpus paulò post honorificè tumulat. Porro autem id ipsum dicitur animal, cū prælium arderet, Dominusque confingeret, dum assultibus illum, unguibus, moribus protexisse, postea jacenti, extinctoque jejunum, noctem diemque astitisse, confususque dolore ululatibus propemodum deslevisse, tandem vigilia, atque inedia consumptum expiravisse. Cujus rei monumentum nec leve nos, nec inutile sanè duximus ob jam supra modum vulgaris humanæ ingratitudinis improprium. Cū igitur ita sepulta cælorum corpora essent, captivi subinde, suo cuique pro merito, & gradu honore, cultūque reddito longo ordine Ulisipponem trahuntur, qui ne ab infesto, concitatoque fortasse populo in exorsæ nationis ludibrium, & odium convicio, aut manibus læderentur, nocte intempesta Ulisipponem inducti sunt; nam profugati, dissipatique exercitus Castellensis, cū pridie advenisset Ulisipponem nuncius, ut ea ipsa qua ad iram mobilitate, atque ardore, etiam ad gaudium incensus plerumque rapitur populus, præ nimia effusa repente lætitia, cū deletos audisset hostes, is rursus, & frequens, nimisque commotus, atque hilariter turbulentus circumlatus per urbem est, postquam totam tandem emensam clamore, & cursibus urbem sub Anulisticis ædibus constitit. Ibi solutis dum gestibus, sibilis, atque horrifonis vocibus populus obstrepebat, huic ille duo millia nummum ex fenestra projiciens: Accipite, inquit, amici, quod mihi residuum ex recenti rapina fecistis; cū sci-

licet plebs ob iram Eboræ amissæ, ut supra narravimus, domum ejus vultaverat.

His constitutis in urbe principe rebus, Bregantius ad auferendam Eboram hostibus tunc maximè industriam, & animum contrulit, cùm scilicet ob cladem recentem vinbus, animoque concussum torpere putabat hostem, simul alacrem Lusitanum secundùm fortunæ propitiæ cursum spes, & animos extendisse, nec dum assuetudine, aut simulatis illecebris, quibus uti poterat hostis, veterem in Castellenses invidiam brevi pro tempore civitatem diminuisse. Nihil propterea cunctandum ratus, cohortes, quas ad populi fratros, Canragnedæ Comite Duce collegerat, jam illo intestino secluso metu præcepit, cùm Sancii copiis quàm citò conjunctas ire ad Eboram oppugnandam, ibique duos summos Duces, exercitu protinùs aucto, rem maximè urgere. Itaque statim urbis obsidio processit. Iacti, sed sparsim aggeres sunt, obsidionales accessus ducti, tormentorum plures in orbem erectæ sedes, moenium ruinæ, irruptiones, cuniculi, omnia belli applicita exitia, pestesque sunt. Meliori tamen consilio temperaroque animorum ardore cum disciplina, quam Lusitani primùm amiserant, Regis Philippi milites, qui Itali erant plerique Eboram defendebant. Nam Comitem Sartinæ, cujus potissimum oneris erat circumspectæ tutela urbis, ceterosque commilitones longa hujusmodi schola militiæ, ac modus præcipuè obsidendi, atque obfessa rutandi oppida apud Insubres erudierat. Priùs itaque Comes suspiciosos, atque inutiles homines, ubi primùm obsidio patuit, Eboram exegit; primos quidem, ne arma illi, cùm in re dura, atque turbida licuisset, in externos verterent, reliquos verò, ne instructuosè alimenta consume-

rent, quorum inopia laborabatur; omnia deinde esculenta, omnemque rem frumentariam ex privato paratam, atque congestam publico addidit, ita ille curans, ut rata pro parte quotidie cibaria singulis dividendo, his nec omnino quisquam deficeret, nec afflueret. Venit præterea comessationum, collusorum, sodalitatum sacrarum cætus, & solemnium etiam dierum concursus, & pompam, quominus fūco, obtentuque rerum sacrarum, aut animi relaxandi circulatorum occasiones, partiumque in occulto semina foverentur; aliæque multa similiter, quæ in fidei incipitis civitate provisu digna censebat, effecit; eo tempore tamen ignarus, quem regio exercitui fortuna exitum statuisset. Frequentibus etiam, & validis ab Eboræ urbe impressionibus factis cum magno passim illato tumultu Comes, & rerum, hominumque ruina milites Lusitanos, atque oppugnationis artifices affligebat; non ibi militibus Dux, nec Duci milites deerant; vis consiliumque vigeat; temeritas aberat. Inter hæc Sancius Emanuel quædam litteras intercepit clam à Duce Sangermanensi ad Sartinæ Comitem missas, quarum exemplar est. *Regias paulo ante copias circa Estremozium à Lusitano fractas, quos tamen fuga, aut prælii fortuna, quorum plurimi essent, superstites cladi secisset, cum illis conjunctos, qui eo tempore cursum, magnoque numero legebantur, conficere citius exercitum posse, qui copiosis, promptisque subsidiis in Eboræ lite jam partam victoriam hostibus funestaret; ne ergo deficeret animo eo belli casu concussus, quem sæpe reciprocare tam varia, atque fallax inter arma fortuna solet. Se prælio quidem non bello victos, nec sarcientas, aut cumulandas pro mille exercitiis opes deesse Catholico Regi, nec una, levique clade Hispaniæ fundum exhaustum esse. Litterarum hic sensus erat, ut nempe aliquan*

aliquandò certa quanquam urbis dedino prolaretur. Adeò fluxx, atque incertæ res bellicæ habentur, ut inter æstus, & fluctus deperditæ propè rei vel momentum captare temporis ufui esse fortasse possit. Hujusmodi epistola primùm à Sancio, & Cantagnedæ Comite visa, ac diligenter excussa. Ducibus dubium iniecit expediret necne, quos deprehenderant codicillos cum notitiâ deleti exercitus ad Sartiranæ Comitem reddi, an potiùs deferere ipsùm illa cura planè solutum, & animo vacuum, atque in rerum suarum caligine perperam consulentem. Hinc scierat cladis acceptæ spes, & animos videbatur esse repenti Italicis abjectura, signiorèsq; deinceps factura. Duces ad urbis defensionem, huic autem inscitia, quippè quæ validi proximique subsidii inanem pasceret hostibus spem, eos minus deinde ad tutelam solertes, ac providos præstitura milites videbatur, quò cruori, quæsitisque sæpè periculis parcerent, & hominum alimentis, quemadmodum accuratius caveri pro diuturna urbis obsidione, productoque subsidio solet: successus ignarus inanis illos fiducia, contemptusq; periculorum, gnaros cum sollicitudine metus cepisset, at faciliùs profectò esse perdere omnia imprudentia, quàm prudentiam cum indigentia rerum omnium in arcto positam frangi. His in consilio agitatis, Impertientiam hanc esse confestim Sartiranensi notitiam Sancio, suppressendam Cantagnedæ Comes censebat; uterque postremò altercationibus lassus magis, quàm victus mediam sententiam amplectitur, convenitque inter eos, ut moneretur de exercitus clade Comes Sartiranensis, at aliquantò seriùs, quando ille scilicet, qui temporis cursus, qui fuisset exitus rerum ignarus extracto per errorem obsidio multum hausisset pugnando mi-

litum, multum tempus terendo cibariorum, ac desperatio tandem proximi auxilii cum certa rerum inopia copularetur. His stabilitis, inter hæc novus Eboræ Gubernator, cùm dies, noctesq; jam provocantes, jam se defendentes certamini semper intentos, succedentèsq; per vices omnes milites tenuisset, iisdem sæpiùs erumpentibus urbe, cùm in meliori quamquam fortuna attritæ paulatim quotidie tamen defluerent copiæ, simul quæ urbi impendebant, cùm per vim occupata crenobia essent, crebrisque tormentorum ruinis jam lacera mœnia fatiscerent, undecimo tandem ab Eboræ oblecta, atque oppugnata die Lusitani permissione priorem arte retentam, & insuper aliam hujusmodi exempli missam accepit Austriaci nomine epistolam. *Prescriptas ab ipso pro ea circumfessa civitate suppetias ob cladem recentè acceptam, incurrentesq; improvisò difficultates, diutius, quam antea crediderat, protrahi; quando igitur ille ita afflicta jam Eboræ non valeret, vel strenuo presidio consuleret.* Attonito similis legit has literas Comes Sartiranensis, & repentino, gravique dolore percussus, ubi secum ipse revolvit, Castellæ exercitum cæsum, nec aliud certè tam citò futurum in promptu, qui illi æqualis, ac viribus integer Lusitanis jam nervis, & animo auctis opponeretur, seque intus esurie, foris armorum ictibus premi, circumfusum præterea solo undique hostili, armis obseptum in planè suspecta, vel urbe potiùs infida, neque arte ipsa, neque natura satis munita, & mœnibus insuper quassa, multisq; in locis ruinarum accessibus pervia, ad extremum juxta mentem Austriaci, quò bonum saltem præsidium non interiret, nève consilium quod summi Ducis auctoritas, ac ferrea ipsa necessitas subjecisset in communem perniciem aspernaretur cum Sancio

Sancio Emanuele, & Cantagneda Comite urbis deditionem pactus hisce legibus est. Armis instructi, ornati-que abirent Eboræ hostes, in Lusitania tamen commoraturi donec decurreret ætas. Omnia præterquam arma, & quæ singuli secum transferre possent, in urbe relinquerent. Octo præterea Ducis arbitrio milites lecti, quibus inde larvatis quò ire liberè placuisset, iter fide publica patuit. In hunc modum amissa, brevique deinde recepta Lusitanis Eboræ est, his maximè usis erroribus hostis, qui in adpò egregium, ac peritum armorum Ducem, & puerum militem quondam, usûque ac peritia duratum exercitum cadere posse minimè videbantur, nisi etiam errare aliquando, labique propè ipsa irata, atque adversa fortuna cogat.

Joannes Austriacus collectis ex fuga, cladisque naufragio militibus cum nec satis adesse sibi præsidii cognosceret quo lapsuræ jam Eboræ subveniret, acriorque eundem insuper cura repungeret, suæ existimationis, famæque refarciendæ, quam ab utriusque infortunii vulnere læsam noverat, in hoc actu, animique jactatione capere furim Elvum constituit, existimans seu nuper adeptæ victoriæ fiducia desides hostes, seu cura, & labore Eborensis obsidionis implicitos negligentius esse ceteris provisos. Misit igitur Didacum Cavallerum cum multis equitum, multisque pedum turmis, qui post cladem Canaliæ serò ex Gallæcia convenerant, ut rem ex sententia transigeret. Hi tenebrarum silentio Badacocio profecti, cum adhuc nox interfueret, haud procul ab Elvo consistunt: ibi vias intercludunt, obvios etiam occidunt, aut capiunt, ne accedere ad urbem insidiarum indicium posset, deinde scalas, & arma furtiva parant, post pedetentim accedunt, aliis cum silentio præmissis, aliis

retro expectantibus signum, quo in tempore subvenirent. Sed ea res frustra fuit. Comitris quippè Sabugali, qui tum urbem regebat, sollicitudo cum omnia ubique explorata, atque attentissimè custodita teneret, jam fraudem præfenserat hostium; intensius propterea ea ipsa nocte duci vigilias jusserat, excubantium numerum duplicem esse, ad buccinæ sonitum, ad campanarum pulsus confluere ad mœnia statim armatos cum militibus cives. Itaque hostium dum oscitantium incuria, ac negligentia freti temerè Castellenses urbis mœnibus appropinquant primò clamore vigilum perturbati, mox tormentorum contortis fulminibus icti, tandem rejecti, atque expectatione delusi Badacocium irriti reverterunt. Alia subinde nec exigui momenti clades ut perinde felices, ac infelices, ne à suo tam citò tenore desistat, mos est fortunæ, repetere ictus, partibus regis accessit. Arroncium per arma tribus ante annis, ut diximus, Lusitanis ereptum rerum ab Austriaco in Lusitania gestarum bene primitias pro bello posuit; idque celeriter tunc munitionis inopia sublatum, quia bello inter hostes trahendo opportunissimum videbatur, impensius Joannes muniri jusserat; fraudulento verò consilio, aut ibi fortuitò potius evenit, ut ignis injectus bellico pulveri, qui eo tempore multus in arce sepositus erat, mortiferam ubi pestem concepit, ruptisque saxorum claustris evomuit sua vi, suo impetu revolutus, atque retortus everteret funditis arcem; simul etiam effusum rapidè incendium, cum hærentia, & contigua quæque munimenta corripere, cuncta, quæ afflaverat, ingenti ruina, atque strage prosterneret. Sed miserabilior, atque deformior profectò fuit tum præsidii, tum oppidanorum hominum internecio quos flamma



ma perussit, aut quos per ignis impulsam rotata desuper saxa partim occiderunt, alios contuderunt, plurimos mutilarunt, quos etiam mortalis animo infixus repente consecit horror, quibusque substratis, & adhuc viventibus animam lapidum moles, & cumulus interclusit. Iacuit horribilis, atque strages. Supra duo hominum milia eo dicuntur impetu hausta, vel graviter laesa. Ceterum eo tempore armatum si forte se Lusitanus tantæ ruinæ celeriter ostendisset factu planè facillimum videbatur, ut boni oppidi accessione partas nuper victorias congeminaret. Is tamen salubri quodam temperamento satis hucusque quæ adversus potentiorum, virtute, aut fortuna aspirante, gesserat, habens salibus tantum jocatus calamitati ejus oppidi allusit, scilicet cum propter insignem adeptam de hoste victoriam tota jam Lusitania gratulabundis, lætisque passim arderet flammis, idemque festivus inique fulgor ejusdem regni oppido negaretur, hoc ideo funereis pro lætis torrida saxa facibus subjecisse.

Dum ergo in hunc modum Lusitanus undique exultans, hostilis delecti exercitus, Eboræque statim receptæ victoriam duplicem agitabat, alia profectò species, mentisque tumultus, ac perturbatio animorum, & quæstus aulam Catholicam occupaverant, Lusitaniam nimirum ea tempestate recuperandæ jam fractiorem illo ictu cernentem spem, graviorique sensu doloris affectam, quod ea repente spe decidisset, quam sibi ampliorem res paulò ante bellando gesta confaverant. Austriaco præsertim irati, infestique erant aulici ferè omnes quod longè periculosum, atque inextricabile emensus cum militibus iter armis Eboram quævisisset, tam captu facilem urbem, quam brevius amissu, &

quoecumque etiam fortuna inclinasset, tanti laboris, periculi, sumptusque tanti mercedem nimis exiguum. Magnopere quoque ledere, & lædi Joannes in illa epistola visus est, qua luctuosum prælii exitum, atque exercitus cladem referens Regi stomachi plenus, & iracundiæ his verbis initium juveniliter duxit. *Nemo, Rex, ut decebat, in hoc certamine Ducum sui muneris partes implevit, nec ego quidem, velut urbano more loquendi ulus adjunxit, siquidem calor, & spiritus adhuc his offibus hæret, nec profuente calamitati, ac reliquorum exitio militum, ruinaque reipublice ulterò me ipsam comitem dederim.* Eo enim celeri, incauto, ac nimium acuto scribendi stylo Joannis in vulgus effuso, alii vehementer perciti Duces studiosius amittebantur in auctorem maledicta rejicere. Quod vitio præterea, & consuetudine tritum in omnibus ferè præliis infelicibus accidit, nempe alium in alium, atque in Duces præcipuè deonerare facinoris culpam, aut sortem, hoc acriores sermone illo Joannis invidiæ, ac vindictæ subjecit aculeos, cum eadem, quæ duplex ureret Duces offensionis, defensionisque causa, eos quoque inflammatus in illum urgeret. Accesserant etiam veteres obtretratores Austriaci, qui, quem injuria allatrare soliti erant, nunc jure mordere non negligeabant, & qui in aula promiscuè deprimeret bonos, elevare immeritos student per fas, atque nefas esse cunctos similes sibi aut infra se cupientes, quique arida manu, hebeti intellectu, ac vivida lingua carpere omnia virulenti suevere, quibus impares sunt; eoque tandem populares insectationes, atque quærelæ in Austriacum provectæ sunt, ut fama, quæ de industria illuderet vulgò, seu dubia, & incerto, ut sit sæpè numero, auctore manaverit, in armorum contra Lusitaniam imperium à Rege Joanni successorem



curaret Urtatus, jufferat, quomodo-  
cumque ac celeriter posset, spes, co-  
natúsque Ossunenſis infringi. Joannes  
autem Austriacus, qui tunc Badaco-  
cium ab aula redierat, ubi animo voluit,  
à Duce Ossunenſi susceptum improvi-  
dè opus ultreicia quamprimum Lusita-  
na esse arma revocaturum, excitatúm-  
que rursus & circum armorum incen-  
dium, ac dilatatum ob loci propinqui-  
tatem sui quoque juris, fuzque tutelæ  
addictos corripere terminos posse, tam  
de suo, quam de Ossunenſis periculo  
anxius, misit Comitem Boëttum, qui  
captivi cujusdam mutatione paulo an-  
te solutus ab hoste fuerat, ut cum  
aliquot equitum turmis custodix, ac  
præsidio Alcantaræ finibus esset, &  
subsidio Ossunenſi à Lusitanis fortasse  
circa munimentis fabricam appetito.  
Interea Ossunenſis propugnaculi ex-  
structionem, & operarios à tergo ha-  
bens in loco munito confederat, ad-  
erantque tum illi peditum septem cir-  
citer millia, equitum supra duo millia,  
ac totidem ferè instructos ad pugnam,  
atque in castra receptos è regione mili-  
tes Lusitanus habebat, spatio tormenti  
ferè bellici jactus inter stationes oppo-  
ſitas interjecto. Caterùm Castellensis,  
cùm nec aleam adire manúsve cum  
hoste conferere, sed eorum defensio-  
nem, qui munimentum struebant pri-  
mo loco respiceret, re planè pacata,  
operarum, caſtorumque tutela con-  
tentus consilium immotus, ac tutus  
persequebatur. Idipsum reputans Lu-  
sitanus suo tegendo scilicet operi inten-  
tum pugnandi copiam non facere ho-  
stem, nec secus illi expedire, simul in-  
vadere ipsum caſtorum præſidiis, ac  
septis inclusum præcipitis fore consili-  
um, nec minús periculosi, castra hostium  
integra præterlabi, ac rectè operas ad-  
oriri, cum terga ita præberet, ut ipsa  
impunè cederet hostis, tum ædifici-  
um præſidiis occasionem, qua Lusitani pe-

nè interclusi animosius frontem urge-  
rent, ideòque inutilem sibi moram,  
hostique opportunam in loco pergere  
putans, dum munimenti constructio,  
quæ interturbari debebat, nec pote-  
rat, jam sine obice cresceret, his ille  
argumentis adductus sua statim defere-  
re castra constituit, atque in Castellam  
populabundus ingressus incendio, ex-  
de, rapinis, interclusionem, atque inopia  
alimenti cogere Castellensem, ut æquo  
certamen quæreretur loco, aut fabricam  
intemitteret. Itaque Alfonso Urtatus  
agmina quædam equitum, qui  
paucorum contracta dierum, ad alen-  
dam in hostico aciem alimenta con-  
veherent, Almeidam immisit. Hos  
è specula progredi equites cùm Os-  
sunenſis aspiceret à reliquo exercitu  
separatos, continuò caſtris egressus  
aggreditur, majorem inde secum e-  
quitum partem ducens, atque ea  
simul auxilia, quæ Austriacus illi pro  
pugna ineunda contulerat, iisq; co-  
piis in tria statim agmina distribu-  
tis cum hoste certamen intendit.  
Tunc Lusitanus majori, ac repen-  
tè hostium numero circumſusus, pri-  
mòque impetu penè obrutus, ac ita-  
tariz proinde, certæque trahendæ  
pugnæ diffusus nunc simulare fu-  
gam, post regredi, nunc spargi,  
nunc redigi in orbem, aliàs exterius  
per latera incutere, atque ita ille  
circumeundo, eludendo sæpè irruen-  
tem, ac sæpè prementem sustinuit  
cursus ambagibus hostem, donec  
ceteri equites cum cohortibus in sub-  
sidium à Lusitano Duce, qui socio-  
rum periculum viderat, missi super-  
venere. Horum accessione in se col-  
lectis, ordinatisque quos adhuc me-  
tus abjecerat, aut simulata fuga distra-  
xerat, statim ex more directæ acies,  
æquatúmque primum certamen est.  
At militibus Lusitanis præter recen-  
tium adjectum equitum robur, alii

quoque interpositi sclopetarii, alii hastati pedites frontem, & latera muniebant, ita, ut hastæ directæ, ac sæpius in illo contortæ tumultu modò inter se colliderent equos, modo equorum præciderent cursum, multos in præceps interdum volverent equites. Acrius igitur in illa duo, quæ exporrectis cornibus prima simulque se objecerant Castellensium agmina impetum facientes, intendentesque Lusitani dissolvunt, ac fundunt. Supererat tertium, & jam integrum agmen militum, Castellensium, quod discriminis aleam hactenus non adierat. Hoc tamen primi, & alterius effusa Castellensis agminis fuga, & per socios, per hostes illisi, superante quoque pavore, diffugere connitentis, turbatis ordinibus miscuisset, nisi Hieronymus Garcia, Comésque Boëttus, qui subsidiariis hisce militibus præerant, imperavissent, equestrem sic alam extendi, ut intervalla essent, per quæ fugientibus aditus incorruptis agminibus præberetur. Inter hæc accidit, ut in illo insectantium, elabentiumque tumultu ablatis jam hostibus signis, arrepto loco, & aliis prædæ, aliis cruoris cupidine implicitis, fortè tunc Lusitanus divelleret ordines, cum prælio hucusque paratum, & integrum stabat nervosus, ac firmius, quia veteranum erat, tertium Castellæ, quod diximus agmen. Hoc ipsum etiam ita partim locatum in illo situ ob tumultorum obiectum erat, ut difficilè cognitu foret hosti, quem hominum numerum tumultorum transversa tegerent. Adhæc ex fuga, & errore palantes, nec longè distracti milites, cum inscitia viarum incertos eosdem, quò irent, averteret, ac solidum illud suorum militum agmen fortè incideret oculis, eidem sponte se se ad unum saluris effugium adjunxerant. Ubi igitur temerè spar-

fos, & incompósitos hostes, suamque recentem, & adventitio quoque milite auctam conspiciet alam Boëttus cohortatus alacriter socios illo impetu, illa vi animi fertur in hostes, ut multò quàm antea ferocius renovatum certamen fuerit hinc ordine, & arte belli, temperatòque prudentiæ monitis impetu, simul demendæ ignominie Castellensibus causa, illinc majori numero, atque fiducia incumbentibus Lusitanis. Dum latius hinc itaque furit, ardèrque confictus, alternæque militum cædes, Ioannes Aiala Castellensium equitum turnæ Ductor, qui cum pedestribus copiis, ac nonnullis equitum turnis pro castrorum relicto præsidio erat, ita jubente Ossunensi, cum iis, quas secum habebat, copiarum reliquiis irrumpit in castra propinqua hostium, illa tum imminuta, ac propemodum vacua ratus, majores cum vires exercitus Lusitanus in pugnam equitum conjecisset; quapropter, aut inde erat ad castrorum tutelam hostem eo conatu Ossunensis evocaturus, aut castra neglecta superaturus. Nec porro hæc Ossunensem fefellit opinio; nam de castrorum invasione, ac tumultu in primis sollicitus Alfonso Urtatus Dux Lusitanus, cum opulenta essent, & capta amplioris victoriæ strepitum edidissent, dum in vulnera, & cædes avidius hinc inde milites ruunt, carnòque, ac sudore permixtus latè ubique manabat sanguis, aliis ferro cæsis, multis equorum impetu obtritis, & dum adhuc ambiguum certamen pendebat, ad castra tuenda conversus remittere ardorem, laxare pugnam, ac sensim composito gradu retrocedere cepit. Paulatim inde cedentem noluit premere Ossunæ Dux rum aliquid lassus, languidisque militibus timens, tum fortunæ vicissitu

vicissitudines, quæ primò adversa, mox ferè prospera, cum etiam afflaret, minitabunda quoque suis conversionibus apparebat. In hunc modum equestre diremptum certamen est; ex quo singularis quidem audacix laudem, vitæque contemptus retulit Ossunensis, nec minùs profectò Hieronymo Ganix, Comitque Boëtio, qui auxiliarias Austriaci copias regabant, commendationis, ac meriti accessit, arte scilicet elusisse, sustinuisse constantia, penè virtute vicisse hostem, omninò illi extorta de manibus palma. Pari propè cæde utrinque promiscuè ad octingentos equites cæsi, longe minor pedum numerus, sed fortiores ex Lusitanis; multi prætereà capti, inter quos & Legatus equitum Lusitanus, qui custodibus pretio corruptis statim elapsus est. Hujus certaminis finis, quæ in castris nuper exarserat, illicò pugnam avertit, neutris, jam omnibus fractis, ac fessis, variæque fortuna jactatis, in tanto discrimine expediente, retentare conflictum. Caterùm Ossunensis belli causa, ac terrore non intermissò viris, armisque succinctus ad propugnaculum defudabat, ibi tria minora propugnacula adjecta, simul fossa, & criptæ, tectique meatus, sed inmodico sumptu, ac labore protracta, cum his temporibus turbines, cælique imbres, aquarumque ex prono collum, atque humido solo collecta fluenta persæpè coagmentatam, recentemque materiam lacerarent, ac solverent, & reficere crebriùs necesse erat, quodvis aquarum, cælique tempestas divulserat. Asperæ factu rei spes quoque asperior accesserat. Procul enim à Castellæ commercio, & inter ungulas hostium eo propugnaculo sito, inde vis, inde insidiæ, ac semper infesta propinquitas imminebat. Idcirco sæpè vi

aperta, ac repentè, sæpè furtim opifices disturbabant, & operas evertabant. Interim Ducis Ossunæ uxor specie, juvena genere mulier insignis virum visendi gratia, atque illa opera inspiciendi, quæ ad sui nominis monumentum, & gloriam tunc constitueret Dux videbatur, amplissima pompa, & comitatus ornatu ad exercitum venit. Excepta ibi femina Princeps est ingenti acclamatione plausuque totius exercitus Castellensis, qui suos inter ordines dimicantis more compositus quâ nitorem, & elegantiam armorum, ac sedulò compta, explicatæque signa ostentabat, qua turbarum, tympanorumque concennum eliciebat. Comedix subinde inter milites actæ, & musicorum greges adjecti, & lautiora convivia passim extructa, adeò, ut animi, aurium, & gulæ supra modum cumulatis illecebris, ille bellicus apparatus jam in popinas, & ludicram scenam conversus eo usque militaria officia transverterit, ut altioris quoque virtutis, ac meliori exercitus disciplina emollire, atque enervare milites potuisset. Audit hæc apud Almeidam Dux Lusitanus; miratur mulierum turbas militibus mistas, & comessabundum, ac planè mollem inter ludos, & jocos incedere Castellensem; intelligit etiam, quàm fictu facillimum foret, temulentia animique lascivia fluentem conficere, aut tundere saltem hostem. Occasionem tamen agendæ rei fortuita res quædam corruptit. Nam Petrus Magallanius nondum per id temporis erat gravi corporis aegritudine explicitus; aberat tunc Uratus, qui vices ejus impleverat, & Petrus nec molesta valetudine omninò, necdum viribus recreatus in ipsa meditatione, & consilio obeundi necne sui muneris militaris pendebat animi, ipsius scilicet corporis infirmitate cum a te-

rius vigore Ducis, & suorum collata militum disciplina, cum illorum intemperantia, posset-ne bonus, sed Duce imbecillo miles, effeminato, sed cum integro Duce, in bello militi praevalere. Occasione igitur praetermissa, nobilis mulier post paucorum dierum in campo moram ad Civitatem Roderici reversa est, quod & Dux Ossunensis paulò post abiit, propugnaculo jam perfecto, ejusque cum egregio praesidio tuendi Gregorio Tarpix tormentorum Praefecto commissae cura.

Interea cum ea animorum commotione, & nocendi, praedandique cupidine passim obstreperent arma, tumultuarius quidam apud Ieresium, & causa praedarum inchoatus fortè conflictus truciores, quàm initio ex re credebatur, eventum sortitus est. Lusitanus è Serpæ Moræque finibus multis cum equitum turmis populabundus egressurus urere cepit, atque vastare finitimos agros, ingentemque armentorum abducere praedam illo furore, illo impetu belli non pecori, non arbutis, non hominibus parcens, caedibus, igne, rapinis latè cuncta permixta erant. Praesidebat hac tempestate Ieresio Petrus de Rota, ejusque militari quoque praesidio bina tum aderant equitum agmina aliud Hispanum, Italum aliud, huic Dominico Olæa, i li Petro Fonresio imposito, una atque plenior ibidem Hispanica legio erat, quam idem Tribunus, & oppidi Praefes Petrus de Rota curabat. Hic tum praedabundos cum esset intuitus latèque exultantes per agros discurrere hostes, has quas secum in oppido habebat dispositas copias illos per arma contusum, ac praedas simul ereptum celeriter mittit. Qui, ut iussi erant, properè euntes hostibus obviam propè dum eos assequuntur, seque alacriter ad pugnam expediunt,

tunc Lusitanus à tergo seposita praeda, ordine firmus, ac stabilis, multoque viribus fortior, & constipator, quàm adversarius incurrens Castellensem primo penè impetu obruit, paucisque primo prostratis incursum, cæteris fuga saluti fuit. Eques igitur ita fractus, pedes, quia seriùs perrexerat, nec equestri certamini affuerat, res ubi perditas vidit, ilibatus, & integer rediit. Hinc Lusitanus rapti commeatu abundè, atque opima pecoris praeda congesta Lusitaniam repetere cepit modico tamen gradu, & fortuita rerumque improvisa despiciens velut parta victoria tutus, & rapinarum etiam impedimentis, & onere implicitus. Lentè sic incedentem nox in utriusque regni limite oppressit. Itaque tracto ipse certamine, vixque languore plane lassatus, ac somno deditus in tuguria partim agrestia, partim in sarcinas procubuerat, ingens in medio quæ erepta Castellensibus fuerat, coacervata praeda surgebat. Hoc Petrus de Rota cum per exploratores edoctus esset, illuc advolare confestim equites iussit, hostemque, ut verisimile fore putabat sopitum, vel oscitantem agentem, vel incautè fortè diffusum per vim, aut insidias circumvenire. Equites statim ab Ieresio proficiscuntur, cursum quàm maximè accelerant, brevique Lusitanos inveniunt sine ullo ordine, sine excubiis, hinc, & inde promiscuè stratos, arctiorique plerosque sopore complexos, humique fufos, simul arma, equos, armenta, plaustra jacentia, praedarum cumulos, passim omnia soluta, atque omninò neglecta vident. Itaque Olæa, Fontesiusque Duces descendere ab equis, extemplò milites jubent, ipsosque gladiis armatos, & ignibus ruere fidenter in hostem, & primùm longè, latèque coniectus, & sicca, aridaque mapaliorum illa materia,

materia, stamentisque innutritus, ac vento afflatus ignis affulsit; eo deinde excitatus fragore, vel ignis ardore hostis, & hinc ferro, inde flamma, & cuneis hominum interseptus, tum somno torpidus, ac ferè sensibus alienatus, priusquam vires, mentemque colligeret, magna ex parte concisus, sive perustus est, nonnullis cum interitu somnus perpetuatur, alii incompositi, ac trepidi errantes, dum se conjungite sociis, conglobatique vites intendere quærunt, in via ipsa præcisi gladiis excipiuntur; pauci tamen eo temporis intervallo contracti, condensarique Castellensibus obstitere, quibus quò minor erat salutis spes, & lucis usuræ cura, eò fortior valebat animus, atque intensior collata vige-  
bat pro pugna vis. Ergo dum hi despetati, & furore quasi correpti coeunt, occurrunt seseque more cæcorum in arma infesta projiciunt, plûsque alieni hautiunt, quàm proprii cruoris effundunt à Castellensibus tandem, qui cæceta stavebant circumfusi ferè omnes, sed minimè inulti, in vestigio perempti sunt; multis ex parte Castellæ in hoc extremo, obstinatèque congressu cæsis, pluribus faucibus, inter quos & Dux Ostra brachio graviter ictus eo ipso perpetuo captus in posterum vixit; præda in totum recepta, summoque omnium gaudio Jeresum translata, nec postea Dominis testituta, ad alias ab aliis prædatorum manus transmissa est.

Sub idem ferè tempus Dux Sangermani commeatum à Rege petiit accessurus ad aulam, ut eas ibi præfens criminationes excuteret, quæ ei per injuriam ab æmulis fuerant ob cladem Canaliæ afflicte. Incebuera hæc supra modum in aula contra insontem hominem insectatio, namque Duci ad calumnias, & contumelias præter virtutem, clarique nominis gloriam semper livori, & invidiæ tanquam fa-

ti lege inhaerentem, accesserat quoque esse cum extremum & Italum ideòque æmulatione personæ, gentisque tanquam ex duplici capere spargebat virtus invidia. Super hæc paulò ante Austriacus de causa Canaliæ cladis cum se apud Regem purgare laboravisset, facti ejus invidiam, & maculam subdolè trajecisse, quemadmodum supra tetigimus, dicitur in Ducem Sangermanensem, quippè qui senior erat, primùmque militiæ munus post Austriacum administrabat. Idcirco manante subinde secreto, apertiusque in affectos jam animos illabente, per fora, per circulos, in angulis Regiæ multi maledico dente capere Ducem, alii subreptam ab illo pecuniam, alii ob ejusdem invidiosum, ulceratùmque nimis animum in Joannem, quidam etiam ignavia, & præ timido, & plûsquam satis cauto, atque improspéro ejus ingenio truculentam cladem acceptam esse jactare. Fuere præterea altioris homines notæ, ut nihil inausum, intendarumque, se satis ut expleat, præterit æmulatio, qui Regi quotidie assuetos mimos aulicos subornarent, ut odio per artem dissimulato argutis coram Rege dictis traderent Ducem Sangermanensem, quorum quidem in aula morsui, ut facetiarum, & salium melle tesperio, & tanquam ex latebris incessentium cum gratia, & impunita inest, tum acrimonia. Tor æmulos, tot simul invidios oppressurus ad aulam se confert Sangermanensis: Regi Catholico ibi, primisque regni proceribus aperit, nec Eboram quidem suo consilio petitam esse, nec se assentiente, prælium cum hoste commissum, toriusque rei gestæ seriem, si ejus sententia valeret, retexendam fuisse; clades verò cum accidisset, se tunc abfuisse, situm, jam nocte appetente,

castrorum ab eodem Ioanne patare iustum. Itaque se neque imprudenter gerendæ rei, ut dissuasorem ejusdem, neque improspere gestæ, ut absentem insinuari merito posse; & ex officio rem dissuasisse, & ex præcepto abfuisse. Hæc, & similia quo jure ministris Regique Catholico sua ipse tunc esset defensione purgatus allegabat Sangermanensis. Cùm tamen ut plurimum ubi res infelicitè accidit contra insontes, omnisque labis expertes, ira, vel metu affectibus conturbatis, calumnia quoque livorque valeant, tum more suo detractores, quos rectè lædere nequeunt, injuriis fortunæ soleant, aut alienis criminibus onerare, simul in tanta clade, ut mortalium opinionum, & populi quæstibus lætifieret cùm aliquod caput quanquam innoxium more Principum esset invidiæ publicæ devovendum, res tandem à verbis longe diversas, etsi vehementer in causam incumberet, Sangermanensis retulit à ministris; in speciem enim & lenociniis, aucupioque verborum argumenta defensionis ejus admissa, & magnificè ad pompam in aula honoratus, cultusque est, sed planè ipsa ille militiæ munere devolutus, atque arma in Lusitaniam resumere vetitus est. Scilicet hoc tantæ cladis sarcire ruinam, hoc expungere dedecus fuit, perinde quasi magis privato, quàm Regi, aut causæ publicæ officeret in tam aspero bello tam perito carere Duce.

Per eisdem dies Alexander Farnesius Ducis Parmensis frater, ut Regi Catholico in Lusitano bello serviret ab Italia Mantuam Carpetanam advenit. Is à Rege honorificè exceptus, permiscuque capite operto Hispanorum cum honore magnatum coram Rege consistere, & alloqui, urbanitatis deinde, & vocalis tituli gratia in illorum offensiones. Hispanis quippè sum-

matibus, qui æquale auctoritatis fastigium cum Principibus Italis, Germanisque Imperii, generisque tumore potiùs, quàm jure ipso affectantes tum ipsos Principes Italos, tum eorum maximos natu liberos Celsitudinis nomine dicere, aut scribere dedignantur, duriùs profectò erat ceteros filios extra sortem dominii genitos, ut Alexander erat, hoc alto titulo commendare. Igitur Alexander cùm nondum novi tituli consuetudo, ac desuetudo veteris insolentiam, ut paulò post accidit, ejus auribus mirigasset, nec tunc de suo jure, aut decore decedere, nec idè se invisum vellet Hispanis, quos foret subinde meritorum suorum arbitros habiturus, postremò delegit admodum paucis, hisque maximè externis familiariter uti, & quos otii, aut solitudinis levamentum, aut negotii necessitas postulasset. Hoc ita composito, mox idem Farnesius consilium adventus sui palam exposuit Catholico Regi, flagitavitque ut in exercitu, qui Lusitaniam minitabatur, quoniam per id temporis occupata clariora erant militiæ munia, neque decebat, tantæ amplitudinis Principem honore, atque insignibus vacuum gregario militi committeri, externi equitatus magister renunciaretur. Rex nihil ob viri nobilitatem, rarumque militaris servitii in simili Principe exemplum à consueto more deflectens porrectum à Farnesio libellum ad Status Senatum confestim misit, ut illum videret, atque discuteret. Senatus decreto Regis accepto summa pro causa altercatione interposita rem illam exagitavit. Multi enim ex illo ordine referebant, Cardinali Henrico Lusitanæ Rege de-  
mortuo, cùm ea per Europam celebris disceptatio tam ingenia Docto-  
rum, quàm spes, & curas Principum  
acuisset, quiscumque ex turba competi-

torum

„torum orbo eo tempore regno esset  
 „legitimè successurus, Bononienses,  
 „ac Perusinos jurisconsultos pro Par-  
 „mæ Principe censuisse, ut jura ma-  
 „tris repræsentante, Mariæ scilicet  
 „Portugalliæ Odoardi Portugalliæ fi-  
 „liæ, ac sororis quondam Bregantiæ  
 „Ducis, imò versari Farnesium, in  
 „gradu, ac respectu superiori, cum hic  
 „à grandiori natu Maria, Bregantius  
 „verò à minori filia Odoardi origi-  
 „nem ducat, & jura regnandi. Hu-  
 „jus quidem propaginis germen Ale-  
 „xandrum esse Farnesium eadem vi-  
 „delicet jura, eadem legis suffragia,  
 „eadem visceribus insita vota, ejus-  
 „dem familiæ pignora secum feren-  
 „tem in Lusitaniam. Quapropter,  
 „seu quodam afflatu, imperiūque sem-  
 „per inquietæ, ambitiosæque naturæ,  
 „seu verecundiæ quodam colore, &  
 „criminis furo, ne abjecti se spiritus  
 „ille, néve degenerem probet, jure in  
 „dubium vocari posse, utrum sibi ip-  
 „se malit pro jure explicito regnum,  
 „aut cum hoc ipsi inaccessible sit, an  
 „id ipsum consanguineo Bregantio  
 „malit, quàm alienigenæ cedere.  
 „Suspicionem per se validam esse hau-  
 „stam ex fonte naturæ, periculum du-  
 „plex occurrere, cumque adeò variè,  
 „& incertè, & fortuitis, insperatisque  
 „intercurrentibus rebus volvatur omni-  
 „nò bellum, totque involueris simu-  
 „lationum obductum humanum la-  
 „teat ingenium, quid non incidere  
 „causam posse, qua Princeps eodem  
 „à Rege sibi commissio equitatu pro  
 „se, vel Bregantio, & contra Regem,  
 „si ita veller abuti posset? Fingere si-  
 „bi pericula, creare quoque suspicio-  
 „nes, ut quàm longè prospiciant, fas  
 „bene consulentibus esse, hic autem  
 „ultrò se offere ex fortunæ nempè lu-  
 „dibriis ex memoria rerum actarum,  
 „ex humana ipsa indole profluentia,  
 „hisque ire obviam, & antevertere

causas, è republica esse. Nec esse  
 „tantopere rationem habendam spe-  
 „ciei virtutis, ac morum, quæ niteret  
 „in Alexandro, suavisque coloris, vul-  
 „tusque, ac frontis hilaritatis, quan-  
 „quam hæc sæpè ad morum effigiem  
 „natura componat, ut prorsus obli-  
 „vio Politicum illud documentum  
 „abstulerit, nullam esse illi credendam  
 „reipublicæ partem, pro cujus fide,  
 „atque officio exigendo, in ipso utili-  
 „tas cum honesto, aut res privata  
 „cum publica pugnet. Ebullite pro-  
 „fectò in mortalium pectore sangui-  
 „nem, at pro remotis minùs, quàm  
 „pro se, suisque gentilibus incalcesce-  
 „re. Morum caudorem aut furo ple-  
 „rumque liniis, aut temporibus im-  
 „mutari; & pulchrè sentire, aut spe-  
 „rare de optimo viro aequitatis polce-  
 „re jus, sed extemæ stultitiæ esse illi  
 „ipsi, quando aliter res non cogat,  
 „cum rationabili metu, ac periculo  
 „fidere. Hæc consultò in Status Sena-  
 „tu à scioribus jacta sua tamen aucto-  
 „ritate, ac sacundia disjecit Turrianæ  
 „Medinæ Dux, quia is Alexandro erat  
 „per utrique communem Aldobrandi-  
 „nam familiam affinitate, atque amici-  
 „tia conjunctus. Dixit enim Alexan-  
 „drum Farnesium alterius censuræ, &  
 „imperio subjectum equitatus externi  
 „curam, cum Rex ira jussisset, gestu-  
 „rum esse. Hos equites Germanos,  
 „vel Italos esse, ipsique Farnesio pro-  
 „fus ignotos, nec ullo ipsi vel spei,  
 „vel præsentis utilitatis, vel meriti  
 „vinculo obstrictos; non illi præterea  
 „clientes, non pecunias, non vires,  
 „non rerum ibi suppetere copiam,  
 „quibus, & si malè animatus in Re-  
 „gem esset, quod asserere nefas est,  
 „audere, aut moliri quidquam per-  
 „vim, & insidias pro se, vel Bregan-  
 „tio propinquo liceret. Quod si ex  
 „distantibus adeò causis cruere con-  
 „silia, ac dilatare argumenta fas esset,

» tetrasque terroris imagines ex vanis  
 » phantasmatibus ducere, vero qui-  
 » dem similis ratiocinantibus esse,  
 » per hoc Farnesio collatum militiæ  
 » munus plus Lusitanis creati periculi,  
 » plus suspicionis intendi, cum vir illis  
 » armatus opponeretur meliori, quam  
 » Bregantius subsidio juris in regni li-  
 » te, ac certamine constitutus, qui-  
 » que novas fuscitare discordias, no-  
 » vâsque inducere partes in eodem  
 » regno jam suis fluctibus agitato haud  
 » difficile potuisset, sicuti pari quoque  
 » consilio impulsus mentio in hunc  
 » ordinem quondam illata esset. Vo-  
 » eandam in Hispaniam egentem, va-  
 » gamque per Orbem Antonii Por-  
 » tugalii progeniem, quæ jus jactabat  
 » in Lusitaniam, eamque ornandam,  
 » atque extollendam, signisque & aus-  
 » picis Catholici Regis in Bregan-  
 » tium armandam esse. Satis hæc uti-  
 » que dicta videri ad contrariam labe-  
 » standam sententiam. Cæterum &  
 » si in tanto splendore virtutum, quæ  
 » hunc juvenem exornarent, inclytis-  
 » que Farnesie familie meritis, con-  
 » stantique semper perspecta in Re-  
 » gem Catholicum fide tanta quo-  
 » dammodo hæerere suspicio posset,  
 » nonne æquè, vel amplius fortasse  
 » foret periculosum cum contumelia  
 » repulsæ, indignatumque & inanem  
 » dimittere Principem tot in Italia  
 » clientelis, tot opibus nixum? quo  
 » planè tempore allicere maximè ju-  
 » vet, nec ut antea, nec parum pec-  
 » catum esset, diffidentia, contemp-  
 » tusque argumentis externos Principes  
 » alienare, cum suis ita nervis, ac vi-  
 » ribus destituta nunc Hispana tes ja-  
 » ceat, ut sine firmis amicorum præ-  
 » sidiis, ac studiis ampliùs consistere  
 » minimè queat. Hoc suffragium, sed  
 » ornatùs ac fusiùs à Turrianæ Meditæ  
 » Duce prolatum belli quæsitum à Rege  
 » pro Principe munus extorsit, isque

mox Badacocium profectus pro pri-  
 mo rudimento militiæ externi equi-  
 tatus Præfecturam suscepit.

Inter hæc Lusitanus Vere jam re-  
 deunte cum quindecim peditum mil-  
 libus, quatuor ferè equitibus mille  
 Cantagnedæ Comite Duce ab Estre-  
 motio digreditur. Illo exercitu, illo  
 Duce cum jam fractæ, abjectæque Ca-  
 stellæ opes tam inferendæ, quam vi  
 propullandæ parum utiles censerentur,  
 rumor apud hostes increbuit tentatu-  
 rum pro viribus Lusitanum recipere  
 Olivençam, aut Jurumeniam anno  
 præterito amissam, aut similes regni  
 arces arripere Castellensibus, prius-  
 quam ex maxima accepta elade refice-  
 re vires, aut colligere possent animos,  
 alius tamen armorum sensus, alia con-  
 sili ratio non ex afflatu fortunæ tu-  
 mens, sed medioeritate sanè contra-  
 ctior, atque in secundis propè timida  
 rebus Lusitanum afficiebat; quamvis  
 enim in acie, inter gladios quasi con-  
 temnere Castellensem, & confidenter  
 in illum incurrere videretur, illum ta-  
 men ante conflictum reformidabat,  
 tot nempè thesauris, tot regnis Catho-  
 lici Regis occurrentibus oculis, nec  
 porro deesse potentiam æmulo, nec  
 fortunæ vicissitudines, eò magis sus-  
 pectæ, quo derepentè magis propitiæ.  
 Igitur cunctabundus, ac lentè vincere  
 Lusitanus, nec superbè laceßere Ca-  
 stellensem intentus Valentiam Alcan-  
 taræ tandem hoc exercitu petere sta-  
 tuuit, natura quidem munitum oppi-  
 dum, sed nullo satis regulari, novò-  
 que munimento vallatum, quo in po-  
 testatem fortè redactò tutiora deinde  
 sibi adjacentia, si cecidissent, ac fini-  
 tima forent. Hoc consilio ab Estre-  
 motio Lusitanus egressus exercitus die-  
 bus aliquot primùm Caix circa pon-  
 rem Badacocio oppositus substitit, il-  
 linc instructa, variisque conversa fle-  
 xibus acie velut provocans ad consili-  
 atum



ctum, atque expectatione propositi ancipitem, trepidumque intra septa murorum continens hostem. Ioannes eo tempore Austriacus quanquam equitibus abundabat, peditibus tamen, ac reliquo belli apparatu, quæ præterita clades absumpserat, indigebat. Proinde cum integrum ipsi non esset plena, & iusta cum acie procedere hostibus obviam, quod unum reliquum erat inopia rerum adstricto quæ propiora periculo circumjacebant oppida impensius muniri jusserat, quibusdam secum retentis velitaribus copiis, quas, quò opportunitas ferret, pro subsidüs emitteret. Viso tum ergo repente hoste Ioannes occurrere illi equitatum confestim jussit, simul defendere agros verno scilicet tempore fortu segetum pingues, & per tumultuaria sæpè interjecta certamina cautè contra annitentem, & vagum eludere hostem, iusto prælio abstinere. Verumtamen Lusitanus cum ex Caix ponte profectus esset, adversus Valentiam, ut antea deliberaverat, cum exercitu flexit. In hujus oppidi aspectu constitit, tentoria tetendit, atque protinus rem aggressuros in loca opportuna distribuit milites. Interrupto, ac fragoso jacet oppidum loco, rapidòque torrente foris alluitur, ex parte ejus Septentrionali vasta planities procumbit; carebat illud, ut dictum est artificioso, novòque munimine belli; agger tamen, & fossa, alixque rapem munitiones adjectæ cum naturalis additamento situs obsidione quidem diuturnum, nec ad eò expugnatum faciliè oppidum faciebant. Erat ejusdem oppidi Gubernator Fabritius Rosseus Italus vetus, acris ingenii magnique pectoris miles, aderant alii quoque Tribuni milites Hispani, quos citra execrabilem militum morem in loci defensione concordēs, nec vanis tituli, aut juris nominibus dissidentes, quæ perdere sæpius

negotia Principis valent, per arma timor hostilis, animi temperantia, & erga Regem obsequium tenuit. Huc porro cum omnibus copiis Cantagnedæ Comes appulsus, Valentiam ubi ipse videt propter duritiem asperi situs imperviam agrè quati cuniculis posse, nec satis etiam per cæcos irumpentium militum impetus ex propinquo agitari, cum egregiæ intus essent Italorum cohortes, quorum exemplo virtutis Castellenses cum militibus oppidani magis erecti, afflatque cruentas simul interdum Lusitanis impressiones intulerant, indefessum præterea illorum Ducum laborem, & præsentem ubique animi audaciam deprecandi laboris veniam, metumque ad omnia tentanda militibus sustulisse, pergere ex eo cunctabundus, & opere cautus Lusitanus instituit pro rerum peritia ratus tantus ardor, ac tanta ferocitas hostis, quando illi, ut credebatur, nec prompta subsidia, nec, unde illa extunderet, esset, brevi fore, ut se ipsa, bellique munitionem consumerent. Igitur Lusitanus Divi Francisci situm extra urbem cœnobium, ac planè desertum faciliè capit, ibique adversus oppidum quia intra jactum tormenti erat, tormentariam sedem constituit, mox alii passim idoneis in locis tormentarii suggestus erecti sunt, itinera undique infesta, & viæ commeatibus intercluse, omnisque hostilis vis, conatusque in vallorum, quæ obversabantur, contrafractionem, mœniumque ruinas intendebatur. Pugnabat tamen in Lusitanos inæqualitas, loci & crepidinum oppositio, & constantia, virtusque propugnatorum, repellentium ibi non minus, quàm vim inferentium conatus invalescebat; soli ferè palmaris occupatus quicumque locus largo cruore, cædibusque constabat, quos enim temeritas aliquando proxiinè hostem mœnia, seu valla tuentem

tuentem impulerat, iidem armis idoneis, aut jactis ignibus hauriebantur. Austriacus interea postquam Valentia ab arctiori obsidione periculum intellexit, eo citò ad opem ferendam contendere iussit Didacum Corream equitatus Gubernatorem, prope omnibus, quos habebat, equitibus sumptis; secreta verò mandata erant, ut subsidii proximi facta spe circumfessis adderet animos, idque, si per tempora licuisset alacriter introduceret. Equestres inter has turmas cum externi equitatus parte Alexander Farnesius agebat, qui cum Didaci Correa velut sibi in officio, atque militia gradu postpositi, imperio subiaci recusaret, moderatius propterea duxit, ab ea se expeditione abstinere, quàm iurgia, ac dissidia inter socios tempore iniquo excitare. Hac ita sublata inter Duces contentione, alia deinde acriorque de ordine, & loco altercatio inter ipsos Hispanos, & Italos equites incidit, singulos primos militaris incessus ordines ambientes, & clamore, atque strepitu postulantes. Ducis tandem interposito arbitrio pacifice convenire, ut alternatim viam incuntes modò primam, modò secundam alam tenerent. Ita igitur Castellæ equitatus cum ante Valentia, Lusitanique exercitus oculos constitisset, consultum est inter Duces, utrùm, & qua ratione conducere in ultimo laboranti, & jam propè labenti succurrere oppido. Huius omissio detrimento sibi, ac dedecori videbatur, suppetitæ equitatu periendo fore, cum enim Castellæ equitatus nudus omninò peditibus esset, is oppositus Lusitano hinc equite, inde pedit ac longè utrinque majori numero instructo, velut pecora hostibus trucidandus obiectaretur; nonnulli ramen eorum pertinaciter contendeabant, ut milites binis singulis equis impositi numero omnes prorsus bis mille prima luce adhuc du-

bia ad aggeres hostis accederent, pugnaque tumultuaria partim equestri, partim pedestri quam si daret occasio, desilientes adjecti equitibus milites præstitissent, per te ipsa improvisa percussos, ac trepidos hostes in Valentiam irrumperent. Verisimile quippè esset, luce incerta, cura, metuque vacuos, simul equitum strepitum, peditumque clamorem, atque tumultum, ac primam effusam scloporum procellam Lusitanos accipientes iudicio fortassis falsos, quod in ipsos repente exercitus torus incubisset, eoque turbati, atque distrahi, ut ea trepidatio, hominumque tumultus liberum aperiret subsidiariis militibus aditum. Res quidem civiles circumspèctione, mora, solertia; militares celeritate, atque audacia, promptisque consiliis melius ut plurimum expediri, talique belli commento Condax Principi quondam uso arisuisse quoque fortunam in obsidio Cameracensi.

At Didacus Correa, qui nihil profectò casui, aut fortunæ volebat res inter ancipites, & extrema quoque pericula datum, ut nimis duram, & insolentem hanc sententiam repudiavit. Itaque ad vanam duntaxat terroris imaginem circa hostis vallum equitatum appellere iussit, contra, atque frustra annitente Joanne Rivera equitum Commissario, qui ita equites spargi, & per industriam collocari censebat, ut neque numerum, neque eos enervatos peditibus esse tam clarè ex propinquo dispicere posset hostis, & ex adverso Didaco referente, quò propius visa ab oppido auxilia, eò magis in fide laborisque constantia oppidanos confirmatura. Proinde usque ad aggerem hostium totam explicuit equitum aciem, nimirum instabilem, trepidam non munimento sibi, non sociis subsidio futuram. Dux Lusitanus ubi primum in se venientes procul aspexit hostes, illos

illos viribus integros, atque ad subsidia ferenda paratos accedere putans, seu prima formidine, seu nimia ad certamen se comparandi celeritate commotus totas extemplo penniscuit omnino sollicitus copias; inde avulsa statim tentoria, & fluctuantia conspecta signa, & armorum confusio, & perturbatio hominum, equorumque in suis se ordinibus implicantium expectare, an occurrere hosti; atque an sententias prius opus esset ea tempestate tractare diversi agitabant, cum re ipsa improvisa, qui hostium consilia exploraret, adhuc suspensa pendebant mandata Ducis. Interim modico gradu Castellensis accedit, intuitusque tunc Lusitanus rara agmina equitum, nec ea suffulta peditibus, non lacertorum vim, non animorum alacritatem sprevit adventum hostium, oppidoque premendo intentus ejusdem ruinarum, ac multiformis sociorum interitus dudum Castellenses equites spectatores, ac testes habuit. A meridie usque ad solis occasum ante oculos hostium in oppidum vim intendentium otiosus, ac deses eques Castellæ jacuit; irritus postea graduque compositus sensim recedere cepit. Jamque extra hostis prospectum erant noctisque tenebræ circumfusæ equitibus iter impediebant; curare tunc milites corpora Didaci jubet, Comitæque Boëtum uno cum equitum agmine mittit, ut de via æstusque militibus fessis alimenta conquireret. Dimisso Boëtto, magna humo repente excitata pulveris vis, ventorum impetu elata, ac longè, latèque diffusa, simul luce tunc intermortua, quæ res esset, discretu difficilis, inanem incussit Castellensibus metum perinde quasi cum eis pugnaturus pulverulentus, ac citus jam Lusitanus appropinquaret, addiditque pavorem, quod id temporis fortè ad alimonie prædas abesset insignis equitum nervus, sublatique pul-

veris orbe, & circumjecta caligine jam se circumventos arbitrabantur. Cum ergo tam sibi modò inæqualis, si verè pugnandum esset ea futura pugna fuisset, perterriti equites statim percolles fugam arripiunt eo terrore, ac tumultu, ea animorum perturbatione jactati, ut passim errantes, ac etiam sarcinas evolventes, haud parvi negotii Didaco fuerit, cognito errore, discusso metu, colligere milites. Paulò post præda congesta, & commeatibus gravis redit ad castra Boëtus, ea planè deserta videt, simul undique fufas, & humi incompositas sarcinarum reliquias esse. Hinc fugæ vestigia deprehendit, & quid subitæ rei mirabundus strenuos tot equites consternasset, & per totam idcirco noctem incerto itinere tortus & vagus diluculo tandem nactus est socios, qui fuga proveci ultra tumulos castra posuerant; inde simul inanes Badacocium regrediuntur. Sic spes subsidiorum effluxit; Valentia pertinaciter oppugnatur. Nam Cantagnedæ Comes Dux Lusitanus in incenium ruinas, & labes enixius incumbens, ubi eas acervorum cumulis undique stratas, atque accessui militibus proximas cernit, tunc monet Gubernatorem, ut deditionem in tempore faceret, cum spes jam nulla salutis ab externis esset auxiliis, interna quotidie fluerent, & ex omni parte quassari, ac fatiscere moenia videret. Oppidi Gubernator, qui temporis tantummodo moras perambages redimere satagebat, si obscura, atque improvisa fortassè subsidii spes ex usu temporis, ex fortunæ conversione, ex repentinis belli casibus affluisset, negotium in speciem admittit, at eas superbas, asperasque, ut tunc temporis superanti Lusitano conditiones proposuit, ut hic ipsas & suorum, & hostium fortunæ longè dissimiles arbitratus cum ludibrio, stomachoque rejecerit. Validiorem idcirco cumula-

tas per humi ruinas, & armorum, & corporum stragem impressionem in oppidum fieri præcepit. Ita vis geminatur, propiusque conatus intenditur. Ea verò tam strenuè, tam constanter hostilis excepta vis à defensoribus est, ut militari omninò posita disciplina, & rerum ordine spreto, omnia temeritas ibi, omnia ferocia, calisque agitare; nam Itolorum plerique murorum ambitum prætervecti, ipsasque ruinas temerè subeuntes, aut murorum hiatis insidentes, cum pro gradu locus instabilis, atque insidentibus lubricus esset; tunc ex ruinoso magis pendent, quàm stantes, alii genu, quidam altero pede nixi assilientes turmatim hostes præcipitabant, atque cædebant, iisdem plerumque super eos, quos oppressere collapsis, ac mutua cæde consumptis. Rosseus præfertim oppidi Gubernator inter omnes insignis, ac nihil minùs in illo animi, ac pugne ardore quàm de salute sollicitus per ruinas, per muros, inter cuspides, inter pilas præliando, hortandoque adeò ferox, ac rapidus ferebatur, multa quoque ro-rantia in corpore vulnera spernens, ut pudor cæteros oneraret, ne proprii sanguinis parvus quisquam militum videretur, cum tam prodigus esset Dux. Sic post multam illatam utrinque stragem, nec animos minùs quàm vires obstinato certamine attritas, cum desperatam rem esse cerneret Lusitanus, cruoremque sterilem fundi, signum receptui dedit, suoque periculo jam edoctus illo, aut illi simili impetu ægrè oppidum capi ob defensorum virtutem posse, per vias obliquas, & obsidionales accessus paulatim deinde oppugnationem institui iussit. Quæ cum assiduo labore, ac tempore tererentur, ac leviorum interea momenta certaminum utrosque sæpè committerent, carperentque, municipes denique militisque quos adhuc alacritas, & animi

vigor inter pericula non defecerat, nitratipulveris, bellique munitio defecit, ea modica tamen quæ crebris incursibus superfuerat, parcius, & cautè dividebatur, ne extremam certamque perniciem, quæ brevius afflicti instaret, animadverteret hostis. Inter hæc cum ad cætorum corpora, ut mos est, tumultanda, unius diei convenissent induciæ, hujus facultate colloquii Lusitanus appositè usus verba nonnulla de compositione, & concordia velut obiter jecit, hanc, nisi labefactatis omninò rebus, admitteretur, præter morem honestam, & amplam Castellensi futuram pollicitus. Rosseus oppidi Præses, qui per id tempus hostis errore, atque inscitia, quæ nec poterat esse diuturna, simul arte, ac solertia quæ cum tempore quoque fallunt, in ultimis rerum constitutis angustiis, jam conclamata defensione, in horas singulas periturus cum animi angore se sustentabat, cum Lusitanum audisset, animo quidem, ac mente lætus, sed in fronte difficilis, asper hæreere primo indignari, execrari, propositam rem, non corporis, non animi robore militem refert, non comiteatu, non consilio, non armis adhuc oppidum indigere, ac si omnia deficerent, omnia supplere commilitonum animos posse. Urget nihilominus Lusitanus, tantæque verborum copia, & rationum illecebris sermonem de re produxit, ut lassus in speciem potiusquam rationibus victus dixerit denique Rosseus, si res convenisset, amplissimis se conditionibus conventurum, ac si quatridduum permissum insuper esset, quo Austriacus statim admonitus, statu rerum competto, aut satis ille subsidii mitteret, aut se dedere pateretur. Temeraria ea postulatio æquè gnaris, atque ignaris habitus oppidi videbatur. Cæterum eodem tempore Lusitanus cum pestifero quasi morbo qui ab æstu, cæli intemperie soloque

caloribus

caloribus torrido scatens passim depas-  
ci nudos umbraculo milites caperat,  
cum pertinaci virtute hostis, cum aspe-  
ro sito, cum oppidi status infecia collu-  
ctabatur; incertam præterea, ac planè  
fragilem fore putabat desiderati subsi-  
dii spem, plûsq; à Rosseo deditionis  
abolendæ ignominia, atque excusatio-  
nis habendæ causa, quàm verè, & in-  
genuè sollicitatam fuisse; sciebat enim  
carere omninò pedite Castellensem,  
ac si raptim fortassè hic ex propin-  
quo cogendus esset, ne id quidem  
hosti permissum spatium temporis suf-  
fecturum. Hoc propterea interval-  
lo, ut petebat, statim concessio, Ros-  
seus cum induciæ interessent, hæc  
omnia Joanni per internuncium ex-  
posuit. Qui re audita, tria millia  
peditum propter ex certis præsidis,  
arcibûsq; deducta ad Didacum Cor-  
ream Gubernatorem equitum misit,  
ut cum his, si ita ei videretur,  
Valentiæ inferendas suppetias ten-  
taret. His copiis acceptis Didacus,  
equestribûsq; conjunctis, citato cur-  
su ad Valentiam contendit: rem ta-  
men inpositam aggressuro, cum na-  
tura sua studiosior præcepta Ducis in-  
terpretandi, quàm exequendi esset,  
rum verò iussu Ducis ambigua, nève  
suo fortassè periculo, ac nota in rebus  
adversis explicarentur cum supra mo-  
dum metueret, simul congressus im-  
paritatem hostiles adversus copias, vi-  
ctrices, spei plenas, superiori fortu-  
na tumidas; & pedestri, atque eque-  
stri milite redundantes, placuit dun-  
taxat fulgorem armorum, & instabi-  
lem aciem per inanes circuitus, ac spe-  
cies ostendere hosti, discrimen subire  
noluit. Quatriduo itaque lapsò, ut  
pacto convenerat, inter Fabricium  
Rosseum Valentia Gubernatorem, &  
Comitem Cantagneda Lusitani exer-  
citus Ducem in hunc modum contra-  
cta deditio est. Cum omnibus signis,

armis, & militari apparatu, atque pom-  
pa liber ab oppido commeatus Castel-  
la militibus sit. Incola nihil in bonis,  
aut corpore læsi, cum ita velint in op-  
pido maneant; sua sponte digressis  
suas inde secum transferre fortunas li-  
ceat, & quas statim extrahere facultas  
non esset, ad bimensis tempus proro-  
garetur, hisque etiam vasa, atque plau-  
stra Lusitani præberent, in quibus agri,  
atque faucii, & promiscuè incolarum,  
atque militum bona comportarentur.  
Duobus denique hominibus persona-  
tis, si ita cujuscumq; fortè modestia,  
aut pudor exigeret, oppido abire fas  
esset. Hæc omnia Cantagneda Co-  
mes promisit, utque promiserat, præ-  
stitit, atque hoc maximè modo in Va-  
lentiæ possessionem pro Bregancio tra-  
ductus est.

Cætèrùm quantùm ob fortis adver-  
sitate, rerumque in exercitu inopiam  
fama, gloriæque ornamento quotidie  
decrefcere videbatur Austriacus, tan-  
tum increfcendi cupido Ducem Ossu-  
nensem incesserat. Hic igitur seu æmu-  
latione virtutis, seu vivo, pugnacî-  
que impulsus ingenio, seu quoniam,  
ut paulò ipse scripserat Regi domi  
non habens unde milites aleret, ad  
rapto bellique acquisito peculio vi-  
vendum; quanquam invitum in hosti-  
cum duceret, exiguis profecto copiis,  
cum astas arderet Castellum Roderici  
oppidum Lusitanum adoriri consti-  
tuit. Huc properè evectus septem mil-  
lia, quæ ipsi aderant propè peditum  
ad impressionem in oppidum facien-  
dam distribuit, ad prædas equites cir-  
cummisit propter militum commeatum  
ex finitimis contrahendas, ferè omnia  
tumultuariè magis, quàm cautus agebat.  
Erat oppidum vetusto muro, sed valido,  
ac multiplici vallo cinctum, fortius ta-  
men innitebatur virtute, ac militari  
peritla Præsidis ejus Joannis Ferreiræ  
Tribuni militum, qui loco assidebat

cum fortissima legione. Hoc ipsum impetu capere primus Ossunensis conatus, & animus fuerat, sed magna cum hominū cæde, atque strage quā sapè repulsus, ac fractus excesserat. Varia deinde, anceps, & plerumque fortuita quasi oppugnatio in oppidum agebatur, nunc furtim, nunc palam, interdum per mœnium intenta ruinas, bellicque sapiūs tormentorum ictibus intermissis, scalæ repentē, alizque murales machinæ admotæ mœnibus sunt, quæ aut fractæ, aut illisæ, aut superiūs incensæ, combustos, afflictos, cæcōsque homines cōtinenti ruina, multiplicique strage trahebant. Post dierum aliquot quietem, eoque interpositam astu, ut velle tunc videretur re infecta discedere hostis, quadam nocte præsertim cum ea contacta nubibus esset, atque intermissa oppugnatio, & species ituri quam adumbraverat hostis minūs intentos vigiles effecissent, evenit, ut quidam selecti juvenes, ita Ossunæ jubente Duce, suspensis lenisique vestigiis eum per insidias arreptum murorum locum incederent, quem illis secretò Dux designaverat; retrò interim nec longè Ossunensis occultus cum magna militum manu confederat, ibi signum expectans, quod cū murum cepissent, dare imperatū militibus fuerat. Illi verò cū nec luce, quæ nulla erat, nec strepitu armorum ut levissimè armati, nec vestigiis quæ circumspēcta erant, ac trepida proderentur, tutissimè gradientes jam ambitum fossæ, aggerisque transierant, & cū murum tunc attigissent se se invicem adhortantes mutuamque ferentes opem alius post alium nitebantur insurgere. Milites Lusitani, quorum muneris erat hanc observare murorum partem, illorum officio eo tempore freti, qui in aggere, ac fossā procul excubias agebant, hic ferè nihil paventes, atque oscitantibus similes vigilabant, qui

verò vallum, & fossam custodiebant, nimia fiducia ulterioris custodiæ tanquam pluribus curas impertientes ipsi remissius munus obibant; sic inter mutua fiducia deceptos, segniorique propertere fungentes custodia simul noctis caligine patuit hostibus iter; præterea si murmuris quicquam, aut gressuum motus circa vigilias obstrepuiisset, id hostile, & externum, an domesticum foret, discipere noctis obscuritas non sinebat. Juvenes itaque Castellenses mœnibus tandem hærentes, & alii aliis innixi, seque invicem sublevantes jam propè in murorum fastigium evaserant: verum, qui ordine primus ascenderat, cui & visum tenebræ ademerant, cæca dum manu, quod primò arripere, tentat, temere illam injecit super quemdam custodem militem, qui tunc sopore solutus in ea muri parte jacebat. Is ictu excitatus, perturbatusque repentē clamorem edit; hæc vox cohærentium quoque clamorem vigilum sustulit, deinde eo clamore, eo strepitu concitata tota se statim in subsidium effudit legio. Concurrunt, tumultus auctorem, & causam querunt, lapides, arma, faces in loco suspecto comparant. Tunc milites Castellenses, quos fraus constituta sefellerat, clamoribus, saxis, ignibus, armis simul impulsī fuga præcipites auferuntur, ipsorum nonnulli per tenebras missis in casum sciloporū ictibus corruunt, alii inter fossam, & aggerem intercepti, reliquos fuga suscepta juvit. Ut satis ergo constitit Ossunensi, quod per celerem vim sive insidias cadere oppidum ægrè posset, ad longiorem oppugnationis, obsidionisque formam conversus perpetuò displodi belli tormenta jussit; jacti frequentes, ac terribiles ictus, tormenta belli, quæ fulminabant insolitæ magnitudinis, atque vis, ea scilicet ipsa, quæ ad Hispaniam subvecta Carolus V. Imperator

rator Germanis Principibus victor abstulerat; oppidi munimenta, nec satis ampla, nec solida erant, plûsque ipsa brachiis, & robore militum, quàm sua firmitudine sustentata, ideo si tempus, & ratio conatibus suffecisset, hoc denique videbatur excidium oppidi moliturum.

Cùm ita Castellum Roderici à Castellensibus premeretur, Petrus Magallanius, ad cujus regiminis jus tutela ejus oppidi pertinebat, conjunctis, auxiliisque ex tota provincia copiis, eidem celeriter subventurus accessit; & primum in colle quodam oppido obverso distributis astutè militibus sedit, si dubio fortassè tactus, vel Ossunensis errore deceptus pugne, aut subsidii proximi metu obsidionem abstraheret. Quod ita sanè, ut Petrus putaverat, contigit. Quippè Ossunensem tunc hostium discernere numerum inæqualitas loci, atque interjecta virgulta prohibebant; in rerum incertia, & caligine posito tutiora non nisi consilia conveniebant, & Petrus, qui Castellensem exercitum noverat in dies supplementum ab Austriaco pollicitum expectare, viribus diminutus in arte, consilio, agendique celeritate meliores spes suas reponerat. Igitur Ossunensis suorum paucitatem militum timens, & pleniora etiam, quàm erant, ad inferenda subsidia hostium agmina ratus, quæ ne summissi quidem exploratores inspicere satis ob loci difficultatem potuerant, obsidionem protinùs solvit; & Petrus Magallanius appposito astu feliciter usus, antequam Castellensis accessuris subinde copiis augefceret, in eundi certaminis cupidus statuit eundem quàm citò, ac sollicitè persequi, ac si fortè prælium effugeret, asultibus irritare. At impigro, ferocisque Duci Ossunensi, & qui plus casui, & fortunæ quàm consilio, &

viribus tribuebat, non erat tunc detrectandi certaminis animus, & post palam quoque conspecta utriusque partis æqualitas propè virium actiores sua spontè incitato jam animo stimulos subdidit. Igitur iter tantisper accelerans, dum medium trajiceret rivum, solùmque palustre, ne in transitu forte miles deprehenderetur, ubi in patientem, aptumque certamini locum evalit, ibi totam protinùs aciem instruxit, hinc, & inde equitibus fultam, alisque latè magis, quàm dense porrectam. Dux ipse à tergo cum selectorum equitum turma constitit improvisis pugne casibus affuturus. Simili propè modò Lusitana dirigitur acies, atque ita ad conferendas pro prælio manus instructis parique ardore succensis, omnique gloriæ, odiorum, cupiditatis ultionis incitamento satis, superque animis lacessitis, certaminis signum tormentorum utrinque fragor obstrepuit. Prior Castellensis incurrit, sed furioso, atque infano quodam impetu tractus, adeò enim instabilis, incompositus sclopos, & fistulas alias ferreas, quæ in primo agmine erant, exoneravit, ut vehemens potiùs, quàm cauta vel utilis prima illa fieret impressio, hostiùmque perpaucis volantium glandium numero exceptis, non ea stataria, atque iusta, sed pugna quædam fortuita, ac tumultibus similis appareret. Hæc tam subita in hostibus perturbatio, ac voluntaria primi ordinis dissolutio sustulit animos Lusitanis, & vires etiam ad pugnam intendit. Proinde alacriùs invecit, atque obvios implicatòsque in suis ordinibus pedites pertumpentes inde in eos qui sclopetarios tegebant, equites irruunt, momento profligant, profligatos in fugam avertunt, fugientium quoque terga rescindunt. Abjectis subinde de manibus sclopis, & majori utrique impetu illatis, & un-

dique pressis cum pedite pedes gladiis, hastisque concurrunt; verum alio tum inclinata fortuna belli, nec æquo jam Marte, sed longè deterior conditione Castellensis allaborabat, jam fuso equitatu, jam acie nudata, ordinumque inter motus, æstusque repida, ex adverso jam animo, & viribus Lusitano supra modum elato inflatoque, qui & circuire facilè posset hostem, nisi animi ardore ac fiducia id agere neglexisset. A fronte igitur Lusitani ferociter incumbentes primo ordines hostium, qui adhuc integri steterant, laxant, mox fluctuantes impellunt, postremo fugant, cæduntque; qui verò fugerant, ab illis equitibus intercepti, qui à primi fusi agminis hoste persequendo redibant, plerique capri, aut interfecti sunt. Osunensis, qui militis verius quàm Ducis in re gerenda functus officio fuerat sæpè in hostes inVectus sæpè reVectus, & jam hostibus circumfusus, ac penè deprehensus, jam sua virtute, atque animo elapsus, postquam omnia fuga passim deformia, omninò cruenta, ac cæde prostrata vidit, tum demum necessaria sibi fuga consuluit: Cæsa in eo prælio Castellensium duo circiter millia, quingenti fennè capiti, ex victoribus ferè octingenti desiderati sunt, majora tormenta, sarcinæ militares, optima Ducis supellex Lusitano cessere. Hæc prima æstate ineunte peracta sunt, acrius deinde flagrante temporis æstu ab armis utrinque cessatum est.

At in aula Catholica magni quidem momenti sub idem ferè tempus à Rege ipsiusque ab intimo sinu ministris negotium agitabatur, de armorum imperio scilicet, quod Ioannes Austriacus pro Lusitania recuperanda susceperat, abrogando. Iamdudum hoc tacitus secum ipse voverat Rex, ejusque penitus tandem infederat animo, agendæ

rei tamen erat eo tempore in mora, cum solita ejusdem in operando cunctatio, anxium iudicium, animique sollicitudo, tum successoris etiam electio illo nempe tunc terum Impetii negotio maximo digni, quique amplissimis animi dotibus summi Ducis Ioannis virtutes æquaret, vel qui ejusdem in illo infelici cognita bello, vel vicia fortunæ corrigeret. Hujus porro mutationis in bello causas nondum jactatas sermonibus vulgi ex aula arcanorum erutas scriniis nos rales fuisse compimus. Lusitani, veteresque Ioannis obrestatores, ut eundem Ioannem in populi invidiam, Regisque patris suspicionem, & odium adducerent, rem malignè non minus, quàm subdolè factam effuderant, Regem illum Lusitanum larvatum diutius in regno latentem, & sibilæ similem in Orbe quondam vulgarum, primùmque Regi Sebastiano tanquam incolumi, postea Bregatio superstizioso tirulo adscriptum, nunc inter arma fallaci quadam interpretatione pro se, & contra Regem torfisse Ioannem, quo scilicet falsa caput religionem populum Lusitanum sibi metipsi faciilius addiceret, seque detracta denique larva legitimum Regem, velut jam vaticinio consumpro, statueret. His accesserant, & falorum hominum blandimenta, & aulicæ quoque assentationes, ac domesticæ potius insidix ab ipsa nempe Austriaci familia manantes, qui ipsorum utilitati, fultæve spei illecebris, magis quàm periculo Principis attendentes, quas remerè jactas debebant refellere, aut premere, aut jocos eludere voces, ipsi quoque ex composito alebant, ac divulgabant. Caterùm quod Ioanni crimini dabant, esse in animo scilicet nefaria per arma Lusitanæ intervertere regnum, etsi Catholico Regi penè incredibile videbatur, nec sanè ignorabat nihil clausum, nihil immune, aut inviolatum, ne inter sacra pignora quidem



quidem mortaliū relinquere invidiam, aut loquacem vulgi licentiam, fingi tamen hoc tali tempore, dici, vel suspici posse etiam periculosum existimabat. Multos rumores falsō, casūque, aut humana malicia diffusos veros sæpè numero cecidisse, alios interdum ad explorandas hominum voluntates consultō à Principibus ortos, quosdam, et si vileant in ore vulgi, quid fieri opus esset non rarō Principes monuisse, hosque plerumque monitis paruisse. Primum regnandique præceptum maximum esse, nemini omninō fidere. Hæc cū anxie Rex secum, ac sollicitè volutaret, à Joannis insuper æmulis contortis aliunde argumentis suspiciosi rumoris vim, & invidiam augmentibus urgebatur, trahere nimis illum ex composito bellum, ac subdolè nōras ducere, quōd armis perpetuō legionibusque munitis, sibiq; semper obstricto, addictōque largitionibus milite, si fortuna aliquando annuisset, eos sensus reconditos explicaret, quos quidem ingētes in animo coquere, plurima indicia quamvis soletter abdantur per facta, per dicta ejus, quæ casu excidissent, tanquam per rinas effluere; simul intempestivam Eboræ obsidionē, Canaliā inflictā eladem, municipia fortissima regni, arcēsque validas, ac finitimas prætermisissas, omnia imprudēter in bello, & contēptim, ac segniter acta, hæc ipsa ex fallaci, tortōque Joannis profecta consilio suspiciosē, & cupidē potius, quā graviter arguebant. Adjuvit etiam Joannis æmulos Cæsar, ejusque in aula Catholica Orator Comes Petingius, qui occultè Regi significavit, ipsius valetudinem quanquam non multum exegisset annorum, esse suā tamen externis contracta causis imbecillitate vergentem; nimis tenuem, ac fragilem Principis filii ætatem, injuriæ opportunam, atque inter infantis ludibria, ac discrimina rerum jacentem, nec porro conducere in illa Patris, in illa filii habi-

tudine arma tractare, aut nimium florere gloria illegitimum filium, cujus arbitrii potestatisque foret, dare posse, cū vellet, aut tollere fratri Principi regnum. Quid à circumfusus cupiditatibus, quid ab impiis suavoribus, quid à fictis amicis, quid à seculi genio, quid ab ipsa occasione peccandi cum ambitionis incitamento conjuncta metuendum egregio juveni sit in propatulo esse. Exarmare tandem, cū liceat, ambitionem multo melius præstare, quā gratis cum illa confligere velle, præsertim cū tam ampla certaminis merces sit, ac tam frequentes consiliorum irrisiones alieno arbitrio nimis fidentibus pateant. Inflammat hæc quoque apud Regem Mortaræ Marchio, qui cū in Catalaunia simul cum ipso Joanne armorum olim divisum regimen habuisset, & provinciam recuperasset, ob crebras ibidem interjectas offensiones, quas æmulatio virtutis, & gloriæ multoque magis imperii societas pepererat, nunquam animo, & voluntate, multa licet uterque fingeret, sincerè in gratiam cum illo redire potuerat, nunc autem Marchio occasionem, causamque validam nactus premendi graviter æmulum, ne dum contumeliis, & probris Austriaci inter arma fortunam insectabatur, sed animum etiam, ac bellicā disciplinam. His obreptatorum incitamentis, & ministrorum etiam aculeis, & suo quoque admodum suspicaci, ac pavido ingenio permotus Rex, certusque Joannem exauctorandi per Ludovicum Oiangurenum, primum ministrum è secretis consilii Status, ipsum Joannem secretò monuit cordi esse sibi, idque ex republica maximè peti, ut ultro addictis militiæ curis, Consocram, quod juris ejus oppidum erat, sedesque Prioratus Divi Joannis, continuò secederet. Metuerat hunc ictum ex longo intervallo Joannes, & pro viribus etiam præcavere studuerat, revera tamen aliquando librari,

patetna tutela, suisque virtutibus fretus, nunquam satis ipse crediderat. Ceterum non Patri Regi, non æmulis, non temporibus palam iratus, aut querelis sordidè abjectus, aut tristior, sed animo temperato, ac modesto eam contumeliâ, atque ignominiam vir optimus sustulit, imò verò nec illam suspicionem quæ tanta erat, & quæ contra ipsum in animo Regis hærebat, ulla unquam voluit excusatione corrumpere, crimina quippè sunt, à quibus sic ratio, atque pudor in homine abhorret, ut ne purgari sine periculo, nec declarati sine summo dolore, ac verecundia possint. Ioannem præterea ob Castellensēs passim attritis in diutino bello copias, quæque rerum propter inopiam tam facilè, ac brevi, ut res postulabat, sarciri minimè possent, tum æmulos graves, versatilem Regem, acerrimum hostem, ut inter se quoque diversa, & variis distracta consiliis luctantur in animo studia, tædium, ac propè satietas militiæ ceperat. Statim ergo rescriptis occultè sibi imperatum commeatum à Rege petens. Rex verò ut pro filii auctoritate, ac decore rei clanculum tractæ ordo missionisquæ improvisè omninò causa lateret, hujus sententiæ epistolam, quæ multum lenocinii fucique ad capiendas aures, animosque fallendos habebat, Joanni reddendam curavit.

*Cum ex tuis nuper redditis mihi literis cognovissem, te immobiliter statuisse, quam adhuc egregiè, ac præclarè per Lusitaniam gessisti, armorum Præfecturam deponere velles, quiesque & otii querendi causa ad ali-quod tui Prioratus oppidum te conferre, ad-eò ut acerrimè rem inculcando, & rationibus infigendo per litteras asseras, ab hoc te postulato, ac sententiâ quoad votum imple-*

*veris, minimè recessurum, quamvis hæc tua firmiter in hoc negotio deliberatio me vehementi dolore affecerit, sollicitè reputantem non parum mihi, ac tibi, & publicæ utilitati absentiam tuam ab exercitu detracturam, quantamque solidam spem hucusque fortiter actis in Lusitania apud omnes concitavisti belli penitus profligandi abscessam repenti fore, tamen ne te morentem, tristèque nimis omittam, neu videar plus meo solatio tribuere quàm tuo, veniam quam abeundi efficaciter petis, quanquam invitatus tibi permitto, & insuper jubeo priusquam Badacocio discesseris, res ut belli ritè componas, & post agenda ex sententiâ præstabis; nam ex tua inclita disciplina singulari studio, atque fide futuris belli conatibus, ac desiderio nostro, & reipublice multum accesserit. Vale.*

Hæc tegiâ epistolâ acceptâ, & ad pompam, inanè quæ captandam auram secretumque tegendum in aulam, & extra aulam per multa exemplaria transmissâ, Joannes Austriacus tandem exercitu derelicto, Consocram secessit. Interim Comes Martinus genere Leodiensis qui è Belgio traductus paulò ante venerat Badacocium, ibidem, donec Joanni succederetur, curam armorum subiit. Is statim Artoncium ab Austriaco prima belli expeditione captum, & propugnaculum propè Almeidam à Duce Osfunensi constructum, ita Rege illius monitis annuente, solo æquari præcepit; nam propter hostium propinquitatem, perpetuas offensiones, commeatusque importandi difficultatem illa oneri potius, quàm usui Castellensibus esse compertum fuerat, cùmque res sibi in arcto, calamitoso quoque tempore forent, contrahere, atque intendere vires, necessitas postulabat.

# DE BELLO LUSITANO LIBRI NONI

S U M M A.



*USTRIACO* sufficitur *Marchio Carazena*. Is sententiam expromere jussus, censet *Ulisipponem* relictâ petendum, aut præmissis munitis oppidiis, omnia incendio, ferroque vastanda. *Didacus Correa*, dum inhibere prædæ impetum conatur, à Lusitaniis, cum quingentis equitibus sternitur. Comes *Marfinus* avidè certaminis causas querit. *Alexander Farnesius* Valentiam interciperè tentat, sed re ruæna discedit. Ad primores Ducum *Oratio Carazena*, qui cum exercitu ad *Villavitiôsâ* dirigit iter.

Oppidum e-*pit*, cujus *Gubernator Britius* ad arcem confugit. *Interrita* *Carneri* *Centurio* nis audacia. *Cantagneda* subsidia laturus obsessis, *Carazensis* adventus sui certitudinem denunciat. *Montiscleari* pugna, in qua victor *Cantagneda*, Lusitani tandem diadema regni in *Breganti* capite fixit. Obsidio arcis *Villavitiôsæ* solvitur. Gravis Regem, ac ministros cura percellit, an, & quomodo bellum reparandum. *Philippi* Regis interposita mors, belli consilia sustollit. Hujus interitum comes paucis antè mensibus nunciavit. Per dolum mutato *Regio* codicillo, pro *Medina Duce*, *Aitona* *Marchioni*, Imperii regimen adscribitur. *Ioannes*, ultimos patris amplexus exoraturus, accedens, non admittitur. *Philippi* mores. Apud *Escurialium* sepulchro conditur. Testamenti ejus series compendiarie. Rege tumultato, prima quæ *Reginam* *Gubernatricem* potissimum uris cura, fuit de Lusitano bello deliberatio. *Regina* cupidè huic imponere bello finem desiderat. Favet ejus consilio *Medina Dux*. Ejus oratio in *Statu* *Senatu*. Contrâ differt *Everardus Nitardus*. *Austriaco*, *Provincia* *Belgica* demandatur *Præfectura*. *Rex Angliæ*, ni pacem amplectantur *Hispani*, Lusitano se terrâ, marique affuturum jactat. *Regina* consensu, cum Lusitano quæsitæ pacis interventor assitit. Pacis conditiones. *Octavo* & *vigesimo* post *defectionem* anno, Lusitania suo tandem Regi redditur.



## BELLI LUSITANI

LIBER NONUS.



*IOANNI* tandem *Austriaco*, quæ in Lusitaniam interlata, atque tristia potius erat, armorum *Præfectura* defuncto, Consilii subinde status decreto,

Regisque *Catholici* jussu *Marchio Carazena* suffectus est. A *Belgio*, ubi eam provinciam administrabat vocatus ad aulam *Marchio* summa spe civium, & rumore propitio populi hunc magistratum inierat propter res belli egregiè apud *Insubres* gestas, & quia inter arma innutritus non gratia, ut plerique, aut favore, aut intercept

Ll 4 meriti

meriti furto in belli honores irrepererat, sed sudore, atque industria honorem honore, gradumque gradu; virtute duce, periculo socio, & ante miles, quam Dux in longa sibi militia pepererat. Igitur post salutatum Regem, eique gratias de more pro muneris ornamento relatas, quoniam tum ipse Status Senaror erat, in eodem confesso de futuro bello consulere, maturamque sententiam expromere iussus in hunc modum locutus fertur.

„ Dicere coram viris amplissimis co-  
 „ gor de via, & ratione Lusitani amif-  
 „ si regni recipiendi, quod obstinata in-  
 „ colarum perfidia, adhuc infesta post  
 „ tot acceptas in bello clades fortuna  
 „ comperta, tot summis frustra incum-  
 „ bentibus Ducibus, & cum dedecore  
 „ tandem amotis, tanto exhausto cruo-  
 „ re, tanta profusa pecunia, etiam in-  
 „ tegrum nobis, & ingens hucusque  
 „ bellum, spe prope excussa, aucta  
 „ nimis formidine præbet, cum facere  
 „ potius, quam dicere, Ducis, quam  
 „ Oratoris obire munus, ingenio, vel  
 „ usu mihi in toto curriculo vitæ con-  
 „ tigerit; tamen ut obedire, quod est  
 „ primum militis institutum, jam à  
 „ puero assuerus, & hinc mandato co-  
 „ ctus equidem dicam quod ipse sen-  
 „ tio. Cæterum, si ea vos quæ dixerò  
 „ neglexeritis, me præstiti quidem of-  
 „ ficii, actionisque non pœnitebit, ip-  
 „ sos fortasse poterit aliquando spreti  
 „ consilii mei vestrique superbi pœni-  
 „ tere iudicii. Mihi planè, ut in cau-  
 „ sa proloqui incipiam hoc Lusitaniz  
 „ bellum diuturnum, Castellæ grave,  
 „ dispendiosum, omnino cruentum  
 „ ejusque rationes, & causas conside-  
 „ ranti dux tantum occurrunt viæ, qui-  
 „ bus aut excidium patere nobis, aut  
 „ regni receptio valeat. Prima profe-  
 „ ctò erit, collectis omnibus copiis,  
 „ & viribus ire statim, & arctius Uli-  
 „ sipponem obsessum regni, bellique  
 „ initium, & caput, inde enim confi-

lia, iussa, pecuniæ, militares dele-  
 ctus, & copiarum inde vigor, & spiritus  
 in reliquum belli corpus, & universa  
 regni membra diffunditur, qua via  
 interclusa, & undique obfessa ruere  
 omnia, & confundi labique unà cum  
 capite pressio, aut exciso necesse est.  
 Ita sanè cum Julius Cæsar Italiam &  
 Romanum esset Imperium, Scipio  
 Africam subacturus, hic Carthagi-  
 nem primò cepit, ille Romam. Con-  
 trà Annibal Pœnus arma dum procul  
 à capite per quosdam anfractus, ac  
 diverticula tulit, elusus magis quam  
 victus in extremo Italiz sinu conse-  
 nuit, & ne vetera sortè videar, qua-  
 si recentibus egens, rerum exempla  
 colligere satis compertum est Medio-  
 lani, aut Neapolis urbium concussa-  
 rum per arma ruinam, eorum quo-  
 que juri coherencia oppida arcisque  
 velut eodem traxisse lapsu; vidimus  
 ipsi præterea, Barcinonam nuper recep-  
 tam totum regnum protinus consen-  
 sisse, salus à capite pendet, truncoque  
 semel abscisso, arque abstracto, &  
 rami simul, & folia, & arboris vita  
 quæ à stipite fluit, amputatur. Si El-  
 vum, si Villavitiolam obsederis, his  
 statim Ulisippo succurret, cum pres-  
 sa, armisque constrieta sit Ulisippo,  
 nihil consilii, nihil opis externæ ad-  
 erit, aut interire, aut servire, aut ar-  
 biterium cogetur subire victoris; nam  
 si intus prævalidæ vires fuerint se ipse  
 conficient, si tenues facilius vis ex-  
 terna corrumpet, si factionibus for-  
 tè scissæ brevissimè dilabentur, nec  
 unquam, aut rarò tam magna, &  
 fama, atque opibus potens ulla civi-  
 tas extitit, quæ omni externo desti-  
 tuta præsidio diutius propriæ defen-  
 sioni, cum urgeret obsidio, cum in-  
 ternis duntaxat viribus suffecisset.  
 Dixeris contrà fortasse, terrestres no-  
 bis, & opes maritimæ defunt huic  
 extremo, ac vehementi conatui pa-  
 res. Cum hæc ratio, nec ipsa levis in

speciem

„speciem ex adverso proposita sit, eam  
 „mihi nec affirmare, nec refellere in  
 „animo est; fatendum est tamen, quod  
 „si tantum laboris, pecuniæ, militum,  
 „quod hoc bellum tot per annos in-  
 „fructuosè cum nostro dedecore, ac  
 „sanguine absorbit, in Ulisipponem  
 „rectè petendam collatum fuisset, uti-  
 „lius, ac certè prudentiùs huic bello  
 „gerendo consultum foret, quemad-  
 „modum etiam si id ipsum modo in-  
 „terruptum liceat, ut collectæ, atque  
 „auctæ paulatim in otio vires, & co-  
 „pitæ majori deinde conatu, & iudicio  
 „in urbem Principem applicentur. In  
 „hoc tamen errore humano seu mens,  
 „seu fortuna potiùs subvertendo con-  
 „silia deliquerit, si adhuc correctio  
 „non habet locum, bellumque dein-  
 „ceps non intermissu Ulisipponem pro-  
 „cul agendum est, alteram tantum,  
 „prima seclusa, his copiis militaribus  
 „viam, quæ ad regni ferat possessionem  
 „existimo superesse, cum scilicet arci-  
 „bus regni, munitisque oppidis præ-  
 „termittis maximè infesta Castellæ  
 „acies in Lusitaniam irrumpens om-  
 „nia protius incendio, ferroque vasta-  
 „te, ac diripere pergat, ubique passim  
 „ruinas, orbitarent, solitudinem infe-  
 „rens, ita enim omninò corrupta se-  
 „gere; arbutis evulsis, pagisque &  
 „castellis undique excisis, incensisque  
 „fame, ac rerum usualium inopia, ac  
 „terrore malorum omnium superbus,  
 „ac pertinax Lusitanus in afflicto, de-  
 „serto, regnoque fumanti, ac passim  
 „exinanito constrictus, meo quidem  
 „iudicio; aut nulla alia re poterit tan-  
 „dem aliquando debilitari, frangique;  
 „siquidem nec terra ille jam nostris  
 „circumfessis limitibus, nec mari, nisi  
 „tardiùs, incertè, atque modicè potest  
 „alimenta recipere; regnum ipsum  
 „exiguum est, quod ne stotens qui-  
 „dem nedum ita contusum, ac fractum  
 „satis sibi præsidio, satis pabulo est;

pertinacia, quam non ita, non metus,  
 non cupiditas vincit, fami concedit.  
 Hic autem & fames armata pugna-  
 bit, & vis egestati se junget, & eorum  
 nisi alterum valeat, utrumque deni-  
 que foret perfidos homines cor-  
 sumpturum. Atqui fortè inaudium,  
 ac novum, imò & barbarum vobis  
 videbitur in Hispania hoc belli tra-  
 ctandi genus, scilicet fame, & terum  
 omnium clade, atque exitio regnum  
 integrum oppugnare, coacervatisque  
 ruinis velut bustum ex regno facere.  
 Hoc tamen nobis suadet hostis con-  
 ditio, opportunitas regni, usus com-  
 munis, præteritæ clades, terum præ-  
 sentium durissima constitutio, nec  
 impia, aut crudelis est illa quidem  
 censenda ratio qua finis petitur opti-  
 mus, qualis utique foret Castellæ se-  
 curitas, amissi regni recuperatio, aut  
 extinctio, iusta in rebelles animad-  
 versio. At, inquires, post hæc diru-  
 ta oppida, civitates everfas, pecu-  
 des, homines fame, vel igne petemp-  
 tos lacera omnia, & cruenta, ac si-  
 mul torrida flammis, post totum  
 regnum exterminatum, & cadaveris  
 facie projectum, ubi deinde Rex erit  
 nisi in ruinas, & cineres regnaturus.  
 His porro subijcio, posse aliquando  
 Regem vincere Lusitaniam, ac Lu-  
 sitanos animos minimè posse, posse  
 quandoque aridum regni solum, ate-  
 nas, solitudines, saxa, & spatia ina-  
 nia camporum, sed nunquam revera  
 posse Lusitanos animos possidere;  
 tanta hæret in illis duritiæ, ac pecto-  
 ris obstinatio, tanta in Castellæ in-  
 perium, ac mores invidia, atque  
 animi detestatio. Hanc pertinaciæ  
 cotem ubi sæpiùs impacta ac rejecta  
 Castellensium hucusque arma refra-  
 cta sunt, ut hæc ipsa rescinderent,  
 ingenium intendi bellique rationem  
 mutari necesse est. Congenitum pro-  
 pè genti nunquam extinguitur o-  
 dium,

„ dium, nisi ipsa prorsus extincta gen-  
 „ te, talique obfirmatos homines odio  
 „ tam vincere, quàm imperare victis  
 „ difficile est. Ideò semper mihi dis-  
 „ plicuit illa Philippi secundi sive in-  
 „ consulti modestia, sive timidi nimis  
 „ propositi ratio, qua per Christopho-  
 „ rum Moram composita quasi pace  
 „ cum Lusitano per largitiones, cumu-  
 „ lataque beneficia leniendo ipse ani-  
 „ mos captandæque ferè per escam,  
 „ quàm severè, atque rigidè invadere in  
 „ regnum maluit, ex eo tēpore jam tur-  
 „ bulentis humoribus turgidū, subactō-  
 „ que paulò post regno nec chirurgia,  
 „ nec dieta, ut dicitur usus evacuare re-  
 „ pletos, aut causā expellere morbi stu-  
 „ duit. Illa importuna pietas, illa inepta  
 „ Philippi clementia, quæ alias post alias  
 „ subinde affecto corpori corruptelas  
 „ ingenuit, hanc nobis extremam il-  
 „ lorum peperit contumaciam, cui nisi  
 „ ferro, atque flamma in præsentī me-  
 „ deri libeat, in hac perpetua ignomi-  
 „ nia cum Lusitano bello in hoc gravi,  
 „ æternòque periculo volutabimur. Po-  
 „ stremò regnum attritum, conculca-  
 „ tum, adustum, incolis propè vacuum  
 „ est aliquando fortassè Rex Catholi-  
 „ cus habiturus, plenum, & integrum  
 „ semper deploraturus; utilius est au-  
 „ tem nobis nullam esse Lusitaniam,  
 „ quàm esse nobis inimicam, propin-  
 „ quam, & primò quoque tempore ul-  
 „ tricem, & gravem, cùm occasio de-  
 „ derit, affururam.

Hæc in Status Senatu Marchio Ca-  
 razeræ disseruit. Omnium ea tamen  
 ferè consensu ut militaris, ac præservidi  
 nimis ingenii, civilique egentis tempe-  
 ramento, statim expuncta sententia est.  
 Obstabat illi præterea insita Regi clem-  
 entia, diùque in Hispania receptus  
 belli gerendi usus. Est enim adeò in-  
 concussum, ac stabile Hispanis per  
 majorum tradita exempla, & signata  
 quasi vestigia res tum civiles, tum bel-

licas temperare, ut in negotiis excu-  
 tiendis hæreat, ac pendeat ibi delibe-  
 ratio, cùm non præluceat exemplum;  
 fallit hoc tamen persæpè institutum,  
 cum novis rebus, insolitisque pericu-  
 lis per novas artes, ac nova rerum  
 commenta, ubi usitata non superunt,  
 ire obviam necesse sit, præsertim cùm  
 genus humanum ad maiorem quoti-  
 die solertiam, atque malitiam exacua-  
 tur. Decretum est igitur in Senatu,  
 quod ratum subinde Rex fecit, pro Lu-  
 sitano gerendo bello nihil barbari, aut  
 novi, aut præter Hispanorum firmatum  
 armorum usum induceretur. Velle Re-  
 gem, cùm posset, amore terroribus mi-  
 sto lapsos errore clientes ad officium re-  
 ducere.

Dum hæc geruntur in aula Catho-  
 lica, Comes Marfinus, qui interim  
 Badacocii militibus præsidebat, hos-  
 tem, audito, cum equitum turmis  
 agros, pagosque latè depopulari, in-  
 gentémque illinc abducere pecorum  
 prædam, & obvios homines interfice-  
 re, iussit extemplò Didacum Corream  
 equitatus Gubernatorem, quingentis  
 equitibus sumptis, obviam procedere  
 Lusitano, hisque rusticorum cædes ul-  
 cisci, & prædarum impetum inhibere.  
 Correa tunc oblatum adire discrimen,  
 Ducique parere minimè recusavit, pau-  
 citatem tantummodò militum in rem  
 asperam sibi commissam tantummodò  
 animadvertens monuit Marfinum. Ve-  
 risimile quidem esse non negligenter,  
 aut sine robore, & casu, sed magnis  
 cum copiis eò usque infestum progre-  
 di Lusitanum in terram hostilem au-  
 sum, pugnae ideò impares ineundæ sibi  
 ipsi videri eas destinatas equitum tur-  
 mas, posse & majores cogi brevi-  
 ter vires, quæ pugnaturis equitibus  
 nervos, agrisque omninò securitatem  
 præstarent. His subiratus Marfinus,  
 quæ virtus, inquit, qui militum nu-  
 merus sit non in stativis, sed patenti  
 campo

campo discerni, nec victoriam ad calculos dari. Tunc ea improvisa responsione percussus adjecit Didacus, quod ad se pertinebat se confestim declaraturum nec sibi, nec militibus in provocato quoque periculo defuisse. Cætera ad aurium magis oblectamenta, quàm dextera vim, rerumque provisionem effundi. Ita equites statim ad hostium occursum movit. Lusitanus cum equitibus plusquam mille cæde, & capinis implicitus vicos, agrisque pervolvabat, tum verò cum illo numero diminutum prælium paratum accedere Castellensem aspiceret, velociter dividit, quos secum habebat, equites, partim inter arbores, & virgulta latentes subsistere, partim libero campo incurrere in hostem jussos; insidiæ numerum augent, duplicatur fiducia hosti. Inter hæc propius, ac lento gradu Castellensis appulsus, postquam videt fermè æquatam utrinque militum numerum, missa formidine, alacrius in Lusitanum impellitur. Primò impetu quasi perruperat aciem, ac trepidam loco moverat; alis subinde distentis, circuite, & concludere experat hostes, atque in latera cadere. Hæc molientes repente ab insidiis emetsti equites Lusitani, & à tergo, & à latere circumfusi Castellenses aggrediuntur; rei imprudentia deprehensis in medio tetorem, perniciem asperitas auget. Lusitani, qui in acie primò percussi, implicati que pedem referre experant, jam equis immixtis, atque ordinibus testitutus animosius simul instant, & urgent. Sic Castellenses undique circumventi stentuntur ampliori tunc hostium numero, fraude, iniquo planè certamine oppressi. Igitur paucis exceptis, quos fortè superstites fuga distraxit, reliqui capti vel interfecti sunt, capti que egregiè dimicans est Ferdinandus Avalus Marini Comitis custodiæ corporis Dux, cæsus etiam Alexander Mo-

reus, aliique insignes equitum Duces. Didacus Corteza cum cladis hujus teliquis Badacocium effugit, minùs fortasse, quàm secus debebat eo infelici successu tristis, quòd vera ab initio Duci vaticinatus nimia fiducia, aut insolentia ejus offenderat. Nihil hac tamen Comes Marlinus clade improvisa perterritus cum promptus consilio, atque acer animo esset, cadentemque Præfecturam armorum, quam paulò post erat Marchioni Carazenz cessurus, averet aliquo factò memorabilem ponere, avidius idcirco certaminis causas quærebat. Cum omnia igitur circumspicere, comperit tandem Valentiam anno præterito captam contemptim per id tempus ab hoste, ac planè segniter custodiri, spemque ex eo fore, improvisò ut impetu rueret, si citius, ac diligentius, ut oportebat, impressio in oppidum fietet. Urgebant hoc facinus apud Castellæ Ducem quidam municipes exules, Valentia, ut suspecti novisque studentes rebus à Lusitanis exacti, addebantque propterea hoc intus etiam secum sentire plebsque oppidanos genere, & animo ad Regem propensos, eisdemque ubi signa Castellæ vidissent internas externis adnectere copias, & vites non minùs paratos, quàm animatos esse. Vitio insuper exulantium, qui patriæ sibi reddito amote sæpè ipsi fallentes, aut sua cupidine falsi majora promittunt, fraude, vel errore judicii vera falsis admista, ut ejus animum inclinarent, Valentini apud Ducem efficacius intenderant. Itaque Comes Marlinus Alexandro Farnesio negotium dat, ut clanculum copiis, aliisque instrumentis, quæ ad tem usui forent, assumptis, cum nox accessisset, Valentiam pergeret intetceptum; secreta monita dantur; exules prosequuntur. Alexander alacritet jussa Ducis exequitur, & Badacocio procul, ne efflueret fortè suspicio,



cio, milite, ac rebus omnibus comparatis Valentiam contendit. Adhuc noctis, at in lucem vergentis obscuritas milites adumbrabat cum jam socii à Duce detecto consilio magnæ spei plenè propè Valentiam appellunt. Rem tamen militibus aggressuris durior tunc ipsa tractatu, exitu mox luctuosior, quàm mente primo conceperant, aut ore jactaverant, in limine visa est; non enim promissa, aut indicia planè constabant, quibus auctis, extorres ad expeditionem Ducem impulerant; nam fluvius qui adjacet oppido, tunc insolenter inflatus erat, trajectuque difficilis; scæ læ angustæ, atque breves pro murorum mensura compertæ sunt; nulum proditionis occultæ signum, ut intererat fides, ex oppido prodebat; caligo præterea noctis cum matutina confusa luce jam albescere cæperat, stationesque subinde excitari, amarique levi, quocumque emissio strepitu poterant; arx denique infestior appropinquantibus impendebat, nec belli seposito furto, palam quidquam audere, aut agere in hostem cum eo exiguo militum numero, ac tumultuaria prope modum manu nisi temeritas sustulisset. In hoc rerum statu Alexander, & si clarior res erat, quàm, quæ in dubium vocari posset, ut tamen externus, invidiæque morsibus opportunior, eam serio agitarum inter veteres Duces voluit. Vocato concilio, Emanuel Carafa, qui fama, & virtute inter ceteros eminebat, quique facilius audacia posse, quàm animi inopia labi in opinione, atque ore militum erat, id facinoris ut temerarium, abruptum, exulum fraude promotum, torque exitio commilitonum, si forsitan tentaretur, fœdum exitum habiturum, aut inanis incæpri dedecus reprehendenti, quàm dissuadenti similior expodit. Huic Hispani, Italique ceteri Duces assentiuntur. Alexander subla-

ris copiis re vacua discedit. Comes tandem Martinus hac ultima spe devolutus, nec ullo virtutis, aut laudis pro strenui, ac veteris fama Ducis in Lusitania relicto vestigio paulò post Mantuam Carpetanorum, inde Belgium repetiit.

Marchio quippè Carazena huic, sicut diximus, subeundæ post Austriacum provinciam à Rege Catholico designatus jam ab aula Badacocium pervenerat, ibique præcepto Regis Didacum Cavallerum supremum Castrorum Præfectum, Didacum verò Corream magistrum equitum dixerat. Versus deinde ad belli res componendas à Badacocio ultra Anam flumen perrexit è regione Campomajoris Xevoræ juxta rivum, quod aquis, solique deliciis afflueret consitus passim arboribus locus, ut in arida terra petebat æstivi temporis ardor. Hic inuito militum numero pedum duodecim circiter millia, sex equitum millia supra quingentos à Duce reperta sunt, ibique exercitus constitit, donec commearus, belli tormenta, ac reliquæ sarcinæ militares comportarentur. Tandem rebus ex sententia paratis, atque compositis primores Ducem sepositos Marchio in hunc prope modum alloquitur. Multa à se tot per annos summo labore, atque industria militiæ decora, ornamenta collecta, in hoc Lusitano suscepto bello fustigata, interitura simul, ac dehonestamento proxima cernere; non enim satis pro pugna militis nosse, non satis pro milite commeatus, nec pecuniam etiam, nec arma, nec cetera belli instrumenta sufficere, quæ abundè paulò sibi ante fuerant coram Rege pollicita, & quæ in Insubria, atque Belgio, & ubique propè terrarum tutior, ac vetus belandi mos stabilierat. Classem præterea tantopere necessariam ad reg-



„ num maritimum subigendum, cum  
 „ in ancoris expedita jamdudum sibi  
 „ promissa fuisset, scire profectò ad-  
 „ huc imparatam, neglectam, incul-  
 „ tam jam otio, sitúque marcescere  
 „ Gadibus, quò planè terra facis Lusitani-  
 „ tanus haberet, unde has exiguas sper-  
 „ neret copias, & mare totum unde sub-  
 „ sidia, & alimenta reciperet, in pote-  
 „ state. His considerationibus addi,  
 „ Lusitanos quoque natura superbos, ani-  
 „ mo audaces, totque adeptis victoriis  
 „ tumidos, ac toties Castellensium cruo-  
 „ re perfusos, nunc ferociùs instare, ac  
 „ fortioribus nervis, ac Regionum præ-  
 „ sertim, ex longo intervallo com-  
 „ perta fœcordia subnixos. Postremò  
 „ alia se in Status Senatu dedisse cõsilia,  
 „ alia hîc exequi cogi, ne suis quidem  
 „ ad ea complenda adjumentis ab illo-  
 „ rum auctoribus roborata. Ita igitur  
 „ jam omnia casibus esse, fortunæque  
 „ projecta ludibrio, quæ cum adhuc  
 „ irata, atque infesta per multiplices  
 „ clades experta, atque perspecta Ca-  
 „ stellensibus fuerit, illi insuper mol-  
 „ liendæ non lenocinia, non artes, quæ  
 „ sudor, constantia, ac sedulitas sunt,  
 „ sed quædam potiùs irritamenta, &  
 „ quasi irarum novarum aculeos hac  
 „ rerum in bello gerendarum incuria,  
 „ vel fatali quadam torpedine subjici.  
 „ Cæterùm fas cum non ampliùs, nec  
 „ locus sit jam inchoatam expeditio-  
 „ nem retrahere, aut distorta con-  
 „ silia flectere, ipsi Duces viderent,  
 „ decernerentque quodnam facinus  
 „ videretur hoc tempore, his copiis,  
 „ hisce viribus dignum, quando non  
 „ satis adesse sibi virium agnoscat ad  
 „ ruinam eluctandam, atque ex ani-  
 „ mo ducere nervos oporteat, nisi fa-  
 „ to sibi quoque statutum sit com-  
 „ muni belli hujus invidia, atque pu-  
 „ blico odio cum similibus sibi Duci-  
 „ bus conflagrare. Rogatis posthæc  
 „ sententiis, quidam Valentiam Alcan-

taræ nonnulli Estremotium, alii Villa-  
 vitiosam hoc exercitu aggrediendam  
 existimabant. Has sententias excutit  
 Marchio, & Valentiam primò rejiciens  
 ut nimis facilem, Estremotium, ut  
 expugnatum difficile, Villavitosam ut  
 mediam amplexus est, ita modò sen-  
 tentiam temperans, ne efferri nimis  
 fiducia, ejus causa tunc non exta-  
 ret, néve metu, quem recondere de-  
 buisset, apud milites dejici videretur,  
 eoque dirigere statim iter exercitum  
 jussit. Igitur obviis cursim vastatis,  
 ustisque hostilibus agris, tandem ad  
 Villavitosam Castellensium acies per-  
 venit. Sedes hoc oppidum est, ve-  
 túsque ditio antiquorum Bregantiæ  
 Ducum, Villavitosam diseretè dicta prop-  
 ter cœli temperiem, ubertatem agro-  
 rum, nemorum pulchritudinem cæ-  
 teramque insignis, mollisque cultus  
 amœnitatem etiam artificio accersitam;  
 nam nimix deliciarum illecebræ aut  
 vitiosæ natura sunt, aut vitiorum in-  
 citamenta. Sedet oppidum in edito  
 colle situm triplicique forma constru-  
 ctum, prima pars in suburbia quasi  
 distenta cœnobia continet, officinas,  
 plurimas domos, ipsasque Bregantiæ  
 magnificas ædes. Huic perverustis  
 mœnibus cinctum nectitur oppidum,  
 rarisque id incolis habitatum. Desu-  
 per eminet arx, eaque satis pro tem-  
 pore instructa, cum interiore meatus  
 haberet, & fossam, & sublunare mu-  
 nimen, & vallum. Erat tunc oppidi  
 Gubernator Christophorus Brittus ab  
 aliis adjutus Ducibus veteranis, ac præ-  
 ter aptos pugnx municipales, qui pluri-  
 mi erant, propè mille militibus ad  
 oppidi defensionem impositis. Brit-  
 tus verò postquam eò infestum ten-  
 dere hostem agnovit, tria primùm  
 idonea extra oppidi mœnia loca po-  
 sita munit, amplissimam scilicet Bre-  
 gantiæ domum arcis in speciem ædi-  
 ficatam, propugnaculum Divi Bene-

dicti, & portam Nò, sic vulgari nuncupatam vocabulo, experiri ita ratus initio meliùs virtutem hostis, ac si per vim licuisset, in parvo negotio minuere fiduciam, vel ita vites, & animos hebetare, ut debilior, ac fractior mox impetus ejus interiùs admovetur. Porro decem, & octo sclopetariorum Castellenses progressæ partitæque cohortes, tria, sicut diximus, illa extra oppidi sita muros, quæ à Lusitanis infestâ, ac strenuè loca munita fuerant eodem tēpore cum clamore, atq; impetu adoriuntur. Atrox, quia primus, recentisque vis, animique, ac ferè tumultuarius erat ille conatus hostium, ac tripartitò confictus fit, perstititque assiduus, concitatusque utrinque pugnandi ardor, ac fermè æqualis illata cædes à meridie ad primas usque tenebras noctis, strenuè non minùs ab his oppugnato, quàm à Lusitanis retento loco. Nocte ineunte cùm secum volveret Brittus, ea pro terrore, ac munimine opposita loca hosti nimis longinqua, cruenta, subsidiis incisa videri, ac si ulterius instaret hostis quamprimùm suorum militum cladibus collapsura, prætereà si à præliorum initiis desumitur omen, bene inde auspicatum; si comparatio virtutis, nihil eousque accidisse, cui ipse diffideret; si spes, & alacritas animi satisfactum omninò esse, eadem idcirco nocte inde repente milites revocavit, desertisque quæ extra oppidum erant, munimentis, atque inutili multitudine, simul omnium fortunis prædæ, ac libidini expositis hostium intra murorum ambitum defensionem intendit. Ubi illuxit milites Castellenses Roderico Moxica Duce, adjacentes oppido ædes ingrediuntur, nullòque obsistente, cùm miles, & arma contracta in oppidum essent, nec ulla mœnia, aut obices essent, quæ inhiherent impetum hostium, ea ibi luxuriæ, avaritiæ, crudelitatis exempla nefariè congesta sunt, quæ militaris furor, atque impunè aliquando

irritata cupiditas edere solent; non pueris, non senibus, non pudicitæ virginum parcitur; Sacra alia polluta, alia rapta, alia fracta, alia in cinerem versa, cùm ex alia in aliam domum applicitus ignis etiam templa, ac cœnobia corripere, cremaretque undecunque insultare, prædari milites cedere, latrocinii, ac sanguinis avidi circuire; tum & irrita fuga erat, cùm strata omnia, aut obfessa teneret hostis. Has inter ruinas incendiū, & cæsorū hominū strages, omnisque militaris effraznæ nimium licentiæ, viri quidam religiosi, qui furentium fortè minis, & flammis elapsi Carazenæ Marchionem convenerant, immanem illam militum feritatem, & sacrorum ludibria, & inter ipsa cœnobia defloratas esse Virgines conqueruntur. Si belli jure liceret etiam in Numen insurgere, vi quoque ipsum ineluctabili ulturum injurias suas. Ad quos, non esse cur mirarentur, respondit, ex diversarum gentium barbarie, atque vitiiis constatam illius exercitus forcem esse, utcumque tamen se curaturum, ut sacrilegiis, ac cædibus milites temperarent. Cæterum seu primo, ut solet, impetu excusso, seu Ducis imperio, seu scelerum satietate à cruore, & rapinis deinde cessatum est.

Exteriori sic oppidi tractu in potestatem accepto intensior statim in idem oppidum Castellensium conatus incubuit. Tormentariæ itaque sedes erectæ, suffossi cuniculi, obsidionales accessus ducti, viæ, tramites, colles, loca omnia prærepta sunt, quæ procul, ac propè infestare, ac premere possent oppidū. Hæc verò, quæ ad longiortē obsidionem comparabantur cùm in primis Castellæ Duci rei celeritas cordi esset, vis quoque impetusque in oppidum applicandi propiora pericula non laxabant; nam pyroclastro majori oppidi portæ cōstanter affixo, eam nitēbatur subvertere hostes, scalis

lis deinde muris appositis illam muros ascendere partem, ubi plus præliantium exarserat impetus, contendebant. Confluunt tunc undique Lusitani, circa portam dum acrius, & circa mœnia periculum erat, ollas incensas, granata, atque alia ignea artificia certatim ex mœnibus jaciunt; nunc sclopiis, nunc longioribus hastis, qui portam obsederant, aut muros subibant ad deturbandos hostes utuntur. Sic tandem vim Castellensium elidunt, & frustra igneo instrumento portam, scalis mœnia petentes expellunt. Cùm hic primus, & propior in irritum impetus cecidisset, Dux Castellensis, subductis copiis, productos ad oppidi mœnia cuniculos tunc conflagrare, atque erumpere jussit, sed cùm solum ineptum esset, retrorsum ignis effusus hostibus multò minùs quàm Castellensibus nocuit. Inter hæc cùm assiduè concussa tormentorum ictibus mœnia, & lacera passim munimenta fatiscerent, ingentesque ruinarum cumulos tollerent, per eas Marchio ruinas, labèsque murorum milites jubet impressionem in oppidum facere. Itali primi jussu Ducis irrum-punt. Hos Lusitani pari quidem ferocia animi, conatùque recipiunt; sæva ibi, & feralis conseritur pugna. Etenim Lusitani pars mœnium summa pars per ruinarum fragmenta sparsi, ruinarum alii extrema tenentes confertis cuneis, nudato corpore intrepidi hostilem impetum propulsabant, nec vulnera, aut cædes, aut æstus, sive profluens utrinque sanguis his ferociter intendendi, illis acriter vim retundendi impedimento erat. At Itali quanquam illis virtute, atque animo pares, disciplina tamen, ac numero prævalebant, rejectumque perscrupè hostem, & mox audaciter redeuntem, impulsusque reciprocantem fregissent tandem, ruinasque transgressi se mœnibus applicassent, nisi eodem momento temporis

scalæ temerè defecissent, primis namque fractis ab hostibus scalis, atque combustis, etsi aliæ tunc celeriter parabantur, lapso temporis puncto jam inutiles erant. Hoc itaque omisso propter militum lassitudinem, & rerum inopiam certamine, id tantum per summum laborem obtinuit Italus, quod propius jam fessa mœnia gradum, sedémque eo experimento posuit. Cùm inter mœnium ruinas, & armorum, & hominum clades sic propè oppidum certaretur, haud minori quidem ardore impetùque quia bellatoribus abundabat, ejusdem oppidi arcem ab alia parte Castellensis premebat. Novum enim ipse ibi excitaverat aggerem, crebrisque inde incursum arcis in orbem jacta superare munimina contendebat. Semel ea tamen, quàm aliàs atrocius pugna recruduit, dum præsens Carazenz ipse Marchio adhortando, obsecrando, impellendo, strenuè ipse pugnando milites accendebat, eoque imitatione, periculo Ducis instinctus validior accurretat Castellensis militis nervus. Enimùs, cominusque conflabat, cùm imas alii munitiones inferius, alii arcis superius defenderent pinnas, resque propterea sclopiis, granatis ignitis, lapidibus, hastis alacriter gereretur, utrinque sæpè cadentibus multis ferro, aut ignibus haustis, quemadmodum varia, implicatæque pugna erat. Jamque flaccescere tandem, animoque ac vitibus labi ceperant Lusitani, ac timidè pedem referre, acrius eo tempore instantium cum vi, tum hostium multitudine circumfusi, ac propemodum obruti. Videt hoc Britus, cohortatusque quos in latere habebat tribunos, ac reliquos Duces, simulque progressus occupat ipse primam certaminis frontem, ibi profectò cum ceteris Ducibus periturus nisi formidinem pudor ejus militibus abstulisset. Quippè tunc majorum exem-

plo Ducum impulsæ vires, & animos colligunt Lusitani, promovent gradum, regressi certamen instaurant, quique jam fluere, ac cedere cæperant vehementius inveciti clamore, strepitu, armorum, & corporum nisu ipsos repente cogunt retrocedere Castellenses, crescit adversa nunc inclinata conspecta acie Lusitanis fiducia; laceratos fiducia corroborat; impetus incalescit. Tunc amplius obsistere hosti; jam Marchio Carazena diffusus cani statim receptui jussit; revocat etiam à prælio suos milites Lusitanus, cum impetum illum injecta velut hostibus rabie insuperabilem Marchio crediderit, & lucro duxerit Britus, quod circumacti certaminis vices æquare ad ultimum potuisset. Jacuit immensa propemodum strages, ac Lusitano cruentior, cum eorum optimus quisque dum inclinatam reddere pugnam pro viribus studuit exsili, aut vulneratus eo ancipiti prælio fuerit, inter quos Britus oppidi, arcisque Præses tribus vulneribus ictus. Emanuel Lorcatus Pintus facie granato concisa, ac sædius ambusta recessit, reliqui Duces graviter saucii se se in munimenta recipiunt; mitius deinde producta in arcem, & oppidum est oppugnatione ob tantum sudoris, tantumque sanguinis latè fufum his militibus flammis aliquantulum imminutis; nihilo tamen minùs nec impeti à longe arx per belli disposita tormenta, nec quasi mœnia destiterant, invigilante quoque supremo Duce, ut ea quæsitæ militibus quies, ac certaminis intervalla in graviores hostium perniciem, ac pestem relaberentur. Sub hæc nunciatur exercitum Lusitanum jam Estremotio digressum ad ferendam obsessis opem iter instituisse. Percussus hoc nuncio Carazensis, & maxime anxius cum duplici cura, & labore simul arcis,

simul oppidi potiundi distractas eo tempore vires haberet, relicta denique arce, ac tempori reservata, omnes tunc belli conatus, assidue in Villavitiolam convertit, si prius extricare se forte posset ab hujus oppidi obsidio, quam cum hostibus signa conferret, quandoquidem arx asperioris, longiorisque negotii res videretur. Copias igitur omnes à suis stationibus accersitas tripartito Marchio distribuit ad oppidum undique constringendum, multos etiam congeri jussit virentium viminum fascēs, qui missa ignea desuper artificia deluderent; mœnia quoque cum opus esset, occupaturis multitudo scalarum parata erat; sparsique passim fractorum murorum acervi, & plures hiantes in mœnibus labes externo partim impulsu, partim coherentium murorum tuinis impressæ multos accessus invadentibus aperuerant. Ea portò triplex injecta, pars in murorum ruinas, Itali omnes erant, urgebat acies, pars sed numero minor in militari arcis sepe, staccatam milites vocant, hærebat, & circumfessam in otio tenebat arcem, ut inde interruptus, qui in ejus præsidio erat, nequaquam posset, cum vellet, egredi, ac municipes adjuvare; reliqui sæpè, & nequicquam intentam majorem oppidi portam evellere, aut scindere summa ope connitebantur. Dum ira singula obire injunctum à Duce opus militum agmina student, Lusitani adeo acerba, ac multiplici pugna disjuncti, variæque in partes quæ eodem tempore laborabant, abstracti, enervatique cum neque numero pares essent, quod unus contra multos pugnaret hostes, neque viribus etiam, quod non essent ob paucitatem, qui succederent fessis, aut morientium vices exciperent, nec denique loco, quod quassata verberibus mœnia vel lubrica pedes fallerent, vel diruta, aut scissa  
superstan

superstantes opprimerent, tunc animi ardore magis, & impetu, quàm suis se viribus sustentabant. Truciùs tamen qua Itali parte vim intendebant, certamen incaluit; nam ruinas penè trajecerant, & muris scalas admoverant, altiùsque corporibus assurgentibus jaculis, hastis, incendissque multiplici peste repulsi transversis plerique vestigiis præcipientes ibant, pauci qui mœnium summa tetigerant, aut à sociis ibi relictì interibant, aut se saltibus solo reddebant. Cùm igitur scalæ passim, & homines simul evolverentur, atque iniquior succederet Italici, ut enudato supernis ictibus corpore, pugna, cùmque lapsos cæcosque tamen recentes Itali exciperent, urgerentque illucque ut in majus totius conflictus discrimen, & ultimam oppidi spem tota fermè vis propugnantium, pugnantiumque conversa esset; tunc Emanuel Carafa eò circumductam cohortem Italicam movit, ubi minori metu periculi minùs erant providi Lusitani, & quia alibi res ardebat majori cum hominum copia, nec ea Lusitanis pro locis omnibus suppetebat, ibi ad custodiam pauci restiterant. Eò itaque assultim Itali properantes obvios, & raros in loco Lusitanos expellunt, subinde alii, atque alii turmatim accurrunt murosque repentè scandunt; qui verò ab altera muri parte subeuntibus adhuc scalas obstiterant Lusitani, cùm circa se plenas nunc hostium ruinas, fractos aggeres, muros discissos, vim, numerum hostium, confidentiam, audaciam super murorum, & stragem corporum insultantium viderent, ex altera parte captum jam murum, seque aversos, adversosque à Castellensibus premi, oppido statim relictò, nec paucis intra fugam exceptis ad arcem confugiunt. Eo quoque tempore cùm accisas res hostium aspiceret, contra militarem arcis sepe pugna-

bat agmen alterum Castellensium, nec illam adhuc petrupere ferro, aut ignium jactu cremare potuerat, Italici tandem fufis, fugatisque ab oppido Lusitanis se se præliantibus addunt, accedit tumultus, & fuga eorum, qui gladiis elapsi arcis suffugium petebat; inter tumultum, & pugnam capitur sepes. Ita Lusitani reliqua cura, præsidium, tutelæ spes cùm in arcis duntaxat circumscripialimitibus esset, cùmque etiam puteo, quem omnino putabat Marchio aquam intus sufficere obsessis, jam idem potitus esset, tubicinem misit, qui de opportuna arcis obsidione moneret Britum Gubernatorem; nocere tempus, pestiferas esse moras, si occasio merendæ clementiæ præterfluxisset, victorem subinde inexorabilem fore. Tum Britus, ne de illo expugnato facilè oppido, tubicini retulit, Carazenensis immodicè letaretur, quod præ murorum fragilitate, temporumque ruinis, multò asperius, quàm opus fuisset, negotium illi curamque facesserat. Stare adhuc integram arcem, ibique etiam puriori stagnantem aqua inclusam cisternam esse. Ita elusus Carazenensis, ideòque in arcis oppugnationem sollicitius intentus, occupatusque sublimis in vertice templi, cui titulus erat Immaculatæ Conceptionis, adversus arcem tormentariam sedem extolli jussit. Erat etiam in ipso templo insignis quædam, ac vetus Deiparæ imago, quam, memorant Lusitani, esse principem in Hispania illibatæ Conceptionis memoriæ, claroque nomini consecratam. Hanc ab initio Britus obsidionis ne inter armorum confusionem, militumque licentiam, ac libertatem irreverentiæ, barbariæ contemptus aliquid pateretur ex templo in arcem transferri curaverat; nunc verò cùm ab ejusdem Virginis templo per hostem arx, atque miles præsidarius crebris

istibus peteretur, sacram Deo sedem eo armorum ministerio pollutam, ac profanatam improbens hosti, pacisque sacrarium in tartaream belli officinam conversam esse, severe præcepit, ne quis tormentum, aut scelopum, aut aliquid missile in templum jaceret, suam ipsi sedem, suum ipsi cultum Virgini curæ fore, eoque sacrilego scelere inflatam Virginis iram contra illos vertendam esse, in quibus non pudor, non verecundia, non jus erga homines, nec religio, nec pietas erga cœlicolas insanix, ac libidini frânos injecerat. Narrant insuper Lusitani cùm per majora tormenta belli ex templo in arcem fulminantibus hostibus sacra ipsa imago solemni, ac pio comitatu intra arcis muros circumferretur, cùmque obvia incedentium, & modulantium mista laudibus carmina multitudo objecta gregatim funeribus esset, tunc mortales quamplures emissos è templi vertice globos irritos cecidisse, sacram pompam, qui sequebantur intactis omnibus circumductam.

Dum ita urgetur à Castellensibus arx, Cantagnedæ Comes Lusitani exercitus Dux, cùm certiorum facere vellet Britum, magnis se copiis instructum in arcis auxilium quamprimùm esse venturum, diffideretque inter milites invenire, qui circumplexam, ac restrictam omninò arcem auderet inter pilas, & cuspides penetrare, nec ipse propterea ad certam quasi perniciem cogere quemquam fas esse duceret, jocanti similis inter milites jecit, esset necne in suo exercitu Lusitanus cui adeò valeret animus, ut interritus hostium agmina pertransiret, Britoque intra arcem secreta mandata perferret. Hoc vulgato statim sermone, haud ægrè repertus est, qui id se illicò audere profiteretur, Franciscus nempe Carnerus fortis Centurio. Is itaque binis ejus centuriæ militibus sumptis, equisque

statim conscensis ad arcem hostibus circumfusam, aditusque Castellis, ac molibus septos cum sociis alacriter subit; ibi mandata Ducis exponit, ibique duo illi gregarii milites, relicto, ut jussum erat Centurione, per idem obseptum, stratumque ferè mucronibus iter incolumes transeuntes ad Cantagnedæ Comitum redeunt; adeò præcipiti eorum ad arcem accessu, atque recessu, velut miraculo audaciæ defixis, ac propè attonitis hostibus, vixque illi hostes, an focii essent, præ summo stupore dispicientibus. His rebus ita provisus, cæteros simul coactos primores Ducum consuluit exercitus Dux, an expediret, ferre suppetias ad extremum concussæ arci, atque ideò conferre cum hostibus arma, eas sine dubio ad ultimum virium impedituris. Latis in orbem sententiis, nemo ex tot simul diversæ licet indolis Ducibus extitit, qui festinatis subsidiis, pugnaeque, si occasionem offerret hostis, protinùs ineundæ refragaretur. Quamquam enim vetus adhuc hærebat Lusitanis insita ratio, effugere semper, dum ita possent, cum hoste conflictum, extrema ni secus vitanda calamitas, ultimùmque discrimen posceret, quòd in uno commisso prælio totius Lusitanix simul disceptante fortuna, imperii, aut servitutis conditio vertebat, nec tanti prætereà momenti arx illa cum oppido erat, ut irreparabilis ejus ruina, cùm denique cecidisset, putanda esset, aut ea mereretur, cum extremo universi regni periculo comparari, ereptum hanc tamen arcem, & oppidum hosti eo consensu, atque animorum ardore tribus de causis concursum est, primò quia semel & iterùm Lusitanus cum belli fortuna usus feliciter esset jam tenebras illas excusserat, quas ex Castellæ potentia, cumulisque propè regnorum metus offuderat animis, contemptusque propterea ceperat hostis, deinde quia neque ampliores hucusque

hucusque copias, neque meliorem ad prælium Duce[m] emiserat; postremo, quia cum Villavitiola cariora inter pignora censeretur hæreditariæ Bregantiæ Domus, si eam Castellensis obtinisset, æquè familiaris, ac publica Bregantiæ Ducis iactura, luctusque, ac populi rumor obversabatur. Comes itaque Cantagnedæ postquam inferenda citò subsidia, & cum hostibus pugna, per unanimes Duces decreta sunt, militumque subinde clamorem, & plausum pugnae decretæ nomen expressit, Carazenensis statim denunciavit adventus sui certitudinem, sibi-que gratissimum fore iusta quamprimum acie cum tam celebri Duce congregari.

Marchio tum, quamvis tacite secum tanta iactantia, hostisque superba fiducia repungeretur, & ipse eo tempore quoque parum suis viribus fideret, contemnere tamen fronte coacta, vultuque ad rem ficto provocationem ostentans quasi jocosum tubicini illudit, levitatem esse fiduciam, tumorem animi robur, ac vires in speciem interpretatus. Vocat subinde Duces & utrum, & quomodo esset prælium hostibus interrogat anxius, scilicet an arx obsidione tenenda, an deferenda, an potius divisis copiis pars arcem obsideat, pars subsidia accessura coercereat. Non erant talia profero ibi militum nervus, & copia, quæ satis in illo discrimine forent simul premendæ arci, simul divisim obviam eundo hosti, nec erant prætereà circumjacti valli circuitus, aut propugnacula obversa, quibus protectus insidens miles se se, arcis obsidionem, ac munimina sustentaret; idcirco plurimi sentiebant, viam atque transitum, qua ad arcis suppetias fuisset hostilis exercitus perrecturus, præoccupandum militibus esse, sparsim enim hinc erant & inde, qui viam distinguere[n]t, colles; his porro insessis, & communis

excidium subinde arci, ut præfixæ, orbataque subsidio, & ex edito loco tutela militi pararetur, cum exercitus Lusitanus montibus, & vallibus interclusus nec configere posset ibi, nec facile regredi, multoque minùs, ut arci succurreret, progredi. Hujusmodi tamen longa oratione sententiam disjecit Marchio ut mediam arctis in rebus, & arduis plerumque deteriore[m]. Quippe diutius in collium verticibus immorari non pariebatur alimentorum inopia, Lusitanus velut in proprio, ac libero campo commeatibus affluebat. Arx destituta, aut laxata conatibus remanebat, quæ nisi acerrimè premere- tur ob loci situm, defensorum virtutem, & modo subsidii spe proximi autam segniorem profectò quamcumque defensionem labefactasset. Qualis esset igitur hæc sententia, quæ si forsitan probaretur, famis esset interitum Castellensibus, palmam sedentibus Lusitanis, libertatem arci, & oppido collatura? Utilis sanè videri, aut in re ancipiti minùs periculosum per iactam modò certaminis aleam spes omnes ipsos, & curas in sinu fortunæ, quæ esset utrisque communis, & ante exitum semper incerta, deponere, quam voluntario peticulo stultos per detorta, atque abrupta nimis consilia certum se ipsis exitum, ac pestem accelerare. His accedere jussu Regis Consilii Status auctoritate sancita, quæ nullo propè relicto arbitrio supremæ sibi pugnae periculum inculcarent, nec certè si res secus accideret, minùs sibi terroris irata, atque infesta Senatorum suffragia, quam belli fulmina incutere. His dictis Marchio jam pugna decreta, consilioque dimisso, proximum collem ascendit, loci inde situm contemplanturus, quem tragicam Martis furialibus stimulis scenam paulò post præbiturum esse putabat. Lustrat inde, notatque oculis locum, pergere

tandem hostibus obviam in campum subjectum milites jubet; mille, & quingentos circiter pedires, quibus Causani Dux Italus, & Joannes Carrera Hispanus cum singulis legionibus præsidebant, in arcis oblectæ custodia relinquunt, nam ambitus arcis angustus, & undique circumseptus pro temporaria defensione, cum prælio subsidia runc accerentur, nihil amplius virium requirere videbatur.

Propè Villaviriosam planities quædam effunditur, quæ vulgò dicitur Montisclari, ex eo cænobio, arque templo tracto fortassè vocabulo, quod ibidem assurgit, Beatæque virginis à luce populariter nuncupatur. Planum colles per gyrum, & saxorum asperitates oblepiunt, frondenti, amœnôque magna ex parte diffuso tractu, & supra, arque infra hinc vinetis, hinc arboribus interjectis; planities ipsa inæqualis, & variis anfractibus secta est, via omnis quæ tortuosa, quæ recta, multisque ramitibus scissa. Prior in hunc locum Lusitanus ingreditur supra sexdecim millia peditum, sex mille equites omnes pugæ paratos, & alacres ducens; numero, ac viribus longè minor ad prælium accesserat Castellensis, magnam enim exercitus partem primò confecerat vel infirmaverat, nunc implicabat arcis obsidio. Intellexerat Marchio Carazenenfis, quò magis hostis appropinquaret, eò meliorem ad pugnam præreptum venire locum, quaque ille tunc incedebat, ægrè se posse consistui expedire, eum propterea antecapsum ire celeriter locum milites iussit latera collium longo agmine pedites, planitiem à læva tenentes equites. Terruit hæc primò quidem aspectu celeritas hostis, arque animi promptitudo Comirem Canragnedæ, multoque ipsa magis, quia per id tempus aberat peditanus, & cum illo tormenta belli, simul iniquitas loci nimis contrahere,

arque implicare militum ordines adiebat; hostemque jam incursum molestè ferebat ex loci, situsque prerogativa dimicationis initium sumere; in tempore tamen ab ipso Comes Schombergius admonitus tanta celeritate maturare peditem iter, & tormentorum subsequi plaustra curavitur priusquam certamen inciperet, ab ætioribus locis emersa jam tota explicata, atque ad prælium instructa Lusitana pareretacies. Porro Marchio Carazenæ sic Castellenses distribuit copias. In duas acies pedites dividit, in quinque alas equites aliam post aliam positas, adeò, ut inde frons minùs porrigeretur, quod terræ defectu accidit; Sinistrum equitum cornu externi milites occupabant plerique Itali, aliquor Galli, plures Germani, inter quos vetera, ac fortia Germanorum agmina stabant, quæ in bello Ungarico contra Turcas longo tempore exercita gubernabar Comes Rebatius, hisque Alexander Farnesius externi equitatus magister præerat. Id autem lateris prorsus nudarum peditibus erat, quòd satis sibi, satisque prælio suo robore equestri firmatum temerè, ut mox exitus docuit, creditum fuerit. In dextero exercitus cornu, quod Didacus Correa magister equitum temperabat cum universo peditatu Castellenses equites hæserant. Aderant ibi Didacus Vera, Rodericus Moxica, ibi Fabritius Rosseus, alique selecti cum suis legionibus Duces. Tormenta belli in utroque latere sita, nonnulla etiam in vertice collium, qui exercitibus prominebant erecta sunt. Lusitanus verò in hunc modum direxit aciem. Dexterum cornu equites ferè omnes, sinistrum pedires tenuere; quippè asperitas situs, brevibusque quibusdam coarctata limitibus nequaquam sinebat utraque ex parte equitatum extendi, prima tamen equitum frons, cui prior, acriorque excipiendus impetus erat, latius



tius porrecta erat, delectisque manibus peditum, qui rari, sparsique aderant, intermixta, altera exercitus pars solis peditibus constituta in binas erat partita acies peræque plenas, & constipatas, cum abundaret peditibus Lusitanus. Illud præcipue ex disciplina militiæ rectè provisum fuerat, quod per artem ita ordinatus cum equite pedes erat, ut egens alter alterius auxilio succurrere mutuo, & coire, & cum res postulasset disjungi facile posset. Auxerant quoque exercitus hujus virtutem, & numerum Petrus Jaquius Magallanius Simeon Vasconcellus, Petrus Cæsar Menesius, alique Duces egregii, qui in longinquis, variisque regionibus regni militiæ partem administrantes, huc modo armorum, ac nobilis pugnae strepitu impulsus, desertis ferme præsidii convenerant. His ita pro pugna compositis; post belli utrinque disposita tormenta Dux Castellensis in primis jubet Alexandrum Farnesium ab lævo cornu in dexterum Lusitanum incurrere, quod tanto vigore, & animi audacia, tantoque impetu cum suis equitibus præstitit Alexander, ut primum agmen hostile eo impetu scissum, ac penè jam profligatum ipse in extremam intrusit aciem. Inde effusis Castellenses instantes, cursimque ordines dissolventes in arrectas pedum hastas, qui idem firmabant latus offendunt: strenuè illi tunc cum se se hastis, & corporibus objecissent cursu, & animi ardore hostium equibus incitatis, dum equorum, & hominum impetum hastarum cuspidibus remorantur, spatium dedere sociis semetipsos recipiendi, aliique citò collectis tum peditum, tum equitum turmis acrioribus iterum nervis obviam hostibus prodeundi. Sic repente fortuna voluit, quique antea propè jam vicerant, versa nunc belli vice, trepidant, fluctuant, partim caduntur, partim effugiunt, partim mox elapsuri, aut perituri in spe-

ciem vires, & animus languet. Ut vero Comes Rebatius suos quoque priorum impulsibus pressos cedere, & fluere, ac propè fugam spectare milites cernit, equo ipse transvectus, & oculis torvus, ac minax Germanos increpitans, Ubi decus, ubi animus, ubi fides, ubi fides disciplinæ milites? inquit, fugientibus ne integram vobis honestatem, & vitam futuram esse censetis? an tutius, & gloriosius fortasse fuerit terga, & cervices, quam ora vel pectus ostendere hosti? an vos honoratius eritis perituri, cum perire necesse sit, nisi adversis vulneribus concidatis? Qui in Germania vincendo consenuistis, & plures de Barbaris partas cumulatasque victorias, quam ætatis propè annos enumeratis quo nunc attonitis veneficio, qua improvisa formidine tactis, aut vi fortè, invincibili abreptis ferum vobis hebescit, aut dexteræ torpent adversus rudes hos Lusitanos, imbelles, qui infamia, & furore magis quam arte, & consilio, aut fortitudine pugnant? Hic vincete, aut mori vobis, mihi que commilitones expediet, vitamque quam unà juvenes toties præliando contentissimus jam propè exactam, nec minùs triumphis, quam cursu annorum exactam honesta reddere morte, quam periculosa turpique fuga redimere satius est. Alia ex parte Farnesius orando, increpando sparsos à fuga, trepidosque cogebar milites, statim deinde ordinibus restitutis, & fortius cortoboratis majori vehementia, atque impetu in Lusitanum, qui prævalebat, incurritur. Redit utrinque confictus eò luctuosior, ac pervicacior, quò recollectis, plùsque irritatis per dicta, per facta viribus recalebat. Jam verò ita prævalent Castellenses, ut primo, & altero, ac tertio incursum obvio primi lateris agrariæ impulsio, ac propemodum

dum fracto tunc extremam pervaderent aciem, Germanique præcipuè mediam dextri lateris aciem, quidquid obvium in medio erat sternentes, transgressi converterant arma in Lusitani cornu sinistrum. Improvisò eò rem devolutam ubi videt Dux Lusitanus, illuc subsidia confestim accurrere jubet, advolantque mandato Ducis Comes Scombergius, Comes Sancti Joannis aliique principes Duces. Hi tunc arctius coherere, cum aliis qui ab ordine effluxerant constipare, plus ubi periculi erat, offerre se, turmæ alix præterea equestres, alix pedestres ex lævo cornu in sinistrum traductæ conveniant. Dux propè acies in unam confluent; magna protectò certaminis moles in Castellenses jam propè fessos incubuit. Ruere porrò cum equis solvere ordines, concidere ferro, aut in fugam averti superiores paulò ante nunc graviter pressæ Castellæ experant copix, vario belli negotio eas inter vices, turbasque efuentes colludente fortuna, & nunc propensius in Lusitanos milites inclinante. Tunc intuitus Carazenensis jam versam adjectis ab hoste viribus pugnam, suisque fessis, adiectis, & undique circumfusus subsidio, ne eo imperu, & fluctibus perderentur, opus esse militibus, jussu irem, atque iterum misit ad Didacum Corream, qui in dextero cornu imparis pugnx spectator astabat, ut subveniret quàm citò Farnesio, aut hostes, ab illo, qui opprimebatur, sinistrum eorum larus aggrediendo distraheret, jam prope duo intentis viribus cornua in unum, ac penè fractum incubuisse, obrui quàm citò posse, nisi citius subventum esset. Non parui imperio, non Ducis monito Didacus, id sive ignavia, sive perfidia, sive loci difficultate peragere neglexisset; proinde bonis, & planè desertis in laniena militibus hoc tantum pro sua virtute, at-

que animi magnitudine restitit, ne interirent inulti, néve incruentam, nimisque læram præberent victoribus lauream. Dum enim in illos valde corroboratus Lusitanus invehitur, & majores præsentis contemptis periculis Duces clamore, & exemplo minores confirmant, recensque succedit agmini agmen adversos jam lassos, conclusos, omnique prorsus destitutos auxilio, tandem Itali, Germanique in medio deprehensi, & undique impulsæ alii impetu equorum prorriti, alii armis dilaniati, effictim plerique eorum pugnantes occubere, ita prorsus Germanorum agmine strato, eorumque Duce Rebatio, cum strenuè configeret, casso. Hujusce victoriæ pars haud parvo impendio constitit Lusitanis; nam præter vulgaris militis cladem eorum Duces fortissimi ceciderunt, Comesque Scombergius ante prima dimicans signa equo suffosso tandem evasit. Sic lævo Castellensium disjecto cornu, dextrum subinde concurrat. Sed difficilis primò erat se se ultra inferentibus transitus cum caërorum corporum strues, sparsa humi, contractæque arma, passimque diffusus equorum, & hominum cruor impedimento, & horrore equis intercurrentibus esset. Stabant etiam frequentis in speciem silvæ hastatæ cohortes appropinquantes equos infestis cuspidibus excepturæ, quorum aliquos consternaverant, alios everterant, ita, ut equitatus instabilis, trepidus sæpè ipse illatus, sæpè relaxus pulsusque fuerit, & interdum concursatione potius, quàm vi se hostem provocans circumtulerit, inconcusso, firmoque, ac presso in vestigio hastatorum adhuc agmine permanente; tandem Castellæ equitatus vereranis pediribus fultus eo impetu in hastatos Lusitanos impegit, ut his protinus dissipatis, eodem quo ferebatur impulsu acriorem

acriorem ibi pugnam accenderit ; & Lusitanus quidem eo prælio tories jactatus , ac restitutus illic magnum discrimen adit, illatæque initio vis illa hostium ineluctabilis apparebat ; cum Castellenſes nunc agiles eſſent , & viribus integri , Luſitani autem recenti quo omnes propè concurrerant prælio , æſtûque fluentes , laſſique , nec pedites quoque tunc Caſtellenſibus deerant firmandis equitibus interpoſiti, quorum paulò ante defectus cornu ſiniſtrum aſſiſſerat. Poſtquam ergo Cantagnedæ Comes Dux Luſitanus eo hoſtium conatu imperatûque propè jam ordines ſolvi, ſimul fluctuantem, & vagam conſpexit aciem, atque in illam ita percuſſam enixiùs urgere hoſtes cum iis , qui ejuſdem cuſtodix erant, equitibus prætervectus, & ſimul Ducis, ſimul gregarii ibi militis partes admiſcens præliando, adhortando animare, ac laborantes erigere milites ſatagebat ; monentique eundem Centurioni , non eſſe illum, quem tunc occupabat, Ducis ſupremi locum , reſpondit, extrema quæque pericula rerum ordinem vertere, quodque in alea ſubjecta ſors ſtatuiſſet, ad ſe maximè pertinere. Hæc ſummi Ducis audacia, atque animi promptitudo temerè ſe in ardorem certaminis , & conſertas manus militum invehentis, cum omnium in ſe oculos convertiſſet, tum denum jacentem Luſitanam virtutem ſuſtulit, & corporibus vires , & ſtimulos addere animis viſa eſt. Porro inclinata primùm fortuna, nunc æquabilis, juſta peræque partibus ſpem, timorémque librabat. Acrès acies utrinque erant ; ſatis utriſque ad vires exacuendas incitamenti, nec remiſſiùs Caſtellenſes pro gloria, quàm Luſitani pro libertate certabant. Cæterùm duas, quæ jam Luſitanis meliorem certaminis exitum præſtituerat, ſubjecit tandem fortuna res, quibus everſus, & undique aſſiſtus Caſtellen-

ſis omninò jacuit, nimirum Corteam equitatus magiſtrum ab hoſte repente captum, tranſitionémque improviſam ad hoſtes Helvetiorum ob non ſoluta, aut nimis dilata, ut dicebatur quoque, ſtipendia. Proinde quæ perfidia militum enervatum, quæ capite muſlum, cum prælium ferociùs arderet, ſe ſe equeſtri Caſtellæ corpore contuente, extemplò turbari ordines, excidere vires, languere cepit acies, & qui paulò ante gradum intulerant, referunt. Inſtant cedentibus Luſitani, & quia eoſque implicata, nec omninò conſecta res, imò fortunæ ſubjecta caſibus erat, qui vicerant veritis tunc Luſitanis ulterius perſequi hoſtes, hi fuſi potiùs, quàm planè fugati ſe ſe à certamine avertunt. Pulſo equitatu, Caſtellæ ſupererat pedes, iſque proruſ equitibus enudatus, cumque prælium iniret, deteriori quoque conditione cum pedite pedes ſubinde concurrir, quòd cænobio Comes Combergius cum peditibus occupato, illique proxima pariter domo, ſimul vinetis, quæ circumjacebant, inſeſſis loco ſuperior, & numero quaſi ex propugnaculis decertabat ; præterea ſæpè inde ſparſim cohortibus jactis, aliàs per latera circumductis à fronte, & à tergo premebat hoſtes, qui primum impetum fruſtra in objecta munimenta frangentes, mox repulſi, & faciliùs attriti pectora ſimul, ac terga defendere cogebantur, vixque ulla effugii ſpes erat, cum ſitu, ac multitudine hoſtis, rei que bene geſtæ fiducia alacriter inſultaret. Septem jam horas inceſſanter pugnatum erat, labore, cædibus, æſtu utriſque denique reſolutis, ac laſſis, ſimul cumulis corporum, armorumque militibus tranſitum, & ſi ultra furere velent, intercludentibus, nec ampliùs etiam corporibus vires, nec crudelitati materies ſuppere videbatur cum nihil ampliùs Caſtellenſibus ſuperreſ-

set, nisi quod victoris imperum subterfugerat, aut cædis fatietas abjece-  
rat. Huic tamen, ac tantæ cladi su-  
perstites Castellenses, qui nec parvo  
quidem numcro evaserant, non enim  
à pugna pedites, non equites fugientes  
persequi longius Lusitanus institerat,  
celeri gradu recedere cæperant, eoque  
cæteri confluentes, quos latè fuga, ter-  
rorque disperferat, haud contemnend-  
um conflaverant agmen, & nisi ho-  
stium offensionis, vel receptus muni-  
mini suffecturum. Hoc videns Dux  
Lusitanus, & ne stragis quidem reli-  
quias ire sospites passus, imperat Vas-  
concello, Joannique Silvæ Legato equi-  
tum, ut hic cum agminibus equi-  
tum, ille cum cohortibus expeditis ul-  
tra cænobium flectendo iter elapsos  
quærerent hostes, adeptos prælio, aut  
tumultu in via implicitos detinerent,  
donec ipse accessisset cum omnibus  
copiis. Hoc impigrè, ut jusserat, fa-  
ctum est. Ita porro cursu dum prospere  
Lusitanus premit, excipitque vestigia  
hostis, isque in via præpeditus bre-  
via, & fugacia sustinet prælia, ac bre-  
viter concursando laborat progressio-  
nis molestias aut eludere, aut vincere,  
major repentè, itinere inciso, circum-  
fluens vis militum ingruit, quàm Can-  
tagnedæ Comes regebat. Castellenses  
tunc interceptos hinc montes, hinc  
hostes claudunt, bis propè victis lubri-  
ca spes, numerus longè minor, via  
euntibus interclusa. Cùm igitur spes  
nulla pugnando salutis, & fugæ diffi-  
cilis esset, obstinatis ibi animis consli-  
gentes, atque interitum provocantes  
penitus victi, atque prostrati sunt. Ibi  
Emanuel Carafa, & Gaspar Arus Ca-  
strilij Comitæ filius mortaliter icti pau-  
lò post mortem oppetere, quatuor fe-  
rè promiscuæ nationis peditum millia,  
qui antequam circumventi Castellæ  
pedites forent ab angustis emerferant,  
nec longè obvium quoddam ceperant

munimentum ibi sese pro loco, ac  
tempore defensuri, post reliqui audi-  
tam circumfessi exercitus cladem hostis  
se tandem arbitrio permittunt, & cum  
signis militariis quadraginta captivi-  
tatem, ne vitam amitterent, subeunt.  
Mille etiam hominum qui ex toto con-  
flictu ad nemorum latebras ab hostium  
furore, cædibusque confugerant, alii  
inde captivi Ulisipponem abstracti, fa-  
me nonnulli in solitario, atque incog-  
nito loco, jactatione vulnerum plu-  
res absumpti sunt. Castellensium hic  
cæsa quinque circiter millia narrantur,  
paulò minor numerus captivorum, &  
magna ex parte clarorum Ductum, ac  
genere insignium; neque incruenta  
Lusitanis victoria fuit cùm illorum duo  
amplius millia ceciderint, permultis  
etiam, & primariis præcipuè Ducibus  
sauciis. Hæc est clades Montisclari,  
quæ Lusitani tandem diadema regni  
in Bregantii capite fixit, & seu utili-  
tatis incremento, seu gloriæ inter pri-  
mas Lusitanæ virtutis, atque fortunæ  
celebris.

Cæterum Marchio Carazenenfis, ubi  
haud dubiam hostium fortunam esse  
cognovit, & priusquam circumventos  
in itinere, ac fuga socios extrema per-  
niciis opprimeret, è colle descendens,  
unde proximè cuncta spectans, exem-  
tusque periculo iussa militibus dabat,  
Villavitiolam perrexerit, accitòque Boët-  
to Comite, qui in Borbæ custodiam,  
ut magni momenti loci, cum equitum  
turmis astiterat, quindecim post die-  
bus solvere arcis obsidionem reliquos  
milites iussit, ne eisdem mox Lusitani  
perinsigni parva victoria tumidi ton-  
fluentes obruerent. Igitur belli tor-  
mentis summa celeritate subtraçtis, Lu-  
sitanisque sæpè rejectis, qui in agge-  
rem primùm invadere, & militares sar-  
cinas tollere, post abeuntium lædere  
latus, & terga, iter quoque intercipere  
peræpè, ac frustra conati sunt, inco-  
lumes

lumes denique Castellenses Iurumentum sese recipiunt, inde mox Badacocium veterem belli sedem. Huc ceteram etiam profugit exigua deleti exercitus pars, & Marchio Carazenenfis, cum alienis abreptus consiliis, genioque sinistro huius suscepti belli, ac longè minori, quam ibi erat opus, militiæ apparatu rem cum Lusitano gerere cogeretur, pristinum gloriæ, famæque splendorem, vertente cum ætate fortuna, in senectute corrumpit. Infelicitis deinde totius certaminis exitus Mantuam Carpetanam allato nuncio, cum cogitatio, sensus, questusque trucidis acceptæ cladis omnium mentes, & ora hominum complevisset, proceres, æulici, etiam infimæ sortis homines, qui cuncta in deterius interpretari more insito solent, circumstrepabant, irrisos, an victos, an sese proditos esse querentes, & fabulæ ne, an aurium prastigiæ essent, quæ de eo prælio memorarentur? Unde enim Lusitanis in regno adeò angusto, deserto tanta animorum, & virium resurgere posset copia, perpetuis qua cladibus Hispanum Imperium urgerent? Vulgus præcipue, cui astrictior ut ratio, atque intellectio est, ita liberior in questibus vox, veterem viam ingressus viros nobiles criminandi modò ajebat, corruptos pecunia Duces publicam causam labefactasse, modò nolle magnates Lusitaniam Bregantio ereptam, ut vana consanguinei Regis jactantia, fastusque ejusque certo ad Lusitaniam effugio, si illis irasci quandoque Rex contigisset, abuterentur; aliis dicebat, consultos Hispanos hoc ferè æternum ducere bellum, quo perenni pro bello tributis ex plebis visceribus hausitis ipsi, & ærario potissimum incubantes inter cædes, & clades magistratus saginarentur; cumque ex magna populi parte factus repente concursus ad Regiam esset hinc cla-

mantis, hinc obstrepentis, hinc querelas & probra in togatos, in milites, in Regis quoque patientiam, si ve socordiam conjicientis, fortè tunc è Regis cubiculo egressus Pastranæ Dux, cum plebem in area dolentem, ac propè tumultuantem aspiceret, ut illam solando deciperet, aut doloris fortasse primum impetum frangeret, voce, & epistola, quam casu inter manus habebat, elata: frustra, inquit, & falsò fremere illos, atque animo angi, victos esse Lusitanos, testemque eandem epistolam esse nuper Regi Catholico traditam. Suspendit paulisper hoc curas, & populi motus inane solatium. At citò refriguit, dolorisque quasi reciprocans æstus vehementius paulò post inunda-vit. Cumulus enim tot litterarum recenter Badacocio datarum manifestè dicta Ducis redargebat, passimque vulgata per domos funera, qui cara sibi intercepta pignora, succissæque spes suas querebantur, in communi squalore, atque lachrimis cladis ingentis speciem expresserant, eoque inani mendaciò parùm visus est Pastranensis illam callere artem, qua per artes, & fucos sæpè Politici solent cum populo ludere. Rex autem cum pugnæ infelicitis eventum nosset, permista suspirio voce in hunc modum locutus fertur. Culparum nempe suarum ita à se penas repetere Numen, à noxio scilicet capite ad innoxios milites verfas.

Verumtamen gravior ministros, ac Regem pro tempore cura perculerat, an esset, & quomodo hujusmodi bellum toties omisum, atque remisum, ac funestè semper intentum velut Diis, hominibusque adversantibus reparandum; non enim idoneus, ac promptus ea tempestate miles, non ærario pecunia, non onerandis amplius tributis via sive modus, nec porro sic armis expertus,

aut fortuna, vel animo valens Dux occurrebat, de quo satis inflicta sarcire clades, Lusitanique contundere audaciam sperari posset, cum multi ibi insignes desloruissent, novorumque experiri virtutem, aut sortem, cruenta, ac propè continua calamitatis exempla terrent. His urgentibus causis, nemo tamen consiliariorum audebat jam satis perspectum animum Regis Lusitanæ receptionis cupiditate flagrantem contrariis, ac veris argumentis abducere; multi propterea tam concinnè, tam fictè in hac causa facundi erant, ut non iudicio, non fidei, sed aurium illecebris, atque affectibus servientes, quod nequaquam sentirent, disertissimè persuaderent. Illi itaque convenerunt, præsentì cladi minimè succumbendum, tantam Hispani Imperii latitudinem esse, angustiam Lusitanæ, ut hic Lusitanus sensim etiam vincendo attritus, nisi acie quandoque victus, cadere tandem propriis exhaustus viribus, obrutusque triumphis posset. Proinde longè, latèque regis mandatis expositis hic cogere pecuniam, hic imperare frumentum, conscribere milites, festinare, parare, nihil omittere quod immani, trunculentoque bello necesse foret, cum interim Philippi IV. Regis interposita mors hos apparatus, bellique consilia funditus sustulit. Hujus porro Regis interitum diro sparso crine Cometæ, quem non satis claro, sed fusco, ac cinereo quodam aspectu totam Europam complexum fuisse relatum est, paucis ante mensibus nunciavit. Prodidit etiam quidam nauclerus, qui per id tempus ab Indiis Ulisipponem appuletat, quod dum per Oceanum navigationis cursum conficeret, nocte sublustri efferre se sursum informe quoddam lucis volumen vidisset, cœloque, errantibus tunc per admistæ quasi nubis candorè radiis, subito affigi, ex quo repente Cometæ, & sidus ab illo non ante visum

effulserit, & crinem etiam extenderit, ibique subducta temporis ratione compertum est, tunc primùm apparuisse in Hispania Cometem, cum aspexerat illum nauclerus ex radiorum, & vaporum quasi involueto super Oceanum explicita, ac fusa luce conflatum. Ceterum cum sæpè numero visi, exploratque Cometæ jacta inter alia præfagia rerum, ut plurimum esse credantur magnarum animarum vehicula, suspectumque, ac minacem totum eorum ab ortu labentem significant annum, hic, definito in spatio Cometæ cum aliis Europæ Principibus etiam Catholicum Regem rapuit. Singulis quidem noctibus verso propè in Regiam ferali crine Cometæ irradiabat, eoque multiplici cogitatione suspensos, garrulos, avidosque in futuri caliginem mentem insinuandi tenebat omnes; nullus tamen aulicorum, aut procerum, aut eorum qui servitii, sive negotii causa versabantur in Regia satis animi habuit, ut hoc infausto, ingratoque semper Regibus nuncio regias Philippi aures attingeret, ignaro propterea, ac diutius omni cura soluto penitus Rege, quod in ejus contemplationem, atque intellectum intra, atque extra Hispaniam omnium sermones, oculosque converterat. Scurræ domestici tandem, cujus per seria, vel jocos multa patere plerumque Regibus solent, quæ adulationi, vel fides affecta tegit, severis quamquam præceptis, ut hoc siceret, adstricti elapsa temerè vox, qui tunc Regi impendebat, Cometem exposuit: cui Rex nullo turbationis colore, aut fronte, aut oculis edito signo, statim respondit, clariùs sibi sanè portandi propinquum suæ vitæ finem ex fracta ipsius corporis valetudine, ac fessos laboribus animo, quàm luce Cometis. Mox in cruorem alvo soluta, febriumque ardore correptus Rex moriturus

turus decubuit. Occulere hoc primò, ut nondum gravioris pestis indicio suspectum diligenter studebant aulici, meliusque se Regem habere, astumque remitti falsò rumore jactabant, cum eo tenui, & fragili quam hominis filo tot rerum momenta penderent, post ubi vis morbi mortalius increbuit, nec erat ibi larebræ locus, cum ex ejusdem Regiæ squalore, tristitia, silentio secretum ipsum efflueret, tum multa præterea quæ temporis ratio monebat, exterius, ac procul providenda ministris essent, vulgatum est tandem jam deplorata salute, atque extrema ægritudine fessum languere Catholicum Regem. Mos est in Hispania qua tempestate sublato Rege, filius ejus, vel hæres præ ætate sit impotens regni, adesse Regi puero tutores per testamenti tabulas declaratos, quique splendore generis viri, usu rerum, integritate spectati imperii gubernacula teneant, donec Rex parvus capacem regiminis mentem, ac parem ætatem assumpserit. Affecto itaque Rege, & ultimam voluntatem per testamentum exposituro hunc alioris muneris apicem occupandi plerosque magnates certamen arrexerat, illum nempe inter ipsos ut genere, hunc ut moribus meliorem alium, ut retum experientia, aut partium favore præstantem, tantòque magis in causâ nobilium exarserat ambitus, quod Princeps Hispaniæ ad regni vocatus auspicia nondum quartum suæ ætatis annum expleverat, Regina cui jure eo rempore filii, Imperiique tutela constabat, mater erat ætate rudis, sexu imbecillis, genere externa, & quæ nullam hucusque reipublicæ partem tractaverat, omninò propterea sibi proceres persuaserant Regem, & matrem regiam umbra, atque nomine Regem tantummodo acturos, imperii vim,

atque molem eorum designatorum arbitrio, ac legibus esse, eminentis vocabulis, temperandam. Præcellebat hos inter amplissimi competitorum officii Turrianæ Medinæ Dux, maturus videlicet annis, spectatus prudentia, & suo quoque ingenio, rerumque peritia opido excultus ad regimen capeffendum, & plures quanquam sinceriores in illo affectus, morumque candorè desiderarent, quædam hominis tamen artificiosa tum in agendo, tum in loquendo & illita fūco ostentatio, multarumque ornamenta virtutum, cætera velut fortunæ, aut temporis vitia jam penè obruebant. His accesserat gratia Regis, quæ lucem etiam, & prærium rebus obscuris, ac sordidis quodammodo addit, simul vetus cum eodè exercita, & quæ in omnis domestici, atque Politici arcani conscientiam illum adsciverat consuetudo, neque absurdum præterea videri Regibus, cum magis ingenium & sapientiâ, quàm cultus, & morum, vitæque concentu in ministrorum electione requirunt, tanquam aurum secernentes sibi virtutum, malitiæ scoriæ hominibus relinquentes. Itaque Rex cum paucis aliis collegis Medinæ Ducem etiam stauerat universi regiminis administrum, idque sua manu in quodam secteto codicillo perscripserat. Interim cum dissiderent acriter æmuli, ac frequentes in rem instarent, illos spe dubia pastos, sibi quæ minùs offensos, aut querulos Rex ipse silendo usque ad obitum sustentabat. Nemini hoc notum secretum erat in aula præterquam uni Castrillio Comiti; idem enim Castrillius de re ipsa seorsum consultus à Rege, etsi in illa tutela, ac regiminis parte Turrianæ Medinæ Ducem, quocum vetus simultas ardebat, habere socium agrè, ac molestè ferebat, ne invidia livorque tamen, & cum stomacho Regis, si apertè rem dissuasisset, fortassè pateret, assensus est Regi; sed paulò post

idem negotium, cujus & ipse auctor per pudorem extorto consilio fuerat, nihil aliud agendo, quòd hoc satis proposito duceret, quàm velut casu prodendo, subvertit; effuso quippè Castrillii fraude secreto, postquam Aitone Marchio Regis cubicularius ipsique in primis longa assuetudine acceptus, eas spes, quas dudum in animo sibi diuturnum servitium Regis perspecta dilectio, error quoque iudicii nimium cuique in suo negotio assentantis indiderat, jam in Turrianæ Medinæ Ducem translatas esse cognovit, tunc amicorum instinctu, utilitate, simul ardore æmulationis accensus dolum huiusmodi pro re intervertenda composuit. Assidebat ægritudine afflicto, & sine ulla humana jacenti spe Regi quidem religiosus è Discalceatis Sanctæ Mariæ de Mercede, qui suavitate sermonis, animæ laxamento, rerumque divinarum blanditiis adeò se in gratiam Regis suprema sola jam meditantis immiserat, ut multa, magnique momenti in eo articulo Rex illius hortamento, & consilio perfecere, tanquam melius sibi consuleret, aut conscientiam exoneraret. Hunc cœnobitam arripuit, & plura cum eo de superbia Medinæ Ducis, de avaritia, vanitate, fallacia, & morum insolentia conquestus adjecit, malè Regem Imperio, & peius animæ consulturum fuisse, si extollere veller Medinæ Ducem ad tutelam, regiménque regnorum, tótque & tanta nefarii hominis vitia calore potentis succenderet, atque in omnium exitium, vel fraudem auctoritate publica armaret, minus esse quidem in republica malum negligi bonos, quàm improbos subvehi, hos namque elevari, ut suo more præcipientes eant, eorumque ruina rempublicam opprimi; satis verò sibi præconio, satis præmio virtutem esse. Pergeret itaque statim ad Regem, admonerétque utrùm Medinæ Ducem an

Marchionem Aitonæ, cùm ille satis utrumque nosset, digniorem eo munere judicaret, & num ea præpostera electione Marchionis decus, & fama, regiminis disciplina cœnobitæ conscientia, & Regis insuper anima in dubio esset. Imbutum his sensibus candidum cœnobitam, ac levitate faciliè tortum alii subinde optimates, qui Duci Medinæ invadebant, aggrediuntur, & velut gravius impuri hominis odio, ac reipublicæ malo commoti acerbis collectas à Marchione calumnias onerant, aggravantque, rudémque hominem jam sua sponte incitatum atque calentem dicendi insuper copia, atque acumine turbant. Is igitur ut aulicæ artis ignarus, fallaciúmque sese jactantium in illa partium anfractuum, præstigiarúmque verborum, simul plurium consensu, & contumeliarum colore deceptus ad deturbandum Medinæ Ducem magno animo vadit ad Regem; apud ipsum quanquam morbo defatigatum, religione, justitia, diris in ore, oculisque inflammatus cælitibus inferos miscet, contumelias, & probra omnia contra Medinæ Ducem ab ore inimico missa, impetu quodam verborum, ac flumine fundit, instat precibus, urget minis, adeoque numinis metu, atque extremi, proximique terrore iudicii constrictum perculit Regem, ut hic tandem codicillo mutato pro Duce Medinæ Marchionem Aitonæ Imperii tutelæ, ac regimini adscripserit. Ita porro Castrillii astu, Marchionis ambitione, & Monachi simplicitate dejectus est Turrianæ Medinæ Dux, effectusque ibi, quod alibi sæpè suevit invidiosa, atque aulica concertatio, ut pro certaminis præmio minus officio dignus digniori præponeretur, quorum in aula dissidorum Princeps qui ab aliis exigere pœnas debet, suo sæpè capere luit.

His ita compositis, etiam Galli Regis Orator, cùm audivisset Regis valetudi-



valetudinem ingravescere, primarios ministros per internuntium commo-  
nuir, cum Rege Catholico agerent,  
ut tutor Principi filio Rex quoque  
Gallus vel ad pompam delegaretur,  
id profectò deceret Regem, ejusdem  
sororis Philippi filium & generum;  
distantia quoque locorum plus osten-  
tationis, & gratiæ rei, quàm momenti,  
vel oneris attulisset; postremò arctius  
quoddam cum hac specie fiduciæ vin-  
culum accessisset ad ratum jam inter  
Principes amicitiam, & pacem perpetuò  
stabilendam. Quid porro concinnius?  
quid gratius? quàm ex pulchro, nudò-  
que nomine, ac ritu, quod nihil om-  
ninò nocere posset Hispanis, tantum  
utilitatis haurire. Nihilominus hæc sta-  
tim explosa Galli petitio est; retulerunt-  
que Oratori, cum ea ipsa necessitudi-  
nis pignora, atque ex re publica ductæ  
causæ Ludovico decimo quarto Philip-  
pum quoque quartum obstringerent,  
non ideò ab ejus parente tutorem illi  
Philippum fuisse pro testamento lega-  
tum. Ad hæc vehementer etiam of-  
fensum Cæsarem iri, cum Rege Galliz  
in tutelæ speciem adscito, planè ipse  
Cæsar genere, jure, ac merito Regi  
propior omitteretur. Tandem Hispa-  
norum cessionem regnorum, quæ ad  
Galliæ Reginam, Hispano manente  
jure, ut forminam pertinebant, & quam  
illa in Hispania nuptiarum convention-  
e præstiterat, cum hætenus ratam Lute-  
tiæ, ut in Hispania promiserat non fe-  
cisset, prima non reddita fide, hanc  
rursus vel in speciem tentare supervaca-  
neum videri. Sic Galliæ Oratoris qua-  
situm per ministros Hispanos oppres-  
sum est, atque ea potissimum ratione,  
quia hujusmodi exemplum, in cujus  
contemplatione semper hærentes, nisi  
inde lucem ad operandum accipiant, in  
suis deliberationibus propè torpent, in  
tabulario non invenerunt. Postremò in  
extremis jam Rex constitutus aulicos,

proceres, altiorisque notæ ministros  
accitos pio, mitique sermone com-  
pellat parvuli filii commendans at-  
tatem, amplique perpendens discrimi-  
na Imperii vix Atlantis cervicibus pa-  
tis, ac deinceps infantis humero inni-  
xi. Si obsequium, & fidem in ipsum,  
dicebat, studium, atque constantiam  
ad extremum usque spiritum colui-  
sent, ea fidelius nunc petere officia an-  
nis tenerimû Regem vix loquendo,  
nè dum imperando satis, & cui gratia  
& opinio, & auctoritas desit, præsi-  
dia firmissima imperii. Inde res no-  
vas hominibus turbidis, alacritatem  
hosti, insolentiam, atque superbiam,  
prædandique cupidinem magistrati  
bus nasci, & quia unus, ad quem  
spectat regnare planè non potest,  
omnes propè regnare velle. Inde  
etiam cum ab omnibus quæritur do-  
minatio, falsisque tueri nominibus  
dicitur, ab omnibus perdi, quique  
minùs meretur, minùsque sapit,  
hunc plus audere, ac tali tempore  
ambire. Id esse profectò causæ cur  
sub Rege pupillo dum honoribus  
multi proficere factione, atque opi-  
bus certant, & ideò per fas, atque  
nefas curas publicas usurpare ex re-  
rum novarum fluctibus magnis in  
regno turbis, ac tempestatibus con-  
citaris ipsi postremò & suarum, &  
publicarum rerum interitu conci-  
da t. Hæc autem omnium exitia  
pestesque regnorum pace, & con-  
cordia coerceri tantummodo posse,  
quæ ideò eximia inter proceres, in-  
ter regni administratos coalescere ma-  
jor deberet, scilicet ne arrogantia,  
ne pravo studio, aut concertandi ar-  
dore jus sive ratio à meta defleat,  
nè in Senatu suffragium libidine,  
aut odio labefacteretur quæ sunt fru-  
ctus discordiæ, ac perdendarum  
semina rerum. Præterèa, qui si-  
bi jure commissa negotia publica

„sustinerent, neque rei familiari, ne-  
 „que clientum, neque amicorum ma-  
 „gis vacarent, quam publicæ; talis  
 „enim naturæ in Hispania præsertim  
 „esse multitudinem ministrorum, quæ  
 „& supervacua pluribus videretur, ut  
 „si eadem fidelis erat, & moribus in-  
 „tegra plurimum valitura ad Imperii  
 „tutelam, & incrementum esset, sin-  
 „autem infida, moribusque corrupta,  
 „hoc citius dissolutura. In primis ve-  
 „rò religionem, atque iusticiam his-  
 „que virtutes admittas, ut totius fun-  
 „damenta, atque ornamenta reipubli-  
 „cæ studiosè amplectendas, constan-  
 „tèque tenendas esse, cum nullum  
 „diutius ingentis, & vastæ quantum-  
 „vis molis Imperium steterit pravitati,  
 „impietati, cæterisque flagitiis ob-  
 „noxium; alia secus Imperia initiis  
 „quanquam exiguis oborta, at vir-  
 „tutibus semperata hisque mirabiliter  
 „aucta, multis quoque tempestatibus  
 „inconcussa in perpetuum fortasse du-  
 „ratura fuisse, mali ni tandem mo-  
 „res quos, & ipsa felicitas invehit, eru-  
 „perint, vel nisi fatales essent omnium  
 „regnorum conversiones. Ad hæc,  
 „ne à signatis majorum vestigiis, ac  
 „veteribus institutis pro regimine di-  
 „rigendo aberrarent, iis legibus, iis  
 „disciplinis, quibus Hispanum Impe-  
 „rium esset à majoribus constitutum  
 „conservari, ac florere perquam opti-  
 „mè posse. Veram sapientiam, &  
 „perspicacius ingenii lumen præsci, san-  
 „ctiorisque moris hominibus affulsis-  
 „se, recentiores velut jam lassæ, atque  
 „effata tot seculorum actorum orbe  
 „natura, acutos videri magis, quam sa-  
 „pientes, quodque ipsi consultius asse-  
 „qui rectè possent, per circuitus, ac di-  
 „verticula amittere. Sic veterum fati-  
 „tate, rerum desiderio novarum, falsæ-  
 „que vanitatis imagine, ac voluptate  
 „delusos, dum in melius mutare rem-  
 „publicam quærunt, eandem prorsus

affligere. Ad extremum à præsentibus, atque absentibus suorum regno-  
 rum subditis, si quid ut errore labilis  
 homo, non certè ex animo deliquisset,  
 repetere veniam jam regni cura  
 defunctum, ac si eadem hæretet divisæ  
 quoque animæ affectio, non animo  
 patris. Ita porro gubernationem vide-  
 ri sibi, ita vitam instituisse, ut dignus  
 esset, cujus grata memoria bonis, nec  
 odiosa etiam improbis esset. Cæterum  
 Christiani muneris esse ne dum cre-  
 dere morienti, atque ignoscere mor-  
 tuo, verum etiam ipsum inferiis, atque  
 suffragiis ad lustralium flammæ limi-  
 na prosequi. Rex post hæc insito  
 quidè mortis dolore confusa, ac sæpè in-  
 termissa lassitudine verba, sed quæ pon-  
 dus haberent, conventum dimisit, mox  
 Principem filium ad se vocavit, illique  
 postquam more tradito benedixit, amo-  
 re, ac matre pariter tactus adjecit, Me-  
 liori fortuna, atque auspicio te nate Im-  
 perium accipiat, quàm diù me tenuit,  
 Joannes Austriacus deinde infans Rege,  
 ac Regina à Consocra oppido occultus  
 ad Regiam accessit ultimos patris am-  
 plexus exoraturus, quod per amicos  
 maximè intendit, sed cum hic ulterò  
 non vocatus à patre venisset, nec illa  
 injussà cum Rege congressio probata  
 Regina fuisset, exinde porro illegiti-  
 mum filium ætate adulta, bellicosum  
 ingenio in legitimi Regis infantia re-  
 torto jam oculo aspicienti, idcirco non  
 placuit Joannem ad Regem admitti; is-  
 que illa spe devolutus, quæ altior erat,  
 quàm apparebat, ac Regina maximè  
 offensus Consocram rediit. Rogatus  
 postremò Rex quid de regno Lusitanie  
 jam moriturus statueret, respondit,  
 quibus à se traditis codicillis ea de re  
 satis esse Reginam instructam; mox  
 lethali morbo magis gravatus, ac  
 pressus communi omnium deside-  
 rio, ac dolore Rex Philippus extin-  
 guitur.

Fuit

Fuit in Philippo IV. Hispaniarum, atque Indiarum Rege summa intergritas, religio, iustitia, verecundia, modestia, inrerque adversas fortunæ procellas, ac fluctus, quæ clavum ipso tenente, acerbissimè redundarunt, mira æquabilitas, atque animi magnitudo. His accessit perspicacitas singularis, mentis acies, acumen ingenii cujuscumque negotii capax, rerumque agendarum tam sublinis intelligentia, ut ferè nunquam, ne in minimis quidem rebus offenderit, quandoque & perrarò suo ipse ingenio, atque consilio usus. Cæterùm ingenito quodam ne in errorem incideret metu, ideoque ex hac parte animo nimis abjectus, ac fractus, ac ministrorum arbitrio, nurique pro moderando regimine pendens, cùm Regis vices cum ministri confunderet, qua ratione sibi ipse imperare, ac regiminis lapsus immediatè cautus effugere studuit, aliorum obsequi erroribus ac voluntati servire compulsus est. Sic adeò ingentes animi dotes timiditate interceptæ aruerunt absque ullo reipublicæ fructu: Imperium filio reliquit multis membris, ac partibus diminutum, effusa namque auferendi, largiendique licentia tum avarè, tum insolenter ea turba ministrorum abusa, eousque divitias, ac redditus regio, Rex idem cùm nosset, & conniveret, mercedis, aut stipis, aut præmii vocabulo hausit, ac malè distribuit ut Rege exhausto, privaris passim expletis maximè nunc ætarii egestate periclitetur Imperium. Notatur etiam juvenilitas Regis ut nimium sensus delinjis, amatorisque levitatibus dedita, & cujus inreperantia enervatum, ac debile corpus nondum maturæ senectutis tradiderit. At hujus profectò vicii, siue lusus ætatis astus illorum præcipuè sustinet culpam, qui otiosis eo tempore curis Regem implicitum voluerunt, ut ipsi publicas usus-

parent. Illo tamen prioris, ac lubricæ ætatis ardore restincto, & qui hæc vitia incendebant jam satis superque potentibus rerum gravitatem Philippus & pudicitiam nutriticè coluit. Tandem qui pro sua indole, ac genio ministrum aut privatum optimum præstitisset, in Regis persona sefellit. Philippi funeri iustis regio de more solutis, & apud Escorialium in magnifico, ac veteri Regum Hispaniæ sepulchro condito, testamentum ejus paucis cotam primisque procerum recitatur, cujus summam, quia vulgatum non est, & plurima continet regimini salutaria, atque eximia pietatis exempla hinc apponere juvat.

A religione, ac Numinis reverentia Philippus Rex auspicatus, studium in primis commendat, & cultum Catholicæ fidei, Apostolicæ sedis obsequium, sanctæ Inquisitionis officii contra hæreticam pravitatem assiduam tutelam, & curam; quapropter si quis fortè aliquando ex successoribus regni aversus à Catholica fide in hæresim cecidisset, hunc statim exposuit regni jure delapsus, sua sponte ejuratum, & limite regni, Regisque fuscibus protinus exigendum. Monet deinde filium hæredem, Regemque æquitatem cum iustitia, cum mansuetudine gravitatem, metum attemperet cum amore, ut curæ affectusque similitudine verius in Rege clientes, patrem habere, quàm Dominum, custodem quàm vindices sentiant, ita enim homines nati, ita educati sunt ut nec deformis servitium, nec nuntiam pari licentiam possent. Præterea in sententiis, atque consiliis, quæ pro jure regiminis tractarentur, ne illa ratio Politica, quæ statutus appellaretur bono, honestoque anteiret; pura, atque integra ingenii, mentisque acie clariùs, & longè initia, cursus, & rerum eventus prospicientibus patuisse, hoc delectabile, & utile

quod brevi ex nefario consilio perciperetur, denique accescere, & vota, atque exitum destruire. Graviorum postremò agendorum negotiorum, & in consultationem venientium de more silentium jam strictius inter Hispanos antiqua Regum disciplina sancitum & fervare ipse, & servari diligentissimè incumberet, arcanorum enim effusio inanes, stultosque vulgò rumores, & ministris ludibria, & tumultum rebus ipsis deliberandis, ac peragendis, & causam præberet amulis, hostibusque antevertendi consilia, vel perturbandi, multaque egregiè sæpè consulta, quia immaturè detecta, corrupta sint. Subindè Hispanorum regnorum successioni Philippus hunc ordinem statuit. Primus ut sobolis jure proximus Carolus filius succederet. Hunc absque prole fortè sublatum soror ejus subsequeretur Margarita Austriaca Cæsari tunc desponsata; Margaritam nati ejus, & progenies inde virilis, sive muliebris, serie quoque successione suis gradibus constituta. Quod si Margaritam, & Carolum interire absque liberis contigisset, tunc Dux Sabaudie ratione Catharinæ quondam Austriacæ, cujus connubio Austriaca domui Sabaudie sanguine, & jure juncta erat succederet; Hispanoque Austriacæ familie cum illo duntaxat ramo quem ex Hispaniana in Germaniam Margarita referret, aliquando succiso stipite, regnorum omnium hæreditatem Sabaudium genus exciperet. Maria Teresa Austriaca Regina Gallie nati licet major Philippi filia ab Hispanorum regnorum successione omninò etiam maneat ex vi tabularum exclusa. Hujusmodi enim conditione Anna Austriaca ejusdem Philippi soror Ludovico tertio decimo nupserat. Idipsum quoque præter legem, & acta conventionis jurata dixerat Maria Teresa, priusquam Ludovico etiam Regi in matri-

monium collocaretur. Perperam enim secus Hispanis consulum foret, si iidem per Salicam legem à Gallie hæreditare prohibiti per inæqualia feminarum connubia Gallos ultrò vocarent ad Hispaniæ possessionem, & terminæ darent imperia, non redderent. Ad utriusque præterea Imperii durationem, & robur maximè pertinere, ne quoquo pacto hæc duo amplissima regna connecterentur, quia ubi immensa latitudine crescit Imperium, variæque apud se nationes, linguas, mores, & jura complectitur laboriosum hoc multò plus, quàm diuturnum suæque corporis mole, ac nimis propè viribus conflictatum citius ruirurum existimetur. His & addi animorum contensionem inter se tantam, & tantam ingenii novumque dissimilitudinem distrahere, atque afficere Hispanos, Gallosque populos, ut si eos contra impetum illum animi, ac repugnantiam morum sub uno jugo, sub uno Principe convenire aptarique coëgeris, utraque in se contrita, permixtaque regna, primò discordiis exposita, post defessa, & inter se lacerata facilè externis prædæ futura sint. Quocirca Maria Teresa hæc duo ne implicaret Imperio jure optimo exheredat, atque exclusa viro si quando ac liberis vidua ad Hispaniam regrederetur, Regisque fratris rursus arbitrio nuberet, prioris intercisæ conjugio regni tunc jura resumeret, modò ne illa ad quemquam Principem Gallum secundas per nuptias transmitterentur. Aureorum præterea quingenta millia Teresæ pro accessione pollicita dotis, nec, quoniam abdicationem, ut initio convenerat, Hispaniæ regnorum nondum ratam Lutetia habuisset, hucusque soluta, illi tamen numerarentur, cum satis fiducia esset, quod ita communiter interesset datam fidem exoluram. Cæterum, qui Hispanum utcumque Imperium suscep-

pturus

peturus fuisset, caveret præsertim ne hoc unquam divideretur, neve scissum atque in membra concisum Tyrannos, aut Regulos constitueret, & quia simul coherentia imperare regna nescierint, distracta tandem, omnino debilitata atque assulibus opportuna ne jugum, & leges ab externis acciperent. Imò verò quod in posterum restitutum, aut partum jure, vel bello Hispaniæ regnis adjunctum fuisset, indissolubilis hoc vinculi lege constrictum inseparabile permaneret. Imperii, ac regiminis caput, ac sedem sicut more vetusto hucusque servatum est, Castella teneat. Nam præterquam quod nec decori, nec usui utique essent frequentes aulae mutationes, nec qui tandiù assueverant aulae deliciis, congressu, aspectuque Principis frui, illo carere sine periculo possent, cum in immanes quoque bellorum sumptus, regiàmque tuendam magnificentiam, longè plus Castellenses, quàm reliqui subditi contulissent, æquum erat in illos intendere officia, ipsorum commoda augere. Gubernatio autem Imperiique tutela molli, rudique ætate Regis interfluente hac regula instituitur. Sustineat in primis Gubernatrici auctoritatem ac molem Regina mater absque ulla rerum gerendarum exceptione. Assideant illi res publicas temperanti sex præcipui Consilarii, scilicet Castellæ Aragoniæque Senatus Præsides, simul cum his Toletanus Antistes, fidei supremus Quæstor è Senatus Statu Pegnorandæ Comes electus, ex numero verò magnatum Marchio Aitonensis, quorum hominum aliquo, casu, aut interitu ablato, aut in criminis pœnam expuncto, ex eodem gradu, aut collegio, in quo prius intercidisset, alius statim assumptus, & substitutus descriptum numerum impleat usque dum Rex quartum decimum egerit annum, mentemque

docilem præ se tulerit, & habilem imperando. Si inter tutelæ ac regiminis curas fortè diem suum obire Reginam contigerit, iidem selecti ex Ordinibus administri tutorum officio atque nomine Regi puero statuto tempore serviant, sin Rex interierit iidem similiter res publicas administrent, donec legitimus Regni successor ad Hispaniam migrarit, nec ille impar etiam præ ætate fuerit Imperii oneri subeundo. Cæterum quorum consilio, aut arbitrio tantæ volvenda administrationis machina incumberet, his maxime curæ sit, ut ad dignitates atque altiora magistratus officia per gradus fieret ascensus; minora enim officia rudimenta majoribus erant, & humanos errores, lapsusque in re exigua, quam in magna fortasse experiri, aut in partibus errando discere satius erat, ne vœa dignior digno, aut quod deterius profectò esset, invaderet indigno, vel incolis tribui solita munera alienigenæ invaderent. Monuit etiam hoc testamento Rex, quantum per impetus rerumque ordinem licuisset, exonerari tributis populis, reddi Ordinibus Militaribus, quæ illis antea per Reges erepta fuissent, bona regia oppignerrata redimi, ætario ablata restitui, æs alienum à se contractum extinguere, mercedes pecuniarias personis meritorum ratione collatas, ne hæreditariæ fortasse fierent, illarum morte dissolvi. Reginæ nuptialem supra redditam dotem trecenta nummum millia per singulos annos, dum viveret, assignari, volentique in aliquam regnorum Castellæ partem sua sponte secedere, ejus ipsi regimen urbis tradi, quam sibi in sedem elegisset. Erat insuper Regi aurea quædam è cruce Christi pendentis minusque materia, quam artis pulchritudine insignis imago, cujus in crucis amplexu Carolus Quintus Cæsar efflaverat animam. Hoc summum Christi-

stianæ pietatis argumentum, & pignus à Carolo postea Quinto ad Philippum Secundum, ad Philippum pariter Tertium cum tempore, ac fide translatum in ultimo vitæ agonie tres maximos Reges adjuverat. Ea porro nunc religionis, Patrûmque secutus in extremo vitæ cursu vestigia Philippus Quartus præceperat, ne sacra illa imago, antequam ipse expiraret, ab ejusdem brachiis avelleretur, ac simul testamento mandavit, ut eandem Christi patientis effigiem fideicommissio alligatam filius sibi, atque posteris asservaret, ea ipsa ad sacrum illud ministerium pro extremi anhelitus tempore usurus. Sacras alias sanctorum reliquias auro, gemmisque distinctas, quarum, & copia, & elegantia mirifica erat, Reginæ reliquit, meminîtque Joannis Austriaci in illo duntaxat, ne quid ipsi fortè deesset, quod ad cultum, vitæque splendorem regis stirpis personam deceret, ne palam suspectum, sive contemptum redderet filium si omnino tacitus præterisset, neve ad honores, & publicas curas extolleret, è cujus fortasse capite, si quid turbulenti in Imperium propter Regis pueritiam influeret fore ut emanaret, prudenter intelligebat. Tandem Regum Castellæ vetera testamenta adhuc neglecta, ac longo propè tempore abolita, excuti ipse executionisque mandari jussit, de suo, qui curarent, quosdam aulicos, atque procures, quorum fidei maximè tribuebat, nominavit. Hæc est series compendiaria testamenti Philippi IV. Hispaniarum Regis.

Postquam verò defuncto, ac tumultu subinde Rege impositum sibi Regina Gubernatricis munus, ac titulum sumpsit, prima, & quæ ministros, & illam maximè urgebat, potissima cura fuit de Lusitano bello deliberatio. Hujus enim omisso, vel belli continuatio, ut multa ingeniorum, & com-

modorû quoque diversitas in variæ fortis hominibus versabatur, variè in aula Statûsque Senatu probata improbatave erat. Quamplures animo erecti, intentisque Principatus mutati vitio explorare judicii dotes, ingenium novorum Gubernatorum, verba, consilia, facta, rimari, simul etiam detrahere calumniis, mordacibusque facetiis, quæ ut obliquè, ac per risum contortæ acrius quàm stimuli sæpissimè fodiunt, atque ex eo Imperium everti, queri, quod idem essent à regiminis curis exclusi. Infesti, adversique huic maximè bello, at ipsi latenter, Hispani magnates erant, sicut Bregantio plerique amicitie, propinquitatis, rationum suarum nexibus juncti. Defessus tributis, ac vectigalibus populus, & orbitate in familias per multiplices clades invecta à bello isto abhorrebat tanquam à scopulo fortunarum, domorûmque suarum; regni que administris luctuosa, & crudelis hujus toties experta fortuna militiæ gravio-rem sub Rege pupillo metum incutiebat, cum liberior eo tempore ut sine Rege populus, procaciores hominum linguæ, solutiores ambitiosi, rerûmque novarum avidi, & homines turbidi vagarentur. Nemo omnium tamen ipsa Regina cupidius huic imponere bello finem desiderabat, quippe quæ trepida secum considerabat, nec felicius, nec diligentius esse quidem res militares sub fœminæ cura, & auspiciis habendas, quàm sub Rege Philippo fuerint, ac si melius illis fortasse, quàm antea, provisum fuisset, quis rationes consiliorum, ac militares artes, non belli fortunæ comites, sed planè Duces, ut fatuè velle populus videbatur efficeret? Neque præterea tantum auctoritatis, & gratiæ, tantum roboris esse sibi, quò si clades fortasse præteritis similes incidissent, ea tempestate posset fortunæ, vulgus, & æmulorum impetum ipsa femina

fœmina sustinere; præsertim acerbiori si aliqua accepta clade invidiosius, atque vehementius per causam obtentam in illam animi conspirarent. Verumtamen mœsta, & sollicita quoque in eodem negotio sententiam oppositam librans hærebat, ne per se modo Gubernatricem tam citò cum Lusitanis composita pace, tunc scissione nobilis regni ipsa ab Hispanis laceraretur, suam nempe opinionem, Castellæ nomen, ac decus suisque initia regiminis turpiter sigillasse; simul inertem artibus belli mulierem, inertiozem Politicis fore, cum aliæ aliarum in gubernando adminiculo egerent; & nimis citò sensisset Hispaniam Regis Philippi mortem, & malè foeminam auspiciatam à regni jactura esse. Neque etiam Reginam larebat, qui modò secum pacis hortatores vehementer agebant, cum eam impetrassent, obrectatores subinde futuros, & more suo vulgum circumferente sententiam, & vota solitum, ut fallerent procures consultò mentiri. Hæc volutanti postremò Reginæ succurrit, conficere pacem cum Lusitano, sed fallaci quodam ambitu usura, primò ne otii cupidus deterreret, pacis se ipsam bellique medium ostendere statuit, post ministrorum inclinatione perspecta palam, sed fideò contradicere paci, hanc denique amplecti, sed tanquam invitam, & ministrorum consiliis, ac precibus expugnatam. Favebat in primis huic secreto Reginæ consilio Turrianæ Medinæ Dux, qui semper ipse adversatus huic bello gerendo fuerat; nunc verò, quia filium Ulisippone captivum habebat, & quem non poterat pecunia redimere per pacem recipere satagebat, captaris temporibus acrius invehebatur in bellum. Igitur pet secreta, per consulta publica Dux instigare Reginæ, ad pacem ministros impellere, nunc collegas, nunc proceres convenire, usque amplissime os-

tendere, bellum hoc Lusitanum aut pace, aut excidio Castellæ terminum habiturum; contempti temerè, ac sæpius hujus consilii sui tot cladibus, tot ruinis everse, atque afflicte propè reipublicæ cum mœrore, ac dedecore satis pœnarum oppositos sibi solvisse ministros. Cura, & vigilia multò magis quàm antea oculata esse nunc res moderantibus opus, lubrico jam sub Rege pupillo Imperio, ac forma regiminis conturbata. Astrepebant, & alii palam ita forsitan sentientes, aut falsò Duci Medinæ assentantes, aut aliis utilitatibus servientes, eoque vulgò jactata, flagrantibusque studiis incensa ea conspiratio sententiarum inter primos hominum est, ut multis nec dicere quod sentirent, nec planè tacere liceret. Igitur cum eò devoluta res esset, quo cautè ab initio per astus Regina spectaverat, cumque ideò ipsa paci oblectata adhuc acriter esset, tandem velut omnium raptata consensu scripsit ad universorum Ordinum Præsides, qui apud aulam immorabantur, ut omnium Senatorum sententias in singulis conciliis seriò, ac diligenter excussas de scripto prolatas sibi transmitterent, discernentes pacem an bellum cum Lusitanis habere mallent. Ea res, ut Regina præceperat cum agitata communiter esset, omnes omnium conventuum Consiliiarii planè concordiam, & pacem Reginæ consuluerunt præter Status Senatum Lusitanum, qui ex Lusitanis fideissimis constitutus adhuc prisco retento more in aula perseverabat. Ille quippè de re consultus modum, & causas, & copiam Reginæ perhibuit, quibus ducere bellum si placuisset fas, nec factu quidem difficile esset; sin minùs, bellum remitti, aut intermitteri censuit, contumeliosam, turbulentam, insanam fore cum obstinatis rebellibus pacem dictitans. Arroganter quibusdam ea Lusitani Senatus sententia

sententia, in ludibrium nonnullis sive tenerè prodita visa est, tanquam homines Lusitani universis Castellensibus reclamantes in Castellæ rerum emolumentis, & causis excutiendis majori quàm omnes Castellenses aut iudicio præditi essent, aut charitate flagrant. Rem tamen solertiùs, ac mitiùs interpretantes, eam veriùs cautam, & providam, quàm insolentem sententiam reputavere, etenim à Lusitanis pro Lusitanis proposita pax, ut humanos inter affectus superare censetur patria, ut indelebile esse inter nationes æmulas odium, semper invidiosa, nimisque suspecta Castellensibus extitisset. Ita res sæpè occurrunt, quæ utcumque tractentur vellicationes, aut morsus hominum subterfugere nequeant, tam latè malitia patet, tamque ipsa infelix, ac dura tractatio reipublicæ est. Seriùs ominò tandem apud Status Senatum agitata res est, ubi sententiam rogatus, sic ferè locutus fertur Turrianæ Medinæ Dux.

„ Frequenter equidem verba in hoc  
 „ ordine faciens Lusitani belli ut teter-  
 „ rimiarque Imperio summè execrabi-  
 „ lis perpetuus, ac dissuasor acerrimus  
 „ institi cum pertinacia, atque virtute  
 „ gentis impulsus, tum copiarum ex  
 „ fœderatis accessione, atque ipsa for-  
 „ tuna belli, quæ furere in nos fatali  
 „ quodam impetu visa est, rebus au-  
 „ tem in hunc modum hoc tempore  
 „ constitutis asserere cogor, citiùs hoc  
 „ esse mutandum cum pace bellum,  
 „ secus universum in præceptis Impe-  
 „ rium concordie dilatione tracturum;  
 „ unam tantummodò huic publico in-  
 „ cendio, aut rerum omnium naufr-  
 „ gio succurrere pacem posse. Omnia  
 „ profectò genera belli aut pacè, aut  
 „ servitute, aut ruinis, aut Imperii  
 „ funeribus finem habere necesse est,  
 „ aut illa saltem conditione, quam im-  
 „ ponere supra victos, iis, qui vicerunt

collibuisse. Desperata itaque nunc  
 Lusitanie victoria, ut satis hucusque  
 mihi, & qui aliquid sapiunt specta-  
 tum est, pax nisi maturè cum Lusi-  
 tano conveniat, in illas oportet mi-  
 serias, & rerum calamitates incide-  
 re, quas belli ruinosæ, voracæque  
 contrahere conditio sola, aut victo-  
 ris superbia, sive crudelitas statuisset;  
 tantum enim abest, quòd Regi no-  
 stro Catholico aliena petere regna,  
 aut amissa retipere his temporibus  
 liceat, ut sua potiùs quæ tenet, &  
 jam novitatibus fluctuant, stabilire  
 necesse sit. Unde ergo spes nunc af-  
 fulget, ut rem clarius per capita ex-  
 ponam, Lusitaniam per arma recu-  
 perandi? ex qua rerum copia, seu  
 propitio fortè explorato fortunæ  
 cursu hæc statim se nobis victoriæ  
 sustulit expectatio? In Elvi obsidio-  
 nem, acrius olim, ut planè scitis ob-  
 nixi sumus, cum validæ urbem co-  
 piæ circumfiderent, urgeretque ipse  
 præfens Ludovicus Atus Hispanarum  
 tunc arbiter rerum, sed tandem  
 soluta est urbis obsidio, Castellæ  
 exercitus cæsus, Arúsque improspere  
 Politicarum initio rerum fortunam  
 expertus, deteriùs deinde belli fortu-  
 na jactus est. Post hæc pacta, raræ  
 que per nuptias Gallo cum Rege pa-  
 ce, nos cunctis simul coactis Impe-  
 rii viribus, ærariique in unum incum-  
 bentibus opibus ingentem in spem  
 erecti conculcandi, obruendi no-  
 bis finitimos Lusitanos, hoc animo  
 cum exercitu, & fortissimo quoque  
 Duce propè Estremotium Lusitanis  
 occurrimus, & clade Canalia prostra-  
 tumus locum illum ignobilem Cas-  
 tellæ nota, & cruore nobilitantes.  
 Nullus tunc tantæ cladis humanis se  
 offerentibus causis, suspicio nec le-  
 vis cum incidisset, Castellenses quia  
 plerique tyrones erant, veteresque  
 quia sæpè illi vicerat longa jam erant  
 Lusitano



„Lusitanorum formidine capti, minus  
 „fortasse appositos huic bello feren-  
 „do esse, veteres ab Italia, atque Bel-  
 „gio traduximus legiones, Germanos  
 „plures conscriptimus milites, Hel-  
 „veriosque animi immanitate, vi cor-  
 „poris aspectuque Hispanis ferè terri-  
 „biles. Nihilo tamen minus Hispani,  
 „novi, atque veteres, nostrates, &  
 „alienigenæ, ignavi, feroces, inertes,  
 „ac peritissimi milites omnes à Lusita-  
 „no iterum, iterumque victore circa  
 „Monclarū truculentissima clade con-  
 „triti sunt, atque afflicti. His rebus etiā  
 „adjicio steriles rot annorum labores,  
 „profusiores, & irritos sumptus, qui-  
 „bus quinque, & viginti circiter annos  
 „cum summo detrimento, ac dedeco-  
 „re oppugnata per nos Lusitania non  
 „modo proterva contumāxque huc-  
 „usque resistit, sed etiam victrix assur-  
 „git, gravioresque terrores, ac minas  
 „ubique jactit. Ibi præterea Marchio-  
 „nem Turreculum, ibi Leganesium,  
 „ibi Joannem Garaum, Austriacum,  
 „Carazenæ Marchionem, aliisque  
 „præclaros, & inclytos Duces fractos,  
 „aut profligatos fuisse aut inde cessisse  
 „partis antea laudibus imminutos. Igi-  
 „tur jam exhausto numis ætario, vete-  
 „rano milite prorsus absumpto, magni  
 „nominis Ducibus multis, quorum alii  
 „interierunt, alii obtorpuerunt, alii tot cla-  
 „dibus eruditi mutati consilio sunt, in  
 „hoc bello continenter afflicti, adhuc  
 „animus erit nobis id assequi nunc sub  
 „Rege pupillo aut pervaciis persequi  
 „velle, quod, & integro Rege Philippo  
 „ne dum extricatu difficile, sed etiam  
 „exiru lucuosum perspectum est? An  
 „fortè nos ignoramus, quæ pericula,  
 „quæ publicæ imminet Imperio clades  
 „Regem ætate parvulum sustinenti?  
 „Hispanos sapientissimos quosque Re-  
 „ges peculiaris ferè semper in animo  
 „pupugit cura, ut pueris, & infantibus  
 „maximè filiis pace, & concordia pa-

catum relinquerent regnum, ne hoc  
 ipsum tutelaribus regiminis inconstan-  
 tia, atque ineptia parvi Principi-  
 pis, per se nutans foris quoque pe-  
 riculosius armorum tempestates illi-  
 derent. Scimus præterea Gallicum  
 regnum in quæ bellorum turbamen-  
 ta civilium, atque externorum in-  
 cursiones, Orbisque ludibria nihil  
 aliud vehementius conjecerit, quàm  
 Regum pueritia, adeo, ut celebris  
 illa, quæ per multa argumenta variè  
 distrahit Politicos disceptatio, præ-  
 stet ne popularium suffragiis, an jure  
 hæreditatis adscitum accipere Regem  
 in eo maximè infirmet transmissa so-  
 bolere regna, quod Regibus pueris ple-  
 rumque contingat quasi vacua sub-  
 verti regna priusquam ea clavo suf-  
 ficienti, atque idonea ætate suscipiat  
 legitimè regnatura. Hæc passim à  
 nostri Regis ætate, rerumque præsen-  
 tium conditione gliscientia pericula  
 nobis, una duntaxat coercere quæ va-  
 leat, superest via pax scilicet, & con-  
 cordia foris, domique parta, & velis  
 ut dicatur, remissæ quæzita, nam  
 apud Hispanos coalescere mirè solet  
 pax interna cum externa conjuncta,  
 cum bellum fixerit, tristesque even-  
 tus ingeminaverit, turbæ, & querelæ  
 statim erumpunt, quasi negligenter,  
 aut turpiter à ministris regiminis im-  
 peretur. Quod amplius metuendum  
 profectò nobis cum Rege minori est,  
 ubi & valet prætextus, ac species, &  
 fervet ambitio, & gubernii auctoritas  
 languet, & omnia opportuna, atque  
 prona turbulentis hominibus fiunt.  
 Non adeò quidem asserere esse nunc  
 extra hunc Ordinem quosdam, qui  
 turbandi, miscendique cupidine res  
 transversa, atque noxia hæc Lusitani  
 belli consilia producat, quanquam ni-  
 hil est adeò turpe, quod ad rem sibi  
 propositam aversetur ambitio. Cæterum  
 quid sibi vult hoc tam obstinatè pro-

„ tractum bellum , tam imprudenter  
 „ consultum sine pecunia , sine milite,  
 „ sine opportuno Duce, hoc gracili Re-  
 „ ge, hæc adversâ fortunâ, spe quoque &  
 „ opibus nostris undique profligatis, &  
 „ quo tempore potius rueri ab omni  
 „ parte Castellam oportet, quàm offen-  
 „ dere Lusitaniam ? Constat enim ar-  
 „ morum fragore maximo strepere,  
 „ clientisque ciere pro novi belli appa-  
 „ ratibus Gallum, jure uxoris nirenem,  
 „ in Reginam scilicet Galliar, Braban-  
 „ tiam in Belgio esse Philippi patris obi-  
 „ ru devoluram; fœdera idcirco ab ipso  
 „ cum Rheni Principibus constituta,  
 „ tractum in partes Rëgem Suecum,  
 „ Regemque Britanniar, totam semè  
 „ Germaniam commotam, & scissam  
 „ esse, rëque novas circumspectanrem.  
 „ Hujus verò Provinciar Principes sibi  
 „ alios Gallum junxisse socios, inter se  
 „ alios insidiis commissos in mutuam  
 „ pernicië atterere, per fallacia promissa  
 „ nonnullos cõsopitos, ac ferè torpidos  
 „ detinere, nihil ab eo inexploratũ, nihil  
 „ intentarum, nihil omissum consilio,  
 „ fallacia, industria, labore, audacia, pe-  
 „ cunia, gratia ut amicos sibi pararet, aut  
 „ intet hostes discordias sererer. Hæc  
 „ aurem armorum procella rot consiliis,  
 „ tot clientelis, arque apparatus gra-  
 „ vis, atque ex tot regnorum perturba-  
 „ tione collecta, quorsum jam probabi-  
 „ lius videtur vobis, quàm in Hispani-  
 „ am exoneranda ? Pergite itaque sta-  
 „ tim in aciem, excitate vos, irritare Lu-  
 „ sitanũ Leonem jam dormiëntem; con-  
 „ tendite illam audaciâ qua toties ob-  
 „ triti estis; distrahire firmissimas vires,  
 „ quæ cujusmodi sint, eas nunc stabilire,  
 „ atque intendere contra Gallum opor-  
 „ ret ad extremâ usque pernicië Hispani-  
 „ ar minitabundũ; frãgetis facilius im-  
 „ petũ Lusitani, si vos â tergo cæciderit  
 „ Gallus. Rex Philippus pacem Gallo  
 „ quamvis iniquâ obtulit, ut Lusitanum  
 „ tandè opprimeret, is omninò diffusus  
 „ satis se eo tẽpore Gallo, satis Lusitano

oppugnando esse, neque portò tanta  
 runc pertinacia, fortuna, vigor, alacri-  
 tas animi tanta, mortisque contemp-  
 tus in Lusitano parebar, ut iteris pos-  
 steâ cladibus paruit, & pax ea quoque  
 in Lusitania recipiendæ consiliũ fru-  
 stra contracta est; nos modò, quæso,  
 duplex, bellique anceps non pudet,  
 aut piget velle spontè subite onus no-  
 stro cruore, nostra ignominia toties  
 expertos esse bellum Lusitanum His-  
 panici ærarii cladem, Castellensium  
 carnificinam, fortunarum nostrarum  
 scopulum, voracem Imperii furiam,  
 pestemque multòq; plus animo nos,  
 viribùsque complecti posse confide-  
 re, quàm acerrima sibi Philippi mens  
 sumpserit in meliori quidem rerũ, ac  
 temporũ cursu ? Quid tandem si utri-  
 que suscepto temerè bello adversa  
 fortuna fuerit ? Quid si tanto armorũ  
 incẽdio ex parte Galliar, ex parte Lusitani-  
 ar furesti civilium hinc etiam ira-  
 rum faces accefferint, quas turbidi so-  
 lent homines in reipublicæ malis ac-  
 cendete ? Incredibilia, aut valde re-  
 motis subjecta casibus ego utiq; non  
 commemoro; si faro, si nostra segnitie,  
 aut nervorum nostrorum infirmitate  
 vincunt nos Lusitani, qui longè  
 minus, Galli nõ vincẽt, qui plurimũ  
 possunt; an cum immanibus pares nõ  
 sumus, superiores valentioribus eri-  
 mus ? Quid si utrique arma, & con-  
 silia forsasè conjunxerint, qui di-  
 visim nos quoque lacerant ? Quid si  
 etiam Angli, si Hollãdi insidi semper  
 amici, ancipites hostes accefferint ?  
 Id ne animi in præsens nobis, id robo-  
 ris inest, ut tantæ impendenti armorũ  
 pro bello moli, tantæ domi etiam in-  
 fidiarũ citra ruinam, & rerum omniũ  
 exitiũ cervices nostras opponere va-  
 leamus ? Dicer fortasè aliquis, hanc  
 ita ineundam cum perduellibus pa-  
 cem ad summum videri utilem, ar fœ-  
 dam ipsam, ac turpem in rorius Euro-  
 pz ferè prospectu censendam esse :

modera

„moderarius itaque fore videri, subla-  
 „ta pace, bellum suspendi, quo nec  
 „belli pernicies nobis, nec turpitudine  
 „pacis offenderet. Equidem huic homi-  
 „ni assensus pacis quoque consilia dam-  
 „narem, & commodi loco ducem, si  
 „hæc haberi absque pace belli interrup-  
 „tio posset, aut Lusitanos planè con-  
 „staret ab insidiis, bellique assulibus  
 „conquieturos à nobis etiam non la-  
 „cessitos. Qui verò tuta, atque integra  
 „fide profitebitur nobis, illum tumo-  
 „rein animi Lusitani, hunc secundum  
 „fortunæ cursum, res tempestivas, ve-  
 „tera odia, incitamenta Galli in certam  
 „sententiam nos eos adductura, nos  
 „ita enerves, ac fluidos, ac propè ca-  
 „pite orbatos posse etiam invitos ad  
 „pacem petendam cogi, se seque nunc  
 „offerentem, & nostris ab hostibus in-  
 „culcatam occasionem aspernatos?  
 „Porro hæc tam violenter, tam acerbè,  
 „tunc fortassis extorta pax, ni deterius  
 „fortè contingeret, ea ne utilior sive  
 „honestior futura esset, quæ nunc re-  
 „bus illorum dubiis, nostris fractis, nec  
 „prorsus afflictis cum Lusitanis cõpo-  
 „ni potest, & quam ego, ut æquam, ne  
 „iniqua illa succederet, & tanquam ad-  
 „aram tot insectantibus undique malis  
 „effugium constantissimè persuadeo?  
 „Regio profectò decore, ac ma-  
 „jestate dignum existimant sapientes  
 „cedere tempori, & quò necessitas po-  
 „stulat, inclinare, atque inflectere se, &  
 „ideò nonnunquam, ita si postulet cal-  
 „culi ratio, affectam, & ægram quoque  
 „reipublicæ partem abscindere, ne belli  
 „gradatim serpentibus malis, totum  
 „denique corrumpatur, ac pereat Im-  
 „perium. Res certè Hispana non ita  
 „ruerat, nec puerili, ac muliebri, ut  
 „nunc laborat regimine laborabat,  
 „cùm infelix, vetusque Lusitanix Phi-  
 „lippus pertæsus omnino bellum, nec  
 „minùs satietate, & fastidio quàm viri-  
 „bus lassus hoc revera desiderabat, si

aliqua honesta proponi posset, condi-  
 „tione componere, sed quia & publica  
 „injuria, & propria erepti sibi à subdito  
 „regni ancipiti velut aculeo repungi,  
 „ac dolere se sentiebat, sapienti, utili-  
 „que consilio ira, seu pudor in Rege re-  
 „luctabatur, tunc & pavor Consiliariis,  
 „qui ejus introspexerant mentem, in-  
 „cesserat, vera, ac simplicia de bello  
 „monendi Regem. Hunc autem Philip-  
 „pi Regis interitu cùm ratio illa quo-  
 „que privatæ injuriæ interierit, mutata  
 „publica sit, nos hæsitamus, nos modò  
 „cunctamur pacem amplecti, cùm am-  
 „plius bellù sustineret non possumus, &  
 „injurias ulcisci quærimus, dum extem-  
 „plò mederi reipublicæ vulneri opor-  
 „tet? an Carolus noster secundus cùm  
 „adoleverit nec irascatur fortè metui-  
 „mus, quod hæc pacis cum hoste con-  
 „ventio Hispano ab Imperio Lusitanix  
 „avulserit, quam illi jure cohærentem  
 „reliquerat Pater antequam vivis ex-  
 „cederet; imò verò cùm jure pupillo  
 „turela soluto fas sit, & nostra, & acta  
 „quoque rescindere matris, si per tem-  
 „pus, virisque licuerit acta nostra se-  
 „mel delendo insurgere in Lusitaniam,  
 „& amissum læsum repetere jus, laudave-  
 „rit potius, nos, matrisque prudens ar-  
 „bitrium per insidiosam, nūquæ fra-  
 „gilem quamdam cum Lusitano com-  
 „positam pacem cætera regna cadentia  
 „sustinuisse, integrum ipsi jus Lusitanix  
 „servasse. Quæ quidem omnia ita in-  
 „ter se conspirantia, causeque, ac  
 „temporibus congruentia fatalis quæ-  
 „dam rerum constitutio disposuit, ut  
 „nihil hoc Lusitano bello importu-  
 „nius, nihil perniciosius consilia no-  
 „stra contrahere, nihil hac pace læ-  
 „tius, ac tempestivius consiliorum mo-  
 „deratricem afferre posse fortunam  
 „censeam.

Hæc Turrianæ Medinæ Dux, con-  
 tra verò in eodem Senatu disseruit Eve-  
 rardus Nitardus secretæ tunc pieta-

tis Reginae minister, post opera ejusdem in sacrum Cardinalium Collegium allectus.

„ Indiserto, rudique homini, & pau-  
 „ cis ante prope diebus è sacris ad Poli-  
 „ ticas curas Reginae gratia, atque im-  
 „ perio transvecto silere in tanti mo-  
 „ menti negotio forsitan convenisset  
 „ ut in minoribus eruditus per certos  
 „ quosdam gradus usu, ac doctrina re-  
 „ rum majorum disciplinam acciperet;  
 „ verum hanc, & fortiozem fortasse  
 „ causam exuperat mecum Reginae  
 „ præceptum, quod me hactenus resti-  
 „ tantem ac diffidentem ea de re tamen  
 „ in hoc ordine dicere cogit, sensus-  
 „ que & causas in medium proferre, ut  
 „ ab ejusdem Reginae ingenio, atque  
 „ animo delibata, ejusque ore prope-  
 „ modum missa. Cum verò duo sint  
 „ genera utiliorum consiliorum, alia sci-  
 „ licet orta ex rerum gestarum expe-  
 „ rientia, ex aliena alia historiarumque  
 „ præsertim collecta memoriis, atque  
 „ vestigiis; equidem ut impolitus inge-  
 „ nio, jejuna experientia curisq; etiam  
 „ minoribus impar consultius in dicen-  
 „ do præluxerim superiorum doctrinae  
 „ lucem, ac vetera monumenta sectan-  
 „ do. Satis profectò liquet ut ad rem  
 „ proloqui incipiam, labore, & con-  
 „ stantia gigni, servari, florere, & cre-  
 „ scere Imperia; simul fama primò pau-  
 „ latim, opibus, amplitudine aucta, de-  
 „ inde præ invidia, & livore, qui glo-  
 „ riam, præ metu qui potentiam, &  
 „ opes semper consequitur, acres, &  
 „ plurimos in illorum excidium æmu-  
 „ los excitare, hinc posteaurbationes,  
 „ novarum semina rerum, & bella ex  
 „ bellis oriri, fierique persæpe ad va-  
 „ stum oppugnandum Imperium in-  
 „ gentem Orbis terrarum concussionein,  
 „ ubi alterum alteri Principi adversus  
 „ unum potentiozem occasio, ratio, ira,  
 „ aut utilitas copulat, ex quo sæpè majora  
 „ Imperia à minoribus quoque impetita

collapsa sunt. Accedunt & ipsa quasi  
 lege naturæ gloria, & imperio tan-  
 dem effata, caluræque regna, fatales  
 præterea consenscentium, ac per-  
 euntium rerum omnium mutationes;  
 quapropter non Imperium mundo,  
 cæloque coævum, sed diurnum dun-  
 taxat in hujus orbitæ gyro, in hoc or-  
 tu, & interitu rerum expetere possu-  
 mus. Porro autem longævus, ac felix  
 Imperii cursus non ex ejus latitudine,  
 ac vastitate, non ex rerum affluentia,  
 atque copia, non quia ardeat, cessent-  
 que bella, aut illud simul haurire cala-  
 mitatum gurgites comminentur; ve-  
 rum ex usu moderationis in pace, con-  
 stantiae pro bello querendus est, ita ut  
 quò constantius, quò moderatius gu-  
 bernetur Imperium, eò fore diurni-  
 us, atque florentius polliceatur. Hæc  
 ego modò constantiam, hanc tole-  
 rantiam in nobis pro Lusitano tenen-  
 do bello reposco dum vis, atque ro-  
 bur lacertis nostris, ærario pecunia,  
 patientiae, ac laboribus vires suffece-  
 rint, neve conceptus animo pavor nos  
 in stultam sententiam ducat, ordina-  
 riæ inconstantiae, circularisque pro-  
 pèmodum motus adeo fortunam pro  
 Lusitanis immemorem esse, ut nec  
 volvere semel, nec retrocedere patia-  
 tur; imò verò quò minus cum ratio-  
 ne, justaque exitus causa conjungitur  
 talis fortunæ favor insolitus, eò magis  
 per se suspectus, ac sua natura volu-  
 bilis est. Livius gravissimus scriptor  
 Cannensem dum cladem Romanis  
 fœdissimè illatam cōmemorat, hanc-  
 que confert alteri cladem, qua apud  
 Egates Insulas prælio navali Gartha-  
 ginenfes attriti ad servile stipendium  
 adacti sunt; quæ bello secundo Pu-  
 nico per Scipionem extrema in Afri-  
 ca pugna Annibale victo, tributoque  
 rursus imposito in perpetuum afflicti  
 sunt, planè fatetur longè graviozem,  
 atrociorémque duabus primò relatis  
 cladem

„cladem Cannensem fuisse, sed for-  
 „tiores animi nervos, quam corpo-  
 „rum maioremque Romanis constan-  
 „tiam in animo affixam collapsas illis  
 „reficere copias dedisse, ac demum  
 „feliciter debellare. Sic praevalent vires  
 „nervique hominum ubi animus do-  
 „minatur, hic ubi languet, florentis-  
 „simae quaeque vires arescunt. At enim  
 „ea sapienter est rebus adhibenda con-  
 „stantia, atque animi magnitudo, quae  
 „inanis non sit, nec prorsus viribus  
 „destituta, quem ratio non librat ob-  
 „duratum illum impetum animi, non  
 „certè constantiae sed pertinaciae po-  
 „tius, temeritatisque vocabulum de-  
 „cet. Ego utique sentio Hispanum  
 „Imperium tot bellorum profusioni-  
 „bus imminutum, ac propè nunc ex-  
 „pilatum in magna rerum inopia at-  
 „que egestate versari. Verum enim  
 „verò, quo nunc eget Castella, abun-  
 „dat-ne Lusitana? Sive inopia collata  
 „inopiae utra squalidior, & arctior est?  
 „Utriusque regni enumerentur inco-  
 „lae, computentur regii proventus, ac  
 „vestigalia, arma, equi, ac reliqua in-  
 „strumenta militum, hisque perspectis, ac  
 „sine fraude collatis luce clariùs con-  
 „stiterit nobis longè excedere Castel-  
 „lenses, nec contrariam sententiam  
 „posse, nisi temeraria comparatione  
 „defendi. Dicam potissimum de pecu-  
 „nia quae validior putatur in bello ner-  
 „vus, & quae sola supplere ceterarum  
 „rerum penuriam potest, sive enim  
 „haec congeratur extraordinaria sub-  
 „ditorum collatione, sive à suetis ve-  
 „stigalibus regni, aut censibus regiiis,  
 „aut ex rebus fortuitis, & còmentis ad  
 „quas extollere ingenium mirè quan-  
 „doque necessitas solet, & in tempo-  
 „re subvenire, multò profectò plures,  
 „ac pleniores Castella subditos habet,  
 „quam Lusitania, ampliores census, al-  
 „tioresque radices unde pecuniā hau-  
 „riat, ita, ut etiam dissipati Hispani

exercitii reliquiae, perfractaeque ejusdem  
 exercitii minuta quaeque collecta frag-  
 „menta majorem certè cumulum fa-  
 „ciant, quamquam omnes simul se-  
 „positae Lusitani regni divitiae. Quare  
 „igitur, si ita res est, respondebis, in  
 „tanta virium infirmitate, atque indi-  
 „gentia rerum tantis animis tanta fe-  
 „rocia alacres, victoresque perfulsant,  
 „selesque tam superbè, tam insolenter  
 „efferunt Lusitani? Primum secunda  
 „fortuna elati, odio deinde in Castel-  
 „lenses instincti, habet enim in se ve-  
 „tus odium inhaerentem, & insitam  
 „pertinaciam, pertinacia furorem, si-  
 „duciam fortuna gignit, quibus affe-  
 „ctibus incitati, & tanquam calcantibus  
 „ad confligendū impulsī hostes animo  
 „inflato, atque percito rapiuntur. Suo  
 „more perpetuo tamen infida, lubri-  
 „ca, & vaga fortuna est, ejusque flu-  
 „ctus à fortioribus viris, qui se con-  
 „stanter illis objiciunt, redundare ve-  
 „hementius in minus habiles solent,  
 „hunc praeterea furorem subigere, ani-  
 „mi talem impetum frangere quem  
 „efferatam suscitatur odium facile valet  
 „necessitas, tempus, virium defatiga-  
 „tio, se ipsa quoque nimis paulatim  
 „conatibus terens violentia, ac tandem  
 „aliquando conficiens, vorax quem-  
 „admodum ignis pabuli inopia, & sua-  
 „met quasi ingluvie, & ardore consu-  
 „mitur. Constantia igitur opus est ubi  
 „scopulo tanquam impacti aestus ira-  
 „rum, malignarum moles inventio-  
 „num, minarum procellae, bellorum  
 „omnium incursums disjiciuntur, &  
 „ideo siccitas etiam, quoniam plus,  
 „quò resistat in naturae qualitatibus  
 „habet, similisque constantiae virtutis  
 „est, eò valentius, atque robustius ha-  
 „mana corpora adversus externas, &  
 „validas causas affirmat. Titus idem  
 „Livius luculentam quaestionem indu-  
 „cit, utrū Magnus Alexander cum illo  
 „exercitu invictò ad Italiam fortè pro-

gressus, atque hic cum Romanis, qui  
belli tum maximè gloria, ac virtute  
florebant congressus, eos subacturus  
fuisset. Et auctor quidè Romanæ fortitudi-  
ni, atque excellentiæ nominis  
suffragatur duabus præcipuè rationi-  
bus nixus, quod non adeo, ut Roma-  
nis Macedoni ad manus, protractum  
si fortè bellum fuisset, supplementum  
militum foret, & quod prælio uno  
victus Alexander, bello victus, ac  
profligatus penitus esset. Hæc duo  
igitur argumenta ex facili nempè mi-  
litum supplemento, bellique condi-  
tione subducta, quæ sublimi, inte-  
groque Livii iudicio Macedones  
etiam longa militia duratos, victores  
orbis terrarum post tot diademata  
eversa, post tot urbes excisas, & Re-  
ges mancipia factos infringere valuif-  
sent, cur hic simul convenientia per-  
domare non poterunt paucos admo-  
dum Lusitanos impotentes, tyrones,  
in quodam Hispaniæ angulo inclu-  
sos, & circumseptos, quique spes,  
atque audacias temeritate, impetû-  
que provectas habent, vi sua non  
nixas? Intelligite, quæso, quot per  
totius Lusitaniæ circuitum hominum  
capita numerentur, atque ex istis  
alios necessariis officinis, ac servilibus  
artibus assignate, alios mittite ut  
debiles, mutilos senio confectos, æta-  
te graciles, imbellēsque permultos  
etiam factis, publicisque ministeriis  
addicite, & satis post hæc explorata  
colligite animo, quo fortè modo,  
quæve temporis longitudine novos  
conscribere milites Lusitanus, inter-  
euntes explere, si bellum distractum  
in plures regni partes inciderit, ubi-  
que satis occurrere, & perpetuo quo-  
que victrices, ac spoliis onustas ad  
alia prælia reficere copias valeat. Per-  
functoriè deinde conjectis oculis non  
dico in immensum Hispanici Imperii  
corpus, quod Italiam, quod Belgium,

quod Indias remotas, quod omnes  
Hispaniæ partes complectitur, sed in  
ea, quæ proximè vobis occurrunt  
regna Castellæ tantum, hisque ratio-  
ne, animoque lustratis rebus, postre-  
mò concludite, cum sæpius vincendo  
etiam attenuetur paulatim victor ne-  
cesse sit, utrum Lusitanus vincendo se  
potius, an Castellensis victus atterere  
se, atque consumere tandem belli de-  
cursu, ac temporis possit; cadere illi  
copias, an huic reparare facilius sit,  
& utrum repetita Castellensibus cla-  
des, an luctuosior victoria, si extrema  
primis annectas Lusitanis futura sit,  
nisi fortè pro Lusitania subsidia com-  
putentur externa, quæ longa suo mo-  
re, & incerta multiplici sumptu, &  
latrocinii etiam ærarium pervastant,  
& regnū, & quæ expectatione sæpe  
concepta, sæpe fide labuntur, ut nul-  
lum unquam diuturnius Imperium  
steterit plus alienis, quàm propriis vi-  
ribus sustentatum. Huic planè argu-  
mento, & illud quod Livii alterum  
erat adjicite, quod semel victus Lusi-  
tanus, itidem debellatus, atque ever-  
sus omnino foret, nec tam durè, &  
acerbè Hispano Imperio indignata  
fortuna censenda est, nec tam diffimi-  
lis semper sibi ut toties pugnae pericu-  
lum adeuntes ne semel ea quidem Lu-  
sitanos falsura sit, imò potius miran-  
dum est, in multis illos hucusque præ-  
liis minimè fefellisse. Hoc sive casu,  
sive ingenio, aut virtute semel acci-  
deret, atque inter nimis multas rerū  
mutabiles vices una duntaxat illa pro-  
pitia nobis ardeat, quid amplius im-  
pedimento, atque moræ Castellensi  
vel semel victori fuerit ab acie cruen-  
ta Ulisipponem pervadere. Audenti-  
bus, atque agentibus non sese mo-  
dò præbet, sed rictum etiam mina-  
cem plerumque fortuna mutat, actio,  
& industria illi pro obsequio, labor  
metiti loco ducitur; si adversa resi-

stir,

„ sit, patientia lassatur. Superest mihi  
 „ nunc exponendum, quid tandem  
 „ sit causæ cur Philippo supersite IV.  
 „ cum armis Hispaniâ hinc Lusitanus,  
 „ hinc Gallus urgeret, metio tunc pacis  
 „ cum Lusitano planè periculosa, atque  
 „ abominabilis videbatur, sublato Phi-  
 „ lippo, non modò ut perutilis, ac de-  
 „ cora; verùm etiam, ut necessaria à plu-  
 „ ribus usurpetur; nimirum, quia dubia  
 „ nos inquiunt, gubernacula Imperii  
 „ sub Rege parvulo sustinemus. Inde  
 „ vires hostibus auctæ, Castellensibus  
 „ imminutæ. Inde ratio illa superior ho-  
 „ nesti utilitate correctæ est, aut neces-  
 „ sare contorta; secetur propterea quam  
 „ citò hæc pars Lusitanix, aut avellatur  
 „ à toto corpore Imperii, ne id ipsum pe-  
 „ ninis marceat. Singularis, & rara, & ab  
 „ initio attributa reipublicæ Venetæ  
 „ gloria, atque felicitas est, eorum Prin-  
 „ cipum sive Ducum in Principatum  
 „ successionem nihil usque adeo novi in  
 „ regimen ferre, ut Duce cadente sola  
 „ persona Ducis non reipublicæ ar-  
 „ bitrium sive mens immutetur, quip-  
 „ pè eum veteres leges, consuetudines,  
 „ jura instituta, eadem quoque Se-  
 „ natus consulta recentia, Duce etiam  
 „ erepto, rata, atque integra maneant,  
 „ nihil Venetis innovandi ex fato Prin-  
 „ cipis copia est, ejusque tantummodo  
 „ interitu unius hominis corpus, sicut  
 „ cætera humana, quæ ipsa compegit,  
 „ natura dissolvit. Hujus nobilis, pru-  
 „ dentisque imitandæ reipublicæ usum  
 „ nobis reliquit Regis Philippi mors,  
 „ mortem enim oppetens Rex cum ni-  
 „ hil aliud præstiterit, quàm cœlitibus  
 „ animam, ac terram reddere terræ, vi-  
 „vens verò nihil utique aliud, quàm  
 „ perpetuò subscribere omnia decreta  
 „ sententiisque Senatus, eadem post  
 „ obitum ejus Senatus intelligentia us-  
 „ demque doctrinis, ac disciplinis im-  
 „ buti, ut antea, incorruptæ, atque solida  
 „ permanente, quid inter negotia mu-  
 „ tandæ, seu rei corrigendæ nobis po-

tuerint Philippi manes afferre, nisi ob-  
 „ securior aliqua causa, & ex consultan-  
 „ tium libidine orta sese callidè intruse-  
 „ rit? Atqui etiam opinio, ac dignitas  
 „ nominis, imperiique majestas, eos qui  
 „ curas nunc publicas sustinent, deficit  
 „ nempe à Regis ætatula diminuta, in  
 „ rebus enim humanis æquæ vera, atque  
 „ iuanis magnam sibi partem opinio, ac  
 „ populi rumor attribuit. Profectò qua-  
 „ lis ob Lusitanas res decernendas hic  
 „ rumor, & opinio popularis effluerit  
 „ nihil detrahit vel adjicit nobis, quos  
 „ hostium, & nostros metiri duntaxat  
 „ nervos, & vires, spernere vulgi ru-  
 „ mores oportet. Imò verò si tanti  
 „ valet opinio, & ideo opinionem  
 „ cum opinione, & cum judicio judi-  
 „ cium conferte placet. Nocet nunc  
 „ res temperantibus nobis Regis infan-  
 „ tis representatio; sed alia eaque de-  
 „ terior etiam opinio, nova huic inje-  
 „ cta regimini plaga, erit, si pax cum  
 „ Lusitano convenierit, & hæc Lusita-  
 „ niam avulserit, emeritura. Utraque sa-  
 „ ne opinio in regiminis ratione, & cō-  
 „ temptu, viriūmq; perspecta infirmita-  
 „ te versatur, at prior imbecillitatis exi-  
 „ stimatio vulgaris, & frivola est, even-  
 „ tisque refelli potest, altera cum jactu-  
 „ ra, ac dedecoris quoque nota cōjun-  
 „ cta est, & præterquàm quod ipsa revera  
 „ turpior, atque damnosior, & cum fun-  
 „ damento in re ipsa concepta esset, pri-  
 „ mam etiam abjectam opinionem à  
 „ Rege pupillo deductam fœdo illo  
 „ exitu confirmaret, quæ reipublicæ  
 „ labes cum serpere palam, ac pro-  
 „ gredi semel cepisset, regno uno ab  
 „ Imperio volentibus nobis abscisso,  
 „ quid de cæterorum regnorum fide,  
 „ & constantia cum ita iniquum, ut  
 „ æquum in animo valeat exemplum,  
 „ censendum est. Si ægroat Imperii  
 „ corpus, si malè inter se regnorum  
 „ membra coherent, si regiminis spi-  
 „ ritus pusillo cum Rege defluit, non  
 „ vitalium hoc partium, & virium



„ omnium incisione , sed cura , atque  
 „ studio , & remediis lenioribus tepare-  
 „ rur. Dominium quò latius patet , eò  
 „ bello majores suppeditat opes. Cor-  
 „ ruet , denique corruet , credite mihi ,  
 „ si insistere quoque labore , & constan-  
 „ tia pergamus , in semet revolutus hic  
 „ impetus Lusitani , & virium inopia ,  
 „ aut fortunæ satietate lassabitur. Ur  
 „ parvuli pisces à grandioribus come-  
 „ duntur , ita amplissima quæque regna  
 „ minora paulatim , ac citiùs finitima  
 „ absorbent. Has bene fundatas spes ,  
 „ hæc publica vota , & regiminis in-  
 „ crementa , si temerè pacem cum Lu-  
 „ sitano contrahimus , judicii lapsus in  
 „ nobis aut agrè affecti animi tabes  
 „ obruet.

His porrò in Senatu pro Lusitano bello sententiis , & contra bellum acer-  
 rimè dictis , nihil ferè Procerum animos  
 Nitardi suffragium movit , ita illud in-  
 telligentium , ut morem Reginx gere-  
 ret studiosè à Nitardo prolatum esse ,  
 quod ex ejus orationis contextu , & ex  
 eo quod palam initio dicendi profes-  
 sus erat , intulerant. Perculit etiam  
 Consiliarios , quod specie objurgantis  
 ille acriùs inculcavisset , cur ea pax ,  
 quæ reterrima putaretur , regnorum  
 Philippo gubetracula moderante , hæc  
 mox Regina tenente , turpitudinem  
 abjecisset. Perinde quasi vel runc , vel  
 nunc omnia falsa , atque insidiosè fi-  
 cta locuti proceres essent. Proinde non-  
 nulli , ejusque maximè obrectatores  
 Reginam insimulabant , cur enim Lu-  
 sitanam pacem tractandam Senatus  
 calculis objecisset , quam ipsa tanto-  
 pere averfaretur ? Nihil aliud profe-  
 ctò fuisse nisi tentare Senatum , rima-  
 risque latebras mentium , populique  
 calumniis consultores opponere ; nam  
 si Imperii pax interesset , eamque ideo  
 rectè ministri consulerent , consiliùm-  
 que Regina , ut illo seriò uteretur , nec  
 ut illud despiceret , flagitasset , quid

modò partes officii , aut rationem  
 consilii fortassè utilem in ludibrio  
 Regina , aut criminis loco ponebat ?  
 ranquam excutere à se per ambages  
 invidiam , atque illam trajicere in  
 consultores intenderet , qui jussi fue-  
 rant ab ipsa de pace , vel bello senten-  
 tiam ferre. Planè cùm vulgi latrat-  
 tus , ac futes hominum questus tim-  
 idam nimis Reginam , atque in re-  
 publica segniores ad res atduas de-  
 liberandas Reginam efficiant , nimis  
 sui studiosam videri mulierem , plús-  
 que sibi , quàm rebus communibus  
 consulentem. Has præter effusas que-  
 relas , & voces , quia incipientis tunc  
 accidentia regiminis erant , introspi-  
 cere ingenium , & mores , dimetiri  
 Reginx animum curiosi , atque aulici  
 homines cupiebant , & scire unusquis-  
 que quid meruere , quid expectare ,  
 quid arte , aut industria captate hoc  
 in deterius labenti regiminis cursu pos-  
 set. Inde animum omnes , & oculos  
 tanquam arcum in illam intentos ha-  
 bebant. Ex adverso Regina suos re-  
 trudere sensus , prætextus in causas , &  
 species rerum pro rebus adducere , cun-  
 ctatius , & cautè , nec minùs sollicitè  
 cuncta perficere , jam Germana since-  
 ceritate intrer Hispanas , & aulicas ar-  
 tes longa assuetudine , ac temporis vi-  
 tio corrupta ; cùmque jure , aut inju-  
 ria perpetuo carpi , rodique velut fa-  
 tale imperitantis sit , neque id Re-  
 gina nesciret , in leviores saltem re-  
 prehensiones incurrete providebat. Id-  
 circò suspensa pace , suspensò bello , in  
 Status Senatus consultis , in proce-  
 rum monitis hæsitante Regina , cùm  
 suppresso in pectore arcano se tantum  
 in speciem simulatio jactaret , nullus  
 Senator rursus audebat aut palam as-  
 serere bellum , aut pacem negare. Eve-  
 nit interea , ut ab eadem Regina Pro-  
 vincix Belgicæ præfectura Joanni Au-  
 striaco demandaretur. Is sic illam  
 admittere



admittere primò pollicitus est: at gravius eo tempore offendere se prætexebat in ægestatem ærari jam Lusitano pro bello profusi, Gallòque ut fama etiam erat, subinde accedente, celerius exhauriendi. Itaque iturum se ad Belgium cum onere imposito Ioannes asseverabat, modò consultà cum Lusitano pax convenisset, secus forè, subijciebat ut ipse velut enervis cum armorum dedecore victus in Belgio caderet, Hispania per Lusitanos confligaretur. Concussit vehementer Reginam hæc tortuosa Joannis oratio, atque adeò, ut etiam si ipsa ministrorum consensui in pacis conventionem verè, & ex animo reclamaret, una tamen, qua maximè ardebat, Joannem ablegandi cupido, ut discessionem ad pacem faceret, illam planè subigere potuisset; nam & ideò quasi noverex in illum affecta erat, & itidem meruebat, ne manens in aula Ioannes ob regii splendorem sanguinis, virilis sexus prerogativam, rerum experientiam, ampliatæque factionis præsidia dum ejusdem Reginæ obtrectaret auctoritati, & gubernationis fortassè vitia per calumnias extenderet, in illam tandem invadere. Torserat quoque Reginam acerbior, ac vetus animi sensus qui ipsam coquebat, plùsque reliquas incendebat, asperabátque in animo curas, scilicet an Ioannes in alto regiminis gradu positus, eo contentus omninò fuisset, nec spes altiores, quas amici, & occasio illi subicere potuissent, & fota quoque atque aucta dominio cupiditas inflammare, opportunè subduceret. Harum laxamenta curarum, quæ ad Reginæ Regiisque præcipuè filii rationes spectabant, & quæ duriori quacumque conditione interjecta ab Austriaci absentia impetrare Regina maximè cupiebat, jucundè illi, atque appositè cecidit per pacem Lusitanis indulgam, ad quam & suo tacito quoque instinctu cupidè fe-

rebatur, accipere. Stimulus etiam ad pacem Reginæ inter alios acerrimus erat Rex Anglus, qui procerum Hispanorum conspiratione, impulsèque permotus, nisi iidem Hispani propositam pacem amplecterentur, ferale bellum denuncians cum omnibus copiis, ut affinem, amicum & socium se terra, marique affuturum Bregantio jactabat. Illique Austriacus suffragator adjunctus, à generis claritudine, ab aura secunda populi evectus sic studia passim, ac partes, ac propè turbas intenderat, ut nisi foris Regina pacem concessam hostibus vellet, domi propterea bellum habitura fuisset. Tot ergo, tantisque exagitata Regina stimulis, tanquam invita, & coacta, flectere tandem ad pacem omnibus visa est, non minùs profectò cautè, quàm feliciter assecuta, ut in eo ipsa prolixiùs rogaretur, quòd intus ardebat, & sua interesse in primis existimabat. Jussit idcirco verè de pace cum Lusitano, & quonam pacto ea constitui deberet, sedulò agi. Multis igitur in Status Senatu diebus per inanes, ac varias altercationes absumptis Reginæ denique assensu statutum est; ut cautor, interventorque cum Lusitano quæsitæ pacis Rex Anglus assisteret, procuratio verò ex parte Castellæ Marchioni Carpeni committeretur, qui jure belli captivus Ulißipponè tunc morabatur, præ ingenio superior negotio vir, multarumque rimarum, quas ad hæc præfertim negotia feliciter perpetranda studiosius prudentia conquirere solet, quibus & aliis à Lusitanis ad constituendam pacè electis, ita denique inter Regem Castellæ, Regemque Lusitanie concordia sancita est. Arces urbes, & oppida, spatia terrarum ad utraq; regna attinètia, & quæ utrinque per bellum erepta fuissent legitimo Regi concederent, præter Ceutam in ora Africæ sitam urbem, quam justa de causa ad Regem Catholicum pertinere, aut cum Olivença mutari, industria

industria Carpenſis obtinuit. Bona utriuſque Regis ſubditis, & in utroque regno jure belli ſublata pacis gratia reddantur. Negotiationes, acceſſus, atque reſeſſus, amborum regnorum commercia clientium pervia, ac planè libera mutuo ſint, fruanturque Luſitani his privilegijs, & juriſ in ambitu Hiſpaniæ qui Anglis hominibus indulgentur, eaſdemque immunitates, & commoda in Luſitania deinceps repeterent ſubditi Catholici Regis, quibus Sebaſtiano quondam regnante utebantur. Captivi ex utraque parte libertatem gratis accipiant. Hereditates, opes, & jura bonorum, quæ regni utriuſque ſubditis belli odio ſuſpenſa, interverſa, ſive ſublata in alieno ſolo fuiſſent, illis firma, atque rata ad quos pertinere conſtiterit, pace interpoſita, ſtare pronuntientur, quique in hac parte ſe aliquomodo gravatum, aut læſum cenſeat, is intra anni curriculum teneatur jus ſuum legitime proſterti. Luſitanis ſi terra fortè marivè contigerit per Catholici Regis dominium ire hoſtibus obviam, hinc

inoffenſus tranſitus pateat. Diſceptationes, & lites ex mercatorum negotijs, & fraudibus terra, mariq; præſentis emergere ſolita, non armis, ſed judicio, aut pacato Regum arbitrio dirimerentur. Icto jam cum Britanno, & Catholico Rege fœderi, Luſitano quoque, ſi velit, accedere liceat. Reliqua ex Sebaſtiani Regis memoria, ac tempore repetita, atque in uſum denuò relata, quemadmodum ea tempeſtate tractata ſunt, ſub Alſonſo Rege obſerventur. Quæ denique omnia ut pacis hujus interceſſor, cautòrque plenè, atque integrè Rege ab utroque exigere curet Rex Anglus, & quæ obiter miſſa, nec ſatis fortalſè cauta, vel omninò proviſa lapſu temporis intercurrerent, pax ne turbetur, æqua ratione componere. Hæc ſtabilitæ ſunt acta pacis inter Carolum Catholicum Regem, Alſonſumq; Regem Luſitanum Britannici Regis auctoritate, arbitriòq; conſecta, atque ita octavo, & vigefimo poſt defectionem anno Luſitania à Caſtellæ jure, & Corona dirempta ſuo tandem Regi reddita eſt.





# DE BELLO LUSITANO LIBRI DECIMI

S U M M A.

**B**ELLO externo composito, quasi civile in Lusitania prorumpit. Regis Alfonso vita, instituta & mores. Odemira Comiti traditur erudiendus. Antonius Contius subdole captat Alfonso benevolentiam. Stolidâ fortitudinis ostentatione, in mortis discrimen bis se Rex implicat. Per Status Senatuum publico nomine monitus, vitia mutat, non mores. Partes & factiones in Aula fovet Contius. Inter filium & matrem contentiones exoriantur. Senatus decreto, Contius, omnesque ejus impure factionis clientes, ad Brasiliam exules ejiciuntur. Aloisia quod diutius tenere non poterat, Imperium Alfonso dimittit. Assumpta dominationis initia. Comes Castelmeliarius, Comes Autogia, Caesarque Menesius ad Imperium sibi tenendum, Triumviratus similitudinem constituunt. Regis tandem, regni que unicus moderator remanet Castelmeliarius. Primarios regni cives exilio multat. Consilium orditur opprimende Aloisia, qua jussu Regis à Regia discedit. Alfonso, nullo advertefante ad prislinâ facinora redit. Marchionem Fontanum ad interitum querit. Sicaris Regis impetum faciunt in Comitem Eucerensem. Ab iis Noronia lethali confectus vulnere, extinguitur. Religio in ludibrium adducta. Contius Uliſſipponem revocatus in regni fines expellitur, artibus Castelmeliorii, cujus potentia decreſcere cepit. Pulcherrimo vita instituto, moderationis laudem sibi promeretur Petrus Alfonso frater. Regis cum Principe Nemurtia connubium. Aloisia Gusmana mors, & animi dotes. Inter Regem & Petrum ingravescent diffidia. Regina, à viro ludibrius, à Castelmeliorio injuriis affecta, ad Petri partes accedit. Is Castelmeliorii expulſionem à Regia, deſeſcit. Senatus super ea re varia ſententia. Proceres, urbiſque Patricii à Petro convocati, illius ſe cauſe alacriter aſſuturos reſpondent. In ejus ſavorem tumultuatur Uliſſippo. Castelmeliorius ſe ab Aula ſuribundus proripit. Henricus Miranda, & Antonius Souſa nocte intempeſta diffugiunt. In ſumma rerum confuſione, regni Comitia coguntur. Regina ad Franciſcanarum Monialium Canobium diverſit. Litem de matrimonio reſciſſione apud Eccleſia Iudices inchoat. Exutus imperio, cuſtodia traditur Alſonſus. Omnia imperii jura, præter Regias ſacies & nomen, Petrus aſſumit. Regina, dirempto cum Rege matrimonio, ordinarum conſenſu Petro nubit. Rex ex Inſulis Tertiis reveltus prope Uliſſipponem degit, attentiffimè cuſtoditus.



## BELLI LUSITANI

## LIBER DECIMUS.

**B**ELLO externo composito, quasi civile subinde in Lusitania prorupit, cujus valido impulsu tandem Rex est Lusitanus Alfonso regni regimine devolutus. Hæc porro, nec ipsa parum utilia Principibus documenta, quo clariora percurrentibus fiant, altiùs nos repetita narratione de Regis hujus vita, institutis, ac moribus juvat aliqua tradere, qua videlicet causa legitimus Rex suo auspicio victor, regniq[ue] periclitantis affertor, tam felix militiæ quàm domi suæ infelix inter aulicos fluctus, inversiq[ue] regiminis ætus imperium, uxorem, ac libertatem tandem amiserit. Alfonso Regi Lusitanix anno fluente suæ ætatis tertio, adhuc Theodosio superstitite fratre, cui ut natu majori tunc expectatio incumberebat imperii, paralytis morbo correpto tota ferè debilitata, quæ dextrum latus complectitur, pars corporis aruit. Pestis cum tanta invalisset infantis gracile corpus, & conquisita longè remedia ad rapidam morbi vim edomandam applicita essent, morti denique Alfonso ereptus est. Post ætate progrediente, ubi vegetius jam corpus strenua remedia non recusabat, balnea, & eximia ab Indiis Orientalibus accersita, quæ morbi reliquias expellerent, agro corpori pharmaca adhibita sunt: & his quidem adjectis, dissolutio membrorum aliquantulum ipsa contracta, ac ferè discussa torpedo est. Restitit tamen dextera manus implicitus usus, & reliqua corporis membra paralyti quondam tacta ægrè deinde officiis vitalibus fungebantur. Quod autem homines magis cuerat, eosq[ue] sollicitos magis habe-

bat, quædam erat in Alfonso suspecta cerebri læsio, ac depravati, paululùmque corrupti iudicii species, quæ quamquam eo viridi tempore sub gestis, ac nugis puerilibus latitabat, suspicionem tamen vehementem incusserat Lusitanis, ægritudinem mentis in puero corporis ægritudini consensisse. Cæterùm has anxie susceptas de Alfonso valetudine curas Theodosii tunc indoles solabatur, magnæ spei juvenis, & qui ex primis ætatis igniculis, ubi futuri persæpe argumenta scintillant, haud dubiè mereri videbatur imperium, quod sortè ipsi quoque natalium obtigerat. Verùm diem suum immaturè mox obeunte Theodosio, tantæque virtutis specie, priusquam prodesse reipublicæ posset, extincta, cum Alfonso regno proximus superesset, nec illo ipse dignus cum affecti habitudine corporis, tum mentis caligine putaretur, infausta, nimisq[ue] infelicia plerique jactabant præsagia futuri regni, ac simul in ore, sensuq[ue] prudentiorum hominum erat, occurrendum maturè periculo esse, ne ferò malis apposita medicina tempore asperior, vel irrita foret. Non causa, non gratia Regum esse condita regna, sed illorum custodiæ subsidiòque Reges tanquam in specula constitutos, eodem populo assentiente, vel saltem non repugnante, aut cum regia sobole missò jure, aut jure suffragii accersiri, qui certè haud impares, ineptiq[ue] tam celsò, operosoq[ue] muneri censeantur; nunc autem Alfonso debilitate corporis imminuto, hebetudine mentis inhabili ea lege videri tantummodò regnum permitti posse, qua non iudicio sed casibus regi, & omnibus ultro liceret unà cum Rege perire. Huic imminenti regno dedecori, & publico detrimento, atque exitio sine strepitu, sine tumultu tunc Lusitanis obviam consultiùs eundum, cum regius huc usque puer assentantium illecebris, contagioque

tagioque ambitionis intactus, quod necessario, atque acerbius sit aliquando amissurus amittere citius propter ætatem non sentiat, vertique facilius ad alia instituta, atque studia ea ipsa ignara, ac flexibilis ætas possit. Idcirco regni Comitibus Uliippone coactis eum ibi ageretur in Alfonso verba jurare, ut regno cadenti jam proximè successuri, altercatio intrer partes exarsit; Alfonso ne an Petro potius ejusdem Alfonso natu minoris fratri jus deferendum esset imperii, corporis scilicet, atque animi vitia an adeo grauia, ac deformia paterent jam in Alfonso natalibus antegresso, ut in lege usque imperandi fas esset spei clariori, ac virtutibus Petri alterius ætatis prærogativâ postponere, atque ideo utilitatis, ac meriti ratio in publica causâ fortunæ suffragio antecelleret. Cur enim, illi dicebant, cogerentur ricæ Comitibus, & calculi, & urnæ repeterentur, si ratio ipsa nativitatibus immobilis falcibus summi imperii constructos, soliisque inhaerentes ætate majores reneat? Publicorum procuratorum officii esse profecto partes non aliud post alium pecudum ritu censendo naturæ subsequi instinctum, & motum, & insulse casusque decernere, ac videre, explorare, scrutari, ac serius omnino eligere tanti laboris, tantæ mentis capacem virum, nec mole minorem, qui nisi esset in regnatrice domo, extra illam certè, ne omnia per principem ruerent, quaerendus esset. Distractus in hunc modum sententiis, vicit tandem Bregantii Patris auctoritas, qui in eodem conventu specie Regis augustior, & in librorum causâ Iudex æquissimus ab omnibus æstimatus ceterorum sententiis obruit. Ille enim æquitate quadam, & casu plusquam consilio, & rationibus usus dum animo volvit, rata, atque certa hinc inter fratres dissidia, perpetuâque in regno discordias hanc juris, insuetamque regni translationem comparaturam fuisse,

hinc spem aliquam fore, ut exercitatione, tempore, & cura filii se corpus quandoque melius haberet, iudicium usu rerum, exemplo, ac disciplina proficeret, eaque spe plus illectus quàm obverso periculo terrestri factus in illis Comitibus obtinuit, Alfonso eo tempore Principem, impetique proximi successorenti institui, ac de more jurari.

Post hæc demortuo Bregantio, atque Aloisia Gufmana vidua liberorum tutelam regnique regimen incunte erudiendus Alfonso Francisco Faro Ode miræ Comiti traditur, qui propter generis claritudinem regio quoque stipendi admitti, simul scientiam & gravitatem morum eo in primis educationis munere dignus occurrit. Is igitur ne minus fortalsè Rex cum magistri quoque, dedecore saperet, accuratius primùm intendit regiis adolescentem moribus imbui, ediscere literas, quantum deceret Regem, Politicas artes, quæcum caperet ætas, apprehendere, idcirco sæpè monere Regem, ad altioris evecti culminis gradû facta, dictaque viri magis clara & perspicua acriorique subiecta mortaliu censuræ fore; regiam maiestatem non virtutibus modò nudam, sed admirationis quoque plaususque quæ ab eximia, ac singulari virtute concepta opinio quædam magnifica suscitaret, vacuam discrimini sibi contempui clientibus esse; ubi plurimùm fortunæ, ibi plurimùm periculi, ibique minus actionibus libertatis, minus licentis in vitæ cultu, ac moribus esse, quò denique latius pateat imperium, eo magis sibi Principem imperare, se frangere, patientiam, obsequium, animi servitutem exercere debere. At irritis quidem monitis apud surdas Principis aures assiduus præceptor strepebat; prava namque in Rege mentis affectio, atque illa indolis contumacia ad dissimilia conditioni studia, & vilia, & abjecta quædam nugarum oblectamenta labefactum jam

animum rapiebat; puerorum nempe turbis immixtus quater arundines, fundas torquere, cum inæqualibus modò contendere cursu, modò fustium, ac lapidum iactu; aliis jocos, ac lusu- bus etiam puerum dedecentibus Regem conterere tempus, & otium; hoc planè modo, promiscuè, sordidèque assuetudine turbæ ad inhonestà, ac propè turpia exercitia regio decore projecto. Quod genus libertatis in Rege, aut hoc paulò minùs etsi alibi forsan excusat diversitas morum, in Hispania ubi rigor, & gravitas morum, & ostentatio rerum inanium magno apud procures pretio habetur, hoc valde execrabile, ac nefas est. Hæc circa Regiam otia in loco seposito sæpè tractabat Alfonso, ludis interdum spectator astabat, ibique taberna erat Antonii Contii Ulisipponenati, sed origine Januensis, qui venales ibidem merces ad questum ex longo tempore habuerat. Is postquam Regis naturam, & indolem intellexit, in quo minùs quidem decuerat, inter ea jocularia laudare, atque plaudere cepit Regi, tum maximè & illam colludentium puerorum catervam collisu palmarum, gestuumque jactatione, vocibusque juvare, atque efferre, ad quam impenetrabili quodam ingenii motu per se inclinare præfenserat Regem; multa præterea hujusmodi Contius agebat inepta, puerilia, fallacia, & quæ ab ejusdem etiam atate, atque officii ratione abhorrebant, ut in his ipse morem gereret Regi. Qua porro genii indulgentia per astus, crebròque cum Regi blanditus esset Antonius Contius, illius sensum captare benevolentiam, surripere gratiam cepit, idque hilari quoque facie, & nutibus illi, scintillantique in oculis risu plerunque Rex ostendebat. Antonius quia erat ingenio supra conditionem ambitiosus, ac subdolos, tunc in fronte, vultuque Regis arridere sibi fortunam ratus, & oul-

tam ipsam, consociatamque ultetius, & faciliè progredi posse, quæ afflare jam prosperè cæperat omninò deinceps illi vela permittere statuit. Itaque impensius, ac propius cepit colere Regem, acuere blanditias, intendere maximè dolos, quibus ea rudis, ac mollis decipitur ætas, hisque ex sententia fluentibus sibi, ausus est denique Antonius secreta munuscula dare carissima Regi, ut instrumenta puerilium lusuum in quibus summè delectabatur. Insolentis, superbi, regique præsertim est moris sua multò plus excitari, afficique quàm aliena munificentia, & velle se potius dona credere, quàm debere; ratio quasi menti magis in dato valeat, quàm in munere accepto. Secus tamen cum Rege usu venit Antonio: Rex enim tenacius exiguis illis adstrictus in animo officiis, & voluntate captus amorem, & studium in illum intendit. Crebriores itaque ejusdem ad Regem aditus, remissa quædam, ac facilis conversatio, repetita colloquia, quæ cum sine obice veli, sine janitoris arbitrio, solo Rege, horisque sæpè non congruis agitentur, impuritas hominis magnatibus odio, favor nimius invidiz, & despectui quoque ignobilitas erat. Eo usque tandem per eam incrementem quodidie licentiam, aulicorum insectationes, & vulgares ex ea querelas devoluta res est, ut Odemiræ Comes, & suo jure, & Aloisiz regiz matris impetio prohiberet omninò Regem ab usu, & consuetudine mercatoris. Valuit hoc primum in Rege mandatum, non ut prorsus Antonii congressionem abnueret, sed eam ut cautus deinde requireret, insito postea ipsius rei vetitæ affectu, regique animi tacito impetu Rex magis impulsus tanquam omnia licerent Regi, pudorem, & metum omninò solvit, & sæpè numero clam, atque palam, neglecta matre, rejecto magistro Antonio Cório familia

familiariter utebatur. Tunc Odemira Comes, Regisque mater, qui tantum sibi usurpare potestatis in Regem poterant, quantum ille permissum jure suo vellet, cum inter se conferrent, atque animo volutarent, ex primo à se frustra imposito Regi mandato letam sibi ipsis auctoritatem, verecundiam Regi imminutam, auctam Antonio gratiam, & quod si idem rursus & acrius irriti præcepissent, reverentia denique frangis in matrem, respectus in præptorem prorsus excussis, Rex solutior imposterum, & suo more intractabilis raperetur, rem planè missam fecerunt, eo secus freti, quod quemadmodum ad Alphonsum Antonio Conio aditus interdictus regiam auxerat voluntatem, ac desiderium intenderat, ita injuria deinde, atque aditus laxamentum inducere forsàn, ut sæpè sit, & in lulentis maximè rebus, ex nimia indulgentia fastidium, ac satietatem poterat. Hac accipiti ratione ea tunc imprudenter neglecta, & quæ oppressu facilior cum primò favilla surgeret videbatur, in magnum denique incendium, ac regni propè perniciem exarsit. Quippè Antonius ubi cognovit ultra magistri, matrisque couatus, & studia erga se Regis invalescere gratiam, alacrior deinceps, ac promptior animo factus, ac spe concepta tumidior, quibus initiis turpibus cæperat, creveratque, iisdem ad arctius obstringendum sibi Regem incubuit. Erat jam eo tempore potens præ ætate Rex regere equum, nec affecti corporis imbecillitas liberius eundem habenas tractare, aut vestigium in stupede sistere impediabat. Equestri propterea, ac verè dignæ Regibus disciplina Odemira ipse Comes, quo à sordidis, & puerilibus quoque studiis degenerem animum avocaret, vacare sedulo Regem instituit. Et primis quidem elapsis diebus ritè, & consulto provisum à ma-

gistro fuisse in causa Regis apparuit; ingenueque arti malas elusas in Rege artes extemplo cessisse; sed paulò post primo illo quasi novitatis ardore, sensuque restincto cum viciata per se natura, & fomes, & homo, qui impelleret, esset, recidere tandem in suos pristinos mores ægrè retentus, & in contraria exercitia tortus malè inclinatus animus visus est. Rex enim ubi de more equitabat, cum propior ibi secretaque sedes esset eò Antonium Contium, atque ejusdem notæ, sectæque juvenes impuræ voluptatis multos introducebat, quibus & Mauri nonnunquam fœda mancipia tetra facie, ac teterranis moribus miscebantur. Hos inter homines, genere, fama, moribusque pollutos, ac fœtidos turpia erant facta, obscenioraque verba, facinororumque spectator, plausorque quasi palpo sedebat Rex, ipse etiam interdum lætæ, ac tripudii contentione deformius augustum nomen, ac regæ ornamenta conspurcans, quæ porro magis pudenda per id temporis erant, ac reprehendenda Regi cum ab ætate jam grandiori scutiles inter has levitates nullam, ut antea, excusationem acciperet. Hæc, & talia Comiti Odemiræ comperta ipsius in primis animum cruciabant cum Regem dolentis puerorum deliramentis, indignisque voluptatibus irretitum, tum maximè quòd jam vitio labentis Principis culpam in ejus vitæ magistrum errore populi transferente, ipsius quoque periculo, ac publica nota tunc videretur peccare Rex. Igitur Comes, suæ ut etiam famæ, decorique consulere Regis, impavide semel locum, ea ubi colluvies præsentis Rege debacchabatur ingressus, probris, minisque vehementer congestis plebeiam turbam exegit, Antoniumque ut illorum criminum caput, terrore quoque mortis injecto, Regis ab ingressu severè prohibuit. Rex autè rubore suffusus, fractoque pudore



vultu, ac tacitus cessit, verecundia ac re illa improvisa ipsum præpediente, ne offensionem manifestaret; ea ramen altius pectori ejus immissa cum iræ susceptæ, & quotidie in Rege crescentis indicia ex gestis, ex ore clarè manaret, tunc, qui etiam per rimas inspicere solent in aula occultos Principis sensus, occasioneque imminere, ubi vergere in illo Odemiræ Comitissæ gratiam agnoscunt, alii Regi adulantes, alii magistro invidentes, multi ingenita levitare, ac rerum novarum studio regias ad aures instillare sensim incipiunt. *Regum libidinem sibi esse legem, aut vi legis superiorem, summa fortune summam congruere licentiam; fallacibus monitis velle sæpè privatos homines Principum libertatem, si parerent, obnoxiam, sin minus, formidine adstrictam, ac si melius res cecidisset, omnino imminuatæ alienoque subællam arbitrio.*

His, & similibus argumentis improbi homines eam quæ in se ipsa satis inflata, ac turgida erat, insuper Regis vanitatem implentes denique obtinuerunt, ut Rex in dies acrius Odemiræ Comiti adversus in Antonium Contium Regiæ quamprimùm, & suo conspectui reddendum imperio, ac minarum simul terrore peristeret. Ea planè res hæsitantes, ac tristes, multiplicique malorum cogitatione distractos diù Regis magistrum, matremque renuit; nam solutis regis libidini frænis, Regem, regnùmque perditum ibant, his verò utcumque contractis, periculum impendebat, ne eos Rex, & deterritus animi impatientia, ac suprema potestate dirumperet. Diutius idcirco imminentium horum malorum collatione, ac propè mensura perplexis, cunctantibusque cum minùs è malis eligere malum liceret, placuit tandem remorum ex Antonii familiaritate periculum, cui aliunde forsitan vi-

debat, quod multa supplet, succurrere posse tempus, post habere periculo proximo iræ Regis, ni deflagraret, in monstrum aliquod erupturæ. Revocatur itaque Antonius Contius, nec modò Palatio, sed Regis etiam familiaritati, ac fiducis, ut eluctatus difficultates, victor-que ipse æmulorum arctiori vinculo restituitur. Atqui cautior deinceps suo capite factus Antonius, & quasi periculis eruditus circumspectionem, falsitatem, ac tacitos dolos adversus Alfonso marrem assumpsit, didicisque inter aulae fragosa, & abrupta, ne pes instabilis falleret, acuendum potiùs ingenium, quàm genio indulgendum, aut inflandum animum esse. Introspererat ille Regem ad turpia non solum, ac scæda, sed ad fera quoque & crudelia suo animo pronum, impetûque naturæ præcipiorem. Sciebat etiam plus hædere cuique dedecoris ex corporis petulantia, ac lascivia; plus terroris, ac fugæ in ostentata sævitia esse, cujus si specimen Rex per seria, vel joca palam exhibuisset, aulicis inde formido, sibi, Regique loco ludibrii orta ex timore securitas pararetur. Hoc pravo, sanè consilio ad diversa, eaque trucida exercitia, atque otia transferens Regem Antonius Palatii inter ambirum ludos instituit, in quibus feroces, ac rabidi canes, equique simul indomiti aliis cum pecudibus concurrentes sese invicem morfibus, unguibus, ungulis, calcibus laniabant, & proterebant; illique extra septa suo inrerudum impetu effusi etiam homines lacerabatur, applaudebaturque spectaculo vulgus, quasi in Regis, aut populi voluptatem homo discerneretur. Sratuit præterea in amplissima Regis planitie quædam certamina funditorum, néve inanis barbarus labor esset, præmia concertantibus posuit. Hinc ab errantibus sævis plerumque deprehensi, qui urbis semitas ambulant, & corpore afflicti livores, membrorum



brorum contusiones, & vulnera, nec raro mortem in joci grariam subibant. Quin & ceteri juvenes exemplo Regis arrecti cruentos hos ludos variis in urbis locis agebant; ita porò velut in partes divisa civitas lapides undique plueret, funditorum discurrere turbas, & per eas conventicula, vias, urbana opera disturbari, cruentarique in transitu cives conspiciebat. Adeò raptate potest puerilis etiam levitas Regis, adeoque homines rectè, vel secus Regis ad morum imaginem effinguntur, cum affecto Alfonso Regis ingenio hæc noxia alimenta præberet Antonius. Remisit hunc post aliquantulum, nisi prorsus barbaricum morem solvit ars interposita gladiatoria, qua, Odeniræ Comite instantre, runc primum se Rex imbuendum insigni lanista tradidit. Hujus enim discendæ artis opportunitatem cum amplexus esset Antonius amausu illicita, occasione periculosa, nocendi acumine varia, & insignia, quæ clam, & abundè in Palatium convecta assuetudine, & usu quoque suoapte ingenio ferocem Regis indolem irritabant, docuit ille frequentius, libentiusque tractare Regem. Erat & horum malorum accessio, quod malè, vel benè moratorum adolescentium gregi, qui frequentes ad Regiam ibant, colludentem specie videndi Regem, aut cum ipso digladiandi, alios furtim misceretur Antonius, nimirum gerrones, scurras, sicarios, profligati pudoris homines, qui cum inala multa fecissent, plura tamen, tanquam commendationem à scelere peterent, ipsi fecisse jactabant, quàm fecerant. Ex pestifera horum hominum consuetudine, & usu didicerat Rex, in laude crimina poni nullum esse discrimen inter magnam infamiam, & famam, sive terror ab illa, si ve laus ab hac captaretur; temperatiam, pudorem, juris æqualitatem, atque mo-

destiam non à spiritus celsitudine, & morum, animique concentu, sed ab inertia, metùque pœnarum, & contumeliæ fortuna duntaxat, & animo abjectis, fractisque hominibus gigni, & jus impotentes ut plurimum appellare, & cum sordes exuerint, negligete; inter opes strepitumque fortunæ cedete in melius omnia, & omnia Regum libidini conformari. Ea petulantium effusè juvenum, & perditorum conflata manus, perpetuo quæ erat regio lateri affixa lurulentis his moribus maculans, impiisque dogmaribus influens in animum Regis, quod illi ex morbo supererat humanitatis, & lumen judicii, aut vestigium honestæ famæ ferè in rotum extinguere visa est. Stupta enim, & cædes, quæ Ulisippone ab illis exercebantur, quia impunè, nullo prohibente, & frequenter eveniebant, & ea impedire, si vellet, facile Rex potuisset, ut malignior semper interpres garrite solitæ vulgus, ab eodem Rege probata, aut præcepta, aut gratia ejus quæ sita scelera vulgabatur. Criminationes ex eo publicæ in Regem, & actiora passim gliscebant in urbe Principe odia, & se extra quoque jactabāt, quique prius per se levis, obtusis, ingeniique volubilis nota, & suis insitis vitiis, alienis modò flagitiis appetebatur.

Eadem in Regia, iisdem temporibus Petrus agebat Regis Alfonso frater, ætate minor, indole melior, ingenio excitior, & cultior. Aderat etiam utriusque Aloisia Guzmanæ mater, & minus profecto illa rationibus proli, quàm imperio, & aulico fastui, fumòque servandæque sibi potentie in actionibus tribuens. Hæc filiorum dispares mores, & habitum scæmina intuens anxio secum animo volubabat, qua ratione, qua industria inter hujusmodi corruptelas, & illecebras vitiorum fratres amore domi conjunctos, errore disjunctos haberet, nève alterius indoli exemplum,

æve naturæ officeret disciplina; societas enim, & consuetudo majoris minoris candorem inficere videbatur, duriores etiam conditiones, & odia adolescentibus illatura tanquam invicem se caverent, & se invicem suspectarent, videbatur dissociatio; quas consuetas inter æmulos fratres discordias casu, vel genio, vel ambitu gradus exortas hic insuper regni certamen, ac præmium in medio acerbius quidem inflammavisset, & quod in re miserrimum esset, ea propè scena subiecta oculis potentissimi Regis, & hostis, qui Lusitanix ex fratrum dissidio, atque odio influentes calamitates in amplissima regni sui commoda conversurus fuisset. Hæc agitati, quanquam rerum extrema vitando cum moderamine, & cura utriusque fratris dispensare congressus, notare colloquia, limitare convictum, ut postea peregit, sceminx placuisset; Petrus tamen omninò parcius fratris congressu cum uteretur, difficilè utcumque poterat illas offensiones, animique amaritudines declinare, quas morum dissimilitudo, ingeniorum inter fratres diversitas, & opposita studia contraxerant. Dum enim sæda sua Rex, suorumque satellitum opera commendabat, suspecta laus, ingrata fratris minoris reprehensio erat, silentium deteriorem in sensum detorquebatur. Utrique prætereà studio, vel joco cum altercati contingeret, refelli solebat Alfonso, fratrisque minori primas concedere ingenii; si gladio ludebant, ut corpore agilior vincebat Petrus; in aliis etiam certaminibus ludicris fortunæ præsertim arbitrio, nutuque pendentibus, velut hæc retrusæ in futurum, atque intus abdite gloriæ quasdam per rimas quasi scintillas effunderet, ut plurimum Petro favebat. Ita porò quidquid diceret, quidve seriùs, aut ludibundus efficeret Petrus, ut ingenii acumine, eloquio, ac fortuna superior dolore in-

vidiæ, atque stomacho Regem fratrem paris sibi, nedum majoris impatientem urebat; atque ita periinde coire inter se, ac usù dirimere fratres molestum, & anceps erat. His accesserant adulatores, delatorisque & ceteræ labe, & aula monstra, quorum ut quisque studio, aut servitio fratrum alteri proximus, & fortunæ quoque implicatus sustulerat spes, ex præcipitio cuiusque fratris altiora sibi emolumenta querentium, alius quidem Petri animi, & corporis dotes in regni contentione terribiles Regi repræsentabat, alius Petrum concitando inflammabat, diutius videlicet tolerandum minimè fore ingenuis hominibus Regem furiosum, mollem, enervem, omninò fatuum, nec minùs animo arentem, quàm corpore. Hoc, & simili quoque modò præ æmulatione, atque opposito ingenio sua spontè jam dissidentibus fratribus, turbulenta insuper aulici semina jaciebant, quibus perpetuas ex discordiis discordias, & majora ex minoribus mala cum exitio publico elicerent. Effloreat intereà, quæ ejusdem artibus alta, ac minicè culta quotidie augebatur, gratia Régis Antonius Contius, cumque ipse sciret in illo fastigio natalium præcipuè squalore se vilipensum haberi, cursum quem nimis propitia fortuna monstrabat expeditiùs persequitur, cum esset Ventimillia oriundus, quæ in Januensi ripa maritima sita est, cognomen, ac patriam mentis illustre in Sicilia Vigintimilibus genus per venales adhibitos testes, & tabularum fidem corruptam errore nominis interceptit. In stemma proptereà, atque insignia alienæque familiæ splendorem, ac nomen furivus invasit. Igitur extra alia, quæ circumfusa illi blandimenta fortunæ erant, utpote novi etiam assumpti generis arrogantia subnixus ad altiora contendens Antonius, tanquam absterge jam fordes

des essent, quæ illi exprobrari tantummodò poterant, studiosius idcirco fovere, atque intendere cæpit in Regia partes, in negotia publica irrepere, Regem à matre, atque fratre jamdudum animo aversum, ac reluctantem alienorem quotidie per cumulas infidias reddere, eoque per opes, astutique vir ille processit utplures in aula gravius Antonio primùm infesti, & qui ejus moliri ruinam tentabant, ubi ipsum jam vident in gratia Regis, in apice rerum hærentem, & matris, fratrisque regii, totque amulorum ictibus inconcussum, ac stabilem, mutata deinde sententia in ejus partes æquo animo transcentes sese unà cum illo sustentare curarent, quidam, sed admodum pauci, quos nempe regni, Regisque tetigerat cura, ut ex presentibus malis, si utile quidquam foret, decerperent, consultò obsequerentur Antonio, ad hoc, ut per illum inflecterent Regem, quod ratio, & causa reipublicæ postulasset. Interim ætate, atque robore corporis Rex adoleverat, cæperatque jam acrius venereis stimulis pungi, & quod deceret ingenio, sive aptitudini ætatis esca, & insidiis explebat Antonius haud inficius, nullo hoc venereo arctiori teneri nexu, trahique superbum Regis arbitrium posse, immanemque famæ & honoris, quæ ambitio dicitur, bellua, & quæ tanta cum Orbis clade, ac fragore in Principibus furit, amoris tantum beneficio sopiri posse, aut imperio domari.

Erat tunc Regi intra Regiam unà cum matre Aloisia convictus, astabantque regis matri Aloisiz de more servitii causa, consuetique ostentationis obsequii pulchritudine eximie claroque genere Virgines commendatæ. In earum nonnullas tenerius, ac dulcius quàm antea solebat injicere Alfonso jam cæperat oculos, & illorum

præcipuè jocosæ, seu familiari colloquio magnopere delectari, & quanquam ob matris timorem palam animi rigor, fastidium utrinque vultusque gravitas fingebatur, vibrantes tamen lubricè oculi, & supercilium quandoque repenti laxatum cordis interdum secreta probebant. Intereram etiam furtiva munuscula, & plura vicissim amoris ablata, ac reddita pignora, tum litterulæ, & amatoris conreptiones sæpè compositæ, sæpè rescissæ, & amoris subinde incremento refartæ, eoque ea juvenilia decurrerant otia, ut locus tantummodo, aut pudor, aut temporis immaturitas videretur impedimento esse, ne verecundiz, ac modestiæ, quas liberalis comisque mos aulæ in amatoria lege præscribit, pudicitia fines transgredere-  
tur. Cognitum hoc Aloisiz, simul animo volvens quantum ponderis, atque gratiæ muliebri nimisque in se affectæ fragilitati venero in eo ludo fuisset Regis insuper fulgor, ac dignitas adjectura, famam præterea nomenque Regis palam satisque profectum, matris quoque ignominiam, ac dedecus congesturum, si illuxisset fortasse Regiæ, poluti tanquam sacrarii odor extrinsecus emanasset, quò filii existimationi, ac notæ quoque domesticæ subveniret, in aliam à sua separatam Palatii partem transtulit Regem filium, illique divisim regium obsequium, & cultum, regiamque familiam, citius propterea, quàm secum ipsa statuerat, ex regni optimatibus posuit. Hoc verò propè coactè susceptum ea tempestate consilium, & de die in diem per ambages longo tempore ductum callidè hucusque Aloisia protraxerat, ne regia scilicet pompa, atque strepitu circumfusus Alfonso, & spiritu idcirco, animoque insolentius quàm adhuc se ipse jactasset, erectus, celerius eriperet illi gubernationem imperii, quod tutelæ nomine temperabat, nè ad hoc etiam

Alfonsum famuli proceres perpetui ejus comites incitarent, publicarum nempe partes curarum pro servitii merito repositoscentes. Ceterum ipsa Aloisia quod hactenus sibi à magnatibus caverat, cum gravius à Contio, & clientibus ejus tunc impendere prospiceret, cumque filium etiam videret, transversis hominum sordidorum vestigiis abreptum tuere ad aliud ab alio flagitium, & nec Regiæ quidem honori, nec dignitati maternæ parcere, comparatione periculi minus dolendum existimavit, sese, utrinque invidiæ intumescensibus fluctibus, dum clavo assideret, illisam, cum ire semel præcipitem oporteret, à magnatibus potius quam hominum fæce devolvi; & interim bonis Rex moribus erudiri per viros nobiles posset, & ipsa quoque seducto Rege, familiaris suæ cui potissimum incumberebat, pudicitia consulere. Sede propterea in Palatio mutata Regis, eisque magnifico, & valde lauto, quod Regi par erat, famulatio, cultusque præscripto, inter eas venerationes, & adorantium hominum turbas velut Rex expectatus insolito quodam more aliquibus visus, aliis, & verius tegere potius, quam radicata jam vitia discutere. Assiduus enim ad latus erat Antonius Contius, qui cum effusa inorum licentia, ac libertate vitæ gratiam Regis adeptus esset, impigre operam dabat, ne iis, quibus cæperat, succreveratque malarum artium ablatis fortè subsidiis, illa sensim dilaberetur. Igitur hoc incitante, hoc hortante, hoc efca, & illecebris, blandiente, pertæsus tandem Alfonso illud procerum servientium obsequium, & consuetudinem effrazatorum, & vilium catervas juvenum, quos paulisper non Regis, sed procerum verecundia retraxerat, iterum appetebat, prætextus, & causas idcirco sæpè necebat Rex, quibus jussu redirent, fueratque genio delicias, & corruptelas

ætatî suppeditarent. Frequentius se Rex cum illis hominibus exercebat, equitando, venando, gladiis, aut jaculis colludendo: at ludus armorum sæpè cruentus, temeraria venatio, cursus equorum adeo semper violentus, ac præcipitio proximus erat, ut altiori intellectu nonnulli, quibus omnia Principis dicta, seu facta torquere mysterio mos est, intelligerent, velle per eam laboriosam, ac nimis, lubricam vitam Alfonso sævitia timorem animi, insolentia laboris defecti corporis vitia dissimulare. Semel præsertim in vasta ultra Tagum planitie, cum admissio curreret equo, stolidèque ut solebat, homines pecudèscque laceraret, jam ira spumantem, pulsuque pedum, ut prius laceratum, se contorquentem in taurum incurrit. Aberant tunc ejus comites aulici, non enim tam faciliè obliquas, & celerrimas fugas Regis, deviosq; transcursus plerumque sectari poterant. Taurus verò primùm Regis clamore, strepitusque irritatus, inde hasta ictus, ut eo vulnere rabiem, iramque totam collegit infesta cornua in equi ventrem impingens equum, Regemque prostravit, ac fixè illo impetu afflixit. Ad spectaculum, quod animos procul, oculosque percusserat convolant proceres Regemque inveniunt jacentem, suo, equique suffossi cruore perfusum, membris contractum, eoque horrore, ac stupore mortis attonitum, torpentemque, ut non mens illi, non color, non verba satis omnino constarent. Mox in lætica positum Regem, & custodia vallatum Ulisipponem reducunt. Eo infortunio, ac simul periculo Regis statim per urbem diffuso, eoque amplius rumoribus aucto, cum plane tota commota, ac perturbata civitas esset, ad Regiam confluxit, nec prius eo loco recessit, quievitque obstrepentium, quærentiumque tumultus, quod vulnus urgeret Regem, quam denique inno-

tuit

tuit melius se habere Regem, & minus ei detrimenti, quam metus fortuitam rem intulisset. Alfonsus quinquies mox secta vena convaluit. Ceterum hujus temeritas exitus, ut clarius effectum animum Regis, & cuiusque periculi contemptorem, mistumque audacix furorem ostendit, tantum terroris famulis ejus incussit, ut nemo illi in posterum dissentire, aut ulla in re contradicere auderet; imò verò in ipsorum securitatem cum omnino quoque tacere non licuisset, res serias facit, vel sales ex composito eluderent, assentatio, & mendacium in gratiam Regis repeteretur. Ita suo ingenio ager, & aliorum nefario circumactus arbitrio Rex in ipso exardentis ætatis impetu, æstusque ad exitia, & dedecora, nullo tenente, prolabebatur. Usus equorumque tractatio delectabat in primis Alfonsum Regem, & quò erant illi fetiores, eidem magis placebant. Evenit cum Rex ipse errabundus & à comitibus separatus, ut sui moris erat per agrorum laritudinem cursitaret, ut in agrestes homines quosdam qui Ulisipponem, sole occidente, pergebant, incideret. Cursus celeritatis, habitus, à famulis, à proceribus solitudo tantæ majestati dissimilis personam Regis abdebant. Nihil illi propterea minus eum quam, qui erat esse credentes, insalutato, Rege prætereunt. Tunc Rex aut iratus se non cognosci, aut suæ, sicut solitus erat, temerariæ ostentandæ virtutis cupidus impulit equum in homines, nudo illos, quem elatum manu gerebat, gladio vel bellæ per molem, & cursus impetum oppressurus, sed cum ipse tumultuariè, nimis que celeriter sese in ictus componere veller, pede tunc fortè stapedâ implicito in planum sese conjecit, striditque mucrone plenus minarum, plenus ardoris, & iracundiæ, manibus, voce viatores ad necem petebat: Hi gladiis eductis, & nesci à

quo peterentur in defensionem incumbunt, & cum circumire, statimque confodere, quia plures in unum coierant, facile possent Regem, occulto quodam instinctu ac tacito afflatu modestius, ac mitius agendo jure tutelæ utebantur. Intet hæc supervenit Garcia Melus primarius famulus Regis, qui, & Regis intellecto periculo, & simul hominum ignorantia quo Regem decotis, officii subditos comoneret, sublato clamore procul inerepuit, nequaquam sis esse Regi insontes subditos interficere. Viatores ad nomen Regis exterriti propè attoniti primum hæserunt, ac stupentibus similes, collecto subinde spiritu non metus, nec pudor tamen jam cogniti Regis supra salutis memoriam, & curam hominibus valuit ut ipsi statim arma deponerent, cum torvus, & minax & toto corpore concitatus adhuc premeret Rex, sed retrorsum paulatim, & cautè cedentes, & in vacuum arma jactantes, ut hinc elabendi satis intererat spatii, tunc gladiis projectis fugam arripiunt.

Hujusmodi vitæ discrimine explicitus tandem Alfonsus, nec suo periculo edoctus in aliud se statim implicuit, nec præterito minus peticulosum. Inde quippe nocte intempesta digressus cum ad urbem contenderet per iter audito, in cuiusdam hominis rure, quod in transitu erat, equos indomitos pasci, in eos habendi cupidinem actus, illuc, ut equos abduceret properat, cum tamen in vario, & inconstanti quidem ingenio studia, affectusque inter se dissiderent, rerumque sapor, & gustus satietate, ac licentia corruptus esset, eodem quoque tempore Regis cum fortè comes ad ejus aures insufrasset, contra idem tus in religiosorum quorundam cœnobio feroces, immanes inesse canes, & venatui ferarum aptissimos, equis, quos adco anhelabat, omissis, canes petiturus divertit, noctuque

que magno fragore , atque strepitu fores cœnobii pulsari iussit. Regem ad ostium esse ex ea vitorum frequentia , ac tumultu haudquaquam , fallebat homines cœnobitas , ne eo intempestivo tamen , ac turbido ingressu ædes præcipuè sacræ , horæque silentii lege sancita perturbarentur , callidè se simulabant tot lapidum lignorumque multiplicis ictus , quo impactæ fores undique perstrepebant nihil audire. Rex gravius idcirco commotus , & ira cuius impotens erat iussatus januis statim effraçtis per vim in cœnobium irrupi iussit. Proceres ludificare Regis imperium , fingere cuncta quæ ad vim opus essent , per moras , per astus iræ Regis eludere , dumque ultrò , citròque voluntur tanquam ostio evellendo , aut scindendo opportuna instrumēta quærentes brevi illa mora interposita cessus Alfonsus inde se statim & solus avertit , aditque temerè viam quæ Ulisipponem arinasti tres homines ibant. Hos ubi venire videt Alfonsus solitis subitò furis instinctus primùm convicio lacessit , deinde districto aggreditur gladio. Nulla erant in Rege splendore , verbis , incessu suprentæ dignitatis indicia , & si aliqua forent , noctis obscuritas obruisset. Ili igitur à privato se incessi , & privatum se incessere fisci , simul petulantius effusæ contumeliæ stimulo perciti , gladiis acrius erectis defensionem , ultionemque repetere parant. Rex ibi solus pugnando erat , simul altera manu debilis , tum in actione , & corporis motu ocreis , & calcatibus impeditus , in quos inciderat homines , hi numero superabant , & corpora agiliores , vegetioresque sese in conflictu circumagebant. His porro expeditiùs , & fortius rotantibus gladios , cecidit tandem Rex geminato vulnere ictus , ipsumque prostratum , cruore fluentem , & animo penitus destitutum reiteratis iidem ictibus confecissent , eò nisi for-

tè , qui Regem quærebat rixantium , ac sese collidentium gladiatorum strepitu admonitus currens repentè famulus proclamasset , Regem esse , qui cecidisset. Subinde regii alii famuli , proceresque conveniunt , quos ille afflictus , ac mœstus intuitus se moriturum asseruit , tum ira ac dolore vulnecis ardens atrocibus minis , & multo plus de ultione , quàm de salute sollicitus infremebat , sed jam ignobiles homines ad vocis terrorem , quæ Regem prodiderat , fuga præcipites evolaverant , simul tacitè res excusabilis nec omnino inquirenda optimatibus videbatur , quòd temerarium adversus Regem , per tam multa se spontè pericula volutantem , ac subditorum sanguinem stolidè sitientem , brevique ideo sua ipsum , vel manu alterius interiturum , justam unusquisque defensionem opponeret. Itaque clam , atque saucius Alfonsus noctu in Palatium delatus est , severo , metuque mortis successus indicto per aulam silentio , ne in omne nefas quotidie ferè labentis , & cum dedecore , ac nota regnantis adolescentis populari cum odio crescente ludibrio vulgus concitaretur , aut aliquando fidem mutaret. Inspectis deinde vulneribus , nec his lethalibus cognitis , curatisque saluti se pristinæ Rex , pristinisque se moribus reddidit. Cæterum non parentis , non fratris , eoque minus famulorum animus sustinebat ad extremam usque perniciem errantem reprehendere Regem , adeò volubili ex ejus pronòque nimis ad iram animo creverat omnibus metus , horroreque. Mox tamen cum prudentior femina esset , & sanguinis jure conjunctior cum gravitate , tum rei farditate percussa , & quia per filii Regis salutem tot invidentium varietate casuum nonbiguam non parum ab ipsa ac tota republica petebatur , idcirco providit , ut filius per status Senatû verecunda quadam reprehensione ac publico

blico nomine moneretur. Itaque status  
 Senatu Regem conveniente Dux Ca-  
 davalus ejusdem Senatus Princeps sua,  
 & collegarum presentium auctoritate  
 „ in hunc modum locutus fertur. Eos  
 „ Senatores, quos jam ipse videret Re-  
 „ gis pedibus provolutos, & ad quos  
 „ bona, aut mala quæque; reipublicæ ma-  
 „ ximè pertinerent, proprii ducere offi-  
 „ cii eo tempore orare, atque obsecrare  
 „ humiliter Regem, ut mores mutaret.  
 „ Huc etiam matris, fratrisque regii,  
 „ huc omnium regni administratorum,  
 „ subditorumque communia, & assidue  
 „ collata esse vota, precèsque ut ejus sci-  
 „ licet vitæ consulere, à qua omnes  
 „ omnium penderent, & quæ omnes  
 „ secum, & sæpè tot lapsibus traheret  
 „ in casum, & suis quoque irritatis pe-  
 „ riculis immineret, cum ita præterea  
 „ suæ deberet salutis tenacem, & par-  
 „ tum vivere Regem, ut neque alienæ  
 „ quæ eidem maximè incumbit, profu-  
 „ sus sit. Tantam quidem avidita-  
 „ tem, voluptatemque ipsi ipsius dan-  
 „ di, & subditorum sanguinis haurien-  
 „ di, quos pro filiis habere deceret, &  
 „ qui fortunas, qui sæpè cruorem, &  
 „ vitam in acie pro Principe fundunt,  
 „ crudelem ingratitudinem, & impie-  
 „ tatem sanè maximam redolere, & ne-  
 „ dum Lusitano, sed etiam quocum-  
 „ que Rege Scytharum, & in extrema  
 „ Barbaria genito indignam. Ita quo-  
 „ que alium alio subnixum, ac neces-  
 „ sario complexum pro secundo regi-  
 „ minis cursu debere cum Principe sub-  
 „ ditum esse, & ita se gerere utrumque  
 „ oportere, ut si decisset alteri alter, aut  
 „ hinc vel inde quandoque respublica  
 „ elaudicaret, regnum omnino subver-  
 „ teretur. Hunc autem civilis con-  
 „ cordiæ nexum, vitæque civilis pro-  
 „ pe modum spiritum, qui amore com-  
 „ missus, atque conflatum est, odio dis-  
 „ solvi; idque summum apud subdi-  
 „ tos cumulari, ubi servitia, turbulen-

tisque gestis, & per terrores jactata  
 potentia, sperni Rex potius, quàm  
 commendari, & metui, quàm diligi  
 malit. Nullum esse profecto animal  
 quod homine asperius servitutis re-  
 calcitret jugo, & quod magis ip-  
 sum regendi scientiam, ac discipuli-  
 nam ludificet. Quid si ingenua con-  
 tumacia, atque in arcto prementis se  
 se libertati, oblectantique non natu-  
 ralibus frænibus contumeliæ tu quoque  
 & injuriæ irritamenta subjeceris? Aut  
 desectendum à via ista lubrica Regi,  
 aut universum profecto regnum col-  
 labentis ab apice Regis ruinam, &  
 pondus afflicturnum fuisse. Daret  
 hoc Rex egregiæ matris, fratrisque  
 innuistis precibus lachrimis. Daret  
 imperii, ipsiusque ministris, quo-  
 rum intentæ nequicquam vigilæ, ac  
 frustra jactatus in actionibus labor  
 contemptu Principis esset. Daret sibi,  
 totique regno, quorum communis in  
 republica vita, & individuus propè  
 spiritus esset. Secus utique fore, ni-  
 si hæc quàm citò emendaret ut gra-  
 vius, ac serò mox pœniteret. Hæc  
 Cadavalus Senatus nomine. Durius  
 tamen opinione percepta erat via ab  
 illa prava, & longa assuetudine trita  
 deducere Regem, quem non ætas, non  
 vis rationis, non fortunæ conditio ad-  
 juvabat. Obstabat etiam Antonius  
 Contius, & corruptarum ejusdem parti-  
 tium fœda colluvies, quæ illum boni  
 monitis surdum, & vitiorum illece-  
 brebris irretitum, ac propè obcecatum  
 tenebant. Est & altera quoque in mul-  
 tis Regibus macula, & nota, scilicet  
 obscurioris, quàm clarioris conditio-  
 nis hominibus gravioris plerumque  
 porrigere aures, in minoris enim for-  
 tis hominibus simplicitas quædam ob-  
 lectat, naturæ candor amatur; in al-  
 tioris verò metuatur prudentia, cave-  
 tur dissimulatio, ac si quid liberiùs au-  
 dire, vel dicere contigit, suffunditur  
 pudor,



pudor. Obrinuit hæc tamen admonitio Senarus, non ut mores Alfonso, sed ut viria mutaret, & à Martio quodammodo illo ad Venereum incendiū gravius, quàm antea relaberetur. Cæpir igitur Rex in posterum inter epulas, scorta, & hujusmodi voluptates illicitas volutari, quod ab initio minùs dolendum viri prudentes existimabant, ut in spem ex eo adducti, quod rigidum illud, ac penè subrusticum Regis ingenium potuisset fortasse veneris iectibus emolliri, ac suavitate mulceri, perinde, quasi non ita affinia inter se, & coherentia delicta essent, ut aliud ab alio fluerent. Iraque Antonio Duce, & hujus aliis regentibus latus, aliis turmatim, & ponè sequentibus, quos ad scelera omnes morum similitudo contraxerat, noctu per Regis pomarium egressus Alfonso, armisque succinctus urbis semitas peragrabat ad muliercularum quærendas undique domos, quæ decus, & corpora prostituerant. Hæc verò cum tanto tumultu, atque strepitu Rex, ejusque erroris, & imprudentiæ comites agitabant, ut multò plus amores, atque delirias horrere Regis, quàm his delectari, quanquam adeò libidinibus prona: Ulisipponenses feminæ cogerentur. Vias enim, & calles fortè prætereuntes variis molestiis, & contumeliis afficiebantur, huic verbera, illi vulnera inflicta, alii amatores minis, alii gladiis abstracti à feminarum complexibus erant. Ad summam, si ad inferendam injuriam impunitas valer, eam quasi Rex imperabat; si vis aderat turba satellitum, si ingenium, & usus, pudorem, famam, conscientiam omninò illi per se selesti scelere studio, & consuetudine attriverant. Sic porrò velut capta, direptaque urbs, assenniente Rege, Ulisippo ludibria, dedecora, & cædes nonnunquam humentibus oculis inspectabat. Hæc verò tam impunè peccandi, graf-

landique licentia, quam velut furta, & insidiæ à principio, noctisque larebræ contegebant, paulò post vires audaciæ, ut sæpius exercita colligente, petulantius in lucem erupit, & in publica contumeliam, namque ad Regiam interdum greges pellicum ventitabant, nonnullas Alfonso extra Regiam quærebat, versisque rerum nominibus, quæ procacitas erat, ac rursipudo ut animi vigor, & liberalitas jactabatur. Contigit semel præsertim, cum Regi quidam puellæ pulchritudinem oris, & corporis habitum commendaret, & insuper diceret ad Divi Augustini, quod esset ibi celebritas, affuturam, non oculis amor, sed auribus caperetur, ira ad incognitæ desiderium arsisse, ut protinùs Rex cum Anronio Contio, & Francisco Sequeria in læticam ascenderit, petique raptim laudaram feminam jusserit. Venit ad remplum Alfonso, ibique postquam audivit, inde aliò abcessisse puellam, eandem ipse persecuturus illuc ire perrexit. Præcipiti cursu, jubente ira Rege vehiculum ferebatur, cumque in aliud, dum iret, offenderet, in quo erat Martinus Correa vir quidem nobilis, ac bene de Rege meritis, idque à via ut celerius diverteret, acrius læticarii premerent Regis, insolentèrque in arctiori semita locum reposcerent, orto propterea inter utrosque famulos jurgio, è conviciis, & probris ad arma tandem eventum est. Jamque tumultus, & clamor erat; iræ simul ut vulnera ardebant, micantèsq; torabant sanguine gladii; hoc viso, è Regis lætica Franciscus Sequeria ab ea in qua ipse erat Martinus desiliit, opem uterque singularium partium hominibus collaturus. Rex hucusque velis opertus, & abditus, ad armorum quanquam fulgorem, partiumque jactationem agrè se cogeret, tenerèrque subliterat; at ubi incallescere pugnam aspicit, suosque partim



tim amissis, partim de manu fluentibus armis inter fugam, aut interitum trepidare, suo ipse impetu, ac furore pertractus è vehiculo ruit, in Martinum Corream, ejusque pectori fistulam ferream admovit, non tamen excussit, seu casu, seu virtutis, ac meriti vi regis conatibus interposita. Ille jam antea laucius, nunc gladio projecto Regis pedibus advolutus, & in omnem venerationem submissus, ac supplex ignorantiam tunc primum comperti Regis excusat. Ita salutem redemit, componitur rixa; Rex adhuc mussans, nec in se satis ab ita collectus in lecticam reversus est. Ea res, quia in urbe primaria, clara luce, frequenti loco, & levissima ex causa in gravis, lectique intenta viri ludibrium, & cladem acciderat, magno regis famæ dehonestamento, atque invidia tum levitatem, & iram Regis, tum motum intemperantiam, ac dedecus criminantium vulgata est, matrèque Regis imprimis animo afflixit jure dolentis, & anxiam, ne percussa fortè nobilitas uni eorum inultam publicè injuriam in communem conrumeliam referret, scque palam contemni, atque indignè à furioso, ac torpido Rege calcari, neu quid novarum in tegno rerum exciret insanus, vel malus palam ex actibus cognitus Rex, cum tam ex fama mala periculum Regi, quàm ex bona incolumitas constet. Causa igitur accuratius cum tegni administris excussa illorum consensu Aloisia denique statuit, otio, ac desidia solum, atque ideo fortalsè transversum ad impura, & illicita ablatum imbucere negotiis, curisque publicis Regem, sed perfunctoriè tamen, summa duntaxat rerum delibaturum, hoc maximè modo putans, ea honesta per otia à turpibus curis avertere posse filium, nec ita allicere illum dulcedine imperii, ut matre tandem summotus solus rerum potiri vellet. Palam ita-

que Rex unà cum matre Aloisia subditos audiebat, cum Status Senatus consulere, cum res seorsum mater decerneret libenter Rex assidebat, apparebaturque ille mentis tumultus, animique intemperies, ac propè tabes nisi planè correctæ, aliquantulum imminuta, aut contrariis elusa, sive implicita studiis; neque ob regiminis haustum in melius translati moribus Regis, qui rem unus turbare poterat, Antonius Contius adversabatur, tempus jam sibi venisse tatus regalis scilicet gratiæ, quæ adhuc aridum ipsum, & absque præmio recortum inter tot periculorum, ac laborum jam etaverat æstus cum imperii apud Regem auspiciis tandiù exoptatos decerpere fructus, artèque assentandi, qua penetrato Regis ingenio jam satis erat instructus, & qua eò potentiæ suffulcus excreverat, ut lascivientem, sive fudentem, ita quoque imperantem decipere posse Regem. Hoc consilium cum homini placuisset, & leve, ac ventosum ideoque Regis ingenium ambitionis quoque stimulis excitasset, petere extemplo caput à Rege immodica sibi, amicisque, hoc sibi in causa proposito dolo; si enim Aloisia mater annueret, ex voto res illi cessisset, sin obsteret filio, causa, quam avidè quæreret, jam occurrebat Antonio, pervicacia scilicet odia, & acriora inter filium, & matrem dissidia perpetuò disseminandi, augendique, inter quas simultates, ac mutuas offensiones in dies ipse melior, ac tutior cum opibus fieret. Alфонсus itaque ab Aloisia matre pro Antonio Contio primò poposcit Ordinis militaris insignia, inde alia aliis qui in ejusdem partibus erant. Tum Aloisia, cui nec abnuere omnia ne nimio rigore in semet ipsam peccaret, nec omnia concedere filio licebat ne nimia indulgentia rem-

publicam læderet, ut ratione frangeret, quem nec jure materno, nec vetecundia, quæ fragilis erat in filio valebat, rectè monebat regem. Temerarium, atque præcipitem esse quidem obscuri ad honores hujus hominis propè salutum, & insolens incrementum, & in militatis subinde totius equestris Ordinis dedecus, & in ejusdem perniciem hominis eruptutum. Sic exhauriri quoque mercedes, ac regia evilesce præmia, nec in posterum utique fore, cum ratio meriti exigeret, quod dignis muneribus viris retribuatur, aut qui etiam vir ipse nobilis velit loco mercedis jam vulgatos accipere honores. Ita nunc Aloisia desideria regis extrahete, & videre per moras, astûsque si ea fallere fortè possit, sive in longum protracta spe suavia inter verba lassate; suo ipsa prætereà stabilia consilio, dignioribus esse tantum, & sensim, & parcè beneficia distribuenda, ne personarum conditio polluat, ne ea deleat oblivio, ne copia sordescant; spes interim prolatari, mella interfluere verborum; suam esse spei escam, suam esse muneribus, suam lenociniis verborum gratiam.

Inter has Aloisix cunctationes Antonius, qui satis mulieris perspexerat animum virulentus, ac Lepius in aurem regis influere, quod fallaciter idem à matre in illo negotio data opera moras necente per verborum ambages, ac temporis usum irrideret, ut iis effusè donis expletis, qui ejus partes profitebantur, nihil deinde regis clientibus superesset, nisi moror, ac penitentia regiarum partium ab ipsis inutiliter electarum, eoque re ipsa postea dedocti fortasse transirent, ubi pactus ubertas, ubi metes amplissima honoris parata servientibus esset, & quidem æquè stultè, ac superbè procedere matrem, quæ filio gratis negaret, quod idem & posset adigere imperio; & inconsultò quoque

regem acturum, si tunc vacuo, vel picto majestatis simulacro contentus alteri foret addictus, qui tegiminis rationes, & fructus pro se, & contra regem, & regis amicos inflecteret, nec summæ fortunæ paris, atque se spiritus retinentem ostenderet, aut qui spem clientibus faceret, posse se simul, & partes cum gubernaculo imperii inter aulae vortices sustentare. His stimulis incitatus Alfonsus eousque minitendo, exorando vim, & conatum apud matrem intendit, ut omnia, quæ ab illa petierat, pro Antonio denique extorlerit. In hunc modum Antonius Contius, qui adhuc metacatoris personam, ac nomen obscurus in urbe tulerat modò ignobilis, modò nobilis, jam in numero esse, ac supra fortunam, & genus efferre se instituit. Inflatus propterea, & arrogantæ fastusque plenus, cum gradus sublimitas, & subitus oculis fulgor, eique adulatio semper adjuncta velut caliginem oculis offudisset primi regis ministri supercilium, ac speciem jactare caput. Itaque apud aulam ad ipsum quotidie cernebant ambientium confluere turbas, ipsi aulicos adulari, eundem regni ministros, ac procures revereri, atque ipsum consulere interdum negotia gravissima regni, ne illa secus offensus superbia, atque inscitia labefaceret. Eò postremò sublatis Antonii opes, strepitumque potentæ longè latèque diffusum mirabunda Ulisippo conspexit, ut Aloisia Gufmana cui nec contemptor mulieris animus, nec imperiosus spiritus deerat, aut indolis celsitudo ad obsequii, & illecebræ nota quàm plurima signa, quibus Antonium illiceret, procubuerit. Eas nihilominus fixas, ac vi necessitatis expressas, & cum primùm ferret occasio in exitia, ac terrores volvendas illecebras esse cum satis, superque sciret Antonius, contra blanditias blanditiis, & fronte contra hilarem frontem,

frontem, rerumque inanium permiffione eafdem imitatus infidias fe diligenter premuniebat. Igitur prolixioris officii, atque fiducie speciem Regis erga matrem oftentans Antonius Con- tius, fimul ad regni, aulæque tenenda instrumenta converfus factiones, & partes in eadem aula fovere, atque extendere fatagebat. Variis ad eas blandimentis, & muneribus captos non fe- nes vocabat, non probitate, non gene- re viros infignes, fed juvenes ætate flu- xos, mollèſque & natalibus fordidos, qui foli ſibi deberent aſcenſus, & opes, quique facilius ad eas, quæ vellet flexibi- les ſibi, magiſque ſuſpecti, inviſique, qui ipſi invadebant, proceribus forent. Dum verò per regem curabat Anto- nius, his ad honores nuper evectis alios, atque alios ejuſdem maculæ adjungere, atque etiam opibus cumulare, vehemè- tius nunc Aloifia reſuſcitabatur, indignè collata, ſordidata, projecta eſſe ita hono- rifica munera inculcans, ex eoque regie auctoritatis ludibrium, & populi offen- ſiones, & omnium Ordinum ignomi- niam, & reipublicæ detrimentum exag- gerans, quippè quæ jam exploratam Antonii mentem habebat, velle ſcilicet illum per ipſam, ut ſtultam, niſi intelli- geret, coactam, ſi intellexiſſet, intende- re partes, quibus & ipſa citius proſter- neretur. Proinde acriores inter filium, & matrem contentiones exortæ dilata- tæque, juſ illam regiminis, hunc proprii domini juſ obtendentem. Ardebat interim varias in factiones divulſa continuis ſimulatibus Regia, hanc Regi, hanc matri, illam, ſed tamen paucorum, neutri patrocinantem, & furias facèſque inreſtinis diſcordiis af- ſiduas miniſtrabat Antonius; inſuper regni potentem jam diſtitans Re- gem, minori etiam ætate Luſitanos quondam Reges Dionyſium, Alfon- ſum Quintum, Sebaſtianum regni regi- men invaſiſſe. Auxit hos Antonii for-

tè conatus, & vota regis corporis agri- tudo, qua gravi cum vitæ periculo im- plicita multis diebus Aloifia decubuit, quo tempore aula cùm Regem proce- rèsque ſpectarent rerum arbitrium om- nium ſubinde futurum, & venera- tiones idcirco, adulantium curvatio- nes, projectaque obſequia, laudes ubi- que plauſusque longè fuetus majora om- nia, & niſi aulæ patientiæ cutique deformia, proſunderent, liquidius diſcrimen tunc intellexit Alſonſus, quod ſe inter munus, ac regis titulum interponeret, ineſcatus propterea imperii ſuavitate, ac libidine, potiendi nunc rerum cu- pidine ſupra modum inquietus agi- tabatur.

Poſt ubi febris, & languore diſcuſſo Aloifia Guſmana convaluit, regni- que morbo intermiſſas conſeſtim curas re- ſumpſit, ſaſtidiolum, ſtomacho ple- num ore, & conſuetudine aſperiores offendit Regem, eoque animoſius ab illa regiminis juſ repetentem, nec me- tus, aut pudor deinceps obſtabant Re- gi, quin id, quod à matre precibus non liceret, fremitu, ac minis tan- dem arriperet. Hæc mulier ambitio- ſa cùm ſollicitè reputaret, & dolebat, ſe invitam, ac citius, quàm timuiſ- ſet, à regni gubernaculo avelli, & ſimul anxia pervolutabat, quæ irri- ſiones, quæ contumeliæ, quæ ini- quæ inſeſtationes ſine dubio mane- rent auctoritate, atque viribus inter æmulos ſceminam alienigenam deſti- tutam, quibus ſe planè ſubducere ma- lis nulla alia re potuiſſet, niſi fuga, & horrore ſecefſus, aut ſolitudine voluntaria, tanquam à culmine po- teſtatis ad tetraſtæ cuſtodie ſimilitudi- nem devoluta. Cumulabant has mu- lieri præcipuas etiam publicæ regni curæ, quòd à ſe transferendum eſ- ſet imperium in juvenem furioſum, indocilem neque ſuo ipſum uti ſcientem conſilio, neque alieno niſi

codem pernicioso, & quod impura, atque execrabilis illa familiarium ejus carerva, quæ adhuc Regis personam labefactaverat, ejusdem regis potentia jam cuncta tenentis elata, atque ad omnem libidinem dissoluta, in regni perniciem effrenatius volvenda esset. Porro ita de sua deque regni vice vehementer anxia, tristisque Aloisia post multarum refluentium hinc, & inde curarum, animique jactationem in hunc modum tandem constituit artes Antonii Contii, & regis quoque desideria frustrari. Petrum scilicet alterum ejus filium, regni que cum illo administratos nimium sese efferenti, & imperio valde inhianti opponere Alfonso cujus supremæ auctoritatis fastigio, nominisque jactantia, ac populi genio per regii fratris, & magistratuum, & conspirantium procerum nervos, ac robur æquatis, ac ferè depressis adhæreret insuper Aloisia, quæ pondere matris, propriæ factionis subsidio, longa imperii possessione, & opibus confirmatis facilius compesceret regem filium, ac tum demum Antonium Contium, ejusque partibus implicatos regno extorres ejiceret. Ad hæc exequenda bene consilia Rex ut natura penè crudelis & furibundus, ita pavidus videbatur, & ferocitas ipsa quoque insidiantibus opportuna, & inepta ingenii hebetudo moliminibus fore in promptu esse apparebat fratrem cum fratre committere, cum diversitas morum, & anceps utrumque regni spes, & contentio distraheret; suspecta, & summo opere invisa ea quæ tunc à juvenibus tentabatur gubernationis inversio magistratibus accidebar, cum ea, quæ ipsos extulerat, regimine cecidisset. Ad hæc novas res molientes, præsentisque immiscentes homines erant ignobiles, viles, ipsi corrupti, & corruptores Regis, infames, egentes, ad pactum duntaxat mendicitatis scelerumque licentiam,

officia, gradusque in regno quærentes, quos facile quidem fuisset infirmare, aut sublato præsidio Regis judicio terrere, aut suppliciis afficere. Hæc ita ratiocinanti cum femina mens infedisset, artificii subinde texere telam aggressa Petro proposuit, interesse reipublicæ ipsum, & citius Principem Lusitanix, regni que heredem per ejusdem Comitum renunciari, Rex enim Alfonso ut corpore vitiosus, habendæque sobolis maxime dubius, & si nihil à fide, atque officio torserat hæcenus Lusitanos, hebetabat tamen in illo, suspensosque à fortunæ casibus variis, fluctuantisque in regno animos relinquebat. Cum autem suscepta impetrantibus proles, quantoque ipsa plenior validius dominationis subsidium à sapientibus censeatur, eo carere tunc Lusitaniam in Alfonso Rege subsidio, penè jam ipso spe naturalis successione orbato, & hæc insuper foris vulgata esse, & remedium quamprimum ex republica posci, ne longius in dubio, populique censura imperii successore relicto, datoque imprudenter ad residè innovandas turbulentis hominibus pabulo alius fortasse aut externus, aut extra regiam familiam sese ad regnum occupandum intruderet; postremò si alium ipsa regem infelicitè genuisset, maxime, afflictæque solamini fore alium filium imperio dignum indigno substituisse. Talibus argumentis & sibi, & juvandæ quoque reipublicæ accommodatis Petri sua spontè, & natura inclinatam ad regnum animum mater extimulabar, eoque altius in hominis viscera hæc jacula penetraabant, quod minus mater credi debebat in alium fingere amorem, in alium filium occulere odia. Hoc porro negotium quemadmodum ipsa decreverat, transactura ingenti sollicitudine, ac studio aulam, regnumque miscebat, & in suam sententiam

sententiam trahere imperii administratos elaborabat; sive enim ex voto, sive scilicet ea rescecidisset, patefacta jam voluntate, vel semper obrinuisset alterum filium expectatione, & amore, alterum metu constrictum tenere. Ceterum factu ipsa asperius, quam antea putaverat femina comperit ad rem ex mente conficiendam regni Comititia cogere; non enim eo tempore plane certus, atque omnibus exploratus in toto cœlibi, ætate viridi genitivus Regis defectus erat: propterea jam vigenti, jam integro in speciem Regi suspectæ, atque incertæ sobolis gratia, cujus rei tempus æquus Iudex futurum fuisset, alium, & fratrem ex æquatura propè Comititia duos quasi Reges in uno regno constituisset, duos scilicet turbines, atque eversores imperii, cum acerbior subinde æmulatio, & trucior utrinque invidia hinc à spe, hinc à formidine vires sumens ad lacerandum imperium esset dissentientes fratres, simulque cives concitatus. Hac igitur spe devoluta Aloisia, & in aliam statim erecta, superbè lautèque Petrum exornat habitu, & cultu fortunæ regis, ut per ostentationem, & luxum suas cogitationes extenderet, & per res quoque inanes vulgi favorem, & auram captaret; deinde à Regia, atque fratre separat Petrum, & quibusdam in ædibus, quæ Ulißipone quondam Christophori Moræ fuerant, ornatis dilucidè collocat. Hic regio illi more familiam constitutam ex proceribus regni æquè fidelibus sibi, ac Regi suspiciosus apposuit; postremò ei præceptorem, viæque magistrum adjecit, regalis sanguinis nemini in Lusitania, præterquam Regibus dari ex veteri more solitum. His sibi artibus Petro devincto, addicçãoque, regique fratri in magnifica, ac regia pompa, in spiritu elatione, in regni spe proxima objecto, tunc se simulans Aloisia velle sua spontè

abdicato regimine monialium in quodam cœnobium animæ procurandæ, & quietis amore secedere huiusmodi codicillos ministris, regni que Principibus misit.

*Præsentis meæ vitæ labor, æternæ sollicitudo, animi trepidatio, res contraria, ac difficles, in quibus nunc ego vivendo, & rempublicam gubernando volutor, cogunt me tandem, à vobis ut consilium, & opem petam, ne in eo potissimum errem, quo mihi, & vobis, & regno prospicere maxime cupio. Equidem nimis auferam, laboribus fessam, & miserabilem vitam duco, dum ostentoso præfideo, ac bicipiti propè regno. Placet mihi ratio, æquitas, modus in rebus, hæc displicent Regi, qui vel rerum incertitia, vel certa adversandi prurigne mihi, vel alicui scelere ablatus omnia dicta, & facta mea labefactat; ac si contra nitenti efficacius obistere auctoritate, sive sententia velim, periculum inde patet, ne is omnino profugato pudore insolentius, & contumacius, in posterum mecum alturus sit. Ita sanè cum hoc irritum, & vacuo Lusitania Reſtrictis titulo me onerant modo, premuntque filii Regis ludibria, quæ in me publicè versa regiminis conturbati, aulicorum coarctata calumnia, insinuatque in animo pavor extrema absque dubio calamitatis, quæ rebus eò usque confusis, atque permixtis, nunc imminet regno, quandoquidem Regis, ejusque familiarium licentia, natusque omnia vertendo casibus offert, sibi nimium impemum, ac rerum omnium arbitrium, mihi pericula, ac dedecora comparantur. In statu tam misero constituta, nihil ultra mihi reliquum esse videtur quam otio per suam, & solitudine conquiescere, quam citò mihi, regnoque præmori. Quod potissimum attendenti cœnobium duntaxat aliquod ad evadentis receptum, & circumstantium malorum effugium occurrat, sed quæ id rationi pro mea existimatione, ac dignitate me peragere quoque deceat, vos ita quæso mihi con-*

*sulite, nempe minime ut, bine facessere mihi, atque ex tot, qui me undique flumibus urgent, in solitudinis portum me recipere liceat nec-ne, per id quod vobis exposui in consultationem adductum intelligatur, sed modus tantummodo, & forma idipsum rectè conficiendi, scilicet, ne honestus quidam velut militia cursus, quem res bucusque temperando sustinui, recessus turpitudine deformatur. Quippe si hujus rei dubiam, animique fortè pendentem me quisquam existimaret, locus profectò daretur adulatoribus, insidiis, atque fide loquendi mecum, ne regnum in lubrico descram, ne tot jam ego persanctis laboribus breve per otium, quod temerè quærerem fructum eorum, & gratiam omnem amiserim; esse enim Alfonso propter aetatem, animum imbecillum, & multos, eisdemque pravos consiliarios tam inermem, tam gravi regiminis moli longè imparem subeundam, meque adeò oris, vultusque falsitate circumvenirent, ut acrius postea, quemadmodum jure metuo, inundantibus malis, non spontè cessasse, sed regimine ejecta videres, quandquam ne satis quidem hac cautioe moderi possum, ut, quibus nec copia, nec rima ulla etiam pateat verbis, rebusque meis detrahendi, hi vel infestellere dicta, vel interiorem carpero mentem pareant. Qui verò consilio & ex animo sentiunt, tunc velle me omni projicere imperii cum turbidis rebus, statu aspero, spe graviori subsidio praesertim, & Reclorum comatibus egeat, ideòque me mutare sententiam malint, his ita hominibus satisfacio; quod si hac tempestate, hoc publico incendio conflagrandum, ac percundum, ut videtur, omnibus est, siue in labore, & periculo, siue in otio, atque umbra degentem me sati quoque necessitas rerum omnium tuentium impetu rapiet, ac si nibilo ferius cum tanta calamitate, ac periculo in squalore, ac tristitia pro illorum sententia ne aliter regnum hoc, quaecumque fuerit, admodico careat, morte gravior hac vita mihi te-*

*nenda est, magno mihi ipsi constiterit tam agra, atque incerta reipublica salus. Quare vos strenuis, promptisque remediis jam ita inclinato, ac labenti succurrite regno. Hæc una mihi nunc elabendi superest via, prorsquam me, qui in presentia armunarum vortex evolvuntur, cum prorsus vires, animusque defecerint, obruant.*

His per primarios regni ministros, & procetes litteris circumlatis, ubi plerique sagacius non ex stylo, non ex sonitu vocis, sed ex animi affectione, & ingenio Aloisii Gulimanz sensus interpretantur, eos nimirum non dominium cum otio mutandi cupidos, sed per verborum circuitus, & fucos, revera filium, & quempiam summi imperii participem dedignant, placarique perfacile posse feminam putant, si Antonius Contius, ejusque impuræ factionis clientes, qui animum Regis jam ambitionis, jam itæ stimulis agitant contra matrem filium armaverant, extra regnum ablegarentur; præterea sua quoque interesse in eo auctoritatis, ac muneris gradu feminam contineri, ne rerum omnino potius Alfonso eisdem suspectos, ingratos, ut ab amula matre promotos excluderet, vel cuncta sibi arrogaret, ac temerè usurpans ea malè, & contortè moderaretur sine suo, siue amicorum flulorum, ac perditorum arbitrio; postremo res novas esse illis tantummodo optandas, quibus aut egestate pressis, aut ignominia perculsis, aut horum amplitudine ejectis nonnulla spes hæreat, in turbulento aliquid expiscari, at in alto regiminis culmine constitutis quascunque rerum conversiones fugiendas, abominandas profectò esse, ut lapsus periculo proximas respondent ideò Aloisii. Si valetudinis ipsa, si procuranda anima causa, vel exhausta fortassis apud Regem patientia cum tanto reipublica incommodo exonerare se tandem curis publicis velit, e-

*riorque*

*riorque propterea ei foliando fias, quàm utilitas regi, potiusque meritò caveat, quo minus offendas suis virtutibus amulos, quàm per eas ipsa cures suis clientibus satisfacere, nec tam valida suppetat ratio, quæ satis hoc animo fixum ardetare consilium possis, vel antequam ultro se ipsa gubernaculis abdicasset, ea vilissima capita, illas reipublice pestes, quæ omnia tunc perditum ibant à lavere Regis abstraheret, ut eadem absente, nullòque obfistente, licentius deinceps in Regis regniq; perniciem incumberent.* Lata hoc responso Aloisia, quod integra oris ejus modestia occultæ mentis recessus exprompserat, & quod pro oblectatorum, dominique sibi auctoritatem, & usum inturbantium expulsionem conspirantes secum ministros cernebat, ut tamen popularis, & gravius more Hispano res ageretur, & suam quoque sub alieno consilio, & publico bono larvam imperandi libido quæreret, hanc prius Senatus, cujus omnino explorata, ac dedita sibi suffragia noverat, agitatum, firmatamque sententiam voluit. Frequens ergo Status Senatus cogitur, réque ibi serius, intensiusque discussa, ubi secum procures conferunt, jam inde à pueritia degenerem Regem non exemplo parentum, non matris præsertim, vitæque magistri minis, ac disciplina, non monitis Status Senatus, aut consuetudine famulorum genere, ac virtute præstantium incultos, & horridos mores, qui personam, & majestatis speciem dedecorabant, hætenus exuisse, cumque sæpe contingat salubria consilia spernentes aut periculis dedoceri, aut excutere tandem fortunæ fustibus vitia, Regem Alfonso qui mortiferos expe lapsus, qui extremas cum bellis, atque hominibus pugnas, qui turbulenta noctes, ac turpissimos dies exegisset, qui pericula omnia temeritate, ira, casu irritasset, adhuc protervum, & animo cou-

tumacem non cohiberi periculo, non consilio emendari, non experientia, non ætate proficere, nec satietate lassari, atque ipsum ita profectò immitem, indocilem, pravisque cupidinibus resolutum, ac mollem conspici Regem, postquam ejusdem Antonii Contii, ejusque impiorum societate sodalium affatus contagio fuisset. Propterea decernunt fœdum hunc cum suis satellitibus hominem, ut seductorem Regis, ut funestissimam regni faciem etiam invito Rege Ulisipponem quàm primùm exterminandum, ut suo Rex tandem, vel matris ingenio usus regia studia repeteret, tamque indigna, atque vilia Regisque nimis deformia repudiaret. Fuere tamen, qui in eodem confesso, seniorum nonnulli timide pertentarent cum acrem Regis offensionem, ac supremæ dignitatis ludibrium, tunc nec parvi quidem momenti mala, quænectere sensim in regno progressu temporis potuisset semel, & palam spreta, ac neglecta Regis auctoritas; siquidem nihil miserius, & unde influere majores in regnum calamitates valeant, conculcato respectu Principis sit, alia tolli fortasse via improbum hominem posse, quæ incorrupta Regis auctoritate, ac jure majestatis illæso in incerto ejus exitum reliquisset. Sed quia matris tunc studiosius, quàm Regis per consiliarios negotium agitabatur, eaque de filii publica contumelia, cum sibi imperium asseruisset, parum admodum laborabat, in dubio filius an mater imperitare deberet, ne vi hæc, sive sponte regimine cederet, per hoc Senatus consultum Aloisix beneficio colatum, quod de regia auctoritate, atque gratia detractum est. Igitur Antonii, & sociorum ejus exilio advertante etiam Rege decreto, res ita deinde cepit ex composito trahi. Unà cum matre Rex in cubiculo, ubi de more negotia publica pertractabat, inclusus



sedebat; custodes frequentes in foribus aderant auditu quemquam arcere severissime jussi. Interim Dux Cadavalus cum militibus, regique custodibus corporis ad sedem perrexit Regis, ubi immorari solebat, & tunc versabatur Antonius, qui ex turba, atque strepitu minacique vultu adventantium, & aliquid ingens audentium ruere illos in ipsum velle conjiciens, illicò fugit, atque ad interiorem Palatii se partem recepit, clausasque ibi fores munivit. Ad vim se comparat Dux Cadavalus, & pulsantem, urgentemque iteratis ictibus ostium sciscitatur tandem Antonius Ducem, cur violentus? cur ita præceps peteret ipsum? cur turba satellitum circumfusus? quærit cum ad custodiam, retulit Dux Cadavalus, mandato Regis. Antonius autem ex factorum suorum conscientia, ex odio Aloisæ, ex magnatum omnium invidia simul fortunæ conversione, & volubili quoque Principum voluntate carcere, & vinclis atrociora sibi sanè supplicia metuens, quantum per ostii firmitudinem, & interiora quoque munimina poterat, vi vim illatam repellere contendebat. Cadavalus nisi fores statim aperuisset, illas effringere comminatur, tum contumaciæ crimine adjecto pœnas se duplices exacturum fuisset. Ad ea Antonius valde confusus, & animo pavidus, consternatusque, in illo articulo incertum, ex animo, an dolo, an ob temporis usum promissum exciderit, si vim ille remitteret, ultrò se dedere pollicetur, incolumi dummodò vita id agere licuisset. Spondet hoc protinus Cadavalus, impetumque data pro fide relaxat, cum verò perfidia, seu levitate ductus stare promissis nollit Antonius, tunc ira succensus Dux Cadavalus ferri instrumenta jussit, quibus fores dejicerentur. Inter hæc Comes Castelmeliorius unus ex famulis Regis, cui ejusdem diei excubiarum

fortè vices obtigerant, seu Antonii, seu Regis gratiam aucupaturus, seu quoniam sui officii certo in die illo duceret vindicare ab assaultibus Regiam, primò execratus palam rem est, illa applicita vi dignitatem personæ regis violatam, temeratumque Regis sacrum dictitans, deinde cucurrit ad Regem ut ejus mandatum, & animum exploraret, at obsecratos fores offendit, simul militum multitudinem aditum obsidentium. Regressus ergo Castelmeliorius ad locum ubi in Antonium Dux Cadavalus cum fabris, & satellitibus contra januam vim intendebat, satisque per omnes septos ad Regiam aditus explorato, incio Rege illa fieri, contumeliosè, atque acerbè Ducem jactavit, minas præterea, & pericula inculcans, quæ Regis ei furor, cum id rescivisset, abundè præunciabat; Antonio tandem suam fidem, & operam obtulit, ignaro illa omnia Rege, seque omnino improbante agitari alta voce professus: Cadavalus verò plus exequendo præcepto, quam iræ indulgentiæ, aut linguæ lubricæ tribuens, priùs sibi fas esse, dixit, Aloisæ penes quam tunc essent imperii fasces, conficere jussa, & plectere postea, ut par esset, oris ejus intemperantiam. Hic igitur acriùs cum scindere fores, & sedem illam irrumpere niteretur, jamque ostii compagibus fessis, clavisque ex parte refixis cum Antonius inde evadendi, aut se ampliùs tuendi amisisset planè speiri videretur, tunc illi proponit Dux Cadavalus, vivus, an mortuus abstrahendus è loco esset, utrùm vellet eligeret. Hæc audit Antonius, & ubi revulsâ jam propè claustra, urgere inimici superioris imperium, & minas videt, nihil præterea sibi opis à Rege, nihil hucusque ab amicis, & clientibus accessisse, capitales subesse moras, & quod ibi concordia, & fides quamvis ambigua non impetrasset, deteriori



teriori conditione necessitarem mox expressuram fuisse, cum demum ultrò foribus patefactis Cadavalii se Ducis potestati permittit. Eodem quoque tempore & alii nefarii, locòque sordido nati homines, qui arctius obstricti Anronii partibus erant, & cariores erant Alfonso in urbe, aut in Regia cum Antonio comprehensi, raptimque in navim ad hoc in portu expeditam, impositi, exules omnes ad Brasiliam ejecti sunt.

His rebus celeriter actis postquam Aloisia renunciatur factum esse, quod imperasset, surgit ipsa statim cum Rege, illumque in aulam Regis maximam ducit, quò urbis magistratus, & Ordines, simul prænobiles spectantesque virtutis viri à muliere accersiti conveniunt, quorum conventus ex prisco Lusitanæ tradito more in rebus fortuitis, & arduis Comitiorum vices adimplet. Quæ omnia ex professo adornaverat Aloisia quò universi propè regni consentientis auctoritas in populari actione tegeret ipsam, metum incurreret Regi, vel iram leniret. Constitit ibi Aloisia mater cum Rege, communique circumfusorum Ordinum nomine hujus exempli literæ recitantur.

De abusu justitiæ querelas vehementes effundere cives, quò dea passim neque incorruptè neque equaliter ministratur, cumque primum hoc regii disdematiæ ornamentum, ara clientium, & reipublicæ columen sit; præterea Aloisiam Lusitanæ Gubernatricem censores singulis Tribunalibus statuisse, qui quælibet causas, & corrupteliæ materiem præbentes inquirerent, & accerrimè vindicarent, injuriis affectu jus resarcirent. Dolere præterea regnum, atque effusim animo angere, Alfonso Regem cum videat præ ætate regni capacem, præ indole negligentem, à publicis curis aversum, & nugatoris, & vanis implicitum aut male sentire, aut nihil omnino de regno curare, cumque pondere annorum, rigidi-

que gubernii laboribus lassâ mater jam cupiat in silium ætate, spirituique vigentem devolvere onus, exhortare mulierem tot inter fluctus, & æstus quibus regnum agitabatur, & gubernacula tradere, qui ea ipsa prorsus sit contempturus, aut aliis tractanda daturus, qui regnum, quod hactenus vulneraverant, post adjecta sibi potentia planè distraberens, affigerentque satir præterea constare eosdem homines natalibus turpes, moribus turpiores, nec aula minus, quàm regno infectos, cum se in illis dolis, & fraudibus immisissent, jam sceleribus inquinatam, jactisq; quotidie dissidiis, & jurgiis inter matrem, & filios, inter fratrem, & fratrem, inter regni ministros, & proceres, inter aulicos, aulicosque eam penè disceptam à bonestare & consumere. Nullum in super esse facinus, quod pudicitiam mulierum, quod juvenilem candorem, quod judiciorum integritatem, quod leges, quod mores, quod humana omnia, quod sacra Disippone jura polluerat quod ab hac tartarea officina non profuxisset. Ad hanc malorum in urbe sentinam exhauriendam, quod videbat, ministros, ut erat officii, Aloisia matri consuluisse rogasse, ut tot, tantiisque flagitiis, maculisque coopertos homines à Regia, regniq; peste, & exitio quàm citò depelleret, eamque quod ita fieri expedire alteri intellectui cognosceret, sicut illi decreverant, imperasse. Proinde se denique monitum velle Regem, in hac magni momenti causa æquè ministros, ac regiam matrem suo ritè persunctos officio esse, quod esset præsertim cum honore, Regisque salute, communique utilitate conjunctum. Ceterum nemini magis, quàm Regi gratum, letumque debere illorum supplicium accidere, quod de nemine magis quàm Rege ipsi infesse, & iniquè consulissent. His codicillis regni nomine recitatis, ministri, procerumque primores in terram de more demissi post Regis, matrisque manuum oscula recessere. Rex vero improvisa, & re illa insolita propè

pè attonitus, anceps, nec quid secum in illa scena ibi factum, dictumve esset adhuc satis mente percipiens inter eas tenebras, & animi æstus pallore suffusus circumstantes interrogavit, essentne illa regni Comititia, eousque odiosa ac suspecta quævis hominum unio, & Comititia præcipuè Regibus sunt, ut Rex Alfonso alioquin ingenio rudis, hebesque naturali quodam afflatu ea visus sit expavisse: Tunc Garcia Melus, qui propius astabat, respondit regi, subditorum publicas querimonias in Antonium Contium, ejusque familiares ingenti, atrocique cumulo ingestas coëgisse Aloisiam illos, ut reos manifestos, & populariter execratos omnium Tribunalium, Ordinumque consensu exilio multare. His rex auditis ira flagrans, quam ardentes per oculos, torsionem membrorum, ac totius agitationem corporis evomebat, alta voce Antonium appellabat, eodem subinde vultu, torva fronte, citato gradu, ad interius cubiculum advolat, nec ibi inventum Antonium, ira magis excandescens, se quæsiturum asseruit, & quocumque ejectus, abditusve fuisset, inde per vim extracturum minatus est. Incassum tunc Regem niti, subjunxit Melus, cum jam navis quæ unà cum sociis extorrem Antonium ad Brasiliam vehebat, è portu solvisset. Verumtamen ita Rex intelligeret, eò quidem discriminis, ultimique momenti rem esse adductam, ut brevi ipse Antonium, vel regnum amissurus fuisset. Ad illum regni, quod super omnia saltem in terris diligunt Reges, jacturæ susurrum indociles quanquam jactatum ad aures, se ipse statim tenere, & colligere Rex, æstuantemque paulatim componere vultum ostendit. Mox Emanueleni Antunesium accersit hominem sibi ex longo intervallo fidum, acceptumque, & cui soli ex ea fece stratarum paulò ante partium Alois-

sia temerè ignoverat, aut inconsultò neglexerat. Is atque Comes Castelmeliorius, secreto, multoque producto cum rege colloquio, nedum rei perpetratae seriem exposuerunt, sed etiam callidius, ac plenius amplificaverunt, velut stimulos iræ in animo regis, & facibus faces addentes. Ceterum duo, eaque planè insueta, atque nova peperit illa regi suborta ex gravi offensione tristitia, atque animi perturbatio, summam nimirum erga Castelmeliorium Comitem fidem, & gratiam, & quæ adhuc peregrina, atque incognita sibi fuerant nonnulla artificia, & simulationum integumenta, sive hoc afflictatione experrectum ingenium, sive cupidio ultionis, vel novi potius magistri consilium attulerit. Itaque ad vesperam Rex velut cura solutus, & animo vacuus more suo cursum equorum exercuit. Postridie, festus cum dies cecidisset, quæsitæ marorem gravitate dissimulans ad Regiæ sacellum rei divinæ interfuturus accessit. Hunc porro nobilium major solita multitudo, atque effusior hominum veneratio cultusque Regem euntem secuta sunt, sive arte Aloisix, sive insita nobilitati superbia, generisquæ jactantia, perinde quasi ab aula conspectu, à nobilium consortio impuri, novique hominis ablegatio studia optimatum exacuisset, resque illo tempore, qui aulae multiplices nesciunt fucos, & cortices introspicere, videbantur in melius hoc novo mutatae consilio, simul, & ipsa Aloisia sublimis quanquam ingenii mulier, spectamen ambitiosa decepta, ac nimis credula sibi, revera putabat suis jam se artibus in regimine stabilitam. Verum enimverò, qua ratione, qua industria ad Lusitanum imperium, & regimen prorogandum femina incubuit, ea ipsa sibi hoc abrogandum acceleravit.

Quippe Comes Castelmeliorius pro Antonio Contio dejecto in Regis arbitrium

bitrium, & gratiam invaserat, vir ipse prudentia, ac genere clarus, cujus spiritus avidos dominandi, prærer hucusque facilitatem, ac negligentiam expertam regis, copia etiam affinium, reique opulentia, arque aura nobilitatis inflaverat, cesserantque dedecora, & sordes in illo, celeriora venena invidiæ, & publica odia, propter quæ Antonium Contium regia, regnòque meritò exactum Lusitani censebant. rex quoque violenter ex facto matris exacerbatus, atque ad vindictam maximè pronus pristino suo desiderio arreptum illi imperii regimen occupandi, ardentiotes jam ultionis aculeos addiderat, quos intensius inflammare, & acuerè regisq; animo penitus figere variis Comes inciramentis non desistebat. Puella præterea nobilis, eaque Aloisii servitio domestico addicta, quam rex redamabat, & quæ caurè solebat omnia dicta, factaque matris malignè detorta, vel aucta in majus filio deferre, clanculum hunc allocuta, dum ira ebulliens, atque in omnes Regis affectus verè, seu sictè transfigurata matris inflationem, arque jaçantiam, publicam contumeliam, ancillarum omnium offensionem intendit, novo quasi æstro percitum regem vehementer exaggravavit, cujus vel immodicus amor, formosæque in rege puellæ placendi voluntas, & studium, etiam si minus seipsa iracundia valeret, illum maximè commovissent. Super hæc Antonii, ejusque clientium, inconsulto, deluso rege, contra summum ipsius votorum præcipitata illa expulsio apud aulam, & urbem haud aquis omnino animis, pronisve auribus ferebatur. Seniores enim existimabant injuriam infictam regi, & cum ipsius magnitudinis nota vulgaram majota in posterum detrimenta sub dissimulationis velamine collecturam. Vultus in aula, atque regno Antonii

simul extinguere partes, adeo ut nulla quemadmodum oportebat, copiosæ factionis scintilla relinqueretur; tentare difficile, cunctari periculosum, exitiabile protus omittere videbatur. Plures etiam eorum quibus antea Aloisii reciproco merito obnoxii, mulierisque fortunæ implicitis, atque eodem pendentibus astro aula omnia secreta parebant, hoc ultimo, quo adversus Antonium Contium proscriptionis series contexta erat, exclusi, quod se per injuriam amotos arbitrabantur, fidem in diffidentiam, amorem in odia invidia premente, converterant. Quosdam perplexos, & cunctabundos fluctuantium in aula rerum tenebat exitus, quo nempe fortuna mox inclinasset, inde opus æstimaturos, & sibi consilia capessituros. Volubili more vulgi plerique qui Antonio illatum nuper exilium laudibus celebraverant, subinde quia secus res cesserat, atque eodem manente rege, Dominum tantum mutasse dispiciebant, Aloisiam, quod idem jusserat, sermonibus vellebant. In tanta varietate sententiarum, arque animorum turbatione rex Alfonso in suscepto consilio tacitè perseverans, ad aliam hebdomadam Castelmeliorum Comitem jussit jam expletas corporalis custodiæ vices extrahere, ne alius minus regi fortasse fidus officio succederet, qui occultum ejus propositum exploraret. Deinde, ut sui moris erat, ad Alcantaræ amoenitatem secessit, Petro comite fratre, & apparatu, luxuque regio præter morem sumptuoso, ac magnifico circumfusis, simul certatim obsequia illi viri nobiles exhibebant, quia explicare se jam majestas in rege, & supercilium extollere videbatur. Huc etiam cum rege perrexerit Comes Castelmeliorius, vocatòque ei, qui erat è secretis Consilii Stratus incompósito vultu, & asperis verbis increpitans dixit, rationem ab ipso

reposcere

reposcere regem ubi esset, & viveret adhuc Antonius Contius, an actus inimicorū ob Regis contemptum illū immerito rapuisset: his minacem in modū prolatis verbis, & in se ipsis habentibus pondus, eō usque suspensos, ac trepidos circumstantes relinquens, ut non memoria abolita injuriæ, sed pro tempore decoqui videretur. Eodem Alfonso labente die Ulisipponem revertit; matrem in Regia soliro more, at jucundius salutat, blandos cum illa sermones miscet, ad seria quoque divertit, nec fronte, nec verbis in eo protracto cum illa colloquio irarum quidquam effluere passus, quas tunc ingentes sub pectore revolvebat. Paulò post, ex sententia dispositis rebus, repenrè Rex inscia matre Aloisia rursus Alcantaram petit, cum tumultuariæ hujus discessionis conscī tantummodò essent Comes Castelmeliorius, qui eō Regem secutus est, & Comes Aurogiz, qui eodem mox supervenit. Inde quod tandiū Rex parturierat tandem animo fundens per circummissos longè, latèque in regni ambitum nuncios, & litteras monuit Rectores armorum, simul urbium, arciumque præfectos, iniisse jam Regem Alfonso imperium, ac regimen regni, cujus ad ipsum jus, & possessio, soluta tutela, ob ætatem legitimam pertinebat; deinde optimates, primariosque regni administratos, qui Ulisipponem tunc assidebant, venire statim Alcantaram jussit, ut ibi eos sui consilii participes faceret, & solita officia repeteret, nihil utique prætermittens, quo novi passim regiminis popam, strepitumque diffunderet. Audit hæc Aloisia, & cum mente, arque animo perturbata, tum mole curarum afflicta ne malorum quidem extremum præ injecta formidine fore putabat jacturam regiminis, splendorisque mutationem, Extemplo itaque Status Senatum femina vocat,

ejusque, cui summe fidebat in re tam ardua sententiam macta, ac sollicita exquirat. Hic re properè excussa, longius enim cunctari non patiebatur, asseruit, parvo quidem negotio vi, si ve arte frustrari posse conatus Regis, nisi in causam illi annitenti populi favor accederet, qui, quia naturæ quodam instinctu ad Regem, resque novas propensus erat, atque ad illam maxime partem, quam per injuriam oppressam, ac tenuem existimasset, sese protinus commoturus, & ad filium potius, quàm matrem censendus esset suis studiis inclinaturus. Consuluit idcirco Senatus, ut statim epistolam mater scriberet Regi, qua de re intempestiva, atque subita, seseque inconsulta illum blandè, ac suaviter castigando dilatare subinde, aut cum ipso Rege conjunctam imperii administrationem deposceret, & nisi fas esset matrem à filio aliquid exorare, & accipere, quòd ita saltem in republica foret. Occurreret etiam in via nuper ab illo accersitis, atque adeuntibus Regem Emanuel Paceccus, jussuque Aloisæ Gubernatricis indiceret, Aloisiam ut prius convenirent, quàm ad Regem accederent. Arma interim pararentur quibus Prætorianis militibus, famulis, & qui fidi, atque obnoxii partibus putabantur instructis, Aloisia filium armata conveniens vel cogeret eum ab incepto, quando leviter ipse nolle, armorum terrore desistere; modò nec populus, ut metus justissimus erat, apertè pro Rege tumultuans rem interverteret. His ita consultis, jam Emanuel Paceccus occupaverat iter, quà ituros ad Regem Aloisæ imperio retraheret, editisque in vix medio cum summo rigore, minisque mandatis, plerique nobilium Ulisipponem regressi sunt, admodum paucis Regis, quàm matris potius imperium fuit. Jam levi concepto de Rege judicio

contrà

contra id, quod plerumque accidere solet, agente, ut cauti plus homines occidentem, quàm orientem potentiam revereantur. Ea Rex ubi exterritus videt, simul, & arma in urbe parari, factio- nismque matris, & copias, & turbas undique augeri, ipse dum inter æmulus destitutus, ac propemodum solus ancipiti spe, alienaque & incerta pendebat ope, seque à principio rem duram aggressum, & forsan exitu sediore, tunc quidem dignitati, vitæque servandæ magis, quàm invadendo regimini intentus, & anxius, paucorû, qui astabant, amicorum consilio Julianæ arcis Præsi- dem clanculum perterritavit. Liceret ne Regi in arcto salutis, imperiique discrimine posito, si modò fugam fortuna reliquisset afflicto ad ejus arcis tutelam confugere. Verùm hæc omnia momento disjecit repentè comperta Uli- sippontensis populi concitatio, qui inter angustias, & animi fluctus audito, versari tunc Regem Alonsum, illique insidias, & vim, quo minus sua jura repeteret, ab inimicis, & æmulis comparari, continuo exipit miscere cætus, effundere quæstus, & minas, frequentibus urbis in locis fuscitare tumultus, elicere iras, & iris per varia fomenta superad- dere faces; jamque arma, & certamen, & justa certaminis causa in ore, atque oculis hominum erant, & vetera quoque reipublicæ vulnera, quæ apud populum consenuerant, novis adjectis aculeis recrudescente videbantur, ebulliebantque atrox jam jam in omnium exitum eruptura seditio, quæ Rege Duce, & furioso pariter Duce terribilior tunc exarsisset, cùm viri prænobiles, qui pridie à Rege vocati, & à matre retracti fuerant, & qui vocati quoque non fuerant, mutato cum rebus consilio, frequentes ad Regem Alcantaram confluunt, ibique erga Regem, quò animo quif- quam iniquior, ac perniciosa in odio

erat, ne crimini mora daretur, aut vul- tus fortasse conscientiam argueret, cò promptior obsequio erat, & ore di- ctisque profusior. Igitur Aloisia jam popularem propensionem intuita suo æstu, afflatuque cætera pertrahentem, & frustra per arma se querere impe- rium, Uliisippontensis si populus, qui super cæteros furere soleat, cùm semel fraxos abruperit, insaniret, ar- mis tandem, minisque depositis ad preces duntaxat, & verborum de- linimenta procubuit, ejusmodi episto- lam filio per Targensem Antistitem reddens.

*Mibi nuper allatum est, Alcantaram te discessisse, eò quoque familiaritatem ac regiam suppellectilem exportaram, eò raptim nobiles accersitos, & res novas nonnullas queri. Quod cum me planè præterita scilicet sit, verior, ne in provisu iste dis- cessus tuus quamdam à matre secessionem, animique alienatorem sustineas. Equi- dem me te uniuscuiusque arbitror optime matris sanctam officio esse, tua modò interest mearum acceptarum viscerum par- tem, & spirabilem vitam, & hujus lucis usuram dissimilibus rebus non diffi- teri. Quare fili à te rogo, ut hos tur- bidos populi fluctus, quos subito mihi erup- tus Uliisippone concitavisti, celeriter re- stitutus componas, ne tamen credas, me in officio, & amore pro te, aut regni, aut tuorum præcipuè incrementorum ardore concedere quidquam veris, seu falsis hisce novis amicis tuis, aut potius extraneis, qui gratiam non jure, impulsuque nuntia, sed sibi ipsi prospicientes dolis, & artibus cap- tant, quam matrem ejus, quem genuit, quem aluit, quem erudit uti sita es cu- rare posse, aut appetere. Ceterum si hæc tua præter morem animi elatio, verumque nova- rum studium hujus imperii, quod ego tracto, exercitatus, & usum tantummodo spectat, & me quoque laboris participem adversaris, quamprimum ut illud suscipias, ego sanè vehementer cupio rejectuque à filio mater*

Rex morem.

*matrem illi gerendo solatium inveniet. Atqui mecum in primis hac ratio, atque causa tractanda est, ut sine offensione, ac tumultu, cum reverentia, ac modestia, quam exigere debet mater ab optimo filio res omnino constituatur. Tuum est hoc regnum, tibi ego fideliter administro, ac si forte meum esset, hoc spontè à me avulsum in te potissimum contulissem. Tandem cum te, matre prorsus exclusa, hac immatura imperandi cupido teneat, regni prius convocare Comitia necesse est, quo jure ego illis regimen integrè reddam, qui id mihi traditum voluerunt. Cavendum praterè est, ne aliqua orta inter nos, & male recepta, dimanansque simulas, & sæpè ut contingit, rumoribus aucta occasionem circumspèctantibus hostibus ad Lusitaniam aditum patefacias. Quare per Deum immortalem, per regni hujus salutem, per id, quod tibi mereri mater tot sacris natura pignoribus possum, & pro viribus studui, te oro, atque obsecro fili, ut te ipse in consilium adhibeas, ne alienis, & pravis transversum auferri sinas, nève regnum, quod pater tuus tibi peperit, ego hæcenus conservavi, tumultuosè capeffendo subvertas. Vale.*

Leçta hac epistola, & accuratius per capita excussa, præter blandicias, & flores deliciarum litterulis passim affusos, qui aktiores in se abdere insidias significabant, illata ex industria mentio Comitiorum maximè Regem, & Castelmeliorum Comitrem perculit, velle per illam in longum extrahete mulierem timentes, quod brevi manu penè Rex confecisset, aut rem totam Comitibus expungere, aut aliquid aliud majus in ejus clientium conventu, emptisque planè suffragiis contra Regem ordiri. Paucis Rex igitur verbis, Castelmeliorum dictante, Alois, sive matri respondet. Quoniam re, gimen ipse regni tractatu cerneret, asperum, anceps, multisque diffi-

ptereà deonerare jam fessam, ac propè cadentem ingenti pondere matrem, onusque totum in se trajicere, & hanc egregio ejus merito parem ob regnum optimè administratum matri filium rependere vicem. Porro autem id regni jus, id rerum, & temporis cursum, id in se ætatis maturitatem requirere, cujus habita nunc ratione præscriptæ jam pridem ipse tutelæ fines excefferat. Confidere tandem fore, ut Dei ope, matris consilio, fratris benevolentia neque ipsum regem, neque aliquem regni suscepti à se jure regiminis perneret. Ex hujus sententiæ redditus litteris cum intelligeret Aloisia in re proposita immobilem regem non ullis perverti posse fallaciis, nec, quas per ambages abundè collegerat, verborum illecebris deliniri, neque armorum præterè formidine cogi, cum duriora paulò ante attractata consilia metu populi cecidissent, ad extremum necessitate compulsa, quod diutius vi quoque tenere non poterat, dimittere imperium constituit. Id tamen palam in Regia solemnè ritu, atque pompa fieri poscebat, ut quatum per retum species, aulæque ludibria liceret, ultro à se posita regni, nequaquam abrepta videretur administratio. Qui verò sustulerant Regem, ut Aloisæ dominium adimeret, hi metuentes, ne in matris conspectu filio ejusdem artibus capto sartaque mutuo inter illos rei laxamento gratia, cujus intentione rescissa fuerat, ipsi tandem, quod usu plerumque venit debilioribus partium, utrinque repulsi præcipientes irent, omni studio, & industria simul annitebantur, ut filius matri tanquam ex dolis dolos neçtenti in quacunque illius actione, ac postulato diffideret, & ideo congressum abnueret. Itaque Rex iteratis ad Regiam precibus matris accitus, ut ex vetusto tradito more inibi Regni administrationem acciperet, in illo

illo negotio, quemadmodum ipsi mulieris obrectatores indiderant, fraudem subesse ratus, adhuc dubius, & cunctabundus Alcantaræ permanebat. Præterea quò omnibus Rex velut jam rarer, certæque ostentaret assumptæ dominationis initia, sibi que adversus fratris, matrisque conatus quamplures amicos, clientésque haberet per munera obnoxios, cumulatius tribuere cepit amplissima officia & onera regni. Vocato propterea ad se Rex è secretis Consilii Status ministro referre in acta præcepit, sex novos consiliarios, quorum, & nomina prodidit, in Status Senatum à se nuper allectos esse, eosque cum primùm Senatus cõisset, in suffragium ituros. Partium conflictus erat in medio, & in aula divisâ promptum utroque peccanti suffugium, nec aliquid fortiùs hucusque suo Marte peregerat Rex quo mereretur cõtemptum exuere. Hic igitur insolentius, quàm alium profectò Regem alia tempora decuisset, mirabundus in speciem Alfonso respondit. Ea quamquam electio in homines cecidisset cum genere tum virtutibus claros, in tanta tamen commotione, & inquietudine, ac turba rerum tumultuariam ipsam videri, ac etiam numero contemnendam. Regem patrem in unum eligendum supremi Ordinis Senatorem sex propè annos assidua cura, & vigilia incumbere solitum, nocte una filium repenti sex edidisse, ad hæc electore non minus indignum, quàm electis hominibus fore, si novos Senatus consultores acciperet, reluctante, vel nescia matre Aloisia, cui sceminx pater Gubernatricis munus legaverat, regni Comitia sciverant, jus adhuc integrum stabat, Matrem itaque conveniret, à qua primùm, sicut ea rogabat, secundum veterem consuetudinem regni domini jure transmissio, acceptoque post ad libidinem uteretur. Ad hæc dicta reticuit Rex ira, & quæ audierat, & quæ fecerat metu confusus.

Mox idem è secretis Consilii Status, quæ seorsum dixerat Regi in eodem Senatu palam exposuit, asseruitque adjectos recentè à Rege Consiliarios gratos in primis fore Aloisix, ejus tantummodo assensum peti ad speciem decoris, ne ea scilicet priùs per contumeliam extorta, quàm ultro tradita filio imperii gubernacula crederentur, ut sine dubio reputaretur, si quid grave, ea ipsa improbante, vel inscia ante abdicationem legitimam sanciretur. Hoc Senatus approbavit, & Rex inclinatione procerum, victus, ac certior pariter factus dolum abesse ad Regiam se contulit, ubi statim in aula maxima coram magistratibus urbis, regni que Principibus Aloisia in manu regis Alfonso regni sigillum posuit, quod ex more Lusitano auspiciantis regis imperium argumentum insignis est.

Ita portò Aloisia curis publicis exsoluta, quieti, otioque, sicut illa dicebat, imposterum vacatura in secessum intèdit. Hunc quoque amplectendū jam antea agitaverat animo, sed quā falsæ expectationis illecebris ministeriū, quò summè gaudebat, mulier continuandi, quā amicorum elusa consilio distulerat, nunc inter spes, atque vota pendentem, & omnia, ut procederent machinantem, cum jam fortuna deturbavisset, iterum otium, ac solitudinem conquirebat. Locis situm efflagitat in quo novū cenobium conderet, aut jam erecto cenobio sedem propinquam sibi cõstrueret, at inanis à multis cum ipsa, ac sæpè numero peteret quanquā bene de pluribus merita, & regali circumsepta splendore dimittitur; quod ludo quidam, scemæque aulicæ referebant, nimirum fortunam, quæ in ista jam volverat, non hominem revereti; multi ex matris cõtemptu eos velle filii repetere gratiā censebant; dolo plerique adscribebant & sceminx insidiis in deferenda scilicet Regia fallaces data opera moras interponentis, quòd secum tacite reputaret,



ignotas filio regnandi artes, volubile ingenium, laboris quoque fastidium, mores incultos, & asperos, quæ imperiû non capiebant, esse illud ad ipsam quàm citissimè translatura. Tandem multoties à multis cum illa ædificii locum repeteret casu, aut industria rejecta, in quodâ sibi gratis oblato rure unde transitus esset ad Monialium cœnobium Dominicanum Ordinem profitentiû ædes excitari præcepit. Sed nimis lentè, ac remisè cùm id quoque procederet opus ac tortuosi etiâ ipsa æstimaretur ingenii, crebuit inde suspicio, fraudibus illam, & ex composito verba, tempusque terentem in causa gressatî, ut ita cunctando, & omnia segniùs in opere agendo, ad maturitatem intereâ, quod coqueret animo, consiliû perduceret; quæ altius in Regis subinde pectus afflatus æmulorum immissa innumera postea ludibria, acriorèsque molestias fœminæ cumularunt. Cæterùm ut in novo regimine Regi intendebant officia procetes; aderant greges, & turba adulantium, blandientiûmque, vultus, sermones, animi affectus exemplat Regis expresserant, quibûsque multum præsertim erat in corde felix, plus affluebat suavitatis in ore. Rei verò pro sustinendo regimine summa in eo planè posita videbatur, si actione, & sermone rex imminuti præsertim iudicii, & parati quodam afflati vetustam, & quæ latè per urbem, regnûmque manarat, querelam reselleret.

Hoc ipsum, quorum maximè intererat, & qui in illo propè torpore, dominantisq; regis inscitia ad imperiû sibi tenendum triumvitus similitudinem constituerant Comes nempe Castelmeliorius, Comes Aurogiz, Cæsarque Meneſeus cùm animo volutarent, fingere idcirco docuerant Alfonso incessum, sermonem, vultum, multaque sæpè dicere, ac facere quæ intellectu vix capere credebatur, quoties verò accidisset, de arduis imperii rebus improvisa interrogatione tentari Regem, tunc ipse aut

tacebat, aut per inanes verborum circuitus responsum eludere videbatur, aut perplexè suspendere mentem, sin repenti, & appositè, quod ratò evenerat, respondebat, ex corporis parte gravius ægritudine affectû declarate volentes patum mente valere Regè, qui eundem livido, & mimico simul mordebât dète jactabât, aut Regis dimidiû ita locutû, aut intervalla modica lucis in perpetua caligine mentis, ut amentibus accidit, interfluxisse. Percrebuerat hæc vilis, & vulgò jacta de Rege opinio, rumorque prout illum præſidentem Senatui, aut subditis, sibi aut Principum Oratoribus responsa dantè ac ceperant, quæ verò tantè majora depicta, vel deterius inversa, vel penitus commentitia si, qui ad ejus molientam ruinam quasi cuniculos fodiebant, æmuli Regis effuderant. At Comes Castelmeliorius cùm peracutus, & callidus esset ingenio, variis studiis, & artibus nitebatur, ut se firmitus in gratia Regis, & Regem, qui eum sustinebat inimicorum ictibus inconcussus in rerum culmine sustentaret. Nolens itaque Comes publicis ita cutis immerſus hærentemque penitus Regem, ut per usum inettia, aut torpore fortasè per exercitationem excusso aliena subinde jussa vel rudimenta dedignaretur, majorem proptereâ temporis partem curabat Alfonso in cursus equorum, in arma per otii tractanda, in puellarû præcipuè delicias, & amorum oblectamenta confectis; hæc tamen cautè ac modestè quoque exerceri, integra nèpè fama, & quantû res, & latebra pateretur, incorrupto Regis honore. Super hæc cû esset in primis de latere Regis sollicitus Comes, unde illapsus in animum, gratiæque partæ additio, aut direptio patebat, sibi que continuo, graviq; imperii curarum onere assumpto, vacationem, ac tuta tantummodò otia suis ipse laboribus posset concedere Regi, alium illi voluptatis ministrum, & artificem otiorum, quo fluentem, ac mollem vivendi motem duceret Rex, nec



nec ulla deinde tangeret ipsum ab aure, à latere Regis exorta suspicio, statuit. Erat ea tempestate custodia publica tentus Henricus Miranda multò idem antea Castelmeliorio Còmiti fidus, infestus nunc Aloisiz carcerisque poenam, & ignominiam, cùm inter partes præberet occasio, illi vicissim remeriturus. Ejus hunc rationibus hominem ob recentia in Aloisiam odia, & vetera secum contracta studia, atque officia opportunum existimans Comes, solvi custodia jussit, è carcerisque squalore ad Regiam extemplo traductum, familiaritati, strictiorique, quàm viri notam decebat, fiduciz Regis immiscuit. Nec ea porro Castelmeliorium fefellit electio, cùm enim jactè passim hominum voces essent, & rumor, ut re ipsa erat, circumferretur, potentiam scilicet Comitum, Alfonsi Regis voluntatem Henricum Mirandam intervertisse, rarum in aula monstrum, eo integritatis candore, ac solida fide tamen usus est gratia Regis Henricus, ut Comitum opibus nihil omnino per illam officeret, inò in gradu, quem quisque cepisset, se mutuis auxiliis invicem adjuverent.

At non eadem animi moderatio, & amicitiz vincula, & jura inter ipsum Castelmeliorium, & Comitem Aurogiz, Cæsaremque Menesum intercedebant. Hos simul initio pari propè amplitudinis gradu gratia regis Alfonsi velut aequaliter distributa statuerat, paulò post cùm infinita per se cupiditas sit, ambitio nimis suspiciosa, atque insociabilis dominatio, causæ paulatim simultatum abortæ, vel ex industria quæsitæ sunt, quæ in regni potètia, Regisque gratia malè coherentes homines, dissidentisque æmulatione interjecta distraherent. Castelmeliorii tamen auctoritas, ac penes regem gratia cùm nec satis esset hucusque adulta, necdum eventibus radicata, & quæ exiguis, ac dubiis profecta initiis facile

everti, aut imminui contentionibus potuisset, hic sensum, & cautè per altus agebat, ut per certos quasi gradus à gratia regis extrusi retrò paulatim concederent æmuli, nec omni spe devoluti ad partes oppositas transeuntes mala domestica augerent. Interim regis, & regiz, règnique unicus ipse Comes moderator arbiter factus, sedem in regia fixit, ubi vixerat quondam Princeps Theodosius primus Alfonsi frater, factoque post interceptus. Inde ministri Principis munus, quem Privatum populariter vocant, cum supercilio, ac tumore tantæ altitudini, quæ Reges coarctat, aut superat, pari, Castelmeliorius Comes ostentans requirere statim cepit, quid facultatis in illo esset, quousque se tanti auctoritas muneris explicaret, quidve exceptum, si ve coarctatū supremæ potètiæ esset. regum idcirco Lusitanorum, & antiqua Utiisipone tabularia evoluta, & pulverulenti chirographorum cumuli excussi, & exemplaria quoque ex Castella relata sunt, ut limes, & modus illi muneri inveniretur, quod negligentia, aut ignavia regum reipublicæ intrusum cõtrahi, aut diduci illorū duntaxat arbitrio suevit. Hæc diligètiùs cùm Comes Castelmeliorius investigaret, officium illi succurrit quod Puritatis Scribæ antiquitùs vocabatur, ab illis tantum in Lusitania solitum exerceri, qui primi ministri locum apud reges obtinuissent. Verùm idipsum jampridem ab aula sublatum, & oblivione propè deletum, imperium cùm occupasset, misceverat Joannes regis Alfonsi pater officio, quod erat è secretis Consilii Status, ita ut titulo, ac nomine extincto, vis, & potestas in illo retineretur. Erant olim hujus muneris partes, litteras, atque acta publica subscribenda, ac signanda porrigere Principi; ad aures proprièrè latiusque regis in aula certatim intenta, & unde fluere, ac refluire tanto labore, & invidia quæsitæ gratia suevit, præcipuè

spectabat. Nihil hac ratione validius eo tempore offerre se Comiti potuit, quò ardentius ad occupationem muneris raperetur. Pergit itaque ad Regem, munus expostulat, causas etiam adnectit, quibus ei deberetur summæ fiduciæ pignus. Rex, cujus fidei, atque placito se unâ cum regno omnino regendum dederat, hoc negare minimè ausus, vocat illicò Petrum Veiram, qui erat è secretis Consilii Status, jubetque ut ipso Rege præsentem Comes Castelmeliorius novi officii possessionem ingrederetur. Petrus, qui & aliàs impunè cum Rege oris libertatem expertus fuerat, & partium fiducia superbè securus tunc quoque arroganter obstitit Regi, id muneris ipse referens, non gratis, vel casu à Joanne patre ejus abolutum, Statúsque Senatui secretis immistum fuisse, nec esse quidem modestiæ Regis, rescindere patris acta, nec sapientiæ quoque, novis inductis rebus constitutum jam regimen conturbare, multòque minus esse justitiæ, gratis alteri dare, quod alteri creptum per injuriam fuisset. Nihil tamen his verbis commotus Alfonsus, sed in se tacitus tantum, ut præceperat, institit, absque mora rem perpetrari. Hoc adeptum à Comite munus aliud illi subinde peperit utilitate minùs pompa, ac splendore perfectò maius, quod unum, sed tantum in speciem deerat ejusdem fortunæ cumulo, scilicet supremi Ordinis Senatorem, tanta enim primi exercitii auctoritas erat, intimique sinus fiducia, ut aliud ab alio esse disjunctum minimè pateretur. Igitur Comes Castelmeliorius jam satis, superque munitus & rerum copia, & regis voluntatis imperio, & intra, atque extra Regiam amplissimis sibi delectis officiis, uberius deinde, quàm æquitaris, aut meriti ratio poscebat effundere cepit in amicos, clientésque suos regalem munificentiam; huic ar-

cis, illi urbis custodiam tradit, aliis opes regni que munia, & armorum ministeria distribuit, fidiore autem honore, ac stipendius amplificatos apud aulam secum retinuit, ut adversus communium obtrektorum insidias propiores subsidio forent. Nec minor perfectò in ipso Comite cura fuit adversarios terrere metu, quàm acquirere officiis amicos, aut veteres in officio, atque fide firmare, hinc ut amore, hinc proposito metu, duplici scilicet ratione aulicis partibus ostentaret, nec sine se beneficio, nec maleficio vinci aut si quis in amore casu, aut consilio fortassis efflueret, reduceret timor. Hoc consilio cum oratione vehementi plena ipsa spiritus, plena in speciem doloris apud Regem Comes exagerasset, quid insolenter, quid imprudenter in illo modo pridem ejecti Antonii Contii proseriptione, quid orto deinde inter matrem & filium de regno tenendo dissidio contra jus, contra majestatis augustum nomen peccatum à multis fuisset, quid etiam postea? quàm superbè contra Regem fecissent, quàm improbè cogitassent, quàm contumeliosè locuti essent, & severè quidem plerendos, qui toties in Regis personam deliquerant, esse, ne impunitatis fortassis illecebra, & odium peccati fomes, & sine fræno cupiditas majestatis delicta multiplicarent, impulit tandem his, aliisque argumentis Alfonsum ad exilio multandos Ducem Cadavalium, Garciam, & Emanuellem Melum, Comitum Sourzum, atque Pomerium, aliòsque regni primarios cives, quibus, & Petrus Veira è secretis Consilii Status adjectus est, pugnam Alfonso meritam solvens, intemperanter, ac sæpius in illum effusæ linguæ.

Plauderat interim his novitatibus populus, & ea potissimum factio quæ de sibi inimica, atque adversa quasi triumphum in aula jactabat. Altior ta-

men

men subibat senioribus cura, tam superba videbatur, tam rigida regni iuria pro opinione, quæ plurimum valet, & re ipsa tum mente, tum corpore mutilo Rege crudele plus, quam diuturnum, & celere magis, quam prudens, & constans promittere cunctis imperium. Inesse adhuc matrem, & fratrem Regis, ut è genere regio fortiora instrumenta rerum novarum, & acriora capita partium, hisque in afflictis proceribus, & odio publico facies, & arma tradi, quibus mutatis subinde rebus, & his, qui ceciderant sublevatis, contumaciùs simul omnes in Regem, & assclas ejus insurgerent. Ceterum omnia tunc prosperè cum auctoribus fluere, ea falsa, iniquisque letitia cupidos ad majora cursim audenda, parumque futuri providos incitabat. Est Lusitani moris, in publico vesci Regem, eique splendide, ac liberaliter epulanti proceres ministrare. Hanc veterem consuetudinem, ut quantum subdole posset, colloquia, congressus, aditus Regis, quibus minùs ille fidebat, obstrueret, Castelmeliorii calliditas sustulit, præstititque propterea, ut in secreto cubiculo accumberet Rex, ac sæpè incompta, rudique & cui pauci, notæque minoris, casique accedentes assisterent, mensa. Simul cum vetus mos esset, Lusitano Regi dum cubitum iret, dum surgeret, dum abjiceret sive resumeret indumenta domesticos quoque proceres famulari, ejusdem consilii tenore usus amoverat illos Castelmeliorius, regali servitio his qui in gradu minori erant, ejusque fiducia, sedetque hominibus impertito nobilibus famulis ingressu tantum in speciem, ac verbo tenus concessio, re autem ipsa intercluso. Graviter quidem hoc prædixit in suis præcis moribus Lusitanos offendit, tanquam Rex in paucorum Tyrannidem lapsus, à patriisque institutis, ac legibus alienus sic

gentem, ut mores fastidiosè, & contemptim haberet; graviùs tamen hoc ipsum ante cæteros passus est Govenis Marchio Palatii ea tempestate magister, quod ea præferum quæ ad sui ministerii jus pertinebant alius palam interceptisset, isque fortuna, quam merito potior. Supplex idcirco commectum à Rege postulat, quo inutili propè Regis servitio dimisso Goveam se conferret. Percussus ea improvisa novitate Castelmeliorius, tanquam si nobilis viri, primùmque tenentis in Regia locum voluntaria secessio, & causa potiùs secessionis supra rerum præsentium asperitates, turbulentosque regiminis fluctus, nobilium omnium invidia, & popularibus quærimoniis oneratura eundem Comitem esset, cum Rege tunc intercessit, ne venia abeundi Marchioni permitteretur. Institit acriùs petendo Marchio, ne more ipse aulico crederetur nundinari mendacia, rogarique in eo velle, quod maximè concupisceret. Tum verò postulantis ob pertinaciam, & quò arte molliretur invidia, velut Regis indignatione prætexta, voluntariùs discessus in exilium illi mutatur, nedum aula exire permissio, sed insuper jussio, ne Regis injussu liceret, ab eo municipio discedere.

Regis ita rebus compositis Comes, ejus partibus auctis, adversis attritis, circumfesso undique Rege, nullique ad ipsum patente nisi per eundem Comitem aditu, jani animo elatior, viribusque longè munitior pro extremorum conatu, fortiorique potentis vinculo Aloisii opprimendæ consilium orditur, cujus ille in hunc modum subtilia, ac fallacia deducere fila cepit. Defuncta regni regimine mater ægrè, ac perarò, & si quando accidisset, naufragantis in modum invisèbatur à filio Rege, non per eum in curarum communium partem, non in consultatio-

nem, aut rerum saltem notitiam admissa. Porro ut imperio quondam florentem magna aula more adulantium, atque ambientium circumsteterat freminam turba, neglectam, ac regimine orbatam pauci nunc colere, pauci adire, plerique suspectum fugere limen, ne per eam imperantibus displicerent. Sedes ejus fere deserta, horrida visu, tristisque, horridior etiam aspectu exactæ felicitatis, recentisque frequentia memoria paucis, qui raro, ac timidè accederent, apparebat. Hujusmodi causæ, quæ ab Aloisia tanquam dejecta cæteros alienabant, per æmulorum communia odia, & versa in utrumque insidiarum machinamenta Aloisiam, & Petrum, ut in eadem fortuna versantes, & alterius alterum ope indigentes super mutua pietatis, & antiqua vincula amoris atctius eo tempore colligebant. Inde frequentes aditus, secreti, crebrique inter utrumque sermones, oscula, amplexus, & omnia intererant argumenta eximix inter illos benevolentia, & constantissimæ fidei. Concussit, qui per homines pretio, aut muneribus emptos circum omnia explorabant, astrictior hic longè præterito visus inter filium, matremque nexu. Proinde volentes animo, multum ad suscepta maturanda consilia facessere sibi negotii matris, fratrisque regis firmiorem in æquali fortuna consensum, & robur, multum auctoritatis, & molis iis accessurum partibus esse, quas idem eligere statuissent, cum hæc prudentiam, & regis matris auctoritatem, ille populi plausum, & morum, & gratia, & regii sanguinis ornamentum afferret. Distrahere propterea jactas per utraque ex parte fallacias, ac dolos Petrum à matre constituunt, ut ambos sic postea divisos, & mutuis consiliis exclusos facilius opprimerent. Igitur primum cohortari Petrum, ut propria relicta domo trans-

migraret ad regiam, ne forte amoris quò strictius, & mutuò conjuncti fratres esse deberent quidquam absentia, vel consuetudinis intermissio laxaret. Hoc autem non imperato sæpè deducere Petrum ad Regem; huic venatum, seu piscatum, seu rusticatum eundi assiduus comes adesse Petrus; juri multa remissa, multa gratia congesta, nonnulla quoque pro regimine inflexa, siue correctæ sunt, quòd ita planè placeret Petro; ficta comitas prompta adulatio, inflata quotidie promissa adolescentis animum, ut de sententia caderet, oppugnabant. Verumtamen Aloisia, quæ rerum omnium momenta notabat, cum sua ipsa imprimis solertia esset, artibusque senilibus usâ parvo negotio retexere in filio omnia æmulorum consilia poterat; & Petrus quem dudum ex germani fratris inertia, notoque furore altius imperii conflata spes titillabat, sui juris idipsum, & proprium quàm precarium habere malebat. Quocirca Petrus illecebris surdus, & suo, & Aloisiam quoque matris ingenio in multam simulationem compositus, quæ insidiosè sibi, & falsò dicta, vel facta conpererat, ut pura, atque ingenua hilari semper vultu, pronoque omnibus ore suscipiebat; omnibus mitem, jucundum, ac planè tractabilem se præbere, sed nihil omnino fidere. Sic igitur Petri constantia, clausoque perspecto incantationibus animo cum nihil insidiae proficerent, mistus tunc artibus rigor, & aperta severitas in juvenem applicatur, ut ita provisio, & per eam incussa formido obtineret, quod ficta lenitas non valuerat. Famulos illi primò Rex mutat, quos eidem benevolos, acceptosque mater rerum cum potiretur addiderat, substituitque alios suspectos, infidos ut apiores ex partibus regis electos, qui dicta, ac sensus ejus exciperent, ac domus secreta indagarent, & quorum

hominum

hominum mores tali obeundo muneri convenirent, deinde, ut quantum per res, ac tempora licuisset, cautè hæc-tenus ducta ea fictionibus larva sustineretur, qui Petri servitio priores famuli astiterant, nec fides eorum corrumpi per blandimenta subjecta poterat, negotiorum obtentu alius post alium extra aulam, & urbem cum honore dimissi sunt. Ita igitur Petro domesticis hostibus circumfuso, satisque deinde provisio, ne quid novi moliri posset, aut si aliquid fortè attentasset, ut hoc per latera statim efflueret, in Aloisiam deinde Gulinanam insidiarum moles incubuit, quarum multiplex ordo longo ipsè tempore, nec minus subtiliter agitatus per quædam chirographa, quæ ad Castelmeliorum ab intimo consiliorum ejus immissa fortuito subrepta, ac statim prodita sunt, in lucem emerit. Is ergo erat literarum contextus, & ordo. Duplici via Aloisiam expulsionem à Regia parari commodè posse, leni altera in speciem crebris nempe molestiis affecta, ludibriisque jacta eousque irarum acuire in femina stimulos, donec continuis irritamentis, quæ adhuc patientia sua vicerat, tandem aliquando succumberet, & pro solatio, ac levamento duceret sua sponte Palatio cedere; altera duriori, videlicet fidum ad illam summittere hominem, qui ejus secretò pervelleret aurem, pro sua dignitate, ac prudentia, & pro ea quam tantopere optabat animi tranquillitate facturam, si ultro quamprimum à Regia discederet, ne contumeliosius spreta, atque invita mox idem exequi cogeretur. Primam verò expulsionis tenentibus viam horum animi angorum, irrisionumque quæ notabantur, facile posse contra mulierem initia peti, necisque tenorem ex eo quod Rex præcepisset ut, qui antiquiores erant famuli matris, carioresque mulieri, jactis

subdolè causis per intervalla procul amoverentur, accedentemque proinde ut verisimile erat matrem ad filium querelis, ac stomacho plenam, quò veniam pro famulis exoraret, tristi responso dimitti, ac deterrima metuentem. Cæterum hæc per artificia excitata, subinde producta, atque ut res pateretur inflexa, & suo quoque felle respersa animorum irritamenta, quæ sensim, aut citò valerent constantiam feminæ excutere, suis quoque procedere gradibus, & aliam ex alia contumeliam oriri, & injuriam involvere injuriam, & certaminis causam posse. Hisque etiam illud accedere, quod hæc, & similia intra domesticos tecta parietes, atque extraneis ignota, seu mitius ab illis interpretata vim in se magnam haberent, & foris minimè obstreperent. Alio maxime modo, si lenior fortassis, aut longior esse prior videretur, & brevius profectò liceret totius rei exitum expediri, per secretæ nempe pietatis ministrum jussu Regis ad aurem moneri Aloisiam, quod Rex habita ratione consilii ab illa jampridem intenti, divulgarique, aulico nempe relicto strepitu, urbanoque tumultu, quò reipublicæ curis, laboribusque defessum honesto otio componeret animum ad solitudinem abeundi, aliarum præterea rerum, quæ huic prudenti, ac malè dilato consilio suffragarentur, neque tunc explicare necessè erat, ipsi matri denunciabat, ut rectè priùs de secessu provisâ quàm citò conficeret, ejusdem mulieris virtutibus fretus, ita se esse in eo negotio gesturam, ut abiisse, non prorupisse, & ultro profecta non exacta Palatio cæteris videretur. Hujusmodi erant interceptæ chartulæ notæ, in quibus aulæ satis insidiæ & labes, tabesque patent, & quas inter animi sordes, ut subeat, voluntur oportet aulicus.

Inter hæc, ut convenerant, peragenda,

da, quò perperam factis esse sibi Aloisia promerita videretur, quæ in caput ejus ludibria, injuriæque passim comparabantur, dum per calumnias, criminationesque conflictas simul illam arguere, si simul pro odio, atque invidia purgare contendunt, inter aulae inter circulos urbis coram plebeis, coram nobilibus viris, sæda, atque atrocia contra ipsam disseminabant, hisque artibus adeò nefarii à matre filium averterant, ut gratius dirumque filio assentandi genus, dulciórque diffusus ejus auribus sonus, insectationes, & probra essent, quæ sæpè numero audiret contra matrem ingesta. Idipsum, & ausi per sæpè sunt experiri in altero filio Petro, grave sed hujus silentium, coloris mutatio, trunca quædam interdum, ac velut tumida verba cum satis æmulos uterent, hi tandem pudore metuque percussi cum secus dicere nolent, inviti silebant; nec ampliùs agere Petrus in illos præcepto matris attingebatur, siquidem matris defensio apud ejus obtrectatores inutilis, & Petro lubrica erat. Postremò quemadmodum aliam alia actiorem non semel punita parit injuria, & patientia licentiam gignit, à verborum contra Aloisiam intemperantia quodammodo ad manus delapsa res est. Illa enim interdum, nocturne cum in secreto sæpè facello animæ poliendæ vacaret, æmuli ejus haud infcio quidem Castelmeliorio, procaces, ac viles, & ex plebis illuvie coactos, puerisque commistos homines submittebant, qui impio clamore, testarumque crepitibus orantem foeminam foris illuderent, ac perturbarent; nonnunquam in vitra, quæ erant fenestris apposita lapides jaciebant, adeò ut supra publicam contumeliam ex avulsorum, illisorumque vitrorum fragmentis, & lapidum jactu contusiones, & vulnera quoque formidarentur. His etiam ludibriis

accessio fuit in speciem res quidem minor; sed opinione hominum, sensuque foeminæ acerbior, ac cæteris longè major. Solent Hispaniæ Reges in publico loco matrem prætereuntes capite illi, genūque modicè flexo reverentiæ atque amoris ostendere signum; sæpè hoc Reginis honore, culrūque patientem bis Alfonso Rex defraudavit die festo solemnī, cum foeminam prætervectus ad Regiæ sacellum accederet ipse, recederetque qui matris contemptus, ut insolenter inductus, ac proceribus manifestus, nec tergiversationis, aut dissimulationis velaminis ipse capax Aloisiam ita perussit ut noluerit in posterum Regiæ palam interesse sacello, imò doloribus victa re vera deinceps de vulgato secessu, de Palatii fuga tractaverit, quoniam æmulorum propter conatus, filique facilitatem mutandarum spes rerum qua hætenus freta discessui moras implicuisset, secus processerat. Novum hoc illa consilium in hunc modum Castelmeliorio per internuntium aperuir. Construi jamdudum sibi electam pro solitudine sedem imperavisse, hanc porro captam & ad fastigium penè perductam, seriùs omninò quàm rationes suæ postularent absolvi conspiceret, aliò proinde à Regia recipere se statuisse, donec opus perficeretur. His auditis Castelmeliorius postridie sese Aloisiam responsum ex Regis mente darurum retulit. Interea cum rege, atque amicis anxie ea res consultatur, queritur inter eos absens, an præsens perniciosior & gravior foemina foret? & utrum ita violentum, an spontè sumptum ejus præstaret esse discessum? quid causæ, quid rei propositæ habere in animo posset eo repentino consilio mulier? cur precaria reginæ quæsitæ sedes? cur discessio præcipitata? cur ipsa modò sollicitarer, quod hucusque abnuisset; collectam ne ex longo tempore variis successu

ſuccellibus iram, aliunde profunderè ſtatuit? an teterimas illas quas triftis ſolitudine, mœſtusque ſeceſſus cogitationes ingenerat, acuitque ibi quoque faciliùs extendere poſſe putat ubi minus ineſſet aurium minùſque oculorum, qui ſecreta rerum molimina inveſtigarent? His prolixè diſcuſſis, tandem, quòd tortuoſa perſpecta mulier, ac multiplex aſtu nihil quidem inexploratum, nihilque remiſſum ſive quid ageret, ſive ipſa diceret, pateretur, rejeſtus conſtanter eſt ille quem minus ingenuè petebat ad alienas ex regis ædibus tranſitus, ut turbulentus, deformis, qui moleſtiis videretur extortus, quique Principi invidiam, & miſerationem erga ſcœminam populi concitaſſet. Ex adverſo nunc illi prohibitum, quem fraude petebat, exitum, & præſens dedecus impediturum, & quæ poſtea in rem fierent, cohoneſtaturum, cùm jam perfectò ædificio, eò forte digredi ſcœmina cunctaretur. Secundum hanc ſententiam Aloſiæ per internuntium nomine Regis reſponſum eſt. Dedecere ſanè Reginam Regia reliſta in alienam divetere domum, regiùmque ſplendorem privatis ſordibus immiſcere. At ſi tanta ipſam, ut tunc oſtendebat, ad quiete, otioque fruendum cupiditas incitaret, præcipere quidem in promptu erat, ut ſegniter nimis hucuſque ædificii pertracta conſtructio celerius deinde perageretur. Hoc Aloſia intellecto reſponſo, quia graviora quotidie timent jam perſuaſerat ſibi, qualiſcunque profeſſio eſſet eos inſicias minimè ituros, qui tot moleſtiis ipſam exagitam utcunque diſcedere cogerent, modo ſecus cùm accidiſſet paſſiſper animo erecta eſt, eò, quòd temporis uſu ſpes ſuſtinere labantes poſſet, & quòd regia exire per ſe paratè vexatio fortaſſe ab inimicis remitteretur. Auxit etiam inanem ſcœminæ ſpem ingens, & novum

quoddam amoris indicium, quod præter omnium opinionem caſu, Rex erga matrem exhibuit. Decumbentem corporis ægritudine Regem Aloſia mater inviſit. Mulier ut erat ingenii acie, ac natura oris, frontiſque blanditiis, atque illecebris componendis miſiſcèdè appoſita, ſuis tunc lenociniis, & leporis amœnitate filium ita pellexit, ut ſolito riſtu, animique repentè rigore poſito Rex, in matris amplexus, atque oſcula effuſus incognita, ac teneræ ibi multa cùm illa ſigna caritatis ediderit; venire quoque Rex muſicos juſſit, qui ſibi aſſidentem in lectulo matrem cantus dulcedine permulceretur. Aliis amoris, & gratiæ argumentis cùm delectata ſcœmina eſſet, tenuit, & acriter hoc Aloſia viduitatem cauſata, ex quo enim Ioannes pater ejus deceſſerat, nihil auribus adhuc talis modulationis hauſiſſet, niſi quæ in ſacro ſacello divinis laudibus fundereſceretur. Inſtar precibus tamen, urget blanditiis Alſonſus, matrisque brachiis tenaciùs adſtriſtus illam ſuaviter tandem cogit muſicorum carminibus intereſſe, mox & aliis amoris illecebris interjeſtis filii gratiæ non reddita modò mater, ſed arſtoris etiam amoris ligata nexu ex eo loco dimitti aſtantibus viſa eſt. Stuporem huius rei novitas omnibus, ſummam Aloſiæ læticiam, parem triſticiam, ac metum obreſcatoribus ejus incuſſit, quippe quibus jam exploratum Regis eſſet ingenium verſatile, varium, ſibimetipſi adverſum neque dictis, neque actibus ſatis profeſſò conſtans. Inde conſcientia quoque retortos triſtitia, pavòrque illorum animos ceperat, ne parvo quantumvis tempore mater cùm haberet ſibi filium obnoxium, tunc aliquid bonè per Regem moliretur in ipſos, cujus negoti celeritas neque inſidias opponere inſidiis, neque tegiæ iracundiæ regreſſum ſineret.

Igitur

Igitur comes Castelmeliorius, Aurogizæ quoque Comes, Cæsarque Menefeus quanquam prius inter se regis, ac potentis ambitione discordes, nunc communis sibi metu periculi unanimis concordisq; consultant, qua via, quæ ratione tandem vel omnino perderent Aloisiam, vel in eam calamitatem præcipitarent, qua extrema ejusdem ruina in regno stabiles ipsi, vel tutiores salutem graviori adjecto mulieri periculo forent; nec aliquid aptius inter cogitationum multiplices æstus, variâsq; evolutas terroris imagines ad rem transigendam occurrit, quàm occulta Aloisiz consilia, atque vota de transferendo in Petrum imperio, quæ sæpè suggererant Regi, nunc aucta formidine verbis, & per nova argumenta terroris expressa, acrius illi inculcare, atque in animo figere. Sanguini certè, & juri, & naturæ, & omnium hominum amicitiæ, atque fidei renunciare Principibus solitum, ut diadema servarent; ideo non illis horrore, non verecundiz fuisse hoc sæpè fratrum, sæpè parentum cæde cruentum accipere, ac per his simillima scelera sustinere. Adeuntes itaque regem monent eundem, quàm insidiosa, quàm sollicita, quàm acuta mulier circumagatur, ut alteri filio ereptum alteri daret, à quo repetere posset, imperium. Quid impetus, quid in Petro pro regno occupando flagraret ardoris, hinc à parentis, hinc à lubricæ ætatis stimulis, ab ipsa etiam imperandi prutigine, à partibus, simul à metu si omitteret, à spe si negotium committeret, concitato. Divisam jam esse aulam, addebant, plerosque summates infidos, captum domi rumoribus populum, foris militiam largitione corruptam; & hæc omnia unius ingenio feminæ volvi, & peiora in futurum, eadē tunc ordiente, miseri. Altero propè passu, nisi feminæ resistatur, & per contemptum debilitetur, Petrum imperium

occupaturum, & qui jam sceptrum, & omnia teneret, ne libertatem quidem fuisse in tanto rerum turbine retenturum. His, & similibus verbis eousque Alfonso vertendi regni formidine turbant, & ira præcipientem volvunt, ut protinus matrem à Regia discedere jufferit. Hoc ubi Aloisiz denunciatur eo magis in se concussa afflictaq; femina est, quod per recentia amoris indicia, igniculos illos quos erga parentes natura succendit, pravique homines malè instillando in filio penè restinxerant, jam revixisse crediderat. Porro quæ pertinciam inimicorum, quæ Regis instantiam, ac levitatem pendens, & quod se inopem, solam in medio certaminis positam, & crudeliter agitatam fuga, aut exitio necesse foret tot cruciatibus finem imponere, Regia confestim decedere statuit, sedis quanquam recentis, quo illa inigrabat, ædificatio ut raptim perfecta novæ structuræ situ, humescentisq; soli intemperie, quicumque ante tempus eam habitasset, periculum faceflebat. Eò igitur paulo post Aloisia circa milliariam Ulißippone procul à Rege summo nobilium effuso studio, atq; obsequio deducta est, undique infesso à populo itinere, ut Reginā, matrēque Regis transmigrantem spectarent, aliis invitam, afflictam, & tanquam ad carcerem Principem duci, aliis varius ut passim manaverat rumor, rectè prudentem feminam curis aulae tristibus otium, aulicæ turbæ, ac negotio quietem, ac solitudinem prætulisse, jactantibus. Multi rerum quoque vicissitudines, præsentia dum præteritis compararent, horrebant, nimirum, quæ auctrix adeundi quondam imperii, sustentandique simul adjutrix, & socia viro Bregantio fuerat, quæque illo sublato ejusdem à se parti regni tutelam inter arma, fluctusque reipublicæ magnos intrepidè gesserat, eam ipsam, cum manere privatim in Regia

non



non licuisset, ad ingratam quodammodo, severamque custodiam impactam per vim, & ludibria esse. Quid auræ fortunæ? Quid patrociniis virtutis? Quid fallaci potentie? Quid aulae fumosis, vanæque strepitibusque opibus fidere liceat? Sic fluere, atque humanas interire denique res, & quæ florere, seseque efferre videntur in aula primo quoque tempore atere, aut invidia succisa decidere; in umbra, atque errore versamur, & pulvis, & cinis postremò contegit omnia. Cæterum ut jure à Palatio dimissa fœmina censeretur, & nobilium etiam invidiæ & plebis offensioni, & æmulo- rum odio, qui in hoc factò allatrabant, occurreretur, confictis sermonibus, atque ex composito suis obtreccationes, & quæstus in illam cum- ulabantur modò fœminæ pudici- tiam, modò matris officia, aliàs, & vitæ cultum, usumque regiminis la- cerantium. Ex imperii ambitione quæ sola, nec illa parum muliebri pec- tus percutiebat, ut sese nectunt, at- que implicant invicem vitia, varias in illa scelerum facies expresse- rant. Rex Alfonsus rei gestæ pudore, vel odio matris nec visere ipsam, nec sa- lutare. Cæteri ad Regis imitationem compositi abnuere colloquia, subdu- cere sensim obsequia, exhorrere de- fertæ limen, quosque Aloisiam quon- dam obnoxios, & regiminis gratia conjunctos fortunæ duntaxat conver- sio ab ejusdem congressu, atque ami- citia retraxerat, eos accuratius ab illa nunc metus arcebat, cum rumor etiam efflueret, avidam ultionis mulierem machinari res novas, eoque hisce vo- cibus fictis eo tempore timor Lusitanis increbuit, exteròsque pervasit ut Re- gis Galli, Regisque Britanni Oratores hoc vulgi rumore perterriti priusquam Uliassipone discederent à Rege filio impetrarint, ut citra suspensionem, Re-

gisque notam fas esset Aloisiam adire. Inter has simulationes, suspicionumque caliginem Petrus, & si omnia quæ eo tempore agebat in Regis dirigere gratiâ, eique se plane studere, atque in omnibus obsequi velle apparebat, id tamen unum simulandi artificio, quod argutum in illo fuit, ac desiderio Regis exceptit, scilicet frequentare matrem domum, eam honorare, sæpè consulere, colege, nihil sollicitudinis prætermittere, quam in pa- rentem reposceret pietas, aut in afflic- tam Principem miseratio, quanquam, & sæpè Aloisia Petrum corripiebat ne illa officia sic ostentando altiores suspi- ciones, & umbras offunderet illis qui- bus crudeliter, statim eas vindicare præ manibus erat, incertum, hæc illa subji- ceret utilitate filii, an quo ita in Regem, partisque adversas intenderetur invidia, & erga ipsam commiseratio. Hoc maxi- mè modò Regia, ac regimine simul eje- cta Aloisia, atque in eo calamitatis ha- bitu constituta, ex quo sanè majora ca- vere sibi oporteret, quàm aliis inferre pericula posset, tum Rex seu metu ali- quo matris, seu residua quadam scintilla pristinae reverentiæ jam omnino expeditus, atque solutus liberius, acriusque revolve ad ea facinora cæpit, quæ ea tempestate remissa, non penitus inter- rupta cum cautione, atque modò hæte- nus exerceuerat.

Hæc omnia videbat Comes Castel- meliorius, & pravis licet ipse cupi- dinibus captum, & corruptelis im- plicitum, non verò ad extremum per- ditum vellet Regem, ne ruentis idem Regis exitium utrumque tandem in casum traheret; modus ei tamen, & ratio minimè suppetebat, quem fama, quem pudor, quem factò- rum conscientia, morsusque non re- tardasset, lascivientem, atque furen- tem in summo potentie tenendi Prin- cipem; lenta quippè remedia adeò obduratæ in erroribus indoli, ac regia

præterea suffulta licentia inefficacia fore putabat, at si durius, ac pressius monendo, vel objurgando cum illo egisset, jure timebat, ne asperioris moniti merces gratiæ jactura foret. Rex itaq; nullo adversante, pravo suæ cupidinis impetu, æstuque ætatis abreptus suo minus, quàm sociorū, quos stupra, homicidia, sua, atque aliena bona alea, popinis, scortisque consumpta passim infames, ac detestabiles fecerant, utebatur ingenio. Tuptia, & indigna permulta in ignobilia capita facta narrantur, ipso jubente, vel adjuvante Rege, vel saltem, ut oportebat non reprobante. De viris nobilibus hæc habentur. Cùm tanta ardere videretur in Rege humani fundēdi sanguinis sitis, aut Itolida potius fortitudinis ostentanda, ubi etiam non erant exquirere crimina vitium, affectūque judicii lapsus sibi etiam gratis asserere offensas proclivem ad iram, illamque simul explendam animum impellebant. Hæc malitia, seu animi levitate provectus Alfonso ad interitum sæpe quæsitivæ Marchionem Fontanum, nec illum in via, aut ejus ædibus nactus hanc nefariā denique eadem suis satellitibus demandavit. Insiliunt, quibus facinus erat cōmissum, in Marchionem, lætica dum ipse vectus incuriosè fortè per urbem deferrebat; clamore, strepitu properant, multas in illū fistulas ferreas excutiant, jam penè vehiculum, vectoremque dejecerant, cūque plures, qui de via fortè erant, & qui famuli circumstabāt hero impigrè subvenirent, raptim in illos cōposito cuneo grassatores exturbant, & Marchio tandem propè jam circūventus, & gravior saucius elapsus est. Hoc deinde Uliassipone comperto jussu regis effectū esse, quia Marchio ipse Fontanus amicus, fidisque regi ob diuturnam cum eo cōsuetudinem putabatur, tantum deinceps ex gratia ejus, quantum ex odio incesserat omnibus timor, cruenti, levisque scilicet hominis, atque exte-

nui quacunque vera, seu affecta in ejus familiares suspicione, cujusmodi haud paucas tractandi ingeminat usus, vulnèra, & sanguinem exigentis. Nec minus profecto stomachi, invidiæque viris subinde nobilibus attulit, quod in Comitē quoque Eucerēsem ejusdem præcepto regis palam, sed frustra tentatum est. Currū per urbem in vectus planè metu, cursq; vacuus cum uxore, filia, atque fratre pergebat Comes, cū ecce repente in ipsum impetum faciunt omnibus notū licarii Regis. Clamor, lapides, sudes, igneæ fistulæ gladii, omnia instrumenta terroris, interitusque contra innoxiam familiam, ac venerabilem sexum expediuntur: contorti velociter ictus alii in aurigam, in equos alii, alii in vehiculum incidunt; collabitur rector, jumentūque pedibus sursum innixa, & lateribus acta lora disrumpere conabantur, mox vel quia metu tantumodò injecto, vel assultu illo improviso jactare maluerit Alfonso, quàm exercere sævitiam, vel quia homines scelerati meruerint in publica luce, viæque plebis iram, atque tumultum jam inde furere incipientis, post inanem illum fragorem, & hominum fremitum, concursūque, nemine graviter læso, diffugiunt. Hæc crudelitatis, aut furoris species in Rege, quæ in amicorum, & procerum capita grassabatur, ne illis quidē parcebat qui supremæ fiducie munia publica auctoritate tractabant. Petrus Noronia, qui è mercedis secretis erat, equo vectus à regia cū se domū reciperet, fortè in regis læticā offendit vacuum ipsam, sed solitis stipatoribus circumfusam. Petit ab his transurus humaniter Petrus in angustā semitā locū, & interim sistit; id agrè ferentes homines illi, qui rixarum percipidi etiam in comitare, ac modestia iras suas inflammare didicerant, & tanquam convicio jactati armis Noroniam aggrediuntur, equoque repetitis per ictus excussum

cussim subinde jacentem vulneribus lace-  
cerant. Ad tumultum, ad circunstrepen-  
tes undique voces, horroremque faci-  
noris visi, quia res propè Regiam ac-  
ciderat, Accurrit etiam Comes Castel-  
meliorius, Pertrunq; Noroniam ferro  
concisum perveniens, extremoque spi-  
ritu exanguem inde ad Regiam aspor-  
tari præcepit; ubi paulò post eodem le-  
thali confectus vulnere exstinguitur. Ut  
fortuitum hoc scelus non jussset Rex;  
verùm quò peccandi plus acueretur  
ejus auctoribus stimulus loco supplicii,  
præmiis eosdem affecit; erátque ju-  
ris sic ordine inverso flagitiorum re-  
munerator, qui vindex esse debebat.

Majorem profectò admirationem,  
acrioresque Uliisipponè querelas con-  
tulit alia, sed palam res gesta Regis,  
quod religio ex ea videretur in ludi-  
brium adducta, cujus mirificè tenax est  
populus, eaque verè, aut in speciem  
neglecta maximè invidiam Principibus  
cumulat. Solemnis per urbem, me-  
morizque passionis Dominicæ conse-  
cratum pompa de more ageretur; ibi  
eorum, quos otium, quos studium, aut  
pietas attraxerat, exundante populi æstu,  
accursuque, aderat quoque Rex, sed  
curtus velis opertus, unde aspicere ipse,  
nec aspicì per interjecta velamina po-  
terat. Procedebant interim pompa ve-  
rùm omninò seriùs, ut longis ordinibus  
constituta, affluentique interposita po-  
pulo; & rex illo defessus otio, inque-  
tòque agitatus ingenio uni eorum qui  
secum ibi sedebant, imposuit, ut curru  
desiliens, alapam ori ejus, qui primus se  
fortè obtulisset, impingeret, ex quo ri-  
xæ, tumultuosæque contentionis ini-  
tium propter hominem lacessitum, tur-  
batamque subitò multitudinem duceretur.  
Pergit ille, cum diutius tamen,  
quàm ferrox, ac celer regis animus pa-  
teretur, extrahi jurgium, & contu-  
meliam impatienter cerneret rex, seu  
populi metus, seu aliquid verecundiz

inter sacra solemnia præmortui licet  
pudoris emissum hominem tetigisset,  
tum ipse Alфонsus clam per vehiculi  
rimas transeuntem hominem quem-  
dam gladii sui cuspidè pupugit. Is cum  
ictus dolore, tum dedecore stimulatus,  
simul ignarus unde illapsa percussio ef-  
fret, educto repente gladio defendere se,  
atque ire ultum injuriam parat. Unius  
statim erecti vibrantisque mucronis ful-  
gor in tanta virorum frequentia mille  
secum eorum contraxit gladios, qui  
nudas, micantisque tot inter cuspidis  
tueri sese, qui jactantiam facere animi,  
qui, quod fortuito commissum cense-  
bant jurgium ditimere laborabant,  
Concitaturs hominum multieudo, se-  
seque fuga, metuque premens ultrò,  
citroque pulsus, ac repulsu distracta  
colliditur. Inde sacre imagines rue-  
re, misceri passim altaria, solo afflic-  
ta divina jacere misteria, fremitus pas-  
sim barbarum, & lamentabiles voces  
mulierum sibi timentium, & viola-  
ta esse sacra indignantium, querenti-  
umve, cùmque eo clamore, ac tu-  
multu jam effratos, & in orbem  
contractos satellites regis in eam in-  
citatum multitudinis vim temerarius  
impelleret impetus, cruentum, atque  
exitu sædum die illo festo Uliisippo  
facinus conspexisset, nisi vir gravis,  
ac nobilis, qui fortè regem comitaba-  
tur, eundem admonuisset. Videret,  
quid ageret, nihil æquale furori populi,  
nihil exceptum, nec ipsum ardentius  
quàm profanata religionis injuria per  
omnia flagrare, rapique præcipitem.  
Imò & si latius imperitaret Alфонsus,  
omnia illa subverti regna uno im-  
petu posse populi. His dictis conter-  
ritus Rex, è curru, ubi hucusque la-  
tuerat, descendit, palam omnibus fit;  
etiam vitiis aspersa majestas apud ho-  
mines valet; coorta tempestas seda-  
tur, currum rex repetit. Seria ita rex  
ludis, & jocosa eruentis admiscens aliàs

impium, aliis crudelem, ludibundum interdum, ac genio indulgentem sese præferebat, cum revera minus ipse nequitia quam animi levitate peccaret, & in adeo volubili ingenio nec virtutes, nec vitia satis hæere conspicerentur.

Ferunt præterea cum in cælo Cometes apparuisset, ejusque ferali crine cum audivisset funera sæpè Regum, & regnorum exitia defluere, Altonsum fistulis ferreis in illum excussis, aut despicere astum, aut stolidas minas certis cælitum minis objicere voluisse, deinde convicia, atque probra iratiùs effusa vanis ictibus adjecisse. Quod plurimi referebant in manifestam adolescentis insaniam, in vaticinium nonnulli ex quadam furore, atque animi afflatu ductum, qui cum in Principibus viget tum maximè in illis, qui hujus Regis ingenio similes, ratione minus utuntur perinde quasi ita furens, ardensque conatibus Rex in Cometem incitaretur, ut imperii jacturam eidem præfagientem. Illum rigorem animi, hanc naturæ torvitatem in Rege Veneræ quoque delitiæ præter solitum leves excipiebant, sive id consulto affectaret, ut se virum ostenderet, cum diversa, ipsique Regi maximè obnoxia fama pervagaretur, sive id esset magis irritamento vitii, quam voluptatis perceptæ causa, sive affectum malè animum, ac deterius etiam instructum ea res quia illicita, ac vetita multò magis extimularet. Caterum penes aulicos Regi fidos hæc erat quidem negotii summa, scortorum videlicet turba vario sermone jactatam proli nunc utilem ementiri habitudinem Regis. Hoc ergo consilio elatus jampridem infantulus fuerat, quem Regè natum amici vulgaverant. Inde puella etiam educabatur titulo filix Regis. At factum utrumque suppositum, Regisque securitate confectum esse, multi, quos artes aulicæ non sefellerant, mussitabant. De ul-

timo planè constat, sic matrem testatam apud Judices esse. Hæc verò insignia inter scorta potissimè unum vel eximia corporis specie, vel fortioris illecebræ veneficio ita devinxerat Regem, ut nec verecundia, nec regis majestatis dehonestamentum, nec quòd in illum, ut regem, conjecti omnium penè hominum oculi essent, inhibere possent Altonsum quin publicis ludis, spectaculisque impuræ mulieris societatem ostenderet, idque graviolem tunc apud cives notam inußerat regi, quod plerique sceminam noverant publicè prostitutam, & quod excelsi, regique nihil sapere, nihil asurgere posset animus penes quem tanti esset vulgati corporis virilitas. Ea porro ut crudelis, ut falsa mulier, & varias nocendi, aucupandique perdocta mirabiliter artes, quò erga se magis, ac magis amorem accenderet Regis, zelotipix quoque facibus incurbat ac ejus animum inflammare, unde multum quidem cruoris, ita jubente Rege, meretriculæ vanitas hausit. Caterum nihil hac scemina potius inter tot amulorum machinamenta res Altonsi labefactavit, ut enim inepta secreto mulier, ac natura loquacior sæpè omnibus decantabat Regem amantem à se redamatum, nunquam ut vitum à scemina, cognitum esse.

Dum inter hæc, & similia flagitia Rex pte frivitia, aut amoribus volutatur, mutuis insidiis, ac dolis ut alius alium è gradu dejiceret Altonsumque super amuli ejecti casum attolleret, more suo pertinaciùs aulici contendebant. Comes Castelmeliorius crescentis initio potentix, quæ ex Antonii Contii ruina profluerat, pari propè merito, & gratia ut suprà relatum est, apud Regem cum Cæsare Meneseo, & Aurogix Comite floruit; iisdem mox gratiæ regis, im-

peritque

nisque æmulatione perculsis, mutuoque suspectis, & cautè inter se palam agentibus, at interiùs acerbe commissis cum vicissim utrinque luderent artes, & oris suavitas animi virus, reciprocos ictus latibula tegerent, ingenio, aut fortuna inter eos prævit Castelmeliorius, quos Regia quoque depellere faciliè potuisset, is nisi pro rerum conditione metueret, ne uterque penitus fractus spem, & fortunam quas inter regias amiserat, in Aloisiz partibus quaereret. At ubi lapsu Aloisiz ille ex animo timor decessit, crimina aliqua partim vera, partim afficta Castelmeliorius in Autogiz Comitem struens, ea scilicet ipsa, quæ idem in suis amicis dissimulando fovebat, primum illum ex Regia, mox urbe summovit. Pulso in hunc modum Autogiz Comite, obstabat etiam Meneseus, sed volubili quidem spe constitutus, cum à prævalido, vallatoque partibus viro ferè inermis, ac solus oppugnaretur. Res in extremum adducta discrimè tum ultionis cupido, dolorque ægrè elucandæ manus inimici potentioris rebus omnibus circumspectis intendere tandem ingenium, animique colligere vires adegere Meneseum, quò imminèntem cervicibus æmulù preveniret: actio. ris propterea remediù cura jactato venit tandem in mentem subicere Alfonso, ut Antonius Còtiù ex Brasilia, ubi tunc exulabat, Ulisipponem revocaretur. Popularis in speciem erat pretextus, Regi pergratus, plausibilisque, abolitio videlicet publicæ injuriæ, ac restitutio decoris regii ob intimum sibi quondam familiarem cum tanto fragore, ac ludibrio majestatis abreptum; causa vera in occulto, eaque efficax erat, miscere in aula per res novas si fortè posset res inimici propitias, cum illi virum opposuisset, qui vel omnino occuparet, vel divideret saltem voluntatem, & gratiam Regis, simul etiam alterius subsidio in tanto discrimine iuncti, atque opis eo tem-

pore egentem reversionis subinde vicem ab Antonio reposcere. Aceria postremò, atque acerba cum duos homines implicarent de gratia, ac potentia penes Regem litigia, ipse ut medius totum completti, aut rebus exagitatiss ali quid fortè decerpere potuisset, aut quæ impèdebant saltem per ea, quæ in æmulum redundassent, certa sibi pericula subterfugere. Hæc erat Menesei mens. Durior tamen tractatu res videbatur, difficile quippè erat sepositum Regem, aut sine arbitris convenire, qua cautione quidem uti Meneseum necesse erat, ut pro tanti momenti negotio in aures, & animum regis influeret. Providerat enim diligèntissimè Comes Castelmeliorius ut omnia, quæ audiret, loqueretur, aut faceret rex Alfonso per circumfuso exploratores edoceret, capitali præterea crimini dabat Comes, si ipso inconsulto, aut ignaro quispiam auderet secretum habere cum rege colloquium. Ita ergo dum hæsitat, voluitur animo Cæsar, multisque diebus occasione captandæ studet, regium denique viridarium fortè solum perambulantem assequitur regem; sæda ibi gravia, & acerba, quæ in miserrimo exilio nullo alio crimine nisi quòd diligi meruisset, ac bene de rege meritis esset, pateretur eo tempore Antonius amplificare; multa pingit, multa etiam affingit, quæ ingens animi ardor odio, & periculo simul afflatus adjecerat, regem denique impellit, ut reduci ab exilio extemplo juberet Antonium, datis etiam eidem Meneseo mandatis, ut per scriptas ab ipso regio nomine litteras exul ab Indiis reductus esset. Res diutius latere Castelmeliorium omnia rimantem minimè potuit, cum amplius ei tamen non esset integrum quod factum jam esset expungere, in auctorem consilii, ejus satis fallacem deprehenderat mentem conversus novo hoc stimulo adjecto ejusdè ruinã

acceleravit. Igitur primum in animo secum descripto Comes, quibus artibus usus Antonii regressum ab India infructuosum, & irritum redderet, præmoliendum eo tempore statuit, ut cum redisset Antonius, tunc Meneseum omnino afflictum, atque extra aulam, & urbem extorrem offenderet, ne manu, ut dicitur manum in aula lavante, fortiores uterque adversus communem amulum vires conjungeret. Itaque quæ acquisita, ampliataque gratiæ Regis fiducia deliquerat olim Meneseus, quæque ille idem jure amicitia fretus in ejus sinum effuderat, nunc quod ita inteteret, effodiens Castelmeliorius, atque inimico insolenter objectans, simul res novas moliri, transiitumque ad partes adversas, obtinuit tandem à Rege, ut ejus jussu multaretur exilio.

Post hæc ex Brasilia Antonius Contius, ut Rex Menesei adhortatione præceperat, Ulisipponem appulit. Navi ex alto cum ille in portum inventus esset, concentu tubarum, belli sonitu tormentorum, omnique communis ostentatione latitiæ ingressus ejus obstrepuit. Verum ènavi jamjam descensuro, cum ferè tota rei novitate sublata, seseque calcando premens ad portum civitas concurrisset, felicemque contumeliam illam jactaret, quæ in tantum celebritatis, ac speciem propè triumphicòversa fuisset, repente tunc imperatur Antonio, ne in terram descendat, ne Ulisipponem adeat, sed in remotum quoddam oppidum se recipiat, ibique inmoretur ejusdem ambitu loci regio nomine circumscrip-tus. Scenæ hujus, & pompæ eoque versatilis auctor, is qui cæteras quoque lusorias in aula partes agebat Comes extitit Castelmeliorius, hoc nempe insidiarum ordine usus, primò probavit Alfonso, quod jam non poterat impedire, ab exilio scilicet evocandum Antonium Contium, quippè quem inscio Rege, atque invito, præci-

pitata ultione, paucorum temeritas ablegasset, eorumdémque ad sanandam stultitiam, aut còprimendam audaciam patere opus esse, quod regi duntaxat decernere liceat, quibus danda, quibus adimenda libertas aut vita sit, qui vertere solum, aut reddi meritò debeant. Appulso deinde jam ad litus Antonio, contentionisque studio, vincendique libidine ejus reditu prorsus expletis, cum paulisper suspensus, ac propè trepidus ipse memoria repeteret rex, quos homo æstus, quas turbas, simulacresque apud aulam, & regnum concitavisset, & utrum extincta materia esset, an aliquid tacitè serperet, unde novæ se suscitare, atque effundere facies possent, sic æstuantem arripit Regem Castelmeliorius, ei que protinus subjicit, illa exilii remissione, Antonii que ad urbem regressu, aspectuque jam satis rumori, regiæ satis auctoritati consultum esse. De regis tutela, ac præsidio esse imposthæc laborandum, quod matris, quod fratris ipse perpetuis oppugnaretur insidiis; idcirco quo minus Antonio, ut seditioso procerum instrumento subdendisque populo facibus, turbulentis, qui multi circumstetissent, homines uterentur, optimum factu sibi videri, ut ille statim inde retractus, & aula procul ejectus urbe diutiùs, & Regia, & Regis quoque careret aspectu; dum hæc animorum ubique commotio læguesceret, & quæ retrò acta essent, dele-ret oblivio, & deinde consilium à tempore caperetur. Nullo utique animi affectu magis, quàm metu Alfonso agitabatur, cujus subdole frænos ejusdem ingenii, ac naturæ planè peritus Castelmeliorius, prout res sua postulat, jam adducendo, jam remittendo, jam sæpè versando circumferebat. Premere verò in præsentia æmulum præpotentem, summopere infestum, atque huic aliorum connexas uno ictu succidere spes, conatusque cum sua præcipuè interesse

interesse conspiceret, in isto negotio seipso major incubuit. Cæterum cum ea improvisa adversarii depulsione maxime sibi Castelmeliorius potentiam, & opes apud Regem confirmavisset, ea ipsa non parum ex parte alia debilitavit, clariori planè argumento jam omnibus manifesto, quod ad potentie amplioris mensuram invidiam invidiæ Comiti cumulavit, Alfonso nempe judicium sive innata ægritudine torpidum, sive aliquo veneficio corruptum aliud elicere nihil in regimine posse nisi à Comite illi indita, & iussa; & alium sibi profectò Regem querendum esse, cum jam Alfonso privato in homine perdidissent. Porro autem ut sibi maxime, & jure diffidit ambicio, suisque affectibus discors, ac turbida semper est, jam Antonio Contio dejecto, & tum à congressu, tum ab oculis regis excluso, adhuc tacita quædam suspicio, & formidine plus adumbrata, quàm certis indiciis expressa Comitibus animum remordebat, nimis propensum erga Antonium subesse regem, veterisque amoris reliquias cum etiam etiam influeret propinquitatis loci quotidie magis in regio pectore crescere; qui cæteris imperant, sibi minus impèrant, vetusque clausum in pectore incendium, ac velut tempore pressum quidni vehementius aliquando erupturum? simul inimicorum aspicere turmas erecta expectatione, apimisque intuentium Antonium velut hominem cælo delapsum, qui ipse in aula effractus potentiam esset, aut omnino everurus. His anxius curis omnia ad hæc Comes callidè referebat, nempe ut simul regem, simul Antonium saleret, tanquam absentia ejus ab aula non à gratiæ regis contentione, impetioque sibi solidè sustentando, sed à quietis, pacisque consiliis, & tum Antonii, tum ipsius regis utilitate quæsitæ esset. Præterea quod dicta factis

secundum speciem congrueret, colere impensius Comes Antonium, fundere obsequia, crebra munuscula mittere absenti, cumque tunc fortè opulentum in regia vacasset officium, Antonio quanquam ejecto, exulique hoc ipsum à Rege conferri curavit, Joannique Contio ejusdem Antonii fratri, qui sacris imbutus ordinibus erat, Ecclesiæ ditissimum beneficium.

At verò qui planè comprehenderat insperatam, ac rigidam illam separationem à rege fraudulentam esse duntaxat Comitibus cautionem, non reipublicæ curam Anronius, & quem ille metueret ultorem, falsis velle mansuescere officiis, & vanis illecebris indormire, ficta per ficta ludificans, ne fortè se odisse, neu rem percepisse cognosceretur, interim operam dabat ut vel congrèdi semel cum rege posset, consiliis si semel aspicere, atque alloqui regem, manumque tangere licuisset, contra æmuli insidias sese aliquid profecturum. Hoc summo labore, atque industria Castelmeliorio Comite nescio impetravit tandem Antonius à rege, cum ille suo more venatum propè Alcantaram iret. Ibi Alfonso gratulabundus, & ita letus, ut ore, atque oculis læticia nimia diffunderet veterem amplexus amicum est, quin & illum interrogavit, vellet ne statim redire secum ad aulam? Antonius, cujus jamdudum immotus, fixumque in animo erat, quod nec regia, nec regingen, nec regis quoque voluntas, sive amoris, sive imperii natura spectetur, capere simul posset Castelmeliorium, Antoniumque parata ad id tempus responsione in hunc modum satisfecit Alfonso, tam citam ipsius ad aulam reversionem difficilem sibi regiæque futuram, multisque molestiis, & periculis implicatam. Utilius ea tempestate fore, idque se maxime deprecari, ne diutius eos exulare viros proceres pateretur, qui jure suo quon-



dam matri Aloisix impetanti paruerint. Contra jus, & officium hoc utique factum esse, contra obsequium parenti debitum, ac regiminis disciplinam, ac malè subditos admonere, ut obedire dediscerent, filios, ut parentes aspernarentur. Ad hæc dicta tetiuit Rex, rudi, obtusoque ejusdem ingenio minimè penetrante, hoc ancipiti postulato, velle merita nundinari & partes colligere Antonium, quibus pulso Castelmeliorio, locus illi vacaret, quem relicturus ejectus æmulus esset. Itaque eo brevi cum Rege congressu dimisso, ubi secretum colloquium innotuit Castelmeliorio, sibi ex composito occultum, simulque revolvit, subesse regis animo latebras Antonii fide & conscientia, non Comitis fide dignas, majora quoque inter regni, ac regis domus arcana id sibi repenti unum obscura de causa, & Antonio auctore interversum fluctuare in animo capit, ac studiosius quætere modum, quo se clam, ac leniter efferentem, antequam artibus ille crederet, adversarium opprimeret. Hæc animo volutanti explorasse fortè Comiti contigit, in illo colloquio, quod seorsim cum Rege Contius habuerat, regressum ad aulam, & criminis veniam ab ipso pro extortibus postulatam, talia enim verba furtim à quodam Regis comite excepta Castelmeliorio Comiti postea relata sunt. Nihil hoc indice clarius sagaci viro necesse fuit, ut statim veniret in suspicionem Antonius, scilicet ipsum in aula jam partibus scissa, quæ Regem, quæ matrem consecrarentur, cum Principi offensis, matrisque ejus obnoxiiis illis exulibus conspirantem clandestina consilia coquere. Cum igitur inter eos æstus ac tenebras mentis nulla unquam melior ad æmulum exturbandum sese interponere cûsa posset, quam etiam habebat Castelmeliorius cum eodem Rege communem, alacrius idcirco ad

Antonii perniciem versus ejus subinde lustrare vestigia cepit, secreta rimari, appositisque propterea, qui colloquia, qui convictus Antonii, qui ingressus, egressusque familiarium, & tempora connotarent, simul labore, pecunia simul effusa, postremò collegit exules illos nobiles cum Antonio Contio, tum eorum amicis, affinitibusque qui apud aulam præsertim erant, consentientes trahere secretò consilia, quibus per vim extruso Castelmeliorio, mater regia Aloisia gubernaculis tedderetur, Regique Alfonso sub umbra, ac regimine matris non vis, sed species quædam imperii, nudusque regiminis fulgor telinqueretur. Hoc ipsum ita partium concordia statutum, ac certum universi deinde magistratus suffragia, qui Ulissipone debebat, sancirent, amplior tandem auctoritas, actisque publicis firmitudo ex regni Comitiolorum, quæ ideo subindè convocarentur, calculis adderetur. In rem illi obtendebant, in tam arcto, atque lubrico positus regni rebus fas esse naturæ ad suæ originis usum postremò relabi. Hæc enim quæ liberos homines esse voluit, sic populum seu plurimorum nutui atque arbitrio alligavit imperia, ut cum ea ultro uni ad majorem omnium utilitatem commissa fuissent, si præter opinionem per illum vi, sive injuria labefactentur, ab iis, qui ea illi tradidere, liceret remedium malorum ejusdem lege naturæ petere. Hujusmodi erat conjurationis intextæ series & causa. Qua denique revelata dicti statim à Rege Judices sunt, qui de Majestatis crimine inquirerent. Ulissipone causa tractatur; dum verò ibi crimen excutitur, & reorum, suspectorumque nomina deferuntur, stricto Rex insolenter super testantium capita gladio, minisque congestis eos pro Judicio simul terrebat, & audiebat, ex quo planè testibus perturbatis alia hæsitantia



ex ore verba effluebant, alia interrupta, alia invicem dissidentia; videbatur nequaquam jure, sed gladio agi: terror omnia miscuerat. Tumultuarius enim cognita causa, in actisque perscripta, cum delatorum consilio, & arcani, susceptique consilii ordo matrem Regis Alouiam velut conjurationis ministram, vel adjutricem, vel saltem consociam legali quoque suspitione gravaret, missis est ad illam scriba, qui ex forensibus actis suspitionum deductas notas, scriptoque digestas perferret, eas ut ipsa videret, atque omnino dilueret. Fœmina tunc gravitatem, animique celsitudinem præbens, contempnitione, & stomacho potius, quam rubore, vel ira jam trepidum scribam, vixque lingua præ metu, seu mente constantem rejecit, non legere modò, verum etiam accipere codicillos propositos dedignata; tantum seu conscientie fiducie mulier, seu fictionis, seu vili de filio opinioni concepit in re gravissima contulit. Rex ergo cum minis, metuque matrem insecti posse diffideret, cogi fas esse non judicaret, affligere amplius non esset etiam volentibus locus Regia jam, & regimine præcipitem exturbatam, cum squalore, ac tristitia in solitudine agentem, & solatus ferè omnibus destitutam, quas frustra in parentem concoxerat iras, paulò post in affines conjurationis effudit; Theodosius itaque Melus quinquaginta extra urbem leucas ejectus est, Cæsar Meneſeus, & Antonius Conſtius, qui circa Ulisipponem exilium agebant, in regni fines expulsi sunt. Obscuri quoque nominis multos ea conjuratio pervertit, incruento planè supplicio, cum Castelmeliorii invidia potissimum excitatam grave nihil in regnum, vel caput Regis per illam intentum esse liqueret, tum iracundia, minæque regis, quas ille subitus impetus, resque celeritas non jactaverat,

inani ut plurimum pompa, strepitique vanescerent.

Cæterum ea criminis inquisitio plus apparet terroris, & ostendendæ per cruciatus severitæ, quam veritatis invelligandæ causâ diutius extracta est. Circumfusi per urbem exploratores, depuratorum, delatorumque colloquiis, conventibus, circulis, ita æquè seris, ac familiaribus joci commiscebuntur, ut propè cunctis attentis, perculisquæ formidine civibus non propinquus propinquo, non amicus amico fideret; suspectæ aures, timida verba, innotui velut, nutus etiam inter colloquia innotui. Cum vinis torquetur, nec ea minus Castelmeliorii leverit te, equique affirmandæ potentie studio agitari, quam Regis tutela, atque an ore apparebat, insontes cum insontes terror simul ac parva corripiebant, hoc astu veteres sunt privatasque suspiciones, ac longè deducta ora cum injeſtatis afflicto crimine impicant Castelmeliorii. Ea severior cum quælibet peracta esset jam amulorum ruinæ, & quæ adhuc stabant, his nova ruendi formidine injecta validior, quàm antea fuerat, Comes Castelmeliorius majore animi elatione, fallûque ostendere potentiam cepit. Sedem igitur illam, quam adhuc habuerat in Regia ad aliam tranſtulit ipse partem regio habitaculo propiore; nova per hoc adjecta ejuldem invidiæ viri, nova Alfonſi ignominia, & contumeliæ plaga, gravior inde quoque obtrectandi, insidiandi quæ materies circumſpectantibus inimicis: Regis enim Alfonſi limen aſſistentibus rarum, Comitibus frequens in tam parva loci distantia facilius observabatur, admittantibus, ac propè dolentibus cunctis inter teganſcem, ac Regem non aliud pro obsequiorum collatione diſerimen fortunam interjeciſſe, niſi quod majestas alteri vacua, & ſolo propè nomine picta, vera, atque ſolida alteri videretur.

deretur hactisse, & cum imperio conjuncta. Verumtamen ut ambitu quoddam mortalium sese series circumagiteret, & honorum, malorumque vicissitudo Castelmeliorii in Lusitano regno potentia jam ad summum perducta culmen cum amplius augeri non posset, decrefcere cepit. Hoc initium mutationis, & tenui ab hoc filo toram retexeretelam fortuna disposuit.

Simeon Vasconcellus Castelmeliorii Comitis frater post longa, & egregia peracta in Lusitano bello stipendia Ulisipponem reversus est. Hoc homine Petrus Alfonsi frater cum syncerè, & familiariter uteretur, id sive forte, aut industria, sive morum consensu vel sanguinis fiat, vel astrorum affectione, aspectuque eousque amore ejus obstrictus est, ut in aula pro miraculo cernerentur duo regii fratres aliis duobus sibi que alienis fratribus dediti, quisque licet inter se dissiderent cum alienis concordessent, cumque plena essent inter fratres Principes odia, quod nihil ad latera redundaret. Accidit etiam nec multò post intervallo, ut Petrus graviter agrotaret. Hanc se præbentem occasione officii, amorisque agrotò manifestandi statim amplectitur Vasconcellus, ideo frequenter domum ejus adire, condolare dolenti, ad servitutem agro jactandam procerum famulorum intervertere munia, ostentationis nihil omittere, quod obsequium, & Principi fidem uberius testari posset. Molestissimè hoc in primis Petri famuli persensere; re tamen prudenter dissimulata, ne corporis ægitudine afflicto molestas querelas adderent, post ubi Petrus convaluit per alias expositas falsò causas tacitè injuriæ dolorem operientes dimitti plerique petunt à domestico Petri servitio, & mox alius post alium digrediuntur. Offendit & graviter Comitem Castelmeliorium ea inopinata famulorum discessio in suam,

fratrisque profectò invidiam exultantem dilapfos proceres esse. Obtrivuit ergo per Regem Alfonsum, ut negligentia, aut errore à Vasconcello fratre excusato paulò post famuli proceres ad Petri familiam redirent, uuo tantum Ercerensi Comite excepto, ipsoque de industria, ut fama publica erat, omisso, ut Petro semper invisò, & rebus in omnibus circumspectò deessent viri optimi documenta, Comitique Castelmeliorio, cui minus in domo suspecta fideret. Porro autem cum non parum Castelmelioni Comitis inresisset sustinere per id temporis apud Petrum in illo gratiæ culmine fratrem ut longa ipse manu, & imperium, & spes imperii, quæ in Petro maximè hærebant, complecteretur, ne rursus inter proceres æmulatio, compositzque nuper offensiones inciderent, Simeonem fratrem ex Regis præcepto renunciavit domus Petri Gubernatorem, sive Magistrum, quò minimè ablati, aut intermissis reliquorum famulorum officiis, ille dignitate, atque arbitrio cæteros antecelleret. Haud quidem gravatè id primùm accipere nobiles famuli visi sunt, quòd animo reputarent, Vasconcellum domestica Præfectura contentum, nihil sibi deinceps arrogaturum, quod ad reliqua procerum munera in familiæ regimine pertineret. Sed postquam suo hic, vel fraterno spiritu inflatus, & ultra magistri supercilium erectus insolenter omnia confundere ministeria domestica cepit familiam, herumque trahens, rursus, acriusque viri nobiles indignati abeundi libertatem à Rege, Petroque reposcunt, & impetrant. Nec ea dere ampliùs laboravit Castelmeliorius, satis hucusque provisum rumoribus putans, quod, qui sua sponte à Petri servitio recesserant, urbanitate usus semel Rex revocasset, ac si bona familia erat cur eam reliquissent? si mala, cur eam repetissent?

lent: porro jam recurrentem, aut quæsitam fortasse causam libenti animo arripuit, quæ à Petri familia summotis quos parum idoneos, suisque flexibiles nutibus noverat, sufficeret alios leves homines, & venales, sibi inaximè additos, Petro infestos, domus ejus speculatores, & quibus abundè stomachus esset, Vasconcelli fratris superbia, ac tumore calcari. In hunc modum ab acri, sollicitoque Petrus æmulo circumfessus, & undique adstrictus, dum imperium animo agit, Regisque fratris inopiam judicii, morum intemperantiam, gignendique defectum hoc sedentis etiam in sinum ejus illatura quandoque esse, ne inter ea domus ejus ludibria opportunis injuriæ ob degeneres spiritus, fractumque formidine animum, & contumeliæ fortasse patiens æstimaretur, à novo, & pulcherrimo vitæ instituto moderationis, & tolerantia laudem sibi constituit. Hic igitur sæpius excutere penitentia sacramento conscientiam, percurrere sacros libros, memoria celestium, hominumque religiosorum monitibus, & consuetudine pasci, quodque reliquum temporis esset animæ procurandæ in bonarum artium, aut literarum studia conferre. Rarò proinde Alfonso fratrem adibat, quasi utilibus rudimentis ingenio domi excolendo vacans, aut cæli negotiis, rebusque divinis implicatus: quam improvisam Petri mutationem, ac novissimū vitæ cultum, ut varix sunt aulicorum opiniones, & suo aliena plerumque consentes ingenio, affectuque nonnulli adscribebant. Augustino de Ceuta ex antiqua Regis familia nuper ante regis, Petrique pedes repentina morte collapsio, tanquam Petrus de cælo tactus vitam, & mores illo monito expolivisset, callidiori quidam intelligentia secreto Petri consilio facilius, ac tutius Lusitani sibi parandi regni ea religionis imitamenta fucisque virtutis

attribuebant, quibus mirus sollicitum, intentumque jam dudum ea de re suspèctantem redderet Regem, ac populi simul benevolentiam plausumque captaret, dum hausto quasi cælitus spiritu ea Petrus agere videretur, quæ actionibus quoque Regis opposita, & comparatione illarum luculentius expressa gloria, atque laude clariora fuissent.

Inter hæc Marchio Sandius ex Gallia Uliisponnem revectus est ratum Regis cum Principe Nemurtia connubium, Petrique Regis fratris cum Bullonii Ducis filia ore tenus compositum nuncians, utque ratio iniretur instabat, qua nobiles inde Virgines Uliisponnem asportarentur. Hæc nuptiis suo, & consilio amicorum inductus, ut regni nempe successionem jam incerta prole Regis ambiguum alterius conjugii accessione firmaret, initio placè consenserat Petrus, postquam verò intellexit etiam tunc calibem ipsum ut regno inhiantem horeri, ac suspecti à Rege, ex quo trepidum sibi vitam, armatas passim insidias, & circumstantia pericula noverat, illa ratio connubii ne plus æmulorum incenderet odia, Alfonsoque suspiciones acueret, neve opportunitas æmulis præberetur novas in ipsum insectationes, atque calumnias super veteres cumulandi, ne dum propositas nuptias constantissimè recusavit, sed suspectos etiam habebat, nimisque molestos, & graves, qui in contrariam sententiam eundem traducere conabatur. Hæc Petri multoties, & frustra pro matrimonio oppugnati duritiæ, animique rigore comperto Comes Castelmeliorius Regem denique adir, oratque ut reluctantem conjugio fratrem sua auctoritate, ac si ultra opus esset, imperio compellat. Poterat enim palam per astus videri velle rogatus, aut jussus ad connubium venire, quod vehementi cupidine premeret. Dies erat ferix sextæ majoris hebdomadæ

cum

cùm ad funerea Dominicæ Passionis officia de more coëuntibus in Regis sacello fratribus Rex à Comite instructus accesserat, quemadmodum hortaturus ad matrimonium fratrem alloqueretur. Dictata ibi à Castelmeliorio Comite verba celerrimè fundit Alfonso, insistit, urget in causam, versare fratrem rationibus nititur; verùm, aut quia fluxo, tenuisque Regis ingenio orationis contextus, & ratio intellectui difficilis esset, aut quia insitus quidam in animo furor res non intelligi sineret, aut intellectus statim effluere, nedum minimè congruentes, sed oppositas etiam negotio, quod tunc tractabat, rationes admiscens, quo tempore fratrem rogavit, ut contrahere connubium vellet, eodem simul increpuit, & minas atroces addidit, quòd unà cum matre Aloisia conspiravisset, ut diadema interverteret, quorum unum, ac pondere majus Petrus obsequio, ac ratione purgavit, alterum pervicaciter renuit, haud sanè fas esse dictitans contra renitentem, & adversantem hominis voluntatem, quæ esset profectò vineulum sacramenti, inferre pro nuptiis minitendo, cogendo vim. Cæterùm duas magni quidem momenti nec curæ sibi minoris res ab hoc extracto cum Rege sermone collegit Petrus, altius scilicet esse regio pectori immissam de affectu à se regno suspicionem, nec eam evelli tam facile posse, minus prætereà suo, quàm impulsu Castelmeliorii, ut exlibatum frater exueret, tam vehementer anniti Regem. Firmior illi proinde exorta suspicio, atque infixata in animo est, Castelmeliorio fortassè inscienter ea fila porrigere Alfonso, quibus ille susceptæ fraudis, excogitatæque relam exitii perficeret. Rex autem Alfonso cum inanem hunc primò vincendi fratrem conatum expertus esset, ejusdem deinde Castelmeliorii consilio Petri ad se famulos

vocat, simul imperat illis, ut orando monendo, obtestando curarent Petrum è sententia dejicere, si secus accideret, se Petro non minus offensum ob illius pertinaciam, quàm ipsis ob eorundem inertiam fore. Atqui nedum irritis hortamentis, raucisque precibus homines apud Petrum circumsistrepebant; verum etiam quò flectere eum à proposito studiosius allaborabant, obdurescere in illo magis precibusque rigere conspiciebant, quippè quia ea omnia subdolè, atque enixè fovere Castelmeliorium intelligebat, neque aliud sibi nisi teterrimum provenire à tali obtestatoris ingenio posse. Igitur jussu Regis præter famulos ejus alijs etiam Comitibus opera incumbentibus multis, hic tandem animo exasperatus, ac propè furens, caput, inquit, Regem abscindere sibi posse, arbitrium non posse, seque interitum potius, quàm nuptias amplexurum fuisse. Sic dissoluto Petri connubio quod frustrà jactatum cum Bullonia Principe fuerat, inde animum Sandius Marchio ad regias complendas nuptias advertit; quærentique verus ne esset, an fictus, qui in Lusitaniam obrepserat, & Galliam quoque tetigerat, rumor proli inhabilem esse Regem? simulatè respondit Castelmeliorius, illegitimos plures editos Regi filios hanc vulgarem opinionem, ac planè falsam penitus sustulisse. Rebus postremò compositis, ut regia sponsa quàm citò Ulisipponem trajiceret, ad Galliam Sandius reversus est.

Interim Aloisia Gusmana extremo correpta corporis morbo cum fato se proximam intelligeret, filios per litteras accersiri præcepit, ut ultimum illis amoris materni pignus benedictionem impertiretur. Eo tempore Rex, Petro comite fratre, ex venatu, equorumque tractatione ad hauriendas de more delicias omnino solutus, & vagus, in suburbano

urbano rite constiterat. Pottò modicè, aut nihil astantibus visus est Regis tunc animum terigisse moribundæ matris affectus : acrius Petrus indoluit, quippè qui spes, quas fœmina afflante retenderat, hoc ictu sublatas, augendas æmulum infidias, scque subsidio, ac solatio simul orbatum considerabat; præcurrere itaque ipsum ad matrem volentem, ne officii laudem præriperet ille, moratus est Rex. Pergunt æqualiter ambo, at segniori profectò gradu, quàm verè pari pietatis studium, aut amoris celeritas posset; matrem tamen adhuc spirantem inveniunt, defunctique extremo pietatis, ac venerationis officio recedunt. Subinde Aloisia, ut constanter, pièque vixit, interiit. Fuit enim Aloisia Gusmana eximia constantia, pari animi magnitudine, ea singulari prudentia, qua internis externisque regni fluctibus agitata, æmulumque conatibus pressa prospere, atque optimè scivit res domesticas, atque bellicas fœmina temperare. Viro quondam cunctantri, diffidentisque etiam oblatum accipere regnum, hoc propè illa minarum terrore dedit; consilio postea sustinuit; industria, ac labore firmavit; ille siquidem nihil in tegno arduum, hac muliere inconsulta, seu relictante, cum graviores ut plurimum incurrerent causæ, transiegit. Ad hæc Politicas artes, bonos, & malos regiminis dolos, dominationis arcana, humani latibula ingenii, non modò intelligere mulier, sed pertractare quoque, ac provehere tam natura, quàm disciplina mirificè instructa fuit; non secus enim, ac præsentis fratrum discordias regiam hucusque familiam, tegrnumque vellent ex longo intervallo in animo præsensisset, obstitit olim ne Odoardus Portugallius Bregantii fratris in Regem assumpti nuncio in Germania præventus custodia, quam postea

subiit, elaberetur, quo minùs frater propius in fratrem regnantem ex pari natura, dissimilique gradu invidiosâ æmulatione collecta concurrerent; cumque esset ipsa genere Castellensis, eoque nomine invisa, ac propè execrabilis Lusitanis ea ingenii dexteritate, alieni moris imitatione, defœtitudine patrii, sollicita, cauta miti severitate, gravique clementia cum Lusitanis externis versata est, ut etiam cum onere imperii, & molæ præsentis gubernationis invidiæ gratissima ferè omnibus esset, & maxime popularis. Quædam tamen ab illa vitia, ut fluxa, atque fragilis, contrariisque affectibus constituta humana natura exegit, nimirum profundam honoris ambitionem, ac libidinem dominandi, quocirca nonnisi pet vim ablatum adulto jam Regi filio imperii tegimen cessit, hoc extortum rursus quæsiivit, irreptum graviter sensit, nec Regiam deserere voluit, nisi dimissa. Ut Petri quoque adminiculo, & ope adversus inimicos, & invidos uteretur, rara, & potissima amoris ostentans minorem erga filium indicia, pro nihilo habuit super multa, eaque sæva inter fratres aliis de causis discordiarum semina effusa, inferere quoque certamen, & scrupulum maternæ benevolentiæ, odiisque sua spontè currentes, acriterque commissos novis calcatibus concitare. Ad hæc parum otii, quietisque patiens, aut pacis amica in solitudine visa est, cum ea secreta consilia, quæ ut ipsa redderetur imperio Uliisippone concoquerent, aluerit, promoverit, vel saltè consultò dissimulaverit. Cæterum si virtutibus vitia, & adumbratis expressas animi dotes, & fortunam cum sapientia in hac muliere conferte velis, talis fastigii profectò fœmina fuit, ut illi merito gens Gusmana splendorem familiæ regium, libertatem Lusitania, monumentum gloriæ perpetuum Hispania tribuere debeat.

Sublata Aloisia, crevit Alfonso Regi libertas, Petróque ab illo sibi cavendi, dolisque occurrendi sollicitudo. Latiùs proinde manantibus ex novis injectis suspicionibus odiùs timores, cautiones, dissidia, alteri alterius per seria, per jocos insidiandi libido quotidie inter fratres ingravescabant, Comésque Castelmeliorius, qui hæctenus Petrum, ut matri conjunctum, ac mutua defensione vallatum metuerat, hac modò formidine liberatus multò quàm antea licentius agebat. Jam verò cùm nihil Petro daretur reipublicæ attingere, sed rem suam domesticam tantum, atque eam difficulter omnino, magnaque ex parte aliena voluntate correctam habere, in hoc fomes offensionum, & certaminum causa vertebat, quòd Petri approbatio, atque gratia, in quos ea cecidisset, suspectos Alfonso illius famulos faciebat, & quamvis satis initio cautum per suspicaces homines fuerit, ut qui destinatus Petri servitio esset, is ex intimis Castelmeliorii clientibus lectus, ejusque fortunæ alligatus extra heri domum, & ex domo inimica suas rationes, & commoda peteret, casu tamen, aut gratis interjecta sæpè suspicio, aut de futuro hæsitatio multum Regis, multò magis Comitum animum repungebat, an quemquam eorum Petrus officio, ac meritis lucretur, an alius in longum spe jacta temporarias inter angustias ultrò se Petro addiderit, veta-ne, an falsa speculator domesticus retulisset. Inter hos graviore suspitionum aculeos, & curarum jactationem cùm ex utraque parte æstuantium, nihilque ubi consistere turò possent solidum intuentium tam perfidia, quàm fides procerum torqueretur, multi tædio fessi petri famulirio cedebant, alios, cùm valeret in eis suspicio, honoris specie subductos Comes Castelmelio-

rius ad alia munera promovebat. Ita porrò in obscura, arcuataque nimis familia relicto Petro, ac splendore domestico destituto, in corde sibi ex æmuli offensa, notòque ludibrio sensus animi acer, publica nota foris accesserat. Plurimos dies tristis animo Petrus, tacitus tamen cum hoc dedecore exegit; at ubi Reginam sponsam ex Gallia adventare delatum est, ac simul nuptialem, & regiam celebritatem, cui & nobiles Galli profuso, ac splendido luxu, & melior pars regni pulchrè, ac magnificè instructa quamprimum erat interfutura, ne in tanta ostentatione Petrus, Regisque frater cum eo squalore domestico spectaretur, petiit ab ipso Rege, daret ei famulos regio illo apparatu, habituque fortunæ dignos, alioquin vel nuptiarum effugere pompam, vel illi interesse cum contumelia, ac dedecore cogeretur. His argumentis ut fallaciter priùs institutus à Comite fuerat Alfonso ore placido, hilari in speciem fronte respondit; Diceret Petrus, quos sibi famulos vellet, ut eos protinus Rex designaret, hoc scilicet animo volvens, ut quos cariòres, fratrique fidos ore ejus intellexisset, eosdem idcirco Rex ut minus idoneos excluderet. Paucis elapsis diebus, Petrus sicut Rex ipse jusserrat, sibi famulos nominavit genere, ætate, existimatione conspicuos, & quorum in moribus reprehendendum tantummodò invidia, quæ nemini parit, grave quidquam deprehendere potuisset, eorumque, ut pro fide probaret, Regi nomina expressit. Tum verò Regem idem offendit, ne dum à prima sententia diversum, sed etiam iratum, & in ipsum Petrum acriter insurgentem, quòd asperum ejus ingenium, & horridos mores fugerent Lusitani, & supervacaneum utique fore hodie eligere famulos, quos sane ipse sciret primo quoque tempore dilapsuros.

dilapsuros. Contra hæc repenè commotus multa in sui parrociniū disse-  
ruit petrus, & aliunde causam deducens  
solitudinis donius suæ; oravit deni-  
que Regem, ne se pro tanti apparatus  
festivitate in Lusitaniæ luce, in exero-  
rum prospectu ea incompta, tenui-  
que familia squalentem, & pudore,  
ac tristitia marcentem sineret, neu fi-  
dem nupet secum obstrictam falle-  
ret. Rex in eodem tamen obtentu  
tanquam integra causâ, ac solida ra-  
tione defixus, fratrem quamvis instan-  
tem, inanem tristemque reliquit, ita  
profectò ratus Petrum necessitare com-  
pulsū eos esse tandem famulos ac-  
cepturum, quos eidem Petro suspe-  
ctos, & maximè ingratos ille animo  
destinaverat. Itaque urplurimū Pe-  
trus in suis ædibus solitarius, & clau-  
sus, & Status Senatu adeundo, & ne-  
gotiis, festisque publicis, & congres-  
su, aspectūque hominum abstinerebat,  
cum Rege, amicisque causatus orna-  
mento, ac splendore carere se regis  
sobolis principi consentaneo, & lu-  
cem odisse, quæ eundem sordibus  
volutatum ostenderet. Verumtamen,  
ne irritatus fortassè, atque ira percitus  
adolescens, quem fervor simul ætatis,  
ac regius spiritus impellebat, in teme-  
rarium, ac præceps in Regem, ac reg-  
num consilium aliquod rueret, illum  
interdum conveniebat Comes Castel-  
meliorius Status, bellique Senatus exa-  
minanda consulta ferens; sæpè etiam  
assenratoriè Petro subiciebat, ejusdem  
suffragium, ut magni quidem momen-  
ti à Senatu, à republica, à Rege desi-  
derari, nève mora, aut perniciēs ejus-  
dem silentio, & absentia negotiis  
communibus afferretur, ipsum à Re-  
ge jussū coram à Petro sententiam  
requirere. Hæc nihilominus ficta, &  
omnia artificis & doli, quemadmo-  
dum erant, imbuta fastidiosè Petrus ac-  
cipiebat. In eo præterea considerabat

suæ tantum fidei à fratre committi, quæ  
levia erant, aut vulgi sermonibus mita,  
aut plures per rimas jamdudum effusa,  
subtrahi verò de industria gravia, ac la-  
tentia Regis, regni que negotia, nec  
de restauranda sibi familia, in quod  
potissimū incumberebat, consultò,  
vel casu mentionem ullam à Comite  
induci.

Interea classis ad urbem appulit, quæ  
ex Gallia Reginam vehebat. Uliippo,  
quæ in magna expectatione adhuc  
novæ inspectandæ reginæ fuerat, nunc  
ingenti commota lætitia ferè tota con-  
fluxit ad portum, multitudinis pats,  
quam locus non capiebat, frequentior  
diffusa stetit in littore. Verum in Re-  
ge, ad quem prius est allatum adven-  
tus reginæ, sponsæque pulcherrimæ  
nuncium, nullus eo tempore visus est  
animi sensus, aut motus vel se læ-  
titia efferentis, vel voluptate tacti,  
vel re nova aliquantulum expectecti;  
rem in qua illum fortè ludentem de-  
prehendit nuncius, incuriosus, & ani-  
mo durus explere perseverabat. Cæ-  
terum quod in alio constantia, & æ-  
quabilitas animi, insulitas, sive stu-  
por illato ex opinione judicio repura-  
batur in Rege, nonnulli hoc frigide  
Veneri, & quod gignendæ se soboli  
ineptum cognosceret, tribuebant; fe-  
rè omnes ramen ab re ipsa licet exi-  
gua miserabile vaticinium de infelici-  
bus nuptiis, ac regia ipsa, quæ spon-  
sam acciperet colligebant. Mox Mar-  
chio Ruvignus classis Præfectus Perro  
significavit, si citra molestiam lice-  
ret, ad salutandum illum iturum.  
Tres duntaxat famuli nobiles, reli-  
quis anreà dilapsis, runc in Perri fa-  
milia erant; regem itaque Petrus per  
talem occasionem admonuit, illibe-  
rale profectò fore se visere cupien-  
tem classis Præsidentem non admitte-  
re, sordidum verò illum admittere,  
ut in ea tam inculcata, ac deserta propè



familia necesse erat; quod igitur Rex fratris precibus non dedisset, laxaret tandem necessitati, quemadmodum servitii splendor, ornatúsque familiæ ortum regio sanguine virum decebat. Rex Alfonso Castelmeliorii consilio usus ita ab hac se repente proposita causa explicuit. Petro, quos tunc ille petebat, famulos minimè assignat, suos tamen mittit à regia, qui pro hospite excipiendo perfunctorium obsequium præstarent, illo dimisso ad Palatium redirent. Acerbas, & acres idcirco querelas fidum per hominem Petrus evomuit Castelmeliorio plenus doloris, plenusque minarum inceptitans, num Regis animus erat, ita ibi fratrem, ut in humili diverforio ignominia, ac sordibus involutum, ac mœrote tabentem consenescere pati? an aliunde sibi querendum esset, ut Rege se ottum, & tegii solii, sceptrique sub umbra educatum, nec cultu, animoque degenerem se ab omnibus conspici sineret? At ille sux sicut Petri conditionis oblitus superbo, aggressique responso percussit internuntium. Hoc cum Petro subinde relatum esset, adeò mitem, & facilem ejus animum exulceravit, ut coram omnibus comminatus Castelmeliorio Comiti fuerit, arrogantix tantæ verbotum, & supercilii etiam supra Regem assumpti pœnas nec scetas, nec leves esse se ab illo repetiturum. His & similibus publicè jactis in Comitum contumeliis, quas placido secus pectori indignatio, atque mœror extorserat, fortè aderat Vasconcellus ejusdem Comititis frater, carus, & ipse quondam famulus Petro, postea nonnihil suspectus, & nunc illi palam offensus, quod ita fratrem probis, & minis insectaretur; liberius tunc igitur quàm famuli officio, quàm supetbis Principis auribus conveniret, Petro respondet,

musitabundus deinde, rictuque oris acerbo parumper domi subsistit, ultro postremo se petri servitio subducit. Post hæc cum ira tempore deflagrasset, pœnitentia percussus, ac dolens, quod abusus principis gratia, temerè amici, atque famuli partes apud Dominum miscuisset, in ejusdem petri familiam, & gratiam nequicquam regressum variis artibus attentavit. Tenacior est enim principis ira, instabilis gratia, ac si ira tempore defluescit, interdum deponere pœnam, ferè nunquam teponere gratiam solet. Sic propè jam dissipata universa petri familia, cum ad duos tantummodò viros ingenuos redacta esset, seque incessanter à fratre Rege id injuriæ, ac dedecoris deprecantem, vel ejus ira jactari, vel ambagibus sperni, statuit tandem ab urbe secedere, simul ne improvvisa discessione quæ à turbidis occupata res utique novas in regno parere potuisset, occasionem ipse turbarum, ac tumultuum incitamenta querere videretur, præmonuit in tempore fratrem, quoniam honestè sibi, ac decenter Uliisipponē vivere non liceret, ut oculorum in aula notis, & maligna linguarum verbera subterfugeret, aula simul, & urbe cedere statuisse; hoc si Regi displicuisset, impediret, ut facilè poterat, aut causæ tandem concederet, justoque dolori parceret. Hæc tumida principis verba, rudes, quæ Regis jam præterfluxerant aures, qui eorum momenta pendebat, acerbius, & altius infedere Castelmeliorio; ipse quippè duos fratres discordes esse volebat, mutuis odiis exulceratos, scilicet invicem atterentes, & partibus implicatos, ut facilius utroque sic imminuto pro suis artibus uteretur, eò tamen ardere, atque spargi fraterna dissidia, atque odia nequaquam volebat, ut fœtas ex linea domestica missa, atque in propatulo posita totum regnum factionibus



tionibus scinderent, & ipsum etiam unâ cum Regis, regniqûe periculo volverent. Tristitî igitur ille quàm maximo potuit apud Regem conatu, hic tandem ut Petro de iis, quos sibi selegerat, famulis obsecutus ea noxia consilia depelleret. Hoc autem loco mirari, atque attendere liber, quàm ex alto petita principio consueta, atque antiqua inter fratres certamina profliant; nam suo quanquam levis ingenio, ac natura volubilis Rex, ad omnia quoque perpetuò Castelmeliorii Comitis verbo, nutûque versatilis, ejusdem nunc rationes, & monita aut non capiens, aut spernens in quo minùs expediebat, negotio maxime obduruit, Comitèmqûe sepiùs instantem convicio tandem reject. Cùm diutius itaque Petrus minas, & preces surdis Regis auribus cecinisset, ac minot etiam Regis duritie Castelmeliorii potentia comperta esset, jam omni spe destitutus, & ad consilia turbida versus postquam Reginam, & Regem festo apparatu Ulisipponem ingredientes splendori, atque pompæ regii strepitus comitatus immisit, atque ita suæ deformitatem familiæ regens secutus est, uno Roderico Meneseo Comite ad Quelusii secessum unam supra dimidiam Ulisippone distantem leucam divertit. Ea re confestim per urbem vulgata, & longè larèqûe deinde per regnum vagis rumoribus aucta descivisse fratrem à Rege fratre, ebullire seditionem, & civilia jam arma parari, fama circumferebat; inde in Castellam loquaciùs, ut solet, effusa, sub Rege pupillo flaccescens eo tempore imperium impedimento fortasse fuit, ne finitimos hostes opportuna tunc cura subiret amissi regni recuperandi. Ulisippo præcipuè cum aula simul in studia, patresqûe discissa numero, ac merito plures qui Petro quàm qui Regi favebant, haberet, Petrû spectabat, ut imaginè recti

Principis regnatricis familiæ pignus, imperii columen Lusitani, quò allidere velle Rex pravis consiliis impulsus, ejusqûe moribus videretur. In Regem enim, suorum præter morum intemperantiam, & corruptelam vitæ, recidebat etiam ex nimia Castelmeliorii potentia, fastûqûe contracta publicè invidia, haud secus, ac illam Tyrannidis speciem Alfonso socordia, ac summa facilitas pasceret; Petro ex adverso ejusdem Comitis odia, quibus & ipse Petrum persequi videbarur, & fratrem in fratrem per insidias acuerè nobilium, ac plebis amorem intenderant. Cæterùm propè omnes Castelmeliorio Comiti infesti, iratîqûe illam discordiarum artificem, illum odiorum ministrum, illum malorum in aula omnium inirium, ac fomitem conclamabant, & qui pro suo imperio stabiliendo ad excidium familiam regiam, & regnum peteret.

Intereà diversi alii Regem, alii Petrum aggressi procures illorum lenire itas, & componere lites vehementer annitebantur; utrumque propterea monebant, ne internis distracto, avulsqûe tegno discordiis in communem perniciem arma externa vocarent, nève hoc pusillum discordiæ semen, nisi protinus suffocetur, in vastam publicorum malorum segetem cresceret; nimia quæque malorum, ne alia aliis innexa, atque accidentibus aucta vires colligerent, in bono regimine præcavenda, quanto magis ne altiora capita regni dissideant, quæ omnia divisa, atque inversa trahere cum ingenti tetrum, & hominum strage possent? Hic Petri Alfonso fidem advocabat, quæ ille se primùm obstrinxerat, eos famulos Petro daturum, quos idem nominavisset, nec in aula ipsi Petro fas esse cum tanto squalore, atque ignominia versari. Rex contra dicebat, impetu, ac pertinaciâ, non ratione in causâ pro-

cedere Petrum, & æquum esse præterea majori minorem fratrem submitti, multoque magis cum ætatis prærogativæ jus quoque Regis accesserit. Sic dum fallam constantiæ laudem, aut iracundiæ quadam dulcedine expleri querebat Alfonso, minimè intelligebat, quod auctoritate, atque gratia ipse apud populum imminutus flecti cum nollet, ire præcipitem porteret, & quod ex ea perviciacia in eas spes assurgeret Petrus, quæ sine contentione, ac dissidio tam citò explicari, collimarique nequaquam possent. His tamen omnibus rationibus potior cum Petro Reginæ intercessio fuit. Hæc cum secta jam vena decumberet, compulit Petrum, ut ipsam adiret, & comitatus secū officium exolveret. Multo studio, multisque blanditiis, siye ad rem simulatis, siye primo, qui postea recrevit, amore coortis venientem Regina Petrum excepit, & simul ex Petri conspectu ipsi ægto tanti solatium, animi simul maiorem ostendens ex fraterna offensione productum, rogavit denique Petrum, ut ad animi saltem corporisque ægritudinis levamentum consiliteret secum in Regia vellet, quoad res inter fratres pacificè conveniret; molestum ei quoque importunumque futurum si ex tam longinquo ad ipsam visendam spatio, ut frequenter desiderabat, accederet. Movit tunc Principis animum cum mulieris pulchritudo, atque illecebra, tum reverentia debita sexui, summæque claritudinis nota; inde in certamine victus, ac penitus profligatus ad componenda, seu rescindenda cum fratre litigia Reginæ ejusdem arbitrio se planè, projecit. Causa igitur inter fratres reginæ imperio discussa quò neutri res fraudi, aut detrimento foret, decretum est tandem ex prudentum virorum consilio, ut undantaxat ex prius nominatis excepto, alios, & novos Rex Petro famulos

designaret, quos idem Petrus appellavisset. Res ita conficitur; Lis, in quam aula, ac civitas ferè tota coierat, Reginæ interventu dissolvitur. Redeunt fratres in gratiam, hæc si semel corrupta bona fide faciri potest. Ceterum ex longo tempore averfis animo fratribus, mutuisque quotidie suspicionibus ictis, cum causæ odiorum integræ permanerent, novæ hæc offensio cautionem utrique, & alii ab alio formidinem auxit, paulatim quasi jant instrumenta lavigarentur, quæ in Regis ruinam expediebantur.

Subsidio erat Petrus inveterata dissimulatio, & fortunæ inter æstus æquè jactata, atque expurgata prudentia, simul ingenium Regis ingenio præstantius. Contra furor, & impetus Regi, nulla ferè dissimulatio, multoque minus nocere, quàm dicere, & obesse plus posse, quàm velle. Itaque Rex in amicorum colloquiis lacerare persæpè fratrem absentem, mordere præsentem, pungere illum ubicumque dedisset occasio; asperiores quoque naturam, acriorem linguæ insolentiam, petulantius aurium fastidium induisse in omnibus Rex videbatur quæ ad fratrem pertraherent. Fortè semel evenit, ut solemnibus ingressus in urbem Reginæ gratia cum hastiludium Ulißipponæ celebraretur in illo equestri decursu Petrus Marchionem Marialvæ laudaverit, ut equo alacriter insidentem. Colludebat tunc cum Marialvæ Marchione Comes Castelmelliorius; suspicatus idcirco Rex in hujus odium, & contumeliam eam à Petro prolatam esse Marchionem ornando laudem, perinde quasi colludentis æmuli commendatio alterius profectò gloriam obtineret, ira valde commotus, & animo ferox; Nisi regina adesset, retulit fratri, ibi se illum, quem dextera tetigit, mucronis ictibus confecturum fuisse. Mollius, & cum quodam

dam simulate modestiæ artificio hisce  
minis respondit Petrus, nihil omnino  
cum illo ingenuo sermone putasse se,  
aut falsæ Marchioni laudis affectum,  
aut veræ detractum Castelmellorio,  
nec certè decere cruorem illum temerè  
fundi, quem ipse Regi libare paratus  
esset. Sed ne hoc mihi quidem respon-  
so Regi Petrus satisfecisset, nec, quod  
calere jam ceperat, majoris dissidii cau-  
sa cessasset, nisi illud statim oppressum  
reginæ præcibus foret. Hujuscemo-  
di casus, quibus perpetuò oppugnata  
nutabat patientia Petri, ac dissidentia  
quotidie fota in odiorum intentionem  
vires recolligebat, ferè innumeri me-  
morantur. Tandem ubi Petrus ani-  
mo voluit, si tot ipse ludibriis, atque  
insestationibus fessus semel frangeret  
tolerantiam, exitiabile sibi futurum;  
sin minus, toties lacessitanti, nec fra-  
ctam omnino patientiam majorum im-  
posterum fore injuriarum incitamen-  
tum, proinde nec patientia, nec impa-  
tientia proficere quidquam posse, &  
vel obruisse contumeliis, ac simul pa-  
tientia disrumpi in illo miserrimo statu  
oportere, vel ultionem impatienter  
cum certa clade conjungere, tam mul-  
tis jactatus undique curis extorquere  
postremò per metum à Rege constituit,  
quod lenitate, ac modestia eò usque  
firmiter usus minimè potuisset, ita tã-  
men, ut cautè, ac latenter incussus timor  
quamdam obsequiũ, ac benevolentia  
speciem præferret. Postulat ergo Petrus  
armorum imperium à Rege, quod pro-  
pter regni custodiam circa fines agita-  
batur. Ad rem afferebat, urbanas in-  
ter delicias, & aulae delinimenta ni-  
mio ipsi onus, ac tædio sitũque mar-  
centi exercitio tunc opus esse, quo certè  
nullum unquam laudabile magis, &  
utile, quàm quod in regis, regni que  
salute collocaretur. Ad hoc summi  
honoris, atque fiduciæ munus in mol-  
liori etiam ætate per matrem olim re-

gentem sibi aditum patuisse, nec belli-  
ci quemquam poenituisse à se exerciti-  
ministeriũ, nec porro domi, milita-  
que ad communem salutem construenda,  
aut propugnanda ex jure na-  
tura, aut officiũ videri minus fidei, at-  
que industriæ exigere posse, aut de-  
bere fratrem à fratre, quàm ab extra-  
neis, & sanguinis lege disjunctis. Hu-  
jus verò consilii acumen, ac tacita ra-  
tio erat, clam per ea verba in animo  
Regis insigere, quod plus esset in Pe-  
tro, quod posset ille metuere, quàm,  
quod stolidè sperneret, tum si in qua-  
siti fortassè pondus rudi rex intellectu  
non cecidisset, quod regi terrori, sibi-  
que præsidio fuisset, per arma felicius  
auferre. Cùm itaque hoc Petrus à re-  
ge pereretur, & quod petebat insuper  
causas adjiceret, obstupuit Alfonso,  
fratremque sæpius repetentem velut  
elinguis, relique improvise cogitatione  
confusus adhuc ambiguum, suspensum-  
que tenebat. Instar insuper Petrus, cùm-  
que etiam, atque etiam urgeret, & pro  
responso regè lassaret, hic denique sto-  
machatus cum fremitu, & ira rem diffi-  
cilem, inquit efflagitas, ac longo tempo-  
re excutiendam. Petro deinde dimisso,  
advenit Castelmellorius, qui ubi audirè  
Rege Petri petitione velut attonitus ex-  
clamavit, non baculum militarem, sed  
diadema regni que sceptrũ clariores juri  
per ambages à Petro quærì, & compes-  
cendam profecto esse adolescentis auda-  
ciam, qui adeò in flamas, ac turbulentos  
pasceret spiritus. Eo acuto nimis consi-  
lio, & quo minimè Petrus intelligebat  
terrores, ac minas, quæ minores, aqua-  
lesque sæpè coëscunt, in potentiore ho-  
mines jacta citius perniciem imparibus  
struere, metum, quem fratri inferre ten-  
debat, in se maximè revolutum per  
idem commentum accepit. Ex eo enim  
anxius Comes Castelmellorius trahere  
deinde in animo capir, petro quis auctor  
temerarij consilij fuerit, quive tantum

in se rerum novarum molem conceperit, ut incautum adolescentem regni expectatione sublatum, fratri Regi semper dissidentem ad desiderium armorum, explendæque cupiditatis occasionem impulerit, præsertim propè Castellam æmulam Lusitanæ, ubi impatientiæ regni nondum maturi occupandi, quæ ardescere in Petro suspectabatur, si arma domestica non sufficerent, concitaret externa, & cùm attentè circumspiceret omnia, incidit ille tandem in duos è Petri familia viros Comitem nempe Turrium, Comitèque Sancti Joannis egregios pro bello milites, atque Duces, & longa militiæ disciplina provectos. Hos igitur vel quia ille à Petro suscepti in regem consilii verè participes nosset, vel potius quia propter ingenii propensionem, & usum, belli ornamenta effereutes ad gloriam amorum fortassè Principem incitassent, extemplò à Petri latere avulsit, honesta propterea subiecta causa, strepitus belli nonnihil tunc temporis apud finitimos exaudiri, ubi præsto esse debebant, tanti meriti, ac nominis Duces. In hunc modum contentiosæ, ac novæ penè quotidie cùm inter fratres incurrerent causæ, acriusque sese per continuas suspiciones intenderent, & mutuò animos vulnerarent, ubi dissidium intercedebat, in pejus semper, quod minus posset, Petri condicio delabebatur. His & Regina tandem se fluctibus miscuit, difficile est enim, nec minus periculosum inter aulicos æstus, & partes velle tenere, medias, hunc quippe è medio sæpè calumnia, levis sæpè suspicio trahit, quique metu, cautione, aut segnitie fortassè ductus, ut tranquillius, aut tutius eligit medium, ab utrisque perpetuò sibi cavere paribus, & utraque simul metuere necesse est. At Regina quam antea communis cum Petro querelæ ratio, & fortunæ affectusque simi-

litudo contraxerat, cùm ex parte Regis abjectæ, opisque indigenti media sibi tenenda via nulla esset, tam animi impetu, & ratione, quàm rerum necessitate coacta ad Petri partes accessit. Ceperat enim uxoris satietas, atque fastidium Alfonso primò, quia nuptialis amoris vinculum proles & prolis quoque descenderat spes; deinde quia propter languentem in ipso Veneris usum, quod zelotypiam in homine magis accendit, & propter parium etiam contagia, benevolentia, atque studio erga Petrum accensam Reginam existimabat. His odii argumentis, & causis accesserat etiam suis artificiiis, atque fallaciis Comes Castelmeliorius; veritus ille quippe, ne ea ipsa amoris, ac fidei pars, quam in reginam Alfonso applicuisset, in aliquo sibi fortasse rerum arbitrium demeret, satius idcirco duxit offensam, querentemque Reginam à regimine prorsus excludere, quam sibi, regique obnoxiam cum quadam regiminis umbra in regis partibus retinere. In hoc statu regina ut à viro ludibriis, ut à Comite injuriis affecta, & propter jam exploratam potentiam apud regem debilitatem cum orbitate prolis, parum etiam ab aulicis culta, turelæ proinde, atque fidei omnino dedicata Petri universas cum illo machinas adhibebat, quibus gravem, & imparem æmulum deturbaret. Notum hoc erat Castelmeliorio, suis ergo versutis, artibusque confusus, ita illum postremò, qui in ejus perniciem toto conatu, atque industria petrum cum Regina conjunxerat, rescindere nexum statuit.

Latius per urbem, regnūque manaverat antiquis ex causis producta suspicio, & novis quotidie rumoribus aucta Reginam adhuc Virginem esse, nec regali ex eo toro succurrere spem, quæ successorem imperio promitteret, proinde, quos verè ante alios reipublicæ

reipublicæ cura premebat, per sæpè Comitem admonuerant, ut itabilis Petri connubio, quàm citò provideretur, ne externi aliquando, vel hostes in vacuum regnum irrumperent. Comes verò Castelmeliorius cujus retrusa mens erat, hoc genitale vitium Alfonso, ut perutile Petro, fraudi, sibi Regique futurū, quò diutius tergiversando posset, fūco, & mendaciis obtegere, jam spe fallendo, jam refellendo proceres subdolè rem extrahebat. Nunc verò secum ipse volutans, quòd ex novo Petri connubio tantum regno munimenti accessurum fuisset, quantum Regiæ, discordiarum, & simultatum incendiorum, cùm Reginæ ante oculos assiduò mulier obverfaretur in spem imperii sobolem peritura, quam ipse defectu Alfonso Regis abjecerat, simul quòd eadem ratio constaret in uxorem ejus invidiæ atque inde incidentium offensionum ab ipsa Regina alienatura retrum fuisset, ac si res ita fieret, ut rerò similis erat, rationes, utriusque domus cum affectibus separari, ipsūque Castelmeliorium inter reginam, & Petrum, & ejusdem uxorem, inter Petrum, & Regem suis odiis, & causis semper implicitis, discordiisque jactantem sese validiùs, ac suas opes confirmaturum, regem idcirco adit, illi optimatum sententiam exponit, connubium inire Petrum censentium, adjicit etiam, vel ab eodem susceptos in matrimonio filios regno, & regis familiæ subsidio, ac firmiori tutelæ fore, vel si sobole Rex caruisset, unico fulcimento magni momenti rem esse, nec ullo pacto licere, eam in incerto relinqui. His propositis argumentis, magisque imperioso consultoris ingenio permotus Alfonso, ut quàm primū uxorem duceret fratri denunciavit. Petrus, qui dolum, & doli etiam artificem, & quò vergeret dolus satis intelligebat, ut fallaciam fallacia truderet, tempus, quo de tanti momenti re

seriò ut par erāt, secum deliberaret, inodestè poposcit; responsum deinde calamo expressum in hunc modum porrexīt Regi.

Nuptiarum molestias, & inquietas perpetuò curas, à quibus ipse alter abhorrebat, ut morem gereret regi, se quoque averfantem subire paratum esse. Cæterum cùm magni momenti res ageretur, in qua esset habenda & communis familiæ ratio, tum regni, tum Principum exterorum, optimum factū videri sibi idoneum ad Angliam hominem mitti suscitatum sententiam regis qui fœdere, affinitate, studio, & multis utrinque utilibus causis Portugalliæ familiæ conjunctus esset. Inde ille in Galliam, post in Italiam res, & consilia, quæ vertere tempus posset, explorando transiret, ut omnia prudentiæ præcepta pro tanti negotii mole, & qua momenta maxima rerum pendebant, solertia, laborque percurreret. Dignum verò qui acumine ingenii, rerumque diligentia, ac pericia talis negotii auctoritatem, ac vim sustineret inter cæteros cause collatos Joannem Roxam è suæ familiæ secretis sese præferre. Cætera à petro regis judicio relinqui. Vera, nec subdolè ficta, ut utique erant his verbis petrum esse locutum rex, & Comes existimantes tantum dilationis, & morte quæ sæpè negotia deludit aut frangit, simul ministrum qui rem suspectam, ac dubiam tractaret è petri sinu dimissum accipiunt. Inter has cunctationes, & mutuas sese fallentium hominum artes, res quædam fortuita hæc omnia decreta turbavit, rebûsque malè jam pridem affectis deterius deinceps exagrandis multiplices causas præbuit. Gallus quidam, vetusque Reginæ famulus cùm per Transaganam provinciam pergeret, orto in itinere jurgio ab homine Lusitano confoditur. Homicida

cida statim comprehensus, & ad Conimbriam primum adductus paulò post victus Uliſſipponem trahitur, & causam in vinculis dicere cogitur. Tunc de ejusdem patrocínio familiæ, deque suo in Gallicam gentem ostentando favore, atque gratia nimium Regina sollicita, & ultionis ardore succensa sonitis supplicium vehementer urgebat. Hic verò à sacro se asylo, quò primum effugerat, sacrilegè abstractum in carcere positus querens Ecclesiæ jus appellabat. Distrahitur itaque causa ad utriusque fori cognitionem, & variè hinc, & inde ancipiti jure implicata, atque in summam cõtroversiam adducta sententiam de crimine protraherat. Regina ab initio, & valdè ipsa inculcando è Status secretis ministro præceperat, ut ea res, quia ad ejus familiæ virum spectabat, per eos iudices ageretur, ad quos pertinebat palatii causas excutere. Is tamen neglecto reginæ mandato ad alios urbis magistratus temerè causam conjecerat. Evenit subinde, ut idem Status minister, cùm reginæ litteras ferret, quas regiis de nuptiis gratulatum Angola miserat, ab eadem Regina per occasionem requireretur, quid de illo Galli homicida tandem statutum ab regis Judicibus foret. Retulit ille, in multis Tribunalibus rem agitatam, & varia altercatione discussam Castelmeliorii denique jussu ad Status Senatum rejectam esse, ibi adhuc pendente hære causam. Gravius cùm hæc audisset Regina succensa, quod plus privati gratificatio, quàm imperium reginæ apud hominem valuisset, ipsa præterea in eo Comitem rata per abstractus, & moras sic illam trahendo intervertere causam in animo habere, ut novum sibi dolo-rem, atque ignominiam publicè inureret, contumaciæ, atque insolentiæ liberius quàm reginæ gravitatem decebat, ministrum increpitavit. Deinde

ut irarum præcipuè impotentes mulieres animi sunt, pristinum illud jamdudum inclusum in Comitem odium, & novis quotidie cumulatam injuriis, quod tanquam sub cinere latitabat, per occasionem subito exarsit, ac totum simul effusum est. Proinde illa acerrimè invecta: Annum, inquit, sibi pollicitum dotali lege stipendium injuria, & ludibrio huculque non solvi, nec porro, quod tolerabile foret etiam egenti, ut in reipublica commoda impenderetur; verum, ut id quoque pretii ad jam pingues regni latrones, everforèsq; prædarum tantarum pro cumulo accederet, quæ tempestate ignobilium, ac vilium ad sustinendum splendorem hominum, & ipsa Regina in sordibus jaceat. Se quoque omnino retractam à publicis curis, notitiisque languere otio, ac mœrore tabescere sinimulieri suspectæ similem, vel ineptæ, vel res publicas aspernanti, quasi aliquis esset post Regem, quem premere plusquam reginam imperii utilitas posset. Nihil à rege præterea ipsam nisi cum rubore dimissam, nisi irritam postulare. Quinetiam mentis quodammodo explorari sibi recessus, ac latebras cordis, ut omnia ex composito fluere ejusdem proposito, ac desideriis adversa. Inde integratam reginæ gratiam clientibus esse, favorem ambiguum, meritum onerosum, queri, aut tacere, aut injurias dissimulare peræque sibi periculosum. Postremò hæc se frequentia æmulorum livore ludibria non intra regis conclusa parietes, sed foris etiam exposita pati, atque omnibus manifesta, tanquam sprete vexatæq; reginæ commendationem à regno peterent, vellente tandem pro laude, ac barbaris ostentatione jactare sibi in mancipium reginam celsisse. Ad hæc, & talia Regina cùm patria libertate

bertate provecta esset, ea asperitate verborum velut fulmine ictum Castelmeliorum Comitem voluit; nam illum è secretis Status ministrum in primis acceptum, ac fidem ipsi Comiti acceperat. Minister verò plus gratiæ Comitis filius quàm de Reginæ iracundia diffusus, totius ejus orationis, quos acutè distinxit, articulos summa velocitate percurrere querelas, & maledicta in reginam retorta coniecit, sed eo strepitu, petulanti, fractoque gestu, ac vivida voce, ut ex eo iratior, animoque Regina commotior modestiùs hominem loqui præceperit. Ille ex adverso procaciùs exclamans, alta voce sibi dicendum esse, respondit, ut ab omnibus audiretur, cumque concitatus ipse dicendi impetus incompotesta verba raperet, tacere tunc illum Regina jubet; nihilo tamen minus cum eodem ille animi ardore, & contumacia linguæ celeritè verba volvendo perstreperet, de sella Regina exiluit, & tergo in loquentem conversa citato passu interius cubiculum repetebat. Porro ille adhuc furens, ac propè demens Reginæ laciniam arripuit, quasi tenere abeuntem, ac plura dicere vellet. Tunc in se ipsa regina collecta, & simul oris modestia, simul rubore suffusa frontis imperio, & majestate vultus magis, quàm verbis, aut vi rusticè hærentem summovit. Regem deinde regina conveniens, eique, ut acta res erat exponens adjecit precibus lachrimas, & fidei pignus ab ipso recepit, ad cæterorum terrorem, asserendumque Reginæ decus communem se injuriam ulturum. Regina digressa, intrat ad regem Castelmeliorius, qui alio colore, alia specie rem totam adumbrat. Docet Regem multò magis reginam quàm è Status secretis hominem in fortuita illa altercatione loquendi modum præterivisse; huic enim duntaxat crimini dari posset, paulò li-

berius ab ipso fuisse regis, regiminisque defensionis susceptas partes, nimirum, ut justus dolor, & ea iniqua quoque insectatio rectè in causâ publicæ sentientem perculerat. At reginam arrogantius, ut sæpe solebat, in Gallicam libertatem effusam, & communia obsequia, atque merita proterentem, & ministros, & Regem, & Lusitanum præterea nomen in eodem propemodum fasce ore inflato, ac vehementi complexam esse tam Lusitanæ Reginæ gradus, & moris, quàm feminæ ingenue decoris oblitam. Cæterum, ne hujus Reginæ nominis fulgor, ac speciosa jactatio deciperet regem, Usui quidem multò magis imperio bonum ministrum, quàm bonam reginam esse, nedum proli inutilem illam, quæ una profectò terrarum in orbe ratio mulierum parcere ineptiis, earumque vitia excusare, aut tolerabilia facere possit. Igitur satis, superque indulgeri in hac causâ Reginæ censendum esse, cum ipsa Regina ejusque simul professi partes lenocinio, & ambage verborum ludificentur, in longum spe tracta supplicii. Multa amicis esse ignoscenda, plura etiam dissimulanda, maximè cum studiosius erectæ partes, & cura sollicitè intendendis in aula factionibus studeant; ac in æmuli gratiam affligere amicum, hoc esse profectò vel voluntaria amici jactura contrarias augere partes, vel partis oppositæ lucro amici exitium apponere. His auditis facillimè rex in Castelmeliorii sententiam adductus hanc exequi statim instituit, Reginam videlicet in hominis penam sollicitè instantem supplicii mora defatigare, fictisque promissis eludere.

Incidit has inter moras dies festus Antonii civis Ulißipponensis, cujus sacram Divi memoriam in singulos annos recolere civitas solet taurorum certamine ludicro. Hos publicos ludos cum



cum causam Regina prætexens, iis interesse non posse diceret, eo anno Uli-  
sippo intermisit. Post ubi patuit, ex  
supplicii quod frustra regina in Consi-  
lii Status ministrum urgebat, cuncta-  
tione, haud minus dolore percitam,  
quàm implicitam verecundia avertere  
oculos à publico aspectu fœminam  
Principem voluisse, tunc pro ministro,  
& contra ministrum, ut semper aula  
suevit, ex rationum mensura, ex ani-  
morum propensione, & consilio variis  
sermonibus, atque affectibus scissa  
acriùs utrinque studia partium exagita-  
bat; integris autem, qui & pauci erant,  
ac neutras sectantibus partes simpliciter  
videbatur, effusa linguæ licentia pec-  
casse minister, & quod jure, & exemplo  
fieri debebat, ne impunè protervo fo-  
ret. Inter hos, qui ratione, vel studio in  
hac causa præcipuè Reginx partibus  
hæserant, ultione, atque ira Petrus in  
primis exarserat, in ea illata Reginx in-  
juria sese maximè læsum, atque obliquè  
perstrictum putans, tanquam Comes  
Castelmeliorius jam latenter, jam pa-  
lam, & pluribus manibus usus contu-  
meliosè, ac superbè versare fœminam  
statuisset, ut vanum, quod pro illa Pe-  
trus assumpserat, patrocinium omni-  
bus ostentaret, aut ita fractam ludibriis  
Reginam, & contumeliis perpetuis af-  
fectam, videret, si posset ad alias tra-  
jicere partes, aut gravioris subeundæ  
miseriæ metu coercere. Indignatus ita-  
que Petrus, & omnia audendo experi-  
ri ad satietatem viuidæ certus primò  
indixit Castelmeliorio, ut pro jure, &  
continuo è secretis Status minister no-  
tæ omnibus impudentiæ, ac petulantis  
loquelæ pœnas exolveret, nosecus illas,  
atque severiùs idem exigere Petrus ab  
homine cogere; in Status deinde  
Senatum ingressus acerbùs, & palam  
conquestus est de illius hominis arro-  
gantia, de gravi inflicta Reginx inju-  
ria, de intoleranter dilato, aut per mo-

ras, astusque deluso in hominem son-  
tem supplicio. Ut summum dicebat  
apud regem imperium, ita supie-  
mum penes Senatus ordinem sum-  
mum judicium, atque consilium sta-  
re. Eiusdem itaque officii, atque  
oneris esse in re tanta prospicere an,  
& quæ modo satisfactio conveniat  
fœminæ Principi, externæ Lusitanæ  
Reginx publicè læsæ, & à projectæ  
quidem homine audaciæ vulgarisquæ  
conditionis, cum rationem injuriæ  
liqueat ex affectu, afficientisquæ con-  
ditione pondus, ac turpitudinem mu-  
tuari. Ipsos decere quoque ut Consi-  
liarios regni primarios custodisque  
reipublicæ Reginx succurrere juri, ut  
prudencia, ut genere claros, ut quo-  
rum equestrium insignium in pectore  
stemmata fulgeant, fœminam nobi-  
lem vindicandam suscipere, tegere  
externam, præstare tandem ne Lusi-  
tanæ fortassè Regina dum incassum  
injuriam, ac dedecus deprecatur, nec  
noxæ, ut oportet addicatur reus, per-  
eat denique ipsa pudore, ac mœstitia  
confecta, sordidiquæ impunitas ho-  
minis Reginx cum spiritu compare-  
tur. Hæc, & similia Petrus alacriùs,  
& fusiùs, quàm antea solebat in Status  
Senatu locutus, obtrinit tandem, ut è se-  
cretis Status ministro, quia intemperan-  
ter Reginam compellans jus majestatis  
imminuisset, exilium decerneretur. Id-  
ipsum, & Regi subinde probatum est,  
jam truces ob Petri minas terrestrecto  
Castelmeliorio, ejusque præcipuè com-  
pertam in ira duriciem, illique uni pro  
jure causæ tunc primò, & planè Se-  
natum assentientem. Ita porro delecto  
Castelmeliorii cliente, & illo frustra ad-  
versante Petri opera, ac studio in exiliū  
ejecto, huic, qui cum Castelmeliorio  
sæpè congressus, in cæteris rebus fere  
semper offendens contemptus, aut  
fractus à certamine abcesserat, nunc  
ad majora deinceps audenda hoc ulti-  
mo



mo eventu inflata spes est, animusque inde etiam virium, & animi robur dilabi, ac reflare fortunam, quæ propitia, seu adversa, ut statim desinat, incipere minime solet, in viro superbo celsenti. Iamque ex inde quotidie ipsius Petri vires, partēsque crescebant, & hominum numero, & nota, & insuper causis, quas morum asperitate, aut vi æmulationis, aut inconsulta vindicta, importunōque remedio assidue Comes multiplicabat. Nam extra Reginam antiquis de causis, & nunc ob recentem injuriam Castelmeliorio palam insensam, aderat etiam Dux Cadavalius qui injuriæ magis imperati, exactique à se primū exiliū, quàm gratiæ sibi ejusdem postea remissi memor injuriæ potiùs, quàm gratiam reddere acceptam in illis fluctibus laborabat. His addebatur Sancius Emanuel vir factiosus, sollicitus, acer, officio non minus, quàm animo militaris, & in primis offensus Castelmeliorio, quod circa Estremotium deleti ipsius ductu exercitu Castellenſi victōque Joanne Austriaco, magni nominis Duce cujus pugnæ felicitas res Lusitanas afflictas sustulerat pro tantæ victoriæ præmio exauktoratus statim fuisset, & in vulgarem ordinem jactus. Multi erant præterea procetes ob falsas, & veras admittas Castelmeliorii suspiciones, congestasque calumnias à Petri quondam servitio dimissi, quorum injuria nonnulli falsò in se ductæ suspicionis, ingratiq̃ue servitii, alii vera jam sibi cognita causa, consciōque animo impulsū spes quas penes Alonsum Castelmeliorii diffidentia, aut interposita invidia retinuerant in Petri partibus conquirebant. Horum hominum numerus nec exiguus, nec moli, quæ diligenter tunc assurgebat parū utilis videbatur; eorum enim plerique permissio- nis speciem à Petri domo cum amplissimis regni muniis impositi essent, res novas, & turbas in regno Petro quæretī longè aptiores inciderant, quippe qui-

bus in promptu esset, officia & publicarum momenta rerum, quæ pro Alfonso Rege tenebant, mutata repente fide, ad Petrum deferre. Reliqua hominū multitudo tunc amicitia, aut clientela, & propria, aut communi utilitate prætentata, seu barbarum dulcedine copulata præclarorum Ducum auspiciis confectabatur, adeoque per id temporis Petrus factione, opibus, auctoritate, gratia Ulisippone pollebat, ut detrudere Regem, si fortè vellet, ne dum ipse posset Castelmeliorii potentiam labefactare. Sed ea res in personam Regis nondum satis matura, nec ut negotii gravitas postulabat ratione, & consilio satis concocta erat, simul per gradus, & valde cautè virenda res erat, quemadmodum vires acueri, atque experiri prudentia in rebus minoribus solet, ut post maxima tutius aggrediatur. Placuit idcirco in Castelmeliorium primum impetum fieri, ut fortunam in illo certaminis, & clientium fidem, atque animos explorarent, simul Rex hoc consultore, hoc imperii adjutore nudatus, cum haberet, ac rudē, nec ullo pacto capacem regiminis mentem ostenderet, eodem onere prægravatus, ac solus facilius irurus in præceps esset. De ordine, ac forma, quæ in Castelmeliorii construenda ruina tenenda esset consultum unā cum Petro conveniunt ejus amici, arctiorisque fiducia clientes. Ibi cohortentibus propè cunctis humano sanguine manus pollui, hoc nisi necessitas cogeret, post varias contentiones, & varia quoque discussa consilia, hæc illis tandem sententia stetit. Abstinctum à Regia, vel extra Regiam, ubi eum invenissent, repente virum ad Indias, vel aliò terrarum Orbis extrudi, sin vi illatam repellere vim, aut inconsultè Castelmeliorius multas, ut se proripere posset, eluctari dexterās vellet, tunc gladio rem transigi, fortunæque arbitratui per-mitti.

Cùm ita ea res pararetur, vel quia prudentia, vel fraude secretum illud effluerit, vel quia eadem sese prodidisset, ut fieri plerumque solet, magna agendarum machina rerum, vim, & insidias contra ipsum armari priùs suspicatus, paulò post certus Castelmeliorius, jamque metu, & horrore visceribus ejus infuso, omnia vero majora faciens, non eripi velle sibi tantummodò imperium, sed vitam etiam, & spiritum ratus rotam in se conspirantem, ac bullientem Ulisipponem arbitrabatur. Igitur Regem propè attonitus adit, edisseritque conjurationem in aula magnam Petro Duce, ejusque partibus auctis invaluisse, cujus quidem propositum esset, in sacro limite Regiæ ipsum Comitem interficere; vehemens, acèrque simul amplificat, quocumque labore, & interposita industria obviam quamprimùm eundum impiorum conatibus esse. Quid enim Regia ipsa resperisa cruore, fræno pudoris, ac timoris excusso, conculcatòque respectu Regis, reliquum ultra perfidiæ, ac summx impudentiæ foret, nisi cedere Regem, aut ejurare? Olim Antonium Contium à latere Regis, nec alio crimine avulsùm, nisi quod ex Regis gratia, & amore fingere invidia, livorque potuerit; Simili culpa nunc ipsum Castelmeliorium, si amoris meritum culpa sit, ad perniciem, inimicorùmque satietatem invidiæ etiam in Regiæ sacrario, Regisque sub umbra quæri, idque forsitan assecuti, ut secundis in rebus ambitione præsertim, ac dissidio jactatis, longè plus insolescit, ac turget hominum animus, & vires audacia colligit, quidni ad fœdiora subinde lapsuri fuerint? Primò autem Regis ministro dejecto, quò ulterius nisi in Regem eniti avida, & flagrans, & suo scelere felix temeritas posset? Infelicè, ac momentaneam esse profectò Regū benevolen-

tiam à tot æmulis impetiti, totque moribus oppugnatam, Regesque cum amicis, quibus nituntur sustinere non possunt, nec seiplos quidem sustentaturos. Hoc sermone perterritus Rex planè se dedit Cominis potestati, ille scilicet provideret, qua antevertenda via scelestorum consilia essent. Itaque Comes Castelmeliorius Palatii statim geminari custodias jussit, instrui etiam equites omnes, qui feriari antea solebant, & per stipendia jampridem erant, aulæ servitiò addicti, ac Regiam circumferere. Præter homines noctu suos quoque clientes, & famulos armis instructos circa Regiam vigiliis ducere jussit, cum ex ea interdium prodire conrigerat, satellitum, & militum agmine circumfusus non minus se metuendū, quàm metuentem palam omnibus ostentabat; undique arma, sequi solita major clientium, famulorum, ac militum multitudo, Regiæ præcipuè tumultus, varix hominum facies, & passim strepitus, rumorèq; rei novitate, atque incertitia horribilem speciem præ se ferebant. Hoc rerum novarum aspectu, variisq; casu, aut industria còpositis vocibus, aut ab ipsa formidinis scena, quâ Regia representabat, effusus, æstuans suisq; prorsus ejecta sedibus civitas quætere, properare, turmatim ad Regiā confluere, sollicita esse. Cæterùm ubi præter illam primā terroris imaginē nihil inde moveri, nec consueta Palatii officia, aut negotiorū ambitum interruptum conspiciunt, omnes breviter dilabuntur, & animorum incerti utrum Regis, an Castelmeliorii securitati ea vis armorū, & militaris pompa parata esset, cum anceps utrumque fama dissipavisset. Tum verò Petrus postquā Regiam præfidiis abruptè munitam videt, præterea quod celeritas, atque secretum tutum consiliū facere potuissent jam Castelmeliorii providentia disjectū, eludere idcirco quantū industria & acumine ingenii fas esset, negotiū intentus, ne ad Regiam eundo Regem

Regem fratrem, & Comitem ut suspectus offenderet, néve insolita absentia conscientiam argueret, ad villam Quiescentiam, ut sui moris erat, secessit. Anxio ibidem agenti, cum ipsum irriti incepti tristitia pudorque, & ab æmulo elapso metus, & rursus ejusdem redordiendi negotii timor, ac propemodum desperatio teneret, interea delatum est à Castelmeliorio Comite appositos, ac subornatos esse sicarios, qui ipsum Petrum veneno interficerent. Afflictum ne hoc crimen per adversarios Castelmeliorio Comiti fuerit, quo prima in illum excidii machina eversa, novam subinde fallacis extruerent, an revera Castelmeliorius prævenire potentem æmulum, partibusque egregium veneno tollere Ducem tentaverit, cum utrumque vero simile sit, nec secus venenum, quam simulatio veneni regni sæpè instrumenta, atque aulæ iniqua artificia proposita fuerint, nec ab ullo etiam audacæ, atque flagitii genere abhorreat concitata semel ambitio, nos parum hucusque compertum habemus: tantummodò constat hac amicorum delatione exulceratas hujus Principis aures esse.

Re igitur clam cum amicis communicata, & seriùs à Petro omnium sententiis excussa, postremò convenit, ut sollicitius, intentiusque quam antea præstiterat Petrus modò sibi prospiciens sensibus ipse nihil, quibus maleficæ pesti via ad interitum esse posset, nisi cum cura exploratum attingeret. Hoc ipsum deinde verum, seu falsum Castelmeliorii consilium de industria curarent, ut in vulgus exiret, & colore clariùs expressum rumore manaret, quo animi popularium ad res novas præpararentur, quas puniendi sceleris causa Duces partium excitavissent. Tandem Petrus cum satis sciret, in caput ejus insidias moliri Castelmeliorium, ejusdem à Regia, & ab urbe, ac totius reipublicæ

curis, expulsionem ad debitam crimini poenam, cautionemque salutis à Rege deposceret, neque instando, atque urgendo apud Regem unquam desisteret, donec idem iniquo, vel æquo animo, eo modo, & non alio fratris injuriam ultù, & salutem assertù iret. Secundum hanc sententiam hujusmodi codicillos Petrus ad Regem deferri curavit. *Satis sibi cognitum esse, Comitum Castelmeliorium in ipsius vitam tendere insidias, simul jam circumfessam ab illo novis militibus Regiam, fraudulentæ supposita, atque in vulgus effusa causa, ne ea violaretur à fratre Regis, quorum altero cum suam ille dignitatem, & famam dilaceraret, salutem cum altero peteret, orare propterea Regem, ut ad tanti delicti supplicium, quamprimum Comes relegaretur ab aula, dura ne secus sibi necessitas poneretur pro sua dignitate, pro vita ipsa tuenda ad regna externa confugere.* Legit has litteras Rex, legit etiam Castelmeliorius, communique dolore, metuque percurfas ad Status Senatum extemplo rejiciunt; qui subito ut causam atrocem, summique ponderis tractaturus nocte ipsa intempesta Regis imperio cogitur. Ibi diversa ut hominum erant ingenia, partiumque discissa studiis, variatis perque sententiis, qui cum Rege, & Castelmeliorio Comite sentiebant, in hunc propè modum locuti sunt. Datas ad Regem à Petrolit. *“* teras contumaces, intemperantesque *“* videri, minimè dignas, qua verecùdia *“* supplex, nec tumido verbo minax *“* ter deberet ad Regem fratrem accedere, *“* cum enim querelâ, & criminis notam *“* adversus Castelmeliorium afferret, *“* eas etiam sceleri poenâ, præsumpto *“* iudicio, statuere, hancque precibus non *“* permissam, velle videri per vim expri- *“* mere posse, tâquâ in eodè negotio co- *“* geret Regem imperiù, aut vim subire. *“* Quod ad Castelmeliorii fortunâ *“* spectat: Nemini hominù fas esse negari, *“* quod aliù alio amicio rem hominè ha- *“*

„ beat cur ergo id Regi cōtendi liceat in  
 „ uno Castelmeliorio? Ex hac animi in  
 „ quanquam affecti propensione, im-  
 „ pulsūque naturæ, quæ strictiorem  
 „ in quem respicit hominem, fidu-  
 „ ciam etiam intendit, & animos con-  
 „ trahit, monstrum illud oriri, ut ita  
 „ esse porro videtur hoc torvo ex in-  
 „ vidia intuentibus oculo, quod Pri-  
 „ vatum, & primum in Hispania mi-  
 „ nistrum appellant, totque in Reges  
 „ querelas cumulat, non secus, ac  
 „ adeo fero, vel ferreo animatus Rex  
 „ ipse deberet temperamento esse, ut  
 „ omni animi affectione superior, ac  
 „ motibus integer erga unum nequiret  
 „ magis quàm alium animo agi, infle-  
 „ ctique. Esse insuper Regem Alphon-  
 „ sum adolescentem ætate parum ex-  
 „ pertum, valetudine fragilem, cum-  
 „ que adjutore, atque Duce in regi-  
 „ mine indigeat, atque ideo præsen-  
 „ ti hoc ejecto alium, & illico ei sub-  
 „ stituere necesse sit, iisdem odii, at-  
 „ que invidiæ in quoquam à Rege sub-  
 „ lecto, ac cæteris anteposito recur-  
 „ rentibus causis, primos idcirco mi-  
 „ nistros cum imperii confusione, ac  
 „ dedecore majestatis esse quotidie pro-  
 „ pè extollendos, quotidie præcipitan-  
 „ dos. His addi etiam abjecti, exiliisque  
 „ animi famam, ac notam quam pro-  
 „ palam Rex contracturus fuisset, si  
 „ tam remissè, tam citò minis, ac diris  
 „ quàm precibus potius succumberet  
 „ fratris, eoque tandem, quod poscit,  
 „ aut imperat, vel concessio, vel extorto,  
 „ Regisque inconstantia, ac nimia faci-  
 „ litate perspecta, in illo utinam Petrus  
 „ deinde quiescat, & secundarum tran-  
 „ situ rerum, atque in impetu ambitio-  
 „ nis, & ætatis ardore sese continere, ac  
 „ frangere sciat. Immensam esse profe-  
 „ ctò mortalium cupiditatem, non opi-  
 „ bus, non imperiis, non honoribus sa-  
 „ tiari, quò plus sibi acquisitis indul-  
 „ get, & opes, ac titulos jugiter vorat,

eò plus esurire, atque appetere. Quid  
 si temerè tandem exactus Castelme-  
 liorius, atque injuriæ dolore prove-  
 ctus ad regna aliena, atque inimica  
 perfugiat, imperii ibi descriptionem,  
 rationes ætari, occultas aulae miseriae,  
 & arcana regiminis proditurus? Sal-  
 tem eo everto, verti penitus regnum,  
 rebusque novis, ac turbulentis suspe-  
 cto oportere hoc tempore affluere,  
 cum novarum avida rerum, regno-  
 que ipsi minitans ruere turba semper  
 clientium unà cum capite soleat.  
 Postremo superiorem neque legibus  
 Petrum, neque Castelmeliorum in-  
 feriolem legibus esse. Rege uno ex-  
 cepto omnia per leges suo jure, &  
 ordine æquanda. Si reus igitur ille  
 ob cogitatas in Petri caput insidias  
 jure compertus fuerit, suo more lex  
 quærat, & puniat, sin Petrus con-  
 tra morem; & jus enitendo Re-  
 gem, legemque vicerit, procul du-  
 bio cavendum omnibus esse, ne in-  
 gentis spiritus adolescens tanto suc-  
 cessu nimis inflatus hisce initiis inci-  
 piat proludere regno. Alii contra  
 dissecebant. Præter regii sanguinis  
 causam æquum esse, respicere etiam  
 in Petro, ipsi quidem hucusque jam  
 prole Regis incerta spes regni, re-  
 gique Bregantiæ servanda domus  
 incumbere. Tanti porro momenti  
 hanc rationem existimari, ut mos  
 ille qui inter barbaras nationes in-  
 valuit, suspecta nempè seditionum  
 in imperiis incendia fraterna cæde  
 restinguere, cum regni successos  
 ambigitur, exceptione fratribus  
 suffragetur. Fateri præterea, mi-  
 nimè Regi negandum esse, vel  
 animi affectione, vel eminentia  
 comperta virtutis, ac fidei inter  
 amicos, & imperii ministros ali-  
 quid majus uni tribuere, verum id  
 moderatiùs cum alienis, laxiùs Regi  
 cum fratre gerendum esse, cum illi  
 zqualium

„æqualium invidiæ subjaceant, hunc  
 „status sublimitas eximat, nec minus  
 „idcirco tanta alieni cum Rege cõmu-  
 „nio, quàm Regis à fratre alienatio  
 „cunctis invidiosa, & violenta quo-  
 „dammodo videatur. Quod si mi-  
 „nus, quàm deceat hæc cura sollici-  
 „ter Regem, atque in alium jure con-  
 „torta in semet gratis recipere jacula  
 „non recuset, vel de re ipsa Privato  
 „esse maxime laborandum, ut in eo  
 „scilicet gradu à Regis semper ux-  
 „re, fratribus regis, eorũque vali-  
 „dis paribus oppugnando, perpetuo-  
 „que potentix, gratixque summo in  
 „ruinam pendenti. Atqui obstare di-  
 „cebant etiã quemdam impetum ani-  
 „mi, & cæcũ illum naturæ motum,  
 „ut in homine in Rege, qui erga unum  
 „magis, quàm alium vi illa insita abri-  
 „piatur. Hoc tamen afflatu, instinctu-  
 „que naturæ cùm operari necesse sit,  
 „improvidè agi, in privatis homini-  
 „bus posse potius, quàm in Regibus  
 „excusari; hos enim, quò latius impe-  
 „rant aliis, cò strictius imperare sibi de-  
 „bere, quòdque proprio demunt ar-  
 „bitrio, reipublicæ dare. Vetera plena  
 „passim historiarum volumina esse,  
 „quas turbatur in Orbe procellas,  
 „quos in imperio turbines excitaverit  
 „nimis quondam indulta potentia li-  
 „bertis, laxatæque regni cura, quos  
 „nemo tamen exevit magni intelle-  
 „ctus, ac nominis Princeps. Irupisse  
 „autem nunc in Hispaniam hanc ho-  
 „minum pestem, mutato tantum vo-  
 „cabulo, sub nomine Privatorum per-  
 „inde ac verbi hujus additamento  
 „opus esset, ne errore ostentatæ po-  
 „tentix Privatus, & fumo, atque stre-  
 „pitu plusquam regio esse fortasse  
 „Rex crederetur; & irrepsisse quidem  
 „in speciem curas Principis allevan-  
 „di, cùm ita re vera illas aggravet,  
 „cumulæque ut odiorum, invidiæ,  
 „incidentium passim malorum, quæ-

telarum perturbati, invetsique regi-  
 „minus fluctus in privatum hominem  
 „jacti acrius redundent in Regem,  
 „ac proinde difficilè Rex usui Privato,  
 „aut Regi esse usui Privatus pos-  
 „sit. His rationibus quoque addi ca-  
 „pacem imperii Principem Privati  
 „non egere subsidio, ac si eguerit  
 „adeò enervem, ac debilem Princi-  
 „pem difficilè sustentare se sustentan-  
 „tem posse, cùm tanta præsertim in-  
 „vidiæ moles Privatum, & qui Privatum  
 „sustinet hominem premat, ut  
 „utrumque procul dubio transversum  
 „actura denique sit. Tanto sub one-  
 „te in præfens Castelmeliorio Comiti  
 „laboranti momenti plus addere Pe-  
 „trum, cùm admodum factione, digni-  
 „tate, ex regio influente sanguine viri-  
 „bus valeat, ideò ejus epistolam quam-  
 „quam oblique minacem, & incom-  
 „positam, ejusdem si opibus compare-  
 „tur, nonnihil quoque modestiæ viris  
 „prudentibus sapere, dum per eam to-  
 „gat quod potest, si liber, & cogere.  
 „Tandem si id ipsum fortunæ commit-  
 „tere placeat, eoque Petri nervos &  
 „animum explorare, atque in extre-  
 „mum discrimen adducere, ita ut vel  
 „Castelmelionius, vel Petrus in hoc pe-  
 „riturus certamine sit, cùm difficilli-  
 „mum planè sit utrumque concordem  
 „in aula tenere, considerandũ præterea  
 „esse, utrum eorũ servare, actueri ma-  
 „gis conveniat, & an fuga, vel interitu  
 „Petri Castelmeliorii salutem, opesque  
 „redimere liceat. Adhuc, si Petrus,  
 „quod orando obtinere nequirit, &  
 „vi exequi possit, cùm velit, ad extremũ  
 „per vim extorserit, quantum rerum in-  
 „de novarum, quantum tumultuum,  
 „turbationũque emerfurum in reg-  
 „no esse. In hunc propè modum  
 „cùm ex utraque parte vario ingenio,  
 „atque studio in Status Senatu disertum  
 „esset, is planè tandem consensit, esse in  
 „primis diligenter experiendũ, si precibus  
 „Vv 3 forte

fortè Petrus, sive blanditiis, usque temporis molliretur, sin minus alia adhibenda fore consilia, quæ ratio, tempusque pro rerum ordine subiecissent. Igitur Marialyx Marchio missus à Rege, qui regio nomine Petro diceret, jussu suo Regiam extra suetam custodiam justis de causis novis militibus septa esse. Comitem verò Castelmeliorium, si copia ipsi fieret, paratum esse, Petri genibus advolutum coram objecta diluere. Biduo Marchioni Petrus reddendum Regi fratri responsum distulit. Interea illum amici, clientelæque monebant. Quò remissius, quò segnius in tanti momenti negotio procederet Rex, ut nempe delatum veneni crimen, & constata ex crimine invidia simulatis officiis, vanaque pompa, & circuitu verborum, spatioque interjecto dilaberetur, eò porro constantius, ac fortius, ea res ne frigeret esse Petro incumbendum, si secus accideret, ab inusta, & impune viro Principi injuria, neglectaque querela, ac pestifera tolerantia majora sanè proventura Petro pericula, majora Comiti emolumenta, postquam scilicet innotuerit, in gravissima Petri causa, & aulicorum secessione pro Castelmeliorio, & contra fratrem duriores stetit Regem, quaque ultimam ille indignationem promeritus esset ampliore fiduciam, & gratiam Regis comparavisse. Ex eo enim homines intelleturos, qua levitate propositæ causæ Petrus, capitulque litigio cessisset, ea atque ipsa in suspiciones, & iram prolapsum esse, nec merito causæ magis, quam animi affecti vitio querelam criminofam inductam, Comitumque Castelmeliorium adversus tot crebros, validosque Petri conatus adhuc firmum, & inconcussum in aula, in Regis gratia, in rerum fastigio manentem, à tanto viro periculo, in quod semel illum conjecerat Petrus, per oblatam, aut quaesitam quamprimum occasionem, irritò

primo, majori se postea scelere vindicturum esse. Qui verò Petri partes hucusque secuti essent, modò secum examinantes, qui & Regis frater sibi esse satis nec judicio, nec viribus posset, nec suis quoque satis tuendis clientibus fore, quidni consilium experimento mutent, ac protinus defluant? Reliquos more vulgi, quem amplius in aula valere, & in partibus vincere pateat, illi omnes acclamatorios. Intelligeret ergo Petrus in hac sustinenda fortiter causa, suam amplitudinem, famam, decus, omnes vitæ suæ rationes, & spes collocatas, & fixas esse. Hujuscemodi oratione commotus animo Petrus, & in sententia pristina confirmatus, biduo post retulit ipse Regi, acceptam à Castelmeliorio Comite injuriam adeò in propatulo esse, vulgi sermonibus tritam, & ad fastidium propè jactatam, ut ea deleri, tollique nisi publico testimonio nequaquam possit: orare propterea, atque obsecrare Regem, ut quem admodum rei gravitatem decebat, morientem, læsumque fratrem consolaretur, & peculiari ejus vitæ periculo, utrique communi faciendæ famæ consuleret.

Hæc statim responsio per internuntium cum reddita Regi esset, quoniam priori Petri sermone mitior, & quadam aspersa modestia, animique pudore apparebat, in spem, sed inanem sustulit Regem jam languescere fratris iram, ac si res ex composito consultando, & fallaciter pollicendo diutius prolataretur, lassari negotium, deflagrare sensum invidiam, effluere suspiciones posse; error tamen subinde constitit, cum per facta, & iterum, atque iterum redeuntia temporis intervalla suspicatus sibi Petrus illud, tunc felle plenus, & iracundia codicillos misit ad Regem, in his Castelmeliorium sibi quam citò solvere pœnas vehementius efflagitans, conclusitque in epistolæ calce,

ce, funestam, inuisam, sempérque inaccessam sibi Regiam futuram, dum in ea moraretur Comes Castelmeliorius. Videt has litteras Rex, videt subinde Castelmeliorius, atque ubi tot inter nexūs difficultatis, æstusque doloris cernum per eos explicare consilium prudentia minimè potuit, vitato de industria Status Senatu, quia ibidem pro utraque parte variare paulò ante sententias, & hominum studia cognoverant, super his consulturus secretus amicorum conventus ad semotam Regis partem vocatus est. Hic horum nonnullis causa prolixè agitata, placebat, vi, & armis agendum in eo rerum articulo esse, ne ulterius progressa fratris Regis audacia omnia absque obice nempè, ac temerè sternens invincibilis tandem fieret: ergo & tenebræ, & vincula, & squalor custodiæ, & cultrum etiam, & laqueus cum his opus esset ad cohibendum furorē adolescentis, avertendāque imminentem reipublicæ pestem, remque ad exitum perducendam pergeret ipse Rex prætorianis, militibus, administris, regni que nobilibus comitatus; celeritate, audacia, magnis in re tanta conatibus opus esse, alioquin Petri insolentix, atque minis fratri cedendum turpiter esse, & palā Alfonso ludibrio habitum novis quotidie insultationibus objici, ac de suo jure de sua majestāte ad extremam usque perniciem decidere, urgente fratre, subactum iri. Nihil Regibus quidem germanis infestius. Cæteris opes, aut irritos titulos, ut per mensuram conditionis arriperent, ut diadema surriperent, fratribus per apicem gradus, qui summo proximus est, ambitionis illecebras ducere. Et resistendum profectò initiis, ne explorata forè Regis desidia, torporque Petri magis superbiam, & spes, quas fovet, altissimas inflat, quando nec lex satis, nec fides, nec sanguis, nec hominum verecundia pro regni coercenda cupi-

dine consent. Leniorem alii sententiā secuti sunt; Petri scilicet famulis in custodiam repentè coniectis cum illum exemplo tertere, tum partium auxilio nudare. Ita suorum quoque domesticorum miseriis propulsandisque periculis occupato minus opis, ac temporis fore in alios jacere minas, aut insidias, & vim moliri. E re esse præterea in minori negotio Petri vires, & animū, & populi studia, atque ingenia planè cognoscere, ne serò fortasse id explotasse pœniteat, cum afflictis omnino rebus, atque in maximam perturbationem adductis, inde regressus minimè pateat. Validius, ac fortius extempe calamitatis remedium adhibendum prudenter esse, post levia, atque mitia nequicquam experta, cum nunquam, nisi forte coacta vis, ac temeritas laudabilis fuerit, & media semper tenenda, nisi cuncta prærupta jaceant; nam ubi in custodiam Petrus impegetit, aut perpetuam in carcere libertatem, si sustinere modò custodia tantum Principem valeat, aut inibi vitam oportet pro Regis salute deferere; utrum eorum exitiosius, ac pestilentius evenire per temporis possit imperio qua res poscebat maturitate, atque studio pervolandum esse. Decretum est igitur, ut in Petri pœnam, & contumeliæ speciem ejusque spiritus infirmandos ejusdem famuli statim comprehensi in carcerem truderentur. Sed dum rei peragendæ initium cautè attrectare regii quærebant, gravior ea sanè, quæ menti, & consilio primùm occurrerat, difficultas injecta est. Quippè vallatus clientibus Petrus agebat, præsto ipsi etiam erat magna ex parte nobilitas; in neutram multi labentes partem ex rerum, quæ ambigüe pendebant, momentis suspensi, post decreturi eventum circumspectabant, Petrusque de occulto Regis consilio certior palam omnibus declaravit, omnia prospera, sive



adversa, quæ in certamine sibi fors statueret cum fortunarum, caprisque periculo unâ cum singulis famulis se libenter subire paratum esse; aut simul omnes perituros, aut simul injurias ulturos fuisse. Sic nuper inrentum à Rege consilium evanuit, & Petrus quia prima ceciderant, magis animo confirmatus vocat omnes Consilii Status, simul omnes ferè proceres, urbisque patritios, qui frequentes in ejus ædes cum convenissent, ille indignatus exposuit.

„ A Castelmeliorio se publicè diffamatum quod pollueret ipse Regiam  
 „ ejus cæde, & cruore molitus esset,  
 „ insidiis præterea se, rebûsque veneficis appetitum, ut vel injustas Regi  
 „ falsi criminis pœnas daret, vel ab eodem Petro veneno Comes exigeret,  
 „ cum ab ira fortasse fratris elapsus esset. Hac mente quoque Palatium  
 „ passim armatis inessum, & omnes  
 „ propè aditus interclusos, quò suæ conscientie tumultum, ac sceleris  
 „ notas ficto periculo Regis obtegeret,  
 „ nec se aliter tutum existimare nisi Regem, & fratrem perpetuis discordiis  
 „ implicitos, mutuòque debilitatos  
 „ vulgarentibus lacerandos variis commentis, atque artificijs objiceret; ad  
 „ Regem quasi tutandum minus amoris fraterni vinculum, subditorum benevolentia, integritas fidei semper  
 „ perspecta valerent, quàm pauci milites mercenarii alii Castelmeliorii voluntatis mancipia, alii ex ima populi  
 „ fœce collecti. Ita porro ab homine iniquo, & mirum in modum versuto  
 „ suis odiis Regem, suis periculis, ac sceleribus implicari, ad tantamque res  
 „ stinguendam cupiditatem, ac tollendam simul invidiam regii nunc fratris  
 „ innoxium sanguinem peti. Tanti proinde se modò flagitii coram omnibus  
 „ pœnas à Rege deprecere, ne illi, quia id ipsum impune fuerit, novis de causis furor augetur, né ex

Petri calamitate, ac ruina Tyrannus exturgat, qui nullo adversante, deinde licentiùs, ac sæviùs in popularium cervices, & bona grassetur. Hæc, quæ Senatoribus Petrus, regni quæ nobilibus ore disseruit, scripta subinde transmissit cæteris Tribunalibus urbis, omnesque alacriter responderunt, illius se causæ dignitatique, ut consonum erat, pro viribus affuturos.

Ea res graviter Regem Comitumque momordit, & quod Petrus velut publicæ sibi usurpans auctoritatis imperium regni Ordines convocaverit, & quod illi accessit paruerint perinde quasi in domum privatam, & tunc officinam seditionis facta secessio fuerit, dum clara, & aperta inter fratres contentio, & publica odia, metusque turbarum vel hæsitantes, & cunctabundos tenere magnates debebant. Majores itaque nervos, atque animi firmitudinem, quàm in Petro crediderant ex partium robore conjectantes, pergere post exploratiùs, & rem temperare, ac lenire cæperunt, ne potiùs, quàm in incerto inhiherent, gratia, & opibus validum irritarent adolescentem. Itaque illatæ tanquam injuriæ fratri omnino Rex cupidus ulciscendæ, ideòque ut judicium integrum esset, causæ districtiùs investigandæ, Petro denunciavit, ut proderet ipse Regi præsumpti criminis indicem, quò planè constaret à Comité Petrum veneni fraude appetitum. Hoc modo incorruptè, legisque præscripto cum cognita causa esset, facti, aut commissi compertus criminis reus, vel jure ille plexus, vel absolutus foret, non enim eousque sibi fratris salutis vacandum, aut desiderio studendum esse, ut bonæ frugis subditi, administratque omnino jura negligeret, fratrisque gratia judicium inverteret. Ad ea Petrus; Ita, inquit, cordi sibi juriurvigorem, ac reverentiam esse, ut ne ea unquam possent in hac causa labefactari,



Atari, in primis Alfonso oraverit, quod etiam iterum repetebat, ut aula absente Castelmeliorio, ab eoque ad tempus reipublicæ curis omissis, hujus criminis disquisitio procederet, cum inter fragorem amorum, quem ad omnium terrorem Comes Castelmeliorius longè, latèque diffuderat, tantùmque Regique propè parem ostentationem potentie haud satis profectò jura, atque leges exaudirentur. Quis enim audeat illius ad iudicium deferre nomen, à quo interitus, vite ? fortunarum suarum omnium arbitrium pendeat ? Omnia esse primùm jure constituenda, ut produci, & productum hæere denique possit in homine fonte crimen, nec pro iusta infligenda reo, in actorem pœna resiliat. His Rex auditis Status Senatum exemplò cogit, & quia in priori Senatorum conventu plura fuisse Petro propitia illorum suffragia noverat, quò nunc sibi convenientem in causâ calculorum rationem iniret, Palatii quosdam ministros, & Iudices ipsius quoque partibus illigatos suffragia laturos adjecit. Alium præterea jurisprudentie peritorum confessum, ut ea ipsa res ætiori via juris excuteretur, indicit ; siquidem ira juri, & publicæ simul utilitati consulere Princeps in omnibus debet, ut aliud juvetur, ab alio, & claudicare jus sæpè soleat, cum ratio altera refragatur. Quibus, cum convenissent, causæ hujus vicissitudines, atque ordinem Rex declaravit, clausitque sermonem, in eo dunraxat totius negotii cardinem verti, liceret Petro nec-ne morem in illo geri, quod priusquam contra Comitem Castelmeliorium illata crimina tractarentur, ut aula ille abesset, poscebat, rerùmque regimen intemitteret, quo minus veri fortasse testes, ut assererat à quæsti veneni declaratione ingenti viri potentia, atque amplissimo officio deterrerentur. Colla-

tis ergo sententiis, ac seriùs omninò discussis, quæ pars major suffragatorum hominum erat, eaque arte, atque illecebris accersita, illa numero scilicet vicit, & Petrum injusta petere censuit. Sustulit animos Regis, Comitisque Castelmeliorii hæc publica auctoritate sancita de re controversa sententia, quia Status Senatus iudicium, & juris peritorum consulta, quibus plaudere solet populus jam possent ipsi Petri conatibus antepone, & quia regia dignitas, & imperii majestas, & vis jure quoque subnixâ ineluctabilis videretur, fractas propterea jam Petri vires, & partes Comitumque suo munere, & loco subsidio juris immobilem Rex arbitratus, in finitum locis, in arcibus, propugnaculis, urbibusque majoribus regni consilii sui certiores Gubernatores per litteras fecit, iussitque ne cuiquam, nisi publica fide regno exire liceret. Appellere quoque classem Ulisipponem præcepit, aditque tandem ad Petrum quosdam proceres interdixit, tanquàm ingenio feroces, ætate fervidos juvenes, & qui animum adolescentis seditiosus cogitationibus innutrent. Ita porò civilium armorum sonitus, qui Ulisippone hæcenus obstrepuerat, per regni latitudinem circumlatus maximam Lusitanis incusserat curam, quò turbulenta res illa spectaret, & quò ad ultimum eruptura hæc armorum procella esset. His ira confectis, Alfonso Rex stylo deinde ad Petrum expressa Senatorum, Iudiciumque suffragia misit, ut ea videret, & intelligeret, scilicet, in eo quod agebat munere, & loco, quamvis marceret Comes Castelmeliorius, fas esse tamen integra causa, jure inviolato ad strictius examen de veneno prolatum crimen adduci, reliqua ab ipso Petro, quæ extra causæ rationem quæsitæ essent, haud parum obesse Regi, nihil Petro prodesse posse, nec lædi æquum esse

esse profectò ipsius Regis auctoritatem, ut alterius libidini obtemperetur. Postquam ita Petrus latam Senatus, Regisque sententiam accepit, cum nec ipsum præterea fugeret, quod per ambitum, sive metum Comitibus artibus vitata Senatorum suffragia fuissent, perbreui ad consultandum temporis spatio petito, impetratòque rem cum amicis, qui noctu, ac frequentes accesserant, contulit. Ibi post acriorem, & multam ad noctem disceptationem productam inter omnes postremò convenit, ut Petrus etiam invito, ac reluctante Rege ad Transmontanam provinciam, ubi arma in finitimis gubernabat Comes Sancti Ioannis, impiger ille miles, ipsique Petro in primis obstrictus, jamdudum sermone, minisque jactatam protectionem instrueret; si ea porro objecta formidine, Regem nihilo secius in protegendò, sustentandòque Castelmeliorio pertinax animus retineret, tunc è vestigio Petrus delectum iter inciperet. Verisimile quippè erat, hoc maxime modo passim confusus, & fluctuantibus rebus, & Comite, ac Petro in eo periculo constitutis, ut uterque perdendus, aut alter alterius lapsu servandus esset; tegni que in medio penderet ex fraterna discordia litigium, vel sua sponte cessurum obstinata sententia Regem, vel urbis populum concitatum, cum simul ardere, ac furere caperit, in meliorem mentem illum esse tracturum, si secus res cecidisset, Petrus, ut constituerat, ad Transmontana transiret, milite & armis inde nunitus Ulissipponem. quamprimum regrederetur, ubi externis internis adjectis armis, quæ intus erectæ, calescentesque partes comparavissent, uno impetu, unòque animo hinc & inde incumbens cunctis ea quidem Comitibus, atque Regis Petrique fortuna fuisset quam felicioris, ac potentioris arbitrium inter proterita jura, solutaque legibus arma statueret.

Secundum hanc sententiam Petrus Alfonso Regi respondit. Pet Scatus Senatus Consiliarios Matchionem Marialva, Sandiumque tuo nomine, tuoque mihi mandato relatum est, in eam te venisse sententiam, ne ab aula, ac negotio diverteret Comes Castelmeliorius, quoad, ut petebam ejus in me attractari veneni crimen via juris exploraretur; ad id te quoque consilii per eos, adiecisti, magni nominis Senatorum, jurisque prudentum suffragiis impulsus; responsum mihi præterea, quod reddere tibi debeo, & quod iuxta in hoc loco defensionis similitudinem habet, brevis curriculo temporis adstrinxisti, ut quemadmodum mihi significasti, modò æstuantem, & vagam fluctibusque contortam reipublicæ navim tranquillitas citius exciperet, & quamquam deceat me, Rex, in omnibus tibi succumbere, optimè tamen quam ex animo tibi profiteor solida veneratio, cultusque cum mea libertate potest, jurisque subsidio, quod rursus, ac merito imploro, conjungi. Agitur enim de fortuna, existimatione, atque vita Principis regis sobolis, & Lusitana disciplina receptum est, minoris quoque momenti negotia majori animi intentione discutere. Recurrit præterea, satisque robore viget in primis exposita mihi, necdum abolita difficultas, quo scilicet pacto tantam ad causam dilucidandam ingredi liceat Castelmeliorio armis undique circumfuso, eaque pompa strepitumque potentia nimis semper in se, & nunc plusquam in se est ad tertorem, & fastum amplificata, qua videlicet illum nimis ornatum, & oneratum Rex voluisti. Sit loco exempli, quod nuper Senatoribus contigit, in quibus cum magis incussus à Comite metus, quam fides, & vis officii valuerit, inique

„ apud illos primum proposita causa, post  
 „ deterius excussa, tandem cum insolentia,  
 „ & errore, & meo quoque convicio  
 „ iactata est. Quid porro de toto  
 „ certamine & exitu, causæ hæc lubrica  
 „ mihi via sperandum imposterum est,  
 „ cum in ejus etiam prolusione per injuriam  
 „ offenderim? Non enim poposceram ego, ut Comes Castelmeliorius  
 „ seu honore, seu opibus acquisitis, seu  
 „ potentia, aut regis gratiæ fastigio meo  
 „ respectu devolveretur, sed ut momentaneo  
 „ propè recessu daret justitiæ locum  
 „ quo causa deinde legitime constituta,  
 „ aut fontem supplicium, aut infontem  
 „ ut se esse sciretur, laudis, & gloriæ majoris  
 „ accessio super tantam fortunæ plenitudinem  
 „ tenuisset. Scio etiam, quid altercante  
 „ Senatu senserit, quid disputaverit  
 „ Martinus Melus, quid Joannes Roxa,  
 „ quid Petrus Monterus dixerit; quorum  
 „ venerandam cantiem hominum, & tot per  
 „ annos probatam rerum experientiam  
 „ empta, aut per vim extorta suffragia  
 „ multitudinis, & turbæ, non aequitate  
 „ vincere potuerunt. De formis hujusce  
 „ fraudis, & corruptelæ judiciorum illud  
 „ in causa profecto est, quod per astutiam  
 „ Castelmeliorius privatam causam publicæ  
 „ admiscet, Regemque suo scelere, atque  
 „ periculo gratis involvit, & primo loco  
 „ Regem, sese post Regem apponit, tantum  
 „ quam utilior reipublicæ foret privati,  
 „ impuriusque hominis sustentatio, quam  
 „ fratris unici Regis, in quo spes hoc tempore  
 „ nititur, ne regia familia pereat, ne  
 „ alienigena, sive Tyrannus orbatum capere  
 „ regnum occupet. Hac corrupta, ac livida  
 „ mente Comes à te facile, Rex, impetravit,  
 „ ut nobilibus viris, qui domum meam  
 „ ventitare solebant, te jubente, illo  
 „ exultante in meam contumeliam, animisque  
 „ dolorem esset additus interclusus, cumque  
 „ in hoc offensa eorum acie, ac nova  
 „ turbamenta reipublicæ quæreretur, utque  
 „ ipse injuriæ dissimulatur, aut vindex  
 „ majora

ex ea essem dedecora, aut pericula subiturus,  
 „ inquietum ejus consilium illorum obedientia,  
 „ mea moderatione, & obsequio disjectum  
 „ est. Ille interim late pedites, equitesque  
 „ conscribit, ac dum præsentis quasi belli  
 „ apparatu Regiam, & urbem confusione,  
 „ metuque jam propè torpentem, ac stupidam  
 „ tenet, modò pro se, modò pro Rege vim  
 „ illam hominum jacit, armorumque  
 „ congestam esse. Ego tamen minimè paveo,  
 „ neque fragorem ob istum, armorumque  
 „ iactationem, ac turgidas minas unquam  
 „ memoria, aut animo excident, quid regio  
 „ sanguine dignum, quid tantorum  
 „ majorum exemplis non degeneri viro  
 „ congruat etiam injuriis cooperto, &  
 „ periculis circumfuso. Tua certe videre  
 „ nec parum interest, Rex, cum Comiti  
 „ Castelmeliorio Petroque pariter convenire,  
 „ atque in Regiam manere impossibile sit,  
 „ in eo causam versari, ut à Petro  
 „ Castelmeliorio, vel ab hoc Petro præbende  
 „ cervices, atque alterutri in aula  
 „ cadendum sit; & quoniam Castelmeliorii  
 „ multò magis, quàm fratris videtur  
 „ hucusque sollicita, & anxie te cura  
 „ percellere, equidem cedam aula, cedam  
 „ protinus urbe, omni solatio, & comodo  
 „ cedam. Ita fiet, ut domestici belli  
 „ incipientis incendium, quod mea  
 „ præsentia, ut æmuli dicunt, inflamat,  
 „ absentia restinguat, tibi que fratris  
 „ amissi vicem Castelmeliorii fortuna,  
 „ salusque repenset. His redditis Regi  
 „ literis, revera, & celeriter Petrus  
 „ destinato se itineri comparabat, quod  
 „ cum clanculum fore, subdole dieeretur,  
 „ rumore passim, & pompa de industria  
 „ diffusis, omnibus manifestum volebant.  
 „ Cunctis igitur evulgato, ut fidem  
 „ faciebat etiam itineris apparatus, à  
 „ Castelmeliorii potentia, atque artibus  
 „ victum discedere Petrum, atque extra  
 „ Regiam, & patriam illius insidiis,  
 „ illius superbia, atque scelere percitum,  
 „ fugatumque voluntario secedere exilio,  
 „ & hunc unicum esse fratrem, ne dum  
 „ domo

domo vacua, sed desperata quoque solole Regis, tunc repente tumultuari, atque ardere Ulisippo, & passim addere facces ac turbas capie, multique prænobiles viri, suo exemplo, & industria majora præbentes incendio fomenta ruere jam illam tēpestatem disseminabant, qua ex antiquo, sed falso prodito vaticinio Ulisipponis fora semitæque debebant humano sanguine redundare, quod utique erat fiduciam addere affectis, quasi instinctu, afflatuque Divini Numinis eruptura seditio foret. Septem hominum circiter millia armis eo tempore instructa computabantur iter Petri intercipere prompta, ambitiosamque inter Petrum Comitēque Castelmeliorum de potentia, & imperio pendentem conflictu civili dirimere litem. Ea res porro, ut populariter exardebat, ubi Regi, & Comiti paruit, illorū tunc animis prorsus abjectis, & suam regniue simul timentibus cladem cum vis vi collata, & populi plausu, & nobilitatis præsidio, & studio rerum novarum in Petro superior æstimaretur, quæ primò se passim armorum, atque minarum circuntulerat moles, & aspera hucusque Petro reddita verba fuerant subito in preces, omnisque amoris suavitate respersa blandimenta vertuntur.

Ad Petrum itaque Rex epistolam misit plenam illecebrarum, ac simulate benevolentie fratrem per illam amanter ad Regiam vocans, atque omnia ex animi ejus sententia se ipse facturum pollicitus, si modò turbarum incallescens tumultum, & populi motus, fluctusque quos ejus nota indignatio conciverat, ejusdem mutatio componeret. Petrus autem animo volvens quantum ex formidine orta lenocinia, atque illecebræ teneant, quāmvē stultum fuisset, alienæ fidei, incertoque fortunæ, aut æmuli arbitrio relinquere quod jam haberet in potestate, utendumque ipsi viribus partium, dum spe & amore calecent, propositi tenax, fuscisque subinde

fucis illudens rescripsit Alfonso, ac similia confingens lenitatis imitamenta, quibus petitus à fratre fuerat, in fine epistolæ posuit, Castelmeliorum semper in Regia fore secum insociabilem, & alterutri eorum ibi esse manendum, aut abeundum, utrum Regi placeret, cum res adhuc integra esset amplecteretur. Inter hæc clariora jam quæ prius clandestina erant Ulisippone consilia cæcisque simul armorum collati undique acervi, fremitus, querimonie, aperta populi concitatio, prodigia quoque, Politicorum nempe commenta ad populares captandos animos, falsi sparsim tumores ad odia partium exacuenda, probrosi libelli divulgabantur, atque ita profectò erant omnia composita, ut Ducis signū, nutūque expectare tantummodò videretur grvida flammis, armisque jam jam partura seditio. Hæc omnia intuetur Comes Castelmeliorius, nec vi jam frustra primo tentata Petrum, nec precibus, aut illecebris repetitis, nec Regis imperio, vel hortamento molliri, sēctive posse, imò insolescere magis in dies, & spes, animosque ampliores ex suorum alacritate, ex æmulorum cognito metu colligere, ac statim idcirco, nisi alter alteri cederet fratrem cum fratre, & cum civibus cives impio certamine, fœdiori exitu concursuros, qua tempestate sibi velut belli civilis causæ sive victo, sive victori turpia omnia, & acerba cessura quidem fuissent, & cum vires, & ratio tanto explicando consilio deessent, ad subtiliores excogitatos dolos, astusque suffugit. Verum eo insidiosi propositi laqueo, quo capere Petrum Castelmeliorius contendit, tunc ipse irretitus offendit. Regia enim, & urbe, ut Petrus institerat, ille postremò decedere statuit, prius tamen pactus secretò cum Rege est. Extorris in speciem illicò abiret Castelmeliorius, paulò post Rex Ulisippone digrederetur, tanquam vellet regni fines invisere. Inter hæc vanescente tumultu, & partium, quæ ægrè tam citò, vel

vel iterum cogi possent, ardore quoque remisso, simul harum Reëtoribus, Ducibusque pœna vel præmio, vel arte subductis, quædam ex facili ipso Comite absente, atque in speciem afflicto parari remedia poterant, ejusdem opportuna regressui, quæ hucusque pro eodem homine intenta, ipsius præsentis, atque in apice stantis invidia subverterat. Mense post interjecto Ulißipponem Rex reversurus itineris sibi comitem Castelmeliorum adjungeret, secumque receptum, & confirmatum Regiæ, ac regimini restitueret, cum & lætitia reversionis Regis in plebe suo more instabili obrutura quodammodo esset quæ tempore, & hominis lapsu jam senescere perrexissent, in Castelmeliorum invidiam, & odium. Qui verò amore rerum novarum, aut studio contentionis ad exigendum Castelmeliorum sua ipsi erant etiam pericula persecuti, vel fortè tæderet illa repetere, vel semel his satis esset, quod nimium tentenderant, impetrasse. In hunc modum dispositum erat profectionis, reversionisque Castelmeliorii, inter ipsum, & Regem consilium, & ordo. Cæterum id se tunc ita facturum promissit Alfonso, simulatè verò, an ex animo incertum est, cum potuisse mutare sententiam, suadeat summa levitas Regis, & finxisse, ex eo quoque verisimile sit, quod tandem pertaxus Rex hominem esset, qui tot ipsi in aula molestias, & in regno pericula cumulasset, vel quia per illam occasionem ex manifesto scilicet Comitibus etiam, ac præcipiti propè fuga, & eodem etiam absente melius Rex didicisset in quo ipse discrimine versaretur, cum ille res quoque graves, & utrique periculosas deterere prius apud Regem, vel silentio premere consuevisset, nisi verius fortè sic dixeris fidem à Rege solutam non esse, quod fato quodam, & latentibus causis gratiæ Regum imminet, ut tempore consenescat, aut pereat, & sæpè sæpius, quæ gloria florue-

rat in pestem hominis corrumpatur. Utcunque res fuerit hac inter Castelmeliorum, & Regem clam interposita fide venit etiam in mentem Castelmeliorio, ut in illo negotio, quantum rei faciem spectabat, cum Rege Petroque velut consilii particeps Regina quoque intercederet. Causam ad rem prætexuit quod regii splendoris, summiq; fastigii tenendi gratiæ, atque inconstantix palam vitandæ notæ fore optimum, videretur, si Rex tandem Alfonso, quod Petro hæcenus negavisset, reginæ concederet, quò ipse Castelmeliorius à Petro, Rex à Regina victus in eo aulae certamine videretur, re verò ipsa meditatae fraudis ministram reginam subicere Castelmeliorius intelligebat, ut inde acrius doleret Petrus, cum rediisset, ut Comes credebatur, in aulam alterius se dolo deceptum esse, alterius inscitus. Rogat ergo reginam, ut in regis, Petricque gratiam tale negotium aggrediatur, magni prætereà inter regem fratremque dissidii, quod totum urere regnum incipiebat, ab eadem regina compositi, summam gratulatione, & gloriam fore in ipsam redundaturam. Suspecta omnia dicta, atque facta ut hominis tortuosi Castelmeliorii Comitibus erant, & tum maxime, quod omni solertia, & acumine ingenii ad ruinam eluctandam incumberet. Proinde Regina in re proposita hærens, & cunctabunda, ne ab homine captioso, quem oderat, & cui maxime diffidebat, deciperetur, immiscere se causæ nisi Petri consensu, iteratimque precibus noluit. Igitur rursus per intermedium à Petro Regina quæsiuit. Certa, ratique jam, ut convenerat, Castelmeliorii ab aula profectione, scire prætereà se velle, quoniam ille modo, & quo inde profecturus abiret, & qua denique ratione expulso, ejectioneque salus publica fide constitueretur. Ad quæ Petrus cum respondisset, à Regia, atque urbe Castelmeliorio quamprimum

exacto, omninò de reliquo se in Regi-  
næ potestate futurum, hæc iterum scif-  
citur, sibi clariùs intelligendum,  
quousque negotium ad exitum perdu-  
cturæ ejus arbitrium, & fides extendi  
posset, ne fortè invita rem interverte-  
ret. Ita Petrus quominus negotium per  
ambages corrumpi, aut prolatari plus  
justo posset, tum demum Regi-  
næ explicavit locum, quo pulsus Castelmeliorius  
adiret quo Ulisippone longiùs abesset,  
gratiorem profectò sibi, tutiorem Co-  
miti fore, fidem indemnitate, quam ille  
meritò reposebat, eo se vinculo dare  
paratum esse, quod arctiùs in magni mo-  
menti rebus obstringere Principes so-  
leat. Cæterùm fidei, & imperio, quibus  
totum se antea Regi-  
næ tradiderat, nihil  
ipsum exceptum velle. His rebus Regi-  
na satis instructa, mox cum Comite, ac  
Rege, statutum ut erat, negotium ab-  
solvit. Duo tamen initio pactis Castel-  
meliorius adjicere voluit, & per regi-  
nam obtinuit, ut per ejus scilicet exitum  
voti compos Petrus jam factus, à vene-  
ni prius jacta querela desisteret, tum  
constitutæ concordie capita. Fidem si-  
mul oppignerantes Reg. na, Petrusque  
subscriberent. Cur autem is fœdum sibi  
attentati in Petrum veneni crimen in-  
positum regi nunc oblivione maluerit,  
quàm legibus discuti, & hoc idem ele-  
gerit suæ ne conscientie, an potiùs ca-  
lamitati diffusus, quàm effrenatius ex me-  
tu æmulatorum soluta odia rapere etiam  
infonem illo impetu potuissent, haud  
satis nobis hucusque compertum est.  
His rebus ita compositis, jam discessurus  
ab aula fidem Castelmeliorius repose-  
bat à Rege, quàm inter ipsos constiterat,  
alium post alium abire, Ulisipponem-  
que simul repetere. Verumtamen si-  
ve id hominis astus, ut diximus supra, si-  
ve sententiæ levitas fuerit, Alfonso, quod  
primò promiserat, nec mox ratum ha-  
buit, nec præstitit. Itaque Comes  
Castelmeliorius hinc à Regina impul-  
sus, hinc à Petro jactus, illinc à Re-

ge præter optionem irrisus, cum om-  
nia jam ipsum, resistente fortuna, dese-  
ruissent, astu, ac labore frustra consump-  
tis sese tandem ab aula furibundus pro-  
ripuit, & in quodam cornobio septem  
circiter leucas procul ab urbe conse-  
dit. Sic eo denique viro, qui tandiù,  
& rerum potitus, & Regis erat, expulso,  
& malorum omnium in speciem velut  
extincta face, reverà discordiæ, ac  
certaminum fomes in aula deinceps  
exarsit potiùs quàm desit, cum stan-  
te Petri cupiditate, stante Regis in-  
ertia, quidam prætextus, non causa  
turbationum in amoto Comite de-  
fecisset.

Rex enim inquietoolvebat ani-  
mo, quidquid Petrus ab ipso obtinere  
in quacunque contentione enisus forti-  
ter esset, illum semper victorem, & po-  
pulariter plausum, victum ipsum Alfon-  
sum, & cum dedecore discessisse, quidni  
ergo inter tot circumstantium, & adu-  
lantium hominum incentiva, sumisque  
aridentis prosperitatis illecebras in dia-  
dema, sceptrumque tandem insiliat,  
quod etiam nunc per regulares quos-  
dam conatus, per certos quasi gradus  
appetere videretur? Præterea sibi fra-  
trem nimis infestum suspectam uxo-  
rem, populi fidem ancipitem, admi-  
nistros, regni que procures à gratia  
Regis aversos, quippe quæ, sicut nuper  
in Castelmeliorii causa contigerat, in  
quocumque eam reperisset, acerrimè  
semper à Petro, ac feliciùs oppugnaba-  
tur; atque hæc porro molesta, ac multi-  
plex cogitatio, quæ cautionem, atque  
constantiam ei, qui prudentia polleret  
Principi peperisset, qui ea carebat, Al-  
fonso cum dolore, metùque furorem  
augebat. Adversus Petrum maximè  
Rex, à quo plus ipsi Regi cavendum  
erat, & à quo usu temporis artibusque  
captandum, quod hæctenus frustrà per  
vim tentavisset, rudis artis dissimulandi  
quantum irarum, quantum pavoris in  
mente conceperat, improvidè verbis, &  
rebus

rebus exaggerabat. Ea propter nedum illas examari cohortes, quas ad coercendam seditionem, Castelmeliorio adhortante, collegerat, noluit Alfonso, sed illas etiam expleri iussit; nonnullas etiam propè, & è fronte Petri domus consistere iussit, inanibus hisce minis insultans, & provocans, quem vi terrere seu vincere hucusque frustra, & cum maximo detrimento competerat. Ad hæc post ejectum, expulsūque Castelmeliorium ad genua Regia Petrum affusum, & gratias, amorisque blandimenta miscentē torva fronte, rubentibus oculis, vultu horridus tacitūsq; recepit Rex, subinde, ut illi quoque salutare reginam de more liceret, petenti non verbo Rex, sed capite annuit. At Petrus hæc omnia ut vi destituta spernens, nec incautus, aut segnis ex propitia fortuna factus eandem tractando artes, quæ adhuc prosperè processissent, deinceps omnino reliquias fractarum paulò ante partium instruit, quæ nisi funditus hauste per ocula relicta semina reviviscere potuissent. Comes enim Castelmeliorius, etsi corpore absens, per eos tamen, qui ejusdem factionis, atque fiducie lateri regis astabant, consiliis, & monitis non destitabat in aures ejus influere, erantque eo tempore circa Regem illius instrumenta potentie cum ejusdem consilii applauderent homines, resque exequendas, ut Comes dictabat, urgerent. Super hæc homines, Comitūque clientes agitare apud Regem Petri superbiam, insectari insolentiam, & contumaciam, satis se ipso furem in flammam quotidie magis ingestorum esca verborum, & stimulis contumelie: repetere sæpius horum omnium certaminum quibus imperium exagitabat, regni diadema sibi finem, & præmium in animo Petrum constituisse, ficto quidem erga Regem amore, vero in Petri odio compulsi, cum enim integro Petro, ægrè se incolumes reputarent, per hæc expressa, ac sæpè inculcata discrimina Regi, si ni-

hil fortè pro se, pro cis intentatum reliquisset Alfonso, & quæ premebant, & quæ impendebant sibi pericula cogitabant cum periculo Regis immergere. Rex ergo libentiùs, atque incitatiùs, quàm antea solebat diras, & minas in fratrem, in partes effundens, jam humi succisa capita, jam strata corporibus fora, jam vias cadaveribus intetelusas, jam profluvia cruoris, ac terræ miscere cælum inaniter strepitabat, & cum hæc frequentissimè diceret, ne Regina quidem auribus abstinebat, quanquam omnia explorantem, atque prodentem crederet illam, & in Petrum maxime pronam. Regina propterea quia viri inconstantiam, ac simul impetum novebat, cum vereretur, ne si irà fortasè cæcus, ac præceptis in fratrem exosum denique rueret, clam monuit Petrum, ad Regiam ne accederet, fratrisque congressum ubique vitaret. Irà semper tumentem, & in illum minitandum infremere Alfonso, nihil satis munitum, nihil omnino esse tutum ab homine furioso, ac novis insuper stimulis agitato. Hæc admonitio movit adolescentem ad maturandum consilium, quo adversarum partium residua planè convellere constituerat, ne Regi scilicet proximus superesset qui ejusdem regere, ac flectere posset arbitrium, aut indignationem inflare. Tres per id temporis homines erant, quos illius aula calamitas lateri Regis reliquos fecerat, iisque actiōi fiducia, atque studio Castelmeliorii fortunæ obstricti, & gratiores idcirco Regi, Henricus nempe Miranda, Emanuel Antunesius, Antonius Sousa è secretis Consilii Status, is, qui ob contumeliam palam verbis Regine illatam paucis ante diebus relegatus ab aula ibidem, sed clam cōsensu Regis agebat. Inter hos opibus, studio Regis, Castelmeliorii amicitia, & in ejus quoque afflictā fortuna florens Miranda excellebat. Hunc igitur primò corripere Petrus decrevit, ut ejus fa-



ciliùs ruina subinde reliquos pertracturum. Misit idcirco, qui clam ejus aures pervelleret, properè, & tanquam sua spontè decederet aula, ne satis monito, sibi que minimè consulenti deterius quidquam accideret. Sic erant in Petrum extra regium splendorem, & animum inter res prosperas hoc tempore magis explicitum ob expulsam præcipuè Castelmeliorum studia plebis accensa, ut non aulicis ille modò, sed regi etiam, plusquam antea unquam fuerat, terribilis immineret. His ergo intellectis Henricus, atque extrema desperatione percussus haurire illico sibi propriis manibus vitam primum & frustra tentavit, deinde consilio cum animus non suppeteret, membris captus, ac debilis restitit, postremò clanculum fugit indignatione, odiòque populi exterritus, qui, si in illum fortè incidisset, vivum discerpere minabatur.

Audit hæc omnia Castelmeliorius, quia assiduè inde meabant, ac remeabant nuntii responsa, & consulta ferentes, monètque Regem Alonsum, ne quid iracundè, aut celeriter ageret, ne quid temerè loqueretur, nisi quoscunque lege immobili fata conatus, & ingenii vim interciderent, arte, seu dolo, non consertis viribus vinci, & simulatione potius officii, quàm apertis inimiciis Petrum everti quandoque posse. Reverentia, metùque regis excusso, perturbatam rationem, & rerum ordinem esse; & suffragante quoque natura ad suum omnia redire cum tempore locum, nisi ira, & celeritas opportunam medelam tollerent. Rex autem, qui ex oraculo tanquam edita, etsi parum his uti sciebat, consilia Comitis æstimabat, in Senatu cum paulò post occurrisset res gravissima consultanda, Petrum enixè rogavit, ut sententiam ibi laturus cum reliquis conveniret. Is tum secretè hortationis reginæ memor, quæ accessum ad fratrem interpellabat, simul ea

specie concordia, atque fiducia ratus, non ingenuè sibi blandiri, sed fictè pacere populum in animo habere regem, aut alios subtexere velle dolos quibus frater incautus deprehenderetur, hoc primo obstinatiùs repudiavit. Institit etiam orando, commonendòque rex Petròque litteras dedit studiosas, suaves, egregia testes benevolentia, quæ ut statim ad se veniret, illum suaviter oppugnant; multa se quoque facturum promisit in clariora erga fratrem amoris indicia, atque ut Reges præsertim populo, ac scenæ deserviant, cujus potissimum opibus innituntur, ejusdem exempli rex circumferri per urbem litteras jussit quò planè constaret fratrem à fratre, & hoc altioris quidem fastigii, in amore provocatum non respondere, imò in longum jacere odia, & alitùs in corde concoquere iras. Has litteras accipit Petrus, ac simul evulgasas intelligens planè anxius, & animo æstuans in se ipso volvere cepit, iret necne ad fratrem iterum, atque iterum accersitus; pertinacia dedecori, ac publicæ notæ sibi; jactantia regi; ac voluptati quoque futura erat; rursus facilitas sibi periculo, opportuna regis conatibus erat. Sic varia, ac multiplici rerum expectatione suspensum, ac fluctuantem hominem impulit ea super causa explorata reginæ sententia, ejusque consilio tandem toties vocatus ad regiam se contulit Petrus, sed ad omnia dissimulanda paratus, & clientibus circumfusus. Venientem admisit rex, & nisi, quo paulò ante usus cum illo erat, ingrato silencio, rictùque tamen omnino frigide, & ob ægrè suppressam in animo iram hæsitantibus penè verbis, & quodam orationis, & vultus affectato delinimento, fucòque quæ ex adverso tam concinnè, tam aptè actione, ac sermone adubrare didicerat Petrus, ut ineptè rex exercebat. Cæterum ea licet sic ficta exilisque inter fratres reconciliatio speciem quamdam



quamdam domi concordia, aut longiores pro certamine inducias, & foris quietum imperium aliquando sustinuis-  
set, nisi novis subinde quaesitis, aut se se fortè implicantibus causis jam ad cer-  
tam regni jacturam fortuna compelle-  
ret Regem. Abligato Castelmeliorio,  
difficile, insolentèrque eo tempore  
versabatur Alfonsus in curis publicis  
obeundis, quas ille coactus abjecerat;  
obstabat enim ingenium in Rege vo-  
luptatibus fractum, ac vitiorum illece-  
bris irretitum, è quibus ægrè se ipse ex-  
tricare inveterata consuetudine pote-  
rat, num imperià rerum quam eas ne-  
gligenti, deditòque penitus otio aliena  
sollicitudo, laborque alienus in-  
vexerat, tum viridis ejus ætas, inge-  
niique hebetudo gravitati, & copiarum  
tantarum rerum, & quibus præter so-  
litum regnum tunc astuabat difficul-  
tatibus impares. Rex igitur electu-  
rus, qui loco Castelmeliorii tanta ip-  
sum levaret curarum mole, onusque  
cum illo divideret, qua tempestate  
opus erat, virum integrum legi, & à  
partium suspicione, & contagio im-  
munem omninò compertum, is cæco  
magis affectu, quàm vi rationis indu-  
ctus Antonium Soufam sufficere sta-  
tuit, qui erat è secretis Consilii Sta-  
tus, ex acrioribus Castelmeliorii clien-  
tibus, & tunc impulsu Reginæ, de-  
cretòque Regis extorris, at, illa igna-  
ra, oculus in Regia. Hoc quidem  
consilio Rex à Regina petivit, ne ea  
gravaretur Antonio Soufæ exilii pœ-  
nam remitti, siquidem paucis pro ver-  
bis, & his primo impetu effusus jam sa-  
ris ille penarum dederat. Tum verò  
& ultionis minus ardore, quàm metu  
ad hæc verba vehementer Regina  
commota, ne scilicet adversarius in  
potentia apice, constitutus graviora  
ab ipsa postea ludibria pro exilii vice re-  
peteret, id ipsum constanter negavit  
Regi. Deinde cum assiduus quoridie  
precibus, & verborum ambagibus Rex,

ut assensum exprimeret, mulieris ani-  
mum fatigaret, hæc ira randem, & mu-  
liebri quodam fastidio, ac satietate per-  
culsa. Esse Regis in manu positum, in-  
quit, quidquid ipsi de Antonio statue-  
re collibuisse, non autem in sua pote-  
state restitutum illum aspicientem do-  
loris amaritudinem temperare. Rex  
remerè tunc arbitratus, eò se plus molli-  
tutum Reginæ iram, quò Antonii cul-  
pam attereret, Status Senatus de An-  
tonii exilio decretum, quod Reginam  
hucusque latuerat, foemine exhibuit,  
cujus hæc erat sententia. Sedulò ex-  
cussis, quo studio, cultuque decebat,  
libellis, quos in Antonium Soufam in-  
vecta ad Status Senatum Regina trans-  
misit, aliòque ab eodem Antonio Sou-  
fa Senarui quoque porrecto quo im-  
positum sibi crimen omni venetatio-  
nis officio discurrere satagebat, & si  
Antonio duntaxat propositum fuerat,  
prona, & obnoxia Reginæ patere, quæ  
tunc immeritò querebatur, Lusitanæ  
gentis obsequia, nihilominus cautum,  
idque magis, ut indignationi, volun-  
tatiq; Reginæ, quàm merito causæ  
confuleretur, per aliquot dies exulem  
hominem agi, reverenter præterea  
Reginæ suggeri, ut hujusmodi of-  
fensiones diligentius in posterum de-  
clinaret; nam levia, & facilia quæ in  
privatis æstimarentur, ad Regiam ma-  
jestatem tractata, majusque inde pon-  
das, ac robur accipientia sæpenumè-  
rò turbamenta, & reipublicæ exitia  
fuissent. Tali decreto consultius, &  
gravius Hispano pro more Status Sena-  
tus egerat, nempe Reginam, quod augu-  
stæ ipsius dignitati, ac regio ornamento  
congrueret, à privato homine læsam,  
aut ipse tam minimè fassus, nec ideo vel  
nimia linguæ licentia, vel animi ardore  
lapsum illum impunè dimittens, sed  
ranquam Antonii exilium arbitrio, ac  
celsitudini potius, quàm Reginæ dare-  
tur injuriæ.

Atqui nobilis mulier seu Hispani  
Xx 3 moris

morisignara, nec Hispanam ostentationē & artē à Gallica libertate, & candore fecernens, seu ab illis impulsā, qui jam serpentem sufflare ignem ad extrema votorum non desistebant, ubi non rectē, aut solerter Senatus mentem interpretatur, imò plus fidei, privatique hominis testimonio, quàm Reginæ auctoritati querelæque attributum, brevique exulantis hominis speciem non ad injuriæ solutionem, sed ad ipsam decipiendam fraudulenter excogitatam fuisse, ira insolenter excaudit, & post multa ferocia, atque aspera nimis profusa verba, quæ & mulieri, & Reginæ, & coram viro regia quotidie existimatione, ac decore per varia momenta cadenti, superbia, furorque dictare potuit, citato gradu ad interius cubiculum se recepit, ubi supplicem scripsit libellum ad Regem, rursus via juris causam exagitari, reoque condignam infligi pœnam efflagitans. Libellum Rex accipit, & quanquam Consilii Status, vel in speciem tueri per id temporis interesset prolatam à se sententiam, ille tamen quia Consiliarios nunc propè omnes ad fratrem ex fortunæ inclinatione propensos noverat, rejicere noluit, ut solitus erat ad Status Senatum Reginæ libellum, at illo suppresso blanditiis, minisve per tempus, artēsque sperabat, inflicti fœminam posse. Super omnes animi affectiones, quæ in temperanter ipsum agebant, iracundiæ præsertim impotens erant Alfonso, qua modo cum ira collata, quæ in fœmina superat, cum acrius uterque urgeret in rem, & causam diversè pro vinibus traheret, neutrique interim esset temperandis affectibus modus aliæ ex aliis offensiones, ac domesticæ similitates in dies propè singulos emanabant. Inter se oppositis ita Principibus, & palam animis alienatis, ulceratisque plena silentii, ac tristitiæ, omninò inculta, ac deformis jacebat Regia, ac propemodum destituta; nemo enim omnium necessitate nisi coactus bile ita correptum, ac stomachan-

tem adire Regem audebat. Regina in suo cubiculo clausa mœrore propè confecta, tenaxque nimis doloris seu ira, seu verecundia, seu ultionis aviditate provecta nec lucem, nec quemquam hominum dignabatur aspicere. Inter hæc etiam Antonius Sousa, nequaquā, ut antea, cum pudore, ac formidine occultus, sed procacius, & palam versabatur in Regia, simul sollicitus, intentusque arma passim colligere, obstrepere, imperare quæ agenda essent, armatis septus incedere, armatis cubare, quasi ad vim, & conflictum hucusque licet victrices instructa illa pompa laceraret partes. Ad hæc animo turgidus, quod ipsum Rex, & Regina certaminis causam haberent, & quod tantum ipse curarum incuteret Regiæ, ac populo Lusitano jaçtancia plenus, & minis incendia, vastitarem, rapinas omnia omnibus publica exitia denunciabat. Hæc ex composito excepta verba, & in majus subinde aucta, & mendaciis quoque corrupta æmuli in plebem disseminabant, ac simul addebant, Antonium Souzam, si Ulissipone fortasè depelleretur, cum regio equitatu simul erumpere, atque extra urbem exercitu comparato eodem redire constituisse omnia in rebellium supplicium, atque ruinam flammā, ferroque misturum. Alia, & similia præterea, quibus rem verisimilem ficerent, consingebant; eratque retrusum dolo consilium, sic alienatum à Rege populum facilius Petro ad omnia, quæ vellet, addicere, jam istum adolescentem ut libertatis propugnatorem, & eversores Tyrannidis intuentium. In hunc modum per astus animis plebis imbutis, excitatisque, dum mæstæ, afflictæque Reginæ succurrere Petrus pro gratia reddenda cupit, graviorique perinde Regem offundere metu, & alium ab ipso quæsito addere gradum imperio, expellere tandem, alia nisi via licuisset, per vim, atque arma Antonium Souzam decrevit. Magna erga nobilium, & popula

popularium constata manu domo sua Petrus discedit; eo tumultu, atque strepitu ex industria clara luce, vocibusque jactato ad Regiam euntem plebs obvia partim rumore, ac re nova partim illecebris excitata circumfluit, adeo, ut simul, ac Petrus Palatium ingressus est, tanta in area illa subjecta frequentia hominū inundaverit, quantam tota propè urbs capiebat. Subiit in Regiam Petrus, ibique paulisper substitit, donec omnes eò convenirent ab ipso pridie accersiti Status Senatus Consiliiarii, quorum auctoritate, canitie, consensūsque specie studebat notam subterfugere invidiæ, ac planè intelligere populum, utilitatem privatam nullam, sed reipublicæ rationem, meliorumque consensum, cum remedio serviret, tot fluctuum adversa, motusque rerum concitavisse. Mitiùs præterea, cautiùsque ad rem fore ducebat, priùsq̃am ipse Petrus violentas in Antonium manus injiceret, tentare, si foret posset, cum Rege, ut idem populi metu, & conspirantium terrorè compulsi à se, quàm ab aliis, & cum minori dedecore aula illum exactum mallet. Ita igitur omnia cum ex sententià parata essent unà cum Senatoribus Petrus regis cubiculum introivit. Jacebat in lectulo Rex adhuc languens, ac propè torpidus somno, quem ab his cum inolestia excitatus paulò ante discusserat, intuitusque repente fratrem, & Senatores, & Proceres severo, tristisque vultu cum murmure, & turba hora importuna accedentes suspicatus rem atrocem occurrisset, verso & ipse colore, vultusque dejectus, & anxius vehementer turbatus est.

„ Tunc Petrus: Regnum, inquit, & domus nostra in extremo nunc sita delictis pendet; populus enim pro Regina tumultuans, & numero multus, & armis circa Regiam constipatus ardensque rapi, dedive sibi ad supplicium Antonium Sossam exposuit, ne inulta Regina suæ dignitatis meritisque splendorem, aut præ affe-

cti animi angustia vitam amittat, quin etiam ne manibus quidem sese temperaturum exclamat, si jure adeò iniquo, & acerbo turbulenti, sordidique hominis gratia apud Regem Reginæ causam, ac dignitatem extinguat. Igitur, & te, & me, & majestatem imperi, & jura cōmunia, ac stēmata Domūs cōculcāda, ac perdēda nunc opus erit irato populo tradere, aut fœdū hominē gratia tua indignū Reginæ gravē, omni populo invilum, & conclamatū. Vide, obsecro Rex, an id quod jam nequeat minis, ac precibus plebs à te subinde, cum velit per vim exprimere valeat, tum si ea concitata, & armata, & impotens sui semel omnino frænos excusserit, quando finem excidii factura sit. Plura dicere Petrum volentem iratus Rex interrupit, cum enim nova hæc aliis, & acnibus admodum multis cumalata supra virum molestia ardentes furori faces adjiceret, sic ira exarsit, ut horribiles voces limphato similis dederit, gladium, gladium sæpè reposcens. Petrus in multis jam casibus assuetus cunctatione, ac specie quadam modestiæ Regis eludere impetus, medium, quem ipse gerebat gladium evaginavit, illum Regi se porrecturum, peccatūque daturum affirmans, si revera ferire vellet. Regina interim concursu populi, Regiæ fragore, ac tumultu, horrifonis viri perterrita vocibus, ac propè attonita mente ad sedem ejus cucurrit, Regemque invenit in lectulo se versantem, Procerum turbā vallatum, assiduo clamore, gemitūque furentem, & nisi ira, quæ ebulliebat, ceteris sensibus alienatum, ac propè stupidum. Quærenti Reginæ, ac sepe numero instanti, quid rei esset, & quæ tam subita clades in ipsum inundavisset, rex tandem respondit, Antonium Sossam in ejus despectum, & contumeliam occisum fuisse, velle autem modò Regem ipsum tumultu terreni fraudibusque deludi, quò certa nefarii impunitas foret.

Tunc falli profectò Regem, ut omnium conscia Regina subiecit, quia vivus erat Antonius. At surdæ erant Regis ad omnia hortamenta, atque solaria aures, tunc altius in animo infirmo, & angusto furore obstrepente. Tandem Dux Cadavalius extractum à quodam latibulo Antonium, & sua quoque auctoritate defensum, ne in transitu à populo necaretur ad Regem incolumem duxit. Quo viso, Rex tot ira, & errore excitatos lenivit potius, quàm animi fluctus oppressit. Regina, Petrusque recedunt, ceterique sensim è Regis cubiculo dilabuntur. Incerto subinde auctore fortuita, seu ficta ex professò vox emanavit, viso Antonio, dixisse Regem, rectè omnia composita esse, quàm porro gratanter accepta, & ad Reginæ Petrique aures allapsâ voce, tunc iidem existimantes sua spontè, vel Regis imperio, ne pati miserrima cogeretur, aulam Antonium deseruisse, ad regis fenestram accedunt, ut infra odio, atque ira populum æstuantem, successuque pendentem læta, ac serena prospecta facie comprimerent. Verùm extemplo rumor evanuit, nec alia profectò patuit ab ore Regis elicta vox, nisi tantummodò parcere ipsum, qui Antonii expulsiōnem urgentes adeò sibi molesti, importunique fuissent. Aderat cùm hæc diceret, rex Sabugalius Comes, qui loco obsequii, lucrique ducens, quod superbe, insolentèrque hæctenus erat in Regem actum cum tumultu, atque strepitu postulassent à rege, quod modestiâ obtinere diffiderent, liberiùs illi respondit, nihil eo tempore perpetratum ab ipsis, quod crimini affinem veniam, & non mercedem, aut laudem regis, & omnium promeruisse. Institit rex se veniam esse daturum, cùmque ferociùs eam recusare Comes repeteret, pudore, metuque perstrictus continuit se rex, & pallore suffusus adjecit, veniam, & laudem pro cuiusque merito se collaturum. Adeò in transversum, ac mi-

serè præceps semel impune læta cùm labi capisset regia auctoritas ferebatur. Cæterum ira, & inscitia consultricibus pessimis eos inter æstus, animiq; caliginem agitantibus regem, quòve ipse periculo per id tempus volutaretur ignorans, aut spernens, satis Petro, satis populo factum putans, quod tumultuosè irruentibus, & verbis, factisque insultantibus pepercisset, gratiam indultæ pro infecta ignominia veniæ velle in Antonii utilitatem transferre, ac nihil ampliùs ideò curare de hominis missione apparebat. Ille inter hæc sermone arrogantior, & vultu, quod tanti scilicet ipsum, quanti regnum facere regem cognoverat; pro cuius causa jam illud in extremum propè discrimen adduxerat, obstinatiùs, procaciùsque in regia perseverabat. Hæc Petrus animadvertit, consiliòque amicorum adhibito, quærere cepit; quid factu opus esset cùm post tot omnium imperus, conatusque nihil de sua pertinacia rex, nihil de sua petulantia remittere vellet Antonius. Fuère inter eos, qui ibi Petro consulerent, ut eodem momento deposito rege, diadema, & imperium ipse repente occuparet, nimirum summam in ipso potentiam, fratris regis effractam, occasionem in promptu esse, ea si semel elaboraretur; denuo quæsitam non inveniri, aut in pejus mutari posse, utendùmque propterea secundo illo impetu populi dum res caleret, dum causa valida staret, dum populus studiis, & illa animorum unione flagraret; nisi populo insaniente, in pace regna mutari difficilè posse. Expalluit hoc audito sermone Petrus, mox verecundo rubore tinctus, ac specie indignantis eò se venisse respondit, res imperii compositum, non abreptum. Rei tamen exitus paulò post docuit ea oratione offensum, & graviter Petrum fuisse, quod temerè ausus aliquis esset ejus animi latebras atrectare, & cordis arcana introspicere non tali tempori, non tali confessui, fideique

fideique horum hominum committen-  
da; fluxa præterea, atque lubrica fore  
Petrus novi imperii fundamenta cense-  
bat, turbulente, ac fortuito, ut res eo  
tempore miscbatur, super aura versatili  
jacta populi. Ad hæc cursu ipso rerum,  
& hominum habitu tam prosperè eun-  
cta fluere, ut non inconstantia, ac levi-  
tate populi intrusus, sed consultò voca-  
tus, exoratusque paulò post esset Lusitani-  
anus imperaturus. Decretum igitur est.  
Antonio Soux, Emanuëlique Antunesio,  
quem ut Antonio in primis ami-  
cum, Regique pergratum idem apud  
omnes invidiæ premebat æstus, capita-  
libus minis imponi, ut Palatio statim, &  
urbe discederent, si præcepto obstitis-  
sent, arma confestim, & vim expediri.  
Hoc, ut convenerat, utrique denuncia-  
tur, qui postquam vident neque à Rege,  
neque ab amicis qui spontè, aut violentè  
alius post alium evaserant, neque  
aliundè contra vim, pestemque impen-  
dentem aliquid esse sibi præsidii, aut  
spem ullam effugii pari fortuna dejecti,  
atque animo fracti respondent tantum-  
modò orantes, ut latebras saltem no-  
ctis ipsorum fugæ Petrus permitteret,  
ne secus furentis in populi manus inci-  
derent. Quod justè postulant, impe-  
trant; inde Emanuël, Antoniùsque Re-  
ge inconsulto, nocte ipsa intempesta dif-  
fugunt.

Ubi illuxit, Regique statim innotuit,  
quod inscio, ac nolente se homines Pa-  
latio furtim elapsi essent, valde admira-  
tus, ac simul animo percitus, ingratos  
scilicet homines inimicorum formidine  
magis affectos fuisse, quàm regia gra-  
tia, recentique pro illis contentione  
cum tanta rerum turbatione suscepta,  
tanquam esset in aula novum metu per-  
celli magis, quàm gratia, orientemque  
potentiam colere, occidentem negli-  
gere, inquiri illos diligentissimè iussit.  
Atqui iussu Regis eo tempore infirma,  
& planè afflicta auctoritas erat, illisque  
fuga saluti fuit. Itaque Rex jam omni-

bus ejus amicis majoris spe partim lucri,  
vi partim abstractis, aliis spontè metu-  
que subductis ingentem circa se solitu-  
dinem, ut turbas adulatrices aliàs propi-  
tita fortuna trahit, in adversa fortuna  
mæstus aspicietur, nec, & paucorum,  
qui in illa amicorum fuga restiterant,  
odiosa gravisque minus, quàm solitu-  
do ipsa societas hominum Regi fiebat,  
quippe qui omnia dicta factaque ejus  
inspiebant, ac deterius interpretata  
vulgabant. Suspecta ei etiam erant  
Status Senatus consulta, ut palam, ac  
pervicaciùs jam cum Petro consentien-  
tis, nec ipsi alioquin auctoritas, mens,  
sive ratio Regi constabat, quibus alieni  
consilii loco ad obeundas curas publi-  
cas uteretur, quinimò assiduis, novis-  
que eo tempore offensionibus, ac mul-  
tiplici cura maximè perturbatus, & in  
tanto squalore, ac tristitia Rex consti-  
tutus nec regnare sciebat, nec vivere.  
Ingravefcebat quotidie hoc privatum,  
& publicum malum, & palam etiam  
fiebat quod æmuli Regis, ut ipsum im-  
perio minorem arguerent, ideòque fa-  
ciliùs meditata transigerent, graviora  
tunc illi extricanda regni negotia sub-  
jiciebant, quæ ut calumniæ, si rectè, er-  
rori, si malè deliberasset obnoxia, per-  
æquè timidus Rex præteribat. Itaque  
cum ita subditi Regis, & Rex illis, sibi-  
que ipsi magis diffideret Rex, contem-  
nebantur propterea leges, squalabant  
ipsa judicia, Aerarii, Statusque amplissi-  
mus ordo in negotiis, & causis expe-  
diendis hærebat, ac propè torpebat for-  
midine simul, & otio; sine clavo, sine  
rectore, vaga, atque incerta eos inter  
motus, æstusque civiles fluitabat quasi  
respublica, adeoque ex illa rerum pro-  
pè omnium confusione, ac tumultu fu-  
tura breviter timebatur extrema perni-  
cies, & clades imperii, ut regni, ac re-  
giminis abdicatio, quæ tot per insidias  
adversus Regem primùm intenta fue-  
rat, jam pro statu miserrimo rerum, quo  
jacebat respublica, etiam ab integris  
polceta

posceretur. In tanta imperii jactatione, justoque incusso bonis etiam hominibus metu, omnes ferè censebant à summo magistratu, augustisque regni Comitibus extremum, & fortius eoque labanti, inclinatóque regno subsidium petendum esse. Verùm hæc ut jure coirent regia opus erat auctoritate, quæ ea legitimè cogeret, nec flectere Alfonso ad ea convocanda, nisi difficile videbatur, in illo enim cum populi gratia, auctoritas, vires, opes alia post diffuerent, nec ita prostrato, atque afflicto reliquum misero Regi, nisi regni jactura foret, per eam mentionem Comitiorum in eripendi sibi denique regni suspicionem facillimè cecidisset, quia tamen ab ejusdem hominis pertinacia cum animi levitate, & judicii quoque inopia conjuncta quadam arte, defatigatione permulta, nonnulla per vim æmuli tandem extorsetant, ad Comiticia jure cogenda placuit utrumque arietate animum Regis incipete, ut quantum viribus possent reipublicæ non deessent, quàm Regis excidio tunc reparare necesse erat. Cameræ Ulisipponensis conventus de convocandis regni Comitibus primum ad Regem Jibellum supplicem dedit fusiùs in illo imperii calamitates, subditorum querelas, ætarii indigentiam exponens, & citò audiendos esse clientes, ut tot prementibus undique malis celerius, quod ita petebant, remedium adhiberetur. Intellexit statim Alfonso illorum hominum mentem, seseque per illos propriæ ruinæ artificem quæri, idcirco tergiversatione, atque mora, & fallacibus verbis postulatam eludere contendeat. Quæ cum homines percepissent, remque in se admodum impleatam, ac dubiam animo cernerent cohortati subinde per litteras sunt civitates primarias regni, ut eadem à Rege Comiticia publico nomine peterent.

Paucis elapsis diebus Status Sena-

tus, cui tunc Rex, Regina, & Petrus interfuere, consultus à Rege, ut illius duntaxat animum pertentaret, quid ipse censeret de regni Comitibus, pleno consensu, ac nulla prorsus refragante sententia respondit, esse protinus convocanda, ut imperio labanti quàm citò succurreretur. Caterùm in tam frequenti Senatu rara illa, & omninò suspecta suffragiorum concordia cum turbida esse ea videretur Regina, Petróque Ducibus conspiratio, res planè magis incitamento fuit, quo duriùs exinde Rex Comitibus cogendis adversaretur. Delusus idcirco Senatus die illa recessit. Rursus postridie Status Senatui coacto, ad quem Rex non accessit, Sandius Marchio præcipua inter collegas auctoritate scriptum exhibuit, in quo copiosè, ac vehementer exaggerabat amotem cultumque Regine, fratris observantiam, & studium à Rege debitum; si aliquando præterea dedignatus non esset Alfonso vulgares, extraneos, ac negotiis tam gravibus impares in tegiminis partem, arctioremque fiduciam reclamante quoque populo adscitos, cur ita nunc ipse abhorreret à sanguine, lege, natura sibi conjunctis, altiori quoque intellectu, & pari propè fastigio in eadem fortuna versantibus, iis nempe, ad quos propius damna, sive incrementa reipublicæ pertinebant? Postremò assetebat ejusdem Regis, laxitate, ac desidia fluere labique paulatim imperium, nec in tot circumfusus, & aliis quotidie emergentibus malis subvenire aliquo modo reipublicæ nisi regni Comiticia posse, atque idem libellus à Senatoribus cunctis subscriptus, & obsignatus statim ad Regem transmissus est. Rex eo perlecto, & Marchionis libertatem reprehendit, & graviùs dolore arsit, quòd subdole, ac falso modo quamdam imperii divisionem, & formam per ambages insolitam introducerent, qui & totum eidem per Comiticia surripere conaban-

conabantur. Assiduis propterea precibus sæpè in Regia, sæpè in Senatu pleno jactatis, aliis minis, aliis illecebris lacessitum, atque omnino lassatum, & tamen hucusque improbando Comititia constantem, & regidum fregit postremò necessitas Regem. Quippe universi Ulisopponis magistratus, & Regni Ordines palam, & acerrimè constrebebant Comititia publica conclamantes. Reiterata Status Senatus decreta non suo more consiliaria, supplicia, & ut alloqui Regem decebat, sensibus verecunda, sed imperiosa, minacia, & vaticiniis propè funesta ad regem deferrebantur. Præterea seu cubaret, seu deambulare, prandio, vel cœnæ, vel quieti aliquando vacaret Rex, in Regia, extra Regiam, & quocúmque illum negotiū, vel otii, vel voluptatis causa trahebat, ubique & frequenter submissi non deerant qui perpetuò imperandis super Comititiis aures ejus obtunderent. Ex urbibus etiam, & oppidis regni subornatos per viros ad res novas erectis, & concitatis litterarum quotidie fasces ad Regem perferebantur Comitiorum congressum urgentiam. Victrices Petri partes ita latè jam omnia obtinuerant, eoque devoluta res erat, ut non secus admittens, quàm onittens Comititia rex imperiū ipse amittendi utroque modo discrimen adiret; namque regni Comititia non æquitatem, & modum, sed figmenta fucosque ambitioni concinnatura callidè quærebantur, cui ex parte illi semel frustratæ, cùm tantum factio opposita prævaleret aliunde irrepere in regem, aut larvâ detractâ fortassis irrumpere licuisset. Itaque Rex aliàs falli, aliàs regi, aliàs cogi ejusdem levitate, ac socordia jam à principio assuetus, cùm hoc tempore & acrius malo accipiti premeretur sollicitæ, ac dubiæ mille mentis fluctibus obrutus, cùm inde exitum non invenisset, postremò succubuit, convocandisque regni Comi-

tiis trium mensium terminum posuit: quod etiam illorum cupidine longius cum hoc temporis intervallum novis jam rebus inhiantibus videretur, ex eo ad integrum mensem contractum est. Post quæ solus, ac tacitus Rex, quid expugnatus, quid invitus, quid amulis placiturus egisset, ægro secum reputans animo, & quod omnia ipsa cum secunda fortuna deseruissent, & omnia circa se hostilia, atque acerbissimè infesta cerneret, non modò sibi de imperio perdendo metuens, sed etiam de libertate, atque vita, quæ in æmulatorum sententia, & arbitrio per Comititia futura subinde fuissent, occultam idcirco fugam meditabatur. Hoc ergo animo regii stabuli equos aliquibus clam distribuerat, navigia, quæ in portu erant secretò parari jusserat, alia quoque opportuna fugæ Rex adornabat, eratque trepido, ac mæsto Regi consilium ad Translucanum, si fieri posset, provinciam trajicere, ibique implorare subsidium, & fidem immunium ab ea partium contagione clientium. Non sefellit profectò Petrum fuga, quæ furtim apparabatur; nam præter copias, & vires sedulitate quoque & industria vincebat Regem, circummissisque in loca aptiora custodiis facilè ipsam prævertit.

Inter hæc Lusitanie Procuratores ad indicta Comititia Ulisipponem conveniebant. Regina verò cui satis compertum erat, illorum auctoritate, ac sententia per jam pridem concocta consilia Regem impetio depositum iri, cùm formina pati minimè posset abjicere à se Regiæ splendorem, & fastum, aut cum inanis ludibrio tituli ruinæ Principis superesse, quando ne uxoris quidem voluptatis illecebras, aut prolem sperare ex illo infelici connubio poterat, excutere jugum his causis impulsâ constituit. Solita igitur sæpè sæpius voluptatis, & otii causâ ad Franciscanum quoddam Monialium cœnobium Regina



gina divertere, eò rursus certa die cùm venisset, paucis puellis dimissis in eodem cœnobio constitit, non Reginam, non nuptam, sed se Virginem esse dictitans, atque ad ea laxa abinflexa parumper fortuna, ne in tanta tempestate periret omninò, jactatam. Post hæc hujusmodi codicillos sua manu conscriptos ad Regem deferri curavit. *Patriam, cognatos, domum ego deserui, & opes meas alienavi, ut pro societatis jure, & officio mereri de te Rex optimè possem, sed quoniam, ne hoc mihi, ut optabam, liceret, fortuna disposuit, conscientia mea similis modò, asilique affluentium ab omni parte malorum, & metu, ne pejora fortè subirem, exagitata ad Galliam redire consilium. Rogo à te igitur, ut veniam petenti concedas, ac dotem mihi restituas, cùm id uni tibi pro certo liqueat, quod nostris inanibus nuptiis, nihil equidem ipsa tibi pro thalami jure debeam. Superest nunc, ut ita te mecum habeas, sicut magnanimum Regem decet pro Principe externa, fida olim socia, tuo imperio satis addita, nunc à fortuna projecta, & rebus omnibus destituta.* Hos codicillos postquam solvit, legitque rex re improvisa valde concussus paulisper attonitus, ac stupido similis colore etiam exanguis, ac tacitus hæsit; irà deinde statim refluente cum sanguine effusa, primòque illo impetu actus properare ad cœnobium cepit, reluctantem quoque Reginam per vim inde, per arma, si alià viâ non liceret, quomodocunque abstrahiturus. Præviderat Petrus jam consilii reginæ præsciis, quantam iratum volvere molem ignominie, ac doloris simul infixus aculeus in animo regio, eoque ad irà præcipiti valuisset ea res improvisa, quæ, & sensus, & rationes regis tempore iniquo labefactabat, néve furentis regis insania fortè violari fœmina posset, consilia, virisque prævenerat. Ubi ergo rescivit Petrus ardere, ac furere Alonsum, iraque provectum, & concitatum ruere ad cœnobium, ut

reginam abriperet, ipse tum viris nobilibus comitatus, multisque rei summa, casuve per iter adjectis ad cœnobium se contulit. Ibi Regem clausas jam fores cum strepitu, ac turba dejicere molientem minis cum precibus mistis, & incussa quoque formidine avertit, & quanquam frementem, & magnos irarum agentem æstus, rursus tamen delusum, & inanem ad Regiam redire compulit. Cæterum tam multa inter vulnera, & validos ictus, quos nimis in Regem Alonsum irata fortuna contorsit; nullus quidem hoc fortior, qui manu Reginæ cecidit, eundem afflixit, genitalem quippe defectum ejus adhuc vulgi rumoribus agitatam, nec satis omninò compertum palam omnibus ratum, ac certum Reginæ dissociatio, & causa fugæ, ejusque ex composito circumlata passim epistola fecerat; ingenii siquidem imminuti, & morum insuper vitio nec Rex esse scire videbatur Alonsus, nec Regem etiam imperio per sobolem dare vitio naturæ posse. Regina postea quam sedem suam in illo cœnobio, donec aliud de se decerneret, absque ulla alia molestia fixit, Petri colloquium petiit, & secretò cum illo habuit, in quo palam tractasse fertur de reditu ejus in Galliam; suspicio tamen, & vulgatus ubique rumor, nec vana de causa prolatus increbuit, clam inter eos facta verba de incundo simul conjugio, quando illud cum Rege contractum lege esse irritum, patuisset. Statim enim Regina post Petri colloquium litem de matrimonii rescissione apud Ecclesiæ Iudices, nec Rege ipso dissentiente, inchoavit. Mox regni Proceres convocavit, eosque simul admonuit quibus impulsæ causæ secessionem à Rege statuerit, ac verecundè poposcit sicut humanitatis in viro nobili officium, & miserationis in homine quoque viscera requirebant, ut juvarent mulierem periclitantem, subvenirent egenti, & in solo alieno fœminæ Principi



ei constituta, atque inter fortunæ fluctus patriæ portum respicienti. Nuntium postremo misit in Galliam, quæ, quaque ipsa ratione gessisset, ut Gallo regi, & consanguineis Principibus declararet.

Rex Alfonso interea hoc extremo Regine casu animo, & copiis maximè afflictus, cum alia super aliam continuè ipsum calamitas premeret, curis mordacibus undique ictum, ac lacerum animum in diversa spargebat. Ità ipse ardebat, ultionisque cupidine in Reginam, & fratrem ut sibi perspectos auctores malorum omnium, sed ardorem, impetumque vindictæ pavor ex unione, partiumque potentia, qua regna, Petrusque subnixi tunc impunè agitant, incussus frangebat. Ità porro hinc rabie incitatus, hinc formidine pressus Alfonso, qua se ratione absque nova injuria extricare, quove tandem evadere ex tot difficultatibus posset omnino æstuabat. Urgebat etiam ipsum ambitio ingens tenendi regni, at aderat jam satis quoque cognita sibi sustinendarum imbecillitas rerum, & quædam animi desperatio, quod sibi etiam ipse inæqualis, & impar tanto pondèri videretur; & esset, neque eo per alium imminui, aut quoquo pacto levare per amulos cogeretur, quasi lege optionis ab inimicis constrictus esset, ut solus ipse imperaret, aut imperium dimitteret: ergo cedendum imperio, se scque amulorum submittendum arbitrio, serviendū esse denique regi, & diadema, regale solium, sceptrumque quæ venerationis paulo ante cultusque maximi fuerant, ludibrii instrumenta fore, & propediem servilia alimenta à suis se inimicis, & jure subditis oraturum, quando vita, quæ in dubio etiam erat, superstes afflicto fore. Hic ita pugnantium, & inter se dissidentium variorum affectuum tumultus, unde in animi cruciatum intinxit furia, faciesque deflexe-

bant, tantam regio animo, immanitatem, tantum quasi stuporem corpori invexerat, ut cum nec vultu, nec dictis, nec actione planè constaret, imperio prorsus inhabilem esse Regem magis quotidie, magisque hominibus innotesceret. Ea propter frequenti Status Senatu, primariisque collectis magistratibus urbis, auferre jam omnibus tertis imperium Alfonso regi, qua ratione mitius hoc fieri, aut minus, asperè posset eo tempore tantum agitabatur. Petrus enim tanquam à regni curis, & gubernaculo averfus, seu altiora ipse tacite volvens, scilicet, bene, ut nonnulli, vel secus conjecerant, ut ereptum Alfonso diadematis ornamentum cum clavi cura conjungeret, fortè, aut consilio jecerat, durè sibi, & iniquè provisorum iri, si regiminis ipse curis, & laboribus jactaretur, dum ejus frater Alfonso in umbra, atque otio regis honoribus clarisque titulis eniteret. Res porro cum sollicitius, ut rei gravitas postulabat à consiliariis excuteretur; fuere, qui dicerent, utrique fratri pariter esse regni regimen subeundum, ita ut, pence Regem ostentano quædam, ac regiminis pompa foret, rationem, onus, & vim imperandi Petrus assumeret, exemplo recenti ex Castelmeliorio Comite ducto, quem solo nisi nomine, atque inutili specie, de reliquo Regem, egisse viderant. Hæc tamen ut asperior opinionione, tractatūque difficilis multis, & jure sententia displicuit. Non enim inter Castelmeliorium, & regem, qui unanimis, penitusque concordis imperitaverant, ob discrimen conditionis, ac regiminis ordinem ea interesse poterat æmulatio, quæ perpetua inter fratres, nunc verò ex eventis recentibus trucior, si in dominium fortè coirer, penè imperium discerpere valuisset, alius quippè dominus fuerat, alieni alius domini vicarius, & ad nutum Principum movendus; at dominationis ex æquo

participem neminem unquam fuisse, nec Lusitania regnum orbis quanquam terrarum latitudinem implevisset, duorum imperia passurum unquam fuisse. Illa igitur in Senatu sententia recepta est, quâ ablata procius Alfonso gubernacula regni statim ad Petrum transmittentur; si huic decreto oblectaretur Alfonso, nec preces, nec minæ, nec utilia argumenta valerent subigere resistentem, tum ille ne dum imperio, sed libertate caderet. Hoc ipsum deinde curarent, ut regni Comitia de more sancitum vellent, ad quæ discutere quoque spectabat, an una cum regni gubernatione per id temporis expediret abjicere etiam Alfonso insignia, noménque regium, quæ fratris spolia Petrus indueret, & an etiam conduceret, spontè cedentem imperio cum libertate Regem relinquere. Hæc magno consensu cum in Senatu decreta essent, primâ luce Senatores ad Regem pergunt trîste hoc Senatus consultum regi denunciaturum, aberat eo tempore Petrus, ne ejus aspectu defonnior rara illa scena pateret, nè rex eo viso irritator, iracundiæ, ac vindictæ plusquam temporibus indulgeret, progressusque Marchio Cascaſius, cujus vigorem animi non exacta jam ætas, non fracta valetudo minuerat, quid rex ageret, sciscitatur, regis tunc referentibus famulis, serò illa nocte cubitum secessisse, jamque sopitum jacere Regem, indignatus, vultuque ferox subdidit Marchio, ut dormientem protinus excitarent, quod verecundia ruentis licet eo tempore majestatis cum efficere famuli averſarentur, comminari, strepere ille, cedere ostium tam fortiter inſtitit, donec Rex, sopore discusso, introduci Senatum jussit. Tunc alta voce Cascaſius, *Incurre tu, inquit, delictis ſomnôque torpes, dum regni ruina te, nos, & per te simul oppreſſura minatur. Proinde cum neque imperio, neque ſobolis capax ſis, omnis quod*

*tua, ut videtur, exuperat vires in fratrem libenter exonerat, ne Rege regnum orbetur, ne hærede familia regia, nève quod ultra noluieris, conſeſtim invitum ſubire cogaris.* Idem cæteri Senatores, ſæmitionibus verbis explicuere, Concilii præſertim acta notantes. Ad ea Rex ore confuſus, pectore anxius, multaque ſigna perturbationis oſtendens, legitimum ſe Regem eſſe; reſpondit, atque in illam injuriam ſuarumque rerum calamitatem livore, & invidia, & calumniis æmulorum conjeſtum, porro extremum uſque ad anhelitum, quocumque interjeſto periculo, aut metu, ſpontè ſe regnum non dimiſſurum, ſi cogere vellent de raptò adverſus illos imperio, dæque impiè interveſto diademate ſibi ad illud Tribunal provocaturum, quod ſupra Reges, & homines eſſet. Ita fruſtratus eo primo conſilio Senatus ad vim deinde inferendam converſus eſt. Cujus agendæ rei modus, & ratio ad ſolidam ſerè noctem in ædibus Petri variis ſententiis extracta eſt, formidine ſcilicet populi, qui ut prius per errorem, partiumque artificia ſublatus conſpiraverat contra Regem, ipſi nempe, ipſi ſtultè prodeſſe ratus, dum ab ejuſdem latere Regis, favore, plauſuque tumultuans pravos miniſtros abriperet, nunc perſona cum ipſa Regis appeteretur, meritò timebatur, ne colore deterſo utpotè in Regem natura proclivior planè rem conturbaret. Igitur poſt multam ſuffragiorum contentionem, & varietatem aliorum audacia, aliorum cauſione, metuque rem, diſtrahentium ea tandem ſententia ſteit, ut etiam invitus exutus imperio cuſtodix Rex traderetur, utque res ardua, imprimiſque odioſa popularis in ſpeſem, aut lenior ſaltem meliorum oſtentatione conſenſus, atque aura ſuperaddita populi fieret, ad eam exequendam pergeret ipſe Petrus univerſis Uliſſipponis, regni-que magiſtratibus communitus, ſimul nobilibus

nobilibus viris, præsertim qui virtute, & canitie, & probitate morum vulgò spectabiles essent, ea prætereà populi pars vocaretur, quæ facilius, flexibilis videbatur partiùmque studiis obnoxia, nec foras tam citò manaret custodia imposita Regi, sed vario, atque incerto sparso passim rumore tandiù apud plebem eluderetur, donec mirationis, anticipitque militiæ causas ratio, vel tempus quod omnia vincit, attereret. Industria seu dolo tandem, aur gravioribus minis subscriptis codicillis à Rege subduceretur, quo satis pateret, non vi ablatum, sed Petro sua spontè concessum Regem imperium deposuisse.

His rebus ita consultis, & pro sententia paratis, cum primùm illuxit, Petrus ingenti hominum multitudine constipatus ad Regiam se contulit. Ibi Regem adhuc cubantem custodia militum sepsit, inde januas unde aditus erat ad sedem Regis diligenter occlusit, missus postremò, qui amissæ libertatis sententiam à regni ordinibus latam indiceret Regi, & tunc ille ipse modò minitans, modò exhortans, preces interdum illecebris miscens, inferendæque si plus obstitisset, extremæ protinus vis terrores ante oculos fundens à consternato jam Rege, & fœda, atque turpia, ac miserrima quæque timenri rescriptum hujusmodi extorsit, quod statim vulgatum est. *Lusitania urgentibus malis, Statutus Senatus consulto, uliro Regem Alfonso constituisse à se rejectam in Petrum fratrem imperii administrationem transferre ejusque legitimos successores, sibi verò suisque alimentis ex regni copiis seposita præscripsisse in singulos annos solvenda nummum trecenta millia, simulque jura, et proventus Bregantia domus, acitumque dominiū completerentur.* Ita in custodiam Regem conjecto, regni fubinde Comiticia ejusdem Regis auctoritate coacta Ulißipponè sunt instituta. Vehementi, acrique contentione hinc agitata res est

de libertate, de regni regimine Regi erepto, & utrum fas esset in Petri verba jurare tanquam Principis, Gubernatoris, regnique cum tempore hæredis, an etiam diadema cum regiminis ministerio Alfonso Regi sublatum Petro tribuere, & quidem prona, ac facilia sese præstiteret Comiticia ad reliqua Petro, quæ ad futuri spes regni, aut exactam, & integram pertinerent formam regiminis, relaxanda, duriora verò in usurpandæ Coronæ articulo, satis enim reipublicæ causæ provisum Lusitani Procuratores existimabant, cum ille cujus errore, atque inscitia sive animi pravitate adhuc fluctibus laborasse respublica visa erat, jam detrusus à gubernaculo esset. Cætera nonnullorum ambitione potius, ac desiderio rerum novarum, quàm jure, sive rerum necessitate cõgendi, quosque iræ, acque odia, partiùmque incitamenta in Regem nuper accenderant, jam tetigerat misératio tandem afflicti, & per ludibria irrisionésque fortunæ omninò deformis conspecti Regis. Atqui alienum se verbis Petrus à superbo titulo Regis, calculorum quamvis hoc forti, & arbitrio commiserit, ostendebat. Regina verò, quæ ob expectarum cum Petro connubium, nihil unquam ipsa detrudere de nominis vanitate, consuetòque splendore, fastuque regio volebat, & quæ minus, ut mulier sciebat desideria contrahere, aut occulere, studiosius, ac ferè palam apud regni Procuratores rem intendebat. Qui nihilominus staxerunt, ut omnia imperii subsidia, ornamenta, atque jura præterquam regiones fascès, ac nomen lege Comitiorum sibi Petrus assumeret, nec vulnèri vulnus, cum opus non esset, in miserabilem maximè regem adjiceretur. Nonnihil etiam difficultatis miserationis præcipuè tactis aculeo Comitiorum auctoribus incidit de libertate scilicet Regis sive custodia, cum aulæ quidem rerumque imperiti sibi temerè pet-

suassissent, fore, ut solutus liberque Rex tranquillior imperii quo ipse dejectus esset, possessionem æmulor fratri relinqueret, nec multò plus turbulentas ubique tempestates, atque procellas, sedulò nisi Rex premeretur, ex pertinaciùs illico arsuris fratrum discordiis existimarent, esse clientibus subeundas. Melior propterea, majorque pars, cum miserationem utilitas vinceret in illo convenit, ut perpetuæ custodiæ Alfonsoz transiret. Post hæc, quod adhuc Reginam regi alligaverat canonico jure matrimonio dirempto, ea ipsa Regina Status Senatus, Ordinùmque consensu Petro Principi nupsit, simul vulgaris, ut ea turpitudinis nota mulieris nempe à superstitie fratre ad alium fratrem nuptiarum mutatione delapsæ penitus deleteretur, Clementis subinde Pontificis Noni diploma pro honestate publica accessit. Rex longo post intervallo ut custodia palam adstricti deformenimis spectaculum Regis aulæ, reg-

nique oculis, rerumque novarum ex eo materies, & fomes subduceretur ad insulas Tertias translatus est. Iude cum Ulisipponem, & passim in regno vulgatum esset æruinis, atque animi angore penè confectum Regem in quodam Orbis secessu miseram vitam ducere, & populi quoque pietas hujusmodi nunciis, quæ repetebant, tum vitio, tum artibus acutis gravissimè lacerata in furorem quandoque eruptura prudentibus videretur, simul Regina Angla ejus sorore annitente Rex Petri jussu in Lusitaniam reductus est, ubi nunc propè Ulisipponem degit in eleganter exulto, situsque deliciis amœno loco, sed attentissimè custoditus. Huc tandem perduxit Lusitanæ Regem Alfonso inopia judicii, sobolisque defectus, quæ imperii præhabendi fratri prætextus, causæque plurimas intulerunt, acriorèsque fraternæ ambitioni, ac discordiæ jam cum Orbis initio natæ propagatæque stimulos excitarunt.

FINIS.






# INDEX RERUM.

Numerus Paginam denotat , litteræ a , b ,  
primam vel secundam Columnam.

## A

 I AMONTII Marchio per-  
duellionis supplicium  
dat. **108. a**

Alexander Corraera, multas  
equitum Lusitanorum turbas fu-  
gat. **349. b**

Alexander Farnesius externi equitatus  
magister. **390. a**

Valentiam interciperet tentat. **408. a**

Alfonſus, Henrici Lotaringii filius, ob  
devictos Mauros, Portugallie Rex  
proclamatur. **3. b**

Alfonſus Joannis Bregantii, maximus  
natu filius, Lusitanie regno succe-  
dit. **232. b**

A matris tutela avellitur. **349. a**

Ejus vita, instituta & mores. **444**

stolida virtutis ostentatione bis in

mortis discrimen se implicat. **451. b.**

**451. b.**

Per Status Senatum monitus, vitia,  
non mores mutat. **455. seq.**

Marchionem Fontanum ad interi-  
tum quatit. **482. a**

Ejus licarii impetum faciunt in Co-  
nitem Encerenſem. **ibid. b**

Religionem in ludibriū vertit. **483. a**

Inter ipsum & fratrem **diffidia. 495. b.**

& seqq.

Exutus imperio custodiz traditur.  
**536.**

Ex insulis Tertis reiectus propè Uli-  
ſſipponem degit. **ibid.**

Alfonſus Melus, Castellenses milites  
turpiter exercet. **127. a**

Anglie Legatus Galli, Hispanique au-  
xilia, pro reducendo suo Rege im-  
plorat. **290. b**

Anglie Rex Catharinam Portugalliam  
uxorem ducit. **344. b**

Pacis Castellæ cum Lusitania inter-  
ventor. **442. b**

Anna Guevara Olivarii tyrannidem  
Regi Catholico exponit. **164. a**

Antistes Uliſſipponensis in processio-  
ne solemnī, vero aut ficto miraculo  
plebem movet. **33. b**

Regni administrationem accipit, us-  
que ad Bregantii accessum. **36. b**

Primum suscepi muneris faci-  
nus. **37. b**

Aloisia Gusmana virum ad regni rapi-  
nam impellit. **21. a**

Mortuo viro, regni tutelam susci-  
pit. **253. a**

Fœdus cum Gallis, & Anglis ſan-  
cit. **268. b**

Inter ipsam & filium, acres oriuntur  
contentiones. **459. a**

Alfonſo Petrum natu minorem op-  
ponit. **460. a**

Simulat se regni regimine abdicare  
velle. **461. b**

Quā industriā illud sibi propagare  
studet, eā ipsā sibi abrogandum ac-  
celerat. **466. b**

Imperium tandem dimittere cogi-  
tur. **474. b**

Jussu Regis ab aula discedit. **480. b**

Ejus mors, & animi dotes. **493. a**

Anronii Almadæ ad Bregantium Ora-  
tio. **19. b**

# Index Rerum.

Antonii Barbarini Cardinalis dolus, ut  
Legatus Lusitanus ad Curiam Ro-  
manam accedat. 123. a  
Antonius Conrius subdole captat Al-  
fonsi Regis benevolentiam. 446. a  
Ordinis militatis insignia à rege im-  
petrat. 458. b  
partes & factiones in aula fovet.  
459. a. & seq.  
Senatus decreto, ipse & clientes ad  
Brasiliam exules ejciuntur. 463.  
& seq.  
Ulissipponem revocatus in fines reg-  
ni expellitur. 486. a  
Antonius Portugallius, unus ex regni  
Lusitani competitoribus, à Philip-  
po II. vincitur. 4. b  
Antonii Silvæ fides in regem Catholi-  
cum. 32. b  
Antonius Sousa sufficitur Castelmeho-  
rio. 521. a  
Procaciter versatur in aula. 522. b  
Unde diffugit cum Emanuele Ance-  
nufio. 527. a  
Antonius Tellus Menefeus classem In-  
dicam, quam à Philippo moderan-  
dam susceperat, in eundem hostiliter  
insumpfit. 72. b  
Averensis Dux, classi adversus Lusita-  
nos præficitur, 348. b

## B.

**B** Althassar Hispaniarum Princeps,  
artibus Olivarii malè educatus.  
168. a  
Bellum Lusitanum elanguescit. 142. a  
Belvasii Spinulæ Oratio, pro redinte-  
grando in Lusitania bello. 147. a  
Bracensis Decani Vasconcelli fratris,  
domus diripitur. 30. a  
Bregantie Dux à Richelio sollicitatur,  
ad suscipiendum avitum regnum.  
pag. 8. b.  
Ab Elvensi antistite ejus animus ex-  
pugnatur. 21. b  
Rex salutarur. 38. b  
Ulissipponem ingreditur, & Coro-  
nam suscipit. 39. a

Tributa quæ post Philippi II. mor-  
tem introducta fuerant, delet. 59. b  
Civium pecunias, & opes censet,  
pag. 78. b.  
Ultimum diem obit. 252. a  
Ejus mores. ibid.

## C.

**C** Analia pugna. 374. & seq.  
Campomajoris dolo tentatur ab  
Hispanis, receptio. 129. a  
Carazenæ Marchio. 301. a  
Sufficitur Joanni Austriaco contra  
Lusitanos. 403. b  
Ferro incendiòque omnia vastanda  
censet. 404. a  
Ejus ad primores Ducum oratio,  
p. 408. b.  
Villaviciosa caput. 413. a  
Carolus Padillia in Philippum IV. con-  
jurat. 237. & seq.  
Conjurationis series. 240. b  
Curo sociis in vincula compingitur,  
p. 245. b.  
Animo interritus jugulatur. 247. a  
Castelmeliorii Comes Salvaterram fur-  
tim invadit. 189. b  
Castelmeliorius Comes, Contio deje-  
cto Alfonsi gratiam invadit. 466. b.  
& seq.  
Ipse, & Comes Autogiz, Cæsarque  
Menefeus, triumviratus similitudi-  
nem constituunt. 472. a  
Regis tandem, regni que unicus mo-  
derator remanet. 473. b  
Primarios regni exilio multat. 474. b  
Aloisiz opprimendæ consilium or-  
ditur. 475. b  
In Petrum Principem, veneni crimen  
ei imponitur. 507. a  
Expellitur à Regia. 518. a  
Castrilii Comes armorum imperium  
Joanni Austriaco denegandum pu-  
tat. 302. a  
Catalaunia deficit à Rege Catholico.  
pag. 7.  
Defectionis causæ. ibid.  
Catharina Medicea Lusitaniz regnum  
ambit, & quo jure. 4. a  
Catharina

# Index Rerum.

Catharina Portugallia Anglorum regi  
nubit. 314. b

Catholicae aulae motus cum descivit Lu-  
sitania. 48. a

Ea de re Philippus IV. Senatum con-  
sulturus accersit. ibid.

Christophorus Britius Villavitiolae Gu-  
bernator. 409. b

Urbe capta fugit ad arcem. 413. b

Cujus obsidio solvitur. 420. b

Cometes Regis Catholici mortem prae-  
nunciat. 422. a

Comitia coguntur Ulissipone in sum-  
ma rerum Confusione. 537. b

Conflictus ad Ierusalem, in quo Castel-  
lensis primo impetu obrutus, postea  
concidit hostem. 388. a

## D.

**D**idacus Cavallerus magister e-  
quitum in Austriaci exercitu.  
pag. 308. b.

Elvum furtim captum missus,  
expectatione delusus revertitur.  
p. 382. a.

Didacus Correa cum quingentis equi-  
tibus à Lusitanis sternitur. 407. a

Didacus Suarius regis Catholici in Lu-  
sitania minister. 8. a

## E.

**E**Boae descriptio. 353. a

Emanuel Carafa, ob dicendi li-  
bertatem, in vincula conjicitur.  
p. 314. a

Emanuel Lovatus Pintus Jurumeniae  
Praeses. 323. a

Exortum in urbe tumultum pruden-  
ter extinguit. 329. b

Emanuel Saldanius, quod pro viribus  
Olivensem non deffendisset, perpe-  
tuo exilio multatur. 267. a

Elvensis Antistitis oratio in Comitibus  
Ulissipone habitis. 59. a

## F.

**F**abritius Rosseus Valentiae Alcan-  
taræ Gubernator. 323. b

Ferdinandus Tellus Elcam capit.  
p. 133. a.

irrito conatu S. Martini oppidum  
obsidet. 734. & seq.

Elcam urit, & arcem excindit.  
p. 137. a.

Fortuitus casus conjunctionem de re-  
gno Lusitano occupando penè di-  
ficiit. 26. a

Francisci Carneti Centurionis Lusitani  
interrita audacia. 414. a

Franciscus Farus Odemiræ Comes,  
educationi Alfonso regis praeficitur.  
p. 445. b.

Franciscus Luzena Bregantii admini-  
ster. 176. a

Tenduntur ei ab Olivario insidiae.  
ibid.

Insans extremo tollitur supplicio.  
p. 179. b.

Franciscus Rabellus in Valverdensi ob-  
sidione occumbit. 114. a

Franciscus Sancius secretum conju-  
rationis in Regem Catholicum, de-  
tegit. 100. a

Franciscus Tuttavilla Sangermanen-  
sis Dux Castellensi exercitu praef-  
est. 253. b

Milites contra Olivensem ducit;  
p. 260. b.

Quæ ei honestis conditionibus de-  
ditur. 266. a

Sub Austriaco, armorum Guber-  
nator secundo loco renunciat.  
p. 308. b.

Aulam petit, discussurus calum-  
nias ei ob cladem Canaliæ affic-  
tas. 389. a

Militiae munere devolutus arma in  
Lusitaniam resumere vetatur. 390. a

## G.

**G**aspas Arus Castrilii Comitibus filius  
moritur. 420. a

Georgii Meli audax facinus. 26. b

Granensis Matchio contra Olivarium  
insurgit. 159. a

# Index Rerum.

**H**

**H**enricus Lotaringius Lusitaniam  
restituit. 3. a  
Uxorem ducit Theresiam Castellæ  
regis filiam. ibid.  
Henricus Cardinalis Sebastiano succe-  
dit. 3. b  
Ætate & curis confectus extingui-  
tur. 4. a  
Henricus Miranda propriis manibus vi-  
tam sibi aurire tentat. 5. 2. a  
Hispanos inter, & Italos milites, de or-  
dine, & loco dissidium. 3. 1. a. seq.  
dirimitur per regem Catholicum.  
3. 1. 4. a.  
Hollandi Lusitanas opes apud Indos  
evertere intendunt. 6. 5. a  
Hollandorum perfidia. 7. 5. a

**I**

**I**ncendium oppidi Arronciæ. 3. 8. 2. b  
Joannes Austriacus Catholici Regis  
filius nothus. 3. 0. 1. a  
Armorum imperium adversus Lusi-  
tanos suscipit. 3. 0. 8. b  
Origuelam repente invadit. 3. 0. 9. a  
Arroncium capit. ibid. b  
Alconcellum recuperat. 3. 1. 1. a  
Funditus Villabum diruit. 3. 1. 8. b  
Morbum incendit. 3. 1. 2. a  
Jurumeniam obsidet. 3. 2. 3. seq.  
Capit. 3. 4. 0.  
Aveitum recipit, & ad terrorem solo  
æquat. 3. 4. 1. a  
Monfortis ei deditur. ibid. b.  
Cratrum excindit, sclopisq; Guber-  
natorem transverberari jubet. 3. 4. 2. a  
Oguelæ honestas condiciones tri-  
buit. 3. 4. 5.  
Ei pro suo arbitrio bellum gerere  
permittitur. 3. 4. 8. b  
Eboram obsidet. 3. 5. 3. b  
Circumjacentia municipia ad dedi-  
tionem compellit. 3. 5. 4. a  
Ipsam quoque Urbem capit. 3. 5. 8. a  
Ad Odigebenſe flumen infeliciter  
pugnat. 3. 7. 0. a  
planè vincitur in Canalia pugna. 3. 7. 4.  
Aulicorū adversus eū quærelæ. 3. 8. 3. a

Erauctoratus Confectam fecedit.  
Ad ultimos patris amplexus non ad-  
mittitur. 4. 1. 6. b  
Ei provincie Belgicæ præfectura de-  
mandatur. 4. 4. 0. b

Joannes Ciumazerus, Romæ Orator re-  
gis Catholici, Lusitani conatibus it  
obviat. 1. 1. 5. b

Joannes Cueva victus avaritia, Julia-  
nam arcem Bregantio addicit. 4. 1. b

Joannes Garaius frustra in Olivençam  
impetum facit. 8. 5. b. & seq.  
Succedit Montregio in armorum  
præfectura. 1. 1. 2. a

Joannes Mendus Vasconcellus Badajo-  
cium obsidet. 2. 6. 9.

Obsidionem solvit. 2. 8. 4. b

Joannes Padillia Vercellensis civitatis  
præfectus. 2. 4. 2. b

Dum vinētus in Hispaniam mittitur  
voluntaria cibi abstinentia, motem  
sibi accelerat. 2. 5. 0. b

Joannes Pintus, Lusitanorum mentes in  
favorem Bregantiæ explorat. 9. a

Eo duce, imperii occupandi tempus  
& ordo statuitur. 2. 3. a

Isabella Borbonia acres cum Olivario  
contentiones gerit. 1. 3. 8. b

Urget regis in Aragoniam profes-  
tionem. 1. 4. 1. b

Ejus instinctu Castrilius regi mala  
reipublicæ dereggit. 1. 5. 6. a

Juliana arx intercipitur à Bregatio. 3. 4. b

Jurumeniz descriptio. 3. 2. 2. b

Obsidio. 3. 2. 3.

Deditio. 3. 4. 0. a

**L**

**L**ameci Antistes apud Urbanum  
VIII. pro Bregantio Legatus. 1. 4. b

Laurentianus Comes Barcarotæ arcem  
petit. 2. 5. 3. a

Suis ipse capitur insidiis. ibid.

Ad Badajocium fusus, ab urbis ob-  
sidione deterritur. 2. 6. 4. a

Irrito conatu Valentiam aggreditur.  
ibidem.

Leganesius armorum Præfectus adver-  
sus Lusitaniam. 2. 1. 6

Propugna



# Index Rerum.

Propugnaculum, pontémque inteq  
Elvum & Olivençam expugnat, &  
excindit. 171. a  
Lusitanos cædit & fugat. ibid.  
Capit & diripit Villavitiolam. 178. b  
Albuquerqueium fugat. 179. a  
Ad Caralauniam cum armorum præ-  
fectura transfertur. ibid.  
Legiones quæ Mediolani versabantur,  
in Castellam transvehuntur. 148. b  
Locustarum prodigio prænunciatur Lu-  
sirani imperii conversio. 11. a  
Ludovicus Almeida Tingi Guberna-  
tor, Regis Catholici averfatur pro-  
missa. 315. a  
Ludovicus Arus cladium quas Hispa-  
niæ Olivarii insolentia attulerat, re-  
staurator dici cupit. 252. b  
belli expeditionem suscipere cogi-  
tur. 281. b  
Badajocium ab obsidione liberat.  
p. 184. b.  
Villabuim diripit. 186. a  
Elvum obsidet. 287. a  
Cæduntur à Lusitanis ejus copix.  
191. & 292.  
Victus licet eundem in regis gratia  
locum retinet. 293. a  
Pacem cum Gallo studiosè tractat.  
p. 288. 3.  
Apud Irunem cum Mazarino Car-  
dinali convenit. 296. b  
Ludovicus Lancastrus Lusitanos fugat.  
p. 128. b.  
Ludovicus Meneſeus Cantagnedæ Co-  
mes, Lusitani exercitus Dux. 317. a  
Jurumenix obſeſſe suppetias ferre  
tentat. 335. a  
Urbis tuendæ spes amissa discedit.  
p. 336. 1.  
Revocatur ab Alfonso rege. 349. a  
domus ejus diripitur à populo. 361. b  
Valentiam Alcantaræ obsidet. 392. a  
Et in possessionem Bregantii tradu-  
cit. 397. b  
Carazenenſi adventus sui certitudi-  
nem denunciat. 415. a  
Castellenses proſſigat in planitie Mon-

tiscari. 416. & seq.  
Ludovicus Mesehita Eboræ Guberna-  
tor. 331. b  
Ejus jussa recipere detrectant duces.  
ibidem.  
Ludovicus de Souſa, electus Portus An-  
tiſtes conſilio dedendi Eboram Au-  
ſtriaco perrinaciter reſiſtit. 356. b  
Salibus pungitur ab Auſtriaco. 358. a  
Lusitanix deſcriptio. 2  
Lusitani imperii mutationis varix cau-  
ſæ. 7. a  
Lusitanorum affectus erga Bregantium.  
pag. 13. a  
Lusitanix deſectio reliquas regiones  
anriquæ ſuz ditionis attrahit. 55. b  
Lusitanos inter, & Hollandos amicitia  
initur. 63. a  
Lusitani complures nobiles in fide Re-  
gis Catholici perſiſtunt. 68. a  
M.

M Argarita Sabauda Luſitaniam ad-  
miniſtrat. 7. b  
Ejus conſtantia in mutatione im-  
perii. 30. b  
Extra urbem ad cœnobium trans-  
fertur. 41. a  
Variis afflicta æumnis inſtigante  
Franciſco Luzena. 45. a  
In Castellam redit. 110. b  
A colloquio regis arcetur per Oliva-  
rium. 111  
Exremæ ruinx Olivarii miniſtra.  
p. 152. a  
Maria Thereſia Gallorum regi nubit.  
p. 299. b. 299. b  
Lutetiam Pariſiorum regio apparatus  
evehitur. 301. a  
Marſinus Comes curam armorum  
ſubir. 401. b  
Arroncium ſolo æquat. ibid.  
Mathias Albuquerque Alconcellum  
invadit. 185. & ſeq.  
Villanovam capit. 186. a  
Albuquerqueium oppidum fruſtrà ob-  
ſidet. 195. a  
Monticium vaſtat. 201. a  
Mazarinus Cardinalis pacis negotia  
cum

# Index Rerum.

cum Aro tractat. 290.b  
 Medinæ Turrianæ Ducis in Status Se-  
 naru pro Ioanne Austriaco oratio.  
 p. 253.b.  
 Ejus suffragio commendantur arma  
 Austriaco. 305.b  
 favet Reginæ consilio pro imponen-  
 do fine bello Lusitano. 437.a  
 Ejus super hac re oratio in Status Se-  
 natu. 482.a  
 Michaëlis Vasconcelli regii in Lusitania  
 ministri, ambitio & avaritia. 8.a  
 In armario latens ab Antonio Soten-  
 lio confoditur. 29.a  
 Ejus virtutes & vitia. ibid.  
 Molingenius Lusitanas copias fudit.  
 202. & seq.  
 Caput Santalexium.  
 Franciscum Melum superat. 206.b.  
 & seq.  
 Monregii Comes Regis Catholici exer-  
 citui præficitur. 79.a  
 Ejus ignaviâ Elvi recipiendi occasio  
 elapsa. 81.a  
 Monroius infausto successu Iurume-  
 niam aggreditur. 117.b  
 Montisclari pugna in qua victor Lusi-  
 tanus. 416. & seq.  
 Mortaræ Marchio. 301.a  
 Mulieres Ulisipponenses ad ærarium  
 exhaustum locupletandum ultrò  
 monilia offerunt. 44.b  
 Mulierum quarundam animus & vir-  
 tus. 137.b

## N.

**N** Assaus Comes Angolam diripit.  
 p. 65.b.  
 Urbem D. Thomæ flammis absum-  
 mit. 66.a  
 Nemurtia princeps Alfonso Lusitanæ  
 regi nubit. 491.b  
 A viro ludibriis, à Castelmeliorio  
 injuriis affecta ad Petri partes acce-  
 dit. 500. b. & seq.  
 Ad Franciscanarum cœnobium di-  
 vertit. 532.a  
 Litem de matrimonii rescissione in-  
 choat. ibid. b

Dirempto cum rege matrimonio  
 Petro nubit. 536  
 Nicolaus Velasus Minorita, conjuga-  
 tionis in Regem Catholicum nego-  
 tia tractat. 92.b  
 Nitardus pacem cum Lusitano dissua-  
 dere conatur. 436. a  
 Ejus oratio. ibid.

## O.

**O** Digebensis pugna in qua supera-  
 ti Castellenses. 362.a. & seq.  
 Odoardus Bregantii frater, Catholici  
 Regis operâ, apud Germanos custo-  
 diâ detinetur. 58. & seq.  
 Mediolanum traducitur. 43.b. seq.  
 Mortis ejus narratio. 230. & seq.  
 Ognatus Comes omisâ Catalauniâ Lu-  
 sitaniam urgendam censet. 50. a  
 Ejus argumenta. ibid.  
 Olivarius Comes regis Catholici mini-  
 ster. 6.b  
 Dissidia in Gallia fuscitat. ibid.  
 Variis dolis Bregantium circumveni-  
 re conatur. 11.b  
 Ipse suis dolis capitur. 12.a  
 Contra ipsum ministrorum quærelæ  
 apud regem. ibid. b  
 Sidonii cognati crimen diluere co-  
 natur. 104.a  
 Ipsius genus, cultus, vitæque institu-  
 tum. 148.b. & seq.  
 Inter Cæsarem & regem Catholi-  
 cum dissensionum semina jacit. 158.b  
 Lapsus ejus à gratia regis. 169.b  
 Loëccium secedit. 173.b  
 Oppidanorum quorundam in Bregan-  
 tium fides memorabilis. 85.a  
 Ossunensis Dux propugnaculum ex-  
 truit propè Almeidam. 384.b  
 Castellum Roderici adoritur. 397.b  
 Obsidionem solvere cogitur. 399.a  
 Profligatis à Lusitano copiis sibi fuga  
 consulit. 400.a

## P.

**P** Acecus pilâ transfixus occumbit.  
 p. 310.a  
 Pamphilii Cardinalis oratio, ut Lega-  
 tus Lusitanus à Pontificis aditu ar-  
 ceatur.

# Index Rerum.

- cehtur. **118. b**
- Pax inter Gallia & Hispania reges. **p. 108. a.**
- Capitum pacis summa. **ibid.**
- Pax inter Castellenses & Lusitanos. **441. b**
- Pacis conditiones. **442. a**
- Petrus Magallianus Ossunensem Ducem profligar. **400. a**
- Petrus Princeps Lusitanie Alfonsi regis frater. **443. a**
- Ejus indoles. **449. b**
- Nuptias cum Bulloni Ducis filia recusat. **491. b**
- Castelmeliorii expulsionem exposcit **507. b**
- Proceres regni, urbisque Patricii Petri causam se assuturos pollicentur. **p. 511. b.**
- In ejus favorem tumultuatur Ulisippo. **516. b**
- Omnia imperii jura prater regis nomen assumit. **535. b**
- Philippa Villiena in conjuratione pro Bregancio filios accendit, & armat.
- Philippus II. Lusitanie potitur. **4. a**
- Philippus IV. in Aragoniam proficiscitur. **142. b**
- Bellum acius redintegrat in Lusitaniam. **253. a**
- Pacem init cum Gallo. **298. a**
- Severè præcipit, ut Lusitani qui ad fidem reversi fuissent leviter tractarentur. **362. a**
- Febri correptus decumbit. **411. b**
- Medinæ Ducem statuit universi regiminis administrum. **423. b**
- Mutato per dolum codicillo, Martia Aitona, regni tutelam adscribit. **424. b**
- In extremis constitutus proceres regni alloquitur. **425. b**
- monitur. **426. b**
- Ejus mores. **427. a**
- Testamenti ejus series compendiariorum. **ibid. b**
- Pirovani Marchionis mors, & mira canis in eum fidelitas. **379. a**
- Pugna circa Elvum in qua Castellensibus victoria cedit. **82. a**
- Pugna inter venti & Maii colles, in qua Lusitani superiores. **173. b. & seq.**
- R.
- Ragina Gubernatrix Castellæ, Lusitano bello finem imponere desiderat. **430. b**
- Regia Ulisipponis à conjuratis occupatur. **272. b**
- Richelius Cardinalis regni Gallia summus administer. **6. b**
- Varios hostes in Austriacam domum commovet. **ibid.**
- Hortatur Bregantium ad suscipiendum avitum regnum. **8. b**
- Rodericus Silva Dux Ixarensis, conjurationis in regem Catholicum princeps. **140. a**
- Ejus in tormentis sustinendis constantia. **249. b**
- Perpetuo carceri mancipatur. **ibid.**
- Senio confectus interit in arce Legionis. **250. a**
- S.
- Sancius Emanuel Villaflores comes summus Lusitani exercitus dux. **190. a**
- Prosternit Castellensium aciem. **191**
- Elvum obsidioni eximit. **192. b**
- In Transagana regione armorum imperium obtinet. **349. a**
- Eboram negligit. **350. a**
- Vincitur ab Hispanis. **351. a**
- Quos superat ad Odigebense flumen. **369. a**
- Austriaci exercitum delet in Canalia pugna. **374. & seq.**
- Amisam Eboram recipit. **382. a**
- Sarritana Comes Oguelæ Præses. **346. b**
- Postea Eboræ. **382. a**
- Scombergii Comitibus audacia. **310. a**
- Sancium resistentem ad pugnam flectit. **373. b**
- Sebastianus rex Lusitanie in Africa caditur. **3. b**
- Sebastianus Matræ Bracarensis Antistes insidiarum in Bregantium auctor. **p. 82. b. & seq.**
- Diem obit in carcere. **182. a**
- Sidonix Medinæ Dux copiis Castellensibus

# Index Rerum.

sibus præficatur. 54. a  
 In Bœtica regnum sibi parare instituit. 64. a  
 Vallisoleti reliquum vitæ ducere jubetur. 107. b  
 Spinula Cardinalis armorum regimen in Gallæcia suscipit. 192. a  
 S. Stephani Comes exercitus Castellensis dux. 181. a  
 Sauri domus odio publico devovetur. p. 72. a.  
 Sauri filia præclarum pudicitie exemplum edit. ibid.

## T.

**A**D Tertias insulas expeditio. 76. a  
 Theodosius Bregantia Dux phreneticus moritur. 5. a  
 Tingi oppidum in Angli ditionem cedit. 316. b  
 Toralti Marchionis occisio. 84. & seq.  
 Turrensius Marchio, à Catalaunia in Castellam cum armorum imperio transfertur. 193. b  
 Militarem disciplinam restituit. 194. a  
 Peculanter ei obsistit miles. 199. a  
 Fluvium infœliciter obsidet. 211. a  
 Militie missionem perit. 214. b

## V.

**V**Alverdem diripit & incendit Lusitanus. 132  
 Vascus Mascaregnus Valverdis oppidum ab Hispanis restauratum rursus

incendit. 132. b  
 Badajocium obsidet. 182. a  
 Copias retrò abducit. ibid.  
 Exauctoratur à Bregantio. 183. b  
 Velezius Marchio cum ludibrio victus Româ excedit. 219. a  
 Villæ regalis Marchio, ejusque filius Canigna Dux capite plectuntur. 92. a  
 Viverus multa Lusitanorum oppida incendit. 137. a  
 Ulisippo in potestatem Bregantii venit. 27. b  
 Ejus descriptio. 41. b  
 Propter Eboram amissam populus concitatur. 361. a  
 Cantagnedæ & Antistitis Ulisippon, ædes diripit. 362. b  
 Sedatur tumultus. 366. b  
 Urbanus Octavus Cardinalium suffragiis Catholici & Lusitani Oratoris negotium excutiendum relinquit. p. 146. b.

## Z.

**Z**Edofreite Prior causam Ecclesiæ Lusitanæ agens Romæ, ab Hispanis invaditur. 120. a. & seq.  
 Zirolæ Comes Orator Romæ pro rege Catholico turbas concitat. 219. a  
 Pontificis congressu interdicatur. p. 226. b.  
 Legati munere exurus Româ discedit. 229. b

FINIS.















